


Ражелwчajan Dios
реjjamechan



New Testament in Guayabero (CO:guo:Guayabero)

Pajelwujajan Dios pejjamechan
New Testament in Guayabero (CO:guo:Guayabero)

copyright © 2009 Wycliffe Bible Translators, Inc.

Language: Guayabero

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guayabero

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2014-04-25

PDF generated using Haiola and XeLaTeX on 4 Mar 2019 from source files dated 14 Dec 2018
809259d4-ca58-5124-9a05-fd84078a3de3

Contents

San Mateo	1
San Marcos	67
San Lucas	108
San Juan	176
Hechos	226
Romanos	284
1 Corintios	310
2 Corintios	336
Gálatas	353
Efesios	363
Filipenses	371
Colosenses	377
1 Tesalonicenses	383
2 Tesalonicenses	388
1 Timoteo	391
2 Timoteo	399
Tito	404
Filemón	407
Hebreos	409
Santiago	428
1 San Pedro	435
2 San Pedro	442
1 San Juan	446
2 San Juan	452
3 San Juan	453
Judas	454
Apocalipsis	457

Mateo lelpox Jesucristo pejw^uajan

*Ampilap Jesucristo pejw^uajnapijiw
(Lc 3.23-38)*

¹ Xan, Mateo, amxot lelaxaelen Jesucristo pejw^uajnapijiw pejw^ualan. Jesucristo David pamon. Davidbej Abraham pamon.

² Abraham pax^ulan paw^ul Isaac. Isaac pax^ulan paw^ul Jacob. Jacob xabich paxipon. Kaen paw^ul Judá.

³ Judá paxi. Kaen paw^ul Fares. Asan paw^ul Zara. Japi pen paw^ul Tamar. Fares pax^ulan paw^ul Esrom. Esrom pax^ulan paw^ul Aram.

⁴ Aram pax^ulan paw^ul Aminadab. Aminadab pax^ulan paw^ul Naasón. Naasón pax^ulan paw^ul Salmón.

⁵ Salmón pax^ulan paw^ul Booz. Booz pen paw^ul Rahab. Booz pax^ulan paw^ul Obed. Obed pen paw^ul Rut. Obed pax^ulan paw^ul Isaí.

⁶ Isaí pax^ulan paw^ul David. Japon David, reypon Israel t^uajnp^urijw^uliajwa. Rey David pax^ulan paw^ul Salomón. Japon pen paw^ul Betsabé. Japow majt Urías pijow.

⁷ Salomón pax^ulan paw^ul Roboam. Roboam pax^ulan paw^ul Abías. Abías pax^ulan paw^ul Asa.

⁸ Asa pax^ulan paw^ul Josafat. Josafat pax^ulan paw^ul Joram. Joram pax^ulan paw^ul Uzías.

⁹ Uzías pax^ulan paw^ul Jotam. Jotam pax^ulan paw^ul Acáz. Acáz pax^ulan paw^ul Ezequías.

¹⁰ Ezequías pax^ulan paw^ul Manasés. Manasés pax^ulan paw^ul Amón. Amón pax^ulan paw^ul Josías.

¹¹ Josías paxi. Kaen paw^ul Jeconías. Japamatkoiyan judíos b^u'fos esclavosliajwa Babilonia paklowax poxade, jaxotde malech tanbichliajwapi Babilonia paklowaxpijw^uliajwa.

¹² Do baxael, judíos kofas w^ut, japi nawia pejt^uajnp^u poxadin. Do jaw^ut, Jeconías pax^ulanpon. Japon paw^ul Salatiel. Salatiel pax^ulan paw^ul Zorobabel.

¹³ Zorobabel pax^ulan paw^ul Abiud. Abiud pax^ulan paw^ul Eliaquim. Eliaquim pax^ulan paw^ul Azor.

¹⁴ Azor pax^ulan paw^ul Sadoc. Sadoc pax^ulan paw^ul Aquim. Aquim pax^ulan paw^ul Eliud.

¹⁵ Eliud pax^ulan paw^ul Eleazar. Eleazar pax^ulan paw^ul Matán. Matán pax^ulan paw^ul Jacob.

¹⁶ Jacob pax^ulan paw^ul José. José pijow paw^ul María. Japow Jesús pen. Jesúslap Cristo, Dios to'aspon jiw b^u'weliajwa.

¹⁷ David pamjiwkolapikal, Abraham s^uapich, puexa japi catorce. Do baxael, judíos b^u'fos w^ut esclavosliajwa Babilonia paklowax poxade, japi^ubej catorce matxaj^us w^ut, David s^uapich, pamjiwkolakal. Do baxael, Cristo nalaelt w^ut Judea t^uajnp^uxot, japonbej catorce pamjiwkolakal, Babilonia paklowaxxot nawenpi s^uapich.

*Jesucristo nalaelt^upox
(Lc 2.1-7)*

¹⁸ Jesucristo nalaelt w^ut, ma-aech. Jesucristo penaxael^upox, japow paw^ul María. José j^umdut, asamatkoi japow fisliajwapon. Pe José japow b^u'moejs-el w^utfuk, japow moejow Espíritu Santo pejpamamaxtat. ¹⁹ José chiekal pachaempon. Japonliajwa wepachaema-esal tasalalijwapon japow jiw pejw^uajnalel, masoxtat moejow xotow. Samata, José nejchaxoel kofsliajwapon María. ²⁰⁻²¹ José japox nejchaxoelaf^ul w^ut, Dios pej-ángel j^umtispon, xamoejt w^ut: “José, David pamon, j^unabej nejchaxoele' María fis-elalijwam nijowliajwa! María pax^ulch faenaxael. Japon nalaelsaxael Espíritu Santo pejpamamaxtat. Japon asamatkoi jiw b^u'weyaxael. Samata, jw^ulduim Jesús^uw^ultat!” — tis José Dios pej-ángel, xamoejt w^uton.

²² Puexa japoxan ja-aechlisox, me-ama Dios pejprofeta chajia jum-aech:

²³ “Kaeow pawis, chinax poi bu'moejs-esalpaw, masoxtat moejowaxael. Japow paxulchaxael wut, poiyaxael. Pawulaxaelon Emanuel” —aech Dios pejprofeta. (Japawul jumchiliajwa: “Dios xatisxot” —chiliajwa.)

²⁴ José nathikt wut, fitlison María pijowliajwa, me-ama Dios pej-ángel jumtispon, xamoejt wut. ²⁵ José bu'moejs-el María, japow moejow xot. María paxulan nalaelt wut, José wulduw paxulan Jesús wultat. Jum-aechon: “Pawulaxaelon Jesús” —aech José.

2

Ithaej matabijs patpox juimt julanlelsan

¹ Jesús nalaelt Belén paklowaxtat, Judea tuajnu xot. Japamatkoijan Herodes reypon Judea tuajnu xot. Japamatkoijan wut, ithaej matabijs pat juimt julanlelsan Jerusalén paklowaxxot. ² Pat wuti, wuajna chaemt wut, jum-aechi:

—¿Amxotkat nalaelt judíos pejrey? Xanal taenx ithaejt, yamxuch pijan, julan wut juimt julanlelsan. Samata, xanal fulaenx itpaeliajwan sitaeyax japoch yamxuch —aech ithaej matabijs.

³ Rey Herodes japox wultaen wut, xabich nejchaxoelon. Jerusalén paklowaxpijwbej japox wultaen wut, xabich nejchaxoeli. ⁴ Do jawut, Herodes to'a pejjiw wuljaesliajwapi puexa sacerdotespaklochow, judíos chanaekabuana pibej. Japi pat wut Herodesxot, Herodes wuajna chaemt wut, jum-aechon japiliajwa:

—¿Amxotkat nalaelsaxael Cristo, japon to'axaespon Dios? —aech Herodes.

⁵ Japi jum-aech:

—Nalaelsaxaelon Belén paklowaxtat, Judea tuajnu xot. Jasox chajia jum-aech Dios pejprofeta lelpox, jum-aech wut:

⁶ ‘Jiw tato'lan nalaelsaxael Belén paklowaxtat, Judea tuajnu xot. Japon tato'laxael Dios pejjiw, Israel tuajnu pijiw. Samata, Belén paklowax kaes pejme pachaemaxael. Me-ama asapaklowaxan Judea tuajnu xot, jachiyaxil’ —aech Dios pejprofeta chajia lelpox —aech sacerdotespaklochow, judíos chanaekabuana pibej, Herodesliajwa.

⁷ Samata, Herodes maliach wullala ithaej matabijs, japi fulaeliajwadin Herodes poxadin, japon Herodes matabijsliajwa yamxuchliajwa. Ithaej matabijs pat wut Herodesxot, Herodes jum-aech:

—¿Maswutkatjim xamal matxoela taenam japa-ithaejt? —aech Herodes. ⁸ Do jawut, Herodes matabijt wut, to'apon ithaej matabijs Belén paklowax poxade. To'a wut, Herodes jum-aech japiliajwa:

—¡Xabua'de japoxade xaljamch chiekal jalwekaliajwam! Faenam wut, jxan najum-amde, xanbej fulaeliajwan itpaeliajwanbej tajsitaeyax japoch xaljamchliajwa! —aech Herodes.

⁹⁻¹⁰ Do jawut, ithaej matabijs follisi, rey Herodes to'as poxade. Do jawutbej, majt ithaejt taenpox, pejme taeni. Japi taen wut japa-ithaejt, xabich nejchachaemili. Do jawut, japi itafol wut, japa-ithaejt wuajna dukaful. Do baxael, japa-ithaejt napata-ek. Do jawut, japa-ithaejt nakthiandik xaljamch okxot. ¹¹ Do jawut, ithaej matabijs lowlisi ba. Jaxot taenlisi xaljamch, pen suapich, japow pawulpow María. Japi sitaen xot xaljamch, brixtat nuilisi xaljamch pejuajnalel. Do jawut, fafaklisi pejcha-aelbaulx. Do jawut, juk wut, chaxduwlisipon oro, incienso, mirrabej. Puexa japoxan xabich ommaenkpoxan.

¹² Do jawux, ithaej matabijs jumtispi, xamoejt wut: “¡Herodes poxade nabej nawe'!” —tisi. Samata, ithaej matabijs asanumantlel joeya. Jasoxtat ithaej matabijs nawia pejtujnu poxade.

José, pijow suapich, paxulan suapichbej, dukpox Egipto tuajnu poxade

¹³ Ithaej matabijs chijia wut, do japamadoitat, José moejt wut, xamoejton Dios pej-ángel. Do jawut, jumtispon: “¡Nande! ¡Buflaem xaljamch, pen suapich, Egipto tuajnu

poxade! ¡Jaxotde duilmach! Asamatkoi xam pejme jumchiyaxaelen xaljamch bunwiasliajwam. Malis xaljamch pen. Amalis Herodes xaljamch wulwekaxael boesaliajwaspon” —tis, José xamoejt wut.

¹⁴ Dolisdo', José nathikt wut, japamadoitat buflaechlison xaljamch Egipto tuajnu poxade. Malis xaljamch pen. ¹⁵ Egipto tuajnu xot piach duili. Do baxael, Herodes tup wut, pejme kaxa nawenlisi. Me-ama Dios pejprofeta chajia jum-aech Dios jum-aechpox, jum-aech wut paxulanliajwa: “Taxulan wullalaeyaxaelen pejme nawiasliajwa Egipto tuajnu xotdin” —aech Dios jum-aechpox paxulanliajwa.

Herodes keto'apox pejsoldaw yamxi beliajwas

¹⁶ Do jawut, Herodes pajut matabijt wut ithaej matabijs asanumtlet joeyapox, jawut xabich palalapon japiliajwa. Samata, pejsoldaw keto'apon yamxi poejiwkal beliajwapi, kolewaechanpi, kaes jampibej, japi duili Belén paklowaxxot, paklowax tathoetlet duilpi paxibej. Jasox keto'apon, nejchaxoel xot ithaej matabijs chajia jum-aechpox Jesús nalaelsaxliajwa. ¹⁷ Japox ja-aechlisox, me-ama Jeremías, Dios pejprofeta chajia lelpox jum-aech yamxi beyaxaesopoxliajwa:

¹⁸ “Do jawut, puexa jiw jumtaeyaxael xabich wunowpoxan Rama paklowaxxot. Japi watho', Raquel pamojiw, xabich pinjametat wunoeyaxaeli, paxi nejxaejwas xoti. Japi watho' kofaxil paxi nejxaejwasopoxan” —aech profeta Jeremías chajia lelpox.

¹⁹ Baxael, asamatkoi, Herodes tup wut, José Egipto tuajnu xot Dios pej-ángel jumtispon, xamoejt wut: ²⁰ “¡Nathikde! ¡Buflaem yamxulan, pen srapich! ¡Nawem Israel tuajnu poxade, yamxulan boesasiapi, japi puexa chiekal tup xotlisi!” —tis José Dios pej-ángel.

²¹ Do jawut, José nant wut, bu'follison yamxulan Israel tuajnu poxade. Malis yamxulan pen. ²² Jawut, José wultaen wuton Arquelao reypox Judea tuajnu xot pax Herodes pejuwlela, José xabich pejlewla Arquelaoliajwa. Samata, Joséliajwa pachamael namanaliajwapon japatuajnu xot. Madoi José moejt wut, Dios jumtispon. Do jawut, Dios fiachpon namanasamata Judea tuajnu xot. Samata, matnoch xenton Galilea tuajnu poxaliajwade. ²³ José bu'fol pijow, yamxulanbej, duilaliajwa Nazaret paklowaxxot. Samata, Dios pejprofeta chajia jum-aechpox Dios pijaxtat, japox ja-aechlisox. Profeta chajia jum-aech Jesúsliajwa: “Japon Nazaret paklowaxpijnaxael” —aechon.

3

Juan, jiw bautisan, dukpox pajilaxtat

(Mr 1.1-8; Lc 3.1-9, 15-17; Jn 1.19-28)

¹ Do baxael, japamatkoiyan wut, Juan, jiw bautisan, naewuajan jiw pajilaxtat, Judea tuajnu xot, papat wuti japonxot. ² Juan jiw naewuajan wut, jum-aechon: “¡Kofim babijaxan isfulampoxan! ¡Isfuldelax Dios nejxasinkpoxan! ¡Dios puexa pejiw tato'laxaelmatkoi mox pawuajna!” —aech Juan.

³ Isaías, Dios pejprofeta, chajia lelon Juanliajwa. Jaxot jum-aechon, lel wut: “Kaen aton pasaxael. Japon pinjametat jiw naewuajnafulaxael pajilaxtat. Japon jumchiyaxaelbej jiwliajwa: ‘¡Babijaxan isfulampoxan kofim wajpaklonliajwa! Me-ama jiw wuajna numt chiekal chaemt paklon pasliajwa, xamalbej ja-amde nejnejchaxoelaxantat! ¡Isfulde Dios nejxasinkpoxan!’ —chiyaxaelon pajilaxtat” —aech Isaías, chajia lel wut Juanliajwa.

⁴ Juan naxoelox baels camellolatat. Japox pakchowax. Pejcinturónmuat pabu'tkal. Pejnaxaeyax, me-ama sui'. Afpon miel. ⁵ Do jawut, Jerusalén paklowaxpijiw fulaeni Juanlel, taeliajwapi. Fulaenbej Judea tuajnu pijiw. Mox duili Jordánlajtxot, japibej fulaen. Japi jiw fulaen naewesliajwa Juan naewuajanpoxan. ⁶ Japamatkoiyan japi pajut chapaei babijaxan ispoxan Dios beltaeliajwas. Do jawux, Juan japi jiw bautisa Jordánlajtxot.

⁷ Do jawut, xabich fariseos, saduceosbej, fulaenbejpi Juan jiw bautisafulxot. Do jawut, Juan japi jiw taen wut, jum-aechon japiliajwa: “Xamal, me-ama jom, dukpi weliajwa jit boejtaen wut, ja-am. Pe asamatkoi, xamal tupam wut, weyaximil, pat wut kastikamatkoi.

⁸ Samata, ¡kofim babijaxan isfulampoxan! Do jawux, ¡isfulde Dios nejxasinkpoxan! Jasox isfulam wut, jiw matabijaxael, diachwujnakolax xamal babijaxan isfulampoxan kofamlis. ⁹ ¡Xamal nakaewa nabej najum-aech!: ‘Xatis Abraham pamojiwas. Samata, diachwujnakolax Dios xatis nakbu'weyaxael’ —nabej aech' nakaewaliajwa! Pe nakiowa, babijaxan isfulam wut, Dios xamal bu'weyaxil. Dios nejxasink wut, ampa-ia' Abraham pamojiw kiladofaxaelon. ¹⁰ Xamal naebaechnaechan liktam, naboes-elnaechan. Do jawux, jitat it-owam. Jachiyaxaellap-is Dios, xamal kastika wut, naexasis-emil wut Dios” —aech Juan, jiw bautisan, babijaxan ispi liajwa.

¹¹ Juan pejme jum-aech: “Diachwujnakolax xan jiw bautisax mintat, kofa wuti babijaxan isfulpoxan japi Dios naexasisfulaliajwa. Pe mox pawujna kaen fulaeyaxaenpon, japon kaes pejme paklonaxael. Me-ama xan, jachiyaxilon. Xan omjinil japon pejkajachawaesnanliajwa. Fulaeyaxaenpon, japon Espiritu Santo to'axael jiw kajachawaesfulaliajwas. Espiritu Santo pejpamamax, me-ama jit, jiw babijaxan ispi wetoejwaliajwas, japi jiw pachaemaliajwa Diosliajwa. ¹² Lulpijin trigo matbokkiyan, batat cha-owaliajwa trigo. Trigobok, trigotonanbej, pelton lausliajwa. Jachiyaxaelbej fulaeyaxaelpon. Japon tamejaxael jiw pachaempikal Diosxotse, japi jiw, Dios naexasiti. Asew, babijaxan ispi, japi Dios naexasis-eli, pelsaxaes jitadik, itkuawaxil poxadik” —aech Juan puexa jiwliajwa.

Jesús bautisaspo

(Mr 1.9-11; Lc 3.21-22)

¹³ Do jawut, Jesús Galilea tuajnu xot nakolt wut, fulaechon Jordánlajt poxade, Juan bautisaliajwas. ¹⁴ Do jawut, Juanlax jum-aech Jesúsliajwa:

—Xam kaes paklonam. Me-ama xan, jachi-emil. Samata, kaes pachaem xan nawoesa nabautisaliajwam —aech Juan Jesúsliajwa.

¹⁵ Pe Jesús jumnot wut, jum-aechon Juanliajwa:

—¡Xamlax isde japox amwut! Pachaem isliajwas puexa Dios naktato'alpox —aech Jesús Juanliajwa.

Do jawut, Juan ow-aech. ¹⁶ Jawut Juan bautisa Jesús. Jesús julan wut mintat, jawut taenon athu fafachpox. Jawut Espiritu Santo fuloek a-utat japon pejmatwujasik. Me-ama a-ut, kabuan-aech Espiritu Santo. ¹⁷ Do jawut, Dios pajut jum-aechsik: “Amponlap taxulan, xabich nejxasinkaxpon. Xan xabich nejchachaemlax japonliajwa” —aech Dios Jesúsliajwa.

4

Jesús xapaejaspo Satanás

(Mr 1.12-13; Lc 4.1-13)

¹ Do jawux, Jesús Espiritu Santo bu'fos pajilax poxade, jaxotde Jesús xapaejsliajwas Satanás babijax isliajwapon.

² Japamatkoijan Jesús chinax naxae-el cuarenta matkoijan Dios piach kawujnafulaliajwa. Samata, Jesús xabich litaxaela. ³ Do jawut, Satanás fulaen xapaejsliajwapon Jesús babijax isliajwa. Do jawut, Satanás jum-aech Jesúsliajwa:

—Diachwujnakolax xam Dios paxulnam wut, ¡ampi ia' to'im pan nadofaliajwa! —aech Satanás Jesúsliajwa.

⁴ Jesús jumnot wut, jum-aechon:

—Dios pejjamechan, chajia lelspos jum-aech: ‘Jiw duilaxil naxaeyaxankalliajwa. Jiw wewe'pasbej Dios pejjamechan naexasisfulaliajwa’ —aechox —aech Jesús Satanásliajwa.

⁵ Do jawut, Satanás pejme xapaejsliajwa wut, bu'fos Jesús Jerusalén paklowax poxade. Bu'foson Dios pejtemploba matwujase, kaes athu poxase. Jaxotse nosas Jesús. ⁶ Do jawut, Satanás jum-aech:

—Diachwujnakolax xam Dios paxulnam wut, ¡ma amxot diwmik satadik! Xam naxbijaximil sat. Dios pejjamechan, chajia lelspos, jum-aech wut, jum-aechox:

'Dios to'axoek pej-ángeles xam chiekal tataeflaliajwapi. Diwmik wut, xam jaelsabaxaeli naxbijasamatam ia', najalasangamatambej' —aech Dios pejjamechan, chajia lelsbox —aech Satanás Jesúsliajwa.

⁷ Jesús jumnot wut, jum-aechon:

—Xan diwaxinil. Dios pejjamechan, chajia lelsbox, jum-aech wut, jum-aechbejbox: '¡Nabej xapaes nejpaklokolan Dios, asbuan jumch taeliajwam diachwujnakolax xam weyaxaelam wut!' —aech Dios pejjamechan, chajia lelsbox. Xan chiekal matabijtax Dios natataeflafulpox. Xan xapaesaxinil tajpaklokolan Dios —aech Jesús Satanásliajwa.

⁸ Do jawux, Jesús xapaetas wut Satanás, bu'fason pinamux matwujase, xabich athu poxase. Jaxotse Jesús itpaeis potujnuchan, popaklowaxanbej, ampathatat. It-paeisbejpon puexa xabich pachaempoxan, ampathatatpi. ⁹ Do pejme Satanás jum-aech Jesúsliajwa:

—Puexa taenampoxan xam chaxdusaxaelen, xan tajwujnalel brixtat nukam wut, najum-am wutbej: 'Xam xabich pachaemam. Xam tajpaklokolan' —na-am wut —aech Satanás Jesúsliajwa.

¹⁰ Jesús jumnot wut, jum-aechon Satanásliajwa:

—Satanás, ¡chijiamde xanxot! Xam sitaeyaxinil. Dios pejjamechan, chajia lelsbox, jum-aech wut, jum-aechox: 'Kaen, Dios, jiw pejpaklokolan. ¡Japonkal sitaem! ¡Naexasifuldebej!' —aech Dios pejjamechan, chajia lelsbox —aech Jesús Satanásliajwa.

¹¹ Do jawut, Satanás chijia Jesúsxot. Jawutbej Dios pej-ángeles fuloek Jesús kachawaesliajwapi.

Jesús tuadutpox naewujnax Galilea tuajnu xot

(Mr 1.14-15; Lc 4.14-15)

¹² Do jawux, Jesús wultaen Juan, jiw bautisan, jiaspox jiw jebatat. Jawut Jesús nawia'an Galilea tuajnu poxadin. ¹³ Do jawut, nakoltlison Nazaret paklowaxxot dukaliajwa Capernaum paklowaxxot. Japapaklowax Galilea pukababu'tat. Zabolón tuajnu, Neftalí tuajnu bej, jaxot mox. ¹⁴ Dolisdo', ampox ja-aech jachiliajwa Isaías chajia lelpox. Japon chajia lelpox jum-aech:

¹⁵⁻¹⁶ "Zabolón tuajnu, Neftalí tuajnu bej jaxot mox Galilea puka, Jordánlajt wesklel. Jaxot, Galilea tuajnu xot, a sew jiw duil. Japi judíos-el. Japi matabija-el Dios pejtato'laxan. Samata, japi jiw, me-ama duili itkuxataxot, ja-aechi. Pe asajiw naewujnas wuti, japi jiw naexaxisaxael Dios tato'alpox. Ja-aech wut, japibej bu'weyaxaes Dios. Do ja-aech wut, japi pejnechaxoelaxan, me-ama itliak wut, jachiyaxael. Do ja-aech wutbej, japi, me-ama nanuamsaxael itliakaxot" —aech Isaías chajia lelpox.

¹⁷ Do japamatkoian wut, Jesús naewujan wut, jum-aechon: "Wujnawechmatkoi mox pawajna Dios puexa pejjiw tato'laxaelpox. Samata, ¡kofim babijaxan isampoxan, isliajwam Dios nejxasinkpoxan!" —aech Jesús.

Jesús tadutpox cuatro nabaxisiw japon pejnachalaliajwas

(Mr 1.16-20; Lc 5.1-11)

¹⁸ Jesús laeja wut Galilea pukababu'tat, taenpon kolenje nabaxisiw. Kaen pawul Simón. Japon asawul Pedro. Asan pawul Andrés. Japi kolenje nakaewa. Japi xawawael baxi tarayat pukaxot, japi nabaxisiw xot. ¹⁹ Jesús jum-aech japiliajwa:

—¡Xabu'a't! ¡Xan nakfalaem matabijaliajwam xan naewujanaxpoxan! Xamal matabijam nabaxisaxan. Baxi xawawaelam wut, notam. Jaxotatbej xamal itpaeyaxaelen jachiliajwam jiwliajwa, japi jiwbej tajnachalaliajwa, Dios pejjiwaliajwabejpi —aech Jesús japiliajwa.

²⁰ Do jawut, pejew tarayan waela wuti, nakfollisi Jesús.

²¹ Jesús kaes falaech wut, kolenje nabaxisiw taenpon. Japi kolenje, nakaewa. Kaen pawul Santiago. Asan pawul Juan. Japi Zebedeo paxi. Pax suapich, chaemti tarayan

falkamtat. Jesús japi kolenje taduton japi pejnachalaliajwa. ²² Do jawut, pax waeltlisi falkamtat. Jawut japi kolenje nakfollisi Jesús.

Jesús xabich jiw naewuajanpox
(Lc 6.17-19)

²³ Jesús nanuamt puexa Galilea tuajnuot. Naewuajnafulbejpon judíos naewuajn-abachanxot chimiawuajan, Dios puexa pejjiw tato'laxaelwuajan. Boejthutbejpon jiw, nejmachwaxaetat bu'xaenki. ²⁴ Puexa Siria tuajnujijwbej wultaenapi Jesús. Samata, japi buflaen nejmachwaxaetat bu'xaenki Jesús poxadin. Buflaeni xabich nabijati xaeyaxantat. Buflaenbejpi asew dep webaespi pejmatpuatanxot. Buflaenbejpi asew, me-ama na-achapi dep pijaxtat. Buflaenbejpi asew laelpaxilpi. Japi puexa Jesús chiekal boejthut.

²⁵ Xabich jiw Jesús fulafos. Japi Galilea tuajnujijw, Decápolis tuajnujijwbej, Jerusalén paklowaxpijwbej, Judea tuajnujijwbej, Jordánlajt wesklel duilpibej.

5

Jesús naewuajanpox jiw muaxxot

¹ Xabich jiw papat Jesús naewuajanxot jumtaelija japon naewuajanpoxan. Jesús japi taen wut, muax kaesuarpich athuxot ekon japi jiw naewuajnalija. Pejnachala kaes chiekal mox Jesús ekxot. ² Do jawut, Jesús naewuajan pejnachala, xabich asew jiwbej.

Jesús naewuajanpox diachwujnakolaxan jiwliajwa
(Lc 6.20-23)

³ Jesús naewuajan wut, jum-aechon pejnachalaliajwa, xabich asew jiwliajwabej, japamuaxxot: “Jiw pejnechaxoelaxtat jum-aech wut: ‘Dios nakkajachawaes-el wut, xatis wajut isaxisal pachaempoxan’ —aech wuti, nejchaxoel wut, japi jiw Dios kajachawaesaxaes. Ja-aech wut, japi xabich nejchachaemlaxael.

⁴ “Jiw nejxaejwaspi, nabijat xoti ampathatat, japi jiw Dios kajachawaesaxaes pachaemalija. Ja-aech wut, xabich nejchachaemlaxaeli.

⁵ “Jiw pachaempi pejnechaxoelaxantat, japi nejchaxoel wut, nejchaxoela-el ampo: ‘Xan kaes pejme pachaeman. Me-ama asew jiw jachi-enil’ —chi-eli, nejchaxoel wut. Japi jiwlap Dios chaxduiyaxaes pachaempox, chajia jumduchpox. Ja-aech wut, xabich nejchachaemlaxaeli.

⁶ “Jiw isasiapi pachaempoxan Diosliajwa, Dios kajachawaesaxaes isliajwa japoxan. Ja-aech wut, japi jiw xabich nejchachaemlaxael.

⁷ “Asew jiw beltaen wuti asew, japi kajachawaet wutbej asew, japi jiwlap Dios kajachawaesaxaes. Dios beltaeyaxaesbejpi. Ja-aech wut, japi jiw xabich nejchachaemlaxael.

⁸ “Jiw pejnechaxoelax pachaempi Diosliajwa, japi jiw taeyaxael Dios, duil wuti Diosxotse. Ja-aech wut, japi jiw xabich nejchachaemlaxael.

⁹ “Wujanchaemtpi jiw nabe-elalija, padaelmajiw suapich, japi jiwlap Dios paxiyaxael. Ja-aech wut, japi jiw xabich nejchachaemlaxael.

¹⁰ “Jiw nabijatpi asew jiw pijaxtat, naexasisful xoti Dios tato'alpox, japi Dios kajachawaesaxaes. Ja-aech wut, japi jiw xabich nejchachaemlaxael.

¹¹⁻¹² “Xan nanaexasitam xot, asew jiw babejjamechan xamal jumchiyaxael. Isaxaelbejpi babijaxan xamallija. Japibej jumchiyaxael xamallija nejmachkichachaxtat. Ja-aech wut, Dios isaxael xabich pachaempox xamallija japonxotse. Samata, nejchachaemilde! Chajia xamal wujna Dios pejprofetasbej nabijat, asew jiw is wut babijaxan japijwa” —aech Jesús, naewuajan wut japamuaxxot.

Jesús pejnachala ampathatat, me-ama dom pachaempox, me-ama itliakaxbej, ja-aechi
(Mr 9.50; Lc 14.34-35)

¹³ Do pejme Jesús jum-aech pejnachalaliajwa, xabich asew jiwliajwabej, naewuajan wuton muaxxot: “Dom pachaem. Dom xakuenka-el wut, chiekal chaemil. Ja-aech

wut, pachaem thokchaliajwa nuamtat jiw sae'enaliajwa. Xamal ampathatat, me-ama dom pachaem wut, ja-am. Ja-am wut, xamal pachaemaxaelam asew jiwliajwa ampathatat. Pachaema-emil wut asew jiwliajwa, xamal, me-ama dom thokchaxaespi nuamtat, jachiyaxaelam.

¹⁴ “Xamalbej ampathatat, me-ama itliakam wut, ja-am. Itkuataxot itliak wut, puexa jiw chiekal taen, me-ama paklowax muaxmatwujtat wut, ajil namoechaliajwa. Puexa jiw chiekal taeyaxael. ¹⁵ Jiw lampara tamdut wut, cajontat chamatakasaxil. Jiw lax athu cha-esaxael bamuaxnaetat puexa chiekal taeliajwa. ¹⁶ Samata, xamalbej chiekal duilde asew jiw taeliajwa xamal isampoxan! Asew jiw taen wut xamal isampoxan, pachaempoxan, ja-aech wut, japi jiw naksiyaxael chimiajamechan nej-ax Diosliajwa, japon athuxotsepon” —aech Jesús, naewuajan wut muaxxot.

Jesús naewuajanpox jiw Moisés chajia lelpoxliajwa

¹⁷ Do pejmebej, Jesús jum-aech pejnachalaliajwa, xabich asew jiwliajwabej muaxxot: “Xamal nejchaxoelam wut xanliajwa, xamal jum-am: ‘Japon pat toesliajwa Moisés chajia lelpox, Dios pejprofetas lelpoxanbej’ —am xamal xanliajwa, nejchaxoelam wut. Xan pas-enil toesliajwan japoxan. Xan lax patx chiekal isliajwan profetas lelpoxan xanliajwa. ¹⁸ Diachwuajnakolax xan jum-an. Ampathat, thatbaxobej, toepa-el wutfuk, Dios pejtato'lanan, Moisés chajia lelpox, nakiowaxaelfuk. Chinax nafa'axil kaelet. Nafa'axilbej kaejame, Dios pejjame. Puexa Dios chajia jum-aechpox, japoxan diachwuajnakolax jachiyaxael. ¹⁹ Samata, nejmachjiw chiekal naexasis-el wut puexa Dios pejtato'lanan, japi jiw naewuajan wutbej asew jiw chiekal naexasis-elaliajwa puexa Dios pejtato'lanan, ja-aech wut, japi jiw chiekal sitaeyaxisal, Diosxotse wut, Dios tato'alxotse. Pe chiekal naexasitpilax puexa Dios pejtato'lanan, japi naewuajan wutbej asew jiw chiekal naexasisliajwa puexa Dios pejtato'lanan, ja-aech wut, japi jiw xabich sitaeyaxaes Diosxotse, Dios tato'alxotse. ²⁰ Diachwuajnakolax xan jum-an. Xamal naexasisfulde Dios pejtato'lanan! Me-ama fariseos, judíos chanaekabuanaapibej, jnabej ja-aech'e xamal! Xabich kaes naexasisfulde Dios! Jachi-emil wut, xamalbej pasaximil Diosxotse, Dios jiw tato'alxotse” —aech Jesús, naewuajan wut muaxxot.

Jesús jiw naewuajanpox palalasangata

(Lc 12.57-59)

²¹ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “Dios pejjamechan, chajia lelpox, jum-aech wut, jum-aechox wajwuajnapijiwliajwa: ‘jNabej be' asew jiw! Asew jiw bam wut, asew jiw xamal kastika wut, xamalbej beyaxaeli’ —aechox. Xamal chajia japox chiekal matabijam. ²² Pe xamal pejme jum-an ampox. Nejmach-aton palala wut asan atonliajwa, japon aton pejbu'wuajan Diosliajwa. Ja-aech wut, japon aton kastikaxaeson Dios. Nejmach-aton jum-aech wutbej babejjamechan asan atonliajwa, japon aton pejbu'wuajan Junta Supremapijiwliajwa. Samata, japon aton kastikaxaes. Nejmach-aton palala wut, jum-aech wutbejpon asan atonliajwa: ‘Xam atonam nejliaklanam’ —aech wuton asanliajwa, japon aton Dios kastikaxaes infiernoxotdik.

²³⁻²⁴ “Xam xafolam wut nej-ofrenda Diosliajwa, jawut nejchafaetam wut aton palalapon xamliajwa, jawut nej-ofrenda o'e altarxot Dios pejtemplobatat! Jawut xabu'a de japon aton poxade, palalapon xamliajwa! Faenam wut, jchiekal chaemde, japon aton suapich! Do jawux, jkaxa fulaemen nej-ofrenda Dios chaxdusliajwam! Ja-am wut, Dios nejchachaemlaxael nej-ofrendaliajwa.

²⁵ “Xam babijax isam wut asanliajwa, japon xam bu'fol wut juez poxade jumchiliajwapon nejbu'wuajanpoxliajwa, kaes pejme pachaem tamach chaemsliajwam japox wuajan, japon suapich, pas-emil wutfuk juezxot. Japox wuajan chaems-emil wut, japon xam wasaxael juezxot jumchiliajwa nejbu'wuajanpoxliajwa. Do jawux, japon xam wasaxael soldawxot xam jeliajwa jiw jebatat. ²⁶ Diachwuajnakolax xan jum-an: ‘Japon

japox is wut, xam nakolsaximil jiw jebaxot, hasta puexa japoxan mos-emil wut' —an xan" —aech Jesús pejnachalaliajwa, xabich asew jiwliajwabej.

*Jesús naew*uajanpox poejiw pakmola nejchaxoelasamata asew watho' bu'moejsaxan

²⁷ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “Moisés chajia lelpox jum-aech: ‘¡Nabej bu'moejs asew watho', nijwa-elpow!’ —aechox. Xamal chajia japox matabijam. ²⁸ Pe amwutjel, xan jum-anlax ampox. Xam pawis taenam wut, bu' moejsax bu'nejchaxoelam wut, ja-am wut, isam babijax japonejchaxoelaxtat japow pawisliajwa.

²⁹ “Isam wut babijax, taenam pox nej-itfut, ja-am wut, kaes pejme pachaemaxael najut na-itfukusliajwam. Do jawux, jnej-itfut kutampox atuaj fo'im xamxot! Ja-am wut, kaes pejme pachaemaxaelam nej-itfut kaeyax, nafo'a wut, Dios xam fo'asamata infierno poxadik. ³⁰ Isam wut babijax nejpoklake-etat, najut naketariowcham atuaj fo'aliajwam. Ja-am wut, kaes pejme pachaemaxaelam, xam nejke-e nafo'a wut, Dios xam fo'asamata infierno poxadik” —aech Jesús, naewuajan wut muaxxot.

*Jesús naew*uajanpox poejiw, pels-elaliajwa pejwatho'

(Mt 19.9; Mr 10.11-12; Lc 16.18)

³¹ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “Moisés chajia lelpox jum-aech: ‘Aton pijow fo'asia wut, japon pelfut lelaxael pijowliajwa. Japapelfutxot lelaxaelon, ma-aech xot fo'axaelon pijow. Do jawux, chaxdusaxaelon pijow japapelfut' —aechox. ³² Pe amwutjel xan jum-anlax ampox. Poi asbuan jumch masoxtat pijow fo'axil, japow asan poi bu'moejs-el wut. Pe nakiowa, japon masoxtat pijow fo'a wut, ja-aech wut, japon pejbu'wuajan Diosliajwa. Asan aton fit wutbej fo'aspow, bu'moejtas wutbejpow, ja-aech wutbej, japowbej pejbu'wuajan Diosliajwa. Japon fo'aspow fit xot, japonbej pejbu'wuajan Diosliajwa, bu'moejt xoton fo'aspow, Diosliajwafuk japow nakiowa pamal” —aech Jesús pejnachalaliajwa, xabich asew jiwliajwabej.

*Jesús jiw naew*uajanpox, machiyaxaeli, jumduw wut isaxaelpoxanliajwa

³³ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “Xamal jumtaenambej nejwuajnapijiw tato'laspox Dios. Japox jum-aech: ‘Xam jumdutam wut isaxaelampox Diosliajwa, japox chiekal isde!’ —aechox. ³⁴ Pe xan jum-an. Jumduwam wut isaxaelampox, ¡kaes asaxantat nabej jumdui! Jumduwampoxan isaxaelam wut, ¡chiekal jum-amde! ¡Kaes asax nabej jum-aeche' asew jiw asbuan jumch xamal naexaxisliajwa jumduwampoxanliajwa! ¡Nabej jum-aeche': ‘Diachwuajnakolax xan isaxaelen jumdutxopox, Dios pijaxtat jumdutxxot’ —nabej aeche'! ¡Nabej jum-aeche'bej: ‘Diachwuajnakolax xan isaxaelen jumdutxopox, puexa athuxotse pijaxtat’ —nabej aeche', Dios pajut jaxotse duk xot! ³⁵ ¡Nabej jum-aeche'bej: ‘Diachwuajnakolax xan isaxaelen jumdutxopox, jumdutxxot puexa ampathat pijaxtat’ —nabej ja-aeche', Dios is xot ampathat! ¡Nabej jum-aeche'bej: ‘Diachwuajnakolax xan isaxaelen jumdutxopox, jumdutxxot Jerusalén paklowax pijaxtat’ —nabej aeche'bej, Dios kaen wajpaklokolan japon pejpaklowax xot! ³⁶ ¡Nabej jum-aeche'bej: ‘Diachwuajnakolax xan isaxaelen jumdutxopox, tajnejchaxoelaxtat jumdutx xot’ —nabej aeche' asanliajwa, xamal papoeilat kiladofaximil nejmatlat xot! ³⁷ Jumdutampox isaxaelam wut, ¡chiekal jum-amde: ‘Xan japox isaxaelen’ —amde! Is-elasiam wut, ¡kamta chiekal jum-amde: ‘Xan japox isaxinil’ —amde! Kaes asaxan jumchiyaximil. Kaes asaxan jum-am wut, pelisdo' xam jumchiyaxaelam Satanás pijaxtat” —aech Jesús.

*Jesús naew*uajanpox jiw babijaxan ispi, japiliajwa babijaxan is-elaliajwa

(Lc 6.29-30)

³⁸ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “Moisés chajia lelpox jum-aech: ‘Aton nej-itfut tabejt wut, japon

pej-itfutbej xam tabejde! Aton nejbua't jala wut, jupon aton pejbua'tbej xam jalim!' — aech Moisés chajia lelpox. ³⁹ Pelax xan jum-an. Aton babijax is wut xamliajwa, jxam nabej is babijax japonliajwa! Asan xam xutula wut, japaem asaxulelbej tulaliajwapon! ⁴⁰ Asan xam dewatam xot, japon jumchisia juez pejwajnalel xam dewatampoxanliajwa. Jawut, japon wuljow wut nejkamis, japox chaxdu'e! jChaxdu'ebepoxon thuch naxoelampox! ⁴¹ Soldawan xam xato'a wut kaekilómetro xalaeyax, jxam xalaem kolekilómetros! ⁴² Nejmach-aton, xabich wewe'paspon wut, japon wuljow wut malech, jchaxdu'e wuljowpox! Asan xam wuljow wut nijax, jel nabej aeche'!" — aech Jesús, jiw naewuajan wut muaxxot.

Jesús naewuajanpox pejnachala nejxasinkaliajwa padaelmajiw
(Lc 6.27-28, 32-36)

⁴³ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “Moisés chajia lelpox jum-aech: ‘jNejxasinkde nejnachala! jPelax nejweslade nadaelmajiw!’ — aechox. Xamal japox chiekal matabijam. ⁴⁴ Pelax amwutjel xan jum-an. jXamal nejxasinkde nadaelmajiw! jJapiliajwa Dios kawuajandebej, japi is wut babijaxan xamalliajwa! ⁴⁵ Ja-am wut, japi jiw matabijaxael, nej-ax Dios, japon paximpim, athuxotsepon. Nej-ax Dios to'a masxaeyax jiw babejchowliajwa, pachaempiliajwabej. To'abejpon iam babejchowliajwa, pachaempiliajwabej. ⁴⁶ Xamal nejxasinkam wut xamal nejxasinkpikal, ja-am wut, xamal is-emil pachaempox asew jiwliajwa. Impuesto kenoti Roma gobiernoliajwa, japibej nakaebabejchow nanejxasink. ⁴⁷ Kejacham wut xamal nejxasinkpikal, ja-am wut, xamal kaes pejme pachaempox is-emil asew jiwliajwa. Dios naexasis-elpi, japibej nakaewa nakejacha. ⁴⁸ jIsfulde puexa pachaempoxan! Me-ama nej-ax Dios, athuxotsepon, isful pachaempoxan, jxamalbej jamamsfulde!” — aech Jesús, naewuajan wut muaxxot.

6

Jesús jiw naewuajanpox isliajwa pachaempoxan

¹ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “Isaxaelam wut pachaempoxan, japoxan isde! Japoxan isaxaelam wut, jnabej is asbuan jumch asew jiw xamal taeliajwa pachaempoxan isampoxan! Japoxan isaxaelam wut asbuan jumch asew jiw taeliajwa, ja-am wut, nej-ax Dios, japon athuxotsepon, chaxduiyaxil jumdutpoxan.

² “Samata, kejila kajachawaetam wut, jasew jiw nabej lae', japi taeliajwa xamal kajachawaetampox! Asew jiw lam wut kajachawaetampox taeliajwa, ja-am wut, xamal, me-ama naekichachajbapijiw jachiyaxaelam. Naekichachajbapijiw pat wut judíos naewuaj nabachanxot, japi kajachawaet kejila, o, paklowaxthialaxanxot wutbej, japi japoxan is asew jiw taeliajwas. Diachwujnakolax xan jum-an. Japi asew jiw sitaens xot, japox, me-ama moch wut, jatispi. Samata, Dios mosaxisal japi jiw. ³ Xamallax kejila kajachawaetam wut, jnabej chapae' asan aton! Nejnachalan, kaes nejxasinkamponbej, jnabej chapae'! ⁴ Kejila kajachawaetam wut, jkajachawae'e maliach! Do jawut, nej-ax Dios, taenpon maliach isampoxliajwa, japon xamal mosaxael maliach kajachawaetampoxliajwa kejila” — aech Jesús, naewuajan wut muaxxot.

Jesús chanaekabuanapox pejnachala, jumchiyaxaeli, Dios kawuajan wut
(Lc 11.2-4)

⁵ Do pejme kaes Jesús jum-aech pejnachalaliajwa, xabich asew jiwliajwabej, chanaekabuanana wut muaxxot: “Xamal Dios kawuajnam wut, jnabej kawuajne', me-ama naekichachajbapijiw! Japi Dios kawuajan wut, nejxasink nuilaliajwa asew jiw pejwajnalel judíos naewuaj nabachanxot, o, paklowaxthialaxanxot wut. Diachwujnakolax xan jum-an. Japi asew jiw sitaens xot, me-ama moch wut, jatispi. Samata, Dios mosaxisal japi. ⁶ Xamallax Dios kawuajnam wut, jfulaem nejba poxade, Dios kawuajnalijwam wut! Ba

lowam wut, ba faka'tam wutbej, do jawut, ¡nej-ax Dios kawuajande! Do jawutbej, nej-ax Dios, japon matabijtpon maliach isampoxanliajwa, japoxanliajwa xamal mosaxaelon.

⁷“Dios kawuajnam wut, ¡kaeyaxkal nabej kawuajne! Me-ama Dios matabija-eli kaeyax kawuajnak, ¡xamal nabej ja-aeché! Japi nejchaxoel chiekal matabija-elaxtat: ‘Kaeyax kawuajnakas wut, Dios naknaewesaxael’ —aechi asbuan jumch, nejchaxoel wut. ⁸ Xamal, me-ama japi, ¡nabej ja-aeché! Nej-ax Dios chajia chiekal matabijt xamal wewe'ppoxan, japon wuljoe-emil wutfuk. ⁹ Samata, xamal Dios kawuajnam wut, jum-amde:

‘Ax Dios, xam athupijnam, ¡puexa jiw xam nej sitae!’

¹⁰ ¡Puexa nejjiw tato'laxaelammatkoi nej tuadus! Amwutjel xamxotse puexa nej-ángeles isful, me-ama xam nejxasinkam. Jasoxtatbej puexa jiw, ampathatpijiw, ¡nej is xam nejxasinkampoxan!

¹¹ ¡Ma amwut xanal naxaeyaxan nachaxduim, nawewe'ppoxan!

¹² ¡Xanal nabeltaem babijaxan isxpoxanliajwa! Me-ama asew jiw xanal beltaenx, japi babijaxan is wut xanalliajwa, ¡ja-amdebej xanalliajwa!

¹³ ¡Nabej tapae' Satanás xanal naxapaejalijwa, babijaxan isasamatan! ¡Xanal naka-jachawae'e babijaxan isasamatan! [Xam kaenam paklokolnam. Kaenambej kaes pejme xabich mamnikamponam. Xam kaenam xabich pachaemamponambej pomatkoichaliajwa. ¡Nej ja-aechfule'bej japox!'] —amde, Dios kawuajnam wut!” —aech Jesús, naewuajan wut muaxxot.

¹⁴ Do kaes pejme Jesús jum-aech pejnachalaliajwa, xabich asew jiwliajwabej, naewuajan wuton muaxxot: “Asew jiw beltaenam wut, japi babijaxan is wut xamalliajwa, ja-am wut, nej-ax Dios, athuxotsepon, beltaeyaxael xamal babijaxan isampoxanliajwa japonliajwa. ¹⁵ Xamal asew jiw beltae-emil wut, nej-ax Diosbej xamal beltaeyaxil” —aech Jesús, naewuajan wut muaxxot.

Jesús naewuajan pejnachala machiyaxaeli, naxae-el wut piach Dios kawuajnalijwa wut

¹⁶ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “Xamal naxae-emil wut Dios piach kawuajnalijwam, ¡nejxuchantat nabej tampae! Me-ama naekichachajbapijiw, ¡nabej ja-aeché' xamal! Xan diachwuanjakolax jum-an. Japi asew jiw sitaens xot, me-ama moch wut, jatispi. Samata, Dios mosaxisal japi jiw. ¹⁷ Xamal naxae-emil wut, Dios piach kawuajnalijwam wut, ¡min xukia'e! ¡Chiekal nachaemdebej! ¹⁸ Jasox isam wut, asew jiw matabijaxil xamal naxae-emilpox, Dios piach kawuajnalijwam wut. Nej-ax Dios, xamal taeyaximilpon, japonkal taeyaxael. Do jawut, nej-ax Dios matabijsaxael maliach isampox. Ja-am wut, Dios xamal mosaxael” —aech Jesús, naewuajan wut muaxxot.

Jesús naewuajanpox pejnachala ommaenkpoxan Diosxotse

(Lc 12.33–34)

¹⁹ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “¡Nabej nejchaxoele' owaliajwam ommaenkpoxan ampathatat! Ampathatat owam wut ommaenkpoxan, japoxan toepaxael. Xoepaxaelbej. Kethaka nosaxaelbej japoxan. ²⁰ ¡Chiekal nabichfulde Diosliajwa! Ja-amfulam wut, pachaempoxan xamalliajwaxael Diosxotse. Jaxotse toepaxil. Xoepaxilbej. Kethaka ajilaxaelbej xamal wenosliajwa. ²¹ Diosxotse, jaxotse Dios xamal chaxduiyaxael pachaempoxan. Samata, nejchaxoelafulaxaelam pasliajwam Diosxotse” —aech Jesús, naewuajan wut muaxxot.

Jiw pej-itfutan, me-ama lámparas wut, ja-aechpox

(Lc 11.34–36)

²² Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “Lámparas chiekal itliak wut, puexa jiw batu chiekal taen. Ja-aechbej nej-itfutan. Xamal chiekal taenam, nej-itfutan pachaem wut. ²³ Nej-itfutan chaemil wut, xamal chiekal taeyaximil. Me-ama itliaklan wut, jachiyaxaelam.

Jachiyaxaelbej nejnejchaxoelaxan. Dios we-italiafa wut nejnejchaxoelaxan, ja-aech wut, nejnejchaxoelaxan chiekal pachaemaxael. Ja-am wut, Dios tato'alpox nejxasinkaxaelam isfulalijwam. Chiekal duilaxaelambej. Pachaema-el wutlax nejnejchaxoelaxan, Dios naexaxisaximil. Samata, ¡chiekal taem nejchaxoelampoxanliajwa! Babijaxan nejchaxoelam wut, ja-am wut, nejnejchaxoelax, me-ama itkuatax wut, jachiyaxael. Do ja-aech wut, xamalbej babejchow nadofaxaelam. Ja-am wut, xan nanaexaxisaximil” —aech Jesús, naewuajan wut muaxxot.

Nabichan kolenje wut pejpaklochow, japilijwa japon chiekal najupatanbichaxilpox (Lc 16.13)

²⁴ Do pejme kaes Jesús jum-aech pejnachalalijwa, xabich asew jiwliajwabej, chanaek-abuana wut muaxxot: “Nabichan kolenje wut pejpaklochow, japilijwa chiekal najupatanbichaxil. Kaen paklonliajwa chiekal tanbichaxaelon. Asan paklonliajwa chiekal tanbichaxilon. Ja-aechlap-is nejxasinki Dios. Japi nejchaxoel wut platakal, japi chiekal nabichaxil Diosliajwa” —aech Jesús, naewuajan wut muaxxot.

*Dios tataeful*lpox jiw xanaboejapi japon (Lc 12.22–31)

²⁵ Do pejme kaes Jesús jum-aech pejnachalalijwa, xabich asew jiwliajwabej, naewuajan wuton muaxxot: “Xan ampox jum-an xamallijwa, xabich nejchaxoelasamatam xaelijwampoxan, felijwampoxanbej. ¡Xabich nabej nejchaxoele'bej naxoelajwampoxan! Duila-esal naxaeyaxkallijwa. Duila-esalbej naxoekallijwa. Dios nakchaxduiful nakwewe'ppoxan duilalijwas japoxantat. Samata, Dios nakchaxduiyaxael naxaeyaxan, naxoebej. ²⁶ Xamal taenam mia, papun wut. Japi mutha-el naxaeyaxan. Jola-elbejpi cha-owalijwa naxaeyaxan. Pe nakiowa, nej-ax Dios, athupijin, chaxduiful naexaeyaxan mia xaelijwa. Dios xamal kaes pejme nejxasink. Me-ama mia nejxasink wut, jachi-elon. Samata, nej-ax Dios xamal chiekal tataeflful. ²⁷ Ja-aech wut, ¿ma-aech xotkat xamal nejchaxoelam japoxanliajwa? Japoxan xabich nejchaxoelam wut, kaes matkoijanliajwa laepaximil.

²⁸ “¿Ma-aech xotkat xabich nejchaxoelam naxoelajwampoxan? ¡Taem naetalan, chimiatalan, yotat! Japi ti't wut, nabich-el chimialijwa. Pe puexa chimiapi. ²⁹ Xan jum-an. Rey Salomón, japon wajwuajnapijin, pejew naxoe xabich chimia. Naxoeipon chimia, kemaenk xot. Pe naetalan kaes chimiatalan. Me-ama rey Salomón pejew naxoe, jachi-el. ³⁰ Pola ti't wut yotat, Dios pijaxtat natala wut, nakola chimiatalan. Pe piachliajwa-el. Kaematkoijanliajwa asbuan jumch. Do jawux, selil wut, tur. Do jawut, tamejas lausliajwas. Pelax Dios xabich kaes tataeflaxael xamal. Me-ama naetalan tataeful wut, jachiyaxilon. Samata, ¡Dios chiekal xanaboejim naxoelajwam chimia, kaesupich wut nejxanaboejaxan Diosliajwa! ³¹ Samata, ¡xabich nabej nejchaxoele' xaelijwampox, felijwampoxbej! ¡Xabich nabej nejchaxoele'bej naxoelajwampi! ¡Pelax Dioskal xanaboejim! ³² Jiw matabija-eli Dios, japi xabich nejchaxoelaful japoxanliajwa. Nej-ax Dios, athupijin, matabijt xamal wewe'ppoxan. ³³ Samata, amwutjel kaes pejme pachaem xamal Dios naexaxisfulalijwam, japon kaen nejpaklokolan. ¡Isfulde Dios jum-aechpoxan! Japox isam wut, Dios xamal chaxduiyaxael puexa wewe'ppoxan. ³⁴ Samata, ¡xabich nabej nejchaxoele' asamatkoi jachiyaxaelpoxliajwa! ¡Kofim nejchaxoelampox kandiawalijwa! Samata, ¡ma amwut najutliajwa nejchaxoelde, machiyaxaelam amwut! Ja-aech wut, Dios chaxduiyaxael xamal wewe'ppoxan” —aech Jesús, naewuajan wut muaxxot.

7

Jesús buxfiatpox pejnachala, japi jumchisamata: “Japi jiw babejchow xot, wewe'pas Dios kastikaliajwas” —chisamatapi (Lc 6.37–38, 41–42)

¹ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “¡Xamal asew jiwliajwa nabej jum-aech!: ‘Ampi jiw babejchow. Samata, Dios kastikaxaesi’ —nabej aeche! Jasox jum-am wut asew jiwliajwa, asamatkoi Dios xamal jumchiyaxaelbej: ‘Xamal babejchowambej. Samata, xamalbej kastikaxaelen’ —chiyaxael Dios xamalliajwa. ² Jasoxtat Dios jumchiyaxael xamal, asew jiwliajwa jum-am xot: ‘Ampi jiw babejchow. Samata, kastikaxaesi’ —am xot. Chaxduwam wut asew jiw wewe'paspoxan, ja-am wut, Dios xamal chaxduiyaxael wewe'ppoxan. ³ Xamal najut kaes babijaxan isam wut, ¡nabej fias, asan aton babijax is wut! Aton, asan kajachawaesasia wut, cha-aelaxach ast it-okspan, japon pajutlax kaes pejme pinjiyax naetamat it-oks wut, jasoxtat japon aton, asan kajachawaesaxil. ⁴ Xamal najut kaes babijaxan isfulam wut, ¡asan nabej jum-aech!: ‘¡Natapaem xam kajachawaesliajwan babijax is-elaliajwam!’ —nabej aeche! ⁵ Ja-am wut, xamal naekichachajbapijwaxaelam. ¡Matxoela kofim najut babijaxan isampoxan! Do jawux, asan kajachawaesaxaelam, japon kofsliajwa babijaxan ispoxan.

⁶ “Xamal matabijam ampox. Wur duajsaximil Diosliajwapox. Wur, palalapi, duajtam wut Diosliajwapoxan, wur bej liklaxaelbej xam. Maranxotbej owaximil ommaenkpoxan. Maranxot japoxan owam wut, maran japoxan asbuan jumch sae-enaxael” —aech Jesús, naewuajan wut muaxxot. (Samata, jiw sitae-el wut naewuajnaspoxan Diosliajwa, japi jiw kaes naewuajnaxisal.)

*Jesús naewuajanpox pejnachala, japi wewe'paspoxan wuljoeliajwapi Dios
(Lc 11.9–13; 6.31)*

⁷ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “¡Dios wuljoem wewe'ppox! Wuljowampox japox Dios chaxdusaxael. Wulwekam wut wewe'ppox, japox faenaxaelam Dios pejkajachawaesaxtat. Xamal Dios kawuajnam wut, me-ama bafafaxot lam wut, ja-am xamal Dios kajachawaesliajwa. ⁸ Wuljoefulpon wewe'paspox, japon Dios chaxdusaxaes. Wulwekafulpon japonbej faenaxael Dios pejkajachawaesaxtat. Dios kawuajnafulpon, japonbej Dios kajachawaesaxaes isliajwa japox.

⁹ “¡Xamalxot naxi wuljow wut pan, xamalkat xajupaxaelam naxulan chaxdusliajwam ia't? ¹⁰ Naxulan baxin wuljow wut, chaxdusaximil jom. ¹¹ Xamal babejchowam matabijam naxi chaxduiliajwam pachaempoxan. Nej-ax Dios, athupijin, kaes pejme pachaem. Samata, nej-ax Dios pachaempoxan xamal chaxduiyaxael, xamal wuljowam wut.

¹² “Samata, ¡matxoela isfulde pachaempoxan asew jiwliajwa! Me-ama xamal nejxasinkam asew jiw isliajwa pachaempoxan xamalliajwa, ¡japoxlap isfulde japi jiwliajwa! Jasoxtat naexaxisfulaxaelam puexa Moisés chajia lelpox, Dios pejprofetas chajia lelpoxbej” —aech Jesús, naewuajan wut muaxxot.

*Asew jiwliajwa xabich tampoelpox, japi naexaxisliajwa Dios
(Lc 13.24)*

¹³ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “¡Laleyax cha-aelaxachlel lem pasliajwam Diosxotse! Laleyax pinjiyax, nuamt pinjitpotbej, japoxan koleyax, pasliajwa infiernoxotdik. Samata, xabich jiw fulalaek japoxadik, tup wuti ampathatat, kaes tampa xot fulaeliajwadik. ¹⁴ Laleyaxach tampoel jiw leliajwa pasliajwa Diosxotse. Nuamtbej cha-aelaxach. Samata, tampoel jiw fulaeliajwa pasliajwa Diosxotse. Ja-aech xot, kaesupich jiw jaxotse pat, tup wuti ampathatat” —aech Jesús, naewuajan wut muaxxot.

*Pejbaech pachaem wut, matabijas japanae pachaempox
(Lc 6.43–44)*

¹⁵ Do pejme kaes Jesús jum-aech pejnachalaliajwa, xabich asew jiwliajwabej, naewuajan wuton muaxxot: “¡Chiekal taem naekichachajbapijiwliajwa! Japi jiw, me-ama Dios

pejprofetas wut, jachiyaxaeli. Pe japi profetaxil. ¡Nabej tapae' japi jiw xamal naekichachajbaliaw! Japi jiw, me-ama pachaem wut, jachiyaxaeli. Pe pejnechaxoelaxan xabich chaemil. Puexa japi naewuajanpoxanbej, xabich chaemil asew jiwliaw. ¹⁶ Xamal matabijaxaelam japi ispoxantat. Japi jiw, me-ama na-e'naechan. Japanaechan naboessel chimiabaech. Samata, japi jiw wejisa pachaempoxan Diosliaw, naekichachajbapijiw xot. ¹⁷ Pachaemnae naboet wut, pachaembej pejbaech. Chaemilnae naboet wut, chaemil pejbaechbej. ¹⁸ Pachaemnae naboesaxil pejmachbaech. Chaemilnae naboesaxilbej pachaembaech. ¹⁹ Samata, puexa naebaechnaechan, pachaema-eli, japanaechan liksaxaes lausliaw. ²⁰ Jachiyaxaesbej jiw, chaemili. Xamal chiekal matabijaxaelam, japi is wut babijaxan” —aech Jesús, naewuajan wut muaxxot.

Jesús naewuajanpox kaesupich jiw pasaxaelpox Diosxotse
(Lc 13.25-27)

²¹ Do pejme kaes Jesús jum-aech pejnachalaliajwa, xabich asew jiwliawbej, naewuajan wuton muaxxot: “Jiw pasaxael Diosxotse, isful wut taj-ax Dios nejxasinkpoxan. Asew jiw asbuan jumch jum-aech wut xanliaw: ‘Jesús tajpaklon’ —aech wuti, japi pasaxil Diosxotse, is-el xoti Dios nejxasinkpoxan. ²² Kastikamatkoi pat wut, xabich jiw jumchiyaxael xanliaw: ‘Tajpaklon, xanal jiw xabich naewuajna xamliaw. Nijaxtat xabich dep to'ax nakolaliajwa jiw pejmatruatanxot. Koechaxanbej isx xam nijaxtat’ —chiyaxael japi jiw xanliaw. ²³ Xanlax tulaela jumchiyaxaelen japi jiwliaw: ‘¡Chijiamde xanxot, xamal babijaxan isampim! Chinax xamal matabijs-enil’ —chiyaxaelen” —aech Jesús, jiw naewuajan wut muaxxot.

Jesús naksiyapox kolebaliaw
(Lc 6.47-49)

²⁴ Do pejme kaes Jesús jum-aech pejnachalaliajwa, xabich asew jiwliawbej, naewuajan wuton muaxxot: “Jiw chiekal naewet wut naewuajnapox, naexasit wutbejpi tajtato'lanan, japi jiw chiekal nejchaxoel. Samata, japi jiw, me-ama bachan ispi sat tinkxot wut, ja-aechi. ²⁵ Iam thilan wut, pinamin wutbej, xabich pinajoewa wutbej, japabachan taxu'palaxil, chiekal isas xot sat tinkxot. ²⁶ Xan naewuajnapox jiw naewet wut, pe naexasis-el wuti xan tato'laxpoxan, japi jiw, me-ama matabijsla wut, ja-aechi. Japi, me-ama bachan iapi thaejtat. ²⁷ Iam thilan wut, pinamin wutbej, xabich pinajoewa wutbej, japabachan chiekal jawal, japabachan ias xot thaejtat. Chiekal toepaxaelbej japabachan” —aech Jesús, naewuajan wut muaxxot.

²⁸ Do jawut, Jesús naewuajna buxtoet wut, japi jiw jum-aech: “Jesús naewuajanpoxan xabich pachaem” —aechi. ²⁹ Jasox jum-aechi, Jesús naewuajan xot Dios pijaxtat. Jesús naewuajan wut, me-ama judíos chanaekabuanapi, jachi-elon.

8

Jesús boejthutpox bu'xaenkpon leprawaxaetat
(Mr 1.40-45; Lc 5.12-16)

¹ Dolisdo', Jesús jiw naewuajna buxtoet wut, buelok wuton muaxxot, xabich jiw fulafoson. ² Jawut leprawaxaetat bu'xaenkpon, fulaenon Jesúslel. Pat wuton Jesúsxot, brixtat nukon Jesús pejwajnalel sitaeyax itraeliajwa Jesúsliaw. Do jawut, jum-aechon: —Tajpaklon, xan matabijtax xam xajupampox xan naboejthusliawam. Naboejthusasian wut, ¡naboejthu'e! —aech leprawaxaetat bu'xaenkpon.

³ Jesús pejke-etat jacha wut, jawut Jesús jum-aech bu'xaeyanliaw:

—Xam boejthusasian. Malis xam boejthutx —aech Jesús japonliaw.

Do jawut, kamta japon chiekal boejthulslison leprawaxae. ⁴ Do jawut, Jesús pejme jum-aech:

—¡Asew jiw nabej chapae' xam boejthutpox! ¡Matxoela fulaemch sacerdote poxade, japon xam taeliajwa boejthulpox leprawaxae! Do jawux, ¡Dios chaxdu'e, me-ama Moisés

chajia lelpox jəm-aech, leprawaxae xam chiekal boejthul xot! Jasoxtat jiw matabijaxael xam boejthulpo x leprawaxae —aech Jesús japonliajwa.

*Jesús boejthutpox soldawcapitán pamakan
(Lc 7.1-10)*

⁵⁻⁶ Jesús pat wut Capernaum paklowaxxot, jawut soldawcapitán, Roma gobiernoliajwa nabistpon, pat Jesúsxot. Soldawcapitán wuljow wut, jəm-aechon Jesúsliajwa:

—Tajpaklon, tamakan ok camatat tajbatat. Japon nansaxil. Laejaxilbejpon. Xabich nabijaton xaenkpoxantat —aech soldawcapitán Jesúsliajwa.

⁷ Do jawut, Jesús jəm-aech soldawcapitánliajwa:

—Xam nakfulaeyaxaelen nejba poxade namakan boejthusliajwan —aech Jesús.

⁸ Do jawut, soldawcapitán jəm-aechon Jesúsliajwa:

—Tajpaklon, xan xabich pachaema-enil xam leliajwam tajba, xam kaes pejme pak-
lokolnam xot. Ma amxot waxae to'am wut, tamakan chiekal boejthulaxaes. ⁹ Xanbej
tajpaklochow. Japi naketo'a wut, xan tajut ow-an. Xanbej soldawcapitánan. Kaen
soldawan keto'ax wut, japon na-ow-aech. Asan lax wut, japon fulaen. Tamakanbej
keto'ax wut, keto'axpox japon chiekal jinawe-is. Xambej jiw tato'lanam. Samata, ma
amxot waxae to'am wut, tamakan chiekal naweboejthulaxaes —aech soldawcapitán
Jesúsliajwa.

¹⁰ Jesús japox jəmtaen wut, nejchaxoelanukon, capitán xabich xanaboejtaspox.
Samata, Jesús jəm-aech puexa jiw jəmtaeliajwa:

—Diachwajnakolax xan jəm-an. Israel tuajnuxot xan xabich naxanaboejtpon, me-
ama ampon capitán, jason tae-enil —aech Jesús jiwliajwa. ¹¹ Do pejme Jesús jəm-aech
japi jiwliajwa:

—Xamal jəm-an ampo x. Xabich jiw, pothatapijiw, japi judíos-eli, pasaxael Diosxotse.
Jaxotse chalaxaxaeli naxaeliajwa, wajwajnapijiw swapich. Abraham, Isaac, Jacobbej,
japi swapich, naxaeyaxaeli. ¹² Pelax xabich judíos pelsaxaes itkutax poxadik, 'Infierno'
—tis poxadik. Jaxotdik xabich noeyaxaeli. Bua'tatisaxaelbejpi, xabich nabijasaxael xot
—aech Jesús japi jiwliajwa.

¹³ Do jawut, Jesús jəm-aech soldawcapitánliajwa:

—¡Nawia'mich nejba poxade! Namakan chiekal boejthulison, xam xabich xan
naxanaboejtam xot —aech Jesús.

Do jawut, capitán pamakan chiekal boejthulson.

*Jesús boejthutpox Simón Pedro paem
(Mr 1.29-31; Lc 4.38-39)*

¹⁴ Do asamatkoi, Jesús fulaech wut Pedro pejba poxade, jaxotde ba low wut, taenpon
Simón Pedro paem bu'xaenkpox. Japow ok camatat. Xabich bu'tuajnikow. ¹⁵ Jesús kefit
wut, jawut kamta chiekal boejthulsow. Do jawut, nant wut, pajut naxaeyaxan athukow
Jesúsliajwa, asew jiwliajwabej.

*Jesús boejthutpox xabich jiw, bu'xaeya
(Mr 1.32-34; Lc 4.40-41)*

¹⁶ Do tuila wut, itkutnik wutbej Jesúslel xabich jiw buflaeni asew jiw, dep webaesi
pejmatruatanxot. Do jawut, Jesús kaejametat dep to'a puexa dep nakolaliajwa jiw
pejmatruatanxot. Jawutbej puexa asewbej, japi bu'xaeya, chiekal boejthuls. ¹⁷ Ampox
ja-aech, me-ama Dios pejprofeta, Isaías, chajia lelpox jachiliajwa. Jəm-aechox: “Japon
xatis nakkajachawaesaxael, bichilas wut. Bu'xaenkas wut, nakboejthusaxaelbejpon” —
aech Isaías lelpox, jəm-aech wut Jesúsliajwa.

*Asew jiw, naknamsasiapox Jesús
(Lc 9.57-62)*

¹⁸ Jesús taen wut xabich jiw masajiachpox, jawut jəm-aechon pejnachalaliajwa:

—¡Chijias puka we-enlelde falkamtat! —aechon.

¹⁹ Do jawut, judíos chanaekabuanan mox soepan wut, jum-aechon Jesúsliajwa:
—Jiw chanaekabuanan, xanbej xam naknanuamsasian, nejmachtuajnuchan poxade xam nanuamtam wut —aechon.

²⁰ Do jawut, Jesús jum-aech judíos chanaekabuananliajwa:
—Lam pejmuthan moejsliajwa. Miabej pejfenan. Xanlax, puexa jiw pakoewkolnan, ajil tajbakolaba xan damlathulalialjwan —aech Jesús judíos chanaekabuananliajwa.

²¹ Do jawut, asan pejnachalan jum-aechbej Jesúsliajwa:
—Tajpaklon, xan taj-ax xabich pati'in. ¡Xanfuk natapaem taj-axxot dukalialjwan! Taj-ax tuj wut, do jawut, xam naknanuamsaxaelen —aechon Jesúsliajwa.

²² Do jawutbej, Jesús jum-aech japonliajwa:
—¡Xamlax xan nakfulaem! Xan nanaexaxis-elpi, japi jiw, me-ama patupa wut, kabuan-aechi Diosliajwa. Japilap nakaewa namuthaxael, tuj wut —aech Jesús japonliajwa.

Jesús fiatpox joewa, truxanbej

(Mr 4.35-41; Lc 8.22-25)

²³ Do jawux, Jesús falkam jul, pejnachala suapich. ²⁴ Jawut, chaflaech wuti, chalechkal pat iam, pinjiyax, Galilea pukaxot. Xabich pintruxan, pinajoewabej. Xabich falkam min fajabas. Japox ja-aech wut, Jesús nejmach moejt. ²⁵ Do jawut, Jesús pejnachala thikalisipon. Jum-aechlisipon:

—Tajpaklon, xanal nabu'wem, chabu'laxaes xot! —aechipon.

²⁶ Do jawut, Jesús jum-aech pejnachalialjwa:
—¿Ma-aech xotkat xamal nejlewlá? ¡Xamal xabicha-el nejxanaboejaxan xanliajwa! —aech Jesús pejnachalialjwa.

Samata, jawut, Jesús nant wut, fiatlison joewa, truxanbej. Do jawut, puka chiekal itnapatan. ²⁷ Do jawut, pejnachala xabich natachaema wut, nejchaxoelanuili japoxliajwa. Samata, nakaewa najum-aechi:

—¿Achankat ampon? Joewa, pukabej, naexasichpon —na-aechi nakaewa.

Jesús to'apox dep nakolialjwa, kolenje aton pejmatpuatanxot

(Mr 5.1-20; Lc 8.26-39)

²⁸ Jesús puka we-enlelde wut, Gadara tuajnuxot chapa'apon, pejnachala suapich. Do jawut, kolenje poi fulaen Jesúslel. Japi fulaen patupamuthanxotdin. Japi kolenje xabich chachoel dep pijaxtat. Samata, jiw pejlewlá mox xenialjwa japixot. ²⁹ Do jawut, nejlat wut, jum-aechi dep pijaxtat:

—Jesús, Dios paxulan, xanal nabej natalias! ¿Ma-aech xotkat xam fulaeman xanalle nataliasliajwam that toepax wuajna? —aechi.

³⁰ Jaxotde kaesuapich atuaxachlejen xabich maran naxaelp. ³¹ Do jawut, japi dep jum-aech Jesúsliajwa:

—Xanal ampi poejixot nakolax nato'am wut, jnatapaem leliajwan maranxot! —aech dep.

³² Do jawut Jesús jum-aech:

—Jaw, xabua'de! ¡Lem maranxot! —aech Jesús japi deplialjwa.

Do jawut dep nakola wut poejixot, lowlisi maranxot. Jawut, puexa maran dukp chuataidik. Do jawut puexa maran bu'al pukatat.

³³ Maran tataefulpi dukp pejlewt. Patlisi pejpaklowaxxot. Chapaeilisi puexa maranliajwa ja-aechpoxan, dep low wut maranxot. ³⁴ Do jawut, puexa japapaklowaxpijiw fulaen Jesúsleldin. Do jawut, japi jiw taen wuti Jesús, to'api Jesús namanasamata japi pejtujnuxot.

Jesús boejthutpox nabejkan, japon chinax laejaxilpon

(Mr 2.1-12; Lc 5.17-26)

¹ Do jawux, Jesús jul falkam, pejnachala suapich, chaliknaliajwa puka we-enlelde, pejpaklowax, Capernaum paklowax, poxaliajwade. ² Do jaxot Jesús pat wut, pejnachala suapich, jawut asew jiw chaxlaeni kaen nabejkan Jesúslel, japon chinax laejaxilpon. Japon ok camillatat. Jesús chajia matabijt japi pejxanaboejxan japonliajwa. Samata, Jesús jum-aech nabejkanliajwa:

—Wua, nejchachaemilde! Xam beltaenx, majt pachaemam wut babijaxan isampoxanliajwa —aech Jesús laejaxilponliajwa.

³ Jesús japox jum-aech wut, jawut, asew judíos chanaekabuanapi japox jumtaen wut, nakaewa najum-aechi: “Kaen Dios xajup jiw beltaeliajwa, japi babijaxan is wut. Samata, Jesús japox jum-aech wut, jum-aechon chaemilpox Diosliajwa” —aechi nakaewaliajwa.

⁴ Jesús chiekal matabijt japi nejchaxoelpox. Samata, jum-aechon japiajwa:

—¿Ma-aech xotkat xamal nejchaxoelam babijaxan xanliajwa? ⁵ Kaes pejme tampa xan jumchiliajwan laejaxilponliajwa: ‘Xam beltaenx babijaxan isampoxanliajwa’ —chiliajwan. Pe ja-an wut, jiw xan namatabijaxil xan puexa jiw pakoewkolnanponan. Jum-an wutlax nabejkan jumtaeliajwa: ‘¡Nande! ¡Laejim!’ —an wut, japox jum-an wut, jiw diachwujnakolax xan namatabijsaxael xan puexa jiw pakoewkolnanponan. ⁶ Samata, xamal itpaeyaxaelen xan puexa jiw pakoewkolnanponan. Xan xajupx beltaeliajwan jiw babijaxan ispoxanliajwa ampathatat —aech Jesús judíos chanaekabuanapiajwa.

Samata, Jesús jum-aechbej nabejkan jumtaeliajwa:

—¡Nande! ¡Nejcamilla fi'e! ¡Xalaemch nejba poxade! —aech Jesús.

⁷ Do jawut, nabejkan nant wut, fulaechlison pejba poxade. ⁸ Puexa jiw japox taen wut, xabich natachaemanuil wut, nejchaxoelanuilbejpi. Do jawut, nakaewa najum-aechi: “¡Dios xabich pachaem! Dios pejpamamax Jesúskaaliajwa” —aechi nakaewaliajwa.

Jesús tadutpox Mateo pejnachalanliajwa

(Mr 2.13-17; Lc 5.27-32)

⁹ Jesús boejthut wut nabejkan, baxot nakolt wut, do jawut, xan nataenpon. Xan tajwul Mateo. Xan ekx impuesto mat-omwuljowbatat, mat-omwuljoeliajwan Roma gobiernoliajwa. Jesús xan nataen wut, najum-aechon:

—¡Xabua't! ¡Xan nakfalaem tajnachalnamliajwa! —aech Jesús xanliajwa.

Do jawut, xan nantax wut, Jesús nakfolxlison.

¹⁰ Asamatkoi, tajbatat Jesús naxael wut, xanal pejnachalwan suapich, impuesto mat-omwuljoew Roma gobiernoliajwa, japijbej pat Jesúsxot. Do jawut, japijbej chalak naxaeliajwa. Asew jiwbej, Moisés chajia lelpox naexasis-elpi, japijbej pat jaxot. Japijbej jaxot chalak naxaeliajwa, xanal suapich. ¹¹ Fariseos, japox taen wut, jum-aechi xanalliajwa, Jesús pejnachalwanpinliajwa:

—¿Ma-aech xotkat Jesús, nejchanaekabuanan, kaeyaxtat naxael, impuesto mat-omwuljoewpi suapich, asew babejchow suapichbej, japi naexasis-eli Moisés chajia lelpox? —aechi xanalliajwa, Jesús pejnachalwanpinliajwa.

¹² Jesús japox jumtaen wut, jum-aechon fariseosliajwa:

—Jiw nejchaempi, japi wewe'pa-esal jiw woen, bu'xaenka-el xoti. Jiw woen fulaen jiw bu'xaenkpi woeliajwa. Xanlap-is ja-an. Xan fulae-enil kajachawaesliajwan jiw pachaem wut, kabuan-aechpi. Xanlax fulaenx kajachawaesliajwan babejchow, japi kofaliajwa padujnejchaxoelaxan naexasisliajwapi Dios —aech Jesús.

¹³ Jesús pejme jum-aech fariseosliajwa:

—¡Chiekal nejchaxoelde Dios jum-aechpox, jum-aech wut: ‘Xan nejxasinkax xamal asew jiw beltaeliajwam, japi jiw kajachawaesliajwam. Xanlap japox kaes nejxasinkax. Me-ama ofrenda isam wut xanliajwa, japoxliajwa xan chiekal nejchachaemla-enillejen’ —aech Dios, chajia jum-aech wut! Xan tadusaxaelen jiw babejchow japi tajnachalaliajwa. Jiw jum-aechpilax: ‘Xan kaes pejme pachaeman. Me-ama asew jiw, jachi-enil’ —aechpi, xan japi jiw tadusaxinil tajnachalaliajwa —aech Jesús fariseosliajwa.

*Asew jiw xae-elpox, piach Dios kawuajnalijaw wut
(Mr 2.18-22; Lc 5.33-39)*

¹⁴ Do jawux, Juan jiw bautisan pejnachala fulaeni Jesúslel. Pat wuti Jesúsxot, japi jum-aech Jesúsliajwa:

—Xanal piach naxae-enil, Dios piach kawuajnalijawan wut. Fariseosbej ja-aech. ¿Ma-aech xotkat nejnachala, me-ama xanal jachi-el? —aechi Jesúsliajwa.

¹⁵ Do jawut, Jesús jum-aech wuajantat japi jiwliajwa:

—Pawis fitpon, fiesta is wut, taduchpi naxaeyaxaelfuk japonxot. Japi xabich ne-jchachaemlaxael, pajelnakjiyan jaxot duk wutfuk. Asamatkoi asew jiw japon buflaeyaxaes. Do jawut, taduchpi naxaeyaxil kaematkoijan suapich, xabich nejxaejwaxaes xoti. Jachiyaxaelbej asamatkoi tajnachalalijaw, xan asew jiw nabu'fol wut. Samata, japi kaematkoijan suapich naxaeyaxil, xan japixot ajilaxaelen xot —aech Jesús.

¹⁶ Jesús matabijt, fariseos naewuajnasiapox padujwuajan, pajelwuajan suapich. Samata, jawut Jesús jum-aech wuajantat japijajwa: “Kaeow pawis pejyiaf wechachoepps wut, xape'tow chachoeppox. Pe yiaf xape's-elow pajelbu'chtat, itkias-esal wutfuk. Pajelbu'ch, itkias-esalpo, xape't wutow, yiaf itkiat wut, mamu'al wut pejme, pajelbu'ch itkialaxael. Yiaf padujax kaes chachoeppaxael, xape't xotow pajelbu'ch. ¹⁷ Jasoxtatbej jiw wulu-el pajelvino padujbu'choxatat. Wulu wuti pajelvino padujchoxatat, japox choxa chathialfalaxael, pajelvino xabich xot pafak. Ja-aech wut, vino nafa'axael. Choxabej nafa'axael. Samata, jiw pajelvino wulu pajelbu'choxatat chatinkalijaw choxa. Ja-aech wut, vino nafa'axil. Choxabej nafa'axil” —aech Jesús.

Amxot jum-aechox Jesús pawis boejthutpoxliajwa, asaow patupow mat-etpoxbejliajwa, pejme dukalijawpow

(Mr 5.21-43; Lc 8.40-56)

¹⁸ Do jawux, Jesús naksiya wutfuk, kaen aton pat Jesúsxot. Japon judíospaklon. Pat wut, brixtat nukon Jesús pejwuajnalel, xabich sitaen xoton Jesús. Do jawut, jum-aechon:

—Taxulow ma jelnawetup. Pe xam ke-otam wut japowxot, taxulow nawemat-esaxaelam pejme dukalijaw —aech paklon Jesúsliajwa.

¹⁹ Do jawut, Jesús nakfol paklon. Xanalbej, Jesús pejnachalwan, nakfolx Jesús. ²⁰⁻²¹ Dolisdo', Jesús fol wut, kaeow pawis moxdepow Jesús pejwulchakallel. Japow xabich nabijat. Pejlaw wut, jal matduka-el. Doce waechanlisox japow bu'xaenkpo. Japow mox wut Jesús pejwulchakallel, japow nejchaxoel: “Xan pejsumta-osax jajastax wut, Jesús naboejthusaxael” —aechow, nejchaxoel wut. Samata, jajastow Jesús pejsumta-osaxmatdukax. ²² Do jawut, Jesús wultataen wut, taenpon japow pawis. Samata, Jesús jum-aech japowliajwa:

—Pawis, nejchachaemilde! Amwutjel xam chiekal boejthul waxae, chiekal xan naxanaboejtam xot —aech Jesús japowliajwa.

²³ Do jawux, Jesús pat wut paklon pejbaxot, taenon, asew jiw toela nababa wut, patupow muthsliajwa wut. Jumtaenbejpon asew jiw wunowpoxan japowliajwa.

²⁴ Samata, jum-aechon japijajwa:

—¡Amxot nakolim! Japow tupa-el. Japow moejt —aech Jesús japi jiwliajwa.

Japi wunowpi japow jumtaen wut, xafafoli Jesúsliajwa. Japi jiw bu'wuajanpaei Jesús.

²⁵ Do jawut, Jesús nakolax to'a tathoetade wunowpi patupow. Japi nakola wut, Jesús low patupow ochxot. Jesús patupow kefit wut, mat-eton patupow pejme dukalijaw. Do jawut, japow nant. ²⁶ Puexa japatuajnapijiw wultaena Jesús ispo, patupowliajwa.

Jesús boejthutpox kolenje itliaklan

²⁷ Jesús nakolt wut paklon pejbaxot, kolenje itliaklan Jesús pejwulchakal fol. Japi nejlasful wut, jum-aechfuli:

—Jesús, David pamon, xanal nabeltaem! —aechfuli.

²⁸ Do jawux, Jesús asaba low wut, kolenje itliaklan mox soepa Jesúsxot. Do jawut, Jesús jum-aech japi kolenje itliaklanliajwa:

—¿Xamalkat xan nanaexasitam xajuxpox boejthusliajwan nej-itfutan? —aech Jesús.
Japi jumnot wut, jum-aechi:

—Diasdo' tajpaklon. Xam naexasitx —aechi.

²⁹ Do jawut, Jesús japi itfujacha wut, jum-aechon:

—Xamal chiekal naxanaboejam xot, nanaexasitam xotbej, ¡chiekal taem! —aech Jesús
japi kolenje itliaklanliajwa.

³⁰ Do jawut, chiekal taenlisi. Do jawut, Jesús jum-aech nejthuxat japi kolenjeliajwa:
—¡Xamal asew jiw nabej chapae' xan isxpox xamalliajwa! —aechon.

³¹ Pe japi fulaech wut, nakiowa puexa japatujnupijiw chapae' Jesús isaspoxliajwa
japiliajwa.

Jesús boejthutpox buxwuanjanjilan

³² Majt itliakalpi Jesúsxot chijia wuti, do jawut, asew jiw buflaen buxwuanjanjilan
Jesúsleldin. Japon naksiyaxil, dep webaes xoton pejmatpuatat. ³³ Do jawut, Jesús
to'a dep nakolsliajwa japon pejmatpuatxot. Dep nakolt wut, do jawut, buxwuanjanjilan
tuadutlison naksiyax. Jawut, xabich jiw natachaemanuil wut, nejchaxoelanuilbejpi.
Jum-aechi:

—Majt chinax jasox tae-esal ampatujnutat, Israel tujnuxot —aechi.

³⁴ Pelax fariseos jum-aech:

—Jesús to'a wut dep, to'a dep pejpaklon pijaxtat —aech fariseos Jesúsliajwa.

Jesús jiw beltaenpox

³⁵ Jesús nanuamt puexa paklowaxanxot, puexa tujnuchanxotbej, jiw naewuaj-
nafulaliajwapon, judíos naewuajnabachanxot. Jesús naewuajan chimiawuajan jiwliajwa,
Dios puexa pejjiw tato'laxaelpox. Boejthusfulbejpon nejmachwaxaetat bu'xaenkpi.
³⁶ Jesús taen wut xabich jiw, pinamut, japi jiw beltaenpon, japi nabijat xot, wejisal
xotbejpi asan kajachawaesliajwas. Taen wuton, japi jiw, me-ama ovejas napelti, ja-aech
japi jiw Jesúsliajwa, wejisal xot asan tataeflaliajwas japi jiw. ³⁷ Do jawut, Jesús jum-aech
xanal pejnachalwanliajwa, asew jiwliajwabej:

—Diachwuajnakolax xan jum-an. Ampi jiw, me-ama trigo foel wut, ja-aechi, japi wua-
jnawesful xot jumtaeliajwa chimiawuajan. Pe jiw xabich kaesupich, Dios pejjamechan
naewuajanpi. ³⁸ Samata, ¡kawuajande wajpaklokolan Dios, japon asew jiw to'aliajwa,
naewuajanpi Dios pejjamechan!

10

Jesús pejnachalaxot makafitpox doce poejiw, japi apóstolesliajwa

(Mr 3.13-19; Lc 6.12-16)

¹ Jesús xanal nala, dosan pejnachalwan, japonxotaliajwan. Jesús natapaei xanal japon
pijaxtat dep to'aliajwan, jiw pejmatpuatanxot bapi, nejmachwaxaetat bu'xaenkibej
boejthusliajwan.

² Jesús xanal nawulduw apóstoles, dosanpin. Xanalxot kaen kolewulje. Matxoelawul
pawulon Simón. Wulchakalwul pejwul, pawulon Pedro. Asan pawul Andrés. Japon
Simón Pedro pakoewan. Asan pawul Santiago. Asan pawul Juan. Japon Santiago
pakoewan. Japi kolenje Zebedeo paxi. ³ Asan pawul Felipe. Asan pawul Bartolomé.
Asan pawul Tomás. Xan tawul Mateo. Xanlap majt impuesto mat-omwuljoenan Roma
gobiernoliajwa. Asanbej pawul Santiago. Japon Alfeo paxulan. Asan pawul Tadeo. ⁴ Asan
pawul Simón. Japon majt asamutpijin, celotemutpijin. Asan pawul Judas Iscariote.
Japonlap Jesús wiasaxael padaelmajiwxot.

Jesús to'apox pejnachala japi naewuajnalialjwa Dios tato'laxaelpox jiw ampathatat

(Mr 6.7-13; Lc 9.1-6)

⁵ Jesús to'a wut padoce apóstoles, jum-aechon ampox: “¡Nabej fulae' judíos-eli
pejtujnuchan poxade! ¡Nabej fulae'bej Samaria tujnupijiw poxade! ⁶ ¡Xamallax fulaem

judíoskal duil poxade! Japi, me-ama ovejas, napelti, ja-aechpi. ⁷ Fulaemch wut, japi jiw naewuajnam wut, jum-amde: 'Dios puexa pejjiw tato'laxaelmatkoi malisox mox pawuajna' —amdepi! ⁸ Bu'xaenki boejthufulde! Tupi mat-embej pejme duilaliajwa! Boejthufuldebej leprawaxaetat bu'xaenki! Dep to'imbej jiw pejmatpuatanxot nakolaliajwa! Xamal malech kenotam ampapamamax. Samata, xamal nabej matomwuljoem, asew jiw boejthutam wut!

⁹ "Folam wut, nabej xalae' plata! ¹⁰ Nabej xalae'bej asew choxan! Mado', inaxoelam, do japoxkal bu'laflaem! Mado' ituakxajoelam, do japoxkalbej tuaklaflaem! Nabej xalae'bej asax naxliaxsliawampox, tuakxaliaxsliawampoxbej! Folam wut, masim fulaem! Nabej xalae' kelachalanaeyan! Jiw naeweti Dios pejjamechan, japi xamal chaxduiyaxael wewe'ppoxan.

¹¹ "Nejmachpaklowax patam wut, tuajnuotbej, wulwekde kaen aton, japapaklowaxpijiw sitaenspon! Do jawut, japon kawuajande pejbatat duilaliajwam! Japon jaw-aech wut, japabatat duilafuldefuk! Hasta nakolaliajwam wut, japabaxot nakolim asapaklowax poxaliajwam! ¹² Nejmach-aton pejba lowam wut, jum-amde: 'Xamal Dios nej kajachawaes ampabaxot duilampim!' —amde japabapijiwliajwa! ¹³ Japabapijiw pachaem wut xamalliajwa, ja-aech wut, Dios kajachawaesaxaes japabapijiw. Pe asew jiw lax xamal bu'kula-el wut, ja-aech wut, Dios kajachawaesaxisal japabaxot duilpi. ¹⁴ Asew jiw xamal bu'kula-el wut, nejnaewuajnam naewes-el wutbejpi, fulaem asapaklowaxle! Fulaeliajwam wut, nejtuakxajoe jolde lalaliajwam as natacholnaliajwa! Jasoxtat japi jiw pajut chiekal matabijaxael babijax ispo xamalliajwa, Diosliajwabej, xamal bu'kula-el xoti. ¹⁵ Diachwuajnakolax xan jum-an. Asamatkoi, Dios jiw kastika wut, japapaklowaxpijiw xabich kaes pejme kastikaxaes. Me-ama Sodoma paklowaxpijiw, Gomorra paklowaxpijiwbej, kastikas wut, jachiyaxil Dios, japi jiw kastika wut" —aech Jesús xanal dosanpinliajwa.

Apóstoles nabijasaxaelpox asew jiw pijaxtat naexasit xoti Jesús

¹⁶ Do pejme Jesús jum-aech xanal dosanpinliajwa: "Xamal tajaxtat folam wut, chiekal taem, to'ax xot jiw babejchow poxade! Me-ama ovejasliajwa chachachoel pejmachchoefxot wut, jachiyaxaelbej xamalliajwa. Chiekal matabijim! Me-ama jom xandadus-el chachoelxot, xamalbej ja-amde! Nabej nabe'bej nakaewa! Me-ama a-u, jachiyaxaelam xamal. ¹⁷ Chiekal taem jiw babejchowliajwa! Japi xamal woeyaxaeli judiospaklochow poxade, japapaklowaxpijiwxot. Do jawux, judios naewuaj nabachanxot xamal selsaxaeli. ¹⁸ Xan nanaexasitam xot, xamal buflaeyaxaelbejpi gobernadores poxade, reyes poxadebej. Samata, xamal bu'fol wuti, xamal japixotam wut, asew judios-elixotam wutbej, jum-amde xanliajwa! ¹⁹ Xamal japixot woeya wuti, xabich nabej nejchaxoele' naksiyaxaelampoxliajwa, jumnosliajwam wut paklochow! Jawut Espiritu Santo xamal kajachawaesaxael chiekal jumnosliajwam. ²⁰ Samata, xamal najut nijaxtat jumnosaximil. Nej-ax Dios pej-Espiritu Santo kajachawaesaxael xamal chiekal jumnosliajwam paklochow pejwuajnalel.

²¹ "Japamatkoiyantat asew pakoewkola buflaeyaxaes paklochow poxade, jaxotde beliajwas, japi tajnachala xot. Paxjiw, o, penjiwbej, buflaeyaxael paxi paklochow poxade jaxotde beliajwas, japi tajnachala xot. Paxibej buflaeyaxael pax, o, penbej, paklochow poxade jaxotde japi beliajwas, tajnachala xot. ²² Puexa ampathatpijiw xamal nejweslaxael, tajnachalwam xot. Pe nakiowa, xan nanaexasisfulam wut, hasta tupam wut, Dios xamal bu'weyaxael. ²³ Asapaklowaxpijiw babijaxan is wut xamalliajwa, xamal tajnachalwam xot, dukpaxaelam asapaklowaxle! Diachwuajnakolax xan jum-an. Xan, puexa jiw pakoewkolnan, nakolsaxaelen ampathatxot. Do jawux, naewuajnafulaxaelam Israel tuajnuapijiw. Ja-amsfulam wut, xan chalechkal pasaxoekan wut ampathatasik, japamatkoiyantat, xamal toesaximilfuk tajwuajna jiw naewuajnafulampoxan potuajnuacha, Israel tuajnuot.

²⁴ “Estudiapon kaes pejme pachaema-el. Me-ama chanaekabuanapon, jachi-el estudiapon. Nabichanbej kaes pejme pachaema-el. Me-ama pejpaklon, jachi-elon. ²⁵ Estudiapon, toet wut estudiapox, japon nejhachaemlaxael, najurpe wuton, chanaekabuanaspon suapich. Nabistonbej nejhachaemlaxael, najurpe wuton, pejpaklon suapich. Jiw xan nanejweslapi, japi jum-aech wut xanliajwa: ‘Xam depam’ —aech wuti, ja-aech wut, japi jiw xabich kaes pejme xamal bu'wajanpaeyaxael, tajnachalwam xot” —aech Jesus xanal dosanpinliajwa.

Jesus naewwajanpox pejnachala, achanliajwa japi pejlewlaeli
(Lc 12.2-7)

²⁶ Do jawux, Jesus pejme jum-aech xanal dosanpinliajwa: “jXamal nabej nejlewl' jiw babejchowliajwa, japi xamal nejwesla wut, ajilaxael xot maliachpoxan! Maliachpoxan asamatkoi puexa chiekal tulaelaxaes. Asew jiw maliach jum-aechpoxan, japoxanbej asamatkoi puexa asew jiw naekuanchakowaxil jumtaeliajwa. ²⁷ Xan maliach nijkal jum-anox, xamal jumchiyaxaelam puexa jiwliajwa. Xan jum-anpox nuthaklajametat maliach, nejlatam wut, jumchiyaxaelam puexa jiw jumtaeliajwa. ²⁸ jNabej nejlewl' jiw babejchowliajwa, xamal boesasia wuti ampathatxot! Pe kaes japi machiyaxil beliajwa nej-aelan. Xamallax nejlewlael Diosliajwa, japon xajur xot xamal beliajwa ampathatxot, nej-aelanbej to'aliajwa infierno poxadik, jaxotdik nej-aelan chiekal toepaliajwa.

²⁹ “Kolenje mian mowas kaekafeliajwa. Ja-aech, japi mia omjil xot. Pe nakiowa, Dios tapae-el wut, chinax kaen mian pajut pijaxtat tupan jopaxil. ³⁰ Diosliajwa xamal kaes pejme ommaenkam. Me-ama mia omjil, jachi-emil xamal. Dios matabijt, massuapich nejmatla kaenanula nejmatnaetanxot. ³¹ Samata, jxamal nabej nejlewl' asew jiwliajwa, xamal xabich kaes ommaenkam xot! Me-ama pin-iat mia, jachi-emil xamal” —aech Jesus xanal dosanpinliajwa.

Jesus pejwajan naexasiti, japi jumchiyaxaelpox Jesus pejjiwpi
(Lc 12.8-9)

³² Do pejme Jesus jum-aech xanal dosanpinliajwa: “Jiw jum-aech wut, asew jiw pejwajnalel: ‘Xan Jesus naexasitx’ —aech wuti, japi jiw tajnachalaxael. Xanbej jumchiyaxaelen taj-ax Diosxotse japiliajwa: ‘Ampi jiw xan tajnachala’ —chiyaxaelen. ³³ Pelax asew jiw, xan nanaexasiti, asew jiw pejwajnalel jum-aech wuti: ‘Xanal Jesus pejnachala-enil’ —aech wuti, xanbej jumchiyaxaelen taj-ax Dios pejwajnalel: ‘Ampi jiw tajnachala-el’ —chiyaxaelen” —aech Jesus xanal dosanpinliajwa.

Jesus paskpox japon pijaxtat ampathatpijiw nadijalijwa
(Lc 12.51-53; 14.26-27)

³⁴ Do pejme Jesus jum-aech xanal dosanpinliajwa: “jXamal nabej nejchaxoele' xanliajwa: ‘Jesus pat ampathatat puexa jiw kaenejchaxoelaxtat duilaliajwa’ —nabej aeche', nejchaxoelam wut! Xan pas-enil japoxliajwa. Xan patx jiw kaenejchaxoelaxa-el(a)liajwa. ³⁵ Xan patx poejiw, paxjiw suapich, watho'bej, penjiw suapich, pakalajiw suapichbej, paemjiw suapichbej, kaenejchaxoelaxa-el(a)liajwa. ³⁶ Jiw xan naxanaboejapi, japi asamatkoi pejjiwkola padaelmajiw dofaxaelpi, japi xan nanaexasit xot.

³⁷ “Xamal kaes nejxasinkam wut nej-axjiw, nej-enjiwbej, xanlax xabich kaes nanejxasinka-emil wut, ja-am wut, xamal tajnachalwaximil. Kaes nejxasinkam xot naxi, xanlax xabich kaes nanejxasinka-emil wut, ja-am wutbej, xamal tajnachalwaximil. ³⁸ Xamal nanaexasis-emil wut, xan nakfulae-emil wutbej, nejlewla xot tupaliajwam xanliajwa, ja-am wut, xamal tajnachalwaximil. ³⁹ Xamal isfulam wut najut nejxasinkampoxan ampathatat, asamatkoi tupam wut, duilaximil Diosxotse. Pelax kofam wut najut nejxasinkampoxan isfulaliajwam xan tato'laxpoxan, ja-am wut, asamatkoi tupam wut, duilaxaelam pomatkoicha Diosxotse” —aech Jesus xanal dosanpinliajwa.

Jiw is wut pachaempoxan Dios naexasitiliajwa, japi jiw Dios chaxduiyaxaespox pachaempoxan

(Mr 9.41)

⁴⁰ Do pejme Jesús jum-aech xanal dosanpinliajwa: “Jiw chiekal xamal bu'kula wut, japi me-ama xanbej, chiekal nabu'kulti. Jawut xan nato'apon, bu'kulabejpi. ⁴¹ Jiw chiekal bu'kula wut Dios pejprofeta, naexasit xoton Dios, japi jiw kajachawaesaxaes Dios. Me-ama Dios kajachawaet profeta, japi jiwbej kajachawaesaxaes Dios. Jiw chiekal bu'kula wut asan pachaempon, Dios naexasit xoton, japijbej kajachawaesaxaes Dios. Me-ama Dios kajachawaet pachaempon, jasoxtatbej japi kajachawaesaxaes. ⁴² Nejmachjiw is wut pachaempox jelxan nanaexasitponliajwa, o, japi jiw minkal chaxdut wuti vasotat japon min feliajwa, japon tajnachalan xot, ja-aech wut, japi jiw kaenanula diachwujnakolax Dios chaxduiyaxaes pachaempox, minkal chaxdut xoti tajnachala” —aech Jesús xanal dosanpinliajwa.

11

Juan, jiw bautisan, japon to'apox kolenje pejnachalan Jesús poxade

(Lc 7.18-35)

¹ Do jawut, Jesús naewuajnaex buxtoet wut, jaxot chijiapon jiw naewuajnalialjwa Dios pejjamechan asapaklowaxan poxaliajwade, Galilea tuajnuot.

² Juan, jiw bautisan, jiw jebatat wultaeful Jesús isfulpoxan. Samata, pejnachalaxot asew to'apon japi wuajnaexemsliajwa Jesús. ³ Dolisdo', japi Jesúsxot pat wut, jum-aechi: —Juan xanal nabuxto'a wut, jum-aechon xam wuajnaexemsliajwan: ‘¿Xamkatlap diachwujnakolax Cristowam, “Pasaxoekpon” —tisonam, jiw bu'welialjwam? Cristowam-emil wut, ¿xanalkat wuajnaexemsliajwaxaelenfuk asan, “Pasaxoekpon” —tison?’ —aech Juan —aech Juan pejnachala Jesúsliajwa.

⁴ Do jawut, Jesús jum-aech Juan pejnachalialjwa:

—¿Nawemch Juan poxade! Juanxot patam wut, ¿chapaempon xamal jumtaenamponxan, taenamponxanbej xan isfulax wut! ⁵ Juan chapaeyam wut, jum-amopon: ‘Majt itliakalpi, japi chiekal taenlisi. Majt nabejkpi, japijbej chiekal laelplisi. Majt piach bu'xaenki leprawaxaetat, japijbej chiekal boejthuls. Majt naekua'nikpi, japijbej chiekal jumtaen. Turijbej, mat-ias pejme duilialiajwa’ —amo, Juan chapaeyam wut! ¿Chapaembejpon xan naewuajnaexemsliajwaxpox kejila, japijbej naexasisliajwa, bu'welialjwasbejpi Dios! ⁶ ¿Juan jum-amdebej: ‘Nejmachjiw chiekal naxanaboefaful wut, naexasisful wutbejpon xan Cristowanponan, japi jiw nejchachaemsliajwaxael’ —amde Juan! —aech Jesús Juan pejnachalialjwa.

⁷ Juan pejnachala nawia wut, do jawut, Jesús jum-aech Juanliajwa jiw chiekal jumtaeliajwa: “Juan, jiw bautisan, pajilaxtat wut, xamal fulaemch wut, ¿chiliajwakat fulaemch japoxade? Fulae-emil taeliajwam muifurtuat joewa ju'baspoxkal. ⁸ Fulae-emilbej taeliajwam xabich chamoeyaxan naxoeipon. Xamal matabijam, chimianaxoeipi duila-el pajilaxtat. Chimianaxoeipi duil paklochow pejbachantat. ⁹ Xamallax pajilax poxade fulaemch taeliajwam profeta. Diachwujnakolax xan jum-an. Japon Juan xamal taenam wut, taenam poklaprofeta. ¹⁰ Dios pejjamechan, chajia lespox, jum-aech Dios jum-aexpox xanliajwa Juan to'axaespoxliajwa:

‘Wua, xam wuajna xan to'axaelen tajprofeta, japon jiw naewuajnaexemslialiajwa tajjamechan jiw naexasisliajwa, xam patam wut’ —aech Dios jum-aexox xanliajwa.

¹¹ Diachwujnakolax xan jum-an. Juan poklaprofetakolan. Poejiw ampathatpijiwxot ajil profeta kaes pejme pachaempi, me-ama Juan, jiw bautisan, jason. Pelax, Diosxotse wut, jaxotse puexa jiw chiekal isful Dios nejxasinkpoxan. Japi kaes pejme pachaemaxael, Dios pejwuajnalel wut. Me-ama Juan ampathatat wut, jachiyaxili” —aech Jesús jiwliajwa.

¹² Jesús pejme jum-aech japi jiwliajwa: “Juan, jiw bautisan, chajia tuadut wut pejnaewuajnaex, japamatkoiyantatbej xabich maenk nabeyaxan. Maenkbej jiw babejchow. Me-ama amwutjel, ja-aech. Japamatkoiyantatbej xabich jiw naexasisasia Dios tato'alpox.

Pe asew jiw toesasia Dios pejjiw, nejweslas xoti japi jiw. ¹³ Juan wuajna puexa asew profetas lelpoxan, Moisés lelpoxbej, jum-aech Dios puexa pejjiw tato'laxaelpoxliajwa. ¹⁴ Xamal naexasisasiam wut ampox, jnaexasi'e xan jum-anpox! Dios pejjamechan chajia jum-aech: 'Elías pejme pasaxael' —aechox. Japox jum-aech wut, jum-aechox Juan, jiw bautisanliajwa. Me-ama Dios pejprofeta Elías chajiakolaxtat is, ja-aechlap-is Juan. Samata, Juan wuajna chajia matabijas japon isaxaelpoxan. ¹⁵ Xamal matabijasiam wut Dios pejnejchaxoelaxan, jchiekal naewe'e xan jum-anpoxan!" —aech Jesús jiwliajwa.

¹⁶⁻¹⁷ Jesús pejme jum-aech japi jiwliajwa: "Ampamatkoiyantat jiw duili ampathatat, japi, me-ama yamxi wut, ja-aechi, kaenejchaxoelaxa-el xot. Me-ama yamxi chalak nakakujsliajwa plazaxot, ja-aech japi jiw. Yamxi chalak, pejnachala swapich. Do jawut, nakaewa najum-aechi: 'Xanal toela nababax xamal nababoelaliajwam. Pe thiataenam wut, nababoela-emil. Xanal jajui jajuwxbej, naebjjajui, xamal noeliajwam. Pe noe-emil' —aech yamxi, nakaewa nalot wut. ¹⁸ Ja-aechbej, Juan, jiw bautisan, japon fulaen wut Dios pejjamechan naewuajnalialjwa. Juan naxae-el, piach Dios kawuajnalialjwa wut. Fe-elbejpon vino. Ja-aech wut, xamal japonliajwa jum-amsfulam: 'Juan ja-aech, pejmatpuatat dep webaes xoton' —amsfulam xamal. ¹⁹ Do jawux, xan puexa jiw pakoewkolnan, fulaenx. Xanlax naxae-ela-enil. Fe-ela-enilbej. Ja-an wut, xamal najum-am diachwuajnakolaxa-elpox xanliajwa: 'Japon xabich litabejnik. Feyax nejx-asinkbejpon saxa. Pejnachalabej babejchow. Asewbej, japon pejnachala, impuesto mat-omwuljoew Roma gobiernoliajwa' —na-amsfulam xanliajwa, babejjamechan jum-am wut. Me-ama yamxi, babejjamechan jum-aech wut nakaewaliajwa, ja-ambej xamal xanliajwa. Pe matabijasiapi Dios, japi jiw naexasisfulaxael Juan jum-aechpoxan, xan jum-anpoxanbej. Ja-aech wut, japi matabijaxael diachwuajnakolaxpox Juanliajwa, xanliajwabej" —aech Jesús jiwliajwa.

*Asapaklowaxanpijw naexasis-elpox Jesús
(Lc 10.13-15)*

²⁰ Asapaklowaxanxot, Jesús xabich koechaxan isxot, japapaklowaxanpijw taen wut Jesús koechaxan ispoxan, japi jiw nakiowa kofa-el babijaxan isfulpoxan. Samata, Jesús japapaklowaxanpijw lot wut, jum-aechon: ²¹ "Corazín paklowaxpijw, Betsaida paklowaxpijwbej, xabich nabijasaxael, xabich kastikas wuti. Xan koechaxan isx wut, japi jiw chiekal taenpi. Chajia japoxan isaxaelen wut Tiro paklowaxpijwliajwa, Sidón paklowaxpijwliajwabej, japi japoxan taeyaxael wut, kofaxaeli padujnejchaxoelaxan isfulaliajwa Dios nejxasinkpoxan. Naxoeyaxaelbejpi papopa. Chalaxaelbejpi jitthumbanxot asew jiw matabijaliajwas xabich nejxaejwaspoxan japi babijaxan ispoxanliajwa. ²² Samata, diachwuajnakolax xan jum-an. Asamatkoi, Dios jiw kastika wut, Corazín paklowaxpijw, Betsaida paklowaxpijwbej, Dios xabich kaes pejme kastikaxaesi. Me-ama Tiro paklowaxpijw, Sidón paklowaxpijwbej, jachiyaxisal, japi jiw kastikas wut. ²³ Capernaum paklowaxpijw nejchaxoelaxael: 'Xatis Dios nakbu'weyaxael, athuxotas wut' —aechi, nejchaxoel wut. Pe japi Dios to'axaeks infierno poxadik, xan nanaexasis-el xoti. Xan xabich isx koechaxan. Xan japoxan isx wut Sodoma paklowaxot, japi kofaxael chajia babijaxan ispoxan. Ja-aech wut, pejpaklowax, Sodoma paklowax, chajiakolaxtat toejafaxisal. ²⁴ Diachwuajnakolax xan jum-an. Asamatkoi, Dios jiw kastikaxael wut, Dios xabich kaes pejme kastikaxael Capernaum paklowaxpijw. Me-ama Sodoma paklowaxpijw kastikas wut, jachiyaxil Dios, japi jiw kastika wut" —aech Jesús japapaklowaxanpijwliajwa.

*Jesús tadutpox pejnachala, japi damlathulaliajwa japonxot
(Lc 10.21-22)*

²⁵ Asamatkoi, Jesús Dios kawuajan wut, jum-aechon: "Ax, xam athuxotse, ampathatlelbej, paklokolnam. Xabich pachaemambej. Estudia-elpi, xam kajachawaetam japi chiekal matabijaliajwa nejamechan. Asewlax, me-ama xabich matabijs wut,

kabuan-aechpi, japilax xam kajachawaes-emil japoxan matabija-elaliajwa. ²⁶ Jasox xam isam, me-ama xam nejxasinkam” —aech Jesús, pax Dios kawuajan wut.

²⁷ Do jawutbej, Jesús pejme xanal pejnachalwan najum-aech: “Taj-ax natapaei puexa matabijsliajwan. Pe jiw diachwuajnakolax xan namatabijs-el, ma-an xan. Taj-ax, kaen, xan chiekal namatabijt. Jiw matabija-elbej, ma-aech taj-ax. Xan kaenan taj-ax chiekal matabijtax. Xan jiw makanotxpi, japikal xan tapaeyaxaelen matabijaliajwapi taj-ax. ²⁸ Puexa xamal damlampim judíos chanaekabuanapi tato'laxtat, xabua'din xanlel xanxot damlathulaliajwam, isfulaliajwambej Dios nejxasinkpoxan! ²⁹ Xan nejpaklonan. jTajbichax chiekal isfulde! jNaexasisfuldebej xan naewuajnapoxan! Xan xabich pachaeman xamalliajwa. Samata, xamal chiekal damlathulaxaelam xanxot. ³⁰ Xabich tampoela-el xamal isliajwam xan to'axpoxan” —aech Jesús xanal pejnachalwanliajwa.

12

Judíos pejnapatamatkoitat Jesús pejnachala jolbalapox trigo

(Mr 2.23-28; Lc 6.1-5)

¹ Do baxael, judíos pejnapatamatkoi wut, Jesús, xanal japon pejnachalwan suapich, xenax trigolulan tuchade. Xanal trigo jolbalax xaelpaliajwan, litaxaelax xot. ² Fariseos, xanal suapich, folpi, japi taen wuti xanal trigo jolbalaxpox, jawut jum-aechi Jesús jumtaeliajwa:

—Jesús, jtae'nik nejnachala! Xatis, judióspis, nabichaxisal napatamatkoitat. Pe nakiowa, nejnachala trigo jolbala xaelpaliajwa —aech fariseos.

³ Do jawut, Jesús jum-aech fariseosliajwa:

—Xamalkas matabijam wajwuajnapijin, waj-am rey David, ispox chajiakolaxtat xabich litaxaela wuton, pejjiw suapich. ⁴ Jawut rey David xananuamsba, Dios pejba, lechon. Japabatutat wuajna pan oel mesamatwuajtat. Japapan Dios pej-ofrenda. Japapan rey David xael wut, chaxduwbejpon pejnachala japi xaeliajwa japapan. Moisés chajia lelpox jum-aech: ‘Japapan koew xaeliajwa sacerdotes, japi nabisti Dios pejtemplobatat. Sacerdote-elpi xaeyaxil japapan’ —aech Moisés chajia lelpox. ⁵ Xamalkas xaljowam Moisés chajia lelpox. Japox jum-aech: ‘Napatamatkoitat wut, sacerdotes nabist Dios pejtemplobaxot. Nabist wuti napatamatkoitat, do japox babijaxa-el’ —aech Moisés chajia lelpox. ⁶ Diachwuajnakolax xan jum-an. Ma amxot nukpon kaes pejme pachaem. Me-ama Dios pejtemploba, jachi-elon. ⁷ Xamalfuk chiekal matabija-emil, Dios pejprofeta chajia lelox jum-aech wut Dios jum-aechpoxliajwa: “Xan nejxasinkax xamal asew jiw beltaeliajwam. Japox kaes pejme pachaem. Me-ama choef xua'sax taj-ofrendaliajwa, jachi-el” —aech Dios jum-aechpox. Chil xamal japox chiekal jummatajibaxaelam wut, jiw tasalaximil, babijaxan is-elpi. ⁸ jXamalbej jummatajibim amxot! Xan, puexa jiw pakoewkolnan, xajux jumchiliajwan jiw isaxaelpox napatamatkoitat —aech Jesús fariseosliajwa.

Jesús boejthutpox kemamlan

(Mr 3.1-6; Lc 6.6-11)

⁹ Do jawux, Jesús buxtoet wut, fariseos suapich, nospaeyax, jawut fulaechon judíos naewuajnaba poxade. ¹⁰ Jesús japaba low wut, jaxot wuajna kemamlan ek. Jaxotbej asew judíos. Japi xabich tasalasiapi Jesús, is wuton asax. Samata, japi Jesús wuajna chaemt wut, jum-aechi:

—jMoisés chajia lelpox tapaeikat bu'xaeyan boejthusliajwas napatamatkoitat? —aech judíos Jesúsliajwa.

¹¹ Jesús jumnot wut, jum-aechon:

—Napatamatkoitat nijan oveja jop wut pinamuthadik, xamal jusaxaelam. ¹² Jiw kaes pejme ommaenk. Me-ama oveja, jachi-el. Samata, naktapaei isliajwa pachaempox napatamatkoitat —aech Jesús fariseosliajwa.

¹³ Do jawut, Jesús jum-aech kemamlanliajwa:

—¡Keba'del! —aechon.

Keba't wut, pejke-e chiekal wepachaemlison. Me-ama asake-elel, wejatislison. ¹⁴ Fariseos jaxot nakola wut, pejme natamejapi japi nakaewa najumchiliajwa: “¿Machiyaxaeskát Jesús boesaliajwas?” —nachiliajwapi nakaewa.

Profeta chajia jum-aechpox jachiyaxaelpox Jesúsliajwa

¹⁵ Jesús matabijt wut fariseos boesiaspox, do jaxot Jesús nakolt, judíos naewuaj-abaxot. Jawut xabich jiw fulafoson. Jawutbej japixot Jesús puexa bu'xaeya boejthuful.

¹⁶ Jesús buxfiat wut boejthufspi, jum-aechon: “¡Xamal tulaela nabej chapae' asew jiw jumtaesamata xamal boejthuxpox!” —aech Jesús. ¹⁷ Jesús japi buxfiat wut, patlisoX Isaías, Dios pejprofeta, chajia jum-aechpox. Jaxot jum-aechoX Dios jum-aechpox paxulanliajwa:

¹⁸ “Ama taxulan, makafitxpon jiw bu'weliajwa. Xabich nejxasinkaxpon. Xabich nejchachaemlaxbej japonliajwa. Xan taj-Espíritu Santo to'axaelen taxulanliajwa. Do jawux, taxulan naewuajnaXael puexa judíos, judíos-elpijbej, japi matabijaliajwa xan jiw bu'weyaxaelenpox japon pijaxtat.

¹⁹ Japon, asew jiw suapich, bu'nalosaxil. Jumseyaxilbejpon. Me-ama judíos pinjаметат jum-aech, natameja wut, paklowaxthialaxanxot wut, jachiyaxil japon, naewuajan wut jiw.

²⁰ Jiw naexasiti tajjamechan, japi xabicha-el wut pejxanaboexaxan xanliajwa, japon japi jiw pelsaxil japonxot. Japi jiw kajachawaesfulaxaelon, hasta japon puexa jiw tato'al wut.

²¹ Puexa ampathatpijiw xanaboexaxaeli japon” —aech Dios jum-aechpox paxulanliajwa.

Fariseos jum-aechpox Jesús pejpamamax, Satanás pejpamamax

(*Mr 3.20–30; Lc 11.14–23; 12.10*)

²² Do jawux, itliaklan makxalaens Jesúslel. Japon buxwuajanjilbej. Japon dep webaesbej pejmatpuatxot. Do jawut, Jesús japon boejthut, dep to'a wuton nakolsliajwa japon pejmatpuatxot. Do jawutbej, japon chiekal pachaem taeliajwa, naksiyaliajwabej.

²³ Puexa jiw japox taen wut, xabich nejchaxoelanuili. Nakaewa nawuajnaXaemsnapi: “¿Amponkatlap Mesías, David pamon?” —na-aechnapi nakaewa.

²⁴ Fariseos japox wultaen wut, jum-aechi japi jiw jumtaeliajwa: “Jesús dep to'a wut, to'aful Beelzebú pijaxtat, dep pejpaklon pijaxtat” —aech fariseos. (Satanás asawul Beelzebú.)

²⁵ Jesús matabijt fariseos nejchaxoelox. Samata, Jesús jum-aech fariseosliajwa: “Xan dep to'a-enil Satanás pijaxtat. Kaetwajnapijiw nadiajkaxael wut nabeliajwa, japatwajnapijiw natoesaxael nabeyaxtat. Kaepaklowaxpijiwbej nadiajk wut nabeliajwa, japapaklowaxpijiwbej nabeyaxtat natoesaxael. Kaebapijiwbej nadiajk wut nabeliajwa, ja-aech wut, japabapijiw natoesaxael nabeyaxtat. ²⁶ Jachiyaxaelbej Satanás. Pejjiw suapich, nadiajk wut nabeliajwa, japi natoesaxael nabeyaxtat. Ja-aech wut, Satanás pejpamamax toepaxael. ²⁷ Xamal jum-am xanliajwa: ‘Jesús dep to'a Beelzebú pijaxtat’ —am xamal. Xan jachiyaxaelen wut, ¿achan pijaxtat nejnachalabej dep to'a nakolaliajwa jiw pejmatpuatanxot? Xamal chiekal matabijam. To'a-eli Beelzebú pijaxtat. Samata, xamal jum-ampox xanliajwabej japox diachwuajnakolaxa-el. ²⁸ Xan dep to'ax Espíritu Santo pijaxtat. Ja-an wut, diachwuajnakolax xamalxot pat Dios tato'almatkoi.

²⁹ “Asew natkowasia wut asan pejbaxot, leyaxili bapijin wuajna wut, japon xabich mamnik wutbej. Majt bapijin kuiyaxaes tathoetat. Do ja-aech wut, bapijin pejew nosaxaeli” —aech Jesús fariseosliajwa. (Jesús japox jum-aech fariseos chiekal matabijaliajwa Jesús xajupox dep to'aliajwa.)

³⁰ Jesús pejme jum-aech fariseosliajwa: “Jiw xan nanejweslapi, japi tadaelmajiw. Iselbejpi xan nejxasinkaxpoxan. Japi nawetabejsfulbej tajbichax.

³¹ “Diachwuajnakolax xan jum-an. Jiw xan nanaexasiti, japi jiw Dios beltaeyaxaes puexa babijaxan ispoxanliajwa, babejjamechan naksiyapoxanliajwabej Diosliajwa. Pelax

jiw jum-aech wut babejjamechan Espiritu Santoliajwa, Dios beltaeyaxisal japi jiw. ³² Jiw babejjamechan jum-aech wut xan puexa jiw pakoewkolnanliajwa, japi Dios kawuajan wut beltaeliajwas, japi Dios beltaeyaxaes. Jiw jum-aech wutlax babejjamechan Espiritu Santoliajwa, Dios beltaeyaxisal japi jiw. Bw'wuajan toepaxilbejpi. Pomatkoicha pe-jbu'wuajnaexaeli" —aech Jesús fariseosliajwa.

Pejbaech pachaem wut, matabijaspox japanae pachaempox
(Lc 6.43–45)

³³ Do pejme Jesús jum-aech fariseosliajwa: “Naebaechnaechan, pachaemnaechan, pejbaechbej pachaem. Naebaechnaechan, chaemilnaechan, pejbaechbej chaemil. Kaenanula naebaechnaechan matabijas pejbaecht. ³⁴ Xamal fariseos xabich chachoelam. Me-ama jom liklasia wut, ja-am xamal. ¿Machiyaxaelamkat, ja-am wut jumchiliajwam pachaempoxan, xamal babejchowam wut? Babejchowam xot, jumchiyaximil pachaempoxan. ³⁵ Jiw, pachaempi, jum-aech pachaempoxan, pejnejchaxoelaxan pachaem xot. Jiw babejchowlax jum-aech pachaema-elpoxan, pejnejchaxoelaxan chaemil xot. ³⁶ Xan jum-an xamalliajwa. Jiw chaemili Dios kastikas wut, japamatkoitat japi kaenanula kastikaxaes, jum-aech xoti pachaema-elpoxan. ³⁷ Xamal jum-am wut pachaempoxan, Dios kastikaxil. Pelax xamal jum-am wut pachaema-elpoxan, Dios kastikaxael xamal” —aech Jesús fariseosliajwa.

Babejchow keto'apox Jesús koexax isliajwa
(Mr 8.11–13; Lc 11.29–32; 12.54–56)

³⁸ Do jawux, kaesupich fariseos, judíos chanaekabuanapibej, jum-aechi Jesúsliajwa: —Jiw chanaekabuanan, xanal taesian koexax chiekal matabijaliajwan, diachwuajnakolax xam Dios to'akponam wut —aechi.

³⁹ Jesús jumnot wut, jum-aechon fariseosliajwa, judíos chanaekabuanapiliajwabej: —Xamal babejchowam, Dios naexaxis-emilpim. Naketo'am isliajwan koexax asbuan jumch taeliajwam. Pe taeyaximil pajelkoexax. Pe taeyaxaelam, me-ama chajia Dios is profeta Jonásliajwa, jiw chiekal matabijaliajwa japon Dios to'aspon. ⁴⁰ Jonás tres matkoiyan pinbaxin pejwoejtat. Xanliajwabej, me-ama japox, jachiyaxael, xan puexa jiw pakoewkolnanliajwa. Nacha-osaxaeli muaxwuajtat tres matkoiyanliajwa —aech Jesús pejpatupaxliajwa.

⁴¹ Jesús pejme jum-aech fariseosliajwa, judíos chanaekabuanapiliajwabej: “Asamatkoi, puexa jiw babejchow Dios pejuwajnalel nuilaxael tasalaliajwas japi ispoxanliajwa, kastikaliajwasbej. Jawut Nínive paklowaxpijiw nuilaxael Dios pejuwajnalel xamal tasalaliajwa, xan nanaexaxis-emil xot. Chajiakolaxtat Jonás japi jiw naewuajan wut, japi jiw kamta kofa babijaxan ispoxan, japi isfulaliajwa Dios nejxasinkpoxan. Xan kaes pejme pachaeman. Me-ama Jonás, jachi-enil. Pelax xan chiekal nanaewes-emil. Xan nanaexaxis-emilbej. ⁴² Jawutbej Saba tuajnuapijiwpaklokolow, nukaxael Dios pejuwajnalel xamal tasalaliajwa, xan nanaexaxis-emil xot. Japow chajiakolaxtat xabich atuj fulaen rey Salomón pejmatabijsax pajut chiekal jumtaeliajwa. Xan kaes pejme pachaeman. Me-ama rey Salomón, jachi-enil. Xamal naewuajnaex chiekal matabijaliajwam Dios. Pelax xan chiekal nanaewes-emil. Xan nanaexaxis-emilbej” —aech Jesús fariseosliajwa, judíos chanaekabuanapiliajwabej.

Dep pejme kaxa nawia'anpox leliajwa aton pejmatpuatxot
(Lc 11.24–26)

⁴³ Jesús pejme jum-aech fariseosliajwa, judíos chanaekabuanapiliajwabej: “Dep nakolt wut aton pejmatpuatxot, nanuamt xabich mamu'alxot. Wulwekon asan pejmatpuatxot jaxot damlathulaliajwa. Faena-el wut, nejchaxoel wut, jum-aechon: ⁴⁴ ‘Xan pejme nawiasaxaelen aton pejmatpuatxot poxade, majt nakoltaxxot’ —aech dep, nejchaxoel wut. Do jawut, dep kaxa nawia'an wut, faenlison japon aton. Dep nejchaxoel atonliajwa: ‘Asan dep le-elfuk xan tajwulela. Samata, xabich pachaem xan pejme leliajwan japon pejmatpuatxot’ —aech dep, nejchaxoel wut. ⁴⁵ Do jawut, dep fulaech asew dep

wuljaesliajwa. Japon dep tameja asew, siete dep. Japi siete dep kaes chaemil. Me-ama dep matxoelapijin, jachi-eli. Do jawut, puexa dep lowlisi japon aton pejmatpruatxot. Ja-aech wut, japon aton kaes pejme xabich nabijat. Me-ama majt nabijat wut, jachi-elon. Xamalbej jachiyaxaelam. Kaes pejme babejchowaxaelam” —aech Jesús fariseosliajwa, judíos chanaekabuanapiliajwabej.

Jesús pen, japon pakoewbej, japi nospaesiapox, Jesús suapich
(Mr 3.31-35; Lc 8.19-21)

⁴⁶ Jesús xabich jiw naewuajan wut batat, jawut japon pen pat, pakoewbej. Japi tathoetat nuil. Japi wuajnawet nospaeliajwapi, Jesús suapich. ⁴⁷ Samata, jawut kaen, jaxotpijin, mox soepan wut Jesúsxot, jum-aechon:

—Jiw chanaekabuanan, nej-en, nakoew suapich, pa'an. Japi ba fuletlet nuil. Japi nospaesia, xam suapich —aechon.

⁴⁸ Do jawut, Jesús jumnot wut, jum-aechon:

—¿Achewkat, me-ama taj-en, takoewbej? —aechon.

⁴⁹ Do jawut, Jesús xanal japon pejnachalwanlel nataxdoefa wut, jum-aechon:

—Ampi tajnachalapi, me-ama takoewbej. Watho', me-ama taj-en. ⁵⁰ Jiw is wut taj-ax Dios nejxasinkpoxan, japon athuxotsepon, ja-aech wut, japilap, me-ama takoew, taj-enbej —aech Jesús.

13

Trigo pejuajan, xasaljabapon
(Mr 4.1-20; Lc 8.4-15)

¹ Do jawut, japamatkoitat wut, Jesús nakolt baxot pukababü' poxaliajwade. Pat wuton, eklison jaxot. ² Jawut xabich jiw pat Jesúsxot. Jiw xabich xot, Jesús falkam jul ekaliajwa jaxot. Do jawut, jiw putat nama. ³ Do jawutbej, Jesús xabich wuajantat japi jiw naewuajan, japi chiekal matabijaliajwa.

Jum-aechon: “Aton fulaech pejlul poxade trigo xasaljabaliajwa. ⁴ Xasaljaba wut, asew trigo natacholan nuamtat. Jawux mia pat xaeliajwa japi trigo, oeli nuamtat. Do jawut, japi trigo xaeslisi. ⁵ Asew natacholan ia'xot. Jaxot as xanaja'al. Japi trigo kamta naboela, sat kaes tuajnik xot, sat kaesuapich xot sat. ⁶ Do xabich masxaenk wut, selnas wut, matkaens japi trigo, tathinkasnika-el xotdik. ⁷ Asew trigo natacholanpi na-e'lu tasiaptasxot. Japi trigo naboela wut, jawutbej na-e'lu naboela. Na-e'lu kaes athu. Samata, trigo ti'sax itfi'il. Samatabej, japi trigo naboes-el. ⁸ Asew trigo natacholan sat pachaemxot. Japi trigo puexa chiekal naboela. Trigoton chiekal ti'sful wut, chiekal naboet. Asew trigoton naboet cien trigofu. Asew trigoton naboet sesenta trigofu. Asew trigoton naboet treinta trigofu. ⁹ Xamal chiekal matabijasiam wut Dios pejmatabijsax, ¡chiekal naewe'e xan naewuajnapox!” —aech Jesús.

Ma-aech xot Jesús xabich wuajantat naewuajan
(Mr 4.10-12; Lc 8.9-10)

¹⁰ Do jawut, xanal pejnachalwan mox soepax Jesúsxot. Jesús wuajnachaemtax wut, jum-an:

—¿Ma-aech xotkat jiw xabich naewuajnam wuajantat? —an xanal. ¹¹ Jesús jumnot wut, jum-aechon: “Dios xamal tapaei chiekal matabijaliajwam Dios puexa pejiw tato'laxaelpox. Asew jiw japox matabijaxil. Japi asbuan jumch naewesaxael. Xamallax naewetam wut, chiekal matabijaxaelam, achax chiyaxael japawuajan. ¹² Chiekal tatae-flafulpon tejew, japon kaes pejme chaxdusaxaelen. Asanlax chiekal nawetatae-flafula-elpon tejew, japon kaesuapich nawetatae-fulpox, puexa kefisaxaeson. ¹³ Samata, xan jiw naewuajnapox wuajantat. Japi taen wut xan isxpoxan, japi chiekal matabijaxil, ma-aech xot xan japoxan isx. Japi nanaewet wutbej xan jum-anpoxan, chiekal jummatabijaxili, achax chiyaxael japoxan. ¹⁴ Dios pejprofeta Isaías chajia lelox, jum-aech Dios jum-aechpox jiw jummatabijaxilox, naewuajnas wuti Dios pejjamechan:

Jiw xabich naewesaxael. Pe japi jummatbijaxil naewuajnaspoxan. Jiw taen wut ja-aechpoxan, japoxan japi jiw matabijaxil, achax chiyaxaelpox.

¹⁵ Japi matnaetink xot, matabijaxili chimiawuajan. Japibej, me-ama pajut naecho'takuka wut, ja-aechi jumtae-elaliajwa. Japibej, me-ama matseka wut, ja-aechi tae-elaliajwa. Samata, japi matabijaxil tajjamechan nanaexaxisliajwa. Samata, xan bu'weyaxinil japi jiw' —aech Dios jum-aechpox.

¹⁶ “Xamal taenamproxan, asew jiw japoxan taen wut, japi nejchachaemlaxael. Xamal jumtaenamproxan, asew jiw japoxan jumtaen wut, japibej nejchachaemlaxael.

¹⁷ Diachwuajnakolax xan jum-an. Xabich profetas, asew xabich pachaempibej, xabich taesiapi Mesias, xamal amwutjel taenampon. Pe japi tae-el, chajia wuajna tur xoti. Japi xabich jumtaesiabej chimiawuajan, xamal jumtaenamproxan. Pe japi jumtae-el” —aech Jesus xanal pejnachalwanliajwa.

*Jesus chiekal chanaekabu*anapox trigo pejwuajan, xasaljabapon

(Mr 4.13-20; Lc 8.11-15)

¹⁸ Do pejme Jesus jum-aech xanal pejnachalwanliajwa: “jChiekal nanaewe'e xan naewuajnapox! Chiekal chanaekabuanaaxaelen, achax chiyaxael trigo xasaljabapox.

¹⁹ Trigo natacholanpox nuamtat, japoxlap, me-ama Dios puexa pejiw tato'laxaelpox. Jiw naewet wut japox, chiekal jummatbija-eli. Samata, Satanás fulaen japilel japi kofaliajwa Dios naexaxisfulpox. ²⁰ Trigo, ia'xot natacholanpi, kamta naboelapi, japi trigo, me-ama asew jiw Dios pejjamechan jumtaen wut, kamta naexasiti. Do jawut, xabich nejchachaemili. ²¹ Pe xabicha-el japi jiw pejxanaboejxan Diosliajwa, chiekal naexaxisfula-el xotfuki Dios. Japi jiw, me-ama trigo tathinkasnika-elpi. Chiekal ti'sfula-elbeji. Dios naexasit xoti, asew jiw bu'wuajanpaeis wut, o, chaemilpox wepach wut, jawut japi jiw kaes xanaboejafula-eli Dios. Samata, kofapi Dios naexaxisfulpox. ²² Trigo, natacholanpi na-e'lu tasiaptasxot, matxoelanaboelapi, japi trigo, me-ama asew jiw Dios pejjamechan jumtaeni. Japox jumtaen wut, naexasiti. Do jawux, asaxan nejchaxoel xoti, kofapi naexasitpox Dios pejjamechan, kaes nejchaxoelaful xoti ampathatpijaxankal. Nejchaxoelafulbeji kemaenkaliajwa. Xabich kaes plata kanasiapi. Samata, japoxan nejchaxoel xoti, kaes naexaxisfula-eli Dios. Samatabej, xabicha-el japi pejxanaboejxan Diosliajwa. ²³ Trigo, natacholanpi sat pachaemxot, japi, me-ama asew jiw. Dios pejjamechan jumtaen wuti, japi chiekal naexasit, matabija xoti, achax chiyaxaelpox. Japi jiw isful Dios nejxasinkpoxan. Japi jiwlap, me-ama trigo natacholanpi sat pachaemxot. Asew jiw japixot chiekal is Dios nejxasinkpoxan. Japi jiwlap, me-ama trigotonan naboeti cien trigofu. Asew jiw japixot kaeswapich is Dios nejxasinkpoxan. Japi jiwlap, me-ama trigotonan naboeti sesenta trigofu. Asew jiw japixot chiekal is-el Dios nejxasinkpoxan. Japi jiwlap, me-ama trigotonan naboeti treinta trigofu” —aech Jesus, xanal pejnachalwan nachanaekabuana wut trigowuajanliajwa.

Me-ama trigo ja-aechpi pejwuajan, japi kaewutje ti'tpox, trigo swapich

²⁴ Do jawux, Jesus jum-aech asawuajan: “Dios puexa pejiw tato'alpox, me-ama aton xasaljaba trigo pachaempi pejlultat, ja-aechlap-is japox. Japi trigo pachaem naboelaliajwa. ²⁵ Japon moejt wut, padaelman fulaech japon pejlul poxade. Japalulxot japon xasaljaba, me-ama trigo ja-aechpi. Xasaljabax ketoet wut, jaxot chijiapon. ²⁶ Do baxael, trigo naboela wut, do jawutbej naboela, me-ama trigo ja-aechpi. ²⁷ Do jawut, lulpijin pamakjiw pat japon pejbaxot. Japi jum-aech: ‘Tajpaklon, trigo xasaljabampi nejlultat majt, chiekal pachaempi. jPe ma-aechxotkat naboelabej, me-ama trigo ja-aechpi nejlultat?’ —aech pamakjiw. ²⁸ Lulpijin jum-aech: ‘Kaen tadaelman xasaljaba, me-ama trigo ja-aechpi tajlulxot’ —aechon pamakjiwliajwa. Do jawut, pamakjiw wuajnachaemt wut, jum-aechi: ‘jPachaemkat xamliajwa xanal tusliajwan, me-ama trigo ja-aechpi?’ —aechi lulpijinliajwa. ²⁹ Do jawut, lulpijin jum-aech: ‘El’ —aechon. ‘Me-ama trigo ja-aechpi, tutam wut, chatusaxaelambej trigo. ³⁰ Samata, jtaepaem, trigo swapich, kaewutje ti'sliajwa! Trigo chiekal ti't wut, jawut, to'axaelen matxoela tasiapsliajwas, me-ama trigo

ja-aechpi. Do jawux, me-ama trigo ja-aechpi chamatakuiyaxaes. Do jawut, chanosaxaes, me-ama trigo ja-aechpi lausliajwas. Do baxael, trigo jola, trigo cha-owabatata nawecharowaxael' —aech lulpijin" —aech Jesús pejnachalaliajwa.

Mostazafut pejwujajan

(Mr 4.30–32; Lc 13.18–19)

³¹ Do jawux, Jesús naewujajan wut jiw, asawujantata jum-aechon: "Dios puexa pejjiw tato'alpox, me-ama mostazafut, aton mutht pejlultat. Do jawux, kamta wenaboeltas. Weti'tasbejpon. ³² Diachwujajnakolax japafut kaes pejme cha-aelfut. Kaewaech wut, kamta ti't kaes athu. Me-ama asew luxot muthasi, jachi-el. Ti't wut, chiekal nae. Samata, pachaem mia pejfenan isliajwa japanaedalanxot" —aech Jesús mostazafutliajwa. (Jasoxtat japi jiw naexasit Dios tato'alpox majt kaeswapich. Kaeswapich matkoijan wut, kaes pejme xabichaxael jiw.)

Levadura pejwujajan

(Lc 13.20–21)

³³ Do jawux, Jesús pejme jum-aech asawujantata jiwliajwa: "Dios puexa pejjiw tato'laxaelpox, me-ama levadura. Kaeow pawis pan isliajwa wut, trigobelan thonpow, kaeswapich levadurabej. Tanialtow levadura posapa, puexa pansap puthlaliajwa. Do jawut, cha-etow levaduratata japapansap puthlaliajwa, pinasapaliajwabej" —aech Jesús jiwliajwa. (Jachiyaxaelbej, asamatkoi Dios puexa pejjiw tato'laxael wut. Pothata jiw xabich xajupaxael.)

Ma-aech xot Jesús naewujajan wujantata

(Mr 4.33–34)

³⁴ Jesús naewujajan wut jiw, wujantata naewujajanpon. Masoxtat asbuan jumch naewujajna-elon. ³⁵ Japox ja-aech, pat xot Dios pejprofeta chajia jum-aechpox, Mesías jumchiyaxaelpox: "Naewujajnaaxaelen wujantata. Jumchiyaxaelen jiw majt matabija-elpoxan. Akaseskolaxtat Dios that is wut, amwutjelbej, japoxan jiw matabija-el" —chiyaxaelpox Mesías.

Jesús chiekal chanaekabuanapox wujajan, me-ama trigo ja-aechpiliajwa

³⁶ Jesús buxtoet wut, kejachapon japi jiw naweliajwa. Do jawux, ba lowpon, xanal pejnachalwan swapich. Jaxot wuton, xanal mox soepax Jesús. Do jawut, xanal Jesús wujajnachaemtax chiekal nachanaekabuanaliajwa wujajan, me-ama trigo ja-aechpiliajwa. ³⁷ Do jawut, Jesús jumnot wut, najum-aechon xanalliajwa: "Trigo pachaempi xasaljabapon, japonlap xan, puexa jiw pakoewkolnanponan. ³⁸ 'Lul' —aech wut, jumchiliajwa: 'Jiw ampathatpijiw'. 'Trigo pachaempi' —aech wut, jumchiliajwa: 'Jiw tato'laspi Dios'. 'Me-ama trigo ja-aechpi' —aech wut, jumchiliajwa: 'Satanás tato'laspi ampathatat'. ³⁹ Me-ama trigo ja-aechpi xasaljabapon, japonlap lulpijin padaelman. Japon pawul Satanás. 'Trigo jolax' —aech wut, jumchiliajwa: 'Asamatkoi ampathatpijiw toesaxaes Dios'. 'Trigo chatsiaps' —aech wut, jumchiliajwa: 'Dios pej-ángeles' —chiliajwa. ⁴⁰ Japox jachiyaxael, that toepaliajwa wut jiw Dios naexasis-elpiliajwa. Japi, me-ama trigo ja-aechpi, jitat lausaxaes. ⁴¹ Xan, puexa jiw pakoewkolnan, to'axaelen Dios pej-ángeles tamejalijawapi jiw babijaxan ispi, asew jiwbej, japi, itpaeipi asew jiw babijaxan isliajwa. ⁴² Japi jiw pelsaxaes jit pinjiyax poxadik. Jaxotdik xabich noeyaxaeli, bowaxaes xot jitat. Bua'tatisaxaelbejpi, xabich nabijasaxael xot. ⁴³ Dios naexasitilax, japi duilaxael pax Diosxotse. Jaxotse japi jiw xabich nejchachaemlaxael. Me-ama juimt matkoipijin itliak wut, jachiyaxael japi jiw. Xamal chiekal matabijasiam wut Dios matabijtjox, jchiekal naewe'e xan jum-anpox!" —aech Jesús xanal pejnachalwanliajwa.

Xabich ommaeyaxan chafaenspox pejwujajan

⁴⁴ Jesús pejme jum-aech wujantata xanalliajwa: "Dios puexa pejjiw tato'alpox, me-ama xabich ommaeyaxan chamoestaspox lultat. Japox lulpijin chajia maliach chamutht pejlultat. Do baxael, asan chafaen chamoestaspox. Chafaen wut, do jaxot, kawutat pejme

chamoeston japox. Japon xabich nejchachaemil. Do jawut, fúlaechlison puexa pejew mowaliajwa, japaplatatat japalul chawwajsliajwa, ommaeyaxan chamuthtasxot” —aech Jesús xanalliajwa. (Me-ama xabich ommaeyaxan chafaenpon xabich nejchachaemil, jachiyaxaellap-is, jiw matabija wuti wajpaklokolan Dios.)

Perlat pejwujajan, japot xabich ommaenkpot

⁴⁵⁻⁴⁶ Do pejme Jesús jum-aech xanal pejnachalwanliajwa: “Dios puexa pejiw tato'alpox, me-ama perlas wujasan. Japon jalwek perlas, xabich pachaempi, wujsliajwa. Faen wuton kaet perlat, xabich ommaenkpot, jawut puexa pejew mowapon, japaplatatat wujsliajwapon japot perlat” —aech Jesús xanalliajwa.

Chinchorro pejwujajan

⁴⁷ Do jawutbej, Jesús jum-aech xanal pejnachalwanliajwa: “Dios puexa pejiw tato'alpox, me-ama chinchorro, pukaxot xawawaels wut, ja-aechox. Nejmachbaxi xawawaels. ⁴⁸ Chinchorro xabich baxi wuluk wut, nabaxitpi chajolkafalde thaejtade. Jaxotde chalaki baxi itfesliajwa. Pachaempikal jefuldiki canasta poxadik. Do jawut, chaemili pelsfuli asalel. ⁴⁹ Jasox jachiyaxaelbej, that toepaliajwa wut. Jawut Dios pej-ángeles fúloeyaxoek jiw babejchow pejlel diajkaliajwa pachaempixot. ⁵⁰ Do jawux, babejchow pelsaxaeks jit pinjiyax poxadik. Jaxotdik xabich noeyaxaeli. Bua'tatisaxaelbejpi, xabich nabijasaxael xot” —aech Jesús xanalliajwa.

Pajelnaewujajnaex, padujnaewujajnaexbej

⁵¹ Jesús xanal nawujajnaex wut, jum-aechon xanal pejnachalwanliajwa:

—¿Xamalkat jummatabijam xan naewujajnaexpoxan? —aech Jesús xanalliajwa.

Xanal jumnotx wut, jum-an:

—Tajpaklon, diachwujajnakolax xanal puexa chiekal jumtaenx japoxan —an xanal.

⁵² Do jawut, Jesús jum-aech xanalliajwa:

—Judíos chanaekabuanapi matabija Dios puexa pejiw tato'alpox. Japi xan nanaexasit wut, japibej tajnachalaxael. Me-ama aton pejbaxot xabich owa ommaenkpoxan, asew pajel, asew paduj, ja-aechbej judíos chanaekabuanapi. Japi matabija pajelnaewujajnaexan, xan naewujajnaexpoxan tajutliajwa. Japi matabijabej padujnaewujajnaexan, chajia lel-spoxan. Puexa japoxan pachaem japi naewujajnaexan jiw —aech Jesús xanalliajwa.

Jesús Nazaret paklowaxxotpox

(Mr 6.1-6; Lc 4.16-30)

⁵³ Do jawut, Jesús buxtoet wut wujajan naewujajnaexpox, fúlaechon Nazaret paklowax poxade. ⁵⁴ Do jawux, patlison Nazaret paklowax, pejtujajnakolaxxot. Jaxot tñaduton jiw naewujajnaexan judíos naewujajnaexot. Japi jumtaen wut Jesús naewujajnaexpox, xabich nejchaxoelanuili. Samata, nakaewa najum-aechi:

—¿Amxotkat ampon puexa japoxan xabich matabijit? ¿Ma-aechon koechaxan isliajwa?

⁵⁵ ¿Diachkat ampon José carpintero nabichan paxulna-elkat? Jesús pen pawul María. Ampon pakoew ampilape. Kaen pawul Santiago. Asan pawul José. Asan pawul Simón. Asan pawul Judas. ⁵⁶ Jesús pakoewbej, watho', japi duil xatisxot. ¿Amxotkaton faek puexa matabijsax, pamamaxbej? —na-aechi nakaewaliajwa.

⁵⁷ Samata, japi naexasis-el Jesús naewujajnaexpox. Do jawutbej, Jesús jum-aech pajutliajwa:

—Profetas sitaens popaklowaxanpijiw. Pelax profeta sitae-esal pejtujajnakolapijiw. Pejbaapijiwbej sitae-esal —aech Jesús.

⁵⁸ Do jawutbej, Jesús jaxot xabich koechaxan is-el, naexasis-esal xoton.

Juan, jiw bautisan, boesaspoex

(Mr 6.14-29; Lc 9.7-9)

¹ Japamatkoian rey Herodes, Galilea t̄aj̄n̄up̄ij̄iw tato'lan, w̄ltaen Jesús isfulpoxan.

² Samata, Herodes j̄um-aech pamakjiwliajwa, j̄um-aech w̄ton Jesúsliajwa: “Japonlap Juan, jiw bautisan. T̄up w̄t, mat-echpon. Japonlap pejme duk. Samata, japon isful koechaxan” —aech Herodes Jesúsliajwa.

³ Herodes chajia keto'a soldaw jaelsliajwapi Juan. Do jaw̄t, Juan xawaech cade-nam̄tat. Do jaw̄x, jiw jebatat jiaspon. Herodes japox is, pijow pejjamet. Japow paw̄l Herodías. Japow majt Felipe pijow. Felipe Herodes pakoewan. Do baxael, Herodes fe'en pakoewan Felipe. ⁴ Jasox Herodes is w̄t, Juan j̄um-aech Herodesliajwa: —Moisés chajia lelpox j̄um-aech: “¡Xam nakoewan pijow nijow dofaximil! ¡Japox chaemil!” —aechox —aech Juan Herodesliajwa.

⁵ Samata, Herodes japox j̄umtaen w̄t, japon boesasia Juan. Pe Herodes pejlewla judíosliajwa, japi xabich j̄um-aech xot: “Juan, jiw bautisan, japon Dios pejprofeta” —aech xot xabich jiw. ⁶ Pe baxael, Herodes pejcumpleaños pat. Jaw̄t, fiesta w̄t, Herodías paxulow nababoela tad̄uchpi pejw̄aj̄nalel. Herodes xabich nejxasink japow nababoelapox. ⁷ Samata, Herodes j̄umdut chaxdusliajwa japow w̄ljoeyaxaelpox. J̄um-aechbejpon: “Naw̄ljowampox chaxdus-ense w̄t, ¡Dios xan nej nakastike'!” —aech Herodes pajiowliajwa. ⁸ Do jaw̄x, pen b̄uxto'aspox j̄um-aechow Herodesliajwa:

—¡Ma amw̄t nachaxdu'e plaftat Juan, jiw bautisan, pejmatnaet! —aechow Herodesliajwa pen b̄uxto'aspox.

⁹ Do jaw̄t, Herodes xabich nejxaejwas Juanliajwa. Pe tad̄uchpi j̄umtaen Herodes j̄umdutox. Samata, to'apon soldaw isliajwa japow w̄ljowpox. ¹⁰ Do jaw̄t, Herodes soldaw keto'a Juan taxtasiapchaliajwas. Do jaw̄t, Juan taxtasiapchas jiw jebatat. ¹¹ Jaw̄t Juan pejmatnaet chaxlaens plaftat. Do jaw̄tbej, japi chaxdut pansiw Juan pejmatnaet. Do japow pansiw pen chaxdutow Juan pejmatnaet, japow chiekal matabijsliajwa Juan t̄up̄pox.

¹² Baxael, Juan pejnachala pat chaxlaeliajwa pat̄upan Juan. Do jaw̄t, chaxfollisipon. M̄t̄htlisipon. Do jaw̄x, Juan pejnachala f̄ulaech Jesús poxade. Jesúsxot pa'a w̄t, chapaeilisi Juan taxtasiapchasox.

Jesús naxaeyaxan chaxduwpox cinco mil poejiw

(Mr 6.30-44; Lc 9.10-17; Jn 6.1-14)

¹³ Jesús j̄umtaen w̄t Juan boesasox, Jesús chijia falkamtat asalel tamachaliajwa, xanal pejnachalwan s̄apich. Pe jaw̄t, jiw matabija w̄t, japibej nakola paklowanxot w̄aj̄nade f̄ulaeliajwa p̄t̄lel. ¹⁴ Samata, Jesús chapa'a w̄t falkamtat pukabab̄'tat, xabich jiw taenson p̄t̄lel. Taen w̄ton japi jiw, xabich beltaenpon. Samata, jaw̄t Jesús boejth̄t jiw b̄u'xaeya, japi b̄uflaenspi. ¹⁵ Do jaw̄t, tuila w̄t, xanal pejnachalwan mox soepax Jesús. Jaw̄t xanal j̄um-an:

—Tuilalisox. Amxot t̄aj̄n̄uchan mox ajil. Amxotbej ajil naxaeyaxan w̄aj̄sliajwas. Samata, ¡ampi jiw to'im t̄aj̄n̄uchan poxade, pajut pejew naxaeyaxan w̄aj̄sliajwa! —an xanal.

¹⁶ Jesús j̄umnot w̄t, j̄um-aechon xanalliajwa:

—Japi wewe'pa-esal at̄aj̄ f̄ulaeyax naxaeyaxan w̄aj̄sliajwa. ¡Xamal najut chaxduim naxaeyaxan japi jiw xaeliajwa! —aech Jesús xanalliajwa.

¹⁷ Xanal j̄umnotx w̄t, j̄um-an:

—Xanalxot asb̄an j̄umch cinco pan, kolenje baxinbej. Xaj̄paxil puexa jiwliajwa —an xanal.

¹⁸ Do jaw̄t, Jesús j̄um-aech xanalliajwa:

—¡Ampalel xalaemni! —aechon.

¹⁹ Do jaw̄t, Jesús to'a jiw chalakaliajwa polaxot. Jaw̄t chafiton cinco pan, kolenje baxinbej. Do jaw̄t, ath̄u natachaemse w̄t, gracias-aechon, panliajwa, baxiliajwabej, Dios kaw̄aj̄nalialiajwa w̄t. Jaw̄t jalkaf̄ul panes, baxibej. Jalkaf̄ul w̄t, pejnachalwan nachaxduifulon xanal sasf̄ulaliajwan. Jaw̄t sasf̄ulax puexa jiwliajwa. ²⁰ Puexa jiw chiekal xael. Chiekal nafniabejpi. Kaechatoel w̄t xaeyax, xanal jiax matpirantat jiw

mali. Wulux doce matpiran, baxitoerow, pan malsibej. ²¹ Jiw xaelpi, japi cinco mil poejiw. Watho' xajui-esal, yamxi suapich.

Jesús fulaenpox pukaminakaldin
(Mr 6.45-52; Jn 6.16-21)

²² Do japoxwux, Jesús xanal nato'a falkam julaliajwan, wuajna chaliknaliajwan. Jesús kaweta namanfuk jiw to'aliajwapon, pejbachan poxade japi jiw naweliajwa. ²³ Puexa jiw nawia wut, japon jul muax matwuajase, tamach Dios kawuajnalijwa. Madoi wut, tamachon muaxxot. ²⁴ Jawut xanal falkamtat xabich atuajan. Truxan pinanul wujabas falkam, xabich joewa matalech xot falkam. ²⁵ Do jawut, naliana-el wutfuk, Jesús fulaen minakaldin xanal poxadin. ²⁶ Xanal japox taenx wut, xabich belwax. Do jawut, xanal pota na-oenkax, xabich belwax xot. Xanal jum-an:

—¡Yee, dep amka! —an xanal.

²⁷ Do jawut, xanal najum-aechon:

—¡Nabej nejlewe'! ¡Xanpe'! —aech Jesús xanallijwa.

²⁸ Do jawut, Pedro jum-aech:

—Tajpaklon, xam Jesúsnam wut, ¡xanbej nato'im minakal fulaeliajwan xam poxade! —aech Pedro.

²⁹ Jesús jum-aech:

—¡Xabua'din! —aechon.

Do jawut, Pedro falkamxot nandikon minadik. Fulaechlison Jesús poxade minakalde.

³⁰ Pe jawut, Pedro xabich joewa wikax taen wut, xabich beljowpon. Do jawut, Pedro matkakiawafuldik. Do jawut, na-ualison pejléwt. Jum-aechon:

—Tajpaklon, ¡xabua't! ¡Xan nabu'wem bu'la-elaliajwan! —aech Pedro.

³¹ Do jawut, Jesús makafit wut Pedro, jum-aechon:

—Pedro, ¿ma-aech xotkat xam chiekal naxanaboejs-emil? ¿Ma-aech xotbejkat nejchaxoelam: “Xan xajupaxinil fulaeliajwan minakalde” —amkat, nejchaxoelam wut? —aech Jesús.

³² Japi kolenje falkam jul wut, joewa chiekal toep. ³³ Do jawut, xanal brixtat nuilx falkamtat Jesús pejwuajnalel. Xanal jum-an:

—¡Diachwuajnakolax xam Dios paxulnam! —an xanal.

Jesús boejthutpox jiw bu'xaeya Genesaret tuajnuaxot
(Mr 6.53-56)

³⁴ Xanal chatatx puka wesklele, Genesaret tuajnuaxot. ³⁵ Japatuajnuapijiw, japi jiw matabijtpi Jesús. Samata, wultaen wuti Jesús chatatpox japatuajnuaxot, japi jiw buflaeni bu'xaeya Jesúslel. ³⁶ Japi wuljow Jesús tapanaliajwa bu'xaeya jachaliajwa Jesús pejsumta-osax matdukafulpox. Do jawut, puexa japi jiw jacha wuti, chiekal boejthuslisi.

15

Jiw chajia nejchaxoelpox, babijax, japoxan is xoti, babejchow nadofa
(Mr 7.1-23)

¹ Kaesupich fariseos, judíos chanaekabuanaapibej, fulaen Jesúslel. Japi fulaen Jerusalén paklowaxxot. Pat wuti Jesúsxot, jum-aechi:

² —¿Ma-aech xotkat nejnachala kofa wajwuajnuapijiw pejkabuanaapoxan? ¿Ma-aech xotbejkat majt xabich piach kekakias-eli, xaeliajwa wut? —aechi Jesúslija.

³ Jesús jumnot wut, jum-aechon japiajwa:

—¿Ma-aech xotbejkat xamal naexasisfula-emil Dios tato'alpox? Xamal najut naexasisfulam naewuajnapoxankal. ⁴ Dios chajia jum-aech: ‘¡Sitaem nej-ax, nej-enbej!’ —aech Dios. Jawutbej Dios jum-aech: ‘Nej-ax, nej-enbej, sitae-emil wut, xam tupaxaelam kastikaxtat’ —aech Dios. ⁵⁻⁶ Xamal, fariseospim, judíos chanaekabuanaapimbej jum-amlax: ‘Aton jum-aech wut paxliajwa, penliajwabej: “Xamal kajachawaesaxinil,

puexa tejewpi Diosxot jumdutx xotlis chaxdusliajwan” —aech wuton, japon japox jum-aech, kajachawaesaxil xoton pax, penbej’ —am xamal asbuan jumch. Jasoxtat xamal fariseospim, judíos chanaekabuanampimbej, mastaenam Dios tato'alpox, najut xamal naewuajnampoxankal naexasitam xot. ⁷ ¡Xamal naekichachajbapijwam! Isaías, Dios pejprofeta, diachwuajnakolaxpox chajia lel Dios jum-aechpox xamalliajwa. Japox jum-aech:

⁸ ‘Ampi jiw, me-ama nasitaen wut, ja-aechi. Chimiajamechan naksiyabejpi xanliajwa. Pe pejnechaxoelaxantat xan nasitae-eli.

⁹ Japi nakawuajnamxtat najum-aech wuti: “Xam nejxasinkax” —na-aech wuti, japox xanliajwa omjil. Japi kawuajanpoxan, pajutliajwakal’ —aech Dios jum-aechpox xamalliajwa.

¹⁰ Do jawut, Jesús jiw la kaes moxaliajwadin. Jawut jum-aechon:

—¡Chiekal najumtaem matabijaliajwam jumchiyaxaelenpox! ¹¹ Jiw naxaeyax xael wut, babejchow nadofaxil. ¡El! Pelax jiw jum-aechpoxan pejkaechantat, japoxantat japi jiw babejchow nadofaxael —aech Jesús jiwliajwa.

¹² Do jawut, xanal pejnachalwan mox soepax Jesús jumchiliajwan. Do jawut, xanal japon jum-an:

—¿Xamkat matabijtam fariseos palalapox, jumtaen wuti xam jum-ampox? —an xanal Jesúsliajwa.

¹³ Do jawut, Jesús jum-aech wuajantat xanalliajwa:

—Taj-ax Dios mutha-esalpi, japi tusaxaes pelsliajwas. Fariseos, me-ama mutha-esalpi taj-ax Dios. Ja-aech japi fariseos, jiw naewuajna-el xoti, me-ama Dios to'as. Samata, asamatkoi fariseos toesaxaes. ¹⁴ Samata, ¡nabej nejchaxoele' xabich fariseosliajwa, japi, me-ama itliakla nakae-itliakla namakxafolpi wut, ja-aech xoti! Itliaklan, asan itliaklan makxafol wut, japi kolenje natacholnaxaek kaemuthadik, japi itliakal xot —aech Jesús xanalliajwa.

¹⁵ Do jawut, Pedro jum-aech Jesúsliajwa:

—¡Xanal chiekal nachanaekabuanim japawuajan! —aechon.

¹⁶ Jesús jumnot wut, jum-aechon xanalliajwa:

—¿Xamalkat-is chiekal jummatabija-emil japawuajan? ¹⁷ Xamal chiekal matabijam. Puexa naxaeyaxan xaelam wut, kaweta namana-el nejwoejtat. Baxael, nakoltox xaelampox. ¹⁸ Pelax jum-am wut babejjamechan, japoxan nakola nejnejchaxoelaxanxot. Japoxantatbej xamal babejchow nadofaxaelam Diosliajwa. ¹⁹ Jiw pejnechaxoelaxanxot nakola babejnechaxoelaxan. Samata, nejchaxoeli, jiw beyaxan, asew watho' bə'moeksaxanbej, natkowaxanbej, kichachajbaxanbej, babejjamechan jumchiyaxanbej asew jiwliajwa, kaes asaxan babijaxan isaxanbej. ²⁰ Nejmachjiw japoxan isful wut, japoxantat japi jiw babejchow nadofaxael. Pelax, jiw xaeliajwa wut, majt xabich kekakias-el wut, japoxtat jiw babejchow nadofaxil Diosliajwa —aech Jesús xanalliajwa.

*Judíos-atowa-elpow, japow naexasitpox Jesús
(Mr 7.24–30)*

²¹ Jesús Genesaret tuajnuaxot nakolt wut, xanalbej, japon pejnachalwan, nakolax, japon suapich. Jawut xanal fulaechx, japon suapich, Tiro paklowax poxade, Sidón paklowax poxadebej. ²² Jaxotde xanal pa'ax wut, Jesús mox soepnas pawis. Japow Canaan tuajnuapijow. Jawut nejlasful wut, jum-aechfulow Jesúsliajwa:

—Tajpaklon, David pamon, ¡taxulow nawebeltaem! Taxulow xabich nawenabijat, dep webaes xotow pejmatpuatxot —aechow.

²³ Jesús jumnos-el japow. Do jawut, xanal pejnachalwan mox soepax Jesúsxot. Jawut xanal Jesús baxto'ax wut, jum-an:

—To'impow nawiasliajwa pejba poxade, japow xabich nejlasful xot wajwuchakal —an xanal, Jesús baxto'ax wut.

²⁴ Do jawut, Jesús xanal najum-aech:

—Judíos, me-ama ovejas napelti, ja-aechi, tataeflaspon wejisal xot. Samata, Dios xan nato'a judíoska tataeflaliajwan —na-aech Jesús xanalliajwa.

²⁵ Do jawut, japow brixtat nuk wut Jesús pejwajnalel, jum-aechow:

—Tajpaklon, xan nakajachawae'e! —aechow.

²⁶ Jesús jumnot wut, jum-aechon japowliajwa:

—Xan matxoela kajachawaesaxaelen wut xam, judío-atowa-emilpowam, ja-an wut, xan, me-ama kenosaxaelen yamxi xael wuti pan, japapan wur duajsliajwan —aech Jesús japowliajwa.

²⁷ Do jawut, japow jum-aech Jesúsliajwa:

—Tajpaklon, diachwajnakolax xam jum-am. Pe hasta wurbej xael panfudu', natacholani, wurpijiw pejmesabuxfalxot —aechow. (Japox jum-aechow, matabijt xot Jesús xajuprox kajachawaesliajwa judíos-elibej.)

²⁸ Do jawut, Jesús jum-aech:

—Pawis, xam xabich xan naxanaboejtam. Samata, kajachawaesaxaelen najum-ampox —aech Jesús japowliajwa.

Do jawut, japow paxulow pejmatruatxot dep wejisallisow.

Jesús boejthutpox xabich bu'xaeya

²⁹ Do jaxot Jesús chijia wut, laejalison Galilea pukababu'akal. Jawux julon mux. Jaxot eklison. ³⁰ Xabich jiw natamejal Jesúsxot. Japi jiw xabich bu'pat nabejka, itliaklabej, pejmuxan, pejbechanbej, wenabejkaspibej, buxwajnajilabej, xabich asew bu'xaenkpijbej. Bu'xaeya buflaensi owas Jesús pejwajnalel. Jawut Jesús puexa bu'xaeya chiekal boejthut. ³¹ Samata, buxwajnajila chiekal naksiya. Pejmuxan, pejbechanbej, wenabejkaspi, japijbej chiekal wepachaems. Nabejkabej chiekal laelp. Itliaklabej chiekal taen. Ja-aech wut, puexa jiw jum-aech: “¡Dios, Israel tuajnujwas wajDios, xabich pachaem!” —aechi Diosliajwa.

Jesús naxaeyaxan chaxduwpox cuatro mil poejwliajwa

(Mr 8.1-10)

³² Do jawux, Jesús xanal pejnachalwan nala kaes mox soepaliajwan. Japonxot xanal chiekal moxan wut, najum-aechon:

—Ampi jiw beltaenx, wejisal xot xaeliajwa. Japi xan nachala tres matkoije. Toellisi naxaeyaxan xafoli. Xan ampi jiw to'axinil naxae-elaxtat. To'ax wuti naxae-elaxtat pejbachan poxade, japi jiw xabich pejlit nuamtat boejjilaxaeli —aech Jesús xanalliajwa.

³³ Xanal jumnotx wut, jum-an:

—¿Amxotkat wuajsaxaes naxaeyaxan puexa ampi jiwliajwa? Amxot mox ajil tuajnuchan naxaeyax wuajsliajwas —an xanal.

³⁴ Jesús nawajnaemnt wut, jum-aechon:

—¿Xamalxot massapichkat pan? —aechon.

Xanal jumnotx wut, jum-an:

—Siete panes asbuan jumch. Kaesapich baxixbej —an xanal.

³⁵ Do jawut, to'apon jiw chalakaliajwa satat. ³⁶ Jawut chafitlison siete panes, baxixbej. Do jawutbej, gracias-aechon Diosliajwa panliajwa, baxixliawabej. Jawut jalkafulon panes, baxixbej. Jawut xanal nachaxduifulon sasfulaliajwan. Do jawut, xanal satx puexa jiwliajwa. ³⁷ Puexa jiw chiekal xael. Chiekal nafniabejpi. Do baxael, xanal pejnachalwan chanotx malsi. Wulux siete matpiran. ³⁸ Naxaelpi cuatro mil poejw. Watho', yamxibej, xajui-esal. ³⁹ Do jawut, Jesús jiw to'a naweliajwa pejbachan poxade. Do jawut, Jesús falkam jul, xanal suapich. Jawut chijian Magadán tuajnu poxade.

¹ Fariseos, saduceosbej, fúlaen Jesús taeliajwa, Jesús xapaejsliajwapi. Samata, pat wúti jaxot, japi keto'a Jesús isliajwa koechax, asbuan jumch taeliajwa diachwúajnakolax Jesús Dios paxulan wút.

² Jesús jum-aech: “Juint tuila wút, thatbaxo pasoeyax taenam wút, xamal jum-am: ‘Kandiawa itwúajnaaxael’ —am xamal. ³ Kandiawasap, thatbaxo pasoeyax taenam wút, itloejen da'ax taenam wútbej, xamal jum-ambej: ‘Ampamatkoi iamaxael’ —am xamal, matabijam xot. Pelax matabija-emil ampamatkoiyan Dios ispoxan. Samata, asbuan jumch naketo'am koechax xan isliajwan xamal taeliajwam. ⁴ Xamal babejchowam naketo'am xan koechax isliajwan. Pe xamal taeyaximil asakoechaxan. Xamal kaeyax asbuan jumch taeyaxaelam. Me-ama chajiakolaxtat Dios is profeta Jonásliajwa, jiw pajut chiekal matabijaliajwa Dios xajúppox mat-eliajwa jiw túpi, japi pejme duilaliajwa, jasoxbej Dios isaxael xanliajwa” —aech Jesús fariseosliajwa, saduceosliajwabej.

Do jawút, Jesús chijia japixot. Japi tamach waelapon.

Jesús naewúajanpox pejnachala, japi chiekal pajut natataeflaliajwa fariseos naewuanpoxan, saduceosbej

(Mr 8.14–21)

⁵ Do jawúx, xanal Jesús pejnachalwan, Jesús súapich, chalixnax wút puka we-enlelde, xanal nejkiowx pan xalaeliajwan. ⁶ Do jawút, Jesús xanal najum-aech:

—¿Chiekal taem fariseos pejlevaduraliajwa, saduceos pejlevaduraliajwabej! —aech Jesús.

⁷ Jawút xanal nakaewa najum-an:

—Jesús japox bej nakjum-aechbej, xatis nejkiows xot pan xalaeliajwas —an xanal.

⁸ Jesús matabijt xanal nakaewa jum-anpox. Samata, jum-aechon:

—Xan matabijtax xamal nakaewa najum-ampox, pan nejkiowampoxliajwa. ¿Ma-aech xotkat nejchaxoelam panliajwa? Xamal chiekal xan naxanaboeja-emilfuk. ⁹ Xabich we'pfuk chiekal matabijaliajwam. Nejchafaeka-emil xan jalkafulax wút cinco pan, me-ama kaes cinco mil jiw xaeliajwa. Jawút xamal wulum doce matpiran malsi. ¹⁰ Nejchafaeka-emilbej xan jalkafulaxpox siete panes, me-ama kaes cuatro mil jiwliajwa. Jawút xamal wulum siete matpiran malsi. ¹¹ ¿Ma-aech xotkat nakiowa xamal jummatabija-emil, xan jumchi-enil panliajwa? ¿Chiekal taem fariseos pejlevaduraliajwa, saduceos pejlevaduraliajwabej! —aech Jesús.

¹² Do jawút, xanal tajut chiekal matabijax Jesús naksiya-el levaduraliajwa, panliajwabej. Jesús japox jum-aech wút, jum-aechon xanal tajut chiekal natataeflaliajwan fariseos pejnaewúajnaxan, saduceosbej, japoxan chiekal pachaema-el xot.

Pedro jum-aechpox Jesúsliajwa: “Xam Cristowam, Dios athúxotse dukponan paxulnam”

(Mr 8.27–30; Lc 9.18–21)

¹³ Jesús pat wút Cesarea de Filipo túajnúxot, japon xanal nawúajnachaemt wút, jum-aechon xanalliajwa:

—¿Achanan na-aechkat jiw xanliajwa, puexa jiw pakoewkolnanliajwa? —aech Jesús.

¹⁴ Xanal jumnotx wút, jum-an:

—Asew jiw jum-aech xamliajwa: ‘Japonlap, Juan, jiw bautisan. Mat-echpon pejme duk’ —aech asew jiw xamliajwa. Asew jiw jum-aechbej xamliajwa: ‘Japonlap Elías, Dios pejprofeta. Mat-echpon pejme duk’ —aech asew jiw xamliajwa. Asew jiw jum-aechbej xamliajwa: ‘Japonlap Jeremías, o, asan Dios pejprofetaxot. Mat-echpon pejme duk’ —aech asew jiw xamliajwa —an xanal Jesúsliajwa.

¹⁵ Jesús pejme xanal nawúajnachaemt wút, jum-aechon:

—Xamallax, ¿achan na-amkat xanliajwa? —aech Jesús.

¹⁶ Do jawút, Pedro jumnot wút, jum-aechon:

—Xam Cristowam, Dios athúxotse dukpon paxulnam —aechon.

¹⁷ Do jawút, Jesús jum-aech Pedroliajwa:

—Simón, Jonás paxulan, Dios is pachaempox xamliajwa. Japox xam najut nijaxtat matabijs-emil. Japox matabijtam taj-ax Dios, athupijin, pijaxtat.

¹⁸ Xan ampox jum-an. Pedro, xam, me-ama ia't mamnikpot, ja-am xanliajwa. Jum-ampox xanliajwa, japox diachwujnakolax. Samata, puexa xan nanaexaxisaxaelpi, me-ama xam, japibej tajjiwaxael. Samatabej, patupax malechaxisal tajjiw. ¹⁹ Xam tapaeyaxaelen jiw tato'laliajwam Dios pijaxtat. Paklonaxaelambej japi jiwliajwa. Xam tapaeyaxaelam wut jiw japoxan isliajwa, Diosbej athuxotse tapaeyaxael japi jiw isliajwa japoxan. Xam fiasaxaelampoxan jiw is-elaliajwa, Diosbej athuxotse japoxan fiasaxael jiw is-elaliajwa —aech Jesús Pedroliajwa.

²⁰ Do jawut, Jesús xanal nabuxfiat chapaesamatanfuk asew jiw japon Cristopon.

Jesús jum-aechpox, japon tuxaxaelpoxliajwa

(Mr 8.31-9.1; Lc 9.22-27)

²¹ Do japamatkoitat wut, Jesús tuadut xanal, japon pejnachalwan, chiekal nachanaek-abuanaliajwa japon fulaeyaxaelpoxde, Jerusalén paklowax poxade. Jaxotde judíos-ancianos, sacerdotespaklochowebej, judíos chanaekabuanapibej, japi pijaxtat xabich nabijasaxaelon. Boesaxaesbejpon. Pe tres matkoi wut, Dios mat-esaxaeson pejme dukaliajwa. ²² Do jawut Pedro pejlel buflaechon Jesús, buxfiasliajwa Jesús jum-aechpox. Jawut, Pedro jum-aech nejthuxat Jesúsliajwa:

—¡El! ¡Japox nej jachi-ele' xamliajwa! Xam jum-ampox Dios nejxasinka-el —aech Pedro.

²³ Jesús japox jumtaen wut, natachaemchapon Pedrolel. Do jawut, Jesús jum-aech Pedroliajwa:

—¡Chijiamde xanxot! Xam japox jum-am wut, jum-am Satanás pijaxtat. Xan nakajachawaes-emil, japox jum-am wut. Xam nejchaxoela-emil Dios pijaxan. Asbuan jumch nejchaxoelam ampathatpijaxankal —aech Jesús Pedroliajwa.

²⁴ Do jawut, Jesús najum-aech xanalliajwa:

—Xamal tajnachalwasiam wut, ¡nejkiowde najut isfulasiampoxan! ¡Isfulde pomatkoicha xan tato'laxpoxan! ¡Nejchaxoeldebej xamal nabijasaxaelampox, tuxaxaelampoxbej, tajnachalwam xot! ²⁵ Najut nejxasinkampoxankal isfulam wut, asamatkoi tuxam wut, duilaximil Diosxotse. Pelax isfula-emil wut najut nejxasinkampoxan, isfulaliajwa xan tato'laxpoxan, ja-am wut, diachwujnakolax asamatkoi tuxam wut, pomatkoicha duilaxaelam Diosxotse. ²⁶ Xabich wut nejew ampathatat, japoxan omjil duilaliajwam Diosxotse. Dios kastikaxaelbej xamal, xabich xot nejbabijaxan. Xajuxaximil nejew platatat mosliajwam pasliajwam Diosxotse. ²⁷ Xan, puexa jiw pakoewkolnan, Dios pijaxtat pejme pasaxoekan ampathatasik, Dios pej-ángeles suapich. Do jawut, xamal mosaxaelen xanliajwa nabistampoxan. ²⁸ Diachwujnakolax xamal jum-an. Asew jiw xamalxot, laelpifuk, japi xan nataeyaxael, puexa jiw pakoewkolnan, kaxaxoekan wut Dios pijaxtat puexa tajjiw tato'laliajwan —aech Jesús xanal pejnachalwanliajwa.

17

Jesús xabich chaponanakthianpox Dios pijaxtat

(Mr 9.2-13; Lc 9.28-36)

¹ Do baxael, seis matkoiwux, Jesús fulaech wut, buflaechon Pedro, Santiagobej, Santiago pakoewanbej, japon pawulpon Juan. Japikal Jesús bu'fol pinamux, xabich athu poxase. ² Jaxotse Jesús xabich chaponanakthianpon Dios pijaxtat pejnachala pejuwajnalel. Japon pejxubej xabich xunakthian. Me-ama juimt itliak wut, jaxuaechon. Jawut japon pejnaxoelax, xabich papoeikolax. Xabich itliakbejpo. ³ Do jawut, chalechkal natulaelt kolenje. Japi wajwujnapijiw. Kaen Moisés. Asan Elías. Japi nospaei, Jesús suapich. ⁴ Do jawut, Pedro jum-aech Jesúsliajwa:

—Tajpaklon, pachaem xanal amxot, xamalxotan wut. Nejxasinkam wut, tres bua-at isaxaelen xamalliajwa. Kaeyax xamlliajwa. Asax Moisésliajwa. Asax Elíasliajwabej —aech Pedro.

⁵ Pedro japox naksiya wutfuk, itloejen fuloek japi matwujasik. Japox itloejen xabich itliak. Japox itloejentutat Dios naksiya wut, jum-aechon: “Ampon taxulan, xabich nejxasinkaxpon. Japonliajwa xan xabich nejchachaemlax. ¡Naewesfuldepon!” —aech Dios.

⁶ Japox jumtaen wuti, Jesús pejwujnalel nukapa-oeljabapi satat, xabich beljow xoti. ⁷ Do jawut, Jesús mox soepan japixot. Jacha wut, jum-aechon:

—¡Nanim! ¡Nabej belwe! —aech Jesús pejnachalaliajwa.

⁸ Do jawut, japi natachaema wut, tae-ellisi asew kolenje, jaxot ajil xotlisi. Jesúskaal tamach taeni.

⁹ Muxxotsik baloek wutfuki, Jesús nejthuxat buxfiat wut, jum-aechon pejnachalaliajwa:

—¡Asew jiw nabej chapae' xamal taenampon! Hasta xan, puexa jiw pakoewkolnan, Dios namat-et wut pejme dukaliajwan, jawut asew jiw chapaem xamal taenampon! —aech Jesús pejnachalaliajwa.

¹⁰ Do jawut, Jesús wujnachaemtas wut pejnachala, japi jum-aech Jesúsliajwa:

—¿Ma-aech xotkat judíos chanaekabuanapi jum-aech: ‘Cristo pasaxilfuk. Elías matxoela pasaxael. Do jawux, Cristo pasaxael’ —aechkat judíos chanaekabuanapi? —aech Jesús pejnachala.

¹¹ Do jawut, Jesús jumnot wut, jum-aechon pejnachalaliajwa:

—Diachwujnakolax Elías matxoela pasaxael. Japon jumchiyaxaelbej jiw pajut chiekaal chaemsliajwa Cristo wujna. ¹² Pe xan jum-an. Elías patlison. Pe ampathatpijiw japon matabijs-elipon. Naexaxis-esalbejpon. Japi jiw pajut isasiapox islisi japonliajwa. Me-ama japox, jasoxbej asew jiw isaxael xanliajwa. Xan, puexa jiw pakoewkolnan, xabich nabijasaxaelen japi pijaxtat —aech Jesús pejnachalaliajwa.

¹³ Do jawut, Jesús pejnachala chiekaal matabija, Jesús japox jum-aech wut, jum-aechon Juan, jiw bautisanliajwa.

Jesús nakolsax to'apox dep yamxulan pejmatruatxot

(Mr 9.14-29; Lc 9.37-43)

¹⁴ Jesús jiwxot pat wut, tres pejnachalan suapich, aton mox soepan Jesúsxot. Do jawut, brixtat nuk wut Jesús pejwujnalel, japon jum-aech Jesúsliajwa:

¹⁵ —Tajpaklon, ¡taxulan nawekajachawae'e! Pomatkoicha xabich nabijaton. Taxulan pin-iaveces jitlél jawal, pukalelbej, dep ketis wuton. ¹⁶ Taxulan buflaenx nejnachalalel, japi boejthusliajwa taxulan. Pe japi xajupa-el taxulan boejthusliajwa —aech japon Jesúsliajwa.

¹⁷ Do jawut, Jesús najum-aech xanal pejnachalwanliajwa:

—Xamal tajnachalwam, Dios chiekaal xanaboeja-emilfuk. Nejnejchaxoelaxan chiekala-elbej. Xabich pin-iamatkoivan xamalxotx. Xabich pin-iamatkoivan naewujnafulaxbej. Kajachawaetxbej Dios chiekaal xanaboejalijwam. Pe xamal chiekaal xanaboeja-emilfuk Dios. ¡Buflaeman yamxulan xanlel! —aech Jesús xanalliajwa.

¹⁸ Do jawut, xanal buflaenx wut yamxulan, Jesús to'a nejthuxat dep nakolsliajwa yamxulan pejmatruatxot. Do jawut, kamta dep nakolt yamxulan pejmatruatxot. Jawutbej yamxulan chiekaal pachaemlison.

¹⁹ Do jawux, xanal pejnachalwan mox soepax Jesús wujnachaemsliajwan, japon tamachan wut. Do jawut, xanal wujnachaemtax wut, jum-an:

—¿Ma-aech xotkat xanal xajupa-enil dep nakolsax to'aliajwan? —an xanal.

²⁰ Jesús xanal najumnot wut, jum-aechon:

—Xamal xabicha-el nejxanaboejaxan Diosliajwa. Diachwujnakolax xan jum-an. Cha-aex Dios xanaboejam wut, jum-am wutbej: ‘Diachwujnakolax Dios xajup puexa

isliajwa' —am wut, nejchaxoelam wut, xamalbej xajupaxaelam dep to'aliajwam. Me-ama mostazafut cha-aelfut, ja-aechbej nejxanaboejaxan. Xamal to'am wut ampamuax asalelaliajwa, muax diach napiasaxaeldo'. Puexa xabich xajupaxaelam isliajwam Dios pijaxtat, Dios chiekal xanaboejam wut —aech Jesús xanalliajwa.

[²¹ Me-ama ampon dep, jason, asbuan jumch nakolsaxil masoxtat. Naxae-elaxtat Dios piach kawuajnam wut, ja-aech wut, me-ama ampon dep, jason, nakolsaxael.]

Jesús pejme jum-aechpox pejpatupaxliajwa

(Mr 9.30–32; Lc 9.43–45)

²² Jesús nanuamt wut Galilea tuajnuxot, xanal, japon pejnachalwan, naknanuamtaxbej. Do jawut, Jesús xanal najum-aech:

—Xan, puexa jiw pakoewkolnan, xamalxot kaen nawiasaxael tadaelmajiwxot. ²³ Japi jiw xan naboesaxael. Do jawux, tux wut, tres matkoi wut, Dios namat-esaxael pomatkoicha pejme dukaliajwan —aech Jesús xanal pejnachalwanliajwa.

Jesús japox jum-aech wut, xanal, japon pejnachalwanpin, xabich nanejxaejow.

Jesús motpox impuesto, mat-omwuljowspox Dios pejtemplobaliajwa

²⁴ Dolisdo', Jesús, xanal pejnachalwan suapich, patx Capernaum paklowaxxot. Do jawut, asew jiw fulaen Pedrolel. Japi impuesto mat-omwuljoew Dios pejtemplobaliajwa. Do jawut, japi jum-aech Pedroliajwa:

—¿Nejpaklonkat-is mosaxael impuesto, mat-omwuljowspox Dios pejtemplobaliajwa? —aechi Pedroliajwa.

²⁵ Pedro jumnot wut, jum-aechon japiliajwa:

—Diachwuajnakolax tajpaklon mosaxael impuesto —aech Pedro japiliajwa.

Dolisdo', Pedro ba low wut, Jesús matxoelajum-aech Simón Pedroliajwa. Jum-aechon:

—Ampathatat paklochow kenot impuesto, mat-omwuljowspox gobiernoliajwa. ¿Achewkat mot impuesto? ¿Mosaxaelkat pejjiwkola? O, ¿mosaxaelkat asatuajnuchanpijiw? Simón, ¿achaxkat xam nejchaxoelam japoxliajwa? —aech Jesús.

²⁶ Simón Pedro jumnot wut, jum-aechon:

—Asatuajnuchanpijiw, japi mosaxael impuesto —aech Pedro.

Do jawut, Jesús pejme jum-aech:

—Ja-aech wut, paklochow pejjiwkola mosaxil impuesto. ²⁷ Pe jiw palalagamata xatisliajwa, xam xabua'dik puka poxadik! ¡Aesamuat xalaem baxin juiliajwam! ¡Baxin, matxoelawaesapon, japon baxin chiekal juim! Do japon baxin juwam wut, japabaxin pejkaechaxot faenaxaelam kaekafef. Japakafef xajupaxael mosliajwam nej-impuesto, taj-impuestobej. ¡Japakafef xalaemch mosliajwam japa-impuesto! —aech Jesús Pedroliajwa.

18

Achan kaes paklonaxaelpox Diosxotse

(Mr 9.33–37; Lc 9.46–48)

¹ Do jawux, xanal mox soepax Jesús wuajnaemsliajwan. Wuajnaemtax wut, jum-an:

—¿Achankat xanalxot kaes pejme paklonaxael, Diosxotan wut? —an xanal.

² Do jawut, Jesús yamxulan la nukaliajwa japonxot. Do jawut, notlison yamxulan xanal tajwuajnalel. ³ Do jawut, Jesús jum-aech:

—Diachwuajnakolax xan jum-an. ¡Japanejchaxoelax malis kofim! Nejchaxoelam wut, nabey nejchaxoele': 'Xan kaes pejme pachaeman. Me-ama asew jiw, jachi-enil' —nabey aeche', nejchaxoelam wut! Yamxi jasox nejchaxoela-el. Xamallap-is jasox nejchaxoelaximil. Japox nejchaxoelafulam wut, xamal pasaximil Diosxotse.

⁴ Kaematkoisful nejchaxoelam wut: 'Xan kaes pejme pachaema-enil, me-ama asew jiw' —am wut, nejchaxoelam wut, xamal nejchaxoelaxaelam, me-ama ampon yamxulan. Ja-am wut, asamatkoi paklochwaxaelam Diosxotse. ⁵ Yamxi chiekal bu'kulam wut xan tajaxtat, ja-am wut, jawut xanbej nabu'kulsaxaelam —aech Jesús xanal pejnachalwanliajwa.

Jesús naewuajanpox jiw babijaxan isasamata
(Mr 9.42-48; Lc 17.1-2)

⁶⁻⁷ Do pejme Jesús jum-aech xanalliajwa: “Pomatkoicha jiw babijaxan is, a sew jiw to'as xoti. Pe jelxan nanaexasiti is wut babijaxan, a sew jiw to'as xoti, to'api jiw babijaxan isliajwa, japi jiw xabich kastikaxaes Dios. Japiliajwa kaes pejme pachaemaxael ia' pinanul, jajaera, kaechariama ke'aliajwas, chakakofaliajwasdik mar poxadik, xabich so'nik poxadik, jaxotdik tupaliajwapi. Ja-aech wut, japi to'axil kaes a sew jiw babijaxan isliajwa, jelxan nanaexasiti.

⁸ “Samata, nejke-echantat babijaxan isfulam wut, o, isfulam wutbej babijaxan nejtuaakantat, jnajt naketariowcham! jNajt natuaktariowchambej, atuaj pelsliajwam japoxan! Ja-am wut, kofaxaelam babijaxan isfulampoxan. Ja-am wutbej, pachaemaxaelam pasliajwam Diosxotse. Kofa-emil wut babijaxan isfulampoxan, ja-am wut, napelsaxaemk infierno poxadik. Jaxotdik toepaxil jit pinjiyax. Xabich chaemilaxael xamalliajwa koleke-em wut, koletuakam wutbej, kaes babijaxan isfulam wut japoxantat. ⁹ Nej-itfutabtej taenamxotat babijaxan isfulam wut, jkaenanula najut na-itfukuim, xamalxot pelsliajwam atuaj! Ja-am wut, kofaxaelam babijaxan isfulampoxan. Ja-am wutbej, kaes pejme pachaemaxael xamalliajwa, kae-itfutam wut pasliajwam Diosxotse. Kofa-emil wut babijaxan isfulampoxan, jachi-emil wut, xamal napelsaxaemk infierno poxadik. Jaxotdik toepa-el jit pinjiyax. Xabich chaemilaxaelbej xamalliajwa, kole-itfutam wut, kaes babijaxan isfulam wut japoxantat” —aech Jesús xanal pejnachalwanliajwa.

Ovejas tataefulpon faenpox pijan oveja, wenafo'aspon
(Lc 15.3-7)

¹⁰ Jesús pejme jum-aech xanalliajwa: “jXamal chiekal taem! jNabtej nejchaxoele' yamxiliajwa: ‘Ampi yamxi omjil’ —nabtej aeche', nejchaxoelam wut! Dios pej-ángeles, japi duilpi athuxotse taj-ax Dios pejuajnalel, tataefulpi yamxi. [¹¹ Xan, puexa jiw pakoewkolnan, fuloekx ampathatxot jiw napelti bu'welijaowan.]

¹² “Cien ovejaspon, kaen oveja wenafo'as wut, diachwajnakolax japon noventa y nueve ovejas kaweta waelaxael muaxxot, wulwekaliajwapon oveja wenafo'aspon. ¹³ Japon faen wut oveja, wenafo'aspon, kaes pejme xabich nejchachaemilaxael japavejalijaowan. Me-ama noventa y nueve ovejasliajwa nejchachaemil wut, jachiyaxilon, japi ovejas napels-el xot. ¹⁴ Nej-ax Diosbej, athuxotse dukpon, nejxasinka-elon aton nafo'aliajwa, naexasitpon Dios” —aech Jesús xanal pejnachalwanliajwa.

Xatis beltaeyaxaespx a sew jiw, babijaxan is wut xatiliajwa
(Lc 17.3)

¹⁵ Do pejme Jesús jum-aech xanalliajwa: “Dios naexasitpon babijax is wut xamalliajwa, jxabua'de japon poxade, japon suapich, tamach nospaeliajwam! Japon xamal naewet wut, ja-aech wut, pejme chiekal pachaemaxaelam japonliajwa. ¹⁶ Pe japon naewes-elasia wut, ja-aech wut, japon buflaem a sew jiw, Dios naexasiti poxade, kaen o, kolenje, Dios naexasiti, japibej chiekal jumtaeliajwa nospaeyam wut, japon suapich, xamalliajwa babijax ispon! ¹⁷ Pe japon jaxot naexasis-elasia wut Dios naexasiti pejuajnalel, ja-aech wut, buflaempon puexa Dios pejjamechan naexasiti natameja poxade, jaxot naewuajnalijaowan babijax ispx kofsliajwa. Jaxot naewuajnas wut, naexasis-el wuton, ja-aech wut, nejchaxoelde japonliajwa: ‘Ampon Dios naexasislan. Samata, japon, me-ama impuesto mat-omwuljoen Roma gobiernoliajwa, ja-aechon’ —amde, nejchaxoelam wut japonliajwa.

¹⁸ “Diachwajnakolax xamal jum-an. Ampathatat jiw fiatam wut babijaxan isasamata, japoxanbej Diosxotse fiasaxael. Ampathatat tapaeyam wut jiw isliajwa pachaempoxan, japoxan Diosxotsebej tapaeyaxael jiw isliajwa.

¹⁹ “Xan jum-an ampx xamalliajwa. Ampathatat xamal kolenam kaenejchaxoelaxam wut, kawuajnantat Dios wuljoeliajwam pachaempox, japox taj-ax Dios, athuxotsepon,

japox isaxael xamalliajwa. ²⁰ Kolenje, o, tres, natameja wut xan tajaxtat nakawuajnalialjwa, xan japixotaxaelen” —aech Jesús xanalliajwa.

²¹ Do jawut, Pedro mox soepan Jesús kawuajnachemsliajwa. Jawut Pedro kawuajnachaeamt wut, jum-aechon Jesúsliajwa:

—Tajpaklon, ¿masveceskat xan beltaeyaxaelen, nawe-isful wut babijaxan xanliajwa? ¿Xankat beltaeyaxaelen hasta siete veces? —aech Pedro.

²² Do jawut, Jesús jumnot wut, jum-aechon:

—Xan jumchi-enil: “¡Hasta siete veces xam japon beltaem!” —chi-enil. Asan xabich piach babijaxan isful wut xamliajwa, japon beltaeflaxaelam kaematkoisful —aech Jesús Pedroliajwa.

Pamakan beltae-elpox asan nabichan

²³ Jesús pejme xanal najum-aech wuajantat: “Dios puexa pejiw tato'alpox, me-ama kaen rey chaemt pamakjiwliajwa, japi dewatpoxan. ²⁴ Rey to'a pamakjiw kaenanula chaemsliajwa dewatpoxan. Japixot kaen xabich dewat pin-iat denarios. Japonbej pat reyxot. ²⁵ Dewatpon xajupa-el mosliajwapon rey. Samata, rey to'a asew pamak, dewatpon, mowaliajwas asanxot, jaxot japon esclavoliajwa. Rey to'abej dewatpon pijow mowaliajwas, japon paxibej, japon pejewbej, dewatpoxan mosliajwapon rey. ²⁶ Do jawut, dewatpon brixtat nuk rey pejuajnalel wuljoeliajwapon beltaeyax. Do jawut, jum-aechon reyliajwa: ‘¡Na'afuk! ¡Xanfuk nabeltaem! Mosaxaelen puexa dewatpoxan’ —aechon. ²⁷ Do jawut, rey beltaen dewataspon. Jawut rey jum-aech japonliajwa: ‘Xam nadewatampoxan chiekal toep xanliajwa’ —aech rey. Samata, rey tapaei dewatpon nawiasliajwa pejba poxade, beltaens xoton dewatpoxanliajwa.

²⁸ “Do jawut, rey beltaenspon jaxot nakolt wut, xabu'kulon asan rey pamakan, japon suapich, kaeyaxtat nabistponje. Wuchakalpijin dewat kaesuapich plata, matxoelapatponliajwa reyxot. Rey beltaenspon xabich palala, taen wuton asan nabichan, kaeyaxtat nabistjepon. Jawut rey beltaenspon kaechariamajaelt wut, kaechariamale'apon matkaenjasliajwa asan nabichan, kaeyaxtat nabistjepon. Do jawut, jum-aechbejpon: ‘¡Nadewatampoxan xam namo'e!’ —aechon asanliajwa. ²⁹ Do jawut, kaesuapich dewatpon brixtat nukjaba rey beltaenspon pejuajnalel. Xabich jum-aechon: ‘¡Na'afuk! ¡Xan nabeltaem! Xam mosaxaelen puexa dewatpox’ —aechon.

³⁰ “Pe nakiowa, rey beltaenspon beltae-el asan nabichan. Japon nejwesla wuajnawesliajwa dewatpox. Samata, kaesuapich dewatpon wiach soldawxot, japon jeliajwas jiw jebatat. Jaxot namanaxaelon puexa dewatpoxan mosliajwa. ³¹ Do jawut, asew rey pamakjiw, japox taen wut, xabich palalapi rey beltaensponliajwa. Samata, japi fulaech rey poxade japox chapaeliajwapi reyxot. ³² Do jawut, rey to'a pamakjiw wuljaesliajwas majt rey beltaenspon. Japon pa'an wut reyxot, rey jum-aech japonliajwa: ‘¡Xam xabich babejnam! Xan beltaenx puexa nadewatampoxanliajwa, nawuljowam wut beltaeyax. ³³ Pe xambej beltaeyaxaelam asan tamakan. Me-ama xan beltaenx, jachiyaxaelam asan tamakanliajwa. Pe xam beltae-emil asan tamakan’ —aech rey japonliajwa.

³⁴ “Do jawut, rey xabich palala japonliajwa. Samata, rey to'a japonbej kastikaliajwas, puexa mosliajwabejpon majt dewatpoxan” —aech Jesús, xanal nanaewuajan wut.

³⁵ Jesús pejme xanal najum-aech:

—Taj-ax, athuxotsepon, jachiyaxaelbej xamalliajwa, beltae-emil wut asan, Dios pejamechan naexasitpon, babijaxan is wut xamalliajwa —aech Jesús xanalliajwa.

19

Jesús naewuajanpox poejiw pelsasamata pejwatho'

(Mr 10.1-12; Lc 16.18)

¹ Do jawut, Jesús buxtoet wut naewuajnax beltaeyaxliajwa, chijialison Galilea tuajnuaxot. Jawux patlison Judea tuajnuaxot, Jordánlajt weslelde, juimt julanlelsan. ² Xabich jiw Jesús fulafos. Jaxot Jesús boejthut jiw bu'xaeya.

³ Do jawut, kaeswapich fariseos mox soepa Jesús xapaejsliawapi. Do kawuajnachaemt wut, jum-aechi:

—¿Poejiwkat tapaeis, nejmach masoxtat pelsliawja pejwatho'? —aech fariseos.

⁴ Jesús jumnot wut, jum-aechon fariseosliawja:

—¿Xamalkat xal joe-emil Moisés chajia lelpox? Japox jum-aech: 'Dios ampathat is wut, isbejpon jiw. Dios is aton, pawisbej' —aechox. ⁵ Dios jum-aechbej: 'Samata, aton fit wut pawis, japi nakolaxael paxxot, penxotbej, japon aton, pijow swapich, pejlel dukaliajwa' —aech Dios. ⁶ Do ja-aech wut, japi kolenje, me-ama kaen wut, jachiyaxaeli. Ja-aech wut, japilis, me-ama majt kolenje wut, jachi-ellisi. Amwutjel japi, me-ama kaen wut, ja-aechlisi. Samata, aton fo'axil pijow, Dios pijaxtat nakjiya xot —aech Jesús fariseosliawja.

⁷ Japi fariseos kaes wuajnachaemt wut, jum-aechi Jesúsliawja:

—Moisés chajia jum-aech: 'Poejiw pelsasia wut pejwatho', matxoela lelaxael pelfut japow chaxdusliawapon. Japon lelpox jumchiyaxael, ma-aech xot fo'axaelon pijow. Ja-aech wut, pachaem japon aton fo'aliajwa pijow' —aech Moisés chajia lelpox. ¿Ma-aech xotkat Moisés japox tapaei? —aech fariseos.

⁸ Do jawut, Jesús jum-aech fariseosliawja:

—Xamal matnaetinkam xot, Moisés tapaei japox. Samata, Moisés xamal tapaei pelsliawjam nejwatho'. Majt, akaseskolaxtat, Dios nejxasink, aton pijow fit wut fo'aelaliajwa, japowxot pomatkoicha laejaliajwapon. ⁹ Pe xan jum-an. Aton pijow fo'a wut asbuan jumch masoxtat, asaow fit wuton, japox xabich chaemil Diosliawja, bu'moejt xoton asaow pawis, pijowkolwa-elpow. Pe pawis pakmolow, asan aton bu'moejt wut, ja-aech wut, Dios tapaei aton fo'aliajwa pijow —aech Jesús fariseosliawja.

¹⁰ Do jawut, xanal pejnachalwan jum-an Jesúsliawja:

—Pachaema-el wut poejiw pejwatho' pelsliawja, ja-aech wut, kaes pejme pachaemaxael poejiw watho' nos-elaliajwa, tamach laelpaliajwa —an xanal.

¹¹ Do jawut, Jesús xanal najumnot wut, jum-aechon:

—Puexa jiw najumatabijaxil xan jum-anpox. Dios tapaeispikal, japikal najumatabijaxael japox. ¹² Poejiwxot asew nakjiyaxil, uthjilax chanlaela xoti. Asew poejiw nakjiyaxil, uthjuks xoti. Asew poejiwbej nejxasinkaxil nakjiyaliajwa, Dios puexa pejjiw tato'almatkoi mox pawuajna xot. Xamal xajuram wut matabijaliajwam xan jum-anpox, jchiekal matabijim! —aech Jesús xanal pejnachalwanliawja.

Jesús kawuajanpox Dios yamxiliajwa

(Mr 10.13-16; Lc 18.15-17)

¹³ Asamatkoi jiw paxi buflaen Jesúslel, Jesús ke-osliawja yamxi pejta'axot Dios wekawuajnalijwapon japi yamxiliajwa. Xanal pejnachalwan japox taenx wut, japi jiw fiatx paxi buflaesamatapi Jesúslel. ¹⁴ Do jawut, Jesús najum-aech xanalliajwa:

—¿Tapaem yamxi xanlel buflaeliajwadin! ¿Nabej fias! Diosxotse, Dios jiw tato'alxotse, japi jiw, me-ama ampi yamxi, ja-aech, kamta naexasit xoti Dios —aech Jesús.

¹⁵ Do jawut, Jesús ke-ot japi yamxi pejta'axot Dios kawuajnalijwapon. Dios kawuajna xotse wut, jaxot chijjalison, xanal pejnachalwan swapich, asalel fulaeliajwa.

Kemaeyan nospaeipox, Jesús swapich

(Mr 10.17-31; Lc 18.18-30)

¹⁶ Kaen pansian fulaen taeliajwapon Jesús. Pat wuton Jesúsxot, wuajnachaemt wut, jum-aechon:

—Jiw chanaekabuanan, xam pachaemamponam, ¿achaxkat xan nawewe'p isliawjan pachaempox, pomatkoicha dukaliajwan Diosxotse? —aechon.

¹⁷ Jesús jumnot wut, jum-aech:

—¿Ma-aech xotkat xan najum-am: 'Xam pachaemamponam' —na-amkat? Kaen Dios, japon pachaempon. Pasasiam wut Diosxotse, ¿naexasisfulde Dios tato'alpoxan! —aech Jesús.

¹⁸ Pansian wuajnachaemt wut, jum-aechon:

—¿Masoxkat, Dios tato'alpoxan, xan naexaxisfúlaliajwan? —aechon.

Do jawut, Jesús jum-aech:

—‘¡Asew jiw nabej be’! ¡Asaow pawis, nijwa-elpow, nabej bu'moejsbej! ¡Nabej natkowe'bej! ¡Nabej kichachajbe'bej asan aton xam tasalaliajwam, babijax is-el wuton!¹⁹ ¡Sitaembej nej-ax, nej-enbej! ¡Nejxasinkdebej asew jiw! Me-ama xam najut nanejxasinkam wut, ¡ja-amde asew jiwliajwa!’ —aech Jesús.

²⁰ Pansian jum-aech:

—Xam najum-ampoxan, xan chiekal naexaxisfúlax. ¿Pe achaxkat xan kaes nawewe'pfuk? —aechon.

²¹ Jesús jumnot wut, jum-aechon:

—Chiekal pachaemasiam wut, ¡xabua'de nejba poxade nejew mowaliajwam! Mowam wut, ¡japaplata chaxduim kejila! Ja-am wut, xabichaxael nejew Diosxotse. Do jawux, ¡xam xabua'de xan naknanuamsliajwam, tajnachalnamliajwabej! —aech Jesús pansianliajwa.

²² Pansian japox jumtaen wut, xabich nejxaejwas, xabich kemaenk xoton. Samata, jawut Jesúsxot asbuan jumch chijjalison.

²³ Do jawut, Jesús xanal najum-aech:

—Diachwujnakolax xan jum-an. Xabich tampoel kemaeya pasliajwa Diosxotse. ²⁴ Xamal chiekal matabijam. Camello pinjin xot, xajupaxil xensliajwadepon kuthatuakre'wuj poxade. Ja-aechbej kemaeyaliajwa. Xabich tampoel kemaeya pasliajwa Diosxotse —aech Jesús.

²⁵ Xanal Jesús pejnachalwan japox jumtaenx wut, nejchaxoelanuilx. Do jawut, xanal jum-an Jesúsliajwa:

—¿Achankatlax bu'weyaxaes pasliajwa Diosxotse? —an xanal.

²⁶ Do jawut, Jesús xanal chiekal natachaem wut, najum-aechon:

—Jiw pajut pasaxil Diosxotse. Pelax Dios xajup puexa isliajwa. Samata, xajupbejpon jiw bu'weliawja. Kajachawaesaxaelbejpon jiw pasliajwa japonxotse —aech Jesús xanalliajwa.

²⁷ Do jawut, Pedro jum-aech:

—Xanal puexa tejew waelax xam nakfúlaeliajwan. ¿Achaxkat Dios xanal nachaxduiyaxael? —aech Pedro Jesúsliajwa.

²⁸ Do jawut, Jesús jum-aech:

—Diachwujnakolax xan jum-an. Xan, puexa jiw pakoewkolnan, tato'laxaelen wut ampathatat, pajelthat wut, jawut ekaxaelen tajtua-ekaxtat, xabich pachaempoxtat. Ja-aech wut, chiekal pachaemaxael puexa jiw tato'laliajwan. Xamal tajnachalwam chalaxaelambej asatua-ekaxantat tato'laliajwam docemutanpijiw, Israel tuajnuapijiw.

²⁹ Xan tajaxtat xamal waelam wut nejew, nejbachan, nakoewbej, nej-enbej, nej-axjiwbej, naxibej, nejsatanbej, ja-am wut, Dios kaes cien veces chaxduiyaxael xamal. Asamatkoi tupam wutbej, pasaxaelam Diosxotse pomatkoicha duilaliajwam jaxotse. ³⁰ Xabich jiw, paklochowpi, ampathatat. Pe japi Diosxotse wut paklochowaxil. Ampathatat xabich jiw, paklochowa-elpi, japilax Diosxotse wut, paklochowaxael —aech Jesús xanal pejnachalwanliajwa.

20

Nabichow pejwujajan

¹ Do pejme Jesús xanal najum-aech wujantat: “Dios puexa pejiw tato'laxael wut, me-ama uvalulpijin, nabichow mot wut, jachiyaxaelpox. Lulpijin chijia foeljow nabichow wulwekaliajwa japon pejlulxot nabichliajwapi. ² Japon jumdut mosliajwa kaematkoibichax pa-ompoxtat. Jum-aechon: ‘Xamal mosaxaelen kaedenario’ —aechon. Jawut to'alison japi nabichliajwa pejlulxot. ³ Do jawux, juimt athuse wutlejen, lulpijin fúlaech plaza poxade. Jaxotde taenlison poejiw, nuilalap wut is-elaxtat. ⁴ Japon jum-aech japiliajwa: ‘¡Xamalbej xabua'de tajlul poxade nabichliajwam! Xan mosaxaelen

pachaempoxtat' —aechon. Do jawut, japi ow-aech. Fulaechlisi nabichliajwa. ⁵ Juimt matnoch ek wut, lulpijin pejme fulaech plaza poxade wulwekaliajwa nabichow. Japon pejme faek nabichow. Do jawutbej, to'apon japi nabichliajwa japon pejlultat. Do kaliax wut, lulpijin pejme fulaech wukwekaliajwa asew jiw. Faek wut, japibej to'apon nabichliajwa japon pejlultat. ⁶ Juimt dach ek wut, lulpijin pejme fulaech plaza poxade. Jaxotde asew jiw taenon, japi nuilalap wut is-elaxtat. Do jawut, japon japi wuajnaem wut, jum-aechon: '¿Ma-aech xotkat xamal pomatkoicha asbuan jumch amxot nuilapam is-elaxtat?' —aech lulpijin. ⁷ Japi jumnot wut, jum-aechi: 'Xanal amxot nuilapax, kaen aton natadus-el xot nabichliajwan' —aechi. Do jawut, lulpijin jum-aech japiliajwa: 'Ja-aech wut, xabua'de xamalbej tajlul poxade nabichliajwam!' —aechon.

⁸ "Juimt tujop wut, lulpijin jum-aech pamakanliajwa, japon uvalul tataefulponliajwa: '¿Puexa nabichow laem! ¿Japi puexa kaenanula mosfulde kaedenariotat! ¿Tudu'e mosax wuchakalkolaxtat patixot! ¿Jasoxtat mosax toesfulde, matxoelanabisti suapichbej!' —aech lulpijin. ⁹ Taduchpi nabichliajwa juimt dach ek wut, japi kaenanula moch kaedenario. ¹⁰ Jawut matxoelanabisti nejchaxoel: 'Xatis kaes bej nakmosaxaelbejpon' —aechi, nejchaxoel wut. Pe moch wut, japibej kaedenario moch. ¹¹ Matxoelanabisti kaedenario kenot wut, chiekal xanejchachaemla-eli. Do jawut, palalapi lulpijinliajwa. ¹² Samata, japi jum-aech lulpijinliajwa: 'Wuchakalkolaxtat pati asbuan jumch nabist kaehora. Pe xanal najupanamotam, japi suapich. Xanal xabich kaes nabistax masx-aeyaxtat' —aechi. ¹³ Lulpijin jumnot wut, jum-aechon kaen nabichanliajwa: 'Nabichan, xan is-enil babijax xamalliajwa. Xan chajia jum-an: "Xam mosaxaelen kaedenario" —an xan xamalliajwa. ¹⁴ ¿Xanwia'e motxpox! ¿Chijiamde! Wuchakalkolaxtat pati motxbej kaedenario. Jasoxtat xan motx, mosasian xot. ¹⁵ Xan tejew platatat isasianpoxan xa-isaxaelen. ¿Xamkat nusasiawlam, xan tasiawla-el xot tejew plata, xamal najupamotx xot, asew jiw suapich?' —aech lulpijin.

¹⁶ "Xabich jiw, paklochow, ampathatxot. Pe japi Diosxotse wut, paklochowaxil. Xabich jiwbej, paklochowa-eli ampathatxot, japilax Diosxotse paklochowaxael" —aech Jesús.

Ampoxtat Jesús jum-aech tres veces japon pejpatupaxliajwa
(Mr 10.32-34; Lc 18.31-34)

¹⁷ Jesús fulaech Jerusalén paklowax poxade. Xabich jiw fulafoson. Do jawut, fulaech wutfuk, xanal dosan, japon pejnachalwan, nalapon asalelaxachliajwan. Do jawut, Jesús jum-aech xanalliajwa:

¹⁸ —Amwut fulaeyaxaes Jerusalén paklowax poxade. Jaxotde xan, puexa jiw pakoewkolnan, asan nawiasaxael sacerdotepaklochowxot, judíos chanaekabuanapixotbej. Japi natasalaxael asew jiw naboesaliajwa. ¹⁹ Do jawux, nawiasaxael judíos-elpixot nabu'wuajanpaeliajwa. Xabich namatwuajselasaxaeli. Do jawuxbej, nakematamatlaxaeli cruztat xan tupaliajwan. Pe tres matkoi wut, Dios namat-esaxael pejme dukaliajwan —aech Jesús xanalliajwa.

Santiago pen, japowbej Juan pen, japow wuljowpox chamoeyax Jesús we-isliajwas
(Mr 10.35-45; Lc 22.24-30)

²⁰ Do jawux, Zebedeo pijow, paxi suapich, mox soepapi Jesúsxot. Japow brixtat nuk wut Jesús pejwuajnalel, wuljowpow chamoeyax Jesús we-isliajwas. ²¹ Do jawut, Jesús jum-aech:

—¿Achaxasiamkat? —aechon.

Japow jumnot wut, jum-aechow:

—Asamatkoi, xam puexa jiw tato'lam wut, ¿kolenje taxulan tapaem xamxot naliachalalaliajwa! ¿Tapaem japi puexa jiw tato'laliajwa, xam suapich, japi kolenje asew jiw xabich sitaeliajwasbej! —aechow Jesúsliajwa.

²² Jesús jum-aech Santiagoliajwa, Juanliajwabej:

—Xamal matabija-emil nawuljowampox. Xan xabich nabijasaxaelen jiw pijaxtat. ¿Xamalbejkat xajupaxaelam nabijasliajwam, me-ama xan nabijasaxaelen, jachiliajwam? —aech Jesús.

Japi jumnot wut, jum-aechi:

—Diachwujnakolax xanalbej xajupaxaelen nabijasliajwan, me-ama xam nabijasaxaelam, jachiliajwanbej xanal —aechi Jesúsliajwa.

²³ Jesús jum-aech:

—Diachwujnakolax xamalbej nabijasaxaelam xan tajaxtat. Pe chalakaxaelampox, xan suapich, tajpoklalel, tajsoenalelbej, puexa jiw tato'laliajwam, japoxliajwa xan tajut jumchiliajwan, taj-ax Dios natapae-el. Taj-ax Dios chajia jiw makanot japoxliajwa —aech Jesús.

²⁴ Xanal, asewan Jesús pejnachalwan, diezpin, japox wuljoeyax wultaenx wut, xabich talala japiliajwa. ²⁵ Do jawux, Jesús xanal nala mox soepaliajwan japonxot. Najum-aechon:

—Xamal matabijam asatujnuchanpijiwpaklochow, japi Dios naexasis-eli, jiw tato'al wut, tato'la-el pachaempoxtat. Japi jiw tato'al pamamaxtat, asew jiw itpaeliajwa japi kaes paklochowpox. ²⁶ Pelax xamal jasoxtat nakaewa natato'laximil. Xamalxot kaen paklonasia wut, japon matxoela kajachawaesnaxael xamal. ²⁷ Xamalxot kaen paklonasia wut, japon majt malech nabichaxael puexa xamalliajwa. ²⁸ Ja-aechlap-is xanliajwa, puexa jiw pakoewkolnan. Fulae-enilsik jiw xan nakajachawaesliajwa ampathatat. Xanlax fuloekax xabich jiw kajachawaesfulaliajwan, wemosliajwanbej japi babijaxan ispoخانliajwa, tux wut cruztat —aech Jesús.

Jesús boejthutpox kolenje itliaklan

(Mr 10.46-52; Lc 18.35-43)

²⁹ Jesús nakolt wut, xanal pejnachalwan suapich, Jericó paklowaxxot, xabich jiw Jesús fulafos. ³⁰ Jaxot nambabu'tat kolenje itliaklan chalak. Jumentaen wuti Jesús kensaxaelpox, nejlat wut, jum-aechi:

—Tajpaklon, David pamon, xanal nabeltaem! —aechi.

³¹ Do jawut, jiw buxfiat japi kolenje itliaklan boejlach chalakaliajwa. Japi jiw jum-aech: —¡Nabej talias Jesús! —aech nakfolpi.

Ja-aech wut, japi kolenje itliaklan kaes pejme nejlasful wut, jum-aechfuli:

—Tajpaklon, David pamon, xanal nabeltaem! —aechfuli.

³² Do jawut, Jesús nukjaba wut, jum-aechon japiliajwa:

¡Xabua'din xanlel! —aechon.

Itliakla Jesúsxot wut, Jesús jum-aech, wujnachaemt wut:

—¿Xamal achaxasiamkat xan isliajwan xamalliajwa? —aech Jesús.

³³ Itliakla jumnot wut, jum-aechi:

—Tajpaklon, xanal na-itfuboejthu'e chiekal taeliajwan! —aechi.

³⁴ Do jawut, Jesús beltaen itliakla. Jawut Jesús itfujacha japi itliakla. Jawut itliakla chiekal wepachaemslisi pej-itfu. Chiekal taenbejpi. Dolis japi nakfollisi Jesús.

21

Jesús patpox Jerusalén paklowaxxot

(Mr 11.1-11; Lc 19.28-40; Jn 12.12-19)

¹ Xanal, Jesús suapich, moxan wut Jerusalén paklowaxxot, patx Betfagé paklowaxach xot. Jaxot xabich olivonaechan nuil mmaxxot. Do jawut, Jesús pejnachalwanxot kolenje wujna to'achon. ² Fulaeliajwa wut, jum-aechon:

—¡Xabua'de Betfagé paklowaxach poxade! Jaxotde faenaxaelam bur, ke'tason, paxulan suapich. Joltam wut, bur buflaeman xanlel, burxulanbej. ³ Jaxotpijiw xamal wujnachaemt wut burliajwa, japon aton jum-amo: “Wajpaklon amwut nejsesich bur.

Toet wut ispox, pejme wiasaxaelon bur” —amo japi! —aech Jesús, buxto'a wut kolenje pejnachalanliajwa.

⁴ Dolisdo', japox ja-aech, me-ama Dios pejprofeta chajia lelox jachiliajwa burliajwa. Profeta lelox jum-aech:

⁵ “Jumchiyaxaelam jumtaeliajwa Jerusalén paklowaxpijw: ‘¡Taem nejrey, xabich pachaempon, chaflaen wut xamallel bur jelti'santat!’ —chiyaxaelam” —aech profeta lelox.

⁶ Do jawut, Jesús pejnachalan, kolenje, fulaechlisi. Islisi Jesús to'aspox. ⁷ Do jawut, buflaenlisi bur, burxulan suapich, Jesúsleldin. Pejsumta-owa jolpi tam-owaliajwapi burxulan. Do jawut, Jesús tua-ek burxulan. ⁸ Xabich jiw Jesúsxot. Asew japixot pejsunta-owa jol nuamtat ba'aliajwa Jesús fulaeyaxaen poxadin itpaeliajwa japi pejsitaeyax japonliajwa. Asew japixot wuajna owa naedalx, pa-uafpi. ⁹ Xabich jiw wuluk nuamtat. Asew jiw fol Jesús pejwuajnalel. Asew fol wuchakal. Puexa jiw nejlasful wut, jum-aechbalapi:

—¡Aleluya! ¡Pachaempon, wajwuajnapijin, rey David pamon! ¡Ampon fulaenpon Dios pijaxtat, xabich pachaempon! ¡Dios, athupijin, japon xabich pachaem! —aechbalapi, nejla'bala wut.

¹⁰ Do jawut, Jesús pat wut Jerusalén paklowaxxot, japapaklowaxpijw xabich taesia ja-aechox. Samata, nakaewa nawuajnachamt wut, najum-aechi:

—¿Achankat ampon aton? —na-aechi nakaewa.

¹¹ Asew Jesús fulafolpoxot jumnot wut, jum-aechi:

—Ampon Jesús, Dios pejprofeta, Nazaret paklowaxpijin, Galilea tuajnapijin —aechi.

*Jesús to'apox nakolaliajwa Dios pejtemplobatat mowapi, wuajtibej
(Mr 11.15-19; Lc 19.45-48; Jn 2.13-22)*

¹² Jesús Jerusalén paklowax pat wut, Dios pejtemploba low wut, jaxot taenpon mowapi, wuajtibej, plata xanafokibej. Do jawut, Jesús japi nakolax to'a tathoetade. Plata xanafoki, pejmesan fuliaxabapon. Mowapibej a-u, japi pejtua-ekaxan wulaejabapon. ¹³ Jesús jum-aech japi jiwliajwa:

—Dios pejjamechan, chajia lelspx, jum-aech, Dios jum-aech wut pejtemplobaliajwa: ‘Tajba kawuajnaba wulxael, jiw xan nakawuajnalialjwa’ —aech Dios jum-aechpox. Pelax xamal Dios pejtemploba kethaka pejba padofam —aech Jesús.

¹⁴ Jesús Dios pejtemplobatat wut, itliakla, nabejkabej, japi mox soepa Jesúsxot. Jesús japi boejthut. ¹⁵ Sacerdotespaklochow, judíos chanaekabuapibej, taen wuti Jesús ispoxan, jawut xabich palalapi Jesúsliajwa. Jumtaenbejpi, yamxi nejlasful wut jum-aechfulpox Jesúsliajwa: “¡Wajpaklokolan, David pamon, xabich pachaempon!” —aechful wut yamxi Jesúsliajwa. Paklochow japox jumtaen wut, xabich kaes pejme palalapi Jesúsliajwa. ¹⁶ Samata, japi jum-aech Jesúsliajwa:

—¿Xamkat jumtaenam yamxi jum-aechfulpox xamliajwa? —aechi Jesúsliajwa.

Jesús jumnot wut, jum-aechon:

—Diasdo'. Xan chiekal jumtaenx, japi yamxi jum-aechful wut xanliajwa. ¿Xamalkat-is xal joe-emil Dios pejjamechan, chajia lelspx, jum-aech wut:

‘Yamxi, kaes pajampibej, jumchiyaxael pachaempoxan xamliajwa’ —aech wut chajia lelspx xanliajwa? —aech Jesús japi jiwliajwa.

¹⁷ Jawut Jesús waelapon japi jiw Dios pejtemplobatat. Nakoltlison Jerusalén paklowaxxot Betania paklowaxach poxaliajwade. Do jaxot chatuil wut, kawetapi.

*Jesús jum-aechpox, higonae baechjil wut
(Mr 11.12-14, 20-26)*

¹⁸ Kandiaswasap wut, xanal, Jesús suapich, pejme fulaechx Jerusalén paklowax poxade. Do jawut, Jesús litaxaela, nuamtat fol wut. ¹⁹ Do jawut, taenpon higonae nuambabut'at nuknae. Jawut, Jesús mox itfulaech wut, taenon higonae baechjilpox. Xabich pa-uafkalnae jumch. Jawut Jesús jum-aech higonaelialjwa:

—¡Xam kaes naboesaximil! —aech Jesús higonaeliajwa.

Do jawut, kamta higonae selil.

²⁰ Xanal pejnachalwan japox taenx wut, xabich nejchaxoelx. Xanal wuajnaemtax wut, jum-an Jesúsliajwa:

—¡Taem! ¿Ma-aech xotkat kamta higonae selil? —an xanal.

²¹ Jesús xanal najumnot wut, jum-aechon:

—Diachwuajnakolax xan jum-an. Xamal chiekal Dios xanaboejam wut, chinax nejchaxoela-emil wut: ‘Dios nakajachawaesaxil’ —chi-emil wut, nejchaxoelam wut, xamalbej jum-am wut higonaeliajwa, higonae selilaxael. Jachiyaxaelbej muaxliajwa. Samata, jumchiyaxaelam wut ampamuaaxliajwa: ‘Muax, ¡xam amxot napia'e! ¡Xabua'mik mar poxamik!’ —chiyaxaelam wut, diachwuajnakolax muax napiasaxael. ²² Samata, xamal Dios kawuajnam wut, nejchaxoelam wut amprox: ‘Diachwuajnakolax Dios nachaxduiyaxael puexa kawuajnaproxat wuljowxprox’ —am wut, nejchaxoelam wut, diachwuajnakolax xamal Dios chaxduiyaxael puexa kawuajnaproxan —aech Jesús xanalliajwa.

Jesús wuajnaemtasprox, achan to'aspon choef mowapi nakolax to'aliajwapon Dios pejtemplobatat

(Mr 11.27-33; Lc 20.1-8)

²³ Do japoxwux, Jesús, xanal suapich, pejme patx wut, xanal lowx Dios pejtemploba. Jaxot Jesús jiw naewuajan. Naewuajan wut, sacerdotepaklochow, judíos-ancianosbej, mox soepapi wuajnaemsliajwa Jesús. Japi jum-aech:

—¿Achankat xam to'a choef mowapi nakolax to'aliajwam tathoetade Dios pejtemplobaxot? —aechi.

²⁴⁻²⁵ Jesús jumnot wut, jum-aechon:

—Xanbej kaeyax xamal wuajnaemsaaxaelen. ¡Majt chiekal najumno'e! ¿Achankat Juan to'as jiw bautisafulaliajwa? ¿Japoxkat Juan pajut isful? O, ¿Dioskaton to'as? O, ¿japoxkaton isful, jiw to'as xot? Xamal chiekal xan najumnotam wut, ja-aech wut, xanbej chiekal jumnosaxaelen xamal nawuajnaemtamproxliajwa —aech Jesús.

Do jawut, japi nakaewa najum-aech: “Xatis jumnoch wut, ‘Juan Dios to'as xot, jiw bautisaful’ —tis wut, Jesús nakjumchiyaxael: ‘¿Ma-aech xotkat xamalbej naexaxisfula-emil Juan jum-aechfulpox?’ —nakchiyaxael Jesús xatisliajwa. ²⁶ Jumtis wutlax: ‘Juan jiw to'as jiw bautisafulaliajwa’ —tis wut, jiw xabich palalaxael xatisliajwa, puexa jiw jum-aechfulxot Juanliajwa: ‘Diachwuajnakolax Juan, jiw bautisan, jum-aechful Dios pijaxtat’ —aechful xot xabich jiw” —aech paklochow nakaewaliajwa. Samata, japi paklochow xabich pejlewla japox jumchiliajwa. ²⁷ Do jawut, japi jum-aech Jesúsliajwa:

—Jalape. Xanal matabija-enil, achan Juan to'as jiw bautisafulaliajwa —aechi.

Do jawut, Jesús jum-aech japiliajwa:

—Xanbej jumchiyaxinil xamalliajwa, achan xan nato'a japox isliajwan —aech Jesús sacerdotepaklochowliajwa, judíos-ancianosliajwabej.

Aton kolenjepox paxulan

²⁸ Do jawux, Jesús wuajnaemt sacerdotepaklowchow, judíos-ancianosbej. Jum-aechon:

—¿Achaxkat xamal nejchaxoelam ampawuajanliajwa? Kaen aton kolenje paxulan. Japon jum-aech kaen paxulanliajwa: ‘Wua, ¡xabua'de amwut taj-uwalul poxade nabichliajwam!’ —aech pax paxulanliajwa. ²⁹ Paxulan jumnot wut, jum-aechon paxliajwa: ‘Ax, xan fulaeyaxinil nabichliajwan’ —aechon paxliajwa. Pe baxael, japon ow-aech. Dolison fulaech pax pej-uwalul poxade nabichliajwa. ³⁰ Do jawux, japon jum-aech asan paxulanliajwa: ‘Wua, ¡xambej xabua'de taj-uwalul poxade nabichliajwam!’ —aech pax asan paxulanliajwa. Japon jumnot wut, jum-aechon paxliajwa: ‘Ow, ax. Xan fulaeyaxaelen nabichliajwan’ —aechon paxliajwa. Pe japon fulae-el. Kawetapon asbuan jumch batat. ³¹ ¿Achankat japixot kolenje is pax nejxasinkpox? —aech Jesús.

Naeweti jumnot wut, jum-aechi:

—Matxoela-ow-aechpon. Japon is pax nejxasinkpox —aechi.

Jawut Jesús jum-aech:

—Diachwujnakolax xan jum-an. Babejchow, impuesto mat-omwuljoew Roma gobier-noliajwa, watho', poejiw bu'moejtibej kanaliajwa plata, japi japoxan kofa wut, pasaxaeli Diosxotse, xanaboejaful xoti Dios. Pelax xamal pasaximil Diosxotse, xanaboeja-emil xot Dios, kofa-emil xotbej babijaxan isfulampoxan. ³² Juan, jiw bautisan, naewuajan jiw chiekal duilafulaliajwa Diosliajwa. Pe xamal naexaxis-emil japon jum-aechpoxan, japon naewuajanpoxanbej. Me-ama wuchakalpijin naexaxis-el pax to'aspox isliajwapon, xamalbej ja-am. Asew lax, impuesto mat-omwuljoew, watho'bej, asew poejiw bu'moejtpi, japi naexasit Juan naewuajanpox. Xamal taenam wut, japi naexasitpox Juan naewuajanpox, nejchaxoela-emil xamal kofaliajwam babijaxan isampoxan, Juan jum-aechpox naexaxisliajwam —aech Jesús sacerdotespaklochowliajwa, judios-ancianosliajwabej.

Pamak babejchowpox

(Mr 12.1-12; Lc 20.9-19)

³³ Jesús naewuajan wut, sacerdotespaklochow, judios-ancianosbej, japiajwa pejme jum-aechon wujantat: “¡Naewe'e asawuajan! Kaen aton uva mutha. Do jawux, uwalul chaxajajalon ia'tat. Isbejpon uva-ufan jukax uwalulxot. Do jawux, isbejpon japalultat cha-aelbach, athupox, uwalul tataeflaliajwa, uva foi wut. Do jawut, uwalulpijin asew jiw pamakjiwliajwa wuljaeton pejlul piach wetataeflaliajwas, japon pejwulela. Japi bu'pat wut, jum-aechon japiajwa: ‘Xan fulaeyaxaelen asatujnulel atuaj. Xan ajinil wut, itajlul xamal chiekal nawetataefulde!’ —aech uwalulpijin. Do jawux, chijjalison. ³⁴ Do baxael, uva foi wut, uwalulpijin asew pamak to'a wewuljaesliajwas uva, japon pejewpi. ³⁵ Pe fulalaenapi uva wuljaesliajwa, japi jaelas tataefulpi uwalul. Fulalaenpixot asew baes. Asew tux. Asew ia'tat dadaps wut, matkaejabas. ³⁶ Ja-aech wut, uwalulpijin kaes pejme to'aful pamak uwalul tataefulpi poxade. Pe japi fulalaena wut, japipej jaketis.

³⁷ “Do baxael, uwalulpijin to'a paxulan. Japon uwalulpijin nejchaxoel: ‘Uwalul tataefulpi diachwujnakolax bej nawesitaeyaxaelbejpi taxulan’ —aechon, nejchaxoel wut. ³⁸ Pe uwalul tataefulpi taen wuti uwalulpijin paxulan, nakaewa najum-aechi: ‘¡Tae'nik uwalulpijin paxulan! Asamatkoi pax naetux wut, uwalul japon pijax wulxael. Samata, ma amwut xatis ampon boesaxaes, uwalul wajkal chiekal namanaliajwa’ —na-aechi nakaewa. ³⁹ Japon pat wut uwalul tataefulpixot, jawut jaeltason. Do jawut, juchpon uwalulxot. Do jawutbej, boesaspon” —aech Jesús, japawujantat naewuajan wut sacerdotespaklochowliajwa, judios-ancianosliajwabej.

⁴⁰ Do pejme Jesús jum-aech japiajwa:

—Uwalulpijin fulaen wut, zachaxkaton isaxael uwalul tataefulpiliajwa? —aech Jesús japiajwa.

⁴¹ Jumnot wut, jum-aechi:

—Uwalulpijin, japon beyaxael beltae-elaxtat uwalul tataefulpi, babejchow. Do jawux, to'axaelon asew jiw japa-ualul wetataeflaliajwas. Japilax, uva foei wut, kaewaechful wut, wewoeyafulaxael uvapijin pejewpi —aech japi jiw, jumnot wuti Jesúsliajwa.

⁴² Do jawut, Jesús jum-aech:

—Xamal matabijam, Dios pejjamechan, chajia lelslox, jum-aech wut, jum-aechox xanliajwa:

‘Jiw ia'ba is wut, kaet ia'tliajwa nakaewa najum-aechi: “Ampot ia't chaemil” —na-aechi nakaewa. Do jawux, asan aton japot ia't fit wut, jum-aechon: “Ampot ia't, puexa ia'xot, kaes pejme pachaem tukso'pijtalijwa, ba chiekal mamnikaliajwa” —aech japon aton. Me-ama ampox, jasox Dios is Mesiasliajwa. Wajpaklon Dios jasox is xatis weliajwas Mesias pijaxtat. Samata, japox xabich pachaem xatisliajwa’ —aech Dios pejjamechan, chajia lels wut xanliajwa.

⁴³ Samata, xamal jum-an. Xamal xan nanaexaxis-emil xot, Dios tapaeyaxil xamal tato'laliajwam asew jiw. Dioslax tapaeyaxael asew jiw tato'laliajwapi asew jiw, japi jiw

isful Dios nejxasinkpoxan. [⁴⁴ Jiw fiap wut ia't pinjixot, xabich naxthuya wut, xabich naxkolaxaelbejpi. Pelax kaet ia't, pinjit, athusik, jiw matwujasik jopik wut, ja-aech wut, japi jiw chiekal matkaeyaxaes. Jasoxtat xamal nabijasaxaelam, xan nanaexaxis-emil xot, xan nanejwesla xotbej. Dios xamal kastikaxael infiernoxtodik pomatkoichaliajwa] —aech Jesús sacerdotespaklochowliajwa, judfos-ancianosliajwabej.

⁴⁵ Do jawut, sacerdotespaklochow, fariseosbej, jumtaen wuti uvalulwujajan, ia'wujajanbej, japi pajut matabija, Jesús japoxan jum-aech wut, jum-aechon japiliajwa. ⁴⁶ Samata, jawut jaelsasiapi Jesús jiw jebatat jeliajwa. Pe paklochow xabich pejlewla judfosliajwa, judfos nejchaxoel xot: “Jesús Dios pejprofeta” —aech xoti, nejchaxoel wut. Samata, paklochow nejchaxoel: “Jesús jaeltas wut, jiw bej nakbeyaxaelbej” —aechi, nejchaxoel wut.

22

Rey pinjiyax fiesta is wut paxulan nakjiyaponliajwa, xabich jiw tadutpox
(Lc 14.15-24)

¹ Jesús pejme jum-aech wujajantat jiwliajwa:

² “Dios puexa pejiw tato'alpox, me-ama rey fiesta is wut paxulan nakjiyaponliajwa, ja-aechox. ³ Rey to'a pamak chajia taduchpi buflaeliajwa fiesta poxadin. Chajia taduchpi kaenanula jum-aechi asbuan jumch: ‘Xan fulaeyaxinil’ —aechi kaenanula. ⁴ Samata, rey pejme asew pamak to'a chajia taduchpi jumchiliajwa japi fulaeliajwa fiesta poxadin. Pamak to'aliajwa wut, jum-aechon pamakliajwa: ‘¡Chajia tadutxpi jum-amo: “Naxaeyaxan chiekal ketoetx fiestaliajwa. Keto'ax pak xaa'asax, jelti'tpi, chiekal dalpi. Puexa chiekal ketoetx. Pe xaeyaxkal we'p. ¡Ma amwut nej xabuata taxulan, nakjiyapon, pejfiesta nakxaeiajwapi!’ —amo chijia tadutxpi!’ —aech rey, pamak to'a wut. ⁵ Rey pamak pat wut chajia taduchpixot, japi jum-aech rey buxto'aspox. Pe chajia taduchpi owchi-el. Kaen chajia taduchpon, japon fulaech pejlulan poxade. Asanbej japixot fulaech pejew negocios poxade. ⁶ Chajia taduchpixot, asew jaelapi rey pamak. Do jawut, baesbejpi. Asew tɔp japixot, baes wuti. ⁷ Do jawut, rey xabich palala. Samata, rey to'a pejsoldaw beliajwas pamak webaespi, pejbachan welausliajwasbejpi. Jasox is rey pejsoldaw. ⁸ Do jawux, rey jum-aech asew pamakliajwa: ‘Puexa chiekal ketoech taxulan nakjiyapon pejfiestaliajwa. Matxoelatadutxpi wepachaema-esal taxulan pejfiesta naktaeliajwa. ⁹ Samata, ¡xabua'de paklowaxthialaxan poxade! Jaxotde jiw taenam wut, ¡tadu'e taxulan pejfiesta naktaeliajwapi!’ —aech rey, pamak to'a wut. ¹⁰ Do jawut, rey pamak fulaechlisi paklowaxthialaxan poxade. Jaxotde xabich jiw faeki. Do jawut, buflaeni jiw pachaempi, babejchowbej. Do jawut, ba jiw xabich wuluk.

¹¹ “Do jawut, rey low puexa jiw taeliajwa. Jawut rey taen kaen aton, japon naxoela-el tuch sumta-otox, nakjiyapon pejfiesta naktaeliajwa wut naxoelox. ¹² Rey jum-aech japon atonliajwa: ‘Taj-aton, ¿ma-aech xotkat xam naklowam taxulan pejfiesta naktaeliajwam, naxoela-emil wut tuch sumta-otampox fiesta naktaeliajwam?’ —aech rey japon atonliajwa. Pe japon boejlach nuk. ¹³ Do jawut, rey jum-aech pamakliajwa: ‘¡Ampon aton muxwasikuim! ¡Tɔakwasikuimbejpon! Do jawut, ¡fo'impon tathoetade, itkuatax poxade! Jaxotde xabich jiw noeyaxael. Bua'tatisaxaelbejpi, xabich nabijat xot’ —aech rey japon atonliajwa. ¹⁴ Jasoxtat xabich jiw taduchpi. Pe kaesɔapich jiw makanoch duilaliajwa Diosxotse” —aech Jesús jiwliajwa.

Impuesto mosaxliajwa, Jesús wujajnaemtaspo
(Mr 12.13-17; Lc 20.20-26)

¹⁵ Do jawux, fariseos natameja wut, kaenejchaxoelax wujajnaemsliajwapi Jesús, Jesús asaxtat jumnot wut japi tasalaliajwa japoxtat. ¹⁶ Samata, fariseos buxto'a asew japixot, asew jiwbej, Herodes pejmɔtɔpijwapi, Jesús poxade. Pat wuti Jesúsxot, jum-aechi: —Jiw chanaekabuanan, xanal matabijax, xam diachwujajnakolax chiekal jum-am. Naewujajnambej diachwujajnakolaxpox jiw chiekal duilaliajwa Dios nejxasinkpoxtat.

Xam nejlewlá-el paklochow nejchaxoelpoxliajwa jiw naewuajnam poxliajwa. Samata, puexa jiw chiekal najupanaewuajnam. ¹⁷ Samata, xanal chiekal matabijasian. ¿Pachaemkat xatis mosliajwas impuesto Roma tuajnapijiw tato'lanliajwa? O, ¿mosaxisalkat? —aechi Jesúsliajwa.

¹⁸ Jesús pajut matabijt xapaejtaspo. Samata, jum-aechon:

—¿Xamal jiw naekichachajbapijwam! ¿Ma-aech xotkat naxapaejtam? ¹⁹ ¿Na-itpaem kaekafef, japoxantat impuesto motampi! —aech Jesús.

Do jawut, xalaenlisi kaekafef Jesúslel. ²⁰ Jesús japi wuajnachaeamt wut japakafefliajwa, jum-aechon:

—¿Achan pejxu-aeklat ampakafefat? ¿Achan pejwulbejkat ama lelsपो? —aech Jesús.

²¹ Japi jumnot wut, jum-aechi:

—Roma tuajnapijiw tato'lan, japon pejxu-ael, pejwulbej —aechi.

Samata, Jesús jum-aech:

—¿Japon pejewpi, japon chaxduim, impuesto motam wut! ¿Pe Dios pejewpi, Dios chaxduim! —aech Jesús, fariseosliajwa, Herodes pejmupijiw piliawbej.

²² Japox jumtaen wuti, xabich nejchaxoelanuili, Jesús chiekal jumnot xot. Samata, jawut jaxot waeltlisipon.

Asamatkoi mat-eyaxaespo tupi, pejme duilaliaw

(Mr 12.18-27; Lc 20.27-40)

²³ Do jawuxbej, kaesupich saduceos pat Jesúsxot wuajnachaeamsliawapi Jesús. Puexa saduceos nejchaxoel: “Jiw tup wut, kaelel chiekal napelt. Asamatkoi mat-eyaxisal pejme duilaliaw” —aechi, nejchaxoel wut. ²⁴ Samata, jawut saduceos jum-aech ampawuajan Jesúsliajwa:

—Jiw chanaekabuanan, Moisés chajia lelpox jum-aech: ‘Aton pijow naxwla-elaxtat naetup wut, patupan pakoewan naman wut, japon japow fisaxael. Ja-aech wut, japon naxwlaaxael japowtat, pakoewan tuponliaw’ —aech Moisés chajia lelpox. ²⁵ Xanalxot majt kaen aton duk. Japon siete pakoew. Matxoelapijin pawis fit. Pe baxael, japon tup naxwla-elaxtat pijowxot. Do jawut, wuchakalpijin japow fit, pakoewan naetupow. ²⁶ Pe baxael, japonbej, tup naxwla-elaxtat japowxot. Do jawut, trespijin japow fit. Pe japonbej tup naxwla-elaxtat japowxot. Jasox ja-aech japi sietepiliaw. ²⁷ Chinax kaen japixot naxwla-el japowtat. Do jawux, taxdukakolaxtat japowbej tup. ²⁸ Puexa japi poejiw nakjiya japowtat. Tupi mat-ias wut, ¿sietepixot, achankat japow pijwaxael? —aech saduceos Jesúsliajwa. ²⁹ Jesús jumnot wut, jum-aechon saduceosliaw:

—Xamal japox jum-am wut, nejmach jum-amslapam, matabija-emil xot Dios pej-jamechan, chajia lelsपो. Matabija-emilbej Dios xajupprox puexa isliaw. ³⁰ Tupi mat-ias wut pejme duilaliaw, poejiw, watho' supich, pejme nakjiyaxil. Me-ama Dios pej-ángeles Diosxotse nakjiya-el, jachiyaxael japi jiw. ³¹ Tupi mat-eyaxaes pejme duilaliaw. ¿Xamalkat xal joe-emil, Dios pajut jum-aech wut chajia lelsपो? ³² Dios amprox jum-aech Moisésliaw: ‘Xan amwutjel Abraham, Isaac, Jacobbej, japi pejDiosnan’ —aech Dios. Samata, xatis chiekal matabijas, asamatkoi tups wut pejme duilaxaespo. Chiekal matabijasbej, wajwuajnapijiw, chajia tupi, japi napels-el. Samata, Abraham, Isaac, Jacobbej, japi amwutjel Diosxotse duilaful —aech Jesús saduceosliaw.

³³ Jiw japox jumtaen wut, xabich nejchaxoelanuili Jesús jum-aechpoxliaw.

Dios pejtato'laxanxot, masox kaes pejme pachaem

(Mr 12.28-34)

³⁴ Do jawut, fariseos natameja, wultaen wuti saduceos boejlach nuilpox, Jesús chiekal jumnot xot. ³⁵ Do jawux, fariseos matabija isaxaelpox Jesúsliaw. Samata, kaen japixot, judíos chanaekabuanan, to'api Jesús poxaliawade. Do pat wuton Jesúsxot, jawut wuajnachaeamt on xapaejliawapon Jesús.

³⁶ Jum-aechon Jesúsliaw:

—Jiw chanaekabuanan, Dios xabich tato'al jiw naexasisliajwa. ¿Achatato'laxxotkat kaes pejme pachaem Dios tato'alpox jiw naexasisliajwa? —aech judíos chanaekabuanan.

³⁷ Jesús jümnot wüt, jüm-aechon:

—Moisés chajia lelpox jüm-aech: '¡Chiekal nejxasinkde Dios nejpaklokolan! ¡Nejxasinkdebej Dios puexa nejnejchaxoelaxtat, puexa nejmatpuatatbej!' —aechox. ³⁸ Japoxlap kaes pejme pachaem jiw naexasisfulaliajwa. ³⁹ Asawuajan, wuchakal pejuwajan, Dios tato'alpox, japox pachaembej jiw naexasisfulaliajwa. Japawuajan jüm-aech: '¡Chiekal nejxasinkde asew jiw! Me-ama xam najut nanejxasinkam wüt, jachiyaxaelam asew jiwliajwa' —aech Moisés chajia lelpox. ⁴⁰ Japox kolewuajan, Dios tato'alpoxan, xabich pachaem jiw chiekal naexasisfulaliajwa. Puexa Moisés chajia lelpox pachaem, Dios pe-jprofetas lelpoxanbej. Japawuajan naknaewuajan, machiyaxaes Dios nejxasinkaliajwas, asew jiwbej —aech Jesús judíos chanaekabuananliajwa.

Cristo, rey David pamonpox, pe Cristo paklonbej Davidliajwa

(Mr 12.35-37; Lc 20.41-44)

⁴¹⁻⁴² Fariseos natameja wütfuk, Jesús wuajnachaemt wüt, jüm-aechon japijliajwa:

—¿Xamal achaxkat nejchaxoelam Mesíasliajwa? ¿Achankat Mesías pam? —aechon.

Fariseos jümnot wüt, jüm-aechi Jesúsliajwa:

—Rey David, japon Mesías pam —aechi.

⁴³ Do jawüt, Jesús jüm-aech:

—Ja-aech wüt, ¿ma-aech xotkat rey David Mesíasliajwa Espíritu Santo pijaxtat jüm-aechkat: 'Tajpaklon' —aechkat rey David Mesíasliajwa? Rey David chajia jüm-aech:

⁴⁴ 'Dios naksiya wüt tajpaklokolanliajwa, jüm-aechon: "¡Ekde tajpoklalel jiw tato'laliajwam, xan suapich! Ekam wütfuk, xan malechaxaelen nadaelmajiw. Malechax wüt nadaelmajiw, japi jiw xam naexasisfulaxael, xam tato'lampox" —aech Dios tajpaklokolanliajwa' —aech rey David chajia lelox, jüm-aech wüt Mesíasliajwa.

⁴⁵ Rey David chajia jüm-aechbej Mesíasliajwa: 'Tajpaklon' —aech rey David. Samata, Mesías rey David pamonkala-elon. Pebej Mesías paklon rey Davidliajwa —aech Jesús fariseosliajwa.

⁴⁶ Do jawüt, fariseos matabija-el, machiyaxaeli, jümnosliajwa wüti Jesús. Do jawuxbej, pejlewralisi kaes wuajnachaemsliajwapi Jesús.

23

Jesús jüm-aechpox jiw matabijaliajwa fariseos, judíos chanaekabuanaapibej, pe-jbu'wuajanpox

(Mr 12.38-40; Lc 11.37-54; 20.45-47)

¹ Do jawux, Jesús jüm-aech jiwliajwa, xanal pejnachalwanliajwabej: ² "Judíos chanaekabuanaapibej, fariseosbej, japi jiw chanaekabuana Moisés chajia lelpox. Japox japi pejbichax.

³ Samata, ¡xamal naexasisfulde japi naewuajanpox, naewuajan wüti Dios pejjamechan, Moisés chajia lelpoxliajwabej! ¡Isfulde puexa japi tato'alpoxan! ¡Pe nabej is japi pajut ispoxan! Japi pajut is-el xamal naewuajanpoxan. Japi asaxan isfullax. ⁴ Japi xabich jiw tato'al jiw naexasisliajwa Dios tato'alpoxan. Japoxan xabich tampoel jiwliajwa.

Japi paklochow pajut japoxan naexasis-el. ⁵ Puexa japi ispoxan is asew jiw asbuán jümch taeliajwas. Japi nejxasink pejmaktat duiliajwa cha-aelcajax, pakbu'cajax. Nejxasinkbejpi pejmuxaxanxot kuiliajwa japoxan. Japacajaxtatut japi kaesuapich Moisés chajia lelpox. Nejxasinkbejpi naxoeliajwa pakchowaxan. Pejtuakji'anxot wewe'pas pejnaxoe. Pejnaxoe makmatduilxot baels, müarixan, jasi, puexa jiw chiekal taeliajwas.

⁶ Nejxasinkbejpi chalakaliajwa kaes pejme pachaempoxantat, fiestanxot wüt. Judíos naewuajnabachantat wütbejpi, japi majt chalak tua-ekaxantat, kaes paklochowpi chalaxaelpoxantat. Japoxantat chalaki puexa jiw sitaeliajwas. ⁷ Nejxasinkbejpi, jiw saludaliajwas xabich sitaeyaxtat, paklowaxthialaxanxot xabu'kulas wüti. Nejxasinkbejpi, jiw

saludas wut jumchiliajwas: ‘jMoi, jiw chanaekabuanan!’ —chiliajwaspi” —aech Jesús jiwliajwa, xanal pejnachalwanliajwabej.

⁸ Jesús kaes jum-aech jiwliajwa, xanal pejnachalwanliajwabej: “Pe xamal, xan nanaexasitam xot, me-ama nakoewkolnan wut, ja-an xamalliajwa. Xanlap nejchanaekabuananan kaekolnan. Samata, asew jiw xamalliajwa jumchiyaxil: ‘jMoi, jiw chanaekabuanan!’ —chiyaxil. ⁹ Xamal kaekolan nej-ax, athuxotsepon. Japon nej-ax Dios. Samata, ampathatat Dios pejjamechan xamal naewuajan wut, xamal jumchiyaximil nej-axkolna-elponliajwa: ‘Ax’ —chiyaximil. ¹⁰ Xan kaenan Cristowan, nejpaklokolan. Samata, asew jiw xamalliajwa jumchiyaxil: ‘Tajpaklokolan’ —chiyaxil xamalliajwa. ¹¹ Nejxasinkam wut asew jiw xamal sitaeliajwa, japi majt kajachawae'e! Ja-aech wut, xamal sitaeyaxael jiw. ¹² Nejmachjiw nejchaxoel wut pajutliajwa: ‘Xanal kaes pejme pachaeman. Me-ama asew jiw, jachi-enil’ —aech wuti pajutliajwa, asamatkoi Dios jumchiyaxaesi: ‘Xamal kaes pejme pachaema-emil’ —chiyaxaesi. Pe asew jiw lax nejchaxoel wut pajutliajwa: ‘Xanal kaes pejme pachaema-enil. Me-ama asew jiw, jachi-enil’ —aech wuti pajutliajwa, asamatkoi Dios japi jiw jumchiyaxaesi: ‘Xamal pachaeman. Me-ama asew jiw, jachi-emil’ —chiyaxaesi” —aech Jesús jiwliajwa, xanal pejnachalwanliajwabej.

¹³ Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, jiw naekichachajbam. Samata, Dios xamal xabich kastikaxael. Xabich kaes pejme chaemilaxael xamalliajwa. Xamal naewuajnam poxantat, me-ama faka'am jiw pas-elaliajwa Diosxotse. Xamalbej najut pasaximil jaxotse. Tapae-emilbej asew jiw pasasiapi pasliajwa Diosxotse.

¹⁴ [“Xamal naekichachajbam watho’, pamaljiw naetupspi, wenosliajwam puexa japi pejewpi. Do jawux, judíos naewuajna lowam Dios piach kawuajnalijwam, asew jiw xamal taen wut jumchiliajwa xamalliajwa: ‘Diachwuajnakolax ampi xabich pachaem’ —chiliajwa jiw xamalliajwa. Samata, kaes pejme chaemilaxael xamalliajwa, Dios jiw kastika wut” —aech Jesús japox judíos chanaekabuanapiliajwa, fariseosliajwabej.]

¹⁵ Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, jiw naekichachajbam. Xamalliajwa xabich kaes pejme chaemilaxael, Dios jiw kastika wut. Nanuamtam potuajnuha faekaliajwam judíos-eli japi nejnachalaliajwa. Asew faekam wut, naewuajnam matabijampoxankal. Japanaewuajnextat japi jiw kaes pejme chaemil. Me-ama xamal, jachi-eli. Samata, japi asamatkoi tup wut, pelsaxaeks infierno poxadik” —aech Jesús japox judíos chanaekabuanapiliajwa, fariseosliajwabej.

¹⁶ Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, me-ama itliaklawam wut, ja-am. Dios pejjamechan naewuajnam wut, xamal jum-am, chiekal matabijslaxtat: ‘Aton jumdut wut Dios pejtemplobapijaxtat, japajumduxax pa-omsa-el. Pe aton jumdut wut lax orotat, Dios pejtemplobatatpox, japajumduxax lax xabich pa-om’ —am xamal chiekal matabijslaxtat.

¹⁷ Jasoxtat xamal jiw naewuajnam wut, me-ama nejliaklawam, itliaklawambej, ja-am, matabija-emil xot diachwuajnakolaxpox. ¿Achaxkat kaes pejme jiw sitaeyaxael? ¿Oro, Dios pejtemplobatatpox? O, ¿Dios pejtemploba? Jiw kaes sitaeyaxael Dios pejtemploba. Jiw sitaen japa-oro, Dios pejtemplobapijax xot. ¹⁸ Xamal chiekal matabijslaxtat jumambej: ‘Aton jumdut wut altartat, japajumduxax omjil. Pelax japon jumdut wut Dios pej-ofrendatat, okpox altarmatwuajtat, japajumduxax lax xabich pa-om’ —am xamal chiekal matabijslaxtat.

¹⁹ ¿Achaxkat jiw kaes pejme sitaeyaxael? ¿Dios pej-ofrenda, altarmatwuajtat okpox? O, ¿Dios pej-altar, Dios pejtemplobatatpox? Jiw kaes sitaeyaxael Dios pej-altar. Me-ama Dios pej-ofrenda altarmatwuajtat okpox, sitaen wut, jachiyaxil.

²⁰ Aton jumdut wut altartat, japon jumdux-el altartatkal. Jumdutbejpon puexa japa-altarmatwuajtat oelpitatbej. ²¹ Aton jumdut wut Dios pejtemplobatat, jumdux-el Dios pejtemplobatatkal. Jumdutbejpon Diostat, Dios duk xot japatemplobatat. ²² Aton jumdut wut thatbaxotat, japon jumdutbej Dios pejtua-ekaxtat, Diostatbej, Dios pajut ek xot japatua-ekaxtat” —aech Jesús japox judíos chanaekabuanapiliajwa, fariseosliajwabej.

²³ Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, jiw naekichachajbam. Samata, Dios xamal xabich kastikaxael. Diajkam Diosliajwa puexa nejew. Nejew diez wut, kaeyax diajnam Diosliajwa. Xamal diajkambej xabich cha-aexpi, naxaeyaxan matthol-spoxan. Pelax naexasisfula-emil asaxan, kaes pejme pachaempoxan xamal isfulalijwam. Japoxan naexasisfulaxaelam wut, isfulaxaelam pachaempoxan asew jiwliajwa. Asew jiw beltaeyaxaelambej. Chiekal duilaxaelambej kichachajba-emilpoxat. Japoxan isfulam wut, kofaximil diajkampox nejew Dios pej-ofrendaliajwa. ²⁴ Xamal paklochwam, me-ama itliaklawam wut, ja-am, nejchaxoelafulam xot kaes pachaemelpoxan. Xamal nejchaxoelafula-emil kaes pejme pachaempoxanlax” —aech Jesús japox judíos chanaekabuanapiliajwa, fariseosliajwabej.

²⁵ Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, jiw naekichachajbam. Samata, Dios xabich xamal kastikaxael. Xamal xaeliajwam wut, majt xabich piach fuletlanan tas-fachan, platfachanbej, xabich kiatam. Pelax kias-emil patulelan. Xamal, me-ama japatasfachan, platfachanbej, ja-am, nejnejchaxoelaxan, me-ama xabich asda'nik xot. Xamal asbuan jumch babijaxan isfulam. Nejchaxoelafulambej kenosliajwam asew jiw pejew. ²⁶ Xamal fariseos, matabijslaxtat jum-am xot, nejnejchaxoelaxantat, me-ama itliaklawam wut, ja-am. ¡Majt nejchaxoelde pachaempoxan! Do ja-am wut, xamal isfulampoxan pachaemaxael Diosliajwa” —aech Jesús japox fariseosliajwa.

²⁷ Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, jiw naekichachajbam. Samata, Dios xamal xabich kastikaxael. Diachwujnakolax xamal jiwam pachaema-emil. Xamal, me-ama patupamuthan wut, ja-am. Patupamuthan thuch matjoelas wut papoei, me-ama pachaem wut, kabuan-aech. Pe funiachdik xabich chaemil. Japamuthanxotdik patupa xoep pathikal namaeliajwa. ²⁸ Xamal paklochwam, ja-ambej. Jiw xamal taen wut, me-ama pachaemam wut, pakabuan-am. Pe xabich nejchaxoelam jiw naekichachajbaliajwam. Nejchaxoelambej asaxan, chaemilpoxan, isfulalijwam jiwliajwa” —aech japox Jesús judíos chanaekabuanapiliajwa, fariseosliajwabej.

²⁹ Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, jiwlis naekichachajbam. Samata, Dios xamal xabich kastikaxael. Diachwujnakolax xamal jiwam pachaema-emilpim. Chajiakolaxtat Dios pejprofetas, baespi, japi pejmuthanmatwujtat, xamal cha-aelbax isam, asew jiw japoxan taen wut nejchafaekaliajwa. Chajiakolaxtat jiw tupi, japi pachaempi asew jiwliajwa, japi pejmuthanbej chamuthachaemtam asew jiw matabijalijaw, taen wuti japamuthan. ³⁰ Do jawux, japoxan, koloeyaxan, isax ketoetam wut, xamal jum-am: ‘Wajwujnapijiw suapich, chajiakolaxtat xanal duilaxaelen wut, xanal kajachawaesaxinil, japi babejchow ba wuti Dios pejprofetas’ —am xamal. ³¹ Japoxan xamal jum-am wut, najut chiekal jum-am, Dios pejprofetas bapi, japi pamojiwampox. ³² Nejwujnapijiw babijax isax tuadutpox, ¡xamal chiekal toe'e!” —aech Jesús japox judíos chanaekabuanapiliajwa, fariseosliajwabej.

³³ Jesús pejme jum-aech judíos chanaekabuanapiliajwa, fariseosliajwabej: “¡Xamal xabich chachoelam! Me-ama jom, ¡ja-am! Ja-am wut, ¿machiyaxaelamkat xamal weliajwam infiernoxotdik kastika-elaliajwa xamal? ³⁴ Samata, xan to'axaelen Dios pejprofetas xamal poxade, matabijsbej, judíos chanaekabuanapibej, xamal naewujnalijawapi. Pe xamal asew japixot beyaxaelam. Asew japixot kematamatlaxaelambej cruztat. Asew japixot selsaxaelam nejnaewujnabachanxot. Asewbej japixot dukp wut, nakiowa wulwekafulaxaelam paklowaxanxot, japi chakifolam wut. ³⁵ Jasoxtat xamal xabich nejbu'wujnaxael puexa pachaempi beyaxaesoxantat. Samata, Dios xamal kastikaxael. Chajiakolaxtat nejwujnapijin, Caín, boesa Abel. Do jawux, asew nejwujnapijiw, japibej befal asew jiw, pachaempi. Do baxael, asew nejwujnapijiw, japibej boesa Zacarías, japon Berequías paxulan. Japon Zacarías boesas temploba

tathoetat, altar moxxot. ³⁶Diachwujnakolax xan jum-an. Xamal amwutjel laelpampim, nejwujnapijiw xabich jiw befulpoxtat Dios xabich kastikaxael xamal” —aech Jesús japox judíos chanaekabuñanapiliajwa, fariseosliajwabej.

Jesús xabich nejxaejwaspox Jerusalén paklowaxpijwliajwa

(Lc 13.34–35)

³⁷Jesús xabich nejxaejwas, nejchaxoel wut Jerusalén paklowaxpijwliajwa. Samata, jum-aechon: “Xamal, Jerusalén paklowaxpijwam, Dios pejprofetas beflam. Asew xamalxot ia'tat dadapam, Dios buxto'aspi xamalxot. Me-ama kawaema paxi pejba'buxfaltat tameja, xan jachisian xamal bu'weliajwan. Pelax xamal xan nanejwesla. ³⁸¡Chiekal najumtaem! Nejpaklowaxxot Dios kaes jaxotaxil. Kaes kajachawaesaxilbejpon xamal. ³⁹Ma amwut, xamal kaes nataeyaximil. Xan pejme patx wut, jawut xamal jumchiyaxaelam xanliajwa: ‘¡Dios nej kajachawaesas fulaenpon Dios pijaxtat!’ —chiyaxaelam, pejme nataeyaxaelam wut” —aech Jesús, nejxaejwas wut Jerusalén paklowaxpijwliajwa.

24

Jesús jum-aechpox Dios pejtemploba toesaxaesopoxliajwa

(Mr 13.1–2; Lc 21.5–6)

¹Jesús nakolt wut Dios pejtemplobaxot, atuaxach fulaech wut, xanal, pejnachalwan, mox soepax japonxot. Do jawut, xanal Jesús jum-an:

—¡Taem Dios pejtemploba, asabachan, pinabachanbej, moxchalakbachan! —an xanal.

²Do jawut, Jesús jum-aech xanalliajwa:

—Diachwujnakolax xan jum-an. Xamal taenambachan, templobabej, puexa japabachan asamatkoi chiekal toesaxaes. Chinax kaet ia't namanaxil nakaeia'tmatwujjat —aech Jesús.

That toepax mox pawujajna wut, majt matxoela jachiyaxaelpoxan

(Mr 13.3–23; Lc 17.22–24; 21.7–24)

³Do jawux, xanal fulaechx, Jesús suapich, Olivonaechanmuaux poxade. Pa'ax wut, Jesús ek muaxxot. Xanal tajkalan wut, mox soepax Jesús wujnachaemsliajwan. Do jawut, wujnachaemtax wut, jum-an:

—Jiw chanaekabuñanan, ¡xanal nachanaekabuñanim! ¿Maswutkat japox jachiyaxael xam jum-ampox Dios pejtemploba toesaxaesopoxliajwa, asabachanbej? ¿Achaxkat xanal taeyaxaelen, mox pawujajna wut, xam pejme pasliajwam wut? ¿Achaxbejkat xanal taeyaxaelen mox pawujajna wut, that toepaliajwa wut? —an xanal Jesúsliajwa.

⁴Jesús jumnot wut, jum-aechon:

—¡Chiekal taem asew jiw xamal naekichachajabasamata! ⁵Xabich jiw fulaeyaxaen. Japi kaenanula pajut najumchiyaxael: ‘Xan Cristowan’ —nachiyaxaeli. Pe japi Cristowaxil. Jasoxtat xabich jiw naexaxisaxaesi, naekichachajba wut jiw. ⁶Asamatkoi, xamal wultaenam wut soldaw xabich asatuajnuchanxot nabapox, ¡xamal nabej nejlewlé! Japoxan majt jachiyaxael, mox pawujajna wut that toepaliajwa. ⁷That toepax wujajna, xabichaxael nabewujajan. Kaetuajnujpijw nabeyaxael, nakaetuajnujpijw suapich. Japoxan majt jachisfulaxael asatuajnuchanlelbej. Jachiyaxaelbej, kaetuajnujpijw nabeyaxael wut, asatuajnuchanpijw suapich. Japoxan majt jachisfulaxael asatuajnuchanlel. Asamatkoi asatuajnuchanlel naxaeyaxan ajilaxael. Asatuajnuchanlelbej sat najaesaxael potujajnucha. ⁸Japoxan majt jachiyaxael, nabijasmatkoi tuadut wut jiw nabijasliajwa. Me-ama pawis pejmatkoi wepach wut naxawlaliajwa, xabich wexaenkas, jachiyaxaelbej jiwliajwa, tuadut wut nabijasax —aech Jesús xanal pejnachalwanliajwa.

Jesús jum-aech pejnachala nabijasaxaelpox

⁹Jesús pejme jum-aech xanal pejnachalwanliajwa: “Do jawutbej, asew jiw xamal woeyaxael xabich nabijasliajwam kastikaxtat. Xamal beyaxaelbejpi tupaliajwam. Puexa jiw xamal nejweslaxael, tajnachalwam xot. ¹⁰Japamatkoiyan xabich jiw kofaxael

Dios xanaboejapoxan. Ja-aech wut, japi nakaewa nanejweslaxael. Do ja-aech wut, japi nakaewaliajwa padaelmajiw nadofaxael. Asew japixot nakaewa nabuflaeyaxael paklochow poxade, jaxotde beliajwas bu'fospí. ¹¹ Japamatkoivan xabich jiw, me-ama Dios pejprofetas wut, jachiyaxaeli. Pe japi profetaxil. Japi jachiyaxael xabich jiw naekichachajbaliajwa. Xabich jiw naexaxisaxaespi japi jum-aechpoxantat. ¹² Xabichfulaxael babijaxan isfulpi ampathatat. Samata, xabich jiw nakaewa nanejxasinkpoxan kofaxael. ¹³ Asew jiw lax kofa-eli Dios xanaboejapoxan, hasta japi tup wut, japikal Dios bu'weyaxaes. ¹⁴ Chimiawuajan, Dios puexa pejjiw tato'alwuajan, potuajnuha xabich jiw naewuajnaaxael puexa jiw matabijaliajwa. Do jawux, pasaxael that toepaxaelpox.

¹⁵⁻¹⁶ “¡Ampox xaljowpon nej jummatabijs! Xamal xaljowam wut, ¡chiekal jummatabijim! Daniel, Dios pejprofeta, chajia lel wut, jum-aechon: ‘Satanás to'axaeson, xabich babejkolan, japon fulaeyaxaen’ —aechon. Samata, xamal japon, xabich babejkolan, taenam wut Dios pejtemplobaxot, japon tapaeyaxisalpon jaxotaliajwa, ja-aech wut, ¡puexa Judea tuajnujijiw nej dukpa pinamuaxan poxade! ¹⁷ Jawutbej, jiw pejbachanmatwuajantat nuili, baloek wut, ¡nej le-ele'bej pejbachan poxade, pejew jukbaliajwa, xadukpaliajwa! ¹⁸ Jawutbej asew jiw, nabisti pejlulantat, ¡do jaxot kaweta kamta atuaj nej dukpe! ¡Kaxa nej nawe-elepi pejbachan poxadin pejew ponan wuljaesliajwa! ¹⁹ Japamatkoivan watho', moejowpi, asew watho'bej, yamxi mitan miatifuk, xabich nabijasaxael. ²⁰ Dios kawuajanafulaxaelam, japox pasasamata iama wut, napatamatkoi wutbej. ²¹ Xamal dukpam wut, japamatkoivantat xabich xamal nabijasaxaelam. Hasta amwutjel xabicha-ellejen nabijasax ampathatat. Dios that is wut, amwutjelbej, jachielbuk nabijasax, me-ama ampamatkoivan pasaxaelpox nabijasax. Jasoxtat jiw pejme xabich nabijasaxil. ²² Nabijasmatkoivan kaes xabichaxael wut, jiw xajupaxil boejtaliasliajwa. Samata, Dios tapaeyaxil jiw xabich piach nabijasliajwa. Jachiyaxaes Dios makanochpi, Dios nejxasinkas xoti” —aech Jesús xanal pejnachalwanliajwa.

Xabich jiw naekichachajbasia Jesús pejuajan naexasiti

²³ Jesús pejme xanal najum-aech: “Japamatkoivan asew jiw xamalxot jum-aech wut: ‘¡Tae'nik! ¡Ma amxot Cristo!’ —aech wuti, o, asew jiw jum-aech wutbej: ‘¡Tae'nik! ¡Ma jaxotde Cristo!’ —aech wuti, ¡xamal nabej naexasis! ²⁴ Naekichachajbapijiw matxoela fulaeyaxaen. Japi, me-ama Cristo, jachiyaxael. Pe japi Cristowaxil. Asew pasaxaenbej, me-ama Dios pejprofetas jachiyaxaeli. Pe japi Dios pejprofetaxil. Japi isfulaxael koexaxan, japoxantat xabich jiw naekichachajbaliajwa. Nejxasinkaxaelbejpi naekichachajbaliajwa jiw naexasiti Dios, japi kofaliajwa Dios xanaboejapoxan. ²⁵ ¡Chiekal taem! Xamal japox jum-an japi pasax wujna chiekal najut natataeflaliajwam, japi xamal naekichachajbasamata. ²⁶ Asew jiw jum-aech wut xamalliajwa: ‘¡Ma amwutjel Cristo pajilaxxotde!’ —aech wut asew jiw, ¡xamal nabej naexasis! ¡Nabej fulae'ebej japoxade! O, asew jiw jum-aech wutbej xamalliajwa: ‘¡Ma amxot, batutat, Cristo namoest!’ —aech wutbej asew jiw, ¡xamal nabej naexasis! ²⁷ Xan, puexa jiw pakoewkolnan, pejme pasaxoekan wut, me-ama chamax nakliafcha wut, puexa jiw kaewutje kamta taena. Jachiyaxaelenbej, xan pejme pasaxoekan wut. Jasoxtat puexa jiw xan chalechkal kamta nataenaxael kaewutje. ²⁸ Puexa jiw matabija ampox. Choefan tup wut, jaxot thutha pask. Me-ama japox, jachiyaxael asamatkoi, xan pasaxoekan wut. Potuajnuha jiw, xan nanaexasitpi, japi matabijaxael, xan paskax wut” —aech Jesús xanal pejnachalwanliajwa.

Jesús, puexa jiw pakoewkolan, pejme kaxaxoekpox

(Mr 13.24-37; Lc 17.26-36; 21.25-33)

²⁹ Jesús pejme jum-aech xanalliajwa: “Nabijasmatkoivan toep wut, juimt matkoipijin itkua'nikaxael. Juimt madoipijinbej itliakaxil. Ithaejan natacholnaxaek. Do jawut, puexa thatbaxoxotsepi nachoelaxael. ³⁰ Do jawux, puexa jiw taen wut asax thatbaxoxot, jawut jiw matabijaxaeli, xan, puexa jiw takoewkolnan, fuloeyaxoekanpox athusik. Samata, ampathatpijiw xabich belwaxael. Noeyaxaelbejpi. Do jawux, xan, puexa jiw pakoewkolnan,

fuloekx wut itloejentat, jiw xan nataeyaxael. Jawut puexa jiw tato'laxaelen. Nakthi-anaxaelenbej Dios pijaxtat. ³¹ Do jawut, to'axaelen taj-ángeles trompeta nababeliajwa. Japatrompeta thatmatdukaxkal thiajoeyaxaelpox. Do jawut, to'axaelen taj-ángeles that xajupaliajwa. Do jawutbej, taj-ángeles xanlel jiw buflaeyaxaen, makanotxpikal, japi jiw tajjiwliajwa” —aech Jesús xanalliajwa.

Jesús chanaekab nana pejnachala higonaeliajwa

³² Jesús pejme xanal najum-aech: “¡Chiekal nanaewe'e! Higonae pajel-uaf nakolax taenam wut, xamal matabijam waech mox pawuajnapoxlis. ³³ Jachiyaxaelbej, taenam wut xan jum-anpoxan. Matabijaxaelam mox tawuajnapox xan pejme pasliajwansik, puexa jiw tato'laliajwan, taj-ax Dios suapich. ³⁴ Diachwuajnakolax xan jum-an. Puexa japoxan, xan jum-anpoxan, diachwuajnakolax jachiyaxael. Japoxan asew jiw taeyaxael, jiw laelpifuk ampathatat. ³⁵ Thatbaxo, ampathatbej, toepaxael. Pelax tajjamechan toepaxil. Xan jum-anpoxan, diachwuajnakolax japoxan jachiyaxael” —aech Jesús xanalliajwa.

Puexa jiw matabija-elpox, maswut Cristo pejme kaxaxoek

³⁶ Do pejme Jesús xanal najum-aech: “Puexa jiw matabija-el, maswut xan pejme kaxaxoekan. Dios pej-ángeles, Diosxotsepi, japibej matabija-el. Xanbej, Dios paxulnan, japox matabijs-enil. Kaen taj-ax Dios japox matabijt.

³⁷ “Chajiakolaxtat, Noé ampathatat laeje wut, jiw pomatkoicha nejmach duil. Me-ama japox jachiyaxael, xan puexa jiw pakoewkolnan, pejme pasliajwan wut. ³⁸⁻³⁹ Chajiakolaxtat, that bu'lax wuajna, jiw xael. Afbejpi. Asew nakjiyabej. Ja-aech wut, japamatkoiyan Noé pinjiyax barkam isax ketoet wut, lowpon japabarkam. Do jawut, chalechkal xabich iam thilnax tuadut. That puexa chiekal bu'al wut, puexa jiw chiekal bu'al. Jachiyaxaelbej japamatkoi, xan, puexa jiw pakoewkolnan, pejme kaxaxoekan wut. Jiw duilafulaxael nejmach. ⁴⁰ Kolenje aton nabist wut lultat, kaen chalechkal buflaeyaxaes athu poxase. Asan kaweta namanaxael. ⁴¹ Koliowje kaeyaxtat trigo xatkiana wut, kaeow chalechkal buflaeyaxaes athu poxase. Asaow kaweta namanaxael.

⁴² “Samata, ¡pomatkoicha nawuajnawesfulde, xamal matabija-emil xot, maswut xan, nejpaklokolan, pejme kaxaxoekan! ⁴³ ¡Pe xamal ampox matabijim! Bapijin matabijt wut, maswut kethakan pasaxael, jawut bapijin moejchaxilon. Naliasfulaxaelon chiekal wesfulaliajwa pejba kethakan lesamata. Ja-aech wut, kethakan natkowaxil japon pejbabat. ⁴⁴ Samata, ¡xamalbej chiekal nawuajnawesfulde! Xan, puexa jiw pakoewkolnan, chalechkal kaxaxoekan, asew jiw, ampathatpijw, nawuajnawesfula-el wut” —aech Jesús xanalliajwa.

Paklon kolenjepox pamakan, kaen pachaem, asan chiekal chaema-el
(Lc 12.41-48)

⁴⁵ Jesús pejme jum-aech wuajantat xanal pejnachalwanliajwa: “Pamakan pomatkoicha chiekal nabist pejpaklonliajwa babijax nejchaxoela-elaxtat. Paklon ajil wut, japon chiekal tato'al asew nabichow. Naxaeyaxanbej chiekal chaxduwbejpon pomatkoicha, me-ama paklon to'anadoftas japox isfulaliajwa. ⁴⁶ Paklon pat wut, taen wutbejpon pamakan chiekal nabistpox, ja-aech wut, pamakan xabich nejchachaemlaxael.

⁴⁷ “Diachwuajnakolax xan jum-an. Paklon matabijt wut pamakan chiekal wenabis-taspox japon pejwulela, ja-aech wut, pejpaklon to'axaeson puexa pejew tataeflaliajwa. ⁴⁸ Asan pamakan, chiekal pachaema-elpon pejpaklonliajwa, japon nejchaxoel: ‘Tajpaklon makach pasaxil’ —aechon, nejchaxoel wut. ⁴⁹ Samata, japon chiekal tataefla-el asew, pejpaklon pamak. Dolison, japi jiw be'bala. Do jawutbej, tuadutlison xaeliajwa, saxsliajwasbej, asew jiw suapich. Jasox ispon pomatkoicha. ⁵⁰ Do ja-aech wut, nejchaxoela-elon paklon pejpasax. Do jawut, chalechkal pejpaklon pasaxael. ⁵¹ Jawutbej, japon xabich kastikaxaes. To'axaesbejpon asew poxadik, naekichachajbapi poxadik, infernoxotdik.

Jaxotdik xabich noeyaxaelon. Bua'tatisaxaelbejpon, xabich nabijasaxaek xot” —aech Jesús xanal pejnachalwanliajwa.

25

Diez watho', pansiachow, pejwuaajan

¹ Do pejme Jesús jum-aech xanal pejnachalwanliajwa: “Xan, puexa jiw pakoewkolnan, pejme patx wut ampathatasik, taeyaxaelen asew jiw nawuajnewesfulpi. Japi jiwlap leyaxael Dios tato'alxotse. Asew jiw nawuajnewesfula-elpi, japi jiwlap leyaxil Dios tato'alxotse. Jumchiyaxaelen wuajantat xamal chiekal matabijaliajwam. Asamatkoi diez watho', pansiachow, kaenanula xafoli lámpara pawis nakjiyaxaelpow pejba poxali-ajwade. Dolisi, fulaechlisi japaba poxade wuajnewesliajwa japon aton, nakjiyaxaelpon, japow suapich. Japon aton jaxot pat wut, japi watho' kaewutje nak-fulaeyaxael nakleliajwa fiestaxot. ² Japi watho'xot, cinco watho', pansiachow, chajia chiekal nejchaxoel isaxaelpoxliajwa. Asew cinco watho' pansiachow chajia chiekal nejchaxoela-el isaxaelpoxliajwa. ³ Dolisdo', watho' chajia chiekal nejchaxoela-eli xafoli pejlámpara. Pe xalae-eli olivosimint, lámpara wesiajwas wut pejme falaliajwa. ⁴ Asew watho', pansiachow, chajia chiekal nejchaxoeli, japilax kaenanula xafol olivosiminan batiajat, pejlámpara wesiajwas wut pejme falaliajwa. ⁵ Japon aton, nakjiyaxaelpon, makach pas-el puaxaxaelpon pejbaxot. Samata, japi watho' itmoejslalisi. Do jawut, puexa moejtlisi. ⁶ Pinmadoi wut, kaen aton nejlakcha wut, jum-aechon: ‘¡Aton, nakjiyaxaelpon, fulaenlison mox! ¡Xabua't bu'kulaliajwam!’ —aechon. ⁷ Puexa japi watho', pansiachow, nathikba wut, nanbapi. Kaenanula chaemsnapí pejlámpara. ⁸ Watho', chajia nejchaxoela-eli, jum-aech asew watho', cincopiliajwa: ‘¡Xanal nachaxdu'e cha-aeldoech, olivosimint, xanal tajlámpara falaliajwan, itkakuawak xot!’ —aechi asew watho'liajwa. ⁹ Asew, cinco watho', jumnot wut, jum-aechi: ‘¡El! Xanal nawexajupaxil pasimint xamalliajwa, xanalliajwabej. ¡Xabua'de olivosiminan mowa poxade kaes wuajsliajwam!’ —aechi. ¹⁰ Do jawut, japi watho' fulaech wut olivosiminan wuajsliajwa, pasiminan wuajsax kijil wutfuk, japon aton patlison. Asew, cinco watho', chajia chiekal nejchaxoeli, nakfulaechlisi japon aton, nakjiyaxaelpon, pejfiesta poxade. Japi batutat wut, bafafa chiekal faka'tlisi. ¹¹ Do jawux, cinco watho', pasiminan wuajsax kijilpi, japibej pat japabaxot. Japi watho' jum-aech nakjiyaxaelponliajwa: ‘¡Tajpaklon, ba fafa'e xanal leliajwan!’ —aechi. ¹² Japon jumno'an wut, jum-aechon: ‘Diachwuajnakolax xan jum-an. Chinax xamal matabijs-enil. Samata, ba fafasaxinil xamal leliajwam’ —aech nakjiyaxaelpon cinco watho', pansiachowliajwa” —aech Jesús xanal pejnachalwanliajwa.

¹³ Do pejme Jesús jum-aech xanalliajwa: “Xamal xan nanaewetampim, ¡chiekal nawuajnewesfulde! Me-ama watho' chajia chiekal nejchaxoeli, ¡ja-amsfulde xamal, xan nawuajnewesfulam wut, matabija-emil xot, achamatkoitat xan pasaxaelen!” —aech Jesús xanal pejnachalwanliajwa.

Aton tres pamak lapox, japon pejew plata wetataeflaliajwas

¹⁴ Jesús pejme xanal najum-aech wuajantat: “Dios pejiw tato'alpox, me-ama kaen aton, lapon tres pamakjiw, fulaeyaxael wuton asatuajnuel. Do jawut, japi pat wut japonxot, kaenanula pamakjiwxot pejew plata waelapon, japi xanbichliajwa japaplata japon pejwulela. ¹⁵ Pamaktxot plata waela wut, nejchaxoelon: ‘Tamakan kaes chiekal xajupon nawetataeflaliajwa plata, japon kaes pejme chaxdusaxaelen. Asan xajupa-elpon chiekal nawetataeflaliajwa plata, japon kaesupich chaxdusaxaelen’ —aechon, nejchaxoel wut. Samata, kaen pamakanxot waelton cinco platachoxa. Asan pamakanxot waelton koleplatachoxa. Asan, taxdukapijinxot kaepatachoxa waelton. Do jawux, japon paklon chijjalison atuaj, asatuajnuel. ¹⁶ Cinco platachoxa wewaeltaspon, japon chiekal xanbichful japaplata pejpaklon pejwulela. Samata, japon kaes pejme cinco platachoxa kana. ¹⁷ Koleplatachoxa wewaeltaspon, japonbej chiekal xanbichful japaplata. Ja-aech

wüt, japonbej kaes koleplatachoxa kana. ¹⁸ Kaeplatachoxa wewaeltaspon, japonlax asbuan jumch mütht kowpon chamüthsliajwa japaplatachoxa, chamoeshliajwabejpon.

¹⁹ “Do baxael, xabich pin-iamatkoijan wüt, paklon nawi'anlison pamak poxadin. Pat wüton pamaktxot, lalison pamak matabijsliajwa, ma-aechi kaenanula, plata xanbist wüti japon pejwalela. ²⁰ Matxoelapatpon, japon cinco platachoxa wewaeltaspon, japon chaxdut pejpaklon diez platachoxa. Japon jum-aech: ‘Tajpaklon, xanxot cinco platachoxa waelsnadoftam. Xan pejme cinco platachoxa kanx’ —aechon paklonliajwa. ²¹ Paklon jumnot wüt, jum-aechon pamakanliajwa: ‘Xam xabich pachaemam. Chiekal isfulambej xan to'axpox. Xam chiekal nawenabistam xot, kaeyaxach wüt, samata, xam xabich kaes pejme tejew nawetataeflaxaelam. ¡Lemen! ¡Nejchachaemilde, xan sũapich!’ —aech paklon pamakanliajwa. ²² Do jawux, koleplatachoxa wewaeltaspon, japonbej pat pejpaklonxot. Japon jum-aech: ‘Tajpaklon, xanxot koleplatachoxa waelsnadoftam. Xan pejme kanx koleplatachoxa. Ama cuatro platachoxa’ —aech pamakan. ²³ Paklon jumnot wüt, jum-aechon pamakanliajwa: ‘Xam xabich pachaemam. Chiekal isfulambej xan to'axpox. Xam chiekal nawenabistam xot, kaeyaxach wüt, samata, xam xabich kaes pejme tejew nawetataeflaxaelam. ¡Lemen! ¡Nejchachaemilde, xan sũapich!’ —aech paklon pamakanliajwa.

²⁴ “Do jawüt, asan pamakan pat, kaeplatachoxa wewaelsnadoftaspon. Japon jum-aech pejpaklonliajwa: ‘Tajpaklon, xan matabijtax, xam namak beltae-emil. Xam kanambej nabich-elaxtat. ²⁵ Samata, xan tajlewla xamliajwa. Samatabej, chamühttax nejplatachoxa chamoeshliajwan satat. ¡Ama nejplatachoxa!’ —aech pamakan. ²⁶ Paklon jumnot wüt, jum-aechon: ‘Xam kewechnam. Babejnambej. Xam matabijtam, xan kanxpox nabich-elaxtat. ²⁷ ¿Ma-aech xotkat tajplata bancopijiw poxade nawexalae-emil japi prestaliawam kaes nawe-itamaeshliawam prestampoxtat? Chil xam jasox isam wüt, chil amwütjel bancopijiw kaes plata nawewiat xam prestampoxtat’ —aech paklon pamakanliajwa. ²⁸ Do jawüt, japon paklon jum-aech asew jaxotpiliaw: ‘¡Kechafi'epon japaplatachoxa! ¡Japaplatachoxa chaxdu'e xan nachaxdutpon diez platachoxa! ²⁹ Tejew chiekal nawetataefulpon, japon kaes chaxdusaxaelen. Japonbej wenamanaxaes. Asanlax, chiekal nawetataefla-elpon tejew, japon kaesũapich nawetataeflafulpo, kefisaxaeson. ³⁰ Ampon, kewechn nabichliaw, ¡jældepon! ¡Fo'impon tathoetade, itkuatax poxade, jaxotde kastikaliaw! Jaxot xabich noeyaxaelon. Bua'tatisaxaelbejpon, xabich nabijasaxael xot’ —aech paklon japonliaw” —aech Jesús xanal pejnachalwanliaw.

Machiyaxaespo ampahatpijw, babejchow, kastikas wüti Dios

³¹ Do pejme Jesús jum-aech xanal pejnachalwanliaw: “Xan, puexa jiw pakoewkolnan, pejme pasaxoekan wüt, Dios pej-itliak namasajiasaxael. Xabich Dios pej-áñgesbej namasajiasaxael, bu'pasaxoekan wüt. Do jawüt, puexa jiw pejpaklonaxaelen, ekx wüt tajtua-ekaxtat. ³² Puexa ampahatpijw natamejaxael tajwajnalel. Jawüt xan jiw diajkaxaelen kolemtjelijaw. Me-ama ovejas tataeflan pejlel diajk ovejas cabraxot, xanbej jachiyaxaelen. ³³ Jiw, xan nanaexasiti, tamejaxaelen tajpoklalel. Japi, me-ama taj-ovejas. Asew jiw lax, xan nanaexasis-elpi, japi tamejaxaelen tajsoenalel. Japi, me-ama cabras. ³⁴ Xan, paklokolan, jumchiyaxaelen tajpoklalelpijwliaw: ‘¡Xamal xabua'din xanlel, taj-ax Dios kajachawaetpim! Patliso Dios xamal tato'laxaelpo. Japoxliaw taj-ax Dios chajia nejchaxoel, akaseskolaxtat that is wüton. ³⁵ Xan litaxaelax wüt, xamal naxaeyax nachaxdutam xan xaeliaw. Xan minsila wütbej, mint nachaxdutam min felijaw. Xan atũajan wüt tajtũajnuot, nejbatat namanax nato'am. ³⁶ Xan naxoelaliaw nawejil wütbej, nachaxdutam naxoelaliaw. Bu'xaenkax wütbej, nataentam nakajachawaeshliaw. Jiw jebatax wütbej, nataentam’ —chiyaxaelen tajpoklalelpijwliaw. ³⁷ Do jawüt, xan nanaexasiti nawajnachemsaxael: ‘Tajpaklon, ¿maswütkat xam taenx, litaxaelam wüt chaxdusliaw naxaeyax? ¿Maswütbejkat xam taenx, minsila wüt chaxdusliaw mint? ³⁸ ¿Maswütbejkat xam taenx, nejtuajnuot atũajam wüt namanax to'aliaw tajbatat? ¿Maswütbejkat xam kejimil naxoelax xanal

chaxdusliajwan? ³⁹ ¿Maswutbejkat xam taenx, bu'xaenkam wut kajachawaesliajwan? ¿Maswutbejkat xam taenx, jiw jebatatam wut? —chiyaxaeli xan nanaexasiti. ⁴⁰ Xan, nejpaklonan jumnosaxaelen wut, jumchiyaxaelen: 'Diachwujnakolax jumchiyaxaelen. Puexa xamal isam wut pachaempoxan xan nanaexasitiliajwa, japoxan isam wut, xan, me-ama nakajachawaetam' —chiyaxaelen xan nanaexasitiliajwa.

⁴¹ “Do jawux, xan, puexa jiw pakoewkolnan, jumchiyaxaelen tajsoenalelpijiwliajwa: '¿Chijiamde xanxot! Dios xamal kastikaxael, babijaxan isam xot. ¿Xabua'de infierno poxadik! Jaxotdik pomatkoicha jit pinjiyax tamdadut. Japox jit itkuawaxil. Japajitxotdik Dios chaemt Satanás kastikaliajwas, puexa pejdepej. ⁴² Litaxaelax wut, nachaxdus-emil naxaeyax xan xaeliajwan. Minsila wutbej, nachaxdus-emil mint xan feliajwan. ⁴³ Atujajan wut tajtujajnuot, xan namanax. Nato'a-emil nejbaxot moejsliajwan. Naweji wutbej xan naxoelaliajwan, nachaxdus-emil naxoelax. Bu'xaenkax wutbej, xan natae-emil nakajachawaesliajwam. Jiw jebatatam wutbej, natae-emil' —chiyaxaelen tajsoenalelpijiwliajwa. ⁴⁴ Do jawut, japi jiw nawujnachaemsaxael: 'Tajpaklon, ¿maswutkat xanal xam kajachawaes-enil, xam litaxaelam wut, o, xam minsila wutbej, o, xam atujajam wutbej nejtujajnuot, o, keji mil wutbej naxoelaliajwam, bu'xaenkam wutbej, o, jiw jebatatam wutbej?' —chiyaxaeli xanliajwa. ⁴⁵ Do jawut, xan puexa jiw pakoewkolnan, japi jiw jumnosaxaelen: 'Diachwujnakolax xan jum-an. Xamal is-emil pachaempoxan jiw xan nanaexasitiliajwa. Japox is-emil xot japijliajwa, xamal is-emil pachaempoxan xanliajwa' —chiyaxaelen tajsoenalelpijiwliajwa. ⁴⁶ Do jawut, tajsoenalelpijiw chiyaxael infierno poxadik, jaxotdik pomatkoicha kastikaliajwas. Xan nanaexasitilax, japi athu poxaxoei, pomatkoicha duilaliajwa Diosxotse” —aech Jesús xanal pejnachalwanliajwa.

26

Judíospaklochow nejchaxoelpox jaelsliajwapi Jesús

(Mr 14.1-2, 10-11; Lc 22.1-2; Jn 11.45-53)

¹⁻² Do jawut, Jesús japoxan buxtot wut, pejme jum-aechon xanal pejnachalwanliajwa: —Xamal matabijam ampox. Kolematkoije we'pfuk Pascuafiestaliajwa. Jawut xan, puexa jiw pakoewkolnan, asan nawiasaxael asajiwxot japi nakematamatlaliajwa cruztat —aech Jesús.

³ Jawut sacerdotespaklochow, judíos-ancianosbej, natameja Caifás pejbaxot. Japon sacerdotespaklokolan. ⁴ Jaxot nospaeipi Jesús jaelsaxliajwa, jeliajwasbejpon jiw jebatat. Naekichachajbasiapi Jesús maliach buflaeliajwas, boesaliajwasbej Jesús. ⁵ Pe nakaewa najum-aechi:

—Jasox isaxisal fiestat. Japox isas wut, jiw xabich palalaxael. Ja-aech wut, jiw bej chamamosaxaelbejpi Jesús —aech paklochow nakaewaliajwa.

Pawis perjumamintat matnaechafanpox Jesús

(Mr 14.3-9; Lc 7.37-38; Jn 12.1-8)

⁶ Baxael, Jesús Betania paklowaxot wut, Simón pejbaxoton. Japon Simón, majt leprawaxae waechpon. ⁷ Japon pejbaxot kaeow pawis mox soepan Jesúsxot. Japow xafolow perjumamint alabastro-ia'batiajtat. Japaperjumamint xabich ommaenk. Jesús ek wut mesaxot, japaperjumamintat matnaechafanpow Jesús. ⁸ Xanal pejnachalwan japox taenx wut, xabich talala japowliajwa. Xanal nakaewa najum-an:

—¿Ma-aech xotkat japow tabejt japot, perjumamint? ⁹ Japot, perjumamint, xabich ommaenk. Japaperjumamint tabejs-el wutow, chil mowas wut, xabich plata kanaxaes. Ja-aech wut, pachaemaxael japaplata chaxduiliajwas kejila —an xanal.

¹⁰ Jesús japox jumtaen wut, jum-aechon xanalliajwa:

—¿Nej ja-aech! ¿Ma-aech xotkat japox jum-am? Japow japox is wut xanliajwa, japow is pachaempox xanliajwa. ¹¹ Kejila pomatkoicha xamalxotaxael kajachawaesliajwam. Pelax xan xamalxotaxinil xabich piach. ¹² Japow perjumamint namatnaechafan wut, nachawujnachaemtow, asamatkoi xan tux wut, namuthsaxael xot.

¹³ Diachwujnakolax xan jum-an. Potujnucha naewujajan wuti chimiawujajan jiw bu'welijwas, japamatkoiyan wut, jumchiyaxaelbejpi japow ispox xanlijwa. Jasoxtat nejchafaekafulaxaeli japowlijwa —aech Jesús, xanal pejnachalwanlijwa.

Judas Jesús padaelman nadofapox

(Mr 14.10-11; Lc 22.3-6)

¹⁴ Xanal puexa padosanpinxot, kaen pawul Judas Iscariote. Japonlap fulaech sacerdotespaklochow poxade. ¹⁵ Jaxotde pa'a wut, wujnachaemt wut, jum-aechon:

—¿Massuapichkat xamal wulnamotam, xan wiasaxaelen wut Jesús xamalxot? —aech Judas.

Do jawut, paklochow jumnot wut, jum-aechi:

—Xanal mosaxaelen treinta platafachan, xam wiatam wut Jesús xanalxot —aechi.

Do jawut, Judas kaenejchaxoelax, japi suapich, japaplatalijwa. ¹⁶ Do jawutlejen, Judas tudut wujnaweslijwa pachaemmatkoi Jesús wiaslijwapon Jesús padaelmajiwxot.

Jesús xaelpox, pejnachala suapich, Pascuafiestanaxaeyax

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Fiestamatkoi pat wut pan puthla-eli xaelijwa, japafiestatat kolenje, Jesús pejnachalan, mox soepa Jesús wujnachaemslijwapi. Japi jum-aech:

—¿Amxotkat xanal naxaeyax isaxaelen, Pascuafiesta wut xatis xaelijwas? —aechi.

¹⁸ Jesús jumnot wut, jum-aechon:

—¿Xabua'de paklowax poxade! Jaxot pa'mach wut, kaen aton, matabijtaspon, taeyaxaelam. ¡Japon jum-amo: 'Wajpaklon jum-aech: "Tajmatkoi moxlisox, nabijasaxaelenpox. Nejba poxaxaelen, tajnachala suapich, Pascuafiestanaxaeyax xaelijwan" —aechon' —amo bapijin! —aech Jesús, buxto'a wut kolenje pejnachalanlijwa.

¹⁹ Do jawut, japi fulaechlisi. Islisi Jesús to'aspox. Pascuafiestanaxaeyax islisi xanal xaelijwan.

²⁰ Do madoi wut, xanal dosan chalax mesaxot, Jesús suapich. ²¹ Xanal naxaelax wutfuk, Jesús najum-aech xanallijwa:

—Diachwujnakolax xan jum-an. Kaen xamalxot xan nawiasaxaelon tadaelmajiwxot —aech Jesús.

²² Xanal xabich nanejxaejow, japox jumtaenx wut. Samata, xanal kaenanula Jesús wujnachaemsfulax wut, jum-ansfulax:

—Tajpaklon, ¿xankatlap xam wiasaxaelen? —ansfulax xanal.

²³ Jesús jumnot wut, jum-aechon:

—Xan suapich, kaepaftat panax taxthotpon, japonlap xan nawiasaxael tadaelmajiwxot. ²⁴ Xan, puexa jiw pakoewkolnan, tuxaxaelen, me-ama Dios pejjamechan chajia jum-aech japoxlijwa. Pe xan nawiasaxaelpon tadaelmajiwxot, japonlijwa xabich kaes pejme chaemilaxael. Japon nalaelsa-el wut ampathatat, kaes pejme pachaemaxael japonlijwa —aech Jesús.

²⁵ Do jawut, Judas, wiasaxaelpon Jesús padaelmajiwxot, wujnachaemt wut, jum-aechon Jesúslijwa:

—Tajpaklon, ¿xankatlap xam wiasaxaelen? —aech Judas.

Jesús jumnot wut, jum-aechon Judaslijwa:

—Xamaxaelam, me-ama xam najut jum-am —aech Jesús Judaslijwa.

²⁶ Do jawut, xanal naxaelax wutfuk, Jesús panax fit. Dios kawujajan wut, jum-aechon: "Ax, gracias-an xanal nachaxdutam xot ampapan" —aech Jesús. Do jawut, Jesús jalkaful panax, xanal pejnachalwan nakexadijslijwa. Do jawut, Jesús najum-aech xanallijwa:

—¿Xaem pan! Japapan, me-ama tajwit —aech Jesús.

²⁷ Do jawut, Jesús copa chafit puexa xanal kaenanula fiaflalijwan. Do jawutbej, Dios kawujajan wut, gracias-aechon vinolijwa. Do jawut, xanal nachaxduton vino copatat. Do jawutbej, jum-aechon:

—¡Ampavino puexa xamal kaenanula fiafulde! ²⁸ Ampot, me-ama tajjal. Xan tuxp wut, tajjal nakolaxael. Japox jiw naexasit wut, beltaeyaxaes babijaxan ispoxanliajwa, tajjal pijaxtat. ²⁹ Diachwuajnakolax xan jum-an. Pejme feyaxinil vino ampathatat. Dios puexa pejiw tato'almatkoi pat wut, jawut pejme japamatkoitat pajelt vino feyaxaelen Diosxotse, xamal suapich —aech Jesús xanalliajwa.

Pedro xanaliyaxaelpox Jesús pejnachalanpoxliajwa

(Mr 14.26-31; Lc 22.31-34; Jn 13.36-38)

³⁰ Do jawut, kaet jajuit jajuiyax buxtoetx wut, fulaechx muax poxade, olivonaechan nuil poxade. ³¹ Do jawux, Jesús olivonaechan nuilxot nabu'pa'a wut, jawut najum-aechon xanalliajwa:

—Ampamadoitat puexa xamal kaenanula nasalaxaelam nejlel xanxot, xan nejxan-aboejampox kofaxaelam xot. Japoxliajwabej Dios pejjamechan, chajia lelsopox, jum-aech, Dios jum-aech wut xanliajwa: 'Boesaxaes ovejas tataeflan. Ja-aech wut, puexa pejew ovejas, nasalaxael' —aech Dios jum-aechpox xamalliajwa, xanxot nasalaxaelampox. ³² Asajiw xan naboesa wut, taj-ax Dios namat-esaxael pejme dukaliajwan. Do jawut, xan wuajnaexaelen Galilea tuajnuixot xamal wuajna —aech Jesús.

³³ Do jawut, Pedro jum-aech:

—Puexa asew nejnachala kofa wut pejxanaboejaxan xamliajwa, xanlax kofsaxinil tajx-anaboejsax xamliajwa. Xan nakiowa xam xanaboejsfulaxaelen —aech Pedro Jesúsliajwa.

³⁴ Jesús jumnot wut, jum-aechon:

—Diachwuajnakolax xan jum-an. Ampamadoitat kawaema nejlae-el wutfuk, xam naxanaliyaxaelam. Tres veces jumchiyaxaelam: 'Xan japon aton matabijs-enil' —chiyaxaelam, xanaliyam wut xanliajwa —aech Jesús Pedroliajwa.

³⁵ Pedro nejthu'axtat jum-aech:

—Nejmachjiw najum-aech wut: 'Xam boesaxaelen, Jesús pejnachalnam xot' —na-aech wuti, xan elchiyaxinil —aech Pedro Jesúsliajwa.

Xanal, Jesús pejnachalwan, kaenanula japox kaeyax jumanbej, Pedro matxoelajum-aechpox.

Pawulxot, Getsemaní, Jesús Dios kawuajanpox

(Mr 14.32-42; Lc 22.39-46)

³⁶ Do jawux, Jesús, xanal pejnachalwan suapich, pa'ax pawulxot, Getsemaní. Jaxot wut, xanal najum-aechon:

—¡Amxot chalakde! Xan wuajnaexaelen, taj-ax Dios kawuajnalialjwan —aech Jesús.

³⁷ Do jawut, Jesús kaesuapich atuxach buflaechon Pedro, kaes asan kolenjebej. Kaen japixot pawul Santiago. Asan pawul Juan. Japi kolenje, Zebedeo paxi. Do jawut, Jesús tuadut xabich nejxaejwalialjwas. Xabich nejchaxoelbejpon tuxaxaelpoxliajwa. ³⁸ Do jawut, jum-aechon tres pejnachalanliajwa:

—Xan xabich nanejxaejow. Me-ama kaen aton tuxaxael wut, ja-aech nanejxaejowpox. ¡Amxot xamal namaem! ¡Nabej moejs! ¡Naliasfulde, xan suapich! —aech Jesús tres pejnachalanliajwa.

³⁹ Do jawut, Jesús kaes atuxach tamach fulaechon. Jaxotde wut, brixtat nuklison sat makxabijnalialjwadik. Do jawut, pax Dios kawuajan wut, jum-aechon:

—Ax, nabu'wesiam wut, ¡nabu'wem nabijasaxaelenpox! ¡Pe nabej is xan nejxasinkaxpox! ¡Isde xam nejxasinkampox! —aech Jesús.

⁴⁰ Jawut, kaxadin wut pejnachala poxadin, taenlison, japi moejt wut. Do jawut, Jesús jum-aech Pedroliajwa:

—¿Xamkat xajupa-emil kaehora naliasliajwam, xan suapich? ⁴¹ ¡Naliasfulde Dios kawuajnalialjwam! Ja-am wut, Dios xam kajachawaesaxael isasamatam babijax. Ne-nejchaxoelaxtat isasiam xan jum-anpox. Pe nejb'u't chiekal mamnika-el, xam xabich itmoejsla xot —aech Jesús Pedroliajwa.

⁴² Jesús pejme fulaech wut, pax Dios kawuajan wut, jum-aechon:

—Ax, nabu'we-eliasiam wut nabijasaxaelenpox, jisde xam nejxasinkampox! Nabijasax nataesiam wut, xan nabijasaxaelen —aech Jesús pax Diosliajwa.

⁴³ Do jawut, Jesús pejme kaxadin wut, pejnachala nakiowa asbuan jumch moejtfuki, xabich itmoejsla xot. ⁴⁴ Do pejme Jesús japi waela jaxot. Fulaechon pejme pax Dios kawuajnalijwa. Matxoelakawuajanpox, japox pejme jum-aechon. Jasoxtat Jesús kawuajan pax Dios. ⁴⁵ Do pejme kaxadin pejnachala poxadin. Pat wuton japixot, jum-aechon:

—¿Xamalkat nakiowa moejtamfuk? ¿Damlathulambej? Xan, puexa jiw pakoewkolnan, tajhora nawepat. Nawiasaxaelon babejchowxot. ⁴⁶ ¡Nanim! ¡Amxot chijias! Fulaenlison mox nawiasaxaelpon tadaelmajiwxot —aech Jesús japi tres pejnachalanlijwa.

Jesús jaeltaspox padaelmajiw

(Mr 14.43-50; Lc 22.47-53; Jn 18.2-11)

⁴⁷ Jesús naksiya wutfuk xanallijwa, jawut Judas pat. Japon kaen xanalxotpijin. Japontat dosan. Japon xabich jiw bu'pat. Japi jiw xafol espada, iwabej. Japibej nakfulaen, sacerdotespaklochow to'as xot, judíos-ancianos to'as xotbejpi. ⁴⁸ Judas, japon Jesús wiasaxaelpon padaelmajiwxot, chajia chiekal jum-aechon japi jiw chiekal matabijalijwa: “Xan xusuiyaxaelenpon, japonlap xamal jaelsaxaelam!” —aech Judas.

⁴⁹ Do jawut, Judas mox soepan wut Jesúsxot, jum-aechon Jesúslijwa:

—Tajchanaekabuanan, xan patx —aech Judas.

Kejacha wut, xusuwpon Jesús. ⁵⁰ Do jawut, Jesús jumnot wut, jum-aechon Judaslijwa:

—Fulaemanpox islijwam, ¡ama japox isde! —aech Jesús Judaslijwa.

Do jawut, Judas jiw buflaenpi, japi mox soepa Jesúsxot. Do jawut, Jesús jaeltas buflaelijwas.

⁵¹ Jesús jaeltas wut, kaen xanalxot kukcha pej-espada. Do jawut, japon asan nae-cho'chikchapon. Cho'chikchaspon nabist sacerdotespaklokolanlijwa. ⁵² Jesús jum-aech pejnachalanlijwa:

—¡Espada jem ta-akadik! Puexa jiw nabapi espadatat, tuxaxaelbejpi espadatat.

⁵³ Xamal matabija-emil. Xan wuljowx wut taj-ax Dios, japon ma amwut to'axoek xabich pin-iakola pej-ángeles xan nabu'welijwa. ⁵⁴ Pe xan japox wuljoeyaxinil. Dios pejjamechan, chajia lelsopox, jum-aech najaelslijwapox. Samata, ja-aechlisox —aech Jesús pejnachalanlijwa.

⁵⁵ Do jawut, Jesús wuajnaemta wut, jum-aechon buflaeyaxaespilijwa:

—¿Ma-aech xotkat xamal xafolam espada, iwabej, xan najaelsasiam wut? ¿Xankat, me-ama natkowanan wut, kabuan-an xamallijwa? Kaematkoisful xan ekx Dios pe-jtemplobaxot, jiw naewuajnalijwan. Jaxot xamal xan najaels-emil, Dios xamal tapae-el xotfuk. ⁵⁶ Dios pejjamechan profetas chajia lelpox jum-aech, japox jachilijwa. Samata, japox ja-aechlisox —aech Jesús japi jiwlijwa.

Do jawut, xanal, japon pejnachalwan, Jesús tamach waeltax. Xanal padukpax tajlel.

Jesús nukpox judíospaklochow pejuajnalel

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Jesús jaeltpi, japi buflaech Caifás pejba poxade. Caifás sacerdotespaklokolan. Japon pejbaxot judíos chanaekabuanapi, judíos-ancianosbej, wuajna natamejapi. ⁵⁸ Jesús bu'fos wut, Pedro atuxach wuchakal fol. Japi jiw bu'pat wut sacerdotespaklokolan pejbaxot, jawut Pedrobej pat japabafulmaktxot. Jaxot nak-ekon, temploba weti suapich, ketaelijwa Jesús padaelmajiw isaxaelpox Jesúslijwa.

⁵⁹ Do jawut, sacerdotespaklochow, puexa judíos-ancianosbej, japi nejchaxoel Jesús tasalaspoxtat boesalijwas. Samata, wulweki wuajan, diachwuajnakolaxa-elox, Jesús xabich tasalalijwapi. ⁶⁰ Xabich jiw fulaen tasalalijwapi Jesús kichachajbapoxtat. Pe paklochow wepachaema-esal japoxantat tasalalijwapi Jesús. Samata, wuajan faena-eli tasalalijwapi Jesús. Baxael, asew kolenje fulaen paklochow poxadin. ⁶¹ Japi jum-aech ampox:

—Ampon aton majt jum-aech: ‘Xan xajupx toesliajwan Dios pejtemploba. Xajupxbej pejme mat-esliajwan, tres matkoi wut’ —aech ampon aton —aechi Jesusliajwa.

⁶² Do jawut, sacerdotespaklokolan nant wut, jum-aechon Jesusliajwa:

—¿Diachwujnakolaxkat japi jiw jum-aechpox xamliajwa? ¿Xamkat japi jiw jum-nosaximil? —aech sacerdotespaklokolan Jesusliajwa.

⁶³ Pe Jesus boejlach nuk. Do jawut, sacerdotespaklokolan pejme jum-aech:

—¿Dios athupijin pijaxtat najum-amde diachwujnakolaxpox! ¿Xamkatlap diachwujnakolax Cristowam, Dios paxulnam? —aechon.

⁶⁴ Jesus jumnot wut, jum-aechon:

—Puexa xam jum-ampox xanliajwa, diachwujnakolax. Xan, puexa jiw pakoewkolnan, ekaxaelen taj-ax Dios poklalel jiw tato'laliajwan. Taj-ax Dios xabich mamnik puexaliajwa. Xamal japox taeyaxaelam, xan fuloekx wut athulelsik itloejentat —aech Jesus.

⁶⁵ Do jawut, sacerdotespaklokolan japox jumtaen wut, pajut thiakchapon pijax, naxoelax, xabich palala xot. Do jawut, sacerdotespaklokolan kaes jum-aech:

—Ampon aton jum-aech Dios nejxasinka-elpox. Kaes asew jiw nakwewe'pa-el tasalali-ajwas japon. Xamal najut chiekal jumtaenam, japon jum-aech wut japox Diosliajwa.

⁶⁶ ¿Achaxkat xamal nejchaxoelam ampon atonliajwa? —aech sacerdotespaklokolan.

Do jawut, japi puexa jumnot wut, jum-aechi:

—Ampon aton pejbun'wujjan. Samata, kastikaxaeson. Boesaxaesbejpon —aechi.

⁶⁷ Do jawut, Jesus xuloeyaspon. Xutulapasbejpon. Asew japixot ke-etat xuselbalapi Jesus. ⁶⁸ Itfumatakus wut, jum-aechipon:

—Xam Cristowam wut, jum-amde! ¿Achankat xam xutulap? —aechi.

Pedro xanaliapox Jesus matabijtpoxliajwa

(Mr 14.53-54, 66-72; Lc 22.54-62; Jn 18.15-18, 25-27)

⁶⁹ Pedro ekfuk sacerdotespaklokolan pejbafulmaktxot. Jawut kaeow pawis, nabistow japabaxot, japow mox soepan Pedroxot. Do jawut, japow jum-aech Pedroliajwa:

—Diachwujnakolax xam Jesus pejnachalnam, japon Galilea tuajnpijin —aechow.

⁷⁰ Do jawut, Pedro pajutliajwa naxanalia wut puexa jiw pejwujnalel, jum-aechon:

—Xan matabijs-enil najum-ampox —aechon.

⁷¹ Do jawut, Pedro fulaech bafafa poxade. Jaxotde Pedro asaow pawis pejme taenspon. Japowbej jum-aech asew jaxot nuilpi jumtaeliajwas:

—Ampon aton, nanuamt Jesus, Nazaret paklowaxpijin suapich —aechow.

⁷² Do jawut, Pedro pejme pajut naxanalia wut Jesusliajwa, jum-aechon:

—Dios chiekal matabijt, xan japon aton matabijs-enilpox —aech Pedro nejthun'axtat.

⁷³ Do jawutlejen, jaxotpijiw Pedro mox soepas. Japi jum-aech:

—Diachwujnakolax xambej Jesus pejnachalnam. Naksiyam wut, me-ama Galilea tuajnpijiw naksiya wut, jajum-am —aech japi Pedroliajwa. ⁷⁴ Do jawut, Pedro pejme jum-aech:

—Diachwujnakolax jumchi-enil wut, ¿Dios xan nej nakastike! Xan japon aton matabijs-enil —aech Pedro japi jiwliajwa.

Do jawutlejen, kawaema nejla. ⁷⁵ Do jawut, Pedro nejchafaet Jesus jum-aechpox, chajia jum-aech wut: “Kawaema nejlae-el wutfuk, xam naxanaliyaxaelam tres veces” —aech Jesus, jum-aech wut. Do jawut, japabafulmaktxot Pedro nakolt tathoetade. Jaxotde xabich nowpon, xabich nejxaejwas xot.

27

Jesus wiachpox Pilatoxot

(Mr 15.1-5; Lc 23.1-5; Jn 18.28-38)

¹ Nalian wut, puexa sacerdotespaklochow, judios-ancianosbej, natameja kaenejchaxoelaxliajwa boesaliajwas Jesus. ² Do jawux, bun'foslison muxamatakuiyaxtat gobernador

Pilato poxade. Jesús wiach Pilatoxot. Pilato Judea tuajnujijiw tato'lan, to'as xoton Roma tuajnujijiw tato'lan.

Judas tuppox

³ Do jawut, Judas, Jesús wiatpon padaelmajiwxot, taen wuton Jesús tasalaspox boesaliajwas, jawut xabich Judas nejxaejwas Jesúsliajwa, japon ispoxlajwabej. Samata, treinta platafachan pejme xapaton wiasliajwa sacerdotespaklochow natamejaxot, judíos-ancianos suapich, Dios pejtemplobatat. ⁴ Judas jaxot pat wut, jum-aechon japi paklochowliajwa:

—Xan babijax isx japon atonliajwa, babijax is-elponliajwa, bu'fos xoton boesaliajwas —aech Judas japijijaw.

Japi jumnot wut, jum-aechi:

—¿Ma-aech xotkat japox xanal najum-am? Japox xam nijax. Xanal japox tajaxa-el —aechi Judasliajwa.

⁵ Do jawut, Judas japaplata thokcha Dios pejtemplobatat. Do jaxot nakoltlison tathoetade. Do jawux, pajut nakaechariamake'ton naetat. Jawut dukjklison patapan.

⁶ Judas nakolt wut Dios pejtemplobaxot, jawut sacerdotespaklochow notlisi japaplatafachan, Judas thokchapi Dios pejtemplobatat. Not wut, nakaewa najum-aechi:

—Ampaplatafachantat moch kaen aton boesaliajwas. Samata, ampaplatafachan kenosaxisal Dios pej-ofrendaliajwa —na-aechi nakaewaliajwa.

⁷ Do jawut, japi kaenejchaxoelax sat wuajsliajwa, japasatxot muthaliajwapi judíos-eli tup wut Jerusalén paklowaxxot. Japasat wuajtxoti, majt pawul Baexfa'san Pejsat.

⁸ Hasta amwutjel japasat pawulfuk Jalsat, japaplatafachantat mot xoti kaen aton boesaliajwas. ⁹ Japox ja-aechlisox, me-ama Jeremías, Dios pejprofeta, chajia jum-aechpox, jum-aech wut: “Japi xalaeyaxael treinta platafachan wuajsliajwa baexfa'san pejsat. Japaplatafachanliajwa judíospaklochow kaenejchaxoelax mosliajwapi jas-omtat kaen aton boesaliajwas. ¹⁰ Do jawux, japaplatafachantat wuajsaxaeli baexfa'san pejsat, me-ama Dios chajia jum-aech” —aech Jeremías, chajia jum-aech wut.

Jesús nukpox Pilato pejuajnalel

(Mr 15.2-5; Lc 23.3-5; Jn 18.33-38)

¹¹ Jesús wiach wut gobernador Pilatoxot, jawut japon wuajnachaemt wut, jum-aechon Jesúsliajwa:

—¿Xamkatlap puexa judíos pejurenam? —aechon.

Jesús jumnot wut, jum-aechon:

—Diachwuajnakolax xan japonan, xam jum-amponan —aech Jesús Pilatoliaw.

¹² Sacerdotespaklochow, judíos-ancianosbej, pejme jaxot Jesús tasala wut, jawut Jesús kaes jumnos-el. Asbuan jumch boejlach nuklison. ¹³ Samata, Pilato Jesús wuajnachaemt wut, jum-aechon:

—¿Xamkat jumtae-emil japi jiw xam tasalapoxliajwa? —aech Pilato Jesúsliaw.

¹⁴ Pe Jesús boejlach nuk. Chinax kaejame jumnos-elon. Samata, Pilato xabich nejchaxoelanik.

Pilato to'apox Jesús kematamatlialiajwas

(Mr 15.6-20; Lc 23.13-25; Jn 18.38-19.16)

¹⁵ Pilato pejkabuan, kaewaechful wut, Pascuafiesta wut, jitapaeipon kaen aton nakolsliajwa, jiw jebatat jiaspon, japon wuljowson judíos. ¹⁶ Japamatkoiyantat kaen jiw jebatat jias. Japon xabich judíos matabijtas. Pawulon Barrabás. ¹⁷ Puexa judíos natameja wut, Pilato wuajnachaemt wut, jum-aechon judíosliajwa:

—¿Mason atonkat xamal nejxasinkam jiw jebaxot nakolsax tapaeliajwan? ¿Xamalkat nejxasinkam xan nakolsax tapaeliajwan Barrabás? O, ¿Jesús, japon pawulpon Cristo? —aech Pilato.

¹⁸ Pilato japox jum-aech, pajut matabijt xot, judíospaklochow wiat Jesús japonxot, xabich nusasiawal xoti Jesúsliajwa.

¹⁹ Pilato ek wutfuk pejtua-ekaxtat naewesliajwa Jesús tasalaspox, Pilato pijow jumxato'an. Jumxato'an wut, jum-aechow: “¡Nabey is babijax japon atonliajwa, chinax is el xoton babijax! Xan xamoejtax wut, xabich nosbejchaeminal, nejchaxoelx wut japon atonliajwa” —aechow, jumxato'an wut Pilatoliajwa.

²⁰ Pe sacerdotespaklochow, judíos-ancianosbej, jum-aech xabich judíosliajwa: “¡Pilato wuljoem Barrabás nakolsax tapaeliajwa jiw jebaxot! ¡Pelax Pilato wuljoem japon to'aliajwa Jesús kemamatatlaliajwa cruztat!” —aech paklochow xabich jiwliajwa. ²¹ Do pejme Pilato wuajnaem wut, jum-aechon puexa judíosliajwa:

—Japi kolenjexot, ¿masonkat xamal nejxasinkam xan nakolsax tapaeliajwan? —aech Pilato.

Do jawut, puexa judíos jum-aech Pilatoliajwa:

—¡Barrabás nakolsax tapaem! —aechi.

²² Do pejme Pilato wuajnaem wut, jum-aechon japiajwa:

—¿Achaxkat isaxaelen Jesúsliajwa, japon pawulpon Cristo? —aech Pilato judíosliajwa.

Do jawut, puexa jumnot wut, jum-aechi:

—¡Japonlax cruztat kemamatatalde! —aechi.

²³ Do pejme Pilato jum-aech japi judíosliajwa:

—¿Achababijaxkat Jesús is xan to'aliajwan japon cruztat kemamatatlaliajwas? —aech Pilato.

Japi nejlasful wut, jum-aechfuli:

—¡Cruztat kemamatatalde! —aechfuli.

²⁴ Pilato matabijt japi judíos kaes naewesfula-esalpox. Xabich kaes nejlasfulbejpi, xabich palala xot. Samata, Pilato pamakan to'a min wuljaesliajwa. Jawut, xapa'an wut, Pilato kekakiat puexa judíos pejwuajnalel. Jawut jum-aechon:

—Ampon aton boesas wut, japox wuajan xan xalaejaxinil. Japox wuajan xamal xalaelpaxaelam —aech Pilato judíosliajwa.

²⁵ Puexa judíos jumnot wut, jum-aechi:

—Diachwuajnakolax xanal japox wuajan xalaelpaxaelen, japon aton boesas wut. Taxibej xalaelpaxael japox wuajan —aech judíos.

²⁶ Do jawut, Pilato tapaei Barrabás nakolsliajwa jiw jebaxot. Do jawutbej, Pilato keto'a soldaw selisliawapi Jesús. Selsax ketoet wut, Pilato to'a soldaw Jesús kemamatatlaliajwas cruztat.

²⁷ Do jawutbej, Pilato pejsoldaw bu'follisi Jesús, Pilato pejba poxade. Jaxotde puexa soldaw masajiatlisi Jesús. ²⁸ Jawux Jesús wejoltas sumta-otox. Do jawutbej, xajoellisipon pakchowax, me-ama rey naxoelpox, pasoeyax jasox. ²⁹ Xakoeyapi na-e'lu matlua'sliajwapi Jesús. Jawut matlua'tlisipon. Chaxdutipon, me-ama rey kilachalapox poklake-elel. Do jawux, soldaw brixtat nanuili Jesús pejwuajnalel taxaxaelaliajwa. Brixtat nanuil wut, bu'wuajanpaeipi Jesús. Taxaxaelaxtat jum-aechfullisi:

—¡Moi, judíos pejrey! —aechfullisi.

³⁰ Loeyasbejpon. Me-ama rey kelachalapox, japoxtat Jesús matnaebe'balas. ³¹ Do jawux, bu'wuajanpaeyax buxtoet wut, pejme joltlisipox, me-ama rey pijax, jasox. Pejme Jesús xajoels pejsunta-osax, japox Jesús pijaxkolax. Do jawut, bu'follisipon cruztat kemamatatlaliajwapi Jesús.

Jesús kemamatalaspox cruztat

(Mr 15.21-32; Lc 23.26-43; Jn 19.17-27)

³² Do jawut, soldow bu'fol wuti Jesús nakolaliajwa Jerusalén paklowaxxot, jawut xabu'kulti kaen aton. Japon pawul Simón, Cirene paklowaxpijin. Do jawut, japon Simón, xato'ason soldaw Jesús pijax cruz xalaejax. Jesús kaes japox xalaejaxil, japon mamnika-el xot kastikaxtat.

³³⁻³⁴ Jesús bu'pach muaxxot. Japamuax pawul Gólgota. (Japawul jumchiliajwa: “Matnaethitmuax” —chiliajwa. Japamuax, me-ama aton matnaethit wut, kabuan-aechox.)

Jaxotde bu'pa'a wut, soldaw chaxduti Jesús feliajwa vino, xasaxamint tanialtaspot, xabich boejtae-elaliajwa xaeyax. Pe Jesús xapaajla wut japavino, fe-elon.

³⁵ Do jawut, Jesús cruztat kematamatlas wut, soldaw nakakujt ia'xix, jasi, matabijali-ajwa, achán kanaxael kaenanula Jesús pejnaxoe. ³⁶ Do jawux, soldaw chalak wesfulali-ajwapi Jesús. ³⁷ Jesús pejmatnaetlelse tawlofach lelspx chaduch. Japatawlofachxot lelspx jum-aech, ma-aech xot Jesús kematamatlas cruztat. Lelspx jum-aech: “Ampon Jesús, judíos pejrey” —aechox.

³⁸ Jawut, Jesús cruztat kematamatlas wut, japamuxxot kolenje kethakan kaenanula cruztat kematamatlasbej. Kaen Jesús pejpoklalel chanuk. Asan Jesús pejsoenalel chanuk. ³⁹⁻⁴⁰ Asew jiw, jaxot xaxenapi, babejjamechan jum-aechi Jesúsliajwa. Matnaexawilt wut, jum-aechbejpi Jesúsliajwa:

—Xam chajia jum-am: ‘Xan Dios pejtemploba toesaxaelen. Do jawux, tres matkoi wut, pejme mat-esaxaelen’ —am xam. ¿Ma-aech xotkat amwutjel xam najut nabu'we-emil? Xam diachwujnakolax Dios paxulnam wut, ¿ma amwut najut baloemk cruzxotsik! —aech xaxenapi Jesúsliajwa.

⁴¹ Jawut sacerdotespaklochow, judíos chanaekabuanapibej, judíos-ancianosbej, japibej bu'wujapanpaei Jesús.

⁴² Nakaewa najum-aechi Jesúsliajwa:

—Asew jiw bu'wiapon. Pe pajut nabu'we-elon. Diachwujnakolax ampon Israel tuajnpjijiw pejrey wut, ¿ma amwut nej baloeskon cruzxotsik! Do ja-aech wut, ¿xatis naexaxisaxaeson! ⁴³ Dios xanaboejtbejpon. Jum-aechbejpon: ‘Xan Dios paxulnan’ —aechon pajutliajwa. Samata, ¿japon Dios nej bu'wes, Dios nejxasinkas wut! —na-aechi nakaewaliajwa Jesúsliajwa.

⁴⁴ Kolenje kethakan, kematamatlaspi cruztat, Jesús suapich, japibej jum-aech babejjamechan Jesúsliajwa.

Jesús tuppox cruztat

(Mr 15.33-41; Lc 23.44-49; Jn 19.28-30)

⁴⁵ Jesús cruztat wut, juimt matnoch ek wut, jawut xabich itkua'nik potuajnjucha. Tres horas itkua'nik. ⁴⁶ Do jawut, a las tres wut, Jesús nejlacha wut, jum-aechon: “Elí, Elí, ¿lema sabactani?” —aech Jesús. (Japox jum-aech wut, jumchiliajwa hebreojametat: “TajDios, tajDios, ¿ma-aech xotkat tamach nawaeltam?” —chiliajwapox.)

⁴⁷ Asew jiw, jaxoti, japox jumtaen wut, jum-aechi:

—Japon wullalat Elías, Dios pejprofeta —aechi.

⁴⁸ Jawutlejen kaen japixot najaet wuljaesliajwa esponja, xathosliajwa vino xathunkpotat. Esponja faen wut, xathoti esponja. Do jawut, nae-oeftat matakupi Jesús suiliajwa japox. ⁴⁹ Asew jiw lax jum-aech:

—¿Mastaem! Taeyaxaes Elías bej fuloeyaxoekbej japon bu'weliajwas —aechi.

⁵⁰ Jesús pejme nejlakcha wut, jawut tuplison. ⁵¹ Jawut Dios pejtemplobatutat pinabu', duchpox batutat, najupathiakchakas athusik satleldik. Jawutbej sat xabich najaet. Pinanul ia' tatukbej. ⁵² Jawutbej patupamuthanxot pajut nafafa'bala. Do jawutbej, chajia tupi, majt laelpi ampathatat, japi Dios naexasiti, japi xabich pin-iat mat-ias pejme duilaliajwa ampathatat. ⁵³ Jesús tup wut, jawux, tres matkoi wut, Jesús mat-ech wut pejme dukaliajwa, jawut japi jiwbej, mat-iaspi, lowpi Jerusalén paklowaxxot. Xabich japapaklowaxpijiw taensi.

⁵⁴ Patupan Jesús chanuk wut cruztat, soldawcapitán, pejsoldaw suapich, jaxot weti Jesús, taen wuti puexa ja-aechpoxan, sat najaesax taen wutbejpi, puexa japi soldaw xabich pejlewla. Samata, jawut jum-aechi:

—¿Diachwujnakolax ampon aton Dios paxulan! —aechi.

⁵⁵ Do jawutbej, patupan Jesús chanukxot xabich watho' atuxach nuili natachaemali-ajwapi patupan Jesús. Japi watho' chajia nakfulaeni Jesús Galilea tuajnjuxot. Japi watho' kajachawaetbejpi Jesús, nanuamt wut. ⁵⁶ Japi watho'xot, jaxotbej María. Japow Magdala

paklowaxpijow. Jaxotbej asaow, pawulpow María. Japow Santiago pen. Japowbej José pen. Japow Zebedeo pijow.

Patupan Jesús ochpox muaxwujat

(Mr 15.42-47; Lc 23.50-56; Jn 19.38-42)

⁵⁷⁻⁵⁸ Jesús tɔp wɔt, tuila wɔtlejen, kaen aton pawulpon José, japon pat gobernador Pilatoxot. Japon kemaeyan, Arimatea paklowaxpijin. Japonbej naexasit Jesús naewuajanpoxan. Dolisdo', José pat wɔt Pilatoxot, wɔljowpon fisliajwa patupan Jesús mɔthsliajwa. Do jawɔtbej, Pilato to'a soldaw, japi chaxdusliajwapi patupan Jesús Josélijaw. ⁵⁹ Do jawɔt, José fɔlaech patupan Jesús chanukxotde cruztat. Pa'a wɔton, kuton patupan Jesús cruzxotsik. José xakoeya patupan sábanatat. Japabɔ' chimiabɔ', pajelbɔ'bej. ⁶⁰ José chajia asan aton wekowson muaxwuj. Japawuj José pajutliajwalach, asamatkoi tɔp wɔt japawujxot osliajwas. Samata, José japawujxot oton patupan Jesús. Do jawɔx, ia't pinjit, jajaerat, matariaman japawuj fakasliajwa. Do jawɔx, José japox ketoet wɔt, nawiaton. ⁶¹ Pe jaxot María, Magdala paklowaxpijow. Jaxotbej asaow María, japow pejwɔlxoelow. Japi koliowje atɔxach chalak japawuj wujnalel taeliajwapi patupan Jesús cha-ochxot.

Patupan Jesús ochxot soldaw wesfulpox

⁶² Kandiawa wɔt, napatamatkoi wɔt, sacerdotespaklochow, fariseosbej, fɔlaech Pilatoxade. ⁶³ Pat wɔti Pilatoxot, jɔm-aechi:

—Tajpaklon, Jesús kichachajbapijin. Xanal nejchaxoelx japon jɔm-aechpoxliajwa, laeja wɔtfukon. Jawɔt Jesús jɔm-aech: 'Tɔpx wɔt, Dios namat-esaxael pejme dukaliajwan, tres matkoi wɔt' —aech Jesús. ⁶⁴ Samata, jɔsoldaw to'im wesfulaliajwa tres matkoi japon ochxot! Jachi-emil wɔt, japon pejnachala bej jusaxaesbejpon. Do jawɔx, japi jiw naewuajnafulaxael wɔt, jɔmchisfulaxaeli: 'Japon mat-ech pejme dukaliajwa' —chisfulaxaeli. Ja-aech wɔt, xanalliajwa kaes pejme xabich chaemilaxael. Me-ama majt, jachiyaxil —aech sacerdotespaklochow, fariseosbej, Pilatoliajwa.

⁶⁵ Do jawɔt, Pilato jɔm-aech sacerdotespaklochowliajwa, fariseosliawabej:

—jAma soldaw! jBɔflaem chiekal wesfulaliajwapi patupanwuj! —aech Pilato.

⁶⁶ Do jawɔt, paklochow bɔ'follisi soldaw patupanwujxade. Jaxot pat wɔti, xape'ti sello ia't, pinjixot. (Jasox ispi matabijaliajwa, asan aton japa-ia't matriaman wɔt taeliajwa.) Do jawɔt, soldaw jaxot waelas chamɔthawesfulaliajwapi patupanwuj.

28

Patupan Jesús mat-echpox pejme dukaliajwa

(Mr 16.1-8; Lc 24.1-12; Jn 20.1-10)

¹ Napatamatkoi toep wɔt, dominkomatkoi wɔt, juimt julan wɔtbej, María, Magdala paklowaxpijow, asaow Maríabej, kaxa fɔlaechlisi patupanwuj taeliajwa. ² Japi watho' fol wɔt, chalechkal sat xabich najaet. Jawɔt Dios pej-áγγελ fɔloek. Pask wɔt patupanwujxotsik, japa-ia't, pinjit, matriamanlison kaelel. Do jawɔt, Dios pej-áγγελ ek japa-ia'tmatwujat. ³ Dios pej-áγγελ pona xabich nakthian. Me-ama chamax kaliaf wɔt, jakaliaf-aechon. Sumta-otox xabich papoeikolax. ⁴ Soldaw, wesfulpi patupanwuj, taen wɔti Dios pej-áγγελ, japi soldaw xabich tathulal pejlewt. Do jawɔt, satat oeljabapi. Me-ama tɔp wɔt, ja-aechi.

⁵ Do jawɔt, áγγελ jɔm-aech japi watho'liajwa:

—jNabej nejlewlé! Xan matabijtax xamal wɔlwekam taeliajwam patupan Jesús, kematamatlaspon cruztat tɔpaliajwa. ⁶ Amxot ajillison. Japon mat-echlison pejme dukaliajwa, me-ama chajia jɔm-aechon. jXabɔ'din xamal najut taeliajwam ochxoton! ⁷ Tae-emil wɔt patupan, jxamal xabɔ'de japon pejnachala poxade japi chapaeliajwam! jɔm-amo Jesús pejnachala: 'Cruztat tɔpon mat-echlison. Amwɔtjel pejme duklison.

Xamal wuajna japon wuajnaxaech Galilea tuajnuotde. Jaxotde Jesús taeyaxaelam' — amo pejnachala! Japox xan jumchiliajwan Dios nabuxto'a xamalliajwa — aech ángel japi watho'liajwa.

⁸ Do jawut, japi watho' bichakal fulaech Jesús pejnachala poxade, Jesúsliajwa ja-aechpox chapaeliajwapi. Japi watho' xabich beljow. Pe jawutbej, xabich nejchachaemili. ⁹⁻¹⁰ Nuamtat fol wutfuki, Jesús chalechkal natulaelt japi watho' pejwuajnalel. Jesús moi-aech japi watho'liajwa. Do jawut, japi watho' mox soepa Jesúsxot. Brixtat nuili Jesús pejwuajnalel, xabich sitaen xoti. Jesús thijaeltas wut, jum-aechon japi watho'liajwa:

—¡Xabua'de tajnachala poxade chapaeliajwam xan nataenampox! ¡Tajnachala jum-amde Galilea tuajnu poxade fulaeliajwapi! Jaxotde xan nataeyaxaeli — aech Jesús, japi watho' buxto'a wuton.

Soldaw wesfulpi patupanwuaj, japi chapaeipox judiospaklochowxot

¹¹ Watho' fulaech wutfuk, do jawutbej, soldaw weti patupanwuaj, a sew japixot soldaw, fulaechbej Jerusalén paklowax poxade. Jaxotde pa'a wut, japi soldaw chapaelisi sacerdotepaklochowxot puexa japi taenpoxan, jumtaenpoxanbej, Jesúsliajwa. ¹² Do jawut, paklochow fulaech judios-ancianos poxade nospaeliajwa, japi suapich, kaenejchaxoelaxliajwa japoxliajwa. Do jawux, japi paklochow moti xabich plata soldaw kichachajbaliajwa jiw. ¹³ Paklochow jum-aech soldawliajwa:

—¡Jum-amo jiw: 'Madoi, xanal moejtax wut, Jesús pejnachala fulaen patupan natkowaliajwa. Japox ja-aech xanalliajwa' — amo puexa jiwliajwa! ¹⁴ Pilato japox wultaen wut, xanal nospaeyaxaelen, Pilato suapich. Ja-aech wut, xamal bu'wuajan jilaxaelam — aech paklochow soldawliajwa.

¹⁵ Do jawut, soldaw ow-aechlisi japoxliajwa. Samata, kenoti plata. Jawut japi soldaw chapaeful, me-ama paklochow buxto'as. Samata, judios xabich chapaeful japawuajan potuajnucha. Amwutjelbej japawuajan nakiowa chapaefulfuki.

Jesús to'apox pejnachala, japi naewuajnalialjwa jiw

(Mr 16.14-18; Lc 24.36-49; Jn 20.19-23)

¹⁶ Do jawux, xanal onsan pejnachalwan fulaechx Galilea tuajnu poxade. Jaxotde pa'ax wut, fulaechx pinamux poxade, Jesús nato'amux poxade. ¹⁷ Jaxotde xanal Jesús taenx. Do jawut, brixtat nuilx japon pejwuajnalel, xabich sitaenx xot. Xanalxot a sew jiw chiekal naexasis-eli, Jesús tux wut mat-echpox pejme dukaliajwa. ¹⁸ Do jawutbej, Jesús mox soepan xanalxot. Jum-aechon:

—Taj-ax Dios natapaei puexa jiw tato'lialiajwan, ampathatpijiw, athuxotsepibej.

¹⁹ Samata, ¡xamal potuajnucha jiw naewuajnafulde! Naexasit wuti taj-ax Dios, xan tajwuajan naexasit wutbejpi, jawut japi jiw bautisaxaelam taj-ax Dios pijaxtat, xan Dios paxulnan pijaxtatbej, Espiritu Santo pijaxtatbej. ²⁰ ¡Xamal naewuajande a sew jiw naexasisliajwa puexa xan tato'laxpoxan xamalliajwa! Xan diachwuajnakolax xamalxotaxaelen pomatkoicha ampathatxot. Hasta ampathat toep wut, xan nakiowa xamalxotaxaelen — aech Jesús xanal pejnachalanliajwa.

Marcos lelpox Jesucristo pejw_uajan

*Juan, jiw bautisan, pajilaxtat naew_uajanpox
(Mt 3.1-12; Lc 3.1-9, 15-17; Jn 1.19-28)*

¹ Chimiaw_uajan, Jesucristo pejw_uajan, tuadut w_ut, ma-aech. Japon pajut Dios pax_ulan. Xan Marcos lel_x ampaf_ut jiw chiekal matabijaliajwa japaw_uajan.

² Profeta Isaías lel Dios j_um-aechpox Jesucristoliajwa, j_um-aech w_uton:
“W_ua, xam w_uajna xan to'axaelen tajprofeta, japon jiw naew_uajnalijwa tajjamechan,
xam naexasislijawapi, patam w_ut jaxot” —aech Dios, chajia j_um-aech w_ut
Jesucristoliajwa.

³ Isaías chajia lelpox j_um-aech Juan, jiw bautisanlijaw:
“Aton pajilaxtat nejlat w_ut, j_umchiyaxaelon jiwlijaw: ‘¡Thilde wajpaklokolan pasax
w_uajna! Samata, ¡kofim babijaxan isampoxan! Me-ama jiw w_uajna n_uamt chiekal
chaemt w_ut paklon paslijaw, ¡xamal ja-amde nejnejchaxoelaxan! ¡Isfulde Dios
nejxasinkpoxan!’ —chiyaxaelon pajilaxtat, nejlat w_ut jiwlijaw” —aech Isaías
chajia lelpox Juan, jiw bautisanlijaw.

⁴ Do baxael, Isaías chajia j_um-aechpox, ja-aechlisox japon atonlijaw. Japon aton
patlison. Japon paw_ul Juan. Do jaw_ut, Juan jiw bautisaf_ul pajilaxxot. Naew_uajanbejpon.
Jaxotde xabich jiw f_ulaen naeweslijawas Juan naew_uajanpox. ⁵ Xabich Judea tuaj_nu_urijiw
f_ulaen, Jerusalén paklowaxpijiwbej. Jaw_ut Juan j_um-aechf_ul japi jiwlijaw: “¡Kofim
babijaxan isampoxan! ¡Isfulde Dios nejxasinkpoxan! Ja-am w_ut, Dios beltaeyaxael xamal
babijaxan isampoxanlijaw. Do ja-aech w_ut, xamal bautisaxaelen” —aech Juan jiwlijaw.
Samata, japamatkoijan jiw jalpaei babijaxan ispoxanlijaw, Dios beltaeliaswas babijaxan
ispoxanlijaw. Do jaw_ut, Juan japi jiw bautisa Jordánlajtat.

⁶ Juan pijax naxoelax isas camellolatat. Pej_cinturónmuat pab_u'kal. Pej_naxaeyaxan,
me-ama sui'. Afpon miel. ⁷ Juan naew_uajan w_ut, j_um-aechon: “Mox paw_uajna kaen aton
f_ulaeliaswadin. Japon kaes pejme paklonaxael. Me-ama xan, jachiyaxilon. Xan omjinil
japon pejkajachawaesnanlijaw. ⁸ Diachw_uajnakolax xan jiw bautisax mintat, japi kofa
w_ut babijaxan ispoxan. Pelax pasaxaelpon, japon kaes paklonaxael. Samata, to'axaelon
Espíritu Santo jiw kajachawaesfulalijawas” —aech Juan Cristoliajwa.

*Jesús bautisaspox
(Mt 3.13-17; Lc 3.21-22)*

⁹ Japamatkoijan Jesús nakolt Nazaret paklowaxxot, Galilea tuaj_nu_uxot. F_ulaekon Juan
poxadik. Jaw_ut Juan bautisa Jesús Jordánlajtat. ¹⁰ Jesús jul w_ut mintat, jaw_ut taenon
ath_u fafachpox. Jaw_ut Espíritu Santo f_uloek a-utat japon pejmatw_uajasik. Me-ama a-
ut, kab_uan-aech Espíritu Santo. ¹¹ Do jaw_ut, Jesús j_umtaenbej ath_usik j_um-aechsikpox,
Dios j_um-aechsik w_ut ampox: “Xam tax_ulnam, xabich nejxasinkaxponam. Xabich
nejchachaemlax xamlijaw” —aech w_ut pax Dios Jesúslijaw.

*Jesús xapaejaspox Satanás
(Mt 4.1-11; Lc 4.1-13)*

¹² Do jaw_ux, Jesús bu'fos Espíritu Santo pajilax poxade. ¹³ Pajilaxxot w_ut, namanlison
cuarenta matkoijan. Jaxot pejmachoeffkal maenk. Do jaw_ut, deppaklon pat. Japon paw_ul
Satanás. Japon xapaeja Jesús babijax islijaw. Do jaw_ux, Satanás chijia Jesúsxot. Do
jaw_utbej, Dios pej-ángeles f_uloek japi kajachawaeslijaw Jesús.

*Jesús tuadutpox naew_uaj_nax Galilea tuaj_nu_uxot
(Mt 4.12-17; Lc 4.14-15)*

¹⁴ Asamatkoi Herodes, Galilea tuaj_nu_urijiw tato'lan, to'apon pejsoldaw Juan jaelsli-
ajwas, jiw jebatat jeliajwasbejpon. Do jaw_ux, Jesús f_ulaech Galilea tuaj_nu_u poxade.

Jaxotde pa'a wut, jiw naewuajanlison chimiawuajan, Dios tato'laxaelpox pejiw. ¹⁵ Jesús jum-aech ampox jiwliajwa: “Patlisoj japamatkoiyan, wuajnewesfulasmatkoiyan Dios tato'laliajwa pejiw. Samata, ikofim babijaxan isampoxan! ¡Dios naexasisfulde japon xanaboejalijwam! Patlisoj chimiawuajan xamal naexasisfulaliajwam” —aech Jesús japi jiwliajwa.

Jesús tadutpox cuatro nabaxisiw japon pejnachalaliajwas

(Mt 4.18-22; Lc 5.1-11)

¹⁶ Jesús Galilea pukababu'tat laeja wut, kolenje nabaxisiw taenpon. Kaen pawul Simón. Asan pawul Andrés. Japon Simón pakoewan. Japi taraya xawaejaba pukatat. ¹⁷ Jesús jum-aech:

—¡Xan nakfulaem! Xamal chiekal matabijam nabaxisaxan. Jasoxtatbej xamal chanaekabuanaxaelen jiw chiekal naewuajnalijwam japi tajnachalaliajwa, Dios pejiwaliajwabejpi —aech Jesús.

¹⁸ Do jawut, pejew taraya waelapi asew jiwat, nakfulaeliajwapi Jesús.

¹⁹ Jesús kaes fulaech wut, asew kolenje, nabaxisiw, taenpon. Kaen pawul Santiago. Asan pawul Juan. Japon Santiago pakoewan. Falkamtat pejew taraya chaemti. Japi pax pawul Zebedeo. ²⁰ Do jawut, Jesús japi la nakfulaeliajwas. Do jawut, nakfollisi Jesús. Pax Zebedeo waelti falkamtat, kajachawaeti suapich.

Aton dep webaespoj pejmatpuatxot

(Lc 4.31-37)

²¹ Do jawux, Jesús, pejnachala suapich, pat Capernaum paklowaxxot. Napatamatkoi wut, lechi judíos naewuajnaba poxade. Do jaxot Jesús tuadut jiw naewuajnalijwa.

²² Chiekal naewuajanpon Dios pejjamechan. Me-ama judíos chanaekabuanapi naewuajan wut, jachi-elon. Samata, japi jiw xabich nejchaxoelachalak, Jesús naewuajan xot Dios pijaxtat. ²³ Judíos naewuajnabaxot, aton nuk. Japon dep webaes pejmatpuatxot.

Do jawut, aton pejkaechatat dep nejlat wut, jum-aech:

²⁴ —Jesús, Nazaret paklowaxpijam, ¿xam achaxasiamkat xanalxot? ¿Xamkat fulaeman puexa xanal natoeslijwam? Xam matabijtax. Xam Dios paxulnam, xabich pachaemamponam —aech dep, nejlat wut aton pejkaechatat.

²⁵ Do jawut, Jesús jum-aech nejthux'axtat depliajwa:

—¡Boejlachde! ¡Xam nakolde japon aton pejmatpuatxot! —aech Jesús depliajwa.

²⁶ Do jawut, japon aton xabich tathulal dep pijaxtat. Dep nejlakcha wut, japon aton pejmatpuatxot nakoltlison. ²⁷ Jawut puexa jiw xabich belwana, taen wuti japox, Jesús dep to'apox. Nakaewa nawuajnaemsnapi:

—¿Ma-aech xotkat dep nakolt, to'a wuton? ¿Achaxkat ampox, pajelnaewuajnaem? Ampon aton, me-ama Dios to'aspon wut, ja-aechon. Ja-aech wut, dep nakolt —na-aechna jiw nakaewa.

²⁸ Do jawux, Galilea tuajnapijiw potuajnaucha kamtalejen wultaenapi Jesúslijwa.

Jesús boejthutpox Simón Pedro paem

(Mt 8.14-15; Lc 4.38-39)

²⁹ Jesús nakolt wut judíos naewuajnabaxot, Jesús fulaech asaba poxade Santiago, Juan suapich. Japaba Simón pejba, Andrés suapich. Japabaxot pat wuti, lowpi. ³⁰ Jaxot Simón paem bu'xaenk Jesús pejpasax wuajna. Okow camatat. Xabich bu'tuajnikow. Jawut asew japixot chapaeipi Jesús, Simón paem bu'xaenkpox. ³¹ Samata, Jesús mox soepan japowxot. Kefit wut, japow mat-eton. Jawut kamta japow chiekal boejthuls. Bu'tuajax wejisalbejpow. Do jawut, japow pajut naxaeyaxan athuk Jesúslijwa, japon pejnachalaliajwabej.

Jesús boejthutpox xabich jiw bu'xaeya

(Mt 8.16-17; Lc 4.40-41)

³²⁻³³ Tuila wut, itkuatnik wutbej, Capernaum paklowaxpijiw bafafaxot pati, Jesús dukbatatxot. Asew japixot bu'pat xabich bu'xaeya, dep webaespibej pejmatpuatantat. ³⁴ Do jawut, Jesús xabich bu'xaeya boejthut, nejmachwaxaetat bu'xaenkpi. Xabich dep nakolax to'abejpon, jiw pejmatpuatanxot bapi. Ja-aech wut, Jesús tapae-el dep naksiyalijwa, japi chiekal matabija xot japon Cristo, Dios to'aspon.

Jesús naewuajanpox judíos naewuajnabachanxot
(Lc 4.42-44)

³⁵ Do kandiawasap wut, nalianawuajna wut, Jesús nathikt wut, nakoltlison japabaxot. Fulaechon pajilax poxade, tamach pejlel Dios kawuajnalijwa. ³⁶ Do jawut, baxael, Simón, pejnachala suapich, jalweki Jesús. ³⁷ Faen wut, jum-aechi Jesúsliajwa:

—Puexa jiw xam xabich wulwek —aechi.

³⁸ Jesús jumnot wut, jum-aechon:

—Chajias asapaklowaxan mox poxade. Japapaklowaxanpijiw naewuajnaxaelen Dios pejjamechan. Samata, xan fuloekx —aech Jesús.

³⁹ Do jawut, Jesús nanuamt puexa Galilea tuajnuaxot. Kaenanula judíos pejnaewuajnabachantat, Jesús naewuajnafal judíos. Jiw dep webaespibej, dep nakolax to'apon japi jiw pejmatpuatanxot.

Jesús boejthutpox bu'xaenkpon leprawaxaetat
(Mt 8.1-4; Lc 5.12-16)

⁴⁰ Kaen, bu'xaenkpon leprawaxaetat, fulaenon Jesúsleldin. Pat wuton, Jesús pejwuajnalel brixtat nukon, xabich sitaen xoton. Do jawut, jum-aechon Jesús jumtaelajwa:

—Xan matabijtax xam naboejthusaxaelampox. Xan naboejthusasiam wut, jnaboejthu'e! —aech leprawaxaetat bu'xaenkpon.

⁴¹ Jesús xabich beltaen xot, bu'xaeyan pejke-etat bu'jachapon. Do jawut, Jesús jum-aech:

—Xam boejthusaxaelen. Samata, malis chiekal pachaemam —aech Jesús.

⁴² Do jawut, kamta chiekal boejthulson leprawaxae. Pejbu't chiekal wepachaemslison.

⁴³⁻⁴⁴ Jesús to'a wut, jum-aechon nejthu'axtat:

—¡Asew jiw nabej chapae' xam boejthutxpo! ¡Xabua'delax sacerdote poxade, japon xam bu'taelijwa boejthulpox leprawaxae! Do jawux, ¡chaxdu'e, me-ama Moisés chajia lelpox jum-aech Dios chaxdusliajwam ofrenda, leprawaxae xam chiekal boejthul xot! Jasoxtat xam jiw matabijaxael chiekal boejthulpox japawaxae —aech Jesús.

⁴⁵ Do jawut, leprawaxae boejthulson fulaechlison. Pe owchi-elon Jesús jum-aechpox. Japon aton chapae'flax tuaduton puexa jiw jumtaelajwa Jesús pejwuajan. Samata, Jesús tulaela pasaxil japapaklowaxanxot. Do jawut, Jesús atuaj naejiat japapaklowaxan. Ja-aech wut, popaklowaxanpijiw fulaech Jesús poxade, taelijwapi japon.

2

Jesús boejthutpox nabejkan, japon chinax laejaxilpon
(Mt 9.1-8; Lc 5.17-26)

¹ Asamatkoianwux, Jesús nawiat Capernaum paklowaxxotdin. Jawut japapaklowaxpijiw nakaewa najum-aech Jesúsliajwa: “Jesús kaweta naman batat” —aechi. ² Samata, xabich jiw wuluk japabatat. Ba xajupa-el, xabich jiw wuluk xotbej japabafafatat. Asew japixot atuxach bafafaxot nuilje. Do jawut, Jesús naewuajan Dios pejjamechan puexa japi jiwliajwa.

³ Do jawut, kaen aton, laejaxilon, chaxfason cuatro poejiw, Jesús jiw naewuajan poxadin. Japi fulaen Jesús taelijwa. ⁴⁻⁵ Cuatro poejiw mox pasaxil Jesúsxot, xabich jiw wuajna ba wuluk xot. Samata, ba matwuajase chaxjulachi, me-ama choeranae poxase. Jaxotse bamatwuaj tukapi pinjiyax laejaxilon chakakofnalijwadik Jesús poxadik. Chakakofan wut, nejchaxoeli: “Diachwuajnakolax Jesús boejthusaxaes ampon aton

chiekal laejaliajwa” —aech cuatro poejiw, nejchaxoel wut. Jesús chajia matabijt japi nejchaxoelox. Samata, jum-aechon laejaxilon jumtaeliajwas:

—Wua, xam beltaenx babijaxan chajia isampoxanliajwa, —aech Jesús.

⁶ Kaeswapich judíos chanaekabuanapi jaxot chalak. Jumtaen wuti Jesús jum-aechpox, japi nejchaxoel: ⁷ “¿Ma-aech xotkat Jesús Dios sitae-el? Japon naksiya xatis jumchiyax-isalpox. Nejmachjiw japox jumchiyaxil. Jasox naksiya wuti, is babijax Diosliajwa. Kaen Dios xajup beltaeliajwa jiw babijaxan ispoxanliajwa” —aech judíos chanaekabuanapi, nejchaxoel wut.

⁸ Do jawut, Jesús chiekal matabijt japi nejchaxoelox. Samata, jum-aechon japiajwa:

—¿Ma-aech xotkat xamal jasox nejchaxoelam xanliajwa? ⁹ Kaes pejme tampa xan jumchiliajwan laejaxilponliajwa: ‘Xam beltaenx babijaxan isampoxanliajwa’ —chiliajwan. Pe ja-an wut, jiw xan namatabijaxil xan puexa jiw pakoewkolnanponan. Jum-an wutlax nabekkan jumtaeliajwa: ‘¡Nande! ¡Laejim!’ —an wut, japox jum-an wut, jiw diachwuanjakolax xan namatabijaxael xan puexa jiw pakoewkolnanponan. ¹⁰ Xan ispoxantat xamal matabijaxaelam, diachwuanjakolax, xan puexa jiw pakoewkolnanponan, xajupx athuxotse, ampathatatbej, jiw beltaeliajwan babijaxan ispoxanliajwa —aech Jesús judíos chanaekabuanapiajwa.

Do jawut, Jesús jum-aech laejaxilpon jumtaeliajwa:

¹¹ —Xam jum-an: ‘¡Nande! ¡Sumta-okampox fi'e! ¡Xalaemchbej nejba poxade!’ —an xan —aech Jesús.

¹² Do jawut, laejaxilon nant wut, sumta-okpox fit wutbej, chajialison. Jawut xabich jiw taenspon, fulaech wut tathoetade. Samata, puexa jiw natachaemason. Nakaewa najum-aechnapi:

—Dios, japon kaen, xabich mamnik. Majt chinax jasox tae-esal, me-ama ampox. Amwutjel jasox taens —na-aechi nakaewa.

Jesús tadutpox Mateo pejnachalanliajwa

(Mt 9.9-13; Lc 5.27-32)

¹³ Do jawux, Jesús fulaech wut pejme pukababu' poxade, jawut xabich jiw pat Jesúsxot. Do jaxot jiw naewuanjanlison. ¹⁴ Do jawux, Jesús naewuanjanpox buxtoet wut, fulaech wuton, taenon Leví. Japon asawul Mateo. Leví pax pawul Alfeo. Leví impuesto mat-omwuljoen Roma gobiernoliajwa. Leví ek impuesto mat-omwuljoebatat. Jaxot Jesús jum-aech:

—¿Xan nakfulaem tajnachalanliajwa! —aech Jesús.

Do jawut, Leví nant wut, nakfollison Jesús.

¹⁵ Xabich jiw, impuesto mat-omwuljoew, asewbej naexaxis-eli Moisés chajia lelpox, japi jiw nakfoli Jesús. Asamatkoi Jesús, pejnachala swapich, xael wuti Leví pejbatat, xabich impuesto mat-omwuljoew, asewbej naexaxis-eli Moisés chajia lelpox, japibej jaxot naxael. ¹⁶ Judíos chanaekabuanapixot, japi fariseos. Japi taen, Jesús xael wut, impuesto mat-omwuljoew swapich, asewbej swapichbej, japi naexaxis-eli Moisés chajia lelpox. Do jawut, japi fariseos wuanjachaemt wut, jum-aechi Jesús pejnachalaliajwa:

—¿Ma-aech xotkat Jesús xael impuesto mat-omwuljoew swapich, asewbej jiw babejchow swapichbej? —aechi.

¹⁷ Jesús japox jumtaen wut, jum-aechon fariseosliajwa:

—Jiw woen woe-el nejchaempi, bu'xaenka-el xoti. Fulaenpon woeliajwa bu'xaeya. Ja-anlap-is xan. Xan fulae-enil tadusliajwan pachaempi. Xanlax fulaenx tadusliajwan jiw babejchow, japi kofaliajwabej padujnejchaxoelaxan, naexaxisliajwabejpi Dios —aech Jesús fariseosliajwa.

Asewbej jiw xae-elpox, piach Dios kawuanjalniajwa wut

(Mt 9.14-17; Lc 5.33-39)

¹⁸ Asamatkoi Juan, jiw bautisan, pejnachala naxae-el, piach Dios kawuajnalijwa wuti. Fariseos pejnachalabej naxae-el, piach Dios kawuajnalijwa wuti. Do jawut, asew jiw japixot pat Jesúsxot. Pat wut, jum-aechi Jesús jumtaelija:

—Juan pejnachala, fariseos pejnachalabej, naxae-el, piach Dios kawuajnalijwa wut. ¿Ma-aech xotkat nejnachala naxaelkatlax, piach Dios kawuajnalijwa wut? —aechi Jesús jumtaelija.

¹⁹ Jesús wuajantat jumnot wut, jum-aechon:

—Aton pawis fit wut, fiesta is wutbejpi, puexa jiw chiekal naxaeyaxael japonxot. Japi xabich nejchachaemlaxael, pajelnakjiyan dukaxael xotfuk jaxot. ²⁰ Asamatkoi japon asew jiw fe'naxaes wut, do jawut, taduchpi naxaeyaxil kaematkoijan suapich, xabich nejxaejwaxaes xoti. Asamatkoi japox jachiyaxaesbej tajnachalalija. Samata, tajnachala naxaeyaxil kaematkoijan suapich, nejxaejwaxaes xoti, xan japixot ajilaxaelen xot, asew jiw xan nabu'fol wut —aech Jesús wuajantat wuajnachaemtaspilija.

²¹ Jesús pejme jum-aech wuajantat jiw nakiowa naexasisfulpilija pejwuajnapiji pejkabuananpox:

—Pawis pejyiaf wexaxarwas wut, xape'tow nakaepadujbu'ch. Xape's-elow pajelbu'ch. Pajelbu'ch xape't wut, itkiat wutbej, mamu'al wut, kaes itkialaxael. Itkial wut, padujyiaf kaes pinjiyax thialfalaxael xape'txotow. ²² Jiw wului-elbej pajelvino, padujchoxantat, isaspox choefbu'tat choxalija. Jiw wulu wut pajelvino, choxa chathialfalaxael, pajelvino xabich xot pafak. Ja-aech wut, nabo'axael vino, choxabej. Samata, jiw wulu pajelvino pajelchoxantat —aech Jesús, naewuajan wut jiw wuajantat.

Judíos pejnapatamatkoitat Jesús pejnachala jolbalapox trigo

(Mt 12.1-8; Lc 6.1-5)

²³ Asamatkoi, napatamatkoi wut, Jesús, pejnachala suapich, fol trigolulanxot. Pejnachala fol wut, trigo jolbalapi xaelpalija, litaxaela xoti. ²⁴ Kaesuapichbej fariseos jaxot nakfol. Do jawut, japi jum-aech Jesúslija:

—¿Ma-aech xotkat nejnachala japox is, xatis judíos naktapae-elpoxtat, napatamatkoitat wut? —aech fariseos Jesúslija.

²⁵ Jesús jumnot wut, jum-aechon:

—Xamal matabijam, wajwuajnapijin, waj-am rey David, ispox chajiakolaxtat, xabich litaxaela wuton, pejsoldaw suapich. ²⁶ Jawut David lech Dios pejba, xananuamsba. Japabat wuajna pan oel mesamatwuajtat. Japapan Dios pej-ofrenda. Do jawut, rey David japapan xael. Do jawutbej, chaxduwpon pejsoldaw, japi xaelija japapan. Japatamatkoitat Dios pejbatat sacerdotespaklokolan, japon pawulpon Abiatar, Dios pejtabernaculobatatron. Moisés chajia lelpox jum-aech: “Japapan koew sacerdotexaelija, nabisti Dios pejbatat. Asew jiw xaeyaxil japapan” —aech Moisés chajia lelpox —aech Jesús.

²⁷ Jesús pejme jum-aech:

—Jiw wewe'pas napatamatkoi. Samata, Dios is napatamatkoi jiw damlathulalija. Dios is wut jiw, is-el asbuan jumch jiw sitaelija napatamatkoi. ²⁸ Samata, xan puexa jiw pakoewkolnan, xajux jumchilijaw jiw isaxaelpox napatamatkoitat —aech Jesús.

3

Jesús boejthutpox kemamlan

(Mt 12.9-14; Lc 6.6-11)

¹ Asamatkoi Jesús lech judíos naewuajnaba poxade. Japabat wuajna ek kemamlan. ² Fariseosbej jaxot, japi natachaema taelijawapi Jesús, kemamlan boejthut wut napatamatkoitat. Japi tasalalijawapi Jesús, japon is wut asax. ³ Do jawut, Jesús jum-aech kemamlanlija:

—¡Nandel! ¡Jiw pejwuajnalel nukde! —aechon.

⁴ Jawut, Jesús jiw wuajnachaemt wut, jum-aechon:

—¿Achaxkat jum-aech Moisés chajia lelpox? ¿Achaxkat Dios naktapaei isliajwas napatamatkoitat? ¿Naktapaeikat isliajwas pachaempox? O, ¿isaxaeskat babijax? ¿Naktapaeikat boejthusliajwas bu'xaeyan? O, ¿boesaxaeskat japon aton? —aech Jesús.

Do jawut, puexa jiw boejlach nuil. Jumnos-elipon. ⁵ Jesús jiw masajiachpi. Ulanat-achaemton, japi jiw matnaetink xoti matabijaliajwa. Nejxaejwasbejpon, japi chiekal matabija-el xot. Do jawut, Jesús jum-aech kemamlanliajwa:

—¡Keba'de! —aechon.

Keba't wut, pejke-e chiekal wepachaemslison. ⁶ Do jawut, fariseos japox taen wut, jaxot nakolapi. Baxael, natamejapi kaeyaxtat nospaeliajwapi, Herodes pejnachala suapich, boesaliajwapi Jesús.

Xabich jiw papasful plox pukababu'tat, Jesús naewuajanpox jumtaeliajwa

⁷⁻⁸ Jesús fulaech, pejnachala suapich, Galilea puka poxade. Xabich jiw, Galilea tuajnujijiw, wuchakal fulaen. Wuchakal fulaenbej Judea tuajnujijiw, Jerusalén paklowaxpijwbej, Idumea tuajnujijiwbej, Jordánlajt wesklelpijiwbej, Tiro paklowaxpijwbej, Sidón paklowaxpijwbej. Puexa japi fulaen, wultaen wuti Jesús ispoxanliajwa jiwliajwa Dios pijaxtat. ⁹⁻¹⁰ Jaxot Jesús pukababu'tat jiw naewuajan. Puexa jiw, bu'xaenki, Jesúslel fijabas, xabich asew japixot boejthut xoton. Japi bu'xaeya xabich jachasiapi Jesús. Jesús xabich jiw taen wut, pejnachala to'apon falkam wuljaesliajwa, japon puka pamaklel chadukaliajwa falkamtat, xabich jiw tabe'nasamatas.

¹¹ Jiw dep webaesi pejmatpuatanxot, japi Jesús taen wut, brixtat nuili japon pejwuanalel. Dep nejla'bala wut, jum-aechbalapi jiw pejkaechantat:

—Xam diachwuanjakolax Dios paxulnam —aechbala dep jiw pejkaechantat.

¹² Jawut Jesús nejthu'axtat jum-aechon depliajwa:

—¡Nabej jum-aeche' xan Cristowanponan! —aech Jesús depliajwa.

Jesús makanotpox doce apóstoles

(Mt 10.1-4; Lc 6.12-16)

¹³⁻¹⁴ Do jawux, Jesús pinamux julach. Jaxot Jesús pejnachala la julaliajwase, makanochpikal. Natameja wut japonxot, Jesús wulduw asew japixot apóstoles. Japi puexa, docepi, japi chalaliajwa Jesús. Jesús japi tato'al jiw naewuanaliajwa. ¹⁵ Jesús chaxdutbej Dios pejpamamax apóstolesliajwa, dep nakolax to'aliajwapi, jiw pejmatpuatanxot webaespi. ¹⁶ Doce poejiw makanochpi, japi kaenanula pejwulan. Kaen pawul Simón. Jesús japon wulduw Pedrowultat.

¹⁷ Asan pawul Santiago. Asan pawul Juan. Japon Santiago pakoewan. Japi kolenje Zebedeo paxi. Jesús asawultat wulduw japi kolenje pejnachalan, Boanergeswultat. (Japawul jumchiliajwa: “Chamax Paxi” —chiliajwa.)

¹⁸ Asan pawul Andrés. Asan pawul Felipe. Asan pawul Bartolomé. Asan pawul Mateo. Asan pawul Tomás. Asan pawul Santiago. Japon Alfeo paxulan. Asan pawul Tadeo. Asan pawul Simón. Japon majt asamutpijin, celotemutpijin.

¹⁹ Asan pawul Judas Iscariote. Japonlap asamatkoi Jesús wiasaxael padaelmajiwxot.

Fariseos jum-aechpox Jesús pejpamamaxliajwa, Satanás pejpamamaxliajwabej

(Mt 12.22-32; Lc 11.14-23; 12.10)

²⁰ Do jawux, Jesús ba lech wut, jawutbej, xabich jiw papasful japabaxot. Samata, Jesús, pejnachala suapich, xaeyaxil. ²¹ Jesús pakoew, pen suapich, wultaen wuti Jesús ispoxanliajwa, fulaeni Jesús poxadin, asalel buflaeliajwapi Jesús. Japi nejchaxoel wut, jum-aechi Jesúsliajwa: “Jesús na-acha” —aechi, nejchaxoel wut.

²² Do jawut, judíos chanaekabuanapi fulaen Jerusalén paklowaxxotdin. Japibej jum-aech: “Jesús to'a wut dep nakolaliajwa jiw pejmatpuatanxot, to'apon Beelzebú pejpamamaxtat” —aechi Jesúsliajwa. Satanás asawul Beelzebú.

²³ Jesús la judíos chanaekabuanapi jumchiliajwapon japi. Do japi pat wut, jum-aechon: “Satanás, dep pejpaklon, wepachaemaxisal dep to'aliajwapon, dep nakolaliajwa

jiw pejmatpʉatanxot. ²⁴ Kaetʉajnpʉijiw nadiajkaxael wʉt nakaewa nabeliajwa, japi natoesaxael nabeyaxtat. ²⁵ Kaebapijiw nadiajkaxael wʉt nakaewa nabeliajwa, japibej natoesaxael nabeyaxtat. ²⁶ Jachiyaxaellap-is Satanás, pejiw sʉapich, nadiajkaxael wʉt nakaewa nabeliajwa. Japi natoesaxael nabeyaxtat. Ja-aech wʉt, Satanás toepaxael” — aech Jesús judíos chanaekabʉanapiliajwa.

²⁷ Jesús pejme jʉm-aech: “Kaen natkowasia wʉt asabatat, japon leyaxil, bapijin wʉajna wʉt batat, japon mamnik wʉtbej. Majt bapijin mʉatat kuiyaxaeson. Do ja-aech wʉt, bapijin pejew nosaxael kethakan.

²⁸ “Diachwʉajnakolax xan jʉm-an. Dios xajʉp beltaeliajwa, jiw jʉm-aech wʉt babej-jamechan Diosliajwa. Jiw babijaxan ispi, japi Dios beltaeyaxaesbej. ²⁹ Pelax jiw jʉm-aech wʉt babejjamechan Espiritu Santoliajwa, ja-aech wʉt, Dios beltaeyaxil japi jiw. Japi pomatkoicha kaelel pejbu'wʉajnaxael Diosliajwa” — aech Jesús.

³⁰ Jesús japox jʉm-aech judíos chanaekabʉanapi, jʉm-aech xot: “Jesús webaes dep pejmatpʉatxot” — aech xoti.

Jesús pen, japon pakoewbej, japi nospaesiapox, Jesús sʉapich

(Mt 12.46-50; Lc 8.19-21)

³¹ Do jawʉx, Jesús pen, japon pakoewbej, pati Jesús jiw naewʉajanxot. Jaxot pat wʉt, nuili tathoetlel. Do jawʉt, kaen aton to'api, jʉmchiliajwapon Jesús, Jesús nakolsliajwa tathoetade.

³² Xabich jiw Jesús masajiach. Do jawʉt, asev japixot jʉm-aech:

—Jiw chanaekabʉanan, nej-en, nakoew sʉapich, ba tathoetlel nuil. Xam wʉlweki — aechi Jesúsliajwa.

³³ Do jawʉt, Jesús jʉm-aech:

—¿Achewkat, me-ama taj-en, takoewbej? — aech Jesús.

³⁴ Do jawʉt, Jesús natachaemt wʉt, jʉm-aechon masajiachpiliajwa:

—Xamal tajjiwam, jxamallap, me-ama taj-enjiwam, takoewjiwambej! ³⁵ Xamal isfulam wʉt Dios nejxasinkpoxan, ja-am wʉt, me-ama takoewam, me-ama taj-enambej — aech Jesús.

4

Trigo pejwʉajan, xasaljabapon

(Mt 13.1-23; Lc 8.4-15)

¹ Asamatkoi Jesús tʉadut jiw naewʉajnaliajwa pukababʉ'tat. Do jawʉt, xabich jiw papasfʉl japonxot. Samata, falkam julon ekaliajwa japafalkamtat. Jasoxtat chadukon jiw naewʉajnaliajwa. Japi jiw pʉtat nuil. ² Jesús xabich wʉajantat naewʉajan jiw chiekal naewʉajnaliajwapon.

Do jawʉt, naewʉajan wʉt, jʉm-aechon: ³ “¡Chiekal naewe'e ampawʉajan! Kaen aton fʉlaech pejlul poxade, trigo xasaljabaliajwa. ⁴ Xasaljaba wʉt, asev trigo natacholan nʉamtat. Do jawʉx, mia pat japatrigo xaeliajwas. Do jawʉtbej, japi trigo mia xaeslisi, nʉamtat natacholanpi. ⁵ Asev trigo natacholan ia'xot, jaxot as xanaja'al. Japi trigo kamta naboela, sat kaesʉapich xot. ⁶ Xabich masxaenk wʉt, japi trigo selnas, xabich tathinkasnika-el xotdik. Do jawʉt, tʉplisi. ⁷ Asev trigo natacholan na-e'lʉ tasiaptasxot. Japi trigo naboela wʉt, do jawʉt, na-e'lʉbej naboela. Na-e'lʉ tapae-el trigo ti'sax, na-e'lʉ kaes athʉ xot. Samata, japi trigo naboesaxil. ⁸ Asev trigo natacholan sat pachaemxot. Puexa japi trigo chiekal naboela. Ti't wʉt, trigoton chiekal naboet. Asev trigoton naboet treinta trigofu. Asev trigoton naboet sesenta trigofu. Asev trigoton naboet cien trigofu” — aech Jesús.

⁹ Jesús pejme jʉm-aech: “Xamal Dios pejnechaxoelax matabijasiam wʉt, jchiekal naewe'e xan jʉm-anpoxan!” — aech Jesús.

Ma-aech xot Jesús xabich wʉajantat naewʉajan

(Mt 13.10-17; Lc 8.9-10)

¹⁰ Do jawux, Jesús tamach wut, doce apóstoles suapich, kaes asewbej, japon pejnachalapi, jawut japi puexa wuajnachaeamt wut, jum-aechi Jesúsliajwa:

—¿Achax jumchiyaxaelkat japawuajan? —aechi, wuajnachaeamt wut Jesús. ¹¹ Jesús jumnot wut, jum-aechon:

—Dios xamal tapaei matabijaliajwam Dios pejiw tato'alpox, xan japox naewuajnax wut. Pe asew jiw, xanaboeya-elpi Dios, jumtaeyaxael wuajankal asbuan jumch. ¹² Samata, japi jiw xabich natachaema. Pe japi taeyaxil. Japibej xabich naewet jummatatabijaliajwa, pe jummatajibaxili, japi Dios xanaboejasamata, Dios japi babijaxan ispoxanliajwa beltaesamatabej —aech Jesús pejnachalaliajwa.

Jesús chiekal chanaekabuana napox trigo pejwuajan, xasaljabapon

(Mt 13.18-23; Lc 8.11-15)

¹³ Do jawut, Jesús pejme jum-aech pejnachalaliajwa: “¿Xamalkat matabija-emil trigo xasaljabapon pejwuajan? ¿Machiyaxaelamkat matabijaliajwam, naewuajnax wut asawuajan?” —aech Jesús pejnachalaliajwa. ¹⁴ Do jawut, trigo pejwuajan, xasaljabapon, Jesús chiekal chanaekabuana pejnachala. Jum-aechon: “Trigo xasaljabapon, japon, me-ama Dios pejjamechan naewuajanpon. ¹⁵ Trigo natacholanpi nuamtat, japox, me-ama Dios pejjamechan jiw naewuajnaspox. Jumtaenpi naewuajnaspox, asew japixot, matabijaxil, matnaetink xoti. Me-ama sat tink, ja-aech xot japi pejmatnaetan. Do jawut, Satanás pasaxael Dios pejjamechan jukaliajwa japi jiw pejmatpuatanxot. Samata, japi jiw naexaxisaxil Dios pejjamechan. ¹⁶ Trigo natacholanpi ia'matwuajtjat, as xanaja'alxot, japi trigo kamta naboela. Japi trigo, me-ama jiw. Japi jiw jumtaen wut Dios pejjamechan, chiekal naexasiti. Do jawutbej, nejchachaemili. ¹⁷ Pe jawutbej, naexasit xoti Dios, asew jiw bu'wuajanpaeis wuti, o, chaemilpox wepach wutbej, do jawut, japi jiw kofa Dios naexasitpox. Kaes naexaxis-ellisi, pejnechaxoelaxan kaes mamnika-el xot, chiekal naexaxis-el xoti Dios. Japi jiw, me-ama trigo tathinkasnika-elpi, chiekal ti'sfula-el. Ja-aechlap-is japi jiw, kofa xoti Dios naexasitox. ¹⁸ Asew jiw, me-ama trigo, naboelapi na-e'lu tasiaptasxot. Japi jiw naexasit Dios pejjamechan, naewuajnas wut. Do jawux, kofapi, pejnechaxoelaxan asaxan matakas xot. ¹⁹ Japi jiw nejchaxoel ampathatpijaxankal. Nejchaxoelbejpi kemaenkaliajwa. Xabich platasiapi. Japanechaxoelaxantat Dios pejjamechan matakas. Samata, Dios pejjamechan ti'sfulaxil japi pejmatpuatanxot. ²⁰ Asew jiw, me-ama trigo, natacholanpi sat pachaemxot. Japi jiw lax chiekal naexaxisful, Dios pejjamechan naewuajnas wut. Ja-aech wut, japi jiw isful Dios nejxasinkpoxan. Samata, asew japixot, me-ama trigoton naboeti treinta trigofu. Asew jiw japixot, me-ama trigoton naboeti sesenta trigofu. Asew jiw japixot, me-ama trigoton naboeti cien trigofu” —aech Jesús, pejnachala chanaekabuana wut trigowuajanliajwa.

Lámpara pejwuajan

(Lc 8.16-18)

²¹ Jesús pejme jum-aech: “Lámpara tamdutam wut, asaxtat matakasaximil. Cha-esaximilbej camabuxfaltat. Athu cha-esaxaelam atuaj itliakaliajwa. ²² Jachiyaxaelam tajnaewuajnaxliajwa. Puexa tajnejchaxoelaxan, me-ama moechaspoxan. Pe asamatkoi puexa chiekal matabijaxaeli tajnaewuajnaxpijaxtat. Puexa jiw tajnaewuajnax matabija-elpi, japi asamatkoi matabijaxael. ²³ Xamal Dios pejnechaxoelax matabijasiam wut, ¡xan jum-anpox chiekal naewe'e!” —aech Jesús.

²⁴ Jesús pejme jum-aech: “¡Chiekal nejchaxoelde xan jum-anox! Asew jiw wewe'pas wut, ¡xamal chaxduim xajupampoxtat! Ja-am wut, xamalbej Dios chaxduiyaxael wewe'ppoxan. Dios kaes pejme xamal chaxduiyaxael pachaempoxan, chiekal matabijt xoton xamalliajwa. ²⁵ Dios pejew chiekal tataefulpon, japon kaes pejme chaxdusaxaes. Asanlax, chiekal tataefla-elpon Dios pejew, japon kaesupich tataefulpoxan, japoxan kefisaxaeson” —aech Jesús, jiw naewuajan wut.

Pafut ti'tpox pejwuajan

²⁶ Do jawut, Jesús naewuajan pejnachala. Dios tato'al wut pejjiw, japox kaesfulaxael. Samata, Jesús jum-aech: “Dios pejjiw tato'laxaelpox kaesfulaxael ampathatat. Me-ama aton trigo xasaljaba wut satat, jachiyaxaellapi-is Dios tato'alpox pejjiw. ²⁷ Dolisdo', japi trigo naboela wut, ti'sful matkoi, madoibej. Trigo xasaljabapon moejt wut, japi trigo tamach ti'sful. Japon matabijs-el, ma-aech, trigo ti'sful wut. ²⁸ Japi trigo naboela satat. Naboela wut, ti'ti. Ti't wut, trigo naboet. ²⁹ Trigo chiekal ti't wut, pachaem jolaliajwa, pat wut pejmatkoi” —aech Jesús.

Mostazafut pejwajan
(Mt 13.31-32; Lc 13.18-19)

³⁰ Jesús pejme jum-aech: “Xamal chiekal matabijaliajwam, naewuajnaxaelen wuajan, ma-aech Dios tato'laxaelpox pejjiw kaesfulaliajwa. ³¹ Dios puexa pejjiw tato'alpox, me-ama mostazafut. Kaen aton japafut mutht pejlultat. Kamta weti'tas wut, do chiekal naedo'. Diachwuajnakolax japafut kaes pejme cha-aelfut ampathatat. ³² Japafut muthtas wut, kamta ti't. Japanae, boejtachnaechlejen, kaewaech wut, ti't. Ti't wut, kaes athu. Me-ama asaxan jiw pejlulanxot muthapi, jachi-el. Samata, pachaem mia chalakaliajwa japadalantat, japanae pejnajelnaxtat” —aech Jesús.

Jesús naewuajan wut, xabich naewuajan wuajantat jiw jumtaeliajwa
(Mt 13.34-35)

³³ Jesús naewuajan wut, xabich naewuajan wuajantat jiw jumtaeliajwa. Jiw kaes xajupa-el wut japawuajan matabijaliajwa, Jesús buxkoft naewuajanpox. ³⁴ Pomatkoicha Jesús jiw naewuajan wuajantat. Do jawux, tamach wut, pejnachala suapich, Jesús chiekal chanaekabuana puexa pejnachala chiekal matabijaliajwa.

Jesús fiatpox joewa, truxanbej
(Mt 8.23-27; Lc 8.22-25)

³⁵ Japamatkoitat, chatuil wuti, Jesús jum-aech pejnachalaliajwa:
—¡Chijias puka we-enlelde! —aechon.
³⁶ Jawut pejnachala falkam jul. Jesús chajia wuajna falkamtat ek, jiw naewuajan xot. Do jawut, jaxot asew jiw waelapon pukababu'tat. Jawut, Jesús, pejnachala suapich, chaflaech wut, asafalkammochantat asew jiw wuchakal chafol. ³⁷ Do jawut, chalechkal xabich pinajoewa pat, xabich pintruxanbej. Falkam min wulukaful truxan fajabaxtat.
³⁸ Pe falkamta-ulel Jesús nejmach moejt. Taxu-oton taxu-osax.

Do jawut, pejnachala thikas wut, jum-aechi:
—¡Jiw chanaekabuanan! ¿Xamkat nejchaxoela-emil xatis chabu'laxaesox? —aechi Jesúsliajwa.

³⁹ Do jawut, Jesús nant fiasliajwa joewa, truxanbej. Jawut jum-aechon pukaliajwa:
—¡Kaes nabej pintruxne'! —aech Jesús.
Do jawut, chalechkal joewa chiekal toep. Puexa chiekal itnapatan.
⁴⁰ Do jawut, Jesús jum-aech pejnachalaliajwa:
—¿Ma-aech xotkat xamal nejlewla? ¿Chiekal xan naxanaboeja-emilfuk xamal bu'weyaxaelenpox? —aech Jesús pejnachalaliajwa.

⁴¹ Do jawut, japi xabich natachaemanuil. Xabich pejlewlabejpi. Samata, nakaewa najum-aechi:
—¿Achankat ampon? Joewa, pukabej, chiekal naexasichpon —na-aechi nakaewa.

5

Jesús to'apox dep nakolaliajwa aton pejmatpuatxot
(Mt 8.28-34; Lc 8.26-39)

¹ Jesús, pejnachala suapich, chapa'a Gerasa tuajnu, puka we-enlelde. ²⁻³ Jesús nant wut paputxot, kaen aton najae'an Jesúsleldin. Japon aton dep webaes pejmatpuatxot. Japon aton duk patupamuthanxot. Jiw ke'saxilipon. Cadenamuatatbej piach xawaesaxil. ⁴ Wuajna chajia pin-iaveces xawaekson cadenamuatantat. Tuakwasixawaekspon.

Kewæsixawaeksbejpon. Japon xawaeks wut, cadenamua likton. Jiw xajura-el piach xawaesliajwapi, xabich mamnik xoton. ⁵ Pomatkoicha, pomadoichabej, japon jumch nanuamt muaxanxot, patupamuthanxotbej. Nanuamt wut, xabich nejlaton. Ia'tat pajut naxkoljabapon naxbijabaxtat. ⁶ Japon aton dep webaes pejmatruatxot, Jesús atuaxach fulaeyax taen wut, najae'non Jesúslel. Pat wuton Jesús pejwujnalel, brixtat nukon.

⁷⁻⁸ Brixtat nuk wut, Jesús jum-aech depliajwa:

—Dep, xamal nakolim japon aton pejmatruatxot! —aechon.

Samata, dep aton pejkaechatat nejlat wut, jum-aechon:

—Jesús, xam Dios athupijin paxulnam! ¿Achaxasiamkat xanalxot? ¿Xanal jum-an Dios pejwujnalel natalias-elaliajwam! —aech dep, nejlat wut.

⁹ Do jawut, Jesús wujnachaemt wut, jum-aechon:

—¿Achawulamkat xam? —aech Jesús.

Japi dep xabich pin-iat. Samata, jumnot wut, jum-aechi:

—Xanal tajwul Xabich, xabich pin-iatan xot —aech japi dep.

¹⁰ Dep jum-aech Jesús to'asamata atuaj asatujnalel. ¹¹ Jaxot mox muaxxot maran pin-iakola naxaelp. ¹² Samata, dep xabich jum-aech:

—Ampon atonxot xanal nakolax nato'am wut, jnatapaem maranxot leliajwan! —aech japi dep.

¹³ Do jawut, Jesús ow-aech dep wuljowpox. Dolisdo', dep nakola wut japon aton pejmatruatxot, japi dep lowlisi maranxot. Japi maran xabich pin-iat, me-ama dos mil. Jawut puexa maran dukp chuataidik. Mintat natacholan wut, jaxotdik puexa maran bu'al.

¹⁴ Do jawutbej, maran tataefulpi pejlewt dukp pejpaklowax poxade. Chapaeilisi taenpoxan. Paklowaxxot mox duilibej chapaeipi. Jawut jiw fulaen pajut chiekal taeliajwa jumtaenpoxan. ¹⁵ Japi jiw Jesúsxot pat wut, taenlisi japon aton. Japon aton dep wejisal-lison pejmatruatxot. Jesúsxot bu'la-eklison naxoelax, wepachaemsxot pejnechaxoelax. Jiw fulaeni, taen wuti japon, xabich pejlewlap. ¹⁶ Taenpi Jesús ispox japon atonliajwa, maranliajwabej, japi chiekal chapaei taenpoxan asew jiw, pa'anpiliajwa. ¹⁷ Do jawut, japatujnupijiw to'api Jesús asatujnalelialiajwa, Gerasa tuajnuaxot namanasamata.

¹⁸ Do jawux, Jesús falkam jul wut, japon aton, dep wejisalpon pejmatruatxot, xabich kawuajan nakfulaeliajwapon Jesús. ¹⁹ Pe Jesús tapae-el japon aton nakfulaeliajwas. Do jawut, Jesús to'a japon aton pejiw poxade nawiasliajwa. Jesús jum-aech:

—¿Nawia'mich nejba poxade! ¿Nejiw chapaem puexa Dios ispox xamliajwa, Dios xam beltaen xot! —aech Jesús.

²⁰ Do jawut, fulaechlison Decápolis tuajnu poxade. Chapaefullison japapaklowaxan-pijiw Jesús ispox japonliajwa. Puexa jiw jumtaen wut, jum-aechnap: “¿Tae'nik ampon aton! ¿Chiekal pachaemlison!” —na-aechnap nakaewa.

Amxot jum-aechox Jesús pawis boejthutpoxliajwa, asaow patupow mat-etpoxbejliajwa, pejme dukaliajwapow

(Mt 9.18-26; Lc 8.40-56)

²¹ Jesús, pejnachala suapich, kaxa nawen puka we-enleldin falkamtat. Jesús chapa'an wut, xabich jiw papasful Jesúsxot pukababut'at. ²² Jawut kaen aton pat. Japon pawul Jairo. Judíos naewuajnapijiwxot, japon japixot paklonpon. Jesús taen wuton, brixtat nukjabapon Jesús pejwujnalel. ²³ Jairo xabich tadut Jesús nakfulaeliajwas japon pejba poxade. Jum-aechon:

—Taxulow xabich nawebu'xaenk. Mox pawuajnapow tupaliajwa. ¿Xabu'a't! ¿Xan nakfulaem taxulowxot ke-osliajwam, boejthusliajwampow! —aech Jairo.

²⁴ Do jawut, Jesús nakfol Jairo. Jesús xabich jiw chalas. Japixot xabich jiw Jesús pejwujnalel fol. Asew fol Jesús wuchakallel. Jesús xabich tabe'nafulas. ²⁵ Do jawut, kaeow pawis wuchakal fol. Japow bu'xaenk. Xabich nabijatow. Pejlaw wut, jal chiekal matduka-el. Doce waechan jal chiekal matduka-elpox. ²⁶ Xabich jiw woew wualachipow. Pe chinax kaen aton japow boejthus-esal. Xabich nabijatow wuaspoxtat. Xadaeptbejpow

puexa pejew plata nawoeyaxtat. Pe jal chiekal matduka-el. ²⁷⁻²⁹ Japow wultaen Jesús. Samata, Jesús mox wut, wuchakal folow. Jawut nejchaxoelow: “Xan Jesús pejnaxoelax jajastaxpoxtat naboejthuxaxaelon” —aechow, nejchaxoel wut. Samata, japow jajast Jesús naxoelax. Do jawut, japow chiekal boejthuls. Jal chiekal ajil. Pajut bu'boejtaenpow chiekal boejthulsox. ³⁰ Jesús boejtaen, pejpamamax wenakolsas wut. Samata, Jesús kaxa natachaemdik wut, jum-aechon:

—¿Achankat xan tajnaxoelax nawejajast? —aech Jesús.

³¹ Do jawut, Jesús pejnachala jum-aechi Jesúsliajwa:

—Jiw xam tabe'naful. ¿Ma-aech xotkat xam wuajnachamtam: ‘¿Achankat xan tajnaxoelax nawejajast?’ —amkat xam? —aechi Jesúsliajwa.

³² Dolisdo' Jesús natadijstful jiwlel taeliajwa, achan jajastason. ³³ Jawut japow tathulal pejlew. Matabijtow wejatisox. Samata, brixtat nukow Jesús pejwuajnalel. Jawut chapaeipow wejatisox. ³⁴ Do jawut, Jesús jum-aech japowliajwa:

—Taj-atow, amwutjel xam pachaemam, chiekal naxanaboejtam xot. ¿Xabu'a'de nejmach! Nejwaxae kaes ajil xamxot —aech Jesús.

³⁵ Jesús naksiya wutfuk, Jairo pamak pat Jairoxot. Japi jum-aech Jairo jumtaeliajwa:

—Naxulow tuplisow. Samata, nabej tadus jiw chanaekabuanan xam nakfulaeliajwa nejba poxade! —aechi.

³⁶ Jesús naekuanjiamt japi jum-aechpox, jumtaen wuton. Samata, Jesús jum-aech Jairoliajwa:

—¿Nabey nejlewlé' naxulow tupproxliajwa! ¿Xanaboejstfulde Dios! —aech Jesús.

³⁷ Do jawut, Jesús nakiowa nakfolon. Jawut Jesús bu'fol Pedro, Santiagobey, Jairo pejba poxade. Bu'folbejpon Juan. Japon Santiago pakoewan. Jesús tapae-el kaes asew jiw nakfulaeliajwas Jairo pejba poxade. ³⁸ Pat wuti Jairo pejbaxot, Jesús jumtaen xabich jiw jumxan-elpoxan, jiw pinjemetat wunowpoxanbey Jairo paxulow tupproxliajwa. ³⁹ Ba lech wut, Jesús jum-aech:

—¿Ma-aech xotkat xamal xabich jumxan-elam? ¿Wunowambej? Japow tupa-el. Japow moejt —aech Jesús wunowpiliajwa.

⁴⁰ Japox jumtaen wuti, asbuan jumch xafafoli Jesúsliajwa. Do jawut, Jesús nakolax to'a jiw tathoetade. Jawut Jesús buflaech pejnachala batuchade, patupow och poxade. Buflaechbejpon patupow pax, japow penbey. ⁴¹ Jaxot Jesús patupow kefit wut, jum-aechon patupowliajwa:

—Talita cum —aech Jesús. (Japox jumchiliajwa hebreojametata: “Jam, xan jum-an: ‘¿Mat-e'e pejme dukaliajwam!’ —an xan” —chiliajwa.)

⁴² Do jawut, kamta patupow mat-et. Mat-et wut, nantow. Jawut pajut chiekal lajepow. Japow doce waechan. Jawut puexa jiw jum-aech: “¿Taem patupow! ¿Laejapow pejme!” —aechi.

⁴³ Jesús nejthuxaxtat jum-aech: “¿Nabey chapae' ampox asew jiw, xan isxrox xamalliajwa!” —aech Jesús jaxotpijiwliajwa. Do jawut, Jesús pejme jum-aech: “¿Chaxduim naxaeyax japow xaeliajwa!” —aech Jesús.

6

Jesús Nazaret paklowaxxotpox

(Mt 13.53-58; Lc 4.16-30)

¹ Jesús nakolt wut Capernaum paklowaxxot, fulaechon pejtujnukolax poxade, pejnachala suapich. ² Pat wuti Nazaret paklowaxxot, do jawux, napatamatkoi wut, Jesús lech judíos naewuajnaba poxade. Jaxotde tuaduton jiw naewuajnalialiajwa. Jaxotbey xabich jiw jumtaen wut Jesús naewuajanpox, jawut, nakaewa nawuajnachamsna wut, jum-aechi:

—¿Amxotkat ampon japoxan xabich matabijt jiw naewuajnalialiajwa? ¿Amxotkat matabijtbejpon matabijsax? ¿Ma-aech xotkat japon xajup koechaxan isliajwa? ³ Ampon carpintero nabichan, María paxulan. Ampon pakoew ampilape. Kaen pawul Santiago.

Asan pawul José. Asan pawul Judas. Asan pawul Simón. Jesús pakoewbej, watho', japi duil xatisxot —na-aechi nakaewa.

Samata, naexasis-eli Jesús naewuajanpox. ⁴ Do ja-aech wut, Jesús jum-aech japiajwa: —Profetas sitaens asapaklowaxanpijiw. Pelax pejpaklowaxkolapijiw sitae-esal. Pejji-wkola, pejbapijiwbej, sitae-esal —aech Jesús japi jiwliajwa.

⁵ Samata, jaxot Jesús isaxil koechaxan. Kaesuarapich jiw bu'xaeya boejthuton, jacha wut. ⁶ Jesús xabich nejchaxoelanuk japi jiwliajwa, naexasis-el xoti. Do jawut, Jesús fulaech asatuajnuhan mox poxade. Japalelde jiw naewuajnafuldepon.

Jesús to'apox pejnachala japi naewuajnalijwa Dios tato'laxaelpox jiw ampathatat (Mt 10.5-15; Lc 9.1-6)

⁷ Do jawut, Jesús la doce apóstoles. Japi pat wut Jesúsxot, jawut, Jesús kaenanula kolenje to'apon japi paklowaxan poxaliajwa, naewuajnalijwapi Dios pejjamechan. To'a wut pejnachala, jum-aechon: “Jiw xabu'kulam wut, dep webaesi pejmatpuatanxot, japi dep to'im nakolaliajwa japi jiw pejmatpuatanxot Dios pijaxtat!” —aech Jesús, to'a wut pejnachala. ⁸⁻⁹ Jesús kefiat pejnachala, nanuamt wut xalaesamata. Jum-aechon: “¡Nejkilachalanaeyankal xalaem! ¡Nabex xalae' naxaeyaxan, plata, nejchoxanbej! Mado' ituakxajoelam, jdo japoxkal tuaklaflaem! ¡Ja-amdebej naxoelaxliajwa! Mado' inaxoelam, jdo japoxkal bu'laflaem!” —aech Jesús pejnachalaliajwa.

¹⁰ Jesús pejme jum-aech:

—Xamal paklowax patam wut, jkaebaxot duilde, jiw naewuajnalijwam japapaklowax-pijiw! Asalel fulaelajwam wut, do jawut, jjabaxot nakolim! ¹¹ Asew jiw xamal bu'kula-el wut, nejnaewuajnax naewes-el wutbejpi, jjabapaklowaxxot nakolim, asapaklowax poxaliajwam! Nakolam wut, jnejtukxajoe jolde lalaliajwam as natacholnalijwa! Jasoxtat japi jiw pajut matabijaxael babijax ispox Diosliajwa, xamal bu'kula-el xoti —aech Jesús.

¹² Dolisdo', Jesús pejnachala follisi. Pat wuti, japapaklowaxanpijiw naewuajanlisi kofaliajwa babijaxan ispoxan, naexasisliajwabejpi Dios. ¹³ Jesús pejnachala dep to'a jiw pejmatpuatanxot nakolaliajwa. Samata, xabich dep nakola. Xabich bu'xaeyabej boejthuti, bu'xalot wuti jiw olivosimintat.

Juan, jiw bautisan, boesaspox (Mt 14.1-12; Lc 9.7-9)

¹⁴ Potuajnuha xabich jiw wultaena Jesús pejwuajan. Rey Herodes, Galilea tuajnuapijiw tato'lan, japonbej wultaen Jesús ispoxan, jiw nakaewa nospaei wut Jesúsliajwa. Pe Herodes matabijs-el, achan Jesús. Jumtaenpon, jiw nakaewa najum-aech wut Jesúsli-ajwa: “Jesús, japonlap Juan, jiw bautisan. Mat-echpon pejme duk. Samata, xajapon koechaxan isliajwa” —na-aech wut jiw nakaewa Jesúsliajwa.

¹⁵ Asew japixot najum-aechbej Jesúsli-ajwa: “Jesús, japonlap profeta Elías. Mat-echpon pejme duk” —na-aechi nakaewa. Asew japixot najum-aechbej: “Jesús, japonlap profeta, me-ama majt duilpi” —na-aechi nakaewa Jesúsli-ajwa.

¹⁶ Herodes jumtaen wut jiw najum-aechpox Jesúsli-ajwa, japon jum-aech:

—Jesús, japonlap Juan. Xan tajsoldaw majt tajut keto'ax Juan taxtasiapchaliajwas. Amwutjel japon mat-ech. Samata, japon pejme duk —aech Herodes.

¹⁷ Juan laeja wut, Herodes keto'a pejsoldaw Juan jaelsliajwas. Do jawut, Juan jaeltas wut, jiaspon jiw jebatat. Jaxot cadenamuatat xawaechpon. Herodes japox is, to'as xoton pijow Herodías. Japow majt Felipe pijow. Japon Herodes pakoewan. Baxael, Herodes pakoewan Felipe fe'enpon. ¹⁸ Herodes pakoewan fe'en wut, Juan jum-aech Herodesli-ajwa: “¡Xam nakoewan pijow nijow dofaximil! ¡Japox chaemil isliajwa!” —aech Juan Herodesli-ajwa. ¹⁹⁻²⁰ Samata, Herodías japox jumtaen wutow, xabich nejweslapow Juan. Japow to'a pamal, japon keto'aliajwa pejsoldaw Juan boesaliajwas. Pe Herodes owchi-el, sitaen xoton Juan. Herodes matabijt, Juan xabich pachaempon. Samata, Herodes majt tapae-el Juan boesaliajwas. Juan naewuajanpox Herodes nejxasink.

Pe kolenejchaxoelaxan xot, matabijs-elon isaxaelpox. ²¹ Do jawux, Herodes is wut pejcumpleañs, xabich wullalapon paklochow, soldawpaklochowbej, kaes kemaenkibej, Galilea tñajnpijiw. Do jawut, wullalasi puexa chiekal patlisi Herodesxot. Do jawutbej, Herodíasliajwa chiekal wepachaemsow pamal keto'aliajwa, japonbej keto'aliajwa pejsoldaw Juan boesaliajwas. Nejchaxoelow japox. ²²⁻²³ Dolisdo', fiesta wut, Herodías paxulow pat. Japow tamach nababoela puexa jiw pejwñajnalel, japi taeliajwa. Nababoela wut, Herodes, asew jiwbej, naxaelpi japonxot, xabich nejchachaemili, japow nababoela wut. Do jawut, Herodes jum-aech japowliajwa:

—¡Nejxasinkampox xan nawuljoem! Xan japox chaxdusaxaelen. Diachwñajnakolax paeix. Nawuljowampox chaxdusaxaelen. Nejxasinkam wut, xan tato'laxtñajnu chiekal najupachadusaxaelen xam tato'laliajwam —aech Herodes japowliajwa.

²⁴ Do jawut, japox jumtaen wut, pen poxadepow wñajnachaemsliajwapow pen. Penxot pat wut, chapaeipow paxon jumtispos. Jawut jum-aechow penliajwa:

—En, ¿achaxkat xan taxon wuljoeyaxaelen? —aechow.

Do jawut, pen jumnot wut, jum-aech:

—Jam, ¡ma amwut naxon wuljoem Juan, jiw bautisan, pejmatnaet! —aechow paxulowliajwa.

²⁵ Do jawut, japow Herodes poxade. Jum-aechow rey Herodes jumtaeliajwa:

—¡Ma amwut nachaxdu'e Juan pejmatnaet plaftat! —aechow.

²⁶ Do jawut, Herodes xabich nejxaejwas, jumtaen wuton japow wuljowpox. Samata, Herodes elchiyaxil japow wuljowpoxliajwa, chajia jumdut xotlison puexa paklochow pejwñajnalel japow chaxdusliajwa wuljoeyaxaespos. Samata, Herodes chaxdusaxael japow wuljowpox. ²⁷⁻²⁸ Do jawut, Herodes pejsoldawan to'a Juan pejmatnaet chaxlaeliajwadin. Jawut soldawan fulaech jiw jeba poxade. Jaxotde pa'a wut, Juan taxtasiapchapon. Plaftat Juan pejmatnaet chaxlaens fiesta poxadin. Soldawan xapat wut, Herodías paxulow chaxduton Juan pejmatnaet. Do jawut, japow pen poxade chaxlaeliajwa Juan pejmatnaet.

²⁹ Juan pejnachala jumtaen wut Juan boesaspos, jawut fulaeni Juan patupan chaxlaeliajwa. Do jawut, chaxfollisipon muthsliajwa. Do jawut, muthslisipon.

Jesús naxaeyaxan chaxduwpox cinco mil poejiw

(Mt 14.13-21; Lc 9.10-17; Jn 6.1-14)

³⁰ Jesús pej-apóstoles buxtoet wuti naewñajanpoxan asapaklowaxanpijiw, kaxa nawenlisi. Pat wuti, natamejapi Jesúsxot. Jawut puexa chapaelisi ispoxan, naewñajanpoxanbej. ³¹ Jaxot xabich jiw fulalaena. Samata, Jesús pejnachala xabich it-els xaeliajwa, jiw xabich xot. Samata, Jesús jum-aech:

—¡Chijias jiwjil poxade, xatis tamach damlathulaliajwas! —aech Jesús.

³² Do jawut, Jesús, pejnachala suapich, chaflaech falkamtat jiwjil poxade. ³³ Pe nakiowa, jawut xabich jiw fulaeni Jesús, chaflaech wut, pejnachala suapich. Matabijapi. Samata, xabich paklowaxanpijiw dukpde Jesús itjulaxaech poxade. Japi wñajna pa'a.

³⁴ Jesús chapat wut falkamtat, Jesús xabich jiw taen paputlel. Taen wuton, japi jiw xabich beltaenon. Jawut Jesús nejchaxoel wut, jum-aechon: “Ampi jiw, me-ama ovejas, wejisal xoti tataeflaspon” —aech Jesús, nejchaxoel wut. Samata, tuadutlison xabich naewñajnaliajwa. ³⁵ Kaliax wut, Jesús pejnachala moxlisi Jesúsxot. Do jawut, japi jum-aech Jesúsliajwa:

—Tuilalisox. Amxot ajil tñajnuhan. Ajilbej naxaeyaxan wñajsliajwas. ³⁶ Samata, ¡ampi jiw to'im tñajnuhan poxade, naxaeyaxan wñajsliajwa! —aechi Jesúsliajwa.

³⁷ Jesús japox jumtaen wut, jum-aechon:

—¡Xamal najut chaxduim naxaeyaxan ampi jiw xaeliajwa! —aechon.

Do jawut, jum-aechi:

—¿Xamkat nejxasinkam xanal pan wñajsliajwan doscientos denariostat, puexa ampi jiw xaeliajwa? —aech Jesús pejnachala.

³⁸ Jesús wuajnachamt wut, jum-aechon:

—¿Massuapichkat pan xamalxot? ¡Xabua' de taeliajwam jiwxot! —aech Jesús.

Do jawut, japi taen wut, jum-aechi:

—Asbuan jumch cinco pan xanalxot, kolenje baxinbej —aechi.

³⁹ Do jawut, Jesús to'a pejnachala puexa jiw kaenanula, pejmutan suapich, polaxot chalakaliajwa. ⁴⁰ Asamutan, pinamutan. Japamutanxot, me-ama cien jiw. Asamutan kaesuapich jiw. Japamutanxot, me-ama cincuenta jiw. Puexa jiw chalak, pejmutan suapich. ⁴¹ Do jawut, Jesús cinco pan chafit, kolenje baxinbej. Athulel natachaemsepon Dios kawuajnalijwa. Dios kawuajan wut, jum-aechon: “Ax, xan gracias-an ampapanliajwa, ampabaxiliajwabej, xanal nachaxduwampi” —aech Jesús, pax Dios kawuajan wut. Do jawut, jalkafullison pan. Jalkaful wut, pejnachala chaxduifullison japi sasliajwa, puexa jiw xaeliajwa. Ja-aechbejpon baxiliajwa. ⁴² Puexa jiw chiekal xael. Chiekal nafnialisi. ⁴³ Jiw xaeyax kaechatoel wut, malpi Jesús pejnachala jia matpirantat. Wulupi doce matpiran baxitoerow, pan malsibej. ⁴⁴ Japi jiw xaelpi, cinco mil poejiw. Watho', yamxi suapich, xajui-esal.

Jesús fulaenpox pukaminakaldin

(Mt 14.22-27; Jn 6.16-21)

⁴⁵ Do jawux, Jesús to'a pejnachala falkam julaliajwa, puka we-enlelde chalikaliajwa. To'aponi wuajna chaflaeliajwa, Betsaida paklowaxlelde. Jesús kaweta namanfuk jiw to'aliajwa naweliajwa pejbachan poxade. ⁴⁶ Do jawux, jiw to'a wut, Jesús julach muxax poxase tamach Dios kawuajnalijwa. ⁴⁷ Sesa itkuatnik wut, Jesús tamach naman. Pejnachala falkamtat chafolfuki pukatukolaxtat. ⁴⁸ Taenon pejnachala xabich faetox. Joewa matalech falkam. Mox pawuajna wut nalianaliajwa, Jesús fulaen pukaminakal. Me-ama matnoch xensliajwa wut, ja-aechon. ⁴⁹⁻⁵⁰ Pejnachala taen wuti Jesús, pukaminakal fulaenox, nejchaxoeli: “¡Tae'nik! ¡Ama dep fulaen!” —aech Jesús pejnachala, nejchaxoel wut. Samata, puexa japi xabich natachaema. Do jawut, pota na-oenklisi, xabich pejlewla xot. Jawut Jesús jum-aech:

—¡Nabej nejlewle'! ¡Xanpe'! —aech Jesús.

⁵¹ Do jawut, Jesús falkam juldik japixot. Jawut kaes wika-ellisox. Samata, japi chiekal natachaemachalak falkamtat. ⁵² Japi matabija-elfuk Jesús xajupox puexa isliajwa. Taen wuti koechax, Jesús is wut panliajwa, chiekal matabija-eli taenpox, matnaetink xoti matabijaliajwa.

Jesús boejthutpox jiw bu'xaeya Genesaret tuajnuxot

(Mt 14.34-36)

⁵³ Do jawut, Jesús, pejnachala suapich, puka we-enlelde chapa'api, Genesaret tuajnuxot. Jaxot itjul wut, falkam ke'tlisi pukababu'tat. ⁵⁴ Japi nana wut falkamxot, jiw matabija japon Jesús. ⁵⁵ Do jawut, japi jiw kaxa dukpich asew jiw chapaeliajwa, japatwajnuapijw. Do jawut, bu'xaeya chaxlaens camillatat Jesúslel japi boejthusliajwas. ⁵⁶ Jesús tuajnuchan poxade wut, paklowaxan poxade wutbejpon, Jesús fulaech poxade, jiw owas wuajna plazaxot, japi bu'xaenki, boejthusliajwaspi Jesús. Taen wuti Jesús, japi jiw jum-aech Jesúsliajwa:

—Ampi jiw, bu'xaeya, ¡tapaem nejsumta-osax jachaliajwapi, matdukafulpox! —aechi Jesúsliajwa.

Do jawux, puexa jachapi japox, japi chiekal boejthulslisi.

7

Jiw chajia nejchaxoelpox, babijax, japoxan is xoti, babejchow nadofa

(Mt 15.1-20)

¹⁻⁴ (Fariseos, asew judíosbej, japi is pejwuajnapijiw isfulpoxan. Xaeliajwa wut, majt xabich piach kekakiati. Naxaeyaxan wuajt wuti plazaxot, pejbatat xapat wut, xaeliajwa wutbej, majt xabich piach kekakiati. Tasos, jarros, maram, camaxanbej, xabich piach

kiati. Japi kaes asaxan isbej. Me-ama pejwujnapijiw, jachi-eli. Kaes pejme xenapi japoxanliajwa. Japoxan ispi, nejchaxoel xot asbuan jumch: "Japoxan isx wut, babijaxan ispoxan xanxot ajilaxael" —aech xoti, nejchaxoel wut.)

Asamatkoi kaeswapich fariseos, judíos chanaekabuanapibej, fulaeni Jerusalén pak-lowaxxotdin, Jesús poxadin. Pat wuti Jesúsxot, taeni Jesús pejnachala majt piach kekakias-elpox, xaeliajwa wut. ⁵ Samata, japi Jesús wujnachaemt wut, jum-aechi:

—¿Ma-aech xotkat nejnachala is-el, me-ama wajwujnapijiw? Nejnachala xaeliajwa wut, majt xabich piach kekakias-eli —aech fariseos, judíos chanaekabuanapibej, Jesúsli-ajwa.

⁶⁻⁷ Jesús jumnot wut, jum-aechon:

—Xamal, me-ama diachwujnakolax Dios naexasitam wut, ja-am! Pe diachwujnakolax Dios naexasis-emil. Isaías, Dios pejprofeta, diachwujnakolax chajia jum-aech xamalliajwa, chajia lel wuton. Jum-aechon Dios jum-aechpox:

'Xamal naksiyam xan nasitaenamproxantat. Pelax nejnejchaxoelaxan xabich atuj xanxot. Samata, xamal isampoxan xanliajwa, naksiyam wutbej chimiajamechan xanliajwa, o, xan nakawujnamproxanbej, japoxan omjil xanliajwa. Naewujnam wutbej, naewujnam asew jiw pejnejchaxoelaxankal. Pelax xan tajnejchaxoelaxan, jiw naewujna-emil —aech Dios jum-aechpox xamalliajwa' —aech Isaías, chajia lel wut —aech Jesús fariseosliajwa.

⁸⁻⁹ Jesús pejme jum-aech fariseosliajwa:

—Xamal naexasis-emil Dios pejtato'lax. Naexasitamlax jiw naewujanproxankal. Asbuan jumch isam nejwujnapijiw ispoxankal. ¹⁰ Moisés chajia lelpox jum-aech: '¡Nejax, nej-enbej, sitaem! Babejjamechan jum-aechpon paxliajwa, penliajwabej, japon aton tuxaxael kastikaxtat' —aech Moisés chajia lelpox. ¹¹ Xamal asbuan jumch naewujnam nejwujnapijiw isfulpoxan, japox pawul corbán. Samata, xamal jum-am: 'Nejmach-aton chajia jumdut wut pejew Dios chaxduiliajwa, japoxan japon aton chaxduiyaxil, pax, penbej, japoxan Diosliajwa xot' —am xamal. ¹² Xamal japi jiw tapaeyam japox jumchiliajwa paxliajwa, penliajwabej: 'Xan chajia Dios jumdutx chaxduiliajwa tejew. Samata, xamal kajachawaesliajwan, ajil' —chiliajwapi. ¹³ Asew jiw naewujnam wut nejwujnapijiw isfulpoxan, japoxantat Dios jum-aechpoxan kofam. Kaes asaxan naewujnambej, me-ama japox —aech Jesús fariseosliajwa.

¹⁴ Do jawux, Jesús jiw la wut, jum-aechon:

—¡Puexa xamal chiekal naewe'e! ¡Jummatajibimbej xan jumchiyaxaelenpox! ¹⁵ Jiw naxaeyax xael wut, babejchow nadofaxil. Jiw babijaxan is, chajia japoxan nejchaxoel xoti isliajwa. ¹⁶ Xamal Dios pejnejchaxoelax matabijasiam wut, ¡chiekal naewe'e xan jum-anpox! —aech Jesús.

¹⁷ Jesús buxtoet wut jiw naewujanprox, ba lechon, pejnachala swapich. Do jawut, pejnachala wujnachaemtason, japi chiekal matabijaliajwa japawujan, Jesús jiw naewujanproxliajwa.

¹⁸ Jesús jumnot wut, jum-aechon:

—¿Xamalkat-is matabija-emil japawujan? ¿Matabija-emil jiw babejchow nadofaxilox, xael wut naxaeyax? ¹⁹ Naxaeyaxan jiw xael wut, pejnejchaxoelaxan poxa-eldik. Woejt poxadik. Do jawux, nakoltox —aech Jesús.

Jesús japox jum-aech pejnachala chiekal matabijaliajwa, puexa naxaeyaxan pachaempox jiw xaeliajwa.

²⁰ Jesús pejme jum-aech:

—Jiw pejnejchaxoelaxanxot nakola babejnejchaxoelaxan. ²¹ Samata, jiw babijaxan is. Poejiw, tamach laelpi, nejchaxoel asew watho' bu'moejsaxan. Jiw nejchaxoelbej natkowaliajwa asew jiw pejew. Jiw nejchaxoelbej asew jiw beliajwa. ²² Poejiw pakmolapi nejchaxoelbej asew watho' bu'moejsliajwa. Jiw taen wut asew jiw pejew, japoxansiabejpi

pajutliajwa. Jiw nejchaxoelbej isliajwa babijaxan asew jiwliajwa. Jiw nejchaxoelbej nae-kichachajbaliajwa asew jiw. Jiw nejchaxoelbej babijaxan isliajwa pomatkoicha padalaelpoxan. Jiw nejchaxoelbej nusasiawlaliajwa, asew jiw ketaen wut. Jiw nejchaxoelbej bwxwajnamaenkaliajwa asew jiwliajwa. Jiw pajut nejchaxoel wut, jum-aechbejpi: 'Xan kaes pejme pachaeman. Me-ama asew jiw, jachi-enil' —aechi, nejchaxoel wut. Jiw nejchaxoelbej nejmach duilaliajwa Dios naexasis-elaxtat. ²³ Puexa japox babijaxan nakola jiw pejnejchaxoelaxanxot. Samata, jiw babejchow nadofa japanejchaxoelaxantat —aech Jesús.

Judíos-atowa-elpow, japow naexasitpox Jesús
(Mt 15.21-28)

²⁴ Jesús fulaech, pejnachala swapich, Tiro paklowax poxade, asatwajnulelbej. Do jaxotde ba low wuti, Jesús maliach pasasia. Pe nakiowa, jiw taenson. ²⁵⁻²⁶ Samata, atow wultaen Jesús pasaxaelpox. Samata, fulaechow Jesús taeliajwa. Japow judíos-atowa-el. Asatwajnurijow. Pejtwajnu pawul Sirofenicia. Pat wutow Jesúsxot, japow brixtat nuk Jesús pejwajnalel, sitaen xotow Jesús. Paxulow kaweta batat, dep webaesow pejmatpreatxot. Samata, jum-aechow Jesúsliajwa:

—¡Xam dep to'im nakolsliajwa taxulow pejmatpreatxot! —aechow Jesúsliajwa.

²⁷ Do jawut, Jesús jum-aech:

—Paxipi majt naxaeyaxan chaxduw paxi xaeliajwa. Do jawux, pachaem wur dajsliajwa malsi —aech Jesús japowliajwa.

(Jasox Jesús jum-aech, matxoela kajachawaesaxael xoton judíos. Do jawux, kajachawaesaxaelon judíos-elpi.)

²⁸ Do jawut, japow jumnot wut, jum-aechow:

—Tajpaklon, pe yamxi xael wut, mesaxot cha-aex fudu' natacholan wut mesaxot, wurbej xael. Samata, jnawoesa xan matxoela nakajachawae'e! —aechow.

²⁹ Do jawut, Jesús jum-aech:

—Xam kajachawaesaxaelen, chiekal najumnotam xot xanliajwa. Naxulowlis pachaem. Dep nakoltlis naxulow pejmatpreatxot. ¡Nawia'mich nejba poxade! —aech Jesús japowliajwa.

³⁰ Do jawut, chijialisow pejba poxade. Pejba pat wut, paxulow taenlisow, ok wut camatat. Dep wejisallisow pejmatpreatxot.

Jesús boejthutpox naetakua'nikpon, bwxwajnajilbejpon

³¹ Do jawut, Jesús nakolt Tiro twajnuxot. Do jawux, Sidón twajnulel xentbejpon. Xenabejpon paklowaxan Decápolis twajnulel. Do jawux, Galilea pukaxot paton. ³² Jaxot asew jiw buflaen naetakuatan Jesúslel. Japon aton bwxwajnajilbej. Japi jiw jum-aech Jesúsliajwa:

—¡Ampon aton boejthu'e jumtaeliajwa! ¡Ke-o'ebej japonxot naksiyaliajwapon! —aechi.

³³ Do jawut, Jesús buflaech atwaxach bwxwajnajilan, jiw ajilxot. Jawut Jesús nataelanaetakuanwaj jacha pejkothiyatat. Do jawut, Jesús loya pejkothiya, japon aton kaech-ia'jachaliajwa japa-almintat. ³⁴ Dolisdo', Jesús athulel natachaemse wut, xabich fakjolchapon. Jum-aechon: “¡Efata!” —aech Jesús. (Japajame jumchiliajwa hebreojametat: “¡Nej fafas!” —chiliajwa.)

³⁵ Do jawut, chalechkal pejnaetakuanwaj chiekal wepachaemslison kolelelje. Pejkaech-ia't pachaembej naksiyaliajwa. Naksiya wut, chiekal jumtampapon. ³⁶ Do jawut, Jesús jum-aech puexa jiwliajwa:

—¡Puexa xamal nabej chapae' amprox asew jiw! —aech Jesús japi jiwliajwa.

Jesús bwxfiat wut, japi jiw nakiowa chapaeful asew jiw. ³⁷ Japi jiw nejchaxoelanuili. Samata, jum-aechnapí:

—¡Puexa Jesús ispoxan, chiekal ispon! Jesús boejthut wut, ¡hasta naetakuatabej chiekal jumtaen! ¡Bwxwajnajilabej chiekal naksiya! —na-aechi nakaewa.

8

Jesús naxaeyaxan chaxduwpox cuatro mil jiwliajwa
(Mt 15.32-39)

¹ Asamatkoiyan xabich jiw pejme natamejal Jesúsxot. Japi jiw naxaeyaxan xaeliajwa jaxot ajil. Samata, Jesús pejnachala la moxliajwadin. ² Japi pat wut, jum-aechon:

—Ampi jiw beltaenx, wejisal xot xaeliajwa. Japi xan nachala tres matkoi. Toellisi naxaeyaxan xafoli. ³ To'ax wuti naxae-elaxtat pejbachan poxade, japi jiw xabich pejlit nuamtat mamnikaxil, a sew jiw japixot xabich atuj fulaenxot —aech Jesús.

⁴ Do jawut, pejnachala jumnot wut, jum-aechi:

—Amxot naxaeyaxan faekaxisal, jiw duila-el xot —aechi.

⁵ Dolisdo', Jesús wujnachaemt wut, jum-aechon:

—¿Massuapichkat pan xamalxot? —aech Jesús.

Jumnot wut, jum-aechi:

—Amxot siete panes —aechi.

⁶ Jesús puexa jiw chalakax to'a satat. Do jawut, siete panes Jesús chafit. Dios kawujan wut, jum-aechon:

—Gracias-an ampapan nachaxduwampiliajwa —aech Jesús.

Jawut pan jalkafulon. Do jawut, Jesús chaxduiful pejnachala, japi sasiajwa pan puexa jiwliajwa. Do jawut, Jesús pejnachala pan sasfullisi. ⁷ Jesús pejnachalaxot cha-aex baxix. Do jawut, Jesús pejme Dios kawujan baxixliajwa. Jawut jum-aechon:

—Gracias-anbej ampabaxixliajwa nachaxduwampi —aech Jesús.

Do jawut, to'abejpon pejnachala baxix sasiajwapi puexa jiwliajwa. ⁸ Puexa jiw chiekal xael. Chiekal nafniabejpi. Do baxael, pejnachala chanot malsi. Wulu siete matpiran. ⁹ Japi jiw xaelpi, me-ama cuatro mil jiw. Xaeyax kaechatoel wut, Jesús japi jiw to'a naweliajwa pejbachan poxade. ¹⁰ Do jawux, Jesús falkam jul, pejnachala suapich, chaflaeliajwa Dalmanuta tuajnux poxade.

Fariseos to'apox Jesús isliajwa koechax
(Mt 12.38-42; 16.1-4; Lc 11.29-32; 12.54-56)

¹¹ Do asamatkoi, fariseos pat wut Jesúsxot, japi chiekal wujnachaemt Jesús. Japi fariseos tasalasiapi Jesús, asax is wut. Samata, jum-aechi:

—¿Isde koechax xanal taeliajwan, chiekal matabijaliajwanbej, diachwujnakolax xam Dios to'aponam wut! —aech fariseos Jesúsliajwa.

¹² Do jawut, Jesús xabich fakjolcha, nejchachaemla-el xoton fariseosliajwa, naexaxis-el xotbejpi. Samata, Jesús jum-aech:

—Xamal nato'am xan koechax isliajwan asbuan jumch taeliajwam. Pe xamal taeyax-imil pajelkoechax —aech Jesús fariseosliajwa.

¹³ Do jawut, Jesús chijia fariseosxot. Julon falkam chaflaeliajwa puka we-enlelde, pejnachala suapich.

Jesús naewujanpox pejnachala, japi pajut chiekal natataeflaliajwa fariseos naewujanpoxan, Herodesbej

(Mt 16.5-12)

¹⁴ Jesús pejnachala nejkiow naxaeyaxan xalaeliajwa. Japi asbuan jumch kaekolax pan xafoli. ¹⁵ Do jawut, Jesús jum-aech pejnachalaliajwa:

—¿Chiekal taem fariseos pejlevaduraliajwa, Herodes pejlevaduraliajwabej! —aechon pejnachalaliajwa.

¹⁶ Jesús pejnachala jumtaen Jesús jum-aechpox. Pe japi jummatabija-el. Samata, nakaewa nawujnachaemt wut, najum-aechi:

—¿Achaxkat jum-aech Jesús? Jesús japox bej nakjum-aechbej, xatis nejkiows xot pan xalaeliajwas —aechi nakaewaliajwa.

¹⁷ Jesús matabijt pejnachala nakaewa najum-aechpox. Samata, Jesús wujnachaemt wut, jum-aechon:

—¿Ma-aech xotkat xamal nakaewa najum-am panliajwa? ¿Xamalkat jummatabija-emil, matnaetinkam xot? ¹⁸ Xamal taenam. Pe chiekal matabija-emil. Jumtae-emilbej. ¿Ma-aech xotkat xamal nejchaxoela-emil xan koechax isxpoxliajwa, ajil wut naxaeyaxan jiw xaeliajwa? ¹⁹ Xan jalkafulax wut cinco pan cinco mil poejiwliajwa, do jawut, ¿masmatpirankat xamal wulum japi jiw mali? —aech Jesús pejnachalialiajwa.

Japi jumnot wut, jum-aechi:

—Xanal wulux doce matpiran —aechi.

²⁰ Jesús pejme jum-aech pejnachalialiajwa:

—Xan jalkafulax wut siete panes cuatro mil jiwliajwa, jawut, ¿masmatpirankat xamal wulum japi jiw mali? —aech Jesús.

Jesús pejnachala jumnot wut, jum-aechi:

—Xanal wulux siete matpiran —aechi.

²¹ Do jawut, Jesús jum-aech pejnachalialiajwa:

—¿Xamalkat jummatabija-emilfuk? —aech Jesús.

Jesús boejthutpox itliaklan Betsaida paklowaxxot

²² Jesús, pejnachala suapich, chapa'a Betsaida paklowaxxot. Japapaklowaxxot asew jiw buflaeni itliaklan Jesúslel. Japi wuljow Jesús jachaliajwa itliaklan, japon chiekal taeliajwa. ²³ Jesús makxalaech wut itliaklan, buflaechon atuaxach, paklowax tathoetlel. Jesús itfuxalot almintat itliaklan. Do jawut, Jesús itfujacha wut itliaklan, jawut Jesús wuajnaech wut, jum-aechon itliaklanliajwa:

—¿Xamkat taenamlejen? —aechon.

²⁴ Do jawut, itliaklan chiekal natachaemt wut, jum-aechon:

—Jiw laelp wut, me-ama naechan laelp wut, ja-itfu-an —aech itliaklan.

²⁵ Do jawut, Jesús pejme itfujacha. Jawut chiekal wepachaemslison pej-itfu. Chiekal taenbejpon. ²⁶ Jesús jum-aech:

—¡Nabef fulae' paklowax poxade! ¡Xabua'de nejba poxade! ¡Nawia'mich! —aech Jesús majt itliakalponliajwa.

Pedro jum-aechpox Jesúsliajwa: “Xam Cristowam, Dios to'asponam”

(Mt 16.13-20; Lc 9.18-21)

²⁷ Jesús boejthut wut itliaklan, fulaechon, pejnachala suapich, asatuajnaechan poxade, Cesarea de Filipolel. Fol wuti nuamtat, Jesús wuajnaech wut pejnachala, jum-aechon:

—¿Achan na-aechkat jiw xanliajwa? —aech Jesús.

²⁸ Japi jumnot wut, jum-aechi:

—Asew jiw jum-aech xamliajwa: ‘Japonlap Juan, jiw bautisan. Mat-echpon pejme duk’ —aech asew jiw xamliajwa. Asew jiw jum-aechbej xamliajwa: ‘Japonlap Elías, Dios pejprofeta. Mat-echpon pejme duk’ —aech asew jiw xamliajwa. Asew jiw jum-aechbej xamliajwa: ‘Japonlap Dios pejprofetasxot mat-echpon pejme duk’ —aech asew jiw xamliajwa —aech Jesús pejnachala.

²⁹ Do jawut, Jesús pejme wuajnaech wut, jum-aechon pejnachalialiajwa:

—Xamallax, ¿achan na-amkat xanliajwa? —aech Jesús.

Do jawut, Pedro jumnot wut, jum-aechon Jesúsliajwa:

—Xam Cristowam, Dios to'asponam —aech Pedro.

³⁰ Do jawut, Jesús buxfiat wut, nejthu'axtat jum-aechon pejnachalialiajwa:

—¡Japox asew jiw nabef chapae' xan Cristowanponan! —aech Jesús pejnachalialiajwa.

Jesús jum-aechpox, japon tupaxaelpoxliajwa

(Mt 16.21-28; Lc 9.22-27)

³¹ Jesús jum-aech pejnachalialiajwa, japon tupaxaelpoxliajwa:

—Xan, puexa jiw pakoewkolnan, xabich nabijasaxaelen. Judíos-ancianos, sacerdotes-paklochowbej, judíos chanaekabuanapibej, japi xan najumchiyaxael: ‘Japon Cristowa-el,

Dios to'aspona-el' —chiyaxaeli xanliajwa. Samata, naboesaxael wut, tres matkoi wut, Dios xan namat-esaxael pejme dukaliajwan —aech Jesús.

³² Jesús japox jum-aech pejnachala chiekal matabijaliajwa jachiyaxespox japonliajwa. Jawut Pedro buflaechon Jesús pejlel nospaeliajwa tamach, Jesús suapich. Do jawut, Pedro buxfiat Jesús jum-aechpoxliajwa. ³³ Pe Jesús natfo'cha asew pejnachalalel taeliajwa. Do jawut, Jesús jum-aech Pedroliajwa:

—¡Chijiamde xanxot! Xam japox jum-am, Satanás buxto'a xot. Xam nejchaxoela-emil Dios pijaxan. Asbuan jumch nejchaxoelam ampathatpijaxankal —aech Jesús Pedroliajwa.

³⁴ Do jawut, Jesús la pejnachala, jiwbej. Dolisdo', puexa jiw pat wut japonxot, Jesús jum-aech:

—Xamal tajnachalwasiam wut, ¡najut babijaxan isampoxan, ma amwut kofim! ¡Pomatkoicha isfulde xan tato'laxpoxan! Asew jiw pijaxtat nabijatam wut, boesasia wutbejpi, ¡nakiowa xamal naexasisfulde xan tato'laxpoxan!

³⁵ Ampathatat isam wut najut nejxasinkampoxankal, asamatkoi tupam wut, napelsaxaelam Diosliajwa. Ja-am wut, duilaximil Diosxotse. Kofam wutlax najut isfulampoxan, isfulam wutlax xan tato'laxpoxan, Dios chiekal naexasisfulam wutbej, asamatkoi xamal tupam wut, napelsaximil Diosliajwa. Ja-am wut, pomatkoicha duilaxaelam Diosxotse.

³⁶ ¿Achaxkat aton kanaxael xabich wuton pejew ampathatat, asamatkoi tup wut, Dios kastikaxaes wuton? ³⁷ Aton mosaxil pejewtat pasliajwapon Diosxotse, japon pejew chiekal omjil xot Diosliajwa. ³⁸ Ampathatpijiw xabich is babijaxan. Japi nejchaxoela-elbej Dios. Japi jiw pejwujnalel xamal nadala wut xanliajwa, tajnaewuajnaaxliajwabej, xanbej, puexa jiw pakoewkolnan, tadalaxaelen xamalliajwa. Xan jachiyaxaelen taj-ax Dios pejwujnalel. Tadalaxaelen xamalliajwa, xan kaxa pasaxoekan wut ampathatasik taj-ax pijaxtat, taj-ax Dios pej-ángeles suapich —aech Jesús pejnachalaliajwa, asew jiwliajwabej.

9

¹ Jesús pejme jum-aech pejnachalaliajwa:

—Diachwujnakolax xan jum-an. Asew jiw xamalxot pejpatupax wujna taeyaxaeli, Dios puexa pejiw tato'al wut ampathatat —aech Jesús.

Jesús xabich chaponanakthianpox Dios pijaxtat

(Mt 17.1-13; Lc 9.28-36)

² Do jawux, seis matkoiyan wut, Jesús fulaech muax xabich athu poxase julaliajwa. Jawut bu'folon tres pejnachalan. Kaen pawul Pedro. Asan pawul Santiago. Asan pawul Juan. ³ Dolisi, pinamuaxxotse wut, Jesús xabich chaponanakthian. Pijax naxoelax xabich papoeikolax. Ampathatat jasox ajil xabich papoeikolax, me-ama japon pijax, jasox.

⁴ Do jawut, chalechkal kolenje aton natulaelt Jesúsxot. Japi judíos pejwujnapijiw. Kaen pawul Elías. Asan pawul Moisés. Japi nospaei, Jesús suapich.

⁵ Do jawut, Pedro jum-aech Jesúsliajwa:

—Tajpaklon, pachaem, xanal amxotan wut. Nejxasinkam wut, xanal tres bua-at isaxaelen. Kaebu-at xamlliajwa. Asabu-at Moisésliajwa. Asabu-at Elíasliajwabej —aech Pedro Jesúsliajwa.

⁶ Jesús pejnachala japox taen wut, xabich pejlewłapi. Samata, Pedro matabijs-el jumchiyaxaelpox. ⁷ Jawut itloejen fuloek japi pejmatwujasik. Do jawut, japa-itloejentat Dios jum-aechsik: “Ampon taxulan, xabich nejxasinkaxpon, ¡japon naewesfulde!” —aech Dios.

⁸ Do jawut, Jesús pejnachala natadiajt wut, asew kolenje Jesúsxot chiekal ajillisi. Jesús tamach nukaful. Jawut taeni Jesúskał.

⁹ Do jawux, muaxxot baloek wuti, Jesús buxfiat pejnachala asew jiw chapaesamata japi taenpox. Jum-aechon:

—Xan, puexa jiw pakoewkolnan, hasta namat-et wut, xan pejme dukx wutbej, do jawut, xamal asew jiw chapaeyaxaelam taenampox —aech Jesús pejnachalaliajwa.

¹⁰ Japi ow-aech. Chapae-ellisi a sew jiw. Nakaewa nawuajnaemsnapi: “¿Ma-aech xotkat Jesús jum-aech: ‘Hasta namat-et wut, xan pejme dukx wutbej, do jawut, xamal a sew jiw chapaeyaxaelam taenamprox’ —nak-aechkat Jesús xatistiajwa?” —na-aechi nakaewa. ¹¹ Dolisdo', japi Jesús pejnachala, trespi, wuajnaemt wut, jum-aechi Jesúsliajwa:

—Xam Cristowam wut, ¿ma-aech xotkat judíos chanaekabuanaapi jum-aech Elíasliajwa: “Wajwuajnapijin Elías matxoela pasaxael. Do jawux, Cristo pasaxael” —aechkat judíos chanaekabuanaapi? —aech Jesús pejnachala Jesúsliajwa.

¹² Jesús jumnot wut, jum-aechon:

—Judíos chanaekabuanaapi jum-aechprox diachwuajnakolax. Japi jum-aechprox: ‘Matxoela pasaxael kaen, me-ama Elías, jason. Japon puexa jiw chanaekabuanaaxael puexa jiw naexasisliajwa Dios. Jasox matxoela jachiyaxael Cristo pasax wuajna’ —aechox, japi jum-aechprox. Dios chajia jum-aechbej: ‘Puexa jiw pakoewkolan xabich nabijasaxael judíos pijaxtat’ —aech Dios. Xanlap japonan, puexa jiw pakoewkolnan —aech Jesús pejnachalaliajwa.

¹³ Do pejme Jesús jum-aech pejnachalaliajwa, trespiliajwa:

—Diachwuajnakolax xan jum-an. Kaen, Elías jason, patlison. Pe a sew jiw babijaxan isasiapi, japi islisi babijax japonliajwa. Dios pejjamechan chajia jum-aech japonliajwa jumchiyaxaesox —aech Jesús Juan, jiw bautisan, pejpatupaxliajwa.

Jesús nakolsax to'apox dep yamxulan pejmatpuxatxot

(Mt 17.14–21; Lc 9.37–43)

¹⁴ Dolisdo', Jesús, tres pejnachala suapich, fulaechlisi a sew japon pejnachala poxade. Do jaxotde xabich jiw taenlisi, japi jiw matawiat wut a sew Jesús pejnachala, japi kaweta namapi. Jaxot kaesuapich judíos chanaekabuanaapi, wuajna nabu'naloti Jesús pejnachala, namapi suapich. ¹⁵ Puexa jiw taen wuti Jesús, xabich nejchachaemili. Samata, Jesúslel dukpdepi kejachaliajwa. ¹⁶ Do jawut, Jesús wuajnaemt wut pejnachala, jum-aechon:

—¿Achaxkat xamal nabu'nalotam, judíos chanaekabuanaapi suapich? —aech Jesús.

¹⁷ Kaen japixot jumnot wut, jum-aechon:

—Jiw chanaekabuana, taxulan buflaenx xam dep to'aliajwam nakolsliajwa taxulan pejmatpuxatxot. Taxulan naksiyaxil, pejmatpuxatxot dep webaes xoton. ¹⁸ Dep pijaxtat chalechkal juwalon. Xabich kaechwathuamabejpon. Xabich bua'tatitbejpon. Do jawut, xabich satat nadadolan. Xan jum-an nejnachala japi to'aliajwa dep nakolsliajwa taxulan pejmatpuxatxot. Pe nejnachala xajupa-el to'aliajwapi dep —aech yamxulan pax.

¹⁹ Do jawut, Jesús jum-aech pejnachalaliajwa:

—Tajnachala, xamal Dios chiekal xanaboeja-emil Dios xajupprox dep to'aliajwa. Xabich pin-iamatkoivan xamalxotx. Japamatkoivantatbej xabich naewuajnafulax. Kajachawaetxbej Dios chiekal xanaboejalijwam. Pe xamal Dios chiekal xanaboeja-emilfuk. ¡Buflaemen yamxulan xanlel! —aech Jesús.

²⁰ Do jawut, yamxulan buflaenlisi Jesúsleldin. Dep taen wut Jesús, jawut dep pijaxtat yamxulan pejme satat juwal. Do jawutbej, yamxulan satat matariamam. Kaechwathuamabejpon. ²¹ Jesús wuajnaemt wut yamxulan pax, jum-aechon:

—¿Masmatkoiyankat naxulan jasox ja-aech? —aech Jesús.

Pax jumnot wut, jum-aech:

—Xabich chajia ja-aechon. Japox tuadut, jam wutlejen. ²² Pin-iaveces dep pijaxtat juwal jitlel kakamwaliajwas. Minlelbej juwal bu'laliajwa. Samata, ¡xanal nabeltaem! Xajupam wut, ¡xanal nakajachawae'e! —aech yamxulan pax.

²³ Jesús jum-aech yamxulan paxliajwa:

—¿Ma-aech xotkat xan najum-am: ‘Xajupam wut, ¡xanal nakajachawae'e!’ —amkat xanliajwa? Xam Dios naexasitam wut, Dios kajachawaesaxael dep nakolsliajwa naxulanxot —aech Jesús.

²⁴ Do jawut, yamxulan pax nejlakcha wut, jum-aechon:

—Xan Dios naexasitx. Samata, ¡nakajachawae'e kaes pejme chiekal Dios naexasisliajwan! —aech yamxulan pax.

²⁵ Jesús taen wut xabich jiw papasfulpox jaxot, jawut Jesús to'a dep nakolsliajwa yamxulan pejmatruatxot. Jum-aechon:

—Dep, xam yamxulan buxwujankijtam. Naetakuatambej. ¡Nakolde japon yamxulan pejmatruatxot! ¡Kaxa nabej nawias yamxulan pejmatruat poxadin! —aech Jesús depliajwa.

²⁶ Do jawut, dep xabich pinjemetat na-ua wut, yamxulan jawal dep pijaxtat. Do jawut, dep nakolt yamxulan pejmatruatxot. Yamxulan okaful satat. Me-ama tur wut, ja-aechon. Samata, xabich jiw jum-aech: “¡Taem! Yamxulan chiekal tuplison” —aech japi jiw. ²⁷ Do jawut, Jesús muaxfit yamxulan namat-esliajwa. Do jawut, yamxulan nant.

²⁸ Do jaroqxwax, Jesús, pejnachala suapich, ba lech wut, japi piakal wut, pejnachala wujnachaemtas. Jum-aechi Jesúsliajwa:

—¿Ma-aech xotkat xanal xajupa-enil dep nakolsax to'aliajwan yamxulan pejmatruatxot? Me-ama xam, jachi-enil —aechi Jesúsliajwa.

²⁹ Jesús jumnot wut, jum-aechon:

—Me-ama ampon dep, jason, xamal najut nijaxtat xajupaximil to'aliajwam, majt Dios kawujna-emil wut —aech Jesús.

Jesús pejme jum-aechpox pejpatupaxliajwa

(Mt 17.22-23; Lc 9.43-45)

³⁰⁻³¹ Jesús, pejnachala suapich, japatujnuxot nakola wut, fulaechlisi Galilea tuajnu poxade. Japi fulaech wut, Jesús nejxasinka-el asey jiw matabijsliajwas japon jaxotox, pejnachalagal naewujnaxael xoton. Do jawut, jum-aechon:

—Xan, puexa jiw pakoewkolnan, asan nawiasaxael tadaelmajiwxot japi naboesaliajwa. Xan turx wut, tres matkoi wut, Dios namat-esaxael pejme dukaliajwan —aech Jesús pejnachalaliajwa.

³² Pe japi chiekal jumatabija-elfuk Jesús jum-aechpox. Japi buxdalabej kaes wujnachaemsliajwapi Jesús.

Achan kaes paklonaxaelpox Diosxotse

(Mt 18.1-5; Lc 9.46-48)

³³ Jesús pat, pejnachala suapich, Capernaum paklowaxxot. Batutat wuti, Jesús wujnachaemt wut pejnachala, jum-aechon japiajwa:

—¿Achaxkat xamal jum-am, nuamtat folam wut? —aech Jesús pejnachalaliajwa.

³⁴ Pe japi asbuan jumch boejlach. Jumnos-eli, padala xot. Japi majt nuamtat fol wut, nakaewa najum-aechi: “¿Achankat xatisxot kaes paklonaxael?” —aechi nakaewaliajwa.

³⁵ Do jawut, Jesús ek. Ek wut, lalison doce pejnachala kaes moxliajwadin. Jawut jum-aechon japiajwa:

—Xamal puexa jiw tato'lasiam wut, ¡majt pamaknamde puexa jiw kajachawaesliajwam! —aech Jesús.

³⁶ Do jawut, Jesús yamxulan la moxliajwadin, pejnachala pejwujnalel. Do jawut, Jesús yamxulan islanuk wut, jum-aechon pejnachalaliajwa:

³⁷ —Yamxulan bu'kultam wut xan tajaxtat, ja-am wut, jawut xanbej chiekal nabu'kulsaxaelam. Nabu'kultam wut, xan kaenan nabu'kuls-emil. Diosbej bu'kulsaxaelam, xan nato'apon —aech Jesús pejnachalaliajwa.

Is-elpi chaemilpox Jesúsliajwa, japi, me-ama kajachawaetpox Jesús pijax naewujnax

(Mt 10.42; Lc 9.49-50)

³⁸ Do jawut, Jesús pejnachalan, pawulpon Juan, jum-aech Jesúsliajwa:

—Jiw chanaekabuanan, xanal kaen aton taenx, dep to'aful wut nakolaliajwa jiw pejmatruatanxot. Japon aton xam nijaxtat dep to'a nakolaliajwa jiw pejmatruatanxot.

Pe wajmutpijna-el. Samata, xanal japon fiatx buxkofsliajwapon japox —aech Juan Jesúsliajwa.

³⁹ Jesús jumnot wut, jum-aechon:

—Japon japox is wut, ¡nej is! ¡Nabey fias! Japon koechaxan is wut xan tajaxtat, ja-aech wut, jumchiyaxilon babejjamechan xanliajwa. ⁴⁰ Jiw is-elpi babijaxan xatisliajwa, japi, me-ama nakkajachawaet wut, ja-aechi. ⁴¹ Diachwujnakolax jum-an. Nejmach-aton xamal kajachawaet wut, tajjiwam xot, japon aton xamal chaxdut wut minkal feliajwam, japon aton Dios kajachawaesaxaes —aech Jesús, Juanliajwa naksiya wut.

Jesús naew wujajapox jiw babijaxan isasamata

(Mt 18.6-9; Lc 17.1-2)

⁴² Jesús pejme jum-aech pejnachalaliajwa: “Pomatkoicha jiw babijaxan is, asew jiw to'as xoti. Pe jelxan nanaexasiti is wut babijaxan, asew jiw to'as xoti, to'api jiw babijaxan isliajwa, japi jiw xabich kastikaxaes Dios. Japiliajwa kaes pejme pachaemaxael ia' pinanul, jajaera, kaechariama ke'aliajwas, chakakofaliajwas mar poxadik, xabich so'nik poxadik, jaxotdik tupaliajwapi. Ja-aech wut, japi to'axil kaes asew jiw babijaxan isliajwa, jelxan nanaexasiti. ⁴³⁻⁴⁴ Nejke-echantat babijaxan isfulam wutbej, ¡najut naketariowcham, kofaliajwam babijaxan isampoxan! Ja-am wut, kaes pachaemaxaelam, kaeke-em wut pasliajwam Diosxotse. Kofa-emil wut babijaxan isampoxan, ja-am wut, napelsaxaelam infierno poxadik. Jaxotdik toepaxil jit pinjiyax. Japajitxotdikbej tafil tupa-el. ⁴⁵⁻⁴⁶ Nejtukantat babijaxan isfulam wutbej, ¡najut natuaktariowcham kofaliajwam babijaxan isampoxan! Ja-am wut, kaes pachaemaxaelam kaetuakam wut pasliajwam Diosxotse. Kofa-emil wut babijaxan isampoxan, jachi-elasiyam wut, xamal napelsaxaelam infierno poxadik. Jaxotdik toepaxil jit pinjiyax. Japajitxotdikbej tafil tupa-el. ⁴⁷⁻⁴⁸ Babijax isam wutbej, taenam-pox nej-itfut, ja-am wut, ¡najut na-itfukuim xamal kofaliajwam babijaxan isampoxan! Do ja-am wut, kaes pachaemaxaelam pasliajwam Diosxotse, kae-itfut wut. Kofa-emil wut babijaxan isampoxan, ja-am wut, xamal napelsaxaelam infierno poxadik. Jaxotdik toepa-el jit pinjiyax. Japajitxotdikbej tafil tupa-el” —aech Jesús pejnachalaliajwa.

⁴⁹ “Puexa jiw, infiernoxoti, xabich nabijasaxael japajitat” —aech Jesús pejnachalaliajwa. ⁵⁰ Jesús pejme jum-aech: “Dom pachaem. Dom xakuenka-el wut, chaemil. Dom chaemil wut, pejmeliajwa pachaemaxil. Samata, xamal pachaemaxaelam ampathatat. Me-ama dom pachaem wut, jachiyaxaelam. Nejjiw suapich, duilam wut, ¡chiekal pachaemde!” —aech Jesús.

10

Jesús naew wujajapox poejiw pelsasamata pejwatho'

(Mt 19.1-12; Lc 16.18)

¹ Jesús nakolt wut Capernaum paklowaxxot, do jawut fulaechlison Judea tuajnu poxade, Jordánlajt orientelel poxade. Jaxotde pejme xabich jiw papasful japonxot. Do ja-aech wut, pejme tuaduton jiw naew wujajaliajwa, me-ama japon pejkabuan. ² Do jawut, fariseos mox soepapi Jesúsxot wujajachaemsliajwapi Jesús, Jesús asaxtat jum-aech wut japi tasalaliajwa japoxtat. Samata, fariseos jum-aech:

—¿Tapaeiskat poejiw pelsliajwa pejwatho'? O, ¿tapae-esalkat? —aech fariseos.

³ Jesús jumnot wut, jum-aechon:

—¿Achaxkat jum-aech Moisés chajia lelpox xamal najum-ampoxliajwa? —aech Jesús.

⁴ Japi jum-aech:

—Moisés chajia lelpox jum-aech: 'Aton pijow fo'asia wut, japon lelaxael pelfut. Japapelfutat jumchiyaxaelon, ma-aech xot fo'asiapon pijow. Do jawux, palelafut chaxdusaxaelon pijow. Do ja-aech wut, japapelfut chaxdut wut, pachaemaxael japon aton fo'aliajwa pijow' —aech Moisés chajia lelpox —aech fariseos Jesúsliajwa.

⁵ Do jawut, Jesús jum-aech fariseosliajwa:

—Moisés jasox lel, xamal matnaetinkam xot naexasisliajwam Dios. ⁶ Majt wajwajna, Dios that is wut, kaen aton ispon. Kaeow atowbej ispon. ⁷ Samata, aton fit wut pawis, japi nakolaxael paxxot, penxotbej, japon aton, pijow swapich, pejlel dukaliajwa. ⁸ Do ja-aech wut, japi kolenje, me-ama kaen wut, jachiyaxaeli. Ja-aech wut, japolis, me-ama majt kolenje wut, jachi-ellisi. Amwutjel japi, me-ama kaen wut, ja-aechlisi. ⁹ Samata, aton fo'axil pijow, Dios pijaxtat nakjiya xot —aech Jesús fariseosliajwa.

¹⁰ Do baxael, Jesús, pejnachala swapich, batat wut, pejnachala wujnachaemtas watho' pelsaxliajwa.

¹¹ Do jawut, Jesús jumnot wut, jum-aechon pejnachalaliajwa:

—Aton fo'a wut pijow, japon aton asaow pawis fit wut, japon babijax is Diosliajwa, pijowliajwabej, bu'moejt xoton asaow, pijowa-elpow. ¹² Pawisbej pamal fo'a wut, asan poi fit wutow, japow babijax is Diosliajwa, pamalliajwabej, bu'moejt xotow asan poi, pamala-elpon —aech Jesús.

Jesús kawajjanpox Dios yamxiliajwa

(Mt 19.13-15; Lc 18.15-17)

¹³ Do baxael, jiw buflaen yamxi Jesús poxadin, Jesús ke-osliajwa yamxixot. Jawut pejnachala jum-aech yamxi buflaeniliajwa:

—¡Nabej buflae' yamxi Jesúsleldin! —aechi. ¹⁴ Jesús japox jumtaen wut, palalapon pejnachalaliajwa. Samata, jum-aechon:

—¡Tapaem yamxi buflaeliajwas xanlel! ¡Nabej fias! Dios pejjiw, duilaxaeli Diosxotse, japi, me-ama ampi yamxi, kamta naexasit xoti Dios pejtato'lax. ¹⁵ Diachwujnakolax xan jum-an. Xamal Dios naexasitam wut, me-ama yamxi, ja-am wut, pasaxaelam Diosxotse. Dios naexasis-emil wut, pasaximil jaxotse —aech Jesús pejnachalaliajwa.

¹⁶ Do jawut, Jesús kaenanula yamxi isnot wut, jum-aechon yamxiliajwa: “Dios puexa xamal nej kajachawaesfule” —aech Jesús, ke-ot wut yamxixot.

Kemaeyan nospaeipox, Jesús swapich

(Mt 19.16-30; Lc 18.18-30)

¹⁷ Jesús pejme fulaeliajwa wut, kaen aton najae-en Jesúslel. Pat wut, Jesús pejwujnalel brixtat nukon. Jawut, wujnachaemt wut, jum-aechon:

—Jiw chanaekabuanan, xam xabich pachaemam. ¿Achaxkat xan nawewe'p isliajwan pomatkoicha dukaliajwan Diosxotse? —aechon.

¹⁸ Jesús jumnot wut, jum-aechon:

—¿Ma-aech xotkat xan najum-am: ‘Xam xabich pachaemam’ —na-amkat? Kaen Dios xabich pachaem. ¹⁹ Xam matabijtam Dios pejtato'laxan. Moisés chajia lelpox jum-aech: ‘¡Nabej boese' asan aton! ¡Nabej bu'moejs asaow pawis, nijwa-elpow! ¡Nabej natkowe'! ¡Nabej kechachajbe' asan aton tasalaliajwam, babijax is-elpon! ¡Nabej naekichachajbe'! ¡Nej-ax sitaem, nej-enbej!’ —aech Moisés chajia lelpox —aech Jesús.

²⁰ Do jawut, japon kemaeyan jum-aech:

—Jiw chanaekabuanan, xam najum-ampoxan, puexa japoxan xan tudutx naexasisliajwan, pansianan wut. Amwutjelbej nakiowa japoxan naexasisfulax —aech kemaeyan.

²¹ Do jawut, Jesús natachaemt wut kemaeyan, beltaenlison. Do jawutbej, Jesús jum-aech:

—Xamfuk kaeyax wewe'p isliajwam. ¡Xabua'de nejba poxade! ¡Puexa nejew mowim! Mowam wut, jpaplata chaxduim kejila! Ja-am wut, Dios xabich nejchachaemlaxael xamliajwa. Ja-am wutbej, Dios xam chaxduiyaxael xabich pachaempoxan japonxotse. Chaxduiyax daeptam wut, ¡xabua't xan naknanuamsliajwam, tajnachalnamliajwambej! —aech Jesús.

²² Kemaeyan jumtaen wut Jesús jum-aechpox, kemaeyan xabich nejxaejwas, xabich kemaenk xot.

²³ Jesús pejnachalalel natfo'cha wut, jum-aechon japiliajwa:

—Xabich tampoel kemaeya pasliajwa Diosxotse —aech Jesús.

²⁴ Pejnachala xabich nejchaxoelanuil, jumtaen wuti, Jesús japox jum-aech wut. Samata, Jesús pejme jum-aech pejnachalaliajwa:

—Takoew, diachwujnakolax xabich tampoel kemaeya pasliajwa Diosxotse. ²⁵ Xamal matabijam camello pinjin xot, xajupaxil kuthatuakre'wuj poxade xensliajwa. Kemaeyanliajwabej, tampoel japon pasliajwa Diosxotse —aech Jesús.

²⁶ Japox jumtaen wut, Jesús pejnachala xabich kaes pejme nejchaxoelanuili. Nakaewa nawujnachaemsna wut, najum-aechi:

—¿Achankatlax bu'weyaxaes? ¿Achankatlax pasaxael Diosxotse? —na-aechi nakaewa.

²⁷ Jesús japi natachaemt wut, jum-aechon:

—Jiw pajut pijaxtat pasaxil Diosxotse. Pelax Dios xajup puexa isliajwa. Samata, Dios xajup jiw bu'weliajwa. Dios kajachawaesaxael jiw pasliajwa japonxotse —aech Jesús.

²⁸ Do jawut, Pedro jum-aech:

—Xanal puexa tejew waelax, xam nakfulaeliajwan —aech Pedro.

²⁹ Do jawut, Jesús jum-aech:

—Diachwujnakolax xan jum-an. Nejmach-aton Dios pejbichax nabichliajwa wut, japon waela wut pakoew, pen, pax, paxi, pejbabej, pejsatanbej, jasox is wuton, tajwujjan, chimiawujjan, naexasit xoton, ja-aech wut, japon aton Dios kaes pejme chaxduiyaxaeson. ³⁰ Me-ama kaes cien veces chaxduiyaxaeson ampathatat. Jachiyaxaeson, pakoew, pen, paxi, pejba, pejsatbej, puexa japoxan waela xoton. Japon laeje wutfuk ampathatat, jiw nejweslafulaxaeson. Samata, nabijasaxaelon, xan nanaexasit xot. Asamatkoi, japon tur wut, pasaxaelpon pachaemxotse, Diosxotse, pomatkoicha dukaliajwa. ³¹ Xabich jiw amwutjel paklochowpi ampathatat, asamatkoi japi Diosxotse paklochowaxil Dios pejwujnalel. Xabich jiw lax amwutjel paklochowa-elpi ampathatat, japilax asamatkoi paklochowaxael Diosxotse Dios pejwujnalel —aech Jesús.

Ampoxtat Jesús jum-aech tres veces japon pejpatupaxliajwa
(Mt 20.17-19; Lc 18.31-34)

³² Asamatkoi Jesús, pejnachala suapich, asew jiw suapichbej, japi fulaech Jerusalén paklowax poxade. Jesús matxoela fol. Pejnachala fol wut, nejchaxoeli: “¿Ma-aech xotkat Jesús pejlwla-el fulaeliajwa Jerusalén paklowax poxade?” —aechi, nejchaxoel wut. Asew jiw, wuchakal folpi, japi pejlwla. Do jawut, Jesús buflaech doce pejnachala asalel japikal jumchiliajwapon. Jum-aechon asew jiw isaxaesopox japonliajwa Jerusalén paklowaxxot. ³³ Jesús jum-aech: “Amwut Jerusalén paklowax poxaxaes. Jaxotde xan, puexa jiw pakoewkolnan, asew jiw nawiasaxael sacerdotespaklochowxot, judíos chanaekabuanapixotbej. Japi natasalaxael asew jiw xan naboesaliajwa. Do jawux, xan nawiasaxaeli judíos-elixot. ³⁴ Japi nabu'wujjanpaeyaxael. Naloyaxaelbejpi. Xabich namatwujajselsaxaeli. Do jawux, naboesaxaeli. Turx wut, tres matkoi wut, Dios namat-esaxael pejme dukaliajwan” —aech Jesús.

Santiago, Juan suapich, wujjowpox Jesús we-isliajwas chamoeyax
(Mt 20.20-28; Lc 22.24-30)

³⁵ Do jawux, Santiago, Juan suapich, japi Zebedeo paxi, mox soepapi Jesúsxot. Do jawut, jum-aechi:

—Jiw chanaekabuanan, xanal wujjowx xam nawe-isliajwam chamoeyax xanalliajwa —aechi Jesúsliajwa.

³⁶ Jesús jumnot wut, jum-aechon japiajwa:

—¿Achaxkat we-isaxaelen, chamoeyax, xamalliajwa? —aech Jesús.

³⁷ Japi jumnot wut, jum-aechi:

—Xam jiw tato'lam wut ampathatat, xanal natapaem chalakaliajwan xam nejko-lalelje! ¡Natapaembej xanal puexa jiw tato'laliajwan, xam suapich, xanalbej jiw nasitaeliajwa! —aechi Jesúsliajwa.

³⁸ Jesús jum-aech:

—Xamal matabija-emil nawuljowampox. Xan xabich nabijasaxaelen jiw pijaxtat. ¿Xamalkat-is xajupaxaelam nabijasliajwam, me-ama xan, jachiliajwam? Xanbej tuxaxaelen asajiw pijaxtat. ¿Xamalkat-is xajupaxaelam tupaliajwam, me-ama xan, jachiliajwam? —aech Jesús japiliajwa.

³⁹ Japi jumnot wut, jum-aechi:

—Diachwujnakolax xanalbej xajupx nabijasliajwan, me-ama xam, jachiliajwan —aechi Jesúsliajwa.

Jesús jumnot wut, jum-aechon:

—Diachwujnakolax xamalbej tajaxtat nabijasaxaelam. Tuxaxaelambej. Me-ama xan, jachiyaxaelam.

⁴⁰ Pe tajkolalelje xamal chalakaliajwampox, puexa jiw tato'laliajwambej, xan suapich, japoxliajwa taj-ax Dios xan natapae-el tajut japox jumchiliajwan. Taj-ax Dios, japon pajut tapayaxael tajkolalelje chalakaxaelpi, xan suapich, japiliajwa chajia wechaemas xotlisi —aech Jesús.

⁴¹ Asew Jesús pejnachala, diezpi, japox jumtaen wut, palalapi Santiagoliajwa, Juanliajwabej, wuljow xoti japox. ⁴² Do jawut, Jesús puexa pejnachala la, japi kaes moxliajwa Jesúsxot. Dolisi, japi kaes mox wut Jesúsxot, jawut Jesús jum-aech pejnachalaliajwa:

—Xamal matabijam asatujnuchanpijiw, Dios naexasis-eli, paklochow, japi tato'al wut, tato'la-el pachaempoxantat. Japi jiw tato'al pamamaxtat asew jiw matabijaliajwas japi kaes pejme paklochowpox. ⁴³ Pelax xamal jasoxtat tato'laximil. Nejmach-aton xam-xot kaes xabich paklonasia wut, japon majt xamal kajachawaesfulaxael. ⁴⁴ Nejmach-aton kaes paklonasia wut xam-xot, japon majt, me-ama esclavo wut, jachiyaxaelon xamalliajwa. ⁴⁵ Ja-aechlap-is xanliajwa. Xan, puexa jiw pakoewkolnan, fulae-enil am-pathatat jiw xan nakajachawaesfulaliajwa. Xanlax fulaekx jiw kajachawaesfulaliajwan, jiw bu'weliajwanbej, wemosliajwan japi babijaxan ispoxan, tux wut cruztat —aech Jesús pejnachalaliajwa.

Jesús boejthutpox itliaklan

(Mt 20.29-34; Lc 18.35-43)

⁴⁶ Jesús, pejnachala suapich, pat Jericó paklowaxxot. Do baxael, japapaklowax nakolaxxot nakolaliajwa wut, xabich Jerico paklowaxpijiwbej nafulchala. Do jaxot kaen itliaklan ek japanuambabu'tat, jiw xaxenapi wuljoeliajwa platafahan. Japon pawul Bartimeo. Japon Timeo paxulan. ⁴⁷ Do jawut, jumtaen wuton Jesús, Nazaret paklowaxpijin, mox xensaxaelpox, jawut, japon itliaklan nejlasful wut, jum-aechfulon:

—Jesús, David pamon, xan nabeltaem! —aechfullison.

⁴⁸ Xabich jiw buxfiachpon boejlach ekaliajwa. Ja-aech wut, itliaklan kaes pejme nejlasful wut, jum-aechfulon:

—David pamon, xan nabeltaem! —aechfulon, nejlasful wut.

⁴⁹ Do jawut, Jesús japox jumtaen wut, nukjabapon. Jum-aechon:

—¡Jum-amde itliaklan xanlel fulaeliajwadin! —aech Jesús.

Do jawut, itliaklan las wut, jum-aechipon:

—¡Nejchachaemilde! ¡Nande! Jesús xam la moxliajwam japon poxade —aechipon.

⁵⁰ Do jawut, itliaklan thuch naxoelax asalelaxach fo'a. Do jawut, nancha wut, moxdepon Jesús poxade. ⁵¹ Jesús wujnachaemt wut, jum-aechon itliaklanliajwa:

—¿Achaxasiamkat xam? ¿Achaxkat isaxaelen xamliajwa? —aech Jesús itliaklanliajwa. Itliaklan jumnot wut, jum-aechon:

—Jiw chanaekabuanan, xan taesian! —aechon.

⁵² Jesús jum-aech:

—¡Xabu'a'de nejmach! Amwutjel xam pachaemam, chiekal naxanaboejtam xot —aech Jesús.

Do jawut, itliaklan chiekal taenlison. Jawutbej, Jesús nakfollison.

11

Jesús patpox Jerusalén paklowaxxot
(Mt 21.1-11; Lc 19.28-40; Jn 12.12-19)

¹ Jesús, pejnachala sʉapich, pat mox Jerusalén paklowaxxot. Japi pat Betfagé paklowaxachxot, Betania paklowaxachxotbej. Jaxot olivonaechan nuil muaxleltat. Jaxot Jesús kolenje pejnachalan wʉajna to'achon. ² To'a wʉt, jʉm-aechon:

—jXabʉa'de japapaklowaxach wʉajnadexot! Jaxotde pa'mach wʉt, taeyaxaelam bur jelti'san, wʉke'taspon. Japabur chinax aton tua-eka-esalfuk. jJolde! Do jawʉt, jnawebʉflaeman! ³ Jaxotpijin xamal wʉajnaechaemt wʉt, jʉm-aech wʉton: '¿Ma-aech xotkat bur joltam?' —aech wʉt, jʉm-amo japon aton: 'Wajpaklon wewe'pas bur. Toet wʉt, pejme wiasaxaelon' —amo japon aton! —aech Jesús, bʉxto'a wʉt kolenje pejnachalanliajwa.

⁴ Do jawʉt, japi kolenje fʉlaechlisi. Patlisi japapaklowaxachxot. Jaxot bafafatabijla bur jelti'san taeni. Bur ke'tas nuamtat. Do jawʉt, joltipon bʉflaeliajwadin Jesús poxadin.

⁵ Do jawʉt, jaxot nuili jʉm-aechi japiliajwa:

—Xamal, ¿achaxkat isam? ¿Ma-aech xotkat bur joltam? —aechi.

⁶ Jesús pejnachala jʉmnot wʉt, jʉm-aechi Jesús bʉxto'aspox. Do jawʉt, jaxot nuili, japi tapaei Jesús pejnachala bur bʉflaeliajwa Jesús poxadin. ⁷ Do jawʉx, japi bʉ'pat wʉt Jesúsxot, tam-owalisi thʉch naxoeipoxan Jesús tua-ekaliajwa. Do jawʉt, Jesús tua-eklison bur. ⁸ Jesús fʉlaeyaxaech poxade, xabich jiw thʉch naxoeipoxan ba'a nuamtat. Asew japixot cha-aelnaedalan tasiapa, pa-ʉafpi, owaliajwa nuamtat Jesús pejwʉajnalel, sitaen xoti Jesús. ⁹ Asew japixot matxoela fol. Asew jiw wʉchakal folbej. Puexa jiw nejlasfʉl, xabich nejchachaemil xoti Jesúsliajwa. Nejlasfʉl wʉt, jʉm-aechfʉlbejpi:

—jAleluya! jAmpon fʉlaenpon Dios pijaxtat! Samata, jxabich pachaempon!

¹⁰ jPachaempon, Israel tʉajnuipijiw pejrey! jAmpon rey chiekal tato'laxael! Me-ama wajwʉajnapijin, rey David, chiekal tato'al wʉt, jachiyaxaelon. jDios, athʉpijin, japon xabich pachaem! —aechfʉli.

¹¹ Jasoxtat Jesús pat Jerusalén paklowaxxot. Dios pejtemplobaxot lech wʉt, puexa chiekal taenpon. Do jawʉt, Jesús nawiat, doce pejnachala sʉapich, Betania paklowaxach poxade, xabich tuila xotliso.

Jesús jʉm-aechpox, higonae baechjil wʉt
(Mt 21.18-22)

¹² Kandiawa wʉt, Jesús, pejnachala sʉapich, nakola Betania paklowaxachxot. Do jawʉt, Jesús litaxaela. ¹³ Atʉajxach wʉt, taenon higonae xabich pa-ʉafpox. Samata, mox taechon, pabaech wʉt tʉsliajwa, xaeliajwabej. Pe mox taech wʉt, japanae xabich pa-ʉafkal, naebaech naboesmatkoiya-el xotfuk. ¹⁴ Do jawʉt, Jesús jʉm-aech higonaeliajwa:

—jKaes naboesaximil! jJiw kaes nejbaech xaeyaxilbej! —aech Jesús.

Pejnachala jʉmtaen Jesús jʉm-aechpox.

Jesús to'apox nakolaliajwa Dios pejtemplobatat mowapi, wʉajtibej
(Mt 21.12-17; Lc 19.45-48; Jn 2.13-22)

¹⁵ Do jawʉt, Jesús, pejnachala sʉapich, pejme pat Jerusalén paklowaxxot. Do jaxotde wʉt, Jesús low Dios pejtemploba. Jaxot Jesús taen jiw mowapi, wʉajtibej. Jesús to'a japi jiw nakolaliajwa tathoetade. Plata xanafokpi pejmesan wefʉliaxabapon. A-u mowapi, japi pejtʉa-ekaxan wewʉlaejababejpon. ¹⁶ Jesús tapae-elbej jiw xaeliajwa pejew Dios pejtemplobatathoetlel. ¹⁷ Naewʉajan wʉt, jʉm-aechon japi jiwliajwa:

—Dios pejjamechan, chajia lespox, jʉm-aech Dios jʉm-aechpox pejtemplobaliajwa: 'Tajba kawʉajnaaba wʉlxaal, pothatapijiw xan nakawʉajnalialiajwa' —aech Dios jʉm-aechpox. Pe xamallax Dios pejtemploba kethaka pejba padofam —aech Jesús.

¹⁸ Sacerdotespaklochow, judíos chanaekabʉanapibej, japi jʉmtaen Jesús jʉm-aechpox. Samata, nakaewa najʉm-aechi: "¿Machiyaxaeskát Jesús boesaliajwas?" —na-aechi

nakaewa. Pe paklochow pejlewla Jesúsliajwa, puexa jiw xabich nejxasink xot Jesús naewuajnapoxan.

¹⁹ Tuila wut, Jesús Jerusalén paklowaxxot nakolt, pejnachala suapich.

Higonae majowpox
(Mt 21.20-22)

²⁰ Kandiawasap wut, Jesús, pejnachala suapich, xena wut, taenlisi higonae. Japanae chiekal majow. Tathinbej chiekal majow. ²¹ Pedro nejchafaet Jesús jum-aechpox higonaeliajwa. Samata, jum-aechon Jesúsliajwa:

—Jiw chanaekabuanan, jnatachaemde higonae! Kaeliw xam jum-ampox higonaeliajwa, diachwuajnakolax ja-aechlisox. Amwutjel chiekal majow —aech Pedro.

²² Do jawut, Jesús jum-aech pejnachalaliajwa:

—¡Dios chiekal xanaboejim japon xamal kajachawaesliajwa! ²³ Diachwuajnakolax xamal Dios chiekal xanaboejam wut, jum-am wut ampamuxaxliajwa: ‘¡Napia'e amxot mar poxamik!’ —am wut, japamux napiasaxael jaxot. Pelax xamal kolenejchaxoelaxam wut Diosliajwa, ja-am wut, japamux napiasaxil. ²⁴ Samata, xamal jum-an. Dios kawuajnam wut, ¡chiekal xanaboejim japon wuljowampoxan xamal chaxduiliajwa! Jasoxtat kawuajnam wut, diachwuajnakolax Dios xamal chaxduiyaxael wuljowampoxan. ²⁵ Xamal Dios kawuajnam wut, nalala wutfuk asan aton ispoxliajwa, ¡xamal japon aton beltaem! Ja-am wut, waj-ax Dios, athupijin, xamal beltaeyaxaelbej babijaxan isampoxanliajwa. ²⁶ Xamal beltae-emil wut asew jiw, Diosbej xamal beltaeyaxil babijaxan isampoxanliajwa —aech Jesús pejnachalaliajwa.

Jesús wuajnachaehtaspox, achan to'aspon choef mowapi nakolax to'aliajwapon Dios pejtemplobatat

(Mt 21.23-27; Lc 20.1-8)

²⁷ Jesús, pejnachala suapich, pejme pati Jerusalén paklowaxxot. Do jawut, Dios pejtemplobaxot laelpi. Jaxot sacerdotespaklochow, judfos chanaekabuanaaribej, ancianosbej, japi mox soepa Jesúsxot. ²⁸ Do jawut, Jesús wuajnachaehtas wut, jum-aechi:

—¿Achankat xam to'am choef mowapi nakolax to'aliajwam Dios pejtemplobatat? —aech paklochow, wuajnachaeht wuti Jesús.

²⁹ Jesús jumnot wut, jum-aechon:

—Xan-is xamal wuajnachaehtasaxaelen asax. ¡Majt chiekal najumno'e! Chiekal najumnotam wut, do jawux, xamalbej jumnosaxaelen xan nawuajnachaehtampox. ³⁰ ¿Achankat Juan to'as jiw bautisaliajwa? ¿Dioskaton to'as? O, ¿jiwkaton to'as Juan bautisaliajwa jiw? ¡Najumno'e! Chiekal najumnotam wut, do jawut, xamal jumchiyaxaelen, achan nato'apoxtat japox xan isx —aech Jesús paklochowliajwa.

³¹ Do jawut, japi nakaewa najum-aechi: “Xatis jumtis wut: ‘Juan Dios to'as jiw bautisafulaliajwa’ —tis wut, Jesús nakjumchiyaxael: ‘¿Ma-aech xotkat xamal naexasis-emil Juan jum-aechpox?’ —nakchiyaxael Jesús xatistiajwa. ³² Jumtis wutlax: ‘Juan jiw to'as jiw bautisafulaliajwa’ —tis wut, japox jumtis wut, jiw xabich palalaxael, puexa jiw jum-aech xot pejnechaxoelaxantat Juanliajwa: ‘Diachwuajnakolax Juan, jiw bautisan, jum-aech Dios buxto'aspoxan’ —aech xoti” —aech paklochow nakaewaliajwa. Samata, japi paklochow xabich pejlewla jumchiliajwa japox Jesúsliajwa.

³³ Do jawut, paklochow jumnot wut, jum-aechi:

—Jalape. Xanal matabija-enil, achan Juan to'as jiw bautisaliajwa —aechi.

Do jawutbej, Jesús jum-aech:

—Xan-is xamal jumchiyaxinil, achan nato'a xan japox isliajwan —aech Jesús paklochowliajwa.

¹ Jesús jiw naewuajan wut, wuajantat jum-aechon: “Kaen aton uva mutha. Do jawux, uvalul chaxajajial ia'tat. Isbejpon uva-ufan jukax uvalulxot. Do jawux, isbejpon japalultat cha-aelbach, athupox, uvalul tataeflaliajwa, uva foi wut. Do jawut, uvalulpijin asew pamakjiwliajwa wuljaet pejlul piach wetataeflaliajwas, japon pejwulela. Japi bu'pat wut, jum-aechon: ‘Xan fulaeyaxaelen asatujnulel atuj. Xan ajinil wut, xamal tajlul chiekal nawetataeflaxaelam’ —aech uvalulpijin. Do jawux, chijjalison.

² “Asamatkoi, uva foi wut, uvalulpijin kaen pamakan to'a, japon wuljaesliajwa uva pej-paklonliajwa. Do jawut, fulaenlison uvalul poxadin. ³ Pe pat wuton uvalul tataefulpixot, japi jaelt fulaenpon uva wuljaesliajwa. Do jawut, baespon. Do jawutbej, ke-etat nawiasax to'aspon. ⁴ Do pejme uvalulpijin asan pamakan to'a. Jawut japon fulaenlison uvalul poxadin. Pat wuton uvalul tataefulpixot, japi jaelt fulaenpon uva wuljaesliajwa. Jawut xabich matnaeboesaspon. Juntisbejpon babejjamechan. Do jawut, ke-etat nawiasax to'ason. ⁵ Do pejme uvalulpijin asan pamakan to'a japon wuljaesliajwa uva. Dolison, pat wut uvalul tataefulpixot, uvalul tataefulpi boesa fulaenpon uva wuljaesliajwa. Do jawut, uvalulpijin asew pamak to'a. Japi pat wut uvalul tataefulpixot, japibej baes. Asew japixot tup, fulaeni uva wuljaesliajwa.

⁶ “Do jawut, uvalulpijin kaen wenamans to'aliajwa. Wenamanspon uvalulpijin paxulan, xabich nejxasinkpon. Do jawut, japon taxdukakolaxtat to'apon paxulan. Uvalulpijin nejchaxoel paxulanliajwa: ‘Uvalul tataefulpi, japi taen wut taxulan nawe-sitaeyaxaelipon’ —aechon uvalulpijin, nejchaxoel wut. ⁷ Pe uvalul tataefulpi taen wuti uvalulpijin paxulan, nakaewa najum-aechi: ‘¡Tae'nik uvalulpijin paxulan! Asamatkoi pax naetup wut, japon pijax wulxael, uvalul. Samata, ma amwut boesaxaeson uvalul wajaxkal chiekal namanaliajwa’ —na-aechi nakaewa. ⁸ Uvalulpijin paxulan pat wut japixot, japi jaeltason. Do jawutbej, boesaspon. Jawut jutipon uvalulxot” —aech Jesús jiw naewetiliajwa.

⁹ Do jawut, Jesús wuajnachaemt jiw naeweti japawuajan. Jum-aechon: “¿Achaxkat xamal nejchaxoelam uvalulpijinliajwa? ¿Achaxkat isaxael uvalulpijin uvalul tataefulpiliajwa? Xan tajut jum-an. Uvalulpijin chakifulaeyaxael uvalul tataefulpi kastikaliajwa, beliajwabejpon. Do pejme asew jiw tataeflax to'axaelon uvalul” —aech Jesús.

¹⁰ Jesús pejme jum-aech:

—Xamal bej xaljowambej Dios pejjamechan, chajia lelspon, jum-aech wut xanliajwa: ‘Jiw ia'ba is wut, kaet ia'tliajwa nakaewa najum-aechi: “Ampot ia't chaemil” —na-aechi ia'tliajwa. Do jawux, asan aton japot ia't fit. Japon jum-aech japot ia'tliajwa: “Ampot ia't, puexa ia'xot, kaes pejme xabich pachaem taxso'tpijtliajwa, ba chiekal mamnikaliajwa” —aechon.

¹¹ Samata, japox xabich pachaem xatisliajwa’ —aech Dios pejjamechan, chajia lelspon, xanliajwa —aech Jesús, jiw naewuajan wut.

¹² Do jawut, paklochow pajut matabija, Jesús jiw naewuajan wut uvalul tataefulpiliajwa, japox jum-aechon paklochowliajwa. Samata, jawut Jesús jaelsasias buflaeliajwas, Jesús jiw jebatat jeliajwas. Pe paklochow pejlwla jiwliajwa. Samata, Jesús waelti tamach. Do jawut, fulaechlisi pejlel.

Impuesto mosaxliajwa, Jesús wuajnachaemtaspon
(Mt 22.15-22; Lc 20.20-26)

¹³ Do jawux, paklochow to'a Jesús poxade, kaesupich fariseos, Herodes pejmupijibej, Jesús asax jum-aech wut, tasalaliajwapi Jesús. ¹⁴ Do jawut, pat wuti Jesúsxot, jum-aechi:

—Jiw chanaekabuanan, xanal matabijax xam diachwuajnakolax chiekal jum-am. Xam buxdala-elbej diachwuajnakolaxpon naewuajnaliam puexa jiwliajwa, nejlewla-el xot jiw nejchaxoelpox xamliajwa. Xam naewuajnam diachwuajnakolaxpon jiw chiekal duilaliajwa, me-ama Dios nejxasink. Samata, xanal matabijaxian. ¿Pachaemkat xatis

mosliajwas impuesto Roma tʉajnpɪjiw tato'lan? ʔMosaxaeskʌt? O, ʔmosaxilsalkʌt? — aech paklochow, wʉajnaeaemt wʉti Jesʉs.

¹⁵ Jesʉs pajut matabijt tasalaxaespoʌ, jʉmnot wʉton asaxtat wʉajnaeaemtaspoʌliajwa. Samata, Jesʉs jʉm-aech japiliajwa:

—ʔMa-aech xotkat xan naxapaejtʌm? ʔNawexalaeman kaekafef xan taeliajwan! — aech Jesʉs.

¹⁶ Do jawʉt, xalaenlisi kaekafef Jesʉslel. Jawʉt Jesʉs wʉajnaeaemt wʉt, jʉm-aechon: —ʔAchan pejxu-aelkat ampakafefʌt? ʔAchan pejwʉlbejkat ama lelspoʌ ampakafefʌt? — aech Jesʉs japiliajwa.

Do jawʉt, japi jʉmnot wʉt, jʉm-aechi:

—Roma tʉajnpɪjiw tato'lan, japon pejxu-ael, pejwʉlbej — aechi.

¹⁷ Do jawʉt, Jesʉs jʉm-aech:

—ʔRoma tʉajnpɪjiw tato'lan, japon pejewpi japon chaxduim, motʌm wʉt impuesto! ʔPe Dios pejewpi, Dios chaxduim! — aech Jesʉs.

Do jawʉt, japi jiw xabich natachaemana, Jesʉs chiekal jʉmnot xot.

Asamatkoi mat-eyaxaespoʌ tʉpi pejme duilaliajwa

(Mt 22.23-33; Lc 20.27-40)

¹⁸ Saduceos asanejchaxoelax. Japi jʉm-aech: “Jiw tʉp wʉt, kaelel chiekal napelt. Asamatkoi mat-eyaxisalbej pejme duilaliajwa” — aechi asbʉan jʉmch. Do asamatkoi, kaesʉapich saduceos pat Jesʉs taeliajwa. Pat wʉti, japi wʉajnaeaemt Jesʉs. ¹⁹ Jʉm-aechi wʉajantat:

—Jiw chanaekabʉanan, Moisés chajia lelpox jʉm-aech: ‘Aton pijow naetʉp wʉt naxʉwla-elaxtat, patʉpan pakoewan naman wʉt, japon japow fisaxael. Ja-aech wʉt, japon naxʉwlael japowtat pakoewan tʉponliajwa’ — aech Moisés chajia lelpox — aechi Jesʉsliajwa.

²⁰ Do jawʉt, japi kaes jʉm-aech: “Kaen aton seis pakoew. Matxoelapijin pawis fit. Pe baxael japon tʉp naxʉwla-elaxtat pijowxot. ²¹ Do jawʉtbej, wʉchakalpijin japow fit. Pe baxael japonbej tʉp naxʉwla-elaxtat japowxot. ²² Puexa japon pakoew, seispi, nadaepti nakjiyaxtat japowtat. Pe chinax kaen japixot naxʉwla-el japowtat. Do jawʉx, taxdukakolaxtat japowbej tʉp. ²³ Tʉpi mat-ias wʉt pejme duilaliajwa, jawʉt sietepixot, ʔachankat pijowaxael japow?” — aech saduceos Jesʉsliajwa.

²⁴ Jesʉs jʉmnot wʉt, jʉm-aechon saduceosliajwa:

—Xamal japox jʉm-am wʉt, nejmach jʉm-am, matabija-emil xot Dios pejjamechan, chajia lelspoʌ, jʉm-aechpoʌ. Matabija-emilbej Dios xajʉppox puexa isliajwa. ²⁵ Tʉpi mat-ias wʉt japi duilaxael Diosxotse. Jaxotse poejiw, watho'bej, pejme nakjiyaxil. Me-ama Dios pej-ʌngeles nakjiya-el, jachiyaxaelbej, tʉpi mat-ias wʉt pejme duilaliajwa. ²⁶ ʔXamalkat xaljoemil Moisés chajia lelpox, tʉpi mat-eyaxaespoʌliajwa pejme duilaliajwa? Japawʉajanxot Dios chajia jʉmdʉt wʉt, jʉm-aechon boejtachnaechxotdin. Jawʉt Dios jʉm-aech tʉpi mat-eyaxaespoʌliajwa pejme duilaliajwa. Do jawʉt, Dios jʉm-aech Moisésliajwa: ‘Xanfʉk amwʉtjel Abraham, Isaac, Jacobbej, japi pejDiosnan’ — aech Dios. ²⁷ Samata, Dios naexasiti matabija, asamatkoi tʉp wʉti pejme duilaxaelpoʌ. Japi chiekal matabijabej, chajia wʉajna tʉpi, japi napels-elpoʌ. Samata, Abraham, Isaac, Jacobbej, japi amwʉtjel duilafʉl Diosxotse. Xamal saduceos chiekal matabija-emil, jʉm-am wʉt: ‘Jiw tʉp wʉt, chiekal kaelel napelt. Tʉpi mat-eyaxisal pejme duilaliajwa’ — am wʉt, — aech Jesʉs saduceosliajwa.

Dios pejtato'laxanxot, masox kaes pejme pachaem

(Mt 22.34-40)

²⁸ Jesʉs chiekal jʉmnot wʉt, saduceos, fariseosbej, jawʉtbej kaen judʉos chanaekabʉanapon jʉmtʌen. Samata, japonbej mox soepan Jesʉsxot wʉajnaeaemsliajwa. Do jawʉt, jʉm-aechon:

—Jiw chanaekabuanan, Dios xabich tato'al jiw naexasisliajwa. ¿Achatato'laxxotkat kaes pejme pachaem Dios tato'alpox jiw naexasisliajwa? —aech judíos chanaekabuanan.

²⁹ Jesús jumnot wut, jum-aechon:

—Ampawuajan kaes pejme pachaem jiw chiekal naexasisliajwa: 'Israel pamojiwam, jumtaem chiekal! WajDios, japon kaen wajpaklokolan. ³⁰ Samata, ¡chiekal nejxasinkde Dios wajpaklokolan! ¡Xabich nejxasinkdebej Dios puexa nejnejchaxoelaxtat! ¡Xabich tanbichfuldebejpon puexa nej pamamaxtat!' —aechox. ³¹ Asawuajan, wuchakal pejwuajan, Dios tato'alpox, japox jum-aechbej: '¡Chiekal nejxasinkde jiw! Me-ama xam najut nanejxasinkam wut, ¡ja-amde asew jiwliajwa!' Kolewuajan, Dios tato'alpoxan, japawuajanxot, do kaes asawuajan ajil, xabich kaes pachaemwuajan —aech Jesús judíos chanaekabuananliajwa.

³² Do jawut, judíos chanaekabuanan jum-aech Jesúsliajwa:

—Jiw chanaekabuanan, xam naksiyam diachwuajnakolaxpox. Dios pejjamechan, chajia lelsopox, jum-aech: 'Dios kaen. Kaes asan Dios ajil' —aechox. ³³ Diachwuajnakolax pachaem xatis Dios chiekal nejxasinkaliajwas puexa wajnejchaxoelaxtat. Pachaembej Dios tanbichliajwas puexa wajpamamaxtat, nejxasinkas xot Dios. Pachaembej asew jiw nejxasinkaliajwas. Me-ama xatis wajut nanejxasinkas wut, jachiyaxaes asew jiwliajwa. Japoxanlap xabich pachaem xatis isliajwas. Japoxlap kaes pejme pachaem Diosliajwa, naexasich wut japoxan. Me-ama choef chabowaspoxan altarmatwuajtat Dios pejofrendaliajwa, jachi-el japoxan —aech judíos chanaekabuanan.

³⁴ Jesús jumtaen wut judíos chanaekabuanan chiekal jumnotpox, jawut Jesús jum-aech judíos chanaekabuananliajwa:

—Xamfuk kaeswapich wewe'p chiekal naexasisliajwam Dios —aech Jesús.

Doliso' jawut, jiw pejlewla kaes asax wuajnachaemsaxtat xapaejsliajwapi Jesús.

Cristo, rey David pamonpox, pe Cristo paklonbej Davidliajwa

(Mt 22.41-46; Lc 20.41-44)

³⁵ Jesús jiw naewuajan wut Dios pejtemplobatat, Jesús wuajnachaemt wut, jum-aechon japi naewetiliajwa:

—¿Ma-aech xotkat judíos chanaekabuananapi jum-aech: 'Cristo nalaelt wut, japon rey David pamonaxael' —aechkat judíos chanaekabuananapi? ³⁶ David pajut jum-aech wut Espíritu Santo pijaxtat, jum-aechon Cristoliajwa:

'Dios jum-aech tajpaklokolanliajwa: "¡Ekde tajpoklalel jiw tato'laliajwam, xan swapich! Ekam wutfuk tajpoklalel, xan malechaxaelen nadaelmajiw. Malechax wut, japi jiw naexasifulaxael xam tato'lampoxan" —aech Dios tajpaklokolanliajwa' —aech rey David chajia lelsot Cristoliajwa.

³⁷ David chajia jum-aechbej Cristoliajwa: 'Tajpaklokolan' —aechon Cristoliajwa. Samata, Cristo, diachwuajnakolax rey David pejpaklokolanpon. Pe Cristo David pamonbej —aech Jesús pajutliajwa, jum-aech wut jiw chiekal jummatajibialiajwa japon Dios paxulanpon.

Xabich jiw nejchachaemil, jumtaen wuti Jesús jum-aechpox.

Jesús jum-aechpox jiw matabijaliajwa fariseos, judíos chanaekabuananapibej, pejbu'wuajanpox

(Mt 23.1-36; Lc 11.37-54; 20.45-47)

³⁸ Jesús pejme jiw naewuajan wut, jum-aechon:

—¡Chiekal taem! Me-ama judíos chanaekabuananapi, ¡nabey ja-aech' xamal! Japi nejxasink pakchownaxoeyaxan jiw chiekal sitaeliajwas. Nejxasinkbejpi jiw saludaliajwas xabich sitaeyaxtat, xabu'kulas wut paklowaxthialaxanxot. ³⁹ Japi judíos naewuajjabachantat wut, wuajna tuachalakaxan nuilpi paklochow kaes sitaenspi chalakaliajwapitat, japatua-ekaxantat japi chalak puexa jiw taeliajwas. Ja-aechbejpi, fiestanxot wut. Japi nejxasink chalakaliajwa kaes pachaempoxantat. ⁴⁰ Japi naekichachajba watho', pamaljiw naetupspi, wenosliajwa japi watho' pejew. Lowpi judíos naewuajjabapiach Dios kawuajnalialiajwa, jiw taens wut jumchiliajwas: 'Diachwuajnakolax ampi jiw

xabich pachaem' —chiliajwas. Samata, Dios xabich kastikaxaesi —aech Jesús judíos chanaekabuñanapiliajwa.

Pamal naetupspow, kejilpow, chaxdutpox ofrenda Diosliajwa
(Lc 21.1-4)

⁴¹ Asamatkoi Jesús mox ek ofrenda jiaxot Diosliajwa, templobatat. Jaxot Jesús taen, jiw jia wut plata. Xabich kimaeya plata xabich jiapi. ⁴² Do jawut, jaxot patbej pamal naetupspow. Japowbej jek kolekafef Dios pej-ofrendaliajwa. Japakafaex, cobrefaex, xabich omjillejen. ⁴³ Jesús japox taen wut, lalison pejnachala kaes moxaliajwadin japonxot. Jaxot wuti, Jesús jum-aech pejnachalaliajwa:

—Diachwujnakolax xan jum-an. Ampow, pamal naetupspow, xabich kejil. Pe Dios kaes pejme nejchachaemil japow pej-ofrendaliajwa. Japow, me-ama kaes pejme chaxdut wut, ja-aechow Diosliajwa. Me-ama puexa asew jiw, chaxduw wut, jachi-elow japow. ⁴⁴ Puexa asew jiw chaxduw ofrenda wenamaspoxantat. Japowlax wewe'paspoxanliajwa, puexa chaxdutow Diosliajwa —aech Jesús.

13

Jesús jum-aechpox Dios pejtemploba toesaxaespoxliajwa
(Mt 24.1-2; Lc 21.5-6)

¹ Jesús nakolt wut templobaxot, kaen pejnachalan jum-aech:

—Jiw chanaekabuñan, itae'nik Dios pejtemploba, asabachanbej! Japabachan xabich chimiabachan! Japa-ia'bej xabich pinanul! —aech Jesús pejnachalan.

² Jesús jum-aech:

—Xamal taenampi, pinabachan, japoxan asamatkoi chiekal toesaxaes. Asatujnuchanpijiw japabachan toesaxael. Dios pejtemplobabej toesaxaeli. Japox ja-aech wut, kaet ia't namanaxil nakae-ia'tmatwujtat —aech Jesús.

That toepax mox pawujna wut, majt matxoela jachiyaxaelpoxan
(Mt 24.3-28; Lc 17.22-24; 21.7-24)

³ Do jawux, Jesús, pejnachala suapich, fulaech Olivonaechanmuaax poxade. Japamuaax Dios pejtemplobatabijla ek. Jaxotde pa'a wut, Jesús ek, pejnachala suapich. Pedro, Santiago, Juan, Andrés, japi piakal wut, wujnachaemti Jesús. ⁴ Jum-aechi Jesúsliajwa:

—Jiw chanaekabuñan, xanal chiekal nachanaekabuñanim! ¿Maswutkat japox jachiyaxael, xam jum-ampox Dios pejtemplobaliajwa? ¿Achaxankat taeyaxaes, mox pawujna wut, xam jum-ampoxan jachiliajwa wut? —aechi.

⁵ Jesús jumnot wut, jum-aechon:

—Chiekal taem asew jiw xamal naekichachajbasamata! ⁶ Xabich jiw pasaxael, me-ama xan. Japi pajut najumchiyaxael: 'Xan Cristowan' —nachiyaxaeli. Pe japi Cristowaxil. Xabich jiw naexaxisaxaesi, japi naekichachajba wut.

⁷ "Asamatkoi xamal wultaenam wut soldaw xabich nabapox mox, o, atuj, xamal nabej nejlewlé! Japoxan majt jachiyaxael, mox pawujna wut that toepaliajwa. Ja-aech wut, that toepax pasaxilfuk. ⁸ That toepax wujna, xabichaxael nabewujjan. Nakaetujnupijiw nabeyaxael, nakaetujnupijiw suapich. Japoxan majt jachiyaxael asatujnuchannel. Kaetujnupijiw nabeyaxaelbej, asatujnupijiw suapich. Japox majt jachiyaxael asatujnulel. Asatujnulel xabich sat najaesaxaelbej potujnucha. Naxaeyaxan xabich ajilaxaelbej. Majt japoxan jachiyaxael, nabijasax tudusaxael wut jiw xabich nabijasliajwa. Me-ama watho' naxawlaliajwa wut, xabich wexaenkas, jachiyaxaelbej, japox tudut wut, jiw nabijasaxaelpox.

⁹ "Xamal najut chiekal natataefulde! Asew jiw xamal buflaeyaxael paklochow poxade. Japi xamal kastikaxael judíos naewujnabachanxot. Nuilaxaelam paklochow pejwujnalel, tajnachalwam xot. Jaxotam wut, xamal naksiyaxaelam xanliajwa.

¹⁰ Matdukamatkoi wujna, potujnucha xamal naewujjanaxaelam chimiawujjan, Dios

jiw bu'weyaxaelpox. ¹¹ Xamal buflaech wuti paklochow poxade, xabich nabej ne-jchaxoele' jaxot naksiyaxaelampoxanliajwa! Jawut naksiyaxaelam Dios buxto'apoxan xamal naksiyaliajwam. Najut nijaxtat naksiyaximil. Naksiyaxaelam Espiritu Santo pijaxtat. ¹² Japamatkoiyan, xamal tajnachalwam xot, asey jiw xamalxot, pakoewkola buflaeyaxaes paklochow poxade, jaxotde beliajwas. Asey jiwbej xamalxot, paxjiw, o, penjiwbej, buflaeyaxaes paklochow poxade, jaxotde beliajwas. Asey jiwbej xamalxot, paxi buflaeyaxaes paklochow poxade, jaxotde beliajwas. ¹³ Puexa jiw xamal nejweslaxael, tajnachalwam xot. Pe kofa-emil wut Dios xanaboejampox, ja-am wut, hasta tupam wut, Dios xamal bu'weyaxael.

¹⁴ “¡Xaljowpon nej matabijs ampox! Xamal xaljowam wut, xhiekal matabijim! Xamal taenam wut xabich babejolan Dios pejtemplobatutat, jaxot tapaeyaxisalpon leliajwa, jaxot wutlison, ja-aech wut, ¡puexa Judea tuajnapijiw nej dukpe pinamuxan poxade! ¹⁵ Do jawutbej, jiw nuili bachanmatwujtat, baloek wut, ¡nej le-ele' pejbachan poxade pejew jukaliajwa, xadukpaliajwabejpi!

¹⁶ “Do jawutbej, jiw nabisti pejlulantat, ¡do jaxot kaweta kamta atuaj nej dukpe! ¡Japi kaxa nej nawe-eledin pejbachan poxadin, pejew ponan wuljaesliajwa! ¹⁷ Do jawutbej, watho', moejowpi, yamxi mitan miati, japi watho' xabich nabijasaxael. ¹⁸ Dukpam wut xabich nabijasasamatam, ¡Dios kawujnafulde japox pasasamata, iama wut! ¹⁹ Dios that is wut, amwutjelbej, jachi-ellejen japanabijasax. Japamatkoiyantat xabich kaes nabijasaxaelam. ²⁰ Nabijasmakoiyan piachaxael wut, jiw xajupaxil boejtaliasfulaliajwa. Samata, Dios tapaeyaxil piach, pejiw xabich nabijasliajwa. Jachiyaxael, Dios makanot wut Dios nejxasinkaspi.

²¹ “Asey jiw xamalxot jum-aech wut: ‘¡Tae'nik Cristo!’ o, asey jiw jum-aech wutbej: ‘¡Jaxotde Cristo!’ —aech wutbej, ¡nabej naexasis! ²² Matxoela fulaeyaxaen naekichachajbapijiw. Japi pasaxaen, me-ama Cristo. Pe japi Cristowaxil. Asey jiw pasfulaxael, me-ama Dios pejprofetas. Pe japi Dios pejprofetakolaxil. Japi isaxael koechaxan, japoxantat japi jiw naekichachajbaliaw. Naekichachajbasiabejpi jiw, Dios naexasiti, japi jiw kofaliajwa Dios xanaboejapoxan. ²³ ¡Chiekal taem! Xan ampox jum-an xamal chajia chiekal matabijaliajwam, asamatkoi xamal naekichachajbasamata japi jiw” —aech Jesús pejnachalaliajwa.

Jesús, puexa jiw pakoewkolan, pejme kaxaxoekpox
(Mt 24.29-35, 42-44; Lc 17.26-36; 21.25-36)

²⁴ Jesús pejme jum-aech pejnachalaliajwa:

—Nabijasmakoiyan toep wut, juimt matkoipijinn kamta kuatlaxael. Juimt madoipijinbej itliakaxil. ²⁵ Ithaejanbej natacholnaxael. Puexa thatbaxotatibej xabich nachoelaxael. ²⁶ Do jawut, xan, puexa jiw pakoewkolnan, athulelsik fuloekx wut itloejentat, jiw xan nataeyaxael, paskax wut, puexa jiw tato'laliajwan. Do jawut, itliakaxaelen Dios pijaxtat. ²⁷ Do jawutbej, xan to'axaelen tejew ángeles, pin-iakola, japi pothata xajupaliajwa. Japi buflaeyaxaen jiw xanlel, xan makanotxpikal.

²⁸ “¡Chiekal nejchaxoelde, taenam wut higona! Higonae pajel-uaf nakola wut, ja-aech wut, xamal matabijam waech mox pawujnapox. ²⁹ Jachiyaxaelbej japoxan taenam wut, xan jum-anpoxan. Matabijaxaelam xan mox tawujnapox pejme pasliajwan puexa jiw tato'laliajwan, taj-ax Dios suapich. ³⁰ Diachwujnakolax xan jum-an. Puexa xan jum-anpoxan diachwujnakolax jachiyaxael. Asey jiw xamalxot japoxan taeyaxael, laelpifuk ampathatat. ³¹ Thatbaxo, ampathatbej, toepaxael. Pelax tajjamechan toepaxil. Xan jum-anpoxan, japoxan diachwujnakolax jachiyaxael.

³² “Puexa jiw matabija-el xan pasaxoekanmatkoi. Dios pej-ángelesbej matabija-el japox. Xanbej, Dios paxulnan, matabijs-enil japox. Kaen taj-ax Dios matabijt.

³³ “Samata, xamal najut chiekal natataefulde! ¡Pomatkoicha nawujnawesfuldebej, xamal matabija-emil xot xan pasaxoekanmatkoi! ³⁴ Xan pejme fuloekx wut athulelsik, me-ama kaen aton pejba naechijia wut, pejme kaxa nawia'an, xanbej jachiyaxaelen.

Japon aton tamach waelapon pamak pejbatat. Pamak kaenanula bichax chaxduwpon. Jum-aechon kaen pamakanliajwa: ‘¡Tajba chiekal nawetataefulde, nawuaj nawetam wut tajpasax!’ —aech aton pamakanliajwa. Do jawux, chijialison atuj. ³⁵ Xamalbej nawuaj nawetam wut, ¡me-ama ba tataeflan, ja-amsfulde xamal! Japon pomatkoicha ba chiekal tataeflaxael, matabijs-el xoton, maswut bapijin pejme pasaxael. Bej pasaxaelbejpon kali ax, o, pinmadoitat, o, nalianawuajna. O, pasaxaelon kandiawasap. ³⁶ Pamakan matabijs-el, maswut pejpaklon pasaxael. Samata, pomatkoicha chiekal wuaj nawesful, pejpaklon pat wut nejchachaemlialijwa japilialijwa. Pejpaklon chamatpasaxisal pamakan chiekal wuaj nawesfula-esalpoxtat. ³⁷ Xamal jum-anpox, jum-anbej puexa asew jiwliajwa. ¡Chiekal nawuaj nawesfulde!” —aech Jesús pejnachalialijwa.

14

Judíos paklochow nejchaxoelpox jaelsliajwapi Jesús

(Mt 26.1-5, 14-16; Lc 22.1-2; Jn 11.45-53)

¹ Kaewaechful wut, judíos is Pascuafiesta nejkiowasamata pejuwajnapijiw nakolapox Egipto tuajnu xot. Japafiestamatkoijan wut, judíos isbej asafiesta. Pan puthla-elpi xael, japafiesta wut. We'p wutfuk kolematkoije judíos tuadusliajwa Pascuafiesta isax, jawut sacerdotespaklochow, judíos chanaekabuanapibej, natameja piakal. Japi jaelsasia Jesús naekichachajbapoxtat boesaliawapi Jesús. ² Do jawut, nakaewa najum-aechi:

—Japox isaxisal fiestatat. Japox isas wut, jiw xabich palalaxael xatisliajwa. Ja-aech wut, jiwbej chamamosaxaelbej Jesús —na-aech paklochow nakaepaklochowliajwa.

Pawis perjumamintat matnaechafanpox Jesús

(Mt 26.6-13; Lc 7.37-38; Jn 12.1-8)

³ Jesús Betania paklowaxxot wut, paton Simón pejbatat. Japon Simón majt leprawaxae waechpon. Japabatat Jesús xael wut, kaeow atow xapat perjumamint batiajtat. Japabatiajt isas ia't, pawulpot alabastro. Japaperjumamint xabich ommaenk. Isas nardokal. Do jawut, batiajtwathit jalnatow. Do jawut, japow ta'chafan Jesús. ⁴ Asew jiw japixot japox taen wuti, palalapi japowliajwa. Do jawut, nakaewa najum-aechi:

—¿Ma-aech xotkat japow tabejt perjumamint? ⁵ Japaperjumamint xabich ommaenk. Japaperjumamint mowas wut, xabich plata kanaxaes, me-ama trescientos denarios. Ja-aech wut, japaplata chaxduiyaxaes kejila —na-aechi nakaewa.

Jasoxtat jum-aechipow, tabejt xotow perjumamint japontat.

⁶ Do jawut, Jesús japox jumtaen wut, jum-aechon:

—¡Nej ja-aeché! ¿Ma-aech xotkat japox jum-am japowliajwa? Japow japox is wut, pachaem xanliajwa. ⁷ Pomatkoicha xamalxotaxael kejila kajachawaesliajwam. Kejila kajachawaesiasiam wut, kajachawaesaxaelam nejmachmatkoitat. Pelax xan piachaxinil xamalxot. ⁸ Japow japox is wut, ispow xajuppoxtat. Japow perjumamintat nata'chafan wut, nachawuajna chaemt xan tajpatupaxliajwa namuthsliajwapox. ⁹ Diachwuajnakolax xan jum-an. Tajnachala potuajnu cha jiw naewuajan wuti chimiawuajan, tajwuajan, asew jiw naexasit wut bu'welajwas, do jawutbej, tajnachala jumchiyaxael japow ispoxlialijwa xanliajwa. Jasoxtat puexa jiw nejchaxoelaxael japowliajwa —aech Jesús pejnachalialijwa.

Judas Jesús padaelman nadofapox

(Mt 26.14-16; Lc 22.3-6)

¹⁰ Kaen Jesús pejnachalan, Judas Iscariote, japontat dosanpon, japon fulaech sacerdotespaklochow poxade nospaeliawapon, japi suapich, asamatkoi Jesús wiasliawapon japixot. ¹¹ Paklochow japox jumtaen wut, xabich nejchachaemil. Do jawut, jum-aechi Judasliajwa:

—Jesús wiatam wut xanalxot, xanal mosaxaelen —aechi.

Do jawux, Judas wuaj nawet, ma ipachaemdo', japamatkoitat wiasliawapon Jesús padaelmajiw xot.

Jesús xaelpox, pejnachala swapich, Pascuafiestanaxaeyax
(Mt 26.17-29; Lc 22.7-23; Jn 13.21-30; 1 Co 11.23-26)

¹² Matxoelamatkoi fiesta wut, judíos xael wut pan puthla-eli, japamatkoi patlisox. Japamatkoi ovejas jelti'tpi xua'at xaeliajwa. Jawut Jesús wuajna chaemtas pejnachala. Japi jum-aech Jesúsliajwa:

—¿Ampalelkat xanal naxaeyax isaxaelen Pascuafiestanaxaeyax xanal nabu'xaeliajwam? —aechi.

¹³ Do jawut, Jesús to'a wut kolenje pejnachalan, jum-aechon:

—¡Xabua'de Jerusalén paklowax poxade! Jaxotde kaen aton faenaxaelam, mint xafolpon. ¡Japon aton fulfalaem! ¹⁴ Lech wut ba, jum-amo japabapijin: 'Jiw chanaekabuanan jum-aech: ¿Ampabatutkat xan tajnachala bu'xaeyaxaelen Pascuafiestanaxaeyax?' —aech jiw chanaekabuanan —amo bapijin! ¹⁵ Do jawut, bapijin xamal itpaeyaxael athu pejpiezax, japabatu pinjiyax. Chajia wuajna chiekal chaemtas. Jaxot naxaeyax xamal isaxaelam xatisliajwa —aech Jesús, pejnachala to'a wut.

¹⁶ Do jawut, Jesús kolenje pejnachalan fulaechlisi Jerusalén paklowax poxade. Jaxotde pa'a wuti, puexa, me-ama Jesús chajia jumtispi, japox ja-aech. Samata, jaxot islisi naxaeyax Pascuafiestaliajwa, Jesúsliajwa, a sew pejnachalaliajwabej.

¹⁷ Tuila wut, Jesús, pejnachala swapich, pat japabaxot. ¹⁸ Do jawut, xael wut, Jesús jum-aech:

—Diachwuajnakolax xan jum-an. Kaen xamalxot, xan swapich xaelpon, japonlap xan nawiasaxael tadaelmajiwxot —aech Jesús.

¹⁹ Pejnachala japox jumtaen wut, xabich nejxaejwas. Samata, kaenanula wuajna chaemtas wut, jum-aechi Jesúsliajwa:

—¿Xankatlap wiasaxaelen xam? —aechi Jesúsliajwa.

²⁰ Jesús jumnot wut, jum-aechon pejnachalaliajwa:

—Kaen, xamalxot dosampim, japonlap xan nawiasaxael tadaelmajiwxot. Kaepaftat, xan swapich, panax taxthotpon, japonlap xan nawiasaxael tadaelmajiwxot. ²¹ Xan, puexa jiw pakoewkolnan, naboesaxaeli. Me-ama Dios pejjamechan chajia jum-aech xanliajwa, diachwuajnakolax japox jachiyaxael. Pe nawiasaxaelon tadaelmajiwxot, japonliajwa kaes pejme chaemilaxael. Kaes pejme pachaemaxael, japon nalaels-el wut ampathatat —aech Jesús pejnachalaliajwa.

²² Japi xael wut, Jesús panax fit. Do jawut, Jesús Dios kawuajan wut, jum-aechon: "Ax, gracias-an xanal pan nachaxdutampoxliajwa" —aech Jesús, Dios kawuajan wut. Do jawut, Jesús jalkaful pan, pejnachala kexadiasliajwa. Chaxduwpon pejnachala xaeliajwa. Do jawut, Jesús jum-aech:

—¡Xaem ampapan! Japox, me-ama tajwit —aech Jesús.

²³ Do jawut, Jesús copa chafit puexa pejnachala fiaflaliajwa. Do jawut, jum-aechon Diosliajwa: "Ax, gracias-an ampotliajwa nachaxdutampot" —aech Jesús pax Diosliajwa. Do jawut, japot chaxdutlison japi puexa kaenanula fiaflaliajwa. Do jawut, japi kaenanula puexa fiaful. ²⁴ Jesús jum-aech pejnachalaliajwa:

—Ampot vino, me-ama tajjal. Xan tux wut puexa jiwliajwa, tajjal nakolaxael. Japox jiw naexasit wut, beltaeyaxaes babijaxan ispoxanliajwa tajjal pijaxtat. ²⁵ Diachwuajnakolax xan jum-an. Pejme feyaxinil vino ampathatat. Dios puexa pejiw tato'almatkoi pat wut, japamatkoi pat wut, pejme pajelt vino feyaxaelen Diosxotse —aech Jesús pejnachalaliajwa.

Pedro xanaliyaxaelpox Jesús pejnachalanpoxliajwa
(Mt 26.31-35; Lc 22.31-34; Jn 13.36-38)

²⁶ Jajuiyax buxtoet wut salmos, fulaechlisi Olivonaechanmuaax poxade. ²⁷ Jaxotde pa'a wut, Jesús chajia jum-aech pejnachalaliajwa:

—Xamal nasalaxaelam nejlel, puexa kofaxaelam xot xan naxanaboejampox. Jasox jum-aech Dios pejjamechan, chajia lels wut xanliajwa: ‘Boesaxaes ovejas tataefulpon. Ja-aech wut, pejew ovejas nasalaxael pejlel’ —aech Dios pejjamechan xanxot xamal nasalali-ajwampox. ²⁸ Xan naboesa wuti, do jawux, Dios namat-esaxael pejme dukaliajwan. Do baxael, xamal wuajna xan pasaxaechan Galilea tuajnuaxotde —aech Jesús, chajia jum-aech wut pejnachalaliajwa.

²⁹ Do jawut, Pedro jum-aech:

—Puexa asew nejnachala kofa wut pejxanaboejaxan xamliajwa, xanlax kofsaxinil tajx-anaboejsax xamliajwa. Xan nakiowa xam xanaboejsfulaxaelen —aech Pedro Jesúsliajwa.

³⁰ Jesús jumnot wut, jum-aechon Pedroliajwa:

—Diachwuajnakolax xan jum-an. Ampamadoitat kawaema nejlae-el wutfuk koleveces, xan naxanaliyaxaelam wut, jumchiyaxaelam tres veces: “Xan japon aton matabijs-enil” —chiyaxaelam xanliajwa —aech Jesús Pedroliajwa.

³¹ Pedro pejme jum-aech nejthu'axtat:

—Lach nejmachjiw najum-aechal wut xanliajwa: ‘Xam boesaxaelen, Jesús pejnachal-nam xot’ —na-aechal wut, xan tajut xanaliyaxinil —aech Pedro.

Puexa Jesús pejnachala japox kaeyax jum-aechi, Pedro matxoelajum-aechpox.

Pawulxot, Getsemaní, Jesús Dios kawuajanpox

(Mt 26.36-46; Lc 22.39-46)

³² Do jawut, Jesús, pejnachala swapich, pat Getsemaníxot. Jaxotde pa'a wut, jum-aechon pejnachalaliajwa:

—¡Amxot chalakde! Xan wuajnaxaechan taj-ax Dios kawuajnalialjwan —aech Jesús.

³³ Jesús buflaech Pedro, Santiago, Juanbej. Do jawut, Jesús xabich nejxaejwas. Xabich nejchaxoelbejpon japon tupaxaelpoxliajwa. ³⁴ Jesús jum-aech pejnachalaliajwa:

—Xan xabich nanejxaejow. Nejxaejwaxtat, me-ama tupasian wut, ja-an. ¡Amxot chalakde! ¡Naliasfuldebej! ¡Nabej moejs! —aech Jesús pejnachalaliajwa.

³⁵⁻³⁶ Do jawut, Jesús tamach kaes atuxaxach fulaech. Jaxotde brixtat nuk wut, sat makxabijindikon. Nejxasinka-elon japanabijasax moxpox japonliajwa. Samata, pax Dios kawuajan wut, jum-aechon: “Ax, xam xajupam puexa isliajwam. Xanliajwa asax isasiam wut, ¡nabu'wem nabijasaxaelenpox! ¡Pe nabej is xan nejxasinkaxpox! ¡Isde xam nejxasinkampox!” —aech Jesús, pax Dios kawuajan wut.

³⁷ Do jawut, Jesús kaxade pejnachala poxade. Pe Jesús pejnachala nakiowa moejt Jesús wuajna. Japixot pat wut, jum-aechon Simón Pedroliajwa:

—Simón, ¿ma-aech xotkat nakiowa moejtam? ¿Xamalkat xajupa-emil naliasliajwam kaehora? ³⁸ ¡Naliasfulde Dios kawuajnalialjwam! Ja-am wut, Dios xamal kajachawae-saxael babijax isasamatam. Nejnejchaxoelaxantat isasiam pachaempoxan, xan jum-anpoxan. Pe nejbu'an chiekal mamnika-el japoxan isliajwam —aech Jesús Pedroliajwa.

³⁹ Pejme Jesús kaxade Dios kawuajnalialjwa. Majt kawuajanpox, pejme japox jum-aechon. ⁴⁰ Jesús buxtoet wut, pejme kaxadin wut, pejnachala nakiowa moejtfuki. Asbuan jumch moejti, xabich itmoejsla xot. Matabija-eli jumchiliajwa, padala xoti. ⁴¹ Jesús pejme kaxade Dios kawuajnalialjwa. Do jawux, pejme kaxadin wut pejnachala poxadin. Pat wuton japixot, japi nakiowa moejti. Do jawut, jum-aechon:

—¿Xamalkat moejtam, damlam xot? ¡Nadoklado' moejsax! Amwut xan, puexa jiw pakoewkolnan, nawiasaxael babejchowxot. ⁴² ¡Nanim! ¡Chijias amxot! Mox fulaenlison xan nawiasaxaelon tadaelmajiwxot —aech Jesús.

Jesús jaeltaspox padaelmajiw

(Mt 26.47-56; Lc 22.47-53; Jn 18.2-11)

⁴³ Jesús naksiya wutfuk, Judas pat. Japon kaen Jesús pejnachalan, japontat doce. Xabich bu'paton jiw. Japi xafol espada, iwabej. Japi jiw fulaen, to'as xoti sacerdotepaklochow, judíos chanaekabuanaapibej, judíos-ancianosbej. ⁴⁴ Judas, wiasaxaelon Jesús padaelmajiwxot, japon chajia chiekal chanaekabuana japi jiw chiekal matabijaliajwapi

Jesús. Jəm-aechon: “jJaelde xan xusuiyaxaelenpon! jChiekal bŭflaem wesamatapon!” — aech Judas, chanaekabŭana wŭt japi jiw chiekal matabijaliajwa, achan Jesús. ⁴⁵ Do jawŭt, Judas mox soepan wŭton Jesúsxot, kejacha wŭt, jəm-aechon Jesúsliajwa:

—jTajpaklon, xan patx! —aech Judas.

Do jawŭtbej, xusuwpon Jesús. ⁴⁶ Jawŭt Jesús jaeltas bŭflaeliajwas.

⁴⁷ Do jawŭt, Jesús pejnachalan, mox jaxot nukpon, jukcha pej-espada. Jawŭt nabichan cho'chikchapon. Cho'chikchaspon nabist sacerdotespaklokolanliajwa. ⁴⁸ Jesús jəm-aech japi jiwliajwa:

—jMa-aech xotkat espada xafolam, iwabej, xan najaelsasiam wŭt? jXankat, me-ama babejnan wŭt, kabŭan-an xamalliajwa? ⁴⁹ Kaematkoisful xamal naewŭajna x Dios pejtemplobatat. Jaxot najaels-emil, Dios tapae-el xotfuk xamal. Dios pejjamechan profetas chajia lelpox, jaxot chajia jəm-aech japox jachiliajwa xanliajwa. Samata, ja-aechlisox —aech Jesús.

⁵⁰ Do jawŭt, Jesús pejnachala puexa dŭkplisi asalel. Jesús tamach waeltas. ⁵¹ Jawŭt kaen pansian atuaxach wŭlchakal fol, Jesús jaeltas wŭt. Japon, wŭchakalfolpon, naxkiat sábanabŭ'. Japonbej jaeltas. ⁵² Jaeltas wŭt, pejsábana wejaeltaspon. Jawŭt pejsábana jolchapon. Dolison bŭ'jəmchawiapon.

Jesús nukpox judíospaklochow pejwŭajnalel

(Mt 26.57-68; Lc 22.54-55, 63-71; Jn 18.12-14, 19-24)

⁵³ Japi bŭflaech Jesús sacerdotespaklokolan pejba poxade. Jaxotde natameja puexa sacerdotespaklochow, judíos-ancianosbej, judíos chanaekabŭanapibej. (Japi paklochow natameja wŭt, japox pawŭl Junta Suprema.) ⁵⁴ Pedro atuaxach wŭchakal fol, Jesús bŭ'fos wŭt. Wŭchakal paton sacerdotespaklokolan pejbafŭlmaktxot. Jaxot jit naksu'cha-ekon, Dios pejtemploba weti ŭapich.

⁵⁵ Do jawŭt, sacerdotespaklochow, puexa judíos-ancianosbej, japi taesia Jesús tŭppox. Samata, japi nakaewa nawŭajnaemti, Jesús pejbŭ'wŭajan wŭt boesaliajwapi Jesús. Pe faena-eli Jesús pejbŭ'wŭajanpox tasalaliajwapi. ⁵⁶ Xabich jiw kichachajba Jesús tasalaliajwas. Japi wŭajan chapaei wŭt, chiekal kaeyax chapae-eli, kichachajba xoti. ⁵⁷⁻⁵⁸ Asew jiw nana wŭt, jəm-aechi:

—Xanal jəmtaenx, Jesús jəm-aech wŭt: ‘Xan Dios pejba, jiw ispox, toesaxaelen. Do jawŭx, tres matkoi wŭt, xan asaba isaxaelen, jiw isaxilox’ —aech wŭton —aechi Jesúsliajwa.

⁵⁹ Jesús jəm-aechpox japi chapaei wŭt, chiekal kaeyax pae-eli.

⁶⁰ Do jawŭt, sacerdotespaklokolan nanton puexa jiw pejwŭajnalel, wŭajnaemsliajwapon Jesús. Do jawŭt, wŭajnaemti wŭt, jəm-aechon Jesúsliajwa:

—jMa-aech xotkat xam jəmnos-emil? jDiachwŭajnakolaxkat japi jəm-aechpox xamliajwa? —aech sacerdotespaklokolan.

⁶¹ Jesús boejlach nuk. Jəmnos-elon wŭajnaemtaspo x. Sacerdotespaklokolan pejme wŭajnaemti wŭt, jəm-aechon Jesúsliajwa:

—jXamkat Cristowam, Dios to'asponam jiw bŭ'welialja? jXamkatlap Dios paxŭnambej? —aechon.

⁶² Jesús jəmnot wŭt, jəm-aechon:

—Diasdo'. Xanlap japonan. Xan, puexa jiw pakoewkolnan, xan ekaxaelen taj-ax Dios pejpoklalel. Japon pamamakolan. Jaxotse xan ekaxaelen, taj-ax ŭapich, jiw tato'laliajwan wŭt. Xamal japox taeyaxaelam, xan fŭloekx wŭt athŭlelsik itloejentat —aech Jesús.

⁶³ Do jawŭt, sacerdotespaklokolan pijax, naxoelax, thiakchapon, xabich palala xot Jesúsliajwa, jəmtaen xoton Jesús jəm-aechpox. Do jawŭt, jəm-aechbejpon:

—Kaes asew jiw nakwewe'pa-el ampon aton tasalaliajwas. ⁶⁴ Xamal najut chiekal jəmtaenam, ampon aton jəm-aech wŭt Dios nejweslapox. jXamal achax nejchaxoelam ampon aton jəm-aechpoxliajwa? —aech sacerdotespaklokolan.

Do jawut, puexa chiekal kaeyax nejchaxoel wut, jum-aechi:

—Ampon aton xabich pejbu'wujjan Diosliajwa. Wewe'pas kastikaliajwas, boesaliajwasbejpon —aechi.

⁶⁵ Asew japixot xuloyapi Jesús. Itfumatakusbejpon. Do jawut, xutulapason kerixtat. Tulapas wut, jum-aechipon:

—Xam Cristowam wut, jum-amde! ¿Achankat xam xutulap? —aechi.

Do jawux, asew, Dios pejtemploba weti, japibej tulap Jesús.

Pedro xanaliapox Jesús matabijtpoxliajwa

(Mt 26.57-58, 69-75; Lc 22.54-62; Jn 18.15-18, 25-27)

⁶⁶ Do jawut, Pedro bafalmaktat nuk wut, kaewow atow pat Pedro nukxot. Japow sacerdotespaklokolan tanbistow. ⁶⁷ Japow taen Pedro jit naksu'chanukpox. Do jawut, chiekal natachaemtow Pedro. Jawutbej jum-aechow:

—Xambej nanamtam, Jesús Nazaretpijin swapich —aechow.

⁶⁸ Pedro pajut naxanalia wut, jum-aechon:

—Xan matabijs-enil xam najum-ampox. Xan japon aton matabijs-enil —aech Pedro.

Do jawut, fulaechlison bafafa poxade. Jaxot atuaxach nuklison laleyaxxot. Do jawut, kawaema nejla. ⁶⁹ Japow pejme taen Pedro. Samata, jum-aechow asew jiw jumtaeliajwas, jaxoti:

—¿Ama kaen nuk, Jesús pejnachalan! —aechow.

⁷⁰ Do jawut, Pedro pejme pajut naxanalia wut, jum-aechon:

—Diachwujnakolax xan japon pejnachalna-enil —aech Pedro.

Do jawux, jaxot nuili jum-aechbej:

—Diachwujnakolax xam Jesús pejnachalnam. Xambej Galilea tuajnujnam —aechi Pedroliajwa.

⁷¹ Pedro jum-aech:

—Diachwujnakolax jumchi-enil wut, ¿Dios xan nej nakastike! Xan matabijs-enil japon aton —aech Pedro, pajut naxanalia wut.

⁷² Do jawut, kawaema pejme nejla wut, jawut Pedro nejchafaet Jesús chajia jum-aechpox, jum-aech wuton: “Kawaema nejlae-el wutfuk kolevecas, xam naxanaliyaxaelam tres veces” —aech Jesús Pedroliajwa.

Do jawut, Pedro xabich nejxaejwas. Jawut xabich nowpon.

15

Jesús nukpox Pilato pejwujnanael

(Mt 27.1-2, 11-14; Lc 23.1-5; Jn 18.28-38)

¹ Nalian wut, sacerdotespaklochow, judíos-ancianosbej, judíos chanaekabuwanapibej, puexa judíospaklochowbej, japi puexa natameja kaeyaxtat chiekal nospaeliajwa. Do jawux, Jesús bu'follisi muaxmatakuyaxtat Pilato poxade. Do jawut, wiatlisipon Pilatoxot.

² Do jawut, Pilato wujnachaemt wut, jum-aechon Jesúsliajwa:

—¿Xamkatlap diachwujnakolax reynam puexa judíoslajwa? —aech Pilato.

Jesús jumnot wut, jum-aechon:

—Diachwujnakolax xanlap japonan, xam najum-amponan —aech Jesús Pilatoliajwa.

³ Do jawut, sacerdotespaklochow nejmachwujnantat xabich tasalapi Jesús. ⁴ Samata, Pilato pejme wujnachaemt wut, jum-aechon Jesúsliajwa:

—¿Xamkat jumtae-emil japi jum-aechpox nejbu'wujjanpoxliajwa? ¿Ma-aech xotkat xam jumnos-emil japi jum-aechpoxanliajwa? —aech Pilato Jesúsliajwa.

⁵ Do jawut, Jesús kaes jumnos-el. Boejlach nuklison. Samata, Pilato xabich nejchaxoela-ek Jesúsliajwa.

Pilato to'apox Jesús kematamatlaliajwas

(Mt 27.15-31; Lc 23.13-25; Jn 18.38-19.16)

⁶ Powaecha, Pascuafiesta wut, Pilato kaen aton nakolsax jitapaei, jiw jebatat jiaspon. Tapaeipon nakolsax judíos wuljowpon. ⁷ Jawut jiw jebatat jiaspixon, kaen japixon pawul Barrabás. Japon, asew swapich, jiw ba, japi chajia naba wut, Pilato pejsoldaw swapich. ⁸ Do jawut, xabich judíos pat Pilato pejbaxot. Pat wut, jum-aechlisi Pilatoliajwa:

—¡Kaen jiw jebatat jiason, tapaem nakolslijwa, me-ama powaecha xam jitapaeyam, Pascuafiesta wut! —aechi Pilatoliajwa.

⁹ Pilato jumnot wut, jum-aechon:

—¿Xamalkat nejxasinkam xan nakolsax tapaeliajwan judíos pejrey? —aech Pilato judioslijwa.

¹⁰ Pilato japox jum-aech, nejchaxoel xoton: “Sacerdotespaklochow wiati xanxot Jesús, japi xabich nusasiawal xot Jesúslijwa” —aech Pilato, nejchaxoel wut. ¹¹ Do jawut, sacerdotespaklochow baxto'a japi jiw wuljoeliajwa Barrabás nakolsax tapaeliajwas. Baxto'a wut, jum-aechi: “¡Jum-amde Pilato: ‘¡Nawoesa nakolsax tapaem Barrabás!’ — amde!” —aech sacerdotespaklochow. Samata, japi jiw wuljoeful Barrabás nakolsax tapaeliajwas. ¹² Pilato jumtaen wut japi jiw wuljoefulpox Barrabás, jawut Pilato japi jiw wuajna chaemt wut, jum-aechon:

—¿Machiyaxaelenkat Jesús, japon pawulpon Judíos Pejrey? —aech Pilato.

¹³ Do jawut, japi nejlasaxtat jumnot wut, jum-aechi:

—¡Japonlax kematamatalde cruztat tupaliajwa! —aech japi jiw, nejlasful wut.

¹⁴ Pilato jum-aech:

—¿Achababijaxkaton is cruztat kematamatlaliajwas? —aech Pilato.

Pe kaes pejme nejlasful wut, jum-aechfullisi:

—¡Kematamatalde cruztat! —aechfuli.

¹⁵ Do jawut, Pilato Barrabás nakolsax tapaei jiw jebaxot, japi jiw palalagamata Pilatoliajwa. Do jawutbej, Pilato keto'a pejsoldaw Jesús selslijwas. Selsax ketoech wut, Pilato keto'abej pejsoldaw Jesús kematamatlaliajwas cruztat.

¹⁶ Do jawut, Jesús bu'fos soldaw Pilato pejbafulmak poxade. Jaxotde puexa soldaw natameja. ¹⁷ Do jawut, xajoelison pakchowax, me-ama rey pijax, jasox. Japox chikjiana pasoe yaxlejen. Do jawut, na-e'la xakoeyax ketoet wut, matlua'lisipon. ¹⁸ Do jawutbej, Jesús pejwujnalel jumtaxaxaelal wut, jum-aechi:

—¡Moi, judíos pejrey! —aechi.

¹⁹ Do jawut, kaenanula soldaw ta'be'balapi naeyatat Jesús. Loyasbejpon. Jesús pejwujnalel brixtat nuili. Me-ama sitaen wut, ja-aechi Jesúslijwa. ²⁰ Dolisi, ketaxaxaelax ketoech wut, joltlisi chikjiana pasoe yax. Do jawut, xajoelison pejme pijaxkolax, naxoelax. Do jawut, bu'folisipon kematamatlaliajwas cruztat.

Jesús kematamatlaspox cruztat

(Mt 27.32-44; Lc 23.26-43; Jn 19.17-27)

²¹ Do jawut, kaen aton fulaen paklowax tathoetlel. Japon pawul Simón. Japon Cirene paklowaxpijin. Paxi pawul Alejandro, asan pawul Rufo. Simón xenslijwa wut, jawut soldaw xato'aspon xalaeliajwa Jesús pijax, cruz, Jesús xafolpox.

²² Japi soldaw buflaech Jesús muax poxade. Japamuax pawul Gólgota. (Gólgota jum-chiliajwa hebreojametat: “Matnaethimux” —chiliajwa.) ²³ Jaxotde Jesús chaxduchlach vino, mirra tanialtaspo, xabich wexaenkasamatas, kematamatlas wut. Pe Jesús fe-el. ²⁴ Do jawut, Jesús kematamatlas cruztat. Pejtukanbej matamatlas. Do jawutbej, soldaw nakakujt ia'xix matabijaliajwa, achan kanaxael kaenanula Jesús pejnaxoe.

²⁵ Juimt atuajsan wut, a las nueve wut, Jesús kematamatlas. ²⁶ Jesús pejta' tabijla tablafach lespox chaduch. Japox jum-aech, ma-aech xot Jesús kematamatlas cruztat. Japox jum-aech: “Ampon judíos pejrey” —aech lespox. ²⁷ Jaxotde kematamatlasbej kolenje kethakan. Kaen chanuk Jesús pejpoklalel. Asan chanuk Jesús pejsoenalel. ²⁸ Jesús cruztat kematamatlas wut, asew kolenje swapich, japox ja-aechlisox, me-ama

Dios pejjamechan, chajia lelspx, jum-aech: “Japon kastikaxaes. Me-ama babejen wut, jakechiyaxaeson” —aechox.

²⁹ Asew jiw, jaxot xaxenapi, jum-aech babejjamechan Jesúsliajwa. Matnaexawiltbejpi. Matnaexawilt wut, jum-aechi:

—Xam chajia jum-am: ‘Dios pejtemploba xan toesaxaelen. Do jawux, tres matkoi wut, xan pejme mat-esaxaelen’ —am xam, chajia jum-am wut. ³⁰ ¡Amwutjel najut nabu'wem! ¡Baloemk cruzxotsik! —aech jiw xaxenapi Jesúsliajwa.

³¹ Do jawut, sacerdotespaklochowbej, judíos chanaekabuanapibej, bu'wujajanpaeipi Jesús. Nakaewa najum-aechi:

—Asew jiw bu'wiapon. Pe pajut xajupa-elon nabu'welijaw. ³² Diachwujajnakolax Cristo wut, Israel tuajnupijiw pejrey wutbej, jamwutjel japon pajut nej baloesk cruzxotsik! Japox xatis taens wut, ja-aech wut, xatis japon naexaxisaxaes diachwujajnakolax japon Cristo —na-aechi nakaewa Cristolijaw.

Japi kolenjebej, cruztat kematamatlaspi, Jesús suapich, japibej bu'wujajanpaei Jesús.

Jesús tuppox cruztat

(Mt 27.45-56; Lc 23.44-49; Jn 19.28-30)

³³ Juimt matnoch ek wut, xabich itkuatnik tres horas. Japox ja-aech wut, ja-aech potujajnucha. ³⁴ Do jawux, a las tres wut, Jesús pinjametat jum-aech: “Eloi, Eloi, ¿lema sabactani?” —aechon pejjametat, hebreojametat. (Japox jumchilijaw: “Ax Dios, ax Dios, ¿ma-aech xotkat xan nakajachawaes-elaxtat nawaeltam tamach?” —chilijawapox.)

³⁵ Asew jaxoti, japox jumtaen wut, jum-aechi:

—¡Jumtaem! Japon wullalat Elías, Dios pejprofeta —aechi.

³⁶ Kaen japixot wuljaet esponja, paputhkax, xathosliajwa vino, xathuyamint. Do jawut, esponja matakupon nae-oeftat Jesús japox suilijaw. Japon jum-aech asew jiw jaxotilijaw: “Taeyaxaes. Elías bej fuloeyaxoekbej kusliajwapon Jesús cruzxotsik” —aechi.

³⁷ Do jawut, Jesús nejlakcha wut, tuplison. ³⁸ Jesús tuj wut, Dios pejtemplobatat pinabu', duchpox batutat, najupathiakchakas athulelsik satleldik. ³⁹ Soldawcapitán Jesús pejuwajnalel nukpon. Taen wuton Jesús tuppox, jawut jum-aechon:

—¡Diachwujajnakolax ampon Dios paxulan! —aech capitán.

⁴⁰ Jaxotbej watho' atuxach nuil. Natachaemapi Jesús. Japixot María. Japow Magdala paklowaxpijow. Asaow pawulpowbej, María, japow José pen, Santiago penbej. Japon Santiago kaes pansian. Jaxotbej asaow, pawulpow Salomé. ⁴¹ Japi watho' Jesús naknanuamt, pejnachala suapich, Galilea tuajnuxot. Japi watho' kajachawaetbejpi Jesús, nanuamt wuti Galilea tuajnuxot. Xabich asew watho' jaxotbej nuil. Japi watho' fulaen, Jesús suapich, Jerusalén paklowax poxadin.

Patupan Jesús ochpox muaxwujat

(Mt 27.57-61; Lc 23.50-56; Jn 19.38-42)

⁴²⁻⁴³ José Arimatea paklowaxpijin. Japon judíospaklochowxot paklonbej, Junta Supremapijin. Japon xabich sitaens. Japon José wujajawet Dios puexa pejjiw tato'laxaelpox.

Napatamatkoi wujajna, japamatkoi puexa jiw chiekal chawujajnaemt napatalijaw. Japamatkoi pawul chawujajnaemsmatkoi. Do jawut, japamatkoi kalix wutlejen, José fulaech Pilato poxade. José pejlewla-el, pat wuton Pilatoxot. José kawujajan Pilato fisliajwapon patupan Jesús. ⁴⁴ Pilato nejchaxoel: “Jesúskas kamta tuj” —aechon, nejchaxoel wut. Samata, Pilato wullala soldawcapitán. Soldawcapitán pat wut, Pilato wujajnaemt wut, jum-aechon soldawcapitánliajwa:

—¿Diachwujajnakolaxkat Jesús tuj? —aech Pilato.

⁴⁵ Soldawcapitán jumnot wut, jum-aechon:

—Diasdo'. Jesús tuplison —aechon.

Do jawut, Pilato to'a pejsoldaw, japi soldaw tapaeliajwapi José xalaeliajwa patupan Jesús. ⁴⁶ Do jawut, José wuajt chimiabu', sávana. Do jawux, José fúlaech patupan chanuk poxade. José pat wut patupan chanukxot, kuwpon Jesús kematamatlaspoxan, tuakmatamatlaspoxanbej, cruztat. Do jawux, José otlison patupan Jesús muaxwuajtat. Do jawut, ia't pinjit, jajaerat, matariamán muaxwuaj fakasliajwa.

⁴⁷ Jawut María Magdalena paklowaxpijow, asaow Maríabej, japow José pen, japi watho' taeni patupan muaxwuajtat ochxot.

16

Patupan Jesús mat-echpox pejme dukaliajwa

(Mt 28.1-10; Lc 24.1-12; Jn 20.1-10)

¹ Do jawux, napatamatkoi toep wut, juimt tujop wut, María Magdalena paklowaxpijow, asaow Maríabej, japow Santiago pen, Salomé suapich, xabejasapan wuajti patupan Jesús joelaliajwa. ² Kandiawasap wut, dominkomatkoiki wut, juimt julan wut, japi watho' fúlaechlisi patupan och poxade. ³ Japi watho' nuamtat fol wut, nakaewa najum-aechi:

—Patupan Jesús ochxot, japawuaj faka'ch ia't, pinjitat. ¿Achankat japot ia't wulnakwe-matariamán xatis leliajwas patupanwuaj? —na-aechi nakaewa.

⁴ Pe pat wuti patupanwuajxot, japi watho' taen ia't fafatat nuka-elpox. Asalelaxach nukox. ⁵ Samata, japi watho' low patupan ochxot. Jaxot kaen pansian taeni. Ekon poklalel. Naxoelox xabich papoeyax. Pakchowaxbejpox. Japi watho' beljow, taen wuti papoeyax naxoelan. ⁶ Do jawut, japon pansian jum-aech:

—¡Nabej belwe! Xan matabijtax, xamal fúlaeman Jesús Nazaret paklowaxpijin taeliajwam, japon kematamatlaxtat cruztat tapon. Pe Jesús mat-echlison. Pejme amwutjel duklison. ¡Taem chiekal ochxot! Amxot ajillison. ⁷ ¡Xabua'de japon pejnachala poxade japi chapaeliajwam! Chapaeyam wut, ¡Pedrobej chapaem! ¡Jum-amopi: 'Xamal wuajna Jesús wuajnaxael Galilea tuajnu poxade. Jaxotde Jesús taeyaxaelam. Me-ama chajia jum-aechon xamalliajwa, jachiyaxaelon' —amopi, chapaeyaxaelam wut! —aech ángel.

⁸ Japi watho' japox jumtaen wut, jaxot nakolapi. Do jawut, dukplisi. Do jawutbej, xabich tathulal, beljow xoti. Chapae-eli asew jiw, xabich pejlewla xoti.

Jesús natulaelt pox María Magdalena paklowaxpijowxot

(Jn 20.11-18)

[⁹ Napatamatkoi toep wut, dominkomatkoiliajwa nalian wut, Jesús mat-ech pejme dukaliajwa. Mat-ech wut, matxoela natulaelton María Magdala paklowaxpijowxot. Jesús, tupa-el wutfuk, siete dep nakolax to'apon japow pejmatpuatxot. ¹⁰ María taen wut Jesús, jawut fúlaechow Jesús pejnachala poxade. Japi wuajna now, nejxaejwas xoti Jesúsliajwa. Jawut María chapaei taenpox. ¹¹ Jum-aechow:

—¡Jesús mat-echlison! ¡Amwutjel pejme duklison! ¡Xan tajut chiekal taenx Jesús! —aechow.

Pe Jesús pejnachala naexaxis-el japow chapaeipox Jesús taenpoxliajwa.

Jesús natulaelt pox kolenje pejnachalanxot

(Lc 24.13-35)

¹² Do jawux, Jesús natulaelt kolenje pejnachalanxot, japi laelp wut paklowax tathoetlel. Jesús natulaelt wut, me-ama asan wut, jakabuan-aechon japixot. ¹³ Do jawux, japi kolenje nawia asew pejnachala poxade chapaeliajwa taenpox. Japibej naexaxis-esal, chapaei wuti Jesús taenpox.

Jesús to'apox pejnachala, japi naewuajnalialjwa jiw

(Mt 28.16-20; Lc 24.36-49; Jn 20.19-23)

¹⁴ Do baxael, Jesús natulaelt once pejnachalaxot, japi naxael wut. Jaxot Jesús lot pejnachala. Lot wut, jum-aechon japiliajwa:

—¿Ma-aech xotkat xamal naexasis-emil? ¿Ma-aech xotbejkat matnaetinkam naexasisliajwam asew jiw, xamalxot nataeni, chapaei wuti xamal: ‘¿Jesús mat-echlison! ¿Amwutjel pejme duklison!’ —aech wut japi jiw? —aech Jesús, lot wut pejnachala.

¹⁵ Jesús pejme jum-aech pejnachalaliajwa:

—¿Xabua'de puexa jiw naewuajnalijwam chimiawuajan, potuajnuhanpijiw! ¹⁶ Xan nanaexasitpi, japi bautisam Dios bu'welijwas! Asew jiw naexasis-elpi, japilax Dios pelsaxaes infierno poxadik. ¹⁷ Xamal naexasisaxaelpi, japi jiw tajaxtat to'axaeli dep nakolaliajwa jiw pejmatpuatanxot. Naksiyaxaelbejpi asew jiw pejjamechan, majt matabija-eljamechan naksiyalijwa. ¹⁸ Japi jom jaela wut, liklaxisal. Veneno af wutbej, tuxaxili. Jiw bu'xaeya boejthuxaxael, pejke-etat jacha wut —aech Jesús pejnachalaliajwa.

Jesús bu'fospox athu poxase

(Lc 24.50–53)

¹⁹ Do jawux, Jesús wajpaklokolan, naksiyax buxtoet wut pejnachalaliajwa, Dios bu'foslison athu poxase. Ma amwutjel Jesús ek Dios poklalel jiw tato'laliajwa, Dios suapich. ²⁰ Do jawux, Jesús pejnachala follisi potuajnucha jiw naewuajnalijwa. Dolis japi naewuajnalap chimiawuajan, Jesucristo pejuwajan. Ja-aech wut, Jesús kajachawaesful pejnachala. Naewuajan wuti chimiawuajan, isbejpi koechaxan. Samata, jasoxtat xabich jiw matabija chimiawuajan diachwuajnakolaxpox.]

Lucas lelpox Jesucristo pejwajaan

Lucas tuadutpox lelaliajwa Jesucristo pejwajaan

¹⁻² Jesús tuadut wut naewajaanx ampathatat, xabich jiw taenson. Asew japixot taen, Jesús nabijat wut. Taenpi, japi jiw, potuajnucha naewajaan Jesús pejwajaan. Asew jiw jumtaenpi Jesús pejwajaan, japi jiwbej lel jumtaenpoxan, asew jiwbej matabijaliajwa Jesús pejwajaan, japon naewajaanpoxanbej. ³⁻⁴ Xan Lucas wajaanachaemtax jiw matabijapi japawajaan, xanbej chiekal matabijsliajwan. Teófilo, puexa jiw xam sitaenponam, lelx amprawajaan xam chiekal matabijsliajwam Jesús pejwajaan. Lelx wut amprawajaan, nejchaxoelx: “Xan lelx Jesús ispoxanliajwa, Teófilo chiekal matabijsliajwa diachwajaankolaxpox, asew jiw majt naewajaanpoxanliajwa, Jesús pejwajaanliajwa” — an, nejchaxoelx wut.

Dios pej-ángel jum-aechpox nalaelsaxaelpox Juan, jiw nabautisan

⁵ Rey Herodes, Judea tuajnujijiw tato'al wutfuk, japamatkoijan sacerdote duk. Japon pawul Zacarías. Sacerdotesxot kaemut pawul Abías. Zacarías japamutpijin. Pijow pawul Isabel. Japow Aarón pamow. Zacaríasbej Aarón pamon. Judíosxot Aarón chiekal matxoelasacerdote.

⁶ Zacarías, pijow suapich, chiekal pachaempi Diosliajwa. Chiekal naexasisfulbejpi Dios tato'alpox. Samata, chinax kaen aton jumchiyaxisal japiliajwa: “Japi chiekal naexasis-el Dios” —chiyaxisal. ⁷ Pe Isabel xijil, nafoena xot. Japow xabich pati'ow, pamal suapich.

⁸ Zacarías, pejmüt suapich, naliaxa wut nabichliajwa Dios pejtemplobatat, japon fol, pejmüt suapich, nabichliajwa Dios pejbichax. ⁹ Tuadusliajwa wut nabichliajwa Dios pejtemplobatat, me-ama japi pejkabuan, majt natamejapi matabijaliajwa, achan Dios makafisaxaes bowaliajwa incienso. Jawut Zacarías makafich bowaliajwapon incienso. Do jawut, lowpon Dios pejtemploba. ¹⁰ Zacarías incienso bowa wutfuk, xabich judíos Dios kawajaan tathoetlel. ¹¹ Do jawut, Dios pej-ángel chalechkal natulaelt Zacaríasxot. Japon ángel nuk altar poklalel, incienso bowaxot. ¹² Zacarías taen wut ángel, xabich nejchaxoelon. Xabich beljowbejpon. ¹³ Do jawut, ángel jum-aech:

—Zacarías, ¡nabej nejlewlé! Dios xam jumtaen nejkawajaanxan. Nijow Isabel naxwulaxael xam naxulanliajwa. Wuldуйaxaelampon Juanwultat. ¹⁴ Xam xabich nejchachaemlaxaelam naxulanliajwa. Asew jiwbej xabich nejchachaemlaxael, xamal suapich, xaljamch nalaelt wut. ¹⁵ Naxulan xabich pachaemaxael Diosliajwa. Feyaxilon vino. Feyaxilbejpon saxa. Japoch xaljamch nalaelsaxael wut, chanlaelsaxael Espíritu Santo tato'laspox. Samata, japon isfulaxael Espíritu Santo tato'laspoxan. ¹⁶ Asamatkoi japon naewajaan wut, xabich judíos kofaxael babijaxan ispoxan, paklokolan Dioskal naexasisfulaliajwa. ¹⁷ Naewajaanxaelon wajpaklon wajaan Dios pejjamechan jiw jumtaeliajwa. Me-ama chajiakolaxtat profeta Elías Dios pijaxtat jiw naewajaanful wut, jachiyaxaellap-is Juan. Juan naewajaanpoxtat poejiw pejme pachaemaxael, paxi suapich. Jiw, majt Dios naexasis-eli kaenejchaxoelaxaeli, Dios naexasiti suapich. Jasox Juan isful wut, jiw chiekal naexasisfulaxael, wajpaklokolan pat wut —aech ángel, Dios buxto'aspox jumchiliajwapon Zacarías.

¹⁸ Do jawut, Zacarías wajaanachaemt wut ángel, jum-aechon:

—Xan xabich pati'nan. Tajowbej xabich pati'ow. ¿Machiyaxaelenkat xan matabijsliajwan, najum-ampoxan japoch xaljamchliajwa diachwajaankolax wut? —aech Zacarías.

¹⁹ Dios pej-ángel jumnot wut, jum-aech:

—Xan Gabriel, Diosliajwa nabistaxponan. Dios nato'ak xam jumchiliajwan japox. ²⁰ Xam naexasis-emil xot xan jum-anox, ma amwut xam buxwajaanjilaxaelam. Hasta xan jum-anox pat wut naxulanliajwa, jawut xam pejme naksiyaxaelam —aech ángel.

²¹ Zacarías nospaei wutfuk, ángel suapich, jiw tathoetlel wuajnowet. Nakaewa nawuajnachaeamt wut, jum-aechi: “¿Ma-aech xotkat Zacarías piach kekil nakolsliajwa Dios pejtemplobaxot?” —na-aechi nakaewa. ²² Do jawut, Zacarías nakolt wut, naksiyaxilon. Ja-aech wut, wuajnoweti tathoetat nejchaxoeli: “Zacarías masoxtat bej taenbejpon Dios pej-ángel templobatat” —aechi, nejchaxoel wut. Zacarías pejke-etat jiw chanaekabuanaful, naksiyaxil xotlison. Ja-aechfulon, buxwuajanjil xoton.

²³ Zacarías Dios pejbichax toet wut templobaxot, fulaechon pejba poxade. ²⁴ Do jawux, Zacarías pijow, Isabel, moejow. Cinco juimtje pejbaxot kawetapow. Laeja-elow asalel. Nejchaxoel wut, jum-aechow: ²⁵ “Dios nakajachawaet. Samata, xan moejwax. Amwutjel kaes jiw najumchiyaxil: ‘Japow pawis naxuwilaxil’ —nachiyaaxil jiw xanliajwa, naxuwilaxaelen xot” —aech Isabel, nejchaxoel wut.

Dios pej-ángel jum-aechpox Jesús nalaelsaxaelpox

²⁶ Isabel naxuwilaliajwa wut, tres juimtje wewe'pas wut, Dios to'ak pej-ángel Gabriel Nazaret paklowax poxadik, Galilea tuajnulel. ²⁷ Dios to'ak pej-ángel pawis poxadik, japow pawul María, taeliajwaspow. Japow chinax aton bu'moejs-esal. Chajia jumdutow asamatkoi nakjiyaliajwa, José suapich. Japon José, rey David pamon. ²⁸ Ángel pask María dukxot. Pat wut, jum-aechon:

—¡Moi, María! Dios xabich nejchachaemil xamliajwa. Pomatkoicha Dios xam chalaful —aech ángel.

²⁹ María japox jumtaen wut, xabich nejchaxoelow. Do jawut, pajut najum-aechow: “¿Achax chiyaxaelkat japox, ángel najum-aechpox?” —aechow, nejchaxoel wut. ³⁰ Pe Dios pej-ángel jum-aech Dios buxto'aspox:

—María, ¡nabej nejlewe'! Dios xabich nejchachaemil xamliajwa. ³¹ Mox nawuajna xam moejwaliajwam. Xam naxulchaxael. Japoch xaljamch pawulaxael Jesús. ³² Japon paklonaxael. Tato'laxaelbejpon Dios pijaxtat. Jumchiyaxaeson: “Dios athupijin paxulan” —chiyaxaeson. Wajpaklon Dios pajut wulduiyaxael japon reyliajwa. Me-ama pejuwajnapijin David, jachiyaxaeson. ³³ Japon reyaaxael, Dios pejjiw pomatkoicha tato'laliajwapon. Japon pejtato'lax toepaxil —aech Dios pej-ángel Maríaliajwa.

³⁴ María wuajnachaeamt wut, jum-aechow:

—¿Ma-aech xotkat japox wulja-aech xanliajwa, poi fis-enil wut? —aechow.

³⁵ Ángel jumnot wut, jum-aechon:

—Dios pej-Espíritu Santo fuloeyaxoek xam poxasik, me-ama itloeyen. Do jawut, xam moejwaxaelam Dios pejpamamaxtat. Samata, yamxuch nalaelt wut, Dios pijnaxael. ‘Dios paxulan’ —chiyaxaeson. ³⁶ Nejuwul-atow Isabel, pati'owpow, japow naxuwilaxael. Jiw jumtispow: ‘Japow naxuwilaxil’ —tispow, naxuwilaxael. Japow moejowpox seis juimtjelisox. ³⁷ Dios xajup puexa isliajwa. Ajil Dios xajupaxilpox —aech ángel Maríaliajwa.

³⁸ María jum-aech:

—Xan Dios pamakwan. ¡Dios nej is xam najum-ampox! —aechow.

Do jawux, ángel chijia Maríaxot.

María fulaechpox taeliajwa Isabel

³⁹ Dios pej-ángel chijia wut Maríaxot, do jawut, María thilt. Thilt wut, bichakal fulaechow Judea tuajnulel, muaxan poxade, Isabel dukpaklowax poxade. ⁴⁰ Jaxotde pa'a wut, patow Zacarías pejbaxot. Do jawut, María moi-aech Isabelliajwa. ⁴¹ Isabel japox jumtaen wut, yamxuch, woejtatpoch, xabich nachoela. Do jawut, Isabel jum-aech Espíritu Santo pijaxtat. ⁴² Jum-aechow pinjametat Maríaliajwa:

—Dios is xabich pachaempox xamliajwa. Me-ama asew watho'liajwa, jachi-el Dios. Dios isaxaelbej xabich pachaempox naxulan, nalaelsaxaelponliajwa. ⁴³ Xam tajpaklon penaxaelam. Jachiyaxaelam xot, xan kaes pachaempowa-enil xam nataeliajwam. ⁴⁴ Xam ‘¡Moi!’ —na-am wut, xaljamch, woejtatpoch, xabich nachoela, xabich nejchachaemil xot. ⁴⁵ Xambej xabich nejchachaemlam, naexasitam xot ángel jum-aechpox, Dios pijaxtat jachiyaxaelpox —aech Isabel Maríaliajwa.

- ⁴⁶ Do jawut, María jum-aech:
 “Xan jum-an ampox, nejchaxoelx wut Diosliajwa. Dios xabich pachaem.
⁴⁷ Xan xabich nejchachaemlax, Dios nabu'weyaxael xot.
⁴⁸ Xabich nejchachaemlaxbej, Dios namakafit xot japon pamakwanliajwa. Dios xabich pachaem xanliajwa. Samata, xabich jiw jumchisfulaxael xanliajwa: ‘Dios is pachaempox Marialiajwa’ —chisfulaxael jiw xanliajwa.
⁴⁹ Dios xabich mamnik puexaliajwa. Iapon xabich pachaempox xanliajwa. Dios kaes pejme pachaem. Me-ama jiw, jachi-el. Kaes ajil, me-ama japon, jason.
⁵⁰ Dios beltaen jiw, japi sitaenpi Dios.
⁵¹ Dios is koechaxan, xabich pachaempoxan. Pe jiw nejchaxoelpi: ‘Xan kaes pejme pachaeman. Me-ama asew jiw, jachi-enil’ —aechi, nejchaxoel wut, japi jiw Dios mastaeyaxaes.
⁵² Dios chiekal toet jiw, tato'alpi ampathatpijiw, japi naexasis-eli Dios. Asew jiw lax nakaewaliajwa jum-aechi: ‘Xatis xabich kaes pejme pachaema-esal’ —aech wuti pajutliajwa, nejchaxoel wut, japi Dios wulduiyaxaes asew tato'lialiajwapi.
⁵³ Majt xabich litaxaelapi, japi Dios chaxduwslisi pachaempoxan. Kemaeyalax, Dios to'axaes ke-etat asalelialiajwa.
⁵⁴ Dios kajachawaet pejiw, japi judiospi. Nejkiowa-elon japi beltaeliajwa.
⁵⁵ Jasoxtat Dios jumdut wajwujnapijiwliajwa, Abraham, pamojiwbej” —aech María.
⁵⁶ María duk tres juimtje Isabel pejbaxot. Do jawux, María nawia'a pejba poxade.

Juan nalaeltlox, japon jiw bautisanaxael

⁵⁷ Isabel wepach pejmatkoi naxuwliajwa. Samata, naxuwalpox. Faenow poich.
⁵⁸ Pejiw, mox duilibej, japox wultaena wut, taechipow, nejchachaemil xot japowliajwa. Japi jiw matabija, Dios is pachaempox japowliajwa. ⁵⁹ Kaesemana wut yamxuch nalaeltlox, japi jiw fulaen xaljamch circuncidaliajwapi, Dios pejmarkaxliajwa. Japox japi pejkabuan, judios xot. Jawut yamxuch wulduisias pax Zacarias pejwultat. ⁶⁰ Pe Isabel jum-aech:

—¡El! Pawulaxaelon Juan —aechow.

⁶¹ Pejiw jumnot wut, jum-aechi:

—Diachwujnakolax nejjiwxot chinax kaen pawula-el japawul —tispow.

⁶² Japi taxdoefa wujnachaemsliajwa yamxulan pax, pax wulduiliajwa paxulan, me-ama japon nejxasink. ⁶³ Pe jawut, Zacarias wuljow tawlofach, jaxot lelaliajwa. Lelsox jum-aech: “Pawulaxaelon Juan” —aech Zacarias lellox. Jawut puexa jiw xabich nejchaxoelanuil.

⁶⁴ Do jawut, chalechkal Zacarias pejme chiekal naksiyapon. Me-ama majt, ja-aechon. Naksiyapon pachaempoxan Diosliajwa. Jum-aechon: “Dios, xam xabich pachaemam” —aechon Diosliajwa. ⁶⁵ Puexa jiw, mox duili, xabich nejchaxoelanuil. Asew jiw Judea tujajnapijiw, muxanlel duili, nachapaeful jumtaenpox. ⁶⁶ Puexa jiw, pajut chiekal jumtaenpi, nawujnachaemsna wut, jum-aechi, nejchaxoel wut: “Japoch yamxuch ti't wut, umachiyaxaelkat?” —aechi, nejchaxoel wut, japi chiekal matabija xot Dios kajachawaesfulaxaeslox.

Zacarias jum-aechlox

⁶⁷ Zacarias, japon yamxulan paxpon, jum-aech Espiritu Santo pijaxtat, jum-aech wuton Dios isloxliajwa:

⁶⁸ “Xatis judios wajDios jumchisfulaxaes: ‘Xam xabich pachaemam’ —chisfulaxaes wajpaklon Diosliajwa. Japox jumchisfulaxaesbej, to'ak xoton paxulan, japon bu'welialiajwa pejiw.

⁶⁹ Dios to'ak pamamakolan xatis nakbu'welialiajwa. Japon, rey David pamon. David, Dios pamakan.

- ⁷⁰⁻⁷¹ Japoxliajwa Dios chajia buxto'a pejprofetas, jumtusliajwa wuton. Dios jumdut to'axaelpox kaen aton, japon nakbu'weliawwa wajdaelmajiwxot, puexa xatis jiw naknejweslapixotbej.
- ⁷² Dios nakbeltaeyaxael. Me-ama wajwujnapijiw jumduch, jachiyaxaelbej Dios xatisliajwa. Nejkiowaxilon chajia jumdutox wajwujnapijiwliajwa.
- ⁷³ Dios jumdut japox waj-am Abrahamliajwa.
- ⁷⁴ Jumdutpon nakbu'weliawwa wajdaelmajiwxot. Ja-aech wut, nakbu'weyaxaelon tanbichfulalijwas wajlewla-elaxtat.
- ⁷⁵ Jasoxtat Dios tanbichfulas wut, chiekal isfulaxaes Diosliajwa, xatis babijax is-elaxtat pomatkoicha” —aech Zacarías, jum-aech wut judiosliajwa.
- ⁷⁶ Zacarías jum-aech paxulan Juanliajwa: “Wua, jiw jumchiyaxael xamliajwa: ‘Dios athupijin pejprofeta’ —chiyaxael jiw xamliajwa. Japox jumchiyaxaeli, naewuajnafulaxaelam xot wajpaklon wujajna, asamatkoi pask wut, jiw chiekal naexasi-liajwa wajpaklon.
- ⁷⁷ Jiw naewuajnafulaxaelam matabijalijwapi Dios bu'weyaxaes pox, Dios beltaeyaxaes xoti babijaxan ispojanliajwa.
- ⁷⁸ Dios nakbeltaen xot, Mesías fuloeyaxoek Diosxotsik xatisxotalijwa. Me-ama juimt julan wut, jachiyaxoekon.
- ⁷⁹ Wajpaklokolan pat wut, japon jiw naewuajnafulaxael diachwujnakolaxpox. Majt jiw pejnechaxoelaxtat, me-ama nanuamti itkuataxot. Ja-aechpi, japi asamatkoi chiekal pachaemaxael, naexasit wuti Mesías naewuajanpoxan. Jawut japi pejnechaxoelaxan, me-ama itliak wut, jachiyaxael. Majt pejlewlapu tupalijwa, japi pejlewlixil, japon chiekal naewuajan wut. Japi chiekal duilafulaxael” —aech Zacarías, jum-aech wut paxulan Juanliajwa.
- ⁸⁰ Juan chiekal ti'sful wut, kajachawaesfulas Espiritu Santo. Chiekal ti't wuton, pajilaxxot dukon. Do jawux, tuaduton jiw naewuajnalijwa. Japox ja-aech wut, judios papasful Juan, jiw bautisanxot.

2

*Jesús nalaelt pox**(Mt 1.18-25)*

¹ Mox pawujajna wut Jesús nalaelsliajwa, japamatkoiyan, Augusto tato'al puexa Roma paklowaxpijiw. Japonbej tato'al asatujajnuhanpijiw. Japon to'a pejiw japi jiwuwulan lelalijwa, xajuiliawwabej puexa jiw duili japatujajnuhanxot, matabijsliajwapon massuapich impuesto kaenanula mosaxaeli japi jiw. ² Japox matxoela ja-aech, jiwuwulan lelalijwa wut, japon Cirenio gobernador wut Siria tuajnuxot. ³ Puexa japi jiw to'as kaenanula fulaelijwa pejwujnapijiw pejpaklowaxan poxade, japapaklowaxxot wullelaliawwas, xajuiliawwasbejpi.

⁴ Samata, japamatkoi José nakolt Nazaret paklowax, Galilea tuajnuxot. Do jawut, José fulaechlison Belén paklowax poxade Judea tuajnuxotalijwa, pejwujnapijin rey David, japapaklowaxxot nalaelt xot. ⁵ José bu'fol María. Japow José pijowaxael. Japow moejow. ⁶ Belén paklowaxxot wut, María pejmatkoi wepach naxuwliawwa. Jawut boejpunspow. ⁷ Do jaxot paxulch nalaelt, matxoelapijin. Yamxuch xakiach ponbu'. Ochpon naxaeyaxan pak xalwujtholaxtat. Japi chakow jiw papatbatatliawwa, ba xajupa-el xot.

Ovejas tataefulpi chapaeispox Jesús nalaelsax

⁸ Belén paklowaxxot mox, yoxot, jaxot ovejas tataefulpi chala pejew ovejasmutan madoi. ⁹ Do jawut, japixot chalechkal natulaelt Dios pej-ángel. Dios pijaxtat xabich itliakon japixot. Me-ama itliakax xabich itliak wut, ja-aechon. Ovejas tataefulpi japox taen wut, xabich beljowpi. ¹⁰ Do jawut, ángel jum-aech: “¡Xamal nabej belwe! Xan chimiawujajnan xaloekx xamal xabich nechachaemlaliawwam. Japox xamallijwa, puexa asew jiwliawwabej. ¹¹ Amwutjel Belén paklowaxxot, rey David majt dukxot,

nalaelt Cristo. Japon paklokolan, Dios to'aspon, fūloekon athulelsik jiw bu'welijawa. ¹² Xamal jalwekam wūt, japoch yamxuch faenaxaelam, ponbu' xakiachpoch, ochpon pak naxaeyaxan xalwūajtholspoxtat” —aech ángel ovejas tataefulpilijawa.

¹³ Do jawūt, Dios pej-ángelxot, xabich kaes ángeles chalechkal natulaelba. Japi jajuw wūt, jum-aechi Dioslijawa: “Dios xabich pachaem” —aechi. Jum-aechbejpi:

¹⁴ “¡Puexa ampathatpijiw nej sitaepi Dios, athuxotse dukpon! ¡Nej pachaemabejpi, duil wūt ampathatat! ¡Japi nej isfule Dios nejxasinkpoxan!” —aechful ángeles jajuiyaxtat.

¹⁵ Dios pej-ángelxot kaxase wūt athū poxase, ovejas tataefulpi nakaewa najum-aechi: —Chijias Belén paklowax poxade taelijawas ja-aechpox, ángel nakchapaepox, Dios buxto'aspo —na-aechi nakaewa.

¹⁶ Do jawūt, japi bichakal fūlaech Belén paklowax poxade. Jaxot pa'a wūt, taeni María, José suapich. Taenbejpi narianach, ok wūt pak xalwūajtholaxtat. ¹⁷ Ovejas tataefulpi japoch taen wūt, asew jiw chapaeipi Dios pej-ángel jumtisoj japochlijawa. ¹⁸ Puexa jiw japox jumtaen wūt, xabich nejchaxoelanuili, ovejas tataefulpi chapaei wūt japox. ¹⁹ María pajut boejlach nejchaxoelaful ovejas tataefulpi jum-aechpoxlijawa. ²⁰ Do jawūt, ovejas tataefulpi nawiapi. Fol wūt, jum-aechi: “Dios xabich pachaem. Is pachaempox” —aechi, taen xoti japox, jumtaen xotbejpi ángel jum-aechpox. Diachwūajnakolax japi puexa taen, me-ama Dios pej-ángel jumtispi japoxlijawa.

Jesús buflaechpox Dios pejtemploba poxade

²¹ Yamxuch nalaelt pox siete matkoijan xent wūt, japoch yamxuch circuncidas Dios pejmarkaxlijawa. Do jawūt, wūduwspox Jesús wūltat. María moejowa-el wūtfuk, Dios pej-ángel chajia jumtispiw japawūltat paxulan wūduilijawa.

²² Moisés chajia lelpox judíos chiekal naexasit japi pachaemalijawa Dioslijawa. Samata, cuarenta matkoijan xent wūt Jesús nalaelt, José, Maríabej, japi buflaech Jesús Jerusalén paklowax poxade, paxulan itpaelijawapi Dios pejtemplobat. Jasox ispi, asamatkoi japoch xaljamch ti't wūt Dios tanbichfulalijawa. ²³ Jasox islisi, Moisés chajia lelpox jum-aech xot japoxlijawa: “Puexa yamxi poejiw, matxoelanalaelapi, japi Dios tanbichaxael, ti't wūt” —aech xotox. ²⁴ Do jawūx, José, María suapich, ofrenda chaxduwpi Dioslijawa, Moisés chajia lelpox jum-aech xot japox islijawa. Japox jum-aech: “¡Chaxdu'e kolenje cha-aex a-u, o, kolenje a-utxulan, Dios pej-ofrendalijawa!” —aechox.

²⁵ Japamatkoijan Jerusalén paklowax xot aton duk, japon pawal Simeón. Japon chiekal pachaem Dioslijawa. Pomatkoicha chiekal naexasiton puexa Dios jum-aechpoxan. Simeón pejmatpuatxot Espíritu Santo. Japon wūajnowet Cristo pasax, judíos bu'weyaxaespon. ²⁶ Espíritu Santo pijaxtat Simeón chajia matabijt, japon laeja wūtfuk japon taeyaxael pox Cristo, japon Dios jumduchpon. ²⁷ Samata, Espíritu Santo pijaxtat Simeón fūlaech Dios pejtemploba poxade. Do jawūt, Simeón taen José, María suapich, bu'fol wūti Jesús islijawa Dios to'aspo, me-ama Moisés chajia lelpox jum-aech. ²⁸ Jawūt Simeón isfit Jesús. Do jawūt, Dios kawūajan wūt, jum-aechon:

²⁹⁻³⁰ “Tajpaklon Dios, najumdutamon tajut chiekal taenxlison, jiw bu'weyaxaelpon, ampon. Samata, amwūtel xan, nabistaxponan xamlijawa, natapaem xan tūpalijawan, xabich nejchachaemlaxtat!

³¹ Xam ampoch to'am jiw bu'welijawa, puexa jiw taelijawa.

³² Japon pijaxtat judíos-eli matabijaxael diachwūajnakolaxpox. Japon pijaxtatbej nejjiw, judíos, asew jiw sitaeyaxaes” —aech Simeón, Dios kawūajan wūt.

³³ José, Maríabej, xabich nejchaxoelanuil, jumtaen wūti Simeón jum-aechpox yamxuchlijawa. ³⁴⁻³⁵ Do jawūtbej, Simeón Dios kawūajan Josélijawa, Maríalijawabej, yamxuchlijawabej, Dios islijawa pachaempox japilijawa. Do jawūtbej, Simeón jum-aech asamatkoi jachiyaxaesox Maríalijawa:

—Asamatkoi xamlijawa, me-ama espadatat xua'la wūti, xabich xaenkaxael, jachiyaxael xamlijawa, naxulan asew jiw pijaxtat nabijasax taenam wūt. Xabich israelitas japon

naexaxisaxisal. Japi napelsaxael. Xabich asew jiw lax naexaxisaxaes japon. Japilax bu'weyaxaes. Xabich jiw babejjamechan jumchiyaxaes. Jasoxtat asew jiw matabijaxael, achax pejnejchaxoelaxanxot. Samata, asamatkoi xam xabich nejxaejwaxael — aech Simeón Maríalijwa.

³⁶⁻³⁷ Jawut kaeow pawis jaxotbej Dios pejtemplobatat. Japow Dios pejprofeta. Pawulow Ana, Fanuel paxulow. Japow Aser pamow. Xabich pati'ow. Ochenta y cuatro waechan. Pansiow wut, pamal fitow. Pamal fitpox siete waechan wut, pamal naetupspow. Pamal tur wut, do kaes nakjiya-elisow. Pin-iawaechan tamach lajepow. Japow chinax nakols-el Dios pejtemplobaxot. Ja-aech japow, Dios pejbichaxan nabist xot. Pomatkoicha japow Dios kawuajnaful. Dios piach kawuajnalijwa wut, xabich piach naxae-elow. ³⁸ José, María suapich, Dios pejtemplobatat wut, Ana mox soepan japixot. Jawut gracias-aechow Dioslijwa, yamxuchlijwabej. Do jawut, jum-aechow yamxuchlijwa puexa Jerusalén paklowaxpijwlijwa, japi wuajnoweti bu'weyaxaespoj japon pijaxtat.

José, María suapich, bunwiatpox paxulch Nazaret paklowax poxade

³⁹ José, María suapich, toeti ispox, me-ama Moisés chajia lelpox jum-aech. Dolisi, paxulch bunwiati pejpaklowax poxade, Nazaret paklowax, Galilea tuajnuel. ⁴⁰ Jesús chiekal ti'sful. Mamnikbejpon. Jesús kaes matabijsful, Dios kajachawaesfulas xot.

Jesús jam wutfuk, nospaeipox, judíos chanaekabuanapi suapich, Dios pejtemplobatat

⁴¹ Kaewaechful wut, José, María suapich, Jerusalén paklowax poxade. Fulalaecha taelijwa Pascuafiesta. ⁴² Jesús doce waechan wut, japon nakfol Jerusalén paklowax poxade, me-ama japi pejkabuan. ⁴³ Pascuafiesta toep wut, japi puexa fiesta taeni nawia wut pejbachan poxade, jawut Jesús naman Jerusalén paklowaxxot. José, María suapich, matabija-el Jesús kaweta namanpox Jerusalén paklowaxxot. ⁴⁴ José, María suapich, nuamtat fol wut, nejchaxoeli: “Jesúskas chajia wuajna nakfulaech wajjiwtat” — aechi, nejchaxoel wut. Samata, kaematkoi nejmach chiekal foli nuamtat. Do jawux, José, María suapich, tae-el wuti Jesús, jawut tuadutlisi wuajnachaemsliajwa pejjiw. Wuajnachaemtbejpi asew jiw, japi pejmatabijspipon. ⁴⁵ Wulwek wuti pejjiwxot, japi faena-el Jesús. Do jawut, José, María suapich, kaxa nawen Jerusalén paklowax poxadin, jaxot wulwekaliajwapi Jesús.

⁴⁶ Tres matkoi wut, faenipon Dios pejtemplobaxot. Japon ek judíos chanaekabuanapixot. Naeweton japi. Jesús wuajnachaemtbej matabijsaxtat. ⁴⁷ Jesús chiekal matabijt judíos chanaekabuanapi jum-aechpox. Chiekal jumnotbejpon, wuajnachaemtatas wut. Puexa jiw, japox jumtaen wut, xabich nejchaxoelachalaki, Jesús xabich matabijt xot. ⁴⁸ José, María suapich, taen wuti Jesús ekox, judíos chanaekabuanapi suapich, xabich nejchaxoelanuili. María jum-aech Jesúslijwa:

—Wua, xam jasox jachiyaximil xanallijwa. Xan, nej-ax suapich, xabich nejchaxoelx, xam wulwekx wut — aechow.

⁴⁹ Jesús jumnot wut, jum-aechon:

—¿Ma-aech xotkat xamal xan nawulwekam? ¿Xamalkat matabija-emil xan taj-ax Dios pejbaxotaxaelenpox? — aech Jesús.

⁵⁰ Japi jumatabija-el, Jesús japox jum-aech wut.

⁵¹ Pe María nejchaxoelaful, Jesús jum-aech wut japox. Nejkiowa-elow. Jawux José, María suapich, Jesúsbej, nawia Nazaret paklowax poxade. Jesús Nazaret paklowaxxot duk wut, naexaxisfulon José, Maríabej, puexa japi tato'alpoxan. ⁵² Jesús chiekal ti'sful. Kaes matabijsfulbejpon. Dios nejchachaemlaful Jesúslijwa. Jiwbej nejchachaemlaful Jesúslijwa.

3

Juan, jiw bautisan, pajilaxxot naewuajanpox
(Mt 3.1-12; Mr 1.1-8; Jn 1.19-28)

¹ Tiberio tato'al, puexa Roma paklowaxpijiw. Japonbej tato'al asapaklowaxanpijiw. Japon quince waechan tato'al wut, japamatkoian, Poncio Pilato Judea tuajnupijiw tato'al. Jawutbej Herodes Galilea tuajnupijiw tato'al. Herodes pakoewan, pawul Felipe, japon puexa Iturea tuajnupijiw, Traconite tuajnupijiwbej, tato'al. Asan pawulpon Lisantias, japon tato'al Abilinia tuajnupijiw. ² Jawut Anás, Caifás suapich, japi kolenje, sacerdotespaklokola. Japamatkoian Zacarías paxulan, japon pawulpon Juan, duk pajilaxxot. Jawutbej Juan buxto'as Dios, japon jiw naewuajnafulaliajwa. ³ Samata, Juan nanuamt Jordánlajtxot, jaxot naewuajanpon jiw Dios pejjamechan. Juan naewuajan wut jum-aechon: “¡Kofim babijaxan isampoxan! ¡Isfulde Dios nejxasinkpoxan! Ja-amsfulam wut, Dios beltaeyaxael babijaxan isampoxanliajwa. Do jawut, xamal bautisaxaelen” — aech Juan, jiw naewuajnaful wut. ⁴ Juan, jiw bautisan, naewuajan wut jiw, patlisox Dios pejprofeta Isaías chajia lelpox Juanliajwa. Isaías chajia lel wut, jum-aechon:

“Kaen aton pajilaxxot nejlat wut, jumchisfulaxaelon jiwliajwa: ‘¡Kofim babijaxan isampoxan wajpaklonliajwa! Me-ama jiw chiekal nuamt chaemt wut paklon pasliajwa, ja-amde nejnejchaxoelaxan! ¡Isfulde Dios nejxasinkpox! ¡Ja-amsfulde!

⁵ Puexa tufatan as tholaxaes nuamt chiekal najupaliajwa. Puexa muaxan koeyaxaesbej sat chiekal najupaliajwa. Nuamanbej, jajiali, matnoch xatathalaxaes. Nuamanbej muthan wut, pe'axaes chiekal najupaliajwa.

⁶ Puexa jiw matabijaxael Dios to'aspon jiw bu'weliajwa' —chiyaxaelon” —aech Isaías chajia lelpox Juan, jiw bautisanliajwa.

⁷ Juan, jiw bautisanxot, xabich jiw papasful japi bautisaliajwas. Japi jiwxot, asew kofael wut babijaxan ispoxan, japibej nakiowa nakbautisia. Me-ama asew jiw babijaxan ispoxan kofapi, jachisiapi. Samata, jawut, Juan jum-aech japi jiwliajwa: “Xamal, me-ama jom dukpi weliajwa, jit patuajax boejaen wut, ja-am xamal. Pe asamatkoi xamal weyaximil, babejkolax kastikaxmatkoi pat wut. ⁸ ¡Kofim babijaxan isfulampoxan! ¡Isfuldelax Dios nejxasinkpoxan! Japox ja-amsfulam wut, puexa jiw matabijaxael, diachwuajnakolax xamal babijaxan isampoxan kofampim. ¡Xamal nakaewa nabej najum-aechel': ‘¡Xanal Abraham pamojiwan! Samata, diachwuajnakolax Dios xanal nabu'weyaxael' —nabej aeche' najut! Xamal Abraham pamojiwam. Pe nakiowa babijaxan isam wut, Dios xamal bu'weyaxil. Dios nejxasink wut, xajup ia' Abraham pamojiw dofaliajwa. ⁹ Naebaechnaechan, naboesfuli kaewaechful. Pe japanaechan kaes naboesfula-el wut, xamal liktam japanaechan. Do jawux, majow wut, jitat it-owam. Jachiyaxaelbej xamalliajwa, Dios kastika wut, naexasis-emil wut Dios” —aech Juan, jiw bautisan, babijaxan isfulpiliajwa.

¹⁰ Do jawut, japi wuajnaechaemt wut, jum-aechi:

—¿Machiyaxaelenkat xanal isfulaliajwan Dios nejxasinkpoxan? —aechi Juanliajwa.

¹¹ Juan jumnot wut, jum-aechon:

—Xamal koloeyax wut kamis, asan aton xabich kejil wut naxoelaliajwa, japon aton chaxdu'e naxoelax! Xamal naxaeyaxan wut, asan aton xabich wejisal wut xaeliajwa, japon aton chaxduim! —aech Juan.

¹² Do jawut, pejme asew jiw pat Juanxot. Japi mox soepa bautisaliajwas. Japi impuesto mat-omwuljoew Roma gobiernoliajwa. Japi jum-aech, wuajnaechaemt wuti Juan:

—¿Xanal machiyaxaelenkat isliajwan Dios nejxasinkpoxan? —aechi.

¹³ Juan jumnot wut, jum-aechon japiliajwa:

—Xamal jiw mat-omwuljowam wut impuesto, ¡mat-omwuljoem nejpaklon to'apoxantat! ¡Kaes pejme nabej mat-omwuljoe' jiw naekichachajbaliajwam! —aech Juan impuesto mat-omwuljoewliajwa.

¹⁴ Do jawux, soldawbej pat Juanxot. Japibej wuajnaechaemt wut, jum-aechi Juanliajwa:

—¿Machiyaxaelenkat xanal isfulaliajwan Dios nejxasinkpoxan? —aechi Juanliajwa.

Do jawut, Juan jumnot wut, jum-aech soldawliajwa:

—¡Xamal nabej bu'athiye' kenosliajwam asew jiw pejew! ¡Nabej tasale'bej asew jiw, nejmachpijiw, japi pejew kenosliajwam! ¡Xanejchachaemilde nejpaklon motpoxantat! —aech Juan soldawliajwa.

¹⁵ Xabich jiw wuaj nawesful Cristo pasaxaelpox, japon Dios to'axoekspon jiw bu'weliajwa. Samata, jiw jumtaen wut Juan naewuajanpox, japi nakaewa najum-aech: “Diachwuajnakolax Juan bej Cristobej” —na-aechi nakaewa. ¹⁶ Pe jawut Juan pajut chiekal jum-aech puexa jiwliajwa: “Diachwuajnakolax xan jiw bautisafulax mintat, jiw kofa wut babijaxan ispoxan. Asamatkoi xanwux asan fulaeyaxaen. Japonlax to'axael Espiritu Santo jiw kajachawaesfulaliajwas. Espiritu Santo pej pamamax, me-ama jit, jiw babijaxan ispoxan toejwaliajwas, jiw pejnechaxoelaxan pachaemaliajwa. Japon fulaeyaxaelpon kaes pejme paklonaxael. Me-ama xan, jachiyaxilon. Xan omjinil japon pejkajachawaesnanliajwa. ¹⁷ Lulpijin trigo bokchalula trigokal namaeliajwa. Do jawux, trigo jiapon batat cha-owaliajwa. Trigobok, trigotonanbej, pelton lausliajwa jitat. Jachiyaxaelbej fulaeyaxaelon. Japon tamejaxael Diosxotse pachaempikal, japi jiw naexasiti Dios. Asewjiw, babijaxan ispi, naexasis-elbejpi Dios, japi pelsaxaeks jitadik, itkawaxil poxadik” —aech Juan jiwliajwa.

¹⁸ Jasoxtat Juan naewuajnafulbej jiw. Asawuajantat, pachaemwuajan, Juan naewuajnaful jiw. ¹⁹ Juan fiatbej Herodes, Galilea tuajnujpijiw tato'lan. Fiat wut, jum-aechon Herodesliajwa, japon fe'en xot pakoewan Felipe. Japow Felipe pijow. Japow pawul Herodias. Juan japox jum-aech Herodes nejchaxoelaliajwa, kaes asaxan babijaxan xabich isful xoton. ²⁰ Pe Herodes naexasis-el Juan jum-aechpox. Pelax Herodes asax babijaxan pejme ispon, Juan jia xoton jiw jebatat.

Jesús bautisas

(Mt 3.13-17; Mr 1.9-11)

²¹ Asamatkoi, Juan jiw bautisa wut, jawutbej Jesús bautisas. Jesús bautisas wut, Dios kawuajan wuton, taenon athu fafachpox. ²² Jaxotsik Espiritu Santo fuloek, me-ama a-utlejen Jesús pejmatwuajajak. Do jawut, jumtaenbejpon athulelsk jumentiskaspo. Dios pajut jum-aech:

—Xam taxulnam, xabich nejxasinkaxponam. Xamliajwa xabich nejchachaemlax —aech Dios Jesúsliajwa.

Ampilap Jesucristo pejuajnapijiw

(Mt 1.1-17)

²³ Jesús treinta waechan wut, tuadut naewuajnalialiajwa jiw. Jiw nejchaxoel Jesúsliajwa: “Japon José paxulan” —aechi asbuan jumch, nejchaxoel wut. José pax pawul Elí.

²⁴ Elí pax pawul Matat. Matat pax pawul Leví. Leví pax pawul Melqui. Melqui pax pawul Jana. Jana pax pawul José.

²⁵ José pax pawul Matatías. Matatías pax pawul Amós. Amós pax pawul Nahúm. Nahúm pax pawul Esli. Esli pax pawul Nagai.

²⁶ Nagai pax pawul Maat. Maat pax pawul Matatías. Matatías pax pawul Semei. Semei pax pawul Josec. Josec pax pawul Judá.

²⁷ Judá pax pawul Joanán. Joanán pax pawul Resa. Resa pax pawul Zorobabel. Zorobabel pax pawul Salatiel. Salatiel pax pawul Neri.

²⁸ Neri pax pawul Melqui. Melqui pax pawul Adi. Adi pax pawul Cosam. Cosam pax pawul Elmadam. Elmadam pax pawul Er.

²⁹ Er pax pawul Jesús. Jesús pax pawul Eliezer. Eliezer pax pawul Jorim. Jorim pax pawul Matat.

³⁰ Matat pax pawul Leví. Leví pax pawul Simeón. Simeón pax pawul Judá. Judá pax pawul José. José pax pawul Jonam. Jonam pax pawul Eliaquim.

³¹ Eliaquim pax pawul Melea. Melea pax pawul Mena. Mena pax pawul Matata. Matata pax pawul Natán.

³² Natán pax pawul David. David pax pawul Isaí. Isaí pax pawul Obed. Obed pax pawul Booz. Booz pax pawul Sala. Sala pax pawul Naasón.

³³ Naasón pax pawul Aminadab. Aminadab pax pawul Admin. Admin pax pawul Arni. Arni pax pawul Esrom. Esrom pax pawul Fares. Fares pax pawul Judá.

³⁴ Judá pax pawul Jacob. Jacob pax pawul Isaac. Isaac pax pawul Abraham. Abraham pax pawul Taré. Taré pax pawul Nacor.

³⁵ Nacor pax pawul Serug. Serug pax pawul Ragau. Ragau pax pawul Peleg. Peleg pax pawul Heber. Heber pax pawul Sala.

³⁶ Sala pax pawul Cainán. Cainán pax pawul Arfaxad. Arfaxad pax pawul Sem. Sem pax pawul Noé. Noé pax pawul Lamec.

³⁷ Lamec pax pawul Matusalén. Matusalén pax pawul Enoc. Enoc pax pawul Jared. Jared pax pawul Mahalaleel. Mahalaleel pax pawul Cainán.

³⁸ Cainán pax pawul Enós. Enós pax pawul Set. Set pax pawul Adán. Adán Dios isaspon atonliajwa.

4

Jesús xapaejaspox Satanás

(Mt 4.1-11; Mr 1.12-13)

¹ Jesús duk wut, xabich kajachawaech Espíritu Santo. Samata, nawia'an wut Jordánla-txotdin, Jesús Espíritu Santo bu'fos pajilax poxade. ² Jaxotde cuarenta matkoian kaweta wut, chinax xae-elon. Cuarenta matkoian toep wut, do jawut, Jesús xabich litaxaela. Jawut dep pejpaklon, Satanás, pat Jesúsxot. Paton xapaejalijwa Jesús, Jesús babijax islijwa Dioslijwa. ³ Samata, Satanás xapaejt wut, jum-aechon Jesúslijwa:

—Diachwujnakolax xam Dios paxulnam wut, jampot ia't to'im panax nadofalijwa! —aech Satanás Jesúslijwa.

⁴ Jesús jumnot wut, jum-aechon:

—Dios pejjamechan, chajia lelspos, jum-aech: 'Jiw duilaxil naxaeyaxankallijwa. Jiw wewe'pasbej Dios pejjamechan naexasisfulalijwapi' —aech Dios pejjamechan, chajia lelspos —aech Jesús Satanáslijwa.

⁵ Do jawut, Satanás pejme xapaejslijwa wut, bu'folon Jesús pinamux athu poxase Jesús itraelijwas puexa tuajnuchan ampathatat. ⁶ Do jawut, Satanás jum-aech:

—Puexa ampatuajnuchan, paklowaxanbej, japoxan puexa xan tejew, xan malech nachaxdut xoton. Xanbej paklokolan ampatuajnuchanpijwlijwa. Puexa japoxan xan malech chaxduslijwan. Samata, chaxdusianpon malech chaxdusaxaelen. ⁷ Tajwujnalel xam brixtat nukam wut, najum-am wutbej: 'Xam xabich pachaemam. Xam tajpaklokolan' —na-am wut xanlijwa, puexa malech xam chaxdusaxaelen jap-atuajnuchan, japapaklowaxanbej —aech Satanás Jesúslijwa.

⁸ Jesús jumnot wut, jum-aechon:

—Dios pejjamechan, chajia lelspos, jum-aech: 'Kaen Dios jiw pejpaklokolan. Japonkal sitaeyaxaes. Owchiyaxaesbejpon' —aech chajia lelspos —aech Jesús Satanáslijwa.

⁹ Do jawut, Satanás pejme bu'folon Jesús Jerusalén paklowax poxade, pejme xapaejslijwapon Jesús. Jesús bu'fos Dios pejtemploba matwujase, kaes athu poxase. Jaxotse nosaspon. Jawut Satanás jum-aech:

—Diachwujnakolax xam Dios paxulnam wut, jamxot diwmik sat poxadik! ¹⁰ Xam sat naxbijaximil. Dios pejjamechan, chajia lelspos jum-aech:

'Dios to'axoek pej-ángel xam chiekal tataeflialijwapi.

¹¹ Xam jopam wut, jaelsabaxaeli naxbijasamatam ia', najalasangamatambej' —aechox, Dios pejjamechan, chajia lelspos —aech Satanás Jesúslijwa.

¹² Jesús jumnot wut, jum-aechon:

—Xan diwaxinil. Xan chiekal matabijtax Dios natataefulpox. Dios pejjamechan, chajia lelspos, jum-aechbej: 'iNabej xapaejs Dios, nejpaklokolan, asbuan jumch taelijwam

japon xajwut wut, o, xajupa-el wuton weliajwa! —aech chajia lelspx —aech Jesús Satanásliajwa.

¹³ Do jawut, Satanás kaes wejisal xot xapaejsliajwa, chijialison Jesúsxot. Jesús tamach waeltas. Pe asamatkoi Satanás pejme pasaxael pejme xapaejsliajwapon Jesús.

Jesús tuadutpox naewuajnx Galilea tuajnxot

(Mt 4.12-17; Mr 1.14-15)

¹⁴ Jesús pejme kaxadin, Galilea tuajnx poxadin. Espíritu Santo kajachaxaesaxtat Jesús dukaful. Samata, japatuajnxpijw puexa chiekal naksiya Jesúsliajwa. ¹⁵ Jesús naewuajan judíos naewuajnxabachaxot. Puexa jiw jumtaen wuti Jesús naewuajnxapoxan, japi jum-aech chimiajamechan Jesúsliajwa.

Jesús Nazaret paklowaxxot

(Mt 13.53-58; Mr 6.1-6)

¹⁶ Jesús nawia'e Nazaret paklowax poxade, ti't poxade. Napatamatkoi wut, lechon judíos naewuajnxaba poxade, pejkabuan xoton. Jaxot wut, nanton chanaexaljoeliajwa Dios pejjamechan, chajia lelspx. ¹⁷ Jawut Jesús chaxduch xakoeyasfut xaljoeliajwa profeta Isaías chajia lelox. Dolison japafut ba'nat wut, faenon xaljoeyaxaelpox. Do jawut, xaljowpox jum-aechox:

¹⁸ “Dios pej-Espíritu Santo xan nachala, Dios pajut namakafit xot kejila naewuajnxaliajwan chimiawuajan. Dios nato'abej naewuajnxaliajwan babijaxan ispi, nabijatpibej Satanás pijaxtat. Japi pejnechaxoelaxan, me-ama jiw jebatat jiaspi, ja-aechpi. Dios nato'abej boejthusliajwan itliakla. Dios nato'abej bu'welajwan jiw, jiw nabijati asew jiw pijaxtat.

¹⁹ Dios nato'abej naewuajnxaliajwan jiw amwutjel Dios bu'weyaxaelpox jiw” —aech Jesús pajutliajwa, chanaexaljaw wuton Isaías chajia lelpox.

²⁰ Do jawux, Jesús chanaexaljoeyax toet wut, xakoeyapon japafut. Chaxduton judíos naewuajnxaba kajachawaesan. Do jawut, Jesús ek. Puexa jiw, jaxot chalaki, xabich natachaemaspon. ²¹ Jesús pejme jum-aech japiliajwa:

—Xamal jumtaenam xan xaljowx wut Isaías chajia lelpoxliajwa, amwutjel japox patliso xamalxot —aech Jesús pajutliajwa.

²² Do jawut, puexa japi jiw jum-aechi pachaempoxan Jesúsliajwa. Japi xabich nejchaxoelachalak, Jesús jum-aech xot chamoeyaxan. Samata, nakaewa najum-aechi:

—¿Diachwuajnxakolax amponkatlap Jesús, José paxulan? —na-aechi.

²³ Jesús matabijt japi jiw nakaewa najum-aechpox. Samata, jum-aechon:

—Xamal nejxasinka-emil naexaxisliajwam xan jum-anox. Samata, xan najum-am asbuan jumch: ‘Xam asew boejthusnam wut, jamxotbej jiw boejthu'e!’ —am xamal. Jumchixaxaelambej ampox xanliajwa: ‘Xanal wultaenx, Capernaum paklowaxxot koechaxan isam wut. Amxot, nejpaklowaxxotbej, koechaxan isam wut, ja-aech wut, xanal naexaxisaxaelen xam naewuajnxapoxan’ —chixaxaelam xanliajwa —aech Jesús japi jiwliajwa.

²⁴ Jesús pejme jum-aech:

—Xan diachwuajnxakolax jum-an. Puexa profetas sitae-esal pejtuaajnxakolaxpijw.

²⁵⁻²⁶ Wajwuajnxapijin, profeta Elías, Israel tuajnxot laeja wut, japamatkoiyan, tres waechan y medio iam thilna-el. Samata, xabich jiw litaxaelaful potuaajnxucha, naxaeyaxan ajil xot. Japamatkoiyan Israel tuajnxot xabich watho' duil, pamaljiw naetuxspi. Pe Elías to'a-esal Dios kajachawaesliajwapon watho', japatuajnxpijw pamaljiw naetuxspi. Elías to'aslax asatuaajnx poxade, kajachawaesliajwapon Sarepta paklowaxpijow, Sidón tuajnxpijow, pamal naetuxspow. ²⁷ Wajwuajnxapijin, profeta Eliseo, laeja wut ampaxtat, Israel tuajnxot duil xabich jiw, leprawaxae waeispi. Pe japixot kaen boejthus-elon. Japonlax boejthut asatuaajnxapijin, Siria tuajnxapijin, pawulpon Naamán —aech Jesús.

²⁸ Japox jumtaen wuti, puexa judíos naewuajnatatpi xabich palalapi Jesúsliajwa. Japi matabija Jesús kajachawaesaxisalpo. ²⁹ Samata, xabich palala xoti, nanbapi. Do jawut, Jesús jaeltlisi. B'u'follisipon paklowax tathoetlel. Japapaklowax chiekal muaxmatwujtat. Jaxot chu'at xabich athu. Samata, jaxot fo'asiapi Jesús. ³⁰ Pe jawut, Jesús xent japixot. Do jawut, Jesús chajia japatuajnu'xot.

Aton dep webaespo pejmatpuatxot

(Mr 1.21-28)

³¹ Jesús fulaech Capernaum paklowax poxade, Galilea tuajnu'lel. Napatamatkoi wut, jaxot judíos naewuajnatat Jesús jiw naewuajan. ³² Japi jiw japox jumtaen wut, xabich nejchaxoelachalaki, Jesús naewuajan xot Dios pejkajachawaesaxtat.

³³ Judíos naewuajnabaxot, jaxot aton ekbej, pejmatpuatxot webaespon dep. Do jawut, japon aton nejlat wut, jum-aechon dep pijaxtat:

³⁴ —Jesús, Nazaret paklowaxpijam, xanal tamach natapaem! ¿Achaxasiamkat xanalxot? ¿Xamkat fulaeman xanal natoesliajwam? Xanal chiekal matabijax, xam Dios paxulnam, xabich pachaemamponam —aech dep, aton pejkaechatat nejlat wut.

³⁵ Do jawut, Jesús jum-aech nejthu'axtat depliajwa:

—Dep, ¡boejlachde! ¡Xam nakolde japon aton pejmatpuatxot! —aech Jesús.

Do jawut, japon aton satat xadapson dep puexa jiw pejwujnalel. Do jawux, dep nakolt japon aton pejmatpuatxot tabejs-elaxtat. ³⁶ Puexa jiw xabich belwana, japox taen wut. Nawuajnachae'msnapi nakaewa. Najum-aechi:

—¿Ma-aechon pejjamet dep nakolsliajwa, to'a wuton dep? Me-ama Dios to'ason wut, ja-aechon. Ja-aech wut, ¡dep nakolt! —na-aech nakaewa japi jiw.

³⁷ Do jawux, puexa Galilea tuajnu'pijw naksiyapi Jesúsliajwa.

Jesús boejthutpox Simón Pedro paem

(Mt 8.14-15; Mr 1.29-31)

³⁸ Jesús nakolt wut judíos naewuajnabaxot, fulaechon Simón Pedro pejba poxade. Jesús wujna Simón paem bu'xaenk. Xabich bu'tuajnikow. Jaxotpijw jum-aechi Jesús boejthusliajwa japow. ³⁹ Jesús najult Simón paem okxot. Jawut waxae to'apon japow boejthulaliajwas. Do jawut, japow kamta chiekal boejthus. Jawut nantow. Do jawutbej, japow pajut naxaeyaxan athukow Jesúsliajwa, a sew jiwliajwabej.

Jesús boejthutpox xabich jiw bu'xaeya

(Mt 8.16-17; Mr 1.32-34)

⁴⁰ Juimt dach ek wut, jiw bu'xaeya bu'flaens Jesúslel. Japi nejmachwaxaetat bu'xaenkpi. Do jawut, Jesús jachaful pejke-etat kaenanula jiw bu'xaenkpi. Do jawutbej, japi jiw chiekal boejthuls waxae. ⁴¹ A sew bu'xaeyaxot, dep webaespi pejmatpuatanxot, japibej boejthuton. Dep nakola wut japixot, dep nejla'bala. Nejla'bala wut, jum-aechbalapi:

—¡Xam Dios paxulnam! —aechbalapi.

Dep japox jum-aech wut, Jesús bu'xfiat. Jesús tapae-el dep kaes naksiyaliajwa, japi chiekal matabija xot japon Cristo, Dios to'aspon jiw bu'welialjwa.

Jesús naewuajanpox judíos naewuajnabachaxot

(Mr 1.35-39)

⁴² Sesa itliakaful wut, Jesús nakolt paklowaxxot japon tamachaliajwa. Do jawut, jiw wulwekson. Faens wuton, japi jiw jum-aechi Jesúsliajwa:

—¡Namandefuk xanalxot! ¡Nabej fulae'fuk asatuajnu'lel! —aechi. ⁴³ Pe Jesús jum-aech:

—Xan naewuajna xaelen asapaklowaxanpijwbej. Japi naewuajnafulaxaelen chimiawuajan, Dios puexa pejjiw tato'laxaelwuajan. Dios nato'a japox isfulaliajwan —aech Jesús japi jiwliajwa.

⁴⁴ Samata, Jesús naewuajnaful jiw Dios pejjamechan judíos naewuajnabachaxot, Galilea tuajnu'xot, Judea tuajnu'xotbej.

5

Xabich baxi xawawaelpox
(Mt 4.18-22; Mr 1.16-20)

¹ Asamatkoi Jesús nuk pukababü'tat, Genesaret pukaxot. (Japapuka asawul, Galilea puka.) Xabich jiw Jesús tabe'nas, xabich jumtaesia xoti Jesús naewuajanpox Dios pejjamechan. ² Do jawut, Jesús taen kolefalkam, oel wut thaejtat. Japafalkam tujil, nana xot nabaxiti, kiasliajwapi pejew chinchorro. ³ Do jawut, Jesús jul Simón pejfalkamtat. Jawutbej to'apon Simón thiklaliajwa falkam atuxachde chadukaliajwa. Jesús falkamtat ek. Do jawut, tuaduton jiw naewuajnalijwa, putat nuili. ⁴ Dolison, naewuajnax buxtoet wut, Jesús jum-aech Simónlijwa:

—¡Falkam fae'mach so'nik poxade! ¡Jaxotde xamal nejchinchorro pelsfulaxaemk baxi xawawaelaliajwam! —aech Jesús.

⁵ Do jawut, Simón jumnot wut, jum-aechon:

—Tajpaklon, pomadoicha xanal xabich nabaxitx. Xanal chinax kaen baxin xawaesaenil. Pe xam naketo'am xot, chinchorro pelsaxaekan pejme —aech Simón Pedro.

⁶ Dolisi, jasox is wut, xabich baxi xawawaeli. Chinchorro mox pejxarsas, xabich xot baxi. ⁷ Simón, asew jiw suapich, itwaeipi asafalkampijiw, japi pejmatabijs kajachawaeliajwas. Japafalkam chapat wut Simónxot, xabich baxi wuluti kolefalkam. Do jawut, mox pejchabu'lapi. ⁸ Simón Pedro japox taen wut, brixtat nukon Jesús pejwuajnalel. Do jawut, jum-aechon Jesúslijwa:

—Tajpaklon, ¡napia'e xanxot! Xan babejnan —aech Simón Pedro.

⁹ Japox Simón Pedro jum-aech, japi puexa nejchaxoelanuil xot, xabich baxi xawawaelpoxlijwa. ¹⁰ Pedro chalaspi, ampilape. Kaen pawul Santiago. Asan pawul Juan. Japi Zebedeo paxi. Japibej nejchaxoelanuil pejfalkamtat. Do jawut, Jesús jum-aech Simónlijwa:

—¡Nabej nejlewle'! Amwutjel xam jiw tadusaxaelam japi Dios pejiwaliajwa. Me-ama xamal baxi xawawaelam wut, notam. Jasoxtatbej xamal itpaeyaxaelen jachiliajwam jiwliajwa, japi jiw tajnachalaliajwa, Dios pejiwaliajwabejpi —aech Jesús Simónlijwa.

¹¹ Do jawut, itjuldepi paputade, thaejtade. Do jawut, puexa pejew waelalisi Jesús nakfulaeliajwa.

Jesús boejthutpox bü'xaeyan leprawaxaetat
(Mt 8.1-4; Mr 1.40-45)

¹² Asamatkoi, Jesús asapaklowaxxot wut, kaen aton, bü'xaeyan, fulaen Jesúslel. Japon bü'xaenk leprawaxaetat. Taen wuton Jesús, brixtat nukon Jesús pejwuajnalel, xabich sitaen xoton. Do jawut, natxatdik wut, sat makxabijindikon. Jawut jum-aechon Jesús boejthuslijwas:

—Tajpaklon, xan matabijtax xam xajupam naboejthuslijwam. Naboejthusasiam wut, ¡xan naboejthu'e! —aechon.

¹³ Jesús jacha wut, jum-aechon:

—Xam boejthusasian. Malis xam chiekal pachaemam —aech Jesús.

Do jawut, kamta japon aton chiekal boejthus leprawaxae. ¹⁴ Jawut Jesús jum-aech nejthu'axtat:

—¡Asew jiw nabej chapae' xam boejthutxpo! ¡Majt xabua'de sacerdote poxade, japon xam taeliajwa leprawaxae boejthulpox! Do jawux, ¡Dios chaxdu'e, me-ama Moisés chajia to'a chaxduiliajwa, xam leprawaxae chiekal boejthul xot! Jasoxtat jiw matabijaxael xam chiekal boejthulpox leprawaxae —aech Jesús japon atonlijwa.

¹⁵ Do jawut, puexa japatuajnujpijw wultaena Jesús ispo. Jiw japox wultaena wut, xabich jiw papasful Jesúsxot jumtaeliajwa Jesús naewuajanpox. Japi papatbej boejthuslijwas bü'xaenkpoxan. ¹⁶ Jesús boejthusful wut bü'xaeya, kaematkoisful atuxach fulalaechpon jiwjilax poxade tamach Dios kawuajnalijwa. Jesús jasoxan ja-aech, boejthusful wuton bü'xaeya.

Jesús boejthut pox nabejkan, japon chinax laejaxilpon
(Mt 9.1-8; Mr 2.1-12)

¹⁷ Asamatkoi, Jesús jiw naewuajan wut, jaxot fariseos naewet, judíos chanaekabuapani suapich. Japixot, a sew jiw fulaen cha-aelpaklowaxanxot, Galilea tuajnueldin, Judea tuajnueldinbej. A sew jiw fulaenbej Jerusalén paklowaxxotdin. Jesús boejthusful wut bu'xaeya, puexa japibej taen, Jesús isful wut koechaxan Dios pijaxtat. ¹⁸ Do jawut, kaesupich poejiw chaxpat kaen nabejkan. Japon ok camillatat. Japi poejiw nejchaxoel batuchade chaxleliajwapi nabejkan Jesús pejwuajnalel cha-osliajwapi. ¹⁹ Pe japi chaxleyaxil nabejkan batuchade, wuajna xabich jiw batu wulak xot. Ja-aech wut, ba matwuajase chaxjulachi. Jaxotse bamatwuaj pinjiyax tuakapi. Do jawux, jaxotsik chakakofanpi nabejkan Jesús pejwuajnalel. ²⁰ Chakakofan wut, nejchaxoeli: “Ampon boejthusaxaes Jesús” —aechi, nejchaxoel wut. Jesús chiekal matabijt japi nejchaxoelpox. Samata, Jesús jum-aech nabejkanliajwa:

—Xam babijaxan isampoxanliajwa beltaenx —aech Jesús.

²¹ Judíos chanaekabuapani, fariseos suapich, japox jumtaen wut, nejchaxoeli: “¿Achankat ampon aton, jum-aechpon babejjamechan Diosliajwa? Japox jum-aech wuton, japox pachaema-el Diosliajwa. Kaen Dios xajup beltaeliajwa, jiw babijaxan ispoxanliajwa” —aechi, nejchaxoel wut Jesúsliajwa.

²² Do jawut, Jesús chiekal matabijt japi nejchaxoelox. Samata, wuajnachaemt wut, jum-aechon:

—¿Ma-aech xotkat xamal japox nejchaxoelam xanliajwa?

²³ Kaes pejme tampa xan jumchiliajwan laejaxilponliajwa: ‘Xam beltaenx babijaxan isampoxanliajwa’ —chiliajwan. Pe ja-an wut, jiw xan namatabijaxil, xan puexa jiw pakoewkolnanponan. Jum-an wutlax nabejkan jumtaeliajwa: ‘¡Nande! ¡Laejim!’ —an wut, japox jum-an wut, jiw diachwuajnakolax xan namatabijaxael, xan puexa jiw pakoewkolnanponan. ²⁴ Samata, xamal itpaeyaxaelen, xan puexa jiw pakoewkolnan xajupxprox jiw beltaeliajwan babijaxan ispoxanliajwa ampathatat —aech Jesús judíos chanaekabuapaniliajwa, fariseosliajwabej.

Samata, Jesús jum-aech nabejkan jumtaeliajwa:

—¡Nande! ¡Nejcamilla fi'e! ¡Xalaem nejba poxade! —aech Jesús.

²⁵ Do jawut, nabejkan nantlison puexa jiw pejwuajnalel. Jawut fitlison pejcamilla. Fulaechlison pejba poxade. Fulaech wut, jum-aechfuldepon Diosliajwa: “Dios xam xabich pachaemam, naboejthutam xot” —aechfuldepon. ²⁶ Puexa jiw chiekal taen. Majt japon nabejkan, pajut laeja-el, japon amwutjel pajut chiekal laejalison. Samata, xabich jiw nejchaxoelanuil. Do jawut, chimiamechan jum-aechi Diosliajwa. Dios xabich sitaenlisi. Jum-aechi:

—Amwutjel taens, Dios is wut koechax —aechi.

Jesús tadut pox Leví pejnachalanliajwa
(Mt 9.9-13; Mr 2.13-17)

²⁷ Jesús boejthut wut nabejkan, nakolton jiw natamejaxot. Do jawut, fulaech wut, taenon Leví. Japon impuesto mat-omwuljoen Roma gobiernoliajwa. Ekon impuesto mat-omwuljowxot. Jesús taen wut Leví, jum-aechon Levíliajwa:

—¡Xabu'a't! ¡Xan nakfulaem tajnachalnamliajwa! —aech Jesús.

²⁸ Do jawut, Leví nant wut, puexa pejew waela wut, Jesús nakfollison.

²⁹ Jawut Leví fiesta is pejbatat Jesúsliajwa. Xabich a sew jiw pat jaxot, impuesto mat-omwuljoew Roma gobiernoliajwa. Kaes a sew jiwbej pat jaxot. Japi puexa chalak xaeliajwa, Jesús suapich. ³⁰ Do jawut, fariseos, judíos chanaekabuapanibej, pat. Japi kaemut. Japi jum-aech Jesús pejnachalaliajwa:

—¿Ma-aech xotkat xaelam, afambej, impuesto mat-omwuljoew suapich, a sew babejchow suapichbej? —aechi Jesús pejnachalaliajwa.

³¹ Jesús japox jumtaen wut, jum-aechon:

—Jiw woen woe-el nejchaempi, japi bu'xaenka-el xot. Jiw woen fulaen bu'xaenkpi woeliasjwa. ³² Xanlap-is, ja-an. Xan pas-enil tadusliasjwan, jiw pachaem wut, kabuan-aechpi. Xanlax patx babejchow tadusliasjwan, japi kofaliasjwa padujnejchaxoelaxan Dios naexasiasiasjwapi —aech Jesús japiliasjwa.

Asew jiw xae-elpox, piach Dios kawuajnaliasjwa wut
(Mt 9.14-17; Mr 2.18-22)

³³ Fariseos, judíos chanaekabuanapibej, jum-aech Jesúsliasjwa:

—Juan pejnachala, xanal tajnachalabej, naxae-el piach Dios kawuajnaliasjwa wut. Pelax nejnachala, jachi-el. Japi asbuan jumch xael —aechi Jesúsliasjwa.

³⁴ Do jawut, Jesús jum-aech:

—Aton pawis fit wut, fiesta is wut, taduchpi xaeyaxaelfuk japonxot. Nejchachaemlax-aeli, pajelnakjiyan duk wutfuk jaxot. ³⁵ Do asamatkoi, asew jiw fe'naxaeson. Do jawut, taduchpi naxaeyaxil kaematkoi suapich, xabich nejxaejwaxaes xoti. Jachiyaxaelbej, asamatkoi tajnachala nejxaejwaxaes wut, asew jiw xan nabu'fol wut. Samata, kaematkoi suapich naxaeyaxili, xan japixotaxinil xot —aech Jesús.

³⁶ Jesús jum-aech wuajantat japi jiwliasjwa. Jum-aechon:

—Pawis pejyiaf, padujax, wexaxarwas wut, pejyiaf, pajelax, tasiaplaxilow xape'sliasjwa padujax yiafxot. Japox is wut, tabejsaxaelow pajelax yiaf. Yiafbu'ch, pajelax, najupa-el xot, pachaemaxil, padujax yiaf suapich. ³⁷ Aton wulu wutbej pajelvino padujchoxantat, japachoxan chathialfalaxael, pajelvino xabich xot pafak. Ja-aech wut, nabo'axael vino, choxan suapich. ³⁸ Samata, jiw wulu pajelvino pajelchoxantat, choxan nadadoe'aliasjwa. ³⁹ Jiw af wut vino, piach cha-ekpot, ja-aech wut jiw fe-el, vino pajeltpot. Ja-aech, jiw nejchaxoel xot: 'Vino piach, cha-ekpot, kaes pejme pachaem' —aech xoti, nejchaxoel wut —aech Jesús.

6

Judíos pejnapatamatkoitat Jesús pejnachala jolbalapox trigo
(Mt 12.1-8; Mr 2.23-28)

¹ Asamatkoi, napatamatkoi wut, Jesús, pejnachala suapich, trigolulantutat fol wuti, japon pejnachala trigo jolbala xaelpaliasjwa, litaxaela xoti. Kilaninapi boksliasjwa trigo-fukal xaelpaliasjwa. ² Jaxot kaesuapich fariseos nakfol. Japi nejchaxoel: "Jesús pejnachala sitae-el napatamatkoi, jolbala wuti trigo" —aechi, nejchaxoel wut. Samata, jum-aechi Jesús pejnachalaliasjwa:

—Japox isaxisal napatamatkoitat. ¿Ma-aech xotkat xamal trigo jolbalam naktapaee-elmatoitat? —aechi Jesús pejnachalaliasjwa.

³ Jesús japox jumtaen wut, jum-aechon:

—Xamal xaljowam matabijaliasjwam, wajwuajnapijin, waj-am rey David, ispox chajokolaxtat, xabich litaxaela wut, pejjiw suapich. ⁴ Do jawut, David Dios pejba, xananuamsba, lechon. Japabaxot wuajna pan oel mesamatwuajtat. Japapan ofrenda Diosliasjwa. Rey David japapan xael wut, chaxduwbejpon pejjiw, japibej xaeliasjwa japapan. Pe Moisés chajia lelpox jum-aech: 'Japapan koew sacerdotescal xaeliasjwa, japi nabisti Dios pejbatat. Asew jiw xaeyaxil japapan' —aech Moisés chajia lelpox. Pe rey David Dios kastika-esal, xael wuton Dios pejew pan —aech Jesús fariseosliasjwa. (Jasoxtatbej Jesús pejnachala kastikaxisal, trigo jolbala wut xaelpaliasjwa napatamatkoitat.)

⁵ Jesús pejme jum-aech fariseosliasjwa:

—Xan puexa jiw pakoewkolnan. Xan xajux jumchiliasjwan jiw isaxaelpox napatamatkoitat —aech Jesús fariseosliasjwa.

Jesús boejthutpox kemamlan
(Mt 12.9-14; Mr 3.1-6)

⁶ Asamatkoi, napatamatkoi wut, Jesús lech judíos naewuajnaba poxade. Jaxotde wut, tuaduton naewuajnaliasjwa. Jaxot kaen aton ek, poklake-elel kemamalpon. ⁷ Judíos

chanaekabuanapi, fariseosbej, japi natachaema, Jesús boejthusaxael wut kemamalan napatamatkoitat, jawut tasalaliajwas Jesús. ⁸ Jesús matabijt japi nejchaxoelox japonliajwa. Samata, Jesús jum-aech kemamlanliajwa:

—¡Nande! ¡Nukde jiw pejwujnale! —aechon.

Kemamlan nant wut, nuklison jiw pejwujnalel. ⁹ Do jawut, Jesús jum-aech japi jiwliajwa:

—Xamal wujnachaemsaxaelen. ¿Achaxkat jum-aech Moisés chajia lelox? ¿Achaxkat Dios naktapaei isliajwas napatamatkoitat?

¿Isaxaeskak pachaempox? O, ¿isaxaeskak pachaema-elpox? O, ¿boejthusaxaeskak? O, ¿boesaxaeskak ampon aton? —aech Jesús.

¹⁰ Do jawut, Jesús natachaemt jiw masajiachpi. Jawut jum-aechon kemamlanliajwa:

—¡Kedolde! —aechon.

Kedolt wut, japon aton pejke-e chiekal wepachaems. ¹¹ Pe judíos chanaekabuanapi, fariseosbej, japox taen wut, xabich palalapi Jesúsliajwa. Samata, nakaewa najum-aechi: “¿Machiyaxaeskak Jesús?” —na-aechi nakaewa.

Jesús pejnachalaxot makafitpox doce poejiw, japi apóstolesliajwa

(Mt 10.1-4; Mr 3.13-19)

¹² Asamatkoi Jesús fulaech pinamuxax poxade Dios kawujnalialiajwa. Jaxotse pomadoicha Dios kawujan. ¹³ Do kandiawasap wut, Jesús la pejnachala, japi fulaeliajwadin japonlel. Japi pat wut japonxot, japixot makanoton doce poejiw japi chalaliajwaspon. Do jawut, japi wulduwpon apóstoles. ¹⁴⁻¹⁵ Doce poejiw, makanochpi, kaen pawul Simón. Japon asawultat wulduws. Pawulon Pedro. Asan pawul Andrés. Japon Simón pakoewan. Asan pawul Santiago. Asan pawul Juan. Asan pawul Felipe. Asan pawul Bartolomé. Asan pawul Mateo. Asan pawul Tomás. Asan pawul Santiago. Japon Alfeo paxulan. Asan pawul Simón. Japon majt asamutpijin, celotemutpijin. ¹⁶ Asan pawul Judas, Santiago paxulan. Asan pawul Judas Iscariote. Japonlap asamatkoi wiasaxael Jesús, Jesús padaelmajiwxot.

Jesús xabich jiw naewujanpox

(Mt 4.23-25)

¹⁷ Jesús baloek muxxotsik, pej-apóstoles suapich. Baloek wut, najapnaxxot nuili. Xabich pejnachala natameja japonxot. Xabich asew jiwbej jaxot natameja. Japixot, asew Judea tuajnupijiw. Asew Jerusalén paklowaxpijiw. Asew Tiro paklowaxpijiw. Asew Sidón paklowaxpijiw. ¹⁸ Japi jiw puexa patlisi Jesús naewujanxot jumtaeliajwa, boejthusliajwasbejpi bu'xaenkpoxan. Nabijatpibej dep pijaxantat, japibej pat boejthusliajwas. ¹⁹ Samata, puexa japi jiw jachasiapi Jesús, Jesús boejthusful xot jiw.

Amxot jum-aechpox nejchachaemlax, nejchachaemla-elpoxbej

(Mt 5.1-12)

²⁰ Jesús natachaemt wut puexa pejnachalaliajwa, jawut jum-aechon japiliajwa: “Xamal najut nejchaxoelam wut: ‘Dios nakkajachawaes-el wut, xajmupaxinil isliajwan pachaempoxan’ —am wut, Dios kajachawaesaxael xamal. Ja-aech wut, xamal xabich nejchachaemlaxaelam.

²¹ “Xamal isasiam wut pachaempoxan Diosliajwa, japon kajachawaesfulaxael isfulalialajwam japoxan. Ja-am wut, xabich nejchachaemlaxaelam.

“Amwutjel nabijalaelpampim, nabijatam xot ampathatat, Dios xamal kajachawaesaxael pachaemalialajwam. Ja-am wut, xabich nejchachaemlaxaelam.

²²⁻²³ “Asew jiw nejwexlaxael xamal. Japi isaxael chaemilpoxan xamallialiajwa. Jumchiyaxaelbejpi xamallialiajwa: ‘¡Xamal chijiamde nejle!’ —chiyaxaelbejpi. Jumchiyaxaelbejpi babejjamechan xamallialiajwa. Jumchiyaxaelbejpi asew jiw jumtaeliajwa xamallialiajwa: ‘Ampi jiw chaemil, babejchow xot’ —chiyaxaelbejpi. Puexa japoxan jachiyaxael, xamal tajjiwam xot, xan puexa jiw pakoewkolnan. Japoxan ja-aech wut, ¡xamal xabich

nejchachaemilde! Diosxotse Dios xamal chaxduiyaxael xabich pachaempox. Samata, ¡nejchachaemilde, japamatkoi pasaxael wut! Xamal nejweslapi, japi jiw pejwujajnapijwbej chajia babijaxan is Dios pejprofetasliajwa.

²⁴ “Xamal kemaenkampim, xabich nabijasaxaelam, xanejchachaemlam xot ampathat-pijaxankal.

²⁵ “Amwutjel nejchaxoelam wut, jum-am: ‘Xan nejchachaemlax, puexa xabich xot tejew’ —am, nejchaxoelam wut. Pe asamatkoi xabich nabijasaxaelam. Me-ama asew kaematkoi nafnia wut, do jawux, pejme xabich litaxaelapi, xamalbej jachiyaxaelam.

“Amwutjel xafafolampim, asamatkoi xabich noeyaxaelam, nabijasaxaelam xot. Jawut-bej nejchachaemlaximil.

²⁶ “Chajiakolaxtat Dios pejprofetakola-elpi chiekal duila-el, me-ama Dios nejxasink. Japi jiw chiekal naewujajna-elbej Dios pejjamechan, japiliajwa jiw nejchachaemlaliajwas. Samata, japamatkoiyantat jiw jum-aech chimiajamechan profetakola-elpiliajwa. Samatabej, ampamatkoiyantat jiw jum-aech wut chimiajamechan xamalliajwa, ¡chiekal taem! Xamal chiekal bej duila-emilbej. Chiekal bej naewujajna-emilbej Dios pejjamechan. Ja-am wut, xamal asamatkoi xabich nabijasaxaelam” —aech Jesús pejnachalaliajwa.

Jesús naewujajnapox pejnachala nejxasinkaliajwa padaelmajiw
(Mt 5.38–48; 7.12)

²⁷ Jesús pejme jum-aech pejnachalaliajwa: “Xamal xan nanaewetampim xan jum-anox. ¡Xamal nejxasinkde nadaelmajiw! ¡Isde pachaempoxan xamal nejweslapiliajwa!

²⁸ Nadaelman nejchaxoel wut babijaxan xamal chapasliajwa, ¡xamallax nejchaxoelde japon chapasliajwas pachaempoxan! Asew jiw babejjamechan jum-aech wut xamalliajwa, ¡Dios kawujajande japi jiw kastikasamatas! ²⁹ Aton, matxoela-ispon babijax xamalliajwa, ¡xamallax nabej is babijax japon atonliajwa! Samata, aton xamal ba'faselcha wut, ¡asaba'falel nej selchapon! Aton xamal wenatkowa wut sumta-otampox, ¡nej fispanox pijaxliajwa! ¡Nijax kamisbej nej fispon pijaxliajwa! ³⁰ Aton malech xamal wuljow wut, ¡japon chaxdu'e! Asan aton natkowa wut nijax, ¡nabej wuljoe' wiasliajwapon natkowapox! ³¹ ¡Amalis isde pachaempoxan asew jiwliajwa, me-ama xamal nejxasinkam japi jiw isfulaliajwa xamalliajwa!” —aech Jesús pejnachalaliajwa.

³² Do jawut, Jesús pejme jum-aech pejnachalaliajwa: “Xamal nejxasinkam wut jiw xamal nejxasinkpikal, ja-am wut, ¿ma-aech xotkat nejchaxoelam Dios pachaemaxaelpox xamalliajwa? Jiw babejchowbej nakaebabejchow nanejxasink. ³³ Xamal isfulam wutbej pachaempox japi jiwliajwa, japi jiw isful xot pachaempox xamalliajwa, ja-aech wut, ¿ma-aech xotkat nejchaxoelam: ‘Dios pachaemaxael xanliajwa’ —amkat, nejchaxoelam wut? Jiw babejchowbej nakaebabejchowliajwa is pachaempoxan. ³⁴ Xamal prestam wut jiw matabijampikal, ja-am xamal japi jiw pejme wewiasliajwa prestampox, prestampox nafa'asamata. Ja-am wutbej, ¿ma-aech xotkat nejchaxoelam Dios pachaemaxaelpox xamalliajwa? Jiw babejchow nakaebabejchow napresta pejme wewiasliajwas naprestapoxan. ³⁵ ¡Nejxasinkde nadaelmajiw! ¡Isdebej pachaempoxan japiliajwa! Prestam wut, ¡prestampoxan nabej wujajnewes! Ja-am wut, Dios isaxael xabich pachaempox japonxotse xamalliajwa prestampoxanliajwa. Ja-am wut, me-ama Dios athupijin, paxulan suapich, kaenejchaxoelax, jachiyaxaelambej xamal. Dios isful pachaempoxan jiw babejchowliajwa. Asew jiw Dios kajachawaechpibej, japi nejchaxoelael Diosliajwa. Japi jiwliajwa, Dios is pachaempoxan. ³⁶ ¡Beltaem asew jiw! Me-ama nej-ax Dios puexa jiw beltaeful, ¡xamalbej ja-amsfulde!” —aech Jesús pejnachalaliajwa.

Jesús buxfiatpox pejnachala, japi jumchisamata: “Japi jiw babejchow xot, wewe'pas Dios kastikaliajwas” —chisamatapi

(Mt 7.1–5)

³⁷ Jesús pejme jum-aech pejnachalaliajwa: “¡Xamal asew jiwliajwa nabej jum-aechel: ‘Japi jiw babejchow’ —nabej aeche! Ja-am wut, Dios jumchiyaxil xamalliajwa: ‘Xamalbej

babejchowam' —chiyaxilon. ¡Nabej jum-aech'e'bej a sew jiwliajwa: 'Japi wewe'pas Dios kastikaliajwas' —nabej aech'e'bej! Ja-am wut, Dios jumchiyaxilbej xamalliajwa: 'Xamal wewe'p xan kastikaliajwan' —chiyaxil Dios xamalliajwa. A sew jiw babijaxan is wut xamalliajwa, ¡beltaem! Ja-am wut, Diosbej xamal beltaeyaxael babijaxan isampoxanliajwa. ³⁸ Jiw wewe'pas wut, ¡chaxduim! Ja-am wut, Diosbej xamal chaxduiyaxael wewe'ppoxan. A sew jiw chaxduwam wut, Dios kaes pejme xamal chaxduiyaxael" —aech Jesús, pejnachala naewuajan wut.

³⁹ Jesús pejme jum-aech, pejnachala naewuajan wut: "Nakae-itliakla namakxalaeyaxil. Itliaklan asan makxafol wut, japi kolenje kaemuthadik natacholnaxaek. ⁴⁰ Estudiapon kaes pejme pachaema-el. Me-ama chanaekabuanaspon, jachi-elon. Pe asamatkoi, puexa matabijt wuton, japon najupaxael. Me-ama pejchanaekabuanan wut, jachiyaxaelon" —aech Jesús pejnachalaliajwa.

⁴¹ Do pejme Jesús jum-aech, naewuajan wut pejnachala: "Xamal najut kaes babijaxan isam wut, ¡xamal nabej naewuajne', asan aton babijax is wut! Aton, asan kajachawaesasia wut, cha-aelaxach, ast it-okson, japon pajutlax kaes pejme pinjiyax naetamat it-oks wut, jasoxtat japon aton asan aton kajachawaesaxil. ⁴² Xamal kaes babijaxan isam wut, ¡nabej jum-aech'e' asanliajwa: 'Xam naewuajnaaxaelen, babijax is-elaliajwam' —nabej aech'e', naekichachajbapijnam wut! ¡Majt xamal kofim babijaxan isfulampoxan! Ja-am wut, pachaemaxael asan aton naewuajnalialjwam japon kofsliajwa babijaxan ispoxan" —aech Jesús pejnachalaliajwa.

Pejbaech pachaem wut, matabijaspo x japanae pachaempox
(Mt 7.17-20; 12.34-35)

⁴³ Jesús pejme naewuajan wut pejnachala, jum-aechon: "Pachaemnae naboet wut, pejbaechbej pachaem. Chaemilnae naboet wut, pejbaechbej chaemil. ⁴⁴ Kaenanula naebaechnaechan matabijas pejbaechtata. Na-e'naexot tus-el higobaech. Ja-aechbej uvadunanliajwa. Uvadunan chajalka-eli na-e'naexot. ⁴⁵ Ja-aechbej jiwliajwa. Aton, wepachaemspon pejnechaxoelax, japon aton naksiya pachaempoxan. Aton, wepachaema-esalpon pejnechaxoelax, japonlax naksiya babejjamechan. Japi kolenje japoxan naksiya, pejnechaxoelaxanxot nakolapoxan" —aech Jesús, naewuajan wut pejnachala.

Jesús naksiyapox kolebaliajwa
(Mt 7.24-27)

⁴⁶ Do jawut, Jesús pejme jum-aech, naewuajan wuton doce pejnachalaliajwa, a sew jiwliajwabej: "Xamal naexasis-emil wut xan jum-anpox, ¿ma-aech xotkat najum-am: 'Tajpaklon, tajpaklon' —na-amkat? ⁴⁷ Xanlel fulaenpon, japon xan nanaewet. Nanaexasitbejpon xan jum-anpoxan. Xamal jumchiyaxaelen, achan kabuan-aech xanlel fulaenpon. ⁴⁸ Japon aton ba isan, kabuan-aech. Kowpon sat tinkxot ba isliajwa. Nosnaechan muthapon. Do jawux, pejba toet wut, pinamin pat wut, japaba taxu'palaxil, chiekal isas xot sat tinkxot. ⁴⁹ Xan jum-anpox jumtaenpon, pe naexasis-el wuton, japon aton, me-ama thaejtat ba ispon, kabuan-aechon. Nosnaechan muthapon thaejtat. Dolison pejba isax ketoet wut, pinamin wut, japaba chiekal jawul, jaxot thaejtkal xot. Samata, japaba chiekal toep" —aech Jesús, naewuajan wut doce pejnachalaliajwa, a sew jiwliajwabej.

7

Jesús boejthutpox soldawcapitán pamakan
(Mt 8.5-13)

¹ Jesús buxtoet wut naewuajna x, fulaechon Capernaum paklowax poxade, doce pejnachala suapich. ² Capernaum paklowaxxot duk soldawcapitán, Roma gobiernoliajwa nabistpon. Japon capitán xabich nejxasink pamakan. Japon pamakan xabich bu'xaenk. Mox pawuajnapon tupaliajwa. ³ Japon capitán wultaen Jesús jiw boejthusfulpox. Samata,

capitán to'a kaes uapich judíos-ancianos japi buflaeliajwadin Jesús, boejthusliajwapon capitán pamakan. ⁴ Dolisi, Jesúsxot pa'a wut, xabich taduti Jesús. Jum-aechi Jesúsliajwa:

—Tajpaklon, kijum-amse, capitán xabich pachaempon. Samata, xam nakfalaem xanal japon pejba poxade, japon pamakan boejthusliajwam! ⁵ Japon capitán naknejxasink xatis judíos. Japonbej nawemot asew jiw isliajwa xanal tajnaewuajnalialjwa —aech judíos-ancianos Jesúsliajwa.

⁶ Do jawut, Jesús nakfol japi. Dolison, mox wutlejen capitán pejba pasliajwa, capitán to'a pejnachala japi bu'kakalnialjwa Jesús. Do jawut, buxto'abejpon pejnachala japi jumchiliajwa Jesús: “Tajpaklon, xam kaes mox pasaximil tajcapitán pejba. Japon jum-aech: ‘Xan kaes pachaema-enil Jesús pasliajwa tajba, japon kaes pejme paklon xot. ⁷ Samata, xan tajut fulae-enil wuljaesliajwan Jesús. ¡Jaxotde nej nawiaspon! ¡Nej jum-aechapon tamakanliajwa, japon boejthulialjwas! Ja-aech wut, tamakan naweboejthulaxaes. ⁸ Xanbej tajpaklochow. Japi naketo'a wut, xan ow-an. Xanbej soldawcapitánan. Kaen to'ax wut, japon na-ow-aech. Asan lax wut, japon fulaen. Tamakan keto'ax wut, japox chiekal jinawe-ison. Jesúsbej tato'lan. Jum-aech wuton tamakanliajwa, tamakan chiekal boejthulaxaes’ —aech soldawcapitán, xanal nabuxto'a wut xam jumchiliajwan” —aech soldawcapitán pejnachala Jesús jumtaeliajwa.

⁹ Jesús japox jumtaen wut, capitán jumxato'apox, japonliajwa xabich nejchaxoelanukon, xabich xanaboejtas xot. Do jawut, Jesús natfo'cha wut, natachaemton jiw fulafospilel. Do jawut, jum-aechon japiliajwa:

—Diachwujnakolax xamal jum-an. Israel tuajnujxot aton tae-enil, xan xabich naxanaboejtpon, me-ama japon aton, jason —aech Jesús soldawcapitánliajwa, jumtaeliajwa fulafospipon.

¹⁰ Jawut capitán to'asi nawia capitán pejba poxade. Pa'a wut, taenlisi capitán pamakan chiekal boejthulspx.

Jesús mat-etpox pamal naetusprow paxulan, pejme dukaliajwa

¹¹ Asamatkoi Jesús fulaech wut Naín paklowax poxade, pejnachala nakfolspon. ¹² Paklowax mox itwefol wuti, Jesús taen, asew jiw patupan muthsliajwa chaxfol wuti paklowax tathoetlel. Patupan pen, pamal naetusprow. Japow kaen paxulan tupon. Xabich jiw, Naín paklowaxpijiw, fulchallas. ¹³ Jesús japow taen wut, beltaenpon. Do jawut, jum-aechon japowliajwa:

—¡Nabej wunoe'! —aech Jesús.

¹⁴ Japox jum-aech wut, Jesús mox soepan patupanxot. Do jawut, Jesús camilla takuksaba wut, patupan chaxfoli chaxnuiljaba. Do jawut, Jesús jum-aech patupanliajwa:

—Pansian, xan jum-an xamliajwa: ‘¡Mat-e'e pejme dukaliajwam!’ —an xan —aech Jesús.

¹⁵ Do jawut, patupan chalechkal mat-et. Mat-et wut, naksiyalison. Do jawut, Jesús jum-aech japon penliajwa:

—Ma naxulan —aech Jesús.

¹⁶ Jiw japox taen wut, puexa xabich belwanapi. Jum-aechnap:

—Dios xabich mamnik. Xajup puexa isliajwa. Poklaprofetakolan patlison xatisxot. Dios fuloek kajachawaesliajwa pejjiw —aechnap Jesúsliajwa.

¹⁷ Xabich jiw, Judea tuajnujpijiw, mox duilibej Judea tuajnujxot, japi wultaena Jesús patupan mat-etpox.

Juan, jiw bautisan, japon to'apox kolenje pejnachalan Jesús poxade (Mt 11.2-19)

¹⁸ Juan, jiw bautisan, jiw jebatat jias wut, pejnachala chapaeflas Jesús isfulpoxanliajwa. Asamatkoi Juan wullala kolenje pejnachalan, japi to'aliajwapon Jesús poxade. ¹⁹ Juan japi buxto'aliajwa wut, jum-aechon: “Jesús wujnachaemtam wut, jum-amopon: ‘¿Xamkatlap diachwujnakolax Cristowam, jumduchponam puexa jiw bu'welialjwam? Xam Cristowa-emil wut, ¿xanalkat kaes wujnawesaxaelen asan pasaxaelpon?’ —amo Jesús!”

—aech Juan, bꝁto'a wꝁt kolenje pejnachalan. ²⁰ Juan pejnachala pat wꝁt Jesúsxot, jꝁm-aechi ampox:

—Juan, jiw bautisan, xanal nabꝁto'a xam wꝁajnaemsliajwan. ¿Xamkatlap diachwꝁajnakolax Cristowam, Dios jꝁmduchponam puexa jiw bꝁ'weliajwam? Xam Cristowam-emil wꝁt, ¿xanalkat kaes asan wꝁajnawesaxaelen, pasaxaelpon? —aech Juan pejnachala Jesúsliajwa.

²¹ Do jawꝁt, japi pejwꝁajnalel Jesús xabich jiw bꝁ'xaeya boejthꝁt, bꝁ'xaenki nejmachwaxaetat. Jiw, pejmatꝁatantxot dep webaespi, to'apon dep nakolaliajwa jaxot. Boejthꝁt-bejpon xabich itliakla japi taeliajwa. ²² Do jawꝁt, Jesús jꝁm-aech Juan pejnachalaliajwa:

—¡Xabꝁa'de! ¡Nawem Juan poxade! Juanxot patam wꝁt, ¡Juan chapaem koechaxan taenamponan, wꝁtaenamponanbej! Juan chapaeyam wꝁt, jꝁm-amo: 'Itliakla chiekal taen. Nabejkabej chiekal laelp. Piach leprawaxaetat bꝁ'xaenkꝁibej, japi chiekal boejthꝁt. Naetakꝁatabej chiekal jꝁmtaen. Patꝁpabej mat-ias pejme duilaliajwa' —amo Juan, chapaeyam wꝁt! ¡Chapaembejpon naewꝁajnaexponan kejila, japibej naexasisliajwa, Dios bꝁ'weliajwasbejpi babijaxan isponanliajwa! ²³ Juan chapaeyam wꝁtbej, jꝁm-amonon: 'Nejmach-aton chiekal naxanaboefsꝁl wꝁt, nanaexasisꝁl wꝁtbejpon xan Cristowanponan, japon aton nejchachaemlafaxael' —amo Juan, chapaeyam wꝁt! —aech Jesús Juan pejnachalaliajwa.

²⁴ Do jawꝁx, Juan pejnachala nawia Juan poxade. Nawia wꝁti, jawꝁt, Jesús tꝁadut jiw jꝁmchiliajwa Juanliajwa. Jꝁm-aechon: "Juan, jiw bautisan, pajilaxxot duk wꝁt, xamal fꝁlaemch japoxade. Fꝁlae-emil taeliajwam muifꝁrtꝁt joewa jꝁ'basꝁox. ²⁵ Xamal fꝁlae-emildebej taeliajwam kaen aton chamoeyaxan naxoelpon. Xamal chiekal matabijam, chimianaxoeipi duila-el pajilaxtat. Jiw chimianaxoeipi duil chimiabachantat. Japi duil paklochow pejbachantat. ²⁶ Xamallax fꝁlaemch taeliajwam profeta. Diachwꝁajnakolax jꝁm-an. Xamal Juan taenam wꝁt, taenam poklaprofetakolan. ²⁷ Dios pejjamechan, chajia lelsxot, jꝁm-aech Dios najꝁm-aechꝁox xanliajwa, Juan isaxaelꝁoxliajwa: 'Wꝁa, xam wꝁajna tajprofeta to'axaelen japon jiw naewꝁajnafulaliajwa tajjamechan, xam patam wꝁt jiw chiekal naexasisliajwa xam' —aech chajia lelsxot Dios najꝁm-aechꝁox xanliajwa, Juan isaxaelꝁoxliajwa.

²⁸ Kaes pejme pachaempi, profetas, ajil, me-ama Juan, jiw bautisan, jasi. Pe nakiowa, Diosxotse wꝁt, jaxotse japi jiw puexa chiekal isꝁl Dios nejxasinkꝁoxan. Japi kaes pejme pachaemaxael Dios pejwꝁajnalel. Me-ama Juan ampathatat, jachiyaxili" —aech Jesús.

²⁹ Xabich jiw jꝁmtaen Juan naewꝁajanꝁox. Impuesto mat-omwꝁljoewbej jꝁmtaen. Japi naexasit wꝁt, Juan japi jiw bautisa, japi matabija xot Dios xabich pachaempon. ³⁰ Fariseos, judíos chanaekabꝁanapibej, naekꝁanjamt Juan naewꝁajanꝁox. Isꝁla-eli Dios nejxasinkꝁox. Samata, Juan japi jiw bautisa-el.

³¹⁻³² Do pejme Jesús jꝁm-aech jiwliajwa: "Ampamatkoiyantat jiw duilpi ampathatat, japi jiw, me-ama yamxi wꝁt, ja-aechi, kaenejchaxoelaxa-el xot. Me-ama yamxi chalak paklowaxplazaxot nakakujsliajwa, ja-aech japi jiw. Yamxi chalak wꝁt, pejnachala sꝁapich, nakaewa najꝁm-aechi: 'Xanal toela nababax xamal nababoelaliajwam. Pe xamal nababoela-emil, jꝁmtaenam wꝁt toela. Xanal jajui jajuwꝁbej xamal noeliajwam. Pe xamal noe-emil, jꝁmtaenam wꝁt' —na-aech nakaewa yamxi, nalot wꝁt plazaxot. ³³ Juan, jiw bautisan, japon ampathatat wꝁt, Dios pejjamechan naewꝁajnafulon. Xabich piach naxae-elon, Dios kawꝁajnalialiajwa wꝁt. Vino fe-elbejpon. Ja-aech wꝁt, xamal jꝁm-am: 'Juan dep webaes pejmatꝁatantxot' —amsꝁlam. ³⁴ Do jawꝁx, xan, puexa jiw pakoewkolnan, fꝁlaenx. Xanlax puexa xaelx. Puexa afxbej. Ja-an wꝁt, xamal jꝁm-ambej xanliajwa: 'Japon xabich xaemaenk. Femaenkbejpon vino. Pejnachala babejchowbej. Pejnachalabej impuesto mat-omwꝁljoew Roma gobiernoliajwa' —am xamal xanliajwa. ³⁵ Pelax jiw matabijasiapi Dios, japi naexasisꝁl Juan jꝁm-aechꝁoxan, xan jꝁm-anꝁoxanbej. Japi matabijaxael diachwꝁajnakolaxꝁox Juanliajwa, xanliajwabej" —aech Jesús jiw naewetiliajwa.

Jesús taduchpox xaeliajwa fariseo pejbatat

³⁶ Fariseo-aton, pawulpon Simón, japon tadut Jesús xaeliajwa japon pejbatat. Samata, Jesús fulaech japon pejba poxade xaeliajwa, japon suapich. Jesús pat wut, ekon mesaxot. ³⁷ Japapaklowaxxot pawis duk. Japow a sew poejiw bu'moejtpow plata kanaliajwa. Japow wultaen Jesús xaeyaxaelpox Simón pejbatat. Samata, japow fulaech japaba poxade Jesús taeliajwa. Japow xapat perjumamint alabastro-ia' batiajtat, chiekal wulukat. ³⁸ Dolisow, brixtat nuk Jesús pejtuahtabijla, Jesús chafanaliajwas perjumamint. Japox isliajwa wut, chalechkal noeyax tuadutow, xabich nejxaejwas xot babijaxan ispoxanliajwa. Pej-itmin natacholan Jesús pejtuahtametat. Do jawut, pejmatlatat Jesús tuaktamejoeipow. Tuaktamesuwpow Jesús. Japaperjumamintat chafanpow Jesús pejtuahtame. ³⁹ Simón, japon tadutpon Jesús xaeliajwa, taen wuton japox, nejchaxoelon Jesúsliajwa: “Diachwajnakolax ampon profeta wut, matabijsaxaelon, achaow japow pawis. Matabijsaxael-bejpon japow babejowpow” —aech Simón, nejchaxoel wut Jesúsliajwa. ⁴⁰ Simón japox nejchaxoel wut, Jesús jum-aech:

—Simón, xam asax jumchisian —aech Jesús.

Simón jumnot wut, jum-aechon:

—Jiw chanaekabuanan, jum-amde najumchisiampox! —aechon.

⁴¹ Do jawut, Jesús jum-aech:

—Plata prestapijin, kolenje aton plata dewataspon. Kaen dewatas quinientos denarios. Asan dewataspon cincuenta denarios. ⁴² Japi kolenje plata kejil wewiasliajwapi prestaspon. Samata, prestapijin jum-aech japiliajwa: ‘Xamal nadewatampoxan xan kaes mat-omwuljoeyaxinil’ —aechon. Japox jum-aech wut, zachankat japi kolenjexot kaes pejme nejxasinkaxaes? —aech Jesús Simónliajwa.

⁴³ Simón jumnot wut, jum-aechon:

—Kaesawatpon, japon kaes nejxasinkaxaes —aech Simón Jesúsliajwa.

Do jawut, Jesús jum-aech:

—Diachwajnakolax xam chiekal xatbijam —aech Jesús Simónliajwa.

⁴⁴ Do jawut, Jesús natachaemt wut pawis, pejme jum-aechon Simónliajwa:

—Xam taenam pawis ispox. Nejba lowx wut, nachaxdus-emil min xan tajtuak kiasliajwan, me-ama xatis wajkabuan. Ampow pawislax natuakkiat pejitmintat. Natuakmo'tbejpow pejmatlatat. ⁴⁵ Nejba patx wut, naxusui-emil chiekal nabu'kulsliajwam. Ampow pawislax, xan ba lowx wut, natuaksuw, nasitaen xotow. ⁴⁶ Chiekal nabu'kulsliajwam, xan namatnaechafana-emil olivosimint. Ampowlax perjumamint natuakchafan. ⁴⁷ Samata, jum-an: “Japow babijaxan ispoxanliajwa, wexabichaspojan, beltaens, xabich xan nanejxasink xotow” —an xan. Jiw kaesupich babijaxan ispoxanliajwa beltaens wut, japi kaesupich itpaeyaxael pejnejxasiyax Diosliajwa —aech Jesús Simónliajwa.

⁴⁸ Do jawut, Jesús jum-aech japowliajwa:

—Xam babijaxan isampoxanliajwa xan beltaenx —aech Jesús.

⁴⁹ A sew jiw tadutaspi xaeliajwa Simón pejbatat, japi nakaewa nakawajnachamt wut, jum-aechi:

—Zachankat ampon hasta jiw babijaxan ispoxan beltaeliajwa? —na-aechi nakaewa.

⁵⁰ Jesús jum-aech pawisliajwa:

—Xabich naxanaboejtam xot, Dios xam bu'wia nejbabijaxan. Samata, xabua'de nejmach! —aech Jesús.

8

Watho' kajachawaetpox Jesús

¹ Jesús Simón pejbaxot wut, japoxwux, mathunlison xabich paklowaxan, cha-aelpaklowaxanbej. Jesús japapaklowaxanpijiw naewuajnaful chimiawuajan, Dios puexa pejjiw tato'laxaelwuajan. Doce apóstolespi, japi chala Jesús. ² Chalasbejpon a sew watho'. Japi watho' majt pejmatpuatantat dep webaesi. Jesús chajia dep to'a nakolaliajwa japi

watho'xot. Japi watho'xot, Jesús boejthutbej, chajia majt bu'xaenk wuti. Japixot, kaew pawl María. Japow Magdala paklowaxpijow. Japow majt pejmatpuatat siete dep webaes. Jesús dep to'a nakolaliajwa japow pejmatpuatxot. ³Jaxotbej asaow. Japow pawl Juana. Japow Cuza pijow. Japon Cuza, rey Herodes pejba tataeflan. Jaxotbej asaow. Japow pawl Susana. Jaxotbej kaes asew watho'. Japi watho' pejewtat kajachawaeti Jesús, pejnachalabej.

Trigo pejwujajan, xasaljabapon
(Mt 13.1-23; Mr 4.1-20)

⁴ Xabich paklowaxanpijiw fulaen Jesús taeliajwa. Samata, xabich jiw natameja Jesúsxot. Jesús naewujajan wut, wujantat jum-aechon: ⁵ “Kaen aton fulaech pejlul poxade, trigo xasaljabaliajwa. Xasaljaba wut, kaesupich natacholan nuamtat. Dolisdo', jiw xaxena wut, japi trigo sae'enas. Do jawux, japafu mia xaes. ⁶ Kaesupich trigo natacholan ia'xot. Jaxot as xanaja'al. Do jawux, japi trigo naboela wut, xabich masxaenk wutbej, japi trigo masxae selnas, sat chiekal pesnika-el xotdik. ⁷ Kaesupich trigo natacholan na-e'lu tasiaptasxot. Japi trigo naboela wut, jawutbej, na-e'lu naboela. Na-e'lu tapae-el trigo ti'sax, na-e'lu kaes athu xot. ⁸ Asew trigo natacholan sat pachaemxot. Japi trigo chiekal naboela. Ti't wut, trigoton chiekal naboet. Trigoton naboet wut, kaenanula hasta cien trigo naboet” —aech Jesús.

Jesús japox jum-aech wut, pinjametat jum-aechon: “Xamal matabijasiam wut Dios pejnechaxoelax, jchiekal nanaewe'e xan jum-anpox!” —aech Jesús.

Ma-aech xot Jesús xabich naewujajan wujantat
(Mt 13.10-17; Mr 4.10-12)

⁹ Pejnachala, japi wujnachaemt Jesús, chiekal matabijasia xoti, achax chiyaxael japox wujajan, Jesús naewujajanpox. ¹⁰ Do jawut, Jesús jum-aech chiekal chanaekabuanalijawapon pejnachala: “Dios xamal tapaei matabijaliajwam Dios tato'laxaelpox pejjiw. Asew jiw naewujajna wut wujantat, jumtaeni. Pe japi matabijaxil, achax chiyaxael japox wujajan. Taen wuti koechaxan isxroxan, japi matabijaxil, ma-aech xot xan japoxan isx” —aech Jesús pejnachalaliajwa.

Jesús chiekal chanaekabuanapox trigo pejwujajan, xasaljabapon
(Mt 13.18-23; Mr 4.13-20)

¹¹ Do pejme Jesús jum-aech pejnachalaliajwa: “Amwut xamal chiekal chanaekabuanaxaelen trigo xasaljabapon pejwujajan. Japon aton, trigo xasaljaba satat. Japawujantat ‘Trigo’ —aech wut, japox jumchiliajwa: ‘Dios pejjamechan jiw naewujajnaspoj jumtaeliajwa, naexaxislijawabejpi pejnechaxoelaxantat’ —chiliajwa japox. ¹² ‘Trigo, natacholanpi nuamtat’ —aech wut, japox jumchiliajwa: ‘Dios pejjamechan jiw naewujajnas wut, japajamechan jumtaeni, do jawut, kamta nejkiowbejpi jumtaenpoxan. Do jawutbej, Satanás pat japi jiwxot, japon, me-ama mia, Dios pejjamechan wenoslijawas jiw pejnechaxoelaxanxot. Samata, japi jiw Dios pejjamechan chiekal naexaxisaxil Dios bu'welijawas’ —chiliajwa japox. ¹³ ‘Trigo, natacholanpi ia'xot’ —aech wut, japox jumchiliajwa: ‘Jiw Dios pejjamechan jumtaen wut, japi jiw kamta naexasiti. Ja-aech wut, japi jiw nejchachaemil kaematkoiliajwa. Do jawux, Dios naexasit xoti, asew jiw bu'wujajanpaeispi. O, chaemilpox wetapachpi. Do jawut, japi kaes Dios xanaboeja-el. Samata, me-ama trigotathin kasnika-el wut, naboes-el, ja-aechlap-is japi jiw. Do jawut, Dios pejjamechan naexasitpox kofapi’ —chiliajwa japox. ¹⁴ ‘Trigo, natacholanpi na-e'lu tasiaptasxot’ —aech wut, japox jumchiliajwa: ‘Jiw Dios pejjamechan jumtaen wut, kamta naexasiti. Do jawux, kofalisi, asaxan matakas xot pejnechaxoelaxan, xabich nejchaxoel xotbej ampathatpijaxankal. Nejchaxoelbejpi xabich kemaenkaliajwa. Nejchaxoelbejpi isfulaliajwa pajut nejxasinkpoxan. Samata, pejxanaboejaxan Dioslijawa kaesfulaxil’ —chiliajwa japox. ¹⁵ ‘Trigo, natacholanpi sat pachaemxot’ —aech wut, japox jumchiliajwa: ‘Jiw jumtaen wut Dios pejjamechan, japi jiw chiekal naexaxisful naewujajnaspoj. Kofali naexaxisfulpox. Ja-aech wut, japi chiekal Dios xanaboejaful wut, me-ama trigoton

xabich naboeti, ja-aech japi jiw' —chiliajwa japox" —aech Jesús, chiekal chanaekabwana wut pejnachala.

Lámpara pejwajaan
(Mr 4.21-25)

¹⁶ Do pejme Jesús jum-aech pejnachalaliajwa: "Jiw lámpara tamdut wut, asaxtat matakasaxil. Cha-esaxilbej camabuxfaltat. Jiwlax athu cha-esaxael bamuaxnaetat, batu chiekal itliakaliajwa, lalenapi chiekal taeliajwa. ¹⁷ Ja-aechbej tajnaewuajnaexliajwa. Puexa japoxan, moechaspoخان, asamatkoi tulaelaxaesi. Puexa tajnaewuajnaex, amwutjel matabija-esalpoxfuk, asamatkoi japoxan chiekal matabijaxaes" —aech Jesús pejnachalaliajwa.

¹⁸ Do pejme Jesús jum-aech pejnachalaliajwa: "¡Chiekal naewe'e xan jum-anpox! Tejew chiekal nawetataefulpon, japon aton kaes pejme chaxdusaxaelen. Asanlax chiekal nawetataefla-elpon tejew, kaesupich nawetataefulpoخ, kefisaxaeson" —aech Jesús pejnachalaliajwa.

Jesús pen, japon pakoewbej, japi nospaesiapox, Jesús suapich
(Mt 12.46-50; Mr 3.31-35)

¹⁹ Do jawut, Jesús pen, japon pakoewbej, mox pa'an Jesús naewuajanxot jiw. Pe japi leyaxil kaes mox pasliajwadin Jesúsxot, xabich wajaan jiw ba wuluk xot. ²⁰ Do jawut, batutat aton jum-aech Jesúsliajwa:

—Jiw chanaekabwanan, nej-en, nakoewbej, pa'an. Japi nuil tathoetat. Xam taesiapi —aechon.

²¹ Do jawut, Jesús jum-aech jaxotiliajwa:

—Jiw jumtaenpi Dios pejjamechan, naexasit wutbejpi, japi jiw, me-ama taj-en, takoewbej, ja-aechi —aech Jesús.

Jesús fiatpox joewa, truxanbej
(Mt 8.23-27; Mr 4.35-41)

²² Asamatkoi Jesús jum-aech:

—¡Chijias puka we-enlelde! —aechon.

Do jawut, Jesús jul falkam, pejnachala suapich. Jawut chaflechlisi. ²³ Pukatutat chafol wuti, Jesús nejmach moejt. Ja-aech wut, chalechkal xabich pinajoewa, pintruxanbej, pat. Falkamtu xabich min fajabas. Samata, xabich chachoel, chabu'laxael xoti. ²⁴ Jawut japi thikapi Jesús. Jum-aechipon:

—Tajpaklon, ¡nathikde! —aechi.

Do jawut, Jesús nant wut, fiatlison joewa, truxanbej. Fiat wut, joewa chiekal toep, truxanbej. Jawut puka chiekal itnapatan. ²⁵ Do jawut, Jesús jum-aech pejnachalaliajwa:

—¿Amekat xamal xan naxanaboejampox? —aech Jesús.

Do jawut, puexa xabich belwanapi. Xabich nejchaxoelanuilbejpi. Samata, nakaewa najum-aechi:

—¿Achankat ampon aton? Joewa, pukabej, fiat wut, ¡naexasichpon! —na-aechi nakaewa.

Jesús to'apox dep nakolaliajwa aton pejmatpuatxot
(Mt 8.28-34; Mr 5.1-20)

²⁶ Jesús, pejnachala suapich, puka we-enlelde chapa'a Gerasa tuajnuaxotde. Gerasa tuajnu Galilea tuajnutabijla. ²⁷ Itjul wuti, Jesús putat nant wut, kaen aton japatuajnuapijin fulaen Jesúsleldin. Japon aton pejmatpuatxot dep webaes. Piach bu'jumchalaejapon. Duka-el batat. Japon duk tupi muthasxot. ²⁸ Jesúsxot pat wuton, japon nuk brixtat Jesús pejwujnalel. Nejlat wut, jum-aechon:

—Jesús, ¡Dios athupijin paxulan! ¿Achaxasiamkat xanxot? ¡Xam jum-an natalias-elaliajwam! —aech japon aton pejmatpuatxot webaespon dep.

²⁹ Dep webaespon japox jum-aech, Jesús to'a xot dep nakolaliajwa japon aton pejmatpuatxot. Japon aton xabich mamnik dep pijaxtat. Jesús pas-el wutfuk, pin-iaveces japon aton dep pijaxtat xabich chachoel jiwliajwa. Chalechkal japon aton, me-ama na-achanat wut, ja-aech xoton. Samata, jiw muaxwasixawaekson cadenamuatat. Tuakwasixawaeksbejpon, asey jiw chiekal tataeflaliajwas. Jasoxtat japon xawaeks wut, cadenamua likton. Ja-aech wut, dep pijaxtat najaeton pajilax poxade. ³⁰ Jesús wuajna chaemt wut dep webaeson, jum-aechon:

—¿Achawulamkat xam? —aech Jesús.

Japon jumnot wut, jum-aechon:

—Xan tawul Xabich —aechon.

Jasox japon aton jum-aech, pin-iat dep webaes xoton pejmatpuatxot. ³¹ Dep xabich jum-aech Jesús to'asamatas infierno poxadik. ³² Muaxleltat pin-iat maran naxaelp. Samata, dep jum-aech Jesúsliajwa:

—Ampon atonxot nakolax nato'asiam wut, jnatapaem xanal leliajwan maranxot! —aech dep Jesúsliajwa.

Do jawut, Jesús tapaei dep leliajwa maran pejmatpuatanxot. ³³ Dolisdo', Jesús to'a dep nakolaliajwa japon aton pejmatpuatxot. Jawut dep low maranxot. Do jawut, japi maran dukp chuataidik, puka poxadik. Jaxotdik puexa maran chiekal bu'al.

³⁴ Do jawutbej, maran tataefulpi japox taen wut, pejlewt dukpi pejpaklowax poxade chapaeliajwapi taenpox. Do jawut, chapaeilisi japapaklowaxpijiw, mox duilpibej. ³⁵ Do jawut, jiw fulaen pajut chiekal taeliajwa jumtaenpox. Pat wut Jesúsxot, taenlisi japon aton, ek wuton Jesús pejwuajnalel, dep wejisal xotlison. Bu'la-eklison naxoelax. Chiekal pachaemlison. Fulaenpi japox taen wut, xabich beljowpi Jesúsliajwa. ³⁶ Taenpi Jesús ispox japon aton chiekal pachaemaliajwa, japi chapaei taenpox fulaeniliajwa. ³⁷ Do jawux, puexa Gerasa tuajnuapijiw xabich jum-aechi Jesús chijiyaliajwa japixot, xabich pejlewlax xoti Jesúsliajwa. Samata, Jesús falkam jul chijiyaliajwa japatnuajnuaxot. ³⁸ Do jawut, majt dep webaeson, xabich kawuajan nakfulaeliajwapon Jesús. Pe Jesús tapae-el japon aton nakfulaeliajwas. Jesús to'a japon aton namanaliajwa pejtuajnuaxot. Jum-aechon: ³⁹ —¿Nawiamach nejba poxade! ¿Nejiw chapaem puexa Dios ispox xamliajwa! —aech Jesús.

Dolisdo', majt dep webaeson, fulaechlison pejba poxade. Puexa paklowaxpijiw chapaefullison Jesús ispox japonliajwa.

Amxot jum-aechox Jesús pawis boejthutpoxliajwa, asaow patupow matetpoxbejliajwa, pejme dukaliajwapow

(Mt 9.18-26; Mr 5.21-43)

⁴⁰ Jesús Gerasa tuajnualel nawian wut puka we-enleldin, xabich jiw wuajnawechpon. Xabich nejchachaemili, Jesús taen wut. ⁴¹ Jawut Jairo pat Jesúsxot. Japon judíos naewuaj nabaxot tato'lan. Jairo taen wut Jesús, brixtat nukon Jesús pejwuajnalel. Sat makxabijindikbejpon. Jawut Jairo jum-aech Jesúsliajwa:

—Xam tadutx nakfulaeliajwam tajba poxade. ⁴² Taxulow, kaekolowpow, doce waechanpow, mox pawuajna tupaliajwa —aech Jairo Jesúsliajwa.

Do jawut, Jesús nakfol wut Jairo, jiw xabich pin-iat nakfolbej. Jiw xabichful Jesús pejwuajnalel, wuchakallelbej. Natabe'nafuli. ⁴³ Japi jiwxot kaeow pawis wuchakal fol. Japow bu'xaenk. Pejlax wut, jal chiekal wematduka-esal. Doce waechan japow jasoxtat bu'xaenkpox. Xabich jiw woew wualachipow. Pe chinax kaen boejthus-esal japow. Xadaeptow puexa pejew plata nawoeyaxtat. ⁴⁴ Japow Jesús wuchakallel moxdepow. Do jawut, Jesús sumta-otox matdukafulpox jajastow. Jawut japow kamta chiekal boejthul. Jalbej chiekal matduk. ⁴⁵ Do jawut, Jesús wuajna chaemt wut, jum-aechon:

—¿Achankat xan najajast? —aechon.

Jawut puexa jiw jum-aechna:

—¿Xanalxot xam jacha-enil! —aechi.

Jawut Pedro jum-aech:

—Tajpaklon, xam jiw xabich tabe'naful, nakfol xoti —aech Pedro.

⁴⁶ Do pejme Jesús jum-aech:

—Kaendo' najajast. Xan chiekal matabijtax kaen boejthutxpo —aech Jesús jiwliajwa.

⁴⁷ Japow nejchaxoel: “Jesús matabijt xan naboejthutox. Samata, xan nawoesa tulaela jumchiyaxaelen” —aechow, nejchaxoel wut. Do jawut, japow tathulal pejlwt. Jawut brixtat nukow Jesús pejwajnalel. Jawutbej puexa jiw pejwajnalel chapaeipow, ma-aech xot jajastow Jesús. Chapaeibepow chiekal boejthulsox, jajast wutow Jesús naxoelpox.

⁴⁸ Jesús jum-aech japowliajwa:

—Jam, amwutjel xam chiekal pachaemam, xan chiekal naxanaboejtam xot. ¡Xabua'de nejmach! —aech Jesús.

⁴⁹ Jesús naksiya wutfuk, Jairo pamakan pat Jesúsxot. Japon jum-aech Jairo jumtaelija:

—Naxulow tuplisow. Samata, ¡nabey talias jiw chanaekabuanan, nejba poxade nakfulaesamata! —aech Jairo pamakan.

⁵⁰ Jesús jumtaen wut Jairo pamakan jum-aechpox, naekuanjamton. Samata, Jesús jum-aech Jairoliajwa:

—¡Nabey nejlewlé' naxulow tuproxliajwa! ¡Dioskal xanaboejde! Naxulow Dios mat-esaxaes pejme dukaliajwa —aech Jesús.

⁵¹ Jesús nakpat wut Jairo pejbaxot, tapae-elon asew jiw leliajwa. Jawut tapaeipon leliajwa Pedro, Santiago, Juan, Jairo, japon pijowbej. Japikal tapaeis leliajwa. ⁵² Wajna tathoetlel puexa jiw xabich wunow. Do jawut, Jesús jum-aech wunowpiliajwa:

—¡Kaes nabey wunoe'! Japow tupa-el. Japow moejt —aech Jesús.

⁵³ Japi japox jumtaen wut, xafafoli. Jawut Jesús bu'wajjanpaeis. Japi chiekal matabija, japow diachwajnakolax chiekal tup. ⁵⁴ Batutat wut, Jesús patupow kefit. Do jawut, pinjametat jum-aechon patupowliajwa:

—Jam, ¡mat-e'e pejme dukaliajwam! —aechon.

⁵⁵ Jesús japox jum-aech wut, patupow mat-et pejme dukaliajwa. Jawutlejen mat-ekchapow. Do jawut, nantlisow. Jesús to'a naxaeyax chaxdusliajwaspow. ⁵⁶ Japow pax, penbej, japox taen wut, xabich nejchaxoelanuili.

Jesús jum-aech japiliajwa:

—¡Ampox asew jiw xamal nabey chapae', xan isxpox! —aech Jesús.

9

Jesús to'apox pejnachala japi naewwajnalialjwa Dios tato'laxaelpox jiw ampathatat (Mt 10.5-15; Mr 6.7-13)

¹ Jesús la doce pejnachala, japi fulaeliajwadin japonlel. Pejnachala japonxot wut, Jesús jum-aech:

—Xamal xabu'kulam wut jiw, dep webaespi pejmatpuatantat, xan tajaxtat xajupaxaelam dep nakolax to'aliajwam. Xajupaxaelambej boejthusliajwam jiw bu'xaeya. ² Samata, xamal to'ax jiw naewwajnalialjwam Dios puexa pejjiw tato'laxaelpox. Boejthusaxaelambej bu'xaeya. ³ Folam wut jiw naewwajnalialjwam, ¡nabey xalae' nejkilachalanaeyan! ¡Nabey xalae'bej choxan, naxaeyaxan, platabej! Mado' ituakxajoelam, ¡do japoxkal tuaklafulaem! Jachiyaxaelambej naxoelaxliajwa. Mado' inaxoelam, ¡do japoxkal bu'lafulaem! ⁴ Xamal paklowax patam wut, ¡kaebaxot duilde, jiw naewwajnalialjwam japapaklowaxpijiw! Asapaklowaxlel fulaeliajwam wut, do jawut, ¡japabaxot nakolim! ⁵ Asapaklowaxpijiw xamal bu'kula-elasia wut, ¡japapaklowaxxot chijiamde fulaeliajwam asapaklowax poxade! Jawut, ¡nejtuakxajoe jolde lulaliajwam as natacholnalialjwa! Jasoxtat japi jiw pajut matabijaxael babijax ispox Diosliajwa, xamal bu'kula-el xoti —aech Jesús pejnachalialjwa.

⁶ Do jawut, Jesús pejnachala follisi asatuajnuchan poxade. Naewwajnafullisi Dios pejjamechan japatuajnuchanpijiw bu'welialjwas Dios. Boejthusfulbejpi bu'xaeya.

Rey Herodes matabiys-elpox, achan Jesús
(Mt 14.1-12; Mr 6.14-29)

⁷ Rey Herodes, Galilea tñajñapijiw tato'lan, wultaen Jesús isfulpoxan. Pe matabiys-elon, achan Jesús. Wultaenbejpon, asew jiw jum-aech wut Jesúsliajwa: “Japon Juan, jiw bautisan, mat-echpon pejme dukaliajwa” —aech wut jiw Jesúsliajwa. ⁸ Herodes wultaenbej, asew jiw jum-aech wut Jesúsliajwa: “Japon profeta Elías, majt laejapon. Amwutjel japon mat-ech pejme dukaliajwa” —aech wut jiw Jesúsliajwa. Wultaenbejpon, asew jiw jum-aech wut Jesúsliajwa: “Profetas, majt laelpi, japixot kaen mat-echpon pejme duk” —aech wut jiw Jesúsliajwa. ⁹ Ja-aech wut, Herodes Juanliajwa jum-aech:

—Xan tajut tajsoldaw majt keto'ax Juan taxtasiapchaliajwas tupaliajwapon. Samata, ¿achankat japon aton, jumtaeflaxpon, jiw jum-aechful wut japon xabich ispoxanliajwa? —aech Herodes.

Samata, Herodes xabich taesiapon Jesús.

Jesús naxaeyaxan chaxduwpox cinco mil poejiw
(Mt 14.13-21; Mr 6.30-44; Jn 6.1-14)

¹⁰ Jesús pejnachala, japi apóstolespi, naewñajñafulpox buxtoet wut, nawenlisi Jesúslel. Japi natameja, pat wut Jesúsxot. Japi chapaei Jesús puexa ispoxanliajwa. Do jawut, Jesús bñ'fol pejnachala Betsaida paklowax poxade, japikal tamachaliajwa. ¹¹ Jesús bñ'fol wut pejnachala, xabich jiw fultaenson. Samata, japi jiw wuchakal fol. Pat wuti Jesúsxot, Jesús japi jiw chiekal bñ'kula. Naewñajanbejpon Dios puexa pejiw tato'laxaelpox. Boejthutbejpon jiw bñ'xaeya.

¹² Tuila wut, Jesús mox soepas pejnachala, japi docepi. Jawut jum-aechi Jesúsliajwa:

—Amxot tñajñuchan ajil. Amxotbej ajil naxaeyaxan. Samata, jampi jiw jum-amde mox tñajñuchan poxade naxaeyaxan wñajsliajwa, moejsliajwabejpi! —aech apóstoles Jesúsliajwa.

¹³ Jesús jumnot wut, jum-aechon:

—¿Xamal najut chaxduim naxaeyaxan ampi jiw! —aechon.

Japi jumnot wut, jum-aechi:

—Xanalxot asbuan jumch cinco pan, kolenje baxinbej. ¿Xamkat xanal nato'asiam naxaeyaxan wñajsliajwan puexa ampi jiw xaelliajwa? —aech Jesús pejnachala.

¹⁴ Jesúsxot patpi, me-ama cinco mil poejiw. (Watho', yamxi sñapich, xajui-esal.) Do jawut, Jesús jum-aech pejnachalaliajwa:

—¿Kaenanula pejmñtan sñapich, nej chalake cincuenta jiw! —aech Jesús pejnachalaliajwa.

¹⁵ Jesús pejnachala jasox is. Jiw chalakax to'a wuti, puexa jiw chiekal chalak. ¹⁶ Do jawut, Jesús chafit cinco pan, kolenje baxinbej. Athñ natachaemse wut, Jesús Dios kawñajan wut, gracias-aechon japapanesliajwa, kolenje baxinliajwabej. Jawut jalkafulon panes, baxibej. Jalkaful wut, chaxduifulon pejnachala sasliajwa, puexa jiw xaeliajwa. ¹⁷ Do jawut, puexa jiw chiekal xael. Chiekal nafniapi. Xaeyax chiekal kaechatoel wut, Jesús pejnachala matpirantat jia namapi. Jawut wulupi doce matpiran namapi, baxitoerow, pan malsibej.

Pedro jum-aechpox Jesúsliajwa: “Xam Cristowam, Dios to'asponam”
(Mt 16.13-20; Mr 8.27-30)

¹⁸ Asamatkoi, Jesús Dios kawñajan wut, jaxotbej pejnachala. Jawut wñajñachaemt wut, jum-aechon pejnachalaliajwa:

—¿Achan na-aechkat jiw xanliajwa? —aech Jesús.

¹⁹ Japi jumnot wut, jum-aechi:

—Asew jiw jum-aech xamliajwa: ‘Juan, jiw bautisan, mat-echpon pejme duk’ —aech jiw. Asew jiw jum-aechbej xamliajwa: ‘Japon Elías, Dios pejprofeta, mat-echpon pejme duk’ —aech asew jiw. Asew jiw jum-aechbej xamliajwa: ‘Dios pejprofetas tñpi, japixot

kaen mat-echpon pejme duk' —aech asew jiw —aech Jesús pejnachala Jesúsliajwa. ²⁰ Do jawut, Jesús pejme wuajna chaemt wut, jum-aechon pejnachalalijwa:

—¿Xamallax, achan na-amkat? —aech Jesús.

Do jawut, Pedro jumnot wut, jum-aechon:

—Xam Cristowam, Dios to'asponam jiw bu'welijwam —aech Pedro Jesúsliajwa.

Jesús jum-aechpox, japon tupaxaelpoxliajwa

(Mt 16.21-28; Mr 8.31-9.1)

²¹ Jesús nejthü'axtat buxfiat wut pejnachala, jum-aechon:

—¡Nabej chapae' asew jiw xan Cristowanponan! ²² Xan puexa jiw pakoewkolnan xabich nabijasaxaelen. Japamatkoi judíos-ancianos, sacerdotepaklochowbej, judíos chanaekabuana pibej, najumchiyaxael xanliajwa: 'Japon Cristowa-el, Dios to'aspona-el' —nachiya xaeli. Samata, japi naboesa xael. Xan naboesa wuti, tres matkoi wut, Dios namat-esaxael pejme dukalijwan —aech Jesús, jum-aech wut pejnachalalijwa.

²³ Do jawut, Jesús puexa jiwliajwa jum-aech:

—Xamal tajnachalwasiam wut, ¡najut isaxaelampoxan nejkiowde! ¡Isfuldelax kaematkoisful xan tato'laxpoxan! Bej nabijasaxaelambej asew jiw pijaxtat. Xamal bej beyaxaelbejpi, tajnachalwam xot. Japoxan ja-aech wut, ¡xamal nakiowa naxanaboejafulde!

²⁴ Xamal isfulam wut ampathatat najut nejxasinkampoxan, asamatkoi tupam wut, duilaximil Diosxotse. Kofam wutlax najut isfulampoxan ampathatat, isfulam wutlax xan tato'laxpoxan, asamatkoi tupam wut, ja-am wut, pomatkoicha Diosxotse duilaxaelam.

²⁵ Xamal isfulam wut najut nejxasinkampoxan, xamal napelsaxaelam Diosxot. Xamal xabich wutbej nejew ampathatat, japoxan omjil xamal duilalijwam Diosxotse. ²⁶ Xamal nadala wut xanliajwa, tajnaewuajna xanliajwabej, xanbej, puexa jiw pakoewkolnan, tadaxael xamallijwa. Xanbej jachiyaxaelen xamallijwa, pejme fuloekx wut, kaxaxoekan wut ampathatlesik taj-ax Dios pej-itliakaxtat, taj-ax Dios pej-ángeloes pej-itliakaxtatbej.

²⁷ Diachwuajnakolax jum-an. Asew xamalxot, pejpatupax wuajna, japi jiw taeyaxael Dios puexa pejiw tato'laxaelpox —aech Jesús jiwliajwa.

Jesús xabich chaponanakhianpox Dios pijaxtat

(Mt 17.1-8; Mr 9.2-8)

²⁸ Do jawux, ocho matkoiyan xent wut Jesús jum-aechpox, jawut Jesús bu'julach Pedro, Santiago, Juan, pinamuax poxase, Jesús Dios kawuajnalijwa. ²⁹ Jesús kawuajan wut Dios, pejxu xabich itliak Dios pijaxtat. Naxoelox xabich papoeikolax nadofapox. Xabich itliakbejpo. ³⁰ Do jawut, chalechkal natulaela kolenje aton. Japi, Jesús suapich, nospaei. Chalechkal kolenje natulaelapi, kaen Moisés, asan Elías. ³¹ Natulaelapi masajiach Dios pej-itliakax. Japi nospaei wut, Jesús suapich, naksiyapi Jesús nabijasaxaelpox Jerusalén paklowaxxot, japon tupaxaelpoxliajwabej. ³² Pedro, asew Jesús pejnachala suapich, xabich itmoejslapi. Pe moejes-eli. Do jawut, taenlisi, Jesús xabich itliak wut Dios pijaxtat. Taenbejpi kolenje aton, nuil wut Jesúsxot. ³³ Kolenje natulaelapi chijiyalijwa wut, Pedro jum-aech Jesúsliajwa:

—Tajpaklon, pachaem, xanal amxotan wut. Xam nejxasinkam wut, xanal isaxaelen tres bua-at xamallijwa. Kaeyax xamliajwa. Asabua-at Moisésliajwa. Asabua-at Elíasliajwabej —aech Pedro.

Pedro japox jum-aech matabijs-elaxtat. ³⁴ Pedro naksiya wutfuk, itlojejen fuloek japi matwuajjasik. Do ja-aech wut, Jesús pejnachala xabich pejlwla. ³⁵ Do jawut, itlojentutat Dios jum-aechsik: “Amponlap taxulan, makafitxpon. ¡japon chiekal naewesfulde!” —aech Dios.

³⁶ Dios buxtoet wut naksiyapox, Jesús pejnachala taenpi jaxotse Jesús tamachpox. Jesús pejnachala chinax kaen aton japamatkoiyantat chapae-eli taenpox muaxxotse.

Jesús nakolsax to'apox dep yamxulan pejmatpaxtat

(Mt 17.14-21; Mr 9.14-29)

³⁷ Do jawux, kandiawa wut, Jesús pejnachala suapich, baloek mæaxxotsik, Dios naksiyaxot. Jawut xabich jiw fulaen bu'kakunaliajwapi Jesús. ³⁸ Japi jiwxot, kaen aton jum-aech pinjametat Jesúsliajwa:

—Tajpaklon, ¡nabeltaem! ¡Taem taxulan! Japon xabich kaekolan. ³⁹ Taxulan dep pijaxtat nejlaton. Chalechkal xabich wawua'tason. Wawua'tas wut, satat jixadapson. Do jawut, kaechwathuamapon. Xabich nabijaton dep pijaxtat. Dep nasiownik taxulan pejmatruatxot. ⁴⁰ Xan jum-an nejnachala, namapi amxot, japi to'aliajwa dep nakolsax. Pe japi xajupa-el dep nakolsax to'aliajwapi dep —aech japon aton.

⁴¹ Do jawut, Jesús jum-aech pejnachalaliajwa:

—Xamal tajnachala, Dios chiekal xanaboeja-emilfuk. Nejnejchaxoelaxan chiekla-elbej. Xabich pin-iamatkoivan xamalxotx. Xabich pin-iamatkoivan naewuajnafulaxbej. Kajachawaetxbej Dios chiekal xanaboejalialjwam. Pe xamalfuk Dios chiekal xanaboeja-emil —aech Jesús pejnachalaliajwa.

Do jawut, Jesús jum-aech yamxulan paxliajwa:

—¡Buflaemen naxulan xanlel! —aech Jesús.

⁴² Paxulan bu'pat wuton Jesúsxot, japon yamxulan pejme xadapson dep satat. Xabich wawua'tasbejon. Jawut Jesús dep nakolsax to'a. Dep nakolt wut, yamxulan chiekal pachaemlison. Jawut Jesús buflaech yamxulan pax poxade. ⁴³ Do jawut, puexa jiw nejchaxoelanuili, taen wuti Jesús ispox Dios pijaxtat.

Jesús pejme jum-aechpox pejpatupaxliajwa

(Mt 17.22–23; Mr 9.30–32)

Puexa jiw nejchaxoelanuil wutfuk Jesús ispoxliajwa Dios pijaxtat, Jesús jum-aech pejnachalaliajwa:

⁴⁴ —¡Chiekal najumtaem jumchiyaxaelenpox! ¡Nabej nejkiowe! Xan, puexa jiw pakowkolnan, asan nawiasaxael tadaelmajiwxot —aech Jesús, jum-aech wut japoxliajwa.

⁴⁵ Jesús pejnachala matabija-el Jesús jum-aechpox, Dios tapae-esal xoti matabijaliajwa. Jesús pejnachala buxdala kaes wuajnachaelmaliawapi Jesús, chanaekabuanelialjwasbejpi.

Achan kaes paklonaxaelpox Diosxotse

(Mt 18.1–5; Mr 9.33–37)

⁴⁶ Asamatkoi Jesús pejnachala najum-aechi: “¿Achankat xatisxot kaes pejme paklonaxael?” —na-aechi. ⁴⁷ Jesús matabijt pejnachala nakaewa najum-aechpox. Samata, Jesús yamxulan la fulaeliajwadin. Do jawut, yamxulan notlison pejfuletlel, pejnachala pejwuajnalelbej. ⁴⁸ Do jawut, Jesús jum-aech pejnachalaliajwa:

—Xamal bu'kulam wut yamxi xan tajaxtat, me-ama ampon yamxulan, ja-am wut, xanbej nabu'kultam. Xan nabu'kultam wut, Diosbej bu'kultam, xan nato'apon. Xamalxot kaen jum-aech wut: ‘Xan pejme kaes omjinil. Me-ama asew jiw, jachi-enil’ —aech wuton, japon aton Diosxotse kaes pejme paklonaxael —aech Jesús pejnachalaliajwa.

Is-elpi chaemilpox Jesúsliajwa, japi me-ama kajachawaetpox Jesús pijax naewuajjax

(Mr 9.38–40)

⁴⁹ Jesús pejnachalan, pawulpon Juan, japon jum-aech Jesúsliajwa:

—Jiw chanaekabuanan, xanal aton taenx, xam nijaxtat to'a wut dep nakolaliajwa jiw pejmatruatanxot. Samata, xanal japon aton fiatx japox kofsliajwa. Japon wajmutpijna-el —aech Juan Jesúsliajwa.

⁵⁰ Jesús jumnot wut, jum-aechon:

—Japon japox is wut, ¡nej ispon japox! ¡Nabej fias! Jiw babijaxan is-elpi xatisliajwa, japi, me-ama xatis kajachawaet wajnaewuajjax —aech Jesús pejnachalaliajwa.

Jesús buxfiatpox Santiago, Juan suapich

⁵¹ Jesús pejmatkoi mox pawuajna wut athu poxaliajwase, fulaechon Jerusalén paklowax poxade, pejnachala suapich. Jesús pejlewla-el Jerusalén paklowax pasliajwa.

⁵² Samata, kolenje pejnachalan to'apon wuajnade, asatuajnu poxade, Samaria tuajnulel, jaxotde bapijin kawuajnalijwapi Jesús jaxot namanalijwa kaematkoilijwa.

⁵³ Samaria tuajnupijiw chiekal matabija Jesús fulaeyaxaechpox Jerusalén paklowax poxade. Samata, Samaria tuajnupijiw nejxasinka-el Jesús paslijwa japi pejtujnuxot.

⁵⁴ Kolenje Jesús pejnachalan, japon Santiago, Juan suapich, japox jumtaen wut, jum-aechi Jesúslijwa:

—Tajpaklon, ¿xamkat nejxasinkam, xanal Dios kawuajnax wut wuljoelajwan, Dios to'aliajwa jit athulelsik, japatuajnupijiw toejwaliajwas? —aech Santiago, Juan suapich.

⁵⁵ Jesús japox jumtaen wut, japi jum-aechpox, kaxa kawulel natfo'chapon. Jawut pejnachala buxfiaton kaes japox jumchisamatapi. ⁵⁶ Do jawux Jesús fulaech, pejnachala suapich, asatuajnu poxade.

*Asew jiw, naknanuamsasiapox Jesús
(Mt 8.19-22)*

⁵⁷ Jesús, pejnachala suapich, asew jiw suapichbej, nuamtat fol wut, kaen aton jum-aech japixot:

—Jiw chanaekabuanan, xan nakfulaesian xam, nanuamtam wut nejmachtuajnuchan poxade —aechon.

⁵⁸ Do jawut, Jesús jum-aech:

—Lam pejmuthan moejslijwa. Miabej pejfenan. Xanlax, puexa jiw pakoewkolnan, tajbakolax ajil damlathulalijwan —aech Jesús.

⁵⁹ Jesús jum-aechbej asan atonlijwa:

—¡Xan nakfulaem! —aechon.

Japon aton jumnot wut, jum-aechon:

—Tajpaklon, taj-ax xabich pati'in. Taj-ax tup wut, do jawut, xam nakfulaeyaxaelen naknanuamslijwan —aech japon aton Jesúslijwa.

⁶⁰ Jesús jum-aech:

—Xan nanaexaxis-elpi, japi jiw Dioslijwa, me-ama patupa wut, ja-aechi. Japi muthaxael patupa. Nej-ax tup wut, japi muthsaxael. ¡Xamlax xan nakfulaem jiw naewuajnalijwam Dios puexa pejjiw tato'laxaelpox! —aech Jesús japon atonlijwa.

⁶¹ Asan aton jum-aechbej Jesúslijwa:

—Tajpaklon, xan-is xam nakfulaesian. ¡Pe majt natapaem tajjiw kawuajnalijwan! Do jawux, xam nakfulaeyaxaelen —aechon Jesúslijwa.

⁶² Jesús jumnot wut, jum-aechon japon atonlijwa:

—Aton nabist wut Dioslijwa, kaeyax nejchaxoelafula-el wuton, japon aton kaenejchaxoelaxa-el, Dios suapich. Samata, japon aton pachaema-el naewuajnalijwapon Dios puexa pejjiw tato'laxaelpox —aech Jesús.

10

Jesús asew pejnachala, setenta y dospi, to'apox jiw naewuajnalijwa

¹ Do jawux, Jesús kaes jiw makanot pejnachalalijwa, setenta y dos poejjiw. Jawut Jesús japi poejjixot, kaenanula kolenje wuajna to'apon. To'apon japi wuajna jiw naewuajnalijwa, puexa paklowaxanpijiw, puexa tuajnuchanpijiwbej, Jesús pasaxaelxot.

² Japi fulaelajwa wut, jum-aechon: “Diachwuajnakolax jum-an. Xabich jiw wuajnawet chimiawuajan jumtaelajwa. Me-ama trigo foel wut, xabich pachaemlisi jolalijwa, ja-aechbej amwutjel xabich jiw. Xamal kaesuapicham, Dios pejjamechan naewuajnampim. Samata, ¡wajpaklokolan Dios kawuajande japon to'aliajwa asew jiw, japibej Dios pejjamechan naewuajnafulalijwa asew jiw! ³ ¡Xabua'de xamal! Xamal folam wut xan tajaxtat, ¡chiekal taem, babejchow poxade to'ax xot! Me-ama pejmachoeuf ovejalijwa chachoeuf, jachiyaxaelbej xamallijwa, babejchowxotam wut. ⁴ Folam wut, ¡nabej xalae' choxan, plata, asew tuakxajoebej! Jiw xabu'kulam wut nuamtat, ¡piach nabej nuile' nospaelijwam, japi suapich! Ma ifulaemchdo', ¡do japapaklowax poxade fulaemch! ⁵ Ba

leliajwam wut, ¡majt jum-amde japabapijwliajwa: ‘¡Dios xamal nej kajachawaes chiekal duilaliajwam!’ —amde japabapijw! ⁶ Japi jiw chiekal duilasia wut, me-ama xamal jum-chiyaxaelam, japi Dios kajachawaesaxaes chiekal duilaliajwa. Pelax japi jiw nejwesla wut chiekal duilaliajwa, japi chiekal duilaxil. ⁷ Tadut wuti xamal duilaliajwam japi pejbaxot, ¡xamalfuk duilde japabaxot! ¡Nabej laliagle' asabachan poxade! Naxaeyaxan chaxduw wut, ¡xamal nejmach xaem! ¡Fembej! ¡Nabej nadale', naxaeyaxan chaxduw wuti! Aton nabist wut asanliajwa, japon moch. (Xamalbej Dios pejjamechan naewuajnafulam xot, jiw chaxduyaxael naxaeyaxan xaeliajwam xamal, nabistam xot Diosliajwa.) ⁸ Paklowax patam wut, xamal chiekal jiw bu'kula wut, japi jiw xamal naxaeyaxan chaxduw wutbej, ¡xamal xaem! ⁹ Japaklowaxxot bu'xaenki, ¡boejthue! ¡jum-amdebejpi: ‘Dios puexa pejjiw tato'laxaelmatkoi mox pawuajna’ —amde japi jiwliajwa! ¹⁰ Asapaklowax patam wut, japapaklowaxpijw xamal bu'kula-el wut, ¡nuilde japapaklowaxthialaxxot! Do jawut, ¡japaklowaxpijw jum-amde: ¹¹ ‘Xanal tajtuakxajoe jolx lulaliajwan as natacholnaliajwa. Jasox isx xamal najut chiekal matabijaliajwam babijax isampox Diosliajwa, xanal nabu'kula-emil xot naewuajnalialjan Dios pejjamechan. ¡Chiekal nanaewe'e jumchiyaxaelenpox! Dios puexa pejjiw tato'laxaelmatkoi mox pawuajna’ —amde japapaklowaxpijwliajwa! ¹² Diachwuajnakolax xamal jum-an. Asamatkoi, kastikamatkoi wut, japapaklowaxpijw xabich kaes pejme Dios kastikaxaespi. Me-ama Sodoma paklowaxpijw kastikas wut, jachiyaxilon” —aech Jesús pejnachalialiajwa, setenta y dospilialiajwa, wuajna to'aliajwa wuton japi.

*Asapaklowaxanpijw naexaxis-elpox Jesús
(Mt 11.20-24)*

¹³ Jesús jum-aech Corazín paklowaxpijwliajwa, Betsaida paklowaxpijwliajwabej: “Corazín paklowaxpijwam, Betsaida paklowaxpijwambej, xamal xabich nabijasaxaelam, Dios xabich kastikaxael wut. Xan koechaxan isx wut xamalxot, xamal taenam, pe xamal naexaxis-emil naewuajnax wut Dios pejjamechan. Japakoechaxan chajia isaxaelen wut Tiro paklowaxpijwliajwa, Sidón paklowaxpijwliajwabej, japoxan taeyaxael wuti, japi jiw naexaxisaxael Dios pejjamechan. Ja-aech wut, kofaxaeli padujnejchaxoelaxan isfulaliajwa Dios nejxasinkpoxan. Ja-aech wutbej, naxoeyaxaeli papopa. Chalaxaelbejpi jitthumbaxot asew jiw matabijaliajwas xabich nejxaejwaspox babijaxan ispoxanliajwa. ¹⁴ Samata, Corazín paklowaxpijwam, Betsaida paklowaxpijwambej, Dios xabich kastikaxael xamal. Me-ama Tiro paklowaxpijw, Sidón paklowaxpijwbej, jachiyaxil, japapaklowaxanpijw kastikas wuti Dios” —aech Jesús Corazín paklowaxpijwliajwa, Betsaida paklowaxpijwliajwabej.

¹⁵ Jesús jum-aechbej Capernaum paklowaxpijwliajwa: “Capernaum paklowaxpijwam, xamal nejchaxoelam wut, jum-am: ‘Dios nakbuflaeyaxael xatis athu poxase’ —am xamal, nejchaxoelam wut. Pelax Dios xamal to'axael infierno poxadik, xan nanaexaxis-emil xot” —aech Jesús Capernaum paklowaxpijwliajwa.

¹⁶ Jesús jum-aech pejnachalialiajwa: “Xamal jiw naewuajnafulam wut, japi jiw xamal chiekal naewet wut, jawut xan nejchaxoelaxaelen japi jiwliajwa: ‘Japi jiw xanbej chiekal nanaewet’ —chiyaxaelen, nejchaxoelx wut japiliajwa. Asew jiw xamal naexaxis-el wut, jawutbej xan nejchaxoelaxaelen japi jiwliajwa: ‘Japi jiw xanbej nanaexaxis-el’ —chiyaxaelen, nejchaxoelx wut japiliajwa. Japi jiw xan nanaexaxis-el wut, jawutbej taj-ax Dios nejchaxoelaxael japiliajwa: ‘Japi jiw xanbej nanaexaxis-el’ —chiyaxael taj-ax Dios, nejchaxoel wut japi jiwliajwa” —aech Jesús pejnachalialiajwa.

Jesús pejnachala, setenta y dospi, kaxa pa'anpox Jesúsxot

¹⁷ Jesús pejnachala, setenta y dospi, naewuajanpoxan buxtoet wuti puexa paklowaxanpijw, puexa tuajnuachanpijwbej, do ja-aech wut, kaxa nawenlisi Jesúslel. Xabich nejchachaemali. Pat wuti Jesúsxot, puexa chiekal chapaeipi Jesús jumtaeliajwas:

—¡Tajpaklon, xam nijaxtat xanal dep to'ax wut, kamta dep nakola jiw pejmatpuatanxot! —aechi, Jesús chapaei wut.

¹⁸ Do jawut, Jesús jum-aech pejnachala, setenta y dospiliajwa:

—Diachwujnakolax xan taenx, Satanás jopik wut athuxotsik Dios pijaxtat. Me-ama chamax nakliafcha wut, ja-aechon, jopik wut. ¹⁹ Xan chaxdutex tajpamamax malechaliajwam Satanás. Samata, xamal nanuamtam wut jom, afubej. Xamal malecham wut Satanás, japon xajupaxil xamal tabejsliajwa. ²⁰ ¡Pe nabej nejchachaemle' dep kamta jiw pejmatpuatanxot nakolapoxliajwa, to'am wut! ¡Nejchachaemildelax nejwulan Diosxotse lelsopoxliajwa! —aech Jesús.

Jesús xabich nejchachaemilpox

(Mt 11.25-27; 13.16-17)

²¹ Do jawut, Jesús xabich nejchachaemil Espiritu Santo pijaxtat. Samata, Jesús jum-aech pax Diosliajwa: “Ax, xamlap kaenam paklonam athuxotse, ampathatlelbej. Xam xabich pachaemam. Xam kajachawaetam estudia-elpi, japi chiekal matabijaliajwa nejamechan. Jasoxtat xam kajachawaetam jiw, nejxasinkam xot. Asew jiw lax, xabich matabijapi, japi jiw japoxan matabijaxil. Diachwujnakolax jasox ja-am, xam nejxasinkam xot” —aech Jesús pax Diosliajwa.

²² Do pejme Jesús jum-aech pejnachalaliajwa: “Xan taj-ax natapaei puexa matabijsliajwan. Pe jiw diachwujnakolax xan namatabija-el, achanan xan. Taj-ax, Dios, japon kaen chiekal xan namatabijt. Jiwbej matabija-el, achan taj-ax. Xan kaenan taj-ax chiekal matabijtax. Xan makanotxpikal, japikallax matabijaxael taj-ax. Japikal tapaeix matabijaliajwapi taj-ax Dios” —aech Jesús pejnachalaliajwa.

²³ Do jawut, Jesús natfo'cha wut, jum-aechon pejnachalalakal: “Asew jiw, taenpi xamal amwutjel taenampon, japi jiwbej xabich nejchachaemlaxael. ²⁴ Diachwujnakolax xan jum-an. Xabich profetas, reyesbej, taesiapi xamal amwutjel taenampon, japon Mesías. Xanlap japonan. Profetas, reyesbej, xan natae-el, tux xotlisi ampathatat xan pasax wujna. Xabich jumtaesiabejpi tajamechan, amwutjel xamal jumtaenampon. Pe jumtae-eli, tux xotlisi” —aech Jesús pejnachalaliajwa.

Samaria tuajnujpijin pejwujjan, japon pachaempon

²⁵ Judíos chanaekabuanan fulaen nospaeliajwa, Jesús suapich, xapaejsliajwabejpon Jesús. Xapaejsliajwa wut, jum-aechon:

—Jiw chanaekabuanan, ¿xan machiyaxaelenkat Dios nabu'welija, Diosxotse pomatkoicha dukaliajwan? —aech, Jesús xapaejsliajwa wut.

²⁶ Jesús jumnot wut, jum-aechon:

—¿Achaxkat jum-aech Moisés chajia lelpox japoxliajwa? ¿Xaljowampox achaxaechbejkat? —aech Jesús. ²⁷ Judíos chanaekabuanan jumnot wut, jum-aechon:

—Moisés chajia lelpox jum-aech: ‘¡Nejxasinkde Dios, nejpaklokolan, puexa nejmatpuatat, puexa nejnejchaxoelaxtatbej! ¡Puexa nej pamamaxtatbej tanbichfulde, Dios nejxasinkam xot! ¡Nejxasinkdebej asew jiw! Me-ama xam najut nejxasinkam wut, ¡jamde asew jiwliajwa!’ —aech Moisés chajia lelpox —aech judíos chanaekabuanan.

²⁸ Do pejme Jesús jum-aech judíos chanaekabuananliajwa:

—Pomatkoicha japoxan ja-am wut, pomatkoicha xam dukaxaelam Diosxotse —aech Jesús.

²⁹ Pe judíos chanaekabuanan nejxasink Jesús nejchaxoelaliajwa japonliajwa japon pachaempoxliajwa. Samata, jum-aechon:

—¿Masikat xan jiw nejxasinkaxaelen? —aechon.

³⁰ Jesús jumnot wut, ampawujantat jum-aechon:

—Kaen aton Jerusalén paklowaxxot nakolt fulaeliajwa Jericó paklowax poxade. Nuamtat fol wut, kethaka jaeltason. Puexa pejew wenchon. Bu'jolsbejpon. Do jawut, baeson. Jaxot bu'jumchawaelsnadoftipon paboejlan. ³¹ Do jawux, kaen sacerdote-aton fulaen japanuamtadin. Taen wuton wujna aton paboejlan okpox, asbuan jumch mox naejiaton xensliajwa. Do jawut, xenton. ³² Do jawux, sacerdotes kajachawaesan jaxot

pat. Taen wuton wuajna aton nuamtat okpox, japonbej mox jiat xensliajwa. Do jawut, japon xent.

³³ “Do jawux, Samaria tuajnuapijin fulaen japanuamtadin. Fulaen wut, taenpon aton wuajna nuamtat okpox. Japonlax beltaen japonliajwa. ³⁴ Do jawut, mox soepandepon okpon poxade. Do jawutbej, itfачan wuapon olivosimintat, vinotatbej. Itfачan xape'abejpon. Do jawut, pejburtat ossepon. Jasoxtat bu'folon baespon kethaka. Do jawux, bu'paton nanuamtpi papatbatat. Jaxot chiekal tataefulpon japon aton. ³⁵ Do kandiawa wut, Samaria tuajnuapijin jut kolefачan mosliajwapon bapijin. Jawut jum-aechon bapijinliajwa: ‘¡Ampon aton chiekal nawetataefulde xan tajwulela! Japon asaxan wewe'pas wut, ¡xam wuajde japon atonliajwa! Jelow xan pejme kaxanax wut, xam mosaxaelen wuajtampoxan japonliajwa’ —aech Samaria tuajnuapijin bapijinliajwa. Ma amxot toep, amrawuajan, xam naewuajna xawuajan. ³⁶ Tres poejiw taen kethaka baespon. ¿Masonkat tres poejiw xot nej xasink baespon? —aech Jesús judíos chanaekabuananliajwa.

³⁷ Judíos chanaekabuanan jumnot wut, jum-aechon:

—Beltaenpon kethaka baespon —aechon Jesúsliajwa.

Jesús jumnot wut, jum-aechon:

—¡Xamlap-is ja-amde! ¡Nejmachjiw beltaem!” —aech Jesús.

Jesús patpox Marta pejbaxot

³⁸ Jesús nuamtat fol wut, pejnachala suapich, jawut paton cha-aelpaklowaxachxot. Japapaklowaxachxot Marta pejba ek. Jawut chiekal bu'kultow Jesús, japon pejnachalabej. ³⁹ Marta pakoewow pawul María. María mox ek Jesús pejwuajnalel chiekal naewesliajwa Jesús naewuajanpox. ⁴⁰ Pelax Marta xabich xatsalt. Samata, Jesúsxot mox wut, jum-aechow:

—Tajpaklon, ¿xamkat xanliajwa nejchaxoela-emil takoewow tamach nakixanchachaempox? ¡Takoewow to'im xan nakajachawaesliajwa! —aech Marta.

⁴¹ Jesús jumnot wut, jum-aechon:

—Marta, xam xabich nejchaxoelam isampoxanliajwa. ⁴² Xan naewuajna xapox kaes pejme pachaem xamal naewesliajwam. María xan naewesful xot, kaes pachaempox naewesfulpow. Chinax kaen aton wefisaxisal japox —aech Jesús.

11

Jesús chanaekabuana pox pejnachala, jumchiyaxaeli, Dios kawuajan wut

(Mt 6.9-15; 7.7-11)

¹ Jesús kaematkoisful Dios kawuajan. Asamatkoi, Dios kawuajna x buxtoet wut, kaen pejnachalan jum-aech Jesúsliajwa:

—Tajpaklon, ¡xanal nachanaekabuanim Dios kawuajna x! Me-ama Juan, jiw bautisan, chanaekabuana pejnachala Dios kawuajna liajwa, ¡xambej xanal nachanaekabuanim Dios kawuajna x! —aech Jesús pejnachalan.

² Do jawut, Jesús jum-aech pejnachalaliajwa:

—Xamal Dios kawuajna wut, jum-amde:

‘Ax Dios, ¡puexa jiw xam nej sitae!’ Puexa nejjiw tato'laxaelammatkoi, ¡japamatkoi nej tuadus!

³ ¡Kaematkoisful nachaxduim naxaeyaxan, xanal nawewe'ppoxanliajwa!

⁴ ¡Xanal nabeltaem babijaxan isxpoxanliajwa! Me-ama xanal beltaenx, a sew jiw babijaxan is wut xanalliajwa, ¡ja-amdebej xanalliajwa! ¡Nabej tapae'bej Satanás xanal naxapaejalialiajwa, xanal babijaxan isasamatan!’ —amde, Dios kawuajna wut! —aech Jesús pejnachalaliajwa.

⁵⁻⁷ Jesús pejme jum-aech:

—Xam nejnachalan pinmadoitat pat wut nejbaxot, jum-aech wuton: ‘¡Xan nachaxdu'e tres panes! Amwutjel tajnachalan pat tajbaxot. Tajbaxot ajil naxaeyax tajnachalan

chaxdusliajwan' —aech wuton xamliajwa, jawut jumchiyaxaelam batuxotdin: '¡Nabej natalias! Xanlis okx. Ba chiekal xatbe'tax. Tejew yamxi bu'okx. Samata, nansaxinil chaxdusliajwan nawuljowampox' —chiyaxaelam batuxotdin. ⁸ Pe nejnachalan nakiowa wuljoeful wut, wuljoefulpox xam chaxdusaxaelam nejnachalan. ⁹ Samata, xamal jum-an ampox: '¡Wewe'ppoxan piach wuljoefulde Dios! Ja-amsfulam wut, Dios chaxdusaxaelbej xamal wuljoeflampox. Wulwekampoxbej faenaxaelam Dios pejkajachawaesaxtat. Dios kawuajnam wut kaematkoisful, japon xamal kajachawaesfulaxael. Ja-aech wut, meama Dios fafasaxael xamal leliajwam' —an xan. ¹⁰ Piach wuljoefulpon wewe'paspojan, japon aton Dios chaxdusaxaes. Piach wulwekafulponbej, japon aton faenaxael Dios pejkajachawaesaxtat. Bafafatat piach laefulpon, japon aton Dios wefafasaxaes —aech Jesús, pejnachala naewuajan wut Dios kawuajnalialjwapi.

¹¹ Jesús pejme jum-aech pejnachalialjwa:

—Naxulan baxin wuljow wut, xamal naxi chaxduiyaximil jom. ¹² Naxulan kawae-matabut wuljow wut, xamal naxi chaxduiyaximil afu. ¹³ Xamal babejchowam matabijam naxi chaxduiliajwam chamoeyaxan. Nej-ax Dios, athupijin, kaes pejme pachaem. Meama xamal jachi-elon. Samata, nej-ax Dios to'axoek Espiritu Santo xamal nejmaturatantotalialjwa, Dios kawuajnam wut —aech Jesús pejnachalialjwa.

Fariseos jum-aechpox Jesús pejpamamax, Satanás pejpamamax
(Mt 12.22-30; Mr 3.20-27)

¹⁴ Aton naksiyaxilpon dep pijaxtat. Dolisdo', Jesús to'a dep nakolsliajwa japon aton pejmatpumatxot. Dep nakolt wut, do jawut japon aton naksiyax taudutlison. Jiw japox taen wut, xabich nejchaxoelanuili. ¹⁵ Asew japixot, fariseos, jum-aechi Jesúsliajwa: "Jesús to'a wut dep nakolsliajwa aton pejmatpumatxot, Jesús to'a Satanás, dep pejpaklon pejpamamaxtat" —aechi.

¹⁶ Asew jiw jum-aechbej xapaejsliajwapi Jesús:

—¡Isde koechax xanal taeliajwan! —aechi.

¹⁷ Jesús matabijt japi nejchaxoelox. Samata, jum-aechon:

—Xan to'a-enil dep nakolaliajwa Satanás pejpamamaxtat. Kaetujnupijiw nadijkaaxael wut nakaewa nabeliajwa, japi natoesaxael nabeyaxtat. Kaebapijiwbej nadijkaaxael wut nakaewa nabeliajwa, japi natoesaxael nabeyaxtat. ¹⁸ Jachiyaxaelbej Satanás. Satanás, pejiw nadijkaaxael wut nakaewa nabeliajwa, japi dep natoesaxael nabeyaxtat. Ja-aech wut, Satanás pejtato'lax toepaxael nabeyaxtat. Xamal japox jum-an, najum-am xot xanliajwa: 'Jesús to'a dep nakolaliajwa jiw pejmatpumatantxot Satanás pejpamamaxtat' —na-am xot xanliajwa. ¹⁹ Ja-aech wut, ¿achan pejpamamaxtatkat nejnachalabej dep to'a nakolaliajwa jiw pejmatpumatantxot? Xamal matabijam japi to'a-el Satanás pejpamamaxtat. Samata, xamal jum-ampo xanliajwa, japox diachwujnakolaxa-el. ²⁰ Xan to'ax Dios pejpamamaxtat dep nakolaliajwa jiw pejmatpumatantxot. Ja-aech wut, diachwujnakolax xamalxot patlison, Dios puexa pejiw tato'laliajwapox —aech Jesús.

²¹ Do pejme Jesús jum-aech:

—Pamaman xawawet wuton kapetat pejbatat, asan aton wenosaxisal japon aton pejew. ²² Pe asan, kaes pamaman, fulaen wut, wujnapijin malechas wut, ja-aech wut, xawawetpox kefe'naxaeson. Ja-aech wutbej, japon pejew wenosaxaes wesasliajwas, asew jiw suapich —aech Jesús.

²³ Do pejme Jesús jum-aech:

—Xan nanejweslapi, japi jiw tadaelmajiw. Japi is-el xan nejxasinkapox. Japilax nawetabejt tajbichax —aech Jesús.

Dep pejme kaxa nawia'anpox leliajwa aton pejmatpumatxot
(Mt 12.43-45)

²⁴ Do pejme Jesús jum-aech:

—Dep nakolt wut aton pejmatpumatxot, dep nanuamt pajilaxxot. Wulwekon asan aton pejmatpumat, jaxot low wut damlathulaliajwa. Faena-el wut, dep nejchaxoel wut,

jum-aechon: 'Xan pejme nawiasaxaelen aton pejmatriuatxot, nakoltaxxot' —aech dep, nejchaxoel wut. ²⁵ Dolisdo', dep kaxadin wut, faenlison japon aton, majt nakoltxoton. Do jawut, dep pajut najum-aech japon atonliajwa: 'Asan dep le-elfuk tajwulela. Samata, pachaem xan pejme leliajwan japon aton pejmatriuatxot' —aech dep, nejchaxoel wut. ²⁶ Do jawut, japon dep fulaechlison asew dep wuljaesliajwa. Faenon siete dep, japi dep kaes pejme chaemil. Me-ama dep matxoelapijin, jachi-el siete dep. Do jawut, puexa japi dep lowlisi japon aton pejmatriuatxot. Ja-aech wut, japon aton kaes pejme xabich nabijat. Me-ama majt, jachi-elon —aech Jesús.

Xabich nejchachaemlaxaelpox Dios pejjamechan naexasiti

²⁷ Jesús naksiya wutfuk depliajwa, naewetixot kaeow pawis nejlakcha wut, jum-aechow Jesús jumtaeliajwa:

—Pawis, xam faenpow, chaxti'apowbej xam ti'sliajwam, jipow nej nejchachaemle' xamliajwa! —aechow.

²⁸ Pe jawut Jesús jum-aech:

—Xabich kaes pejme nejchachaemlaxael xan nanaeweti, japibej naexasiti wuti Dios pejjamechan —aech Jesús.

Babejchow keto'apox Jesús koechax isliajwa
(Mt 12.38-42; 16.1-4; Mr 8.11-13)

²⁹ Xabich jiw masajiati Jesús naewuajanpox jumtaeliajwa. Samata, Jesús jum-aech japi jiw jumtaeliajwa: "Xamal laelpampim, babejchowam. Nato'am xan koechax isliajwan asbuan jumch xamal taeliajwam. Pe xamal pajelkoechax taeyaximil. Me-ama chajia Dios is profeta Jonásliajwa jiw pajut matabijaliajwa japon Dios to'aspon, jasoxtatbej xamal matabijaxaelam, xan Dios nato'aponanpox. ³⁰ Dios chajia koechax is wut Jonásliajwa, Nínive paklowaxpijiw matabija. Jasoxtatbej xamal matabijaxaelam, Dios is wut koechax xanliajwa, jiw matabijaliajwa diachwuajnakolax xan Dios nato'aponan puexa jiw pakoewkolnanliajwa, jiw bu'weliajwan.

³¹ "Asamatkoi Dios puexa jiw kastikaxael, babijaxan ispi. Xamalbej Dios pejwuajnalel nuilaxaelam kastikaliajwa. Japamatkoi Saba tuajnuapijiwpaklokolow nukaxael Dios pejwuajnalel japow xamal jumchiliajwa nejbu'wuajanpoxanliajwa, xan nanaexaxis-emil xot. Japow chajiakolaxtat xabich tuaj fulaen rey Salomón pejmatabijsax pajut chiekal matabijsliajwapow. Xan kaes pejme pachaeman. Me-ama Salomón, jachi-enil. Xan naewuajnax xamal matabijaliajwam Dios. Pe xamal naexaxis-emil. ³² Japamatkoi Nínive paklowaxpijiw nuilaxaelbej Dios pejwuajnalel xamal jumchiliajwa babijaxan isampoxanliajwa, o, is-emil wut. Chajiakolaxtat japi naewuajnas wut Jonás, japi kamta kofa babijaxan ispoxan isfulaliajwa Dios nejxasinkpoxan. Xan kaes pejme pachaeman. Me-ama Jonás, jachi-enil. Pelax xamal xan chiekal nanaewes-emil" —aech Jesús.

Jiw pej-itfutan, me-ama lámpara wut, ja-aechpox
(Mt 5.15; 6.22-23)

³³ Jesús jum-aech: "Jiw tamdut wut lámpara, asaxtat matakasaxil. Cha-esaxilbej cajónbuxfaltat. Jiw lax athu cha-esaxael lámpara bamuaxnaetat, batu chiekal itliakaliajwa, batu lalenapi chiekal taeliajwa. Jasoxtat xanbej moech-enil diachwuajnakolaxpox Diosliajwa. Puexa chiekal tulaela itpaeix. ³⁴ Lámpara itliak batu puexa jiw chiekal taeliajwa. Ja-aechbej nej-itfutan. Xamal chiekal taenam, nej-itfutan chiekal pachaem xot. Nej-itfutan chaemil wut, chiekal taeyaximil. Me-ama itliaklan, jachiyaxaelam. Jachiyaxaelbej nejnejchaxoelaxan. Dios italiafa wut nejchaxoelaxan, chiekal pachaemaxael. Ja-am wut, naexaxisaxaelam Dios tato'alpox isfulaliajwam. Duilaxaelambej chiekal. Nejchaxoelaxan chiekal pachaema-el wut, naexaxisaximil Dios. ³⁵ ¡Chiekal taem babijaxan isaxan nejchaxoelasamatam! Xamal nejchaxoelam wut babijaxan isaxan, ja-am wut, nejnejchaxoelaxan, me-ama itkuatnik wut, jachiyaxael. Ja-am wut, xamal naexaxisaximil xan naewuajnaxpoxan. ³⁶ Dios italiafa wut nejnejchaxoelaxan, xamal isfulaxaelam Dios

tato'alpoxan. Ja-am wut, nejnejchaxoelaxan chinax chaemilaxil. Me-ama lámpara itliak batutat, jachiyaxael nejnejchaxoelaxan” —aech Jesús.

Jesús jüm-aechpox jiw matabijaliajwa fariseos, judíos chanaekabuanapibej, pe-jbu'wuajanpox

(Mt 23.1-36; Mr 12.38-40; Lc 20.45-47)

³⁷ Jesús baxtoet wut, kaen fariseo taduton Jesús xaeliajwa japon pejbaxot. Do jawut, Jesús lech japon pejba poxade. Eklison mesaxot. ³⁸ Jesús xaeliajwa wut, majt xabich piach kekakias-elon. Fariseo japox taen wut, nejchachaemla-elon Jesúsliajwa. ³⁹ Jesús matabijit japon nejchaxoelox. Samata, Jesús jüm-aech:

—Xamal fariseos xaeliajwam wut, majt xabich piach fuletletlan xabich kiatham taso, platfachanbej. Pelax patulelan kias-emil. Xamal fariseos, me-ama tasfachan, platfachanbej, xabich kiachpi, ja-am xamal. Xabich piach kekakiatham. Pelax nejnejchaxoelaxan, me-ama xabich as da'nik wut, ja-aech. Nejchaxoelambej nosliajwam asew jiw pejew. Isfulambej babijaxan. ⁴⁰ ¡Xamal nejliaklawam! ¿Matabija-emilkat Dios puexa ispox nejbu'anxot, isbejpon tathoetlel, funiachlelbej? ⁴¹ Samata, ¡isfulde pachaempoxan asew jiwliajwa! Ja-am wut, puexa jiw xamal matabijaxael nejnejchaxoelaxan, diachwuajnakolax pachaempox —aech Jesús fariseosliajwa.

⁴² Do pejme Jesús jüm-aech fariseosliajwa: “¡Puexa xamal, fariseos, Dios kastikaxael! Xamal xafolam ofrenda Dios chaxduiliajwam. Muthampi ti't wut, diajnam diezmuxatjeliajwa. Kaemuxat diajnam Dios chaxduiliajwam. Ja-ambej, menta-uafliajwa. Asew muthampibej Dios chaxduwam kaeswapich. Japoxan isfulam wut, pachaem. Pe kaeyax wewe'pfuk xamal isliajwam. Is-emil pachaempoxan asew jiwliajwa. Dios chiekal nejxasinka-emilbej. Japox koloeyax xamalliajwa we'pfuk” —aech Jesús fariseosliajwa.

⁴³ Do pejme Jesús jüm-aech: “Puexa xamal fariseos, Dios kastikaxael, xabich nejxasinkam xot jiw jümchiliajwa: ‘Fariseos diachwuajnakolax paklochow’ —chiliajwa jiw xamalliajwa. Xamal judíos naewuajnaba poxamich wut, tua-ekaxan itfetambej chalakaliajwam japoxantat, kaes paklochow chalakaliajwapoxan puexa jiw pejwuajnalel. Xamal jiw moi-aech wut paklowaxthialaxanxot, nejxasinkam jiw moichiliajwa sitaeyaxtat. Samata, Dios kastikaxael xamal” —aech Jesús.

⁴⁴ Do pejme Jesús jüm-aech fariseosliajwa: “¡Puexa xamal fariseos Dios kastikaxael! Xamal, me-ama patupamuthan, marka-esalpi, jaxot jiw nejmach sae'an, matabija-el xot, xamallap-is ja-am. Jiw xamal taen wut, me-ama pachaemam wut, jakabuan-am. Pelax nejnejchaxoelaxan xabich chaemil” —aech Jesús.

⁴⁵ Judíos chanaekabuanapixot kaen jüm-aech Jesúsliajwa:

—Jiw chanaekabuanan, xam japox jüm-am wut, jüm-am xanalliajwa —aechon.

⁴⁶ Jesús jüm-aech judíos chanaekabuanapiliajwa:

—¡Puexa xamal judíos chanaekabuanapijwam, Dios kastikaxael xamal! Jiw naewuajnam wut, xabich naewuajnam japi jiw xabich kaes naexasisliajwa xamal naewuajnam-poxan. Pe japi jiw xajupa-el puexa japoxan naexasisliajwa. Chinax kajachawaes-emilbej japi jiw naexasisliajwa naewuajnam-poxan —aech Jesús judíos chanaekabuanapiliajwa.

⁴⁷ Do pejme Jesús jüm-aech judíos chanaekabuanapiliajwa: “Judíos chanaekabuanapijwam, ¡puexa xamal Dios kastikaxael! Nejwuajnapijiw ampathatat laelp wut, japi ba Dios pejprofetas. Japi profetas pejmuthanmatwuajtat xamal ampamatkoian isam cha-aelbax itpaeliajwam nejsitaeyax japi profetasliajwa. ⁴⁸ Pe japabax isam wut, itpraeyam xamal kaenejchaxoelaxampox, nejwuajnapijiw swapich. Nejwuajnapijiw ba Dios pejprofetas. Xamal amwutjel cha-aelbax isam japi profetas pejmuthanxot.

⁴⁹ “Japoxliajwa Dios chajia jüm-aech matabijsaxtat: ‘Xan to'axaelen profetas, apóstolesbej, judíosliajwa. Xan japi to'ax wut, asew japixot beyaxaes. Asew japixot dukp wut, nakiowa chakifulaeyaxaes’ —aech Dios, jüm-aech wut japiliajwa. ⁵⁰ Puexa profetas, baespi nejwuajnapijiw pijaxtat, puexa japoxan pijaxtat, xamal, amwutjel laelpampim-fuk, Dios kastikaxael. ⁵¹ Abel matxoela boesas pakoewan. Do baxael, xabich asew

profetasbej beflas kaenanula nejuwajnapijiw pijaxtat. Do baxael, Zacaríasbej boesas. Nejuwajnapijiw boesa wuti Zacarías, Dios pejtemplobafulmaktutat boesaspon, mox altar nukxot. Puexa profetas, baespi nejuwajnapijiw pijaxtat, japoxliajwa ampamatkoiyantat xamal laelpampimfuk, Dios kastikaxael.

⁵² “¡Puexa xamal, judíos chanaekabuanapijwam, Dios kastikaxael! Xamal nejchaxoelam wut, nejchaxoelam: ‘Xatis chiekal matabijas Dios pejjamechan’ —am xamal, nejchaxoelam wut. Pe nakiowa, chiekal matabija-emil. Jiw naewuajnam wut, naewuajnam asawuajantat, Dios pejjamechana-elpoxantat. Samata, me-ama jiw bafafa xawaet wut, asew jiw lesamata, ja-ambej xamal Dios pejjamechanliajwa jiw naexasisasamata. Ja-am xot, jiw pasasiapi Diosxotse, xamal tapae-emil, naewuajnam xot asawuajantat. Xamalbej najut nejxasinka-emil pasliajwam Diosxotse” —aech Jesús judíos chanaekabuanapiliajwa.

⁵³ Japoxan Jesús jum-aech wut, judíos chanaekabuanapi, fariseosbej, xabich palalapi Jesúsliajwa. Samata, xabich wuajnachae msfullisi taliasliajwapi Jesús. ⁵⁴ Ja-aechi, wuajnachae msful wut. Japi asbuan jumch wuajnawet jumtaeliajwa Jesús jum-aech wut babejjamechan Diosliajwa, japoxtat japi tasalaliajwa Jesús pejbun'wuajanpoxliajwa.

12

Fariseos fiatpox, japi pajut ispoxan, asew jiw isasamata (Mt 10.26-27)

¹ Xabich jiw pin-iakola natameja Jesúsxot. Samata, nakaewa natabe'naful. Natuak-sae'anbejpi. Jesús matxoelajum-aech pejnachalaliajwa: “¡Xamal chiekal taem fariseos chanaekabuanapoxanliajwa, xamal naekichachajbasamatapi! Fariseos asew jiw fiat japi pajut ispoxan, jiw isasamata. ² Moechaspoxan asamatkoi tulaelaxaes. Maliach jum-aechpoxanbej, asamatkoi puexa jiw tulaela jumtaeyaxael. ³ Madoi jum-ampoxan maliach, o, batutat nuthaklajametat jum-ampoxan, japoxanbej asamatkoi asew jiw tulaela chiekal jumtaeyaxael” —aech Jesús, pejnachala naewuajan wut.

Jesús naewuajanpox pejnachala, achanliajwa japi pejlowlaxael (Mt 10.26-31)

⁴ Jesús pejme jum-aech pejnachalaliajwa: “Xamal tajnachala, jum-an ampox. ¡Xamal nabej nejlewl' beyaxaelpi xamal! Xamal ba wuti, japi kaes machiyaxil xamalliajwa, isliajwa kaes wejisa xot. ⁵ Pelax xamal sitaeyaxaelam Dios, japon to'axael xot nej-aelan infierno poxadik” —aech Jesús.

⁶ Do pejme Jesús jum-aech pejnachalaliajwa: “Cinco mia mowas kolekafeliajwa. Ja-aech, japi mia omjil xotlejen. Pe ja-aech wut, Dios chinax kaen mianxot nejkiowaxil chiekal tataeflaliajwa. ⁷ Dios kaes pejme nejxasink xamal. Me-ama mia nejxasink wut, jachi-el, Dios nejxasink wut xamalliajwa. Dios matabijtbej massuapich nejmatla kaenanula xamalxot. Samata, ¡xamal nabej nejlewl'! Xamal xabich kaes pejme ommaenkam. Me-ama mia pin-iat, jachi-emil” —aech Jesús pejnachalaliajwa.

Jesús pejuwajan naexasiti, japi jumchiyaxaelpox Jesús pejjiwpi (Mt 10.32-33; 12.32; 10.19-20)

⁸ Do pejme Jesús jum-aech pejnachalaliajwa: “Xamal jum-an ampox. Japi jum-aechpi jiw pejuwajnalel: ‘Xanal Jesús pejnachalwan’ —aech wuti, japi tajnachalaxael. Xanbej, puexa jiw pakoewkolnan, jumchiyaxaelen japi jiwliajwa: ‘Ampi tajnachala’ —chiyaxaelen Dios pej-ángeles pejuwajnalel Diosxotse. ⁹ Asew jiwlix jum-aechpi asew jiw pejuwajnalel: ‘Xanal Jesús pejnachala-enil’ —aech wuti, xanbej jumchiyaxaelen japiliajwa: ‘Ampi jiw tajnachala-el’ —chiyaxaelen Dios pej-ángeles pejuwajnalel Diosxotse” —aech Jesús pejnachalaliajwa.

¹⁰ Do pejme Jesús jum-aech pejnachalaliajwa: “Jiw jum-aech wut babejjamechan xanliajwa, xan puexa jiw pakoewkolnanliajwa, japi Dios kawuajan wut beltaeyaxaesi

japoxliajwa. Pelax jiw jum-aech wut babejjamechan Espiritu Santoliajwa, japi jiw beltaeyaxisal Dios” —aech Jesús pejnachalaliajwa.

¹¹ Do pejme Jesús jum-aech pejnachalaliajwa: “Xamal buflaeyaxaeli judíos naewuaj-nabachan poxade, paklochow poxadebej. Ja-aech wut, inabej nejchaxoele' jumchiyaxaelampoxan, jumnosliajwam wut paklochow! ¹² Xamal paklochowxotam wut, jawut chiekal matabijaxaelam Espiritu Santo pijaxtat jumnosliajwam japi paklochow” —aech Jesús pejnachalaliajwa.

*Jesús naewuaj*anpox jiw nejchaxoelasamata kemaeyaxliajwa

¹³ Jiw natamejaxot, kaen aton jum-aech Jesúsliajwa:

—Jiw chanaekabuanan, taj-ax tɔp wut, takoewan, matxoelapijin, puexa taj-ax pejew xabich nosaxael. ¡Takoewan jum-amde xan tejwaxaelpi nachaxdusliajwapon! —aechon Jesúsliajwa. ¹⁴ Jesús jumnot wut, jum-aechon:

—Kaen aton xan nawuldui-el juezliajwan, xamal nejew wediajkaliajwan —aech Jesús.

¹⁵ Do jawut, Jesús jum-aech jiw natamejapi jumtaeliajwa:

—¡Chiekal taem! ¡Nabej nejchaxoele' nejew xabichaliajwa! Xamal xabich wut nejew, japoxantat kaes chiekal nejchaxoelaximil Diosliajwa —aech Jesús.

¹⁶ Do jawut, Jesús naewuajan ampawuajan jiw natamejapiliajwa. Jum-aechon: “Kaen aton kemaeyan duk. Xabich wepachaemspan pejlulan. Jol wut, xabich jolpon.

¹⁷ Kemaeyan nejchaxoel wut, nejchaxoelpon ampox: ‘¿Xan achaxkat isaxaelen? Xan ajil bachan tejew cha-owaliajwan’ —aechon, nejchaxoel wut. ¹⁸ Do jawut, kemaeyan kaes jum-aech, nejchaxoel wut: ‘Xan matabijtax isaxaelenpox. Cha-aelbax puexa chiekal tusaxaelen. Dolisdo’, japabawajeltat isaxaelen kaes pinabachan puexa tejew naxaeyaxan cha-owaliajwan. ¹⁹ Do jawux, pinabachantat tejew naxaeyaxan cha-owax wut, nejchaxoelaxaelen: “Xan xabich tejew naxaeyaxan cha-owax pin-iawaechan xaeliajwan. Samata, piach nabichaxinil. Damlathulaxaelen. Xaeyaxaelen. Feyaxaelenbej. Xabich nejchachaemlaxaelen” —chiyaxaelen, nejchaxoelx wut’ —aech kemaeyan, nejchaxoel wut. ²⁰ Pe jawut, Dios jum-aech kemaeyanliajwa: ‘¡Xam nejliaklanam! Matabijs-emil ampamadoitat xam tɔpaxaelampox. Samata, ¿achanliajwakat naxaeyaxan cha-owam?’ —aech Dios. ²¹ Jasox jatis japon atonliajwa xabich tamejapon pejew pajutliajwa. Dios nejchaxoel wut, jum-aechon japon kimaeyanliajwa: ‘Xanliajwa ampon aton, me-ama xabich kekil wut, ja-aechon’ —aech Dios, nejchaxoel wut japonliajwa” —aech Jesús jiw natamejapi jumtaeliajwa.

*Dios tataefu*lpox jiw xanaboejapi japon

(Mt 6.25-34)

²² Jesús jum-aech pejnachalaliajwa: “Xan jum-an ampox. ¡Nabej nejchaxoele' xaeliajwampoxan, naxoeliajwampoxanbej! ²³ Xatis duila-esal naxaeyaxkalliajwa, naxoekalliajwabej. Dios nakchaxduw nakwewe'ppoxan japoxantat xatis duilialiajwas. Samata, Dios nakchaxduiyaxael naxaeyaxan, naxoeyaxaespxanbej. ²⁴ Nejchaxoelam wut, ¡nejchaxoelde mialiajwa! Mia naxaeyaxan mutha-el. Jola-elbejpi cha-owaliajwa. Pe nakiowa, Dios chaxduw mia xaeliajwa. Dios xamal kaes pejme nejxasink. Me-ama mia nejxasink wut, jachi-elon. Samata, nej-ax Dios xamal chiekal tataeflafulaxael. ²⁵ Ja-aech wut, ¿ma-aech xotkat xamal xabich nejchaxoelam? Xabich nejchaxoelam wut, ja-am wut, kaes kaematkoiliajwa laelpaximil, xabich nejchaxoelam xot. ²⁶ Xajupa-emil wut japox isliajwam, ¿ma-aech xotkat xabich nejchaxoelam japoxliajwa, asaxanliajwabej?” —aech Jesús pejnachalaliajwa.

²⁷ Do pejme Jesús jum-aech pejnachalaliajwa: “Nejchaxoelam wut, ¡nejchaxoelde naetalan, chimiatalanpox! Ti't wut, nabich-el chimialiajwa. Pe puexa chiekal chimia. Xanlax jum-an. Rey Salomón majt laeja wut, japon xabich chimia naxoeipon. Pe kaes pejme chimia, naetalan. ²⁸ Cha-aelnaex, yotat nuili, Dios pijaxtat natala wut, xabich chimiatalan. Pe piachliajwa-el. Asbuan jumch kaematkoiyas sapichliajwa. Do jawux, tɔp. Do jawuxbej, tamejas lausliajwas. Pe Dios xamal xabich kaes tataeful. Me-ama

naetalan tataeful wut, jachi-el Dios. Samata, ¡Dios chiekal xanaboejim chimia xamal xajoeliajwapon! Xamal wewe'pfuk Dios chiekal xanaboejalijawam. ²⁹ Samata, ¡xabich nabej nejchaxoele' xaeliajwapoxan, feliajwapoxanbej! ¡Dioskal xanaboejim! ³⁰ Dios naexasis-eli xabich nejchaxoel xaeliajwapoxan, naxoeliajwapoxanbej. Xamallax nej-ax Dios. Japon matabijt xamal wewe'ppoxanliajwa. ³¹ ¡Xamal chiekal naexasisfulde Dios puexa pejjiw tato'laxaelpox! Ja-amsfulam wut, Dios chaxduiyaxael xamal wewe'ppoxan” —aech Jesús pejnachalalijawa.

Jesús naewuajanpox pejnachala ommaenkpox Diosxotse
(Mt 6.19-21)

³² Do pejme Jesús jum-aech pejnachalalijawa: “¡Xamal nabej nejlewlé', kaesupicham wut! Dios xamal nejxasink xot, makanot asamatkoi xamal duilalijawam Diosxotse, jiw tato'lalijawambej jaxotse. ³³ ¡Nejew mowim! Mowam wut, ¡japaplata chaxduim xabich wewe'paspi! Ja-am wut, Dios xabich nejchachaemlaxael xamallijawa. Dios isaxaelbej pachaempox xamallijawa Diosxotse. Jaxotse pasaxil kethaka nejew noslijawa. Ajilaxaelbej itxaeyaxaeli. Jaxotsebej toepaxil nejew. ³⁴ Diosxotse, japon xamal chaxduiyaxael pachaempoxan. Samata, ¡nejchaxoelafulde paslijawam japonxotse!” —aech Jesús pejnachalalijawa.

Jesús pejwuajan naexasiti thilsfulaxaelpox wuajnewesfulalijawa Jesús pejpasax

³⁵ Jesús jum-aech pejme pasaxoekpoxlijawa: “Chalechkal xan pasaxoekan ampathatat. Xamal laelpampimfuk, ¡chiekal thilsfulde, wuajnewesfulam wut tajpasax! ³⁶ Xamal matabijam. Kaen paklon fiesta poxalijwade wut, to'apon pamak kawetaliajwa, japi wesfulalijawa paklon pejba. Do jawux, paklon fiesta poxade. Do baxael, chalechkal paklon pa'an wut, bafafa daka wuton, kamta pamak wefafasaxaeson. ³⁷ Pamak naliasfulpoxtat pejpaklon pat wut, ja-aech wut, japi nejchachaemlaxael paklonlijawa. Diachwuajnakolax xan jum-an xamallijawa. Paklon to'axaesi chalakalijawa paklon pejmexot. Do jawux, paklon pajut naxaeyax chaxduiyaxael japi pamak xaelijawa. ³⁸ Pinmadoitat, o, nalianax mox pawujna wut, paklon pat wut, japahoratat pamak nakiowa naliasful wut, japi nejchachaemlaxael. ³⁹ ¡Matabijimbej jumchixaxaelenpox! Bapijin matabijt wut kethakan pasaxaelhoratat japon wenatkowalijawas, japon aton naliasfulaxael pejbatat, wuajnewesfulalijawabejpon kethakan. Ja-aech wut, kethakan natkowaxil japon pejbatat. ⁴⁰ ¡Xamallap-is ja-amsfulde, xan nawuajnewesfulam wut! Xanbej, puexa jiw pakoewkolnan, jachiyaxaelen. Chalechkal pasaxoekan, ampathatpijiw nawuajnewesfula-el wut” —aech Jesús pejnachalalijawa.

Paklon kolenjepox pamakan, kaen pachaem, asan chiekal chaema-el
(Mt 24.45-51)

⁴¹ Pedro wuajnachaemt wut, jum-aechon Jesúslijawa:

—Tajpaklon, xam jum-ampox, wuajan, ¿japoxkat xanalkallijawa, o, puexa jiwliajwabej? —aech Pedro, wuajnachaemt wut Jesús.

⁴² Jesús jum-aech Pedrolijawa: “Xan jumchixaxaelen wuajan, kaen nabichan, pachaemponlijawa. Japon pomatkoicha chiekal nabist paklonlijawa. Babijax nejchaxoela-elon. Paklon ajil wut, japon chiekal tato'laful asew nabichow. Naxaeyaxanbej chiekal chaxduwbejpon pomatkoicha, me-ama paklon to'ason japox islijawa. ⁴³ Paklon pat wut, taen wutbejpon nabichan chiekal nabistpox, ja-aech wut, japon nabichan xabich nejchachaemlaxael. ⁴⁴ Diachwuajnakolax xan jum-an. Paklon matabijt wut nabichan chiekal nabistpox japon pejwulela, ja-aech wut, paklon to'axaeson puexa paklon pejew tataeflialijawa.

⁴⁵ “Pe nabichan chiekal nabich-el wut paklon pejwulela, japon nabichan nejchaxoelaxael: ‘Tajpaklon xabich pin-iamatkoiyon pasaxil’ —chixaxaelon, nejchaxoel wut. Samata, chiekal tataeflaxilon asew nabichow. Be'balaxaelon poejiw, watho'bej. Do

jawux, tuadusaxaelon xaeliajwa, saxsliajwasbej. Jasox isfulaxaelon pomatkoicha. ⁴⁶ Ja-aech wut, nejchaxoelaxilon paklon pasaxaelpox. Do jawut, chalechkal paklon pasaxael. Do jawutbej, nabichan xabich kastikaxaes. Jawux to'axaeson asew jiw poxade, Dios naexasis-eli poxade” —aech Jesús Pedroliajwa.

⁴⁷ Jesús pejme jum-aech pejnachalaliajwa: “Nabichan matabijt wut paklon to'asox isliajwa, pe is-el wuton, ja-aech wut, nabichan xabich selsaxaes. ⁴⁸ Asew nabichow chiekal jummatabija-el wut paklon to'aspox, ja-aech wut, japi is paklon nejxasinkaelpox. Do ja-aech wut, japi kastikaxaes. Pe selsaxaes wut, xabich selsaxisal. Puexa paklochow chiekal isaxael pejbichaxan pachaempoxantat. Diosxotse wut, asamatkoi chapaeyaxaeli pejbichaxan ispoxanliajwa. Samata, kaes pejme pachaem isliajwa pejbichaxan pachaempoxantat, kastika-elaliajwaspi Dios” —aech Jesús pejnachalaliajwa.

Jesús paskpox japon pijaxtat ampathatpijiw nadijalialiajwa
(Mt 10.34-36)

⁴⁹ Do pejme Jesús jum-aech pejnachalaliajwa: “Xan fuloekx ampathatasik puexa jiw babijaxan ispoxan wemosliajwan, xan tux wut. Asew jiwxot xan nanaexaxisaxael. Pe asew jiw xan nanaexaxisaxil. Asamatkoi japi Dios xabich kastikaxaes. Tajnabijasax, tajtuxaxbej, toep wut, jawut xan xabich nejchachaemlaxaelen. ⁵⁰ Xabich babejkolax, nabijasax, nawewe'pfuk japox xan naxapaejsliawa. Xan xabich nabijasaxaelen, naboesa wuti. Samata, xabich nejchaxoelx tajpatuxaxliajwa. ⁵¹ Nejchaxoelam wut, jnabej nejchaxoele': ‘Jesús fuloek potujnuxa jiw chiekal kaenejchaxoelaxliajwa, chiekal duilialiajwabej nabe-elaxtat’ —nabej aeche', nejchaxoelam wut! Xan pas-enil japoxliajwa. Xan tajaxtat xabich jiw kaenejchaxoelaxil. ⁵² Kaebatat cinco jiw duil wut, japixot kaenejchaxoelaxil. Tres xan nanaexaxisaxael. Kolenje nanaexaxisaxil. El wut, kolenje xan nanaexaxisaxael. Tres nanaexaxisaxil. ⁵³ Kaebaxot pax, paxulan suapich, kaenejchaxoelaxil xan tajaxtat. Japixot kaen xan nanaexaxisaxil. Asan nanaexaxisaxael. Pen, paxulow suapich, jachiyaxaelbej. Japixot kaeow xan nanaexaxisaxil. Asaow nanaexaxisaxael. Paem, pakala suapich, jachiyaxaelbej. Japixot kaeow xan nanaexaxisaxil. Asaow nanaexaxisaxael” —aech Jesús pejnachalaliajwa.

Dios ispoxan judíos chiekal matabija-el
(Mt 16.1-4; Mr 8.11-13)

⁵⁴ Jesús jum-aech jiwliajwa: “Amxot, Israel tuajnxot, itloejen fulaen wut juint tujoplel, xamal japox taenam wut, jum-am: ‘Amwut iam thilnaxael’ —am xamal. Do jawux, japamatkoitat diachwujnakolax iam thilan, me-ama xamal jum-am. ⁵⁵ Surllel, wik wut, xamal jum-am: ‘Amwut xabich masxaenkaxael’ —am xamal. Do jawux, japamatkoitat diachwujnakolax xabich masxaenk, me-ama xamal jum-am. ⁵⁶ jXamal naekichachajbapijwam! Matabijam, xabich masxaenkaliajwa wut, iam thilnaliajwa wutbej. jPe ma-aech xotkatlax xamal matabija-emil Dios ispoxan ampamatkoiyantat?” —aech Jesús jiwliajwa.

Jesús naewuajanpox asanliajwa xatis babijax isas wut, kamta chaemsliajwas
(Mt 5.25-26)

⁵⁷ Do pejme Jesús jum-aech jiwliajwa: “Nejchaxoelam wut, jnajat chiekal nejchaxoelde isfulaliajwam pachaempoxan! ⁵⁸ Xamal isam wut babijax asan atonliajwa, japon aton xamal bu'fol wut juez poxade xamal kastikaliajwa, jchiekal jum-amde bu'folponliajwa, chaemsliajwam japox babijax, japon aton suapich! jJa-amde juez kastikasamata xam! Jasox jachi-emil wut, xamal wasaxaelon jiw jebatat jeliajwa. ⁵⁹ Xan chiekal jum-an. Xamal jiw jebatat jia wuti, xamal kamta nakolaximil. Jaxot nakolaximil, mos-emil wut babijax isampoxanliajwa. Xam mosaxaelam puexa dewatampoxan jaxot nakolaliajwam” —aech Jesús jiwliajwa.

¹ Jiw patpi Jesúsxot, japi jum-aech Jesúsliajwa:

—Galilea tuajnujpijiw pat Jerusalén paklowaxxot. Japi choef xua'at Dios pejtemplo-batat Dios chaxduiliajwapi ofrenda. Do jawut, Pilato to'a pejsoldaw japi jiw beliajwas. Baes wut, japi pejjal, choefjal suapich, matanialas —aechi Jesúsxot pati, chapaei wuti Jesús.

² Jesús jum-aech japi jiwliajwa:

—Xamal bej nejchaxoelambej: 'Japi japox wejatis, kaes babijaxan is xot. Me-ama asew jiw pejtuaajnujpijiw, jachi-el xoti' —bej ambej, nejchaxoelam wut. ³ Xan jum-an: 'Japi japox wejatis xamal najut kofaliajwam babijaxan isfulampoxan. Kofa-emil wut, asamatkoi tupam wut, xamalbej Dios kastikaxael. Diosxotaximilbej' —an xan. ⁴ Ba, xabich athupox, Torre de Siloé pawulpox, chalechkal chajia jawal Jerusalén paklowaxxot. Japox jawal wut, dieciocho jiw matkaeyas. Xamal nejchaxoelam wut, bej jum-ambej matkaeyaspiliajwa: 'Japi japox wejatis, kaes babijaxan is xot. Me-ama asew jiw, Jerusalén paklowaxpijiw, jachi-el xoti' —bej ambej, nejchaxoelam wut. ⁵ Xan jum-an: '¡El! Japi jasox wejachi-esal. Xamallax kofa-emil wut babijaxan isfulampoxan, asamatkoi tupam wut, Dios xamalbej kastikaxael. Diosxotaximilbej' —an xan —aech Jesús jiwliajwa.

Higonae naboese-elpox pejwujajan

⁶ Jesús naewuajan wut jiw, higonaeliajwa jum-aechon: "Kaen aton pejlul. Pejluutut higonae nuk, chajia muthtasnae. Lulpijin mox soepan japanae taeliajwa, pabaech wut tusliajwa. Pe japanae baechjil. ⁷ Samata, lulpijin jum-aech pejlul wetataeflasponliajwa: '¡Taem ampanae! Ampoxtat tres waechan fulaenxpo, pabaech wut tusliajwan. Pe chinax naboese-el. Samata, ¡likde nae! ¡Kaes nabej tapaetis ampanae sat it-elaliajwa!' —aech lulpijin. ⁸ Lul tataeflan jumnot wut, jum-aechon paklonliajwa: 'Tajpaklon, jma ampawaechtatafuk tapaem! Xan chabakasaeyaxaelen. Do jawut, abono chabakatholaxaelenbej. ⁹ Ja-an wut, japanae bej naboeseaxaelbej asawaestat. Pe japawaestat naboese-el wut, do jawut, japanae liksaxaelen' —aech lul tataeflan" —aech Jesús jiwliajwa.

Jesús boejthutpox napatamatkoitat kaeow pawis, jajulopow bu'xaeaxtat

¹⁰ Asamatkoi, napatamatkoi wut, Jesús naewuajan judíos naewuajnbaxot. ¹¹ Japabaxot kaeow pawis ek, bu'xaenkpow. Pomatkoicha jajulwax chalaepow. Chinax nadolsaxilow. Japow dieciocho waechan, ja-aech dep ketispoxtat. ¹² Jesús taen wut japow, lapon. Japow pat wut Jesúsxot, jum-aechon japowliajwa:

—Xam boejthutx bu'xaenkampox —aech Jesús.

¹³ Jesús ke-ot japow pejta'tat. Jawut japow chiekal nadolt. Kaes jajulwa-elow. Do jawut, japow jum-aechful Diosliajwa: "Dios, xam isam xabich pachaempox xanliajwa. Xam xabich pachaemam" —aechow Diosliajwa. ¹⁴ Jawut judíos naewuajnaba tataeflan palala Jesúsliajwa, Jesús boejthut xot japow napatamatkoitat. Samata, judíos naewuajnaba tataeflan jum-aech jiwliajwa:

—Kaesemana seis matkoiyan nabichliajwas. Japamatkoiyan wut, xamal fulaeyaxaelam ampaleldin. ¡Nabej fulae' napatamatkoi wut Jesús boejthusliajwa xamal! —aech judíos naewuajnaba tataeflan.

¹⁵ Do jawut, Jesús jum-aech judíos naewuajnaba tataeflanliajwa, asew jiwliajwabej:

—¡Xamal naekichachajbapijwam! Chaemilam wut, me-ama pachaemam wut, pakabuan-am. Xamalbej najut nabistam napatamatkoitat. Xamal najut sitae-emil napatamatkoi. Nijan woei joltam buflaeliajwam japon woei min feliajwa. Woei-el wut, nijan bur joltam napatamatkoitat buflaeliajwam, japon bur min feliajwa. ¹⁶ Ampow, Abraham pamow, kaes pejme pachaem. Me-ama choefan, jachi-el. Dep ketispoxtat dieciocho waechan japow bu'xaenk. Samata, napatamatkoitat japow boejthutx —aech Jesús judíos naewuajnaba tataeflanliajwa, asew jiwliajwabej.

¹⁷ Jesús japox jum-aech wut, Jesús padaelmajiw padala. Samata, asbuan jumch boejlach chalaki, padala xoti Jesúsliajwa. Asew judíoslax nejchachaemil, jumtaen wuti Jesús jum-aechpoxliajwa, taen wutbejpi koechax, Jesús ispox.

Mostazafut pejuwajan
(Mt 13.31-32; Mr 4.30-32)

¹⁸ Jesús jəm-aech: “Jəmchiyaxaelen wajan xamal chiekal matabijaliajwam, achax kabuanchiyaxael, Dios puexa pejiw tato'laxael wut. ¹⁹ Dios puexa pejiw tato'laxaelpox, me-ama mostazafut, ja-aechox. Kaen aton wutht japafut pejlultat. Kamta wenaboeltas. Chiekal weti'tasbejpon. Ti't wut, naelido'. Samata, japadalantat mia is pejfenan tabuowaliajwa” —aech Jesús. (Jasoxtat japi jiw naexasit Dios tato'alpox majt kaesuarpich. Kaesuarpich matkoijan wut, kaes pejme xabichaxael jiw.)

Levadura pejuwajan
(Mt 13.33)

²⁰ Do pejme Jesús jəm-aech: “¿Masoxkat wajan chiekal pachaem xamal naewuanjalialjwan, matabijaliajwambej Dios tato'alpox puexa pejiw? ²¹ Dios puexa pejiw tato'laxaelpox me-ama levadura pan isas wut, jachiyaxael japox. Kaeow pawis pan is wut, taniala tres taso trigobelan, levadura suapich. Do jawux, cha-etfuk posapa puthlaliajwa levaduratat kaes pinasapaliajwa” —aech Jesús. (Jachiyaxaelbej, asamatkoi Dios puexa pejiw tato'laxael wut. Pothata jiw xabich xajuxaxael.)

Asew jiwliajwa xabich tampoelpox, japi naexaxisliajwa Dios
(Mt 7.13-14, 21-23)

²² Jesús Jerusalén paklowax poxade wut, asapaklowaxanxot, tuajnuchanxotbej, jiw naewuanjafulon. ²³ Do jawut, kaen aton wuanjachaentas wut, jumtispon:

—Tajpaklon, ¿diachwuanjakolaxkat Dios kaesuarpich jiw bu'weyaxael? —tispon.

Jesús jumnot wut, jəm-aechon:

²⁴ —Diosxotse pasliajwa, me-ama cha-aelaxach laleyax, ja-aechox. Xabich jiw nejxasink pajut pasliajwa. Pe jiw pajut pijaxtat pasaxil. ²⁵ Bapijin ba faka't wut, xamal namaeyaxaelam tathoetat. Lam wut, jəmchiyaxaelam: ‘Tajpaklon, jba fafa'e xanal leliajwan!’ —chiyaxaelam bapijin. Pe japon jumno'an wut, jəmchiyaxaelon xamalliajwa: ‘Xan matabijs-enil xamal. ¿Amxotpijwamkat xamal?’ —chiyaxaelon bapijin. ²⁶ Xamal jəmchiyaxaelam: ‘Xanallape, xam suapich, kaeyaxtat naxaelaxpin, afxpinbej. Tajpaklowaxxot xam naewuanjamponam’ —chiyaxaelam. ²⁷ Bapijin pejme xamal jumnosaxaelon: ‘Xamal matabijs-enil. Matabijs-enilbej amxotpijwam. Xamal babejchowam. ¡Chijiamde!’ —chiyaxaelon. ²⁸ Xamal atuj taeyaxaelam Abraham, Isaac, Jacob suapich, puexa asew profetasbej. Japi Diosxotse amwutjel duil. Pe xamal pelsaxaelon infierno poxadik. Jaxotdik xamal xabich noeyaxaelam. Bua'tatisaxaelambej, xabich nabijasaxaelam xot. ²⁹ Xabich jiw, potujnuchanpijiw, pasaxael Diosxotse. Japi jiw chalaxael Diosxot. Naxaeyaxaelbejpi. ³⁰ Jiw amwutjel kaes paklochowpi, japi Diosxotse paklochowaxil. Asew amwutjel paklochowaelpi, japi kaes paklochowaxael Diosxotse —aech Jesús aton, wuanjachaentasponliajwa.

Jesús xabich nejxaejwaspox Jerusalén paklowaxpijwliajwa
(Mt 23.37-39)

³¹ Jesús buxtoet wut wuanjachaentasponliajwa, jawut kaesuarpich jaxot fariseos pat, Jesúsxot. Do jawut, fariseos jəm-aech Jesúsliajwa:

—¡Ma amxot xam asalel chijiamde, rey Herodes fulaeyaxaelon xot xam boesaliajwa! —aech fariseos Jesúsliajwa.

³² Jesús jumnot wut, jəm-aechon:

—¡Xamal xabuade Herodes poxade! Japon aton, me-ama lam wut, ja-aechon, jiw tabejsan xot. ¡Chapaempon xan isfulaxpoxan, nanuamtax wut! ¡Jum-amopon, chapaeyam wut: ‘Jesús jəm-aech: “Amwutjel, kandiawabej, to'axaelen dep nakolaliajwa, jiw pejmatpuatanxot webaespi. Bu'xaenkpijbej boejthuxaxaelen. Asakandiawa wut, toesaxaelen tajbichax’ —aech Jesús’ —amo Herodes! ³³ Amwut fulaeyaxaelon Jerusalén

paklowax poxade. Jasoxtat pasaxaelen Jerusalén paklowax, jaxotde naboesaliajwapi, Dios pejprofetas jibaes xot Jerusalén paklowaxxot —aech Jesús fariseosliajwa.

³⁴ Jesús xabich nejxaejwas, nejchaxoel wut Jerusalén paklowaxpijiwliajwa. Samata, jum-aechon: “Xamal Jerusalén paklowaxpijwam, Dios pejprofetas pabam. Asew profetasbej ia'tat dadapam, Dios buxto'aspi xamal naewuajnalialjwa. Me-ama kawaema paxi tameja pejba'buxfaltat, xan jachisian xamal bu'welialjwan. Pe xamal xan nanejwesla. ³⁵ ¡Chiekal najumtaem! Nejpaklowaxxotaxil Dios. Kaes kajachawaesfulaxilbejpon xamal. Piach nataeyaximil. Xan pejme patx wut, jawut xamal jumchiyaxaelam xanliajwa: ‘Dios nej kajachawaesas fulaenpon Dios pijaxtat’ —chiyaxaelam, pejme nataeyaxaelam wut’ —aech Jesús, nejxaejwas wut Jerusalén paklowaxpijiwliajwa.

14

Jesús boejthut pox xabich bu'puthalpon

¹ Napatamatkoi wut, Jesús fulaech xaelialjwa kaen fariseospaklon pejba poxade. Jaxotdebej asew fariseos, japi Jesús padaelmajiw. Japi tataeful Jesús taelialjwapi, Jesús is wut babijax. ² Do jaxotde wut, kaen aton, pobu'ta xabich bu'puthalpon, japon nuk Jesús pejuajnalel. ³ Do jawut, Jesús wuajnaemtu judíos chanaekabuanaapi, fariseosbej. Jum-aechon:

—¿Naktapaeikat bu'xaeyan boejthusliajwas napatamatkoitat? O, ¿ja-elkat? —aech Jesús japiliajwa.

⁴ Japi jumnos-el. Do jawut, Jesús bu'xaeyan muaxfit wut, Jesús chiekal boejthut bu'xaeyan. Do jawux, Jesús to'a japon nawiasliajwa pejba poxade. ⁵ Do jawut, Jesús jum-aech fariseosliajwa:

—Naxulan jop wut muthadik napatamatkoitat, o, nijan woei jop wutbej napatamatkoitat, xamal jusaxaelampon. ¿Diachwuajnakolaxkat japox? —aech Jesús.

⁶ Japi wejisal jumnosliajwapi Jesús. Asbuan jumch boejlach chalaki.

Jesús naewuajan pox fariseos chalakasamata tua-ekaxan, kaes pachaempoxantat

⁷ Fariseospaklon pejbatat wut, Jesús taen, asew fariseos chalak wut tua-ekaxan, kaes paklochowpiliajwapi chalak wuti. Jesús japox taen wut, jum-aechon japi fariseosliajwa japoxan kofaliajwapi. Jesús naewuajan wut, jum-aechon japiliajwa:

⁸ —Kaen aton xamal tadut wut nakjyafiesta poxade, jaxotde xaelialjwam, ¡nabej chalake' paklochow chalakaxaelpoxantat! Ja-am wut, asew bej pasaxaelbej taduchpi, japi kaes paklochowpi. Japi, me-ama xamal, jachi-eli. ⁹ Ja-aech wut, xamal tadutpon pasaxael xamalxot jumchiliajwa: ‘¡Ampatua-ekaxanxot xamal nanim, asew chalakaliajwa!’ —chiyaxaelon xamallialjwa. Japatua-ekaxanxot xamal nanam wut, nanaxaelam xabich nadalaxtat. ¹⁰ Kaes pachaem xamal chalakaliajwam taxdukatua-ekaxantat, tadut wuti xamal xaelialjwam, fiestamatkoi wut. Do jawut, xamal tadutpon xamalxot pat wut, jumchiyaxaelon: ‘¡Amxot xamal nanim! ¡Chalakde kaes paklochow chalakpoxantat!’ —chiyaxaelon xamallialjwa. Do jawut, xamal chalakaxaelam japatua-ekaxantat. Jaxot chalakam wut, puexa jiw, chalaki mesaxot, japox taeyaxael. Ja-aech wut, xamal kaes sitaeyaxael jiw. ¹¹ Nejmach-aton nejchaxoel wut pajutliajwa, nejchaxoelon ampox: ‘Xan kaes pejme pachaeman. Me-ama asew jiw, jachi-enil’ —aech wuton pajutliajwa, japon aton Dios jumchiyaxaes: ‘Xam kaes pejme pachaema-emil’ —chiyaxaeson. Asan atonlax nejchaxoel wut pajutliajwa: ‘Xan pejme kaes pachaema-enil. Me-ama asew jiw, jachi-enil’ —aech wuton pajutliajwa, asamatkoi japon aton jumchiyaxaes Dios: ‘Xam kaes pejme pachaemam’ —chiyaxaeson Dios —aech Jesús fariseosliajwa.

¹² Do jawutbej, Jesús jum-aech fariseospaklonliajwa, japon taduchpon Jesús:

—Xam asew jiw tadutam wut xaelialjwapi nejbatat, matnochipijax, o, kaliapijax, ¡nabej tadus xam matabijtam-pikal! ¡Nabej tadusbej nejnachala, nakoew, nejjiwbej, kemaeyabej, mox duilibej nejbaxot, asamatkoi japi xam tadusaxael xot xaelialjwam japi pejbatat! Jachiyaxaelam wut, xamal, me-ama xanafokam, xam matxoelatadutpi, japi xam tadutam

wut xaeliajwa nejbatat. ¹³ Xam fiesta isam wut, itadue'elax kejila, laelpaxilpibej, nabejkabej, itliaklabej! ¹⁴ Jasox isam wut, xam xabich nejchachaemlaxaelam, japi tadusaxil xot xam xanafonaliajwa tadutamoxliajwa. Jiw, pachaempi Dios pijaxtat, mata-eyamatkoi wut jiw pejme duilaliajwa, jawut Dios xam mosaxael japafiestaliajwa —aech Jesús taduchponliajwa.

Aton pinjiyax fiesta is wut, xabich jiw tadutpox
(Mt 22.1-10)

¹⁵ Kaen aton japixot jumtaen wut Jesús jum-aechpox, japon jum-aech Jesúsliajwa: —Jiw xabich nejchachaemlaxael, Dios pejfiestaxot xael wuti Diosxotse —aech japon aton Jesúsliajwa.

¹⁶ Do jawut, Jesús wuajantat jumnot wut, jum-aechon:

—Kaen aton pamakjiw keto'a pinjiyax fiesta isliajwa. Do jawux, asan pamakan to'apon xabich jiw tadusliajwa. ¹⁷ Jawut, naxaeyaxan chiekal isax ketoet wut, pamakan pejme to'apon jiw jumchiliajwa: '¡Xabua't, puexa chiekal toetx xotlis!' —chiliajwapon jiw. Do jawut, fulaechon japox jumchiliajwa. ¹⁸ Pe tadutaspixot chinax kaen pas-el. Puexa kaenanula jumxato'a wut, jum-aechi, ma-aech xot fulaeyaxili. Kaen japixot jumxato'a wut, jum-aechon: 'Amwutjel xan sat wuajtax. Samata, xan japoxade fulaeyaxaechan japasat taeliajwan. ¡Nabej nalale' xanliajwa, fulaeyaxinil xot nejfiesta poxade!' —aechon, jumxato'a wut fiestapijinliajwa. ¹⁹ Asanbej jum-aech, jumxato'a wut: 'Xan diez woei wuajtax. Xan japi xapaejaxaelen. ¡Nabej nalale' xanliajwa, fulaeyaxinil xot nejfiesta poxade!' —aechon, jumxato'a wuton fiestapijinliajwa. ²⁰ Asanbej jum-aech, jumxato'a wut: 'Xan amwutjel nakjiyax. Samata, xan fulaeyaxinil' —aechon, jumxato'a wut fiestapijinliajwa. ²¹ Pamakan to'aspon kaxa nawia'an wut, puexa chapaeipon pejpaklonxot. Do jawut, pejpaklon xabich palala. Jum-aechon pamakanliajwa: '¡Xabua'de bichakal paklowax poxade! ¡Jaxotde paklowaxthialaxanxot wulwekde jiw tadusliajwam kejila, laelpaxilpi, itliakla, nabejkabej! ¡Japi jiw buflaeman amxot xaeliajwapi!' —aech fiestapijin pamakanliajwa. ²² Dolisdo', pamakan japox is. Jawut jum-aechon pejpaklonliajwa: 'Tajpaklon, isxlis nato'ampox. We'pfuk jiw xajupaliajwa puexa tua-ekaxan' —aechon pejpaklonliajwa. ²³ Do jawut, paklon pejme jum-aech pamakanliajwa: '¡Xabua'de! ¡Jiw pejme wulwekde nuamantat, luluamantatbej! Jiw tadutam wut, jumbisnikde japi fulaeliajwadin tajba poxadin, tajba chiekal wulukaliajwapi! ²⁴ Diachwuajnakolax xan jum-an. Matxoelatadutxpi, chinax kaen japixot tajfiesta nakxaeyaxil' —aech fiestapijin —aech Jesús, ampawuajan naewuajan wut.

Jesús to'apox jiw nakfulaesiapi japon, majt japi chiekal nejchaxoelaliajwa
(Mt 10.37-38)

²⁵ Jesús xabich jiw fulafos wut, kaxa natachaemdik wut, jum-aechon japi jiwliajwa: ²⁶ "Nejmach-aton fulaen wut xanlel tajnachalanliajwa, japon xan nanejxasinkaxael. Me-ama pax nejxasink wut, penbej, pijowbej, paxibej, pakoewbej, jachiyaxaelon, xan kaes nanejxasink wut japon aton. Me-ama pajut nanejxasink wut, jachiyaxaelbejpon xanliajwa. ²⁷ Nejxasinka-elpi xan tajaxtat nabijasliajwa, japi jiw tajnachalwaxil.

²⁸ "Kaen aton xamalxot ba isliajwa wut, xabich athupox, japon majt chiekal nejchaxoelaxael, machiyaxaelon isliajwa japaba. Nejchaxoel wut, jumchiyaxaelon: '¡Xankat tajplatatat xajupaxaelen, ampaba isx wut chiekal toesliajwan?' —chiyaxaelon, nejchaxoel wut. ²⁹ Japon aton majt chiekal nejchaxoela-el wut ba isliajwa, ba isax tuadut wut, pejplata wexajupa-esal wut, japon aton pejba chiekal toesaxil. Ja-aech wut, jiw bu'wuajanpaeyaxaeson. Xafafolaxaesbejpon jiw, pejba chiekal toes-el xoton. ³⁰ Japi jiw jumchiyaxael: 'Japon aton tuadut ba isliajwa. Pe nakiowa, wexajupa-esal pejew plata pejba chiekal toesliajwa' —chiyaxaeson jiw. ³¹ Rey nabeliajwa wut, asatuajnuapijiw suapich, japon rey majt chiekal nejchaxoelaxael, machiyaxaelon. Nejchaxoel wut, jumchiyaxaelon: 'Xan tajsoldaw asbuan jumch diez mil. Tadaelman veinte mil soldaw.

¿Xankat, tajsoldaw sʉapich, malechaxaelen nachakifulaeyaxaenpi?’ —chiyaxael rey, nejchaxoel wʉt. ³² Dolisdo', rey chiekal matabijt wʉt, jʉmchiyaxaelon: ‘Xan malechaxinil tadaelman’ —chiyaxael rey, nejchaxoel wʉt. Ja-aech wʉt, rey jʉmxato'axael wʉajan xananʉampitat, japox wʉajan wechaemsliajwas, padaelman atʉaj wʉtfuk. ³³ ¿Xamalbej majt chiekal nejchaxoelde, tajnachalwasiam wʉt! Nejew puexa waela-emil wʉt, ja-aech wʉt, tajnachalwaximil” —aech Jesús nakfʉlaesiaspiliajwa.

Jesús pejnachala ampathatat, me-ama dom pachaempox wʉt, ja-aechi
(Mt 5.13; Mr 9.50)

³⁴ Do pejme Jesús jʉm-aech pejnachalaliajwa, xabich asew jiwliajwabej: “Dom xakuenk wʉt, pachaem. Dom xakuenka-el wʉt, chaemil. Pejmeliajwa pachaemaxil. ³⁵ Abonoliajwabej chaemil. Ja-aech wʉt, asbʉan jʉmch pachaem thokchaliajwa. Xamal Dios pejnechaxoelax matabijasiam wʉt, ¿chiekal naewe'e xan jʉm-anpoxan!” —aech Jesús.

15

Ovejas tataefʉlpon faenpox pijan oveja, wenafo'aspon
(Mt 18.10-14)

¹ Impuesto mat-omwʉljoew gobiernoliajwa, asew jiw, babijaxan ispi-bej, japi pat Jesúsxot jʉmtaeliajwa Jesús naewʉajanpox. ² Fariseos, judíos chanaekabʉanapibej, japi taen, asew jiw pat wʉt Jesúsxot. Jawʉt japi jʉm-aech babejjamechan Jesúsliajwa. Nakaewa najʉm-aechi:

—Jesús bʉ'kʉla jiw babejchow. Japi sʉapich, xaelbejpon —aechi Jesúsliajwa.

³ Samata, Jesús japox jʉmtaen wʉt, jʉm-aechon ampawʉajan fariseosliajwa, judíos chanaekabʉanapiliajwabej: ⁴ “Xamalxot kaen aton cien ovejas wʉt, kaen oveja wenafo'as wʉton, asew noventa y nueve ovejas waelaxaelon jalwekaliajwa wenafo'aspon. ⁵ Do faen wʉton oveja, wenafo'aspon, xabich nejchachaemlaxaelon. Taka-osfulaxaenon oveja wenafo'aspon. ⁶ Dolison, ba pat wʉt, laeyaxaelon pejnachala, mox duilibej, chapaeliajwa wenafo'asponliajwa. Jawʉt jʉmchiyaxaelon: ‘¿Nejchachaemilde, xan sʉapich, xan pejme faenx xot tajan oveja, nawenafo'apon!’ —chiyaxaelon pejnachalaliajwa. ⁷ Diachwʉajnakolax xan jʉm-an. Jachiyaxaelbej, Dios pej-ángeles nejchachaemil wʉti Diosxotse, kaen aton koft wʉt babijaxan ispoxan ampathatat, japon naexasisfulaliajwa Dios. Dios pej-ángeles kaes pejme nejchachaemlaxael japon atonliajwa. Me-ama noventa y nueve jiw, pachaempiliajwa, Dios pej-ángeles nejchachaemil wʉt, jachiyaxili, japon atonliajwa” —aech Jesús fariseosliajwa, judíos chanaekabʉanapiliajwabej.

Pawis faenpox pejkafef, japox pejwʉajan

⁸ Jesús naewʉajan asawʉajan fariseosliajwa, judíos chanaekabʉanapiliajwabej. Jʉm-aechon: “Pawis diez kafefachan wʉt, kaekafef wenafo'as wʉtow, japow tamdusaxael lámpara japa-itliakaxtat batu athoesliajwa chiekal jalwekaliajwa pejkafef. ⁹ Dolisow, faen wʉt, laeyaxaelow pejnachala, mox duilibej, chapaeliajwa. Do jawʉt, jʉmchiyaxaelow: ‘¿Nejchachaemilde, xan sʉapich, pejme faenx xot tajkafef, nawenafo'a wʉt!’ —chiyaxaelow. ¹⁰ Diachwʉajnakolax xan jʉm-an. Jachiyaxaellap-is Dios pej-ángeles, nejchachaemil wʉt, kaen aton koft wʉt babijaxan ispoxan japon naexasisfulaliajwa Dios” —aech Jesús fariseosliajwa, judíos chanaekabʉanapiliajwabej.

Pax beltaenpox paxʉlan, japox pejwʉajan

¹¹ Jesús naewʉajan asawʉajan, fariseosliajwa, judíos chanaekabʉanapiliajwabej. Jʉm-aechon: “Kaen aton kolenje paxʉlan. ¹² Wʉchakalpijin jʉm-aech paxliajwa: ‘Ax, ¡amalis xan nachaxdu'e tejwaxaelpi!’ —aech wʉchakalpijin. Do jawʉt, pax diajan wʉchakalpijin pejewpi. ¹³ Jawʉx, kaematkoi sʉapich wʉt, wʉchakalpijin puexa pejew mowa. Japaplata xafolon, chijia wʉt atʉaj, asatʉajnʉlel. Jaxotde babijaxan isfuldepon. Jasoxtat puexa pejew, plata, chiekal xatoeton. ¹⁴ Puexa pejew plata chiekal xatoet wʉt, japamatkoiyon piach naxaeyaxan ajil japatʉajnʉxot, xabich piach iam thilna-el xot. Samata, japon

litaxaelaful. ¹⁵ Do jawut, fulaechon japatuajnupijin bichax wuljoeliajwa. Bichax faen wut, paklon to'ason maran tataeflax, chaxajialspi. ¹⁶ Do jawut, japon aton maran xaelpoxan, japonbej xaesia, xabich litaxaela xoton. Pe chinax chaxdus-esal japon xaeliajwa maran xaelpoxan. ¹⁷ Do jawut, japon pajut chiekal nejchaxoel wut, jum-aechon: 'Pomatkoicha taj-ax pejbaxot xabich naxaeyaxan pamakjiw chaxduiliajwa. Taj-axxot naxaeyaxan nama. Xanlax amxot tajlit tuxaxaelen' —aechon, nejchaxoel wut. ¹⁸ Do jawut, japon nejchaxoel wut, jum-aechon: 'Xan nawoesa nawiasaxaelen taj-ax poxade. Patx wut taj-axxot, xan jumchiyaxaelen: "Ax, xan xabich babijaxan isx Diosliajwa, xamliawabej. ¹⁹ Xan babejnan. Samata, xan tadala kaes naxulun napaeliajwam. Me-ama namakan tato'lam wut, ja-amde xanliajwa!" —chiyaxaelen, taj-axxot patx wut' —aechon, nejchaxoel wut. ²⁰ Dolison, japox nejchaxoel wut, chijialison pax poxade nawiasliajwa.

"Do baxael, atuxach fulaen wutlejen, pax taenson. Jawut pax xabich beltaen paxulan. Do jawut, najae'epon paxulan bu'kakulnaliajwa. Jawut wujaelton paxulan. Wujaelt wut, xusuwpon paxulan. ²¹ Jawut paxulan jum-aech paxliajwa: 'Ax, xan xabich babijaxan isx Diosliajwa, xamliawabej. Xan babejnan. Tadala kaes naxulun napaeliajwam' —aech paxulan paxliajwa. ²² Pe jawut, pax jum-aech, pamakjiw to'a wut: '¡Xabua'de! ¡Wuljae'e naxoelax kaes chamoeyaxpox! ¡Xajoembejpon! ¡Anillo kothiyaxajoeldebejpon! ¡Tuakxajoeldebejpon tuakxajoelax! ²³ Do jawux, jubflaeman pak jelti'san, kaes dalpon! ¡Japon xua'alde! Amwut fiesta isaxaes xaeliajwas. ²⁴ Taxulanliajwa nejchaxoelx wut, jum-an: "Diachwujnakolax taxulan asatujnutat bej nawetupbej" —an, nejchaxoelx wut. Pe laejapon. Nejchaxoelxbej: "Bej nafo'abejpon" —an, nejchaxoelx wut. Pe nawepaton' —aech pax pamakjiwliajwa. Do jawux, fiesta isax tuadutlisi.

²⁵ "Pakoewan pat wut pax pejbatat, matxoelapijin lultat nabistpon. Pejbachax kekoft wut, ba mox itwefulaen wut, thiataenpon jajuiyax. Thiataenbejpon nababoelax. ²⁶ Jawut matxoelapijin lapon pamakan. Wujajnachaemt wut, jum-aechon: '¿Ma-aech xotkat amwutjel fiesta isam?' —aechon. ²⁷ Pamakan jumnot wut, jum-aechon: 'Nakoewan pat. Samata, nej-ax xanal naketo'a pak jelti'san, kaes dalpon, xua'laliajwan' —aech pamakan. ²⁸ Matxoelapijin japox jumtaen wut, xabich palalapon. Palala xot, ba le-elon. Samata, pax nakolde. Paxulan leyax to'aliajwa. ²⁹ Matxoelapijin jum-aech paxliajwa: 'Xabich pin-iawaechan xam tanbistax. Chinax owchila-ela-enil, nato'am wut. Xanlax chinax kaen cabra, jelti'san, nachaxdus-emil, xan fiesta isliajwan, tajnachala suapich. ³⁰ Amwutjel naxulan pat, nejew plata xatoetpon watho'tat, poejiw bu'moejtpitat plata kanaliajwa. Japonliajwalax xam fiesta isam. Japonliajwabej namakjiw keto'am pak jelti'san xua'laliajwa, kaes dalpon' —aech matxoelapijin paxliajwa.

³¹ "Pax jumnot wut, jum-aechon paxulanliajwa: 'Wua, xam pomatkoicha xanxotam. Puexa xan tejewpi, japoxan xam nejwaxael. ³² Amwutjel pachaem fiesta isliajwas, puexa nejchachaemlaliajwas. Nakoewanliajwa nejchaxoelx wut, jum-an: "Diachwujnakolax asatujnutat taxulan bej nawetupbej" —an, nejchaxoelx wut. Pe laejapon. Nejchaxoelx wut, jum-anbej: "Bej nafo'abejpon" —an, nejchaxoelx wut. Pe nawepaton amwutjel' —aech pax matxoelapijinliajwa" —aech Jesús fariseosliajwa, judíos chanaekabuanapiliajwabej.

16

Pamakan maliach waxtoesfulpox paklon pejew, japox pejwujajan

¹ Jesús naewujajan wut pejnachala, asawujantat jum-aechon: "Kaen paklon xabich kemaenk. Japon paklon kaen pamakan, puexa wetataeflaspon. Pe pamakan maliach waxtoesful paklon pejew plata. Do ja-aech wut, asew jiw maliach chapaeipi paklonxot, pamakan maliach waxtoesfulpox pejpaklon. ² Samata, paklon pamakan la wut, jum-aechon: 'Xampil tejew maliach nawaxtoesfulam. ¡Xalaeman cuenta lelamfut, pomatkoicha tejew mowam wut, wujtam wutbej xanliajwa! Ma amwut xam kaes puexa tejew nawetataeflaximil' —aech paklon pamakanliajwa. ³ Do jawut, japon, paklon

pamakan, nejchaxoel wut, jum-aechon: ‘¿Xan machiyaxaelenkat amwut? Tajpaklon najusaxael tajbichaxxot. Xan mamnika-enil sat nabichliajwan. Xan tadalabej asew jiw malech plata wuljoeliajwan. ⁴ ¡Aa, xan matabijtax isaxaelenpox! Japox isx wut, nabich-enil wut tajpaklonliajwa, asew jiw pejbaxot patx wut, chiekal nabu'kulaxaeli’ — aech pamakan, nejchaxoel wut. ⁵ Do jawux, japon kaenanula wullala pejpaklon dewati japi fulaeliajwadin. Wullala wut, matxoelapatponliajwa jum-aechon: ‘¿Massuapichkat xam dewatam tajpaklon?’ — aechon matxoelapatponliajwa. ⁶ Matxoelapatpon jum-aech: ‘Xan dewatax nejpaklon ochocientos galones olivosiminan’ — aech matxoelapatpon. Do jawut, jusaxaespon pejpaklon pejbichaxxot, japon jum-aech: ‘Ama pelfut majt xam lelampox jasuapich dewatampox. ¡Asafutat leldewatampox asbuun jumch cuatrocientos galones olivosiminan!’ — aech jusaxaespon. Jawut dewatpon japox is. ⁷ Do jawux, asan pat wut, jusaxaespon pejpaklon, japon jum-aech patponliajwa: ‘¿Massuapichkat xam dewatam tajpaklon?’ — aech jusaxaespon. Dewatpon jumnot wut, jum-aechon: ‘Xan dewatax nejpaklon cien trigobulan’ — aech dewatpon. Jusaxaespon pejpaklon jum-aech: ‘Ama pelfut majt xam lelampox jasuapich dewatampox. ¡Asafutat leldewatampox asbuun jumch ochenta trigobulan!’ — aech jusaxaespon pejpaklon. Do jawut, dewatpon japox is. Jasox isful pejpaklon jusaxaespon asew jiwliajwabej, dewatpiliajwa japon pejpaklon. ⁸ Do japox isax ketoet wut, jusaxaespon pejpaklon xalaechon japi pel-uaf pejpaklon chaxdusliajwa. Do jawut, paklon matabijt wut japox ispoxliajwa, jum-aechon pamakanliajwa, chijiyaxaelponliajwa: ‘Xam babijax isam xanliajwa, xabich matabijtam xot. Japox isam asamatkoi xamliajwa pachaemaliajwa’ — aech paklon pamakan chijiyaxaelponliajwa. Dios naexasis-eli, kaes pejme matabija wuajslija, mowaliajwabej. Me-ama Dios naexasiti, jachi-eli” — aech Jesús pejnachalaliajwa.

⁹ Do pejme Jesús jum-aech pejnachalaliajwa: “Diachwuajnakolax xan jum-an. ¡Nejplatat, nejewtatbej, asew jiw kajachawae'e ampathatat, japi nabist wut Dios pejbichaxan! Japoxan xatoetam wut, asamatkoi, xamal tupam wutbej, Diosxotse xamal chiekal bu'kulaxaeli” — aech Jesús pejnachalaliajwa.

¹⁰ Do pejme Jesús jum-aech pejnachalaliajwa: “Aton asan pejew chiekal tataeflaful wut, kaeyaxachpoxan, chinax maliach xatoes-el wuton, japon aton xajup asan pejew chiekal tataeflaliajwa, xabich wutbej. Asan chiekal tataefla-el wut asan pejew, kaeyaxachpoxan, japon xajupaxilbej asan pejew chiekal tataeflaliajwa, xabich wut asan pejew. ¹¹ Xamal xajupa-emil wut chiekal tataeflaliajwam asan pejew plata, ja-am wut, Dios to'axil xamal tataeflaliajwam xabich kaes ommaenkpi, Dios pijaxan. ¹² Xamal xajupa-emil wut chiekal tataeflaliajwam asan pejew, ja-am wut, chinax kaen aton xam chaxdusaxil nejewkolaliajwa” — aech Jesús pejnachalaliajwa.

¹³ Do pejme Jesús jum-aech pejnachalaliajwa: “Pamakan, kolenje wut paklon, japijliajwa chiekal najupatanbichaxilon. Kaen paklonliajwa chiekal tanbichaxaelon. Asan paklonliajwa chiekal nabichaxilon. Ja-aechlap-is Dios nejxasinkpi. Japi nejchaxoel wut platakak, chiekal nabichaxili Diosliajwa” — aech Jesús, naewuajan wut pejnachala.

¹⁴ Fariseos, japi xabich nejxasink plata, japi jumtaen Jesús, jum-aech wut pejnachalaliajwa. Samata, japi bu'wuajanpaeipi Jesús. ¹⁵ Do jawut, Jesús jum-aech fariseosliajwa: “Jiw jum-aech wut xamalliajwa: ‘Fariseos xabich pachaem’ — aech wuti, xamal xabich nejxasinkam japoxliajwa. Pelax Dios chiekal matabijt, xamal nejnejchaxoelaxan chiekal pachaema-elpox. Jiwliajwa pachaempox, japoxlax Diosliajwa chaemil” — aech Jesús fariseosliajwa.

Amxot jum-aechpox Moisés chajia lelpoxliajwa, Dios puexa pejjiw tato'laxaelpoxliajwabej

¹⁶ Jesús pejme jum-aech fariseosliajwa: “Juan, jiw bautisan, pas-el wutfuk, jiw naewuajnas Moisés chajia lelpox, japox jiw naexasisfulaliajwa. Japi jiw naewuajnasbej profetas chajia lelpox. Do jawux, Juan, jiw bautisan, pat wut, japon naewuajan chimiawuajan. Xan

patx wutbej, naewuajnx chimiawuajan, Dios puexa pejiw tato'laxaelpoxliajwa. Samata, amwutjel puexa jiw xabich pasasia Diosxotse” —aech Jesús fariseosliajwa.

¹⁷ Jesús pejme jum-aech fariseosliajwa: “Ampathat, thatbaxobej, japoxan xabich tampoel toepaliajwa. Pe kaes pejme xabich tampoel toepaliajwa Moisés chajia lelpox, Dios pejjamechan xot. Puexa Moisés chajia lelpox, diachwuajnakolax puexa japoxan jachiyaxael” —aech Jesús fariseosliajwa.

Jesús naewuajanpox poejiw pelsasamata pejwatho'
(Mt 19.1-12; Mr 10.1-12)

¹⁸ Jesús pejme jum-aech fariseosliajwa: “Aton pijow fo'a wut, fit wuton asaow, japon aton babijax is Diosliajwa, bu'moejt xot asaow pawis, pijwa-elpow. Dios nejchaxoelaful japon aton matxoelafitpowliajwa, japon aton nakiowa pijowfuk. Kaen aton, fo'aspow fit wut, japon aton babijax is Diosliajwa, japowfuk nakiowa pamal xot Diosliajwa” —aech Jesús fariseosliajwa.

Jesús naksiyapox kemaeyanliajwa, Lázaroliajwabej

¹⁹ Jesús naewuajan wut, ampawuajan jum-aechon fariseosliajwa: “Kaen aton xabich kemaenk. Pomatkoicha naxoeipon chimia. Pomatkoichabej fiesta ispon pejbatat. Kemaeyan chimianaxaeyaxan pejiw bu'xael. ²⁰ Jaxotbej kejalan, nabijatpon. Japon pawul Lázaro. Japon pobu'ta xabich sa'las. Pomatkoicha satat ekon kemaeyan pejbafafaxot. ²¹ Lázaro xaesia natacholanpi kemaeyan pejmesaxot. Pomatkoicha wur fulalaena Lázaro bu'daeliajwas sa'la-itfachan. ²² Do asamatkoi wut, Lázaro tɔp. Japon Dios pej-ángeles bu'fos patupa papatxotse, Abrahamxotaliajwabejpon. Do jawux, asamatkoi, kemaeyan tɔpbej. Japon muthtas.

²³ “Kemaeyan tɔp wut, patupa papatxotbej japon pat, kastikaxaes xoton. Jaxotdik kemaeyan xabich nabijat. Kemaeyan natachaemse wut, taenpon atɔaj Abraham. Taenbejpon Lázaro, Abraham suapich, wut. ²⁴ Samata, kemaeyan pinjametat jum-aech Abrahamliajwa: ‘Am Abraham, xan nabeltaem, xabich nabijatax xot jitat! ¡Lázaro to'im min kothiyaxathosliajwa, xanlel fulaeliajwasik, nakaech-ia'thusliajwa!’ —aech kemaeyan. ²⁵ Abraham jumnot wut, jum-aechon: ‘Tamon, xam chiekal nejchaxoelde! Xam laejam wut thatat, xabich nejmach nejew. Lázarolax laeja wut thatat, japon xabich nabijat, kejlil wut. Pe amwutjel, japon xabich pachaem amxot. Xamlax amwutjel nabijatam. ²⁶ Lázaro fulaeyaxil xam poxadik, chuət xabich athu xot, matnoch nukjik xotox. Samata, xambej ampalel julaximil’ —aech Abraham kemaeyanliajwa.

²⁷⁻²⁸ “Do jawut, kemaeyan jum-aech: ‘Am Abraham, xam jum-an. ¡To'im Lázaro tajax pejba poxadik japon naewuajnalialjwa cinco takoew! Ja-aech wut, japibej ampalelsik fulaeyaxil nabijasliajwa’ —aech kemaeyan. ²⁹ Jawutbej Abraham jum-aech: ‘¡Japi nej naexaxis Moisés chajia lelpox, puexa profetas chajia lelpoxanbej!’ —aech Abraham kemaeyanliajwa. ³⁰ Kemaeyan jumnot wut, jum-aechon: ‘Am Abraham, japi naexaxisaxil japoxan. Pe patupan, mat-echpon, pejme duk wut, japon natulaelt wut japixot, ja-aech wut, japi babijaxan ispoxan kofaxael. Do jawut, japi Dioskal naexaxisaxael’ —aech kemaeyan Abrahamliajwa. ³¹ Do pejme Abraham jum-aech: ‘Japi naexaxis-el wut Moisés chajia lelpox, puexa profetas chajia lelpoxanbej, japibej naexaxisaxil patupan, mat-echpon, natulaelt wut japi naewuajnalialjwas’ —aech Abraham kemaeyanliajwa” —aech Jesús fariseosliajwa.

17

Jesús naewuajanpox jiw babijaxan isasamata
(Mt 18.6-9, 21-22; Mr 9.42-48)

¹ Jesús jum-aech pejnachalalialjwa: “Asan aton pijaxtat asew jiw babijaxan is wut, japon aton xabich kastikaxaes Dios. ² Jiw babijaxan isasamata japon aton pijaxtat, kaes pejme pachaemaxael japon aton pinjit ia't, jajaerat, kaechariamake'sliajwas, chafo'aliajwas mar poxadik, xabich so'nik poxadik. Ja-aech wut, asew jiw babijaxan isaxil

japon aton pijaxtat, jelxan nanaexasiti. ³ Samata, ¡chiekal taem xamal nijaxtat asew jiw babijaxan isasamata!

“Nejmach-aton, Dios pejjamechan naexasitpon, is wut babijax xamalliajwa, ¡japon aton xamal fia'e kofsliajwapon babijax ispox! Dolison, japox babijax isax koft wut, ¡japon aton beltaem! ⁴ Japon aton pomatkoicha babijax isful wut xamalliajwa, asamatkoi jum-aech wuton xamalliajwa: ‘Xan pejme isaxinil babijax xamalliajwa’ —aech wuton, ¡japon aton xamal beltaem!” —aech Jesús pejnachalaliajwa.

Jesús pejnachala, japi kaes Dios xanaboejasiapox

⁵ Apóstoles jum-aech Jesúsliajwa:

—¡Xanal nakajachawae'e kaes Dios xanaboejalijwan! —aechi.

⁶ Jesús jumnot wut, jum-aechon apóstolesliajwa:

—Xamal cha-aex xanaboejam wut Dios, jum-am wut: ‘Diachwujnakolax Dios xajup puexa isliajwa’ —am wut, nejchaxoelam wut, xamalbej xajupaxaelam isliajwam xabich Dios pijaxtat. Nejxanaboejaxan xabicha-el wut Diosliajwa, me-ama mostazafut cha-aelfut, ja-aech wut, xamal jum-am wut ampanaeliajwa: ‘¡Dios ampanae nej tathinchakusas pukatat nukaliajwa!’ —am wut, diachwujnakolax japanae, jachiyaxael —aech Jesús apóstolesliajwa.

Nabichan isfulaxaelpox tato'laspox

⁷ Do pejme Jesús jum-aech apóstolesliajwa: “Xamalxot kaen nabichan wut, japon to'axaelam nabichliajwa. Lulbichax kekoft wut, o, pak tataeflax koft wuton, xamal jumchiyaximil: ‘¡Lemen! ¡Ekde tajmesaxot, xanal suapich xaeliajwam!’ —chiyaximil.

⁸ Jumchiyaxaelamlax: ‘¡Naxaeyax isde xanal xaeliajwan! Xaelx wut, wujnawesaxaelam, xanal asax nawewe'p wut kamta nawe-isliajwam. Kaechatoelx wut, xamwich xaeyaxaelam’ —chiyaxaelam nabichanliajwa. ⁹ Xamal graciaschiyaximil namakanliajwa, japon chiekal is wut to'ampoxliajwa. Japon japox chiekal isaxael, nabichan xot.

¹⁰ ¡Xamallap-is jachiyaxaelam! ¡Isfulde Dios tato'alpoxan! Isax toetam wut, ¡nakaewa najum-amde: ‘Xatis nabichwas wajpaklonliajwa. Samata, chiekal isaxaes wajpaklon naktato'alpoxan’ —chiyaxaelam nakaewaliajwa! ¡Nakaewa najumchiyaximil: ‘Asan aton bej nakjumchiyaxaelbej: “Xamal gracias-an, chiekal nabistam xot Diosliajwa” —bej nakchiyaxaelbejpon’ —nabej aeche' najutliajwa!’ —aech Jesús apóstolesliajwa.

Jesús boejthutpox diez poejiw, leprawaxae waeispi

¹¹ Jesús Jerusalén paklowax poxade wut, Galilea tuajnulel babu'akal folon, Samaria tuajnulel. ¹² Do jawut, Jesús paklowaxach pasliajwa wut, jaxot diez poejiw fulaen bu'kakunaliajwapi Jesús. Japi puexa bu'xaenk leprawaxaetat. Japi mox pasaxil Jesúsxot. Samata, atuaxach nuili. ¹³ Japi nejlat wut, jum-aechi:

—Jesús, jiw chanaekabuanan, ¡xanal nabeltaem! —aechi.

¹⁴ Do jawut, Jesús japi taen wut, jum-aechon:

—¡Xabua'de sacerdotes poxade japi taeliajwa xamal leprawaxae boejthulpox! —aech Jesús.

Do jawut, japi fulaech wut sacerdotes poxade, fulaeyaxtat chalechkal japi puexa chiekal boejthuls leprawaxae. Do jawut, chiekal pachaemlisi. ¹⁵ Kaen japixot taen wut pejbu't chiekal wepachaemspox, jawut tamach kaxadinpon Jesús poxadin. Dolison Jesúslel fulaen wut, pinjametat jum-aechfuldinpon Diosliajwa: “Dios, xam diachwujnakolax xabich pachaemam” —aechfuldinpon. ¹⁶ Dolison pat wut Jesúsxot, brixtat nuk wut Jesús pejwujnalel, sat makxabijindikón graciaschiliajwa. Japon aton, Samaria tuajnujijin. ¹⁷ Do jawut, Jesús jum-aech asew jiwliajwa:

—¿Boejthulspikat, bej diezbejji? ¿Amxotkat asew nueve? ¹⁸ Ampon aton asatua-jnujijin. Tamach kaxadinpon Dios jumchiliajwa: ‘Dios, xam diachwujnakolax xabich pachaemam’ —chiliajwa —aech Jesús jaxot nuilpiliajwa.

¹⁹ Do jawut, Jesús jum-aech boejthulsponliajwa:

—¡Nande! ¡Xabua'de nejmach! Xam chiekal boejthullis, chiekal naxanaboejtam xot —aech Jesús.

Dios puexa pejjiw tato'lax tuadut wut, taeyaxisalpox
(Mt 24.23-28, 36-41)

²⁰ Asamatkoi fariseos wuajnaemt wut, jum-aechi Jesúsliajwa:

—¿Maswutkat tuadusaxael Dios puexa pejjiw tato'laxaelpox? —aechi.

Do jawut, Jesús jum-aech fariseosliajwa:

—Dios tuadut wut puexa pejjiw tato'alpox, japox xamal taeyaximil. ²¹ Samata, jiw jumchiyaxil: 'Ma amxot Dios puexa pejjiw tato'al' —chiyaxil. Jumchiyaxilbejpi: 'Ma jaxotde Dios puexa pejjiw tato'al' —chiyaxil jiw. Dios puexa pejjiw tato'alpox ma xamalxot tuadutlisox. Pe japox tae-emil —aech Jesús fariseosliajwa.

²² Do jawut, Jesús jum-aech pejnachalialajwa:

—Xan, puexa jiw pakoewkolnan, asamatkoi puexa jiw tato'laxaelen ampathatat. Xamal xabich nejxasinkaxaelam xan nataelajwam, xan puexa jiw tato'lax wut. Pe nataeyaximil, nawepas-el xotfuk tajmatkoi jiw tato'lalialjwan.

²³ Asew jiw xamal kichachajbaxael. Jumchiyaxaeli: '¡Ma amxot Cristo!' —chiyaxaeli. El wut, asew jiw xamal jumchiyaxael: '¡Ma jaxotde Cristo!' —chiyaxaeli. Jasox jum-aech wuti, xamal nabej naexasis! ¡Nabef fulae'ebej japoxade! ²⁴ Chamx nakliafcha wut, potuajnucha puexa jiw kaewutje taena. Xanlap-is jachiyaxaelen asamatkoi, xan, puexa jiw pakoewkolnan, pejme paskax wut. Kamta kaewutje puexa jiw nataenaxael.

²⁵ Pe matxoela xan xabich nabijasaxaelen. Ampathatpijiw, amwutjel laelpi, japi xan naneweslaxael. ²⁶⁻²⁷ Noé laeja wut ampathatat, xabich jiw nejmamach. Samata, xaeli. Afbejpi. Nakjiyabejpi. Japamatkoiyan, ja-aech wut, Noé pinjiyax barkam low wut, chalechkal xabich iam thilnax tuadut. Do jawut, sat bu'al. Puexa jiw chiekal tup. Jachiyaxaelbej asamatkoi, xan, puexa jiw pakoewkolnan, pasaxoekan wut. Jiw pomatkoicha nejmach duilafulaxael. ²⁸ Ja-aechlap-is Lot chajia laeja wut. Jiw xael. Afbejpi. Wuajtbejpi. Mowabejpi. Muthabejpi naxaeyaxan. Bachan iabejpi. Japi jiw pomatkoicha chiekal nejmach duilaful. ²⁹ Ja-aech wut, japamatkoiyan, Lot nakolt wut Sodoma paklowaxxot, chalechkal athulelsik natacholan azufre, me-ama ia'an. Pe japi jitan tamdadutpi. Japoxan ja-aech wut, puexa Sodoma paklowaxpijiw chiekal toejwas. ³⁰ Jachiyaxaelbej xan, puexa jiw pakoewkolnan, pejme chalechkal pasaxoekan wut. Jasoxtat jiw nejmach duilafulaxael.

³¹ "Japamatkoitat jiw nejchaxoelaxil pejew. Xan chalechkal paskax wut, jiw, pejbachanmatwuajtjat nuili, baloek wut, nejchaxoelaxili pejbachan leliajwa pejew jukali-ajwa. Japamatkoiyantat asew jiwbej, pejlulanxot nabisti, do jawut, jaxot kamta japi duk-paxael. Kaxa naweyaxildini pejbachan poxadin pejew wuljaesliajwa. ³² ¡Nejchaxoelde Lot pijow wejatispoxliajwa! (Naexasis-el wutow Dios jum-aechpox, japow domt nadofa.)

³³ Jiw isful wut pajut nejxasinkpoxan ampathatat, japi asamatkoi tup wut, duilaxili Diosxotse. Jiw tajaxtat kofa wutlax pajut isasiapoxan, japi jiw asamatkoi tup wut, pomatkoicha duilaxaeli Diosxotse.

³⁴ "Diachwuajnakolax xan jum-an. Chalechkal paskax wut, japamadoitat kolenje moejt wut kaecamatat, kaen buflaeyaxaes. Asan waelsaxaes. ³⁵ Koliowje kaeyaxtat xatkiana wut, kaeow buflaeyaxaes. Asaow waelsaxaes. ³⁶ [Kolenje aton kaelultat nabist wut kaeyaxtat, kaen buflaeyaxaes. Asan waelsaxaes."] —aech Jesús, pejnachala naewuajan wut.

³⁷ Jesús pejnachala japox jumtaen wut, jawut wuajnaemt wut, jum-aechi Jesúsliajwa:

—Tajpaklon, ¿amxotkat japox jachiyaxael? —aechi.

Jesús jumnot wut, jum-aechon pejnachalialajwa:

—Puexa jiw chiekal matabija ampox. Choefan, tupon, okxot, jaxot thutha pasliajwa piachaxil. Xan pasaxoekan wut, me-ama japox, jachiyaxael —aech Jesús, naewuajan wut pejnachala.

Jesús japox jum-aech wut, japox jumchiliajwa: “Potuajnucha jiw taeyaxael, Cristo fuloek wut, Dios markamatkoi pat wut” —chiliajwa japox.

18

*Pamal naet*upspow pejwujajan, juezbej

¹ Dolisdo', Jesús naewujajan pejnachala kofa-elaliajwa Dios kawujajanpox. Do jawut, asawujajantat naewujajanbejpon. ² Jum-aechon: “Paklowaxxot juez duk. Japon juez chinax Dios naexasis-el. Sitae-elbejpon Dios. Sitae-elbejpon jiw. ³ Japapaklowaxxot pawis duk, pamal naetupspow. Asamatkoi japow fulaech juez poxade jumchiliajwa amprox. Do jawut, jum-aechow: ‘Tadaelman babijax is xanliajwa. Samata, ito'im soldaw japon aton kastikalijawas!’ —aechow juezliajwa. ⁴ Japow pin-iaveces papat juezxot majt jum-aechpox, japox pejme jumchiliajwa. Pe japon juez piach is-el japow jum-aechpoxliajwa. Do baxael, juez nejchaxoel: ‘Xan diachwujajnakolax Dios sitae-enil. Sitae-enilbej jiw. ⁵ Pe japow japoxtat xan nataliasful. Samata, xan isaxaelen japow najum-aechpox kaxa pejme fulae-elaliajwadin xanlel, japoxtat kaes nataliasfula-elaliajwa’ —aech juez, nejchaxoel wut” —aech Jesús, naewujajan wut pejnachala.

⁶ Do pejme Jesús jum-aech, naewujajan wut pejnachala: “Japon juez pachaema-el kajachawaesliajwapon japow. ⁷ Dioslax jachiyaxil. Japon isaxael pachaempox kajachawaesfulaliajwapon pejjiw, asew babijaxan is wut japi jiwliajwa. ⁸ Diachwujajnakolax xan jum-an. Dios piachaxil kajachawaesliajwa pejjiw, asew jiw babijaxan is wut japiliajwa. Xan, puexa jiw pakoewkolnan, fuloekx wut pejme, ¿faenaxaelenkat jiw xan nawujajnewesfulpi?” —aech Jesús, naewujajan wut pejnachala.

*Fariseo, impuesto mat-omwuljoen*bej, japi pejwujajan

⁹ Asew jiw nejchaxoelaful: “Xatis kaes pejme pachaems. Me-ama asew jiw, jachi-esal” —aechfuli pajutliajwa, nejchaxoel wut. Jesús naewujajan wut jum-aechon ampawujajantat japi jiwliajwa. Do jawut, jum-aechon: ¹⁰ “Kolenje fulaech Dios pejtemploba poxade Dios kawujajnalijwa. Kaen fariseo-aton. Asan impuesto mat-omwuljoen Roma gobiernoliajwa. ¹¹ Fariseo-aton nukaxtat Dios kawujajan. Pe japon jum-aechpoxan Diosliajwa pachaema-el, jum-aech xoton: ‘Dios, xan kaes pejme pachaeman. Me-ama asew jiw, jachi-enil. Samata, xan gracias-an xamliajwa. Asew jiw is pachaema-elpoxan. Asew jiwbej kethaknik. Asew jiwbej bu'moejt asew watho', pijowa-elpi. Me-ama japi jiw, xan jachi-enil. Me-ama amponbej, impuesto mat-omwuljoen gobiernoliajwa, xan jachi-enilbej. ¹² Xanlax kolevecas posemana naxae-enil xam piach kawujajnalijwan. Kanxpi nabistax wut, xan diajnax diezmuxaxtjeliajwa. Kaemuxaxt diajnax xam chaxdusliajwan. Jasox isx pomatkoicha’ —aech fariseo-aton, Dios kawujajan wut. ¹³ Impuesto mat-omwuljoen gobiernoliajwa, japon atuxaxach tamach nuk jiwxot, Dios kawujajan wut. Jawut natachaems-elbejpon athulelse. Natxaton. Jawut najut namatiafdaka wut, jum-aechon Diosliajwa: ‘Dios, xan tajut matabijtax babejnanponan. Samata, xan nabeltaem!’ —aechon, Dios kawujajan wut. ¹⁴ Diachwujajnakolax jum-an. Japon, impuesto mat-omwuljoen gobiernoliajwa, japon beltaens Dios babijaxan ispoxanliajwa. Pelax fariseo-aton Dios beltae-esal, japon babijaxan ispoxanliajwa. Nejmach-aton nejchaxoel wut pajutliajwa: ‘Xan kaes pejme pachaeman. Me-ama asew jiw, jachi-enil’ —aech wuton pajutliajwa, asamatkoi Dios jumchiyaxaeson: ‘Xam nejnejchaxoelax pachaema-el’ —chiyaxaeson Dios. Asanlax nejchaxoelpon pajutliajwa: ‘Xan kaes pejme pachaema-enil. Me-ama asew jiw, jachi-enil’ —aech wuton pajutliajwa, japon aton asamatkoi Dios jumchiyaxaeson: ‘Xam nejnejchaxoelax pachaem’ —chiyaxaeson Dios” —aech Jesús naewetiliajwa.

Pajam yamxi buflaenspox Jesúslel

(Mt 19.13-15; Mr 10.13-16)

¹⁵ Pajam yamxi buflaens Jesúslel, Jesús ke-osliajwa yamxi pejta'anxot. Jesús pejnachala japox taen wut, fiati yamxi buflaeni buflae-elaliajwa Jesúslel. Jawut jum-aechi:

—¡Xamal nabej buflae' yamxi Jesúsle! —aechi.

¹⁶ Jesús japox jumtaen wut, jawut lapon yamxi buflaenpi buflaeliajwapi japonlel. Jawut jum-aechon pejnachalaliajwa:

—¡Tapaem yamxi xanlel buflaeliajwas! ¡Nabej fias! Diosxotse duilpi, japi, me-ama ampi yamxi, ja-aech, kamta naexasit xoti Dios pejtato'lax. ¹⁷ Diachwujnakolax xan jum-an. Xamal Dios naexasitam wut, me-ama yamxulan pax naexasit, ja-am wut xamal, Diosxotse pasaxaelam. Naexasis-emil wut, pasaximil Diosxotse —aech Jesús.

Kemaeyan nospaeipox, Jesús suapich

(Mt 19.16-30; Mr 10.17-31)

¹⁸ Kaen judíos paklochot, japon wujnachaemt Jesús. Jum-aechon:

—Jiw chanaekabuanan, xam xabich pachaemam. ¿Achaxkat xan nawewe'p isliajwan, Diosxotse dukaliajwan pomatkoicha? —aechon.

¹⁹ Jesús jumnot wut, jum-aechon:

—¿Ma-aech xotkat najum-am: 'Xam xabich pachaemam' —na-amkat? Jiw xabich pachaempi ajil. Kaen Dios, japon xabich pachaem. ²⁰ Xam matabijtam Dios pejtato'laxan. Moisés chajia lelpox jum-aech: '¡Nabej bu'moejs asaow pawis, nijwa-elpow! ¡Nabej be'bej asew jiw! ¡Nabej natkowe'bej asew jiw pejew! ¡Pajilax nabej jum-aech'e'bej asan aton tasalaliajwam, babijax is-elpon! ¡Sitaembej nej-ax, nej-en suapich!' —aech Moisés chajia lelpox —aech Jesús japon atonliajwa.

²¹ Do jawut, kemaeyan jum-aech:

—Xam najum-ampox, tuadutx naexasisliajwan, yamxuchan wut. Amwutjel nakiowa chiekal naexasisfulax —aech kemaeyan.

²² Jesús japox jumtaen wut, jum-aechon:

—Xamfuk kaeyax wewe'p isliajwam. ¡Puexa nejew mowam! Mowam wut, ¡japaplata chaxduim kejila! Ja-am wut, Dios xam chaxduiyaxael xabich pachaempoxan japonxotse. Toetam wut chaxduiyax kejila, do jawut, ¡xabua't xan naknanuamsliajwam, tajnachal-naliajwambej! —aech Jesús kemaeyanliajwa.

²³ Kemaeyan japox jumtaen wut, xabich nejxaejwas, xabich kemaenk xoton. Samata, owchi-elon Jesús jum-aechpox. ²⁴ Kemaeyan chijia wut Jesúsxot, Jesús jum-aech naewetiliajwa:

—Xabich tampoel kemaeya pasliajwa Diosxotse. ²⁵ Xamal chiekal matabijam camello pinjin xot, xajupaxil kuthatukre'wujax poxade xensliajwa. Kemaeyanliajwabej, ja-aech. Tampoel japon pasliajwa Diosxotse —aech Jesús.

²⁶ Jesús jum-aechpox jumtaenpi, japi jum-aech Jesúsliajwa:

—¿Achankatlax bu'weyaxaes pasliajwa Diosxotse? —aechi.

²⁷ Jesús jum-aech:

—Jiw pajut pijaxtat pasaxil Diosxotse. Pelax Dios xajup puexa isliajwa. Samata, Dios xajup jiw bu'weliajwa. Dios kajachawaesaxael jiw pasliajwa japonxotse —aech Jesús.

²⁸ Do jawut, Pedro jum-aech Jesúsliajwa:

—Tajpaklon, xanal puexa tejew waelax xam nakfulaeliajwan —aech Pedro.

²⁹⁻³⁰ Do jawutbej, Jesús jum-aech pejnachalaliajwa:

—Diachwujnakolax xan jum-an. Nejmach-aton naexasit wut Dios pejtato'lax, japon wael wut pejba, pijow, pakoew, paxi, pax, penbej, ja-aech wut, japon aton Dios xabich kajachawaesaxaeson ampathatat. Asamatkoi tup wut, pasaxaelbejpon Diosxotse pomatkoicha dukaliajwa —aech Jesús.

Ampoxtat Jesús jum-aech tres veces japon pejpatupaxliajwa

(Mt 20.17-19; Mr 10.32-34)

³¹ Jesús la doce pejnachala, japikal tamachaliajwa. Do jawux, japikal wut, Jesús jum-aech: “Amwut Jerusalén paklowax poxaxaes. Chajia profetas lelpoxan jum-aech xan, puexa jiw pakoewkolnanliajwa, jachiyaxaelpox jaxotde. ³² Do jawux, xan, puexa jiw pakoewkolnan, nawiasaxael judíos-elpixot. Jawut nabu'wujapanpaeyaxaeli.

Babejjamechan najumchiyaxaelbejpi. Naloyaxaelbejpi. ³³ Xabich namatwuajselsaxaelbejpi. Do jawux, tuxaxaelen. Tux wut, tres matkoi wut, Dios namat-esaxael pejme dukaliajwan” —aech Jesús, pajutliajwa jum-aech wut.

³⁴ Jesús pejnachala japox jumtaen wut, chiekal jummatabija-eli, tampoel xot japi jummatabijaliajwa. Jummatabija-elbejpi, ma-aech xot Jesús japox jum-aech.

Jesús boejthutpox itliaklan

(Mt 20.29-34; Mr 10.46-52)

³⁵ Asamatkoi Jesús Jericó paklowax mox itwefol wut, wuajna ek itliaklan nuambabu'tat, jiw xaxenapi plata malech wuljoeliajwa. ³⁶ Itliaklan jumtaen wut jiw pinamut xenaxaesox, jawut wuajnachaemt wut, jum-aechon:

—¿Ma-aechkat? —aech itliaklan.

³⁷ Do jawut, xaxenapi jum-aechi itliaklanliajwa:

—¿Malis fulaeyaxaen ampaleldin Jesús, Nazaret paklowaxpijin! —aechipon. ³⁸ Itliaklan japox jumtaen wut, nejlat wut, jum-aechfullison:

—Jesús, David pamon, jxan nabeltaem! —aechfulon.

³⁹ Jiw, matxoelafoli, buxfiatipon boejlach ekaliajwa. Ja-aech wut, japon itliaklan kaes pejme nejlasful wut, jum-aechfulon:

—David pamon, jxan nabeltaem! —aechfulon.

⁴⁰ Do jawut, Jesús japox jumtaen wut, nukjaba. Jawut to'apon itliaklan buflaeliajwas japonleldin. Dolisdo', Jesús wuajnachaemt wut, jum-aechon itliaklanliajwa:

⁴¹ —Xam, ¿achaxasiamkat xan isliajwan xamliajwa? —aech Jesús.

Itliaklan jumnot wut, jum-aechon:

—Tajpaklon, xan pejme taesian —aechon.

⁴² Jesús jum-aech:

—¿Pejme taem! Xam chiekal xan naxanaboejtam xot, pejme chiekal taeyaxaelam —aech Jesús.

⁴³ Do jawut, itliaklan chiekal wepachaems pej-itfut. Chiekal taenbejpon. Do jawut, Jesús nakfollison. Nakfol wut, jum-aechfulon Diosliajwa: “Dios, xam xabich pachaemam” —aechfulon. Puexa jiw, japox taen wut, japibej Diosliajwa jum-aechful: “Dios, xam diachwuajnakolax xabich pachaemam” —aechfuli.

19

Jesús nospaeipox, Zaqueo suapich

¹ Do jawux, Jesús pat wut Jericó paklowax, follison japapaklowax xensliajwa. ² Japapaklowaxxot aton duk, kemaeyan. Japon pawul Zaqueo. Japonbej paklon impuesto mat-omwuljoewliajwa, Roma gobiernoliajwa. ³ Zaqueo xabich taesia Jesús. Pe Zaqueo itfuxajupaxil taeliajwapon Jesús, japon maramatan xot. Taeyaxilon Jesús, xabich jiw Jesús masajiasfulas xot. ⁴ Samata, Zaqueo najae'a wuajnade, Jesús fulaeyaxaech poxade. Jaxotde Zaqueo jul naetat taeliajwapon Jesús. ⁵ Jesús japalel fulaen wut, Jesús taen Zaqueo, athu naetat wut. Do jawut, Jesús jum-aech:

—Zaqueo, jbalomk! Amwut nejbaxotaxaelen —aech Jesús. ⁶ Do jawut, Zaqueo bichakal kamta balaelik. Xabich nechachaemlaxtat Jesús chiekal bu'kulon Jesús namanaliajwa japon pejbatat. ⁷ Japi jiw japox taen wut, puexa nakaewa najum-aechi Jesúsliajwa: ‘Jesús namanaxil Zaqueo pejbatat, japon babejen xot’ —aechi.

⁸ Do jawux, Jesús Zaqueo pejbaxot wut, mesaxot ek wut, Zaqueo chalechkal nant. Jawut jum-aechon Jesúsliajwa:

—Tajpaklon, jxan chiekal najumtaem! Puexa xan tejewpi, ma amwut najupadiajnaxaelen kejila chaxduiliajwan. Xan impuesto mat-omwuljowx wut, kaes mat-omwuljowxpi, japi pejplata pejme wewoeyaxaelen. Pe kaes cuatro veces japi wewoeyaxaelen —aech Zaqueo Jesúsliajwa.

⁹ Do jawut, Jesús jum-aech:

—Diachwajnakolax xam amwutjellis Abraham pamonkolnam, Dios chiekal naexa-sitam xot, me-ama Abraham, ja-am xot. Samata, nejbapijiw Dios beltaeyaxaes japi babijaxan ispoxanliajwa. ¹⁰ Xan puexa jiw pakoewkolnan, fulaenx jiw wulwekaliajwan, bu'welijaibanbej, japi napelti Diosliajwa —aech Jesús Zaqueoliajwa.

*Paklon waelapox plata pamakjiwxot
(Mt 25.14–30)*

¹¹ Jesús Zaqueo pejbatat wut, jiw jumtaen Jesús jum-aechpox. Mox xotlison Jerusalén paklowaxxot, jawut xabich jiw nejchaxoel Jesúsliajwa: “Jesús Jerusalén paklowaxxot pa'a wut, Dios tato'almatko pasaxael. Jawut Jesús paklokolan nadofaxael puexa jiw tato'laliajwa ampatuajnpijiw” —aech jiw, nejchaxoel wut Jesúsliajwa. Pefuk Jesús paklokolan dofaxil. Samata, Jesús naewuajan ampawuajantat japi jiw chiekal matabijaliajwa.

¹² Do jawut, jum-aechon: “Paklowaxxot kemaeyan duk. Japon wullalas asatuajnalel wulduiliajwas reyliawapon, nawia'an wut puexa jiw pejtuaajnpijiw tato'laliajwapon. ¹³ Dolison, fulaeliajwa wut asatuajnu poxade, lalison diez pamakjiw fulaeliajwadin japonlel. Pat wuti japonxot, kemaeyan waela kaenanula plata japixot. Jum-aechon: ‘Tajwulela ampaplata nawexawuajfulam wut, imowafuldebej kaes plata nawekaniajwam xanliajwa! Samata, xan pejme patx wut, tajplata kaes pejme nawewoeyaxaelam’ —aech kemaeyan diez pamakjiwliajwa. Do jawut, fulaechlison, wullalas poxade. ¹⁴ Pe pejtuaajnpijiw nejweslas kemaeyan. Nejweslasbejpon japon japi pejreyliawapon. Samata, japixot asew jiw to'api kemaeyan wulduiyaxaes poxade, japi jumchiliajwa, jaxot pa'a wut: ‘Japon xanal nejwesla tajreyliawapon’ —chiliajwapi kemaeyanliajwa.

¹⁵ “Pe nakiowa kemaeyan wulduws reyliawapon. Do jawux, japon pejme nawian pejtuaajnu poxadin. Pat wuton pejbatat, to'apon pamakan wullalaeliajwas diez pamakjiw, japixot plata waelapipon, matabijsliajwa massuapich plata kaenanula japi kana. ¹⁶ Do jawut, matxoelapatpon jum-aechon kemaeyanliajwa: ‘Tajpaklon, xan diez veces kaes plata kanx, xanbistax wut nejew plata’ —aechon. ¹⁷ Kemaeyan jumnot wut, jum-aechon: ‘Xabich pachaem. Xam chiekal nabistam xanliajwa. Chiekal nawetataeflam kaeyaxachpox. Samata, amwut diez paklowaxanpijiw tato'laxaelam’ —aech kemaeyan pamakanliajwa. ¹⁸ Do jawut, asan pamakan pat wut, japon jum-aech: ‘Tajpaklon, xan cinco veces kaes plata kanx, xanbistax wut nejew plata’ —aechon. ¹⁹ Kemaeyan jum-aech pamakanliajwa: ‘Amwut xam cinco paklowaxanpijiw tato'laxaelam’ —aech kemaeyan pamakanliajwa.

²⁰⁻²¹ “Do jawut, asan pamakan pat wut, japon jum-aech: ‘Tajpaklon, ama nejplata. Xan chabaentax panyoelbu'tat, tajlewla xot xamliawapon, nejthu'nikam xot, xam beltae-emil xotbej namak. Namak nabistpoxantat xam kanam’ —aech pamakan kemaeyanliajwa. ²² Kemaeyan jumnot wut, jum-aechon: ‘Xam xabich babejnam. Chiekal natanbich-emil. Xam najum-ampoxtat xam kastikaxaelen. Xam najum-am: “Xam nejthu'nikam. Xam beltae-emilbej namak. Namak nabistpoxantat xam kanam” —na-am xanliajwa. ²³ Xam matabijtam wut xan tajkabuanpoxan, imo-aech xotkat tejew plata presta-emil bancopijiw? Xam prestam wut plata, amwutjel bancopijiw kaes plata xam tawiasaxael. Prestampoxliajwa xam kaes mosaxaelbejpi. Samata, amwutjel plata nawewiatam wut, kaes nawewiasaxaelam’ —aech kemaeyan pamakanliajwa. ²⁴ Do jawut, kemaeyan jum-aech jaxotpiliajwa: ‘jKechafi'e ampon aton, plata nawechabaentpon panyoelbu'tat! jJapaplata chaxdu'e diez veces kaes plata kanpon!’ —aech kemaeyan. ²⁵ Jaxot nuili jum-aech: ‘Tajpaklon, japon xabich pin-iat. imo-aech xotkat pejme kaes chaxdusaxaelam japon?’ —aechi kemaeyanliajwa. ²⁶ Kemaeyan jumnot wut, jum-aechon: ‘Diachwajnakolax xan jum-an. Tejew chiekal nawetataefulpon, japon kaes pejme chaxdusaxaelen. Asanlax chiekal nawetataefla-elpon tejew, kaesuapich nawetataefulpox, kekusaxaeson. ²⁷ Pe tadaelmajiwi, xan nanejweslapi japi pejreynanliajwa, japi buflaeman ampalel xan tajwajnalel beliajwaspi!’ —aech rey” —aech Jesús, ampawuajan naewuajan wut.

*Jesús mox patpox Jerusalén paklowaxxot
(Mt 21.1-11; Mr 11.1-11; Jn 12.12-19)*

²⁸ Jesús japox buxtoet wut Zaqueo pejboxot, do jawut, Jesús fúlaech Jerusalén paklowaxxot, do jawut, Jesús fúlaech Jerusalén paklowaxxot wut, jaxot mñax. Japamñaxlelxot xabich olivonaechan nuil. Samata, japamñax pawul Olivonaechanmñax. Mox japamñaxxot kolepaklowaxach. Kaepaklowaxach pawul Betfagé. Asapaklowaxach pawul Betania. Jesús japapaklowaxxot mox fol wut, wñajna to'achon kolenje pejnachalan. ³⁰ Jesús japi to'aliajwa wut, jñm-aechon:

—¡Xabña'de japapaklowaxach poxade! Jaxotde pa'mach wut, bur jelti'san, wúke'tasjon, taeyaxaelam. Japabur chinax kaen aton tua-eka-esalfuk. ¡Jolde! Joltam wut, ¡nawebúflaeman japabur! ³¹ Jaxotpijin xamal wñajnachaemt wut, jñm-aech wuton: '¿Ma-aech xotkat xamal bur joltam?' —aech wuton, ¡xamal jñm-amde japon: 'Wajpaklon wewe'pas bur' —amde japon aton! —aech Jesús kolenje pejnachalanliajwa. ³² Do jawut, japi ow-aech wut, fúlaechlisi japapaklowaxach poxade. Ja-aech japox, me-ama Jesús chajia jñm-aech. ³³ Japi bur jolt wut, burpijiw wñajnachaemtasi. Jñmtispi:

—¿Ma-aech xotkat xamal bur joltam? —tispi.

³⁴ Japi jñmnot wut, jñm-aechi:

—Wajpaklon wewe'pas bur —aechi.

³⁵ Do jawut, Jesús pejnachala bur búflaen Jesúsleldin. Jesúsxot bú'pat wuti, bur tam-owapi pejew, thuch pejsumta-owapi. Do jawut, Jesús tua-ek. ³⁶ Jesús burtat chaflaen wut, wñajna jiw pejsumta-owa jollisi nuamtat ba'aliajwa Jesús chaflaeyaxaenlel. (Jasox isi Jesús chiekal bú'kulaliajwapi, xabich sitaen xoti Jesús.) ³⁷ Jesús mox fol Olivonaechanmñaxxot. Jaxot nuamsik mñaxlelasik, fúlaeliajwa Jerusalén paklowaxxot. Jesús chaflae-el wut japoxadik, puexa jiw tuadut nejlafúliajwa, nejjachaemil xoti. Nejlafúl wut, jñm-aechfúli Diosliajwa: "¡Xam xabich pachaemam!" —aechfúlisi. Jasox xabich jiw jñm-aechfúl, majt chajia taen xoti, Jesús koechaxan is wut Dios pijaxtat. ³⁸ Jiw jñm-aechfúlbej Jesúsliajwa:

—Ampon, fúlaenpon Dios pijaxtat, xabich pachaempon. Japon fúlaen reylija, xatis naktato'laliajwa. Wñajanjilaxtat puexa jiw duilaxael athuxotse Dios pijaxtat. Dios, athupijin, japon xabich pachaem —aechfúl xabich jiw.

³⁹ Jiwxot, jaxot kaesupich fariseos. Japi fariseos palala xot, jñm-aechi Jesúsliajwa:

—Jiw chanaekabñanan, ¡ampi jiw, nejnachala, búxfia'e jñm-aechfúlpoxan! —aechi Jesúsliajwa.

⁴⁰ Jesús jñmnot wut, jñm-aechon:

—Diachwñajnakolax xan jñm-an. Japi jiw búxfiatx wut boejlachliajwa, ia'lax nejlafúlaxael japi jiw jñm-aechfúlpoxanliajwa —aech Jesús fariseosliajwa.

⁴¹ Jesús Jerusalén paklowaxxot mox pat wut, paklowax taen wut, nowpon Jerusalén paklowaxpijiwliajwa. ⁴² Jesús now wut, jñm-aechon: "Xan xabich nejjaxsinkax Jerusalén paklowaxpijiw tajpasax matabijaliajwa. Xan paskax japi jiw bú'weliajwan xan tajaxtat, chiekal pachaemaliajwapi Diosliajwa. Pe japi chiekal matabija-el. Xan nabú'kula-elbejpi. Samata, amwutjel japox chiekal toeplixox japi xan namatabijsliajwapox. ⁴³ Babejmatkoiyan tapasfúlaxaesi. Padaelmajiw chakipasaxaesi. Chamasajoeyaxaesbejpi. Chinax kaen aton japapaklowaxxot weyaxil. ⁴⁴ Ja-aech wut, Jerusalén paklowaxpijiw puexa chiekal toesaxaes. Pejbachan wetukaxaesbejpi. Chinax kaet ia't namanaxil naka-e-ia'tmatwñajtat. Jasox wejachiyaxaesi, xan namatabijs-el xoti, xan patxponan jiw bú'weliajwan" —aech Jesús, now wut Jerusalén paklowaxpijiwliajwa.

*Jesús to'apox nakolaliajwa Dios pejtemplobatat mowapi, wñajtibej
(Mt 21.12-17; Mr 11.15-19; Jn 2.13-22)*

⁴⁵ Jesús Jerusalén paklowax pat wut, lowpon Dios pejtemploba. Jaxot Jesús taen mowapi. Taen wuton japi Dios pejtemplobatat, nejjthú'axtat to'apon choef mowapi nakolaliajwa Dios pejtemplobatat. ⁴⁶ Jesús jñm-aech japiliajwa:

—Dios pejjamechan, chajia lelspx, jəm-aech Dios jəm-aechpox pejtemplobaliajwa: ‘Tajba kawuajna wulxael, jiw xan nakawuajnalialjwa’ —aech Dios jəm-aechpox pejtemplobaliajwa. Xamallax Dios pejtemploba kethaka pejba padofam —aech Jesús.

⁴⁷ Kaematkoisful Jesús naewuajan Dios pejtemplobat. Pe sacerdotespaklochow, judíos chanaekabuanapibej, asew judíospaklochowbej, japi nakaewa najum-aech: “¿Machiyaxaeskát Jesús boesaliajwas?” —na-aechi nakaewa. ⁴⁸ Pelax japi matabija-el, achaxtat pachaem Jesús boesaliajwas, puexa jiw chiekal naewet xot Jesús naewuajan-poxan.

20

Jesús wuajnaemtaspx, achan to'aspon choef mowapi nakolax to'aliajwapon Dios pejtemplobat

(Mt 21.23-27; Mr 11.27-33)

¹ Asamatkoi Dios pejtemplobaxot Jesús jiw naewuajan chimiawuajan, jiw bu'weyaxaesox. Ja-aech wut, sacerdotespaklochow, judíos chanaekabuanapi, ancianosbej, mox soepapi Jesúsxot. ² Do jawut, jəm-aechi:

—¡Xanal najum-amde ampox! ¿Achan pijaxtatkat xam to'am choef mowapi nakolalialjwa Dios pejtemplobaxot? ¿Achankat xam to'a japox isliajwam? —aechi Jesúsliajwa.

³ Jesús jəmnot wut, jəm-aechon japiliajwa:

—Xan-is xamal asax wuajnaemtasaxaelen. ¡Pe xamal majt najumno'e! ⁴ ¿Achankat Juan to'as jiw bautisaliajwa? ¿Dioskaton to'as? O, ¿jiwkaton to'as? —aech Jesús.

⁵ Jesús japox jəm-aech wut, japi nakaewa najum-aechna: “Jumnoch wut, ‘Juan Dios to'as jiw bautisafulialjwa’ —tis wut, Jesús nakjumchiyaxael: ‘¿Ma-aech xotkat xamal Juan jəm-aechpoxan naexasis-emil?’ —nakchiyaxael xatis Jesús. ⁶ Juntis wutlax: ‘Juan jiwkal to'as jiw bautisafulialjwa’ —tis wut, puexa jiw xatis ia'tat nakdadaeraxael nakmatkaejabaliajwa, palalaxael xoti xatishliajwa. Jasox isaxaeli xatishliajwa, puexa jiw jəm-aech xot Juanliajwa: ‘Diachwuajnakolax Juan, jiw bautisan, jəm-aech Dios pijaxtat’ —aech xot jiw Juanliajwa” —na-aechi nakaewa. ⁷ Samata, japi jəmnot wut, jəm-aechi Jesúsliajwa:

—Jalape. Xanal matabija-enil, achan Juan to'as jiw bautisaliajwa —aechi.

⁸ Do jawut, Jesús jəm-aech japiliajwa:

—Xan-is xamal jumchiyaxinil, achan pijaxtat xan japox isx —aech Jesús.

Pamak babejchowpox

(Mt 21.33-46; Mr 12.1-12)

⁹ Jesús pejme jəm-aech, jiw naewuajan wut ampawuajan: “Aton mutha uva. Do jawux, uwalupijin asew jiw wuljaet, japi jiw piach tataeflialjwa japon pej-ualul, japon ajil wut. Japi bu'pat wut, jəm-aechon: ‘Xan piach kijlaxaelen asatwajnulel atuaj. Xan tajwulela tajlul chiekal xamal nawetataeflaxaelam’ —aech uwalupijin. Do jawux, chijjalison japatwajnu poxade. ¹⁰ Do baxael, uva foi wut, uwalupijin kaen pamakan to'a pej-ualul wetataeflaxpi poxadin, wewuljaesliajwaspon uva. Uwalul tataefulpi jaelti uwalupijin pamakan. Jawut baeson. Do jawut, to'ason ke-etat nawiasliajwa pejpaklon poxade. ¹¹ Do jawux, uwalupijin to'a asan pamakan. Uwalul tataefulpi babejjamechan jəm-aech japonliajwa. Do jawut, japonbej baes. Ke-etat nawiasax to'ason pejpaklon poxade. ¹² Do pejme jawut, uwalupijin asan pamakan pejme to'a. Japonbej baes wut, xakolbalas. Do jawut, uwalul tathoetlel fo'ason.

¹³ “Dolisdo', uwalupijin nejchaxoel wut, jəm-aechon: ‘¿Machiyaxaelenkat xan? ¡Aa, xan matabijtax isaxaelenpox! Taxulan to'axaelen, xabich nejxasinkaxpon. Japi bej nawesitayaxaelbejpi taxulan’ —aech uwalupijin, nejchaxoel wut. ¹⁴ Do jawut, paxulan to'alison japi poxade. Uwalul tataefulpi taen wuti, japon atuaj falaen wut, nakaewa najum-aechi: ‘¡Tae'nik uwalupijin paxulan! Asamatkoi pax tux wut, japon pijax wulxael

ampa-uvalul. Samata, xatis amwut ampon boesaxaes, uvalul wajaxkal namanaliajwa' — na-aechi nakaewa uvalul tataefulpi. ¹⁵ Do jawut, paxulan pat wut uvalulxot, jaeltason. Jawut juchpon uvalulxot. Do jawux, boesaspon" —aech Jesús jiw naewetiliajwa.

Do jawut, Jesús wuajnaemnt jiw naeweti japawuajan. Jum-aechon: "¿Achaxkat xamal nejchaxoelam uvalulpijinliajwa? ¿Achaxkat japon isaxael uvalul wetataeflaspiliajwa? ¹⁶ Uvalulpijin chakifulaeyaxael beliajwapon uvalul wetataeflaspi. Do pejme asew tataeflax to'axaelon" —aech Jesús.

Naeweti matabija wut Jesús jum-aechpox, japi jum-aech Jesúsliajwa:

—¡Dios jasox nej is-ele' xanalliajwa! —aechi.

¹⁷ Jesús chiekal natachaemt wut, jum-aechon japi jiwliajwa:

—Xamal chiekal matabijam, Dios pejjamechan, chajia lelspx, jum-aech wut, jum-aechox xanliajwa:

¡Jiw ia'ba is wut, kaet ia'tliajwa nakaewa najum-aechi: "Ampot ia't chaemil" —na-aechi nakaewa. Samata, mastaenipot. Do jawux, asan aton japot ia' fit wut, jum-aechon: "Ampot ia't, puexa ia'xot kaes pejme pachaem tuakso'pijtalijwa, ba chiekal mamnikaliajwa" —aechon' —aech Dios pejjamechan xanliajwa, chajia lelspx.

¹⁸ Jiw fiap wut kaet ia't pinjixot, xabich naxthuya wut, naxkolaxaelbejpi. Pelax kaet ia't, pinjit, athulelsik jiw matwujasik jopik wut, japi jiw matkaeyaxaes ia't. Jasoxtat xamal xan nanaexaxis-emilpim xabich nabijasaxaelam, xan nanejwesla xot. That toep wut, Dios xamal pomatkoicha kastikaxael infiernoxot —aech Jesús.

¹⁹ Jesús japox jum-aech wut, sacerdotespaklochow, judíos chanaekabuanaapibej, nejchaxoel: "Jesús japawuajan jum-aech wut, nakjum-aechon xatiliajwa" —aechi, nejchaxoel wut. Samata, jawut japi jaelsasiapi Jesús. Pe jaels-eli Jesús, pejlwla xoti jiwliajwa.

Impuesto mosaxliajwa, Jesús wuajnaemntaspox

(Mt 22.15-22; Mr 12.13-17)

²⁰ Asamatkoi sacerdotespaklochow, judíos chanaekabuanaapibej, to'api jiw maliach tataeflaliajwapi Jesús. Japi pat wut Jesúsxot, me-ama pachaem wut, kabuan-aechi. Samata, japi chiekal naewet, Jesús jum-aech wut babejjamechan gobiernoliajwa, jawut tasalaliajwapi Jesús gobernador pejuajnalel, Jesús kastikaliajwasbej. ²¹ Samata, japi xapaesliajwa wut, jum-aechi Jesúsliajwa:

—Jiw chanaekabuanan, xanal matabijtax xam jiw naewuajnampox diachwuajnakolax. Kejila naewuajnam wut, chiekal naewuajnam. Najupanaewuajnam kejila, kemaenkpibej. Xam naewuajnam japi jiw chiekal duilaliajwa, me-ama Dios nejxasink. ²² Samata, xanal chiekal matabiasian. ¿Pachaemkat xanal mosliajwan impuesto Roma tuajnapijiw tato'lan? —aechi, xapaajt wut Jesús. ²³ Pe Jesús matabijt japi xapaajtaspx. Samata, jum-aechon:

²⁴ —¡Kaekafef nawexalaeman na-itpaeliajwam! —aech Jesús.

Jawut kaekafef, pawulox denario, xalaenlisi Jesúslel. Jawut Jesús wuajnaemnt wut, jum-aechon:

—¿Achan pejxu-aekkat ampakafetat? ¿Achan pejwulbejkat ama lelspx ampakafetat? —aech Jesús japiliajwa. Japi jumnot wut, jum-aechi:

—Roma tuajnapijiw tato'lan, japon pejxu-ael, japon pejwulbej —aechi.

²⁵ Do jawut, Jesús jum-aech:

—¡Roma tuajnapijiw tato'lan, japon pejewpi mo'e, impuesto motam wut! Pe Dios pejewpi, japox xatis Dios xanaboejaspxan, wajnejxasiyaxbej, japoxanlap xatis Dios chaxduiyaxaes —aech Jesús.

²⁶ Jesús chiekal jumnot xot, Jesús bu'wuajanjil jiw pejuajnalel tasalaliajwas. Samata, maliach tataeflaspi asbuan jumch boejlach nejchaxoelanuili.

Asamatkoi mat-eyaxaes pox t̄upi pejme duilaliajwa
(Mt 22.23-33; Mr 12.18-27)

²⁷ Saduceos asanejchaxoelaxan. Japi j̄um-aech: “Jiw t̄up w̄ut, kaelel chiekal napelt. Asamatkoi mat-eyaxaisal pejme duilaliajwa” —aechi asbuan j̄umch. Do asamatkoi w̄ut, asew saduceos pati Jesús taeliajwa. Jesúsxot w̄ut, kaen japixot ampawuajan j̄um-aech Jesús j̄umtaeliajwa:

²⁸ —Jiw chanaekabuanan, Moisés chajia lelpox j̄um-aech: ‘Aton, pijowpon, japon aton t̄up w̄ut nax̄wla-elaxtat pijowxot, t̄upon pakoewan naman w̄ut, japon japow fisaxael nax̄wlaliajwapon japowxot, pakoewan t̄uponliajwa’ —aech Moisés chajia lelpox. ²⁹ Kaen aton seis pakoew. Matxoelapijin pawis fit. Pe baxael, japon t̄up xijilaxtat. ³⁰ Do jaw̄ut, w̄uchakalpijin, japow fit, pakoewan naet̄upow. Pe baxael, japonbej t̄up xijilaxtat. ³¹ Do jaw̄utbej, trespijin, japow fit. Japow fit w̄uton, japonbej baxael t̄up xijilaxtat. Do jaw̄ux, cuatro namapi, japiwej jasoxtat natoet nakjiyaxtat japowtat. Pe chinax kaen japowxot nax̄wla-el. ³² Do baxaelbej, japowbej taxdukakolaxtat t̄up. ³³ Puexa japi poejiw nakjiya japowtat. Baxael, t̄upi mat-eyaxaes w̄ut, sietepixot, ¿achankat pijowaxael japow? —aech saduceos.

³⁴ Jesús j̄umnot w̄ut, j̄um-aechon:

—Ampathatat poejiw watho' not. ³⁵ Dios makanochpi pasliajwa japonxotse, jaxotse pomatkoicha duilaxaeli. Japi t̄up w̄ut ampathatat, asamatkoi mat-eyaxaes pejme duilaliajwa Diosxotse. Mat-eyaxaes poejiw, watho'bej. Pe japi pejme nakjiyaxil. ³⁶ Diosxotse w̄ut, japi pejme t̄upaxil. Me-ama Dios pej-ángeles, jachiyaxaeli. Dios taen w̄ut japi jiw, me-ama paxi w̄ut, jachiyaxaelon, mat-ia xoton japi pejme duilaliajwa. ³⁷ Moisés chajia lel Dios j̄um-aechpox tamdadusaxtat boejtachnaechxot. Samata, Moisés lelpoxtat matabijas t̄upi mat-esaxaes pox pejme duilaliajwa. Moisés lelpoxtat j̄um-aech Dios j̄um-aechpox: ‘Xanfuk Abraham, Isaac, Jacobbej, japi pejDiosnan’ —aech Dios. Samata, xatis chiekal matabijas, baxael t̄ups w̄ut pejme duilaxaes pox. ³⁸ Xatis chiekal matabijas chajia t̄upi, japi napels-el. Samata, Abraham, Isaac, Jacobbej, japi amw̄utjel nakiowa duilaful Diosxotse. Puexa Dios pejiwspis t̄ups w̄ut ampathatat, duilafulaxaes Diosxotse —aech Jesús saduceosliajwa.

³⁹ Asew, judíos chanaekabuanapi, j̄um-aechi Jesúsliajwa:

—Jiw chanaekabuanan, xam chiekal j̄umnotam saduceos —aechi.

⁴⁰ Do jaw̄ut, saduceos padala pejme w̄uajnachaemsliajwapi Jesús.

Cristo, rey David pamonpox, pe Cristo paklonbej Davidliajwa
(Mt 22.41-46; Mr 12.35-37)

⁴¹ Jesús w̄uajnachaemt w̄ut, j̄um-aechon judíos chanaekabuanapiliajwa:

—¿Ma-aech xotkat jiw matabija-el Cristo Dios paxulan? Diachw̄uajnakolax jiw j̄um-aech w̄ut, j̄um-aechi Cristoliajwa: ‘Cristo nalaelt w̄ut, japon rey David pamonaxael’ —aechi. Pe Cristo rey David pamonkala-el. Pe Cristo asanbej. ⁴² David chajia lel w̄ut Salmosfutat, jaw̄ut pajut j̄um-aechon Cristoliajwa:

‘Dios j̄um-aech w̄ut tajpaklonliajwa, j̄um-aechon: “¿Ekde tajpoklalel jiw tato'laliajwam, xan suapich!

⁴³ ¿Ekde jaxot, hasta xan malechaxaelen w̄ut nadaelmajiw! Malechax w̄ut, japi jiw xam namakjiwaxael tato'laliajwam” —aech Dios tajpaklonliajwa’ —aech rey David, chajia lel w̄ut Cristoliajwa.

⁴⁴ David chajia j̄um-aech Cristoliajwa: ‘Tajpaklon’ —aechon. Samata, Cristo diachw̄uajnakolax David pamonkala-elon. Pe pejpaklonbejpon —aech Jesús, pajut naj̄um-aech w̄ut, jiw chiekal matabijaliajwa japon Dios paxulanpon.

Jesús j̄um-aechpox jiw chiekal matabijaliajwa judíos chanaekabuanapi pejb̄u'w̄uajanpoxliajwa

(Mt 23.1-36; Mr 12.38-40; Lc 11.37-54)

⁴⁵ Puexa jiw jaxot naewet wut, Jesús jum-aech pejnachalaliajwa: ⁴⁶ “¡Chiekal taem! Me-ama judíos chanaekabuanapi, ¡xamal nabej ja-aeché! Japi nejasink pakchowaxan, naxoeyaxan, jiw chiekal sitaeliajwas. Nejasinkbejpi jiw moichiliajwas xabich sitaeyaxat, paklowaxthialaxanxot xabukulas wut. Judíos naewuaj nabachanxot wut, wuajna tuachalakaxan nuili paklochow kaes sitaenspiliajwa, japoxantat japi chalak puexa jiw taeliajwas. Ja-aechbejpi, fiestaxot wut. Nejasink chalakaliajwa kaes pachaempoxantat. ⁴⁷ Japibej naekichachajba watho', pamaljiw naetupspi, natkowaliajwa japi watho' pejew. Do jawux, judíos naewuaj naba lowpi Dios piach kawuaj naliajwa, asew jiw jumchiliajwasi: ‘Diachwuaj nakolax ampi xabich pachaem’ —chiliajwasi. Samata, Dios xabich kastikax-aei” —aech Jesús.

21

Pamal naetupspow, kejilpow, chaxdutpox ofrenda Diosliajwa
(Mr 12.41-44)

¹ Jesús asamatkoi Dios pejtemplobaxot wut, jawut taenpon kemaeya, plata jeyaxxot jia wuti plata Dios pej-ofrendaliajwa. ² Jaxot taenbejpon pamal naetupspow, japow jek wut kolekafaex. Japakafaex, cobrefaex, xabich omjillejen. Japow xabich kejil. ³ Do jawut, Jesús jum-aech pejnachalaliajwa:

—Diachwuaj nakolax xan jum-an. Ampow pawis, pamal naetupspow, kejilpow. Pe Dios kaes pejme nejchachaemil japow pej-ofrendaliajwa. Japow, me-ama kaes pejme chaxdut wut, ja-aechow Diosliajwa. Me-ama puexa asew jiw, chaxduw wut ofrenda, jachi-el japow. ⁴ Puexa asew jiw chaxduw ofrenda wenamaspoxantat. Japowlax wewe'paspoxanliajwa, puexa chaxdutow Diosliajwa —aech Jesús pejnachalaliajwa.

Jesús jum-aechpox Dios pejtemploba toesaxaespoxliajwa
(Mt 24.1-2; Mr 13.1-2)

⁵ Dios pejtemplobaxot tathoetlel wut, asew Jesús pejnachala jum-aechi Dios pejtemplobaliajwa: “¡Tae'nik ia', xabich chimiatan, japitat Dios pejtemploba chapachaemaliajwa! ¡Tae'nikbej asaxan asew judíos chajia chaxduwpi Dios pej-ofrendaliajwa, chiekal chapachaemaliajwa Dios pejtemploba!” —aech Jesús pejnachala. Do jawut, Jesús jum-aech:

⁶ —Asamatkoi asatuajnujpijw Dios pejtemploba tukaxaeli. Puexa taenampi, puexa japoxan chiekal toesaxaes. Chinax kaet, ia't, namanaxil nakae-ia'tmatwuajtat —aech Jesús, jum-aech wut pejnachalaliajwa japoxan jachiyaxaelpox.

That toepax mox pawuajna wut, majt matxoela jachiyaxaelpoxan
(Mt 24.3-28; Mr 13.3-23)

⁷ Jesús wuajnachaehtas wut pejnachala, jum-aechi:

—Jiw chanaekabuanan, ¿maswutkat japox jachiyaxael, xam jum-ampox Dios pejtemplobaliajwa? Mox pawuajna wut, ¿achaxkat taeyaxaes? —aechi Jesúsliajwa.

⁸ Jesús jumnot wut, jum-aechon:

—¡Chiekal taem, asamatkoi asew jiw xamal naekichachajbasamata! Xabich jiw fulaeyaxaen. Japi pajut kaenanula najumchiyaxael: ‘Xan Cristowan. Mox pawuajnalisox ampathat toepaliajwa’ —chiyaxaeli. Japi japoxan jum-aech wut, xamal nakfulaeyaxamil japi jiw. ⁹ Asamatkoi xamal wultaenam wutbej nabewuajan asatuajnuchanxot, ¡xamal nabej nejlewlé! Japoxan majt jachiyaxael, ampathat toepax mox pawuajna wut. Japoxan ja-aech wut, that toepaxilfuk —aech Jesús.

¹⁰ Do jawut, pejme jum-aechon: “That toepaliajwa wut, xabichaxael nabewuajan. Nakaetnujnujpijw nabeyaxael. Japoxan majt xabich jachisfulaxael asatuajnuchanlel. Kaetnujnujpijw nabeyaxaelbej, asatuajnujpijw suapich. Japoxan majt xabich jachisfulaxael asatuajnuchanlel. ¹¹ Asatuajnuchanlel xabich sat najaesaxael. Najaesaxael wut, xabich chaemilaxael. Asatuajnuchanlel naxaeyaxan piach ajilaxaelbej. Xabichaxaelbej

waxae. Jiw taeyaxaelbej, thatbaxo xabich nachoela wut. Do jawut, xabich jiw belwaxael” —aech Jesús, japoxanliajwa jum-aech wut.

¹² Do pejme Jesús jum-aech pejnachalaliajwa: “Japoxan wuajna, asew jiw xamal jaelaxael, tajnachalwam xot. Japi babijaxan is wut xamalliajwa, xamal nabijasaxaelam. Xamal buflaeyaxaelbejpi judíos naewuaj nabachan poxade, jaxotde tasalaliajwapi xamal. Xamal jeyaxaelbejpi jiw jebatat. Asew jiw xamal buflaeyaxaelbej paklochow poxade. Samata, asatuajnu chanpijiw tato'alpi, gobernadoresbej, japi pejwuajnalel xamal nuilaxaelam, tajnachalwam xot. ¹³ Japoxan ja-aech wut, xamalliajwa pachaemaxael japi jiw chapaelliajwam tajwuajan. ¹⁴ Xamal jaxota-emil wutfuk, xabich nabej nejchaxoele' jumchiyaxaelampoxan, jumnosliajwam wut japi tasalapoxan, japi pejwuajnalelam wut! ¹⁵ Do jawut, Dios kajachawaesaxael xamal chiekal jumnosliajwam. Ja-aech wut, kaen aton japixot matabijaxil xamal jumnosliajwa. ¹⁶ Nej-axjiw xamal woeyaxael paklochowxot. Nej-axjiwa-el wut, nej-enjiwaxael. Nej-enjiwa-el wut, nakoewaxael. Nakoewa-el wut, asewaxael nejjiwpi. Nejjiwa-el wut, nejnachalaxael. Ja-aech wut, asew xamalxot beyaxaes. ¹⁷ Puexa jiw, Dios naexasis-elpi, japi xamal nejweslaxael, tajnachalwam xot. ¹⁸ Pe chinax xamalxot kaen tabejsaxisal, Dios tapae-el wut. ¹⁹ Xamal kofa-emil wut nejxanaboejaxan Diosliajwa, ja-am wut, Dios xamal bu'weyaxael duilaliajwam pomatkoicha Diosxotse.

²⁰ “Asatuajnu chanpijiw, soldaw, chakipach wut judíos, Jerusalén paklowax masajoeya wutbejpi, jawut matabijaxaelam mox pawuajnapox japapaklowax toesliajwas. ²¹ Judea tuajnu pijiw japox taen wut, japi puexa nej dukpe pinamuaxan poxade! Asew jiw, Jerusalén paklowaxpijiw, japox taen wut, jpaklowaxxot nej nakole dukpaliajwa atuaj! Asew jiw, pejlulanxot nabisti, jkaxa paklowaxlel nej nawe-elepi! Do jaxot, japi kaelel atuaj nej dukpe! ²² Japamatkoiyan japox jachiyaxael, kastikamatkoiyan wut. Me-ama Dios pejjamechan, chajia lelspos, jum-aech wut, jum-aechox, diachwuajnakolax japox jachiyaxael. ²³ Japamatkoiyan watho', moejowpi, watho'bej, paxi mitan miati, xabich nabijasaxael. Jiwbej, ampatuajnu pijiw, xabich nabijasaxael, kastikaxaes xoti Dios. ²⁴ Asew japixot beyaxaes espadatat. Asew muaxmatakuiyaxaes. Do jawux, buflaeyaxaes asatuajnu chanlel. Ja-aech wut, asatuajnu chanpijiw pasaxael Jerusalén paklowaxxotdin. Do jawut, Jerusalén paklowaxpijiw tato'laxaes asatuajnu pijiw. Japox jachiyaxael, hasta Dios markamatkoi pat wut. Japamatkoitat Jerusalén paklowaxpijiw kofaxaes tato'laspos asatuajnu pijiw” —aech Jesús pejnachalaliajwa.

*Jesús, puexa jiw pakoewkolan, pejme kaxaxoekpox
(Mt 24.29-35, 42-44; Mr 13.24-37)*

²⁵ Jesús pejme jum-aech pejnachalaliajwa: “Xan pasliajwan wut, xabich chaemilaxael thatbaxo, juimt matkoiijin, juimt madoiijinbej, ithaejbej. Mar xabich thiachoenkaxael, truxan xabich pinjiyaxan wut. Samata, jiw matabijaxil, achax nejchaxoelaxael, xabich belwaxael xoti. ²⁶ Jiw tupbalaxael pejlewt, nejchaxoel wuti ampathatliajwa, jachiyaxaelpoxliajwa. Do pejme nejliaxaeli. Puexa thatbaxotatpi, me-ama thatbaxo choelas wut, jasox jiw taeyaxael. ²⁷ Do jawut, xan, puexa jiw pakoewkolnan, itloejentat pasaxoekan wut, puexa jiw nataeyaxael, fuloekx wut. Jawut puexa jiw tato'laxaelen. Itliakaxaelenbej tajut Dios pijaxtat. ²⁸ Japoxan taenam wut, xan chajia jum-anpoxan, jxamal xabich nejchachaemilde! jXan nanaexaxisfulde, mox xotlisox matkoi xamal bu'welijaowan!” —aech Jesús pejnachalaliajwa.

²⁹ Jesús pejme jum-aech wuajantat pejnachalaliajwa: “jChiekal nejchaxoelde, taenam wut higonae, o, nejmachnaechanbej! ³⁰ Waech mox pawuajna wut, japanaechan pajel-uaf nakola. Xamal japoxan taenam wut, jum-am: ‘Waechlis mox pawuajna’ —am xamal. ³¹ Jasoxtatbej, xamal matabijaxaelam mox pawuajnapox Dios puexa pejjiw tato'laxaelpox ampathatat.

³² “Diachwuajnakolax xan jum-an. Puexa ampoxan xan jum-anpoxan, diachwuajnakolax japoxan jachiyaxael. Japoxan asew jiw taeyaxaelfuk, ampathatat laelpi.

³³ Thatbaxo, ampathatbej, toepaxael. Pelax tajjamechan toepaxil. Chajia jum-anpoxan, diachwujnakolax japoxan jachiyaxael.

³⁴ “¡Chiekal taem! ¡Nabej nejchaxoele' babijaxan isaxan, saxa feyaxanbej! ¡Nabej nejchaxoele'bej ampathatpijixan! Japoxan nejchaxoelafulam wut, xan chalechkal paskax wut, xamal laepaxaelam Dios naexaxis-elaxtat. ³⁵ Chalechkal paskax wut, xabich jiw nejmamachaxaeli nawujnawes-elaxtat. ³⁶ Samata, xamal duilafulde xan naxan-aboejampoxtat! ¡Pomatkoicha Dios kawujnafuldebej nejnejchaxoelaxantat mamnikali-ajwam Diosliajwa, boejtaliasfulalijwam nabijasmatkoi pat wut! Japoxan boejtaliatam wut, xamal napelsaximil, tajwujnalel nuilam wut, xan, puexa jiw pakoewkolnan, pejme patx wut” —aech Jesús pejnachalalijwa.

³⁷ Kaematkoisful Jesús naewujajan Dios pejtemplobaxot. Madoi wut, Olivonaechan-muaxxot moejton. ³⁸ Pomatkoicha, kandiawasap, puexa jiw fulalaecha Dios pejtemploba poxade jumtaelajwapi Jesús naewujajanpoxan.

22

Judíospaklochow nejchaxoelpox jaelsliajwapi Jesús (Mt 26.1-5, 14-16; Mr 14.1-2, 10-11; Jn 11.45-53)

¹ Mox pawujajna Pascuafiestalijwa. Japamatkoiyan jiw xael pan lewadurajila. ² Japamatkoiyan sacerdotespaklochow, judíos chanaekabuanapibej, natameja wut, nakaewa najum-aechi: “¿Machiyaxaeskát Jesús boesalijwas?” —na-aechi nakaewa. Pe Jesús boesaxisalfuk, japi pejlewla xoti jiwliajwa.

³ Do jawut, Satanás low Judas pejmatpuatxot. Japon Judas Iscariote, kaen Jesús pejnachalan. Japontat doce. ⁴ Do jawut, Judas fulaech sacerdotespaklochow poxade, Dios pejtemploba wetipaklochow poxadebej. Jaxotde pa'a wut, jum-aechon:

—Xamal nejxasinkam wut, xan wiasaxaelen Jesús xamalxot —aech Judas.

⁵ Paklochow japox jumtaen wut, xabich nejchachaemili. Do jawut, jum-aechi Judasli-ajwa:

—Xanalxot Jesús wiatam wut, xanal mosaxaelen plata —aechi.

⁶ Do jawut, Judas ow-aech. Samata, wujajnewetlison pachaemmatkoi, jiw ajil wut Jesúsxot, japamatkoitat wiasliajwapon Jesús paklochowxot.

Jesús xaelpox, pejnachala suapich, Pascuafiestanaxaeyax (Mt 26.17-29; Mr 14.12-25; Jn 13.21-30; 1 Co 11.23-26)

⁷ Dolisdo', pascuafiestalisox. Japafiestatat judíos xael pan lewadurajila. Japapascuafiesta wut, jiw xua'at ovejas jelti's. ⁸ Do jawut, Jesús to'a wut Pedro, Juan suapich, jum-aechon:

—¡Xabua'de naxaeyax isliajwam, ovejawi xaelijwas Pascuafiestatat! —aech Jesús.

⁹ Japi wujajnaem wut, jum-aechi:

—¿Amxotkat xanal naxaeyax isaxaelen Pascuafiesta nabu'xaelijwam? —aechi.

¹⁰ Jesús jumnot wut, jum-aechon:

—Jerusalén paklowax patam wut, kaen aton taeyaxaelam, mint xafol wuton kuarnatat. ¡Japon aton fulfulaem, ba lech poxade! ¹¹ ¡Japabapijin jum-amo: ‘Jiw chanaekabuanan jum-aech: “¿Ampabatutakat xan tajnachala bu'xaeyaxaelen Pascuafiestanaxaeyax?” —aech jiw chanaekabuanan’ —amo bapijin! ¹² Japon bapijin xamal itpaeyaxael athu pejbatupijax, pinjiyax. Wujajna chajia chiekal chaemtas. Jaxotse naxaeyax isaxaelam xatisliajwa —aech Jesús, pejnachala to'a wut.

¹³ Do jawut, pejnachala fulaechlisi Jerusalén paklowax poxade. Pat wuti, puexa, me-ama Jesús chajia jum-aech, ja-aechlisox. Samata, jaxotse naxaeyax ispi Pascuafiestanaxaeyax xaelijwa.

¹⁴ Xaelijwa wut, Jesús, pejnachala suapich, japi apóstolespi, chalaklisi mesaxot. ¹⁵ Do jawut, Jesús jum-aech pejnachalalijwa:

—Xan xabich nejxasinkax, xamal sʉapich, xaeliajwan ampafiestanaxaeyax xan tʉpax wʉajna. ¹⁶ Diachwʉajnakolax xan jʉm-an. Xan pejme xaeyaxinil Pascuafiestanaxaeyax ampathatat. Asamatkoi, Dios xamal bʉ'wia wʉt, jawʉt pejme xaeyaxaelen, xamal sʉapich, Pascuafiestanaxaeyax Diosxotse —aech Jesús.

¹⁷ Do jawʉt, Jesús copa chafit puexa pejnachala fiaflaliajwa. Jawʉt Jesús gracias-aech wʉt Diosliajwa, jʉm-aechon:

—¡Maj ampot! ¡Kaenanʉla xamal fiafulde! ¹⁸ Diachwʉajnakolax xan jʉm-an. Pejme feyaxinil vino ampathatat. Hasta Dios puexa pejjiw tato'al wʉt, jawʉt pejme vino feyaxaelen —aech Jesús.

¹⁹ Do jawʉt, Jesús panax fit wʉt, Dios gracias-aech wʉton Diosliajwa, panax jalkafʉl pejnachala kexadiajsliajwa. Chaxduw wʉt pejnachala xaeliajwa, Jesús jʉm-aech:

—Ampapan itpaei, me-ama tajwit, xan tʉpaxaelen xot xamalliajwa. Asamatkoi, pan xaelam wʉt, xan nanejchafaekaliajwam —aech Jesús pejnachalaliajwa.

²⁰ Xaeyax kaechatoel wʉt, Jesús pejme copa chafit wʉt, jʉm-aechon:

—Ampavino itpaei, me-ama tajjal. Xan tʉpx wʉt, tajjal nakola wʉt, jiw xan nanaexasitpi, japi beltaeyaxaes babijaxan ispoxanliajwa, tajjal pijaxtat. ²¹ Nawiasaxaelpon tadaelmajiwxot, ma amxot nak-ekondo'. ²² Xan, puexa jiw pakoewkolnan, tʉpaxaelen, me-ama Dios pejjamechan chajia jʉm-aech. Pe nawiasaxaelpon tadaelmajiwxot, japon kaes pejme xabich nabijasaxael —aech Jesús pejnachalaliajwa.

²³ Jesús pejnachala japox jʉmtaen wʉt, nakaewa najʉm-aechnap:

—¿Achankat xatisxot Jesús wiasaxael japon padaelmajiwxot? —na-aechnap: nakaewa.

Jesús pejnachalaxot, japixot achan kaes paklonaxaelpox

(Mt 20.20-28; Mr 10.35-45)

²⁴ Do jawʉx, Jesús pejnachala nakaewa najʉm-aechi: “¿Achankat xatisxot kaes pejme paklonaxael?” —na-aechi. ²⁵ Jesús japox jʉmtaen wʉt, jʉm-aechon japiliajwa: “Asatʉajnpijiw, Dios naexasis-elpi, paklochow tato'las wʉt, tato'la-esal chamoeyaxtat. Ja-aech wʉt, paklochow nakiowa jiw nejxasinkas jʉmchiliajwas: ‘Wajpaklochow xabich pachaem’ —chiliajwas. ²⁶ Pelax xamal jasoxtat tato'laximil. Wʉljoeyaximilbej pamamax najutliajwa. Xamalxot kaen paklonasia wʉt, japon majt xamal malech tanbichaxael, me-ama pamakan wʉt, jachiliajwapon. Me-ama yamxʉlan pakoew pakdiachowxot wʉt, jachiyaxael japon aton. ²⁷ Paklon ek wʉt xaeliajwa mesaxot, pamakan chiekal tataeflison, kamta isliajwa pejpaklon to'aspox. Ja-aechon, paklon kaes tato'lan xot. Xanlax jachi-enil. Xamalxotx wʉt, puexa kajachawaesfulax xamal. Me-ama namaknan wʉt, ja-an xan xamalliajwa” —aech Jesús pejnachalaliajwa.

²⁸ Jesús pejme jʉm-aech pejnachalaliajwa: “Xamal nachalafʉlam, Satanás piach xan naxapaejkafʉl wʉt. ²⁹ Samata, tapaeyaxaelen xamal tato'laliajwam jiw. Me-ama taj-ax Dios xan natapaei puexa jiw tato'laliajwan, xamalbej jachiyaxaelen. ³⁰ Xan tajmatkoi pat wʉt jiw tato'laliajwan, jawʉt kaeyaxtat, xamal sʉapich, xaeyaxaelen. Feyaxaelenbej. Jawʉt chalakaxaelam asatʉa-ekaxanxot, paklochow pejtʉa-ekaxanxot, tato'laliajwambej docemʉtanpijiw, Israel tʉajnpijiw” —aech Jesús pejnachalaliajwa.

Pedro xanaliyaxaelpox Jesús pejnachalanpoxliajwa

(Mt 26.31-35; Mr 14.27-31; Jn 13.36-38)

³¹ Jesús jʉm-aech Pedroliajwa:

—Simón, ¡chiekal najʉmtaem! Satanás wʉljow Dios tapaeliajwas xam xapaejsliajwapon. Xabich xapaejsasiapon xam xan nakofsliajwam. ³² Pe xan Dios kawʉajnax xam nanaexasisfulaliajwam. Pejme xam xan chiekal nanaexasitam wʉt, xam kajachawaesfulaxaelam asew tajnachala, japi kaes xan nanaexasisfulaliajwa —aech Jesús Pedroliajwa.

³³ Simón Pedro jʉm-aech:

—Tajpaklon, asew jiw, jiw jebatat xam jia wʉti, ¡japibej xan nej naje! Xam boesa wʉtbejpi, ¡japibej xan nej naboesa! —aech Simón Pedro Jesúsliajwa.

³⁴ Jesús jʉmnot wʉt, jʉm-aechon:

—Pedro, xan chiekal jum-an xamliajwa. Amwut, kawaema nejlae-el wutfuk, tres veces xan naxanaliyaxaelam. Jumchiyaxaelam: “Xan japon aton matabijs-enil” —chiyaxaelam xanliajwa —aech Jesús Pedroliajwa.

Jesús pejnachala pejme fol wut xalaeyaxaelpoxan, naewuajnalijwa wuti Dios pejjamechan

³⁵ Do jawut, Jesús jum-aech pejnachalalijwa:

—Xamal to'ax wut Dios pejjamechan naewuajnalijwam asapaklowaxanpijiw, xamal kefiatx xalaesamatam nejchoxan, plata, asatuakxajoebej. Xamal masim folam wut, ¿pawewe'pkat asaxan? —aech Jesús, wuajna chaemt wut pejnachala.

Japi jumnot wut, jum-aechi:

—Xanal nawewe'pa-el —aechi.

³⁶ Do pejme Jesús jum-aech:

—Xamal pejme folam wut, xamalxot pejchoxanpi, japi nej xalae pejchoxan! Xamalxot pejplatapi, japipej nej xalae pejplata! Xamalxot espada kejilpi, ¡thuch naxoelpox nej mowapi! Mot wuti, japaplatatat nej wuajspi pej-espada! ³⁷ Diachwuajnakolax xan jum-an. Dios pejjamechan chajia jum-aech, japox diachwuajnakolax jachiyaxael xanliajwa. Jum-aechox Dios pejjamechan xanliajwa: ‘Japon kastikaxaes. Me-ama babejen wut, jakechiyaxaeson’ —aechox xanliajwa. Puexa chajia lelspx, diachwuajnakolax japox jachiyaxael xanliajwa —aech Jesús.

³⁸ Do jawut, pejnachala jum-aech:

—Tajpaklon, ama kole-espada —aechi.

Jesús jumnot wut, jum-aechon:

—Ma ampoxtat do mado' —aechon.

Pawulxot, Getsemaní, Jesús Dios kawuajanpox

(Mt 26.36-46; Mr 14.32-42)

³⁹ Jesús nakolt wut Jerusalén paklowaxxot, Olivonaechanmmax poxade, me-ama japon pejkabuan. Pejnachala wuchakal fol. ⁴⁰ Jesús pa'a wut jaxotde, jum-aechon pejnachalalijwa:

—Satanás xamal xapaexael. Samata, ¡Dios kawuajande! Ja-am wut, Dios xamal kajachawaesaxael babijax is-elalijwam —aech Jesús.

⁴¹ Do jawut, Jesús atuxachon pejnachalaxot tamachalijwa. Me-ama ia't xadaps wut, jas-isdepon. Jaxotde brixtat nukon Dios kawuajnalijwa. ⁴² Dios kawuajan wut, jum-aechon: “Ax, nejxasinkam wut, ¡nabu'wem nabijasaxaelenpox! ¡Pe nabej is xan nejxasinkaxpox! ¡Isde xam nejxasinkampox!” —aech Jesús, pax Dios kawuajan wut.

⁴³ [Do jawut, chalechkal athulelsik Dios pej-ángel natulaelt Jesús mamnikalijwa. ⁴⁴ Jesús xabich nejchaxoel tuxaxaelpoxliajwa. Samata, kaes pejme Jesús Dios kawuaj-naful. Jawut xabich pasisanaton. Pejsis satat natacholan. Me-ama jal, ja-aech pejsis.]

⁴⁵ Jesús nant wut Dios kawuajanxot, kaxadin pejnachala poxadin. Jaxot japi taenpon, moejt wut. Japi xabich damal, nejxaejwas xoti. ⁴⁶ Do jawut, Jesús jum-aech pejnachalalijwa:

—¿Ma-aech xotkat xamal moejtam? ¡Nanim! ¡Dios kawuajande babijax isasamatam, Satanás xamal xapaexa wut! —aech Jesús.

Jesús jaeltaspox padaelmajiw

(Mt 26.47-56; Mr 14.43-50; Jn 18.2-11)

⁴⁷ Jesús naksiya wutfuk, Judas xabich jiw bu'pat Jesúsxot. Japon Jesús pejnachalan, japontat doce. Do jawut, mox soepanlison Jesús xusuiliaw. ⁴⁸ Pe jawut, Jesús jum-aech:

—Judas, ¿xamkat nawiasaxaelam tadaelmajiwxot naxusuyaxtat, xan, puexa jiw pakoewkolnan? —aech Jesús.

⁴⁹ Taen wuti ja-aechpox, Jesús pejnachala jum-aech:

—Tajpaklon, ¿xanalkat ampi jiw beyaxaelen espadatat, xam chamamosliajwan? — aech Jesús pejnachala.

⁵⁰ Do jawut, chalechkal kaen Jesús pejnachalan pej-espadatat boesa wut, kaen aton cho'chikchapon poklalel pejcho't. Japon aton nabist sacerdotespaklokolanliajwa. ⁵¹ Pe jawut Jesús jum-aech pejnachalanliajwa:

—¡Nadokal! —aechon.

Do jawut, cho'chikchaspon Jesús cho'jacha wut, jawut chiekal cho'koelon. ⁵² Pati Jesús jaelsliajwa, japi sacerdotespaklochow, temploba wetipaklochowbej, judíos-ancianosbej. Jawut Jesús jum-aech japiliajwa:

—¿Ma-aech xotkat xamal xafolam espada, iwabej, xan najaelsasiam wut? ¿Xankat xamalliajwa, me-ama babejnan wut, kabuan-an? ⁵³ Kaematkoisful Dios pejtemplobatat xan naewuajnafulax jiw xamalxot. Pe jaxot najaels-emil, Dios patapae-el xot xamal. Pe amwutjel, patliso, me-ama Dios pejjamechan chajia jum-aech xanliajwa, japox jachiliajwa. Samata, amwutjel Satanás, tato'alpon itkuaatxot, xamal to'a xan najaelsliajwam —aech Jesús.

Pedro xanaliapox Jesús matabijtpoxliajwa

(Mt 26.57-58, 69-75; Mr 14.53-54, 66-72; Jn 18.15-18, 25-27)

⁵⁴ Do jawutliso, Jesús jaeltas japi. Jesús buflaech sacerdotespaklokolan pejba poxade. Jawut Pedro atuxach fol wuchakal. ⁵⁵ Sacerdotespaklokolan, japon pejbafulmaktxot, temploba weti jit itfoti. Jaxot jit su'chalakax masajiati. Pedrobej jaxot naksu'cha-ek. ⁵⁶ Do jawut, kaeow pawis, japabatat nabistpox, chiekal natachaemtow Pedro, jit naksu'cha-ek wuton. Do jawut, jum-aechow jaxotpijiw jumtaeliajwas:

—Ama kaen, jaeltaspon pejnachalan —aechow Pedroliajwa.

⁵⁷ Pedro xanalia wut, jum-aechon:

—Pawis, xan chinax japon aton matabijs-enil —aech Pedro.

⁵⁸ Do jawux, asanbej pejme taenson. Japonbej jum-aech:

—Diachwujnakolax xambej, japon pejmupijnam —aechon Pedroliajwa.

Pedro jumnot wut, jum-aechon:

—¡El! ¡Xan japon pejmupijna-enil! —aechon.

⁵⁹ Do jawux, kaehora wutlejen, asanbej pejme jum-aech:

—Diachwujnakolax ampon, jaeltaspon pejnachalan. Amponbej Galilea tuajnapijin —aechon.

⁶⁰ Pe Pedro pejme jum-aech:

—Xan matabijs-enil jum-ampox —aech Pedro.

Pedro jum-aech wutfuk, jawut kawaema nejla. ⁶¹ Kawaema nejla wut, Jesús wultataen wut, taenon Pedro. Do jawut, Pedro nejchafaet Jesús chajia jum-aechpox: “Amwut, kawaema nejlae-el wutfuk, xam tres veces xanliajwa naxanaliyaxaelam. Jumchiyaxaelam xanliajwa: ‘Xan japon aton matabijs-enil’ —chiyaxaelam” —aech Jesús, chajia jum-aech wut Pedroliajwa. ⁶² Do jawut, japabafulmaktxot Pedro nakolt tathoet poxaliajwade. Jaxotde xabich nowpon, xabich nejxaejwas xot.

Jesús bu'wujapanpaeispox

(Mt 26.67-68; Mr 14.65)

⁶³ Poejiw, weti Jesús, japi bu'wujapanpaeipi Jesús. Baesbejpon. ⁶⁴ Itfumatakusbejpon. Jawut pejme xutulapas. Kaenanula xutulapi jum-aechi Jesúsliajwa:

—¡Jum-amde, achan xam xutulap! —aechi.

⁶⁵ Japibej jum-aechi babejjamechan Jesúsliajwa.

Jesús nukpox judióspaklochow pejwujajnael

(Mt 26.59-66; Mr 14.55-64; Jn 18.19-24)

⁶⁶ Kandiasap wut, juimt julan wut, natameja judíos-ancianos, sacerdotespaklochow, judíos chanaekabuanapibej. (Japi puexa natameja wut, japox pawul Junta

Suprema.) Jesús bə'fos wət, bə'pachpon Junta Suprema natamejaxot. Japi pejwəajnalel wət Jesús jəmtis:

⁶⁷ —ǝXanal jəmtaeliajwan xam jəm-amde! ǝXamkat diachwəajnakolax Cristowam, Dios to'asponam jiw bə'welijaɰwam? —aechi.

Jesús jəmnot wət, jəm-aechon:

—Xan jəm-an wət: 'Diasdo' —an wət, xamal naexaxisaximil. ⁶⁸ Xamal wəajnachae-tax wətbej, najəmnosaximil. ⁶⁹ Pe xan, puexa jiw pakoewkolnan, ekaxaelen taj-ax Dios poklalel jiw tato'laliajwan, taj-ax səapich. Dios pamamakolan, japon xajəp puexa isliajwa —aech Jesús.

⁷⁰ Jawət Jesús wəajnachaeɰtas wət, jəmtispon:

—ǝXamkatlap Dios paxəlnam? —tispon.

Jesús jəmnot wət, jəm-aechon:

—ǝDiasdo'! ǝXanlap japonan, najəm-amponan! —aech Jesús.

⁷¹ Do jawət, japi nakaewa najəm-aech:

—Xatis nakwewe'pa-el aseq jiw nakjəmchiliajwa Jesús pejbə'wəajanpoxliajwa. Xatis wajut chiekal jəmtaens, jəm-aech wəton: 'Xan Dios paxəlnan' —aech wəton. Japox jəm-aech wət, jəm-aechon Dios nejweslapox. Samata, kastikaxaeson —na-aech nakaewa Junta Supremapijiw.

23

Jesús nukpox Pilato pejwəajnalel

(Mt 27.1-2, 11-14; Mr 15.1-5; Jn 18.28-38)

¹ Do jawət, japi jiw, Junta Supremapijiw, nana. Bə'follisi Jesús Pilato poxade. ² Jesús Pilato pejwəajnalel wət, təaduti Jesús tasalaliajwa. Jəm-aechi:

—Xanal tajut chiekal jəmtaenx. Ampon aton pejnaewəajnaɰtaxat jiw potəajnəchanpijiw xabich palala. Jəm-aechbejpon: 'ǝNabey mos impuesto Roma gobiernoliajwa!' —aechon. Jəm-aechbejpon: 'Xan Cristowan, Israel təajnəpijiw tato'laliajwan' —aechon.

³ Do jawət, Pilato wəajnachaeɰt wət, jəm-aechon Jesúsliajwa:

—ǝXamkatlap diachwəajnakolax judíos pejreɰnam? —aech Pilato.

Jesús jəmnot wət, jəm-aechon:

—Diachwəajnakolax, xan japonan, me-ama xam jəm-am —aech Jesús.

⁴ Do jawət, Pilato jəm-aech sacerdotespaklochowliajwa, puexa jiwliajwabej:

—Xanliajwa ampon aton bə'wəajanjil kastikaliajwan —aech Pilato.

⁵ Pe nakiowa, japi xabich jəmbisnik Jesús kastikaliajwas. Samata, kaes xabich jəm-aechfəli:

—Ampon aton pejnaewəajnaɰtaxat potəajnəchanpijiw xabich palala. Japox naewəajnaɰ təaduton Galilea təajnəxot. Amwətjel japox naewəajnaɰfəl amxotbej, Judea təajnəxot —aech paklochow Jesúsliajwa.

Jesús nukpox Herodes pejwəajnalel

⁶ Pilato jəmtaen wət Jesús majt naewəajanpox Galilea təajnəxot, jawət, wəaj-nachaeɰton judíospaklochow. Jəm-aechon Jesúsliajwa:

—ǝJaponkat Galilea təajnəpijin? —aech Pilato. ⁷ Paklochow jəm-aech wət: "Ampon-lap Galilea təajnəpijin" —aech wəti, Pilato to'a soldaw bəflaeliajwas Jesús gobernador Herodes poxade, japon Herodes puexa Galilea təajnəpijiw tato'lan xot. Japamatkoiyon Herodes Jerusalén paklowaxxot. ⁸ Herodes taen wət Jesús bə'fospox japonlel, xabich nejchachaemilon. Herodes majt chajia taesiapon Jesús, wətaefəl xot Jesús koechaxan isfəlpoxan. Samata, japonbej pajut chiekal taesia Jesús koechax ispox. ⁹ Herodes xabich wəajnachaeɰsfəl Jesús. Pe Jesús kaes jəmnos-el wəajnachaeɰsfəlaspoxan. ¹⁰ Jaxot nuil sacerdotespaklochow, judíos chanaekabəanapibej. Japi tasala Jesús xabich jəmbisnikpoxat. ¹¹ Do jawət, Herodes, pejsoldaw səapich, bə'wəajanpaeipi Jesús. Xajoellisipon chamoeyax, me-ama rey pijax, jasox, japoxat taxaxaelaliajwas. Me-ama judíos pejrey wət, ketison. Do jawəx, Herodes pejsoldaw to'a Jesús pejme bəflaeliajwas

Pilato poxade. ¹² Majt Pilato, Herodes sʉapich, nadaelmataen. Pe japamatkoitat japi pejme najʉmchachaemil.

Pilato to'apox Jesús kematamatlaliajwas

(Mt 27.15–26; Mr 15.6–15; Jn 18.39–19.16)

¹³ Do jawʉx, Pilato wʉllala natamejlaliajwa sacerdotespaklochow, judíospaklochow-bej, asew judíosbej. ¹⁴ Dolisi, natameja wʉt, Pilato jʉm-aech japiliajwa:

—Xamal ampon aton buflaeman xanlel. Xan najʉm-am: ‘Ampon aton pejnaewʉaj-naxtat potʉajnuʉchanpijiw xabich palalafʉl’ —na-am xamal. Xamal nejwʉajnalel ampon chiekal wʉajnaemtax bu'atasalampoxanliajwa. Ampon aton chinax babijax is-el kastikaliajwas. ¹⁵ Herodes nejchaxoelbej: ‘Ampon aton babijax is-el’ —aech Herodes, nejchaxoel wʉt Jesúsliajwa. Samata, Herodes kastika-el Jesús. Asbuʉan jʉmch kaxa to'anpon Jesús xanlel. Amwʉtjel xamal chiekal matabijam. Ampon aton babijax is-el japoxtat tʉpaliajwa. ¹⁶ Samata, tajsoldaw keto'axaelen asbuʉan jʉmch selsliajwas. Do jawʉx, nakolsax tapaeyaxaelen —aech Pilato japiliajwa.

¹⁷ [Kaewaechfʉl wʉt, Pascuafiesta wʉt, Pilato jitapaei kaen jiw jebatat jiaspon nakol-sliajwa, jiw wʉljowson. Pilato jasox is, jiw nejchachaemlaliajwa japonliajwa.]

¹⁸ Pilato japox jʉm-aech wʉt: “Jesús nakolsax tapaeyaxaelen” —aech wʉton, judíos nejlasfʉl wʉt, jʉm-aechfʉli:

—jJapon kematamatalde cruztat! jBarrabáslax nakolsax tapaem! —aechfʉli.

¹⁹ Japon Barrabás majt naba, Pilato pejsoldaw sʉapich, Jerusalén paklowaxxot. Jiw babejpon. Samata, jiaspon jiw jebatat. ²⁰ Pilato tapaesia Jesús nakolsliajwa. Samata, pejme jʉm-aechon japi jiwliajwa. ²¹ Pe Pilato naksiya wʉt, japi jiw kaes nejlasfʉl wʉt, jʉm-aechfʉli:

—jJaponlax kematamatalde cruztat tʉpaliajwapon! —aechfʉli, nejlasfʉl wʉt Jesúsliajwa.

²² Pilato pejme jʉm-aech japiliajwa:

—jMa-aech xotkat xamal jʉm-am: ‘jJapon nej tʉpel’ —amkat? jAchababijaxkaton is? Xanliajwa japon aton bu'wʉajanjil japoxtat tʉpaliajwa. Samata, tajsoldaw keto'axaelen asbuʉan jʉmch selsliajwas. Do jawʉx, nakolsax tapaeyaxaelen japon —aech Pilato judíosliajwa.

²³⁻²⁴ Pe japi xabich jʉmbisnik wʉt, nejlasfʉl. Jawʉt jʉm-aechfʉli:

—jJapon kematamatalde cruztat tʉpaliajwa! —aechfʉli.

Japi xabich jʉmbisnik xot, Pilato baxael ow-aechlison. ²⁵ Samata, Pilato pejsoldaw to'a tapanliajwapi nakosax Barrabás jiw jebaxot, japi wʉljowpon nakolsliajwa. Barrabás jiw jebatat majt jias, naba xoton, soldaw sʉapich, asew jiw ba xotbejpon. Do jawʉtbej, Pilato to'a Jesús kematamatlaliajwas cruztat, me-ama japi jiw wʉljow japon isliajwa japox.

Jesús kematamatlaspox cruztat

(Mt 27.32–44; Mr 15.21–32; Jn 19.17–27)

²⁶ Do jawʉx, soldaw, japi bu'fol Jesús kematamatlaliajwas cruztat. Do jawʉtbej, paklowaxlel Simón fʉlaen. Japon Cirene paklowaxpijin. Xensliajwa wʉt, soldaw jaeltason. Do jawʉt, to'ason Jesús pijax cruz xalaeliajwa, Jesús xafolox. Jesús kaes xalaeyaxil, xabich boejil xotlison kastikaxtat. Dolisdo', japon Simón xafolon cruz Jesús pejwʉchakal.

²⁷ Do jawʉt, xabich jiw Jesús pejwʉchakal fol. Japixot xabich watho' wʉnow. Nowpi pinjametat, xabich nejxaejwas xoti Jesús. ²⁸ Jesús wʉltataen wʉt japi watho'lel, jʉm-aechon:

—Watho', Jerusalén paklowaxpijwam, jxan nabej nawʉnoe'! jNawʉnoem najutliajwa, naxiliajwabej! ²⁹ Nabijasmatkoi pat wʉt, jiw xabich nabijasaxael. Japamatkoitat jiw

jumchiyaxael: 'Amwutjel wepachaems nafoenapi, a sew xijilpibej, paxi ajil xot nabijasliajwa' —chiyaxaeli. ³⁰ Japamatkoitat jiw jumchiyaxaelbej pinamuxanliajwa, cha aelmuxanliajwabej: 'Natacholnamik xanallelsik nakulaliajwam, jasoxtat namoechali-ajwambej' —chiyaxaeli, kaes nabijasfala-elaliajwa. ³¹ Xan, babijax is-enilponan, nake-matamatlaxaeli cruztat. Pe xabich babijaxan ispi, xabich kaes pejme nabijasaxael, wetapach wut nabijasmatkoi —aech Jesús japi watho'liajwa, wunowspiliajwa.

³² Dolisdo', soldaw bu'fol wuti Jesús, jawutbej bu'foli kolenje kethakan, japibej kaenanula kematamatlaliajwas pejcruztat, Jesús suapich. ³³ Bu'pach wuti kaemux pawuxot, Matnaethitmuxxot, jaxot Jesús kematamatlas cruztat. Jaxotbej kolenje kethakan kematamatlas cruztat. Asan chanuk Jesús pejpoklalel. Asan chanuk Jesús pejsoenalel. ³⁴ Jesús cruztat wut, jum-aechon:

—Ax, jampi jiw beltaem! Matabija-eli ispoxlialjwa —aech Jesús soldawliajwa.

Jesús kematamatali, japi soldaw nakakujti ia'xix matabijaliajwa, achan kanaxael kaenanula Jesús pejnaxoe. ³⁵ Jiw jaxoti natachaema puexa ja-aechox. Jaxotbej judíospaklochow. Jawut japi bu'wujapanpaei Jesús. Nakaewa najum-aechi:

—A sew jiw bu'wiapon. Diachwujnakolax ampon Cristo wut, Dios to'aspon wut jiw bu'weliajwa, jma amwut pajut nej nabu'wepon! —aechi Jesúsliajwa, bu'wujapanpaei wut.

³⁶ Soldawbej bu'wujapanpaeipi Jesús. Kaes suapich soldaw mox soepa Jesúsxot. Duajasiapi vino, xathuyamint, Jesús suiliajwa xabich wexaenkasamatas. ³⁷ Jawut jum-aechi Jesúsliajwa:

—Xam judíospaklokolnam wut, jnajat nabu'wem! —aechi Jesúsliajwa.

³⁸ Jesús pejta'tabijla lelspx chaduch. Japox lelspx jum-aech: "Ampon judíos pejrey" —aechox.

³⁹ Asan kethakan cruztat kematamatlaspon, japonbej jum-aech bu'wujapanpaei Jesús:

—Xam Cristowam wut, Dios to'aponam wut jiw bu'weliajwam, jma amwut najut nabu'wem! Do ja-aech wut, jxanalbej nabu'wem! —aech kethakan Jesúsliajwa.

⁴⁰ Asan kethakan buxfiat pejnachalan bu'wujapanpaeipox. Do jawut, jum-aechon:

—jXam japox nabej jum-aechi Jesúsliajwa! jXamkat nejlewla-el Diosliajwa, xatisbej tuxaxaes xot? ⁴¹ Xatis nabijatas nakkastikapoxtat, babijaxan isas xot. Amponlax chinax babijax is-el —aech kethakan pejnachalanliajwa.

⁴² Kethakan japox jum-aech wut, jum-aechon Jesúsliajwa:

—Jesús, xam puexa jiw tato'lax tudutam wut, jawutbej xan nanejchadu'e! —aech kethakan.

⁴³ Jesús jumnot wut, jum-aechon kethakanliajwa:

—Diachwujnakolax xan jum-an. Ma amwut, xam Diosxotaxaelam, xan suapich —aech Jesús kethakanliajwa.

Jesús tuxpox cruztat

(Mt 27.45-56; Mr 15.33-41; Jn 19.28-30)

⁴⁴ Jesús tuxpaliajwa wut, juimt matnoch ek wut, xabich itkuatnik tres hora potujajnuha. ⁴⁵ Itkuatnik xabich, juimt chiekal itliaka-el xot. Do jawut, Dios pejtemplobatutat pinabu', duchpox batutat, najupathiakchakas. ⁴⁶ Do jawut, Jesús nejlakcha wut, jum-aechon pax Diosliajwa:

—Ax, jma amwut xan tuxaxaelen! jXam xanaboejtax taj-espíritu chiekal nawetatae-flaxaelampox! —aech Jesús.

Jesús japox jum-aech wut, tuxplison.

⁴⁷ Soldawcapitán taen wuton Jesús tuxax, do jawut, jum-aechon Diosliajwa: "Dios, xam xabich pachaemam" —aechon. Jum-aechbejpon jaxoti jumtaeliajwa: "Diachwujnakolax ampon aton chinax babijax is-el tuxpaliajwa jasoxtat" —aech soldawcapitán.

⁴⁸ Puexa japox taenpi, nawia wut pejbachan poxade, kaenanula pajut namatiafdakapi, xabich nejxaejwas xot. ⁴⁹ A sew jiw, matabijapi Jesús, japi tuaxach natachaemanuil. Jaxotbej watho' nuil, falaenpi Galilea tujajnuxot.

Patupan Jesús ochpox muaxwujat
(Mt 27.57-61; Mr 15.42-47; Jn 19.38-42)

⁵⁰⁻⁵¹ Jerusalén paklowaxxot aton duk. Japon pawul José. Japon Arimatea paklowaxpijin, Judea tuajnuaxot. Japon pachaem. Chiekal dukbejpon Diosliajwa. Japon judíospaklochowxot, Junta Supremapijin. Pe japon kaenejchaxoelaxa-elon Junta Supremapijiw ispoxlialjwa Jesúsliajwa. Japon wujawet Dios pejmatkoi tuadusliajwapox, Dios pejiw tato'laxaelmatkoi. ⁵² Jesús tup wut, José fulaech Pilato poxade wuljoelajwapon patupan Jesús muthsliajwabejpon. José wuljow wut, Pilato ow-aech. ⁵³ Do jawux, José pat wut patupan Jesúsxot, kuskulison Jesús cruzxotsik. Jawut José xakoeya patupan sábanabu'tat, pabujabu'tat, osliajwa muaxwujaxot. Japamuaxwujaj pajelwujaj. Patupan os-esalfuk. ⁵⁴ José japox is napatamatkoi wujajna, japamatkoi chawujajna chaemsliajwa. Jawut, José japox isax ketoet wut, cha-aex we'pfuk nadusliajwa napatamatkoi.

⁵⁵ Japi watho', majt Jesús naknanuamti Galilea tuajnuaxot. Japi watho' wuchakal fol, José fulaech wut muaxwujaj poxade. Samata, taeni Jesús ochpox. ⁵⁶ Do jawut, japi watho' kaxa nawen wut pejba poxade, chaemtlisi perjumamin, xabejasapanbej, patupan joelalialjwa. Do jawut, japi napata, napatamatkoi xot. Me-ama Moisés chajia lelpox jum-aech, ja-aechlisi.

24

Patupan Jesús mat-ech pejme dukaliajwa
(Mt 28.1-10; Mr 16.1-8; Jn 20.1-10)

¹ Dominkomatkoi, kandiawasap wut, watho' fulaech patupanwujaj poxade. Japi xafol chajia chaemtpi, perjumaminan, xabejasapanbej. ² Jaxotde pa'a wut, taeni ia't pinjit, jajaerat, asalelaxach nukpox, patupanwujajfafa xat-elspot. ³ Pe japi watho' japawujaj low wut, tae-eli patupan. ⁴ Jawut xabich beljowpi. Matabija-eli isaxaelpox. Do jawut, chalechkal japi watho' taen kolenje Dios pej-ángeles, jaxot nuil wuti. Japi kolenje ángeles pejnaxoe xabich nakliafan. Me-ama chamx, jakali-af-aech japi pejnaxoe. ⁵ Watho' pejlwla xot, brixtat nuili. Sat makxabijindikbejpi. Jawut Dios pej-ángeles jum-aech watho'liajwa:

—¿Ma-aech xotkat xamal wulwekam patupan? ¡Jesús mat-echlison pejme dukaliajwa!
⁶ Amxot ajil patupan. Ma amwutjel dukpon, mat-ech xot. ¡Nejchafae'e, xamallialjwa chajia jum-aech wuton, Galilea tuajnuaxot wuton! ⁷ Japon chajia jum-aech: “Xan puexa jiw pakoewkolnan, asew jiw nawiasaxael asajiwxot tupalialjwan, cruztat nakematamatlialjwa. Tres matkoi wut, Dios namat-eyaxael pejme dukaliajwan” —aechon, chajia jum-aech wut —aech Dios pej-ángeles japi watho'liajwa.

⁸ Do jawut, japi watho' nejchafaet Jesús chajia jum-aechpox japilialjwa. ⁹ Watho' kaxa nawen wut Jesús ochxotdin, puexa japoxan chapaeipi once apóstolesxot, asew jiwliajwabej. ¹⁰ Japi watho'xot, kaeow pawul María. Japow Magdala paklowaxpijow. Asaow pawul Juana. Asaow pawul María. Japow Santiago pen. Kaes asew watho'bej japixot. ¹¹ Apóstoles jumtaen wut watho' jum-aechpox, jum-aechi, nejchaxoel wut: “Watho' pajut pejkaechantat faekalap” —aech apóstoles, nejchaxoel wut. Samata, naexaxis-eli watho' chapaeispox.

¹² Asew naexaxis-el wut, Pedro najae'e Jesús muthstas poxade. Pat wuton, patupanwujaj natachaemsepon. Jawut taenon sábanabu'ankal. Do jawut, Pedro kaxadin wut, xabich nejchaxoelaful taenpoxliajwa.

Jesús natulaeltpox kolenje pejnachalanxot, fol wuti Emaús paklowaxnuamtat
(Mr 16.12-13)

¹³ Dominkomatkoi wut, kolenje Jesús pejnachalan Jerusalén paklowaxxot nakola Emaús paklowax poxalialjwade. Emaús paklowax pasliajwa, me-ama once kilómetros. ¹⁴ Nuamtat fol wut, nospaefuli Jesús cruztat kematatlaspoxlialjwa. ¹⁵ Nospaeful wutfuki, Jesús pajut mox soepan japixot. Do jawut, Jesús nakfol japi. ¹⁶ Japi taen Jesús.

Pe japi matabija-el japon Jesúspon, Dios tapae-esal xoti japi matabijsliajwa Jesús. ¹⁷ Do jawut, Jesús wuajnaem wut, jum-aechon:

—¿Achaxkat xamal nospaelpam, nuamtat folam wut? —aech Jesús.

Japi nuiljaba. Xutampapi nejxaejwaspox. ¹⁸ Kaen japixot pawul Cleofas. Japon jum-aech:

—¿Xamkat fulaeman Jerusalén paklowaxxot? ¿Xamkatlap kaenam matabijs-emilponam ja-aechox ampamatkoian Jerusalén paklowaxxot? —aech Cleofas Jesúsli-ajwa.

¹⁹ Jesús wuajnaem wut, jum-aechon:

—¿Achaxkat ja-aech Jerusalén paklowaxxot? —aech Jesús.

Do jawut, japi jum-aech:

—Jesús Nazarepijin, Dios pejprofeta, japon xabich koechaxan is Dios pejpamamatat. Jiw chiekal naewuajnafulbejpon Dios pijaxtat. Jasox isfulon xabich jiwliajwa. ²⁰ Sacerdotespaklochow, wajpaklochowbej, asajiwxot wiatipon tupaliajwa. Samata, cruztat kematamatlas. ²¹ Xanal nejchaxoelx japonliajwa: 'Xatis judíos japon nakbu'weyaxael asatuajnapijiw naktato'alpox' —an xanal, nejchaxoelx wut japonliajwa. Pelisox tres matkoije japon tupox. ²²⁻²³ Asew watho' xanalxot ampakandiawasap fulaech patupanwuaj poxade. Pe patupan Jesús ajil wut, kaxa naweni bachadin. Japi watho' xanal nachapaei, Dios pej-ángeles natulaela wut japixot jumtispor. Juntis japi watho': '¡Jesús mat-echlison! ¡Ma amwutjel pejme duklison!' —tis japi watho'. Japox xanal jumtaenx wut, xabich nejchaxoelx japoxliajwa. ²⁴ Do jawux, asew xanalxotpijiw fulaech patupanwuaj poxade pajut chiekal taeliajwa. Do jawut, taeni puexa, me-ama watho' jum-aech. Pe tae-eli patupan Jesús —aechi Jesúsliajwa, japi kolenje, Emaus paklowax poxade fulaechpi.

²⁵ Do jawut, Jesús jum-aech japiliajwa:

—Xamal xabich matnaetinkam. Naexasis-emil profetas chajia lelpox Cristoliajwa.

²⁶ Matabija-emilbej Dios pejjamechan. Cristo, Dios to'aspon jiw bu'weliajwa, japon majt xabich nabijasaxael. Do jawux, mat-eyaxaeson pejme dukaliajwa. Jiw tato'laxaelbejpon Diosxotse —aech Jesús pajutliajwa.

²⁷ Do jawut, Jesús chiekal chanaekabuana Dios pejjamechan chajia jum-aechox japonliajwa. Jawutbej chiekal chanaekabuanaapon Moisés chajia lelpoxliajwa. Do jawutbej, Jesús chiekal chanaekabuana Dios pejprofetas chajia lelpox, jachiyaxaespor japonliajwa.

²⁸ Emaús paklowax pasliajwa wuti, jawut Jesús, me-ama matnoch xensliajwa wut, ja-aechon. ²⁹ Pe japi kolenje xabich jumbisnik japon namanaliajwa japixot. Jum-aechi:

—¡Namande xanalxot moejsliajwam! Tuilalisox. Itkua'nikafulbejlisox —aechi.

Do jawut, Jesús ow-aech. Lowlison namanaliajwa, japi suapich. ³⁰ Chalak wutlisi mesaxot naxaeliajwa, jawut Jesús panax fit wut, gracias-aechon Diosliajwa. Do jawut, panax jalnat wut, chaxduwpon japi kolenje. ³¹ Do jawutbej, japi chiekal matabija japon diachwuajnakolax Jesúspon. Jawut chalechkal Jesús naxaelcha. ³² Naxaelcha wuton, nakaewa japi kolenje najum-aechna:

—Diachwuajnakolax xabich nejchachaemlas, nakfol wuton xatis, chiekal nakchanaekabuana wutbejpon Dios pejjamechan, chajia lelpox —na-aechi nakaewa.

³³ Do jawut, kamta nanapi kaxaliajwade, Jerusalén paklowax poxade. Jaxotde pa'a wut, wuajna natamejal once apóstoles, asewbej. ³⁴ Japi apóstoles jum-aech kolenje, jelpatiliajwa:

—Diachwuajnakolax wajpaklon Jesús mat-ech. Pejme duklison. Jesús natulaelt Simónxot —aechi.

³⁵ Do jawut, japi kolenje, jelpati, chapaei, nuamtat fol wut japiliajwa ja-aechpor. Chapaeibejpi, Jesús panax jalnat wut japi xaeliajwa. Do jawutbej, pajut chiekal matabijapi, diachwuajnakolax japon Jesúspon.

*Jesús natulaeltpor pejnachala natamejaxot
(Mt 28.16-20; Mr 16.14-18; Jn 20.19-23)*

³⁶ Japi kolenje japox chapaei wutfuk, jawut chalechkal Jesús natulaelt japixot. Do jawut, Jesús japi kejacha wut, jum-aechon:

—¡Dios nej kajachawaes xamal chiekal duilaliajwam! —aechon.

³⁷ Xabich belwanapi, nejchaxoel wut, jum-aech xoti: “Ampon Jesús-el. Pej-ael” —aech xoti, nejchaxoel wut. ³⁸ Jesús jum-aech:

—¿Ma-aech xotkat xamal puexa belwam? ¿Ma-aech xotbejkat naexasis-emil xan namat-etpoxliajwa pejme dukaliajwan? ³⁹ ¡Taem tajke-e, tajtuakanbej! Xanlap japonan. ¡Najacham! ¡Nataem chiekal! Espíritu wejisal pawí, pathibej. Me-ama xan, jachi-el —aech Jesús.

⁴⁰ Buxtoet wut, itpaeilison pejke-e, pejtukaanbej. ⁴¹ Jesús pejnachala xabich nejchachaemil, pejme taen wuti Jesús. Pe chiekal naexasis-elfuki, diachwujnakolax japon Jesúsolan wut, xabich nejchaxoelanuil xoti. Do jawut, Jesús pejme jum-aech japiliajwa:

—¿Xamalkat naxaeyax xan xaeliajwan? —aech Jesús.

⁴² Jawut chaxdutipon baxin chabosan, jalnaspox. ⁴³ Do jawut, Jesús baxin fit. Jawut puexa pejnachala pejuwajnalel xaelon. ⁴⁴ Do jawutbej, Jesús jum-aech japiliajwa:

—Japoxanliajwa xamal chajia jum-an, tupaxaelenpoxliajwa tupa-enil wutfuk, namat-esaxaelpoxliajwabej pejme dukaliajwan. Japoxanliajwa Moisés chajia lel, profetasbej. Salmosfutat lels japoxanliajwa. Samata, japoxan ja-aechlisox xanliajwa —aech Jesús pejnachalaliajwa.

⁴⁵ Do jawut, Jesús chiekal chanaekabuana pejnachala, japi chiekal matabijaliajwa Dios pejjamechan, chajia lelspxoxan, jum-aech wut Jesúsliajwa. ⁴⁶⁻⁴⁷ Jesús pejnachala chiekal chanaekabuana wut, jum-aechon:

—Dios pejjamechan chajia jum-aech xanliajwa: ‘Cristo, Dios to'aspon jiw bu'welija, japon tupaxael. Tupox tres matkoi wut, japon mat-esaxaes pejme dukaliajwa. Do jawux, pejiw tuadusaxael japon pejuwajan naewujnalialiajwa Jerusalén paklowaxxot. Do baxael, japi naewujnaxael asew jiw, asatuajnuhanpijiw. Japox Cristo pejiw isfulaxael jiw kofaliajwa babijaxan ispxoxan beltaeliajwasi Dios’ —aech Dios pejjamechan, chajia jum-aech wut xanliajwa. ⁴⁸ Diachwujnakolax japoxan chiekal ja-aechlisox. Amwutjel xamal najut chiekal taenam. ¡Japoxan xamal chapaefulde asew jiw! ⁴⁹ Xan to'axoekan Espíritu Santo xamalliajwa, Dios chajia jumdutpon xamal kajachawaesfulaliajwapon. ¡Xamalfuk kawetaxaelam Jerusalén paklowaxxot wujnawesliajwam Espíritu Santo xamal nejmatpuatanxot pasliajwasik! Dolisdo', Espíritu Santo pask wut, mamnikaxaelam Dios pijaxtat —aech Jesús pejnachalaliajwa.

Jesús bu'fospox athu poxase

(Mr 16.19-20)

⁵⁰ Do jawux, Jesús pejnachala bu'fol Jerusalén paklowaxxot, Betania paklowaxlel poxade. Pa'a wuti mox Betania paklowaxxot, Jesús muaxxachot Dios kawujnalialiajwa pejnachalaliajwa, Dios kajachawaesfulaliajwas japon pejnachala. ⁵¹ Jesús kawujjan wutfuk Dios pejnachalaxot, jawut Dios bu'foslison athu poxase. ⁵² Jesús pejnachala japox taen wut, brixtat nuili itpaeliajwa sitaeyax Jesúsliajwa. Do jawux, kaxa nawen wut Jerusalén paklowax poxadin, japi xabich nejchachaemil. ⁵³ Kaematkoisful, Dios pejtemplobat Dios kawujjan wut, jum-aechi Diosliajwa: “Dios, xam xabich pachaemam” —aechfuli.

Juan lelpox Jesucristo pejuwajan

Cristo, Dios paxulan, japon dukpox ampathat wujna

¹ Majt akaseskolaxtat, ampathat is-esal wutfuk, Cristo wujna chajia duk, pax Dios suapich. Pe japonbej Dios. Samata, itpaeipon Dios pejmatabijsax jiw matabijaliajwa japoxan. ² Diachwujnakolax dukon, pax Dios suapich, akaseskolaxtat. Amwutjel japon nakiowa duk. ³ Dios pijaxtat Cristo is ampathat, thatbaxobej. Isbejpon puexa ampathatatpi, thatbaxotatpibej. Japoxan Cristo is-el wut Dios pijaxtat, puexa chiekal ajilaxael. Ajilaxael ampathat, thatbaxobej. ⁴ Cristo pijaxtat jiw laelp ampathatat. Japon tapae-el wut, jiw ampathatat laelpaxil. Tapaeibejpon jiw matabijaliajwa diachwujnakolaxpox Diosliajwa. Samata, Cristo, me-ama itliakax. Itliakon jiwliajwa. ⁵ Me-ama itliakax itkuataxot itliak wut, ja-aechbej Cristo. Itkuatax itkuasaxil itliakax. Satanás, me-ama itkuatax. Satanás xajupaxil toesliajwa Cristo.

Juan, jiw bautisan, naewujnapox

⁶ Dios pejprofeta, majt ampathatat laejapon, pawul Juan. Japon naewujnan jiw Dios buxto'aspojan. ⁷ Samata, japon jiw naewujnan matabijtpoxan Cristoliajwa, japi jiw naexaxisliajwabej Cristo. ⁸ Juan Cristowa-el. Japon to'as jiw naewujnaliajwa Cristo wujna. ⁹ Diachwujnakolax Cristo fuloek ampathatasik jiw matabijaliajwa, achan Dios.

¹⁰ Cristo chajiakolaxtat ampathat is Dios pijaxtat. Do jawux, Cristo pajut duk ampathatat. Pe ampathatpijiw matabija-el japon Cristopon, Dios paxulanpon. ¹¹ Paskon pejiwxotsik. Pe judíos naexaxis-el japon Dios paxulanpon. ¹² Pe asex jiwlix, naexasiti Cristo, japon Dios paxulanpon, japi jiw Dios tapaeis Dios paxi nadofaliajwa. ¹³ Japi penjiwxot nalaelapoxtat, Dios paxi nadofa-el. Dios tapaei is xoti, japi Dios paxi nadofa Cristo pijaxtat.

¹⁴ Cristo nalaelt ampathatat, me-ama yamxi ampathatat nalaela wut, ja-aechon. Dukon xatisxot ampathatat. Cristo xabich nejxasink puexa jiw. Diach paeibejpon. Xanal taenx pejpamamax, pax Dios chaxduchpox japon kaekolan paxulanliajwa. ¹⁵ Juan, jiw bautisan, chajia jum-aech jiw matabijaliajwa Cristo fulaeyaxoekpox. Samata, Juan pinjametat jum-aechon: “Xan chajia jum-an Cristoliajwa: ‘Xan fulaenx japon wujna. Fulaeyaxaelpon, japon kaes pejme paklonaxael. Me-ama xan, jachiyaxilon, japon wujna chajia duk xot Diosxotse’ —an xan” —aech Juan, jiw bautisan, Cristo pejpasaxliajwa.

¹⁶ Cristo xabich nejxasink puexa jiw. Samata, isful pomatkoicha pachaempoxan xatisliajwa. ¹⁷ Moisés, judíos pejuwajnapijin, chajiakolaxtat japon naewujnan judíos Dios tato'alpoxan. Baxael, Cristo pat japon chiekal jiw naewujnaliajwa Dios pejnejaxisyax jiwliajwa. Naewujanbejpon diachwujnakolaxpox. ¹⁸ Kaen aton tae-el Dios. Pe Dios paxulan, dukpon paxxotse, japonlax chiekal matabijt pax Dios. Samata, japon pijaxtat matabijas, ma-aech Dios.

Juan, jiw bautisan, wujnachaemtaspox jiw, japon Cristo wut

(Mt 3.11-12; Mr 1.7-8; Lc 3.15-17)

¹⁹ Asamatkoi wut, judíospaklochow, Jerusalén paklowaxpijiw, japi to'a sacerdotes Juan poxade. To'abej kajachawaetpi sacerdotes. Japi to'as wujnachaemsliajwapi Juan. Pat wuti Juanxot, japi jum-aech:

—¿Xamkat achanam? ¿Xamkatlap Dios to'asponam? —aechi Juanliajwa.

²⁰ Juan diachwujnakolax chiekal paei. Samata, jumnot wut, jum-aechon japi jiw chiekal jumtaeliajwa:

—Xan Cristowa-enil. Dios to'aspona-enil puexa jiw bu'weliajwan —aech Juan.

²¹ Japi pejme wujnachaemt wut, jum-aechi:

—¿Xamkat achanam? ¿Xamkatlap Elías, Dios pejprofetam? —aechi Juanliajwa.

Juan jumnot wut, jum-aechon japiajwa:

—Xan japona-enilbej —aechon.

Do jawut, pejme wuajna chaemt wut, jum-aechi:

—¿Xamkatlap asanam ‘Dios pejprofeta, fulaeyaxaelpon’ —tisonam? —aechi Juanliajwa.

Jawut, Juan jumnot wut, jum-aechon:

—Xan japona-enilbej —aechon.

²² Japi pejme jum-aech:

—Xam Dios pejprofeta-emil wut, ¿achanamkat xam? Xanal xalaesian wuajan nato'apiliajwa. ¿Achaxkat xanal najumchixaelam xam najutliajwa? —aechi Juanliajwa.

²³ Do jawut, Juan jumnot wut, jum-aechon wuajna chaemtaspijiajwa:

—Xan patx, pajilaxtat nejlasfulax wut jumchiliajwan: ‘¡Kofim babijaxan isfulampoxan! ¡Ja-amde japox wajpaklonliajwa! Ja-am wut, me-ama jiw wuajna nuamt chiekal chaemt paklon pasliajwa, jachixaelam nejnejchaxoelaxantat’ —ansfulax, me-ama Isaías, Dios pejprofeta chajia jum-aech —aech Juan, jiw bautisan, wuajna chaemtaspijiajwa.

²⁴ Fariseos to'aspibej, japi wuajna chaemt wut, jum-aechi Juanliajwa:

²⁵ —Xam Cristowa-emil wut, Elías-emil wutbej, asan Dios pejprofeta-emil wutbej, ¿ma-aech xotkat xam jiw bautisam? —aechi Juanliajwa.

²⁶ Juan jumnot wut, jum-aechon fariseos to'aspiliajwa:

—Xan jiw bautisax mintat, japi jiw babijaxan ispoxan kofapi. Pe asan xatisxotpon, japon xamal matabija-emilfuk. ²⁷ Japon wuajna xan fulaenx. Fulaeyaxaelponliajwa xan pachaema-enil japon pejkajachawaesnanliajwa, japon kaes pejme paklon xot. Samata, xan pachaema-enil jolsliajwan japon pejtuxaxoelax —aech Juan fariseos to'aspiliajwa.

²⁸ Jasoxtat Juan wuajna chaemtas Betania paklowaxxot, Jordánlajt we-enlelde, juimt julanlelsan, Juan jiw bautisafuxot.

Cristo, me-ama Dios pejcordero, ja-aechpox

²⁹ Kandiawa wut, Juan taen Jesús, mox fulaen wut japonlel. Jawut Juan jum-aech jiwliajwa: “¡Tae'nik! Amponlap, me-ama Dios pejcordero, ja-aechpon. Japon asamatkoi tux wut, mosaxael puexa jiw babijaxan ispoxanliajwa. ³⁰ Japonliajwa xan chajia jum-an: ‘Xan fulaenx japon wuajna. Fulaeyaxaelpon, japon kaes pejme paklonaxael. Me-ama xan jachixaxilon, japon chajia wuajna duk xot Diosxotse’ —an xan. ³¹ Majt japon xan chiekal matabijs-enil. Pe xan fulaenx jiw bautisaliawwan mintat, Israel tuajnuapijiw matabijaliawwapi japon” —aech Juan jiwliajwa, jum-aech wuton Cristoliawwa.

³² Do pejme Juan jum-aech jiwliajwa: “Xan taenx, Espíritu Santo athusik fuloek wut a-utat Jesús pejmatwuajasic. Fulok wut, na-eton japonxot. ³³ Majt xan chiekal matabijs-enilfuk, achan Cristo. Ja-an wut, Dios, xan nato'apon jiw bautisaliawwan mintat, chajia najum-aechon: ‘Taenam wut Espíritu Santo, fuloek wut aton matwuajasic nalesliawwa japonxot, japonlap Cristowaxael. Do jawux, japon to'axael Espíritu Santo xamal nejmatpuxatanxotaliawwa’ —na-aech Dios. ³⁴ Xan japox taenx. Samata, Jesúsliawwa jum-an: ‘Diachwuajnakolax japon Dios paxulan’ —an xan” —aech Juan, jiw bautisan, jiwliawwa.

Jesús matxoelamakanotpox poejiw, japon pejnachalaliawwa

³⁵ Do kandiawa wut, Juan, jiw bautisan, pejme jaxoton, kolenje pejnachalan suapich.

³⁶ Juan taen wut Jesús xensax, jawut jum-aechon japi kolenjeliawwa:

—¡Tae'nik ampon, me-ama Dios pejcordero, ja-aechpon! —aech Juan kolenje pejnachalanliawwa.

³⁷ Japi kolenje, Juan pejnachalan, jumtaen wuti Juan jum-aechpox, japi fulafol Jesús.

³⁸ Do jawut, Jesús wultataen wut, taenon fulafospi. Jawut wuajna chaemt wut, jum-aechon japijiajwa:

—¿Achaxkat xamal wulwekam? —aech Jesús japijiajwa.

Japi jumnot wut, jum-aechi:

—Jiw chanaekabuanan, ¿amxotkat xam dukam? —aech Jesúsliajwa.

³⁹ Jesús jümnot wüt, jüm-aechon japiliajwa:

—¡Xabua't xan dukxot taeliajwam! —aech Jesús japiliajwa.

Do jawüt, japi nakfol Jesús. Do jawütbej, japi taen Jesús dukxot. Jawüt japi nama japonxot, xabich tuila xotliso.

⁴⁰ Juan, jiw bautisan, jüm-aechpox jümtaenpi, japixot kaen pawul Andrés. Japon Simón Pedro pakoewan. ⁴¹ Do buxtoet wüt nospaeyax, Jesús suapich, jawüt Andrés wulwek pakoewan, japon pawulpon Simón. Faen wüt, jüm-aechon pakoewanliajwa:

—Xanal taenx Mesías —aechon. ('Mesías' —aech wüt, japajame jümchiliajwa: 'Cristo, Dios to'aspon jiw bu'welija' —chiliajwapox.)

⁴² Do jawüt, Andrés buflaechon Simón Jesús poxade. Jesús taen wüt, jüm-aechon Simónliajwa:

—Xam nejwul Simón, Jonás paxulnam. Pe amwütjel xam nawulaxael Cefas —aech Jesús. (Japawul jümchiliajwa: 'Pedro' —chiliajwa.)

Jesús tadutpox Felipe, Natanaelbej, japi japon pejnachalaliajwa

⁴³ Kandiawa wüt, Jesús nejchaxoel Galilea tuajnu poxade fulaeliajwade. Jawüt Jesús taen Felipe. Samata, Jesús jüm-aech Felipeliajwa:

—¡Xan nakfalaem tajnachalnamliajwa! —aech Jesús Felipeliajwa.

⁴⁴ Felipe Betsaida paklowaxpijin. Andrésbej, Pedro suapich, japibej Betsaida paklowaxpijiw. ⁴⁵ Jawüt Felipe fulaech Natanael wulwekaliajwa. Faen wüt, jüm-aechon:

—Xan taenx Mesías. Me-ama Moisés chajia lelpox jüm-aech, ja-aechliso. Japon patlison. Me-ama Dios pejprofetas chajia lelpoxan jüm-aech japon pasaxaelpox, japox ja-aechliso. Japon Jesús, José paxulan. Japonbej Nazaret paklowaxpijin —aech Felipe Natanaelliajwa.

⁴⁶ Natanael jüm-aech Felipeliajwa:

—Nazaret paklowaxpijiw pachaema-el. Samata, japixot kaen aton ajil xabich pachaempon —aech Natanael.

Felipe jümnot wüt, jüm-aechon Natanaelliajwa:

—¡Xabua't xam taeliajwam Jesús! —aech Felipe Natanaelliajwa.

⁴⁷ Jesús taen wüt Natanael fulaenox, do jawüt, Jesús jüm-aech Natanaelliajwa:

—¡Taem! Ama fulaen Israel tuajnupijin, japon chinax jiw naekichachajba-el —aech Jesús Natanaelliajwa.

⁴⁸ Do jawüt, Natanael wuajnaemt wüt, jüm-aechon Jesúsliajwa:

—¿Ma-aech xotkat namatabijtam? —aech Natanael Jesúsliajwa.

Jesús jümnot wüt, jüm-aechon:

—Xan taenx, xam ekam wüt atuaj higonaebuxfaltat, nakoewan Felipe jümchi-el wutfuk xanliajwa —aech Jesús.

⁴⁹ Do jawüt, Natanael jüm-aech:

—Jiw chanaekabuanan, xam diachwuajnakolax Dios paxulnam, jasoxtat chajia atuaj namatabijtam xot. Xam judíos pejreynam —aech Natanael Jesúsliajwa.

⁵⁰ Jesús jüm-aech Natanaelliajwa:

—Xam chiekal nanaexasitam, jüm-an wüt: 'Xan taenx, xam ekam wüt higonaebuxfaltat' —an wüt. Xam taeyaxaelam, kaes pejme pachaempoxan xan isx wüt. Me-ama amprox, jachiyaxil —aech Jesús Natanaelliajwa.

⁵¹ Jesús pejme jüm-aech:

—Diachwuajnakolax xan jüm-an. Xamal taeyaxaelam, athu fafa'ch wüt xan tajmatwuajajak. Do jawütbej, taeyaxaelam xabich Dios pej-ángeles fafa'chxotsik, jajulaxoei wüt, xanxot, puexa jiw pakoewkolnanxot. Do jawütbej, taeyaxaelam asew ángeles balaloeyaxoek wüt xanxotsik —aech Jesús Natanaelliajwa.

2

Caná paklowaxtat fiesta ispox, aton nakjiya wut Galilea tuajnuxot

¹ Do jawux, tres matkoi wut, kaen aton nakjiya Caná paklowaxtat, Galilea tuajnuxot. Jesús pen jaxotbej. ² Jesúsbej taduch taeliajwa nakjiyafiesta, xanal pejnachalwan suapich. ³ Dolis, baxael, vino wetoepslisi. Do jawut, Jesús pen jum-aech Jesúsliajwa: —Japi vino wetoeps. ¿Achaxkat xam isaxaelam? —aechow paxulanliajwa.

⁴ Jesús jumnot wut, jum-aechon penliajwa: —En, ¿ma-aech xotkat xan japox najum-am? Xan tajmatkoi nawepas-elfuk jiw itpaeliajwan, achanan xan —aech Jesús penliajwa.

⁵ (Jesús pen matabijt japon xajuprox isliajwa koechaxan.) Samata, jum-aechow naxaeyaxan cha-efulpiliajwa mesaxot: —¿Isde puexa Jesús to'apox! —aechow.

⁶ Jaxot seis ia'kuanar chalak. Japakuanar xabich pinanul minliajwa, judíos xabich kekakiasliajwa xaeliajwa wut. Jasox pejkabuanan japi judíos. Kaenanula kuanar xajup, me-ama setenta litros. ⁷ Jesús jum-aech naxaeyaxan cha-efulpiliajwa:

—¿Puexa ampi kuanar min wuluim! —aechon.

Do jawut, chiekal min wululisi japakuanar. ⁸ Jawut Jesús jum-aech:

—¿Min powim! ¿Kaesuapich ampamin xalaemch nejpaklon poxade! —aech Jesús.

Do jawut, japi ow-aechlisi. Jawut xalaechlisi naxaeyaxan cha-efulpi pejpaklon poxade. ⁹ Pejpaklon vino xapaejla wut, matabijs-elon min vino nadofapot. Naxaeyaxan cha-efulpilax matabija japox, japi pajut min powa xot. Do jawut, pejpaklon la, pajelnakjiyan. Jum-aechon japonliajwa:

¹⁰ —Asew jiw fiesta is wut, vino pachaempot matxoela duajti jiw. Do jawux, taduchpi xabich af wut, vino omjilpot duajti. Xamlax vino, kaes pachaempot, xanal naduajtam amwutjel —aechon.

¹¹ Japox Jesús is wut Caná paklowaxot, japoxlap matxoelapijax, koechax. Jesús japox is wut, itpaei pejpamamax. Samata, xanal, japon pejnachalwan, naexasitx diachwujnakolax Jesús Dios to'aspon.

¹² Do baxael, Jesús, pen suapich, japon pakoewbej, xanal pejnachalwanbej, fulaechx Capernaum paklowax poxade. Jaxotde kaematkoian suapich xanal namax.

Jesús to'apox nakolaliajwa Dios pejtemplobatat mowapi, wuajtibej

(Mt 21.12-13; Mr 11.15-18; Lc 19.45-46)

¹³ Moxsful Pascuafiesta, judíos pejfiesta. Samata, Jesús fulaech Jerusalén paklowax poxade, xanal japon pejnachalwan suapichbej. ¹⁴ Dios pejtemplobafulmaktxot, Jesús taen jiw mowapi pak, oveja, a-ubej. Jaxot taenbejpon, chalak wut plata xanafokpi jiwliajwa. ¹⁵ Jesús japox taen wut, muat fa'ton japi jiw selsliajwa. To'apon puexa japi jiw nakolaliajwa, puexa pej-ovejás suapich, pejew pak suapichbej. Plata xanafoki japi pejmesaxan wefuliaxabapon. Japi pejplata wenatacholnas satadik. ¹⁶ Jum-aechon a-u mowapiliajwa:

—¿Ampi a-u jukde ampabafulmaktxot! ¿Taj-ax pejba mowaba nabej padofa! —aech Jesús.

¹⁷ Do jawut, xanal japon pejnachalwan, nejchafaetx Dios pejjamechan chajia jum-aechpox Mesías jumchiyaxaelpoxliajwa. Japox jum-aech: “Ax, xanbej xabich nejxas-inkax jiw sitaeliajwa nejba. Pe ampi jiw sitae-el nejba. Samata, xan xabich talala japi jiwliajwa” —aechox.

¹⁸ Do jawut, judíospaklochow palaeyajametat jum-aechi Jesúsliajwa:

—¿Najum-amde, ma-aech xotkat xam japox isam! ¿Achankat xam to'a? —aechi.

¹⁹ Jesús jumnot wut, jum-aechon:

—Xamal toetam wut ampateploba, xan pejme mat-esaxaelen, tres matkoi wut —aech Jesús.

²⁰ Do jawut, judíospaklochow jum-aech:

—Ampatemploba isas wut, isas cuarenta y seis waechan. Xam xajupaximil pejme isliajwam ampateľploba tres matkoitat —aech judíospaklochow.

²¹ Jesús japox jum-aech wut, jumchi-elon templobaliajwa. Japon japox jum-aech wut, jum-aechon pajut pejbu'tliajwa. ²² Samata, xanal, japon pejnachalwan, baxael, Jesús tɔp wut, mat-ech wutbejpon, pejme duk wuton, jawut, xanal nejchafaetx Jesús chajia jum-aechpox japon pajut pejbu'tliajwa.

Jesús matabijtpox jiw pejnechaxoelaxan

²³ Jesús Jerusalén paklowaxxot wut, Pascuafiesta wut, xabich jiw naexasiti japon Cristopon, Dios to'aspon, taen wuti koechaxan, Jesús ispoxan. ²⁴ Pelax Jesús xanaboejs-el japi jiw, matabijt xoton puexa jiwliajwa. ²⁵ Samata, Jesús wewe'pa-esal asew jiw chapaeliajwas jiwliajwa, pajut chiekal matabijt xoton jiw pejnechaxoelaxan.

3

Jesús nospaeipox, Nicodemo swapich

¹ Nicodemo, japon fariseos-aton. Japonbej paklon judíosxot. ² Do madoi wut, Nicodemo fɔlaech nospaeliajwa, Jesús swapich. Jesúsxot pat wut, jum-aechon:

—Jiw chanaekabuanan, xanal chiekal xam matabijtax xam Dios to'aponam xanal nanaewuajnalajwam. Taenx, xam koechaxan isam wut Dios pejpamamaxtat. Xanal matabijaxbej ampox. Dios chaxdusaxil wut pamamax, xam koechaxan isaximil —aech Nicodemo.

³ Do jawut, Jesús jum-aech:

—Diachwuajnakolax xan jum-an. Aton nalaels-el wut pejme, japon Diosxotse pasaxil —aechon.

⁴ Nicodemo pejme wuajnaemnt wut, jum-aechon:

—¿Machiyaxaelkat aton pati'in wut, pejme nalaelsliajwa penxot? Aton pejme leyaxil pen pejwoejtat pejme nalaelsliajwa —aech Nicodemo.

⁵ Jesús jumnot wut, jum-aechon:

—Diachwuajnakolax xan jum-an. Aton matxoela nalaelt penxot. Do jawux, nalaelsaxaelon Espiritu Santo pijaxtat. Aton nalaels-el wut Espiritu Santo pijaxtat, japon aton pasaxil Diosxotse. ⁶ Paxjiw isaspoxantat nalaelapi, japi jiwkal. Pe Espiritu Santo pijaxtat nalaelapi, japi jiw duilafɔlaxael Dios pijaxtat. ⁷ ¿Xam xabich nabej nejchaxoele', japox jum-an wut xamliajwa: 'Puexa jiw wewe'pas pejme nalaelaliajwa. Pejme nalaela-el wuti, japi Diosxotaxil' —an wut xamliajwa! ⁸ Joewa nejmach wik. Joewa nejmet wut, thiataens. Pe tae-esal joewa. Tae-esal amxot fɔlaen. Tae-esalbej ampoxade fɔlaech. Ja-aechlap-is Espiritu Santo, japon pijaxtat jiw pejme nalaela wut. Japi taeyaxisal waj-itfutut nalaela wuti Espiritu Santo pijaxtat —aech Jesús Nicodemoliajwa.

⁹ Do pejme Nicodemo wuajnaemnt wut, jum-aechon:

—¿Achax chiyaxaelkat xam jum-ampox? —aechon.

¹⁰ Jesús jumnot wut, jum-aechon:

—Xam judíos chanaekabuanamponam. Pe xam japoxan matabijs-emilfuk.

¹¹ Diachwuajnakolax xan jum-an. Xanal jum-an matabijaxpoxan. Xanal jum-anbej taenxpoxan. Pe xamal naexasis-emil xanal jum-anpoxan. ¹² Naexasis-emil wut xan jum-anpox ampaxthapijaxanliajwa, ¿machiyaxaelamkatlax matabijsliajwam, xan jum-an wut Diosxotsepoxanliajwa? —aech Jesús Nicodemoliajwa.

¹³ Jesús pejme jum-aech: “Nejmach-aton pajut pijaxtat pasaxil Diosxotse. Xanlax kaenan, puexa jiw pakoewkolnan, Diosxotsik fuloekxponan. Chiekal matabijtax, ma-aech Diosxotse. Xanlap tajut pejme japoxaxoeyan. ¹⁴⁻¹⁵ (Chajiakolaxtat xabich jiw tɔp pajilaxtat, xabich jom liklas wuti.) Asew jom liklaspoxtat chatupasia wut, Moisés jom-ael is broncet. Japox naetat athu chanoton israelitas tɔpax natoenasamata. Israelitas japox natachaema wut, kaes tɔpafɔla-eli. Asamatkoi xanliajwabej, me-ama japox jachiyaxael, xan, puexa jiw pakoewkolnanliajwa, asew jiw nachanosaxael wut.

Nejmachjiw xan nanaexasit wut, japi jiw xan bu'weyaxaelen pomatkoicha duilaliajwa Diosxotse" —aech Jesús Nicodemoliajwa.

Dios nejxasinkpox ampathatpijiw

¹⁶ Jesús pejme jum-aech Nicodemoliajwa: "Dios ampathatpijiw xabich nejxasink. Samata, xan kaekolnan, japon paxulnan, nato'akon ampathatasik xan tupaliajwan, mosliajwan ampathatpijiw babijaxan ispoxanliajwa. Xan nanaexasitpi, japi jiw asamatkoi tup wut, napelsaxili. Japi jiw pomatkoicha duilaxael Diosxotse. ¹⁷ Dios xan nato'a jiw bu'welijaowan ampathatat. Dios xan nato'a-el jiw jumchiliajwan: 'Ampi jiw kastikaxaes, babijaxan is xot' —chiliajwan.

¹⁸ "Xan nanaexasiti Dios paxulnanponan, japi infierno poxaxildiki. Pelax xan nanaexasis-elpi, japi infierno poxaxaek jaxotdik kastikaliajwas, chajia jumtis xoti japi kastikaliajwas, xan nanaexasis-el xoti, xan kaenan, Dios paxulnanponan. ¹⁹ Xan nanaexasis-elpiliajwa, japi jiwliajwa, chajia jumtis kastikaxaes, babijaxan is xoti. Xan fuloekx ampathatasik jiw matabijaliajwa Dios. Xan, me-ama itliakax jiw chiekal matabijaliajwa Dios. Pe jiw nejxasinka-el japi matabijaliajwa Dios. Xan, me-ama itliakaxponan. Pe nakiowa, jiw namastaen. Japi jiw, babijaxan isasiapi, japox islisi. Samata, japi jiw kaes nejxasink itkuatax, isful xot babijaxan. Samata, xan namastaen xot, japi jiw kastikaxaes. ²⁰ Puexa jiw, babijaxan ispi, japi jiw xan nanejwesla, me-ama itliakaxponan xot, itpaeyaxaelen xot japi babijaxan ispoxan. Japi jiw mox pas-el xanxot taesamatan, japi babijaxan is wut. ²¹ Pelax Dios naexasiti, japi isful pachaempoxan, me-ama Dios to'a. Ja-aech wut, japi jiw moxa xanxot. Isfulbejpi pachaempoxan, Dios nejxasinkpoxan, puexa jiw taeliajwas" —aech Jesús Nicodemoliajwa.

Juan, jiw bautisan, pejme jum-aechpox Jesúsliajwa

²² Jesús japox buxtoet wut, falaechon, xanal pejnachalwan swapich, Judea tuajnuel. Do jaxotde kaematkoivan swapich xanal bautisax asew jiw. ²³⁻²⁴ Juan, jiw bautisan, jiw jebaxot je-esal wutfuk, japonbej bautisaful jiw Enón tuajnuxot, mox Salim tuajnuxot. Jaxot xabich minxot, Juan jiw bautisaful.

²⁵ Do jawux, Juan pejnachala nalot, asan judíos-aton swapich. Japi nabunlot bautisax. Jawut najum-aechi nakaewaliajwa: "Nakbautisa wut, ¿achan pejbautisaxkat kaes pejme pachaem, xatis chiekal pachaemaliajwas Diosliajwa?" na-aechi. ²⁶ Do jawux, Juan pejnachala mox soepa Juanxot nospaeliajwa japoxliajwa. Jum-aechi Juanliajwa:

—Jiw chanaekabuanan, xatis Jordánlajt weskleldas wut, xam chajia jum-amponliajwa xanalliajwa, amwutjel japon jiw bautisaful. Xabich jiw fulafosbejpon —aech Juan pejnachala Juanliajwa.

²⁷ Do jawut, Juan jumnot wut, jum-aechon pejnachala chiekal jumtaeliajwapi Jesúsliajwa:

—Dios pajut nejchaxoel kaenanula jiwliajwa, achan pejme pachaemaxael. ²⁸ Xamal najut chiekal xan najumtaenam, chajia jum-an wut: 'Xan Cristowa-enil. Xan asbuan jumch atonan, matxoelanato'aponan Cristo wuajna' —an wut, xan. ²⁹ Aton pawis fit wut pijowliajwa, pejnachala xabich nejchachaemil japon atonliajwa. Pejnachala wuajnawet nakjiyaxaelpon pasaxaelxot. Japon aton pat wut, nospaei wutbejpon, pejbabijnaw swapich, japon pejnachala xabich nejchachaemlaxael. Xanbej ja-an. Xabich nejchachaemlax, xabich jiw Jesús fulafos wut. ³⁰ Samata, Jesús kaes pejme xabich jiw fulnanuamsaxaeson. Xan ja-enil —aech Juan, pajutliajwa jum-aech wuton pejnachalaliajwa.

Jesús fuloekpox athulelsik

³¹ Aton ampathatpijin, japon diachwuajnakolax ampathatpijinkal. Samata, jum-aechon ampathatpijaxankal. Pelax Jesús, fuloekpon athulelsik, japon kaes pejme paklon. Me-ama asew jiw, jachi-elon. ³² Japonbej jum-aech taenpoxan, jumtaenpoxanbej, Diosxotse. Pe jiw naexasis-el japon jum-aechpoxan. ³³ Asew naexasit wut japon jum-aechpoxan, ja-aech wut, asew jiw matabijaxael Dios jum-aechpox diachwuajnakolax.

³⁴ Jesús, Dios to'aspon, jum-aechful Dios jum-aechpoxan, Espíritu Santo kajachawaesfulas xot. ³⁵ Dios xabich nejxasink paxulan. Samata, chaxduton pejpamamax paxulanliajwa, puexa tato'laliajwapon. ³⁶ Dios paxulan naexasiti, japi jiw pomatkoicha duilaxael Diosxotse. Pe naexasis-eli Dios paxulan, japi duilaxil Diosxotse. Japilax Dios xabich kastikaxaes.

4

Jesús nospaeipox, Samaria tuajnapijow suapich

¹ Fariseos wultaen Jesús kaes pejme xabich pejnachalapox. Wultaenbejpi Jesús kaes pejme jiw bautisapox. Me-ama Juan, jachi-elpon. ² Jesús pajut jiw bautisa-el. Pe xanal, japon pejnachalwan, jiw bautisax. ³ Samata, Jesús matabijit wut fariseos wultaenspox japonliajwa, do jawut, nakolt wut Judea tuajnuxot, xanalbej nakolax, Jesús suapich. Nawiax kaxade, Galilea tuajnu poxade.

⁴ Xanal fulaechx Samaria tuajnu poxade, pasliajwa Galilea tuajnu. ⁵ Ja-an wut, xanal patx Sicar paklowax, Samaria tuajnuxot. Jaxot mox, Jacob chajia paxulan José chaxdutsat. Japasatbej José pamowjiwliajwa. ⁶ Jaxot minmuth, Jacob chajia kowpox. Do jawut, Jesús xabich damal, atuaj fol xoton. Samata, minmuthxot ekon, mox pawuajna wut juimt matnoch ekaliajwa. ⁷⁻⁸ Dolisdo', xanal, Jesús pejnachalwan, fulaechxlis paklowax poxade wuajsliajwan naxaeyaxan. Do jawut, Jesús tamach ekaful wut minmuthxot, kaeow pawis pa'an mint posliajwa. Japow Samaria tuajnapijow. Do jawut, Jesús jum-aech japowliajwa: —¡Mint xan nachaxdu'e feliajwan! —aech Jesús japowliajwa.

⁹ Samaria tuajnapijow jum-aech Jesúsliajwa:

—¿Ma-aech xotkat mint nawuljowam, xam judíos-atonam wut? ¿Xamkat matabijs-emil xan Samaria tuajnapijwanpox? —aechow. (Judíos pachaemaxil. Nospaeyaxilbejpi, Samaria tuajnapijiw suapich, japi pejkabuan xot japox. Samata, japow jum-aech japox Jesúsliajwa.)

¹⁰ Do jawut, Jesús jumnot wut, jum-aechon japowliajwa:

—Xam matabijs-emilfuk Dios chaxdusaxaelpox. Matabijs-emilbej, mint wuljowpon. Chil xam xan namatabijtam wut, chil ja-aech wut, xam nawuljoeyaxaelam mint pachaempot. Ja-am wut, xam chaxdusaxaelen mint, me-ama Dios pejmint. Japot mint pomatkoichaliajwa —aech Jesús japowliajwa.

¹¹ Do jawut, japow jum-aech:

—Tajpaklon, minmuth xabich funiachdik. Xam kejmil posliajwam mint. ¿Amxotkat xam mint posaxaelam xan nachaxdusliajwam, Dios pejmint, pomatkoichaxaelpot?

¹² Xanal tajwuajnapijin, Jacob, ampaminmuth nawewaelsnadoft xanalliajwa. Japon pajut ampamin af, paxi suapich, pejchoefbej. ¿Xamkat kaes pejme paklonam, me-ama Jacob jachi-emil? —aechow Jesúsliajwa.

¹³ Jesús jumnot wut, jum-aechon japowliajwa:

—Puexa jiw, ampamin afpi, pejme minsila. ¹⁴ Pe xan jiw chaxduwx wut Dios pejmint, japamint af wuti, japi jiw kaes minsilaxil. Japamint xan chaxduiyaxaelen, me-ama min, nakolanmin satxotsin. Japamint, Dios pejmint. Japamint toepaxil. Japamin jiw af wut, pomatkoicha duilaxael —aech Jesús japowliajwa.

¹⁵ Do jawut, japow jum-aech:

—¡Japamint nachaxdu'e, xan pejme minsilasamatan, xan pejme fulaesamatanbej ampaminmuthlel, kaes mint pos-elaliajwanbej! —aechow.

¹⁶ Jesús pejme jum-aech japowliajwa:

—¡Xabua'de! ¡Wuljae'mich nejmol! ¡Do pejme kaxamin, nejmol suapich! —aech Jesús.

¹⁷ Japow jumnot wut, jum-aechow:

—Xan tamachpijwan —aechow.

Do jawut, Jesús jum-aech:

—Xam chiekal jəm-am, ‘Xan tamachpijwan’ —am wūt. ¹⁸ Pe xam cinco nejmol. Ampamatkoijan xam nakmoejtpon, japon nejmola-el. Diachwəajnakolax xam chiekal jəm-am, ‘Xan tamachpijwan’ —am wūt —aech Jesús.

¹⁹ Japox jəmtaen wūt, jəm-aechow:

—Tajpaklon, xamkas Dios pejprofetam. ²⁰ Xanal tajwəajnapijiw, Samaria təajnprijiw, Dios kawəajan ampaməaxxot, pejsitaeyax itpaeliajwapi Diosliajwa. Xamal judíos jəm-am: “Dios kawəajnaes Jerusalén paklowaxxot, wajsitaeyax itpaeliajwas Dios” —am xamal —aechow Jesúsliajwa.

²¹ Jesús jəmnot wūt, jəm-aechon japowliajwa:

—¡Xan nanaexasi'e! Kaematkoijan wūt, puexa xamal fəlaeyaximil ampaməax poxadin nejsitaeyax itpaeliajwam Dios. Fəlaeyaximilbej Jerusalén paklowax poxade Dios kawəajnalijwam. ²² Xamal, Samaria təajnprijwam, nejsitaeyax itpaeyam Dios. Pe xamal chiekal matabija-emilfək Dios. Xanal judíos chiekal matabijtax Dios, xanal Dios namakanot xot japon pejiwaliajwan. Samata, Mesías, judíos-aton, japon nakbə'weyaxael ampahatpijwas. ²³ Amwətjel, baxaelbej, jiw pejsitaeyax itpaeyaxael xabich nejthə'axtat Diosliajwa, Dios xabich nejxasink xoti. ²⁴ Dios, japon espíritu. Samata, jiw pajut taeyaxil japon. Samatabej, Dios naexasiti, japi chiekal sitaeyaxael Dios —aech Jesús Samaria təajnprijwaliajwa.

²⁵ Do jawūt, jəm-aechow:

—Xan matabijtax Mesías fəloeyaxoekpox, japon pawəl Cristo. Japon fəloek wūt, puexa chiekal nakchanaekabəanaxaelon —aechow.

²⁶ Do jawūt, Jesús jəm-aech:

—Xanlap japonan, nospaeipon, xam səapich —aech Jesús japowliajwa.

²⁷ Do jawūt, xanal, japon pejnachalwan, patx japonxot. Natachaemax wūt, nejchaxoelanuilxbej, Jesús nospaei xot, pawis səapich. Pe xanal wəajnachaeims-enil, ma-aech xot Jesús nospaei, japow səapich. Wəajnachaeims-enilbej achaxliajwa nospaeipon, japow səapich. ²⁸ Do jawūt, jaxot pejkuarnat waelsnadoftow. Fəlaechlisow paklowax poxade. Jaxotde pa'a wūt, jəm-aechow pejiwliajwa:

²⁹ —¡Xabəa't taelijwam kaen aton, xan najəm-aechpon puexa chajia isxpoxanliajwa! Japon bej Mesíasbej —aechow.

³⁰ Do jawūt, puexa japi jiw nakola paklowaxxot. Fəlaenlisi Jesúslel. ³¹ Jawütlejen, japi fəlaen wütfək, xanal Jesús kaechato'ax naxaeyax xaelijwapon. Jəm-an japonliajwa:

—Jiw chanaekabəanan, ¡naxaeyax xaem! —an xanal.

³² Do jawūt, Jesús xanal najəmnot wūt, jəm-aechon:

—Amxot xabich tajnaxaeyax. Japanaxaeyax xamal matabija-emil —aech Jesús xanal pejnachalwanliajwa.

³³ Jawūt xanalkal nawəajnachaeimtax wūt, jəm-an:

—Asan chajia bej xalwəajxafosbejpon naxaeyax —an xanal.

³⁴ Pe jawūt, Jesús xanal najəm-aech:

—Jiw xael wūt, chawəlanejchachaemil. Xanlax nejchachaemlax, isx wūt Dios nejxasinkpoxan, toetx xotbej isxpoxan, japon nato'apoxan. ³⁵ Xamal jəm-am: ‘Naboela wūt, we'p cuatro juimt jolaliajwa’ —am xamal. Pelax xan jəm-an: ‘¡Tae'nik jiw fəlaenpi! Puexa japi thiltlisi naewesliajwa Dios pejjamechan. Me-ama muthaspi jolaliajwa malisi pachaem, ja-aech japi jiw’ —an xan —na-aech Jesús xanallijwa.

³⁶ Jesús pejme xanal najəm-aech:

—Trigo jolpi moch wūt, nejchachaemili, toet wüti trigo jolax. Ja-aechlap-is Dios pejjamechan naewəajanpi, asey jiw naexasit wūt. Asamatkoi japibej xabich nejchachaemlaxael Diosxotse. Matxoelanaewəajanpi Dios pejjamechan, japibej xabich nejchachaemlaxael. Puexa japi kaeyaxtat nejchachaemlaxael Diosxotse. ³⁷ Chajia jəm-aechpox diachwəajnakolax, jəm-aech wütox: ‘Asey jiw matxoela pela. Do jawux, asey jiw wachakal pat jolaliajwa’ —aech wütox. (Japox jəmchiliajwa: ‘Asey jiw matxoela naewəajan Dios pejjamechan. Pe jawūt, naeweti naexasis-el Dios pejjamechan.

Do jawux, asew jiw pejme naewuajnas wuti, jawut japi jiw naexasitlisi chiekal Dios pejjamechan' —chiliajwa japox.)³⁸ Xamal keto'ax jolaliajwam pela-emilxot. Asew jiw jaxot xabich matxoela nabist. Amwutjel pachaem xamal jolaliajwam, japi chiekal ti't xotlisi. Japox jumchiliajwa: 'Xamal jiw naewuajnam wut Dios pejjamechan, japi naexasisasia Dios pejjamechan. Majt japi jiw asew jiw naewuajnas Dios pejjamechan. Amwutjel pachaem, xamal wuajna asew jiw chajia naewuajan xot Dios pejjamechan japatuajnujijwxot' —chiliajwa japox —aech Jesús xanalliajwa.

³⁹ Xabich Sicar paklowaxpijiw, Samaria tuajnujijiw, naexasiti Jesús, japow chapaei xot Jesúsliajwa. Chajia jum-aechow: "Japon aton jum-aech xan puexa chajia isxpoxanliajwa" —aech xotow japi jiwliajwa. ⁴⁰ Do jawut, Samaria tuajnujijiw fulaen Jesúslel. Jawut fiatipon namanaliajwa japixot. Samata, Jesús jaxot naman kolematkoije. ⁴¹ Jesús pajut jiw naewuajan wut, xabich kaes jiw naeweti naexasichbejpon. ⁴² Do jawut, japatuajnujijiw jum-aechi japowliajwa:

—Amwutjel xanal naexasitx wut Jesús, xanal naexasis-enil xam nachapaeyam-poxkalliajwa japonliajwa. Pe amwutjel, xanal tajut chiekal jumtaenx xot, Jesús pajut jum-aech wut, japon naexasitx. Samata, chiekal matabijtax japon Jesús diachwuajnakolax Cristo, bu'weliajwapon ampathatpijiw —aech japi jiw japowliajwa.

Jesús boejthutpox reyliajwa nabistpon paxulan

⁴³ Kolematkoije xent wut, Jesús chijia wut Sicar paklowaxxot, xanalbej, japon pejnachalwan, chijian, japon suapich. Fulaechx Galilea tuajnujijiw poxade. ⁴⁴ Galilea tuajnujijiw poxandax wut, xanal nejchaxoelx Jesús chajia jum-aechpoxanliajwa, pajutliajwa chajia jum-aech wut xanalliajwa: "Profetas sitaens popaklowaxanpijiw. Pelax pejtujajnujijiw sitae-esal" —aech Jesús, jum-aech wut xanalliajwa. ⁴⁵ Xanal patx wut Galilea tuajnujijiw, japatuajnujijiw xabich nejchachaemil, taen wuti Jesús. Samata, chiekal bu'kultipon, chajia taenxotipon, Pascuafiesta wut Jerusalén paklowaxxot. Japi taen, Jesús koechaxan is wut jaxotde. Samata, xabich nejchachaemili.

⁴⁶ Do jawux, Jesús, xanal suapich, kaxa nawenx Caná paklowax poxadin, Galilea tuajnujijiw. Jaxot majt Jesús mint vino dofapon.

Xanal jaxotan wut, kaen aton pat. Japon reyliajwa nabistpon. Japonbej paklon. Japon paxulan xabich bu'xaenk Capernaum paklowaxxot. ⁴⁷ Japon aton jumtaen wut Jesús patpox Galilea tuajnujijiw, do jawut japon, fulaen Jesús taeliajwa. Japon aton faen wuton Jesús, taduton Jesús nakfulaeliajwas japon pejba poxade, paxulan weboejthusliajwas, paxulan mox pawuajna xot tupaliajwa. ⁴⁸ Do jawut, Jesús jum-aech:

—Xamal nanaexaxisaximil, xan is-enil wut koechaxan xamal taeliajwam —aech Jesús japon atonliajwa.

⁴⁹ Do jawut, reyliajwa nabistpon jum-aechon Jesúsliajwa:

—Tajpaklon, xabua't xan nakfulaeliajwam, taxulan tupax wuajna pasliajwam! —aech japon aton, reyliajwa nabistpon.

⁵⁰ Do jawut, Jesús jum-aech:

—¡Nawia'mich nejba poxade! Naxulan chiekal boejthuslison —aech Jesús japonliajwa.

Japon aton naexasit Jesús jum-aechpox. Samata, nawia'apon pejba poxade.

⁵¹ Reyliajwa nabistpon fol wutfuk, jawut pamak fulaen japon pejbaxot bu'kakulnaliajwapi nuamtat. Do jawut, nuamtat xabu'kakult, jum-aechi pejpaklonliajwa:

—Naxulan chiekal boejthuslison —aechi pejpaklonliajwa.

⁵² Japon wuajnachaeamt wut, jum-aechon:

—¿Achahora wutkat wuajach naweboejthus? —aechon.

Japi jumnot wut, jum-aechi:

—Boejthuson kaeliw, juimt matnoch ek wut —aechi pejpaklonliajwa.

⁵³ Do jawut, japon nejchaxoel. “Kaeliw, juimt matnoch ek wut, Jesús xan najum-aech: ‘Naxulan chiekal boejthulison’ —na-aech Jesús xanliajwa” —aechon, nejchaxoel wut. Samata, japon, puexa pejjiw suapich, bu'naexasiton Jesús.

⁵⁴ Japox Jesús is Galilea tuajnuot, wuchakalkoechax, nawia'an wut Judea tuajnuot.

5

*Jesús boejthut*pox nabejkan, laejaxilpon, Betzata pukachxot

¹ Baxael, asamatkoi, judíos fiesta is wut, Jesús fulaech Jerusalén paklowax poxade, japafiesta naktaeliajwapon. ² Jerusalén paklowaxxot, jaxot cha-aelpukach. Japox poejjiw ispox, pawulox Betzata hebreojametat. Jaxot mox leliajwa paklowax poxadin, ovejas laleyaxxot. Japapukachjumbu'tat cinco bachan, cha-aelbax, chalak. ³ Japabachantat xabich jiw, bu'xaeya, oel. Itliakla, laelpaxilpibej, mamalpibej, japi cha-aelbachantat oel. ⁴ [Dios pej-ángel papaska cha-aelpukach poxasik. Pat wut, min itjuiyapon pukach truxnaliajwa. Min truxan wut, matxoelafulaekpon minadik, japon chiekal nejmachwaxae boejthus. Samata, japi jiw wuajnowet pukach truxnax.] ⁵ Jiw bu'xaeyaxot, japixotbej kaen aton. Japon laejaxil. Japon laeja-elpoxlis, treinta y ocho waechanlisox. ⁶ Jesús jaxot pat wut, taenon japon nabejkan, laeja-elpon. Jesús matabijit wut japon aton nabijatox, laeja-el xoton pin-iawaechan, jawut Jesús wuajnachaemt wut, jum-aechon:

—¿Xamkat laejasiam? —aech Jesús.

⁷ Laeja-elpon jumnot wut, jum-aechon Jesúsliajwa:

—Jiw chanaekabuanan, xan chiekal tamachpijnan. Ajil taj-aton minadik nabuflaeliajwa, pukach truxan wut. Xan fulaesian wut minadik, asan aton matxoela jifulaek minadik —aech japon aton.

⁸ Jesús jum-aech laeja-elponliajwa:

—¡Nande! ¡Sumta-okampox fi'e! ¡Laejimbej! —aech Jesús laeja-elponliajwa.

⁹ Do jawut, japon aton chalechkal chiekal pachaempon. Sumta-okpox fit wut, xalaechlison. Japamatkoi napatamatkoi. ¹⁰ Samata, judíospaklochow japox taen wut, jum-aechi boejthuchponliajwa:

—Ampamatkoi, napatamatkoi, Moisés chajia lelpox tapae-el sumta-okampox xalaejaliajwam, napatamatkoi xot —aech judíospaklochow boejthuchponliajwa.

¹¹ Japon aton jumnot wut, jum-aechon:

—Naboejthutpon najum-aech: ‘¡Sumta-okampox fi'e! ¡Laejimbej!’ —na-aechon —aech boejthuchpon.

¹² Samata, japi wuajnachaemt wut, jum-aechi:

—¿Achankat xam jum-aech: ‘¡Sumta-okampox fi'e! ¡Laejimbej!’ —aechkat? —aech paklochow boejthuchponliajwa.

¹³ Pe japon matabijs-el, achan boejthuchpon, jaxot xabich xot jiw. Jesúsbej jaxot chijialison. ¹⁴ Baxael, Jesús pejme faen japon aton Dios pejtemplobaxot. Jawut Jesús jum-aech:

—Amwutjel xam chiekal pachaemam. ¡Chiekal taem! ¡Kaes nabej is babijaxan, kaes xabich pejme nabijasasamatam! —aech Jesús japon atonliajwa.

¹⁵ Do jawux, japon aton fulaech wut, faenpon judíospaklochow. Jawut jum-aechon japiliajwa:

—Xan naboejthutpon chiekal laejaliajwan, pesal japon Jesús —aech japon aton judíospaklochowliajwa. ¹⁶ Samata, judíospaklochow japox jumtaen wut, xabich palalapi Jesúsliajwa. Do jawux, japi judíospaklochow faen wuti Jesús, japi tasala Jesús, boejthut xoton napatamatkoitat. ¹⁷ Pe Jesús jum-aech japiliajwa:

—Dios, taj-ax, japon jiw kajachawaet pomatkoicha. Me-ama taj-ax, ja-anbej xan. Samata, xanbej jiw kajachawaetx pomatkoicha —aech Jesús japiliajwa.

¹⁸ Jesús japox jum-aech wut, judíospaklochow xabich kaes pejme palalapi Jesúsliajwa. Samata, jawut boesasiapi Jesús, boejthut xoton napatamatkoitat. Jawut xabich boesasiabejpi Jesús, Jesús jum-aech xot: “Dios, taj-ax” —aech xoton. Japox jum-aech wut, jumchiliajwa pajut: “Xan chiekal najurx, Dios suapich” —chiliajwapox.

Dios chaxdutupox pejpamamax paxulanliajwa

¹⁹ Jesús jum-aech judíospaklochowliajwa: “Diachwujnakolax xan jum-an. Xan, Dios paxulan, tajut isasianpoxan xan isaxinil. Taenxroxan, taj-ax isroxan, japoxankal xan isfulax. ²⁰ Taj-ax Dios xan nanejxasink, xan japon paxulan xot. Taj-ax puexa na-itpaei japon isroxan. Na-itpaeyaxaelbejpon koechaxan kaes pejme pachaempoxan. Japoxan isx wut, xamal xabich nejchaxoelanuilaxaelam. ²¹ Taj-ax xajur patupa mat-elijaw, pejme japi jiw duilialijwa. Xanbej, japon paxulan, xajurx patupa mat-elijawan pejme duilialijwapi. Patupa mat-esian wut, japi mat-eyaxaelen pejme duilialijwa. ²² Taj-ax Dios jumchi-elbej kaen atonliajwa: ‘Japon aton pejbw'wujajan. Samata, japon kastikaxaes’ —chi-el taj-ax Dios. Xanlax taj-ax Dios nachaxdut pejpamamax jumchiliajwan puexa jiw pejbw'wujajanpiliajwa: ‘Japi kastikaxaes, pejbw'wujajan xot’ —chiliajwan, japon paxulan xot. ²³ Taj-ax Dios nachaxdut pejpamamax, xan Dios paxulan xot, jiw nasitaelijwa. Me-ama taj-ax Dios jiw sitaens, xanbej najachiyaxael, jiw nasitaen wut. Xan nasitae-elpi, japi jiwbej sitae-el taj-ax Dios, japon xan nato'apon ampathatasik.

²⁴ “Diachwujnakolax xan jum-an. Xan jum-anpoxan naewetpon, naexasit wutbejpon, xan Dios nato'akponan ampathatasik, japon aton pomatkoicha dukaxael Diosxotse. Japon aton tur wut, to'axisal kastikalijwas infiernoxtodik. Japonlax pomatkoicha dukaxael Diosxotse. ²⁵ Diachwujnakolax xan jum-an. Patlisox babijaxan ispi jumtaelija-ajwa tajjamechan, xan Dios paxulanponan. Xan tajjamechan jumtaen wuti, naexasit wutbejpi, xan kajachawaesaxaelen japi jiw pomatkoicha duilialijwapi Diosxotse. ²⁶ Taj-ax Dios duk pomatkoichaliajwa. Xanbej, Dios paxulan, dukx pomatkoichaliajwa, taj-ax Diosxotse. Samata, xan xajurx jiw kajachawaesliajwan japi pomatkoicha duilialijwa Diosxotse. ²⁷ Xanbej puexa jiw pakoewkolnan. Samata, taj-ax nachaxdut pejpamamax, xan jiw jumchiliajwan pejbw'wujajan wut, kastikalijwas wutbej, babijaxan is wuti. ²⁸ Amwutjel, jumtaenam wut xan jum-anpox, xamal xabich nabej nejchaxoelanuile! Asamatkoi pasaxael pejmatkoi puexa tupa jumtaelija-ajwa tajjame. ²⁹ Samata, japi mat-eyaxaes pejmuthanxot pejme duilialijwa. Japi ispi pachaempoxan, ampathatat laelp wuti, japilap duilaxael Diosxotse. Pelax babijaxan ispi, ampathatat laelp wut, japi kastikaxaes infiernoxtodik” —aech Jesús judíospaklochowliajwa.

Jesús naksiyapox pejpamamaxliajwa

³⁰ Jesús pejme jum-aech judíospaklochowliajwa: “Xan is-enil tajut isasianpoxan. Jiwliajwa jum-an wut: ‘Japi pejbw'wujajan’ —an wut, japox jumchiyaxaelen taj-ax Dios pijaxtat. Samata, chiekal jum-an, xan jum-an wut jiw pejbw'wujajanpoxanliajwa. Tajut jumchiyaxinil nejxasinkaxroxan. Xan jum-an taj-ax Dios, nato'apon, nejxasinkpoxan. ³¹ Xan tajutliajwa tajaxtat jum-ansax wut, japoxan omjilaxael asew jiwliajwa. ³² Pe asanlax jum-aech wut pachaempox xanliajwa, japon jum-aech diachwujnakolaxpox. ³³ Xamal asew jiw to'am, japi Juan wujnachaemsliajwa xanliajwa. Juan jumnotpox xanliajwa, japox diachwujnakolax. ³⁴ Xan nawewe'pa-el aton, japon jumchiliajwa xan jum-anpoxan: ‘Japon jum-aechpoxan diachwujnakolax’ —chiliajwapon xanliajwa. Xan japox jum-an xamal naexasisliajwam Juan jum-aechpox xanliajwa, xamal bw'welijwan babijaxan isampoxanliajwa. ³⁵ Juan, jiw bautisan, me-ama lámpara itliakaliajwa. Japon pejnaewujnax, me-ama itliak xot xamallijwa. Samata, japon xamal naewujajan wut, xamal nejchachaemlam, jumtaenam wut japon naewujajanpox asbuan jumch kaejuimanliajwa. ³⁶ Juan jum-aechpox xanliajwa, japox pachaem. Pelax xan isroxan, japoxan kaes pejme pachaem jiw xan namatabijaliajwa. Xan amwutjel isroxan, japoxan taj-ax naketo'a isliajwan, jiw matabijaliajwa diachwujnakolax xan Dios nato'aponan. ³⁷ Taj-ax, xan nato'apon, japon pajut jum-aech xanliajwa: ‘Xam isampoxan xabich pachaem’

—aech taj-ax Dios. Xamal najut taj-ax pejjame jumtae-emil. Xamal najut tae-emilbej taj-ax. ³⁸ Dios pejjamechan namana-elbej nejnejchaxoelaxantat, xan nanaexaxis-emil xot, xan taj-ax nato'aponan. ³⁹ Xamal chiekal estudiam Dios pejjamechan, nejchaxoelam xot: 'Dios pejjamechan chiekal estudiayax wut, matabijsaxaelen, machiyaxaelen Dios natapaeliajwa dukaliajwan pomatkoicha japonxotse' —am, nejchaxoelam wut. Dios pejjamechan jum-aech xanliajwa. Xan tajaxtat jiw pomatkoicha duilaxael Diosxotse. ⁴⁰ Pe xamal nejxasinka-emil xanlel fulaeliajwam tajjiwaliajwam. Samata, xamal duilaximil pomatkoicha Diosxotse.

⁴¹ "Xan nejxasinka-enil jiw najumchiliajwa: 'Xam pachaemamponam' —nachiliajwa xanliajwa. ⁴² Xan matabijtaxbej, ma-aech xamal nejnejchaxoelaxan. Xamal Dios nejxasinka-emil. ⁴³ Fulloekx taj-ax pijaxtat. Pe xamal xan nanaexaxis-emil. Asamatkoi, asan aton pat wut pajut pijaxtat naewuajnalialjwa, japon atonlax xamal naexaxisaxaelam. ⁴⁴ Xamal nejxasinkam asew jiw jumchiliajwa xamallialjwa: 'Xamal pachaemampim' —chiliajwa. Pe xamal nejxasinka-emil kaen Dios jumchiliajwa xamallialjwa. 'Xamal pachaemampim' —chiliajwapon xamallialjwa. Samata, xan nanaexaxis-emil. Dios naexaxis-emilbej. ⁴⁵ Xamalkas nejchaxoelam xan tasalaxaelenpox xamal taj-ax Dios pejwuajnalel. Xan tajut xamal tasalaxinil. Xamal tasalaxaelpon, japon Moisés, xamal xanaboejampon. ⁴⁶ Xamal chiekal naexasitam wut Moisés chajia lelpox, ja-aech wut, xanbej chiekal nanaexaxisaxaelam, Moisés chajia lelpox jum-aech xot xanliajwa. ⁴⁷ Pe xamal naexaxis-emil wut Moisés chajia lelpox, xamalbej nanaexaxisaximil xan jum-anpoxan" —aech Jesús judíospaklochowliajwa.

6

Jesús naxaeyaxan chaxduwpox cinco mil poejiw

(Mt 14.13-21; Mr 6.30-44; Lc 9.10-17)

¹ Do asamatkoi wut, xanal, Jesús pejnachalwan, Jesús suapich, chaflaechx Galilea puka we-enlelde. Japowa puka asawul, Tiberias puka. ² Xabich jiw Jesús fulafos, taen xoti koechaxan, bu'xaeya boejthut wuton. ³⁻⁴ Do jawut, Pascuafiesta isliajwa mox pawuajna, judíos pejfiesta. Japamatkoitat, Jesús julach wut muax poxase, xanalbej, japon pejnachalwan, julachax japamuaxase. Jaxotse ek wut, xanalbej jaxotse chalakx. ⁵ Jesús taen wut xabich jiw fulafospox, jawut jum-aechon pejnachalan Felipeliajwa:

—¿Amxotkat naxaeyaxan wuajsaxaes ampi jiwliajwa? —aech Jesús Felipeliajwa.

⁶ Jasoxtat Jesús wuajnachaemt Felipeliajwa Jesús matabijsliajwa, achax jumchiyaxael Felipe, jumnot wut. Jesús lax chajia matabijt isaxaelpox jiwliajwa. ⁷ Do jawut, Felipe jumnot wut, jum-aechon Jesúsliajwa:

—Jalape. Doscientos denarios xajupaxil pan wuajsliajwas, ampi jiw kaenanula cha-aex xaeliajwa —aech Felipe Jesúsliajwa.

⁸ Do jawut, Andrés, Jesús pejnachalan, japon Simón Pedro pakoewan, jum-aechon Jesúsliajwa:

⁹ —Ma amxot yamxulan cinco pan, cebadapanes, kolenje baxichbej. Japanaxaeyax kaechxajupaxil puexa jiw xaeliajwa —aech Andrés.

¹⁰ Do jawut, Jesús xanal, pejnachalwan, najum-aech:

—¿Puexa jiw to'im chalakaliajwa! —aechon.

Jaxot xabich pola pachaem chalakaliajwa. Samata, jaxot puexa jiw chiekal chalak. Chalakpi, me-ama kaes cinco mil poejiw. Watho' xajui-esal, yamxi suapich. ¹¹ Do jawut, Jesús panes not wut, Dios kawuajan wut, jum-aechon: "Ax, gracias-an ampanaxaeyax xanal nachaxdutampox" —aech Jesús. Kawuajna buxtoet wut, xanal nachaxduwpon panes saslialjwan. Jawut xanal satx puexa chalakpiliajwa. Ja-aechbejpon baxichliajwa. Do jawut, xanal chaxduwx puexa jiw xaeliajwa, puexa xaesiapox. ¹² Do jawut, puexa jiw chiekal nafnia wut, Jesús xanal najum-aech:

—¿Naxaeyaxan namapi no'e napelsasamata! —aech Jesús.

¹³ Do jawut, xanal notx namapi. Wulax doce matpiran. Majt asbuan jumch cinco pan.
¹⁴ Japi jiw taen wut koechax, Jesús ispox naxaeyaxanliajwa, nakaewa najum-aechi:

—Diachwajnakolax ampon Dios pejprofeta. ‘Pasaxoekpon ampathatasik’ —tison, japon patlison. Me-ama chajia lelspx jum-aech japonliajwa, diachwajnakolax ja-aechlisox —na-aechi nakaewa Jesúsliajwa.

¹⁵ Do jawut, Jesús pajut matabijt japi jiw buflaesiaspox japon japi pejreyliajwa. Samata, jawut chijiapon japixot. Asalelaxach julpon muxxot tamachaliajwa.

Jesús fulaenpox puka minakaldin

(Mt 14.22-27; Mr 6.45-52)

¹⁶ Tuila wut, xanal, Jesús pejnachalwan, fulaekx puka poxadik. ¹⁷ Jesús pas-el wutfuk, xanal falkam julx, xabich tuila xot. Samata, tuadutx chaliknaliajwan puka we-enlelde, pasliajwan Capernaum paklowax. ¹⁸ Do baxael, puka xabich pintruxan, xabich wik xot. ¹⁹ Xanal xabich faetx. Puka pafatatan wut, me-ama cinco kilómetros, do jawut, kaen aton taenx atuxach, fulaen wut minakal. Japon fulaen xanalleldin, falkamleldin. Xanal japon taenx wut, xabich belwax, matabija-enil xot japon Jesúspon, fulaen wuton minakal. ²⁰ Do jawut, Jesús najum-aech xanalliajwa:

—¡Nabej nejlewlé! ¡Xanpe! —aech Jesús xanalliajwa.

²¹ Do jawut, xanal nejchachaemlax, Jesús juldik wut xanal poxadik. Do jawutbej, kamta chapa'ax Capernaum paklowax.

Jiw wulwekpox Jesús

²² Do kandiawa wut, jiw, namapi puka we-enlelde, japi jiw wulweklisi Jesús. Japi jiw taen xanalkal tamach, Jesús pejnachalwan, chaflaechpox kaeyax falkamtat. Do jaxot kaes asafalkam ajil. ²³ Do jawut, asew jiw chapat falkammochantat. Japi chaflaen Tiberias paklowaxxotdin. Mox itjuli, Jesús panes chaxduwxot jiw xaeliajwa, Jesús Dios kawwajan wut. ²⁴ Japi jiw matabija wut jaxot ajilpox Jesús, xanalbej ajinilpox jaxot, japi jiwbej jul falkammochan, Capernaum paklowax poxaliajwadin Jesús wulwekaliajwapi.

Jesús, me-ama panax, ja-aechpox jiwliajwa

²⁵ Puka we-enleldin itjuldin wut, japi jiw taenlisi Jesús. Do jawut, japi jiw wuaj-nachaemt wut, jum-aechi Jesúsliajwa:

—Jiw chanaekabuanan, ¿maswutkat xam amxot patam? —aechi.

²⁶ Do jawut, Jesús jumnot wut, jum-aechon:

—Diachwajnakolax xan jum-an. Xamal nawulwekam, chiekal nafniam xot, pan xaelam wut. Pe xamal matabija-emil, ma-aech xot xan koechaxan isx. Xan nanaexaxis-emilbej. ²⁷ ¡Nabej nabich naxaeyaxankalliajwa, japoxan asamatkoi toepaxael xot! ¡Nabidelax naxaeyaxan toepaxilpoxanliajwa! Japoxanlap kaes pejme pachaem xamalliajwa, pomatkoicha duilaliajwam. Japoxanlap xamal chaxduiyaxaelen, xan, puexa jiw pakowkolnan. Taj-ax Dios chajia nachaxdut pejpamamax puexa jiw chaxduiliajwan, naxaeyaxan toepaxilpoxan —aech Jesús japi jiwliajwa.

²⁸ Japi jiw Jesús wuajnachaemt wut, jum-aechi:

—¿Achaxkat xanal nawewe'p isliajwan Dios nejxasinkpox? —aechi.

²⁹ Jesús jumnot wut, jum-aechon:

—Dios nejxasink xamal xan nanaexaxisliajwam, xan Dios nato'aponan —aech Jesús japi jiwliajwa.

³⁰ Do jawut, japi jiw pejme wuajnachaemt wut, jum-aechi Jesúsliajwa:

—¿Masox koechaxkat pejme isaxaelam xanal taeliajwan? Koechax isam wut, ja-aech wut, xam naexaxisaxaelen diachwajnakolax xam Dios to'aponam. ³¹ Wajwuajnapijiw pajilaxtat wuti, Moisés pijaxtat xaeli maná, me-ama Dios pejjamechan, chajia lelspx, jum-aech wut, jum-aechox: ‘Pan athupijiw, pawali maná, chaxduws wajwuajnapijiw, japi xaeliajwa’ —aechox. ¿Xamkat-is xajupam koechax isliajwam, me-ama Moisés is? —aechi Jesúsliajwa.

³² Do jawut, Jesús jumnot wut, jum-aechon:

—Diachwujnakolax xan jum-an. Moisés pajut chaxdui-el maná wajwujnapijiw xaeliajwa. Pe taj-ax Dios chaxduiful athupijiw, maná. Wajwujnapijiw maná xael wut, japi pomatkoicha duilaliajwa-el. Amwutjellax taj-ax to'ak athulelsik pan, diachwujnakolax athupijax. ³³ Japapan Dios chaxdut, fuloekpox athuxotsik, ampathatpijiw japapan xael wut pomatkoicha duilaliajwa Diosxotse —aech Jesús pajutliajwa.

³⁴ Japi jiw wuljow wut, jum-aechi Jesúsliajwa:

—Jiw chanaekabuanan, jxanal nachaxduim japapan pomatkoicha duilaliajwan! —aechi.

³⁵ Do jawut, Jesús jum-aech:

—Xanlap Dios pejpanan jiw bu'weliajwan pomatkoicha duilaliajwa Diosxotse. Xaelam wut naxaeyaxkal, asamatkoi xamal pejme litaxaelaxael. Minkal afam wutbej, xamal pejme minsilaxael. Xamallax xan nanaexasitam wut, pomatkoicha duilaxaelam pachaempoxtat. Ja-am wut, xamal, pejme litaxaelaxil. Minsilaxilbej. ³⁶ Pe xan jum-an xamalliajwa: 'Xan koechax isx wut, xamal taenam. Pefuk xamal xan nanaexasis-emil' —an xan xamalliajwa. ³⁷ Puexa jiw, taj-ax nachaxduwpi, japikal koew xanlel fulaeyaxaen. Xan japi jiw mastaelaxinil. Japi jiw xanxotaxael tajnachalaliajwa.

³⁸ Xan pas-enil ampathat poxasik tajut nejxasinkapoxan isliajwan. Xan paskax taj-ax Dios, nato'apon, nejxasinkpoxan isliajwan. ³⁹ Taj-ax nejxasink chiekal tataeflaliajwan, nachaxduwpixot kaen wenafo'a-elaliajwas. Taj-ax nejxasinkbej japi jiw mat-eliajwan japi pejme duilaliajwa, that toep wut. ⁴⁰ Taj-ax Dios nejxasink puexa jiw xan naxanaboelaliajwa, xan Dios paxulnan, japi jiw xan nanaexasit wutbej, japi pomatkoicha duilaliajwa Diosxotse. Taj-ax Dios nejxasinkbej xan japi mat-eliajwan pejme duilaliajwa, that toep wut —aech Jesús japi jiwliajwa.

⁴¹ Do jawut, a sew judíos nejweslapi Jesús. Jawut jum-aechi babejjamechan Jesúsliajwa, jum-aech xoton: "Xanlap Dios pejpanan, fuloekxponan athuxotsik" —aech xot Jesús pajutliajwa. ⁴² Japi nakaewa najum-aech Jesúsliajwa:

—¿Amponkat Jesús, José paxulana-el? Xatis chiekal matabijas japon pax, penbej. ¿Ma-aech xotkaton pajutliajwa najum-aech: 'Xan fuloekxponan Diosxotsik?' —na-aechkaton —aech japi jiw nakaewaliajwa.

⁴³ Do jawut, Jesús jum-aech judíosliajwa:

—¿Buxkofim babejjamechan nakaewa najum-ampoxan xan jum-anpoxanliajwa! ⁴⁴ Xamal xanlel fulaeyaximil tajnachalwamliajwa, taj-ax Dios, japon nato'apon, xamal makanos-el wut. Taj-ax Dios xamal makanot wut, xamal mat-eyaxaelen pejme duilaliajwam, that toep wut. ⁴⁵ Dios pejprofetaxot, japixot kaen chajia lelpo x jum-aech: 'Dios naewujnaxael xabich jiwliajwa' —aech chajia lelsopox. Samata, xamal naewetam wut, naexasitam wutbej taj-ax Dios jum-aechpox, ja-am wut, xamal fulaeyaxaemen xanlel tajnachalwamliajwa.

⁴⁶ "Ampathatpijiw tae-eli taj-ax Dios. Xanlax kaenan taj-ax taenxponan, xan fuloekx xot Diosxotsik. ⁴⁷ Diachwujnakolax xan jum-an. Xamal chiekal xan nanaexasitam wut, pomatkoicha duilaxaelam Diosxotse. ⁴⁸ Xanlap, me-ama Dios pejpanan jiw bu'weliajwan, jiw pomatkoicha duilaliajwa Diosxotse. ⁴⁹ Chajiakolaxtat nejwujnapijiw xael maná, duilalap wut pajilaxtat. Xael wuti maná, pomatkoicha ampathatat laelpaliajwa-el. Xabich pakdiachow wut, japi tur. ⁵⁰ Pe amwutjel, xan naksiyaxpan, fuloekpox athuxotsik. Aton, japapan xaelpon, japon Diosliajwa pomatkoicha laejaxaelon. ⁵¹ Xan fuloekxponan athuxotsik, xan japapanan. Jiw xan nanaexasit wut, japi pomatkoicha duilafalaxael Diosxotse. Chaxduiyaxaelenpan, japapan tajbu'tkolax. Xan tajut natapaeyaxaelen asajiw naboesaliajwa, ampathatpijiw bu'weliajwan" —aech Jesús judíosliajwa.

⁵² Do jawut, nakaewjudíos najum-aechi, jumtaen wuti Jesús jum-aechpox:

—¿Machiyaxaelkat, nakchaxduiyaxael wuton pejiwit xatis xaeliajwas? —na-aechi nakaewa judíos.

⁵³ Jesús pejme jum-aech japi judíosliajwa:

—Diachwujnakolax xan jum-an. Xae-emil wut tajwit, xan, puexa jiw pakoewkolnan, tajjal fe-emil wutbej, xamal pomatkoicha duilaximil Diosxotse. ⁵⁴ Tajwit xaeyaxaelpi, tajjalbej feyaxaelpi, japi jiw duilaxael pomatkoicha. Asamatkoi tɔp wuti, japi jiw xan mat-eyaxaelen pejme duilalijwa, that toep wut. ⁵⁵ Tajwitlap, me-ama poklanaxaeyaxkolax. Tajjalbej, me-ama poklamintkolat. ⁵⁶ Japi jiw xael wut tajwit, af wutbejpi tajjal, japi duilaxael, xan sɔapich. Xanbej dukaxaelen pomatkoicha, japi sɔapich. ⁵⁷ Taj-ax Dios, nato'apon ampathatasik, japon duk pomatkoichalijwa. Xanbej dukx pomatkoichalijwa taj-ax pijaxtat. Jachiyaxaelbej tajwit xaelpi. Japibej pomatkoicha duilaxael xan tajaxtat Diosxotse. ⁵⁸ Pan fɔloekpox Diosxotsik, me-ama maná, jachi-el. Chajiakolaxtat nejuwajnapijiw maná xael pajilaxtat. Do baxael, japi xabich pakdiachow wut, tɔpafɔl. Maná xael wuti ampathatat, pomatkoicha laelpalijwa-el. Xan naksiyaxpox panlijwa, japapan xamal xaelam wut, pomatkoicha duilaxaelam Diosxotse —aech Jesús judíoslíajwa.

⁵⁹ Jesús japoxan naewuajan, judíos naewuajjabatat wuton, Capernaum paklowaxxot wut.

Xabich pejnachala Jesús kofaspox

⁶⁰ Do jawut, xabich jiw, fulnanuamti Jesús, japox jumtaen wut, nakaewa najum-aechi: —Ampawuajan xabich tampoel xatis jumatabilijawas. Tampoelbej xatis naexasislijwas. ¿Achankatlax xatisxot naexaxisaxael Jesús naewuajanpoxan? —na-aechi nakaewa.

⁶¹ Do jawut, Jesús matabijt japi jum-aechpox babejjamechan japon naewuajanpoxanlijwa. Samata, wujnachaemt wut, jum-aechon:

—¿Japoxkat xamallijwa chaemil, xan naewuajnapox? ¿Xamalkat nejxasinka-emil japox? ⁶² ¿Achaxkat xamal nejchaxoelaxaelam, taenam wut xan, puexa jiw pakoewkolnan, kaxa nawiasax wut Dios poxase? ⁶³ Espíritu Santo pijaxtat jiw pomatkoicha duilaxael Diosxotse. Jiw pajut pijaxtat xajɔpaxil pomatkoicha duilalijwa. Samata, ampathatat laelpam wutɔk, xan jum-anpoxan naexasitam wut, Espíritu Santo kajachawaesaxael xamal pomatkoicha duilalijwam Diosxotse. ⁶⁴ Pe a sew jiw xamalxot xan nanaexaxiselfɔk —aech Jesús fulafospilijwa.

Jesús chajia matabijt a sew japixot naexaxisaxisalpox. Matabijtbejpon, japixot achan wasaxaeson asamatkoi padaelmajiwxot. ⁶⁵ Jesús pejme jum-aechon fulafospilijwa:

—Xan chajia jum-an: ‘Jiw fulaeyaxildin xanlel tajnachalalijwa, japi taj-ax Dios makanos-esal wut’ —an xan —aech Jesús fulafospilijwa.

⁶⁶ Japox Jesús jum-aech wut, xabich jiw, Jesús fulafospi, waeltaslison. Do jawut, japi jiw kaes fulnanuams-ellisi Jesús. ⁶⁷ Do jawut, Jesús wujnachaemt wut, jum-aechon doce pejnachalalijwa:

—¿Xamalkat-is xanxot chijiyasiam? ¿Me-ama a sew jiw, jachisiamkat-is xamal? —aech Jesús pejnachalalijwa.

⁶⁸ Do jawut, Simón Pedro jumnot wut, jum-aechon Jesúslijwa:

—Jiw chanaekabuanan, xamxot chijian wut, ¿achankat xanal naknanuamsaxaelen? Xam kaenam, naewuajnamponam, jiw pomatkoicha duilaxaelpox Diosxotse. ⁶⁹ Xanal naexasitx xam Cristowamponam, Dios to'asponambej. Xanal chiekal matabijaxbej xam Dios paxɔlnampox, babijax is-emilponam —aech Pedro Jesúslijwa.

⁷⁰ Do jawut, Jesús jum-aech xanallijwa:

—Diachwujnakolax xamal makanotx, doce poejwam. Pe nakiowa, kaen xamalxot dep tato'las —aech Jesús.

⁷¹ Jesús japox jum-aech wut, jum-aechon Judaslijwa. Japon Simón Iscariote paxɔlan. Judastat, japontat, xanal dosan. Pe japon asamatkoi wasaxaelon Jesús, Jesús padaelmajiwxot.

¹ Do jawux, Jesús nanuamt Galilea tuajnu xot. Jesús wepachaema-esal nanuamsliajwa Judea tuajnu xot, judíos paklochow wulweks xoton boesaliajwas. ² Pelis fiesta moxsfal, judíos pejfiesta. Japafiesta wut, judíos bua-antat duilalap. Japox ja-aechlap japi judíos nejkiowa-elaliajwa chajiakolaxtat pejwujnapijiw ispoxan, duil wut pajilaxtat. ³ Do jawut, Jesús pakoew jum-aechi Jesúsliajwa:

—¿Xam amxot kaweta nabej namane! ¿Xambej xabua'de Judea tuajnu poxade, jaxotpijiw, xam nejnachalapi, taeliajwa koechaxan isam wut jaxotde! ⁴ Xam nejxasinkam wut xabich jiw matabijaliajwa, achanam xam, ja-aech wut, jumaliach nabej is koechaxan! Japoxan isde tulaela jiw pejwujnalel, puexa jiw chiekal taeliajwa! —aechi Jesúsliajwa.

⁵ Jesús pakoew naexasis-esal japon Cristopon. Samata, japi japox asbuan jumch jum-aechi Jesúsliajwa. ⁶ Do jawut, Jesús jum-aech pakoewliajwa:

—Xanfuk nawepas-el tajmatkoi fulaeliajwan Judea tuajnu poxade. Xamalliajwa nejmachmatkoiyan pachaem nanuamsliajwam. ⁷ Ampathatpijiw xamal nejweslaxil. Xanlax japi jiw nanejwesla, tulaela itpaeix xot babijaxan ispoxan. ⁸ ¿Xabua'de xamal fiesta poxade! Xanfuk fulaeyaxinil japoxade, nawepas-el xotfuk tajmatkoi fulaeliajwan japoxade —aech Jesús pakoewliajwa.

⁹ Jesús japox jum-aech wut, kaweta namanfukon Galilea tuajnu xot.

Jesús wachakal fulaechpox Jerusalén paklowax poxade, fiesta naktaeliajwapon

¹⁰ Jesús pakoew fulaech wut fiesta taeliajwa, do jawuxbej, Jesús wachakal fulaech fiesta taeliajwa. Jesús maliach pat fiestaxot. Maliach paton jiw matabijsamatas japon patpox.

¹¹ Fiesta wut, judíos paklochow wulweki Jesús. Japi jum-aech asew jiwliajwa:

—¿Amxotkat japon aton, pawulpon Jesús? —aechi.

¹² Dolisdo', fiesta wut, xabich jiw nakaewa najum-aech Jesúsliajwa. Asew japixot jum-aech: “Jesús xabich pachaem” —aechi. Asewlap japixot jum-aech: “Japon pachaema-el. Jiw naekichachajban pedo!” —aech asew Jesúsliajwa.

¹³ Pe japi jiw naksiya wut Jesúsliajwa, tulaela jumchi-eli, asew jiw jaxotpijiw jumtae-samatas, pejlewla xoti judíos paklochowliajwa.

¹⁴ Do jawux, cuatro matkoi wut fiestapox, Jesús Dios pejtemploba low. Do jawut, jaxot tuaduton jiw naewuajnalialjwa. ¹⁵ Jawut judíos xabich natachaema, jumtaen wuti Jesús naewuajanpoxan. Nakaewa najum-aechi:

—¿Ma-aech xotkat xabich matabijton Dios pejjamechan, japon pinjiyax estudia-el wut? —na-aechi nakaewa.

¹⁶ Jesús matabijt japi jum-aechpox. Samata, jum-aechon:

—Tajnaewuajnaxan tajut tajax-el. Dios nato'apon, japon nabuxto'apoxan, japoxan xan naewuajnax jiw. ¹⁷ Xamal nejchaxoelam wut isliajwam Dios nejxasinkpoxan, najut matabijaxaelam, xan naewuajnaxpoxan Dios pijaxan wut, o, xan tajut tajaxkal wut.

¹⁸ Aton jum-aech wut pajut pijaxtat, japon xabichasia asew jiw sitaeliajwas. Xanlax jum-an diachwujnakolax taj-ax pijaxtat, asew jiw jumchiliajwa: ‘Dios xabich pachaem’ —chiliajwapi taj-axliajwa. Xan naekichachajba-enil, jum-an wut.

¹⁹ “Chajiakolaxtat Moisés chaxduch Dios pejtato'laxan, wajwujnapijiwliajwa Moisés lelaliajwa japatato'laxan. Pe xamal amwutjel naexasis-emilfuk japox. Japatato'laxanxot Dios tapae-el asan aton boesaliajwam. ¿Ma-aech xotkat amwutjel xamal xan nawulwekam naboesaliajwam?” —aech Jesús judíos paklochowliajwa.

²⁰ Do jawut, judíos jum-aech:

—Xam na-acham, nejmaturat dep ba xot. Samata, jasox xam jum-am. Xanal xam wulweka-enil boesaliajwan —aech judíos Jesúsliajwa.

²¹ Do pejme Jesús jum-aech japi judíosliajwa:

—Xamal xabich natachaemanuilam, xan isx wut kaeyax koechax napatamatkoitat.

²² Moisés keto'a wajwujnapijiw circuncidaliajwa japi Dios pejmarkaxliajwa. Samata, xamal circuncidam puexa yamxi, poejiw, ocho matkoiyan wut nalaelapoxan. Japox Moisés pajut tuadus-el. Waj-amjiw japox is Moisés wujna. Amwutjelfuk xamal

nakiowa yamxi circuncidam, ocho matkoiyan wut nalaelopoxan. Yamxulan nalaeltot ocho matkoi wut, japamatkoi napatamatkoi wut, xamal nakiowa yamxulan circuncidam japamatkoitat. ²³ Lach napatamatkoitat xamal nakiowa circuncidam yamxulan. Japox isam xamal naexaxisliawam Moisés chajia lelpox. Ja-am wut, ¿ma-aech xotkat xan nalala xanliawja, kaen aton boejthutx wut napatamatkoitat? ²⁴ Xamal taenam wut aton ispoxlaiwja, ¿nejmach nabej jum-aech: 'Japon babijax is' —nabej aech', majt chiekal matabija-emil wutfuk japon aton pejbw'wujapoxlaiwja! ¿Majt chiekal taemfuk! Do jawux, diachwujnakolax japon aton pejbw'wujapox wut, ¿jum-amde japon pejbw'wujapoxlaiwja! —aech Jesús judíosliawja.

Jesús pajut jum-aechpox amxot fulaenpon

²⁵ Jerusalén paklowaxot duili, a sew japixot nakaewa najum-aech Jesúsliawja:

—Ampon atonlap paklochow wulwekspon boesaliajwas. ²⁶ Pe Jesús tulaela jiw naewujapox wut, chinax kaen aton jumchi-esal japon bw'wujapoxlaiwja. Jaels-esalbejpon. Paklochow bej jum-aechbej pejnechaxoelaxantat: 'Japon diachwujnakolax Cristo' —bej aechbejpi. Samata, jaels-esal Jesús. ²⁷ Pe Cristo fulaen wut, xatis matabijaxisal amxot fulaeyaxaenon. Xatislax matabijas, amxot Jesús fulaen. Samata, Jesús Cristowa-el —aech a sew judíos.

²⁸ Jesús japox jumtaen wut, Dios pejtemplobaxot naewujapox wut, pinjametat jum-aechon:

—¿Diachwujnakolax xamal namatabijtam xan! ¿Xamal chiekal namatabijambej, amxot xan fulaenx! Xan tajut tajaxtat fulae-enil. Xan fulaenx, taj-ax Dios nato'a xot. Dios naekichachajba-el. Dios jum-aech wut, diachwujnakolaxpox jum-aechon. Pe xamal matabija-emil Dios. ²⁹ Xanlax matabijtax Dios, fuloekx xot Diosxotsik. Japon xan nato'a ampathatasik fulaeliawansik —aech Jesús.

³⁰ Jesús japox jum-aech wut, judíos jaelsasiapi Jesús, jiw jebatat jeliawwaspon. Pe japi judíos jaelsaxilfuk, Jesús wepas-esal xot pejmatkoi. ³¹ Pe xabich jiw jaxot naexasiti Jesús naewujapox. Samata, japi jiw jum-aech Jesúsliawja:

—Ampon Cristo, Dios to'aspon. Kaes asan aton ajil koechaxan ispon, me-ama ampon aton, jason —aech xabich jiw Jesúsliawja.

Fariseos jaelsasiapox Jesús, jeliawwapi jiw jebatat

³² Do jawut, fariseos jumtaen wuti jiw jum-aechpox Jesúsliawja, jawut fariseos, sacerdotespaklochowbej, to'api Dios pejtemploba weti, japi jaelsliawja Jesús. Pe japi jaels-el Jesús. ³³ Dolisdo', Jesús jum-aech judíosliawja:

—Xamalxotaxaelen asbuan jumch kaematkoiyanliawja. Do jawux, xan kaxaxoeyan nato'apon poxase. ³⁴ Jawut, xan ajinil wut, xamal nawulwekaxaelam. Pe nafaenaximil, fulaeyaximil xot xan dukaxaelenxotse —aech Jesús judíosliawja.

³⁵ Do jawut, judíos nakaewa nawujapoxaemt wut, najum-aechi:

—¿Ampoxade Jesús fulaeyaxaechkat xatis japon faena-elaliajwas, wulweks wut? Jesús bej fulaeyaxaechbej a sew judíos poxade, asatujnuchanlel duili poxade. Jesús bej naewujapoxaelbej asatujnuchanpijw, japi judíos-eli. ³⁶ ¿Achaxkat jumchiyaxael, Jesús jum-aech wut: 'Jawut, xan ajinil wut, xamal nawulwekaxaelam. Pe nafaenaximil, fulaeyaximil xot xan dukaxaelenxotse' —aech wutkat Jesús? —aech judíos Jesúsliawja.

Jesús naexasiti, japi pejnechaxoelaxan, me-ama min nakakolsanpox satxotsin, ja-aech

³⁷ We'p wut kaematkoi fiesta toepaliajwa, japamatkoi judíosliawja kaes pejme pachaem. Samata, japamatkoi jiw kaes pejme sitaen. Do jawut, Jesús nant wut, pinjametat jum-aechon:

—Xamal xabich minsila wut, kaes Dios matabijasiam wutbej, ¿xabw'din xanlel!

³⁸ Dios pejjamechan, chajia lelpox, jum-aech Dios jum-aechpox: 'Xan naexasiti, japi pejnechaxoelaxan, me-ama min nakakolsanpox satxotsin, ja-aech' —aechox —aech Jesús judíosliawja.

³⁹ Jesús jum-aech wut min nakakolsanpoxliajwa satxotsin, japox jum-aechon Espiritu Santoliajwa. Japon pejwujajan naexaxisaxaelpi, japi pejmatpuatanxot pasaxoek Espiritu Santo. Jawut, Jesús japox jum-aech wut, Espiritu Santo fulae-elsikfuk Jesús naexasitixot-sik, Jesús atha poxa-else xotfuk to'aliajwapon Espiritu Santo.

Jiw kaenejchaxoelaxa-elpox naexaxisliajwapi Jesús

⁴⁰ Asew jiw japixot jumtaen wut Jesús jum-aechpox, nakaewa najum-aechi:
—Diachwujanakolax Jesús, 'Dios pejprofeta, fulaeyaxaelpon' —tispon —na-aechi nakaewa.

⁴¹ Asew jiwbej nakaewa najum-aech:

—Ampon Cristo, Dios to'aspon —na-aechi nakaewa.

Asew jiw lax Jesús liajwa jum-aech:

—¡El! ¡Japon Cristowa-el! Cristo Galilea tuajnujijaxil. ⁴² Dios pejjamechan, chajia lelspx, jum-aech wut, jum-aechox: 'Cristo rey David pamonaxael. Nalaelsaxaelbejpon Belén paklowaxxot, David majt dukxot' —aech chajia lelspx —aech asew jiw.

⁴³ Samata, jiw kaenejchaxoelaxa-el Jesús liajwa. ⁴⁴ Asew japixot jaelsasiapi Jesús jeliajwa jiw jebaxot. Pe japi jaels-eli Jesús.

Paklochow naexaxis-elpox Jesús jum-aechpoxan

⁴⁵ Do jawux, Dios pejtemploba weti nawia fariseos poxade, sacerdotespaklochow poxadebej. Dios pejtemploba weti pat wut, jumtispi, wujnachaemtas wut:

—¿Amekat bu'patam Jesús? —tispi.

⁴⁶ Dios pejtemploba weti jumnot wut, jum-aechi:

—Japon jum-aech chimiajamechan. Me-ama asew jiw jum-aech wut, jachi-elon. Samata, xanal japon jaels-enil xamallel buflaeliajwan —aechi.

⁴⁷ Do jawut, fariseos jum-aech:

—¿Xamalkat-is naexasitam naekichachajbapijin jum-aechpoxan? ⁴⁸ Paklochowxot ajil, Jesús jum-aechpoxan naexasiti. Fariseosxotbej ajil. ⁴⁹ Jesús naexasiti, japi jiw matabija-el Moisés chajia lelpox. Samata, Dios kastikaxaesi —aech fariseos Dios pejtemploba wetiliajwa.

⁵⁰ Nicodemo, japon fariseo-aton, majt madoi fulaechpon Jesús taeliajwa, jawut jum-aechon fariseosliajwa:

⁵¹ —Moisés chajia lelpox nakjum-aech: 'Kamta to'aximil aton kastikaliajwas, majt chiekal matabija-emil wutfuk japon aton bu'wujajanpoxliajwa. Majt chiekal jumtaeyaxaelamfuk babijax ispon, naksiya wut xamalliajwa japon ispxliajwa' —aechox —aech Nicodemo nakaefariseosliajwa.

⁵² Fariseos jumnot wut, jum-aechi Nicodemoliajwa:

—¿Xamkat-is Galilea tuajnujijam? ¡Xam xabich estudiam Dios pejjamechan, chajia lelspx! Ja-am wut, xam matabijsaxaelam, Galilea tuajnujijwxot Dios pejprofetas chiekal ajil —aech fariseos Nicodemoliajwa.

⁵³ [Do jawut, kaenanula fariseos nawia pejbachan poxade.

8

Pakmolow asan poi nakmoejtpox

¹ Jawut, Jesús Olivonaechanmux poxade. ² Kandiawa wut, itliakaful wut, Jesús kaxadin Dios pejtemploba poxadin. Do xabich jiw mox soepa Jesúsxot. Jesús ek wut, tuaduton jiw naewujajnalajwa.

³ Do jawut, judíos chanaekabuanapi, fariseosbej, buflaeni kaeow pakmolow Jesúsleldin. Japow faens, asan aton nakmoejt wut. Japon aton japow pamla-el. Do jawut, notipow puexa jiw pejwujajnalel, Jesús wujajnalelbej. ⁴ Japi jum-aech Jesús liajwa:

—Jiw chanaekabuanan, ampow, pakmolow, faens, asan aton bu'moejt wut. ⁵ Moisés chajia lelpox jum-aech: 'Watho', jasox ispi, ia'tat dadaepaxtat matkaejabaxaesi' —aechox. ¿Achaxkat xam jumchiyaxaelam japoxliajwa? —aechi Jesús liajwa.

⁶Jasoxtat japi xapaejt Jesús, asax jum-aech wut tasalaliajwapi Jesús. Pe Jesús natxatdik wut, pejkothiyatat sat lelon. ⁷Japi nakiowa japox kaeyax wuajnachaemsful. Do jawut, Jesús mat-et wut, jum-aechon:

—Xamalxot kaen aton chinax babijax is-el wut, japon aton ia'tat nej matxoeladaep-pon japow! —aech Jesús.

⁸Do jawut, Jesús pejme natxatdik pejkothiyatat sat lelaliajwa. ⁹Japi jumtaen wut Jesús jum-aechpox, kaenanula chijasfullisi japowxot. Kaes chiekal pakdiachowpi matxoela chijasful. Do jawux, wachakal chijasful pansiachowpi. Do jawut, tamach waelti japow, Jesús suapich. ¹⁰Jesús mat-et wut, wuajnachaeamt wut, jum-aechon japowliajwa:

—Pawis, ¿amxotkat xam jum-aechpi nejbu'wuajanpoxliajwa? ¿Japixotkat kaen xam daep-el ia'tat? —aech Jesús japowliajwa.

¹¹Japow jumnot wut, jum-aechow:

—Tajpaklon, amxot japi jiw ajillisi —aechow.

Do jawut, Jesús jum-aech japowliajwa:

—Xanbej to'axinil xam kastikaliajwa nejbu'wuajanpoxliajwa. ¡Xabua'de nejmach! ¡Kaes nabej is babijaxan! —aech Jesús japowliajwa.]

Jesús, me-ama itliakaxpox ampathatpijiwliajwa

¹²Do jawux, Jesús pejme naewuajan wut, jum-aechon jiwliajwa:

—Xan ampathatpijiw kajachawaetx japi matabijaliajwa Dios. Samata, xan, me-ama itliakax jiwliajwa. Xan nanaexasiti, japi jiw kaes nej is-ele' babijaxan. Jasoxtat xan kajachawaesaxaelen jiw matabijaliajwa diachwuajnakolaxpox, japi chiekal duilaliajwa ampathatxot —aech Jesús jiwliajwa.

¹³Do jawut, fariseos jum-aechi Jesúsliajwa:

—Xam najut japox naksiyam. Samata, xanal matabija-enil, xam diachwuajnakolax paeyam wut —aech fariseos Jesúsliajwa.

¹⁴Jesús jumnot wut, jum-aechon fariseosliajwa:

—Xan tajut japox naksiyax wut, diachwuajnakolaxpox jum-an. Xan tajut matabijtax amxot fulaenx. Pejme japoxaxaelen. Xamallax matabija-emil japox. ¹⁵Xamal nijaxtat xanliajwa jum-am: 'Japon nej kastikas, is xoton babijaxan' —am xamal xanliajwa, chiekal matabija-emil wut. Xanlax jasoxtat jumchi-enil jiw pejbu'wuajanpoxanliajwa. ¹⁶Pe jum-an wut jiw pejbu'wuajanpoxanliajwa, xan jumchiyaxaelen diachwuajnakolaxtat. Tajut japox jumchi-enil jiw pejbu'wuajanpoxanliajwa. Nato'apon, japon taj-ax, nakajachawaesaxael, xan jiw jumchiliajwan wut japi pejbu'wuajanpoxanliajwa. ¹⁷Moisés chajia lelpox jum-aech xamal chiekal matabijaliajwam: "Kolenje kaeyax chiekal jum-aech wut asan aton ispoxliajwa, ja-aech wut, japox diachwuajnakolax" —aechox. ¹⁸Xan tajut tajaxtat jum-an wut isxpoxanliajwa, taj-ax, japon xan nato'apon, japonbej japox kaeyax jum-aech xan isxpoxanliajwa —aech Jesús fariseosliajwa.

¹⁹Do jawut, fariseos wuajnachaeamt wut, jum-aechi Jesúsliajwa:

—¿Amxotkat nej-ax? —aechi.

Jesús jumnot wut, jum-aechon:

—Xamal xan namatabija-emil. Matabija-emilbej taj-ax. Xan namatabijaxaelam wut, ja-am wut, matabijaxaelambej taj-ax —aech Jesús fariseosliajwa.

²⁰Jesús japoxan jum-aech wut, nukon ofrenda jiaxot, Dios pejtemplobatat. Pe Jesús jaels-esal paklochow, jiw jebaxot jeliajwas, pejmatkoi wepas-esal xotfukon.

Naexaxis-eli Jesús pejuwajan, japi pasaxilpox ma Jesús jaxotaxaelxot

²¹Jesús pejme jum-aech judíosliajwa:

—Xan pejme nawiasaxaelen wut fulaenxot, xamal nawulwekaxaelam. Pe xamal tuxaxaelam babijaxan isampoxantat Dios beltae-el wut. Samata, pasaximil xan jaxotaxaelenxot —aech Jesús judíosliajwa.

²²Do jawut, judíos nakaewa najum-aech:

—¿Jesúskat pajut bej nakijsaxaelbej? Samata, jum-aechon japox: ‘Pasaximil xan jaxotaxaelenxot’ —aechon —aechi nakaewa.

²³ Jesús pejme jum-aech:

—Xamal ampathatpijwamkal. Xan ampathatpijna-enil. Xan athupijnan. ²⁴ Samata, jum-an: ‘Xamal tuxaxaelam babijaxan isampoxantat, Dios beltae-el wut’ —an xan, naexasis-emil xot, xan jum-an wut tajutliajwa —aech Jesús.

²⁵ Do jawut, japi wuajnachamt wut, jum-aechi:

—¿Achanamkat xam? —aechi.

Jesús jumnot wut, jum-aechon:

—Xan naewuajnax wut, chajia jum-an, achanan xan. ²⁶ Xan xabich xamal jumchiliajwan nejbu'wuajanpoxanliajwa. Pe xan jumchiyaxinil. Jumchiyaxaelenlax ampathatpijiwliajwa taj-ax Diosxot jumtaenxproxankal. Kaes pejme asaxan jumchiyaxinil. Dios, xan nato'apon, jum-aech diachwuajnakolax —aech Jesús judíosliajwa.

²⁷ Japi jiw jumtaen Jesús jum-aechpox. Pe japi jummatabija-el, Jesús jum-aechpox pax Diosliajwa. ²⁸ Samata, Jesús pejme jum-aech judíosliajwa:

—Xan, puexa jiw pakoewkolnan, asajiw cruztat nakematamatal wut, jawut xamal chiekal matabijaxaelam xan diachwuajnakolax Cristowanponan. Matabijaxaelambej puexa xan isproxan, japoxan tajut tajaxtat is-enil. Xamalbej matabijaxaelam puexa xan jum-anpoxan, japoxan jum-an, taj-ax Dios nabuxto'apoxan. ²⁹ Taj-ax, xan nato'apon, japon pomatkoicha xanxot. Tamach nawaels-elon, isfulax xot japon nejxasinkpoxan —aech Jesús judíosliajwa.

³⁰ Japox Jesús jum-aech wut, xabich jiw chiekal naexasiti japon Cristopon. Japi jiw chiekal xanaboejabejpi Jesús.

Amxot jum-aechpox Dios paxiliajwa, Satanás paxiliajwabej

³¹ Jesús jum-aech asew judíosliajwa, japi cha-aex naexasiti japon Cristopon:

—Naexasisfulam wut xan naewuajnaxpox, ja-am wut, diachwuajnakolax tajnachalwaxaelam. ³² Xamal chiekal matabijam wut diachwuajnakolaxpox, xan jum-anpox, ja-am wut, xamal kaes esclavosximil —aech Jesús judíosliajwa.

³³ Judíos japox jumtaen wut, jum-aechi Jesúsliajwa:

—Xanal Abraham pamojiwan. Chinax xanal esclavos-enil. ¿Ma-aech xotkat xanal najum-am: ‘Xamal kaes esclavosximil’ —na-amkat xanalliajwa? —aech judíos Jesúsliajwa.

³⁴ Jesús jumnot wut, jum-aechon japi judíosliajwa:

—Diachwuajnakolax xan jum-an. Puexa jiw, babijaxan ispi, japi jiw, me-ama esclavos wut, ja-aechi, kofa-el xoti babijaxan ispoxan. ³⁵ Esclavo-aton pomatkoicha dukaxil paklon pejbatat, japon paklon paxulna-el xot. Paklon paxulanlax dukaxael pomatkoicha pax pejbatat, japon paklon paxulan xot. ³⁶ Samata, xan Dios paxulan jiw bu'weyaxaelen, japi xan nanaexasit wut. Beltaeyaxaelenbej japi babijaxan ispoxanliajwa. Ja-aech wut, japi diachwuajnakolax bu'wuajanjilaxael babijaxan ispoxanliajwa. ³⁷ Xan matabijtax diachwuajnakolax xamal Abraham pamojiwam. Pe xamal nejchaxoelam xan naboesaliajwam, naexasis-emil xot tajnaewuajnax. ³⁸ Xan jum-ansfulax taj-ax na-itpaeipoxan. Pelax xamal isfulam nej-ax tato'alpoxan —aech Jesús judíosliajwa.

³⁹ Do jawut, japi judíos jum-aech Jesúsliajwa:

—Xanal Abraham pamojiwan. Japon, me-ama taj-ax xanalliajwa —aech judíos.

Jesús pejme jumnot wut, jum-aechon judíosliajwa:

—Diachwuajnakolax xamal Abraham pamojiwam wut, xamal isaxaelam pachaempoxan Diosliajwa. Me-ama nej-am Abraham chajiakolaxtat is Dios nejxasinkpoxan, xamalbej jachiyaxaelam. ⁴⁰ Xan jum-an diachwuajnakolaxpox xamalliajwa, Dios na-itpaeipox. Pe nakiowa, xamal nejchaxoelam xan naboesaliajwam. ¿Wajwuajnapijin Abraham chinax jasox nejchaxoela-el, xamal nejchaxoelampox! ⁴¹ Xamalbej isam, me-ama nej-ax is —aech Jesús judíosliajwa.

Jawut judíos jüm-aech Jesúsliajwa:

—Xanal pafliaxhiya-enil. Xanal kaen taj-ax. Japon Dios. Diachwüajnakolax xanal Dios paxin —aech judíos.

⁴² Jesús jümnot wüt, jüm-aechon judíosliajwa:

—Diachwüajnakolax Dios nej-ax wüt, xan nanejxasinkaxaelam, xan fúloekx xot Diosxotsik. Amwütjel xamalxotx, Dios nato'a xot. Tajut tajaxtat fúlae-enil. ⁴³ ¿Ma-aech xotkat tampoel tajjamechan xamal jümmatabijaliajwam? Tampoel tajnaewüajnaxan, nejxasinka-emil xot chiekal nanaewesliajwam. ⁴⁴ Pe xamal nej-axpon, japon Satanás. Japon pejiwambej. Isasiam nej-ax nejxasinkpoxan. Akaseskolaxtat Satanás bapon jiw. Amwütjel nakiowa ja-aechfúlon. Nejxasinka-elbejpon diachwüajnakolaxpox. Jümchi-elbejpon diachwüajnakolaxpox. Japon jüm-aech wüt, jüm-aechon naekichachajbaliajwa, naekichachajbapijin xot. Satanáslap matxoelanaekichachajbapijin. ⁴⁵ Pelax xan jüm-an xot diachwüajnakolaxpox, xamal xan nanaexaxis-emil. ⁴⁶ Xamalxot, ¿achankat nataen xan tajbü'wüajanpox? Xan jüm-an wütlix diachwüajnakolaxpox, ¿ma-aech xotkat xamal xan nanaexaxis-emil? ⁴⁷ Dios pejiwipi, japi jiw chiekal naewet Dios pejjamechan naexaxisliajwa. Pe xamal Dios pejiwi-emil xot, nejxasinka-emil naewesliajwam Dios pejjamechan —aech Jesús.

Abraham wüajna Cristo dukpox

⁴⁸ Do jawut, judíos jüm-aech Jesúsliajwa:

—Xanal jüm-an wüt xamliajwa: ‘Xam Samaria tüajnapijnam. Xambej nejmatpüatat dep webaponam’ —an wüt, diachwüajnakolax xanal jüm-an —aech judíos Jesúsliajwa.

⁴⁹ Do jawut, Jesús jümnot wüt, jüm-aechon judíosliajwa:

—Xan tajmatpüatat dep chiekal ajil. Xan sitaenx taj-ax Dios. Pe xamallax xan nasitae-emil. ⁵⁰ Xan wülweka-enil sitaeyax tajutliajwa. Pelax taj-ax, Dios, nejxasink jiw xan nasitaeliajwa. Dios jümchiyaxaelbej pachaempoxan xanliajwa. ⁵¹ Diachwüajnakolax xan jüm-an. Xan jüm-anpoxan naexasiti, japi tüpaxil —aech Jesús.

⁵² Judíos japox jümten wüt, jüm-aechi:

—Amwütjel xanal chiekal matabijax, diachwüajnakolax xam nejmatpüatat dep weba. Abraham, asew Dios pejprofetaspiwej, puexa japi chajia tüp. Xamlax jüm-am: ‘Xan jüm-anpoxan naexasiti, japi tüpaxil’ —am xam. ⁵³ ¿Xamkat kaes pejme paklonam? ¿Me-ama wajwüajnapijin Abraham, jachi-emilkat xam? Japonbej chajia tüp. Puexa Dios pejprofetasi, japiwej chajia tüp. Xam najutliajwa nejchaxoelam wüt, ¿achanamponam xam? —aech judíos Jesúsliajwa.

⁵⁴ Jesús jümnot wüt, jüm-aechon:

—Xan tajutliajwa jüm-an wüt pachaempox, japox xanliajwa pachaemaxil. Pe taj-ax pajut xan nasitaen. Japonliajwa xamal najut jüm-am: ‘Japon tajDios’ —am xamal. Pebej japon xan taj-ax. ⁵⁵ Pe xamal matabija-emil Dios. Xanlax chiekal matabijtax Dios. Xan jüm-an wüt: “Xan matabijs-enil Dios” —an wüt, ja-an wüt, xan naekichachajbaxaelen xamal. Me-ama xamal, jachiyaxaelen. Diachwüajnakolax xan chiekal matabijtax taj-ax Dios. Japon pejjamechan chiekal naexaxisfúlxbej. ⁵⁶ Abraham, nejwüajnapijin, nejchachaemil, matabij wütton xan fúlaeyaxaelenpox ampathatasik. Amwütjel, nataekon. Samata, Abraham xabich nejchachaemil xanliajwa —aech Jesús.

⁵⁷ Do jawut, judíos jüm-aechi Jesúsliajwa:

—Xamfuk pati'na-emil. Xambejfuk pas-emil cincuenta waechan jümchiliajwam: ‘Xan taenx Abraham’ —chiliajwam —aech judíos Jesúsliajwa.

⁵⁸ Jesús jümnot wüt, jüm-aechon:

—Diachwüajnakolax xan jüm-an. Xan Abraham wüajna chajia dukx —aech Jesús.

⁵⁹ Do jawut, judíos ia' not dadaepliajwapi Jesús. Pe faena-eli, Jesús namoest xot jiwat. Do jawux, nakoltlison Dios pejtemplobaxot.

9

Jesús boejth utpox itliaklan

¹ Dolisdo', Jesús fol wut, xanal, japon pejnachalwan suapich, Jesús taen kaen itliaklan. Japon aton taeyaxil, jasox chanlaelt xoton. ² Do jawut, xanal wuajnaemtax wut, jum-an Jesúsliajwa:

—Jiw chanaekabuanan, ¿ma-aech xotkat japon aton jasox chanlaelt itliaklax? ¿Pax, pen suapichkat, babijaxan ispoxantat, japon aton ja-aech? O, ¿japonkat pajut babijaxan ispoxantat ja-aechon? —an xanal.

³ Jesús najumnot wut, najum-aechon xanalliajwa:

—¡El! Japon pajut babijaxan ispoxantata-el. Pax, penbej, japi ispoxantata-elbej. Japon aton itliakal amwutjel Dios itpaeliajwa pejpamamax, boejthuch wuton. ⁴ Matkoi wut, xatis nabichaxaefuk. Pe madoi wut, nabichaxisal. Ja-aechbej xatisliajwa. Amwutjel pachaem nabichliajwas Dios pejbichax. Pe asamatkoi tupaaxaes. Japamatkoiat, kaes nabichaxisal. ⁵ Xan ampathatatax wut, xan, me-ama itliakax ampathatpijiwliajwa. Xan jiw kajachawaesaxaelen japi chiekal matabijaliajwapi Dios —aech Jesús.

⁶ Jesús japox jum-aech wut, jawut sat loeyapon. Pej-almintat ju'apon sat assap isliajwa. Dolison, japa-assap mojton pejkothiyatat itliaklan itfujoelaliajwa. Jawut itfujoelapon itliaklan. ⁷ Do jawut, Jesús jum-aech itliaklanliajwa:

—¡Xabua'de asew nawaen poxade, jaxotde itfukiasliajwam! Jaxotde cha-aelpukach, poejiw pajut ispox, pawulox Siloé —aech Jesús itliaklanliajwa. (Siloé jumchiliajwa: “To'aspon” —chiliajwa.)

Do jawut, itliaklan fulaechlison itfukiasliajwa. Itfukiat wut, kaxadin wuton, jawut chiekal taenlison. ⁸ Asew jiw, mox duili japon dukxot, asew jiwbej, japi taenpi, japon plata wuljow wut nuambabu'tat, japi puexa pejme taen wut japon, japi nakaewa najum-aech:

—¿Amponkatlap majt plata wuljowpon, nuambabu'tat ek wut? —aech japi jiw nakaewaliajwa majt itliakalponliajwa.

⁹ Asew japixot jum-aech:

—Diachwuajnakolax chiekal japon. Asana-el —aechi.

Pe asew japixot jum-aechlax:

—¡Japona-elkatdo! Pe asan, me-ama japon, jakabuana-aechpon —aechi.

Do jawut, japon pajut chiekal jum-aech nejthua'axtat japi jiwliajwa:

—Diachwuajnakolax xan chiekal japonan. ¿Ma-aech xotkat xamal xan chiekal namatabija-emil? —aechon.

¹⁰ Do jawut, wuajnaemtas wut, jumtispon:

—¿Ma-aech xotkat xam chiekal amwutjel taenam? —tispon.

¹¹ Majt itliakalpon jumnot wut, jum-aechon:

—Aton, pawulpon Jesús, japon xan nataen wut, pej-almintat assap ispon. Japa-assaptat tajkole-itfulelje na-itfujoelapon. Do jawut, najum-aechon: ‘¡Xabua'de asew nawaen poxade, jaxotde cha-aelpukach, poejiw pajut ispox, pawulox Siloé! ¡Jaxotde itfukia'e!' —na-aech japon aton. Do jawut, xan fulaechx itfukiasliajwan. Jaxotde itfukiatx wut, tajkole-itfutje chiekal nawepachaem. Do jawut, chiekal taenxbej —aech majt itliakalpon.

¹² Do jawut, asew jaxotpijiw wuajnaemtas wut, jum-aechi:

—¿Amxotkat japon aton? —aechi, Jesúsliajwa wuajnaemtas wut.

Majt itliakalpon jumnot wut, jum-aechon:

—Jalape. Xan matabijs-enil amxoton amwutjel —aechon.

Fariseos wuajnaemtas majt itliakalpon

¹³⁻¹⁴ Jesús ju'a wut assap itliaklanliajwa japon taeliajwa, japamatkoi napatamatkoi. Samata, asew jiw bu'foli majt itliakalpon fariseos poxade. ¹⁵ Bu'pat wutipon fariseosxot, japi wuajnaemtaspon. Do jawut, jumtispon:

—¿Ma-aech xotkat xam amwütjel chiekal taenam? —tispon.

Japon jümnot wüt, jüm-aechon:

—Kaen aton assap na-itfujoela. Xan itfukiatx wüt, jawüt taj-itfut chiekal nawepachaem —aech majt itliakalpon.

¹⁶ Asew fariseosxot jüm-aechi:

—Japon aton japox is wüt, sitae-el napatamatkoi. Samata, Dios to'aspona-el —aechi.

Asewlax japixot jüm-aech:

—Japon babejen wüt, isaxilon koechaxan —aechi.

Samata, fariseos kaenejchaxoelaxa-el Jesúsliajwa. ¹⁷ Ja-aech wüt, majt itliakalpon pejme wüajnaemtas. Jümtispon:

—Xamlax, ¿achaxkat jüm-am nej-itfut boejthütponliajwa? —tispon.

Majt itliakalpon jümnot wüt, jüm-aechon:

—Japon Dios pejprofeta —aechon.

¹⁸ Judíos naexasis-el japon majt itliakalpon. Samata, judíos wällalapi japon pax, penbej, fūlaelajwadin. ¹⁹ Do jawüt, pax, pen sūapich, pat wüt, wüajnaemtas wüt, jümtispi:

—¿Diachwüajnakolaxkat ampon naxulan, itliaklax chanlaeltpon? ¿Ma-aech xotkaton amwütjel chiekal taen? —tispi, wüajnaemtas wüt.

²⁰ Japon pax, pen sūapich, jümnot wüt, jüm-aechi:

—Xanal chiekal japon matabijtax xamalxot nukpon, japon taxulan. Matabijtaxbej japon itliaklax chanlaeltpon. ²¹ Pe xanal matabija-enil, ma-aech xot amwütjel chiekal taenpon. Matabija-enilbej, achan itfuboejthuchpon. Taxulan pati'in. Samata, xamal najut wüajnaemdepon! Japon pajut xamal jümchiyaxael —aech pax, pen sūapich.

²² Japi jasox jüm-aech, pejlwla xoti judíosliajwa, judíos jüm-aech xot: “Nejmachaton jüm-aech wüt: ‘Jesús, japon Cristo, Dios to'aspon’ —aech wüt, japon aton xanal tapaeyaxinil leliajwa wajnaewüajnaemtasot” —aech xot chajia judíos. ²³ Samata, japon pax, japon penbej, jüm-aechi: “Taxulan pati'in. Samata, xamal najut chiekal wüajnaemde japon!” —aechi.

²⁴ Do jawüt, judíos pejme la majt itliakalpon fūlaelajwadin. Pat wūton japixot, jüm-aechi japonliajwa:

—¿Diachwüajnakolax najüm-amde Dios jümtaeliajwa! ¿Achankat japon aton? Xanal matabijtax, japon aton babejenpon —aech judíos.

²⁵ Japon jümnot wüt, jüm-aechon:

—Xan matabijs-enil japon aton babejen wüt, o, babejna-el wüt. Xanlax matabijtax ampon. Majt chinax xan tae-enil. Amwütjel chiekal taenx —aechon.

²⁶ Pejme wüajnaemtas wüt, jüm-aechipon:

—¿Achaxkat japon aton is xamliajwa? ¿Achaxkat isbejpon xam chiekal taeliajwam? —aech judíos majt itliakalponliajwa.

²⁷ Majt itliakalpon jümnot wüt, jüm-aechon:

—Xamal chiekal jüm-an. Pe chiekal xan nanaexasis-emil. ¿Ma-aech xotkat kaes xabich jümtaesiam? ¿Xamalbejkat japon pejnachalwasiam? —aechon judíosliajwa.

²⁸ Do jawüt, babejjamechan jümtis wüt, jüm-aechipon:

—Xam japon babejen pej-atonam. Xanallax Moisés pejiwan. ²⁹ Xanal chiekal matabijax chajiakolaxtat Dios nospaeipox, Moisés sūapich. Pe xanal matabija-enil, achan to'as Jesús —aech judíos.

³⁰ Majt itliakalpon pejme jümnot wüt, jüm-aechon:

—Japon xan na-itfuboejthüt. Pe xamal matabija-emil, achan to'ason. ³¹ Xatis judíos chiekal matabijas Dios kajachawaesaxaelpox naexasiti Dios, nejxasinkpibej Dios. Dios kajachawaes-el jiw babejchow, japi naexasis-eli Dios. ³² Ampathatat aton ajil, xajūpon boejthūsliajwa itliakla chanlaelapi. Majt jason aton tae-esal, me-ama japon, aton.

³³ Japon aton Diosxotsik fūlae-el wüt, xan naboejthūsaxilon —aech majt itliakalpon.

³⁴ Do jawüt, judíos palaeyajametat jüm-aechi japonliajwa:

—Xam itliaklax chanlaeltam, nej-ax, nej-en sʉapich, xabich babijaxan is xot. Ja-am wʉt, ʒxamkat xanal nanaewʉajnasiam? —aechi.

Do jawʉtbej, judíos nakolsax to'api japon aton judíos pejnaewʉajnbaxot.

Jiw matabija-elpi Dios, japi jiw, me-ama itliakla wʉt, ja-aechpox

³⁵ Jesús wʉltaen majt itliakalpon nakolsax to'aspox judíos pejnaewʉajnbaxot. Jesús japon aton faen wʉt, wʉajnachaeamt wʉt, Jesús jʉm-aech japon atonliajwa:

—ʒXamkat puexa jiw pakoewkolan naexasitam? —aech Jesús.

³⁶ Majt itliakalpon jʉmnot wʉt, jʉm-aechon:

—Jiw chanaekabʉanan, jʉnajʉm-amde! ʒAchankat puexa jiw pakoewkolan, xan naexasisliajwan japon? —aechon.

³⁷ Do jawʉt, Jesús jʉmnot wʉt, jʉm-aechon japonliajwa:

—Xam najut japon taenam. Xanlap japonan, puexa jiw pakoewkolnan, xam sʉapich, nospaeipon —aech Jesús.

³⁸ Do jawʉt, majt itliakalpon brixtat nuk Jesús pejjwʉajnalel, xabich sitaen xoton. Japon jʉm-aech Jesúsliajwa:

—Jiw chanaekabʉanan, xam naexasitx —aechon.

³⁹ Do jawʉt, Jesús jʉm-aech:

—Xan fʉlaenx ampathatasik jiw diajkaliajwan kolemutje. Kaemʉt xan nanaexaxisaxael. Japi majt, me-ama itliakla wʉt, ja-aechpi pejnechaxoelaxantat, amwʉtjel japi jiw chiekal taeyaxael. Matabijaxaelbejpi diachwʉajnakolaxpoxan. Asamʉt xan nanaexaxisaxil. Japi, me-ama itliakla wʉt, jachiyaxael pejnechaxoelaxantat, xan nanaexaxis-el xoti. Matabijaxilbejpi diachwʉajnakolaxpoxan —aech Jesús majt itliakalponliajwa.

⁴⁰ Asew fariseos, japox jʉmtaen wʉt, jʉm-aechi:

—ʒXanalkat-is, me-ama itliaklawan Diosliajwa? —aechi.

⁴¹ Jesús jʉmnot wʉt, jʉm-aechon:

—Diachwʉajnakolax xamal nejnechaxoelaxantat, me-ama itliaklawam wʉt, ja-am. Dios chapaeyam wʉtbej babijaxan isampoxanliajwa, ja-am wʉt, xamal bʉ'wʉajanjilaxaelam Diosliajwa. Pe xamal jʉm-am: 'Xanal chiekal taenx. Itliaklawanilbej tajnechaxoelaxantat' —am xot, xamal nejbu'wʉajan. Asamatkoi, tʉpam wʉt, nabijasaxaelam babijaxan isampoxantat —aech Jesús fariseosliajwa.

10

Ovejas tataeflan, pej-ovejas sʉapichpox

¹ Do jawʉt, Jesús jʉm-aech fariseosliajwa: “Diachwʉajnakolax xan jʉm-an. Le-elpon fafalel ovejas jiasxot, pe asalel julpon leliajwa, japon aton natkowan. ² Fafalel lowpon, japonlax ovejas tataeflan. ³ Fafa wesan wefach japon leliajwa. Do jawʉt, kaenanʉla pejew ovejas laefʉlon pejjwʉt. Pejew ovejas jʉmmatabijtas japon aton pejjame. Jasoxtat japon aton pejew ovejas juk jiasxot pola xaelpaliajwa. ⁴ Ovejas tataeflan puexa pejew ovejas bu'fol wʉt, japon matxoela fol. Pejew ovejas wʉchakal fol, pejjame jʉmmatabijtas xoton. ⁵ Ovejas asew jiw fʉfʉlae-el, japi pejjamechan jʉmmatabija-esal xot. Japi jiwxot dukpaxael ovejas, xabich pejjewla xoti” —aech Jesús fariseosliajwa.

⁶ Jesús japawʉajantat naewʉajan wʉt, japi fariseos jʉmmatabija-el Jesús jʉm-aechpox.

Jesús xabich pachaempox jiw tataeflialiajwa

⁷ Do jawʉt, Jesús pejme jʉm-aech fariseosliajwa: “Diachwʉajnakolax xan jʉm-an. Xan, me-ama laleyax, ovejas leliajwa jiasxot. ⁸ Puexa kichachajbapi, pati tajwʉajna, me-ama Dios to'as wʉt, ja-aechi, japi jiw me-ama kethaka. Japi nawenatkowasia tajjiw. Pe tajjiw naexaxis-el japi kethaka naewʉajanpoxan. ⁹ Xan, me-ama laleyax Diosxotse jiw pasliajwa. Xanlel lelpi, japi xan tataeflaxaelen. Japi, me-ama tejjew ovejas. Jiasxot nakola wʉt, chimiapola faekaxaeli xaeliajwa. Do jawʉx, pejme jiasxot leyaxaeli.

¹⁰ “Kethaka fūlaen ovejas natkowaliajwa, beliajwabejpi ovejas. Xan fūlae-enil isliajwan, me-ama japox. Xan fūlaenx jiw chiekal nejchachaemlaliajwa pejnechaxoelaxantat, pomatkoicha chiekal duilaliajwapi. ¹¹ Xan chiekal pachaeman jiw tataeflaliajwan. Me-ama ovejas tataeflan, pachaempon, pejew ovejas chiekal tataeflaliajwa, xanbej ja-an. Ovejas tataeflan nejchaxoel: ‘Asan aton tejew ovejas nawebeyaxael wūt, xan tapaeyaxinil. Xanlax jūmchiyaxaelen: “¡Xan naboesim!” —chiyaxaelen, tejew ovejas bū'weliajwan’ —aech ovejas tataeflan, nejchaxoel wūt. ¹² Pe nabiston plata kanaliajwa, japon aton pejmachoeffan fūlaeyax taen wūt, ovejas tamach waelchaxaelon. Dolison, pejlel najaesaxael. Jasox isaxaelon, japon poklatataeflana-el xot ovejas. Jawūt, pejmachoeffan ovejas bū'ajil wūt, ovejas kaenanūla pejlel nasalaxael. ¹³ Do jawūt, japon aton pejlel najaet, asbuan jūmch nabichankal xot plataliajwa. Japonliajwa ovejas omjil, pejwael xoton ovejas.

¹⁴⁻¹⁵ “Xan chiekal pachaeman jiw tataeflaliajwan. Me-ama ovejas tataeflan chiekal tataeful pejew ovejas, xanbej ja-an. Taj-ax Dios chiekal namatabijt. Xanbej taj-ax Dios chiekal matabijtax. Jasoxtat chiekal xan matabijtax, tajjiw, xan nanaexasiti. Japibej chiekal xan namatabijt. Xan tajut tapaeyaxaelen asew jiw xan naboesaliajwa, tajjiw bū'weliajwan. Me-ama ovejas tataeflan, tūpaxael pejew ovejasliajwa chachael wūt japon atonliajwa, xanbej jachiyaxaelen. ¹⁶ Asew tajjiwpi, japibej xanliajwa, me-ama tejew ovejas, duilpi asatūajñchanlel. Japi wūljaesaxaelen, xanxot kaeyaxtat duilaliajwa. Japi xan nanaexaxisfūlaxael. Būflaenx wūt, puexa japi kaemūtaxael. Xan, kaenan, japi jiw tataeflaxaelen.

¹⁷ “Taj-ax Dios xabich xan nanejxasink, tūpaxaelen xot tajjiwliajwa, japi bū'weliajwan. Do jawūx, taj-ax namat-esaxael pejme dukaliajwan. ¹⁸ Asew jiw xan naboesaxilfuk, xan tajut tapae-enil wūtfuk. Xan tajut tapaeyaxaelen, maswūt naboesaxaeli. Do jawūx, Dios xan namat-esaxael pejme dukaliajwan. Japoxlap taj-ax Dios xan nato'a isliajwan” —aech Jesús fariseosliajwa.

¹⁹ Do jawūt, judíos jūmtaen wūt Jesús jūm-aechpox, pejme kaenejchaxoelaxa-eli. ²⁰ Xabich japixot jūm-aech:

—Ampon aton na-acha. ¿Ma-aech xotkat xatis kaes wūlnaewesfūlas, dep tato'lanas? —aech judíos Jesúsliajwa.

²¹ Pe asew japixot jūm-aech:

—Aton, pejmātūtat dep webaespon, jasox jūmchiyaxil, naksiya wūt. Dep xajūpaxilbej itliaklan boejthūsliajwa, chiekal taeliajwa aton —aechi.

Asew judíosxot nejweslapox Jesús

²² Asamatkoi, iama wūt, judíos fiesta is Jerusalén paklowaxxot. Japafiesta judíos nejchaxoelaliajwa pejwūajnapijiw Dios pejtemploba chaemsax ketoetpox. ²³ Jawūt Jesús Dios pejtemplobaxot laeja, pawūlxot Pórtico de Salomón. ²⁴ Jaxot judíos, japi masajiat Jesús. Wūajnachaemtípon chiekal matabijaliajwa. Do jawūt, japi jūm-aech Jesúsliajwa:

—¿Masmatkoiyankat xanal wūajnawesaxaelen matabijaliajwan, achanamkat xam? Xam diachwūajnakolax Cristowam wūt, jama najūm-amde xanal chiekal matabijaliajwan! —aech judíos Jesúsliajwa.

²⁵ Do jawūt, Jesús jūmnot wūt, jūm-aechon japi judíosliajwa:

—Xan chajia chiekal xamal jūm-an: ‘Xan Cristowan’ —an. Pe xamal naexaxis-emil. Xan koechaxan isx wūt, japoxan isx taj-ax Dios pijaxtat. Japoxan isx matabijaliajwam, achanan xan xamalliajwa. ²⁶ Pe nakiowa, xamal xan nanaexaxis-emil, xamal tajjiw-emil xot. Me-ama tejew ovejas, jachi-emil. ²⁷ Tejew ovejas xan tajjame najūmmatabijt, xan naksiyax wūt. Xanbej japi matabijtax. Samata, japi xan nafūlafol. ²⁸ Jiw, xan nanaexasiti, kajachawaesaxaelen pomatkoicha duilaliajwa Diosxotse. Samata, japi jiw napelsaxil. Chinax kaen aton japi jiw nawenosaxil, xan nanaexasiti. ²⁹ Taj-ax Dios woeyapi jiw xanxot. Taj-axbej xabich pejwūamamam. Me-ama jiw, jachi-elon. Samata,

chinax kaen aton xajupaxil japi jiw taj-axxot wemakanosliajwas. ³⁰ Xan, taj-ax suapich, chiekal koewan —aech Jesús judíosliajwa.

³¹ Do jawut, judíos pejme noti ia' dadaepliajwapi Jesús. ³² Jawut Jesús jum-aech japi judíosliajwa:

—Taj-ax Dios pijaxtat xabich chamoeyaxan isx nejuajnalel. ¿Achax chamoeyaxliajwakat xan ia'tat wulnabudadapam? —aech Jesús.

³³ Judíos jumnot wut, jum-aechi:

—¡El! Xanal ia'tat xam dadaepaxinil, chamoeyaxan isam xot. Xanal ia'tat dadaepxoxtat xam matkaejabaxaelen, Dios sitae-emil xot. Xam naksiyam, me-ama waj-ax Dios, xam atonamkal wut —aech judíos Jesúsliajwa.

³⁴ Do jawut, Jesús jum-aech:

—Dios pejjamechan, chajia lelspox, jum-aech Dios jum-aechpox Dios makanochpi paklochowliajwa: 'Xan jum-an: "Xamal, me-ama dioses" —an xan' —aech Dios jum-aechpox japi Dios makanochpiliajwa. ³⁵ Xatis chiekal matabijas Dios pejjamechan diachwujnakolax pomatkoichaliajwa. Samata, chajiakolaxtat Dios jum-aech wut paklochowliajwa: 'Xamal, me-ama dioses' —aech wut, diachwujnakolax Dios jum-aech japiajwa. ³⁶ Xanbej, Dios namakafitponan, japon xan nato'a ampathatpijiw budweliajwan. Jum-an wut: 'Xan Dios paxulnan' —an wut, ¿ma-aech xotkat xamal najum-am: 'Xam sitae-emil Dios' —na-amkat? ³⁷ Xan is-enil wut taj-ax nato'apoxan, ja-an wut, ¿xan nabej nanaexasis! ³⁸ Pelis xan isfulax wut taj-ax nato'apoxan, ¿xan nanaexasi' e isfulaxpoxantat, xamal xan nanaexasi-elasiam wut xan jum-anpox taj-ax Dios nato'aponliajwa! Xan koechaxan isxpoxan, taenam wut, ¿xamal najut chiekal matabijim xan Dios nato'aponanpox! Ja-aech wut, xamal chiekal matabijaxaelambej xan koewanpox, taj-ax Dios suapich —aech Jesús judíosliajwa.

³⁹ Do jawut, judíos pejme jaelsasiapi Jesús. Pe japixot wiapon.

⁴⁰ Do jawux, Jesús nawiat wut Jordánlajt we-enlelde, Juan majt jiw bautisafulxot, xanalbej Jesús pejnachalwan, Jesús suapich, nawiax. Do jaxot Jesús naman wut, xanalbej namax jaxot. ⁴¹ Do jaxot xabich jiw fulaen Jesús taeliajwa. Japi jiw Jesúsxot pat wut, nakaewa najum-aechi:

—Juan, jiw bautisan, chinax koechax is-el. Pe Juan puexa jum-aechpox amponliajwa, japoxan diachwujnakolax, chiekal ja-aechlisox —na-aechi nakaewa Jesúsliajwa.

⁴² Do jawut, xabich jiw jaxot naexasiti Jesús, japon Dios to'asponpox.

11

Lázaro tuppox

¹ Aton budxaeyan, pawulpon Lázaro, koliowje pakoewow suapich, dukon Betania paklowaxxot. Kaeow pawul María. Asaow pawul Marta. ² Martalap majt Jesús tuakchafan perjumamint, xabich sitaen xotow Jesús. Do jawutbej, japow pejmatlatat tuakjoeipow Jesús pejtak. ³ Japi koliowje asan aton to'a japon wuljaesliajwa Jesús. Buxto'a wut, jum-aechipon:

—Jesús faenam wut, jum-amopon: 'Tajpaklon, nejnachalan Lázaro, nejxasinkampon, xabich budxaenk' —amo Jesús! —aechi, aton to'a wut.

⁴ Do jawux, Jesús japox jumtaen wut, jum-aechon xanal pejnachalwanliajwa:

—Lázaro ampawaxaetat chiekal tuppaxael. Pe kaelel tuppaxilon. Japon budxaenk puexa jiw taeliajwa Dios xabich mamnikpon, jiw taeliajwabej xan, Dios paxulnan, tajpamamaxbej —aech Jesús.

⁵ Jesús kamta kajachawaesasia Marta, Maríabej, Lázaro budxaenkpoxliajwa, Jesús japi xabich nejxasink xot. ⁶ Wulnaen wuton Lázaro budxaenkpox, Jesús nakiowa kaweta namanfukon kolematkoije Jordánlajt we-enlelde. ⁷ Do baxael, Jesús jum-aech xanal pejnachalwanliajwa:

—Chijias pejme Judea tuajnu poxade —aechon xanalliajwa.

⁸ Xanal jum-an:

—Jiw chanaekabuanan, kaematkoiyan sʉapichlisox Judea tʉajnuʉijiw xam ia'tat dadaepsiapox matkaejabaliajwapi xam. Japi jiwfuk xam bej wʉajnewesfulbej boesaliajwa. ¿Ma-aech xotkat xam pejme japoxade fʉlaesiam? —an xanal Jesúsliajwa.

⁹ Jesús pejme jum-aech xanalliajwa:

—Diachwʉajnakolax matkoi itliak doce horas. Samata, aton fia'paxil, nanuamt wʉt, puexa chiekal taen xoton. ¹⁰ Pe aton madoi nanuamt wʉt, japon fia'paxael, itkua'nik xot, puexa chiekal taeyaxil xotbejpon —aech Jesús, wʉajantat jum-aech wʉton xanal pejnachalwanliajwa.

¹¹ Japox jum-aech wʉt, pejme jum-aechon:

—Wajnachalan Lázaro moejt. Xan japoxaxaechan thikaliajwanpon —aech Jesús.

¹² Xanal jum-an:

—Jiw chanaekabuanan, Lázaro moejt wʉt, japon waxae boejthulaxaes —an xanal.

¹³ Jesús jum-aech wʉt: “Lázaro moejt” —aech wʉt, japox jumchiliajwa: “Lázaro chiekal tʉp” —chiliajwapox. Xanallax, Jesús pejnachalwan, japox jumtaenx wʉt, asbuʉan jumch nejchaxoelx: “Lázaro moejt wʉt, moejton. Me-ama madoi moejt wʉt, ja-aechon” —an xanal, nejchaxoelx wʉt. ¹⁴ Samata, Jesús xanal najum-aech chiekal matabijaliajwan:

—Lázaro chiekal tʉp. ¹⁵ Lázaro tʉp wʉt, xan jaxota-enil. Japon tʉp xamal kaes pejme xan nanaexaxisliajwam. Samata, nejchachaemlax xamalliajwa. Amwʉt fʉlaeyaxaes patʉpan Lázaro poxade japon taeliajwas —aech Jesús.

¹⁶ Do jawʉt, Tomás, japon asawul Na-o'an, japon jum-aech xanalliajwa:

—Xatisbej chijias tʉpaliajwas, japon sʉapich, asew jiw boesas wʉton —aech Tomás xanalliajwa.

Jesús xajʉppox mat-eliajwa tʉpi, japi pejme duilaliajwa

¹⁷ Jesús, xanal nabu'pat mox Betania paklowaxxot. Jaxot asew jiw Jesús chapaei Lázaro tʉppox. Patʉpan Lázaro, ochpox muaxwʉajtat cuatro matkoiyelisox. ¹⁸ Betania paklowax mox Jerusalén paklowaxxot, me-ama tres kilómetros. ¹⁹ Jesús wʉajna xabich judíos, Judea tʉajnuʉijiw, Jerusalén paklowaxxot fʉlaeni. Japi fʉlaen naknoeliajwapi Marta, Mariabej, Lázaro tʉp xot. ²⁰ Marta jumtaen wʉt Jesús fʉlaeyax, nakoltow baxot, xanal nabu'kakunaliajwa nuamtat. Maríalax kaweta batat naman. ²¹ Marta pat wʉt xanalxot, japow jum-aech Jesúsliajwa:

—Tajpaklon, takoewan bu'xaenk wʉtfuk, xam amxotam wʉt, ja-aech wʉt, takoewan nawetʉpaxil. ²² Pe xan matabijtax. Dios puexa xam chaxdusaxael wʉljowampox —aech Marta Jesúsliajwa.

²³ Jesús jumnot wʉt, jum-aechon:

—Marta, nakoewan mat-esaxaes pejme dukaliajwa —aech Jesús.

²⁴ Marta jum-aech:

—Diasdo'. Xan matabijtax. Tʉpi mat-ias wʉt pejme duilaxael, that toep wʉt. Jawʉtbej takoewan mat-esaxaes pejme dukaliajwa —aech Marta.

²⁵ Do jawʉt, Jesús jum-aech:

—Xanlap mat-eyaxaelen tʉpi, japi pejme duilaliajwa. Xanbej kaenan jiw kajachawaes-nan pomatkoicha pejme duilaliajwa. Xan nanaexasiti, asamatkoi tʉp wʉt, japi mat-eyaxaes pejme duilaliajwa pomatkoicha. ²⁶ Ampathatat laelpi, xan nanaexasit wʉt, japi asamatkoi napelsaxil, tʉp wʉti. Duilaxaeli pomatkoicha. Marta, ¿xamkat xan nanaexasitam jum-anpox? —aech Jesús Martaliajwa.

²⁷ Do jawʉt, jum-aechow:

—Diasdo' tajpaklon. Xan naexasitx xamlap diachwʉajnakolax Cristowam. Xambej Dios paxulnam, Dios to'aponam ampathatasik fʉlaeliajwam —aechow Jesúsliajwa.

Jesús nowpox Lázaro ochxot

²⁸ Do jawʉt, Marta buxtoet wʉt, kaxadepow pejba poxade laeliajwa pakoewow María. Jawʉt Marta maliach jum-aech pakoewow Maríaliajwa:

—Jiw chanaekabuanan ma amxotlison. Xam xabua't-aechon taeliajwam —aech Marta Maríaliajwa.

²⁹ María japox jumtaen wut, nanchapow. Jawut fulaechlisow Jesús taeliajwa. ³⁰ Jesús pas-elfuk paklowax. Kawetafukon Marta bu'kakultaxot. ³¹ Do jawut, judíos batatpi, María suapich, taen wuti María bichakal nanchapox nakolsliajwa tathoetade, japi judíosbej wuchakal nakola. Nejchaxoeli: 'María patupanwuj poxaxaech jaxotde noeliajwapow' —aechi, nejchaxoel wut.

³² María pat wut Jesúsxot, Jesús pejwujnalel brixtat nukow, xabich sitaen xotow Jesús. Do jawut, jum-aechow:

—Tajpaklon, takoewan bu'xaenk wutfuk, xam amxotam wut, ja-am wut, takoewan tuxaxil —aech María.

³³ Jesús taen wut María nowpox, taen wutbejpon judíos nowpox, japi chalapi María, Jesús jumbeltaen. Do jawut, Jesús xabich nejxaejwas. ³⁴ Jawut Jesús wujnachaemt wut, jum-aechon:

—¿Amxotkat patupan Lázaro otam? —aech Jesús.

Jawut japi jum-aech Jesúsliajwa:

—Tajpaklon, xabua't taeliajwam! —aechi.

³⁵ Do jawutbej, Jesús now.

³⁶ Samata, Judea tuajnujpijw, jaxoti, nakaewa najum-aechi:

—¡Taem! Jesúsbej now, xabich nejxasink xoton Lázaro —na-aechi nakaewa.

³⁷ Asew japixot jum-aech Jesúsliajwa:

—Japon majt itliakla boejthut chiekal taeliajwa. ¿Pe ma-aech xotkat kamta pas-elon boejthusliajwa Lázaro, tupasamatabejpon? —aech japi jiw Jesúsliajwa.

Patupan Lázaro mat-echpox pejme dukaliajwa

³⁸ Do jawut, Jesús xabich nejxaejwas wut, mox soepanpon Lázaro ochwujaxot, ia't pinjit fafa xat-elspot. ³⁹ Do jawut, Jesús jum-aech:

—¡Ia't matariamandel! —aechon.

Pe Marta, Lázaro pakoewow, jum-aech Jesúsliajwa:

—Tajpaklon, xasaibejlison, cuatro matkoije xotliso xochpox —aechow Jesúsliajwa.

⁴⁰ Jesús jumnot wut, jum-aechon:

—Xam chajia chiekal jum-an: 'Xan nanaexasitam wut, taeyaxaelam Dios pejpamamax' —an xan chajia —aech Jesús Martaliajwa.

⁴¹ Jawut asew japixot ia't pinjit matariamán, wujfafa xat-elspot. Do jawut, Jesús athu natachaemse wut, Dios kawujajan wut, jum-aechon:

—Ax Dios, xan gracias-an, xam najumtaenam xot. ⁴² Xan chiekal matabijtax, xam pomatkoicha xan nanaewetam, xam kawujajnax wut. Pe ampo xan jum-an ampi jiw matabijaliajwa, naexasisliawabejpi xam nato'amponanpox ampathatasik —aech Jesús, Dios kawujajan wut.

⁴³ Kawujajnax buxtoet wuton pax Dios, Jesús nejlakcha wut, jum-aechon:

—Lázaro, xabua't! ¡Nakolmen jaxot! —aech Jesús.

⁴⁴ Do jawut, patupan Lázaro wujaxot nakoldin. Puexa pejbua't, pejmatnaetbej, sábanabu'antat xakoeyaspoxan, chankoldinpon. Do jawut, Jesús jum-aech:

—¡Wejolge xakoeyaspoxan! ¡Tapaem laejaliajwa! —aech Jesús.

Do jawut, Lázaro wejols sábanabu'an, xakoeyaspoxanpon.

Judíospaklochow nejchaxoelpox jaesliajwapi Jesús

(Mt 26.1-5; Mr 14.1-2; Lc 22.1-2)

⁴⁵ Judíos, chalapi María, taen wuti Jesús ispox koechax Lázaroliajwa, japixot xabich naexasiti Jesús. ⁴⁶ Pe asew japixot fulaech fariseos poxade. Pat wuti Jerusalénxot, chapaeipi fariseosxot Jesús ispox Lázaroliajwa. ⁴⁷ Do jawut, fariseos, sacerdotespaklochowbej, tamejapi Junta Supremapijw. Natameja wut, nakaewa najum-aechi:

—¿Achaxkat isaxaes Jesúsliajwa? Japon xabich koechaxan isful. ⁴⁸ Japon tapaeis wut isfulpoxan, puexa jiw naexaxisaxaeson. Ja-aech wut, Roma tujajnpijiwpaklochow to'axaeli soldaw, japi soldaw toesliajwa Dios pejtemploba, wajjiwbej —aech paklochow, nakaewa nospaei wut.

⁴⁹ Kaen japixot pawul Caifás. Japon sacerdotespaklokolan japawaechtata. Jawut japon jum-aech:

—Xamal matnaenejtinkam xot, matabija-emil. ⁵⁰ Kaes pejme pachaem kaen tamach tupaliajwa. Ja-aech wut, xabich jiw tuxaxil. Toesaxisalbej wajjiw —aech Caifás.

⁵¹ Pe Caifás pajut pijaxtat japox jumchi-el. Japox jum-aechon Dios pijaxtat. Caifás japox jum-aech Jesúsliajwa, Jesús tuxaxael xot puexa Israel tujajnpijiwliajwa. ⁵² Japikalliajwa Jesús tuxaxil. Tuxaxaelbejpon asajiwliawabej, puexa ampathatpijiwliajwa, Dios naexasiti kaemutaliajwa. Japoxlap Dios nejxasink. ⁵³ Caifás japox jum-aech Jesús pejpatuxaxliajwa. Do jawut, judiospaklochow nejchaxoelaful boesaliajwapi Jesús.

⁵⁴ Samata, Jesús kaes nanuams-el tulaela Judea tujajnxot. Do jawut, xanal nabuflaechon paklowax, pawul poxade Efraín, mox pajilaxxot. Jaxot puexa xanal namax, Jesús suapich.

⁵⁵ Kaematkoian suapich we'p Pascuafiestaliajwa, judiosliajwa. Samata, xabich judios fulaech Jerusalén paklowax poxade fiesta wujajna, japi chiekal ketoesliajwa, puexa we'poxan isliajwa. Japox judios pejkabuan, Moisés chajia lelpox jum-aech xot. Japafiesta wujajna japox ja-aechi. ⁵⁶ Fulaenpi Jerusalén paklowaxlel, japi wulwek Jesús. Pat wuti Dios pejtemplobaxot, japi nakaewa nawujajnaem wut, jum-aechi:

—¿Jesúskat naktaeyaxael fiesta? O, ¿naktaeyaxilkaton? ¿Achaxkat xamal nejchaxoelam? —na-aechi nakaewa.

⁵⁷ Fariseos, sacerdotespaklochowbej, puexa jiw chajia buxto'a wut, jum-aechi: “Kaenam xamalxot Jesús taenam wut, ikamta xanal nachapaem!” —aech paklochow jiwliajwa. Japi japox jum-aech, jaelsasia xoti Jesús jeliajwapi jiw jebaxot.

12

Pawis perjumamintat tuakchafanapox Jesús

(Mt 26.6-13; Mr 14.3-9; Lc 7.37-38)

¹ We'p wut seis matkoian Pascualiajwa, Jesús fulaech wut Betania paklowax poxade, xanal, japon pejnachalwan, nakfolxbej. Jaxotde Lázaro majt tux. Pe Jesús mat-et Lázaro pejme dukaliajwa. ² Jaxotde xanal pa'ax wut, asew jiw naxaeyaxan is pejsitaeyax itpaeliajwa Jesúsliajwa. Marta kajachawaet naxaeyaxan cha-eyaxan, Lázaro, asew jiwbej, taduchpi, xaeliajwa, Jesús suapich. ³ Do jawut, María xapat perjumamint tuakchafanalajwapow Jesús. Japamint xabich ommaenk. Japot, me-ama medio litro. Isas nardokal. Jawut tuakchafanpow Jesús, xabich sitaen xotow. Do jawut, pejmatlatat tuakjoeipow Jesús pejtuk. Samata, jawut japaba xabich xabejxat-ialnanik. ⁴⁻⁵ Do jawut, Judas Iscariote, Jesús pejnachalan, japon jum-aech:

—¿Ma-aech xotkat japaperjumamint mowa-esal plata chaxduiliajwas kejila? Bej pambej trescientos denarios —aech Judas. Judaslap wiasaxael Jesús padaelmajiwxot.

⁶ Judas japox jum-aech wut, nejchaxoela-elon jiw kejila kajachawaesliajwa. Japox jum-aechon, kethakan xot. Japon kaen platachoxa tataeful puexa xanal, Jesús pejnachalwanliajwapi. Japaplata japon pajut maliach jinatkowa. ⁷ Do jawut, Jesús jum-aech:

—¡Nej ja-aeché! Xan tajpatuxaxliajwa japow cha-et perjumamint. ⁸ Kejila pomatkoicha xamalxotaxael kajachawaesliajwam. Pelax xan piachaxinil xamalxot —aech Jesús.

Judiospaklochow boesasiapox Lázaro

⁹ Xabich jiw fulaen xanallel taeliajwapi Jesús, taeliajwabejpi Lázaro, japon tux wut, Jesús mat-echpon pejme dukaliajwa. ¹⁰⁻¹¹ Jesús koechax is xot Lázaroliajwa, xabich jiw, Judea tujajnpijiw, naexaxisful Jesús. Kaes naexaxis-ellisi sacerdotes naewujajnapoxan.

Japi naexasisful Jesúska. Samata, sacerdotespaklochow nejchaxoel boesaliajwapi Jesús, Lázaro bej.

Jesús patpox Jerusalén paklowaxxot

(Mt 21.1-11; Mr 11.1-11; Lc 19.28-40)

¹²⁻¹³ Do kandiawa wut, xabich jiw Jerusalén paklowax poxade taeliajwapi Pascuafiesta. Japi matabija wut Jesús pasaxaenpox Jerusalén paklowaxxot, jawut, me-ama chia'uafljejen tasiapapi xawisliajwa, owaliajwabej nuamtat Jesús pejwuaajnalel, chieka bu'kalsliajwapi, pejsitaeyax itpaeliajwabejpi. Fulaeyax taen wuti nuamtat, nejlasful wut, jum-aechfuli:

—¡Aleluya! ¡Ampon, fulaenpon Dios pijaxtat, japon xabich pachaem! ¡Pachaembejpon Israel tuajnupijwas wajreyliajwa! —aechful xabich jiw Jesúsliajwa, nejlasful wut.

¹⁴ Jesús jelti'san bur faen. Do jawut, tua-eklison chaflaeliajwa Jerusalén paklowax poxade. Japoxliajwa Dios pejjamechan, chajia lelspx, jum-aech wut, jum-aechox:

¹⁵ “Xamal, Jerusalén paklowaxpijwam, ¡nabej nejlewlé! ¡Taem nejrey chaflaenpon bur jelti'santat!” —aechox chajia lelspx.

¹⁶ Xanal, Jesús pejnachalwan, chieka matabija-enilfuk, achax chiyaxael japamatkoi. Do jawux, Jesús mat-ech wut, pejme duk wut, athu poxase wutbejpon, jawut xanal chieka nejchafaetx chajia lelspx, jum-aech wut jum-aechox japonliajwa. Do jawutbej, xanal chieka matabijax, ma-aech xot japoxan ispi Jesúsliajwa.

¹⁷ Japi jiw taen, Jesús la wut Lázaro muaxwuaajxotdin Lázaro mat-esliajwa pejme dukaliajwa. Japi chapaeful taenpox, asew jiwbej matabijaliajwa japox. ¹⁸ Samata, xabich jiw nakola pejbachanxot bu'kakulnaliajwapi Jesús, wultaen xoti Jesús ispx, koechax.

¹⁹ Pe fariseos najum-aechi nakaewa:

—Xatishliajwa japox pachaema-el. ¡Tae'nik! ¡Puexa jiw Jesús xabich nakfos! —na-aech nakaewa fariseos.

Asew griegosxot wulwekpx Jesús

(Mt 10.38-39; 16.24-25; Mr 8.34-35; Lc 9.23-24; 17.33)

²⁰ Jerusalén paklowaxxot asew griegos pat pejsitaeyax itpaeliajwa Diosliajwa. Patbejpi taeliajwa Pascuafiesta. ²¹ Japi jiw pat wut Jerusalén paklowaxxot, mox soepapi Filipexot, japon kaen xanalxotpijin. Japon Betsaida paklowaxpijin, Galilea tuajnuxot. Do jawut, japi jum-aechi Filipeliajwa:

—Taj-aton, xanal Jesús taesian nospaeliajwan, japon suapich —aechi Filipeliajwa.

²² Do jawut, Felipe fulaech chapaeliajwapon Andrés griegos wulwekpx Jesús. Do jawutbej, Felipe, Andrés suapich, fulaechlisi Jesús poxade chapaeliajwapi japox. Jesúsxot pat wut, chapaelisi japox. ²³ Do jawut, Jesús jum-aech:

—Tajmatkoi patlis xan, puexa jiw pakoewkolnan, tupaliajwan, Dios namat-esliajwabej pejme dukaliajwan. ²⁴ Diachwuaajnakolax xan jum-an. Kaefut, me-ama trigofut, satat muths-esal wut, japafut naboelaxil. Japafut namanaxael kaefutliajwa. Asafutlax muth-tas wut satat, pejbokt xoep wut, itxit namanpox naboelsaxael. Naboeltpx naboelsaxael. Naboet wut, xabichaxael pafu. Xanlap-is, jachiyaxaelen. Xan kaenan tuxaxaelen xabich jiwliajwa, japi pomatkoicha duilaliajwa Diosxotse. ²⁵ Najut nejxasinkampoxan isfulam wut ampathatat, ja-am wut, duilaximil pomatkoicha Diosxotse. Pe ampathatat babijaxan isampoxan kofam wut, ja-am wut, pomatkoicha duilaxaelam Diosxotse. ²⁶ Xamal nabichasiam wut xanliajwa, ¡xan chieka nanaewe'e! Jasox xamal ja-am wut, duilaxaelam, xan suapich, Diosxotse. Nabistam wut xanliajwa, taj-ax Dios pachaemaxael xamalliajwa —aech Jesús Filipeliajwa, Andrésliajwabej.

Jesús jum-aechpox pejpatupaxliajwa

²⁷ Jesús pajutliajwa najum-aech: “Amwutjel xan xabich nejchaemilax, matabijtax xot xabich nabijasaxaelenpox. ¿Achaxkat xan jumchiyaxaelen taj-axliajwa? Xan wuljoeyaxinil taj-ax nabu'welialjwa japanabijasaxliajwa. Japanabijasaxliajwa xan

fuloekx. ²⁸ Samata, xan jumchiyaxaelen taj-axliajwa: ‘Ax, jisde pachaempox puexa jiw xam sitaeliajwa!’ —chiyaxaelen xan taj-axliajwa” —aech Jesús pajutliajwa.

Do jawut, Jesús jumtaen athusik, Dios pajut jum-aech wut ampo: “Isxlis japox. Kaes isaxaelenbej puexa jiw itpaeliajwan xabich tajpamamax” —aech Dios athusik.

²⁹ Jaxot jiw naeweti, japi chiekal jummatatabija-el, Dios naksiyak wut. Asew japixot japox jumtaenpi, japi jum-aechi ampo:

—Me-ama iam najuw wut, jathia-aechox —aechi.

Jawut asewbej japixot jum-aech:

—Dios pej-ángel naksiya Jesúsliajwa —aechi.

³⁰ Jesús jum-aech japiliajwa:

—Dios japox jum-aechsik wut, xan kaenanliajwa Dios japox naksiya-el. Xamalliajwabej Dios naksiya matabijaliajwam xan Dios nato'aponanpo. ³¹ Asamatkoi Dios kastikaxael puexa jiw, xan nanaexasis-elpi. Satanásbej kastikaxaes. Do jawut, Satanás kaes tato'laxil ampathatpijw, Dios kefe'naxaes xoton tato'lax. ³² Xan nakematamatal wuti cruztat, do jawux, xabich jiw, ampathatpijw, tajwujjan naexasisaxaeli —aech Jesús.

³³ Jesús japox jum-aech xanal chiekal matabijaliajwan japon tuxaxaelpo cruztat.

³⁴ Asew jaxot naewetpi, japi jum-aech Jesúsliajwa:

—Moisés chajia lelpox jum-aech: ‘Cristo pomatkoicha dukaxael. Japon toepaxil’ —aechox. Cristo pomatkoicha dukaxael wut, ¿ma-aech xotkat xam jum-am: ‘Puexa jiw pakoewkolan tuxaxael cruztat’ —amkat xam? ¿Achankat puexa jiw pakoewkolan? —aech japi jiw Jesúsliajwa.

³⁵ Jesús jum-aech:

—Xanfuk kaematkoiyen xamal naewujnaxaelen. Tajnaewujnax, me-ama itliakax, ja-aechox. Naewujnax wut, ¿chiekal matabijim tajnaewujnax! Ja-am wut, xamal, me-ama nanuamsaxaelam itliakaxxot. Tajnaewujnax jummatatabija-elpi, japi, me-ama nanuamsaxaeli itkuataxot. ³⁶ Xanlap, me-ama itliakaxponan. ¿Xamal xan nanaexasi'e, amxotx wutfuk! Ja-am wut, xamal tajiwxaxaelam —aech Jesús.

Jesús japox buxtoet wut, fulaechon asalel. Do jawutbej, Jesús namoest japi jiw faenelaliajwaspon.

*Ma-aech xot judíos naexasis-el Jesús
(Mr 4.12; Lc 8.10)*

³⁷ Jesús koexaxan is judíos taeliajwa, naexasisliajwabejpi japon Dios to'asponpo. Pe japi japoxan taen wut, nakiowa naexasis-eli Jesús. ³⁸ Isaías, Dios pejprofeta, chajia jum-aechpo Cristoliajwa, amwutjel japox ja-aechlisox. Japoxliajwa Isaías chajia jum-aech Diosliajwa:

“Tajpaklon Dios, jiw naexasisaxil xanal tajnaewujnaxpo xamliajwa. Naexasisaxilbejpi, taen wut nejpmamax” —aech Isaías Diosliajwa.

³⁹ Isaías lelpox jum-aechbej, ma-aech xot judíos naexasisaxil Jesús, Dios to'asponpo. Isaías jum-aech:

⁴⁰ “Japi jiw Dios itfumatakas, pejnechaxoelaxanbej. Samata, pajut pej-itfut, me-ama taeyaxili. Pajut pejnechaxoelaxantat jummatabijaxilbejpi. Samatabej, japi Dios pejjamechan naexasisaxil kofaliajwa pejbabijaxan ispojan” —aech Isaías, chajia jum-aech wut judíosliajwa. ⁴¹ Isaías japox chajia jum-aech, masoxtat taen xot Jesús nejpmamax. Isaías japox jum-aechbej Jesúsliajwa.

⁴² Pe nakiowa, xabich judíos naexasiti Jesús. Kaesupichbej judíospaklochow, naexasiti Jesús. Pe japi tulaela naksiya-el jiw jumtaesamatas, pejlwla xoti fariseosliajwa, fiasamatas leliajwa judíos naewujnabachanxot. ⁴³ Japi judíos kaes nejxasinki jiw nejchachaemlialias japiliajwa. Japi nejxasinka-el Dios nejchachaemilpoxliajwa japiliajwa.

Naexasis-elpi Jesús pejjamechan, japi jiw pejbun'wujjanpo

⁴⁴ Jesús pinjametat jüm-aech jiwliajwa: “Xamal xan nanaexasitam wüt, xankal nanaexasis-emil. Naexasitambej taj-ax, japon xan nato'apon. ⁴⁵ Xamal xan namatabijam wüt, matabijambej xan nato'apon. ⁴⁶ Xan, me-ama itliakax. Fuloekx ampathatasik xan nanaexasiti namaesamata itkuataxot.

⁴⁷ “Tajnaewuajna x jümtaenpi, naexasis-el wüt, xan tajut japi tasalaxinil pe-jbü'wüajnapoxanliajwa. Xan fulae-enilsik ampathatpijiw tajut tasalaliajwan japi pejbü'wüajnapoxanliajwa. Xanlax fuloekx ampathatpijiw bü'welija. ⁴⁸ Xan namastaenpi, japi naexasis-el wütbej tajnaewuajna x, xan tajut tasalaxinil japi jiw pejbü'wüajnapoxanliajwa. Japi tasalaxaes xan tajnaewuajna xantat japi pe-jbü'wüajnapoxanliajwa, that toep wüt. ⁴⁹ Xan tajut tajaxtat japox jümchi-enil. Taj-ax Dios, japon xan nato'apon, nabuxto'apoxan xan jüm-an, naewuajna x wüt. ⁵⁰ Xan matabijtax, taj-ax Dios pejtato'lax xabich pachaem. Japox jiw naexasit wüt, pomatkoicha duilaxaeli Diosxotse. Samata, xan jüm-anpoxan, japox jüm-an, me-ama taj-ax Dios nabuxto'a” —aech Jesús.

13

Jesús tuakkiatpox pejnachala

(Mt 10.24, 40; 20.28; Mr 9.37; 10.45; Lc 6.40; 9.48; 10.16; 22.27; Jn 15.20)

¹ We'p wütfuk kaematkoi Pascuafiestaliajwa, do jawüt, Jesús matabijt pejmatkoi wemoxspox pax Dios poxaliajwase. Xanal pejnachalwan, japon xabich nanejxasink ampathatat. Samata, pax Dios poxaliajwa wüt, jawütbej nakiowa Jesús nanejxasinkafül xanal pejnachalwan. Hasta japon tär wüt, nakiowa nanejxasinkafulon xanal.

²⁻⁴ Pascuafiesta mox wüt, Satanás pijaxtat Judas nejchaxoel wiasliajwapon Jesús padaelmajiwxot. Judas, Simón Iscariote paxulan, Jesús padaelman nadofapon. Jesús pajut matabijt fuloekpox Diosxotsik. Matabijtbejpon pejme japoxaxoeipox. Matabijtbejpon pax Dios chaxduchpox pamamax puexa tato'laliajwa. Do jawüt, xanal naxaelax wüt madoipijax, Jesús mesaxot nant wüt, jawüt jolton pejsumta-osax. Do jawütbej, fatkakuton toalla. ⁵ Do jawüt, küanarxot mint fandikon platónadik. Do jawüt, xanal natuakkiaton. Me-ama nabichan wüt, ja-aechon xanalliajwa. Toalla, fatkakutpoxtat, xanal natuakjoeipon.

⁶ Jesús kiasliajwa wüt Simón Pedro pejtüak, jawüt Pedro jüm-aech:

—Tajpaklon, ¿xamkat xan natuakkiasaxaelam? —aech Pedro Jesúsliajwa.

⁷ Jesús jümnot wüt, jüm-aech:

—Amwütjel xam matabijs-emilfuk xan isxpo. Baxael, matabijsaxaelam, ma-aech xot xan japox isx —aech Jesús Pedroliajwa.

⁸ Pedro pejme jüm-aech Jesúsliajwa:

—¡El! Xan ketapaeyaxinil xam natuakkiasliajwam —aech Pedro.

Do jawüt, Jesús jüm-aech:

—Xam tuakkias-enil wüt, xam tajnachalnaximil —aech Jesús.

⁹ Do jawüt, Simón Pedro pejme jüm-aech:

—Tajpaklon, ¡xam tajtuakkal nabej kias! ¡Kia'ebej tajke-e, tajmatnaetbej! —aech Pedro Jesúsliajwa.

¹⁰ Jesús jümnot wüt, jüm-aechon Pedroliajwa:

—Jelnawaen pat wüt asabatat, japon wewe'pa-esal pobü'ta kiasliajwas, jelnawaen xoton. Pachaem tuakkal kiasliajwas, tuak-asda'nik xot, sat sae'enas wüt. Xamalbej jam, ajil babijaxan nejnejchaxoelaxanxot, chiekal xan nanaexasitam xot. Pe nakiowa, kaen xamalxot pachaema-el pejnechaxoelax —aech Jesús Pedroliajwa.

¹¹ Jesús matabijt, achan wiasaxaeson padaelmajiwxot. Samata, Jesús japox jüm-aech.

¹² Dolisdo', Jesús ketoet wüt xanal pejnachalwan natuakkiatpoxan, pejme naxoelon pejsumta-osax. Do jawüt, pejme ek wüton mesaxot, xanal najüm-aechon:

—¿Xamalkat matabijam xan isxpox xamalliajwa? ¹³ Xamal najum-am: ‘Jiw chanaek-abuanan’ —na-am. ‘Tajpaklon’ —na-ambej. Diachwujnakolax xan nejpaklonan xamalliajwa. ¹⁴ Xan nejpaklonan wut, jiw chanaekabuanan wutbej, nakiowa patuakkiatx. Xan japox isx xamalbej jachiliajwam. ¹⁵ Japoxan xamal itpaeix chiekal matabijaliajwam, nakaewam nakajachawaesfulaliajwam. ¹⁶ Diachwujnakolax xan jum-an. Nabichan kaes pejme sitae-esal asew jiw. Me-ama pejpaklon xabich jiw sitaens, jachi-esal nabichan. To'asponbej kaes pejme sitae-esal. Me-ama to'apon xabich jiw sitaens wut, jachi-esal japon aton. Xamal nabichwam xanliajwa. Samata, xamal kaes paklochowa-emil. Me-ama xan kaes paklonan, jachi-emil xamal. Kaes pejme pachaem xamal matabijaliajwam xan itpaeixpoxan. ¹⁷ Xamal patuakkiatxpox matabijam wut, xamalbej, me-ama japox isaxaelam wut nakaewaliajwa, ja-am wut, xabich nejchachaemlaxaelam.

¹⁸ “Xan matabijtax xamal, makanotxpim. Pe japox jum-an wut, jumchi-enil puexa xamalliajwa. Matabijtax, kaen xamalxot tadaelman nadofapox. Me-ama Dios pejjamechan, chajia lelspx, jum-aech wut, japox ja-aechlisox. Jum-aechox: ‘Xan suapich, xaeyaxaelpon, japonlap tadaelman nadofaxael’ —aech chajia lelspx. ¹⁹ Japoxliajwa ma amwutjel jum-an, jachi-el wutfuk japox. Do japox, ja-aech wut, xamal xan nanaexaxisaxaelam, xan Cristoponanpox, Dios nato'aponan. ²⁰ Diachwujnakolax xan jum-an. Xamal sitaenam wut xan to'axpon, ja-am wut, xanbej nasitaenam. Xan nasitaenam wut, taj-ax Diosbej, sitaenam, japon xan nato'apon” —aech Jesús, xanal nachanaekabuana wut.

Jesús jum-aech Judas wiasaxaespx padaelmajiwxot

(Mt 26.20-25; Mr 14.17-21; Lc 22.21-23)

²¹ Do jawut, Jesús japox jum-aech wut xanalliajwa, xabich nejxaejwason. Jawut Jesús jum-aech xanal, pejnachalwanliajwa, chiekal matabijaliajwan:

—Diachwujnakolax xan jum-an. Kaen xamalxot nawiasaxael tadaelmajiwxot —aech Jesús.

²² Do jawut, xanal nakaewan nawujnachaemsnax, xanal matabija-enil xot, achanliajwa Jesús japox jum-aech. ²³ Dolisdo', naxaelx wut, xan Juan, Jesús xabich nanejxasinkponan, mox ekx Jesúsxot. ²⁴ Samata, Simón Pedro xan nato'a wujnachaemsliawjan, achanliajwa Jesús japox jum-aech. ²⁵ Do jawut, xan kaes mox chiekal soepnax Jesús wujnachaemsliawjan. Jawut xan wujnachaemtax wut, jum-an Jesúsliawja:

—Tajpaklon, ¿achanliajwakat xam japox jum-am? —an xan Jesúsliawja.

²⁶ Jesús najumnot wut, jum-aechon:

—Xan panax, taxthotxpox, kaen xamalxot chaxdusaxaelenpon, japonlap xan nawiasaxael tadaelmajiwxot —aech Jesús xanliajwa.

Dolisdo', Jesús taxthot wut panax, jawut chaxduton Judas Iscariote, japon Simón Iscariote paxulan. ²⁷ Do jawut, Judas panax, taxthosax, kefit wut, jawut Satanás low Judas pejmatpumatxot. Jawut Jesús jum-aech Judasliawja:

—Isaxaelampox isde kamtalejen! —aech Jesús.

²⁸⁻³⁰ Jesús japox jum-aech wut, Judas kamta chijiapon xanalxot. Judas chijia wut, madoiliso.

Puexa xanal, naxaelaxpin, matabija-enil, ma-aech xot Jesús japox jum-aech Judasliawja. Asew xanalxot nejchaxoel: “Jesús bej to'abej Judas wujsliajwa naxaeyaxan Pascuafiestaliajwa. Japoxa-el wut, Jesús bej to'abej Judas chaxduiliajwa plata jiw kejila” —aechi, nejchaxoel wut. Japox nejchaxoeli, kaen Judas platachoxa xalaeja xot puexa xanalliajwa.

Jesús waeltpx pajeltato'lax pejnachalaxot

(Jn 7.34; 15.12-17; 1 Jn 2.7; 3.23; 2 Jn 5)

³¹ Judas chijia wut, Jesús jum-aech xanalliajwa:

—Tajmatkoi pat. Amwut xamal taeyaxaelam tajpamamax xan, puexa jiw pakoewkolnanponanpox. Xan isxpoxantat taeyaxaelambej taj-ax Dios, xabich mamnikpon. ³² Xan

isxoxantat xamal taeyaxaelam taj-ax Dios, japon xabich mamnikpon. Dios isxoxantat-bej xamal taeyaxaelam, xan Dios paxulnan, xabich mamnikaxponan. Dios japox isaxael kamtalejen. ³³ Tajnachala, xamalxotaxaelen kaehora suapichliajwa asbuan jumch. Xan ajinil wut, xamal nawulwekaxaelam. Me-ama judiospaklochow chajia jum-an: 'Xamal fulaeyaximil xan fulaeyaxaelen poxade' —anpox, japox amwutjel xamalbej jum-an. ³⁴ Pajeltato'lax namanaxael xamalxot naexaxisfulaliajwam. ¡Nakaewa nanejxasinkde! Me-ama xan xamal nejxasinkax, ¡xamalbej ja-amsfulde nakaewaliajwa! ³⁵ Nakaewa nanejxasinkafulam wut, ja-amsfulam wut, potuajnuchapijiw matabijaxael xamal taj-nachalwampim —aech Jesús xanalliajwa.

Pedro xanaliyaxaelpox Jesús pejnachalanpoxliajwa
(Mt 26.31-35; Mr 14.27-31; Lc 22.31-34)

³⁶ Simón Pedro wuajna chaemt wut, jum-aechon Jesúsliajwa:

—Tajpaklon, ¿ampoxaxaelamkat xam? —aech Pedro.

Jesús jumnot wut, jum-aechon:

—Xan fulaeyaxaelen poxade, xamfuk amwut fulaeyaximil. Pe baxael, fulaeyaxaelam —aech Jesús.

³⁷ Do jawut, Pedro jum-aech:

—Tajpaklon, ¿ma-aech xotkat amwut xam nakfulaeyaxinilfuk? Xan nejchaxoelx tupaliajwam xamliajwa —aech Pedro.

³⁸ Jesús jumnot wut, jum-aechon:

—¿Diachwuajnakolaxkat xam nejchaxoelam tupaliajwam xanliajwa? Diachwuajnakolax xan jum-an. Kawaema nejlaewuajna, xan naxanaliyaxaelam tres veces. Jum-chiyaxaelam: “Xan japon aton matabijs-enil” —chiyaxaelam xanliajwa —aech Jesús Pedroliajwa.

14

Jesús, me-ama nuamtpox jiw pasliajwa Diosxotse

(Mt 7.7-11; 11.27; Lc 11.9-13; Jn 1.18; 6.46; 15.7, 16; 16.23-24; Hch 4.12; 1 Jn 3.21-22; 5.14-15)

¹ Jesús pejme jum-aech xanalliajwa: “¡Xamal xabich nabej nejchaxoele! ¡Dios xanaboejim! ¡Xan naxanaboejimbej, xan Dios paxulnan! ² Taj-ax Dios pejbaxot xabich batuchan jiw duilaliajwa. Ajil wut, xan japox jumchiyaxinil. Xanlap japoxaxoeyan xamal wuajna chaemsliajwan, jaxotse nejmach pomatkoicha xamal duilaliajwam. ³ Toetx wut chaemsaxan, xan pejme kaxaxoekan xamal buflaeliajwanse. Samata, xamal xanxotaxaelam. ⁴ Xamal matabijam, xan fuloeyaxoeyan poxase, japot, nuamt, pase xan dukx jaxotse” —aech Jesús xanal pejnachalwanliajwa.

⁵ Tomás jum-aech Jesúsliajwa:

—Tajpaklon, xanal matabija-enil, xam fulaeyaxaelam poxade. ¿Machiyaxaelenkat xanal japot nuamt fulaeliajwan? —aech Tomás.

⁶ Jesús jumnot wut, jum-aechon:

—Xanlap kaenan, nuamtan, jiw pasliajwa taj-ax Diosxotse, jaxotse japi jiw duilaliajwa. Jum-anbej diachwuajnakolaxpox Diosliajwa. Xan kaenan xajux kajachawaesliajwan jiw pomatkoicha duilaliajwa. Jiw pajut pijaxtat pasaxil taj-ax Diosxotse. Xan kaenan tajaxtatkal jiw pasaxael taj-ax Diosxotse, xan, me-ama nuamtan wut, ja-an xot. ⁷ Xamal chiekal xan namatabijam wut, chiekal pamatabijaxaelambej taj-ax Dios. Xanlap Dios paxulnan. Amwutjel xamal matabijam taj-ax Dios. Ja-am wut, me-ama najut taj-ax Dios pataenam, xan chiekal namatabijam xot —aech Jesús Tomásliajwa.

⁸ Do jawut, Felipe jum-aech:

—Tajpaklon, ¡xanal natapaem nej-ax taeyax! Ja-am wut, xanal kaes asax wuljoeyaxinil —aech Felipe Jesúsliajwa.

⁹ Do jawut, Jesús jumnot wut, jum-aechon:

—Felipe, pin-iamatkoivan xamalxotx. Pe nakiowa, chiekal namatabijs-emilfuk. Xan nataenpi, japi taenbej taj-ax Dios. Ja-aech wut, ¿ma-aech xotkat xan nawuljowam taj-ax taeliajwam? ¹⁰ ¿Xamkat naexasis-emil taj-ax xanxotpox, xanbej taj-axxotaxpox? Xan kaenejchaxoelax, taj-ax swapich. Jum-an wut xamalliajwa japoxan, xan tajut tajaxtat jumchi-enil. Taj-ax, pijaxtat jum-ansfulax. Taj-ax xanxot dukpon, japon isful pejbichax xanxot. ¹¹ ¿Ampoxlap xamal chiekal naexasi'e! Xan taj-axxotx. Taj-axbej xanxot. Japox naexasis-emil wut, japox naexasi'e, xan koechaxan isfulax xot! ¹² Xan jum-an diachwujnakolax. Xan nanaexasiti, japibej isaxael koechaxan, me-ama xan. Do baxael, xan to'axaelen Espiritu Santo, taj-ax poxasax xot. Samata, xan nanaexasitpi kaes xabich koechaxan isaxael Espiritu Santo pijaxtat. Me-ama xan, jachiyaxili. ¹³⁻¹⁴ Puexa xan tajaxtat Dios wuljowam wut, xan japoxan isaxaelen, xamal matabijaliajwam, xan japoxan isx taj-ax Dios pijaxtat —aech Jesús Felipeliajwa.

Jesús jumdutpox to'aliajwa Espiritu Santo pejnachala poxasik

¹⁵ Jesús pejme jum-aech xanal pejnachalwanliajwa: “Xamal xan nanejxasinkam wut, ¡tajtato'lax chiekal naexasisfulde! ¹⁶ Xan taj-ax Dios wuljoeyaxaelen asan to'aliajwapon, japon xamal kajachawaesfulaliajwa. Samata, taj-ax Dios to'axoek Espiritu Santo. Japon asawul Kajachawaesan. Japon pomatkoicha xamalxotaliajwa. ¹⁷ Espiritu Santo diachwujnakolax jum-aech. Ampathatpijiw, xan nanaexasis-elpi, japi sitae-el Espiritu Santo, tae-el xoti, matabija-el xotbejpi. Pelax Espiritu Santo pomatkoicha xamal nejmatpuatanxotaxael kajachawaesfulaliajwa. Samata, chiekal matabijaxaelam Espiritu Santo.

¹⁸ “Xan amxot chijian wut taj-ax poxase, xamal tamach waelaxinil. Xan pejme kaxaxoekan xamal poxasik. ¹⁹ Kaeswapich matkoivan wut, ampathatpijiw pejme xan nataeyaxil. Xamallax pejme nataeyaxaelam. Xan tux wut, Dios namat-et wut, pejme dukaxaelen. Samata, asamatkoi xamal xan tajaxtat pomatkoicha duilaxaelam Diosxotse. ²⁰ Espiritu Santo pask wut xamalxot, xamal matabijaxaelam xan taj-ax Diosxotaxpox. Ja-aech wut, xamal chiekal matabijaxaelambej xanxotampox. Do jawut, xanbej xamalxotaxaelen. ²¹ Matabijapi tajtato'laxan, japoxan naexasit wutbejpi, diachwujnakolax japi jiw xan nanejxasink. Taj-ax Diosbej japi nejxasinkaxaes, xan nanejxasinkpi. Xanbej japi nejxasinkaxaelen. Ja-an wut, japi matabijaxael, achanan xan” —aech Jesús xanal pejnachalwanliajwa.

²² Asan Judas, japon Judas Iscariote-el. Japon wujnachaemt wut, jum-aechon Jesúsliajwa:

—Tajpaklon, ¿ma-aech xotkat xanalkal koewan amwut natapaeyaxaelam matabijaliajwan, achanamkat xam? ¿Ma-aech xotkatlax xam tapaeaximil ampathatpijiwbej matabijaliajwa, achanam xam? —aech Judas Jesúsliajwa.

²³ Jesús jumnot wut, jum-aechon Judasliajwa:

—Xan nanejxasinkpi, japi naexasisfulaxael tajtato'lax. Ja-aech wut, japi nejxasinkaxaes taj-ax Dios. Xan, taj-ax Dios swapich, fulaeyaxaelen duilaliajwan, japi swapich. ²⁴ Jiw nanejxasinka-el wut, japi naexasis-el tajtato'laxan, tajnaewujnaxanbej. Xan tajut tajaxtat naewujna-enil. Japox taj-ax Dios pejnaewujnaxan, japon nato'apon ampathatasik —aech Jesús Judasliajwa.

²⁵ Do jawux, Jesús jum-aech xanal, pejnachalwanliajwa: “Amwutjel xamal japoxan jum-an, xamalxotx wutfuk. ²⁶ Pe Espiritu Santo xan tajaxtat taj-ax Dios to'axoek xamal nejmatpuatan poxasik, japon, Espiritu Santo, xamal chanaekabuanaxael puexa Dios pijaxan. Kajachawaesfulaxaelbejpon nejchafaekaliajwam puexa chajia xan jum-anpoxan xamalliajwa.

²⁷ “Athu poxasax wut, xamal chiekal pachaemsfulaxaelam Diosliajwa. Samata, me-ama xan nejchachaemlax tajnejchaxoelaxtat, xamalbej jachisfulaxaelam. Me-ama ampathatpijiw, xan nanaexasis-elpi japi pejnechachaemlax, jachi-el tajnejchachaemlax. Samata, ¡xamal xabich nabej nejchaxoele! ¡Xamal nabej nejlewle' bej! ²⁸ Xamallis

najumtaenam xan athu poxaxoeyanpox. Jumtaenambej pejme kaxaxoekapox xamalx-otaliajwan. Taj-ax kaes pejme paklon. Me-ama xan jachi-elon. Diachwujnakolax xamal xan nanejxasinkam wut, xamal nejchachaemlaxaelam xanliajwa, xan jum-an wut: 'Xan taj-ax poxaxoeyan' —an wut. ²⁹ Xan japox jum-an xamalliajwa. Do baxael, japox ja-aech wut, jawut xamal xan nanaexaxisaxaelam, xan chajia jum-an xot.

³⁰ "Kaes piach naksiyaxinil xamalliajwa, fulaeyaxael xot Satanás, ampathatpijiw tato'lan. Pe Satanás xan natato'laxil. ³¹ Ampathatpijiw matabijaxael, taj-ax xabich xan nanejxasinkpox. Samata, xan isfulax taj-ax Dios nato'apoxan.

"¡Nanim! ¡Chijias amxot!" —aech Jesús xanal pejnachalwanliajwa.

15

Jesús, me-ama uvanaech wut, ja-aechpox
(Jn 13.34; 15.17; 1 Jn 3.23; 2 Jn 5)

¹ Do jawut, xanal nuamtat folx wut, Jesús jum-aech: "Xan, me-ama uvanaech wut, ja-an. Taj-ax, me-ama uvalul tataeflan wut, ja-aech. ² Uvanaedalan, naboes-elpi, tataefulpon japadalan pi'a pelsliajwa. Asadalan naboe wut, tataefulpon japadalan chiekal chaemsaxael, kaes pejme naboesliajwa. Xamal, me-ama japadalan wut, ja-am, tajjiwam xot, xan nanaexasitam xotbej. ³ Xamal naexasitam xan naewuajnapoxan. Samata, amwutjel taj-ax Dios beltaen babijaxan isampoxanliajwa. ⁴ Ampathatatam wut, ¡xan naxanaboejafulde! Xanbej xamal chalafulaxaelen. Uvanaedalt tasiapchas wut, japadalt poklanaexota-el wut, uvadalt pajut tamach naboesaxil. Naboesliajwa wut, poklanaechantataxael. Xamalbej, me-ama japadalan wut, ¡ja-amde! ¡Isfulde pachaempoxan, xan naxanaboejam wut! Xan naxanaboeja-emil wut, isaximil pachaempoxan.

⁵ "Xan, me-ama uvanaech wut, ja-an. Xamal, me-ama japadalan wut, ja-am. Xamal xanxochfulam wut, isfulxaelam Dios nejxasinkpoxan. Me-ama uvanaedalan xabich naboesaxael, jachiyaxaelambej xamal. Xan naxanaboeja-emil wut kajachawaesliajwan, ja-am wut, xamal najut nijaxtat isaximil pachaempoxan. ⁶ Xan naxanaboeja-elpi, japi isaxil pachaempoxan. Me-ama padalan pi'aspi, jachiyaxaesbej japi jiw. Japadalan majow wut, nosaxaes jitat it-owaliajwas jaxot jitat chiekal toejwaliajwaspi.

⁷ "Xan naxanaboejam wut, naexaxisfulam wutbej xan naewuajnapoxan, ja-amsfulam wut, ¡wuljoesiampox taj-ax Dios, wuljoem! Japon japoxan xamal chaxduiyaxael, wuljowampoxan. ⁸ Isfulam wut pachaempoxan, Dios nejxasinkpoxan, ja-amsfulam wut, jiw matabijaxael diachwujnakolax xamal tajnachalwampim. Jasox ja-amsfulam wut, taj-ax sitaeyaxaes asew jiw. ⁹ Xamal nejxasinkax. Me-ama taj-ax xan nanejxasink wut, ja-an xan xamalliajwa. Samata, ¡xan naxanaboejim xamal nejxasinkaliajwan! ¹⁰ Xan naexaxisfulax taj-ax tato'alpoxan. Samata, taj-ax xabich nanejxasinkaful. Xamalbej naexaxisfulam wut xan tato'laxpoxan, ja-am wut, xamalbej nejxasinkafulaxaelen.

¹¹ "Xan ampoxan jum-an xamal nejchachaemlaliajwam. Me-ama xan nejchachaemlax xamalliajwa, xamalbej ja-amsfulde xanliajwa. Ja-amsfulam wut, kaematkoisful xabich nejchachaemlaxaelam. ¹² Japox jum-am wut, xamal to'ax nakaewa nanejxasinkaliajwam. Me-ama xamal nejxasinkax, ¡ja-amdebej xamal, nakaewa nanejxasinkam wut! ¹³ Nejxasinkpon pejnachala, pejnachala beyaxaes wut asew jiw, japon pejnachalaliajwa jumchiyaxael: '¡Tajnachala nabej nawebe!' ¡Xankal naboesim!' —chiyaxaelon. Japon jasox jachiyaxael, kaes pachaempox isliajwa ajilxot pejnachalaliajwa. ¹⁴ Isfulam wut xan tato'laxpox, ja-am wut, itpaeyam xamal xan tajnachalwampim. ¹⁵ Samata, amwutjel xamal jumchiyaxinil: 'Xamal tamakjiwam xanliajwa' —chiyaxinil, xamal tajnachalwam xot. Pamak matabija-el pejpaklon puexa isaxaelpoxan. Pelax xamal tajnachalwam xot, naewuajnapox puexa taj-ax Dios xan najum-aechpoxan. ¹⁶ Xamal nejchaxoelam wut, ¡chiekal nejchaxoelde, xamal makanotx xot! Xamal xan namakafis-emil. Samata, to'ax asapaklowaxanpijiw naewuajnafulaliajwam tajwujajan, isfulaliajwambej pachaempoxan Diosliajwa. Japoxan isfulam wut, japox toepaxil. Ja-amsfulam

wut, taj-ax Dios chaxdusaxael wuljowampoxan xan tajaxtat. ¹⁷ ¡Xamal to'ax nakaewa nanejxasinkafulaliajwam!” —aech Jesús xanal pejnachalwanliajwa.

Ampathatpijiw nejweslapox Jesús, japon pejnachalabej
(Mt 10.24; Lc 6.40; Jn 13.16; 17.14–18)

¹⁸ Jesús pejme jum-aech xanalliajwa: “Ampathatpijiw, xan nanaexaxis-elpi, japi xamal nejweslaxael. Ja-aech wut, xamal nejchaxoelaxaelam japi xan matxoela nanejweslapox. ¹⁹ Xamal ampathatpijwamkal wut, jiw nejweslaxil xamal. Japi nejxasinkaxael xamal. Me-ama pejiw nejxasink wut, jachiyaxaeli xamalliajwa. Pe xamal makanotx, japixotam wut. Samata, ampathatpijiw nejwesla xamal, kaes japixota-emil xot. ²⁰ ¡Nejchaxoelde chajia jum-anpox, jum-an wut: ‘Pamakan kaes paklona-el. Me-ama pejpaklon, jachi-el pamakan’ —an wut! Xamalliajwa jachiyaxaelbej. Ampathatpijiw babijaxan is wut xanliajwa, japiwej isaxael babijaxan xamalliajwa. Asew jiw lax naexasit wut tajnaewuajnaex, ja-aech wut, xamal naewuajnapox japi naexaxisaxaelbej. ²¹ Ampathatpijiw babijaxan isaxael xamalliajwa, tajnachalwam xot, japi matabija-el xot taj-ax Dios, xan nato'apon.

²² “Xan fulae-enil wut japi jiw naewuajnalialwan, ja-an wut, japi jiw bu'wuajanjilaxael. Pe xan fulaenx wut, japi naewuajnaexbej. Japi naexaxis-el tajnaewuajnaex. Samata, amwutjel jumchiyaxili: ‘Xan bu'wuajanjil’ —chiyaxili. ²³ Xan nanejweslapi, japi nejweslabej taj-ax Dios. ²⁴ Xan japixot koechaxan is-enil wut, japi jiw bu'wuajanjilaxael. Pelis xan koechaxan isx japixot. Pe nakiowa, japi jiw xan nanejwesla. Nejweslabejpi taj-ax Dios. ²⁵ Chajia lelspx jum-aech: ‘Masoxtat xan jiw nanejweslaxael’ —aechox. Samata, ampathatpijiw xan nanejwesla.

²⁶ “Xan Espíritu Santo to'axaelen xamal nejmatpuatanxotaliajwa. Japon asawul Kajachawaesan. Espíritu Santo jum-aech diachwuajnakolaxpoxkal. Espíritu Santo fuloek wut taj-axxotsik, jumchiyaxaelon pachaempoxan xanliajwa. ²⁷ Xan tuadutx wut jiw naewuajnaex, xamal xanxotam. Do jawux, hasta amwutjel, xan suapich, nanuamtam. Samata, xamalbej jumchiyaxaelam pachaempoxan xanliajwa” —aech Jesús xanal pejnachalwanliajwa.

16

Jesús pejnachala nabijasaxaelpox japon pijaxtat

¹ Jesús pejme jum-aech xanal pejnachalwanliajwa: “Xan jumchiyaxaelen ampoxan, xamal tajnachalwam xot, nabijatam wut kofasamatam xan naxanaboejampox. ² Xan naexaxis-elpi, japi xamal jukaxael judíos naewuajnaexanxot. Ja-aech wut, xamal tapaeyaxili pejme leliajwam. Japi ba wuti xamal, japi nejchaxoelaxael: ‘Xatis baes wut Jesús naexasiti, xatis isas Dios nejxasinkpox’ —chiyaxaeli, nejchaxoel wut. ³ Japi isaxael babijaxan xamalliajwa, matabija-el xoti taj-ax Dios, xanbej. ⁴ Japox xamal jum-an nejnejchaxoelaxan mamnikaliajwa. Japamatkoi pat wut xamalliajwa, xamal nejchaxoelaxaelam chajia jum-anpoxliajwa” —aech Jesús xanal pejnachalwanliajwa.

Espíritu Santo isfulpoxan ampahatat

Do pejme Jesús jum-aech xanal pejnachalwanliajwa: “Xamal majt ampox jumchilenil, tajut chiekal xamalxotx xot. ⁵ Pe amwut, xan taj-ax Dios, xan nato'apon, poxaxoeyan. Pe kaen xamalxot chinax nawuajnaexamt wut, najumchi-el: ‘¿Xam ampoxaxaelamkat?’ —nachi-el. ⁶ Xamallax asbuan jumch nejchaemilam, japoxan jum-an wut. ⁷ Diachwuajnakolax xan jum-an. Kaes pejme pachaem xamalliajwa xan taj-ax poxaliajwanse. Xan taj-ax poxa-enil wut, Kajachawaesan pasaxil xamalxotsik, japon kajachawaesliajwa xamal. Xanlax athu poxasax wut, ja-an wut, to'axoekan Kajachawaesan xamal nejmatpuatanxotaliajwa. ⁸ Espíritu Santo pask wut, ampahatpijiw chiekal pajut matabijaxael japi babijaxan ispoxanliajwa, pachaempoxanliajwabej. Espíritu Santo pijaxtat jiw matabijaxael Dios kastikaxaespx babijaxan ispi. ⁹ Espíritu Santo pijaxtatbej jiw matabijaxael japi babijaxan ispx, xan nanaexaxis-el xoti Dios bu'welialwas. ¹⁰ Espíritu Santo pijaxtatbej jiw matabijaxael pachaempoxan isliajwa,

xan taj-ax Dios poxaxoeyan xot. Xamal kaes nataeyaximil. ¹¹ Xan nanaexaxis-elpi, japi matabijaxael Espíritu Santo pijaxtat kastikaxaespo, babijaxan is xoti. Satanásbej, ampathatpijiw tato'lan, japon asamatkoi kastikaxaes.

¹² “Xan xabich kaes xamal jümchiliajwan. Pe xamal chiekal jümmatabijaximil japoxan. Samata, kaes jümchiyaxinil amwütjel. ¹³ Pe Espíritu Santo faloek wüt, japon pijaxtat xamal chiekal matabijaxaelam puexa diachwüajnakolaxpoxan. Pajut pijaxtat naksiyaxilon. Japon jümchiyaxael taj-ax Dios jüm-aechpoxan, tajnaewüajnaxanbej. Jümchiyaxaelbejpon asamatkoi jachiyaxaelpoxan. ¹⁴ Espíritu Santo kajachawaesaxael jiw xan nasitaeliajwa. Japon puexa taen, xan isxpoxan. Jümtaenbejpon puexa taj-naewüajnaxan. Puexa japoxan xamal chiekal chanaekabüanaxaelon. ¹⁵ Puexa taj-ax matabijtpoxan, japoxan xanbej matabijtax. Samata, jüm-an: ‘Puexa matabijtaxpoxan, Espíritu Santobej japoxan matabijt. Do jawüt, Espíritu Santo xamal chapaeyaxael, japoxan chiekal matabijaliajwam’ —an xan.

¹⁶ “Kaematkoi wütlejen, pejme xan nataeyaximil. Do jawüx, kaesüapich matkoiyan wüt xan pejme nataeyaxaelam” —aech Jesús xanal pejnachalwanliajwa.

*Jiw nejxaejwaxaespi Jesúsliajwa, japi jiw pejme nejchachaemlaxaelpox
(Mt 7.7-11; Stg 1.5-6)*

¹⁷ Do jawüt, xanal pejnachalwanpinxot, a sew nakaewa najüm-aech:

—¿Achax chiyaxaelkat Jesús jüm-aech wüt: ‘Kaematkoi wütlejen, kaes xan nataeyaximil. Do jawüx, kaesüapich matkoiyan wüt, xan pejme nataeyaxaelam’ —aech wütkat Jesús? ¿Achax chiyaxaelkat japox, pajutliajwa najüm-aech wüton: ‘Xan taj-ax Dios poxaxoeyan’ —aech wütkaton? ¹⁸ ¿Achax chiyaxaelkat, Jesús jüm-aech wüt: ‘Kaematkoi wütlejen’ —aech wütkat Jesús? Xanal chiekal matabija-enilfuk achaxliajwa Jesús naksiya —aech a sew xanalxot.

¹⁹ Jesús matabijt a sew xanalxot wüajnachemsasiaspox. Samata, jüm-aechon japiliajwa:

—Xamalliajwa chajia jüm-an: “Kaematkoi wütlejen, kaes xan nataeyaximil. Do jawüx, kaesüapich matkoiyan wüt, xan pejme nataeyaxaelam” —an wüt, ¿ma-aech xotkat xamal nakaewa nawüajnachamtam japoxliajwa? ²⁰ Diachwüajnakolax xan jüm-an. Xamal nejxaejwaxael, xan tüpx wüt. Nawünoeyaxaelambej. Do jawüt, ampathatpijiwlax, xan nanaexaxis-eli, japilax nejchachaemlaxael, xan tüpx wüt. Diachwüajnakolax xamal nejxaejwaxael xanliajwa. Pe nejnejxaejwax chalechkal toepaxael. Jawüt nejchachaemilaxkal naliasaxael. ²¹ Pawis boejpuns wüt naxüwlaliajwa, wexaenkas. Jawüt nabijatpox, wepach wüt pejmatkoi. Pe paxüch nalaelt wüt, japow nabijatpox, xaeyax, nejkiowpox. Japow chiekal nejchachaemil, paxüch nalaelt xot. ²² Xamal amwütjel ja-am, nejxaejow xot xanliajwa. Xamalfuk nejxaejwaxael ampamatkoiyantat. Pe pejme xamal taeyaxaelen wüt, japamatkoitat pejme xamal nejchachaemlaxaelam. A sew jiw toesaxil nejnejchachaemlax.

²³ “Japamatkoitat kaes xan nawüajnachemsaximil matabijaliajwam, Espíritu Santo pajut xamal chanaekabüanafüaxael xot. Diachwüajnakolax xan jüm-an. Taj-axbej chaxduiyaxael puexa xamal wüljowampoxan xan tajaxtat. ²⁴ Hasta amwütjel, xamal taj-ax Dios chinax wüljoe-emil xan tajaxtat. Pe amwütjel xan tajaxtat taj-ax Dios wüljoeflaxaelam. Taj-ax Dios chaxduiyaxael xamal wüljowampoxan xan tajaxtat. Ja-am wüt, xabich nejchachaemlaxaelam nejnejchaxoelaxantat” —aech Jesús.

*Jesucristo malechapox chaemilpoxan ampathatat
(Ro 8.37; 2 Co 2.14; Ap 3.21; 5.5)*

²⁵ Jesús pejme jüm-aech xanal pejnachalwanliajwa: “Me-ama majt wüajnantat jüm-an xamal naewüajnax wüt, jasoxtat pejme naewüajnaxinil. Pe asamatkoi jümchiyaxaelen xabich tampoela-elaxtat taj-ax Diosliajwa. ²⁶⁻²⁷ Japamatkoitat xamal najut xan tajaxtat taj-ax Dios wüljoeyaxaelam, kawüajnam wüt wewe'ppoxanliajwa. Xamalliajwa xan wewüljoeyaxinil taj-ax Dios, taj-ax tapaei xot xamal najut wüljoeliajwam, nejxasink

xoton. Taj-ax Dios nejxasink xamal, xan nanejxasinkam xot, naexasitam xotbej xan fūloekponanpox Diosxotsik. ²⁸ Xan fūloekx taj-axxot pasliajwan ampathatat. Amwūt athū poxaxoeyan taj-ax poxase” —aech Jesús xanal, pejnachalwanliajwa.

²⁹ Do jawūt, xanal japon pejnachalwan jūm-an:

—Amwūtjel xam jūm-am chiekal tampapoxtat. Kaes naewuajna-emil wuajantat. ³⁰ Amwūtjel xanal matabijax xam puexa matabijtamponam. Xam chajia chiekal matabijtam xanal wuajnachaemsasianpoxan xam. Samata, chiekal xanal chanaekabuānam wūt, kaes nawewe'pa-el xam wuajnachaemsliajwan. Samatabej, xanal chiekal naexasitx xam Diosxotsik fūloemkponanpox —an xanal Jesúsliajwa.

³¹ Jesús jūmnot wūt, jūm-aechon xanalliajwa:

—Xamal amwūtjel xan chiekal nanaexasitam. ³² Pelis tajhora nawepat. Amwūt xamal nasalaxaelam nejlel, asew jiw babijax isaxael xot xanliajwa. Tamach nawaelsaxaelam, nejlewla xot. Pelax xan tamachaxinil, taj-ax nachala xot. ³³ Xan japoxan jūm-an xamal nejlewasamata, xamal xan naxanaboejam xot. Ampathatatam wūt, nabijasaxaelam. Pe nabijatam wūt, ¡xamal nabej nejlewle! ¡Xanlis malechax chaemilpoxan ampathatat! —aech Jesús xanal pejnachalwanliajwa.

17

Jesús Dios kawuajanpox pejnachalialiajwa (Jn 13.18)

¹ Jesús buxtoet wūt jūm-aechpox xanalliajwa, do jawūt, athū natachaemsepon. Pax Dios kawuajan wūt, jūm-aechon: “Ax, tajmatkoi nawepat. ¡Jiw itpaem xan mamnikaxponanpox, naxūnan xot! Ja-aech wūt, xanbej itpaeyaxaelen xam xabich mamnikamponanpox. ² Xam natapaeyam puexa jiw tato'lialiajwan. Samata, xan naxūnan kajachawaesaxaelen xan nanaexasiti, japi pomatkoicha duilaliajwa xamxotse. ³ Ax, xam kaenam Diosnam. Do kaes asan, Dios, chiekal jil. Xanbej Cristowan, xam nato'amponan ampathatasik. Jiw xatis naknaexasit wūt, japi jiw duilaxael pomatkoicha xatisxotse.

⁴ “Toetx tajbichax, xam nato'ampox isliajwan. Jiw, ampathatpijiw, itpaeix xam xabich mamnikamponanpox, xam chiekal sitaeliajwapi. ⁵ Ax, chajiakolaxtat, ampathat ajil wūtfuk, jawūt xanbej xamxotx. Jaxotse, xam suapich, puexa tato'lax xam nijaxtat. ¡Amwūtjel pejme jasox isde xanliajwa, xamxotaxaelen wūt!

⁶ “Ampathatpijiwxot, asew xam makanotam, japi jiw xan nanaexasisfulaliajwa. Xan tajaxtat japi matabijaful, achanam xam. Majt japi jiw xam nejjiw. Pe amwūtjel, japiwej xan tajjiw. Japi jiw naexasisfulbej nejamechan. ⁷ Japi jiw amwūtjel matabija xam nijaxtat xan puexa isfulaxpox. ⁸ Majt najūm-ampoxan, japoxan xan japi jiw naewuajjnx. Amwūtjel japi naexasisful japanaewuajjnxan. Amwūtjel japi pajut matabijabej diachwuajnakolax xan fūloekxponan xamxotsik. Matabijabejpi xam nato'amponanpox.

⁹ “Xan nanaexasitpi, japi jiwliajwa xam kawuajjnx. Xan kawuajjna-enil ampathatpijiwliajwa, japi xam naexasis-elpiliajwa. Xanlax kawuajjnx xam makanotampiliajwa, japi xan nanaexasisful, xam nejjiw xot. ¹⁰ Xan tajjiwpi, japiwej puexa xam nejjiw. Puexa xam nejjiwpi, japiwej xan tajjiw. Japi jiw ispoxantat asew jiw, xan nanaexasis-elpi, nasitaen.

¹¹ “Xan kaes namanaxinil ampathatat, xam poxaxoeyan xot. Pelax tajjiw namaeyaxael ampathatat. Ax, pomatkoicha pachaemamponam, tajjiw chiekal nawetataeflaxaelam, asew jiw babijaxan isasamata japiajwa. Xam kawuajjnx japi nakaewaliajwa kaenejchaxoelaxliajwa. Me-ama xatis kaenejchaxoelax, japiwej jachisfulaliajwa. ¹² Xan, japi suapich, dukx wūt, chiekal tataeflax xam nijaxtat. Nawenafo'a-el, xan nanaexasiti xot. Kaenlax japixot nafa'a, fūlaeyaxaelpon infierno poxade. Me-ama nejamechan chajia lespox jūm-aech japonliajwa, japox ja-aechlisox.

¹³ “Amwüt xam poxaxoeyan. Ampox xam jum-an, ampathatxotx wütfuk, xan nanaexasitpi chiekal nejchachaemlaliajwapi, me-ama xan nejchachaemlax wüt, jachiliajwapi. ¹⁴ Xan japi naewuajna-x nejamechan. Samata, ampathatpijiw nejwelaspi, ampathatpijwa-el xoti. Xanbej ampathatpijna-enil. ¹⁵ Xan wuljoe-enil xam jukaliajwam xan nanaexasiti ampathatxot. Xanlax wuljowx japi nawetataeflaliajwam, Satanás naekichachajbasamatasbejpi. ¹⁶ Amwütjel japi ampathatpijwa-el. Me-ama xan ampathatpijna-enil, ja-aechbej japi. ¹⁷ ¡Kajachawaesfulde isfulaliajwapi xam nejxasinkampoxan, diachwuajnakolaxpoxan! Nejamechan diachwuajnakolax. ¹⁸ Xan to'ax japi naewuajnalialjwapi ampathatpijiw, me-ama xam xan nato'am ampathatpijiw naewuajnafulaliajwan. ¹⁹ Xan thiltax isfulaliajwan xam nejxasinkampoxan. Japoxan xan isfulax xan nanaexasitilialjwa. Do jawux, japi isfulaxael xam nejxasinkampoxan. Jasox isful wüt, isfulaxael pachaempoxan, matabija xoti nejamechan, diachwuajnakolaxpox.

²⁰ “Xam kawuajna-x wüt, kawuajna-enil xan nanaexasitpikallialjwa. Kawuajna-xbej a sew jiwliajwa, japi asamatkoi naexasisaxaelpi tajwuajan, naewuajan wüt xan nanaexasiti. ²¹ Ax, xam kawuajna-x xan nanaexasitilialjwa, puexa japi kaenejchaxoelaxliajwa. Xatis kaeyax chiekal nejchaxoes. Kawuajna-x japibej kaenejchaxoelaxliajwa, xatis suapich, ampathatpijiw matabijaliajwa xam nato'amponanpox ampathatasik. ²² Xan tajpamamax chaxdutx japi. Japox najur, me-ama xam nachaxdutampox. Jasox isx japi kaenejchaxoelaxliajwa. Me-ama xatis kaeyax chiekal nejchaxoes, japibej jachiliajwa. ²³ Do jawüt, japi chalaxaelen, me-ama xam xan nachalam chiekal kaenejchaxoelaxliajwan, xam suapich. Do ja-aech wüt, ampathatpijiw chiekal xan namatabijaxael xan nato'amponanpox. Do jawüt, ampathatpijiw pajut matabijaxaelbejpi xam jiw nejxasinkampox, me-ama xan nanejxasinkam wüt, ja-ampox jiwliajwa.

²⁴ “Ax, xan nejxasinkax jiw xanxotaliajwa, xam makanotampi xan nanaexasisliajwa. Nejxasinkaxbej puexa japi jiw matabijaliajwa xan xabich tajpamamaxpox, xam nachaxdutampox, xam chajia xan nanejxasinkam xot, that is-esal wütfuk. ²⁵ Ax, xam xabich pachaemam. Ampathatpijiw xam matabija-el. Pe xan matabijtax xam. Xan nanaexasiti matabija diachwuajnakolax xan nato'amponanpox. ²⁶ Xan jum-an nanaexasitilialjwa, ma-am xam. Japoxlap jumchisfulaxaelen. Do ja-aech wüt, japi jiw nakaewa nanejxasinkafulaxael. Me-ama xam xan nanejxasinkafulam wüt, jachiyaxaelbej japi jiw. Xanbej pomatkoicha japixotaxaelen” —aech Jesús, pax Dios kawuajan wüt.

18

Jesús jaeltaspox padaelmajiw

(Mt 26.39, 47-56; Mr 14.36, 43-50; Lc 22.42, 47-53)

¹ Jesús büxtoet wüt pax Dios kawuajanpox, fulaech wuton, xanalbej, japon pejnachalwan, nakfulaechx. Minlajt putkalpox xenax. Japaminlajt, putkalpox, pawul Cedrón. Xenaxxot olivonaechan nuil. Olivonaechan nuilxot Jesús xanal nabu'pat. ² Judas, wiasaxaelpon Jesús padaelmajiwxot, japon chiekal matabijt xanal jaxotaxaelenpox, jaxot chajia Jesús pin-iaveces jinatameja xot, xanal suapich. ³ Samata, Judas kaemüt soldaw bu'pa'an jaxot. Bu'pa'anbejpon Dios pejtemploba weti. Japi to'as sacerdotespaklochow, fariseosbej. Xafoli iwa, espadas, lanzasbej. Kelafolbejpi baenthnaechan, xape'asi naetat italiafaliajwa, fol xoti madoi. Kelafolbejpi lámparas. ⁴ Jesús chajia matabijt japonliajwa jachiyaxaespox. Samata, Jesús jaxot fulaech bu'kakulnaliajwapon fulaeni. Do jawüt, jum-aechon japi jiwliajwa:

—¿Achankat xamal wulwekam? —aechon.

⁵ Kaen japixot jumnot wüt, jum-aechon Jesúsliajwa:

—Xanal wulwekx Jesús, Nazaret paklowaxpijin —aechon.

Jesús jum-aech:

—Xanlap nawulwekamponan —aechon.

Judas, wiasaxaelpon Jesús, japixot nukon. ⁶ Jesús jum-aech wut: 'Xanlap nawulwekamponan' —aech wut, japi soldaw, asew jiwbej, chalechkal tʉakre'xalaenki. Jawut satat oeljabapi. ⁷ Jawut, Jesús pejme wuajnachaemt wut, jum-aechon:

—¿Achankat xamal wulwekam? —aech Jesús.

Japi pejme jum-aech:

—Xanal wulwekx Jesús, Nazaret paklowaxpijin —aechi.

⁸ Jawut Jesús pejme jum-aech japiliajwa:

—Xan jum-an: 'Xanlap nawulwekamponan' —an xan. Xan nawulwekam wut, ampi, tajnachala, ¡chijiyax tapaem! —aech Jesús.

⁹ Japox ja-aechliso, Jesús pajut jum-aechpox jachiliajwa: "Ax, nachaxdutampi, chinax kaen nawenafo'a-el" —aech Jesús, majt chajia kawuajan wut pax Dios. ¹⁰ Do jawut, Simón Pedro chalechkal pej-espada kukchapon. Jawut kaen aton, cho'chikchapon, poklalel pejcho't. Japon pawul Malco. Japon nabist sacerdotespaklokolanliajwa. ¹¹ Do jawut, Jesús jum-aech Pedroliajwa:

—¡Nej-espada jemk ta-akadik! Diachwuajnakolax xan jum-an. Xan nabijasaxaelen. Me-ama taj-ax Dios chajia jum-aech nabijasliajwan, japox ma amwut jachiyaxael —aech Jesús.

Jesús nukpox Anás pejuajnalel

(Mt 26.57–58; Mr 14.53–54; Lc 22.54; Jn 11.49–50)

¹² Do jawut, soldawcapitán, pejsoldaw suapich, malis Dios pejtemploba wetibej, japi judíospi, japi jaelt Jesús. Do jawut, Jesús muatat kus. ¹³ Matxoela buflaechipon Anás pejba poxade. Japon Anás, Caifás puax. Caifás sacerdotespaklokolan japawaestat. (Anásbej majt sacerdotespaklokolan asawaestat.) ¹⁴ Caifás chajia jum-aech judióspaklochowliajwa: "Kaes pejme pachaem, kaen aton tamach tupliajwa. Jasoxtat xabich jiw tupaxil" —aech Caifás, chajia jum-aech wut.

Pedro xanaliapox Jesús matabijtpoxliajwa

(Mt 26.69–70; Mr 14.66–68; Lc 22.55–57)

¹⁵ Jesús bu'fos wut, Simón Pedro wuchakal atuaxach fol. Xan, tawulponan Juan, wuchakal atuaxach folxbej. Sacerdotespaklokolan xan namatabijt. Samata, xan tamach lowx bafulmaktxot Jesús pejuwachakal. ¹⁶ Pe Pedro naman tathoetat, bafafaxot. Do jawut, xan kaxandax. Sacerdotespaklokolan xan namatabijt xot, bafafa wetpow kawuajna, Pedrobej leliajwa. ¹⁷ Pedro bafulmaktxot low wut, japow wuajnachaemtason. Japow jum-aech:

—¿Xamkatlap jaeltaspon pejnachalnam? —aechow.

Pedro jumnot wut, jum-aech:

—¡El! ¡Xan japon pejnachalna-enil! —aech Pedro.

¹⁸ Xabich thunk xot, Caifás pamak, Dios pejtemploba wetibej, jit itfoti. Jaxot japi jiw jit su'chanuil. Pedrobej jaxot jit naksu'chanuk.

Sacerdotespaklokolan xabich wuajnachaemtpox Jesús

(Mt 26.59–66; Mr 14.55–64; Lc 22.66–71)

¹⁹ Do jawut, sacerdotespaklokolan tuadutlison wuajnachaemsliajwapon Jesús pejnachalapiliajwa, naewuajanpoxliajwabej. ²⁰ Japon buxtot wut wuajnachaemsax, Jesús jum-aech:

—Xan tulaela jum-an jiw pejuajnalel. Naewuajna xbej judíos naewuajna bachanxot, Dios pejtemplobaxotbej, judíos natameja wut. Xan maliach naewuajna-enil. ²¹ ¿Ma-aech xotkat nawuajnachaemtam japoxan? ¡Wuajnachaemde najumtaenpi! Japi chiekal matabija xan jum-anpoxan. Japi jumchiyaxael, achax xan jum-an, jiw naewuajna x wut —aech Jesús sacerdotespaklokolanliajwa.

²² Jesús japox jum-aech wut, kaen Dios pejtemploba wetpon ke-etat xuselchapon Jesús. Do jawut, jum-aechon:

—¿Ma-aech xotkat xam japox jum-am sacerdotespaklokolanliajwa? —aechon, palala xot.

²³ Jesús jumnot wut, jum-aechon:

—Babejjamechan jum-an wut, ¡najum-amde, achaxkat chaemil xamliajwa! Xan jum-anpox diachwujnakolax wut, ¿ma-aech xotkat naxuselcham? —aech Jesús.

²⁴ Do jawut, japi wujnachaemsax buxtoet wut, Jesús kus wutfuk, Anás to'a soldaw Jesús buflaeliajwas Caifás poxade, jaxotde kaes pejme wujnachaemsliajwas Jesús, japon sacerdotespaklokolan xot.

Pedro pejme xanaliapox Jesúsliajwa

(Mt 26.71-75; Mr 14.69-72; Lc 22.58-62; Jn 3.14; 12.32)

²⁵ Pedro nakiowa jaxot jit naksu'chanuk. Jawut jaxot su'chanuili, japibej jum-aech Pedroliajwa:

—¿Xamkatlap jaeltaspon pejnachalnam? —aechi.

Pedro jumnot wut, jum-aechon:

—¡Xan jaeltaspon pejnachalna-enil! —aech Pedro.

²⁶ Sacerdotespaklokolan pamakan jaxot nuk. Japon cho'chikchaspon pejwul-aton. Japonbej wujnachaemt wut, jum-aechon Pedroliajwa:

—¿Xamkat bej taenxbej, nukam wut, Jesús suapich, olivonaechanxot? —aechon.

²⁷ Pedro pejme xanalia wut Jesúsliajwa, jawut kawaema nejla. Me-ama Jesús chajia jum-aech, ja-aechlisox.

Jesús nukpox Pilato pejwujnajelel

(Mt 27.1-2, 11-14; Mr 15.1-5; Lc 23.1-5)

²⁸ Do kandiawasap wut, juimt jula-el wutfuk, judíos buflaeni Jesús Caifásxotdin, asaba poxade. Japaba, Pilato pejba, xabich pinaba. Japon gobernador Judea tuajnuxot, to'as xoton Roma gobierno. Japabaxot pat wut, judíos le-el gobernador pejba, xaeyaxael xoti Pascuafiestanaxaeyax. Judíos leyaxael wut judíos-atonael pejba, judíos xaeyaxil Pascuafiestanaxaeyax. Ja-aech judíos pejkabuanpox. ²⁹ Samata, Pilato nakolde pejbaxot nospaeliajwa, judíos suapich. Do jawut, jum-aechon japiliajwa:

—¿Achaxkat Jesús is xamal tasalaliajwam japon? —aech Pilato.

³⁰ Do jawut, judíos chiekal jumnos-el wut, jum-aechi asbuan jumch: —Japon aton babejna-el wut, xanal japon buflaeyaxinil xamlel —aech judíos Pilatoliajwa.

³¹ Do jawut, Pilato jum-aech judíosliajwa:

—¡Xamal najut japon aton buflaem kastikaliajwam, me-ama xamal nejkabuan! —aech Pilato judíosliajwa.

Judíos japox jumtaen wut, jum-aechi:

—Xam tapae-emil, xanal judíos tajut kastikaliajwan, boesaliajwanbej aton —aech judíos Pilatoliajwa.

³² Japox ja-aechlisox, me-ama Jesús chajia jum-aech, achaxtat tupaxaelon. ³³ Do jawut, Pilato lechlison batuchade. Jawut jumxato'apon Jesús fulaeliajwa Pilatolel. Do jawut, Pilato jum-aech, Jesús wujnachaemt wut:

—¿Xamkatlap diachwujnakolax puexa judíos pejreynam? —aech Pilato Jesúsliajwa.

³⁴ Jesús jumnot wut, jum-aech:

—¿Xamkat najut nijaxtat japox xan nawujnachaemtam? O, ¿asew jiw jum-aech wut, jumtaenam xot, xan japox nawujnachaemtam? —aech Jesús Pilatoliajwa.

³⁵ Pilato jumnot wut, jum-aechon Jesúsliajwa:

—Xan judíos-atonael-enil. Nejjiw, judíos, sacerdotespaklochowbej, japi xam buflaen xanlel jumchiliajwa xam nejbu'wujnampoxliajwa. ¿Achababijaxkat isam japi palalaliajwapi xamliajwa? —aech Pilato.

³⁶ Jesús jumnot wut, jum-aechon:

—Xan jiw tato'la-enil ampathatat. Xan jiw tato'lax wut ampathatat, tajjiw nabeyaxael judíospaklochow, pejiw suapich, akanajaels xan nawias-elaliajwapi judíospaklochowxot. Xan jiw tato'la-enil ampathatat —aech Jesús Pilatoliajwa.

³⁷ Do jawut, Pilato pejme wuajnaemnt wut, jum-aechon:

—¿Xamkatlap diachwuajnakolax reyponam? —aech Pilato.

Jesús jumnot wut, jum-aechon:

—Diachwuajnakolax, me-ama xam jum-am. Xanlap jiw reyponan. Samata, xan nalaeltax pawistat. Jasoxtat fuloekx ampathat poxasik jiw naewuajnalijwan diachwuajnakolaxpox. Puexa jiw matabijasiapi diachwuajnakolaxpox, japi jiw xan najumtaen. Japi jiwbej xan nanaexasit —aech Jesús.

³⁸ Do jawut, Pilato jum-aech:

—¿Achaxkat diachwuajnakolaxpox? —aechon.

Pilato to'apox Jesús kematamatlaliajwas

(Mt 27.15-31; Mr 15.6-20; Lc 23.13-25)

Doliso', Pilato wuajnaemnsax buxtoet wut, nakoldepon jumchiliajwa judíos. Do jawut, Pilato jum-aech judíosliajwa:

—Xan faena-enil babijax japon ispox. Kastikaxisalbejpon. ³⁹ Xamal nejkabuan. Pascuafiesta isam wut, xamal xan nawuljowam kaen aton jiw jebaxot jiaspon nakolsax tapanaliajwan. ¿Xamalkat nejxasinkam xan nakolsax tapanaliajwan jumtispon: 'Judíos pejrey' —tispon? —aech Pilato judíosliajwa.

⁴⁰ Judíospaklochow, asew jiw suapichbej, pinjametat jum-aechfuli Pilatoliajwa:

—¡Japona-el! ¡Barrabás nakolsax tapanem! —aech xabich jiw.

Barrabás jiw jebaxot jias, kethakan xot. Japon majt nababej, Pilato pejsoldaw suapich.

19

¹ Do jawut, Pilato keto'a soldaw Jesús selsliajwas. Samata, jawut, Jesús buflaech wut, jaxotde Jesús seltas pakmuat kabuanchiyaxtat. ² Ketoech wut selsax, xakoeyapi na-e'lu Jesús matlua'sliajwas. Do jawut, matlua'tas wut, xajoelsbejpon, me-ama rey pijax, jasox. Japox chikjiana pasoeyaxlejen. ³ Do jawut, me-ama jiw tato'lan wut, ketispon. Japi soldaw ketaxaxaelali Jesús. Do jawut, moxdepi Jesúsxot. Jawut jum-aechi Jesús pejwuajnalel:

—¡Moi, judíos pejrey! —aechi.

Jawut xuselbalas Jesús.

⁴ Pilato pejme nakolt pejbaxot. Do jawut, jum-aechon judíos pejwuajnalel:

—¡Xan chiekal nanaewe'e! Jesús buflaenx xamal chiekal matabijaliajwam, chinax xan babijax faena-enil, japon ispox —aech Pilato.

⁵ Do jawut, Jesús xajoels pakchowax. Japox chikjiana pasoeyaxlejen. Xakoeyaspox, na-e'lu, matlua'tas Jesús. Jawut Pilato jum-aech:

—¡Taem! ¡Ama xamal tasalampon! —aechon judíosliajwa.

⁶ Do jawut, sacerdotespaklochow, Dios pejtemploba wetibej, Jesús taen wuti, nejlasful wut, jum-aechi Jesúsliajwa:

—¡Kematamatalde cruztat! ¡Kematamatalde cruztat tupaliajwa! —aechfuli.

Pe Pilato jum-aech:

—¡Xamal najut buflaem cruztat kematamatlaliajwam! Xan chinax faena-enil babijax japon ispoxan kematamatlaliajwan cruztat —aech Pilato japi jiwliajwa.

⁷ Judíospaklochow jumnot wut, jum-aechi Pilatoliajwa:

—Moisés chajia lelpox xanal naexasisfulax. Japawuajanxot to'a, me-ama ampon aton, jason kastikaliajwas, boesaliajwasbejpon, japon pajut najum-aech xot: 'Xan Dios paxulan' —na-aech xoton —aech judíospaklochow Pilatoliajwa.

⁸ Pilato jumtaen wut japi jum-aechpox Jesúsliajwa, jawut kaes pejme pejlewlapon Jesúsliajwa. ⁹ Samata, pejme pejba lechon, Jesús suapich. Jaxotde pejme Pilato wuajnaemnt wut, jum-aechon Jesúsliajwa:

—¿Amxotpijnamkat xam? —aech Pilato Jesúsliajwa.

Pilato japox wuajnaemnt wut, Jesús kaes jumnos-el. ¹⁰ Do jawut, Pilato jum-aech:

—¿Xamkat kaes najumnosaximil wuajnaemntaxpox? ¿Xamkat matabijs-emil xan xajuxpox xam nakolsax tapaeliajwan, o, to'aliajwanlax soldaw cruztat xam kematamatlaliajwa, tupaliajwambej? —aech Pilato.

¹¹ Do jawut, Jesús jumnot wut, jum-aechon Pilatoliajwa:

—Dios tapaei xam tato'laliajwam ampatuajnujijiw. Dios tapae-el wut jiw tato'laliajwam, xam najut nijaxtat ampatuajnujijiw tato'laximil. Aton nawiatpon xamxot, japon aton kaes pejme pejbu'wuajan Diosliajwa. Me-ama xam, jachiyaxilon —aech Jesús Pilatoliajwa.

¹² Do jawut, Pilato nakolsax tapaesiaapon Jesús. Pe judíos nejlasful wut, jum-aechfuli:

—Japon nakolsax tapaeiam wut, xam kaenejchaxoelaxa-emil, nejrey suapich, dukpon Roma paklowaxxot. Nejmach-aton rey nadofasia wut, japon aton Roma tuajnujijiw tato'lan padaelmanaxael —aech judíos Pilatoliajwa.

¹³ Pilato, japox jumtaen wut, lapon soldaw, japi buflaeliajwa Jesús japonlel. Do jawut, Pilato ek pejtua-ekaxtat. Jaxot pawul Gabata hebreojamet. Japox jumchiliajwa: “Ia' dadapox, me-ama pislejen” —chiliajwa japox. ¹⁴ Kaematkoi we'pfuk Pascuafiestaliajwa. Matnoch juimt ek wut, Pilato jum-aech judíosliajwa:

—¿Amponlap nejrey! —aech Pilato Jesúsliajwa.

¹⁵ Pelisdo', judíos nejlasful wut, jum-aechfuli:

—¿Kematatalde cruztat tupaliajwa! —aechful, judíos nejlasful wut.

Pilato wuajnaemnt wut, jum-aechon:

—¿Xamalkat nejxasinkam nejrey kematamatlaliajwas cruztat? —aech Pilato judíosliajwa.

Sacerdotespaklochow jumnot wut, jum-aechi:

—¿Japon xanal tajreya-el! ¿Xanal kaen tajrey! ¿Japon Roma tuajnujijiw tato'lan! —aechi.

¹⁶ Do jawut, Pilato to'a soldaw Jesús buflaeliajwas, kematamatlaliajwas cruztat, tupaliajwabejpon. Do jawut, soldaw Jesús bu'fos kematamatlaliajwas cruztat.

Jesús kematamatlaspox cruztat

(Mt 27.32-44; Mr 15.21-32; Lc 23.26-43)

¹⁷ Do jawutbej, soldaw bu'follisi Jesús muax poxade. Japamuax pawul Matnaethitmuax. Jesús pajut xafol cruz. (Hebreojamet japamuaxliajwa jum-aechi: “Gólgota” —aechi.) ¹⁸ Japamuaxxot Jesús kematamatlas cruztat, kolenje kethakan suapich. Japi kaenanula kematamatlas pejcruztat. Jesús pejkolelelje chanuili. ¹⁹ Pilato to'a lelaliajwapi tawlaf chadusliajwa Jesús pejcruztat, jiw matabijaliajwa, ma-aech xot Jesús tuxaxael cruztat. Samata, lespox jum-aech: “Jesús, Nazaret paklowaxpijin, japon judíos pejrey” —aechox. ²⁰ Jesús kematamatlasxot mox Jerusalén paklowax. Samata, xabich judíos xaljow pale, tawlaftat chaduchpox. Japatawlaftat lels tresjamechantat. Kaejame lels hebreojamet. Segundojame lels latínjamet. Tercerojame lels griegojamet. ²¹ Do jawut, sacerdotespaklochow fulaech Pilato poxade. Pat wuti Pilatoxot, jum-aechi nejthu'axtat:

—¿Ma-aech xotkat lelampox jum-aech: ‘Judíos pejrey’ —aechkatox, lelampox? ¿Japox chaku'e! ¿Asax lelde! ¿Nej jum-aechepox: ‘Jiw naewuajan wut, jum-aechon pajutliajwa: “Xan judíos pejreynan” —aechon’ —nej ja-aechel lelampox! —aech paklochow Pilatoliajwa.

²² Pilato jumnot wut, jum-aechon:

—Ma xan iketo'ax, do japoxtat leslisox —aech Pilato judíospaklochowliajwa.

²³ Jesús kematamatla-esal wutfuk, japi cuatro soldaw Jesús naxoeipoxan wejoltipon. Cruztat kematamatla wuti, Jesús naxoeipoxan japi soldaw not kaenanula xadadiajpaliajwa. Matxoelapijax, pakchowax, naxoeldikpox, japoxbej wefitipon. Japox porbu'kal, ithoe-esal, chiekal baelspoxkal. ²⁴ Soldaw nakaewa najum-aech japoxliajwa:

—¡Xatis ampox nabej thiaſtis! Nakakujſaxaes ia'xix matabijaliajwas, achan kanaxael japox —na-aechi nakaewa.

Do jawut, nakakujtliſi ia'xix. Iſliſi japox, me-ama Dios pejjamechan, chajia leſpox, jum-aech Jeſúſliajwa. Jum-aechox: “Diajkaxaeli xan naxoeixpoxan nakaewaliajwa. Aſbuan jumch nakakujſaxaeli matabijaliajwa, achan kanaxael matxoelapijax, naxoelax” —aech chajia leſpox japoxliajwa.

²⁵ Jeſúſ cruztat chanukxot, japon pen jaxot mox. Jaxotbej Jeſúſ penow. Japow pawul María, Cleofas pijow. Jaxotbej aſaow María. Japow Magdala paklowaxpijow. ²⁶ Jeſúſ pen taen wut moxpoſ, xanbej, Jeſúſ nanejſaxinkponan, mox nukx japowxot. Jawut Jeſúſ jum-aech penliajwa:

—En, amwutjel xamliajwa Juan, me-ama naxulan wut, ja-aechon —aech Jeſúſ penliajwa.

²⁷ Jawut Jeſúſ jum-aechbej xanliajwa:

—Juan, xam amwutjel taj-en, me-ama nej-en wut, ja-aechow. Samata, chiekal nawetataeflaxaelam —aech Jeſúſ xanliajwa.

Japamatkoitat, Jeſúſ tɔpaxwɔx, xan tajba poxadax wut, japow buflaechx tataeflaliajwan.

Jeſúſ tɔppox cruztat

(Mt 27.45–56; Mr 15.33–41; Lc 23.44–49)

²⁸ Do jawut, Jeſúſ matabijt puexa chiekal toepox japonliajwa, me-ama Dios pejjamechan, chajia leſpox, jum-aech, jachiliajwapox. Jeſúſ jum-aech:

—Xan minsila —aechon.

²⁹ Jaxot vino, xathunkpot, cha-ek jarrotat. Kaen aton esponja, paputhkax, xathot japavino poxadik. Xathot wut, esponja xakoeya nae-oeftat Jeſúſ ſuiliajwa. Japanaeya pawul hiſopo. Do jawut, xachosapon Jeſúſ pejkaecha poxase. ³⁰ Do jawut, japox Jeſúſ ſuw wut, vino, jum-aechon:

—Puexa, xan iſxpoſan, toetx —aechon.

Jawut, Jeſúſ natxatdik wut, tɔplison.

Soldawan pejlanzatat chenaxɯa'lapox patɔpan Jeſúſ

³¹ Kaematkoi we'p wut Paſcuafieſtaliajwa, napatamatkoiyaxael xotbej, judíoſpaklochowliajwa wepachaema-eſal Jeſúſ kaes chanukaliajwa cruztat, aſewbej. Japamatkoi, napatamatkoi, judíoſ kaes pejme ſitaen, Paſcuafieſtamatoiyaxael xot. Samata, jawut, chawɯajnachaemsmatkoi wut, judíoſpaklochow Pilato poxade wɯljoeliajwa, japon keto'aliajwa ſoldaw bejalbalaliajwas cruztat kematamatlaſpi, kamta japi tɔpaliajwalejen, jawɯx kuiliajwas cruzxotſik, mɯthaliajwasbejpi. ³² Do jawut, Pilato to'a wut ſoldaw, japi fɯlaech kematamatlaſpi poxade. Pat wuti jaxot, matxoelapijin bejalchapi, japon tɔpa-el xotfuk. Aſan, aſalel chanukpon, bejalchasbej. ³³ Soldaw mox wut Jeſúſxot, taeni Jeſúſ tɔppox. Samata, Jeſúſ bejalcha-eſal.

³⁴ Do jawut, kaen ſoldawan Jeſúſ chenaxɯa'la lanzatat, chiekal matabijſliajwa diachwɯajnakolax Jeſúſ tɔp wut, o, ja-el wut. Jawut chalechkal jal nakola. Nakolabej min. ³⁵ Xan Juan lelx japoxan. Taenxpoſan diachwɯajnakolax. Samata, jum-an diachwɯajnakolaxpoſ, xamalbej chiekal naexaſiſliajwam xan jum-anpoſan Criſtoliajwa. ³⁶ Japoxan ja-aech, me-ama Dios pejjamechan, chajia leſpox, jum-aech japox jachiliajwa. Chajia jum-aechox: “Japon chinax kaethit wejalchaxiſal” —aechox. ³⁷ Chajia aſafut jum-aechbejpoſ leſpox: “Taeyaxaeli kaen aton, chenaxɯa'laſpon” —aechox.

Patɔpan Jeſúſ ochpoſ mɯaxwɯajtat

(Mt 27.57–61; Mr 15.42–47; Lc 23.50–56)

³⁸ Jeſúſ tɔp wut, Joſé, Arimatea paklowaxpijin, fɯlaechon Pilato poxade. Pat wɯton Pilatoxot, Joſé kawɯajan Pilato, patɔpan Jeſúſ xalaeliajwapon, oſliajwabejpon mɯaxwɯajxot. Japon Joſé maliach naexaſit Jeſúſ, pejlewla xoton judíoſpaklochowliajwa. Do jawut, Pilato najaw-aech Joſé xalaeliajwa patɔpan Jeſúſ. Samata, fɯlaechon patɔpan

poxade. ³⁹ Nicodemo, japon majt fůlaechpon madoi nospaeliajwa, Jesús sůapich, japon xapat treinta kilos xabejasapan Jesús kematamatlasxot. Japasapan, taniałas mirrasapan, ńloebelenbej, patůpan joelaliajwapoxan. ⁴⁰ Do jawůtbej, Josć, Nicodemo sůapich, chaxfoli patůpan Jesús. Mamochbů'antat, pokchobů'an, matxakoeyapi patůpan, xabejasapan joelapi patůpan. Ja-aech, judńos is wůt pejwůajnapijiw pijax, patůpan můthsliajwa wůt. ⁴¹ Jesús cruztat kematamatlasxot, jaxot mox papijax, olivonaechan nuil. Jaxot pajelmůaxwůaj patůpanliajwa. Chinax kaen patůpan japawůajtat os-esalfůk. ⁴² Japawůaj mox. Samata, jaxot patůpan Jesús oti, chawůajnaemsmatkoi xot, napatamatkoi judńosliajwa xabich mox pawůajna xotbej.

20

*Patůpan Jesús mat-ech pejme dukaliajwa
(Mt 28.1-10; Mr 16.1-8; Lc 24.1-12)*

¹ Napatamatkoi toep wůt, kandiasap, itkůa'nik wůtfůk, Marńa, Magdala paklowaxpijow, fůlaech patůpan Jesús och poxade. Mox fol wůt, taenow ia't, pinjit, fafaxot matariamnaspox. Japot, ia't, majt faka'ch, patůpan Jesús ochxot. ² Samata, najaetow Simńn Pedro poxade. Jawůtbej xan, Jesús xabich nanejxasinkponan, Simńn Pedroxotx. Xanalxot pat wůt, nachapaei wůt, najům-aechow:

—Wajpaklon juch, wůajxot ochpon. Xanal matabija-enil amxot pejme otipon —na-aechow, nachapaei wůt.

³ Xanal japox jůmtaenx wůt, Pedro sůapich, fůlaechx patůpan Jesús och poxade. ⁴ Xanal důkpax. Xan kaes tabisla. Samata, xan matxoela patx patůpan Jesús ochxot. ⁵ Do jawůt, najůlchax wůajfafaxot taeliajwan wůajtu. Jaxot wůajtutat taenx mamochbů'ankal, pokchobů'an. Pe xan le-enilde wůajtu. ⁶ Pedro pat wůt wůchakal, japonlax low wůajtu. Jaxot Pedrobej taen mamochbů'ankal. ⁷ Jaxot taenbejpon asabů', Jesús matnaexakoeyasbů', papijaxtat okafůlpox, xakoeyaspox. ⁸ Xan matxoelapatxponan, wůchakal lowx. Xanbej taenx mamochbů'ankal, oel wůt. Japox taenx wůt, xan naexasitx Jesús diachwůajnakolax mat-echpox pejme dukaliajwa. ⁹ Japamatkoiyan xanal chiekal jůmmatabija-enilfůk Dios pejjamechan, chajia lelspon, jům-aech wůt: “Mesńas mat-esaxes pejme dukaliajwa” —aech wůtox. ¹⁰ Do jawůx, xanal nawiax bachade, Pedro sůapich.

*Jesůs natulaeltpox Marńa Magdalena paklowaxpijowxot
(Mr 16.9-11)*

¹¹ Xanalwůx Marńa Magdala paklowaxpijow pat patůpan Jesús ochwůajxot. Wůajfafaxot japow now. Now wůt, natachaemsepow wůajtuchade. ¹² Jawůt taenow kolenje Dios pej-ńgeles. Japi naxoeipox xabich papoei. Chalaki patůpan Jesús majt ochxot. Kaen ek matnaetlel. Asan ek thitlel. ¹³ Japow wůajnaemtas wůt Dios pej-ńgeles, jůmtispow:

—ńMa-aech xotkat nowam? —tispow.

Japow jůmnot wůt, jům-aechow:

—Tajpaklon, patůpan, amxot och. Pe asew jiw juchpon. Matabijs-enil amxot pejme otipon —aechow Dios pej-ńgelesliajwa.

¹⁴ Japox jům-aech wůt, natfo'cha wůt, taenow kaen aton. Pe matabijs-elow japon Jesúspon. ¹⁵ Do jawůt, japon wůajnaemtas wůt, jům-aechon japowliajwa:

—ńMa-aech xotkat xam nowam? ńAchankat wůlwekam? —aechon japowliajwa.

Japow nejchaxoel: “Ampon olivonaechan tataeflan” —aechow, nejchaxoel wůt. Samata, jům-aechow:

—Patůpan Jesús xam jutam wůt, ńnajům-amde amxot otampon, xan japoxaliajwan patůpan wůlwekaliajwan! —aechow.

¹⁶ Do jawůt, japon jům-aech:

—ńMarńa! —aechon.

Japow natfo'cha japonlel. Do jawut, japow chiekal matabijt japon Jesúspon. Do jawut, brixtat nukjaba wut, jum-aechow hebreojametat:

—¡Rabuni! —aechow pejjametat. (Japajame jumchiliajwa: “Jiw chanaekabñanan” —chiliajwapox.)

¹⁷ Jesús pejme jum-aech:

—¡Nakikofde nathitakuktampox! Xanfuk taj-ax poxa-enilse. ¡Xabua'de tajnachala poxade! ¡Japi jum-amo ampo: ‘Xan waj-ax Dios poxaxoeyan’ —amo japi, charaeyam wut! —aech Jesús Maríaliajwa.

¹⁸ Do jawux, María, Magdala paklowaxpijow, fulaen xanallel, Jesús pejnachalwan poxadin. Pat wutow xanalxot, najum-aechow: “¡Xan wajpaklon taenx! ¡Japon pejme duk!” —aechow. Nachapaeibepow Jesús baxto'aspo.

Jesús natulaelt pox pejnachalaxot

(Mt 28.16–20; Mr 16.14–18; Lc 24.36–49)

¹⁹ Do madoi wut, japamatkoi, dominko wut, xanal, Jesús pejnachalwan, natamejlax batutat. Bafafachan chiekal xatbe'ax, tajlewla xot judíos paklochowliajwa. Jawut chalechkal Jesús natulaelt batutat. Nuk wut xanal tajwujnalel, jum-aechon:

—Xan patx. ¡Puexa nej pachaema xamalxot! —aech Jesús.

²⁰ Japox jum-aech wut, xanal na-itpaeipon pejke-e kematamatlaspojan, chenaxua'laspoxbej. Jawut xanal xabich nejchachaemlax, pejme taenx wut wajpaklon Jesús. ²¹ Jesús pejme xanal najum-aech:

—¡Puexa nej pachaema xamalxot! Me-ama taj-ax nato'a ampathatasik, xamalbej to'axaelen asew jiw naewujnalijwam —aech Jesús xanal pejnachalwanliajwa.

²² Do jawut, xanallel ful wut, jum-aechon:

—Espíritu Santo amwutjel xamalxot. ²³ Xamal jiw beltaenam wut, babijaxan ispi, japi kofa xot babijaxan ispojan, ja-am wut, Diosbej beltaeyaxael japi jiw. Xamal beltae-emil wut jiw babijaxan ispi, japi kofa-el xot, ja-am wut, Diosbej beltaeyaxil japi jiw —aech Jesús xanal pejnachalwanliajwa.

Tomás taenpox Jesús, japon mat-echpon pejme dukaliajwa

²⁴ Tomás xanalxotpijin, Jesús pejnachalan. Japontat puexa xanal dosan. Japon Tomás asawul Na-o'an. Jesús natulaelt wut xanalxot, jawut Tomás xanalxota-el. ²⁵ Do baxael, Tomás xanalxot wut, xanal jum-an Tomásliajwa:

—¡Xanal taenx wajpaklon Jesús! —an xanal Tomásliajwa.

Pe japon Tomás xanal najumnot wut, jum-aechon:

—Xan tajut tae-enil wut wajelan, kematamatlaspojan, xan naexaxisaxinil xamal. Naexaxisaxinilbej, tajut tae-enil wut chenaxua'laspo. Xan xadonasian tajkothiyatat japon pejke-ewajelan. Jachasianbej tajke-etat japon chenaxua'laspo —aech jumch Tomás, asax paei wut.

²⁶ Do jawux, ocho matkoijan xent wut, xanal, Jesús pejnachalwan, pejme natamejlax batutat. Bafafachan chiekal xatbe'ax. Jawut Tomás xanalxot. Do jawut, chalechkal Jesús natulaelt xanalxot batutatan wut. Nuk wut xanal tajwujnalel, jum-aechon:

—Xan patx. ¡Puexa nej pachaema xamalxot! —aech Jesús.

²⁷ Do jawut, Jesús jum-aech Tomásliajwa:

—Tomás, ¡taem tajke-e! ¡Xadonde nejkothiyatat! ¡Xabua'din jachaliajwam nachenaxua'lapox! ¡Nabej jum-aech!: ‘Xan naexaxisaxinil, tajut tae-enil wut Jesús mat-echpox, pejme duk wutlison’ —nabej aech! ¡Nanaexasi'e xan namat-etxponanpox, pejme dukxponanpoxbej! —aech Jesús Tomásliajwa.

²⁸ Do jawut, Tomás nejthu'axtat jum-aechon:

—¡Xam tajpaklonam, tajDiosnambej! —aech Tomás Jesúsliajwa.

²⁹ Jesús jum-aech Tomásliajwa:

—Xamlis chiekal xan nanaexasitam, najut chiekal nataenam xot. Asew jiw xan nanaexasisaxael natae-elaxtat. Japibej xabich nejchachaemlaxael —aech Jesús Tomás-liajwa.

Ma-aech xot ampox pelfut lels

³⁰ Xanal, Jesús pejnachalwan, taenx, Jesús xabich kaes koechaxan is wut. Ampapelfut tat puexa japoxan lela-enil. ³¹ Xan lelx koechaxanliajwa xamal chiekal matabijaliajwam, naexasisliajwambej Jesucristo, Dios to'aspon, japon Dios paxulan. Xamal japon naexasisfulam wut, pomatkoicha duilaxaelam Diosxotse.

21

Jesús natulaelt pox siete pejnachalaxot

(Lc 5.5-6)

¹ Do jawux, Jesús natulaelt wut Jerusalén paklowaxxot, pejme natulaelton, xanal Galilea pukaxotan wut. Japapuka asawul, Tiberias puka. Amwut japoxliajwa jum-chiyaxaelen, ma-aech, Jesús natulaelt wut xanal pejnachalwanxot. ² Jesús natulaelt wut sietepinxot, kaen xanalxot pawul Simón Pedro. Asan pawul Tomás. Japon asawul Na-o'an. Asan pawul Natanael. Japon Caná paklowaxpijin Galilea tuajnuaxot. Asan pawul Santiago. Japon xan takoewan. Xan, tawulpon Juan, jawut japixotanbej. Xanal kolenan Zebedeo paxin. Kaes asew kolenjebej jaxot. Japibej Jesús pejnachala. ³ Natamejlax wut, Jesús natulaels-el wutfuk xanalxot, Simón Pedro xanal najum-aech:

—Xan nabaxisaxaelen —na-aechon.

Xanal jum-an:

—Bajal. Xanalbej fulaeyaxaelen —an xanal.

Do jawut, falkam pajulx. Nabaxitx wut, japamadoitat, chinaxkatdo' kaen baxin xawaeslax chiekal pama-an. ⁴ Nalian wut, Jesús natulaelt pukababut'at. Pelax xanal, japon pejnachalwan, matabija-enil, achan japon. ⁵ Jesús pinjametat xanal nawuaj-nachaemt wut, jum-aechon:

—¡Moi! ¿Massuapichkat xamal baxi xawawaelam? —aechon.

Xanal jumnotx wut, jum-an:

—Ajil. Chinax kaen baxin xawaes-enil —an xanal.

⁶ Jesús xanal najum-aech:

—¡Chinchorro fo'amik falkam poklalel! Jaxot baxi xawawaelaxaelam —aech Jesús.

Jawut xanal ow-an. Jasox isx. Do jawut, chinchorro jusliajwan wut osliajwan falkamtat, xajupa-enil, chinchorro xabich chadewnik xot, baxi wuluk xotbej. ⁷ Xan, xabich Jesús nanejxasinkponan, jum-an Pedroliajwa:

—¡Japon wajpaklon! —an xan.

Simón Pedro xan jum-anpox jumtaen wut, jawut sumta-otox naxoelchapon, jolt xoton nabaxisliajwa. Do jawut, Pedro naxoelcha wut, diwk minadik. Joechlison Jesús poxade. ⁸ Xanal, Jesús pejnachalwan, namaxpin falkamtat, wuchakal chapatx thaejtade, xabich xot baxi chinchorrotat. Pukapamakt pasliajwan xabich atuaja-el. Me-ama cien metros. ⁹ Xanal chapatx wut, nanax falkamtat. Jawut taenxbej jit, baxin ok wut jitmatwujtat, chabochpon. Okbej pan. ¹⁰ Do jawut, Jesús xanal najum-aech:

—¡Xalaemen kaesuapich baxi, xawawaelampi, chabowaliajwam! —aechon.

¹¹ Do jawut, Simón Pedro falkam juldik baxi chadado'naliajwa chinchorrotat, thaejtat jusliajwapon. Japachinchorro xabich baxi, pinanul, wuluk. Japi baxi ciento cincuenta y tres. Baxi pin-iat wut, chinchorro nakiowa liks-esal. ¹² Do jawut, Jesús jum-aech xanalliajwa:

—¡Xabua't, kandiawasappijax xaeliajwam! —aech Jesús xanalliajwa.

Chinax kaen xanalxot pawuaj-nachaems-enil, achankat japon, xanal tajut chiekal matabijax xot japon wajpaklonpox. ¹³ Do jawut, Jesús mox soepan xanallel. Jawut fiton pan xanal nachaxduiliajwa. Ja-aechbejpon baxin chabochponliajwa.

¹⁴ Jesús natulaelt wut xanalxot, japoxtat tres veces natulaelton xanal pejnachalwanxot, pejpatupaxwux, pejmat-esaxwuxbej.

Jesús nospaeipox, Simón Pedro suapich

¹⁵ Xanal kaechatoelx wut, Jesús wuajnachaeamt wut Simón Pedro, jum-aechon Simón Pedroliajwa:

—Simón, Jonás paxulan, ¿xamkat xan kaes nanejxasinkam? Me-ama tajnachala asew nejxasinkam wut ¿jachi-emilkat xam xanliajwa? —aech Jesús.

Pedro jumnot wut, jum-aechon:

—Diasdo', tajpaklon. Xam chiekal matabijtam xam nejxasinkaxpox —aechon.

Jesús pejme jum-aech Pedroliajwa:

—Jelxan nanaexasiti, japi chiekal xam nawetataefulde! Me-ama ovejas tataeflan chiekal tataeful pejew corderos, ¡xambej ja-amde jelxan nanaexasitiliajwa! —aech Jesús Pedroliajwa.

¹⁶ Do pejme Jesús wuajnachaeamt wut, jum-aechon Pedroliajwa:

—Simón, Jonás paxulan, ¿xamkat xan kaes pejme nanejxasinkam? —aech Jesús Pedroliajwa.

Pedro pejme jumnot wut, jum-aechon:

—Diasdo', tajpaklon. Xam chiekal matabijtam xam nejxasinkaxpox —aech Pedro Jesúsliajwa.

Jesús pejme jum-aech Pedroliajwa:

—¡Chiekal nawetataefulde jelxan nanaexasiti! Me-ama ovejas tataeflan chiekal tataeflaful pejew ovejas, ¡xambej ja-amde jelxan nanaexasitiliajwa! —aech Jesús Pedroliajwa.

¹⁷ Do pejme kaes Jesús wuajnachaeamt wut, jum-aechon Pedroliajwa:

—Simón, Jonás paxulan, ¿xamkat xan nanejxasinkam? —aech Jesús.

Do jawut, Jesús kaes wuajnachaeamt xot, jum-aech xoton: “¿Xamkat nanejxasinkam?” —aech xot Jesús Pedroliajwa, Pedro jumnot wut, jum-aechon:

—Tajpaklon, xam puexa chiekal matabijtam. Matabijtambej xam nejxasinkaxpox —aech Pedro Jesúsliajwa.

Do jawut, Jesús jum-aech Pedroliajwa:

—¡Chiekal nawetataefulde jelxan nanaexasiti! Me-ama ovejas tataeflan chiekal tataeflaful pejew ovejas, ¡xambej ja-amde jelxan nanaexasitiliajwa! ¹⁸ Diachwuajnakolax jum-an. Xam pansianam wut, najut naxoelam. Ma fulaesiam poxade fulaemch. Pe pati'nam wut, asamatkoi muaxxachosaxaelam asew jiw xam xajoelaliajwa. Do jawut, xam buflaeyaxaeli nejxasinka-emil poxade —aech Jesús Pedroliajwa.

¹⁹ Japox Jesús chajia jum-aech matabijsliajwa, achaxtat Pedro tupaxael, Cristo naexasit xoton. Do jawut, Jesús pejme jum-aech Pedroliajwa:

—¡Xan nakfulaem! —aech Jesús Pedroliajwa.

Pedro wuajnachaeamt pox Juanliajwa

(Jn 13.25)

²⁰ Do jawut, Jesús, Pedro suapich, laelp wut, Pedro kaxadik wultataek wut, xan nataenpon, wuchakal laejax wut. Jesús kaes xan nanejxasinkponan. Jesús xanal nabu'xael wut Pascuafiestanaxaeyax, jawut xan mox ekx Jesúsxot. Xan japon wuajnachaeamtax wut, jum-an: “Tajpaklon, ¿achankat xam wiasaxael nadaelmajiwxot?” —an xan japamadoitat.

²¹ Do jawut, Pedro xan nataen wut, jawut wuajnachaeamt on Jesús. Jum-aechon xanliajwa:

—Tajpaklon, ¿machiyaxaeskatlax Juan asamatkoi? —aech Pedro Jesúsliajwa.

²² Jesús jumnot wut, jum-aechon:

—Xan nejxasinkax wut japon ampathatat laejaliajwa, hasta xan paskax wut pejme, ¡xam nabej nejchaxoele' japoxliajwa! ¡Xamlax pomatkoicha xan nanaexasisfulde! —aech Jesús Pedroliajwa.

²³ Samata, a sew jiw, Jesús naexasiti, nakaewa najum-aech xanliajwa: “Juan tuxaxil” —na-aechful jiw nakaewa. Pe Jesús japox jum-aech wut, jumchi-elon xan tuxaxinilpoxliajwa. Jesús lax jum-aech xanliajwa: “Xan nejasinkax wut japon ampathatat laejaliajwa, hasta xan paskax wut pejme, xam nabej nejchaxoele' japoxliajwa!” —aech Jesús Pedro liajwa.

²⁴ Xan, Juan, tajut taenxroxan, tajut jumtaenaxbej, japoxan ampapelfutat lel. Xan chiekal matabijtax puexa japoxan diachwujnakolax.

²⁵ Jesús ampathatat wut, xabich asaxan pachaempoxan ispon. Puexa japoxan kaenanula lelax toetx wut, xabichaxael japapel-uafan. Samata, japapel-uafan bej xajuxaxilbej ampathatat.

Apóstoles isful Jesús to'aspox

Jesús chajia jumdutpox pasliajwa Espíritu Santo

¹⁻² Xan Lucas, lelx ampapelfut xamliajwa, Teófilo, xabich sitaenxponam. Asafut chajia xato'ax xamliajwa, matxoelalelxfut. Japafutat lelx Jesús ispoxan, naewuaj-nafulpoxanbej, tuadut wuton isfulpoxan. Hasta Jesús bu'fos wut athu poxase, do jawut, kekoftax lelxpoxan japon isfulpoxanliajwa, naewuajnafulpoxanliajwabej. Chajia xato'ax japafut xamliajwa. Jesús Dios buflae-esal wutfuk athu poxase, Jesús pej-apóstoles, japi makanotpipon, japi to'as Espíritu Santo pijaxtat naewuajnafulaliajwa Cristo pejuwajan potuajnucha.

³ Jesús tɔp wut, mat-ech wut pejme dukaliajwa, jawut kamtalejen natulaelaful apóstolesxot. Samata, japi apóstoles chiekal matabija diachwuajnakolax Jesús mat-echpox pejme dukaliajwa. Jesús cuarenta matkoian natulaelaful apóstolesxot. Jesús naewuajnaful Dios puexa pejiw tato'laxaelpoxliajwa.

⁴ Buflae-esal wutfukon athu poxase, Jerusalén paklowaxxot wutfukon, apóstoles suapich, jawut jum-aechon: “Xan xamalxota-enil wut, jnabej pankole'fuk ampapak-lowaxxot! jWuajnawe'e Espíritu Santo pasliajwa xamalxotsik! Taj-ax Dios japox chajia jumdut xamalliajwa. Xanbej chajia japox jum-an xamalliajwa. ⁵ Diachwuajnakolax Juan jiw bautisa mintat. Kaematkoian suapich wut, Espíritu Santo pasaxael xamalxotsik. Ja-aech wut, Dios xamal bautisaxael Espíritu Santotat” —aech Jesús apóstolesliajwa.

Jesús bu'fospox athu poxase

⁶ Apóstoles natameja wut, Jesús suapich, jawut japi wuajnachaemt wut, jum-aechi Jesúsliajwa:

—Paklon, ¿xamkat amwut tato'laxaelam xanalkal, judíos? Me-ama wajwuajnapijin, rey David, Israel tuajnujijiwkal tato'al, ¿xamkatlap-is jachiyaxaelam ma amwut? —aech apóstoles Jesúsliajwa.

⁷ Jesús jumnot wut, jum-aechon:

—Kaen, taj-ax Dios, matabijt maswut japox jachiyaxael. Dios tapae-el xamal matabijaliajwam. Kaen, taj-ax Dios, jumchiyaxael, maswut japox jachiyaxael. ⁸ Pe Espíritu Santo pask wut xamalxotsik, ja-aech wut, Espíritu Santo pejpamamaxtat xamal naewuajnafulaxaelam tajwuajan potuajnuchanpijiw. Naewuajnafulaxaelam Jerusalén paklowaxpijiw, Judea tuajnujijiwbej, Samaria tuajnujijiwbej. Atuj asatuajnuchanpijiwbej naewuajnafulaxaelam tajwuajan —aech Jesús apóstolesliajwa.

⁹ Jesús japox jum-aech wutfuk, apóstoles natachaema wutbej, Jesús bu'fos athu poxase. Jesús itloejentutat wut, apóstoles kaes tae-elisi Jesús. ¹⁰ Apóstoles fulnatachaema wutfuk, jawut kolenje Dios pej-ángeles chalechkal natulaelba apóstolesxot. Japi pejnaxoe xabich papoei. ¹¹ Do jawut, jum-aechi apóstolesliajwa:

—Xamal Galilea tuajnujijwam, ¿ma-aech xotkat xamal natachaemanuilam? Japon Jesús pajut pejme asamatkoi xamalxotaxael. Me-ama amwutjel bu'fason, pejme jachiyaxaeson asamatkoi, pasliajwa wut ampathatasik —aech ángeles apóstolesliajwa.

Apóstoles makafitpox Matías, apóstolliajwapon

¹² Jesús athu poxase bu'fos wut olivonaechan nuilxot, apóstoles japamuxxot kaxa nawen Jerusalén paklowax poxadin. Japanuamt, me-ama kolekilómetros. Napatamatkoi wut, judíos tapaeis jaskilómetros fulaeliajwa. ¹³ Jerusalén paklowaxxot apóstoles pat wut, lowpi ba. Do jawut, athu julachi batu poxase, japi moejt poxase. Japi apóstoles kaenanula pejuulan. Kaen pawul Pedro. Asan pawul Juan. Asan pawul Santiago. Asan pawul Andrés. Asan pawul Felipe. Asan pawul Tomás. Asan pawul Bartolomé. Asan pawul Mateo. Asan pawul Santiago. Japon Alfeo paxulan. Asan pawul Simón. Japon majt asamutpijin, celotemutpijin. Asan pawul Judas. Japon Santiago paxulan. ¹⁴ Dios

kawuajnalijwa wut, apóstoles natameja, Jesús pakoew suapich, Jesús penbej, pawulpow María, asew watho'bej. Japi kaenejchaxoelax Dios kawuajnalijwa.

¹⁵ Japamatkoiyan kaeyaxtat natameja wut Jesucristo naexasitpikal, puexa japi cientoveinte jiw. Do jawut, Pedro nant wut naksiyalijwa, jum-aechon japilijwa: ¹⁶ “Takoew, me-ama rey David chajia lel Espíritu Santo pijaxtat Judas isaxaelpoxlijaw, japox islison. Judas asew jiw bu'fol Jesús jaelslijawas. ¹⁷ Judas majt Jesús pejnachalan, xanal suapich. Nabistbejpon Dios pejbichax. ¹⁸ (Judas babijax is wut Jesúslijaw, mochpon. Japaplatatat wuajton sat. Do jawut, pajut nakaechariamake't wut, diwkon. Jawut japamuatat dukjklison. Jasoxtat Judas pajut nakijt. Do jawax, Judas patupan jop wut, woejxalika wut, woej-ulanakolsebejpon. ¹⁹ Jerusalén paklowaxpijw japox wultaena wut, japasat wulduwlisipox Acéldamawultat. Japi pejjamet, hebreojamet, japawul jumchilijwa: ‘Jalsat’ —chilijwa.) ²⁰ Salmosfutat chajia jum-aechbej Judaslijaw: ‘Pejba chajiwlabá wulxael. Chinax kaen aton dukaxil japabaxot’ —aech Salmosfut, chajia jum-aech wut Judaslijaw. Salmosfutat kaes jum-aechbej Judaslijaw: ‘Asan naliaxsaxael japon pejbichax’ —aech Salmosfut —aech Pedro jiw natamejapilijwa, cientoveinte jiwlijaw.

²¹ Pedro pejme jum-aech jiw natamejapilijwa: “Asew xatisxot, pajut chiekal taeni Jesús ispoxan, pomatkoicha xanalxot wuton. ²² Japi xatis nakchala, Jesús bautisas wut Juan. Hasta Jesús athu poxase julach wutbej, japi nakiowa nakchalaful. Japixot, kaen xatis makafisaxaes, japon jiw naewuajnalijwa, xanal suapich, Jesús tup wut mat-echpoxlijaw” —aech Pedro jiw natamejapilijwa.

²³ Do jawut, japixot kolenje makafich. Kaen pawul Matías. Asan treswulje. Kaewul pawulon José. Asawul pawulon Barsabás. Taxdukapejwul pawulon Justo.

²⁴⁻²⁵ Japi kolenjexot kaen makafisiasiapi chiekal kaes pachaempon apóstolliajwa. Samata, apóstoles Dios kawuajan japi chiekal matabijaliajwa, achan japi kolenjexot makafisaxaes apóstolliajwa. Dios kawuajan wut, jum-aechi: “Wajpaklon Dios, xam matabijtam puexa jiw pejnechaxoelaxan. ¡Xanal na-itpaem, mason japi kolenjexot makafisaxaelam apóstolliajwa, Judas nafa'a xoton babijax isaxtat! Samata, Judas pejlel chijia. Fulaechon kana poxade” —aechi, Dios kawuajan wut.

²⁶ Do jawut, nakakujtlisi ia'xi jasi, chiekal matabijaliajwa, achan makafisaxaes apóstolliajwa. Ja-aech wut, matabijapi Matías makafichpox. Majt once apóstoles. Amwutjel japontat japi puexa pejme doce apóstoles.

2

Espíritu Santo paskpox Jesucristo pejwuajan naexasitixot

¹ Pentecostésfiesta wut, kaeyaxtat natameja Jesucristo pejwuajan naexasiti. ² Do jawut, chalechkal xabich jumsenk athusik, me-ama pinajoewa wut, jathia-aechsikox. Puexa japabatatpi thiataen. ³ Me-ama jitkaech-ia'an, jasi, natulaelba kaenanula jiw pejta'tabijla. ⁴ Puexa jiw, jaxoti, xabich kajachawaech Espíritu Santo. Samata, jawut asajamechan naksiyax tuaduwpi. Majt matabija-eljamechan naksiyalijwa, japi jiw chalechkal naksiya Espíritu Santo pijaxtat.

⁵ Japamatkoiyan wut, xabich judíos pat Jerusalén paklowaxxot Pentecostésfiesta taeliajwa. Japi xabich atuajpijw, asatuajnuhanpijw. Japi, atuajpijw, xabich naexasiasiapi Dios. Matabijasiabejpi Dios pejjamechan. ⁶ Japi, atuajpijw, thiatafol nejmetpox. Japox nejmet Jesucristo pejwuajan naexasiti natamejaxot. Dolisi jaxot japi natamejal. Jumtaenbejpi, kaenanula naexasiti Jesucristo pejwuajan naksiya wut majt naksiya-eljamechan. Thiatapatpi chiekal jumtaen, wenaksiyas xot japi pejjamechan. Samata, japi xabich nejchaxoel japoxlijaw. ⁷ Xabich natachaemapi, jumtaen wut, asew jiw wenaksiyas wut japi pejjamechan. Samata, nakaewa najum-aechi:

—Puexa ampi jiw Galilea tuajnuhanpijwal. ⁸ ¿Ma-aech xotkat japi jiw matabija naksiyalijwa wajjamechan? Japi majt matabija-el wajjamechan naksiyalijwa. ⁹ Kaenanula xatis asatuajnuhanpijwas. Xatisxot asew Partia tuajnuhanpijw, asew Media tuajnuhanpijw, asew

Elam tuajnpurijiw, aseb Mesopotamia tuajnpurijiw, aseb Judea tuajnpurijiw, aseb Capadocia tuajnpurijiw, aseb Ponto tuajnpurijiw, aseb Asia tuajnpurijiw. Japi jiw puexa fulaen asatuajnuchanxot. ¹⁰ Xatixotbej aseb Frigia tuajnpurijiw, aseb Panfilia tuajnpurijiw, aseb Egipto tuajnpurijiw, aseb Libia tuajnpurijiw, mox duili Cirene paklowaxxot. Aseb jiw xatixot fulaen Roma paklowaxxot. ¹¹ Roma paklowaxlel pa'ani, japixot aseb judfoskola. Aseb japixot judfos nadofapi. Xatixot aseb jiw fulaenbej Creta tanaetxot. Aseb jiw xatixot fulaenbej Arabia tuajnuaxot. Puexa ampabat natamejapi, naksiya wut Dios ispoxanliajwa, puexa xatis chiekal jumtaens, japi naksiya xot wajjamekolaxan —na-aechi nakaewa thiatapatpi.

¹² Japi jiw puexa xabich natachaema. Matabija-elbejpi, achax nejchaxoelaxaeli. Samata, nakaewa nawuajnaem wut, jum-aechi:

—¿Puexa ampoan achax chiyaxaelkat? —na-aechi nakaewa.

¹³ Aseb japixot bu'wuajanpaei wut, jum-aechi ampo:

—¿Ampi jiw saxa saxtas! —aechi Jesucristo pejuwajan naexasitiliajwa, asajamechan naksiya xoti.

Pedro naewuajanpox thiatapatiliajwa

¹⁴ Jesucristo pejuwajan naexasiti jumtis wuti japox, do jawut, Pedro nant, once apóstoles suapich. Jawut pinjemetat jum-aechon thiatapatiliajwa: “Xamal judfos fulaemanpi asatuajnuchanlel, ¿xan chiekal nanaewe'e! Xamal Jerusalén paklowaxpijwam, ¿chiekal nanaewe'ebej! ¿Chiekal najumtaem xamal jumchiyaxaelenpox! ¹⁵ Ampi jiw asajamechan naksiyapi, naksiyapi Espiritu Santo pijaxtat. Ampi jiw saxs-esal. Xamal nejmach jum-am ampiliajwa. Juimtis atuajsan. Jas-is juimt, ekan wut, jiw fe-el saxan saxsliajwas. ¹⁶ ¡El! Profeta, pawulpon Joel, japon chajia lel Dios chajia jum-aechpox, Espiritu Santo pasaxoekpox.

¹⁷ Dios chajia jum-aech: ‘Cristo ampathatat wut, xan to'axaelen Espiritu Santo jiw kajachawaesliajwas. Jawut naxi, poejiw, watho'bej, jiw naewuajnaxael xan buxto'axpoxan. Poejiw, pansiachow, masoxtat taeyaxael xan itpaeyaxaelenpoxan. Me-ama xamoejt wut, taen, jachiyaxaeli. Poejiw, pakdiachowbej, moejt wut, taeyaxael xan itpaeyaxaelenpoxan, diachwuajnakolaxpoxan.

¹⁸ Japamatkoiyantat puexa tajjiw, xan nanaexasiti, poejiw, watho'bej, to'axoekan taj-Espiritu Santo japi pejmatruatanxotaliajwa. Do jawux, japi naewuajnaxael xan buxto'axpoxan.

¹⁹ Thatbaxoxot koexaxan isaxaelen puexa jiw taeliajwa. Japoxan jiw taen wut, natachaemanuilaxaeli. Ampathatxot xabichaxael jal. Xabichaxaelbej jit, itnumbej.

²⁰ Juimt, matkoipijin, itkuatnikaxael. Juimt, madoipijin, pasoenaxaelbej. Me-ama jal wut, jachiyaxael juimt, madoipijin. Japamatkoiyon japoxan majt jachiyaxael, mox pawuajna wut paklokolan pejme pasliajwa. Jawut puexa jiw matabijaxael paklokolan diachwuajnakolax xabich mamnikaxponan.

²¹ Puexa jiw wuljow wut paklokolan pijaxtat, japi jiw bu'weyaxaes' —aech Dios jum-aechpox profeta Joel lelfutat” —aech Pedro thiatapatiliajwa.

²² Thiatapatixot, aseb Judea tuajpurijiw. Japiliajwa Pedro jum-aech: “Xamal israelitas, ¿xan chiekal nanaewe'e jumchiyaxaelenpox! Jesús Nazaretpijin xanalxot wut, japon xabich koexaxan is Dios pijaxtat. Ja-aech wut, xanal chiekal matabijtax japon Dios to'asponpox. ²³ Do jawux, Jesús wiach xamalxot. Do jawutbej, xamal japon wiatam asajiw babejchowxot cruztat kemamatatlialiajwas. Dios chajia matabijt paxulanliajwa jachiyaxaespox. Samata, japox jatis japonliajwa. ²⁴ Do jawutbej, diachwuajnakolax Jesús chiekal tur. Pe Dios mat-et Jesús pejme dukaliajwa. Ja-aech wut, Jesús malecha-esal patupax. ²⁵ Rey David chajia lel wut, lel on asamatkoi jachiyaxaespox Jesúsliajwa:

‘Tajpaklon jumchiyaxael: “Xan tajDios taenx. TajDios pomatkoicha xanxot. TajDios xan nachala. Samata, tajlewla-el.

²⁶⁻²⁷ Dios tamach nawaelsaxil muaxwuaixot. Tapaeyaxilbejpon tajbu't xoepaliajwa, Dios naexasisfulax xot. Samata, jajuiflaxaelen, nejchachaemlaxaelen xot. Nejmachaxaelenbej, Dios natataeflaful xot.

²⁸ Dios na-itraeyaxael, machiyaxaelen dukaliajwan pomatkoicha, isfulaliajwanbej Dios nejxasinkpoxan. Xan xabich nejchachaemlaxaelen, Dios xanxot wut" —chiyaxael tajpaklon' —aech rey David lel xot chajiakolaxtat Jesús jumchiyaxaelpox" —aech Pedro Judea tuajnujijwliajwa.

²⁹ Pedro pejme jum-aech Judea tuajnujijwliajwa: "Takoew, diachwuaajnakolax xamal jumchiyaxaelen wajwuaajnapijin Davidliajwa, chajiakolaxtat jiw tato'lanliajwa. Rey David tup. Japon muthtas. Xatis chiekal matabijas amxot muthtason. ³⁰ Rey David, japonbej profeta. Japon jiw naewuajan Dios buxto'aspojan. David diachwuaajnakolax matabijt Dios jumduchpox, chajia jumtis wuton: 'Kaen namon puexa judíos tato'laxael' —tis wut David Jesúsliajwa. ³¹ David chajia matabijt Dios pijaxtat Cristo tupaxaelpox. Matabijtbejpon Cristo mat-esaxaesopox pejme dukaliajwa. Do jawut, jum-aechbejpon: 'Cristo tup wut, kaweta namanaxil muaxwuaajtat. Pejbu't jaxot kaweta xoepaxilbej' —aech David. ³² Samata, Jesús tup wut, Dios mat-echpon pejme dukaliajwa. Japox diachwuaajnakolax. Puexa xanal chiekal taenx, Jesús pejme duk wut. ³³ Bu'fos wuton athu poxase tato'laliajwapon jiw, pax Dios suapich, jaxotse pax Dios Jesús chaxduch Espíritu Santo. Me-ama chajia jumduch, jatis japox Jesús. Do jawux, Jesús to'ak Espíritu Santo xanalxotsik, xanal tajmatpuatanxotaliajwa. Xamal amxot taenampon, jumtaenamponbej, japox Espíritu Santo pijax. ³⁴ Jesús bu'fos wut athu poxase, David tae-el, japon chajia wuajna tup xot. Pe David jum-aech, Dios pijaxtat matabijt xoton Dios jum-aechpox Jesúsliajwa:

'Dios jum-aech tajpaklokolan Cristoliajwa: "¡Ekde tajpoklalel jiw tato'laliajwam, xan suapich!

³⁵ Ekam wut, xan malechaxaelen nadaelmajiw. Xan malechax wut nadaelmajiw, japi jiw xam naexasisfulaxael, tato'lam wut" —aech Dios Cristoliajwa' —aech David, chajia jum-aech wut.

³⁶ "Tajjiw, xan nejxasinkax xamal chiekal matabijaliajwam ampon. Xamal kematamatlam Jesús tupaliajwa cruztat. Pepon, amwutjel, Dios wulduws paklokolan. Wulduwsbejpon Cristo, Dios to'aspon xatis nakbu'weliajwa" —aech Pedro Judea tuajnujijwliajwa.

³⁷ Thiatapati jumtaen wuti Pedro jum-aechpox, japi xabich nejchaemil. Samata, Pedro wuajnachaehtas, asew apóstoles suapichbej:

—Takoew, ¿machiyaxaelenkat xanal tajbabijaxan ispoxanliajwa? —aechi Pedroliajwa.

³⁸ Pedro jumnot wut, jum-aechon Judea tuajnujijwliajwa:

—¡Kofim babijaxan isampoxan! ¡Isde Dios nejxasinkpoxan! Xamal kaenanula jam wut, Dios beltaeyaxael babijaxan isampoxanliajwa. Ja-aech wut, bautisaxaelam Jesucristo pijaxtat, chiekal naexasitam xot. Ja-aech wut, Dios to'axoek Espíritu Santo xamal nejmatpuatanxotaliajwasik. ³⁹ Dios chajia jumdut Espíritu Santo to'aliajwasik xamal nejmatpuatanxotaliajwa, naxixotaliajwabej, asatuajnujijwliajwabej. Dios makanochpi, puexa japi jiw Dios pejjiwaxael. Espíritu Santo japi pejmatpuatanxotaxael —aech Pedro Judea tuajnujijwliajwa.

⁴⁰ Pedro xabich naksiya wut japiliajwa, chiekal naewuajanbejpon. Naewuajan wut, jum-aechon:

—¡Xamal nadijim jiw babejchowxot napelsasamatam, japi suapich! —aech Pedro.

⁴¹ Do jawut, japi jiw naexasiti Pedro jum-aechpox. Japi jiw bautisasbej. Japamatkoi xabich jiw naexasit Jesucristo pejuwajan. Japi jiw, me-ama tres mil. ⁴² Japi puexa chiekal naexasisful apóstoles naewuajanpoxan. Pejewpi kajachawaeti kaes wewe'paspiliajwa. Do jawut, japi puexa chiekal duillisi. Natamejafuli kaeyaxtat, Dios kawuajnalialiajwa wut, xaeliajwa wutbejpi.

Ma-aechpox jiw, matxoela naexasiti Jesucristo pejuwajan

⁴³ Apóstoles Dios pijaxtat xabich koechaxan isful. Japoxan taen wut, puexa jiw xabich nejchaxoelanuil. ⁴⁴ Naexasiti Jesucristo pejwujajan chiekal kaenejchaxoelaxpi. Samata, chiekal duili. Japi pejew wut, nakaewa nakewawaeti. Me-ama kaenanula puexa pejewkola wut, ja-aechi pejewliajwa. ⁴⁵ Jesús pejwujajan naexasiti mowapi pejewkola kajachawaesliajwa asew jiw, xabich kejilpi. Pejsat wut, o, pejew wut, mowapi. Moch wut, japaplatatat kajachawaeti kejila. ⁴⁶ Pomatkoicha Dios pejtemplobatat natameja naexasiti Jesucristo pejwujajan. Japi nakaewa natadut xaeliajwa pejbachantat. Pomatkoicha ja-aech naexasiti Jesús pejwujajan, xabich nejchachaemil xoti. Nejchaxoela-eli asax. ⁴⁷ Pomatkoicha Dios kawujajan wut, jum-aechi: “Xam xabich pachaemam” — aechi Diosliajwa. Puexa paklowaxpijiw, asew jiw suapich, wulnaksiyas wut Jesucristo pejwujajan naexasiti, wulnaksiyaspi chimiajamechantat. Kaematkoisful, asew jiw, jaxoti, naexasit Jesucristo pejwujajan Dios bu'welijaawas. Japibej kofa babijaxan ispoxan. Do jawux, japibej naknatameja, asew Jesucristo pejwujajan naexasiti suapich.

3

*Nabejkan boejth*uspox

¹ Kaliax wutlejen, judios Dios jikawujajan Dios pejtemplobatat. Asamatkoi, kaliax wut, Pedro, Juan suapich, Dios pejtemploba poxade Dios kawujajnalijwapi. ² Jaxotde, Dios pejtemplobaxot, kaen nabejkan, laejaxilon, wujajna ek. Japon nabejkax chanlaelt. Pomatkoicha pejjiw buflalaenas wut, esnadoftas templobafafaxot, pawulxot Hermosafafa. Jaxot wuljoeflon plata, jiw lalenapi. ³ Pedro, Juan suapich, Dios pejtemploba low wut, japi taen nabejkan. Do jawut, japon nabejkan wuljowpon plata. ⁴ Pedro, Juan suapich, japi natachaema nabejkan. Do jawut, Pedro jum-aech:

—¡Xanal chiekal natachaemde! —aechon nabejkanliajwa.

⁵ Japon nabejkan chiekal naewekcha. Do jawut, nejchaxoelon: “Plata bej nachaxdusaxaelbejpi” —aechon, nejchaxoel wut. ⁶ Pe Pedro jum-aech nabejkanliajwa:

—Xanal plata kejinil. Pe asaxtat xam kajachawaesaxaelen. Jesucristo, Nazaret paklowaxpijin pijaxtat, xam kajachawaesaxaelen laejaliajwam. ¡Nande! Nantam wut, ¡laejim! —aech Pedro.

⁷ Pedro japox jum-aech wut, pejpoklake-elel makafiton nabejkan, nansax kajachawaesliajwa. Do jawut, nabejkan nant wut, pejtuakan, pejtuakwasibej, chiekal wepachaemlison. ⁸ Do jawut, nabejkan nancha wut, diawjalapon. Jawut laejax tuadutlison jaxot. Jawut, Pedro, Juan suapich, Dios pejtemploba leliajwa wut, boejthulspoon naklow. Dadiwjelison, laeja wut. Jum-aechfulbejpon Diosliajwa: “Dios, xam xabich pachaemam, naboejthutam xot” —aechfullison. ⁹ Do jawut, puexa jiw taenslison, laeja wut. Jumentaenbejpi, japon jum-aechful wut Diosliajwa. ¹⁰ Japi matabija, japon ek wut Dios pejtemplobafafaxot, pawulxot Hermosa. Pomatkoicha jaxot plata wuljowpon jiw lalenapi. Samata, jiw xabich natachaemanuil, taen wuti japon chiekal laejapox.

*Pedro naew*ujajanpox jiw Dios pejtemplobatat

¹¹ Japon, majt nabejkpon, laejalison, Pedro suapich, Juan suapichbej, Dios pejtemplobatat. Japalel pawul Pórtico de Salomón. Nadiajna-ellison japixot. Xabich jiw dadukpaxtat papat, japon taeliajwapi. Xabich nejchaxoelanuili. ¹² Pedro japox taen wut, jum-aechon: “Tajjiw, ¿ma-aech xotkat xamal nejchaxoelanuilam? Xamal bej nejchaxoelambej xanalliajwa: ‘Japi pajut nabejkan boejthut. O, japi Dios kajachawaech, xabich pachaem xoti Diosliajwa’ —ambej xamal, nejchaxoelam wut. Xanal tajut tajaxtat ampon boejthus-enil. ¹³ Wajwujajnapijiw, japi Abraham, Isaac, Jacobbej, japi pejDios xabich sitaen paxulan Jesús. Pe xamal wiatam paklochowxot japon boesaliajwas. Xamal nejwesla Jesús, Pilato pejbatat wut. Pilato tapaesia wut Jesús nakolsliajwa, xamalliajwa japox pachaema-el. ¹⁴ Pilato wuljoe-emil Jesús nakolsax tapaeliajwas, japon xabich pachaempon, chinax babijax is-elpon. Xamallax asbuan jumch wuljowam nakolsax tapaeliajwas babejen, jiw ben. ¹⁵ Dios to'aspon xatis nakkajachawaesliajwa pomatkoicha

chiekal duilaliajwas, japon xamal tapaeyamlax boesaliajwas. Pe boesas wuton, Dios mat-echpon pejme dukaliajwa. Jesús mat-ech wut, xanal tajut chiekal taenx, japon pejme duk wut. Japox xanal chapaeix xamal. ¹⁶ Ampon aton, majt nabejk, xamal chiekal matabijampon, majt xanal nejchaxoelx japon atonliajwa: 'Diachwujnakolax Jesús boejthusaxaeson' —an xanal, nejchaxoelx wut. Samata, chiekal boejthulson, me-ama xamal taenam" —aech Pedro japi jiwliajwa.

¹⁷ Dolisdo', Pedro pejme jum-aech: "Takoew, xan matabijtax xamal isampox, ne-jpaklochow suapich. Xamal tapaeyam wut Jesús kematamatlaliajwas cruztat, japox xamal isam, chiekal matabija-emil wut. ¹⁸ Jesús cruztat kematamatlas wut, patlisox, me-ama profetas chajia jum-aech Dios pijaxtat: 'Dios to'axoek paxulan ampathatasik boesaliajwas, japon jiw bu'welija' —aech profetas. ¹⁹ Samata, jkofim babijaxan isampoxan! ¡Dios xanaboejim, me-ama japon nejxasink xamal isliajwam! Ja-am wut, Dios pelsaxael kaelel babijaxan isampoxan. Do jawux, Dios kajachawaesaxael xamal chiekal nejchachaemlaliajwam. ²⁰ Asamatkoi Dios pejme to'axoek paxulan ampathatasik, japon pawul Jesús. Dios chajia makafit japon Mesíasliajwa xamalliajwa. ²¹ Jesús ekfuk Diosxotse. Jachisfulaxaelon. Do baxael, Dios puexa chiekal chaemt wut pothata, Jesús pejme pasaxoek. Japoxliajwa chajia jum-aech Dios pejprofetas, japi wajwujnapijiw. ²² Moisés chajia jum-aech Jesúsliajwa wajwujnapijiw jumtaeliajwa. Jum-aechon: 'Me-ama xan Dios nato'a profetaliajwan, Cristobej profetaxae. Dios makafisaxaeson profetaliajwa xamalxot. Naexaxisaxaelam japon puexa jumchiyaxaelpoxan. ²³ Puexa naexaxis-elpi japon profeta jum-aechpoxan, japi jiw chiekal toesaxaes Dios' —aech chajia Moisés Jesúsliajwa" —aech Pedro japi jiwliajwa.

²⁴ Pedro pejme jum-aech: "Profeta Samuel chajia jum-aechpox, japox patlisox ampamatkoiyantat. Samuelwux, puexa profetas, wuchakalpijiw, kaenanula jum-aechbej ampamatkoiyanliajwa. ²⁵ Dios chajia jumdutpoxan japi jiwliajwa, japoxan Dios chaxdusaxael xamal. Dios chajia jum-aech Abrahamliajwa: 'Kaen namon pijaxtat puexa ampathatpijiw kajachawaesaxaelen' —aech Dios Abrahamliajwa. ²⁶ Samata, Dios paxulan tur wut, Dios mat-et japon pejme dukaliajwa. Do jawux, matxoela to'apon xamal poxade japon xamal kajachawaesliajwa. Samata, Jesús xamal kajachawaesasia kofaliajwam babijaxan isampoxan, isliajwam Dios nejxasinkpoxan" —aech Pedro jiwliajwa Dios pejtemplobatat.

4

Pedro, Juan suapich, paklochow pejwujnalel nuilpox

¹ Pedro, Juan suapich, jum-aech wutfuk jiwliajwa Dios pejtemplobaxot, jawut Dios pejtemploba wetipaklon, sacerdotes suapich, saduceos suapichbej, japi pat Pedroxot. ² Japi xabich palala Pedroliajwa, Juanliajwabej, jum-aech xoti, naewujajan wut: "Jiw turi, baxael, mat-eyaxaespi pejme duilaliajwa. Japox diachwujnakolax. Jesús tur wut, do jawux, mat-echpon pejme dukaliajwa" —aech xot Pedro, Juan suapich, naewujajan wut. ³ Do jawut, Pedro, Juan suapich, jaelas. Jawut jiaslisi jiw jebatat, tuila xotlisox. Kandiawa jukaxaesi tasalaliajwas. ⁴ Xabich jiw Jesucristo pejwujajan jumtaen wut, naexasiti Jesús pejwujajan. Poejiw, watho'bej, xabich naexasit. Xajus wut poejiwkal, puexa matxoelanaexasiti Jesucristo pejwujajan, jelaexasiti suapichbej, japi puexa, me-ama cinco mil poejiw.

⁵ Kandiawa wut, Jerusalénxot natameja judíospaklochow, judíos-ancianosbej, judíos chanaekabuanapibej. ⁶ Jaxotdebej Anás pat. Japon majt sacerdotespaklokolan. Caifás, japon japawaestat sacerdotespaklokolan, pejiwkola suapich, patbejpon jaxotde. Asan, pawulpon Juan, Alejandro suapich, jaxot patbejpi. ⁷ Japi asew to'a buflaliajwas Pedro, Juan suapich. Jawut Pedro, Juan suapich, bu'pach wut paklochow pejwujnalel, do jawut, wujnachaemtas wut, jumtispi:

—¿Achan pejpamamaxtatkat xamal boejthutam nabejkan? ¿Achan pejpamamaxtatbejkat xamal japox isam? —tis Pedro, Juan suapich.

⁸⁻⁹ Do jawut, Pedro jumnot wut, jum-aechon Espiritu Santo pijaxtat:

—Paklochiwampim, xamal ancianospimbej, xanal nawuajnaemtam, chiekal matabijasiam xot nabejkan boejthulsxoxliajwa. ‘¿Achaxtatkat nabejkan boejthuls?’ — am xamal. ¹⁰ Xamal nejwuajnalel chiekal jumchiyaxaelen xamal puexa chiekal matabijaliajwam, asew Israel tuajnuapijwbej. Ampon, majt diachwuajnakolax chiekal nabejk, xamal nejwuajnalel nukpon. Pe boejthuchpon Jesús, japon Nazaret paklowaxpijin. Japon xamal chajia pakematamatlam. Japon tup wut, Dios mat-echpon pejme dukaliajwa. ¹¹ Jesús makafich Dios, japon jiw bu'welija. Pe xamal naexasis-emil japon jum-aechpoxan. Samata, xamal Dios bu'weyaxil. Me-ama jiw ia'ba is wut, kaet ia'tliajwa, nakaewa najum-aechi: ‘Ampa-ia't chaemil’ —aechi, do jawux, asan aton japot ia't fit wut, jum-aechon: ‘Ampot ia't, puexa ia'xot kaes pejme pachaem tuakso'pijtalija, ba chiekal mamnikaliajwa’ —aech japon aton. (Japot ia't, me-ama Cristo, Dios paxulan, Dios makafichpon.) ¹² Dios paxulan to'ak nakbu'welija. Samata, kaen Jesús xajup nakbu'welija. Ampathatat asan kaes ajil nakbu'weyaxaelon —aech Pedro paklochow wuajnalel.

¹³ Paklochow jumtaen wut Pedro jum-aechpox, jawut japi nejchaxoel: “Pedro, Juan suapich, pin-iawaechan xabich estudia-el. ¿Ma-aech xotkat japi pejlwla-el naksiyalija xatis wajwuajnalel? Japi Jesús pejnachala xot, chiekal matabija naksiyalija” — aech paklochow, nejchaxoel wut. Samata, natachaema wut, nejchaxoelachalakbejpi. ¹⁴ Jawut taenbejpi majt nabejkpon, nuk wut japixot. Samata, paklochow kaes asax wejisal jumchiliajwapi japi. ¹⁵ Do jawut, paklochow natamejaxot nakolax to'as tathoetade, tathoetlel nuilalija. Pedro, Juan suapich, nakola wut, jaxot paklochow nakaewa najum-aech:

¹⁶ —¿Machiyaxaeskak ampi poejw? Puexa Jerusalén paklowaxpijw chiekal matabija japi is koechax Dios pejpamamaxtat nabejkan boejthulalija. Samata, xatis jumchiyaxisal: ‘Japi japox is-el’ —chiyaxisal. ¹⁷ Japi buxfiasaxaes kaes naewuajnasamata Jesucristo pejwuajan asew jiwliajwa. Ja-aech wut, asew jiw jumtaeyaxil Jesucristo pejwuajan —na-aech paklochow nakaewalija.

¹⁸ Do jawut, Pedro, Juan suapich, laslisi pejme leliajwadin. Lasbej majt nabejkpon. Dolisi, len wut, jumtispi:

—¿Xamal kaes ma amwut nabej naewuajne' Jesucristo pejwuajan! —tislisi.

¹⁹ Do jawut, Pedro, Juan suapich, jumnot wut, jum-aechi:

—¿Xamal najut chiekal nejchaxoelde! ¿Achaxkat kaes pejme pachaem xanal isliajwan Dios pejwuajnalel? ¿Xanalkat isaxaelen xamal tato'lampox? O, ¿xanalkat isaxaelen Dios tato'alpox? ²⁰ Xanal buxkofaxinil taenxroxan Jesúsxot, jumtaenxroxanbej —aech Pedro, Juan suapich.

²¹ Japi japox jum-aech wut, paklochow pejme kaes bu'athiyaslisi Jesucristo pejwuajanliajwa kaes naewuajnasamatapi jiw. Bu'athiyas wut Jesús pejwuajanliajwa, jaxot nakolax tapaeislisi. Paklochow pejlwla kastikaliajwapi Jesús pejnachala. Samata, nakaewa najum-aechi: “Japi xatis kastikas wut, diachwuajnakolax xabich jiw palalaxael xatisliajwa, puexa jiw chiekal nejchaxaemil xot Diosliajwa, nabejkan chiekal boejthuls xot” —na-aech paklochow nakaewalija. ²² Majt nabejkpon, boejthuls wut Dios pijaxtat, japon aton, me-ama kaes cuarenta waechan.

Jesucristo pejwuajan naexasiti Dios kawuajanpox pejlwlasamata asew jiwliajwa

²³ Pedro, Juan suapich, nakolax tapaeis wut, fulaechlisi asew Jesucristo pejwuajan naexasiti poxade. Jaxotde pa'a wut, chapaelisi paklochow buxfiachpox. Jum-aechi Jesucristo pejwuajan naexasitilija: “Sacerdotespaklochow, ancianosbej, xanal nabuxfiat Jesucristo pejwuajan kaes naewuajnasamatan jiw” —aechi Jesús pejwuajan naexasitilija. ²⁴ Japox jumtaen wut, Jesucristo pejwuajan naexasiti kaeyaxtat Dios kawuajani. Dios kawuajan wut, jum-aechi: “Tajpaklon, xam isam thatbaxo, isambej that, marbej. Isambej puexa thatbaxotatpi, ampathatatpibej, marxotpibej. ²⁵ Chajiakolaxtat

xanal tajwujnapijin, taj-am David, nej-Espíritu Santo baxto'as jumchiliajwa. Samata, David chajia ampox jum-aech:

'Asatujajnapijiw, judíos-eli, xabich palalaxael. Japi nejchaxoelaxaellach isliajwa chaemilpoxan xamliajwa. Pe japi xajupaxil isliajwa japoxan.

²⁶ Ampatujajnapijiw, reyes, paklowaxpijiw tato'alpibej, natamejaxael. Do jawut, nejchaxoelaxaeli nabeliajwa, nejjiw suapich. Do jawutbej, nejchaxoelaxaeli toesliajwa Cristo, xam to'ampon jiw bu'welija' —aech chajia David” —aech Jesucristo pejwujajan naexasiti, Dios kawujajan wut.

²⁷ Japi kaes Dios kawujajan wut, jum-aechi: “Chajiakolaxtat David lelpox jum-aech jachiyaxaelpox. Natamejapi ampapaklowaxxot, Herodes, Judea tujajnapijiw tato'lan, Poncio Pilatobej, japon wulduws Roma paklowaxxot judíos pejgubernadorliajwa Israel tujajnapixot. Japi natameja wut, jaxot asatujajnapijiwbej, judíos suapich, natameja. Puexa japi naknatameja kaeyaxtat nakaewa nawujajnaemsliajwa: ‘¿Machiyaxaeskát Jesús boesaliajwas?’ —chiliajwa paklochow naxulan Jesúsliajwa, japon xam to'ampon jiw bu'welija'w. ²⁸ Dolisido', japi jasox islisi, boesaliajwa wuti Jesús. Pe pajut pejnechaxoelaxtat japi japox is-el. Japi japox is, me-ama xam chajia nejchaxoelam japi japox isliajwa. ²⁹ Tajpaklon, xam matabijtam judíos paklochow xanal nathiyapox, nejjiwan xot. Samata, ¡nakajachawae'e tajlewla-elaliajwan, naewujajna wut nejwujajan! ³⁰ ¡Nakajachawae'ebej boejthusfulaliajwan jiw bu'xaenkpi! ¡Nakajachawae'ebej koechaxan isliajwan naxulan Jesús pijaxtat!” —aechi puexa, Dios kawujajan wut.

³¹ Dios kawujajna baxtoet wut, chalechkal jaxot sat najuiya. Jawut puexa jiw kajachawaesfulas Espíritu Santo. Samata, Espíritu Santo pijaxtat naewujajan wuti Dios pejjamechan, japi jiw pejlewla-el a sew jiwliajwa.

Jesucristo pejwujajan naexasiti pejew wut, me-ama puexa pejew wut, ja-aechi

³² Puexa naexasiti Jesucristo pejwujajan, japi chiekal kaenejchaxoelax. Japixot chinax kaen jumchi-el: “Xan kaenan ampoxan tejew” —chi-el, nejchaxoel wut. Pejewpi japoxan, me-ama puexa jiw pejew wut, ja-aechi. ³³ Apóstoles chapaeful jiw jumtaeliajwa Jesús mat-echpox Dios, japon pejme dukpox. Apóstoles kajachawaesfulas Dios, naewujajan wuti Jesús pejwujajan. ³⁴⁻³⁵ Jesucristo pejwujajan naexasitixot, chinax kaen wewe'pasal. A sew pejsatan wut, o, pejbachan wutbej, mowasia wut, mowapi. Moch wut, japaplata chaxduwpi apóstoles. Do jawux, apóstoles chaxduw japaplata xabich jiw wewe'paspiliajwa. ³⁶ Japixot kaen pawul, José. Japon nalaelt Chipre tanaetxot. Japon Leví pamon. Apóstoles wulduwson asawultat, Bernabéwultat. (Japawul jumchiliajwa: “Jiw nejlikapon nejxaejwasi” —chiliajwa japawul.) ³⁷ Bernabé mowa wut pejsat, puexa plata chaxduton apóstolesxot.

5

Ananías, pijow Safira suapich, naekichachajbasiapox apóstoles

¹ Bernabé mowa wut pejsat, Ananías, pijow Safira suapich, japipej mowa pejsat. ² Ananías moch wut, japon kaenejchaxoelax, pijow suapich, pejew plata diajnaliajwa. Do jawux, plata, diajanpi, chaxduton apóstolesxot. Me-ama puexa plata chaxdut wut, ja-aechon. ³ Pedro plata kefit wut, jum-aechon:

—Ananías, ¿ma-aech xotkat tapaeyam dep leliajwa nejmatpuatat? ¿Ma-aech xotbejkat naekichachajbasiam Espíritu Santo? Matabijtax, a sew plata, sat-om, kaweta otam nejboxot. ⁴ Sat mowa-emil wutfuk, japasat chiekal nejsatkolax. Do jawux, sat mowam wut, mot wuti xam, japaplata chiekal nejewbej. ¿Ma-aech xotkat xanal naekichachajbasiam? Xanalkal naekichachajbasi-emil. Diosbej naekichachajbasiam —aech Pedro Ananíasliajwa.

⁵⁻⁶ Ananías japox jumtaen wut, patupan jwalon. Do jawut, pansiachow fulaen xakiasliajwapi patupan Ananías. Do jawutbej, chaxfollisipon muthsliajwas. Jawut muthtlisipon. Jiw japox wultaena wut, xabich pejlewla.

⁷ Do jawux, tres horas wut, Ananías pijow pat Pedroxot. Japow matabijs-el pamal wetupsrox. ⁸ Pedro wuajnachamt wut, jum-aechon:

—¡Najum-amde! ¿Diachwuajnakolaxkat xamal nejsat mowam wut, mowam ampa-omtat, jum-ampoxtat? —aech Pedro.

Japow jumnot wut, jum-aechow:

—¡Diachdo! Xanal japa-omtat tajsat pamowax —aechow, naekichachajba wut.

⁹ Pedro jum-aech:

—¿Ma-aech xotkat xam, nejmol suapich, kaenejchaxoelaxam naekichachajbaliajwam Espíritu Santo? ¡Chiekal naewe'e! Ampí, fulaeni, japi muthlisi nejmol. Amwut xambej chaxlaeyaxaeli muthsliajwa —aech Pedro japowliajwa.

¹⁰ Do jawut, Safira patupow jawal Pedro pejuwajnalel. Pansiachow len wut, taen-lisipow patupow. Do jawutbej, japow chaxfos, naliámuthsliajwas pamal pejmuthxot. Jaxot muthtipow. ¹¹ Puexa naexasiti Jesucristo pejuwajan, asewbej, japox wultaena wut, xabich pejlewapi Espíritu Santoliajwa.

Apóstoles xabich koechaxan ispox Dios pijaxtat

¹² Apóstoles xabich koechaxan is Dios pijaxtat jiwxot. Puexa naexasiti Jesucristo pejuwajan natameja Dios pejtemplobaxot. Japalel pawul Pórtico de Salomón. ¹³ Asew, naexasis-eli Jesucristo pejuwajan, japi pejlewla natamejalijwa, Jesús pejuwajan naexasiti suapich. Pe Jesucristo pejuwajan naexasiti, xabich jiw sitaens. Samata, naksiyas wut japiliajwa, chimiajamechantat wulnaksiyas. ¹⁴ Xabich asew poejiw, watho'bej, naexasiti Jesús pejuwajan. Japibej kaeyaxtat natamejaful, asew naexasiti suapich, Jesucristo pejuwajan. ¹⁵ Apóstoles fulaeyaxaennuamtadin, asew chajia matabija wut, bu'xaeya batuchanxot juks. Juks wut, owas furbu'tat. Owas nuambabu'tat boejthusliajwas, Pedro fulaen wut. Pedro pejnaselnaxtat xenchá wut, jawut bu'xaeya chiekal boejthuls. ¹⁶ Xabich jiw, asapaklowaxanpijiw, Jerusalén paklowaxxot mox duili, japibej buflaen bu'xaeya Jerusalén paklowax poxadin. Japi bu'xaeya puexa chiekal boejthuls. Buflaens-bej dep webaesi pejmatpuatanxot, xabich dep taliachpi. Japi puexa chiekal pachaemlisi Dios pijaxtat.

Apóstoles bu'fospox kastikaliajwas

¹⁷ Sacerdotespaklokolan, pejnachala suapich, japi saduceos, xabich nusasiawali apóstolesliajwa. ¹⁸ Samata, apóstoles jaelas jiw jebatat jeliajwas. ¹⁹ Jiw jebatat jias wuti, japamadoitat Dios pej-ángel pask, japabafafachan fafakaliajwa, apóstoles jukaliajwas jaxot. Japi juks wut, ángel jum-aech apóstolesliajwa: ²⁰ “¡Xabua'de Dios pejtemploba poxade! Dios pejtemploba pa'mach wut, jjaxotde jiw naewuajande chimiawajan, Jesucristo pejuwajan!” —aech Dios pej-ángel. ²¹ Do kandiawa, nalian wut, apóstoles is, me-ama Dios pej-ángel to'as isliajwa. Dios pejtemploba low wut, jaxot tuaduti jiw naewuajnalijwa.

Do jawut, sacerdotespaklokolan, pejiw suapich, wullala natamejalijwa puexa judíos-ancianos, asew paklochowpibej. Japi natameja wut, japox pawul Junta Suprema. Do jawux, sacerdotespaklokolan to'a jiw jeba wetpi. To'a wut, jum-aechon: “¡Xabua'de jiw jeba poxade! ¡Apóstoles buflaemni ampalel!” —aechon. ²² Dios pejtemploba weti, jiw jeba pa'a wut, apóstoles jaxot ajillisi. Samata, tamach kaxa nawenlisi, paklochow natameja poxadin. ²³ Pat wuti paklochow natamejaxot, jum-aechi:

—Jiw jeba pa'ax wut, chiekal fafaxawaech. Kolenje soldaw fafachanlel chiekal wesfulbej. Bafaka' fafatx wut, chinax kaen jiw jebatat tae-enil —aech Dios pejtemploba weti.

²⁴ Japox jumtaen wut, sacerdotespaklokolan, Dios pejtemploba wetipaklonbej, sacerdotespaklochowbej, nakaewa nawuajnachaeamsnapi. Najum-aechnapi: “¿Ma-aech xotkat japi ajil? ¿Achaxkat kaes jachiyaxael?” —na-aechi nakaewa. ²⁵ Do jawutlejen, aton japixot pat. Japon jum-aech:

—Jiw jebatat jiampi, amwütjel japi jiw naewuajan Dios pejtemplobaxot —aech japon aton.

²⁶ Do jawüt, Dios pejtemploba wetipaklon, pejiw suapich, pejme waljaeti apóstoles. Jaelas wüt, chamoeyaxtat buflaens. Be-esal, pejlewla xoti jiwliajwa. Dios pejtemploba weti nejchaxoel: “Xatis baes wüt apóstoles, jiw xabich palalaxael. Ja-aech wüt, jiw xatis nakdadaepaxael ia'tat” —aechi, nejchaxoel wüt. ²⁷ Apóstoles buflaens wüt, paklochow, Junta Supremapijiw, japi pejwuajnalel apóstoles nows. Do jawüt, sacerdotespaklokolan jum-aech japiliajwa:

²⁸ —Xamal xabich buxfiatx jiw naewuajnasamatam Jesús pejwuajan. Pe xamal naexasis-emil. Xabich naewuajnam Jerusalén paklowaxpijiw japon pejwuajan. Japon kematamatlaxtat tüp wüt, japox xanal nakelajatam —aech sacerdotespaklokolan apóstolesliajwa.

²⁹ Pedro, asew apóstoles suapich, jum-aechi:

—Xanal naexasisfulaxaelen Dios tato'alpoxan. Jiw nato'a wüt asaxan isliajwan, xanal japoxan naexasisaxinil, Dios pijaxana-el wüt. ³⁰ Diachwuajnakolax xamal Jesús kematamatlam cruztat japon tüpaliajwa. Pe Jesús tüp wüt, wajwuajnapijiw pejDios Jesús mat-ech pejme dukaliajwa. ³¹ Jesús amwütjel paklokolan nadofa. Amwütjel ek pax Dios poklalel jiw tato'laliajwa, jiw bu'welijwabej. Jasox Jesús is judíos chiekal naexasisliajwa Dios, japi babijaxan ispoxan kaelel wepelslijwasbej. ³² Japawuajan diachwuajnakolax, xanal jiw naewuajnafulaxwuajan. Espíritu Santobej itpaei diachwuajnakolaxpox japawuajan. Dios to'ak Espíritu Santo jiw pejmatpuatanxotaliajwa, japi jiw naexasiti Dios pejjamechan —aech Pedro paklochowliajwa.

³³ Jümtaen wüti Pedro jum-aechpox, puexa paklochow xabich palala. Do jawüt, paklochow besiapi apóstoles. ³⁴ Japixot kaen pawul Gamaliel. Japon fariseo-aton, judíos chanaekabuananbej. Japon xabich jiw sitaens. Do jawüt, Gamaliel nant wüt, to'apon Dios pejtemploba weti, japi buflaeliajwa apóstoles batathoetade. ³⁵ Dolisido', apóstoles buflaech wüt, Gamaliel jum-aech paklochowliajwa:

—Israelitas, ¡chiekal taem! ¡Majt chiekal nejchaxoelde isaxaelampox japi poejiwliajwa! ³⁶ ¡Nejchaxoelde chajia ja-aechpox Teudasliajwa! Japon judíospaklonasia. Piniakolapon pejnachala, poejiwkal, fulnanuamtas. Do baxael, japon boesas wüt, japon pejnachala puexa dukp. Kaenanula pejlel chiekal nasali. Do baxael, japox chiekal toep. ³⁷ Do japonwux, censo is wüt, puexa jiw wülellaliajwa wüt, Judas, Galilea tuajnuapijin, japonbej xabich pejsoldaw fulnanuamtas nabeliajwa, gobierno pejsoldaw suapich. Pe japonbej boesas. Ja-aech wüt, puexa pejnachala kaenanula nasal. Do ja-aech wütbej, japox chiekal toep. ³⁸ Samata, xamal naewuajna ampi apóstoles nakolax tapaeliajwam. Japi pajut pijaxtat naewuajnalap wüt, japox asamatkoi chiekal toepaxael. ³⁹ Pe japi naewuajnaful wüt Dios pijaxtat, xamal xajupaximil japox toesliajwam. Babijax isam wütbej japiliajwa, ja-am wüt, xamal babijax isaxaelam Diosliajwa —aech Gamaliel paklochowliajwa.

Gamaliel japox jum-aech wüt, paklochow kaenejchaxoelax. ⁴⁰ Do jawüt, paklochow la apóstoles pejme leliajwadin. Low wüt, kaenanula seltaslisi. Do jawüt, pejme buxfiachpi jiw naewuajnasamata Jesucristo pejwuajan. Do jawütbej, kofaslisi. ⁴¹ Apóstoles nakola wüt paklochowxot, xabich nejchachaemili, Dios tapaeis xot nabijasliajwa Jesús pijaxtat. ⁴² Do jawux, pomatkoicha apóstoles naewuajnaful jiw chimiawuajan, Jesucristo pejwuajan. Japajamechan jiw naewuajnafuli Dios pejtemplobaxot, jiw pejbachantatbej.

6

Siete poejiw makanochpox kajachawaesliajwapi apóstoles

¹ Japamatkoiyantat, naexasiti Jesucristo pejwuajan kaes xabichful. Japixot xabich judíos. Asew naksiyapi hebreojame. Asew naksiyapi griegojame. Watho', pamaljiw naetüpspi, asew japixot xabich kejili. Samata, japi watho' kajachawaesfulas wewe'paspoxanliajwa kaematkoisful. Poejiw, naksiyapi griegojame, nabu'nalot, asew

poejiw sʉapich, japi naksiyapi hebreojame. Nabu'nalot wʉt, jum-aechi: “Watho', naksiyapi griegojame, kaesʉapich chaxduws naxaeyaxan. Me-ama watho', naksiyapi hebreojame, jachi-esal, japi watho' chaxduws wʉt” —aechi. ² Do jawʉt, doce apóstoles natameja wʉt, wullalapi puexa Jesucristo pejuʉajan naexasiti, japixot natamejalijwa. Japi pat wʉt doce apóstolesxot, apóstoles jum-aech:

—Pachaema-el xanal kofalijwan jiw naewʉajnapox Dios pejjamechan, xanal naxaeyaxankal chaxduiflaliaw kejila. ³ Samata, xamalxot siete poejiw makano'e, pachaempikal, chiekal matabijtpi, japi kajachawaesfulaspi Espíritu Santo! Xanal japi to'axaelen naxaeyaxan sasliaw kejilaliaw. ⁴ Xanallax Dios kawʉajnafulaxaelen. Dios pejjamechan xanal jiw naewʉajnafulaxaelenbej —aech apóstoles.

⁵ Apóstoles jum-aechpox puexa jiwliaw chiekal wepachaems. Samata, puexa chiekal kaenejchaxoelaxpi. Do jawʉt, makafitlisi Esteban. Japon Dios chiekal xanaboefsful. Japon kajachawaesfulasbej Espíritu Santo. Makafichbej Felipe, Prócoro, Nicanor, Timón, Parmenas, Nicolásbej. Nicolás Antioquía paklowaxpijin. Japon judíos-atonael. Japonbej chiekal naexasit Dios. Me-ama judíos, ja-aechon. Naexasitbejpon Jesucristo pejuʉajan. ⁶ Do jawʉt, makanochpi buflaech apóstoles poxade. Apóstoles Dios kawʉajan wʉt, japi ke-owa makanochpi pejta'antat Dios kajachawaesfulaliaw, pejbichaxan isful wʉti.

⁷ Do jawʉx, apóstoles, asewbej, Dios pejjamechan naewʉajnaful wʉt, jiw xabich kaespejme naexasit. Kaesfulbej Jerusalén paklowaxpijiw naexasisful Jesucristo pejuʉajan. Xabich sacerdotesbej naexasit Jesucristo pejuʉajan.

Esteban jaeltaspox

⁸ Esteban xabich kajachawaechfulas Dios. Dios pijaxtatbej Esteban xajʉp isliaw koechaxan. Samata, xabich koechaxan is jiwxot. ⁹ Asew judíos natameja pejnaewʉaj nabaxot. Japaba pawʉl Esclavos Libertados. Japanaewʉaj nabaxot jaxotbej judíos. Japi nabu'nalot, Esteban sʉapich, asanaewʉaj naxliaw. Nabu'nalot wʉt, asew jiwbej nalot. Japi Cirene paklowaxpijiw. Asew Alejandría paklowaxpijiw. Asew Cilia tʉajnapijiw. Asew Asia tʉajnapijiwbej. ¹⁰ Esteban naksiya wʉt, chiekal naksiyapon, Espíritu Santo kajachawaech xot. Samata, jiw buxmaliacha-eli Esteban. ¹¹ Ja-aech wʉt, asew jiw japixot maliach moti asew jiw, japi buxlajaslajwa Esteban. Samata, japi jum-aech: “Xanal diachwʉajnakolax jumtaenx, Esteban jum-aech wʉt babejjamechan Moisésliaw, Diosliawabej” —aech japi jiw, buxlajat wʉti Esteban. ¹² Jiw jumtaen wʉt Esteban buxlajachpox, jawʉt paklowaxpijiw xabich palala Estebanliaw. Judíos-ancianos, judíos chanaekabʉanapibej, japibej xabich palala Estebanliaw. Samata, Esteban jaeltas. Do jawʉt, bu'folipon judíos paklochow poxade, Junta Suprema natameja poxade. ¹³ Paklochow wʉlwek asew poejiw kaenejchaxoelaxtat buxlajaslajwapi Esteban. Dolisi, kaenejchaxoelax wʉt, jum-aechlisi Estebanliaw:

—Xanal jumtaenx, Esteban jum-aech wʉt babejjamechan Dios pejtemplobaliaw, Moisés chajia lelpoxliawabej. Japon chinax buxkofs-el, japoxan jum-aech wʉt. ¹⁴ Jumtaenxbej, Esteban jum-aech wʉt: ‘Jesús, Nazaret paklowaxpijin, japon toesaxael Dios pejtemploba. Xatis kofaxaesbej wajkabʉananpox, Moisés chajia nakwewaelt poxbej’ —aech wʉt Esteban —aechi, buxlajat wʉt Esteban.

¹⁵ Judíos paklochow, asewbej jaxot chalaki, japi Esteban taen wʉt, xabich natachaemapi, Esteban pejxu masoxtat xabich itliak xot. Me-ama Dios pej-ángel pejxu wʉt, jaxu-aechon.

7

Esteban wʉajnachamtas wʉt, chiekal jumnotpox

¹ Esteban wʉajnachamtas wʉt sacerdotespaklokolan, jumtispon:

—¿Diachwʉajnakolaxkat japi jiw jum-aechpox xamliaw? —aechon Estebanliaw.

² Do jawʉt, Esteban jum-aech judíos paklochowliaw, asew jiwliawabej: “Takoew, tajpaklochowbej, xan chiekal nanaewe'e! Wajwʉajnapijin Abraham majt Mesopotamia

tʉajnxot duk wʉt, chijiya-el wʉtfʉkon Harán paklowax poxade, wajDios, xabich pachaempon, japon natulaelt Abrahamxot. ³ Do jawʉt, Dios jʉm-aech Abrahamliajwa: ‘¡Nejjiw waelim! ¡Nakoldebej nejtʉajnxot! ¡Fʉlaem asatʉajnu! Japatʉajnu xan itpaeyaxaelen’ —aech Dios Abrahamliajwa. ⁴ Do jawʉx, Abraham fʉlaech Caldea tʉajnu poxade. (Japatʉajnu asawʉl Mesopotamia.) Abraham fʉlaech dukaliajwa Harán tʉajnxot. Jaxot duk wʉt, Abraham pax tʉp. Do jawʉx, Abraham Dios to'as chijiyaliajwapon ampatʉajnueldin, amwʉtjel xatis duilstʉajnutat. ⁵ Abraham chaxdus-esal ampatʉajnu pejtʉajnu liajwa. Jʉmduch lax, japon tʉp wʉt, pamojiw chaxdusliajwas ampatʉajnu. Dios japox jʉm-aech wʉt, Abraham xijilfʉkon. ⁶ Dios chajia jʉm-aechbej Abrahamliajwa: “Namojiw duilaxael asatʉajnu pijiw pejtʉajnxot. Japatʉajnxot esclavos wʉl xaeli. Nabist wʉt, xabich nabichaxaeli japatʉajnu pijiw liajwa. Jachiyaxaeli cuatrocientos waechan, duil wʉti japatʉajnxot” —aech Dios Abrahamliajwa. ⁷ Do jawʉt, jʉmtisbejpon: ‘Xan kastikaxaelen namojiw tato'laxaespi malech tanbichliajwa. Namojiw nakolaxael wʉt japatʉajnxot, pat wʉti ampatʉajnxot, xan nakawʉajnafulaxaeli nasitaeyaxtat’ —tis Abraham, Dios chajia jʉmtis wʉton. ⁸ Abraham Dios keto'as puexa paxi, poejiw, circuncidaliajwa, Dios pejmarkaxliajwapi, japox pejkabʉananliajwabejpi. Abraham japox is nejchaxoelafulaliajwa Dios kajachawaesfulaspo. Samata, Abraham circuncida paxʉlan, Isaac, ocho matkoiyan xent wʉt nalaeltʉ Dios pejmarkaxliajwapon. Do baxael, asamatkoi, Isaac paxʉlan, japon pawʉl Jacob, ocho matkoi wʉt nalaeltʉ, japonbej circuncidas. Do baxael, Jacob doce paxipon. Japi kaenanʉla nalaela wʉt, japibej circuncidas. Baxael, Jacob paxi docepi, japi pamojiw docemʉtjepi puexa” —aech Esteban.

⁹ Esteban pejme jʉm-aech: “Jacob paxi, japi wajwʉajnapijiw, japi nusasiawal pakoe-wan José. Ja-aech wʉt, japi mowa José asajiwtat José esclavoliajwa, jiw fʉlaechpi Egipto tʉajnu poxade, japixot José mowas. Pe José Dios chalas. ¹⁰ José Egipto tʉajnxot nabijat wʉt, Dios chiekal kajachawaesfulas. Dios kajachawaechbej José xabich matabijsliajwa. Samata, faraón, puexa Egipto tʉajnu pijiw tato'lan, xabich nejchachaemil Joséliajwa. Ja-aech wʉt, faraón wʉlduw José paklonaliajwa, puexa Egipto tʉajnu tataeflaliajwapon, faraón pejbabej tataeflaliajwapon” —aech Esteban.

¹¹ Esteban pejme jʉm-aech: “José wʉlduws wʉt paklonaliajwa, do jawʉx, kaesʉapich waechan wʉt, puexa Egipto tʉajnu pijiw, Canaán tʉajnu pijiwbej, xabich nabijat, naxaeyaxan ajil wʉt. Wajwʉajnapijiw japamatkoitat nabijatbej, naxaeyaxan piach ajil xot. ¹² Japamatkoiyan, majt naxaeyaxan ajila-el wʉtfʉk, José nabichow to'a trigobulan tamejalijwa pin-iawaechantat. Do jawʉx, posata xabich naxaeyaxan ajil wʉt, Jacob wʉltaen Egipto tʉajnxot trigo mowapoxan. Samata, Jacob to'a paxi Egipto tʉajnu poxade trigo wʉajsliajwapi. Do jawʉt, Jacob paxi fʉlaech wʉt trigo wʉajsliajwa, jawʉt japi matabija-eli José, taen wʉtipon. ¹³ Do jawʉx, pejme fʉlaech wʉt José pakoew trigo wʉajsliajwa, jawʉt José tapaei pakoew matabijsliajwaspon. Ja-aech wʉt, faraón matabijt José pakoew. Matabijtbejpon acha-aton José. ¹⁴⁻¹⁵ Do jawʉt, José bʉxxato'a pax fʉlaeliajwadin, dukaliajwapon Egipto tʉajnxot. Do jawʉt, Jacob, paxi ʉapich, pamojiw ʉapichbej, puexa japi bʉflaenpon Egipto tʉajnu poxadin. Dolisi, japatʉajnu pat wʉt, jaxot Jacob, paxi ʉapich, duil. Jawʉt, puexa xajʉs wʉt, setenta y cincopi. Jacob xabich pin-iawaechan duk wʉt Egipto tʉajnxot, japatʉajnxot tʉpafʉl. ¹⁶ Jacob tʉp wʉt, chaxfollisipon Siquem paklowax poxade, Abraham chijia wʉajtsat poxade. Japasat Hamor paxi mowa Abrahamxot. Jaxotde Jacob mʉthtas mʉaxwʉajtat” —aech Esteban.

¹⁷ Esteban pejme jʉm-aech: “Do jawʉx, pin-iawaechan wʉt, Abraham pamojiw xabich pin-iakola Egipto tʉajnxot, mox pawʉajna wʉt Dios chajia jʉmdutpox Abrahamliajwa. ¹⁸ Moxsfʉl wʉt Dios jʉmdutpox Abrahamliajwa, japamatkoiyan asan rey tato'al puexa Egipto tʉajnu pijiw. Japon rey matabijs-el José chajia ispo. ¹⁹ Samata, japon rey babijaxan is wajwʉajnapijiw liajwa. Japon pijaxtat wajwʉajnapijiw xabich nabijat. Japi paxi, poejiw, nalaela wʉt, pelsax keto'as. Beyax weketo'asbejpi, kaes xabichfulasamata.

²⁰ Japamatkoiyan wut, Moisés nalaelt. Japon xabich chimian. Dios nejchachaemil japonliajwa. Moisés pax, pen swapich, tataeflas batat tres juimteliajwa. ²¹ Do jawut, Moisés chaduch wut mintat, faraón paxulow chafit chaxti'aliajwa, me-ama paxulankolan wut, jachiliajwapow. ²² Samata, Moisés itpaeis Egipto tuajnapijiw matabijtpoxan. Moisés naksiya wut jiwliajwa, chiekal naksiyapon. Xajurbejpon xabich isliajwa” —aech Esteban.

²³ Esteban pejme jum-aech: “Moisés cuarenta waechan wut, nejchaxoelon: ‘Tajjiw, israelitas, taeyaxaelen’ —aechon, nejchaxoel wut. ²⁴ Do jawut, Moisés fulaech wut, taenon Egipto tuajnapijin, israelita-aton xabich selt wut. Samata, Moisés chamamot. Jawut Egipto tuajnapijin boesapon. ²⁵ Do jawut, Moisés nejchaxoel: ‘Tajjiw, israelitas, pajut matabijaxael Dios nakajachawaesaxaelpox japi jukaliajwan Egipto tuajnxot’ —aech Moisés, nejchaxoel wut. Pe israelitas japox nejchaxoela-ellax, Moisés nejchaxoelpox. ²⁶ Do kandiawa wut, Moisés taen, kolenje israelitas naba wut. Jawut Moisés kefiat wut, jum-aechon: ‘Xamal nakaewiwam nabeliajwam. ¿Ma-aech xotkat nakaewa nabam?’ —aech Moisés. ²⁷ Matxoelatuadutpon nabeyax, japon fiasaba Moisés. Do jawut, jum-aechon Moisésliajwa: ‘¿Achankat xam wulduw tajpaklonaliajwam? ¿Achankat xam wulduwbej tajjueznamliajwa, xanal babijax isx wut natasalaliajwam? ²⁸ ¿Xanbejkat wulnaboesam? ¿Me-ama kaeliw Egipto tuajnapijin boesam, jachisiamkat xanliajwa?’ —aechon matxoelatuadutpon nabeyax Moisésliajwa. ²⁹ Moisés japox jumtaen wut, najaeton atuaj Madián tuajnu poxade. Jaxotde Moisés dukon. Dolison, japatuajnu xot pawis fit. Do jawux, Moisés kolenje paxulan” —aech Esteban.

³⁰ Esteban pejme jum-aech: “Moisés cuarenta waechan duk wut Madián tuajnu xot, asamatkoi, pajilaxxot mox laeja wut pinamuxxot, pawulxot Sinaí, jaxotde naech tamdadut. Jawut Dios, me-ama ángel, jitat natulaelt. ³¹ Moisés japox taen wut, chiekal natachaemton. Kaes mox chiekal fulaech wut, Dios jum-aech naechxotdin Moisés jumtaeliajwa. ³² Jum-aechon: ‘Xanlap nejwujnapijiw pejDiosnan. Abraham, Isaac, Jacobbej, xan japi pejDiosnan’ —aech Dios Moisés jumtaeliajwa. Do jawut, Moisés xabich tathulal pejlwut. Samata, kaes natachaems-elon. ³³ Do jawut, Dios jum-aech Moisésliajwa: ‘Jolde nejtuakxajoelax, tajwujnalel nukam xot! ³⁴ Xan taenx tajjiw, israelitas, Egipto tuajnu xot xabich nabijat wut. Jumtaenxbej japi pejnoeyaxan. Samata, xamxot paskax japi jukaliajwan Egipto tuajnu xot. ¡Xabua't! ¡Kaes moxmin xanlel! Xam to'axaelen Egipto tuajnu poxade’ —aech Dios Moisésliajwa” —aech Esteban.

³⁵ Esteban pejme jum-aech: “Moisés nejweslas xot, israelitas jum-aechi Moisésliajwa: ‘¿Achankat xam wulduw tajpaklonaliajwam? ¿Achankat xam wulduwbej tajjueznamliajwa, xanal babijax isx wut natasalaliajwam?’ —aechi Moisésliajwa. Jatis wut Moisésliajwa, Dios, me-ama ángel natulaelt wut naech tamdadutxot, Moisés nakiowa to'as Dios Egipto tuajnu poxaliajwade, israelitas pejpaklonaliajwapon, japi jukaliajwabejpon Egipto tuajnu xot. ³⁶ Do jawux, Moisés juk wajwujnapijiw Egipto tuajnu xot. Koechaxan isbejpon Dios pijaxtat Egipto tuajnu xot, Mar Rojoxotbej. Pajilaxtatbej duil wuti cuarenta waechan, jaxotbej Moisés koechaxan is Dios pijaxtat. ³⁷ Moisés chajia jum-aech israelitasliajwa, Dios buxto'as wuton: ‘Me-ama Dios xan nato'a, jachiyaxaesbej kaen xamalxot asamatkoi. Japon Dios to'axaes profetaliajwa’ —aech Moisés Dios pijaxtat, chajia jum-aech wuton Cristoliajwa. ³⁸ Moisés, wajwujnapijiw swapich, chajiakolaxtat natameja pajilaxxot, pinamux, Sinaímuxxot. Do jawut, Moisés julach japamux matwujase. Jaxotse Dios pajut jum-aech, ángeltat, Moisés jumtaeliajwa. Do jawux, Moisés naewujajan wajwujnapijiw Dios jum-aechpoxan, japi naexasisliajwa, amwutjel xatisbej naexasisliajwas” —aech Esteban.

³⁹ Esteban pejme jum-aech: “Wajwujnapijiw kaxa nawesia Egipto tuajnu poxade, japi nejwesla xot Moisés. Naexasisfala-elbejpi Moisés jum-aechpox. ⁴⁰ Moisés asalel wut, wajwujnapijiw jum-aech Aarónliajwa: ‘Isde ídolos, japi, me-ama wajdioses nakchawujnamatxoelaliajwa, xatis fos wut! Matabija-esal Moisésliajwa ja-aechpox, japon nakjukpon Egipto tuajnu xot’ —aech wajwujnapijiw Aarónliajwa. ⁴¹ Do jawut, Aarón, japi swapich, ispon ídolo, me-ama pakxulax. Do jawut, choef xua'ati japox

ídololiajwa. Me-ama Dioskolan pej-ofrendaliajwa wut, ja-aechi. Do jawux, fiesta ispi sitaeliajwapi ídolo, pajut ispox. ⁴² Samata, jawut Dios nadijan wajwujnapijiwxot. Dios tapaeis japi kawujnalapaliajwa ithaej. Japoxliajwa profeta chajia lel Dios jum-aechpox: ‘Xamal israelitas, pajilaxxot xamal laelpam wut cuarenta waechan, choef xua'asfulam ofrenda isliajwam. Pe japa-ofrenda xanliajwa-el.

⁴³ Xamallax xananuamtam ídolo pejbach, kawujnaliajwam japabachtat. Kaeyax nej-ídolo japox nejdios, pawul Moloc. Asax nej-ídolo pawul Refán. Japoxan najut isampoxan, kawujnaliajwam. Samata, tapaeaxaelen asajiw xamal buflaeliajwa atuj, Babilonia paklowax kaes pejme atuj poxade’ —aech Dios jum-aechpox profeta chajia lelxot” —aech Esteban.

⁴⁴ Esteban pejme jum-aech: “Wajwujnapijiw duil wut pajilaxxot, xananuamti Dios pejba, Dios kawujnaliajwa japabat. Japaba choefbu'ba. Moisés matxoela itpaeis Dios, japaba isliajwa wut, makechiyaxaelon. Do jawux, Moisés keto'a wajwujnapijiw japaba isliajwa. Dolisi, japaba islisi. Me-ama Dios keto'as Moisés isliajwa japaba, islisi japoxtat.

⁴⁵ Do baxael, wajwujnapijiw puexa pajilaxxot tupaful wut, namaefulpi, japiwich naliixa japaba xananuamsliajwa. Do jawux, Josué wajwujnapijiw buflaen wut ampatujnuxot duilaliajwa, japababej xapati. Japamatkoiyantat Dios pejkajachawaesaxtat wajwujnapijiw kefe'kaful wujna duili pejsatan. Do baxael, rey David Israel tujnupijiw tato'al wut, japabafuk nakiowa. ⁴⁶ Dios xabich nejchachaemil Davidliajwa. David xabich isasia Dios pejtemploba, israelitas Dios kawujnaliajwa japatemplobat. ⁴⁷ Pe Dios ketapael David isliajwa Dios pejtemploba. Dioslax keto'a David paxulan, pawulpon Salomón, japon isliajwa Dios pejtemploba. ⁴⁸ Dios kaes pejme paklokolan. Japon duk athuxotse. Duka-elon jiw is bachantat. Japoxan profeta chajia lel, Dios jum-aech wut:

⁴⁹⁻⁵⁰ ‘Xan tato'lax puexa athuxotse, ampahatbej. Xan nawewe'pa-el tajba damlathulaliajwan, xan tajut puexa isx xot. Samata, zachabakat nawe-isaxaelam?’ —aech Dios, profeta lelxot” —aech Esteban.

⁵¹ Esteban pejme jum-aech: “¡Xamal matnaetinkam! Samata, Dios tato'alpox pomatkoicha naexasis-emil. Xamal nejxasinka-emil Dios pejjamechan jumtaeliajwam, naexasisliajwambej. Espíritu Santo tato'alpox naexasis-emil pomatkoicha. Samata, xamal najupam, nejwujnapijiw, suapich. ⁵² Nejwujnapijiw babijaxan is puexa profetasliajwa. Japibej beful profetas, chapaefuli Cristo pasaxaelpox, xabich pachampon. Do baxael, Cristo pajut pat wut, xamal asajiwxot wiatam japon kematamatlaliajwas cruztat tupaliajwa. ⁵³ Moisés to'as ángeles japon lelaliajwa Dios pejtato'laxan jiw naexasisliajwa japoxan jum-aechpoxan. Pe xamal japoxanbej naexasis-emil” —aech Esteban judiospaklochowliajwa, asew judiosliajwabej.

Esteban ia'tat dadaps wut, matkaejabaspox

⁵⁴ Judiospaklochow, asew judios suapich, jumtaen wut, puexa Esteban jum-aechpoxan, xabich palalapi. Palala xot, xabich bua'tatiti. ⁵⁵ Esteban Espíritu Santo pejkajachawaesaxtat athu natachaemse wut, taenon Dios pej-itliakax. Jawut taenbejpon Jesús, nuk wut Dios poklalel. ⁵⁶ Do jawut, Esteban jum-aech:

—¡Tae'nik! Taenx Diosxotse nafafasepox. Taenxbej Jesús, puexa jiw pakoewkolan, nuk wut Dios poklalel —aech Esteban.

⁵⁷ Judiospaklochow, asewbej japixoti, pajut naekuantakuka kaes naewes-elaliajwapi Esteban jum-aechpoxan. Do jawut, japi xabich pinjametat nejlat. Nejlat wut, puexa jiw itadukpas Esteban jaelsliajwas. ⁵⁸ Paklowaxxot juch wut, ia'tat dadaepaxaeli, japi jol pejsumtanaxoe. Pansian, pawulpon Saulo, japonxot owapi pejsumtanaxoe, japoxan japon tataeflaliajwa. Do jawux, Esteban ia'tat dadaps.

⁵⁹ Esteban ia'tat dadaps wut, kawujanpon Jesús. Kawujan wut, jum-aechon: “Tajpaklon Jesús, ¡taj-ael nawebuflaem xam poxase!” —aech Esteban. ⁶⁰ Do jawut, brixtat nuk wut, pinjametat jum-aechon: “Tajpaklon, ¡ampi jiw xam nabej kastike', is xoti ampababijax xanliajwa!” —aech Esteban. Japox jum-aech wut, Esteban tujlison.

8

Saulo wulwekaful pox jaelaliajwa Jesucristo pejwajaan naexasiti

¹ Esteban matkaejbas wut, Saulo xabich nejchachaemil. Samata, nejchaxoel wut, jum-aechon: “Xabich pachaemdo', Esteban tap wut” —aechon, nejchaxoel wut. ² Pe Jesucristo pejwajaan naexasiti xabich wunowpi Esteban tuppoxliajwa. Asew poejiwxot, xabich pachaempi Diosliajwa, japi Esteban muth. Xabich wunowbejpi. ³ Do jawut, judiospaklochow tuaduti wulwekax jaelaliajwa Jesucristo pejwajaan naexasiti Jerusalén paklowaxxot, japi kastikaliajwas. Saulobej wulwekaful naexasiti Jesucristo pejwajaan. Bachan lalowpon jaelaliajwa poejiw, watho'bej. Jaela wut, buflaechon jiw jeba poxade. Samata, Jesucristo pejwajaan naexasiti dukp asapaklowaxanlel, asatuajnuchanlelbej. Asew japixot dukp asapaklowaxan poxade Judea tuajnuxot. Asew japixot dukpbej Samaria tuajnu poxade. Apóstoleslax dukpa-el. Japi nakiowa kaweta duil Jerusalén paklowaxxot.

Jesucristo pejwajaan naexasiti naewajaanpox Samaria tuajnujijiw

⁴ Jerusalén paklowaxxot dukpi, japi pat wut asapaklowaxanxot, japapaklowaxanpijiw naewajaanpi chimiawajaan, Jesucristo pejwajaan. Jasox ja-aechi jiw naexasisliajwa, Dios bu'weliajwasbejpi. ⁵ Dukpixot kaen, najaeton kaepaklowax, pinjiyax, poxade, Samaria tuajnu poxade. Japon pawul Felipe. Japapaklowaxxotde wuton, japapaklowaxpijiw naewajaanpon Jesucristo pejwajaan. ⁶ Japi jiw natameja wut, puexa chiekal naeweti Felipe naewajaanpox. Japi taenbej, Felipe is wut koechaxan Dios pijaxtat. ⁷ Xabich jiw, dep webaespi pejmatpuatanxot, japi Felipe boejthut Dios pijaxtat. Samata, dep nakola wut jiw pejmatpuatanxot, pinjаметat na-oe'bala. Xabich nabejkpibej, japi chiekal laelp. Asew jiw, laelpaxilpibej, japi puexa chiekal boejthuch. ⁸ Samata, japapaklowaxpijiw xabich nejchachaemil.

⁹ Japapaklowaxxot aton duk. Japon pawul Simón. Japon pinjoe'an. Xabich jiw naekichachajbapon pinjoe'axtat. Jum-aechfulon, jiw naekichachajba wut: “Xan xajux jiw boejthusliajwan. Kaes asan ajil, me-ama xan jason” —aechfulon. ¹⁰ Puexa jiw, japi jiw kejilpi, kemaenkibej, chiekal naewechpon. Japon jiw naewech wut, jiw jum-aech Simónliajwa: “Simón Dios kajachawaech xot, xajux japoxan isliajwa” —aechi.

¹¹ Japi jiw japon naexasisfulas, pinjoe'axtat pomatkoicha jiw naekichachajba xot. ¹² Pelax Felipe naewajaan Dios pejjamechan, Dios puexa pejjiw tato'laxaelwajaan. Naewajaanbejpon chimiawajaan, Jesucristo pejwajaan. Jiw naexasit wut Felipe naewajaanpox, japi bautisas, poejiw, watho'bej. ¹³ Do jawut, Simón, me-ama diachwajnakolax Jesucristo pejwajaan naexasit wut, ja-aechon. Do jawut, japonbej bautisas. Jawut Felipe pejnachalan nadofapon. Felipe koechaxan isful wut Dios pijaxtat, Simón japoxan taen wut, xabich nejchaxoelon.

¹⁴ Apóstoles, Jerusalén paklowax xoti, wultaen wut, Samaria tuajnujijiw chiekal naewetox Dios pejjamechan, japi apóstoles to'api Pedro, Juan suapich, taeliajwapi Samaria tuajnujijiw, naexasiti Jesucristo pejwajaan. ¹⁵⁻¹⁶ Pedro, Juan suapich, pat wut Samaria tuajnuxot, Espiritu Santo pas-elsikfuk japi pejmatpuatanxot. Jesucristo pejwulatkatl bautisas. Samata, Pedro Dios kawajaan, Juan suapich, Espiritu Santo pasliajwa japi pejmatpuatanxotsik. ¹⁷ Dios kawajaan wuti, ke-owapi jelnaexasiti pejta'antat. Do jawut, Espiritu Santo pask japi pejmatpuatanxotsik.

¹⁸⁻¹⁹ Simón japox taen wut, jum-aechon apóstolesliajwa:

—¡Nejpamamax xan naduajde xanbej koechaxan isliajwan! Xamal mosaxaelen platatat, xanbej ke-otx wut asew jiw pejta'antat pasliajwasik Espiritu Santo japi pejmatpuatanxot —aech Simón.

²⁰ Do jawut, Pedro jumnot wut, jum-aechon Simónliajwa:

—Xam jumch nejchaxoelam wuajsliajwam platatat, Dios malech nachaxdutpox. Samata, Dios fo'axael xam infierno poxadik. ¡Nej nafa'e'bej nejew plata! ²¹ Xam nabichaximil Dios pejbichax, nejnejchaxoelax chiekal pachaema-el xot Diosliajwa.

²² ¡Kofde japababejnechaxoelax! ¡Dios xabich kawuajande xam beltaeliaswa nechaxoelampoxliajwa, xam kastika-elaliajwa Dios! ²³ Xan matabijtax xam xabich nusasiawlam Jesucristo pejuwajan naexasitiliajwa. Babijax xam tapae-el isliajwam pachaempoxan. Samata, babijaxtat xam, me-ama asan aton matakũ wut, ja-am. Jasoxtat isaximil pachaempoxan —aech Pedro Simónliajwa.

²⁴ Simón jumnot wut, jum-aechon Pedroliajwa:

—¡Dios nawekawuajande xam najum-ampox jachisamata xanliajwa! —aechon Pedroliajwa.

²⁵ Do jawux, Pedro, Juan suapich, japi chapaei taenpoxan, majt Jesús ispoxan. Do jawux, japi naewuajanbej jiw Dios pejjamechan. Do jawuxbej, asapaklowaxanxot, Samaria tuajnuxot, naewuajanpi chimiawuajan, Jesucristo pejuwajan. Do jawux, Pedro, Juan suapich, kaxa nawech Jerusalén paklowax poxade.

Felipe bautisapox Etiopía tuajnupijin

²⁶ Do jawux, Dios pej-ángel pask Felixot. Pask wut, jum-aechon Felipeliajwa: “¡Thilde! ¡Xabua'de surlel japot nuamt, Jerusalén paklowaxxot fulaechpot Gaza paklowax poxaliajwade!” —aech ángel. Japot nuamt xende pajilax poxakal. ²⁷ Do jawut, Felipe thilt wut, fulaechlison. Japonuamtat wut, Felipe taen Etiopía tuajnupijin. Japon plata tataeflan. Etiopía tuajnupijiwpaklolow pejew plata puexa tataefulpon. Japon majt Jerusalén paklowax poxade Dios pejtemplobatat Dios kawuajnaliaswa. ²⁸ Nawia'an wuton pejtujnu poxade, Etiopía tuajnupijin xaljoeful carrozatutat profeta Isaías chajia lelpox.

²⁹ Felipe japon taen wut, jawut Espíritu Santo to'ason. Espíritu Santo jum-aech: “¡Xabua'de! ¡Mox pa'mich japacarroza!” —aech Espíritu Santo. ³⁰ Felipe moxde wut, jumtaenlison, Etiopía tuajnupijin xaljoeful wut Isaías chajia lelpox. Do jawut, Felipe kawuajnachaemt wut, jum-aechon:

—¿Xamkat xaljowampox jummatabitam? —aechon. ³¹ Etiopía tuajnupijin jumnot wut, jum-aechon:

—¿Machiyaxaelamkat xan chiekal jummatabijsliajwan, asan aton ajil wut xan chiekal nachanaekabuaneliaswa? —aechon.

Do jawut, Etiopía tuajnupijin tadut Felipe julaliajwa japon pejarrozatat kaeyaxtat chalakaliajwapi. ³² Etiopía tuajnupijin xaljow Jesúsliaswa chajia jum-aechox:

“Japon buflaeyaxaes boesaliajwas. Me-ama oveja bu'fos xua'asba poxade, jachiyaxaeson. Japon boejlachaxaelbej, bu'fos wut. Me-ama ovejas boejlach nuil, bu'latasiaplapi pejuwajnalel wut, jachiyaxaelbej japon.

³³ Nabijasaxaelon, babijax is-elpon kastixaxaes wut.

Paxi ajil xot, japi pejuwajan, pamojiwbej pejuwajan, ajilaxael. Jachiyaxaeson, boesaxaes xot” —aech Etiopía tuajnupijin, xaljow wut Isaías chajia lelpox Jesúsliaswa.

³⁴ Do jawut, Etiopía tuajnupijin wuajnachaemt wut, jum-aechon Felipeliajwa:

—¡Najum-amde! Ampox profeta lelox, ¿achanliajwakat jum-aechox? ¿Pajutliajwakat jum-aechon? O, ¿asaniajwakat jum-aechon? —aech Etiopía tuajnupijin.

³⁵ Do jawut, Felipe chiekal chanaekabuana Isaías chajia jum-aechpox Jesúsliaswa. Jawutbej chiekal chanaekabuanaapon chimiawuajan, Jesucristo pejuwajan. ³⁶ Do jawut, kaes chaflaech wut, carrozatat xensliajwa wut minxot, jawut Etiopía tuajnupijin jum-aech:

—Ama min. ¿Pachaemkat xan nabautisaliajwam? —aechon.

[³⁷ Felipe jumnot wut, jum-aechon:

—Xam chiekal naexasitam wut Jesucristo pejuwajan, pachaem xam bautisaliajwan —aech Felipe.

Etiopía tuajnupijin jumnot wut, jum-aechon:

—Xan chiekal naexasitx diachwuajnakolax Jesucristo Dios paxulan —aechon.]

³⁸ Do jawut, Etiopía tuajnupijin keto'a pamakan japon frenaliajwa kawai. Carroza okjaba wut, japi nana carrozaxot. Fulaechlisi minade. Do jawut, Felipe bautisa Etiopía tuajnupijin. ³⁹ Minwux, put jul wut, Felipe masoxtat naxaelcha, Espiritu Santo bu'fos xoton. Etiopía tuajnupijin kaes tae-el Felipe. Dolisdo', Etiopía tuajnupijin chaflaech pejtuaajnu poxade. Pejba pa'a wut, xabich nejchachaemilon. ⁴⁰ Felipe, Espiritu Santo bu'fos wut, buflaechpon Azoto paklowax poxade. Japaklowaxxot wuton, Felipe asapaklowaxanlel mathunaful naewuajnafulalialajwa chimiawuajan, Jesucristo pejwuajan. Cesarea paklowaxxot pat wut, jaxotde Felipe naman.

9

*Saulo naexasitpox Jesucristo**(Hch 22.6-16; 26.12-18)*

¹ Saulo buxkofel-thiyafulpox Jesucristo pejwuajan naexasiti. Samata, fulaechon sacerdotespaklokolan poxade. ² Sacerdotespaklokolanxot, Saulo jum-aech: "¡Nawelele kaesupich carta xan xalaeliajwan Damasco paklowax poxade, kaenanula judíos naewuaj-nabachan tataefulpi itpaeliajwan japacartan! ¡Japacartantat nato'im xan jaxotde jaelaliajwan naexasiti Jesucristo pejwuajan, poejiw, watho'bej! Japi jaelax wut, ampalel, Jerusalén paklowaxleldin, buflaeyaxaelen jiw jebatat jeliajwas" —aech Saulo sacerdotespaklokolanliajwa. ³ Do jawut, japacartan welels wut, xalaechon Damasco paklowax poxade. Japapaklowax mox wut, chalechkal xabich itliakjala athusik japonxot. ⁴ Itliakjala wut, Saulo jawal satadik. Jawut jumtaenlison athusik jumtiskaspo. Jumtison:

—Saulo, Saulo, ¿ma-aech xotkat xan nachakifolam? —tison.

⁵ Saulo wuajnaemta wut, jum-aechon:

—Tajpaklon, ¿achanamkat xam? —aechon.

Jumnoch wut, jumtison:

—Xan Jesús, xam nachakifolamponan. ⁶ ¡Nande! ¡Fulaemch Damasco paklowax poxade! Jaxotde asan aton xam jumchiyaxael isaxaelampoxliajwa —tis Saulo.

⁷ Saulo supich, foli, japox xabich beljatas. Aton pejjamekal jumtaenpi. Pe chinax tae-eli aton, naksiyapon. ⁸ Saulo nant wut, natachaemt wut, tae-elon, itliakal xot. Tae-el xot, asew jiw makxafoson Damasco paklowax poxade. ⁹ Jaxotde pa'a wut, tres matkoi tae-elon. Jawut chinax naxae-elbejpon. Fe-elbejpon min.

¹⁰ Damasco paklowaxxot duk aton. Japon pawul Ananías. Japon chiekal naexasit Jesucristo pejwuajan. Ananías masoxtat jumtaen Jesús pejjame. Jawut Jesús jum-aech Ananíasliajwa:

—¡Ananías! —aechon.

Ananías jumnot wut, jum-aechon:

—Tajpaklon, xan ama amxotx —aechon.

¹¹ Jesús jum-aech:

—¡Nande! ¡Xabua'de paklowaxlelede, pawul Matnochthialax! Japathialaxxotde, jaxotde Judas pejbaxot wuajnaemsaaxaelam: '¿Amxotkatlap Saulo duk, Tarso paklowaxpijin?' —chiyaxaelam, wuajnaemtam wut. Amwutjel Saulo Dios kawuajan.

¹² Dios kawuajan wut, masoxtat xam taenpon. Taenbejpon, xam patampox japon dukxot. Taenbejpon, xam ke-otam wut japon pejta'tat. Do jawut, pejme chiekal taenpon —aech Jesús Ananíasliajwa.

¹³ Ananías japox jumtaen wut Jesús jum-aechpox, jawut jum-aechon:

—Tajpaklon, xabich jiw nachapaei Sauloliajwa. Wultaenxbejpon xabich babijaxan ispo xam nejwuajan naexasitiliajwa Jerusalén paklowaxxot. ¹⁴ Japon ampalel to'anas sacerdotespaklochow, puexa xam nejwuajan naexasiti jaelaliajwa, buflaeliajwabejpon jiw jeba poxade —aech Ananías Sauloliajwa.

¹⁵ Pe Jesús jum-aech:

—¡Xabua'de! ¡Wulwekde Saulo! Xan japon makafitx tajwuajan naewuajnafulalialajwapon asajiw asatuaajnuchanpijiw, japi pejreyesbej, Israel tuajnupijiwbej. ¹⁶ Xan

tajaxtat Saulo xabich nabijasaxael, naewuajan wuton tajwuajan judíos-eli —aech Jesús Ananíasliajwa.

¹⁷ Do jawut, Ananías fulaech Saulo duk poxade. Jaxot pa'a wut, ba lowpon. Jawut, ke-ot wut Saulo pejta'tat, jum-aechon:

—Takoewan Saulo, wajpaklon Jesús, japon taenampon, jumtaenamponbej, fulaeman wut nuamtat, japon xan nato'a pasliajwan xamxot. Jasoxtat Jesús nato'a xam pejme chiekal taeliajwam, Espíritu Santo xam kajachawaesfulaliajwabej —aech Ananías Saulo-liajwa.

¹⁸ Do jawut, Saulo pej-itfutexot koloeyax wejops, me-ama baxibok, jasox. Do jawut, Saulo pejme chiekal taen. Nant wut, bautisaslison. ¹⁹ Do jawut, xael wut, pejme chiekal pachaemlison. Jawut Damasco paklowaxxot Saulo dukfuk, naexasiti Jesucristo pejuajan suapich, kaematkoijan suapichliajwa.

Saulo naewuajanpox Jesucristo pejuajan Damasco paklowaxpijiw

²⁰ Saulo tuadut naewuajnalialjwa Jesucristo pejuajan judíos naewuaj nabachaxot. Naewuajan wut, jum-aechon: “Jesús diachwuajnakolax Dios paxulan” —aechon. ²¹ Japi jiw japox jumtaen wut, xabich natachaemapi. Nakaewa najum-aechi:

—Saulo majt Jerusalén paklowaxxot chakifol jaelialjwa naexasiti Jesucristo pejuajan. Japon chakifulaen amxot naexasiti Jesucristo pejuajan jaelialjwa, sacerdotespaklochowxot woeyalialjwa Jerusalén paklowaxxot —na-aech jiw nakaewa.

²² Saulo jiw naewuajan wut Jesucristo pejuajan, pejlwla-elon naewuajan wut. Chiekal naewuajanbejpon Jesús diachwuajnakolax Dios to'aspon jiw bu'welialjwa. Judíos, japi duili Damasco paklowaxxot, xajupa-el buxmalechialjwapi Saulo naewuajanpox.

Saulo wiapox judíosxot

²³ Do jawux, pin-iamatkoijan wut, Damasco paklowaxxot judíos nejchaxoel boesalialjwapi Saulo. ²⁴ Pomatkoicha, pomadoichabej, Saulo wawech jiw nakakolaxot paklowaxxot boesalialjwas. Japapaklowax tathoetlel ia'kal chaxxajajials. Japox xabich da'nik. Xabich athubejxot. Saulo jumtaen jiw isaxaesxot japonliajwa. ²⁵ Madoi wut, Saulo pejnachala chakakofnas canastatat xajajialslelsik tathoetlel. Jatis wut, Saulo wia.

Saulo apóstolesxotpox Jerusalén paklowaxxot

²⁶ Saulo Jerusalén paklowaxxot pat wut, naknatamejasiapon, naexasiti Jesucristo pejuajan suapich. Pe japi asbuan jumch pejlwla japonliajwa. Jumch nejchaxoeli japonliajwa: “Saulo bej najiamjebej Jesucristo pejuajan naexasitpox” —aechi Saulolialjwa, nejchaxoel wut. ²⁷ Pe nakiowa, Bernabé pejlwla-el Saulolialjwa. Samata, buflaechon Saulo apóstoles poxade, japon chiekal matabijsliajwas apóstoles. Bernabé bu'pat wut Saulo apóstolesxot, jawut jum-aechon japilialjwa: “Saulo nuamtat fol wut, taenon Jesús. Jumtaenbejpon, Jesús jum-aech wut japonliajwa. Do jawux, Saulo Damasco paklowaxxot xabich pejlwla-el, naewuajnaful wuton jiw Jesucristo pejuajan” —aech Bernabé. ²⁸ Do ja-aech wut, Saulo naman apóstolesxot dukalialjwa Jerusalén paklowaxxot. Nanuamtbejpon, japi suapich. Saulo naewuajan wut jiw Jesucristo pejuajan, xabich pejlwla-elon. ²⁹ Saulo nospaei wut judíos suapich, japi naksiyapi griegojame, nabunlotbejpon japon naewuajanpoxliajwa. Samata, japi Saulo boesax nejchaxoel. ³⁰ Asew Jesús pejuajan naexasiti, jumtaen wuti Saulo boesaxaesxot, japi buflaech Saulo Cesarea paklowax poxade. Jaxotde barkam duk fulaeyaxaelpox Tarso paklowax poxade. Japabarkamtat Saulo to'as.

³¹ Do jawux, Jesús pejuajan naexasiti, Judea tuajnuapijiw, Galilea tuajnuapijiwbej, Samaria tuajnuapijiwbej, chiekal duil wuajanxilaxtat, kaes chakifulae-esal xot. Japi kaes Dios xanaboefaful kajachawaesfulaliajwas. Japibej isful Dios nejxasinkpoxan. Do ja-aech wut, kaes xabichful naexasiti Jesucristo pejuajan, Espíritu Santo kajachawaesfulas xot.

Pedro boejthutpox Jesucristo pijaxtat pawalpon Eneas

³² Pedro mathun paklowaxan taeliajwapon naexasiti Jesucristo pejwuaajan. Jawut fulaechbejpon Lida paklowax poxade. ³³ Jaxotde taenon aton. Japon pawul Eneas. Japon nabejkpox, ocho waechanlisox. Laejaxil xot, okon furbu'tat. ³⁴ Do jawut, Pedro jum-aech japonliajwa:

—Eneas, Jesucristo xam boejthusaxael. ¡Nande! ¡Najut nejfurbu' chaemde! —aech Pedro.

Do jawut, Eneas nancha, chiekal boejthuls xoton. ³⁵ Puexa jaxot duili, Lida paklowax-pijiw, Sarón tuajnupijiwbej, taeni majt nabejkpon, pachem wutlison. Do jawut, puexa japi naexasit Jesucristo pejwuaajan. Do jawutbej, japi jiw kofa padujnejchaxoelaxan.

Dorcás tup wut, Dios mat-echpox pejme dukaliajwa

³⁶ Jope paklowaxxot pawis duk. Naexasitow Jesucristo pejwuaajan. Japow pawul Tabita. Tabita —aech wut, griegojamatat, Dorcas —chiyaxael. Japow pomatkoicha is pachaempoxan asew jiwliajwa. Jiw kejila kajachawaetbejpow. ³⁷ Pedro Lida paklowaxxot wut, Dorcas bu'xaenk. Bu'xaenk wut, tupow. Dorcas tup wut, pejjiw bu'kiachpow, me-ama japi pejkabuan. Do jawux, athu piezaxxotse osas. ³⁸ Jope paklowax mox Lida paklowaxxot. Pedro japapaklowaxxot. Naexasiti Jesucristo pejwuaajan, japi wultaen Pedro Jope paklowaxxotpox. Samata, japixot kolenje to'as, japi wuljaesliajwa Pedro. Pa'a wuti Pedroxot, jum-aechi: “¡Xabua't! ¡Nabej nejthisle' Jope paklowax poxade xanal nakfulaeliajwam!” —aechi.

³⁹ Do jawut, Pedro nakfulaechlison japi. Pedro pa'a wut, bu'julachaspon patupow osas poxase. Jaxotse watho', pamaljiw naetupspi. Japi watho' xabich wunow Dorcas. Pedro low wut japapiezaxxot, japi watho' masajiachpon. Japi watho' itpaei Dorcas chaxduwspxoxan, chabu'athowspxoxanbej, japow tupa-el wut. ⁴⁰ Do jawut, Pedro puexa japi jiw nakolax to'a. Nakola wut, Pedro brixtat nuk Dios kawuajnalijwa. Jawut, Pedro patupow natachaemt wut, jum-aechon:

—Tabita, ¡najut mat-e'e! —aech Pedro.

Do jawut, patupow natachaemcha. Taen wutow Pedro, do jawut, pajut mat-etbejpow. ⁴¹ Pedro japow makafit nansliajwa. Do jawut, japow nant. Jawut Pedro la naexasiti Jesucristo pejwuaajan, watho' pamal naetupspibej, itpaeliajwapon Dorcas mat-echpox pejme dukaliajwa. ⁴² Puexa Jope paklowaxpijiw japox wultaena. Samata, japixot xabich jiw naexasit Jesucristo pejwuaajan. ⁴³ Pedro namanfuk pin-iamatkoiyen Jope paklowaxxot. Pedro duk Simón pejbatat. Japon Simón pakbu'an chaemsan.

10

*Pedro naewuajan*pox Cornelio pejbatat

¹ Cornelio duk Cesarea paklowaxxot. Japon soldawpaklon. “Batallón Italiano” —tis japamutpijiw soldaw, japi Italia tuajnupijiw xot. ² Cornelio xabich pachaempon. Japon pijow, paxi, pamakjiw suapich, japi Dios naexasit. Jikajachawaeton judíos, japi kejilpi. Japon pomatkoicha Dios kawuajan. ³ Asamatkoi, a las tres wutlejen, Cornelio masoxtat taen Dios pej-ángel, pask wut japon pejbaxot. Do jawut, ángel jum-aech Cornelioliajwa: —¡Cornelio! —aechon.

⁴ Cornelio taen Dios pej-ángel. Do jawut, xabich pejlewlapon. Jawutbej, wuajnachamnt wut, jum-aechon:

—¿Achaxasiamkat? —aech Cornelio.

Ángel jumnot wut, jum-aechon:

—Xam kawuajnampox Dios jumtaen. Dios nejchachaemil xamliajwa, kajachawaesfulam xot kejila. ⁵ ¡Ma amwut, asew xamxot to'im Jope paklowax poxade japi wuljaesliajwa Simón! Japon asawul Pedro. ⁶ Simón duk pejwulxoelan pejbatat, pakbu'an chaemsan pejbatat. Japon pejba ek marbabu'tat —aech ángel.

⁷ Ángel japox buxtoet wut, athu poxasepon nawiaese. Do jawut, Cornelio kolenje pamakan lapon. Labejpon kaen soldawan. Japon soldawan naexasitbej Dios. Japon

soldawan chiekal isbejpon, Cornelio to'a wut. ⁸ Dolisdo', japi pa'an wut Cornelioxot, Cornelio japi chapaei puexa ángel jümtispox. Do jawux, japi to'apon Jope paklowax poxade, wuljaesliajwapi Pedro.

⁹ Kandiawa, juimt matnoch ek wut, japi mox fulaen wut Jope paklowax pasliajwa, japi wuajna, Pedro julach ba matwuajase, najapnax poxase, Dios kawuajnalijwa. ¹⁰ Jawut Pedro litaxaela. Naxaeyax toejafa-elfuk japonliajwa. Do jawut, Pedro masoxtat taen, Dios kawuajan wut. ¹¹ Taenon athu fafachpox. Taenbejpon pinjiyax, me-ama sábanabu', fulaeflik wut satlelsik. Japox sábanabu', me-ama nataelabuxsumkus wut, ja-aechox. ¹² Japasábanatutat nejmachchoef nuil. Jaxotbej jom, papunibej. ¹³ Do jawut, Pedro jümtaen jümtiskaspo athusik:

—Pedro, ¡nande! ¡Ampi choef bem xaeliajwam! —tis Pedro.

¹⁴ Pedro jümnot wut, jüm-aechon:

—¡El, paklon! Xan choef chinax xae-enil chaemili, me-ama ampi choef, jasi, tajwuajnapijiw nakaechafiat xot, babijax isasamatan xamliajwa —aech Pedro.

¹⁵ Pejme athusik jümtiskas Pedro:

—Dios jüm-aech wut: 'Pachaem xaeliajwa' —aech wut, ¡japoxliajwa xam nabej jüm-aech': 'Chaemil' —nabej aech!' —tis Pedro.

¹⁶ Pedro keto'as tres veces japi choef beliajwapon, xaeliajwabejpon. Do jawut, japasábana athu poxase chajulaful, choef suapich. ¹⁷ Pedro xabich nejchaxoel, masoxtat taen wut sábanabu', choef suapich. Samata, Pedro jüm-aech, nejchaxoel wut "¿Masoxkat Dios xan nachanaekabuansasia, taenx wut japox?" —aech Pedro, nejchaxoel wut. Pedro japox nejchaxoel wutfuk, Cornelio pamak patlisi bafafatat. Japi fulaen wutfuk, wuajnachaemti jiw: "¿Amxotkat Simón pejba ek, pakbu'an chaemsan pejba?" —aechi. ¹⁸ Dolisi pat wuti Simón pejbaxot, pinjemetat wuajnachaemt wut, jüm-aechi: "¿Ampabaxotkatlap Simón Pedro duk?" —aechi.

¹⁹ Pedro nakiowa nejchaxoelfuk japox ja-aechpoxliajwa bamatwuajtatse. Do jawut, Espíritu Santo jüm-aech Pedroliajwa: "Tres aton pat. Japi pat xam wuljaesliajwa. ²⁰ Samata, ¡nande! ¡Balaemik! ¡Japi nejmach nakfulaem! Xan japi to'anax xot, japi fulaen" —aech Espíritu Santo Pedroliajwa.

²¹ Pedro balaek wut, jüm-aechon pa'anpiliajwa:

—Xanlap nawulwekamponan. ¿Ma-aech xotkat fulaeman? —aech Pedro.

²² Japi jümnot wut, jüm-aechi:

—Xanal fulaenx, tajpaklon Cornelio nato'a xot. Tajpaklon, japon soldawpaklon, xabich pachaempon. Japon Dios naexasitbej. Judíos jüm-aech wut japonliajwa, jüm-aechi chimiajamechan. Puexa judíos nejxasinkasbejpon. Kaeliw Dios pej-ángel jümtispon: '¡Asew xam to'im japi wuljaesliajwa Pedro! Japon pa'an wut, ¡chiekal naewe'e japon xamal jümchiyaxaelpox!' —aech Dios pej-ángel Cornelioliajwa —aechi Pedroliajwa.

²³ Pedro japox jümtaen wut, tapaeipon japi leliajwa ba. Do jawut, japabatat namapi kaemadoiliajwa. Dolisdo', kandiawa wut, Pedro nakfol japi. Asewbej, naexasiti Jesucristo pejwuajan, Jope paklowaxpijiw, japibej nakfoli Pedro.

²⁴ Kandiawa wut, Pedro pa'a Cesarea paklowaxxot. Japi wuajna, Cornelio, pejjiwkola suapich, pejnachala suapichbej, tuadut natamejax japon pejbatat. Cornelio bu'wuaj nawet pejjiw Pedro pejpasaxliajwa. ²⁵ Pedro pat wut Cornelio pejbaxot, Cornelio nakoldin bu'kulsliajwapon Pedro. Do jawut, Cornelio brixtat nuk Pedro pejwuajnalel, sitaeyaxtat chiekal bu'kulsliajwapon. ²⁶ Pe Pedro makafit Cornelio nansliajwa. Jawut Pedro jüm-aech:

—¡Nande! ¡Tajwuajnalel xam brixtat nabej nuke! Xan atonan. Me-ama xam, ja-an xan —aech Pedro Cornelioliajwa.

²⁷ Pedro japox jüm-aech wut Cornelioliajwa, japi lowlisi Cornelio pejba. Jaxot Pedro xabich jiw taen, japi wuajna natamejapi. ²⁸ Do jawut, Pedro jüm-aech:

—Xamal chiekal matabijam. Tajwuaajnapijiw chajia lelox tapae-el nachalaliajwan, judíos-elpi suapich. Xanal natapae-elbej leliajwan judíos-eli pejbachanxot. Japoxan xanal judíos tajkabuan. Pe amwutjel xan matabijtax Dios nafias-el japoxanliajwa. ²⁹ Samata, namak nawuljaet wut, asax pae-enil japiliajwa: ‘Xan fulaeyaxinil’ —chi-enil. Kamta nakfolx japi. Ma amwut matabijsasian, ma-aechxotkat nawuljaeti —aech Pedro, natamejapiliajwa Cornelio pejbatat.

³⁰ Cornelio jumnot wut, jum-aechon:

—Cuatro matkoilisoq Dios kawuajnapox tajbatat kaliax, ampahora wutlejen. Chalechkal natulaelt wut, me-ama aton, jason, japon najum-aech. Naxoelox xabich itliak. ³¹ Japon najum-aech: ‘Cornelio, xam kawuajnapox Dios jumtaen. Dios nejkiowa-el xam kajachawaesfulampox kejila. ³² Samata, jto'im namak Jope paklowax poxade buflaeliajwadini Simón! Japon asawul Pedro. Japon duk pejwulxoelan pejbatat, pakbu'an chaemsan pejbaxot. Japon pejba ek mox marbabu'tat' —na-aech ángel. ³³ Samata, tamak kamta to'ax xam wulwekaliajwapi. Xam isam pachaempox tajjiwliajwa, nakfulaeman xot. Amwutjel xanal natamejlax Diosliajwa. Xanal puexa jumtaesian xam Dios buxto'apoxan xanal nanaewuajnalijwam —aech Cornelio Pedroliajwa.

Pedro naewuajanpox jiw Cornelio pejbaxot

³⁴ Dolisdo', Pedro tuadut wut jiw naewuajnalijwa, jum-aechon:

—Amwutjel ampox matabijtax. Diachwuaajnakolax, Dios jiw taen wut, pothatapijiw puexa chiekal najupataenpon. ³⁵ Dios natxasisla-ele-el pothatapijiw, japi itpaei sitaeyax Diosliajwa, ispi-bej pachaempoxan. ³⁶ Xamal matabijam Dios xato'a chimiawuajan, Jesucristo pejwuajan, xanal israelitasliajwan Dios nabeltaeliajwa, isx wut babijaxan. Japon Jesucristo, paklokolan puexa jiwliajwa. ³⁷ Xamal chiekal matabijambej Jesús ispoxan judiosliajwa japi pejtuaajnuchantat. Juan, jiw bautisan, naewuajnaful wut, japon jiw bautisafulbej. Japamatkoiyan Jesús ispoxan tuadut Galilea tuajnuaxot. ³⁸ Xamal chiekal matabijambej, Dios chaxdut Jesúsliajwa, japon Nazaret paklowaxpijin, Espiritu Santo. Dios chaxdutbej pejpamamax Jesúsliajwa. Samata, Jesús isful pachaempoxan jiwliajwa. Boeithusfulbejpon jiw, nabijati Satanás pijaxtat. Diachwuaajnakolax Jesús xajup japoxan isfulaliajwa, chalas xoton Dios. ³⁹ Xanal taenx Jesús isfulpoxan Jerusalén paklowaxxot, Judea tuajnuaxot. Do jawux, asajiw Jesús kematamatlas cruztat tupaliajwa. ⁴⁰⁻⁴¹ Jesús tap wut, tres matkoi wut, Dios mat-echpon pejme dukaliajwa. Do jawux, xanalxot natulaelton. Asew jiwxot natulaels-elon. Dios chajia xanal namakanot, asamatkoi Jesús taeliajwan, mat-ech wuton, pejme duk wut. Samata, Jesús xanalxot natulaelt, mat-ech wuton. Do jawut, xanal xaelx, Jesús suapich. Afxbej. ⁴² Jesús nabuxto'a xanal jiw naewuajnalijwan Dios wulduwpox Jesús juezliajwa. Asamatkoi japon jiw babejchow pejlel diajkaxael. Diajkaxaelbejpon pejlel jiw pachaempi. Jachiyaxaelon jiw laelpiliajwa, jiw tupiliajwabej. ⁴³ Puexa profetas chajia jum-aechi Jesús pasaxaelpoxliajwa ampathatat. Japi jum-aechbej: ‘Jiw naexaxisaxaelpi japon, japi Dios beltaeyaxaes babijaxan ispoxanliajwa’ —aechbej profetas, chajia jum-aech wut —aech Pedro, jiw naewuajan wut Cornelio pejbatat.

Judíos-elpi pejmatpuatanxot paskpox Espiritu Santo

⁴⁴ Pedro naewuajan wutfuk, jawut Espiritu Santo pask, Pedro naewuajanpox naeweti pejmatpuatanxotsik. ⁴⁵ Judíos, pati, Pedro suapich, japi chajia naexasiti Jesucristo pejwuajan. Japi xabich nejchaxoelanuil, taen wuti Espiritu Santo paskpox judíos-eli pejmatpuatanxotsik. ⁴⁶ Japi matabija Espiritu Santo paskpox, naksiya xoti asajamechan, majt naksiya-eljamechan, japi jum-aechful xotbej Diosliajwa: “Xam xabich pachaemam” —aechful xoti Diosliajwa. ⁴⁷ Samata, Pedro jum-aech, japon suapich, patpi jumtaeliajwa: “Espiritu Santo fuloek Cornelioxotsik, pejjiwxotsikbej. Me-ama xatistliajwa, jatisbej judíos-elpiliajwa. Samata, japi jiw bautisas wut, xatis elchiyaxisal” —aech Pedro.

⁴⁸ Samata, Pedro to'a Cornelio, pejjiw suapich, bautisaliajwas Jesucristo pejwultat. Do jawut, japi jiw fiati Pedro namanaliajwa kaematkoi suapich japixot.

11

Pedro chapaeipox Jerusalén paklowaxpijiw, Dios buxto'aspox naewuajnalijwa judíos-eli

¹ Apóstoles, asewbej, naexasiti Jesucristo pejwuajan, Judea tuajnupijiw, japi wultaen judíos-eli chiekal naexasitox Jesús pejwuajan. ² Samata, Pedro pat wut Jerusalén paklowaxxot, asew judíos, naexasiti Jesucristo pejwuajan, japi loti Pedro. ³ Japi lot wut, jum-aechi Pedroliajwa:

—¿Ma-aech xotkat xam fulaemch taeliajwam judíos-eli? ¿Ma-aech xotbejkat, japi suapich, naxaelam? —aechi.

⁴ Do jawut, Pedro puexa chiekal chapaeiyax tuaduton, akasestat ja-aech wut japox. Jum-aechon:

⁵ —Xan Jope paklowaxxotx wut, Dios kawuajnaex wut, masoxtat taenx. Taenx athusik fulalaeflik wut Dios kawuajnaexxotsik, sábanabu' pinjiyax, me-ama nataelabuxsumkus wut, ja-aechox. ⁶ Xan chiekal taenx japasábanatutat nejmachchoef, jaxot nuil wut. Japi choef, cuatrotuakanpi, pejmachchoefbej. Jaxotbej jom, miabej. ⁷ Jumtaenxbej, athusik najum-aechsik wut. Japajame najum-aech: 'Pedro, jnande! ¿Ampi choef bem xaeliajwam!' —na-aech japajame. ⁸ Xan jumnotx wut, jum-an athusik najum-aechipox: '¡El, paklon! Xan japi choef chinax xae-enil, chaemili, me-ama ampi choef, jasi, tajwuajnapijiw nakaechafiat xot, babijax isasamatan xamliajwa' —an xan, athusik najum-aechsik wut. ⁹ Pejme najum-aech athusik: 'Xan jum-anox: "Pachaem xaeliajwa" —anox, japoxanliajwa xam nabej jum-aech': "Chaemil" —nabej aech' —aechsik athusik najum-aechsikpox. ¹⁰ Japox ja-aech tres veces. Do jawux, sábanabu', choef suapich, athu chajulaful. ¹¹ Do jawut, xan dukxot pat tres poejiw. Japi Cornelio pamak. Japi fulaen Cesarea paklowaxxot xan nawuljaesliajwa. ¹² Do jawut, Espiritu Santo nato'a japi jiw nejmach xan nakfulaeliajwan. Seis wajkoew, xan nafulchala, naexasiti Jesucristo pejwuajan. Do jawux, Cesarea paklowax patx wut, xanal, puexa folxpijin, lowx Cornelio pejba. ¹³ Cornelio nachapaei Dios pej-ángel natulaeltlox japon pejbatat. Do jawut, Cornelio jumtis ángel: '¡Namak to'im Jope paklowax poxade, japi buflaeliajwadin Simón Pedro! ¹⁴ Japon pa'an wut, xam naewuajnaexaelon isaxaelampox Dios bu'welijwa, nejjiw suapich' —tis Cornelio Dios pej-ángel. ¹⁵ Xan tuadutx wut japi naewuajnalijwan, jawut, Espiritu Santo pask japi pejmatpuatanxot. Me-ama majt xatisxot Espiritu Santo pask wut, jatisbej judíos-elpiliajwa. ¹⁶ Do jawut, xan nejchafaetx wajpaklon Jesús chajia nakjum-aechpox. Jesús chajia xanalliajwa najum-aech: 'Diachwuajnakolax majt Juan jiw bautisa mintat. Pelax Espiritu Santo pasaxael xamal nejmattpuatanxotsik. Ja-aech wut, xamal, me-ama bautisaxaelam wut Espiritu Santo pijaxtat, jachiyaxaelam' —aech Jesús, chajia xanal najum-aech wut. ¹⁷ Diachwuajnakolax Dios to'ak Espiritu Santo judíos-elpiliajwabej. Me-ama xatisliajwa, jatisbej judíos-elpiliajwa. Samata, xan elchiyaxinil, Dios japox is wut —aech Pedro, jumnot wut lotspiliajwa.

¹⁸ Jesucristo pejwuajan naexasiti, Jerusalén paklowaxpijiw, japox jumtaen wut, buxkofapi. Do jawut, Pedro kaes los-esal. Xabich nejchachaemillisi jumch Diosliajwa. Samata, jum-aechi:

—Diachwuajnakolax, judíos-elibej Dios beltaens, kofa xot babijaxan ispoxan pachaemaliajwapi Diosliajwa. Samata, asamatkoi kaeyaxtat duilaxaes Diosxotse pomatkoicha —aech Jerusalén paklowaxpijiw.

Naexasitpox Jesucristo pejwuajan Antioquía paklowaxpijiw

¹⁹ Esteban ia'tat dadaps wut, tur wutbejpon, do jawutbej, judíospaklochow tuadut chakifulaeyax Jesucristo pejwuajan naexasiti beliajwas. Samata, Jesucristo pejwuajan naexasitixot, asew dukp Fenicia tuajnu poxade. Asew dukp Chipre tanaet poxade. Asew dukp Antioquía paklowax poxade. Dukpi japapaklowaxan poxade pat wuti, jaxot naewuajan chimiawuajan, Jesucristo pejwuajan, judíoskal jumtaeliajwa. Judíos-eli naewuajna-esalfuk. ²⁰ Asew naexasiti Jesucristo pejwuajan, Chipre tanaetpijiw, Cirene paklowaxpijiwbej, japi dukp wut, pati Antioquía paklowaxxot. Jaxot naewuajanpi

chimiawuajan, wajpaklon Jesucristo pejwuajan, judíos-eliliajwabej. ²¹ Japi naewuajnaful wut Jesucristo pejwuajan, Dios kajachawaesfulas. Samata, xabich judíos-eli kofa pejwuajnapijiw naexasitpoxan. Japilax naexasit Jesucristo pejwuajan.

²² Naexasiti Jesucristo pejwuajan, Jerusalén paklowaxpijiw, wultaen judíos-eli, Antioquía paklowaxpijiw, naexasitox Jesucristo pejwuajan. Samata, Bernabé to'as taeliajwa Antioquía paklowaxpijiw. ²³ Bernabé pat wut Antioquía paklowaxxot, taenlison japi Dios kajachawaechpox. Samata, Bernabé xabich nejchachaemil. Do jawut, japon naewuajan puexa japi jiw kaes chiekal naexasisfulaliajwa Jesús pejwuajan. ²⁴ Bernabé xabich pachaempon. Xabich kajachawaesfulas Espíritu Santo. Xabich Dios xanaboejsfulbejpon. Samata, ja-aech wut, xabich jiw naexasit Jesucristo pejwuajan.

²⁵ Do jawux, Bernabé falaechon Tarso paklowax poxade wulwekaliajwapon Saulo. ²⁶ Faen wut, japon suapich, kaxa nawen Antioquía paklowax poxadin. Do jaxot duillisi kaewaechliajwa Jesucristo pejwuajan naexasitixot. Japi xabich jiw naewuajan Antioquía paklowaxxot. Jesucristo pejwuajan naexasiti japapaklowaxxot matxoela juntis japiliajwa: “Cristianos” —tispi.

²⁷ Japamatkoiyen Bernabé, Saulo suapich, Antioquía paklowaxlel naewuajan wut, asew profetas, Jerusalén paklowaxpijiw, pat Antioquía paklowaxxot. ²⁸ Japi profetasxot, kaen pawul Agabo. Natameja wut naexasiti Jesucristo pejwuajan, jawut Agabo nant japixot jumchiliajwa Espíritu Santo buxto'aspox. Jawut jum-aechon: “Amputajnuchanpijiw xabich litaxaelaxael, naxaeyaxan piach ajilaxael xot” —aech Agabo. Baxael, diachwuajnakolax japox ja-aech. Claudio, puexa Roma tuajnupijiw tato'al wut, japamatkoiyantat japox ja-aech, naxaeyaxjilaxan. ²⁹ Dolisdo' japamatkoiyantat Judea tuajnupijiw litaxaelaful. Samata, Antioquía paklowaxpijiw, naexasiti Jesucristo pejwuajan, kaenejchaxoelax plata xato'aliajwa naexasitiliajwa Jesucristo pejwuajan, Judea tuajnupijiwliajwa. Kaenanula xajupoxtat owapi plata. ³⁰ Jasox ispi, plata owa wut. Do jawut, Bernabé, Saulo suapich, to'as japaplata xalaeliajwa Judea tuajnu poxade chaxduiliajwapi ancianosxot.

12

Pedro jiaspox jiw jebatat

¹ Japamatkoiyantat Herodes, Judea tuajnupijiw tato'lan, tuadut babijaxan isliajwa Jesucristo pejwuajan naexasitiliajwa. ² Herodes keto'a pejsoldaw boesaliajwapi espadat Santiago. Japon Juan pakoewan. Faens wut, boesaspon. ³ Herodes wultaen asew judíos xabich nejchachaemilox Santiago boesaspoxlialjwa. Do jawutbej, Herodes keto'a pejsoldaw Pedrobej jaelsliajwas, Pascuamatkoi wut. Japamatkoitat judíos pan jixael, puthla-eli. Do jawut, Pedrobej jaeltas. ⁴ Pedro jaeltas wut, Herodes keto'a pejsoldaw Pedro jeliajwas jiw jebatat. Jiw jebaxot cuatromutje soldaw, japi naliaxafulaliajwa Pedro wesax. Kaenanula cuatromutjexot, jaxot cuatro soldaw. Herodes nejchaxoel wut, jum-aechon: “Pascuafiesta toep wut, Pedro jusaxaelen jiw jebaxot. Nosaxaelnon puexa jiw pejwuajnalel tasalaliajwason” —aech Herodes, nejchaxoel wut. ⁵ Japox ja-aech Pedroliajwa, jiw jebatat jias wuton. Chiekal wesfulas wesamata. Do ja-aech wut, naexasiti Jesucristo pejwuajan xabich Dios kawuajnaful nejthu'axtat Pedroliajwa.

Pedro kajachawaechpox Dios pej-ángel weliajwapon jiw jebatat

⁶ Madoi wut, Pedro jiw jebatat nataelamuxwasixawaech cadenamuatat, kolenje soldaw suapich. Pedro nejmach moejt kolenje soldawtutat. Asew soldaw, kolenje, bafafa wesful. Kandiawa Herodes jiw pejwuajnalel nosaxaelon Pedro. ⁷ Pe japamadoitat Dios pej-ángel chalechkal natulaelt Pedroxotsik. Natulaelt wut, jiw jebatu xabich itliakjala. Pedro thikas ángel nathiksliajwa. Jawut jumtispon: “¡Nande!” —tispon. Jawut kolemuatje, cadenamuat, Pedro pejmuaxwasixot cadenamua jolpanik. ⁸ Do jawut, ángel pejme jum-aech Pedroliajwa: “¡Naxoelde! ¡Tuakxajoeldebej!” —aechon. Pedro ow-aech

ángel jum-aechpox. Do pejme jawut, ángel jum-aech: “¡Naxoeldebej nejsumta-osax! ¡Xan nakfulaem!” —aech ángel.

⁹ Pedro nejmach fulafol Dios pej-ángel, matabijs-elaxtat diachwujnakolax wut japox. Pedro japoxliajwa, me-ama xamoejt wut, ja-aechox. ¹⁰ Xenapi matxoelawetpon, soldawan, batufafaxot. Jawux xenapi asan, soldawan, wetpon. Pati taxdukafafa, anaelfafa. Japafafa nakolsliajwa paklowax poxaliajwade. Japafafa pajut nafafat japi wujna. Samata, nejmach nakolapi. Do jawux, kaethialaxot lika wuti, Dios pej-ángel naxaelcha. Do jawut, Pedro tamachlison.

¹¹ Jawut Pedro pajut chiekal matabijit. Chiekal nejchaxoelison: “Amwutjel chiekal matabijitax, Dios to'ak pej-ángel xan nabu'welija Herodes pejsoldawxot. Puexa Herodes isaxaelpox xanliajwa judíos pejwujnalel, nabijasaxaelenpox, japoxliajwa Dios pej-ángel nabu'wia” —aech Pedro, nejchaxoel wut.

¹² Japox Pedro pajut chiekal matabijit wut, fulaechon María pejba poxade. María, japow Juan pen. Japon asawul Marcos. Jaxotde xabich jiw natameja, Dios kawujjan xoti. ¹³ Pedro ba tathoetlel la wefafasliajwas. Do jawut, pansiaw fulaen taeliajwa, achan la. Japow japabatat nabistpow. Pawulow Rode. Dolisow jum-aechow:

—¿Achanamkat xam? —aechow.

¹⁴ Pedro jumnot wut, japow chiekal jummatbijit Pedro pejjame. Samata, japow xabich nejchachaemil, jumtaen wutow Pedro pejjame. Do jawut, bafafas-elow Pedro leliajwa. Jumch kaxade najae'epow batuchade batupijiw chapaeliajwa. Chapaei wut jum-aechow:

—¡Pedro bafafaxot nuk,tathoetlel! —aechow.

¹⁵ Japow jum-aech wut japox, batupijiw jumch jum-aech:

—¡Xam pawis na-acham! —aechipow.

Japow jum-aech:

—¡Diachwujnakolax Pedro nuk tathoetlel! —aechow.

Japi nakaewa najum-aech:

—¡El! ¡Japona-el! Kaen ángel, bej tataeflasponbej —aechi nakaewa.

¹⁶ Japi japox jum-aech wut, Pedro nakiowa laeful bafafaxot. Jawut bafafat wuti, taen wuti Pedro, japi xabich beljow. ¹⁷ Pedro kexachok'cha puexa jiw chiekal boejlachaliajwa. Jawut chapaeipon jiw jebaxot Dios juchpox. Do jawut, jum-aechon:

—¡Santiago chapaem xan wiaxpox, asewbej, naexasiti Jesucristo pejwujjan! —aech Pedro.

Do jawux, Pedro nakolt wut japixot, fulaechon asalel.

¹⁸ Do nalian wut, soldaw, matabija-eli, achax nejchaxoelaxaeli. Matabija-elbejpi, ma-aech Pedro weliajwa. ¹⁹ Herodes to'a pejsoldaw chiekal wulwekaliajwapi Pedro. Pe Pedro faena-esal. Pedro wia wut soldaw wesfulaspoxtat, japikal xabich wujnachaemtas. Do jawux, Herodes asew soldaw kito'a Pedro wesfulaspi, japi soldaw beliajwas. Do jawuxbej, Herodes Judea tuajnuxot nakolt. Fulaechon Cesarea paklowax poxade, jaxotde kaematkoijan suapich dukaliajwa.

Herodes woejxaeyax chatupox

²⁰ Herodes Cesarea paklowaxxot duk wut, palalapon Tiro paklowaxpijwliajwa, Sidón paklowaxpijwliajwabej. Herodes palala wut, pamak kefiaton naxaeyaxan xananuams-elaliajwa japapaklowaxpijwliajwa. Samata, japapaklowaxanpijw kaenejchaxoelax chiekal nospaeliajwa, Herodes suapich. Japi nospaesia, Herodes suapich, toepaliajwa Herodes palalapox, tapaeliajwabejpon naxaeyaxan xananuampi.

Herodes pejba tataefulpon, pawul Blasto. Japon chiekal xanaboejtas Herodes. Japapaklowaxanpijw matxoela nospaei, Blasto suapich. Do jawux, buxto'api Blasto nospaeliajwa, Herodes suapich. Blasto ow-aech japi jum-aechpox. Do jawux, Blasto nospaei, Herodes suapich, toepaliajwa Herodes palalapox. ²¹ Herodes kaematkoi mark pasax tapaeliajwapon japapaklowaxanpijw. Baxael, japi japonxot pa'an wut, Herodes wujna naxoel xabich chamoeyax, japanatamejaxliajwa. Tua-ekax pinjiyax, chamoeyaxtat,skon.

Do jawut, Herodes piach naksiya japi jiwliajwa. ²² Do jawut, jiw nejla'laba wut, jum-aechfuli: “¡Dios xatisxot! Herodes naksiya wut, me-ama Dios naksiya wut, ja-aechon. Me-ama aton naksiya wut, jachi-elon” —aechfuli, nejlat wut. Jasoxtat japi jiw nejla'bala Herodes nejchachaemlaliajwa japi jiwliajwa. ²³ Do jawut, Herodes buxfias-elxoton, jiw nejla'laba wut, japonliajwa: “¡Xan Dios-enil!” —chi-el xoton jiwliajwa, Dios pej-ángel ketison bu'xaenkaliajwa. Do jawut, Herodes woejxaeyax chatup, xabich thewin woejxae xot.

²⁴ Pe Jesucristo pejuwajan naexasiti Dios pejjamechan potuajnucha xabich naewuaj-naful. Samata, xabich jiw naexasit japawuajan.

²⁵ Bernabé, Saulo suapich, pejbichax toet wut, nakola Jerusalén paklowaxxot. Do jawut, nawenlisi Antioquía paklowaxlel. Nawen wut, japi bu'fol Juan. Japon asawul Marcos.

13

Bernabé, Saulo suapich, diajnaspoX Jesucristo pejuwajan naewuajnalijwa asatua-jnuchanpijiw

¹ Antioquía paklowaxxot, naexasitixot Jesucristo pejuwajan, japixot asew profetas, asewbej judíos chanaekabuanapi. Kaen profeta pawul Bernabé. Asan pawul Simón. Japon asawul Pafoeyan. Asan pawul Lucio, Cirene paklowaxpijin. Kaen judíos chanaek-abuanapon pawul Saulo. Asan pawul Manaén. Japon, Herodes suapich, yamxulan wut, kaebatat ti'tpon. Do baxael, Herodes chiekal ti't wut, wulduwson Galilea tuajnuapijiw tato'laliajwa. ² Asamatkoi, naexasiti Jesucristo pejuwajan culto is wut, japamatkoitat naxae-eli, Dios piach kawuajnalijwa. Jawut Dios kawuajan wuti, Espíritu Santo jum-aech Dios kawuajanpiliajwa: “¡Bernabé, Saulo suapich, nawedijande! Xan bichax japiliajwa” —aech Espíritu Santo.

³ Do jawut, Jesucristo pejuwajan naexasiti, Dios kawuajnaX buxtoet wut, jawut ke-owapi Bernabé pejta'tat, Saulo pejta'tatbej. Jawut pejme japi Dios kawuajan Bernabé, Saulo suapich, kajachawaesfulaliajwaspi Dios. Do jawux, tapaeis Bernabé, Saulo suapich, fulaeliajwa isliajwa Dios pejbichax.

Bernabé, Saulo suapich, Chipre tanaetxotpox

⁴ Bernabé, Saulo suapich, Espíritu Santo to'as xot, fulaechi Seleucia paklowax poxade. Jaxotde pa'a wut, barkam juli Chipre tanaet poxaliajwade. ⁵ Salamina paklowax chapat wut, Chipre tanaetxot, naewuajanlisi Dios pejjamechan judíos naewuaj nabachanxot. Juan Marcos nakfolbej kajachawaesliajwapon japabichax, japi nabist wut.

⁶ Japi pat wut tanaetmatdukaxot, pati Pafos paklowaxxot. Jaxot wut, taeni judíos-aton. Japon pinjoe'an. Pawulon Barjesús. Japon xabich kichachajbamaenk. Jijum-aechbejpon: “Xan jum-an Dios nabuxto'apoxan” —ji-aechon. ⁷ Japon pinjoe'an kajachawaet Sergio Paulo, Chipre tanaetpijiw tato'lan. Japonbej matabijsmaenk. Dolisdo', Sergio Paulo wullala Bernabé, Saulo suapich, japi fulaeliajwadin japonlel, naewesasia xoton Dios pejjamechan. ⁸ Japon pinjoe'an, griegojemetat pawulon Elimas. Japon jum-aech babej-jamechan Bernabéliajwa, Sauloliajwabej, Sergio Paulo naexasisasamata Jesús pejuwajan. ⁹⁻¹¹ Barjesús japox jum-aech wut Bernabéliajwa, Sauloliajwabej, jawut Saulo, japon pawul Pablo, chiekal natachaemt wuton Barjesúslija, Pablo jum-aech Espíritu Santo pijaxtat Barjesúslija:

—¡Xam kichachajbapijnam! ¡Babej isnam, Satanás paxulnam! Puexa jiw is wut pachaempoxan, ¡xam japi padaelmanam! Dios pejjamechanlija xam jum-am: ‘Japox diachwuajnakolaxa-el’ —am, xam naexasisasiapiliajwa, japi naexasisasamata Dios pejjamechan. Amwut, Dios xam kastikaxael itliaklaliajwam. Pin-iamatkoian taeyaximil itliakax —aech Pablo Barjesúslija.

Pablo japox jum-aech wut, Barjesús chalechkal kamta itliakal. Jawut wulwekon aton makxalaeliajwas. ¹² Do jawut, Sergio Paulo japox taen wut, naexasitlison Jesús

pejwujajan. Naexasit wut, nejchaxoelon: “Diachwujajnakolax Jesucristo pejwujajan xabich pachaem” —aechon, nejchaxoel wut.

Pablo, Bernabé suapich, naewujajanpox Pisidia tuajnuel

¹³ Pablo, Bernabé suapich, Juan Marcos suapichbej, Pafos paklowaxxot juli barkam. Do jawut, chaflaechi Perge paklowax poxade, Panfilia tuajnuexot chapasliajwa. Perge paklowaxxot chapat wuti, jawut chalechkal Juan Marcos nadijan japixot nawiasliajwapon Jerusalén paklowax poxade. ¹⁴ Do jawut, Pablo, Bernabé suapich, nakola Perge paklowaxxot, Antioquía paklowax poxade, pasliajwa Pisidia tuajnuel. Jaxotde pa'a wut, napatamatkoi wut, japi low judíos naewujajnbaxot. Jaxot chalaki.

¹⁵ Puexa chiekal chalak wut, chanaexaljowspi Moisés chajia lelpox. Chanaexaljowsbejpi profetas chajia lelpoxan. Do jawut, japaba wetpi jum-aechi Paboliajwa, Bernabéliajwabej:

—Takoew, xamal Dios pejjamechan xapatam wut, jxanal nanaewujajande Dios kaes chiekal xanaboejalijwan! —aechi.

¹⁶ Do jawut, Pablo nant naewujajnalijwa. Jawut muaxxachok'chapon puexa jiw boejlach chalakaliajwa. Jawut jum-aechon:

—Xamal judíos, jchiekal nanaewe'e! Xamal judíos-emili, sitaenampim Dios, jchiekal nanaewe'ebej! ¹⁷ Dios, japon xatis wajDios Israel tuajnuapijwasliajwa, japon chajia makanot wajwujajnapijiw pejiwaliajwapon. Japi israelitas, Egipto tuajnuexot duil wut, xabich pin-iati, Dios kajachawaesfulas xot. Do jawuxbej, Dios pejkajachawaesaxtat wajwujajnapijiw nakola japatuajnuexot. ¹⁸ Do jawux, japi cuarenta waechan nanuamt wut pajilaxxot, babijaxan isful wutbejpi, Dios boejtaliasful. Dios nakiowa tataeflasi. ¹⁹ Wajwujajnapijiw pejwujajna, Canaán tuajnuexot asajiw duil. Japi sietemut. Japi jiw xabich pin-iat. Pe nakiowa, Dios toet japi jiw, wajwujajnapijiw chaxdusliajwas ampatuajnu. ²⁰ Jacob, paxi suapich, Egipto tuajnuexot pat wuti, cuatrocientos cincuenta waechan wut, Dios chaxdut ampatuajnu Jacob pamojiw —aech Pablo, judíos naewujajan wut.

Pablo kaes jum-aech: “Dios ampatuajnu chaxdut wut Jacob pamojiw, do jawux, wulduwpon japixot asew juecesliajwa, japi judíos tato'laliajwa. Kaen juez tup wut, asan naliuxt juezliajwa. Xabich pin-iawaechan wut, Samuel, japon profeta, taxdukapijin juez. ²¹ Do baxael, israelitas Dios kawujajan japixot Dios makafisliajwa kaen aton japi pejreyliajwa, tato'laliajwasbejpi. Samata, Dios wulduw Saúl, japon reyliajwa israelitas tato'laliajwapon. Japon Saúl, Cis paxulan, wajwujajnapijin Benjamín pamon. Japon Saúl reypon cuarenta waechanliajwa. ²² Asamatkoi Saúl Dios juchpon reypox. Do jawut, Dios wulduw David japon reyliajwa. Dios jum-aech Davidliajwa: ‘David, Isaí paxulan, xan nejchachaemlax xamliajwa, puexa chiekal nanaexasisfulam xot xan tato'laxpoxan’ —aech Dios Davidliajwa. ²³ Do baxael, David pamojiwxot, kaen nalaelt. Japon pawul Jesús. Japon Dios to'as, xatis judíos nakbu'welija. Me-ama Dios chajia jumdut, ja-aechox. ²⁴ Jesús tuadus-el wutfuk jiw naewujajnax, majt Juan, jiw bautisan, puexa judíos naewujajnaful wut, jum-aechon: ‘jKofim babijaxan isfulampoxan! jNaexasisfulde Dios tato'alpoxan! Ja-am wut, xamal bautisaxaelen’ —aech Juan. ²⁵ Mox pawujajna wut Juan boesaxaesox, Juan chajia jum-aech: ‘Xan Cristowa-enil. Wujajnawesfulampona-enil. Xanwux japon pasaxael, xamal wujajnawesfulampon. Japon kaes pejme pachaemaxael. Me-ama xan, jachiyaxilon. Samata, xan pachaema-enil japon pejtakxajoelax jolsliajwan. Pachaema-enilbej japon pamakanliajwa’ —aech Juan, chajia jum-aech wut Jesús pejpasaxliajwa —aech Pablo.

²⁶ Pablo pejme jum-aech: “Takoew, xamal Abraham pamojiwam, xamalbej judíos-emili, sitaenampim Dios, Dios nakto'a xatis naexasisliajwas ampajamechan nakbu'welija wabej babijaxan isaspoxan. ²⁷ Jerusalén paklowaxpijw, japi paklochow, matabija-eli Jesús, japon Dios paxulanpon. Chiekal matabija-elbejpi profetas chajia lelpoxan, chanaexaljows wut napatamatkoitat. Japi keto'a wut Jesús cruztat kematamatlaliajwas, japox islisi, me-ama chajia profetas lelpoxan jum-aech Jesúsliajwa.

²⁸ Jesús chinax babijax is-el. Samata, Jerusalén paklowaxpijiw, paklochowbej, faena-el Jesús tasalaliajwapi. Japi taesia xot Jesús tɔpax cruztat, japi wɔljow Pilato, japon keto'aliajwa pejsoldaw, japi soldaw cruztat kematamatlaliajwapi Jesús. ²⁹ Jesús tɔp wɔt cruztat, puexa chiekal ja-aechlisox, me-ama profetas chajia lelpoxan jɔm-aech Jesúsliajwa. Do jawɔx, asew kutipon cruzxot. Do jawɔt, otipon mɔaxwɔajtat. ³⁰ Tres matkoi wɔt, Dios mat-et Jesús pejme dukaliajwa. ³¹ Do jawɔx, japamatkoiyan wɔt, Jesús natulaela pejnachalaxot, japi naknanɔamti japon Galilea tɔajɔxot wɔt, Jerusalén paklowax poxade wɔtbej. Japi amwɔtjel naewɔajnaful Jesucristo pejwɔajan —aech Pablo judíos naewɔajnabatat.

³² Pablo pejme jɔm-aech: “Xanal amxotan xamal naewɔajnalialjwan chimiawɔajan, Jesucristo pejwɔajan, Dios chajiakolaxtat jɔmdutox wajwɔajnapijiwliajwa. ³³ Xatis, wajwɔajnapijiw pamojiws. Japi jɔmduchpox, amwɔtjel xatis japox nakwepat. Dios mat-et Jesús pejme dukaliajwa. Me-ama chajia lelpox segundo salmosfɔtat jɔm-aech, ja-aechlisox. Dios chajia jɔm-aechpox jɔm-aech: ‘Xam taxɔlam. Xan nej-axnan’ —aechox segundo salmosfɔtat. ³⁴ Dios chajia jɔm-aech: ‘Diachwɔajnakolax xan isaxaelen chajia jɔmdutxpo Davidliajwa’ —aechon. Dios japox chajia jɔmdut wɔt, jɔm-aechon Jesús mat-esaxaespoxlialjwa pejme dukaliajwa, japon pejbɔ't xoepax-ilpoxliajwabej. ³⁵ Asafɔtatbej chajia jɔm-aechox Diosliajwa: ‘Tapaeyaximil naxɔlan pejbɔ't xoepax’ —aechox japafɔtat. ³⁶ Diachwɔajnakolax David laeja wɔt ampathatat, naexasisfɔlon Dios tato'laspox. Kajachawaesfɔlbejpon jiw. Do jawɔx, David tɔp wɔt, pejwɔajnapijiw mɔhtasxot mɔhtipon. Do jaxot David pejbɔ't xoep. ³⁷ Pelax Jesús tɔp wɔt, mat-echpon Dios pejme dukaliajwa. Samata, xoepa-elon. ³⁸ Takoew, xamal matabijaxaelam naewɔajnapox Jesucristo pejwɔajan. Jesús pijaxtat Dios nakbɔ'wia xatis. ³⁹ Naexasiti Jesucristo pejwɔajan, Jesús pijaxtat Dios bɔ'weyaxaesi. Pelax Moisés chajia lelpox pijaxtat xatis japoxtat Dios nakbɔ'we-el. ⁴⁰ ¡Chiekal taem isasamatam babijaxan wejachisamata, me-ama profetas chajia lelpoxan jɔm-aech, Dios jɔm-aechpox: ⁴¹ ‘Xamal jɔm-ampim babejjamechan xan jɔm-anpoxliajwa, jɔxan chiekal nanaewe'e jɔmchiyaxaelenpox! Laelpam wɔtfɔk, xan pinjiyax koechax isx wɔt, jiw japox xamal chapaei wɔt, diachwɔajnakolax xamal naexasisaximil. Xamal asbɔan jɔmch xabich nejchaxoelanuilaxaelam. Do baxael, tɔpam wɔt, napelsaxaelam Diosxot’ —aech profetas lelpoxan, Dios chajia jɔm-aechpox! —aech Pablo, judíos naewɔajnabatat wɔt.

⁴² Pablo, Bernabé sɔapich, nakola wɔt judíos naewɔajnabaxot, asew japixot, judíos-eli, japi jɔm-aech: “Asasemana wɔt, napatamatkoi wɔt, jɔawɔt xanal pejme nanaewɔajande japoxan!” —aechi. ⁴³ Natamejax toep wɔt, jiw nawia wɔt pejbachan poxade, xabich judíos, judíos-elibej, Pablo, Bernabé sɔapich, japi xabich jiw fɔlafos. Judíos-eli japi chiekal naexasit Dios, me-ama judíos chiekal naexasit wɔti Dios, ja-aech judíos-eli. Pablo, Bernabé sɔapich, chiekal naewɔajan fɔlafospi. Naewɔajan wɔt, jɔm-aechon: “Dios xamal nejxasink xot, chiekal naexasisfɔlaxaelam pomatkoicha chimiawɔajan, Jesucristo pejwɔajan, jɔmtaenam-pox” —aech Pablo, Bernabé sɔapich.

⁴⁴ Dolisdo', asasemana wɔt, pejme napatamatkoi wɔt, xabich jiw, japapaklowaxpijiw, natameja jɔmtaelialjwa Dios pejjamechan. ⁴⁵ Judíos taen wɔt puexa jiw natamejapox, jawɔt japi judíos palalapi, xabich jiw naewet xot Pablo naewɔajanpox. Samata, Pablo naewɔajanpoxliajwa jɔm-aechi: “¡El! Japon Pablo chiekal matabijs-ellejen” —aechi. Do jawɔt, Pablo bɔ'wɔajanpaeisbejpon. ⁴⁶ Jawɔt Pablo, Bernabé sɔapich, jɔmnot wɔt, pejlewla-eli. Samata, jɔm-aechi judíosliajwa:

—Xanal matxoela naewɔajnapox xamal naexasisliajwam Dios, xamal judíoswam xot. Pe xamal nejxasinka-emil naexasisliajwam. Xamal nejchachaemla-emil pomatkoicha duilaxaelampoxliajwa Diosxotse. Samata, xamal kaes naewɔajnapox. Xanal fɔlaeyaxaelen naewɔajnalialjwan judíos-eli poxade. ⁴⁷ Xanal jasox jachiyaxaelen, Dios nabɔxto'a xot. Dios chajia jɔm-aech xanallialjwa:

‘Xamal, me-ama itliakam wut, ja-am, xamal makanotx xot tajjamechan naewuajnafulali-ajwam asatuajnuhanpijiw. Puexa tajjamechan naexasiti, japi bu'weyaxaelen' —aech Dios, chajia jum-aech wut xanalliajwa —aech Pablo, Bernabé suapich, judíosliajwa.

⁴⁸ Judíos-eli japox jumtaen wut, xabich nejchachaemili. Samata, nakaewa jum-aechnapi: “Xabich pachaem Dios pejjamechan” —na-aechnapi nakaewa. Judíos-eli, puexa japixot Dios makanoch, japi Dios naexasit pomatkoicha duilaliajwa Diosxotse. ⁴⁹ Do jawux, puexa japatuajnuhanpijiw jumtaen Dios pejjamechan, naewuajnas wut. Japixot xabich jiw naexasit Dios. ⁵⁰ Ja-aech wut, asew judíos nejweslapi Pablo, Bernabé suapich. Samata, japi judíos nospaei, watho' suapich, japi watho' Dios sitaenpi. Japi watho' sitaensbej japapaklowaxpijiw. Japi judíos nospaeipibej, japapaklowaxpijiwpaklochow suapich. Japi judíos bu'wuajanpaei Pabloliajwa, Bernabéliawabej, japapaklowaxpijiw palalaliajwa. Samata, paklochow, watho'bej, xabich palalapi. Do jawut, Pablo, Bernabé suapich, to'as fulaeliajwa asatuajnuhel. ⁵¹ Pablo, Bernabé suapich, to'as wut, japi matxoela tuak-asta'a. Jasox ispi judíos pajut chiekal matabijaliajwa, japi babijax ispox Diosliajwa, asalel to'as xoti babijaxtat. Do jawux, Pablo, Bernabé suapich, fulaech Iconio paklowax poxade. ⁵² Pe Antioquía paklowaxpijiw, Jesucristo pejuwajan naexasiti, xabich nejchachaemil, kajachawaesfulas xoti Espíritu Santo.

14

Pablo, Bernabé suapich, Iconio paklowaxxotpox

¹ Pablo, Bernabé suapich, Iconio paklowaxxot pat wut, lowpi judíos naewuajnabaxot, me-ama japi pejkaban. Do jaxo, Jesucristo pejuwajan chiekal naewuajanlisi. Chiekal naewuajan xoti, xabich judíos naexasit. Xabich judíos-elibej naexasit. ² Asew judíos, naexasi-eli Jesucristo pejuwajan, asaxan jum-aechi Jesucristo pejuwajan naexasitiliajwa, japi judíos-eli ulataeliajwas. ³ Samata, Pablo, Bernabé suapich, pin-iamatkoiyen duil japapaklowaxxot. Pejlewla-eli naewuajan wut Jesucristo pejuwajan, matabija xoti Dios chalaspox. Pablo, Bernabé suapich, naewuajan Dios puexa jiw nejxasinkpox. Puexa jiw chiekal matabija japi jum-aechpoxan diachwuajnakolax, japi koechaxan is xotbej Dios pijaxtat. ⁴ Japapaklowaxpijiw kolenejchaxoelax. Asew japixot kaenejchaxoelax judíos jum-aechpoxliajwa. Asewjax japixot kaenejchaxoelax Pablo, Bernabé suapich, jum-aechpoxliajwa. ⁵ Do jawut, kaesuapich judíos, judíos-elibej, kaenejchaxoelax, paklochow suapich, ia'tat dadaepliajwapi Pablo, Bernabé suapich, matkaejabaliajwas. ⁶⁻⁷ Pablo, Bernabé suapich, chapaeis japox isaxaespox japiliajwa. Samata, Pablo, Bernabé suapich, dukp Licaonia tuajnuhelde, Litra paklowax poxade, Derbe paklowax poxadebej. Japapaklowaxan, moxxot asatuajnuhanbej, japi mathunalap naewuajnalialjwa chimiawuajan, Jesucristo pejuwajan.

Pablo ia'tat dadapsopox Litra paklowaxxot

⁸ Litra paklowaxxot aton nabejkan, laejaxilon, ek. Chinax laeja-elon, nabejkax chanlaelt xot. ⁹ Japon naewesful Pablo naewuajanpoxan. Pablo chiekal natachaemt wut nabejkanliajwa, jawut Pablo matabijt nabejkan chiekal xanaboajtprox Dios boejthulaliajwaspon. ¹⁰ Samata, Pablo pinjametat jum-aech:

—¡Nandel! —aechon nabejkanliajwa.

Jawut nabejkan matnoch nancha wut, diawjalapon. Do jawut, tuadutlison laejaliajwa.

¹¹ Jiw taen wut Pablo ispox, Licaonia tuajnuhanpijiw tuaduti nejlasax. Nejlat wut, jum-aechi: —¡Kolenje dioses pat xatixot! ¡Japi jiw kaban-aech! —aechi.

¹² Japi jiw jum-aech Bernabéliajwa: “Ampon dios, pawul Zeus” —aechi. Jum-aechbejpi Pabloliajwa: “Ampon dios, pawul Hermes” —aechi, Pablo kaes xabich naksiyamaenk xot.

¹³ Japapaklowax tathoetlel Zeus pejtemploba ek. Japi pejdios pawul Zeus. Zeus pejsacerdote kaemut tor bu'pat Pabloliajwa, Bernabéliawabej, japapaklowax laleyaxot. Tor wuxamasajiach naetalan, xakoeyasi. Japon sacerdate, jiw suapich, japi tor xua'asasiapi

ofrenda isliajwapi Pablolajwa, Bernabélajwabej. ¹⁴ Pablo, Bernabé sʉapich, japox taen wʉt, we-isaxaesox, jawʉt pejnoxoe thialbapi, nejwesla xot we-isaxaespoxliajwa. Jawʉt fʉlaechlisi jiw natameja poxade. Jiwtutat wʉt, Pablo pinjametat wʉt, jʉm-aechon:

¹⁵ —¿Ma-aech xotkat xamal japox isaxaelam xanallajwa? ¡Xanal dios-enil! ¡Xanal jiwankal! Me-ama xamal, ja-an. Xanal fʉlaenx xamal naewʉajnalajwan chimiawʉajan, Jesucristo pejwʉajan, kofaliajwambej isampoxan, xabich chaemil xot. ¡Kofim babijaxan isampoxan! Dios, athʉxotse dukpon, jʉapon pejtato'lax naexasisfʉlde! Dios is thatbaxo, that, marbej. Isbejpon puexa taenspi thatbaxoxotse, thatlel, marxotbej. ¹⁶ Chajia wawʉajna Dios tapaei puexa jiw isliajwa pajut nejxasinkpoxan. ¹⁷ Dios isfʉl pachaempoxan puexa jiwliajwa. Jasox Dios isfʉl, jiw pajut chiekal matabijaliajwa, ma-aech Dios. Dios to'a iam thilnaliajwa, wajnaxaeyaxan mʉthaspi chiekal nakweti'sfʉlaliajwa. Jasoxtat Dios nakchaxduw naxaeyaxan chawʉlanejchachaemlaliajwas —aech Pablo sacerdoteliajwa, jiwliajwabej.

¹⁸ Pablo jʉm-aechpox japi jʉmtaen wʉt, nakiowa tor xʉa'asasiapi ofrenda isliajwas Pablolajwa, Bernabélajwabej. Chinlejchkolaxtat japox is-eli.

¹⁹ Jawʉx judíos, Antioquía paklowaxpijiw, Iconio paklowaxpijiwbej, pa'an. Japi asaxan jʉm-aech japapaklowaxpijiwliajwa ʉlataeliajwas Pablo, Bernabé sʉapich. ʉlataens wʉt, Pablo ia'tat dadaps. Dadaps wʉt, taenlisipon. Me-ama tʉp wʉt, ja-aechon. Samata, Pablo jolkas paklowax tathoetlel. ²⁰ Pablo okxot masajiat Jesucristo pejwʉajan naexasiti. Do jawʉt, Pablo nant. Jawʉtbej, pejme paklowax lowpon. Kandiawa wʉt, fʉlaechon, Bernabé sʉapich, Derbe paklowax poxade.

²¹ Derbe paklowaxxot Pablo, Bernabé sʉapich, naewʉajan chimiawʉajan, Jesucristo pejwʉajan. Jaxot xabich jiw naexasit Jesucristo pejwʉajan. Pablo, Bernabé sʉapich, pejme pa'an Listra paklowaxxot. Pejme pa'anbejpi Iconio paklowaxxot, Antioquía paklowaxxotbej. ²² Japapaklowaxanxot Pablo, Bernabé sʉapich, pejme naewʉajan. Samata, Jesucristo pejwʉajan naexasiti xabich kaes pejme Dios xanaboejapi. Pablo, Bernabé sʉapich, jʉm-aech: “¡Naexasisfʉlde Jesucristo pejwʉajan! Diachwʉajnakolax xatis xabich nabijasaxaes ampathatat. Do japoxwʉx, pomatkoicha duilafʉlaxaes Diosxotse” —aech Pablo, Bernabé sʉapich. ²³ Japapaklowaxanxot Pablo, Bernabé sʉapich, poejiw makanoti, japi poejiw wʉlduiliajwas ancianosliajwa, japi ancianos tataeflaliajwa naexasiti Jesucristo pejwʉajan. Ancianos makanoch wʉt, jawʉt puexa jiw naxae-el Dios piach kawʉajnalajwa kajachawaesfʉlaliajwas ancianos. Dios kawʉajnax bʉxtoet wʉt, Pablo, Bernabé sʉapich, jʉm-aech ancianosliajwa: “Dios xamal kajachawaesfʉlaxael, achan xamal xanaboejampon” —aech Pablo, Bernabé sʉapich.

Pablo, Bernabé sʉapich, kaxa nawechpox Siria tʉajnulelde, Antioquía paklowax poxade

²⁴ Pablo, Bernabé sʉapich, Pisidia tʉajnu xena wʉt, pa'api Panfilia tʉajnuxot. ²⁵ Jaxotde, Perge paklowaxxot, japapaklowaxpijiw naewʉajanpi Jesucristo pejwʉajan. Do jawʉx, fʉlaechi Atalia paklowax poxade. ²⁶ Atalia paklowaxxot wʉt, Pablo, Bernabé sʉapich, barkam jul Antioquía paklowax naweliajwa poxaliajwade, toet xotlisi nanʉamtox Diosliajwa. Majt tʉadusliajwa wʉt jiw naewʉajnalajwa, nakolapi japapaklowaxxot, Antioquía paklowaxxot, Siria tʉajnulel. Japamatkoi Pablo, Bernabé sʉapich, nakolaliajwa wʉt, Jesús pejwʉajan naexasiti, japi Dios kawʉajan Pablolajwa, Bernabélajwabej, japi kajachawaesfʉlaliajwas Dios, jiw naewʉajnalap wʉti. ²⁷ Do jawʉt, Pablo, Bernabé sʉapich, chapati Seleucia paklowaxxot. Do jawʉx, japi pat Antioquía paklowaxxot. Jaxotde natamejapi puexa naexasiti Jesucristo pejwʉajan. Jawʉt Pablo, Bernabé sʉapich, chapaei puexa Dios ispox japiliajwa. Chapaeibejpi Dios tapaeipox judíos-eli naexasisliajwa Jesucristo pejwʉajan. ²⁸ Pablo, Bernabé sʉapich, jaxot duili pin-iamatkoian, Jesucristo pejwʉajan naexasitixot.

15

Jerusalén paklowaxxot apóstoles, ancianos sʉapich, natamejapox

¹ Japamatkoi wʉt, a sew Judea tʉajnpʉijiw pat Antioquía paklowaxxot. Japi jʉm-aech Jesucristo pejwʉajan naexasitiliajwa: “¡Xamal circuncidaxaelam Dios pejmarkaxliajwa, me-ama Moisés chajia jʉm-aech! Circuncida-emil wʉt, Dios xamal bʉ'weyaxil” —aech Judea tʉajnpʉijiw. ² Pablo, Bernabé sʉapich, japox jʉmtaen wʉt, kaenejchaxoelaxa-el Judea tʉajnpʉijiw jʉm-aechpoxliajwa. Samata, nabʉ'naloti, Judea tʉajnpʉijiw sʉapich. Do jawʉx, kaenejchaxoelaxa-el xoti, Antioquía paklowaxpijiw, Jesucristo pejwʉajan naexasiti, nakaewa najʉm-aech: “To'axaes Pablo, Bernabé sʉapich, a sew xatisxotibej, Jerusalén paklowax poxade, jaxotde japi nospaeliajwa, apóstoles sʉapich, ancianos sʉapichbej, circuncidaxliajwa” —na-aechi nakaewaliajwa.

³ Samata, Pablo, Bernabé sʉapich, a sew jiw sʉapichbej, to'as fʉlaeliajwa Jerusalén paklowax poxade. Japi fol wʉtʉʉk, Fenicia tʉajnpʉxot, Samaria tʉajnpʉxotbej, japatʉa-jnʉchanpijiwliajwa, Jesucristo pejwʉajan naexasitiliajwa, chapaeʉʉl wʉt, jʉm-aechi: “Ampamatkoiyan judíos-eli, kofa pejwʉajnapijiw pejkabʉanpoxan. Amwʉtjel japi naexasiʉʉl Dioskal” —aech Pablo, Bernabé sʉapich. Japatʉajnpʉchanpijiw japox jʉmtaen wʉt, xabich nejchachaemil.

⁴ Pablo, Bernabé sʉapich, a sew jiw sʉapichbej, Jerusalén paklowaxxot pat wʉt, japi bʉ'kʉlas apóstoles, ancianosbej, a sew Jesucristo pejwʉajan naexasitibej. Pablo, Bernabé sʉapich, chapaei puexa japi ispoxan, Dios kajachawaesʉʉlas wʉt. ⁵ Do jaxot kaesʉapich fariseos nana, japi naexasiti Jesucristo pejwʉajan. Nana wʉt, jʉm-aechi:

—Judíos-eli, naexasiti Jesucristo pejwʉajan, japibej circuncidaxaes Dios pejmarkaxliajwa. To'axaesbejpi naexasisliajwa Moisés chajia lelpox —aech japi fariseos.

⁶ Apóstoles, ancianos sʉapich, natameja kaeyaxtat japikal chiekal nejchaxoelaliajwa circuncidaxliajwa. ⁷ Do jawʉx, piach nospaei wʉt, Pedro nant naksiyaliajwa. Jʉm-aechon:

—Takoew, xamal chiekal matabijam, Dios namakafit xamalxot chimiawʉajan, Jesucristo pejwʉajan, naewʉajnalijwan judíos-eli naexasisliajwa, japibej Dios bʉ'weliajwas. ⁸ Dios chiekal matabijt kaenanʉla jiw nejchaxoelpoxan. Dios nak-itpaei nejchachaemilpox judíos-eliliajwa, naexasit xoti Jesús pejwʉajan. Samata, Dios to'ak Espiritu Santo japi pejmatpʉatanxotaliajwabej, me-ama xatis, jachiliajwapi. ⁹ Dios nejxasink judíos-eli. Me-ama xatis naknejxasink wʉt, ja-aech Dios japiliajwa. Japibej beltaens Dios, naexasit xoti Jesús pejwʉajan. ¹⁰ Samata, ¿ma-aech xotkat xamal nejxasinka-emil Dios ispox judíos-eliliajwa? Moisés chajia lelpox xabich tampoel jiw chiekal naexasisliajwa. Xatis judíos wajut chiekal naexasis-esalbej Moisés chajia lelpox. Wajwʉajnapijiwbej chiekal naexasis-el japox. ¹¹ Xatis matabijas Dios naknejxasinkpox. Samata, wajpaklon Dios malech nakbʉ'wia Jesús pijaxtat. Jatislap-is judíos-elpiliajwa —aech Pedro.

¹² Puexa japi boejlach chiekal chalak. Jʉmtaeni Bernabé, Pablo sʉapich, chapaeipox, isʉʉl wʉti koechaxan Dios pijaxtat, naewʉajnaʉʉl wʉti judíos-eli pejpaklowaxanxot.

¹³ Naksiyax bʉxtoet wʉt, Santiago jʉm-aech apóstolesliajwa, ancianosliajwabej:

—Takoew xan chiekal, ¡nanaewe'e! ¹⁴ Simón Pedro chiekal nakjʉm-aech judíos-eli Dios kajachawaechpox, japi naexasit xot Jesús pejwʉajan. Samata, amwʉtjel chiekal matabijas, Dios tʉadut makanosliajwa judíos-eli, japi sʉapich, kaemʉaliajwas. ¹⁵ Japoxliajwa profetas chajia lelpox jʉm-aech judíos-eliliajwa: ‘Japiliajwa Dios chajia jʉm-aech:

¹⁶ “Pejme fʉloekx wʉt, xan puexa jiw kajachawaesxaelen japi chiekal nanaexasisliajwa. Me-ama chajiakolaxtat rey David, pejjiw sʉapich, chiekal nanaexasit, puexa jiw pejme jachiyaxaelbej.

¹⁷ Samata, judíos-eli xan nanaexasisaxael. Ja-aech wʉt, japi tajjiwaxael’ —aech Dios, chajia jʉm-aech wʉt.

¹⁸ Jasox chajiakolaxtat wajpaklon Dios jʉm-aech xatis chiekal matabijaliajwas” —aech profetas chajia lelpox —aech Santiago apóstolesliajwa, ancianosliajwabej.

¹⁹ Santiago pejme jum-aech: “Xan nejchaxoelxpo judíos-elpiliajwa, amwut japox jumchiyaxaelen. Judíos-eli kofa pejuwajnapijiw pejkabuanpoxan Dioskal naexasisliajwa. Japi xatis kaes tato'laxisal Moisés chajia lelpoxan naexasisfulaliajwapi. ²⁰ Carta lelaxaes judíos-elpiliajwa fiasliajwas wewe'paspoxfuk. Japacartaxot lelaxaes kaechafiasliajwas choef xua'ataspi ídoliajwa, japawi xaesamatapi. Lelaxaesbej fiasliajwas poejiw, asew watho' bu'moejsasamata. Lelaxaesbej kaechafiasliajwas choef, kachariamakuspoxtat tupi, japawi xaesamatapi. Kaechafiasaxaesbejpi choef bu'alpi japawi xaesamatapi. Lelaxaesbej kaechafiasliajwas choefjalan fesamatapi. ²¹ Japacartaxot japoxan lelaxaes, Moisés chajia fiat xot japoxanliajwa. Pomatkoicha, napatamatkoiyan wut, puexa paklowaxanxot jiw natameja wut, chanaexaljows Moisés chajia lelpox jiw naexasisliajwa. Wajwajnapijiw tuadu wut japox” —aech Santiago apóstolesliajwa, ancianosliajwabej.

Apóstoles, ancianos suapich, carta lelpox judíos-elpiliajwa

²² Apóstoles, ancianos suapich, asew Jesucristo pejuwajan naexasiti suapichbej, kaenejchaxoelax carta lelpoxliajwa judíos-elpiliajwa. Samata, asew japixot makanoti, japi nakfulaeliajwa Pablo, Bernabé suapich, Antioquía paklowax poxade wut. Jawut makafich Judas. Japonbej pawul Barsabás. Makafichbej Silas. Japi kolenje chiekal sitaens Jesucristo pejuwajan naexasitixot. ²³ Japi xalaeyaxaelcarta, japacartatat japi lelpox jum-aech:

“Takoew, xanal apóstoles, ancianos suapich, lelx ampacarta xamalliajwa. Xamal saludax, naexasitamim Jesucristo pejuwajan, judíos-emilpim, Antioquía paklowaxpijwam, Siria tuajnapijwambej, Cilicia tuajnapijwambej. ²⁴ Xanal wultaenx asew judíos, xanalxoti, pa'apox xamalxotde. Japi xamalxot pa'a wut, naewwajan asaxan. Samata, xamal japox naewwajan wut, chiekal matnoch nejchaxoela-emil, naexasitam wut Jesucristo pejuwajan. Pe xanal japi to'a-enil xamal poxade. ²⁵⁻²⁶ Samata, xanal natamejax wut, kaeyax nejchaxoelx. Do jawut, xanalxot makafitx Judas, Silas suapich, japi xamal taeliajwa. Japi kolenje fulaech wut xamal poxade, fulaeyaxaelbej Bernabé, Pablobej, xamal taeliajwa. Bernabé, Pablo suapich, japi wajkoew, xanal xabich nejxasinkax japi. Japi nanuamt xabich chachoelxot, wajpaklon Jesucristo pijaxtat nanuamt xoti. ²⁷ Puexa japi pat wut xamalxot, Judas, Silas suapich, chiekal chanaekabuanaxael xanal lelxpo xamalliajwa. ²⁸ Xanal, Espíritu Santo suapich, kaenejchaxoelax. To'axinil xamal isliajwam tampoelpoxan. Fiatxlax asaxan isasamatam pachaema-elpoxan. ²⁹ Samata, jnabej xae' pawí, choef, xua'ataspi ídolosliajwa! ¡Choefjalan nabej fe'bej! ¡Nabej xae'bej pawí, choef, kaechariamakuspoxtat tupi! ¡Asew watho' nabej bu'moejsbej! Japoxan naexasisfulam wut, ja-am wut, chiekal duilaxaelam. Ajil kaes asaxan xamal jumchiliajwan. Dodo'. Ma amxot ampox toep” —aech carta, japi xalaeyaxaelpox.

³⁰ Do jawux, Jerusalén paklowaxpijiw, Jesucristo pejuwajan naexasiti, japi to'a Judas, Silas suapich, nakfulaeyaxaeli Bernabé, Pablo suapich, Antioquía paklowax poxade. Japi pat wut japapaklowaxxot, tameja japapaklowaxpijiw, naexasiti Jesucristo pejuwajan. Do jawut, carta chaxduti natamejaxtat. ³¹ Antioquía paklowaxpijiw xaljow wut carta, xabich nejchachaemil, chiekal chanaekabuanas xoti japacartatat. ³² Judas, Silas suapich, japibej profetas. Japi naewwajan wut Antioquía paklowaxpijiw, japapaklowaxpijiw xabich nejchachaemil Dios kaes xanaboejapoxliajwa. Ja-aech wut, kaes Dios naexasitbejpi. ³³ Do jawux, pin-iamatkoijan toep wut, Judas, Silas suapich, thilt, jiw to'as poxade naweliajwa. Japatnajnuxot nakolaliajwa wut, Jesucristo pejuwajan naexasiti kejachaspi. Do jawut, jumtispi: “¡Dios xamal chiekal nej chale!” —tispi. ³⁴ [Jawut Silas namanasia xot, jaxot namanpon.] ³⁵ Pablo, Bernabé suapich, Antioquía paklowaxxot namafuki-is. Japi, xabich asew jiw suapichbej, chiekal chanaekabuanas Jesucristo pejuwajan. Naewwajnafulbejpi japawajan.

Pablo, Bernabé suapich, pejme fulaeyaxaelpox naewwajnalialjwapi jiw Jesucristo pejuwajan

³⁶ Do jawux, pin-iamatkoian wut, Pablo jum-aech Bernabélijaw:

—Pejme fulaeyaxaes taeliajwas wajkoew, naexasiti Jesucristo pejwujajan. Majt naewujajnasxot Jesús pejwujajan, japaklowaxanpijiw pejme taeyaxaes, ma-aechi, amwutjel duilaful wut —aech Pablo.

³⁷ Do jawut, Bernabé nejchaxoel buflaeliajwapon Juan Marcos. ³⁸ Majt Juan Marcos bu'fol wuti, japon asbuan jumch nawiat, Panfilia tuajnuxot wuti. Samata, Pabliolajwa chiekal wepachaema-esal pejme buflaeliajwapon Juan Marcos. ³⁹ Pablo, Bernabé suapich, kaenejchaxoelaxa-el wut buflaeliajwapi Juan Marcos, do jawut, Pablo, Bernabé suapich, nadija. Jawut Bernabé bu'fol Juan Marcos. Do jawut, Bernabé, Juan Marcos suapich, juli barkam Chipre tanaet poxaliajwade. ⁴⁰ Do jawutbej, Pablo makafit Silas chalaliajwas. Asew japixot Dios kawujajan kajachawaesliajwas Pablo, Silas suapich, jiw naewujajan wut. Do jawux, japibej chijia. ⁴¹ Pablo, Silas suapich, jiw naewujajan Jesucristo pejwujajan naexasiti, Siria tuajnupijiw, Cilicia tuajnupijiwbej, kaes pejme chiekal naexasisliajwapi Dios.

16

Timoteo chalapox Pablo, Silasbej

¹ Pablo, Silas suapich, pa'a Derbe paklowaxxot. Do jawux, Listra paklowax poxadepi. Jaxotde wut, kaen taeni. Japon pawul Timoteo. Japon chiekal naexasit Jesucristo pejwujajan. Pen judíos-atow. Japow chiekal naexasit Jesucristo pejwujajan. Timoteo pax griego-aton. ² Naexasiti Jesucristo pejwujajan, Listra paklowaxpijiw, Iconio paklowaxpijiwbej, jum-aechi chimiajamechan Timoteoliajwa. ³ Pablo nejchaxoel buflaeliajwa Timoteo. Samata, jum-aechon Timoteoliajwa: “Keto'axaelen xam circuncidaliajwa, me-ama xanal judíos, xam jachiliajwam. Ja-aech wut, judíos xambej chiekal bu'kulaxaeli. Fulaeyaxaeslel xabich judíos maenk. Nej-ax griego-aton xot, xampi matabijaxael circuncida-emilpox” —aech Pablo Timoteoliajwa. Samata, Timoteo circuncidas. ⁴ Do jawux, Pablo, Silas, Timoteo suapich, follisi. Kaenanula paklowaxanxot pa'a wut, japi chiekal chanaekabuana naexasiti Jesucristo pejwujajan. Japi chiekal chanaekabuana apóstoles, ancianos suapich, Jerusalén paklowaxxot natameja wut fiatpoxanliajwa. ⁵ Samata, naexasiti Jesucristo pejwujajan kaes pejme chiekal naexasiti. Kaematkoisful jiw kaes naexasisful Jesucristo pejwujajan.

Pablo masoxtat taenpox Macedonia tuajnupijin

⁶ Pablo, Silas, Timoteo suapich, Espiritu Santo tapae-esal naewujajnalijwa Jesucristo pejwujajan Asia tuajnuxot. Samata, japi matnoch xena Frigia tuajnu, Galacia tuajnubej. ⁷ Japi pat Misia tuajnumatduktot. Jaxot pat wut, fulaesiapi Bitinia tuajnu poxade. Pe pejme tapae-esal Espiritu Santo. ⁸ Samata, matnoch xenapi Misia tuajnu. Do jawux, pati Troas paklowaxxot, marbabu'tat. ⁹ Troas paklowaxxot madoi wut, Pablo masoxtat taen, Macedonia tuajnupijin nuk wut. Xabich tadut wut, jum-aechon: “¡Xabu't Macedonia tuajnueldin xanal nakajachawaesliajwam!” —aech Macedonia tuajnupijin. ¹⁰ Pablo japox taen wut, kamta thilton Macedonia tuajnu poxaliajwade. Xan Lucas jawutbej thiltax. Xanal nakaewa najum-an: “Diachwujajnakolax, Dios nakwullala xatis naewujajnalijwas chimiawujajan, Jesucristo pejwujajan, japatuajnupijiw” —na-an xanal.

Pablo Filipos paklowaxxotpox, pejnachala suapich

¹¹ Troas paklowaxxotan wut, xanal julx barkam. Matnoch chafolx Samotracia tanaet poxade. Kandiawa wut, xanal chapatx Neápolis paklowax. ¹² Jaxotan wut, fulaechx putlel Macedonia tuajnulel, Filipos paklowax poxaliajwan. Japatuajnulel Filipos paklowax kaes pinjiyax. Me-ama asapaklowaxan, jachi-el. Japapaklowaxxot xabich Roma paklowaxpijiw duil. Jaxot kaematkoian suapich xanal namaxfuk. ¹³ Xanal Filipos paklowaxxotan wutfuk, napatamatkoi wut, nakolax paklowax tathoetlel, nawel poxaliajwande. Xanal nejchaxoelx: “Ampalel judíos bej natamejabej, Dios kawujajnalijwa wut” —an xanal tajnejchaxoelxat. Do baxael, faenx wut judíos naewujajnaba, jaxot xanalbej chalakx,

natamejapi sʉapich. Jaxot chimiawʉajan, Jesucristo pejwʉajan, xanal naewʉajna x watho'kal. ¹⁴ Japi watho'xot, asaow pawʉ Lidia. Japow Tiatira paklowaxpijow. Lidia mowa chimiabʉ'an, pasoeibʉ'an. Japabʉ'an xabich ommaenk. Japow Dios naexasit. Dios kawʉajanbejpow. Xabich naewetow Pablo naewʉajanpox, Jesucristo pejwʉajan. Japow chiekal naewet wʉt, jʉmmatabijtow Pablo naewʉajanpox, Dios kajachawaech xot. Samata, Lidia chiekal naexasit Jesús pejwʉajan. ¹⁵ Do jawʉx, japow bautisas, puexa pejjiw sʉapich. Do jawʉt, jʉm-aechow:

—Xamal nejchaxoelam wʉt xanliajwa: “Diachwʉajnakolax ampow pawis naexasit Jesús pejwʉajan” —am wʉt xanliajwa, ma amwʉt, xamal nakfʉlaeyaxaelam tajba poxade duilaliajwan kaematkoi sʉapich —aechow xanalliajwa.

Do jawʉx, xanal nakfolx japow pejba poxade.

¹⁶ Asamatkoi, xanal fʉlaechx wʉt Dios kawʉajnalialjwan, taenx pawis, pansiaw. Japow dep webaes pejmatpʉatxot. Dep pijaxtat xabich xajʉpow jʉmchiliajwa, jachiyaxaelpoxan. Japow esclava. Japow pejpaklochow xabich plata kana japow jʉm-aechpoxantat. Japow matxoelajʉm-aech wʉt asew jiwliajwa wejachiyaxaes-pox asamatkoi, xabich mochpow. Moch wʉt, japaplata japow pejpaklochowliajwa. ¹⁷ Japapaklowaxxot japow fʉlnanʉamt Pablo, xanal sʉapich. Nafʉlnanʉamt wʉt, nejlas-fʉlow. Nejlasfʉl wʉt, jʉm-aechow:

—Ampi poejiw, Dios athʉpijin pejjiw. Ampi xamal jʉmchiyaxael: ‘Machiyaxaelam weliajwam Diosxotse’ —chiyaxaeli —aechow, nejlasfʉl wʉt.

¹⁸ Jasox ja-aechow pin-iamatkoiyan, xanal nafʉlnanʉamt wʉt. Samata, Pablo naewesla kaes jʉmtaeliajwa japow jʉm-aechpoxan. Samata, kaxa natfo'chapon. Do jawʉt, Pablo jʉm-aech japow pijan, dep, jʉmtaeliajwa:

—Dep, jʉxam Jesucristo pijaxtat nakolde ampow pejmatpʉatxot! —aech Pablo.

Do jawʉt, kamta dep nakolt japow pejmatpʉatxot.

¹⁹ Japow pejpaklochow matabija wʉt japi kaes plata kanaxilox japow pijaxtat, xabich palalapi. Samata, japow pejpaklochow jaelti Pablo, Silas sʉapich. Jaelas wʉt, bʉ'fos japapaklowaxpijiw tato'alpi nabisti poxade. ²⁰ Do jawʉt, Pablo, Silas sʉapich, nows jueces pejwʉajnalel. Pawis pejpaklochow jʉm-aech juecesliajwa, japi bʉxlajaslajwas:

—Ampi judíos ʉldʉkafʉl wajpaklowaxpijiw. ²¹ Japi naewʉajnalap pejkabʉananpox. Xatis japox isaxisal, Roma tʉajnjʉrijwas xot —aechi.

²² Japox jʉmtaen wʉt, japapaklowaxpijiw xabich palalapi Paboliajwa, Silasliajwabej. Do jawʉt, jueces keto'a soldaw, Pablo, Silas sʉapich, wejolaliajwas pejnaxoe. Do jawʉx, xabich bʉ'jʉmchaseltaslisi naeyatat. ²³ Do jawʉx, selsax kekofas wʉt, jias jiw jebatat. Jiw jeba wetpon to'as chiekal wesfʉlaliajwas japi wesamata. ²⁴ Jiw jeba wesamata japox jʉmtaen wʉt, batu pejpiezaxxot jiapon japi. Tawlaftat tʉakwasixawaeksbejpi wesamata.

²⁵ Japamadoitat, pinmadoi wʉt, Pablo, Silas sʉapich, Dios kawʉajan. Do jawʉt, jajuwpi Dios jʉmtaeliajwas. Asew, jaxot jiaspi, naewet. ²⁶ Do jawʉt, jiw jebaxot chalechkal itliakjala. Jawʉt jaxot xabich najuiya. Me-ama sat najaet wʉt, ja-aech. Do jawʉt, puexa bafafachan pajut nafafa'bala. Puexa jiw, jaxot jiaspi, pejmʉaxanxot cadenamʉa wejajolpas. ²⁷ Jiw jeba xabich najuiya wʉt, jiw jeba wesamata nathikcha. Bafafachan jʉmch nuilax taen wʉt, pej-espada kukchapon pajut naxʉa'laliajwa. Jiw jeba wesamata nejchaxoel: “Jiasi puexa chiekal wia. Samata, tajpaklochow xankal naboesaxael” —aechon, nejchaxoel wʉt. ²⁸ Do jawʉt, Pablo nejlakcha wʉt, jʉm-aechon:

—jNajut nabej naxʉa'le'! jXanal puexa ma amxotan! —aech Pablo.

²⁹ Jiw jeba wesamata to'a wexalaeliajwas itliakax. Itliakax wexalaens wʉt, bichakal najae'non Pablolal, Silaslelbej. Do jawʉt, japon xabich tathʉlal pejlewte. Pablo, Silas sʉapich, pejwʉajnalel brixtat nukon, sitaen xot. ³⁰ Do jawʉt, jiw jeba wesamata juton Pablo, Silas sʉapich, jiw jebaxot. Do jawʉt, jiw jeba wesamata wʉajnaemta wʉt, jʉm-aechon:

—Tajnachala, jmachiyaxaelenkat xan Dios nabʉ'welialjwa? —aech jiw jeba wesamata.

³¹ Japi jʉmnot wʉt, jʉm-aechi:

—¡Xam naexasi'e wajpaklon Jesucristo pejwɔajan! Ja-am wɔt, Dios xam bu'weyaxael. Nejbapijiw naexasit wɔtbej, japibej Dios bu'weyaxaes —aech Pablo, Silas sɔapich, jiw jeba wesaniajwa.

³² Do jawɔt, Jesucristo pejwɔajan naewɔajanlisipon, puexa pejbapijiwbej. ³³ Do jawɔt, japamadoitat, jiw jeba wesana matwɔaj-itfakiaton, Pablo, Silasbej, xakolbalaspoxan. Do jawɔt, Pablo bautisa jiw jeba wesana, pejjiw sɔapich. ³⁴ Do jawɔx, jiw jeba wesana pejba poxade buflaechon Pablo, Silas sɔapich. Do jawɔt, naxaeyax chaxduwpon Pablo, Silasbej. Jiw jeba wesana, pejjiw sɔapich, xabich nejchachaemil, Dios naexasit xoti.

³⁵ Kandiawasap wɔt, jueces buxto'a soldaw jumchiliajwa ampox: “¡Jiw jeba wesana jum-amde ampox! ¡Nej tapaepon nakolaliajwa Silas, Pablo sɔapich, jiw jebaxot!” —aech jueces, buxto'a wɔt soldaw. Dolis, japi soldaw pa'a wɔti jiw jebaxot, jum-aechi jueces buxto'aspox jiw jeba wesaniajwa. ³⁶ Do jawɔx, jiw jeba wesana soldaw buxto'aspox jum-aechon Paboliajwa, Silasiajwabej:

—Jueces nato'a xamal jukaliajwan. Samata, ¡ma amwɔt nejmach nakolim! —aech jiw jeba wesana.

³⁷ Pablo japox jumtaen wɔt, jum-aechon soldawliajwa, wɔajan xapa'anpiliajwa:

—Jueces babijax is xanaliajwa, asbuan jumch xamal keto'a wɔti xanal namatwɔaj-selsliajwama naeyatat puexa jiw pejwɔajnalel. Do jawɔx, xamal to'api jiw jebatat xanal najeliajwa. Amwɔtjel maliach nato'asia jasoxtat nakolaliajwan. Xanal Roma tuajnujpijwan xot, jasox jiw tato'alpi isaxil, majt nawɔajnachaems-el wɔt chiekal matabijaliajwa, diachwɔajnakolax babijax isx wɔt, o, is-enil wɔt. ¡Jueces pajut nej fulae'an xanal najukaliajwa! —aech Pablo soldawliajwa.

³⁸ Do jawɔt, soldaw kaxafulaech jueces poxade japox chapaeliajwapi Pablo jum-aechpox. Jueces japox jumtaen wɔt japi kolenje Roma tuajnujpijwipox, jawɔt jueces pejlewla. ³⁹ Samata, jueces pajut pa'an Pablo jiasxot, Silas sɔapich. Do jawɔt, japi jueces jum-aech:

—Xanal tadala, babijax isx xot xamaliajwa —aech jueces.

Jawɔx jueces pajut juk Pablo, Silas sɔapich. Do jawɔt, jueces xabich to'api Pablo, Silas sɔapich, chijiyaliajwa japapaklowaxxot. ⁴⁰ Pablo, Silas sɔapich, jiw jebatat nakola wɔt, jawɔt fulaechi Lidia pejba poxade. Jaxotde Pablo, Silas sɔapich, taen naexasiti Jesucristo pejwɔajan. Do jawɔt, naewɔajanlisi japi kaes Dios chiekal pejme naexasisfulaliajwa. Japox buxtoet wɔt, chijialisi japapaklowaxxot.

17

Pablo, Silas sɔapich, jalwekspox jaelaliajwas Tesalónica paklowaxxot

¹ Pablo, Silas sɔapich, fulaech wɔt, xenapi Anffopolis paklowax, Apolonia paklowaxbej. Dolisi, patlisi Tesalónica paklowaxxot. Jaxot judíos naewɔajnaba ek. ² Napatamatkoi wɔt, Pablo fulaech judíos naewɔajnaba poxade, japon japox pejkabuan xot. Jaxotde Pablo natameja, napatamatkoi wɔt. Jasox ja-aech Pablo, tres veces napatamatkoi wɔt. Jaxotde Pablo judíos naewɔajan wɔt, wɔajnachaemtas wɔtbej, Pablo chiekal jumnot Dios pejjamechan, chajia lelspx, jum-aech wɔt, jum-aechpoxantat. ³ Jum-aechbejpon:

—Dios pejjamechan, chajia lelspx, jum-aech wɔt, jum-aechox: “Cristo, Dios to'aspon puexa jiw bu'welialjwa, japon majt nabijasaxael. Tupaxaelbejpon. Do jawɔx, Dios mat-esaxaeson pejme dukaliajwa” —aechox. Japox chajia jum-aechox, patlisox. Xamal naewɔajnaxpox Jesúsliajwa, japonlap Cristo, Dios to'aspon puexa jiw bu'welialjwa —aech Pablo, naewɔajan wɔt.

⁴ Asew judíos, jaxoti, naexasiti Pablo naewɔajanpox. Do jawɔt, japi kaemutlisi, Pablo, Silas sɔapich. Xabich asew, naksiyapi griegojame, Dios naexasiti, japibej naexasit Pablo naewɔajanpox Jesucristoliajwa. Xabich watho', jiw matabijaspi, japibej naexasit Pablo naewɔajanpox. ⁵ Ja-aech wɔt, asew judíos, japi naexasis-elpi Jesucristo pejwɔajan, xabich nusasiwal. Samata, tamejapi asew babejchow, japapaklowaxplazaxot nanuamti.

Japi sʉapich, xabich nejlasfʉl. Japapaklowaxpijiw xabich nejtasalas japi nejlasfʉlpox-antat. Jasón pejbaƒafa xabich pi'la wʉt, asew japixot low japaba. Japi jalwek Pablo, Silas sʉapich, woeyaliajwas jiw natamejaxot. ⁶ Faena-el wʉti Pablo, Silas sʉapich, ja-aech wʉt, japi jaelt Jasón, asewbej, naexasiti Jesucristo pejuʉajan. Jaelas wʉt, jolkas paklochow poxade. Babejchow nejla'bala wʉt, jʉm-aechi, bu'pach wʉti paklochow pejuʉajnalel:

—Pablo, Silas sʉapich, japi pijaxtat, puexa paklowaxanpijiw nakaewa na-ʉlataen. Amwʉtjel ampalel fʉlaeni. ⁷ Japi pat wʉt, Jasón chiekal bu'kult pejbatat. Puexa japi jiw naexasis-el wajrey, Roma tuajnuʉijin, tato'alpox. Japi jʉm-aech: 'Asan wajrey. Pawʉlpon Jesús' —aech japi —aech babejchow, buxlajat wʉti Pablo, Silas sʉapich, paklochow pejuʉajnalel.

⁸ Japox jʉmtaen wʉti, puexa japi jiw, paklochowbej, xabich palalapi naexasitiliajwa Jesucristo pejuʉajan. ⁹ Do jawʉt, Jasón to'as multa mosax paklochowxot. Asew sʉapich, naexasiti Jesucristo pejuʉajan, japi mot wʉtbej multa paklochowxot, paklowchow jʉm-aech: "Ampi plata xamal pejme wewoeyaxaelen, Pablo, Silas sʉapich, chijia wʉt ampapaklowaxxot" —aech paklochow. Do jawʉt, kofaslisi.

Pablo, Silas sʉapich, patpox Berea paklowaxxot

¹⁰ Jasón, asew sʉapich, kofas wʉt, do madoi wʉt, naexasiti Jesucristo pejuʉajan to'api Pablo, Silas sʉapich, Berea paklowax poxaliajwade. Berea paklowaxxot pa'a wʉt, fʉlaechi judíos naewʉajnaba poxade. ¹¹ Judíos, Berea paklowaxpijiw, kaes pejme pachaempi. Me-ama judíos, Tesalónica paklowaxpijiw, jachi-eli. Pablo naewʉajan wʉt Jesús pejuʉajan, japi chiekal naewet. Berea paklowaxpijiw pomatkoicha estudia Dios pejjamechan, chajia lelspx, chiekal matabijaliajwa, Pablo, Silas sʉapich, naewʉajanpoxan, diachwʉajnakolax wʉt, o, ja-el wʉt. ¹² Samata, xabich judíos naexasit Jesucristo pejuʉajan. Xabich griegosbej naexasiti Jesucristo pejuʉajan. Griegos paklochowbej naexasiti Jesús pejuʉajan. ¹³ Asew judíos, Tesalónica paklowaxpijiw, japox wʉltaen wʉt, Pablo Jesús pejuʉajan naewʉajanpox Berea paklowaxxot, japibej fʉlaen Berea paklowax poxadin. Berea paklowax pa'an wʉti, xabich nejlasfʉli. Japapaklowaxpijiw xabich nejtasalas. ¹⁴ Naexasiti Jesucristo pejuʉajan, jʉm-aechi Pabloliajwa: "jXam amxot kamta nakolde! jMarlel fʉlaemch!" —aechi. Pe Silas, Timoteo sʉapich, nakiowa namafʉki Berea paklowaxxot. ¹⁵ Pablo fʉlaech wʉt marlel, asew japixot fʉlchalspon Atenas paklowax poxaliajwade. Pablo jaxotde pa'a wʉt, buxxato'apon Silas, Timoteoliajwabej. Jʉm-aechon, buxxato'a wʉt: "Xamal kolenam xajʉram wʉt fʉlaeliajwam, jxabʉa'din xan nafaenaliajwam Atenas paklowaxxot!" —aech Pablo, buxxato'a wʉt. Do jawʉt, Pablo fʉlchalapi, pejme kaxa nawen.

Pablo naewʉajanpox Atenas paklowaxpijiw

¹⁶ Pablo wʉajnewet wʉt Silas, Timoteobej, mathunpon Atenas paklowax. Pablo taen japapaklowaxxot xabich ídolos nuilpox. Pablo japoxan taen wʉt, xabich nejxaejwaspon. ¹⁷ Samata, Pablo, nakaejudíos sʉapich, nabʉ'nalot Jesucristo pejuʉajanliajwa, judíos naewʉajnabatata wʉton. Ja-aechbejpon judíos-eliliajwa, Dios naexasiti. Kaematkoisfʉl papati plazaxot, japi sʉapichbej, Pablo nabʉ'nalot Jesucristo pejuʉajanliajwa. ¹⁸ Do jawʉx, asew Pablo faens. Japi epicúreos. Japi naexasit Epicuras naewʉajanpox. Asewbej Pablo faens. Japi estoicos. Japi naexasit Zeno naewʉajanpox. Japi epicúreosxot, estoicosxotbej, japi jʉm-aech babejjamechan Pabloliajwa. Jʉm-aechi:

—Ampon aton, matabijsna-el wʉt, jachaxankaton naksiya? —na-aechi nakaewa Pabloliajwa.

Asew nakaewa najʉm-aechbej Pabloliajwa:

—Japon naewʉajan asatuajnuʉijiw pejdiosesliajwa —na-aechi nakaewaliajwa.

Jasoxtat japi, Pablo sʉapich, nabʉ'nalot, naewʉajan xoton chimiawʉajan, Jesucristo pejuʉajan, jiw tuʉi pejme mat-eyaxespoxliajwabej. ¹⁹ Do jawʉt, japi Pablo bu'fol pachaempoxtat paklochow natameja poxade, pawʉlxot Areópago. Jaxotde bu'pa'as wʉt, japi jʉm-aech:

—¡Najum-amde pajelnaewuajnaex, xam jiw naewuajnamwujajan! ²⁰ Xam naewuajnam asawuajan, xanal matabija-enilwujajan. Pe xanal chiekal matabijasian, achax chiyaxael xam jiw naewuajnampoxan —aechi Pablolijawa.

²¹ Puexa Atenas paklowaxpijiw, asew jiwbej, japi asatuajnuhanpijiw jaxot duili, japi pajelnaewuajnaex xabich nejxasink jumch naewesliajwa, naksiyalijwabej.

²² Do jawut, Pablo nant japi pejwujnalel Areópagoxot. Jawut jum-aechon: “Atenas paklowaxpijwam, xan matabijtax xabich nejchaxoelampox nejdiosesliajwa. ²³ Xan taenx xabich maenkpoxan, xamal natamejlamxot, nejdioses kawuajnalijwam. Taenxbej kae-altar. Japa-altarleltat lelspx taenxbej. Japox jum-aech: ‘Ampa-altar, dios matabija-esalpon pej-altar’ —aech lelspx. Japadios xamal najut matabija-emilbej, kawuajnam wut. Japadiosliajwa ma amwut xamal jumchiyaxaelen chiekal matabijalijwam” —aech Pablo Areópagoxot.

²⁴ Pablo pejme jum-aech: “Dios is ampathat. Ampathatat taenspoxan, japoxan Dios ispoxan. Tato'albejpon japonxotse, ampathatatbej. Samata, Dios duka-el poejiw isbatat.

²⁵ Dios chinax asax wewe'pa-esal asan aton we-isliajwas. Japon pijaxtat puexa xatis chiekal duilafulas. Puexa nakwewe'ppoxan nakchaxduwbejpon” —aech Pablo.

²⁶ Pablo pejme jum-aech: “Dios majt kaen aton is. Do baxael, japon pamojiw pothata xajur, amwutjel xabichalijwa nejmachjiw. Dios chajia nejchaxoel, amxot kaenanula, pejmutan suapich, duilaxael jiw. Nejchaxoelbejpon, maswut tuxaxaeli. ²⁷ Dios jasox is jiw wulwekaliajwaspon, jiw naexasisliajwasbejpon. Diachwuajnakolax kaenanula xatisxot Dios atuaja-el. ²⁸ Dios pijaxtat duils. Nanuamtasbej. Nabistasbej. Asew nejwuajnapijiwxot chajia lel wut, jum-aechi: ‘Xatis Dios paxis’ —aechi. ²⁹ Dios paxis xot, nejchaxoes wut, nejchaxoelaxisal: ‘Dios, me-ama ídolos, jiw pajut ispoxan orotat, platatatbej, ia'tatbej’ —chiyaxisal. Jiw japoxan is pejnechaxoelaxantat. ³⁰ Dios kastika-el nejwuajnapijiw, isful wut babijaxan, matabija-el xotfuki Dios. Pe amwutjel, Dios to'a pothatapijiw jiw kofaliajwa babijaxan isfulpoxan, naexasisfulalijwapi Dios tato'alpoxan. ³¹ Dios chajia kaematkoi mark jumchilijwapon ampathatpijiw pejbu'wujajanpoxliajwa. Dios markamatkoi pat wut, Dios makafichpon, japon jumchiyaxael jiw pachaempi Diosliajwa, o, jiw chaemili Diosliajwa. Jesús tux wut cruztat, Dios mat-echpon pejme dukaliajwa. Samata, xatis chiekal matabijas, Jesús diachwuajnakolax Dios makafich japon jumchilijwa, masi jiw pejbu'wujajan ampathatxot” —aech Pablo.

³² Atenas paklowaxpijiw japox jumtaen wut, jiw tuxi mat-eyaxaespx pejme duilalijawa, asew japixot bu'wujajanpaeipi Pablo japoxliajwa. Asew japixot jum-aech Pablolijawa:

—Amwutjel xanal najum-ampox, asamatkoi pejme najumchiyaxaelam xanal kaes naewesliajwan —aech asew Pablolijawa.

³³ Do jawut, Pablo buxtoet wut, nakolton japi natamejaxot. ³⁴ Asew japixot nakfoli Pablo. Japi naexasiti Jesucristo pejuwujajan. Kaen japixot pawul Dionisio. Japon Areópagoxotpijin. Kaeow pawul Dámaris. Japowbej naexasit Jesucristo pejuwujajan. Asew jaxotpi, japi naexasitbej Jesucristo pejuwujajan.

18

Pablo Corinto paklowaxpijiw naewuajnanpox

¹ Do japoxwux, Pablo Areópagoxot nakolt wut, fulaechlison Corinto paklowax poxade. Dolison, pat Corinto paklowaxxot. ² Jaxotde Pablo faen judíos-aton. Japon Ponto tuajnuapijin, pawulon Aquila. Pijow pawul Priscila. Pablo wujana japi kolenje pa'a Corinto paklowaxxot. Japi chajia nakola Italia tuajnualel, Claudio, Roma tuajnuapijiw tato'lan, to'as xoti nakolalijawa Roma paklowaxxot. Claudio chajia to'a puexa judíos nakolalijawa Roma paklowaxxot. Pablo faen wut Aquila Corinto paklowaxxot, nakfulaechon japi pejba poxade japi taelijawa. ³ Pablo duk japi pejbaxot. Japi itthow carpabu'an mowalijawa. Pablo nabist, japi suapich, matabijit xoton japabichax. ⁴ Napatamatkoiyan wut, Pablo

fúlalaecha judíos naewuajnába poxade. Jaxot Pablo naewuajan judíos, judíos-elibej, naexaxisliawapi Jesucristo pejuajan.

⁵ Silas, Timoteo suapich, pa'an wut Macedonia tuajnuel, jawut Pablo kekoft carpabu'an itthoeyax, pomatkoicha naewuajnalijwapon Dios pejjamechan. Pablo naewuajan wut judíos, jum-aechon: "Jesús diachwuajnakolax Cristo, japon xatis wuajnwachpon nakbu'weliawja" —aech Pablo, naewuajan wut judíos. ⁶ Judíos naexaxis-eli Jesús pejuajan, japi xabich palala Pabloliawja. Samata, japi babejjamechan jum-aech Pabloliawja. Samata, jawut Pablo jolcha pejsumta-osax. Jawut lulapon, japi pajut matabijaliawja babijax ispox Diosliawja. Jum-aechon:

—Xamal najut nijaxtat napelsaxaelam, naexaxis-emil xot xan naewuajnapox. Xan tajaxtat napelsaximil. Xamal naexaxis-emil xot, judíos-elpilax naewuajanafulaxaelen Jesucristo pejuajan —aech Pablo judíosliawja.

⁷ Do jawut, Pablo nakolt judíos naewuajnapoxot. Fulaechon asaba poxade. Japabapijin pawul Ticio Justo. Japon Dios xabich nejxasink. Japon pejba chiekal mox naxsoep, judíos naewuajnába suapich. ⁸ Crispo, judíos naewuajnába wesan, japon, puexa pejjiw suapich, asew suapichbej, naexasit Jesucristo pejuajan. Xabich asew, judíos-eli, Corinto paklowaxpijw, jumtaen wut Jesucristo pejuajan, japibej naexasit. Do jawut, japi bautisas.

⁹⁻¹⁰ Asamatkoi, madoi wut, Pablo masoxtat taen, Dios jum-aech wut japonliawja. Jawut Dios jum-aech: "Xam chalafulax. Xam asew jiw kechaemilaxil. Ampapaklowaxxot xabich tajjiw nawemaenk. Samata, ¡nabej nejlewlé! ¡Nakiowa naewuajnafulde tajjamechan! ¡Nabej boejlache!" —aech Dios Pabloliawja. ¹¹ Ja-aech wut, Pablo pejléwla-el. Samata, Pablo duk Corinto paklowaxxot kaewaech y medio. Japamatkoiyantat Dios pejjamechan naewuajnafulon japapaklowaxpijw.

¹² Japamatkoiyantat, Galión gobernador Acaya tuajnuexot. Galión gobernador wut, judíos kaenejchaxoelax jaelsliawapi Pablo. Do jawut, Pablo jaeltas. Jawut buflaechpon gobernador poxade, japon jiw tato'al wut ekxot. ¹³ Japi jum-aech gobernadorliawja:

—Ampon aton naewuajnaful jiw naexaxisliawja Dios. Japon naewuajanpox najupa-el Moisés chajia lelpox suapich, xanal naexasitpox —aechi gobernador pejuajnalel.

¹⁴ Pablo naksiyalijawja wut gobernador pejuajnalel, jawut Galión jum-aech judíosliawja:

—Xamal judíos chiekal matabijam ampox. Ampon aton natkowa wut, babijax xabich is wutbejpon, ja-aech wut, xamal chiekal naewesaxaelen. ¹⁵ Pe ampon is-el babijaxan. Xamal judíos asbuan jumch nalala japon naewuajanpoxliawja. Nalalabej japon naexaxis-el xot nejkabuananpoxan, xamal naexasitampox. Samata, xamal najut chaemde japox! Xan japoxan tataefla-enil chaemsliajwan —aech Galión judíosliawja.

¹⁶ Do jawut, gobernador Galión to'a judíos nakolaliawja japonxot. ¹⁷ Judíosxot kaen pawul Sóstenes. Japon judíos naewuajnába wesan. Do jawut, nakola wuti, griegos, jaxoti, jaelti Sóstenes gobernador Galión pejuajnalel. Jaxot Sóstenes baes. Galión japox taen wut, chinax kefiás-elon japi griegos.

Pablo pejme nawia'anpox Antioquía paklowax poxadin

¹⁸ Pablo duk pin-iamatkoijan Corinto paklowaxxot. Baxael, Pablo fúlaeliawja wut, kejachapon naexasiti Jesucristo pejuajan. Pat wuton Cencrea paklowaxxot, fúlaeliawja wut barkamtat, jawut Pablo pajut namatnaelaxaxoton jiw matabijsliawjas, chajia jumdutpox toet xotlison Diosliawja. Pablo jul wut barkam Siria tuajnu poxaliawja, japabarkamtat julbej Aquila, pijow suapich. ¹⁹ Chapat wuti Éfeso paklowaxxot, jaxot Pablo waela Aquila, pijow suapich. Do jawut, tamach fúlaechlison judíos naewuajnába poxade. Jaxot Pablo nospaei, judíos suapich, japi natamejaxot. ²⁰ Do jawut, Pablo fiach namanaliawja japixotfuk. Pe Pablo owchi-el. ²¹ Jawut jum-aechon, kejacha wut: "Dios nejxasink wut, xamal pejme taeyaxaelen" —aech Pablo japi jiwliawja.

Do jawux, Pablo pejme barkam jul wut, chaflaechon Éfeso paklowax poxade. ²² Cesarea paklowaxxot pat wuton, jawut putlel Pablo fulaech Jerusalén paklowax poxade. Jaxotde taenon naexasiti Jesucristo pejwujajan. Do jawux, Antioquía paklowax poxadepon. ²³ Antioquía paklowaxxot pin-iamatkoian naman wut, do jawux, fulaechon Galacia tuajnu poxade, Frigia tuajnu poxadebej. Kaenanula japapaklowaxanxot, pat wuton, naewujajan japi kaes Dios xanaboejalijwa.

Apolos naewujajanpox Jesucristo pejwujajan Éfeso paklowaxxot

²⁴ Japamatkoiantat kaen judíos-aton pat Éfeso paklowaxxot. Japon pawul Apolos. Japon Alejandría paklowaxpijin. Naewujajan wut, puexa jiw chiekal naewechpon, naewujajanpox pachaem xot. Japon chiekal matabijt Dios pejjamechan, chajia lelspx. ²⁵ Apolos naewujajan Jesucristo pejwujajan. Samata, matabijton Dios jiw bu'weyaxaelpox Jesús pijaxtat. Nejaxsinkbejpon jiw naewujajnalijwa Jesúsristo pejwujajan. Pe japon matabijt Juan bautisapoxkal. ²⁶ Apolos judíos naewujajnabat naewujajan wut, pejlwla-elon naewujajnalijwa. Priscila, Aquila suapich, jumtaen wuti japon naewujajanpoxan, jawut buflaechipon pejba poxade nospaelijwapi tamach, japon suapich, kaes chiekal naewujajnalijwapon jiw Jesucristo pejwujajan. ²⁷ Do baxael, Apolos fulaelajwa wut Acaya tuajnu poxade, Éfeso paklowaxpijiw, naexasiti Jesucristo pejwujajan, japi kajachawaet Apolos. Apolos carta welels xalaelajwa Acaya tuajnupejiw poxade, japixot pa'a wut, chiekal bu'kalslijwaspon. Dolison, pat wut Acaya tuajnuxot, japon xabich kajachawaet Acaya tuajnupejiw, japi naexasiti Jesucristo pejwujajan Dios pejkajachawaesaxtat. ²⁸ Apolos naewujajan judíos Jesús pejwujajan. Dios pejjamechan chajia jum-aechox Jesúslijwa, japoxbej Apolos naewujajnaful puexa jiwlijwa. Naewujajanbejpon japi jiw chiekal matabijalijwa, Jesús diachwujajnakolax, Mesías, Dios, to'aspon puexa jiw bu'welijwa. Samata, judíos boejlach nuil. Japi judíos elchiyaxil Apolos jum-aechpoxlijwa Jesúslijwa.

19

Pablo naewujajanpox Éfeso paklowaxpijiw

¹ Apolos Corinto paklowaxxot wutfuk, Pablo fulaech paslijwa Éfeso paklowax poxade. Pinamuxan xenafulon, fol wut. Éfeso paklowax pa'a wut, jaxot faenon Jesucristo pejwujajan naexasiti. ² Pablo japi wujajnaemnt wut, jum-aechon:

—Jesucristo pejwujajan naexasitam wut, ¿Espíritu Santokat pask nejmatpuatanxot? — aech Pablo.

Japi jumnot wut, jum-aechi:

—Xanal chinax jumtae-enil Espíritu Santopoxlijwa —aechi.

³ Pablo pejme wujajnaemnt wut, jum-aechon:

—Xamal bautisa wut, ¿achanejchaxoelaxkat japox xamallijwa? —aech Pablo.

Japi jumnot wut, jum-aechi:

—Juan, jiw bautisan, chajia jum-aechpox bautisaxlijwa —aechi.

⁴ Pablo jum-aech:

—Juan bautisa jiw, babijaxan ispoxan kofapi, japi naexasiti Dios. Juan jum-aechbej, jiw bautisaful wut: 'Xanwux kaen pasaxael. ¡Japon xamal naexasi'e!' —aech Juan Jesús pejpasaxlijwa —aech Pablo Éfeso paklowaxpijiwlijwa.

⁵ Éfeso paklowaxpijiw japox jumtaen wut, kaes chiekal naexasiti Jesús pejwujajan. Jawut bautisas Jesús pijaxtat. ⁶ Pablo ke-ot wut japi pejta'antat, Espíritu Santo falock japi pejmatpuatan poxasik. Do jawut, chalechkal japi jiw naksiya majt matabija-eljamechan. Naksiyabejpi Dios buxto'aspoxan naksiyalijwa. ⁷ Puexa japi poejiw, doce.

⁸ Pablo duk Éfeso paklowaxxot tres juimtje. Naewujajnafulon Dios pejjamechan judíos naewujajnabaxot. Naewujajan wut, chinax pejlwla-elon. Naewujajanbejpon Dios puexa pejiw tato'laxaelpox, japi naexasitpi Dios. Ja-aechon judíos chiekal naexasislijwas naewujajanpox. ⁹ Asew japixot naexasis-el, matnaetink xoti naexasislijwa. Samata, japi

jum-aech babejjamechan Jesucristo pejwujajanliajwa. Ja-aech wut, Pablo nadijan judíos naewuajnaabaxot. Do ja-aech wut, Jesucristo pejwujajan naexasiti bu'folon Tirano pejescuclabaxot. Escuelabaxot Pablo pomatkoicha naewuajjan Jesucristo pejwujajan. ¹⁰Ja-aech Pablo kolewaechje. Samata, puexa jiw Asia tuajnuaxot duili, japi judíos, judíos-elibej, jumtaen Jesucristo pejwujajan. ¹¹Pablo koechaxan isbej Dios pijaxtat. ¹²Pablo jachapoxan, panuelbu'an, asaxanbej, japoxan bu'xaeya xabu'jachas wut, japi jiw chiekal boejthuls nejmachwaxae. Asew jiw, dep webaespi pejmatpuatanxot, depbej nakola.

¹³⁻¹⁴Asew judíos, nanuamt asapaklowaxan poxade. Japi pajut pijaxtat dep to'a nakolaliajwa jiw pejmatpuatanxot. Jasox ispi, japi Esceva paxi. Japi sietepi. Esceva, japon sacerdotespaklon. Japi Esceva paxi jumtaen Jesucristo pejwujajan. Samata, japi dep to'a wut, jum-aechi dep nakolaliajwa: “Dep, xamal to'ax nakolaliajwam Jesús pijaxtat, japonliajwa amwutjel Pablo naewuajnaful!” —aech Esceva paxi. ¹⁵Asamatkoi, Esceva paxi dep to'a wut, dep jumnochpi. Juntispi dep: “Xan matabijtax Jesús. Matabijtaxbej Pablo. Pe xamal, achewamkat?” —tispi dep.

¹⁶Do jawut, dep, aton pejmatpuatxot webaespon, japon aton dep pijaxtat wulta-diowpon Esceva paxi. Japon aton dep pijaxtat xabich bapon Esceva paxi. Japi xabich malechasbej. Baes wut, bu'jolsi. Xabich xakolbalasbejpi. Do jawut, japi bu'jumchadukp, nakola wuti baxot. ¹⁷Esceva paxi japox wejatis wut, puexa Éfeso paklowaxpijiw wultaena, judíos, judíos-elibej. Samata, puexa xabich jiw pejlewla. Jasoxtat puexa jiw sitaen Jesucristo pejwujajan.

¹⁸Xabich jiw, Jesucristo pejwujajan naexasiti Pabloxot papasful. Ja-aech wut, puexa majt babijaxan ispoxan tulaela jiw pejwujanael chapaeipi. ¹⁹Asewbej, majt pinjoe'iwpi, japi xalaen pejew, pel-uaf. Japapel-uaf pinjoe'ax matabijaliajwa. Japi pel-uaf bowapi puexa jiw pejwujanael. Japapel-uaf xabich ommaenk. Japapel-uafan pa-om, cincuenta mil platafachan, isaspi platafachankolaxtat. ²⁰Jasoxtat Dios pejjamechan pothata xajup. Samata, puexa jiw matabija Dios xabich mamnikpon.

²¹Do jawux, Pablo nejchaxoel: “Xan pejme taeyaxaelen Macedonia tuajnuapijiw, Acaya tuajnuapijiwbej. Do jawux, pejme fulaeyaxaechan Jerusalén paklowax poxade. Jerusalén paklowaxpijiw taenx wut, do jawux, chaflaeyaxaechan Roma paklowax poxade, jaxotde jiw taeliajwanbej” —aech Pablo, nejchaxoel wut. ²²Dolisdo', Pablo to'a kolenje pejnachalan, Timoteo, Erasto suapich, Macedonia tuajnu poxade. Pe Pablo namanfuk Asia tuajnuaxot kaematkoijan suapichliajwa.

Éfeso paklowaxpijiw palalapox Pabloliajwa

²³Japamatkoiyantat, Éfeso paklowaxpijiw xabich palala, jiw kaes naexasisful xot Jesucristo pejwujajan. ²⁴Ja-aech, jiw palala wut Demetrio pijaxtat. Demetrio platanaelsaptat kejus nejmach isliajwa. Platanaelsaptat isfulon xabich cha-aelbax. Japabax ispon, me-ama japi pejdios Artemisa pejtemploba, ta'la-aechbax. Demetrio japabax mowa wut, xabich plata kanapon, nabisti japon suapich. ²⁵Demetrio tameja nabisti, japon suapich, asewbej, japi nabisti asabichaxan, me-ama japabichax. Natameja wut, Demetrio jum-aech: “Xamal chiekal matabijam ampabichaxtat xatis xabich plata kans chiekal duilialiajwas. ²⁶Xamal taenam Pablo. Jumtaenambejpon. Japon xabich jiw naewuajjan wut, jum-aechfulon: ‘Ídolos, jiw pajut ispoxan, dioskola-el’ —aechon. Samata, xabich jiw naexasit Pablo naewuajanpoxan Jesúsliajwa. Koew ampapaklowaxpijiw, jachiel. Xabich puexa Asia tuajnuapijiwbej naexasit Pablo naewuajanpoxan. ²⁷Xatisliajwa japox chaemil. Jiw kaes nakwuajsaxil mowasi. Kaes sitaeyaxilbejpi wajdios, pawulpox Artemisa. Sitaeyaxilbejpi japox pejtemploba. Amwutjel puexa jiw, ampapaklowaxpijiw, Asia tuajnuapijiwbej, asew jiwbej asatuajnuachanel duili, kawuajnafulbejpi Artemisa. Jiw Pablo naewuajanpox naexasit wut, ja-aech wut, japi kaes kawuajnaful Artemisa” —aech Demetrio, jiw tameja wut.

²⁸ Demetrio pejnachala japox jumtaen wut, xabich palalapi Pablolajwa. Samata, nejlasful wut, jum-aechfuli: “¡Artemisa, Éfeso paklowaxpijwas japox wajdios, pamamakolax!” —aechfuli.

²⁹ Japox jumtaen wut, Éfeso paklowaxpijiw xabich palalapi Pablolajwa. Samata, jawut, jaeltas Gayo, Aristarco suapich. Japi Macedonia tuajnupijiw, Pablo fulchalapi. Jaelas wut, buflaech pinaba poxade, paklowaxpijiw natamejaba poxade. ³⁰ Pablo fulaesia jiw natamejaba poxade, naksiyalajwapon jiw pejwujnalel. Pe pejnachala tapae-esal Pablo fulaeliajwa naksiyalajwa. ³¹ Do jawut, Asia tuajnupijiw paklochow, Pablo matabijtaspi, japibej buxxato'a Pablo fulaesamata jiw palalapi poxade. ³² Jiw natamejaxot kaenejchaxoelaxa-el xoti, asew nejlasful wut, jum-aechful kaeyax. Asewbej nejlasful wut, asaxan jum-aechful. Japixot jiw nakaewa najum-aech: “¿Ma-aech xotkat xatis natamejlas?” —na-aechi nakaewa. ³³ Do jawut, pawulpon Alejandro fijabas jiw pejwujnalel nukaliajwapon. Asew japixot Alejandro chapaeis, ma-aech xot jiw natameja. Do jawut, Alejandro muaxxachok'cha puexa jiw boejlachaliajwa. Alejandro jumnosasia natamejapi, japi kaes palala-elaliajwa judiosliajwa. ³⁴ Japi Éfeso paklowaxpijiw matabija wut Alejandro judios-atonpox, xabich piach nejlasful, me-ama kolehora. Nejlasful wut, jum-aechfuli: “¡Artemisa, Éfeso paklowaxpijwas japox wajdios, pamamakolax!” —aechfuli.

³⁵ Do jawux, japapaklowax tataefulpon buxfiat puexa jiw boejlachliajwa. Jawut, boejlach wut, jum-aechon: “Éfeso paklowaxpijwam, pothatapijiw matabija xatis nakwe-waeltox tataeflaliajwas wajdios Artemisa pejtemploba. Japox pamamakolax. Japox pej-ael, me-ama ia't, athulelsik jopikpox. Japoxbej xatis tataeflas. ³⁶ Kaen aton jumchiyaxil japoxliajwa: ‘Diachwujnakolaxa-el’ —chiyaxil. Samata, ¡kaes nabej nalale! ¡Ulboejthulde! ¡Nabej is asax, majt chiekal nejchaxoela-emil wutfuk! ³⁷ Ampi kolenje, buflaemanpi, babijax is-el Artemisa pejtemplobaxot. Babejjamechan jumchi-elbejpi wajdiosliajwa. ³⁸ Demetrio, japonliajwa nabistibej, asan aton tasalasia wuti, japi buflaeyaxael paklochow poxade, jaxotde tasalaliajwapi japon aton paklochow nabistxot. Ja-aech wut, kaenanula tasalaspil naksiyaxael pajut jumnosliajwa. ³⁹ Xamal asaxan jumchisiam wut paklochow natamejaxot, jaxot japoxan jumchiyaxaelam. ⁴⁰ Wajpaklochow bej naktasalaxaelbej, xatis natamejlas xot babijaxtat. Naktasala wut, xatis jumchiyaxisal japoxliajwa” —aech paklowax tataefulpon. ⁴¹ Japox buxtoet wut, to'apon jiw pejbachan poxade naweliajwa. Do jawut, puexa ow-aechlisi.

20

Pablo fulaechpox Macedonia tuajnu poxade, Grecia tuajnu poxadebej

¹ Éfeso paklowaxpijiw ulboejthul wut, Pablo tameja naexasiti Jesús pejwujajan, japi jiw kaes naewujnalajwapon, japi kaes chiekal Dios xanaboejalajwabej. Do jawut, Pablo buxtoet wut, kejacha wut, fulaechon Macedonia tuajnu poxade. ² Macedonia tuajnu pa'a wut, taenon naexasiti Jesucristo pejwujajan, duil wuti, kaenanula pejmutan suapich. Dios pejjamechan naewujnafulon kaes japi jiw chiekal Dios xanaboejalajwapi. Do jawux, Macedonia tuajnu xot nakolt wut, fulaechon Grecia tuajnu poxade. ³ Pat wuton Grecia tuajnu xot, tres juimteliajwa namanon. Do jawux, Pablo barkam nakfulaeliajwa wut Siria tuajnu poxaliajwade, Pablo wultaen judios wujnawesaxaes pox boesaliajwas. Pablo japox jumtaen wut, nejchaxoelon putlel pejme kaxa nawiasliajwa Macedonia tuajnu poxade. ⁴ Pablo fulchalaspi, kaen japixot pawul Sópater. Japon Berea paklowaxpijin, Pirro paxulan. Asan pawul Aristarco. Asan pawul Segundo. Japi kolenje, Tesalónica paklowaxpijiw. Asan pawul Gayo, Derbe paklowaxpijin. Asan pawul Timoteo. Asan pawul Tíquico. Asan pawul Trófimo. Tíquico, Trófimo suapich, japi Asia tuajnu pijiw. ⁵ Japi puexa wujnadelisi barkamtat, xan Lucas, Pablo suapich, nawujnawesliajwapi Troas paklowaxxot. ⁶ Pan puthla-eli xaefiestawux, xanal Filipos paklowaxxot barkamtat chijian. Cinco matkoian wut, Troas paklowaxxot xanal chapatx. Wujnadepilis

japapaklowaxxot, xanal nawuajjaweti. Japapaklowaxxot xanal namax siete matkoiyanliajwa.

Pablo mathunpox Troas paklowaxxot

⁷ Napatamatkoi wut, xanal natamejlax, naexasiti Jesucristo pejwujajan suapich, pan xaeliajwan. Me-ama Jesús, pejnachala suapich, chajia is, xanal japox isx. Pablo japamadoitat jiw xabich naewuajan, kandiawa fulaeyaxael xoton asapaklowax poxade. Samata, Pablo naewuajan hasta pinmadoitat. ⁸ Pablo naewuajan athu pejpiezaxxotse, xanal natamejaxxot. Jaxotse xabich lámpara tamdadusnuil. ⁹ Jaxotsebej pansian. Japon pawul Eutico. Japon ek ventanatat. Pablo xabich piach naewuajan xot, pansian moejbalalison. Do jawut, moejcha wut, jopdikon ventanaxotsik. Tres piezaxxotsik jop wut, japon chiekal xamatkaeya. Xanal baloekx wut japon taeliajwan, diachwujnakolax japon chiekal tuj. ¹⁰ Do jawut, Pablo baloek pansian taeliajwa. Jaxot pa'ak wut, Pablo brixtat nuk patupan pejwujajnael. Pablo patupan wutakukt wut, jum-aechon Jesucristo pejwujajan naexasitiliajwa:

—¡Xamal nabej nejlewlé! ¡Ampon mat-echlison pejme laejaliajwa! —aech Pablo.

¹¹ Do jawut, Pablo julach kaxase, a sew suapich. Do jawut, Pablo pan jalnat wut, puexa jiw xael, japon suapich. Do jawut, nakiowa naewuajanfukon. Nalian wut, Pablo buxkoft. Do jawux, fulaechon. ¹² Pansian xamatkaeyapon, mat-ech wut, buflaechipon pejbachade. Ja-aech wut, puexa japi jiw xabich nejchachaemil.

Pablo nakoltpox Troas paklowaxxot chaflaeliajwa Mileto paklowax poxade

¹³ Xanal wujajna fulaechx, Pablo nato'a xot chaflaeliajwanbej barkamtat Aso paklowax poxade, japapaklowaxxotde Pablo faenaliajwan. Jaxox xanal Pablo nato'a, nejchaxoel xoton putlel fulaeyax. ¹⁴ Xanal faenx wut, Pablo Aso paklowaxxot, do jawut, xanal, Pablo suapich, chafolx barkamtat Mitilene paklowax poxaliajwan. ¹⁵ Do jawux, kandiawa wut, Mitilene paklowaxxot barkamtat chaflaechx wut, paxentax Quío paklowaxtabijla. Do kandiawa wut, chapatx tanaetpaklowax, pawulpox Samos. Do pejme asakandiawa wut, Mileto paklowax chapatx. ¹⁶ Xanal fulae-enil Éfeso paklowax poxade, Pablo thilt xot makachlasamatan Asia tuajnujxot. Pablo nejchaxoel kamta pasliajwa Jerusalén paklowaxxot Pentecostésfiesta wujajna.

Pablo wullalapox ancianos, Éfeso paklowaxpijiw

¹⁷ Pablo Mileto paklowaxxot wutfuk, wullalapon ancianos, Éfeso paklowaxpijiw. Japi paklochow Jesucristo pejwujajan naexasiti. ¹⁸ Dolisdo', ancianos pat wut, Pablo jum-aech: “Xamal chiekal namatabijam xan, akasestat patx wut ampatuajnujxot, Asia tuajnujxot. Ampatuajnujxotx wut, xamal matabijam, ma-an xan, dukx wut xamalxot. ¹⁹ Pomatkoicha Diosliajwa nabistax, xamalxotx wut. Nejchaxoelx wut, kaematkoi nejchaxoela-enil: ‘Xan pejme kaes pachaeman. Me-ama a sew jiw, jachi-enil’ —chi-enil, nejchaxoelx wut. Asamatkoi xan xabich nowx, jiw naexasis-el wut Dios. Xamal matabijam xan nabijataxprohan, judíos naboesasia wut. ²⁰ Ja-an wut, xan nakiowa buxkofs-enil naewuajnaproxan, xamal matabijaliajwam japoxan. Xamal naewuajnafulax, kaeyaxtat natamejlam wut. Kaenanula nejbachaxot naewuajnaproxan. ²¹ Judíos, judíos-elibej, jum-an naewuajnaprox wut: ‘¡Kofim babijaxan isfulampoxan! ¡Naexasisfulde Dios! ¡Xanaboejimbej wajpaklon Jesucristo!’ —ansfulax, naewuajnafulax wut. ²² Amwut Jerusalén paklowax poxaxaechan, Espíritu Santo nato'a xot. Xan matabijs-enil, achax jachiyaxael jaxotde xanliajwa. ²³ Xan ampoxxal matabijtax Espíritu Santo pijaxtat tajutliajwa. Nejmachpaklowaxanxot patx wut, xan bej najeyaxaelbejpi jiw jebaxot. Xabich bej nabijasaxaelenbej. Nejmachpaklowaxanxotx jiw naewuajnaprox wut, Espíritu Santo japox chajia najum-aech xan matabijsliajwan. ²⁴ Xan tajlewlá-el japoxanliajwa. Nejchaxoela-enilbej tujpaxaelenpox. Pelax xan xabich nejchaxoelx Dios pejbichax toesliajwan. Tajpaklon Jesús nato'a naewuajnalialjwan chimiawujajan, Dios puexa jiw nejxasinkpoxliajwa” —aech Pablo ancianosliajwa.

²⁵ Pablo pejme jum-aech ancianos, Éfeso paklowaxpijwliajwa: “Xamalxot chajia naewuajnaex Dios puexa pejiw tato'laxaelpox. Amwutjel xan chiekal matabijtax. Chinax kaen xamalxot pejme kaes xan nataeyaxil ampathatat. ²⁶ Samata, xamal ampox jumchiyaxaelen. Xamalxot asew jiw naexaxis-el wut Dios, japi napelt wut, xan tajnaewuajnaextat japi napelsaxil. ²⁷ Xamal puexa naewuajnaex Dios pejjamechan chiekal matabijaliajwam. Chinax kaejame namana-el jumchi-eniljame. ²⁸ ¡Xamal duilafulde babijaxan is-elaxtat! Jesús mot pejjaltat jiw pejbabijaxan ispoxanliajwa. Samata, ¡japi jiw chiekal tataefulde, Espíritu Santo japabichax xamal chaxdut xot! Me-ama ovejas tataeflan chiekal tataeflaful pejew ovejas, ¡xamalbej ja-amde naexasitiliajwa Jesucristo pejuwajan! ²⁹ Xan matabijtax ampox. Xan chijian wut, asew jiw pasaxael xamalxot japi pijaxtat xamal kofaliajwam Jesucristo pejuwajan naexasitampox. Me-ama lobos pat toesliajwa ovejas, jachiyaxael japi jiw, xamalxot pat wuti. ³⁰ Asew jiw xamalxotbej asaxan naewuajnaexael naekichachajbالياjwa xamal, Jesucristo pejuwajan naexasitampim. Ja-aech wut, naekichachajbapijiw asew jiw xamalxot buflaeyaxaes, japi suapich, naknatamejalijwa asabachantat. ³¹ Samata, ¡najut chiekal xamal natataefulde! ¡Nejchaxoelde tres waechanliso xamal kaenanula naewuajnaexpox matkoi, madoibej! Asamatkoi nowxbej xamalliajwa, naewuajnaex wut” —aech Pablo ancianos, Éfeso paklowaxpijwliajwa.

³² Pablo pejme jum-aech ancianos, Éfeso paklowaxpijwliajwa: “Takoew, xamal tamach waelaxaelen. Pe Dios xamal tataeflaxael. ¡Dios naexaxisfulde! Dios naknaewuajan pejjamechan xatis matabijaliajwas Dios naknejxasinkpox. Dios mamnik. Japon xajup kajachawaesliajwa xamal kaes Dios chiekal xanaboejalijwam. Dios xajupbej chaxduiliajwa chajia puexa jumdutpoxan, makanochpi japon pejiwaliajwa. ³³ Xan dukx wut xamalxot, taenx wutbej asew pejew plata, naxoebej, japoxanliajwa xan chinax nejchaxoela-enil tejewliajwa. ³⁴ Xamal chiekal matabijam. Xan kejinil wut, tajut nabistax faenaliajwan nawewe'ppoxanliajwa, tajnachala wewe'pasoxanliajwabej. ³⁵ Japox ja-an xamal matabijaliajwam. ¡Xamallap-is jachiyaxaelam, nabistam wut asew jiw wewe'paspi kajachawaesliajwam! ¡Nejchafaekde wajpaklon Jesús jum-aechpox! Jum-aechon: 'Asew nakchaxduw wut, xanejchachaemlas. Pe kaes pejme xabich nejchachaemlas, xatis asew jiw chaxduws wut' —aech Jesús” —aech Pablo ancianosliajwa.

³⁶ Do jawux, Pablo buxtoet wut, puexa ancianos suapich, brixtat nuilisi Dios kawuajnalijwa. ³⁷⁻³⁸ Do jawut, puexa nowpi. Kaenanula japi wudeti Pablo. Xusuibalabejpi, xabich nejxaejwas xot, Pablo jum-aech xot: “Chinax kaen xamalxot pejme xan nataeyaxil ampathatat” —aech xot Pablo. Do jawut, japi fulchala Pablo barkamxotdik.

21

Pablo chaflaechpox pasliajwa Jerusalén paklowax

¹ Do jaxot xanal waelax wut ancianos, barkam julx. Matnoch chaflaechx Cos paklowax poxade. Do kandiawa wut, Rodas paklowax poxandax. Rodas paklowaxxot chalixnax wut, Pátara paklowax poxande. ² Pátara paklowaxxot chatatx wut, jaxot asabarkam duk. Japabarkam fulaeyaxaech Fenicia tuajnu poxade. Xanal japabarkam julx. Do jawut, chafolx. ³ Chafolx wut, chaxentax Chipre tanaet surlel. Do jawux, chaflaechx Siria tuajnu poxade. Siria tuajnuel, Tiro paklowaxxot, chatatx. Japabarkam xabich xafol xot japapaklowaxpijwliajwa, jaxot tunoti japabarkam. ⁴ Tiro paklowaxxot faekx naexasiti Jesucristo pejuwajan. Japixotan namaxfuk siete matkoiyan. Japi Espíritu Santo pijaxtat chajia matabija Pablo nabijasaxaelpox. Samata, japi fiat Pablo fulaesamata Jerusalén paklowax poxade. ⁵ Siete matkoiyan toep wut, japixot xanal chijian. Puexa jiw, pejwatho'jiw suapich, paxi suapichbej, xanal nafulchalapi paklowax tathoetade. Jaxot xanal brixtat nuilx thaejtat Dios kawuajnalijwan. ⁶ Do jawut, xanal kejachax, chijiyaliajwan wut. Do jawutbej, xanal barkam julx wut, japi nawia pejbachan poxade.

⁷ Tiro paklowaxxot xanal chaliknax wut, do jawux, chapatx Tolemaida paklowax. Do jaxotde, chapa'ax wut, kaes chaflae-enil minlel. Tolemaida paklowaxxot naexasiti Jesucristo pejwuaajan saludax. Japixot namax kaematkoiliajwa. ⁸ Do kandiawa wut, xanal chijian Tolemaida paklowaxxot. Do jawut, Cesarea paklowax patx wut, Felipe pejba poxandax. Japon Felipe chimiawuaajan, Jesucristo pejwuaajan, jiw naewuajnaful. Japon chajia makafich, asew seis poejiw suaapich, kajachawaesfulaliajwapon apóstoles. Xanal namax japon pejbatat. ⁹ Japon cuatro paxulow. Japi tamach laelp. Japi watho' profetas. Samata, japi watho' naewuajan Dios buxto'aspoxan jiwliajwa. ¹⁰ Felipexot kaematkoijan suaapich namax wut, jawut Felipe pejbaxot kaen profeta pat. Japon Judea tuajnupijin, pawlon Agabo. ¹¹ Agabo pat wut, xanal tajwuaajnael Pablo pejcinturonmuat jolchapon. Japacinturonmuatat pajut tuakwasike'lapon. Muxwasike'labejpon. Do jawut, jum-aechon xanalliajwa:

—Espíritu Santo najum-aech Paboliajwa: ‘Jerusalén paklowaxxot pat wut, judíos makachiyaxaeson ampacinturonmuatpijin. Do jawux, wiasaxaeson asatuajnupijiwxot, judíos-elixot’ —aech Espíritu Santo —aech Agabo, jum-aech wut Paboliajwa.

¹² Xanal japox jumtaenx wut, Cesarea paklowaxpijiw suaapich, xabich fiatx Pablo fulae-samata Jerusalén paklowax poxade. ¹³ Pablo najumnot wut, jum-aechon xanalliajwa:

—Xamal nowam wut, xanbej nanejxaejow. Dios nejxasink wut, pachaem xan namatakuiliajwa, naboesaliajwabej Jerusalén paklowaxxot, wajpaklon Jesús pijaxtat —aech Pablo.

¹⁴ Xanal Pablo fiatx wut, na-owchi-elon Jerusalén paklowax poxade fulae-elaliajwa. Samata, jawut xanal tapaeixpon fulaeliajwa. Do jawut, xanal jum-an:

—Dios nejxasink wut, japox jachiyaxaeson —an xanal.

¹⁵ Jawut tejew chaemtax xalaeliajwan. Do jawut, xanal fulaechx Jerusalén paklowax poxade. ¹⁶ Asew Cesarea paklowaxpijiw, naexasiti Jesucristo pejwuaajan, xanal nafulchala Mnasón pejba poxade. Mnasón Chipre tanaetpjin. Japon kaes chajia wuaajna naexasiti Jesucristo pejwuaajan. Japon pejbaxot xanal namax kaematkoijanliajwa.

Pablo taenpox Santiago Jerusalén paklowaxxot

¹⁷ Xanal Jerusalén paklowaxxot patx wut, naexasiti Jesucristo pejwuaajan chiekal nabu'kula. Xabich nejchachaemili, xanal nataen wut. ¹⁸ Kandiawa wut, Pablo xanal nakfol taeliajwapon Santiago. Jaxotbej wuaajna puexa ancianos natameja. ¹⁹ Xanal patx wut Santiagoxot, Pablo puexa kejacha. Do jawut, chiekal chapaeipon puexa ispoxan, Dios kajachawaesfulas wut, judíos-elixot wut. ²⁰ Japox jumtaen wut, Santiago, ancianos suaapich, chimiajamechan jum-aechi Diosliajwa. Do jawut, jum-aechi Paboliajwa:

—Takoewan Pablo, xam chiekal matabijtam ampox. Xabich pin-iat judíos naexasiti Jesucristo pejwuaajan. Pe japi nakiowa nejchaxoelaful: ‘Xatis naexasich wut Jesucristo pejwuaajan, naexasisfulaxaesbej Moisés chajia lelpox, Dios pejtato'laxxot’ —aechi, nejchaxoel wut. ²¹ Asew judíos jum-aech xam naewuajnampoxliajwa: ‘Pablo naewuajan wut asatuajnupijiw, judíos, jum-aechon: “¡Moisés chajia lelpox xamal nabej naexasis! Xamal wewe'pa-el naxi circuncidaliajwam Dios pejmarkaxliajwa. Wajkabuanpox, wajwuaajnapijiw isfulpox, ¡xatis japox kofaxaes!” —aech Pablo, naewuajan wut asatuajnupijiw, judíos’ —aech asew judíos xamliajwa —aech Santiago, ancianos suaapich, Pablo jumtaeliajwa.

²² Santiago pejme jum-aech Paboliajwa:

—Judíos wultaen wut xam patampox amxot, japi natamejaxael nakaewa najumchiliajwa. ¿Machiyaxaeskot xatis japi judíos chiekal matabijaliajwa asew judíos jum-aechpox kichachajbapox xamliajwa? ²³ Ampox isaxaes puexa jiw matabijaliajwa xam naexasisfulampox Moisés chajia lelpox. Ma amxot cuatro poejiw, xatisxot. Japilis toet chajia jumduwpoxan, Diosliajwa isaxaelpoxan. ²⁴ ¡Japi, cuatro poejiw, buflaem Dios pejtemploba poxade! ¡Dios pejtemplobaxot isde, japi suaapich, isaxaelpoxan, japi pachaemaliajwa Diosliajwa! Japi kaenanula ofrenda chaxduiyaxael Diosliajwa. Xam

kaenam wemosaxaelam japi poejiwliajwa. Do jawut, japi matnaelaxaxosaxael, asew jiw taens wut nejchaxoelaliajwas japiliajwa: 'Toet xotlisi ispox, pajut namatnaelaxaxoti' —chiliajwa asew jiw. Judíos taen wut xam kajachawaetampox cuatro poejiw, puexa judíos pajut matabijaxael, xambej naexasisfulam Moisés chajia lelpox. Jasoxtat japi pajut matabijaxael asew jum-aechpox xamliajwa, diachwujnakolaxa-elpox. ²⁵ Judíos-eli, naexasiti Jesucristo pejuwajan, japiliajwalax, xatis chajia lels, xatis kaeyax nejchaxoes xot. Japi xaeyaxil choefwi, xua'atasi ídolos-ofrendaliajwa. Choefjal feyaxilbejpi. Xaeyaxilbejpi pawí, choef, kachariamakuspoxtat tupi. Poejiw bu'moejsaxilbej, asew watho' —aech Santiago Pabloliajwa.

Pablo jaeltaspox Dios pejtemplobaxot

²⁶ Dolisdo', kandiawa wut, Pablo japi, cuatro poejiw, bu'fol Dios pejtemploba poxade. Pajut ispon, japi suapich, isaxaelpoxan, japibej pachaemaliajwa Diosliajwa. Do jawut, Pablo low Dios pejtemploba jumchiliajwapon sacerdotes, maswut japi toesaxael Diosliajwa isliajwapox, jumduwpoxan. Japamatkoitat japi kaenanula Dios chaxduiyaxael ofrenda.

²⁷ Japoxan toesliajwa we'p wut siete matkoiyan, asew judíos, japi Asia tuajnujpijw, taen Pablo, Dios pejtemplobatat wut. Do jawut, japi jum-aech babejjamechan Pabloliajwa, puexa judíos ulataeliajwapi Pablo. ²⁸ Samata, jawut, japi nejlasful wut, jum-aechfuli: "Takoew, xanal nakajachawae'e ampon aton jaelsliajwan! Ampon aton naewuajnaful puexa paklowaxanpijw, japi naexasis-elaliajwa Moisés chajia lelpox. Jum-aechbejpon: 'Dios pejtemploba pachaema-el' —aechon. Isbejpon naktapae-elox ampatemplobatat, bu'low xoton griegos" —aech judíos Pabloliajwa.

²⁹ Nejlasful wut, japox jum-aechfuli, chajia taen xoti Pablo, Tróximo suapich, Éfeso paklowaxpijin, bu'mathun wuton Jerusalén paklowax. Judíos, Asia tuajnujpijw, nejchaxoel: "Pablo buflaen judíos-aton-elon, Dios pejtemplobalel" —aechi, nejchaxoel wut. Pe japi nejchaxoelpox diachwujnakolaxa-el.

³⁰ Samata, Jerusalén paklowaxpijw palalapi Pabloliajwa, Asia tuajnujpijw japox jum-aech wut. Puexa jiw dadukpana Pablot pasliajwa. Japi jaelt Pablo. Jaelt wut, Pablo jolkas Dios pejtemploba tathoetade. Jawut Dios pejtemplobafafachan faka'bapi.

³¹ We'p wut cha-aekolaxach Pablo boesaliajwas judíos, jawut, Roma tuajnujpijin, soldawpaklon, jumtaen wuajan, Jerusalén paklowaxpijw xabich palalapox. ³² Do jawut, soldawpaklon tameja soldaw, paklochowbej. Jawux, natameja wut, japi dukpdepi xabich jiw natameja poxade. Judíos taen wuti soldawpaklon, soldaw suapich, kekofbapi Pablo beyax. ³³ Soldawpaklon moxde Pablo poxade jaelsliajwapon Pablo. Jasoxtat Pablo jaeltas buflaeliajwas. Soldawpaklon to'a soldaw japi muaxwasixawaesliajwapi Pablo kolecadenamuatje. Do jawut, soldawpaklon wuajnachaemt wut, jum-aechon judíosliajwa: "¿Achankat ampon aton? ¿Achababijaxkaton is?" —aech soldawpaklon.

³⁴ Asew japixot nejlasful wut, jum-aechful kaeyax. Asew nejlasful wut, asaxan jum-aechfulbej. Samata, soldawpaklon chiekal matabijs-el, xabich nejlat xoti. Samata, to'apon Pablo buflaeliajwas, soldaw duil poxade. ³⁵ Pablo bu'fos soldaw pejba poxade. Pat wuti julaliajwaxot japaba poxase, Pablo soldaw taxnoch julaliajwaxot. Jasox is soldaw, judíos xabich palala xot Pabloliajwa. ³⁶ Xabich judíos wachakal folpi. Nejlasful wut, jum-aechfuli: "¡Boesam japon aton!" —aechfuli.

Pablo jumnotpox judíos pejuwajnalel

³⁷ Pablo bu'leliajwas wut soldaw pejbaxot, jawut Pablo kawuajan wut soldawpaklon, jum-aechon griegojamatat:

—Xam suapich, nospaesian kaejjamechan —aechon.

Soldawpaklon wuajnachaemt wut, jum-aechon:

—¿Xamkat naksiyam griegojame? ³⁸ Xam naksiyam wut griegojame, xam diachwujnakolax Egipto tuajnujpijna-emil. Japon Egipto tuajnujpijin, pejiw suapich, chajia

bunbapon, Roma gobierno pejsoldaw suapich. Do jawux, najaeton, pejiw suapich, pajilax poxade. Japi, me-ama cuatro mil poejiw —aech soldawpaklon Pablolialjwa.

³⁹ Pablo jumnot wut, jum-aechon:

—Xan japona-enil. Xan judíos-atonan, Tarso paklowaxpijnan. Tarso paklowax kaes pejme pinjiyax. Me-ama, asapaklowaxan Cilicia tuajnuot, jachi-el. ¡Xan natapaem naksiyalijwan ampi judíoslijwa! —aech Pablo.

⁴⁰ Do jawut, soldawpaklon tapaei Pablo naksiyalijwa. Samata, Pablo nuk bu'julachaxot. Do jawut, Pablo muaxxachok'cha puexa jiw boejlachalijwa. Judíos boejlach wut, Pablo naksiya hebreojametat.

22

¹ Ampoxlap Pablo jum-aech judíoslijwa Jerusalén paklowaxxot: “Takoew, xamal pakdiachowambej, ¡xan chiekal nanaewe'e jumchiyaxaelenpox xamal chiekal matabijalijwam xan babijaxan is-enilpox!” —aech Pablo judíoslijwa. ² Pablo hebreojametat naksiya wut, japi judíos xabich boejlach nuil. Do jawut, Pablo pejme jum-aech wut, jum-aechon:

³ “Xan judíos-atonan. Nalaeltax Tarso paklowaxxot, Cilicia tuajnuot. Amxot Jerusalén paklowaxxot ti'tax. Xan estudiax wut, Gamaliel na-itpaei. Chiekal nachanaek-abuanapon Moisés chajia lelpox, wajwujnapijiw naexasitox. Pomatkoicha nejchaxoelx: ‘Puexa tajpamamaxtat isaxaelen Dios tato'alpoxan puexa jiw islijwa japoxan’ —an, nejchaxoelx wut. Me-ama xamal amwutjel nejchaxoelam, xan majt japox nejchaxoelx chiekal naexasislijwan Dios. ⁴ Majt xan xabich chakinanuamtax naexasiti Jesucristo pejuwajan. Jaelax wut, jiax jiw jebatat poejiw, watho'bej. Do jawux, baespi. ⁵ Sacerdotespaklokolan, judíos-ancianosbej, japoxan chiekal taen, xan isx wut. Japi nawelel carta xan xalaelijwan wajkoew judíos, Damasco paklowaxxot duilixot chaxduslijwan japox carta. Do ja-aech wut, xan Damasco paklowax poxadax naexasiti Jesucristo pejuwajan wulwekalijwan, faekx wut buflaelijwan Jerusalén paklowax poxadin, amxot kastikalijwas” —aech Pablo.

Pablo chapaeipox judíosxot, ma-aechon naexasislijwa Jesús

⁶ Pablo pejme jum-aech: “Xanal nuamtat folx wut, matnoch juimt ek wut, Damasco paklowaxxot moxan wut, chalechkal masoxtat xabich itliakjala athusik, xan folxxotsik. ⁷ Jawut jwulax satadik. Do jawutbej, jumtaenx athusik najum-aechsikpox. Japajame najum-aech: ‘Saulo, Saulo, ¿ma-aech xotkat xam nachakifolam?’ —na-aechox athusik. ⁸ Xan wujnachaemtax wut, jum-an: ‘Tajpaklon, ¿achanamkat xam?’ —an xan. Athusik najumnot wut, najum-aechpox: ‘Xan Jesúsnan, Nazaretpijnan. Xam nachakifolampontan’ —na-aechon athusik. ⁹ Xan nakfolpi, japibej taen itliakax. Pe japi jummatabijael athusik najum-aechpon. ¹⁰ Xan pejme wujnachaemtax wut, jum-an: ‘Tajpaklon, ¿achaxkat xan isaxaelen?’ —an xan. Tajpaklon Jesús najum-aech: ‘¡Nande! ¡Fulaemch Damasco paklowax poxade! Jaxotde asan aton xam jumchiyaxael isaxaelampox’ —na-aech Jesús. ¹¹ Japox itliakax taenx wut, xan itliaklan nadofax. Kaes tae-enil. Samata, xan nakfolpi namakxafol Damasco paklowax poxade” —aech Pablo.

¹² Pablo pejme jum-aech: “Damasco paklowaxxot aton duk. Japon pawul Ananías. Japon nejxasink Dios. Chiekal naexasitbejpon Moisés chajia lelpox. Puexa judíos, Damasco paklowaxxot duili, naksiya chimijamechan japonlijwa. ¹³ Do jawux, Ananías fulaen xan dukx poxadin. Pat wuton xanxot, jum-aechon: ‘Takoewan Saulo, ¡pejme taem!’ —aech Ananías. Do jawut, xan pejme chiekal taenx. ¹⁴ Do jawut, Ananías pejme najum-aech: ‘Wajwujnapijiw pejDios, japon xam makafit matabijslijwam islijwam japon nejxasinkpoxan. Dios xam makafitbej taelijwam Jesús, chinax babijax is-elon. Dios xam makafitbej Jesús pejuwajan jumtaelijwam. ¹⁵ Xam xabich nanuamsaxaelam potujnucha Jesucristo pejuwajan jiw naewujnalijwam. Jiw chapaejaxaelam taenampon, jumtaenamponbej. ¹⁶ ¡Kaes nabej wujnawes! ¡Nande! ¡Bautisam! Bautisam

wut, jwajpaklon Jesús wuljoem xam beltaelajwa, puexa babijaxan isampoxanliajwa! —na-aech Ananías” —aech Pablo judíosliajwa.

Pablo chapaeipox judíos, japon Dios to'aspox judíos-eli naewuajnalajwa

¹⁷⁻¹⁸ Pablo pejme jum-aech: “Do jawux, Damasco paklowaxxot nawia'nax wut, amxot Jerusalén paklowaxxotx wut, Dios pejtemploba poxadax Dios kawuajnalajwan. Chalechkal masoxtat taenx paklokolan Jesús. Jawut Jesús najum-aech: ‘jAmpapaklowaxxot xam kamta chijiamde! Ampi jiw xam naexaxisaxil xanliajwa naewuajnam-poxan’ —na-aech Jesús. ¹⁹ Xan jawut, Jesús jumnotx wut, jum-an: ‘Tajpaklon, japi judíos matabija, xan asex jaelax judíos naewuaj nabachaxot, japi naexasiti nejwuajan. Do jawux, japi jiw jiax jiw jebatat japi kastikalajwas. ²⁰ Japi judíos chiekal matabijabej xan kaenejchaxoelxrox, japi suapich, japi matkaejaba wut Esteban ia'tat, Esteban naewuajan wut jiw nejwuajan. Esteban matkaejabas wut, japi judíos pejsunta-owa xan wetataeflax, japoxan’ —an xan Jesúsliajwa, masoxtat taenx wut. ²¹ Do pejme Jesús najum-aech: ‘jXabua'de! jAtuaj fulaemch asatuajnapijiwlelde! Xam to'axaelen judíos-elpi poxade’ —na-aech Jesús” —aech Pablo judíosliajwa.

Soldawpaklon kastikasiapox Pablo

²² Do jawut, judíos naeweti xabich palalapi, jumtaen wuti Pablo jum-aechpox judíos-elilajwa. Kaes naewes-elisi Pablo jum-aechpox. Japi nejlasax tuadut wut, jum-aechi: “jAmpon aton kaes laejax nabej tapaetis ampathatat! Samata, jnej boesaspon!” —aech judíos. ²³ Judíos xabich palala xot, nejlasful. Do jawutbej, jolpi thuch naxoeldikpoxan. Japoxan xawisful wut, athulel as thojabapi. ²⁴ Ja-aech wut, soldawpaklon to'a pejsoldaw Pablo buflaelajwas soldaw pejbatu poxade. Pablo, bu'low wut, soldawpaklon keto'a pejsoldaw Pablo selsliajwas, pajut chiekal chapaelajwapon, ma-aech xot judíos palala Pabloliajwa. ²⁵ Pablo muxwasikus wut selsliajwas, jawut jum-aechon soldawcapitánliajwa:

—Xan Roma tuajnapijnan. Xamal tapae-eli masoxtat asbuan jumch selsliajwam aton, majt matabija-emil wut, japon aton pejbu'wuajanpoxliajwa —aech Pablo.

²⁶ Soldawcapitán jumtaen wut Pablo jum-aechpox, jawut fulaechon chapaelajwa soldawpaklon. Jaxot pa'a wut, jum-aechon:

—Japon aton, Roma tuajnapijin. jMachiyaxaelamkat japon atonliajwa? —aech capitán.

²⁷ Soldawpaklon mox soepan wut Pabloxot, wuajnachaemt wut, jum-aechon:

—jDiachwuajnakolaxkat xam chiekal Roma tuajnapijnam? —aech soldawpaklon.

Pablo jumnot wut, jum-aechon:

—Jn, diachwuajnakolax xan chiekal Roma tuajnapijnan —aech Pablo.

²⁸ Soldawpaklon japox jumtaen wut, jum-aechon:

—Xan diachwuajnakolax chiekal Roma tuajnapijna-enil. Me-ama asex nalaelapi Roma tuajnuxot, xan jachi-enil. Pelax xan xabich plata motx, me-ama chiekal Roma tuajnapijnan wut, jachiliajwan —aech soldawpaklon.

Do jawut, Pablo jumnot wut, jum-aechon:

—Xan diachwuajnakolax chiekal Roma tuajnapijnan, taj-ax Roma tuajnapijin xot —aech Pablo.

²⁹ Do jawut, japi soldaw, selsasiapi Pablo, jumtaen wuti japox, sels-elisi. Asbuan jumch kofapi. Soldawpaklon matabijt wut Pablo Roma tuajnapijinpon, japonbej pejlewla Pabloliajwa, keto'a xoton pejsoldaw muxwasixawaesliajwas Pablo cadenamuatat.

Pablo chapaeipox judíospaklochow pejwuajnalel Jesús pejwuajan naexasitpoxliajwa

³⁰ Kandiawa wut, soldawpaklon chiekal matabijsasia, ma-aech xot judíos tasalapi Pablo. Samata, soldawpaklon to'a natamejalajwa sacerdotepaklochow, puexa judíospaklochowbej. Do jawut, Pablo juch wut, cadenamua muxwasijolson. Nochpon puexa jiw pejwuajnalel natamejaxot.

23

¹ Puexa judíos paklochow natameja wut, japox pawul Junta Suprema. Pablo japi pejuajnalel nuk wut, chiekal natachaemton japi. Jawut jum-aechon:

—Takoew, Dios matabijt xan chiekal dukxpox Diosliajwa pomatkoicha —aech Pablo.

² Jawut Ananías, sacerdotepaklokolan, keto'a mox nuili Pabloxot, Pablo xuselchaliajwas. ³ Pablo japox jumtaen wut, jum-aechon Ananíasliajwa:

—¡Xam, naekichachajbapijnam, isam Dios nejweslapox! ¡Asamatkoi Dios xam kastikaxael! Xam amxot ekam xan najumchiliajwam tajbu'wujajnpox Moisés chajia lelpoxliajwa. Pelax xam najut naexasis-emil Moisés chajia lelpox. ¿Ma-aech xotkat najut babijax isasiam, keto'am xot asew jiw xan naxuselchaliajwa? Moisés chajia lelpox jasox tapae-el —aech Pablo.

⁴ Jaxot mox nuili, japi jum-aech Pablolijwa:

—¿Ma-aech xotkat xam babejjamechan jum-am sacerdotepaklokolanliajwa? Xam sitae-emil Dios makafichpon —aechi Pablolijwa.

⁵ Pablo japox jumtaen wut, jum-aechon:

—Takoew, xan matabijs-enil japon sacerdotepaklokolanpon. Dios pejjamechan, chajia lelpox, jum-aech: '¡Nabej jum-aech' palaeyajamechan jiw tato'lanliajwa!' —aech chajia lelpox —aech Pablo.

⁶ Do jawut, Pablo pajut matabijt judíos paklochow, kaonejchaxoelaxa-elox. Japixot kaemut saduceos. Asamut fariseos. Samata, Pablo pinjametat jum-aech:

—Takoew, xan fariseos-atonan. Naexasitx fariseos naewujajnpox, tajwujajnapijiw fariseos xot. Amxot natasalam, xan naexasisfulax xot tupi mat-eyaxaesoxliajwa pejme duilaliajwa —aech Pablo.

⁷ Pablo jum-aechpox jumtaen wuti, fariseos tudut najumchiliajwa, saduceos suapich. Do jawut, palala xoti nadijapi natamejaxot. ⁸ Saduceos naexasis-el fariseos naexasitpoxan. Saduceos nejchaxoel: "Jiw tup wut, mat-eyaxisal pejme duilaliajwa. Ajilbej ángeles. Jiw pej-aelanbej ajil" —aech saduceos, nejchaxoel wut. Pelax fariseos japoxan nejchaxoela-el.

⁹ Puexa nejlasful wut, najum-aechful. Fariseosxot, asew judíos chanaekabuapanapi. Japi nana wut, jum-aechi:

—Ampon aton isa-el babijax. Bej naewujajnasbejpon kaen ángel, o, bej naewujajnasbejpon espíritu —aechi Pablolijwa.

¹⁰ Fariseos xabich kaes palala saduceosliajwa, jasox naksiya wuti. Soldawpaklon japox taen wut, nejchaxoelon: "Japi bej boesaxaelbejpi Pablo" —aechon, nejchaxoel wut. Samata, soldawpaklon keto'a pejsoldaw Pablo judíosxot jusliajwas, buflaeliajwas pejme soldaw pejbatu poxade.

¹¹ Asamadoide wut, Jesús natulaelt Pabloxot. Jawut Jesús jum-aech Pablolijwa: "Pablo, ¡nabej nejlewlé! Me-ama amxot Jerusalén paklowaxxot naksiyam wut xanliajwa, jachiyaxaelambej Roma paklowaxxot, patam wut" —aech Jesús Pablolijwa.

Judíos nejchaxoelpox boesaliajwapi Pablo

¹² Do kandiawa wut, asew judíosxot, kaonejchaxoelax boesaliajwapi Pablo. Do jawutbej, nakaewa najum-aechi: "Naxaeyaxisal. Feyaxisal. Hasta xatis Pablo boesas wut, jawut pejme naxaeyaxaes. Pablo boesa-esal wut, xaes wut, ¡Dios xatis nej nakkastike!" —na-aechi nakaewa japikal. ¹³ Japi nakaewa japox najum-aechpi, me-ama kaes cuarenta poejiw. ¹⁴ Boesasiapi Pablo, japi fulaechlisi sacerdotepaklochow poxade, judíos-ancianos poxadebej. Pa'a wuti, jum-aechi ampox:

—Xanal naxaeyaxinil. Feyaxinil. Hasta xanal boesax wut Pablo, jawut xanal xaeyaxaelen. Xanal jum-anbej: 'Pablo tupa-el wut, xaes wut, ¡Dios nej nakkastike' xatis!' —an xanal. ¹⁵ Do jawut, xamal paklochwam, ancianos suapich, ¡wujjoem soldawpaklon Pablo buflaeliajwas ampaleldin, nejwujajnalel nukaliajwapon! ¡Soldawpaklon jum-amde: 'Xanal tajut pejme chiekal wujajnaemsasian Pablo, jumchiliajwan

pejbu'wuañanpoxliajwa' —amde soldawpaklon! Dolisdo', Pablo buflaens wut soldaw, xanal wuañnawesaxaelen nuamfatat kamta boesaliajwan Pablo, pas-el wuton amxot — aech japi paklochowliajwa.

¹⁶ Pablo pafaman wultaen wut ruax wuañnawesaxaesox nuamfatat boesaliajwas, do jawut, Pablo pafaman fulaech soldaw pejba poxade ruax chapaeliajwapon japox. ¹⁷ Pablo japox jumtaen wut, lapon soldawcapitan. Capitan pat wut Pabloxot, Pablo jum-aech capitánliajwa:

—¡Ampon pansian buflaemch nejpaklon poxade, wuañan xapa'an xoton! —aech Pablo capitánliajwa.

¹⁸ Do jawut, capitán buflaechon pansian pejpaklon poxade. Pat wuton pejpaklonxot, capitán jum-aech:

—Pablo, jaeltason, xan nala wut, buflaeyax nato'apon ampon pansian xam poxade. Japon xapa'an wuañan xam chapaeliajwa —aech capitán pejpaklonliajwa.

¹⁹ Do jawut, soldawpaklon pansian pejlel buflaech wut, wuañnachaemt wut, jum-aechon pansianliajwa:

—¿Achaxkat najumchiyaxaelam? —aech soldawpaklon pansianliajwa.

²⁰ Pansian jum-aech:

—Judíos kaenejchaxoelax xam wuljoeliajwa, kandiawa to'aliajwam taj-uax Pablo judióspaklochow poxade. Me-ama chiekal wuañnachaemsliajwa wut, jachiyaxaeli taj-uax boesaliajwa. ²¹ Japi xam wuljow wut, ¡nabey ow-aeché! Me-ama kaes cuarenta poejiw wuañnawesaxaes nuamfatat taj-uax boesaliajwas. Nakaewa chajia najum-aechi: 'Naxaeyaxisal. Feyaxisal. Hasta xatis Pablo boesas wut, jawut, pejme xaeyaxaes. Pablo boesa-esal wut, naxaes wut, ¡Dios nej nakkastike' xatis!' —na-aechi nakaewa. Japi wuañnawet xam to'aliajwam taj-uax Pablo —aech Pablo pafaman, chapaei wut soldawpaklonliajwa.

²² Soldawpaklon japox jumtaen wut, jum-aechon pansianliajwa:

—Ampox, najum-ampox, ¡chinax kaen aton nabey chapae! —aechon.

Do jawut, soldawpaklon pansian to'a nawiasliajwade pejba poxade.

Pablo to'aspox gobernador Félix poxade

²³ Soldawpaklon lapon kolenje pejcapitanes. Japi pat wuti japonxot, jum-aechon japiliajwa:

—¡To'im thilsliajwa doscientos soldaw fulaeliajwa, fulaeyaxaeli tuaktat! ¡To'imbej thilsliajwa asew setenta soldaw, kawaeitat chaflaeyaxaeli! ¡To'imbej thilsliajwa doscientos soldaw, lanzapijiw, fulaeliajwa! Ampamadoitat, a las nueve wut, nakolaxaelam Cesarea paklowax poxaliajwam. ²⁴ ¡Xamal chaemde kawaei Pablo chaflaeliajwa! Bu'folam wut, ¡chiekal buflaem chamoeyaxtat gobernador Félix poxade! —aech soldawpaklon.

²⁵ Do jawut, soldawpaklon carta xato'a pejsoldawtat. Japacartaxot jum-aechon:

²⁶ “Gobernador Félix, xam puexa jiw xabich sitaenponam, saludos xato'ax xam-liajwa. Xan, Claudio Lisias, lelx ampox carta xamliajwa. ²⁷ Judíos ampon aton jaelt. Boesasiapipon. Xan matabijtax wut japon Roma tuajnujijinpon, wuljae'ax, tajsoldaw suapich, japon boesa-elaliajwas. ²⁸ Xan nejchaxoelx: ‘¿Achaxliajwakat japon tasalas?’ —an, nejchaxoelx wut. Samata, buflaechx judióspaklochow poxade.

²⁹ Japi paklochow tasalapi Pablo Moisés chajia lelpoxliajwa. Pe Pablo bu'wuañanjil boesaliajwas. Bu'wuañanjilbejpon jeliajwas jiw jebatat. ³⁰ Xan wultaenx kaesupich judíos kaenejchaxoelaxpox maliach boesaliajwapi Pablo. Samata, tajsoldaw to'ax buflaeliajwapi xam poxade. Tasalasiapi japi xan to'ax nejwuañnalel pejme chiekal jum-chiliajwapi, tasalasia wuti. Dodo'. Ma amxot ampox toep” —aech carta, soldawpaklon xato'apox.

³¹ Do madoi wut, soldaw bu'follisi Pablo Antípatris paklowax poxade, pejpaklon to'as xoti. ³² Kandiawa wut, soldaw, tuaktat foli, pejme kaxa nawen pejba poxadin.

Asew soldaw kawaeitat chafoli, japi, Pablo suapich, chaflaech Cesarea paklowax poxade.

³³ Soldaw Cesarea paklowaxxot pat wut, gobernadorxot carta wiati. Pablobej wiach.

³⁴ Gobernador carta xaljoeyax buxtoet wut, wuajnaemnt wut, jum-aechon Pablolijawa:
—¿Amxotpijnamkat xam? —aechon Pablolijawa.

Pablo jumnot wut, jum-aechon:

—Xan Cilicia tuajnujnan —aech Pablo.

³⁵ Jawut gobernador jum-aech:

—Xam naewesaxaelen, tasalapi pa'an wut —aech gobernador.

Do jawut, gobernador to'a pejsoldaw Pablo wesfulalijawas, wesamatapon. Pablo wech pinabaxot, Herodes majt dukbaxot.

24

Pablo naksiyapox gobernador Félix pejwuajnalel

¹ Do jawux, cinco matkoiyan xent wut, Ananías, sacerdotespaklokolan, pat Cesarea paklowaxxot. Bu'paton asew judíos-ancianos, asanbej, pawulpon Tértulo. Japon abogado. Xabich matabijt jiw jumchiliajwapon, jiw pejbu'wuajan wut. Japi pat gobernador Félixot jumchiliajwapi Pablo pejbu'wuajanpoxlijawa. ² Pablo buflaens wut paklochowxot, Tértulo tuadut jumchiliajwa Pablo pejbu'wuajanpoxlijawa. Jum-aechon Félixlijawa:

—Gobernador, xam nijaxtat xanal chiekal duilx pachaempoxantat ampatuajnutat. Xam xabich matabijtam xot nejmach isliajwam, amwutjel kaes pejme pachaem ampatuajnu. Me-ama majt, jachi-el. ³ Xanal nejchachaemlax, xam puexa isampoxanlijawa ampatuajnutat. Samata, xamlijawa xabich gracias-an xanal, xam xabich sitaenxxot. ⁴ Xan nejxasink-enil xam itsasliajwan. Pe kaesuapich kaes jumchiyaxaelen. ¡Xanalfuk kaes nanaewe'e jum-anpox! ⁵ Xanal matabijax, ampon aton, xabich babejen. Ampon potuajnucha nanuamt naewuajnalijawa judíos. Japon pejnaewuajnaxtat xabich judíos nasal. Japonlap paklon kaemutpijiwlijawa. Japamut Nazaretmutpijiw. ⁶ Isasiapon Dios pejtemplobatat Dios tapae-elox. Bu'lesiapon asew jiw judíos-eli Dios pejtemplobaxot. Samata, xanal japon jaeltax. [Xanal japon kastikasian, me-ama xanal tajkabuan. ⁷ Pe jawut, soldawpaklon, pawulon Lisias, pejsoldaw suapich, pat. Japi soldaw xanal nakife'an ampon aton. ⁸ Nakife'an wut, nato'abejpon xam poxalijawan.] Amwutjel xam najut japon wuajnaemsaxaelam chiekal matabijsliajwam, diachwuajnakolax wut xanal jum-anpox japon pejbu'wuajanpoxlijawa —aech Tértulo gobernador Félixlijawa.

⁹ Tértulo buxtoet wut, asew judíos, Ananías suapich, pati, japi jum-aech gobernadorlijawa: “Tértulo jum-aechpox Pablolijawa, puexa japoxan diachwuajnakolax” —aechi.

¹⁰ Do jawut, gobernador muaxxachok'cha Pablowich naksiyalijawa. Samata, Pablo jum-aech gobernadorlijawa:

—Xam ampatuajnujpijiw pejgobernadornam, pin-iawaechan tato'lamponam. Samata, xan nejchachaemlax jalpaelijwan xan isfulaxpoxan xam chiekal matabijsliajwam.

¹¹ ¡Xam najut wuajnaemnt asew amxotpijiw chiekal matabijsliajwam, diachwuajnakolax wut, o, el wut, xan jumchiyaxaelenpox xamlijawa! Doce matkoiyanlisox Jerusalén paklowaxxot patxpo, Dios kawuajnalijwan Dios pejtemplobatat. ¹² Dios pejtemplobaxotx wut, judíos chiekal matabija, chinax asew jiw suapich, nalos-enilpox. Judíos pejnaewuaj nabachanxotx wutbej, Jerusalén paklowaxthialaxanxotx wutbej, asew jiw palala-el tajnaewuajnaexlijawa. ¹³ Ampi poejiw, xan natasala matabijs-elaxtat tajbu'wuajanpoxlijawa. ¹⁴ Xan jumchiyaxaelenpox, diachwuajnakolax. Tajwuajnapijiw pejDios naexasisfulax. Nakiowa tanbichfulaxbej japonlijawa, me-ama pajelwuajan, chimiawuajan, Jesucristo pejwuajan, jum-aechful. Ampi judíos pajelwuajanlijawa jum-aechi ampo: ‘Japox diachwuajnakolaxa-el’ —aechi. Pe japawuajan diachwuajnakolax. Xanbej naexasisfulax puexa Moisés chajia lelpox, profetas lelpoxanbej. ¹⁵ Ampi judíos naexasit Dios mat-eyaxaelpox tupi pejme duilalijawa, pachaempi, pachaema-elpibej.

Xanbej japox chiekal naexasitx. ¹⁶ Samata, xan chiekal dukx. Babijax is-enil Diosliajwa, jiwliajwabej —aech Pablo gobernadorliajwa.

¹⁷ Pablo pejme jum-aech gobernadorliajwa:

—Kaewaechan suapich nanuamtax wut asatujnuchannel, japoxwux, pejme nawia'nax Jerusalén paklowax poxadin. Xapa'nax plata kejila kajachawaesliajwan. Xapa'naxbej isliajwan ofrenda Diosliajwa. ¹⁸ Japa-ofrenda isliajwan wut, isx nawewe'ppox isliajwan pachaemaliajwan Diosliajwa. Do jawut, judíos, Asia tuajnapijiw, nataen wut Dios pejtemplobatatax wut, jiw xabicha-el xanxot. Chinax jiw jumxan-ele-el Dios pejtemplobaxot xan tajaxtat. ¹⁹ Asia tuajnapijiw, xan nataenpi Dios pejtemplobaxot, japi nej fulae'an xam nejwujnalel natasalaliajwa xan babijax isxpoxlajwa! ²⁰ Xan nataenpi Dios pejtemplobaxot, japi fulaeyaxil wut, jamxoti nej jum-aech, xan tajbu'wujajan wut, chajia natasala wuti puexa judíospaklochow pejwujnalel! ²¹ Xan judíospaklochow pejwujnalel majt pinjametat jum-an: 'Amxot xamal jum-am tajbu'wujajanpoxliajwa, xan naexasitx xot tupi mat-eyaxaespox pejme duilaliajwa' —an xan. Japox jum-an xot, japi xan natasala —aech Pablo gobernadorliajwa.

²² Gobernador Félix xabich matabijt Jesucristo pejwujajanliajwa. Samata, Pablo jum-aechpox jumtaen wut, jumchi-elfukon isaxaelpox Pabloliajwa. Jawut jum-aechon Tértuloliajwa, aseb jiwliajwabej:

—Lisias, puexa soldawpaklon, amxot pa'an wut, kaes pejme chiekal matabijsaxaelen xam jum-ampox Pablo pejbu'wujajanpoxliajwa —aech gobernador.

²³ Do jawut, gobernador Félix jum-aechon soldawcapitánliajwa:

—¡Pablo wesfulde wesamata! ¡Pe nabej kewasixawaes! ¡Asbuan jumch masox nej laeje! ¡Tapaem pejnachala taeliajwas, chaxduiliajwasbej wewe'paspoxan! —aech gobernador capitánliajwa.

²⁴ Do jawux, kaematkoian suapich wut, gobernador Félix, pijow suapich, pejme pa'an Cesarea paklowaxxot. Pijow pawul Drusila. Japow judíos-atow. Félix pat wut, to'apon soldaw buflaeliajwa Pablo. Pablo pa'an wut gobernadorxot, chapaeipon, ma-aech jiw naexasisliajwa Jesucristo pejwujajan. ²⁵ Do jawut, Pablo jum-aech Félixliajwa:

—Dios to'a jiw pachaemaliajwa, chiekal duilaliajwabej. Dios to'abej jiw is-elaliajwa babijaxan, pajut isasiapoxan. Asamatkoi Dios babejchow kastikaxael —aech Pablo gobernadorliajwa.

Félix japox jumtaen wut, xabich pejlewlapon, chiekal duka-el xot. Samata, jum-aechon:

—¡Ma amxot nej doklefuk! ¡Nakolde xanxot! Pejme xam wullalaeyaxaelen, na-it-ele-el wut tajbichax —aech Félix Pabloliajwa.

²⁶ Gobernador Félix nejchaxoel: “Pablo bej namosaxaelbej plata xan nakolsax tapaeliajwan” —aech gobernador, nejchaxoel wut. Samata, Pablo pin-iamatkoian wullalas nospaeliajwapon, japon suapich. ²⁷ Jasox ja-aechful kolewaechje. Do jawux, Félix nakoft gobernadorpox. Nakoft wut, asan naliast gobernadorliajwa. Japon pawul Porcio Festo. Félix nakolt wut, nejchaxoel: “Pablo tapaeixinil nakolsax jiasxot, judíos nejchachaemlaliajwa, xan suapich” —aech Félix, nejchaxoel wut. Samata, Félix nakolt wut, tapae-elon Pablo nakolsliajwa jiasxot.

25

Pablo nukpox Festo pejwujnalel

¹ Festo pat Cesarea paklowaxxot gobernador nadofaliajwa Judea tuajnuxot. Do jawux, tres matkoian xent wut, fulaechon Jerusalén paklowax poxade. ² Jerusalén paklowaxxot pa'a wut, sacerdotespaklochow, judíospaklochowbej, jum-aechi Festoliajwa:

—Japon Pablo xabich babijaxan is xanalxot. ³ ¡Xam isde pachaempox xanalliajwa, Cesarea paklowax pejme xam patam wut! ¡To'im nejjiw Pablo buflaeliajwas Jerusalén paklowax poxadin! —aech judíos Festoliajwa.

Jasox wuljowpi, Pablo buflaens wut, asew japixot nuamfatat wuajnowesliajwa Pablo, boesaliajwasbej. ⁴ Festo jumnot wut, jum-aechon:

—Pablo Cesarea paklowaxxot jias jiw jebatat, wesfulasbejpon wesamata. Kaematkoi suapich wut, pejme japoxaxaechan. ⁵ Samata, asew xamalxot, paklochow, xan suapich, fulaeyaxael, Cesarea paklowax poxadax wut. Japon Pablo babijax is wut, japox nejpaklochow jumchiyaxael —aech Festo judiosliajwa.

⁶ Gobernador Festo Jerusalén paklowaxxot namanfuk kaes kaesemanaliajwa. Dolison nawiat Cesarea paklowax poxade. Kandiawa wut, ekon paklokolan ekpoxat, tato'laliajwa wut jiw. Jawut to'apon pejsoldaw Pablo buflaeliajwas japonleldin. ⁷ Pablo low wut, judios mox soepa Pabloxot, japi patpi, Festo suapich, Jerusalén paklowaxpijiw. Japi judios xabich tasalapi Pablo. Pe japi puexa jum-aechpoxan, diachwuajnakolaxa-el.

⁸ Pablo jumnot wut, jum-aechon:

—Xan chinax babijax is-enil. Naexaxisfulax Moisés chajia lelpox, fiatpoxbej. Dios pejtemplobaxot babijax is-enilbej. Roma tuajnuapijiw tato'lanliajwa chinax babijax is-enilbej —aech Pablo japijiajwa.

⁹ Pelax gobernador Festo nejxasink judios nejchachaemlaliajwa japonliajwa. Samata, Festo wuajnachaemt wut, jum-aechon Pabloliajwa:

—¿Xamkat fulaesiam Jerusalén paklowax poxade, jaxotde tajwuajnalel judios xam tasalaliajwa nejbu'wuajanpoxliajwa? —aech Festo Pabloliajwa.

¹⁰ Pablo jumnot wut, jum-aechon:

—Gobernador, xam nabistam puexa Roma tuajnuapijiw tato'lan pijaxtat. Pachaem ampapaklowaxxot judios jumchiliajwa xam nejwuajnalel xan natasalaliajwa, xan babijax isx wut. Xam chiekal matabijtam, xan chinax babijax is-enil judiosliajwa.

¹¹ Diachwuajnakolax xan babijax isx wut, xan tajut xanaliyaxinil nakastikaliajwa, naboesaliajwabejpi. Diachwuajnakolaxa-el wut natasalapox, xam nawiasaximil japi jiwxot. Xan babijax isx wut, kawuajnasian nejpaklon, Roma tuajnuapijiw tato'lan, japon pejwuajnalel judios xan natasalaliajwa —aech Pablo gobernador Festoliajwa.

¹² Samata, jawut Festo nospaei, pejiw suapich, chiekal matabijsliajwa, jumnosliajwa Pablo jum-aechpox. Festo nospaeiyax buxtoet wut, pejiw suapich, jum-aechon Pabloliajwa:

—Xamlis nakawuajnam to'aliajwan Roma tuajnuapijiw tato'lan poxade. ¿To'axaelendo' jaxotde judios xam tasalaliajwa japon pejwuajnalel! —aech gobernador Festo Pabloliajwa.

Pablo nukpox rey Agripa wuajnalel

¹³ Festo naksiyax buxtoet wut, Pablo suapich, kaematkoi suapich wut, rey Agripa, pakoewow Berenice suapich, pa'an Cesarea paklowaxlel kijachaliajwapi Festo, japon gobernador pajelan xot. ¹⁴ Jaxot duil wutfuki kaematkoiyan suapich, Festo chapaei rey Agripa Pablo ispoxanliajwa. Jum-aechon:

—Gobernador Félix nakolt wut, jiw jebatat jiaspon, nakolsax tapae-elon. ¹⁵ Xan Jerusalén paklowaxxotx wut, sacerdotespaklochow, judios-ancianosbej, japi najum-aech jiw jebatat jiasponliajwa: 'Japon aton xabich babijax is xanalxot' —aechi. Japi nato'alach japon kastikaliajwan, boesaliajwanbejpon. ¹⁶ Xan japi jum-an: 'Puexa Roma tuajnuapijiw tato'lan chinax jasox tapae-el kastikaliajwas, boesaliajwasbej, matabijaesal wutfuk, aton pejbu'wuajanpoxliajwa. Kaen aton babijax is wut, japon tasalaxaes gobernador pejwuajnalel. Dolisdo', japon aton, pejbu'wuajanpon, pajut jumnosaxael kastika-elaliajwas' —an xan judiosliajwa, japon aton tasalapiliajwa. ¹⁷ Samata, judios ampapaklowaxxot nakpa'an wut japon aton tasalaliajwas, kamtalejen, kandiawa wut, xan ekx ekaxxot, jiw tato'laliajwan wut. Do jawux, to'ax tajsoldaw japon aton buflaeliajwas xanlel. ¹⁸ Xan nejchaxoelx wut japon atonliajwa, jum-an: 'Diachwuajnakolax Pablo xabich babijaxan bej isbej' —an, nejchaxoelx wut. Pe japon aton pat wut, judios chinax jumchi-el japon babijax ispoxliajwa. ¹⁹ Judios pejnaexaxisaxliajwa japon aton tasalapi.

Bu'naloti Jesús pejpaturaxliajwa. Japon aton chajia jum-aech Jesús pejpaturaxliajwa: 'Jesús mat-ech Dios pejme dukaliajwa' —aech japon aton, pawulpon Pablo. ²⁰ Xan matabijs-enil, achax isaxaelen Pabloliajwa. Xan wuajnachaemtax wut, jum-an Pabloliajwa: '¿Xamkat fulaesiam Jerusalén paklowax poxade, jaxotde judíos xam tasalaliajwa nejbu'wuajanpoxliajwa?' —an xan japonliajwa. ²¹ Pelis, Pablo nakawuajan xan to'aliajwan Roma paklowaxpijiw tato'lan poxade, jaxotde tasalaliajwaspon judíos Roma paklowaxpijiw tato'lan pejwuajnalel. Samata, tajsoldaw to'ax Pablo wesfulaliajwas. Barkam fulaeyaxael wut Roma paklowax poxade, jawut japon to'axaelen wajpaklokolan poxade —aech gobernador Festo rey Agripaliajwa.

²² Do jawut, rey Agripa jum-aech Festoliajwa:

—Xanbej japon jumtaesian —aech rey Agripa.

Festo jumnot wut, jum-aechon:

—Kandiawa xam najut jumtaeyaxaelam japon —aech Festo.

²³ Kandiawa wut, rey Agripa, Berenice suapich, chamoeyaxan naxoeipi. Fulaech wut jiw natameja poxade, japabaxot pat wut, lowpi. Do jawut, xabich soldawpaklochow, japapaklowaxpijiw paklochowbej, lowlisi. Do jawux, Festo to'a pejsoldaw Pablo buflaeliajwas japi natameja poxadin. ²⁴ Bu'pat wuti Pablo, Festo jum-aech:

—Rey Agripa, xanal suapich, natamejlampimbej, xamal puexa chiekal taenam ampon aton, nejuajnalel nukpon. Puexa judíos, Jerusalén paklowaxpijiw, amparaklowaxpijiwbej, Cesarea paklowaxpijiw, japi jum-aech Pablo pejbu'wuajanpoxliajwa. Japi wuljoeful pinjametat xan kastikax keto'aliajwan, tajsoldaw boesaliajwasbejpon.

²⁵ Xan nejchaxoelx Pabloliajwa: 'Pablo babijax is-el kastikaliajwas, boesaliajwasbej' —an xan, nejchaxoelx wut. Jasox nejchaxoelx wut, Pablo pajut xan nakawuajan to'aliajwan Roma paklowaxpijiw tato'lan poxade, jaxotde judíos tasalaliajwapi Pablo pejbu'wuajanpoxliajwa japon pejwuajnalel. Samata, japon to'axaelen japoxade. ²⁶ Pe xan chiekal matabijs-enil Pabloliajwa lelaxaelenpox, pelfut xato'aliajwan wut wajpaklokolan, Roma tuajnapijinliajwa. Samata, xan to'ax tajsoldaw buflaeliajwapi Pablo, xam, rey Agripa, nejuajnalel nukaliajwapon, xamal asewam nejuajnalelbej nukaliajwa, chiekal wuajnachaemsliajwam. Wuajnachaemsax buxtoetam wut, bej matabijsaxaelenbej lelaxaelenpox carta Pabloliajwa. ²⁷ Xan to'axinil jiaspon jiw jebatat Roma tuajnapoxade, matabijs-enil wut, achababijaxliajwa judíos tasalapi japon —aech Festo rey Agripaliajwa.

26

Pablo jalpaeipox rey Agripa jumtaeliajwa

¹ Rey Agripa jum-aech Pabloliajwa:

—Xam buxfafonasiyam wut judíos xam tasalapoxanliajwa, ¡najut naksiyam! —aech rey Agripa Pabloliajwa.

Do jawut, Pablo muaxxachok'cha japon naksiyaliajwa: ²⁻³ “Rey Agripa, xam xabich matabijtam xanal judíos tajkabuananpoxan. Matabijtambej xanal kaenejchaxoelaxaenilpox. Samata, xabich nejchachaemlax xam nejuajnalel naksiyaliajwan, tajut chiekal jumchiliajwan, judíos natasalapoxanliajwa. Xam wuljowx chiekal xan nanaewesliajwam jumchiyaxaelenpox” —aech Pablo.

Pablo jalpaeipox majt naexasis-elpox Jesucristo pejwuajan

⁴ Pablo pejme jum-aech rey Agripaliajwa: “Puexa judíos matabija, ma-an xan, pansianan wut, dukx wut tajtuajnutat, Jerusalén paklowaxxotbej. ⁵ Japi chiekal namatabijabej xan fariseos pejmutpijanpox. Xam japi wuajnachaemtam wut, japi jumchiyaxael xan chiekal naexasisfulaxpox fariseos naewuajanpoxan. Fariseos naewuajanpox kaes pejme xabich tampoel tajjiw naexasisliajwa, japi kaes xabich naexasit xot Moisés chajia lelpox. Me-ama asew jiw, jachi-el japi. ⁶ Dios chajia jumdut tajwuajnapijiw mat-eyaxaesopox, tur wuti pejme duilaliajwa. Japox xan naexasisfulax xot, judíos

jumch natasalapi. ⁷ Puexa xanal judíos, docemutanpijwan, wuajnewesfulax tupi mat-eyaxaespoex pejme duilaliajwa. Samata, puexa xanal Dios kawuajnafulax. Pomatkoicha chiekal tanbichfulaxbej Dios. Rey Agripa, xan ampox wuajnewesfulax xot, a sew judíos natasala. ⁸ ¿Ma-aech xotkat xamal naexasis-emil Dios mat-eyaxaelpoex tupi pejme duilaliajwa? ¿Ajilkat Dios isaxilpoex?” —aech Pablo rey Agripaliajwa.

Pablo jalpaeipox majt chakifolox jaelaliajwa naexasiti Jesucristo pejuwajan

⁹ Pablo pejme jum-aech rey Agripaliajwa: “Xan naexasis-enil wutfuk Jesucristo pejuwajan, xan tajut nejchaxoelx: ‘Jesús, Nazaret tuajnuapijin, japon pejuwajan naexasiti, xan chakifulaeyaxaelen japi jaelaliajwan’ —an xan, nejchaxoelx wut. ¹⁰ Jasox isx Jerusalén paklowaxxot. Sacerdotespaklochow natapaei xot, xabich Jesucristo pejuwajan naexasiti, japi jiw jebatat jiax. Do jawux, japi baes wut, xan xabich nejchachaemlax japoxliajwa. ¹¹ Pin-iaveces kastikax naexasiti Jesucristo pejuwajan, japi kofaliajwa naexasisfulpoex Jesucristo pejuwajan. Japox isfulax puexa, judíos naewuaj nabachanxot. Do jawutbej, xabich talala xot, chakifolox naexasiti Jesucristo pejuwajan, asapaklowaxanxot duilibej” —aech Pablo rey Agripaliajwa.

Pablo jalpaeipox, ma-aechon naexasisliajwa Jesucristo pejuwajan

¹² Pablo pejme jum-aech rey Agripaliajwa: “Asamatkoi Damasco paklowaxpijiw, Jesucristo pejuwajan naexasiti, xan chakifolox sacerdotespaklochow nato'a xot. ¹³ Samata, nuamtat folx wut, juimt matnoch ek wut, chalechkal xan, nakfolpibej, taen folxxot, chalechkal xabich itliakjala wut athusik. Japox xabich kaes pejme itliak. Me-ama juimt matkoipijin itliak wut, jachi-el. ¹⁴ Puexa xanal pajuwulax satadik. Do jawut, xan jumtaenx, hebreojametata najum-aech wut athusik: ‘Saulo, Saulo, ¿ma-aech xotkat xam nachakifolam? Jasox isam xot, xam najut chiekal natabejtam’ —na-aech athusik. ¹⁵ Do jawut, xan jum-an: ‘Tajpaklon, ¿achanamkat xam?’ —an xan. Japon najumnot wut, najum-aechon: ‘Xan Jesúsnan, xam nachakifolamponan. ¹⁶ ¡Nande! Xamxot natulaeltax xan natanbichliajwam. A sew jiw chapaeyaxaelam xan nataenam pox. Chapaeyaxaelambej xan itpaeyaxaelenpoxan. ¹⁷ Judíosxotam wut, judíos-elixotam wutbej, xam kajachawaesaxaelen a sew jiw xam boesasamata. Amwutjel xam to'ax judíos-eli poxade. ¹⁸ Xam to'ax judíos-eli naewuajnalialjwam Dios pejjamechan. Japi naexasisaxael Dios, kaes nejchaxoelasamata babijaxan isaxan. Japi duilaxael Dios pijaxtat. Satanás pijaxtataxil. Japi naexasisaxael tajwajan. Ja-aech wut, xan tajaxtat Dios beltaeyaxaes babijaxan ispoxanliajwa. Samata, Dios taens wut, japi babijaxan chiekal wejilaxaes. Samata, japi jiw duilaxael, Dios pejjiw suapich, makanochpi suapich’ —na-aech Jesús” —aech Pablo rey Agripaliajwa.

Pablo jalpaeipox, ma-aechon, isful wut Jesús to'aspox

¹⁹ Pablo pejme jum-aech Rey Agripaliajwa: “Rey Agripa, xan ow-an najum-aechon athusik. ²⁰ Ow-an wut, tuadutx jiw naewuajnalialjwan, Damasco paklowaxpijiw. Do jawux, Jerusalén paklowaxpijiw naewuajna x. Judea tuajnuapijiwbej naewuajna x potuajnuacha. Judíos-elibej naewuajna x. Japi puexa naewuajnafulax babijaxan ispoxan kofaliajwa. Naewuajna x naexasisliajwapi Dios. Naewuajna xbej isliajwa pachampoxan, a sew jiw matabijaliajwas, diachwuajnakolaxpoex japi babijaxan ispoxan kaelel kofapox. ²¹ Japoxliajwa judíos nabu'ajaelt, Dios pejtemplobaxotx wut. Do jawut, naboesasiabejpi. ²² Dios nakajachawaesful naewuajnalialjwan Dios pejjamechan puexa jiwliajwa, kejila, paklochowliajwabej. Xan japi naewuajna x wut, naewuajna x chajia jum-aechpox profetas, Moisésbej, jachiyaxaelpoxanliajwa. Japoxkal xan naewuajnafulax. ²³ Profetas chajia jum-aech wut, jum-aech: ‘Dios to'a wut Cristo, japon nabijasaxael. Boesaxaesbejpon. Japon tup wut, do jawux, Dios mat-eyaxaeson pejme dukaliajwa. Japonlap matxoela mat-esaxaes pejme dukaliajwa puexa jiw wuajna pomatkoichaliajwa. Japon mat-esaxaes wut pejme dukaliajwa, japon naewuajna xael diachwuajnakolaxpoex judíos, judíos-elibej,

japi bu'weliawwas. Jiw naexasit wut Jesús pejwajaan, japon pijaxtat bu'weyaxaes' —aech profetas, chajia jum-aech wut Jesúsliajwa” —aech Pablo rey Agripaliajwa.

*Pablo naew*ajaanpox rey Agripa naexasisliajwa Jesucristo pejwajaan

²⁴ Gobernador Festo jumtaen wut Pablo jum-aechpox, pinjametat jum-aechon Pabloliajwa:

—¡Pablo xam na-acham! ¡Na-achan nadofam, xabich estudiam xot! —aech Festo.

²⁵ Do jawut, Pablo jumnot wut, jum-aechon:

—Gobernador Festo, xam puexa jiw sitaenponam, xan na-acha-enil. Xan jum-anpox diachwajaanlakolax. ²⁶ Ma amxot ekpon, rey Agripa, japon chiekal matabijt xan jum-anpoxan. Samata, japon pejwajaanlel chiekal jum-an puexa. Rey Agripa chajia matabijt xan jum-anpox Jesúsliajwa. Jesús ampathatat is wut, maliach is-elon —aech Pablo gobernador Festoliajwa. ²⁷ Do jawut, Pablo jum-aech rey Agripaliajwa:

—Rey Agripa, ¿xamkat naexasitam profetas chajia jum-aechpox, japox diachwajaanlakolaxpox? Xan nejchaxoelx, xamlis naexasitam japox —aech Pablo rey Agripaliajwa.

²⁸ Rey Agripa jumnot wut, jum-aechon:

—Pablo, ¿xamkat nejchaxoelam: ‘Ma amwut ampon naexasisaxael Jesucristo pejwajaan’ —amkat, nejchaxoelam wut xanliajwa? —aech rey Agripa Pabloliajwa.

²⁹ Pablo jum-aech:

—Rey Agripa, xamkalliajwa nejchaxoela-enil. Pelax Dios kawajaanx puexa xamal naexasisliajwam Jesucristo pejwajaan. Amwutjel naexasis-emil wut, Dios kawajaanx asamatkoi naexasisliajwam. Nejaxsinkax xamal, xan najumtaenampim, naexasisliajwam Jesucristo pejwajaan. Xan nejaxsinkaxbej xamal, me-ama xan naexasitx Jesucristo pejwajaan, jachiliajwam. Me-ama xan jiw jebatat najia, xamallax jachiyaximil, naexasitam wut Jesucristo pejwajaan —aech Pablo rey Agripaliajwa.

³⁰ Do jawut, rey Agripa nant. Gobernador Festobej nant, Berenice suapich. Do jawut, asewbej, jaxot chalakpi, puexa nana. ³¹ Matxoelananapi fulaech pejlel nospaeliajwa japoxliajwa. Nospaei wut, nakaewa najum-aechi Pabloliajwa:

—Japon aton chinax babijax is-el kastikaliajwas, boesaliajwasbejpon. Jiw jebatat jeyaxisalbejpon —na-aechi nakaewa Pabloliajwa.

³² Rey Agripa jum-aech gobernador Festoliajwa:

—Pablo nakawajaan-el wut tato'laliajwan Roma tajaanupijiw tato'lan poxade, japon pejwajaanlel judíos tasalaliajwas, xan chajia tapaeyaxaelen Pablo nakolsliajwa jiw jebatat —aech rey Agripa.

27

*Pablo bu'*fospox Roma paklowax poxade

¹ Gobernador Festo, asew suapich, nejchaxoeli to'aliajwa Pablo Roma paklowax poxade, Italia tajaanuxot. Samata, Pablo, asew, jiw jebatat jiaspi suapich, woeyas soldawcapitánxot. Japon pawul Julio. Japamutpijiw soldaw pawul, Emperadormutpijiw. ² Xanal barkam julx, fulaenpox Adramitio paklowaxxot. Xan, Lucas, nakfolx Pablo. Aristarcobej xanal nakfol. Japon Tesalónica paklowaxpijin, Macedonia tajaanuxot. Japabarkam, ma nakosaxael, itjulafulaxael paklowaxanxot, Asia tajaanuxot. ³ Do kandiawa wut, xanal chapatx Sidón paklowaxxot. Julio, soldawcapitán, sitaenpon Pablo. Samata, Sidón paklowaxxot chapatx wut, Pablo tapaeis pejnachala, jaxotpijiw, taeliajwapon, wewe'paspoxan chaxduiliajwasbej Pablo. ⁴ Do jawux, chaflaechx Sidón paklowaxde. Joewa chaknawamatalet xot, chaxentax Chipre tanaet orientelel, joewajillel, chaflaeliajwan. ⁵ Pachaxentaxbej Cilicia tajaan, Panfilia tajaanbej. Do jawux, chapatx Mira paklowax, Licia tajaanuxot.

⁶ Xanal Mira paklowaxxotan wut, Julio faen asabarkam, Alejandría paklowaxlel pa'nox. Japabarkam fulaeyaxael Italia tajaan poxade. Samata, xanal japabarkam

julx nakflaeliajwan japabarkamtat. ⁷ Joewa xabich nachaknawamatalesful xot, pin-iamatkoivan bijiat chafolx. Xentax Gnido paklowaxtabijla. Do jawut, mox chaxentax Salmón paklowax, chijasliajwan Creta tanaetlel, joewajillel chaflaeliajwan. ⁸ Bijiat chafolx Creta tanaetlel, pamakakal. Chapatx Buenos Puertosxot, mox Lasea paklowaxxot.

⁹ Pin-iamatkoivan napelt xot, iama pasful. Chachoelafullisox marlel chaflaeliajwa. Samata, Pablo japi naewuajan wut, jum-aechon:

¹⁰ —Tajjiw, xan chiekal matabijtax ampachaflaeyax xabich chachoelaxael xatisliajwa. Jelowdik taenam. Ampabarkam xafoli napelsaxael. Nafo'axaelbej ampabarkam. Puexa xatis bej bu'laxaesbej —aech Pablo.

¹¹ Soldawcapitán naexasis-el Pablo jum-aechpox. Barkampijin, barkam isanbej, japi kolenje jum-aechpoxkal soldawcapitán naexasit. Japi jum-aech: “Pachaempoxtat chapasaxaes” —aechi asbuan jumch. ¹² Buenos Puertosxot pachaema-el barkam dukaliajwa, jaxot iama chatoepaliajwan. Samata, japi puexa nejchaxoel: “Kaes pachaem amxot nakolaliajwas, chapasliajwas Fenice paklowax, Creta tanaetxot. Japataetaakso'txot pachaem barkam dukaliajwa, iama chaxensliajwas. Jaxot joewa xaxena matwuajase” —aechi, nejchaxoel wut.

Pinajoewa barkam xafospox Creta tanaetxot

¹³ Buenos Puertosxotan wut, joewa bijiat pasful wuchakallel. Asew xanalxot nejchaxoel: “Pachaem chaflaeliajwas” —aechi, nejchaxoel wut. Samata, pachafolx Creta tanaetlel, pamakakal. ¹⁴ Do jawut, chalechkal xabich pinajoewa pasful barkam poklalel. ¹⁵ Japajoewa xanal nachaknawaxafol tanaet tathoetlel. Barkam xajiasaxil joewalel, joewa xabich kaes mamnik xot. Samata, japi tapaei joewa xalaeliajwas barkam. ¹⁶ Chaeletanaeta-ulel pachaxentax. Japataeta pawul Cauda. Jaxotde xabich joewa wikal. Barkamta-utat kanaw ke'tas. Jaxotat japakanaw fol. Japakanaw osliajwan wut barkamtat, xabich bichaxtat pa-otx. Japox kanaw xabich dewnik. ¹⁷ Do jawux, kanaw pa-otx wut barkamtat, barkam fatkuifulisi pinamuatantat, tablofachan kakupasamata. Jawut nabisti barkamtat pejlowlapi, nejchaxoel xoti: “Lukpox, pawulox la Sirte, jaxot bej cha-okjabaxaesbej” —aechi, nejchaxoel wut. Samata, jolpi velasbu'an joewa xabich xalaesamata barkam. Ja-aech wut, barkam kaes bijiat fol. ¹⁸ Do kandiawa wut, xabich pinajoewaful. Xabich iambej. Do jawutbej, barkam xafolpoxan tudutlisi chapelsliajwa minadik, barkam kaes jaje'kaliajwa. ¹⁹ Do asakandiawa wut, barkam xa-ispil pelti minadik. ²⁰ Pin-iamatkoivan tae-enil juimt matkoipijin. Ithaejbej tae-enil, madoi wut. Xanal nejchaxoelx: “Bej chabu'laxaesbej” —an xanal, nejchaxoelx wut, kaes pejme xabichful xot joewa, iambej.

²¹ Pin-iamatkoivan xanal chinax naxae-enil. Do jawut, Pablo nant japixot. Jum-aechon:

—Tajjiw, chiekal nanaexasitam wut, ja-aech wut, kaes pachaemaxael chaflaelialiajwas, Creta tanaetxotas wut. Ja-aech wut, nabijasaxisal. Napelsaxilbej barkam xafolpoxan. ²² ¡Pe xamal nabej nejchaemile' japoxliajwa! Xamalxot chinax kaen tuxaxil. Barkamkal nafo'axael. ²³ Xanxot madoi ángel natulaelt. Japon to'as Dios. Diosliajwa, xan tanbistaxponan. ²⁴ Ángel najum-aech: ‘Pablo, ¡xam nabej nejlewle'! Xam fulaeyaxaelam Roma paklowax poxade, jaxotde nukaliajwam Roma tuajnuipijiw tato'lan pejwuajnalel. Dios xam bu'weyaxael xot, asew jiwbej bu'weyaxaes, puexa folpi ampabarkamtat’ —na-aech ángel, xanxot natulaelt wut. ²⁵ Samata, ¡puexa xamal nabej nejlewle'! Xan Dios xanaboejtax. Matabijtax Dios nakbu'weyaxaelpox, me-ama ángel najum-aech. ²⁶ Joewa nakchaknawaxalaeyaxael tanaet poxade. Jaxotde cha-okaxaes —aech Pablo puexa japabarkamtat folpiliajwa.

²⁷ Catorce madoivan xent wut barkamtat, chalixnaxfuk mar Adriaticoxot, xabich xot joewa. Japamadoi, pinmadoitat wut, barkamtat nabisti nejchaxoel: “Bej chapachbej sat” —aechi, nejchaxoel wut. ²⁸ Samata, xajutlisi muat, mas-is so'nikpox. So'nikpox treinta y seis metros. Kaes chafulaech wuti, pejme xajuti. So'nikpox veintisiete

metros. ²⁹ Do jawut, japi pejlewla, nejchaxoel xoti: “Ia'botxot bej chakulaxaesbej” — aechi, nejchaxoel wut. Samata, jawut barkamta-ulel cuatro padewaxan, pawulpi anclas, ke'api pelsliajwadik minadik, japadewaxantat barkam kaekawutat dukafalialajwalejen. Jasox is wuti, pejdioses kawuajan kamta nalianaliajwa. ³⁰ Pe jawut, barkamta nabisti, japikal nejchaxoel tamach weliajwapi barkamxot, ia'botxot chakula-el wutfuki. Samata, kanaw, otox barkamta, japi pejme dusasiak minadik japi tamach weliajwa japoxtat. Japi jum-aech asew naekichachajbaliajwa: “Barkam-oeflel xanal padewaxan pelsaxaekan” — aechi. ³¹ Do jawut, Pablo chiekal matabijt wut japi isaxaelpox, jawut jum-aechon soldawcapitanliajwa, japon pejsoldawliajwabej:

—jBarkamta nabisti kaweta napata-el wut barkamta, xamal weyaximil! — aech Pablo.

³² Soldaw jumtaen wut Pablo jum-aechpox, japi soldaw mua tasiapbala, kanawmua, kanaw jopaliajwa minadik.

³³ Kandiawa, nalian wut, Pablo kaechato'a puexa jiw xaeliajwa. Jum-aechon:

—Catorce matkoiyan chiekal naxae-esal, xabich nejchaxoels xot. ³⁴ Samata, jxaem mamnkaliajwam, tupa-elaliajwambej! jE-ese! Puexa chiekal weyaxaes — aech Pablo.

³⁵ Pablo japox jum-aech wut, panax fitlison. Puexa jiw pejwujnalel Dios kawuajan wut, jum-aechon: “Waj-ax Dios, gracias-an xanal nachaxdutampox, panax” — aechon. Do jawut, panax jalnat wut, xaelon. ³⁶ Do jawutbej, puexa jiw nejkofo xabich nejchaxoelpoxan. Jawut japibej xael. ³⁷ Puexa xanal, barkamta chafolaxpin, doscientos setenta y seis jiw. ³⁸ Do jawut, xael wuti, ma xaesiapoxantat xael wuti, do jawux, trigobulan chapelto minadik, barkam kaes chiekal jaje'kaliajwa.

Barkam cha-okjaba wut, tablofachan xakusabasopox

³⁹ Sesa itliakaful wut, barkamta nabisti taen wuti tanaet, matabija-eli. Taeni tanaetuakso't. Japataetaakso'txot taenbejpi thaejt. Taen wut japathaejt, cha-itjulasiapi japathaejt poxade. ⁴⁰ Jawut anclas juka-eli. Do jaxot asbuan jumch kaweta anclama tasiapbalapi. Barkamkanaefachan, koloeyax pinjiyax, ta-ulel xatbe'aliajwapox, joli. Do jawutbej, matxoelavelabu', xakoeyasopox, jolti felsliajwadik, japavelabu'tat joewa xaeliajwa barkam. Do jawut, barkam joewa xafos wut, barkam moxsfule thaejt pasliajwa. ⁴¹ Jawut chalechkal barkam pa-oeflel okjaba lukxot. Atujfuk thaejt chapasliajwan. Barkam pa-oeflel okjaba wut, jukaxil japox, barkam. Barkam ta-ulel xabichful xot truxan, tablofachan kakupax tuadut.

⁴² Soldaw besia, jiw jebatat jiaspi, japi bu'fospi, jow wut, weyaxael xoti. ⁴³ Pe soldawcapitan ketapae-el, Pablobej boesaxaes xot. Samata, capitán puexa jiwliajwa jum-aech: “Min joeyax matabijampim, jmatxoela joem thaejt pasliajwam! ⁴⁴ Asewam, min joeyax matabija-emilpim, jwuchakal chajoem tablofachantat! O, j pachajoem barkamtoerowtat, po'alpitat!” — aech capitán jiwliajwa. Do jasoxtat xanal puexa chiekal wiax.

28

Pablo Malta tanaetxotpox

¹ Xanal puexa chiekal wiax wut, jawut matabijtaw japataeta pawulpox Malta. ² Malta tanaetpijiw chiekal pachampi xanalliajwa. Do jawut, xabich iam thilan xot, xabich thunk. Samata, jaxot pinajit itfoti. Xanal nataduti jit naksu'chalakaliajwan. ³ Pablo i not wut jit it-owaliajwa, jawut jom, paxaechan, nakolcha jit tuajaxtat. Do jawut, jom kelaliklas wut, Pablo kexadukson. ⁴ Malta tanaetpijiw japox taen wut, nakaewa najum-aechi: “Ampon aton jiw baen. Diachwujnakolax marxot wiapon. Pelax wajdios kaes tapaeyaxisal laejaliajwapon. Samata, jom laliklison tupaliajwa” — aechi nakaewa Malta tanaetpijiw.

⁵ Do jawut, Pablo kelula wut, jom jopdik jitadik. Pe Pablo kelaliklas wut jom, ma-aechon asbuan jumch chiekal. Me-ama jom kelalika-esal wut, ja-aech Pablo. ⁶ Puexa jiw, Malta tanaetpijiw, wujawet Pablo keputhlax. O, el wut, chalechkal patupan

jw̄laxaelpox. Japox piach w̄aj̄nawetox chinax jachi-el w̄ut, japi jiw asax nejchaxoel Pabliolajwa. Nakaewa naj̄m-aechi: “Pablo, bej diosbej” —na-aechi nakaewa.

⁷ Malta tanaetpijiw tato'lan, pawul Publio. Xanal jit su'chalakaxxot, jaxot mox Publio pejt̄aj̄n̄. Samata, Publio pejbaxotan w̄ut, xanal chiekal nabu'kulapon. Jaxot tres matkoi xanal chiekal duilx. ⁸ Jawut, Publio pejbaxotan w̄ut, Publio pax camatat ok, xabich bu't̄aj̄nik xoton. Woejxaenkbejpon. Pablo f̄ulaech Publio pax taeliajwa, japon bu'xaeyan. Pablo pat w̄ut Publio paxxot, Pablo Dios kaw̄aj̄jan bu'xaeyanliajwa. Dios kaw̄aj̄nax buxtoet w̄ut, Pablo ke-ot bu'xaeyan pejbu'tat. Jawut Publio pax chiekal boejth̄uls waxae. ⁹ Pablo w̄ultaens w̄ut, jawut asew bu'xaeya, japatanaetpijiw, f̄ulaeni Pablo poxadin. Japibej chiekal boejth̄uls. ¹⁰ Japi, Malta tanaetpijiw, xanal xabich nakajachawaet. Do jawux, baxael, japatanaetxot tres juintje w̄ut, xanal barkam pejme julx chijiyaliajwan w̄ut, nachaxduwpi puexa nawewe'ppoxanliajwan, chafolx w̄ut.

Pablo Roma paklowax patpox

¹¹ Xanal Malta tanaetxotan w̄ut, iama chatoepx, tres juintje w̄ut. Do jawux, barkam julx. Japabarkam jaxot iama chatoepbej, f̄ulaenpox Alejandría paklowaxxot. Japabarkam-oeffel nows koloeyax ael-isaspoxan. Japoxan, me-ama dioses. Kaeyax pawul Cástor. Asax pawul Pólux. ¹² Japabarkamtat xanal chafolx. Chapatx Siracusa paklowaxxot, Sicilia tanaetxot. Japapaklowaxxotan tres matkoiliajwa. ¹³ Do jawux, jaxot chijian w̄ut, pamakakal chafolx marxot. Regio paklowax chapatx. Do jaxot pejme chijian. Kandiawa w̄ut, w̄uchakal pasf̄ul wikax. Pejme jakandiawa w̄ut, chapatx Puteoli paklowaxxot. ¹⁴ Japapaklowaxxot xanal faekx Jesucristo pejw̄aj̄jan naexasiti. Japi natadut kaesemana duilaliajwan japi pejbachaxot. Do jawux, putlel folx Roma paklowax pasliajwan. ¹⁵ Roma paklowaxpijiw, naexasiti Jesucristo pejw̄aj̄jan, chajia j̄m̄taeni xanal pasaxaelenpox Roma paklowaxxot. Samata, asew japixot w̄aj̄na nabu'kakulan Foro de Apio paklowaxxot. Asew japixot w̄aj̄na nabu'kakulan Tres Tabernas paklowaxxot. Pablo japi taen w̄ut, xabich nejchachaemil. Samata, gracias-aechon Diosliajwa. ¹⁶ Patx w̄ut Roma paklowaxxot, Pablo jiw jebatat je-esal. Pejlel dukax to'as. Kaen soldawan asbuan j̄m̄ch wesf̄ulas, Pablo najaet w̄ut, wesamata.

Pablo naew̄aj̄janpox Jesucristo pejw̄aj̄jan Roma paklowaxxot

¹⁷ Xanal Roma paklowax patx w̄ut, tres matkoi xent w̄ut, Pablo w̄ullala f̄ulaeliajwadin judíospaklochow, Roma paklowaxxot duili. Pat w̄uti, natameja w̄utbejpi, Pablo j̄m̄-aech: —Takoew, xan chinax babijax is-enil judíosliajwa. Wajw̄aj̄napijiw pejkabuananpoxli-ajwabej, japoxliajwa xan babijax is-enil. Jasox is-enil w̄ut, Jerusalén paklowaxxotx w̄ut, judíos najaelt. Najaelt w̄ut, nawiati Roma t̄aj̄n̄pijiwpaklochowtat natasalaliajwa. ¹⁸ Roma t̄aj̄n̄pijiwpaklochow naw̄aj̄nachaemt w̄ut, natapaesia xan nakolsliajwan jiw jebaxot, faena-el xot xan nakastikaliajwa, naboesaliajwabejpi. ¹⁹ Judíos nejwesla Roma t̄aj̄n̄pijiwpaklochow xan nakolsax natapaeliajwa jiw jebaxot. Samata, xan kaw̄aj̄nax nato'aliajwa Roma t̄aj̄n̄pijiw tato'lan poxade, japon pejw̄aj̄nalel judíos xan natasalaliajwa. Pe xan ajil tasalaliajwan judíos pejbu'w̄aj̄janpoxliajwa. ²⁰ Samata, xamal w̄ullalax chiekal nataeliajwam, nospaeliajwasbej. Puexa xatis judíos w̄aj̄nawech, pawulpron Mesías, xan japon naexasitx. Samata, nataenam cadenam̄tat, nam̄axwasixawaesaxtat —aech Pablo.

²¹ Japi j̄m̄taen w̄ut Pablo j̄m̄-aechpox, jawut j̄m̄-aechi:

—Judea t̄aj̄n̄pijiw xanal chinax carta naxto'a-el xamliajwa. Asew judíos, Jerusalén paklowaxpijiw, pa'ani, japibej chinax nachapae-el babejw̄aj̄jan xamliajwa. ²² Pe xanal chiekal j̄m̄taesian matabijaliajwan xam nejchaxoelampox. Xanal w̄ultaenx pajelw̄aj̄jan, Jesucristo pejw̄aj̄jan, naexasitampox, asew pot̄aj̄n̄chapijiw j̄m̄-aech w̄ut: ‘Japox diachw̄aj̄nakolaxa-el’ —aech w̄uti —aech judíos, Roma paklowaxpijiw, j̄m̄not w̄uti Pablo.

²³ Do jawut, japi kaematkoi mark pejme natamejaliajwa. Japamatkoi pat w̄ut, xabich judíos pat kandiawasapkolaxtat natamejaliajwa Pablo dukxot. Do jawut, Pablo

tʉadut naksiyaliajwa Dios puexa pejjiw tato'laxaelpox. Naewʉajanbejpon Moisés chajia lelpox jʉm-aechpox Jesúsliajwa. Profetas chajia lelox naewʉajanbejpon jʉm-aechpox Jesúsliajwa. Pablo jasoxtat naewʉajan, japibej naexasisliajwa Jesucristo pejwʉajan. Tuila wʉt, Pablo bʉxkoft naewʉajanpox. ²⁴ Asew japixot naexasit Pablo jʉm-aechpox. Asewlax japixot naexasis-el. ²⁵ Asew japixot kaanejchaxoelaxa-el xot, nakolasiapi jaxot. Nakola-el wʉtfuk, Pablo jʉm-aech:

—Profeta Isaías chajia jʉm-aechpox Espíritu Santo pijaxtat wajwʉajnapijiwliajwa, diachwʉajnakolax chajia jʉm-aechon:

²⁶ ¡Xabʉa'de! jʉm-amde puexa judíos: “Xamal naewesfulaxaelam naewʉajanaxpoxan. Pe chiekal jʉmmatabijaximil xan jʉm-anpoxan. Taeflaxaelambej xan itpaeyaxaelenpoxan. Pe nakiowa, japoxanliajwa jʉmmatabijaximil.

²⁷ Xamal matnaetinkam, nejwesla xot jʉmmatabijaliajwam. Naewes-emil chiekal jʉmmatabijaliajwam. Matsekaxaelam tae-elaliajwam, matabijasamatambej. Jachiyaxaelam wʉt, kofaximil babijaxan isfulampoxan. Naexasisaximilbej Dios. Samata, Dios xamal bʉ'weyaxil” —amde judíos! —aech profeta Isaías, chajia jʉm-aech wʉt wajwʉajnapijiwliajwa.

²⁸ ¡Xamal chiekal matabijam ampox! Xanal naewʉajnaaxaelen chimiawʉajan Jesucristo pejwʉajan judíos-eli. Japi chiekal naewesaxael. Ja-aech wʉt, Dios bʉ'weyaxaes japi babijaxan ispoxanliajwa —aech Pablo judíosliajwa, duili Roma paklowaxxot.

²⁹ [Do jawʉt, Pablo japox bʉxtoet wʉt, judíos nawia pejbachan poxade. Fol wʉti, japoxliajwa nakaewa nabʉnlosfuli.]

³⁰ Roma paklowaxxot Pablo duk kolewaechje arriendabatat. Japabatat Pablo chiekal bʉ'kulaful fulaeni japon taeliajwas. ³¹ Pablo pejlewla-el, jiw naewʉajan wʉt. Jiw naewʉajnafulon Dios puexa pejjiw tato'laxaelpox. Naewʉajnafulbejpon paklon Jesucristo pejwʉajan. Chinax kaen aton jaxot bʉxfias-esal, Pablo naewʉajnaful wʉt jiw.

Pablo lelpox carta Roma paklowaxpijiwliajwa

Pablo lelpox carta Roma paklowaxpijiwliajwa

¹ Xan Pablo, nabistaxponan Jesucristoliajwa, lelx ampox carta. Dios namakafit apóstolliajwan, jiw naewuajnalijwan chimiawuajan Dios bu'weliajwa jiw.

² Japawuajan Dios chajia jum-aech pejprofetatat, japi lel wut Dios pejjamechan. ³ Japawuajan wajpaklon Jesucristoliajwa, Dios paxulan. Jesucristo ampathatat nalaelt wut, japon rey David pamon. ⁴ Do baxael, wajpaklon Jesucristo tup wut, Dios mat-ech wuton pejme dukaliajwa, jawut jiw pajut chiekal matabija diachwuajnakolax Jesús Dios paxulan. Dios tapaei wajpaklon Jesucristo puexa tato'laliajwa.

⁵ Xan Jesucristo namakafit xot, Dios natapaei apóstolliajwan. Samata, Dios xan nato'a naewuajnalijwan Jesucristo pejwuajan judíospi, judíos-elpibej, japi jiw naexasisliajwa Jesucristo pejwuajan. ⁶ Xamal, Roma paklowaxpijwam, Dios matxoela makanot Jesucristo pejiwaliajwam. Samata, amwutjel chiekal duilam, naexasitam xot Jesucristo pejwuajan. ⁷ Samata, xan ampox carta xato'axaelen xamalliajwa. Dios nejxasink xamal. Samata, xamal makanoton Jesucristo pejiwaliajwam. Xan waj-ax Dios kawuajnaj, wajpaklon Jesucristobej, xamal kajachawaesliajwapi babijax isasamatam, duilam wut, asew jiw suapich.

Pablo taesiaxox Roma paklowaxpijiw

⁸ Xan gracias-an Diosliajwa kaenanula xamalliajwa, potuajnuhanpijiw jum-aech xot chimiajamechan xamalliajwa, Jesucristo chiekal xanaboejam xot. ⁹ Xan xabich nabistax Diosliajwa, jiw naewuajnaj wut Jesucristo pejwuajan, Dios paxulan pejwuajan. Dios chiekal matabijt xan Dios kawuajnajpox xamalliajwa. ¹⁰ Xan buxkofs-enil Dios kawuajnajpox japon natapaeliajwa, xan fulaeliajwan xamal poxade. Dios natapaei wut, xamal taeyaxaelen. ¹¹ Xamal taesian. Xamal naewuajnasianbej Dios pejjamechan kaes xanaboejalijwam Dios. ¹² Xamalxotx wut, xatis naexasichpis Dios, nakaewa nakajachawaesaxaes Dios kaes chiekal xanaboejalijwas.

¹³ Takoew, xan nejxasinkax xamal matabijaliajwam ampox. Xan xabich nejchaxoelx pin-iamatkoian xamal taeliajwan. Pe asaxan nakiowa xabich na-it-el xot, xamal taenil. Xamalxotx wut, naewuajnasian Jesucristo pejwuajan, kaes asew jiwbej naexasisliajwa Jesús pejwuajan. Xabich asew jiw, asatuajnuhanpijiw, japi chiekal naexasit Jesucristo pejwuajan. Xanlap japox nejxasinkax xamalxotbej jachiliajwa. ¹⁴ Dios nato'a xan jiw naewuajnalijwan chimiawuajan, Jesucristo pejwuajan. Samata, jiw naewuajnaaxaelen, xabich matabijapi, xabich matabija-elpibej. ¹⁵ Samata, xan fulaesian Roma paklowax poxade xamal naewuajnalijwan Jesucristo pejwuajan.

Chimiawuajan, Jesucristo pejwuajan

¹⁶ Xan buxdala-el Jesucristo pejwuajan naewuajnalijwan. Japawuajan jiw naexasit wut, japi jiw Dios bu'weyaxaes babijaxan ispoxanliajwa. Xanal judíos, matxoelanaexasitxpin japawuajan. Amwutjel xamalbej, judíos-emilpim, naexasitam Jesucristo pejwuajan. ¹⁷ Xatis chiekal matabijas wut Jesucristo pejwuajan, chiekal matabijasbej Dios ispox, Jesucristo tup wut xatisliajwa. Naexasich wutbej Jesús pejwuajan, jatis wut, xatis babijaxan isaspoxan ajil Diosliajwa. Dios pejjamechan, chajia lelpox, jum-aech wut, jum-aechox: "Ampi jiw babijaxan ispoxan wejisal, chiekal xan naxanaboeja xoti. Samata, japi bu'wuajanjil xanliajwa" —aech Dios, nejchaxoel wut japi jiwliajwa.

Puexa ampathatpijiw pejbu'wuajanpox Diosliajwa, is xoti babijaxan

¹⁸ Xatis matabijas Dios, athuxot dukpon, japon xabich puexa jiw kastikaxael, babijaxan ispi. Xabich babijaxan is xoti, japi tapae-esal matabijaliajwa diachwuajnakolaxpox

Diosliajwa. ¹⁹ Japi jiw matabijaliajwapi Dios, wetampoela-esal, Dios pajut kajachawae-saxaes xoti japi jiw chiekal matabijaliajwa. ²⁰ Jiw taeyaxil Dios, japon espíritu xot. Pe nakiowa, babijaxan ispi taen wuti Dios ispoxan, japi jiw pajut matabijaxael, Dios diachwujnakolax duk. Pe nakiowa, japi jiw matabija-el, ma-aech Dios. Japi matabijaxael, ma-aech Dios, nejchaxoel wut Dios ispoxanliajwa ampathatat. Samata, japi jiw jumchiyaxil asew jiwliajwa: “Xanal matabijaxinil, ma-aech Dios pejnejchaxoelaxan” — chiyaxili. ²¹ Babijaxan ispi, japi jiw matabija Dios pomatkoicha dukpox. Pe nakiowa, japi jiw sitae-eli Dios. Japibej chinax kaematkoi graciaschi-el Diosliajwa, Dios ispoxanliajwa japiliajwa. Japi jiw nejchaxoelaful nejliaklaxan. Samata, matabija-el diachwujnakolaxpox Diosliajwa. Matabija-elbejpi pachaempoxan isliajwa, isasamatabej pachaema-elpoxan. ²² Japi jiw nakaewa najum-aech: “Xatis kaes pejme matabijas” —na-aechi. Diachwujnakolax japi matabija-el. Japi nejliakla xot, japoxan najum-aech. ²³ Japi Dios xanaboeja-el, xajupon puexa isliajwa, asamatkoi tuxaxilponbej. Japi ídolos xanaboeja, pajut ispoxan. Japi pejew ídolos, ael-isas, me-ama jiw, mia, jom, choefbej.

²⁴ Samata, Dios koft japi jiw pajut babijaxan isasiapoxan isliajwa. Japi babijaxan isful, xabich padalapoxan nakaewaliajwa. ²⁵ Nejweslabejpi naexasisliajwa diachwujnakolaxpox, Dios pejjamechan. Dios sitae-elbejpi. Kawujajna-elbejpi Dios, japon xajupon puexa isliajwa. Japilax naexasit diachwujnakolaxa-elpoxan, kichachajbapoxanbej. Asbuan jumch sitaeni Dios ispoxan. Japoxan japi kawujajan. Me-ama kajachawaesliajwas wut, ja-aechi japoxanliajwa. Pelax jiw, naexasiti Jesús pejuwujajan, japi pomatkoicha jumchiyaxael Diosliajwa: “Dios xabich pachaem” —chiyaxaeli.

²⁶ Samata, Dios koft japi jiw pajut babijaxan isasiapoxan isliajwa, padalapoxan. Samata, watho' nejxasinka-el nosliajwa poejiw. Japi watho' nakaewatho'a nabu'moejt isliajwa isasiapoxan. ²⁷ Ma-is poejiw ja-aech. Nejxasinka-eli nosliajwa watho'. Poejiw nakaepoejwa nabu'moejt isliajwa padalapoxan. Samata, japi jiw amwutjel xabich Dios kastikas.

²⁸ Sitae-el xoti Dios, Dios koft japi jiw isfulaliajwa babijaxan, isaxilpoxan. ²⁹ Japi jiw is puexa babijaxan. Nejchaxoeli asew jiw pejew natkowaliajwa. Japi is babijaxan asew jiw tabejsliajwa. Japi nusasiowal, kitaen wut asew jiw pejew. Japi asew jiw bu'aba. Japi nejxasink nakaewa nalosax. Japi nejxasink naekichachajbaxan. Japi is babijaxan asew jiw nabijasliajwa. Japibej buxwujajanmaenk. ³⁰ Japi jum-aech babejjamechan asew jiwliajwa puexa asew jiw pejuwujajnael. Japi Dios padaelmajiw. Japi jum-aech babejjamechan asew jiwliajwa, sitae-el xoti asew jiw. Japi nejchaxoel: “Xan kaes pejme pachaeman. Me-ama asew jiw, jachi-enil” —aechi, pajutliajwa nejchaxoel wut. Japi nakaewa najum-aech: “Isaxaes asaxan babijaxan asew jiwliajwa, jiw matabija-elpoxan” —na-aechi nakaewaliajwa. Do jawux, japi jiw is japoxan, babijaxan. Japi naexasis-el paxjiw, penjiwbej, fiach wut. ³¹ Japi nejliakla. Is-el jumduwpoxan, asew jiwliajwa isaxaelpoxan. Japi nejxasinka-el asew jiw. Japibej beltae-el asew jiw. ³² Japi chiekal matabija Dios fiachpoxan. Japi matabija Dios pelsaxaesopox, babijaxan is xoti asew jiwliajwa. Pe nakiowa, japi jiw babijaxan is asew jiwliajwa. Asbuan jumch japi jiw nejchachaemil, asew jiw babijaxan is wut asewliajwa.

2

Babijaxan ispi, asamatkoi japi jiw Dios kastikaxaesopox

¹ Xamal jum-am wut asew jiwliajwa: “Japi jiw babijaxan is. Samata, Dios kastikaxaes” —am wut, jasox jum-am xot, xamalbej Dios kastikaxael, babijaxan isam xot. ² Matabijas. Asamatkoi Dios jiw kastika wut, kaes babijaxan ispi, japi jiw kaes kastikaxaes. Kaesupich babijaxan ispiwej, kaesupich kastikaxaes. ³ Xamal jum-am wut babijaxan ispijajwa: “Japi jiw Dios kastikaxaes” —am wut, jasox jum-am wut, xamalbej diachwujnakolax weyaximil, Dios pejkastikamatkoi pat wut. ⁴ Xamal japox jum-am wut asew jiwliajwa, chiekal nejchaxoelaximil. Dios xabich piach kajachawaet, xamal kofaliajwam babijaxan isampoxan. ⁵ Me-ama matabija-emil wut, ja-am Diosliajwa, chiekal naexasis-emil

xot Dios. Nakiowa babijaxan isam xot, kastikamatkoi pat wut, puexa babijaxan ispi Dios kastikas wuti, xamalbej Dios kastikaxael, japi jiw suapich. ⁶ Japamatkoi jiw, kaenanula babijaxan ispi, kastikaxaes. Xabich babijaxan ispi, japi xabich kastikaxaes. Xabich babijaxan is-elpi, japi xabich kastikaxisallejen. ⁷ Asew jiw nejxasink Dios nejchachaemlaliajwa japiliajwa. Samata, japiliajwa tampoel wut, japi nakiowa isful pachaempoxan. Ja-aech wut, Dios tapaeయాesaesi duilaliajwa pomatkoicha japonxotse. Jaxotse pomatkoicha itliak Dios pej-itliakax. ⁸ Asew jiw naexasis-eli Dios. Japi is babijaxan. Samata, Dios palala xot, japi jiw kastikaxaelon. ⁹ Puexa jiw, babijaxan ispi, judíos, judíos-elpibej, nabijasaxael. ¹⁰ Jiw, ispi pachaempoxan, judíos, judíos-elpibej, puexa japilax, pomatkoicha duilaxael Diosxotse. Jaxotse itliak Dios pej-itliakax. Dios nejchachaemlaxael japi jiwliajwa. Chiekal duilaxaelbejpi.

¹¹ Dios kastika wut babijaxan ispi, chiekal taeyaxaelon. Samata, puexa judíos, judíos-elpibej, kastikaxaelon. ¹² Judíos-elpi matabija is-elaliajwa babijax. Pe nakiowa, japi babijaxan is. Samata, judíos-elpi Dios kastikaxaes. Judíos matabija Moisés chajia lelpox tapae-el isliajwa babijaxan. Pe nakiowa, japi judíos is babijaxan. Samata, japi kastikaxaes Dios. ¹³ Judíos chiekal naexasisaxael wut Moisés chajia lelpox, japi bu'wujanjilaxael. Pe judíos puexa chiekal naexasis-el Moisés chajia lelpox. Samata, amwutjel japi judíos pejbu'wujanj Diosliajwa. ¹⁴ Judíos-elpi chinax matabija-el Moisés chajia lelpox. Chiekal ma-aechi. Pe nakiowa, japi pajut pijaxtat naexasit wuti Moisés chajia lelpox, ja-aech wut, japi pajut chiekal matabija isliajwa pachaempoxan. ¹⁵ Japi is wut pachaempoxan, me-ama pajut matabija wut, ja-aechi Moisés chajia lelpoxliajwa. Judíos-elpi pajut matabija, is wut pachaempoxan. Matabijabejpi, is wut babijaxan. ¹⁶ Asamatkoi Dios to'axael Jesucristo, japon kaenanula jiw jumchiliajwa, maliach ispi pachaempoxan, o, pachaemlelpoxanbej. Xan japoxliajwa jum-an, naewujanjax wut jiw Jesús pejuwujanj.

Amxot jum-aechpox judíosliajwa, Moisés chajia lelpoxliajwabej

¹⁷ Xamal judíos nakaewa najum-am: “Xatis judíos kaes pejme pachaems. Me-ama asew jiw, jachi-esal. Chiekal matabijasbej Moisés chajia lelpox. WajDios xatiskalliajwa” —am xamal nakaewaliajwa. ¹⁸ Xamal matabijam isliajwam Dios nejxasinkpoxan, matabijam xot Moisés chajia lelpox. Samata, isfulaxaelam pachaempoxan. ¹⁹ Xamal nejchaxoelam wut, jum-am: “Xatis chiekal matabijas Dios. Samata, asew jiw naewujanjaxaes, japi matabija-eli Dios. Japi jiw, me-ama itliakla. Me-ama nanuamtibej itkuataxot, ja-aech japi jiw” —am xamal, nejchaxoelam wut. ²⁰ Xamal nejchaxoelambej: “Xatis xajups asew jiw naewujanjaliajwas, matabija-elpi asax, asew jiwbej, chiekal matabijaliajwapi Dios. Xatis xajups japi jiw naewujanjaliajwas puexa diachwujanjakolaxpox Diosliajwa, matabijas xot Moisés chajia lelpox” —am xamal asbuan jumch, nejchaxoelam wut. ²¹ Xamal naewujanjnam wut asew jiw naexasisliajwa Moisés chajia lelpox, ¿ma-aech xotkat xamal najut chiekal naexasis-emil Moisés chajia lelpox? Asew jiw naewujanjnam wut, jum-am: “¿Nabej natkowe' asew jiw pejew!” —am xamal. ¿Pe ma-aech xotkat xamal najut natkowam asew jiw pejew? ²² Asew jiw naewujanjnam wut, jum-am: “Xamal, nejwatho'pim, ¿asew watho' nabej bu'moejs!” —am xamal. ¿Pe ma-aech xotkatlax xamal nejwatho' asew watho' naebu'moejtam? Jum-ambej, asew jiw naewujanjnam wut: “¿Xanal nejwesla ídolos!” —am xamal. ¿Pe ma-aech xotkatlax xamal lowam ídolos templobachanxot nosliajwam ommaenkpi, japatemplobachanxoti? ²³ Asew jiw naewujanjnam wut, jum-ambej: “¿Moisés chajia lelpox pachaem!” —am xamal. ¿Pe ma-aech xotkatlax xamal najut chiekal naexasis-emil Moisés chajia lelpox? Xamal babijaxan isfulam xot, asew jiw sitae-el Dios. ²⁴ Dios pejjamechan, chajia lelpox, jum-aech wut, jum-aechox: “Xamal babijaxan isfulam xot, judíos-elpi jum-aech babejjamechan Diosliajwa” —aechox.

²⁵ Xamal judíos, diachwujanjakolax circuncidam Dios pejmarkaxliajwa. Japox isam matabijaliajwam Dios pejjiwampox. Circuncidax xamalliajwa xabich pachaem, chiekal naexasitam wut Moisés chajia lelpox. Pe chiekal naexasis-emil wut Moisés chajia

lelpox, ja-am wut, nakiowa Diosliajwa, me-ama circuncida-emil wut, ja-amfuk. ²⁶ Judíos-elpi, circuncida-esalpi, japi is wut pachaempoxan, me-ama Moisés chajia lelpox to'as, ja-aech wut, japi jiw Diosliajwa, me-ama circuncidas wut, ja-aechi. ²⁷ Judíos-elpi, circuncida-esalpi, Moisés chajia lelpox naexasit wut, asamatkoi japi jiw Diosxotse tasalaxaeli kastikaliajwas judíos, circuncidaspi, chiekal naexasis-el xoti Moisés chajia lelpox. Judíos asbuan jumch matabija Moisés chajia lelpox. Pe chiekal puexa naexasis-eli. ²⁸ Judíos najum-aech nakaewa: “Xatis Dios pejiws, judíos xot” —na-aechi nakaewa. Puexa judíosxot Dios pejiwa-el, japi judíos xot. Circuncidaxtat puexa judíosxot Dios pejiwa-el. ²⁹ Diachwujnakolax judíoskolapi, Dios pejiwpi, kaelel chiekal kofa babijaxan ispoxan. Japibej Espíritu Santo kajachawaesfulas. Japibej isful pachaempoxan Dios nejchachaemlaliajwas japiliajwa. Japoxan japi is-el asbuan jumch ampathatpijiw nejchachaemlaliajwas japiliajwa.

3

¹ Japi judíos wut, ¿ma-aech xotkat kaes pejme xabich pachaem judíosliajwa? ¿Ma-aech xotbejkat kaes pejme xabich pachaem, japi, judíos circuncidas wut? ² Japi judíos kaes pejme wepachaems pin-ianejchaxoelaxanliajwa. Matxoelanejchaxoelax judíosliajwa wepachaemspox, ampxlape. Dios waelt pejjamechan judíos pejwujnapijiwxot. ³ Asew judíosxot naexasis-el Dios pejjamechan. Ja-aech wutkat, ¿Dios isaxil jumdutpox judíosliajwa? ⁴ ¡El! Puexa jiw kichachajbapijiw wut, Dios nakiowa isaxael puexa jumdutpoxan. Japoxliajwa Dios pejjamechan, chajia lels wut, jum-aechox:

“Dios, puexa xam jum-ampox jiwliajwa, japox diachwujnakolax wulxael. Chinax kaen aton jumchiyaxil xamliajwa: ‘Dios jum-aechpox diachwujnakolaxa-el’ —chiyaxil kaen aton” —aech Dios pejjamechan, chajia lelspx, jum-aech wut.

⁵ Xatis kaes babijaxan isas wut, jiw pajut kaes matabijaxael, Dioslax is pachaempoxan. Ja-aech wut, jumchiyaxisal: “Dios xatis nakkastikaxil, babijaxan isas wut” —chiyaxisal. Xatis japox jumtis wut, me-ama Dios pejiwa-esal wut, jachiyaxaes xatis. ⁶ Samata, jasox jumchiyaxisal, diachwujnakolaxa-el xot. Xatis jumtispx diachwujnakolax wut, ja-aech wut, Dios ampathatpijiw kastikaxil.

⁷ Xan xabich jiw kichachajbaxaelen wut, ja-an wut, jiw pajut chiekal matabijaxael, Dioslax kichachajba-el. Samata, Dios xan nakastikaxil, xan xabich jiw kichachajbaxaelen wut. ⁸ Ja-aech wut, pachaemaxael xan asew jiw jumchiliajwan: “Kaes babijaxan isas wut, xabich pachaemaxael” —chiliajwan, jiw pajut matabijaliajwa, Dios kaes pejme pachaem. Asew jiw jum-aech babejjamechan xanliajwa: “Pablo jiw naewujajan wut, to'a kaes babijaxan isliajwa” —aechi. Japi jiw japox jum-aech xot, japi jiw Dios kastikaxaes.

Chinax kaen aton babijaxan isla-elpx

⁹ ¿Judíoskat kaes pachaem Diosliajwa? ¿Me-ama asew jiw, jachi-elkat? ¡El! Xan chajia jum-an: “Puexa ampathatpijiw, judíos, judíos-elpi, babijaxan is” —an xan. ¹⁰ Dios pejjamechan, chajia lelspx, jum-aech wut, jum-aechox:

“¡Puexa jiw is babijaxan ampathatat! ¡Chinax kaen aton isla-el babijaxan!

¹¹ Aton ajilbej, matabijtpon Dios nejchaxoelpoxan. Aton ajilbej, wulwekpon Dios.

¹² Puexa jiw babijaxan is, pejnechaxoelaxantat xabich atuj xoti Diosliajwa. ¡Kaen japixot ajil isliajwa pachaempoxan!

¹³ Japi jum-aechpox xabich pachaema-el. Samata, tampoela-el asew jiw beliajwas, japi jum-aech wut japox. Kichachajbamaenkbejpi. Japi jum-aechpox asew jiwliajwa, me-ama jombua'nael wut, ja-aech. Samata, japox asew jiw xabich tabejtas.

¹⁴ Japi jum-aech wut, jum-aechbejpi babejjamechan, nejwesla xoti asew jiw.

¹⁵ Chakifolbejpi beliajwa jiw.

¹⁶ Nejmachtujnuchanxot pat wutbejpi, japatujnuchanpijiw bapi. Samata, japi pijaxtat potujnuchanpijiw xabich nabijat.

¹⁷ Japi jiw matabija-elbej chiekal duilaliajwa, asew jiw suapich.

¹⁸ Nejchaxoela-elbejpi sitaeliajwa Dios” —aech Dios pejjamechan, chajia lelspx.

¹⁹⁻²⁰ Xatis chiekal matabijas. Dios pejjamechan waelt judíos naexasisliajwa. Pe judíos chiekal naexasis-el japox. Samata, kaen judíos jumchiyaxil: “Xan bu'wujajanjinil Diosliajwa” —chiyaxilon. Puexa judíos, judíos-elpibej, pajut chiekal matabijaxael japibej pejbu'wujajan Diosliajwa, kaen aton puexa chiekal naexasisaxil xot Dios chajia waelt pox. Dios pejjamechan waelt, xatis babijaxan isas wut wajut nejchaxoelaliajwas: “Diachwujajnakolax xatis isas babijaxan” —chiliajwas, nejchaxoels wut.

Jesús pejwujajan naexasiti, japi Dios bu'weyaxaes pox

²¹ Amwutjel Dios naktapaei matabijaliajwas chimiawujajan, Jesús pejwujajan. Samata, chiekal matabijas, ma-aech xot Dios xatis nakbeltaen, isas wut babijaxan. Dios xatis majt nakbeltae-el, isas wut babijaxan, Moisés chajia lelpox naexasich xot. Chajiakolaxtat profetas lel Dios isaxael pox xatis nakbu'welialjwa. ²² Kaenanula nejchaxoels wut: “Diachwujajnakolax Jesucristo tup cruztat xanliajwa” —tis wut wajut, japox nejchaxoels wut, babijaxan isaspoxan ajilaxael Diosliajwa. Asew jiwliajwabej jachiyaxael. Ajilaxael babijaxan, japi ispoxan Diosliajwa, naexasit wuti Jesucristo tup pox cruztat japiliajwa. ²³ Puexa jiw babijaxan is. Samata, japi napelt Diosliajwa. ²⁴ Pe ja-aech wut, Dios nakiowa kajachawaet japi jiw malech bu'welialjwa japi babijaxan ispoxanliajwa, naexasit xoti Jesucristo tup pox cruztat japiliajwa. ²⁵ Dios tapaei Jesucristo tupaliajwa cruztat nakwemosliajwa kaenanula xatis babijaxan isaspoxanliajwa. Xatis naexasich wut Jesucristo tup pox babijaxan isaspoxanliajwa, Dios xatis nakbeltaen babijaxan isaspoxanliajwa. Jesucristo tup wut, motbejpon wajwujajnapijiw babijaxan ispoxanliajwa. Ja-aech wut, xatis chiekal matabijas Dios mastae-el pox, wajwujajnapijiw babijaxan is wut. Dios chajia matabijt Jesucristo tupaxael pox wajwujajnapijiw pejwulela. Samata, wajwujajnapijiw majt babijaxan is wut, japi kastika-esal Dios. ²⁶ Wujajnoweton Jesucristo pasliajwa tupaliajwa puexa jiw bu'welialjwapon. Samata, Dios nejxasinka-el kaes jiw babijaxan isliajwa. Babijaxan ispi naexasit wut Jesucristo tup pox bu'welialjwas, ja-aech wut, japibej bu'weyaxaes.

²⁷ Jesucristo tup jiw bu'welialjwa. Japox japi jiw naexasit wut, Dios beltaenspi babijaxan ispoxanliajwa. Japi pajut ispoxantat Dios bu'we-esal, babijaxan is wut. Samata, japi pajutliajwa jumchiyaxil asew jiw sitaeliajwas: “Xan isx pachaempoxan Diosliajwa. Samata, babijaxan isxpoxan ajil Diosliajwa” —chiyaxil jiw. ²⁸ Samata, xatis chiekal matabijas. Jesucristo tup pox cruztat asew jiw naexasit wut, ja-aech wut, japi babijaxan ispoxan Diosliajwa wejisal. Pe japi babijaxan ispoxan wejila-esal Diosliajwa, naexasit xoti Moisés chajia lelpox. Japi chiekal naexasisaxil japox.

²⁹ Dios judíos kalliajwa-el. Japon Dios puexa asewliajwabej. ³⁰ Dios kaen. Kaes asan Dios ajil. Judíosliajwa, asew jiwliajwabej, puexa japi Dios chiekal taen. Jiw kaenanula naexasit wut Jesucristo tup pox cruztat japiliajwa, ja-aech wut, japi babijaxan ispoxan Diosliajwa wejilaxaes. ³¹ Xatis, Jesús pejwujajan naexasichpis, Jesucristo tup xot cruztat kaenanula xatisliajwa, nejchaxoela-esal: “Kofas Moisés chajia lelpox, Jesucristo tup pox naexasich xot kaenanula xatisliajwa” —chi-esal, nejchaxoels wut. ¡El! Xatis naexasich wut Jesucristo tup pox, jatis wut, naexasichbej Moisés chajia lelpox.

4

Abraham chiekal naexasit pox Dios jumduwspoxan

¹ ¿Ma-aech xotkat Abraham, wajwujajnapijin, babijaxan wejisal Diosliajwa? ² Abraham pachaempoxan isaxael wut babijaxan ispoxan wejilaliajwas, ja-aech wut, japon pajut japox jumchiyaxael asew jiw jumtaeliajwas. Pe Dios matabijt. Abraham japox jumchiel. ³ Dios pejjamechan, chajia lelpox, jum-aech wut, jum-aechox: “Abraham naexasit xot Dios jumdut pox japonliajwa, japon babijaxan ispoxan wejisal Diosliajwa” —aechox. ⁴ Aton nabist wut asanliajwa, japon moch. Plata malech chaxdus-esal. Chaxduch, nabist xoton. ⁵ Pelax Dios to'a-el jiw nabichliajwa nabichaxtat mosliajwapi Dios japi

babijaxan ispoxanliajwa. Aton jum-aech, nejchaxoel wut: “Dios bu'wia jiw. Samata, diachwujnakolax Dios xan nabu'weyaxael, jumdut xoton jiw bu'welija” —aech wuton, japon aton wejilaxaes babijaxan ispoxanliajwa Diosliajwa. ⁶ Rey David chajiakolaxtat chapaeipon jiw, japi jiw babijaxan ispoxan wejisalpi Diosliajwa. Japi ja-aech, naexasit xoti Dios chajia jum-aechpoxan. Dios to'a-el japi jiw isliajwa bichaxan, babijaxan ispoxan wejilaliajwas. ⁷ David chajiakolaxtat jum-aech japi jiwliajwa:

“jJapi xabich nejchachaemil, Dios beltaens xoti babijaxan ispoxanliajwa, kaelel wepeltas xotbejpi!

⁸ jAton nejchachaemil, Dios beltaens wuton babijaxan ispoxanliajwa!” —aech David chajiakolaxtat.

⁹ David japox jum-aech wut, jumchi-elon judioskalliajwa. Japon jum-aech asewliajwabej. Xan chajia jum-an. Abraham naexasit, Dios jumduws wut. Samata, Abraham babijaxan ispoxan Diosliajwa wejisal. ¹⁰ Abraham babijaxan ispoxan wejisal wut Diosliajwa, jawut Abraham circuncida-esalfuk. Pe nakiowa, Abraham babijaxan ispoxan wejisal Diosliajwa. ¹¹ Abraham babijaxan ispoxan wejisal wut Diosliajwa, do baxael, japon circuncidas. Japox puexa jiw pajut matabijaliajwa, Abraham babijaxan ispoxan wejisal, Dios xanaboejt xoton. Samata, judios-elpij, circuncida-esali, nejchaxoel wut: “Diachwujnakolax Dios isaxael jumdutox” —aech wuti, japijeb Diosliajwa, me-ama Abraham paxi wut, jachiyaxaeli. Ja-aech wutbej, japi babijaxan ispoxan wejilaxaes Diosliajwa. ¹² Judios, circuncidaspi, japi Dios xanaboeja wut, me-ama Abraham paxi wut, jachiyaxaeli. Judiosbej nejchaxoel wut, me-ama majt Abraham nejchaxoel wut: “Diachwujnakolax Dios isaxael nakjumdupox” —aech wuti, japi judios, me-ama Abraham paxi wut, jachiyaxaeli Diosliajwa.

Abraham chiekal naexasit xot Dios jumduchpox, japox wejatispon

¹³ Chajiakolaxtat Abraham Dios jumtis: “Xam puexa ampatuajnu chaxdusaxaelen. Baxael, asamatkoi xam tupam wut, naxi, namojiwbej, chaxdusaxaelen ampatuajnu” —tis Abraham. Dios japox jumchi-el, Abraham naexasit xot Moises chajia lelpox. Abraham nejchaxoel xot: “Diachwujnakolax Dios isaxael najumdupox xanliajwa” —aech xoton, nejchaxoel wut, Dios japox jum-aech Abrahamliajwa. Abraham Dios jumtisipox xanaboejsful xot, babijaxan ispoxan wejisalpon Diosliajwa. ¹⁴ Dios chajia jumchiyaxael wut chaxdusliajwa japatuajnu naexasitpikal Moises chajia lelpox, ja-aech wut, Dios chaxdusaxil japatuajnu Abraham pamojiw, chiekal naexasis-el xoti puexa Moises chajia lelpox. Jachiyaxael wut, japi Dios xanaboejapoxliajwa asbuan jumch masox namaeyaxaeli. Dios jumdupox japatuajnu chaxdusliajwas, japoxbej jachiyaxael japiliajwa. ¹⁵ Puexa jiw, naexasis-elpi Moises chajia lelpox, japi Dios kastikaxaes. Moises chajia lelpox ajil wut, jiw babijaxan is wut, ja-aech wut, bu'wujanjilaxaeli. Samata, Dios kastikaxisal japi jiw.

¹⁶ Abraham chiekal xanaboejt Dios. Samata, Dios jumduch chaxdusliajwas malech japatuajnu, paxiliajwa, pamojiwliajwabej. Dios japox jum-aech wut Abrahamliajwa, japox judiosliajwa, asew jiwliajwabej, japi jiw Dios xanaboejaxaelpi japi kajachawaesliajwas Dios, me-ama Abraham xanaboejt Dios, jachiliajwa japi jiw. Samata, puexa xatis Dios xanaboejaxaes. Jatis wut, Diosliajwa xatis, me-ama Abraham pamojiws wut, jachiyaxaes. ¹⁷ Dios pejjamechan, chajia lelpox, jum-aech, Dios jum-aech wut Abrahamliajwa: “Xam naexasitam xan jumdupox. Samata, asew jiwbej naexasisaxael xan jum-anpox. Ja-aech wut, japi, me-ama naxi wut, jachiyaxael japi jiw. Xabich pin-iamutan wulxaeli” —aech Dios Abrahamliajwa. Abraham nejchaxoel: “Dios xajup tupi mat-elija pejme duilaliajwa. Dios xajupbej to'aliajwa, majt ajil wut nejmach isliajwa” —aech Abraham, nejchaxoel wut Diosliajwa.

¹⁸ Puexa jiw chiekal matabija Abraham pijow naxuwlixilpox. Pe nakiowa, Abraham xanaboejsful xot Dios chajia jumtisipox paxulanliajwa, nejchaxoelafalon: “Dios nachaxdusaxael najumdupox” —aech Abraham, nejchaxoel wut. Samata, Abraham

pijow moejow. Do jawux, naxuwalow. Faenow poich. Do, xabich baxael, xabichbejpon pamojiw. Ja-aech japox, Abraham chiekal xanaboejsful wut Dios jumtispos. ¹⁹ Nalaels-el wutfuk paxulan, Abraham xabich pati'in. Kaewaechan swapich, wewe'pas cien waechanliajwapon. Abraham pijow, Sara, naxuwlaxil, pati'ow xot. Pe nakiowa, Abraham xanaboejsful Dios jumtispos. ²⁰ Nejchaxoel wut, nejchaxoela-elon: "Dios najum-aechpox diachwujnakolaxa-el" —chi-elon, nejchaxoel wut. Abraham xanaboejsful Dios chajia jumtispos. Samata, jum-aechon Dios jumtaeliajwas: "Xam xabich pachaemam" —aechon Diosliajwa. ²¹ Abraham nejchaxoel: "Diachwujnakolax Dios xajup nawe-isliajwa najum-aechpox" —aechon, nejchaxoel wut. ²² Samata, Abraham babijaxan ispoxan Diosliajwa wejisal.

²³ Japawujajan lela-esal xatis jumchiliajwas Abrahamliajwa: "Japon Abraham xabich pachaem, Dios xanaboejsful xot" —chiliajwas. ²⁴ Japawujajan lelsbej xatis wachakalpijwas matabijaliajwas Dios nakkajachawaesaxaelpox. Me-ama Abraham Dios kajachawaech, jachiyaxaelbej xatisliajwa, Dios nakkajachawaet wut. Ja-aech wut, xatis babijaxan isaspoxan ajilaxael Diosliajwa, xanaboejas wut Dios, japon mat-etpon wajpaklon Jesucristo pejme dukaliajwa. ²⁵ Jesús tup nakwemosliajwa xatis babijaxan isaspoxanliajwa. Japon tupprox tres matkoi wut, mat-echpon pejme dukaliajwa. Japon tup xot xatisliajwa, babijaxan isaspoxan chiekal nakwe-ajil Diosliajwa.

5

Xatis bu'wujanjisal Diosliajwa

¹ Xatis kaenanula chiekal bu'wujanjisal Diosliajwa. Xatis jatis, naexasich xot wajpaklon Jesucristo tupprox xatisliajwa. Samata, amwutjel Jesús pijaxtat xatis pachaems Diosliajwa. ² Dios nakbeltaen xatis babijaxan isaspoxanliajwa, xatis naexasich xot wajpaklon Jesucristo tupprox cruztat xatisliajwa. Xatis chiekal matabijas asamatkoi pomatkoicha duilaxaespos Diosxotse. Samata, xabich nejchachaemlas. ³ Xatis xabich nabijatas wutbej, nejchachaemlas, xajupaxaes xot kaes boejtaliasliajwas. ⁴ Boejtaliach wut nabijataspos, Dios nejchachaemlaxael xatisliajwa. Ja-aech wut, asamatkoi Dios nakchaxduiyaxael pachaempox. ⁵ Dios to'a Espiritu Santo wajmatpuatanxotaliajwa. Ja-aech wut, Espiritu Santo nakkajachawaet matabijaliajwas Dios xabich naknejxasinkpox. Samata, xatis wujnawesfulas asamatkoi Dios nakchaxdusaxaelpox, xabich pachaempox.

⁶ Majt xatis chajia babijaxan isas wut, xatis wajut weyaxisal. Samata, Cristo tup xatisliajwa. Me-ama Dios chajiakolaxtat nejchaxoel japon tupaliajwa, japox ja-aechlisox xatisliajwa. ⁷ Aton asatujnupijin boesaxes wuton asew jiw, kaen xatisxot jumchiyaxil: "¡Japon aton xamal nabej boese! ¡Xanlax naboesim!" —chiyaxilon. Pe boesaxespon xabich pachaem wut, kaen xatisxot bej jumchiyaxaelbej: "¡Ampon aton nabej boese', xabich pachaem xoton! ¡Xanlax naboesim!" —bej chiyaxaelbejpon. ⁸ Pe xatis isas wut babijaxan, Dios nakiowa nakkajachawaet. Dios to'ak paxulan tupaliajwa kaenanula xatis nakbu'weliajwa. Ja-aech wut, chiekal matabijas Dios xabich naknejxasinkpox. ⁹ Jesucristo tup nakbu'weliajwa. Samata, amwutjel pachaems Diosliajwa. Samatabej, nakkastikaxilon. ¹⁰ Majt xatis Dios padaelmajiws, isfulas xot babijaxan. Pe amwutjel, Dios paxulan tup xot cruztat, Dios nakbeltaen xatis babijaxan isaspoxanliajwa, chiekal pachaemaliajwas japonliajwa. Samata, amwutjel chiekal matabijas japon nakbu'weyaxaelpox. ¹¹ Diachwujnakolax xatis nejchachaemlas, Dios nakbu'weyaxael xot. Chiekal nejchachaemlasbej, pachaems xot Diosliajwa wajpaklon Jesucristo pijaxtat.

Amxot jum-aechpox Adánliajwa, Jesucristoliajwabej

¹² Adán matxoela is babijax. Jawutbej, tuadut patupax. Do baxael, puexa ampathatpijiwbej babijaxan is. Do jawux, patupax xajup puexa jiwliajwa, japi jiwbej babijaxan is xot. ¹³ Moisés chajia lelpox ajil wutfuk, jawut ampathatpijiw babijaxan is. Pe nakiowa, Dios kastika-el, ajil xotfuk Dios fiatpox jiw babijaxan isasamata. ¹⁴ Adán laeja wut, hasta Moisés laeja wutbej, jiw babijaxan isful wut, japi jiw Dios kastika-esalfuk. Japi jiw

babijaxan isful wut, Dios fias-el japi jiw babijaxan is-elaliajwa. Me-ama Adán fiach, jachiesal japi jiw. Ja-aech wut, japi jiw nakiowa tɔp kaen Adán pijaxtat, puexa jiw babijaxan isful xot. Pe baxael, Cristo pat wut, is pachaempox puexa jiwliajwa.

¹⁵ Adán is pachaema-elpox. Japox najɔpa-el, Dios malech nakwe-ispox sɔapich, Jesucristo pijaxtat. Kaen Adán babijax is xot, puexa jiw tɔp. Dios nakwe-ispox Jesucristo pijaxtat, japox xabich pachaem puexa nejmachjiwliajwa, pomatkoicha duilaliajwapi Diosxotse. ¹⁶ Adán matxoela is babijax. Do baxael, puexa jiw babijaxan isful. Samata, japi jiw pejbɔ'wɔajan Diosliajwa. Baxael, japi jiw Dios beltaens babijaxan ispoxanliajwa Jesucristo pijaxtat. Ja-aech wut, japi babijaxan ispoxan wejisa Diosliajwa. ¹⁷ Puexa jiw kaenanɔla tɔpafɔl, Adán chajiakolaxtat babijax is xot. Japibej tɔp, pajut babijaxan is xot. Do baxael, Jesucristo tɔp wut, Dios nakbeltaen kaenanɔla xatis babijaxan isaspoxanliajwa. Ja-aech wut, xatis babijaxan isaspoxan ajil Diosliajwa. Samata, Dios chiekal xanaboejas xot, Dios nakkajachawaet chiekal duilaliajwas.

¹⁸ Puexa jiw, ampathatpijiw pejbɔ'wɔajan Diosliajwa, Adán matxoela is xot babijax. Jesucristolax is pachaempox, japi jiw bɔ'wɔajan jilaliajwa Diosliajwa. Samata, Dios tapaeyaxaes duilaliajwa pomatkoicha japonxotse. ¹⁹ Adán naexaxis-el, Dios to'as wut. Samata, ampamatkoijan xabich jiw babijaxan is. Pelax Jesucristo naexasit Dios to'aspox. Samata, Jesucristo pijaxtat xabich jiw babijaxan ispoxan ampamatkoiyantat wejisa Diosliajwa.

²⁰ Xabich chajiakolaxtat Dios waelt pejjamechan Moiséstat. Moisés japox chajia lel jiw fiasliajwa babijaxan isasamata. Pe nakiowa, japi jiw babijaxan is. Japi matabija Moisés chajia lelpox. Pajut matabijabejpi, is wut babijaxan. Majt japoxan pajut matabija-el. Jiw kaes xabich babijaxan isful wut, nakiowa beltaeflaspi Dios babijaxan isfulpoxanliajwa. Kaes kajachawaetbejpon asamatkoi japi jiw kofaliajwa babijaxan ispoxan. ²¹ Puexa xatis babijaxan isas. Samata, tɔpaxaes. Wajpaklon Jesucristo tɔp xot xatisliajwa, Dios nakbeltaen babijaxan isaspoxanliajwa. Samata, babijaxan isaspoxan ajil Diosliajwa. Naktapaeyaxaelbejpon duilaliajwas pomatkoicha japonxotse.

6

Jesucristo pejwɔajan naexasiti kaes babijaxan isaxilpox

¹ Asew jiw nejchaxoel wut, bej nejchaxoelaxaelbej chiekal matabija-elaxtat: “Dios naknejxasink xot, nakbeltaen xatis babijaxan isaspoxanliajwa. Samata, kaes pejme isaxaes babijaxan. Jatis wut, Dios kaes pejme nakbeltaeyaxael babijaxan isaspoxanliajwa” —chiyaxaelbej japi jiw, nejchaxoel wut. ² ¡Xatis kaes babijaxan nabej istis! Tɔpon kaes babijax isaxil, tɔp xotlison. Xatisbej jachiyaxaes babijaxanliajwa. ³ Xamal chiekal matabijam. Xatis nakbautisa wut, Jesucristo pejjiws. Samata, xatis kaenanɔla wajut chiekal nejchaxoelaxaes: “Jesucristo kimatamatlas wut cruztat, xatisbej Diosliajwa, me-ama cruztat tɔps wut, japon sɔapich, jatis” —chiyaxaes, nejchaxoels wut. ⁴ Cristo tɔp wut, mɔthtas. Xatisbej nakbautisa wut, me-ama, Jesucristo sɔapich, nakmɔtha wut, jatis xatis, kofas xot babijaxan isaspoxan. Jesús tɔp wut, pax Dios mat-echpon pejme dukaliajwa. Amwɔtjel, xatisbej, me-ama Dios nakmat-iapis wut, jatis pejme duilaliajwas pajelnejchaxoelaxantat.

⁵ Jesucristo tɔp wut cruztat, jawɔt xatis, me-ama kaebɔ'tas wut, jatis, japon sɔapich. Do jawɔx, Jesucristo mat-ech wut pejme dukaliajwa, jawɔt xatisbej, me-ama nakmatia wut, jatis xatis chiekal pejme duilaliajwas, isliajwasbej Dios nejxasinkpoxan. ⁶ Xatis matabijasbej. Jesús tɔp wut cruztat, jawɔtbej wajpadujnejchaxoelaxan, me-ama nakwe-matamatal wut cruztat, Jesús sɔapich, ja-aechox. Samata, babijaxan isasiaspoxan amwɔtjel Dios chiekal nakwetoet. Kaes babijaxan isaxisal. ⁷ Aton tɔp wut, kaes babijaxan isaxillison. Xatisbej jachiyaxaes. Kaes babijax isaxisal. ⁸ Xatis, Jesucristo sɔapich, me-ama tɔps wut, jatis xot, chiekal xanaboejas asamatkoi duilaxaespox Diosxotse, Jesucristo sɔapich. ⁹ Xatis matabijasbej. Jesucristo tɔp wut, mat-echpon pejme dukaliajwa. Amwɔtjel kaes tɔpaxillison. Pomatkoicha dukafɔlaxaelon. ¹⁰ Jesucristo

kaetupaxtat jiw bu'wiapon. Amwutjel dukaful wut, isful Dios nejxasinkpoxan. ¹¹ Samata, xamalbej kaenanula nejchaxoelam wut, jchiekal nejchaxoelde: “Xan nejxasinkaxpoxan isliajwan, babijaxan, amwutjel japoxanliajwa, xan, me-ama tux wut, ja-an. Samata, kaes babijaxan isaxinil. Isfulaxaelenlax Dios nejxasinkpoxan, nabistax xot Jesucristoliajwa” —amde, nejchaxoelam wut!

¹² Samata, jasew watho' nabej babijne' bu'moejsliajwam najut isasiampoxan isliajwam! ¹³ Xamal majt, me-ama patupawam wut, ja-am Diosliajwa. Pe amwutjel, xamal, me-ama Dios mat-iapi wut, ja-am pejme duilaliajwam. Samata, jxamal, najut nabej nawoeye' babijaxanxot isfulaliajwam japoxan! jXamallax najut nawoeyam Diosxot isfulaliajwam pachaempoxan! ¹⁴ Xamal chiekal matabijaxaelam isasamatam babijaxan, najut isasiampoxan. Moisés chajia lelpox, kaes xamal tato'lafula-el. Pe amwutjel, Dios pajut chiekal xamal tato'laful. Dios kajachawaesfulbej xamal.

Jesús pejuwajan naexasiti, me-ama esclavos wut, ja-aechi, isfulxot pachaempoxan

¹⁵ Dios nakbeltaen xot xatis babijaxan isaspoxanliajwa, amwutjel Moisés chajia lelpox kaes naktato'la-el. Ja-aech wut, j pachaemkat xatis jumchiliajwas: “jBabijaxan isaxaes, isasiaspoxan!” —chiliajwas? jEl! jXatis kaes nabej nejchaxoelatis babijaxan isliajwas! ¹⁶ Xamal chiekal matabijam. Xatis asew pej-esclavos wut, wajpaklon naktato'alpoxan chiekal naexasisfulaxaes. Jachiyaxaesbej, babijaxanxot nawoeyas wut isfulaliajwas babijaxan. Asamatkoi, tux wut, diachwujnakolax napelsaxaesbej Diosliajwa. Dios naexasich wutlax, chiekal duilafulaxaes Diosliajwa. ¹⁷ Xamal majt babijaxan isam, najut isasiampoxan. Amwutjellax chiekal naexasitam Dios pejjamechan, asew, naexasiti Jesús pejuwajan, xamal naewuajanpox. Samata, Dios kawuajnax wut, gracias-an xamal Roma paklowaxpijwamliajwa, Dios xabich xamal kajachawaet xot. ¹⁸ Dios xamal kajachawaet babijaxan isampoxan kofaliajwam, majt isampoxan. Samata, amwutjel isam pachaempoxan, Dios nejxasinkpoxan. ¹⁹ Xamal xajupa-emil Dios pejjamechan, xabich tampoelpoxan, matabijaliajwam. Samata, chiekal naewuajnax matabijaliajwam. Xamal majt asew watho' bu'moejtam, nijwa-elpi. Asaxan babijaxan isambej. jAmwutjellax najut chiekal nawoeyam Diosxot isliajwam pachaempoxan, Dios nejchachaemlialajwa xamalliajwa!

²⁰ Majt xamal xabich babijaxan isam wut, is-emil pachaempoxan, Dios nejxasinkpoxan. ²¹ Majt xamal babijaxan isampoxan, amwutjel japoxanliajwa xamal xabich nadala, pachaema-el xot japoxan. Jiw nakiowa babijaxan is. Pe japi napelsaxael pomatkoicha Diosliajwa. ²² Amwutjel Dios kajachawaet xot, xamal kofam majt babijaxan isfulampoxan. Samata, xamal najut nawoeyam Diosxot japon tanbichfulaliajwam. Japox pachaem xamalliajwa, chiekal duilam xot, me-ama Dios nejxasink. Baxael, asamatkoi tuxam wut, duilaxaelam Diosxotse pomatkoicha. ²³ Jiw babijaxan is wut, mosaxaes pejpaxtat. Napelsaxaelbejpi Diosliajwa. Pelax xatis Dios pejjiws, Jesús pejuwajan naexasichpis, Dios naktapaeyaxael Diosxotse pomatkoicha duilaliajwas, wajpaklon Jesu-cristo suapich.

7

Amxot jum-aechpox nakjiyaxliajwa, Moisés chajia lelpoxliajwabej

¹ Takoew, xamal matabijam Moisés chajia lelpox. Samata, matabijambej, jiw tato'las Moisés chajia lelpox naexasisliajwa, laelp wuti ampathatat. Pe japi tux wut, wewe'paesal Moisés chajia lelpox. ² Jachiyaxaelbej pawis, pamalpow. Japow fo'axil pamal, asan aton fisliajwa. Pe pamal tux wut, ja-aech wut, Moisés chajia lelpox tapaei japow asan aton fisliajwa. ³ Japow pamal naetupa-esal wut, asan aton naebu'moejt wutow pamal, japow pawis babijax isaxael Diosliajwa. Japow pamal tux wut, ja-aech wutlax, japow tapaeis fisliajwa asan aton pamalliajwapow. Fit wutow asan aton, japox chaemilaxil Diosliajwa.

⁴ Takoew, pawis pamalpow, japow naexasit pamal tato'laspoxan. Xamalbej majt jam, naexasitam wut Moisés chajia lelpox. Pe Jesucristo tup wut cruztat, jawutbej xatis, me-ama, Cristo suapich, tups wut cruztat, jatis. Jatis wut, Moisés chajia lelpox, me-ama toep wut, ja-aech xatisliajwa kaes naexasisasamatas. Samata, japox kaes naexasisaxisal. Amwutjel xamal Jesucristo pejiwam, japon tup wut, mat-ech pejme dukaliajwa. Samatabej, isfulam Dios pijax bichax. ⁵ Majt xatis Jesús pejwujajan naexasis-esal wut, wajut babijaxan isasiaspoxan isas. Jawutbej Moisés chajia lelpox japoxan naktapae-el. Pe xatis japox jumtaens wut, kaes asbuan jumch namaekchas babijaxan isliajwas. Samata, ampathatat laelpas wut, diachwujanakolax chiekal napelslapas Diosliajwa. ⁶ Pelax amwutjel, Cristo suapich, me-ama tups wut, jatis xot, kaes naexasisaxisal Moisés chajia lelpox. Duils Dios tanbichliajwas. Espíritu Santo nakkajachawaet xot, nejchaxoels pajelnejchaxoelaxan Dios tanbichliajwas. Samata, japabichax isas wut, nejchaxoela-esal Moisés chajia lelpox naexasisliajwas.

Amxot jum-aechpox Moisés chajia lelpoxliajwa, puexa jiw babijaxan ispoxanliajwabej

⁷ Asew jiw nejchaxoel wut, bej jumchiyaxaelbejpi ampox: “Moisés chajia lelpox pachaema-el” —bej aechbejpi, nejchaxoel wut. Ajil wut Moisés chajia lelpox, ja-aech wut, jiw matabijaxil pachaema-elpoxan isasamata. Moisés chajia lelpox jum-aech: “Xam taenam wut asan pijax, jnabej nejchaxoele' xam nijaxliajwa!” —aechox. Japox ajil wut, xan matabijsaxinil pachaema-elpox, nejxasinkax wut asan pijax xan tajaxliajwa. ⁸ Xan matabijtax Moisés chajia lelpox. Nafiat is-elaliajwan babijaxan. Do jawut, xan kaes asbuan jumch namaekchax babijaxan isliajwan. Nafiatpoxan naexasis-enil. Samata, xabich nejchaxoelx isliajwan japoxan. Ajil wut Moisés chajia lelpox, xan nejxasinkaxinil japoxan, babijaxan, isliajwan. ⁹ Moisés chajia lelpox matabijs-enil wutfuk, xan nejchaxoelx: “Xan kaes pejme pachaeman” —an, nejchaxoelx wut. Do jawux, tajut chiekal matabijtax Moisés chajia lelpox. Jawutbej tajut chiekal matabijtax chiekal naexasis-enilpox Moisés chajia lelpox. Samata, matabijtax Dios nakastikaxaelpox, xan nakiowa isx xotfuk babijaxan. ¹⁰ Dios waelt Moisés chajia lelpox xan naexasisliajwan, chiekal dukaliajwanbej. Xan chiekal naexasis-enil xot Moisés chajia lelpox, xan tajut matabijtax nafa'axaelenpox Diosliajwa, babijaxan isx xot. ¹¹ Do jawut, chiekal nejchaxoelx: “Xan naexasisaxaelen Moisés chajia lelpox chiekal dukaliajwan” —an, nejchaxoelx wut. Xan nejxasinka-enil isliajwan Dios natapae-elpox. Pe ja-an wut, xan nakiowa asbuan jumch namaekchax babijax isliajwan. Samata, Moisés chajia lelpox chiekal naexasis-enil xot, nafa'ax Diosliajwa.

¹² Moisés chajia lelpox tato'alpoxan, fiatpoxanbej, pachaem jiw naexasisliajwa.

¹³ Asew jiw nejchaxoel wut, bej nejchaxoelaxaelbejpi: “Moisés chajia lelpox chiekal pachaema-el. Japox naexasis-esal wut, Dios xatis nakkastikaxael” —bej chiyaaxaelbejpi, nejchaxoel wut. ¡El! Japox chaemila-el. Xatis wajut babijaxan isas xot, Dios nakkastikaxael. Dios japox chajia waelt tato'laxan Moiséstat xatis wajut matabijaliajwas, babijaxan isas wut.

¹⁴ Xatis matabijas. Moisés chajia lelpox Dios chajia waelt ampathatat chiekal xatis laelpaliajwas. Pe nakiowa, chiekal puexa naexasis-esal Moisés chajia lelpox. Asbuan jumch kaes namaekchas isliajwas babijaxan. ¹⁵ Xan isasian pachaempoxan. Pe nakiowa, japoxan is-enil. Asax nejxasinka-enilpox isliajwan, japoxlax isx. Ja-an wut, baxael tajut chiekal nejchaxoelx: “Ma-aech xot xan japox isx” —an, tajut nejchaxoelx wut. ¹⁶ Isx wut nejxasinka-enilpox, xan xabich nanejxaejow, japox isx wut. Samata, xan tajut matabijtax. Moisés chajia lelpox pachaem, nakfiat xot babijax isasamatas. ¹⁷ Baxael, tajut chiekal nejchaxoelx: “Xan babijaxan isxpoxan tajut is-enil. Tajnejchaxoelax nato'a xan babijaxan isliajwan” —an, nejchaxoelx wut. ¹⁸ Xan tajut matabijtax tajnejchaxoelax, xabich pachaema-elpox. Xan nejxasinkax isliajwan pachaempoxan. Pe nakiowa, japoxan isaxinil. ¹⁹ Samata, xan is-enil nejxasinkaxpoxan. Isxlax nejxasinka-enilpoxan. ²⁰ Tajut nejchaxoelx wut, jum-an: “Japoxan xan tajut is-enil. Tajnejchaxoelax, pachaema-elpox, nato'a isliajwan babijaxan” —an, nejchaxoelx wut.

²¹ Xan tajut matabijtax. Pachaempox isasian wut, jumch isx babijax. ²² Nejaxasinkax naexasisliajwan Moisés chajia lelpox. ²³ Pe nakiowa, tajbabejnechaxoelax natapae-el chiekal nejchaxoelaliajwan. Samata, isx babijaxan.

²⁴ ¡Xan xabich nabijatax! ¡Babijaxan isx xot, bej nafa'axaelenbej pomatkoicha Diosli-ajwa! ¿Achankat xan nakajachawaesaxael nabu'weliajwa nafa'a-elaliajwan Diosliajwa? ²⁵ Kaen Dios xan nabu'weyaxael nejchaxoelasamatan babijaxan. Samata, Dios kawuajnx wut, gracias-an Diosliajwa, nakajachawaet xoton. Dios to'a wajpaklon Jesucristo xatis nakkajachawaesliajwa. Samata, naexasis-enil tajnejchaxoelax. Xan matabijtax naexasisaxaelenpox Moisés chajia lelpox. Pe nakiowa, tajnejchaxoelax nato'a babijaxan isliajwan.

8

Chiekal duilpox, Jesús pejwuajan naexasiti, kajachawaesfulas xoti, Espíritu Santo

¹⁻² Xatis majt napeltas Diosliajwa. Pe amwutjel, naexasich xot Jesús pejwuajan, Dios nakkastikaxil. Espíritu Santo nakkajachawaet xot, chiekal duils Diosliajwa. Jesús tɔp wut cruztat, Dios nakbeltaen babijaxan isaspoxanliajwa. Xatis kaes is-esal isasiaspoxan, pachaema-elpoxan. ³ Xatis chiekal naexasis-esal puexa Moisés chajia lelpox. Samata, xatis wajut weyaxisal babijaxan isaspoxantat. Pe nakiowa, Dios nakbu'weliajwa to'a paxulan nalaelsliajwa ampathatat. Japon pejbɔ't, me-ama xatis wajbu'an wut, ja-aech. Do baxael, japon tɔp wut cruztat, nakwemot xatis babijaxan isaspoxanliajwa. Ja-aech wut, Dios toet babijaxan xatis isaspoxan. ⁴ Dios japox is xatis isliajwas pachaempoxan, me-ama Moisés chajia lelpox jum-aech. Wajnejchaxoelaxan, babijaxan, nakto'a isliajwas pachaema-elpoxan. Amwutjel japoxan is-esal. Isas Espíritu Santo nakto'apoxan.

⁵ Nejchaxoelaxan, babijaxan, jiw to'as isliajwa babijaxan. Pelax Espíritu Santo tato'laspi, japi nejchaxoel isliajwa Espíritu Santo nejaxasinkpoxan. ⁶ Jiw nejchaxoelpi wewe'paspoxankal pajutliajwa, japi jiw napelsaxael Diosliajwa. Japibej Dios kastikaxaes. Asewlix, nejchaxoelpi Espíritu Santo nejaxasinkpoxankal, japi jiw chiekal duilaxael, asew jiw suapich. Asamatkoi japi jiw duilaxaelbej Diosxotse. ⁷ Jiw, nejchaxoelpi babijaxan isaxan, japi Dios padaelmajiw. Japoxan nejchaxoel xoti, nejweslapi naexasisliajwa Moisés chajia lelpox. Japi japox naexasisaxilbej. ⁸ Samata, jiw babijaxan is, pajut nejaxasinkpoxan. Is-el Dios nejaxasinkpoxan.

⁹ Amwutjel Espíritu Santo diachwuajnakolax xamal nejmatpuatanxot duk xot, isfulam Espíritu Santo nejaxasinkpoxan. Is-emil majt najut isfulampoxan, nejaxasinkampoxan isliajwam. Jiw pejmatpuatanxot Espíritu Santo duka-el wut, japi jiw Cristo pejjiwael. ¹⁰ Xamal Jesucristo pejjiwam xot, pomatkoicha duilaxaelam Diosxotse, babijaxan isampoxan ajil xot Diosliajwa. Pefuk xamal ampabu'tam xot, majt tɔpaxaelam, isam xot babijaxan. ¹¹ Jesús tɔp wut, Dios mat-echpon pejme dukaliajwa. Samata, xamalbej asamatkoi tɔpam wut, Dios mat-eyaxael pejme duilaliajwam, Espíritu Santo duk xot nejmatpuatanxot.

¹² Takoew, isaxaes Dios nejaxasinkpoxan. Isaxisal wajut nejaxasinkaspoxan, babijaxan. ¹³ Isam wut babijaxan, najut nejaxasinkampoxan, asamatkoi tɔpam wut, xamal napelsaxaelam Diosliajwa. Babijaxan isampoxan kofam wut, Espíritu Santo xamal kajachawaet xot, ja-am wut, xamal duilaxaelam pomatkoicha Diosxotse.

¹⁴ Espíritu Santo jum-aechpoxan ispi, japi jiwlap Dios paxi. ¹⁵ Amwutjel Espíritu Santo nakkajachawaet. Dios to'a wut Espíritu Santo xatisxotaliajwa, to'a-elon xatis wajlewlaliajwa Dios nakkastikaxaelpoxliajwa. Diachwuajnakolax xatis Dios paxis. Samata, Espíritu Santo nakkajachawaet xatis jumchiliajwas Dios: “¡Taj-ax Dios!” —chiliajwas. ¹⁶ Espíritu Santo nakkajachawaet xot, xatis chiekal matabijas Dios paxispi. ¹⁷ Xatis Dios paxis xot, asamatkoi Dios nakkajachawaesaxael, japon nakjumdut xot. Jawut xatis, Jesucristo suapich, jiw tato'laxaes Diosxotse. Jesucristo majt nabijat, asew jiw babijax is wut japonliajwa. Xatis nabijatas wutbej, Jesús pejwuajan naexasich xot, asamatkoi Diosxotse duilaxaes, Dios pej-itliakaxotse.

Nejchachaemilpox naexasiti Jesús pejwujajan

¹⁸ Xatis nabijatas ampathatat. Xan japox nabijasaxliajwa nejchaxoela-enil. Pelax xan nejchaxoelx asamatkoi nakwepachaemaxaelpoxliajwa, Jesucristo pejme pask wut. ¹⁹ Dios ispi ampathatat, japi xabich piach wujawet Dios jumchiyaxaelpox jumtaeliajwapi: “Ampi jiw, taxi” —chiyaxaelpox xatisliajwa. ²⁰ Xabich chajiakolaxtat, Dios ampathat is wut, do baxael, Adán babijax is wut, Dios jum-aech kastikaxaelpox ampathatliajwa. Samata, asamatkoi, Dios markpox, matkoi, pat wut, Dios ampathat toesaxael pajelthat xaliaxsliajwa. ²¹ Dios pajelthat xaliast wut, puexa Dios ispoxan pejme pachaemaxael. Jawut ajilaxael patupax. Ajilaxaelbej xoepax. Japoxan jachiyaxael, Dios chaxduiyaxael wut paxiliajwa pachaempoxan. ²² Xatis matabijas, puexa nejmach, ampathatpijiw, nabijat. Me-ama kaeow pawis boejpuns wut yamxuch nalaelsliajwa, ja-aech japox. ²³ Xatis nabijatasbej. Matabijas Espiritu Santo wajmatpuatanxotpox. Samata, asamatkoi Dios kaenanula nakchaxduiyaxael pajelbu't, xatis Dios paxis xot. Jatis wut, kaes tupaxisal. Japamatkoitat xatisliajwa Dios nakjumchiyaxael: “Ampi taxi” —chiyaxaelon. ²⁴ Xatis chiekal naexasich Jesucristo tupox xatisliajwa. Samata, matabijas Dios nakbu'xaliaxaxaelpox pajelbu'taliajwas. Japox xatis wujawech. Xatis ma amwut, pajelbu'tas wut, ja-aech wut, nakwewe'paxil wujawesliajwas pajelbu't, nakbu'xaliaxaxaelpox. ²⁵ Tae-esal xotfuk wujawechpox, nakiowa wujawesfulaxaes. ²⁶ Espiritu Santo nakkajachawaesful, wajxanaboejaxan chiekal mamnika-el xot Diosliajwa, chiekal matabija-esal xotbej Dios kawujajnalijwas. Samata, Espiritu Santo Dios nakwekawujajnaful xatisliajwa. ²⁷ Dios matabijt xatis nejchaxoelspoxan. Samata, Espiritu Santo Dios kawujajan wut xatisliajwa, matabijton, Espiritu Santo nakwekawujajan xot, me-ama Dios nejxasink.

Nejchachaemlaxaelpox Jesús pejwujajan naexasiti, wepach wut pachaema-elpoxan

²⁸ Xatis, Dios nejxasinkaspis, chiekal matabijas ampox. Naktapat wut pachaema-elpoxan, o, pachaempoxanbej, ja-aech wut, japoxan pachaemaxael xatisliajwa. Dios chajia nejchaxoel xatisliajwa asamatkoi jachiyaxaelpox. ²⁹ Dios chajia matabijt xatis naexasisaxaespox Jesús pejwujajan. Dios chajia nejchaxoelbej xatis, japon paxi wut, jachiliajwas. Samata, Jesucristo, me-ama wajkoewan, matxoelapijin, ja-aechon. Xatis, me-ama wachakalpijwas wut, jatis. ³⁰ Me-ama Dios chajia nejchaxoel asamatkoi xatis japon paxiliajwas, jasoxtat Dios nakmakanot japon pejiwaliajwas. Samata, xatis, Jesús pejwujajan naexasich wut, pachaems Diosliajwa, majt babijaxan isaspoxan ajil xot Diosliajwa. Samata, asamatkoi, xatis jiw tato'laxaes, Jesucristo suapich.

³¹ Jatis wut, ¿achaxkat kaes xatis jumchiyaxaes? Dios xatis nakkajachawaet wut, jchinax kaen aton nakmalechaxil xatisliajwa! ³² Dios pasiowla-el paxulan japon tupaliajwa, xatis nakbu'weliajwa. Samata, matabijas, Dios nakchaxduiyaxael puexa xatis nakwewe'ppoxan. ³³ Dios nakmakanot japon pejiwaliajwas. Samata, chinax kaen aton naktasalaxil babijaxan isaspoxanliajwa, xatis majt babijaxan isaspoxan chiekal ajil xot Diosliajwa. ³⁴ Chinax kaen aton to'axilbej nakkastikaliajwa babijaxan isaspoxanliajwa, Jesucristo tup wut, mot xoton xatis babijaxan isaspoxanliajwa. Tup wut, Dios mat-echpon pejme dukaliajwa. Amwutjel ek pax Dios poklalel. Samata, Jesús Dios kawujajnaful xatis nakkajachawaesfulaliajwa. ³⁵ Chinax kaen aton xajupa-el asax isliajwa, Cristo nakkofaliajwa xatis naknejxasinkpox. Nabijatas wut, Cristo nakiowa naknejxasinkaxael. Puexa chiekal pachaema-el wutbej xatisliajwa, Cristo nakiowa naknejxasinkaxael. Asew jiw babijaxan is wutbej xatisliajwa, Dios chiekal xanaboejas xot, Cristo nakiowa naknejxasinkaxael. Xabich litaxaelas wutbej, nakwe-ajil wutbej naxoeliajwas, pe nakiowa Cristo naknejxasinkaxael. Chachoel wutbej, asew jiw nakbesia xot, Cristo nakiowa naknejxasinkaxael. ³⁶ Dios pejjamechan, chajia lelspx, jum-aechox David jum-aechpox Diosliajwa:

“TajDios, xanal pomatkoicha asew jiw nabesia, nejjiwan xot. Me-ama ovejas tadakafulas wut xua'asliajwas, jachisiabejpi asew jiw xanalliajwa” —aechox.

³⁷ Xatis nabijatas wut, babijaxan naktapat xot, nakiowa mamnikafulaxaes, Cristo naknejxasinkpon nakkajachawaesful xot. ³⁸ Xan chiekal matabijtax ampox. Chinax kaeyax, asax, xajupaxil xatis nakdiajkaliajwa Dios naknejxasinkpox. Wajpatupax, wajnabijasaxbej, japoxanbej nakdiajkaxil Dios naknejxasinkpox. Angeles, depbej, nakdiajkaxil Dios naknejxasinkpox xatis. Asaxan babijaxan naktapat wut xatisliajwa, asamatkoi pasaxaelpoxanbej, japoxanbej xatis nakdiajkaxil Dios naknejxasinkpox. ³⁹ Puexa Dios ispoxan athuxotse, thatxotbej, japoxan xatis nakdiajkaxil Dios naknejxasinkpox. Asewbej, Dios ispoxan, kaeyax nakdiajkaxil Dios naknejxasinkpox. Xatis matabijas Dios naknejxasinkpox, to'a wuton wajpaklon Jesucristo tupaliajwa puexa xatis babijaxan isaspoxanliajwa.

9

Dios makanotpox judíos japon pejiwaliajwa

¹ Xan jum-anpoxan diachwujnakolax. Kichachajba-enil, Jesús pejwujajan naexasitx xot. Espiritu Santo nakajachawaet xot, matabijtax xan jum-anpoxan xamalliajwa, japoxan diachwujnakolax. ² Xan xabich nanejxaejow, asew judíos naexasis-el xot Jesús pejwujajan. Xabich nanejxaejowbej, nejchaxoelx wut japiliajwa. ³ Samata, xan nejchaxoelx japiliajwa: “Dios natapaeyaxael wut, nejxasinkax xan nafa'aliajwan Diosliajwa, Cristo pej-apóstol-elaliajwanbej, tajjiw judíoslax Dios bu'weliajwas” —an, nejchaxoelx wut. Pe Dios natapaeyaxil japox jachiliajwan. ⁴ Tajwujajnapijiw, judíos, Israel pamojiw, japi makanoch Dios japon pejiwaliajwapi. Ja-aech wut, Dios japixot. Samata, japi taen pomatkoicha Dios pej-itliakax. Chajia jumtisbejpi kajachawaesliajwas. Japiliajwa waeltas Moisés chajia lelpox japi naexasisfulaliajwa. Samata, israelitas matabija Dios kawujajnafulaliajwa. Matabijabejpi Dios chajia jum-aechpox bu'weliajwas. ⁵ Abraham, Isaac suapich, Jacobbej, japi judíos pejwujajnapijiw. Cristo nalaelt judíosxot. Samata, Cristo judíos-aton. Japon pajutbej Dioslape, puexa jiw tato'laliajwa. Samata, pomatkoicha puexa jiw jumchiyaxaeson: “Japon xabich pachaem” —chiyaxaeson. Jasox jachiyaxael japonliajwa.

⁶ Judíosxot asew jiw naexasis-el Dios chajia jum-aechpox. Samata, Dios is-el chajia jum-aechpox japi jiwliajwa. Ja-aech wut, xatis jumchiyaxisal: “Dios is-el puexa judíoslajwa chajia jum-aechpox” —chiyaxisal xatis. Dios kaesuapich makanot judíosxot japon pejiwaliajwa. Dios puexa makanos-el judíos japon pejiwaliajwa. ⁷ Abraham xabich pamojiw. Pe nakiowa, puexa Abraham pamojiw Dios pejiwaxil. Dios chajia jum-aech Abrahamliajwa: “Xam kolenje naxulan. Pe kaen, naxulan Isaac, pamojiw, japi namojiwkola wulxael” —aech Dios Abrahamliajwa. ⁸ Samata, xatis chiekal matabijas, puexa Abraham pamojiw Dios pejiwaxil. Dios naexasitikal, japi diachwujnakolax Abraham pamojiwkolaxael. Japi Dios paxiyaxaelbej. ⁹ Abraham xijil wutfuk, Dios chajia jum-aech Abrahamliajwa: “Kaewaech wut, pejme xamxot pasaxaelen. Jawut nijow Sara paxulchaxaelisow” —aech Dios, jumdut wut Abrahamliajwa.

¹⁰ Do jawux, kaewaech wutlejen, Isaac nalaelt, pat wut Dios jumdutpox. Do jawux, pin-iawaechan wut, Isaac pijow fit. Japow pawul Rebeca. Moejow wut, kolenje na-o'a faekow. ¹¹⁻¹³ Na-o'a nalaela-el wutfuk, japi is-el wutfuk babijaxan, is-el wutbejfuki pachaempoxan, Dios jum-aech Rebecaliajwa: “Matxoelapijin tato'laxaes pakoewan, wachakalpijin” —aech Dios Rebecaliajwa. Baxael, japiliajwa Dios pejjamechan, chajia lelpox, jum-aechox, Dios jum-aech wut: “Xan kaes nejxasinkax wachakalpijin, pawulpon Jacob. Matxoelapijin, pawulpon Esaú, nejxasinka-enillejen” —aech Dios. Jasoxtat Dios makanotbej jiw nejxasinkpison pejiwaliajwa. Dios jiw makanot wut pejiwaliajwa, jumchi-elon: “Xan jiw makanosaxaelen, ispi pachaempoxan” —chi-el, Dios nejchaxoel wut.

¹⁴ Xatis jumchiyaxisal: “Dios jasoxtat makanot wut, japox chiekal pachaema-el” —chiyaxisal. Dios puexa ispoxan xabich pachaem. ¹⁵ Dios jum-aech Moisésliajwa: “Xan aton beltaesian wut, japon aton beltaeyaxaelen” —aech Dios. ¹⁶ Aton nejxasink wut

Dios beltaelias was babijaxan ispoxanlias, o, nejxasinka-el wuton beltaelias was, pe nakiowa, Dios nejxasink wut, japon aton Dios beltaeyaxaes babijaxan ispoxanlias. Aton xabich Dios tanbist wut, o, tanbich-el wut, pe nakiowa, Dios nejxasink wut, japon aton beltaeyaxaes. ¹⁷ Dios pejjamechan, chajia lelspx, jum-aech Dios jum-aechpox rey, Egipto tuajnujijinlias: “Xam tapaeix xot, amwutjel xam puexa ampatuajnujijiw tato'lam. Xan koechaxan isaxaelen xamal nabijaslias, tajjiw tapae-emil wut nakolalias, nejtuanxot. Puexa ampathatpijiw namatabijaxael xan, diachwuanakolax xan Diosnanponan” —aech Dios rey Egipto tuajnujijinlias. ¹⁸ Samata, Dios jiw beltaesia wut, beltaeyaxaelon. Naexasis-elpi Dios tato'alpox, japi jiw Dios tapaeis naexasis-elalias Dios tato'alpox.

¹⁹ Pe xamal bej jumchixaelambej xanlias: “Jiw naexasis-el wut Dios tato'alpox, japi jasox tapaeis jachisfulalias pomatkoicha. Ja-aech wut, japi Dios kastikaxisal” —bej chixaelambej xanlias. ²⁰ ¡Xamal jasox nabej jum-aech! Dioslias! ¡Nabej jum-aech! bej: “Dios is pachaema-elpox” —nabej aech! Baext xajupaxael wut naksiyalias, jumchixal baex fa'sanlias: “Xam na-isam baextat. ¿Ma-aech xotkat xan na-isam baextat?” —chixal baext. ²¹ Baex fa'sanlias tampoela-el isiapoxan isliawapon bux-astat. Japonlias tampoela-el isliaw baext, chimiat, esliaw puexa jiw talias. Japonlias tampoela-elbej asat isliaw, xachat-etpotlias.

²² Diosbej ja-aech. Isiapoxan ispon jiwlias. Japon xabich kastikaxael jiw, babijaxan ispi, pajut japi jiw matabijalias japon xabich palalapox, pejpamamaxbej. Pe Dios piach xabich bojtaliat jiw babijaxan ispi kastika-elalias wapon. Japilach chiekal toesaxaespi, Dios kastikas wut. ²³ Dios bu'weyaxaelpi, japi jiw bu'weyaxaelon. Dios nakbeltaen xatis babijaxan isaspoxanlias, jiw pajut matabijalias, japon xabich pachaempon. Dios chajia nakmakanot, nalaela-esal wutfuk japon pejjiwalias, pomatkoicha duilalias japonxotse. ²⁴ Dios nakmakanot wut japon pejjiwalias, judioskal makanoselon. Makanotbejpon judios-elpi. Puexa xatis Dios nakmakanot japon pejjiwalias. ²⁵ Profeta Oseas chajia lelpox jum-aech, Dios jum-aech wut judios-elpilias:

“Majt tajjiwa-elpi, japialias xan jumchixaelen: ‘Ampi jiw, tajjiw’ —chixaelen. Japi jiw, majt nejxasinka-enilpi, amwut japialias jumchixaelen: ‘Ampi jiw, tajjiw, xan japi nejxasinkax’ —chixaelen.

²⁶ Japiliaswabej, xan majt jum-an: ‘Xamal tajjiwa-emil’ —an, asamatkoi japi jiw xan nanaexasisaxael. Jawut asew jiw jumchixaes japialias: ‘Ampi jiw, Dios pomatkoicha dukpon, japon paxi’ —chixaes!” —aech profeta Oseas chajia lelpox, Dios jum-aech wut judios-elpilias.

²⁷ Profeta Isaías chajia ampox jum-aech judioslias: “Israel pamojiw xabich piniataxael. Me-ama thaejbelen marxot xabichjim, jachixael Israel pamojiw. Pe japixot kaesupich Dios bu'weyaxaes. ²⁸ Asamatkoi potuanchanpijiw, babijaxan ispi, kamta kastikaxaespi Dios” —aech profeta Isaías judioslias. ²⁹ Profeta Isaías chajia jum-aechbej:

“Dios, xajup puexa isliaw. Dios nakbeltaeyaxil wut, puexa xatis chiekal naktoesaxaelon. Me-ama Sodoma paklowaxpijiw, Gomorra paklowaxpijiwbej, chiekal toech wut, jachixaelbejpon xatiaslias, Dios naktoesaxael wut xatis” —aech profeta Isaías.

Amxot jum-aechpox judioslias, Jesusliaswabej

³⁰ Xatis matabijas. Majt judios-elpi nejchaxoel wut, chiekal nejchaxoela-el: “¿Machixaes pachaemalias Dioslias, babijaxan isaspoxanlias?” —chi-eli, nejchaxoel wut. Amwutjel judios-elpi Jesus pejwuajan chiekal naexasit xoti, japi majt babijaxan ispoxan wejisallisi Dioslias. ³¹ Judioslax nakaewa najum-aech: “Moisés chajia lelpox chiekal naexasich pachaemalias Dioslias” —aech judios nakaewalias. Pe nakiowa, judios chiekal naexasis-el Moisés chajia lelpox. Samata, nakiowa judios babijaxan isful. ³² Naexasis-eli Jesus tupox japialias, japi nakiowafuk pejbu'wuajan

Diosliajwa. Asbuan jumch nakaewa najum-aechi: “Xatis naexasich wut Moisés chajia lelpox, pachaemaxes Diosliajwa” —aechi asbuan jumch nakaewa. Samata, judíos babijaxan is xot, napelti Diosliajwa. ³³ Dios pejjamechan, chajia lelpox, jum-aech, Dios chajia jum-aechpox paxulan to'axoekpoxliajwa:

“Xan to'axaelen taxulan Jerusalén paklowax poxadik, japon jiw bu'welijwa japi babijaxan ispoxanliajwa. Asew jiw japon xanaboejaxili. Japi jiw chiekal napelsaxael xanliajwa. Asew jiw lax, taxulan xanaboejaxaelpi. Japilax napelsaxil xanliajwa” —aech Dios, chajia jum-aech wut.

10

¹ Takoew, xan nejxasinkax puexa judíos Dios bu'welijwas. Samata, Dios kawuajnxapilijaw. ² Judíos xabich isasia Dios nejxasinkpoxan Dios nejchachaemlaliaw japilijaw. Pe japoxan is wut, Diosliajwa japoxan pachaema-el, chiekal matabija-el xoti isliaw Dios nejxasinkpoxan. ³ Japi judíos pajut chiekal matabija-el Dios isaxaelpox japi babijaxan ispoxan chiekal ajilaliaw Diosliajwa. Samata, japi chiekal matabija-el wut, nejchaxoel: “Xatis naexasich wut Moisés chajia lelpox, chiekal pachaemaxes Diosliajwa” —aechi asbuan jumch, nejchaxoel wut. Samata, ja-aech wut, japi naexasis-el Jesús tuppox japilijaw pachaemaliawapi Diosliajwa, me-ama Dios nejxasink japi naexasisliaw Jesús pejwajan. ⁴ Japi judíos naexasisaxael wut Jesucristo tuppox puexa jiwliaw, ja-aech wut, japi babijaxan ispoxan ajilaxael Diosliajwa. Samata, ja-aech wut, japi nejchaxoelaxil ampox: “Xatis naexasisaxes Moisés chajia lelpox pachaemaliaw Diosliajwa” —chixaxili, nejchaxoel wut.

⁵ Asew jiw chiekal matabija-el xot, nejchaxoel: “Xatis diachwujnakolax naexasich wut Moisés chajia lelpox, babijaxan isaspoxan ajilaxael Diosliajwa” —aechi asbuan jumch, nejchaxoel wut. Jasi jiwliaw Moisés chajia lelpox jum-aech: “Aton chiekal naexasit wut puexa xan lelpox, japon pomatkoicha dukaxoei Diosxotse” —aechox. Pe aton puexa chiekal naexasisaxil Moisés chajia lelpox. ⁶ Pelax chiekal naexasich wut Jesucristo tuppox babijaxan isaspoxanliaw, jatis wut, Dios nakbeltaeyaxael xatis babijaxan isaspoxanliaw nakbu'welijwa. Samata, Dios pejjamechan jum-aech: “Xamal nejchaxoelam wut, nabey nejchaxoele': ‘¿Achan Dios poxaxoei buflaeliawwasik Cristo, japon nakkajachawaesliaw pachaemaliaw Diosliajwa?’ —nabey aeche', nejchaxoelam wut, japon fuloek xotlison! ⁷ ¿Xamal nabey nejchaxoele'bej: ‘¿Achan kat fulaeyaxaek tupi pej-aelan duil poxadik, jaxotsin Cristo buflaeliawwasin nakkajachawaesliaw pachaemaliaw Diosliajwa?’ —nabey aeche', nejchaxoelam wut!” Cristo jaxotaeldik. Chajia mat-echpon. Ma amwutjel duklison pejme. ⁸ Dios pejjamechan, chajia lelpox, jum-aech wut, jum-aechox: “Dios pejjamechan xamal chiekal naexasitam. Samata, jum-am Dios pejjamechanliaw. Nejchaxoelambej japoxanliaw” —aechox. Japajamechan xamal naewuajnx naexasisliawam Cristo tuppox xamallijaw. ⁹ Xatis ampox nejchaxoels wut: “Diachwujnakolax Jesús tuj wut cruztat, Dios mat-echpon pejme dukaliaw” —tis wut, xatis jumtis wutbej asew jiw nakjuntaeliaw: “Jesús tajpaklon” —tis wut xatis, Dios nakbu'weyaxael. ¹⁰ Pe xatis kaenanula jumtis wut: “Jesucristo cruztat tuj xanliaw” —tis wut, nejchaxoels wut, ja-aech wut, babijaxan isaspoxan ajil Diosliajwa. Xatis asew jiw jumtis wut: “Jesucristo, japon tajpaklon” —tis wut, Dios nakbu'weyaxael.

¹¹ Dios pejjamechan, chajia lelpox, jum-aech wut, jum-aechox jiw Jesús xanaboejaxaelpilijaw: “Jiw xanaboeja wut Cristo, japi jiw napelsaxil japonliaw” —aechox. ¹² Judíos, judíos-elpibej, Dios puexa chiekal taen. Dios paklon puexa jiwliaw. Jiw Dios kawuajan wut, Dios kajachawaet japi jiw. ¹³ Xatis japox matabijas, Dios pejjamechan, chajia lelpox, jum-aech wut, jum-aech xotox: “Puexa jiw wajpaklon Dios kawuajan wut bu'welijwas, japi jiw bu'weyaxes” —aech xotox. ¹⁴ Jiw kawuajnxil Dios bu'welijwas, naexasis-el wuti Jesucristo tuppox japi jiw babijaxan ispoxanliaw. Naexasisaxilbejpi

Jesús pejuwajan, jumtae-el wut Jesucristo pejuwajan. Jiw jumtaeyaxilbej Jesucristo pejuwajan, asan aton ajil wut naewuajnalijwas japon pejuwajan. ¹⁵ Asan aton fulaeyaxilbej naewuajnalijwa Jesús pejuwajan, japon aton to'a-esal wut. Dios pejjamechan, chajia lelspx, jum-aech wut, jum-aechox Jesús pejuwajan naewuajnaxaelpiliajwa: “¡Xabich pachaemdo!, japi jiw xapat xot chimiawuajan asew jiw naewuajnalijwa!” —aechox.

¹⁶ Xabich jiw naewet Jesucristo pejuwajan. Pe kaesupich jiw naexasit japawuajan Dios bu'weliajwas. Majt chajia japox ja-aechbej. Jiw naexasis-el profeta Isaías jum-aechpox. Ja-aech wut, profeta Isaías jum-aech Diosliajwa: “Tajpaklon Dios, xabich jiw naexasis-el chimiawuajan, naewuajnax wut. Jumch kaesupich naexasit” —aech profeta Isaías.

¹⁷ Naexasiti Jesucristo pejuwajan, japi jiw naexasit japawuajan, naewet xoti japawuajan.

¹⁸ Judíos jumtaen Jesús tuppox japi babijaxan ispoxanliajwa. Pe nakiowa, japi japox naexasis-el. Samata, Dios pejjamechan, chajia lelspx, jum-aech wut, jum-aechox: “Dios pejjamechan naewuajnaxaelpi, japi jiw potuajnucha naewuajnaxael Dios pejjamechan” —aechox.

¹⁹ Judíos chiekal jumtaen Jesús tuppox japi babijaxan ispoxanliajwa. Pe japi naexasis-el japox. Moisés chajia jum-aech judíos naexasisaxilpox. Jum-aechbejpon judíos-elpiliajwa japi Dios naexasisaxaelpox. Japoxanliajwa Moisés chajia lelpox jum-aech judíosliajwa:

“Dios jum-aech xamalliajwa: ‘Asatuajnujpijw, judíos-elpi, japi tajjiwaxael. Samata, xamal nusasiowlaxaelam japiliajwa. Japi majt matabija-elpi tajjamechan. Pe asamatkoi judíos-elpi, japi xan nanaexasisaxael. Samata, xamal nalalaxael japiliajwa’ —aech Dios xamalliajwa” —aech Moisés chajia lelpox.

²⁰ Baxael, Isaíasliajwa chachoel wut, nakiowa lelon Dios chajia jum-aechpox judíos-elpiliajwa:

“Judíos-elpi majt nejchaxoela-el xan nanaexasisliajwa. Asamatkoi japi xan nanaexasisaxael. Judíos-elpi, japi asew jiw wuajnuachaems-eli xanliajwa, japi xan tapaeyaxaelen nanaexasisliajwa” —aech Dios judíos-elpiliajwa, profeta Isaías chajia lel wut.

²¹ Profeta Isaías chajia lel Dios jum-aechpox judíosliajwa: “Pomatkoicha xan nejxasinkax judíos. Pe japi naexasis-el xan pachaemaliajwan japiliajwa” —aech Dios.

11

Asew judíosxot Dios bu'weyaxaespx

¹ ¿Dioskat koft pejjiw judíos? ¡El! Dios kofs-el pejjiw judíos. Xanbej judíos-atonan, Abraham pamonan, Benjamín pamonanbej. ² Chajiakolaxtat Dios makanot pejjiwaliajwa tajwuajnapijw, israelitas. Samata, amwutjel Dios nejwesla-el israelitas. Xamal matabijam Dios pejjamechan jum-aechpox profeta Elíasliajwa. Japon Dios kawuajan wut, tasalapon israelitas. Jum-aechon: ³ “Tajpaklon Dios, israelitas xabich beful nejprofetas. Toetbejpi nejew altar. Xan kaenan namanx nejprofetas beflaspixot, xam kawuajnuaxponan. Xanbej israelitas naboesia” —aech profeta Elías Diosliajwa. ⁴ Do jawut, Dios jum-aech profeta Elíasliajwa: “¡Xam kaena-emil! Xan tajjiw, siete mil poejiw, israelitas. Japi chiekal xan nanaexasisful. Japi israelitas nuila-elbej brixtat kawuajnalijwapi ídolo, pawulox Baal” —aech Dios profeta Elíasliajwa. ⁵ Amwutjelbej Dios kaesupich jiw makanot japon pejjiwaliajwa, beltaen xoton. ⁶ Dios beltaen xot, jiw makanoton pejjiwaliajwa. Makanos-elon, japi is xot pachaempoxan. Pe japilax makanoch, beltaens xot babijaxan ispoxanliajwa.

⁷ Ja-aech wut, xan nejchaxoelx judíosliajwa. Japi pachaemasia Diosliajwa. Pe nakiowa, pachaema-el, is-el xoti Dios nejxasinkpoxan. Kaesupich japixot makanoch Dios pejjiwaliajwa. Japilax chiekal pachaemsful Diosliajwa. Asew judíos pejnechaxoelaxan, me-ama matakas wut, ja-aechi naexasis-elaliajwa Jesús pejuwajan. Samata, japi judíos, naexasis-el Jesucristo tuppox japi babijaxan ispoxanliajwa. ⁸ Dios pejjamechan, chajia lelspx, jum-aech wut, jum-aechox judíosliajwa, japi naexasisaxilpiliajwa Dios: “Japi

judíos Dios pejjamechan makach matabija-el. Samata, japi judíos chajia xaljow wut Dios pejjamechan, chajia lelspxox, japi nakiowa naexasis-el. Amwutjelbej nakiowa japi naexasis-el Dios pejjamechan. Samata, japi pejnechaxoelaxan, Diosliajwa, me-ama itliakla wut, ja-aechi. Naekuta wutbej, ja-aechi” —aech Dios pejjamechan, chajia lelsxot judíosliajwa. ⁹ Rey Davidbej chajia jum-aech judíos naexasisaxilpox Dios:

“Judíos is wut fiesta, japi chiekal matabija-el wut, nejchaxoeli ampxox: ‘Dios ne-jchachaemil xatisliajwa, ampafiesta isas xot japonliajwa. Samata, Dios nakka-jachawaesaxael’ —aechi asbuan jumch, nejchaxoel wut. Asamatkoi japi ne-jchachaemil wut, fiestan is xoti, pe jawut, japi judíos chalechkal kastikaxaesi Dios.

¹⁰ Japi judíos chiekal matabija-elbej Dios ispxoxan, taen wuti. Samata, japi judíos pomatkoicha nabijasaxael” —aech rey David, chajia jum-aech wut judíosliajwa, Dios naexasisaxilpiliajwa.

Dios bu'weyaxaelpox judíos-elpi

¹¹ Judíos naexasis-el Jesús tuppox japi babijaxan ispxoxanliajwa Dios bu'welijwas. Samata, japi judíos napelt Diosliajwa. Pe nakiowa, japi judíos pomatkoicha napelsaxil. Judíos naexasis-el wut Jesús pejwujajan, ja-aech wut, Dios tapaei judíos-elpi naexasisliajwa Jesús pejwujajan. Judíos-elpi naexasit wut Jesús pejwujajan, judíos japox taen wut, japi pa-uxael judíos-elpiliajwa. Samata, ja-aech wut, judíosbej naexasisaxael Jesús pejwujajan Dios bu'welijwas. ¹² Samata, amwutjel pachaem judíos-elpiliajwa, Dios tapaeis xot japi naexasisliajwa Jesús pejwujajan japi Dios bu'welijwas. Asamatkoi kaes pejme xabich pachaemaxael judíosliajwa, xabich judíos naexasit wut Jesús pejwujajan.

¹³ Xamal, judíos-emilpim, xan jumchiyaxaelen ampxox, nejxasinkaxpox xamal matabijaliajwam. Dios nato'a xamal, judíos-emilpim, naewujajnalijwan Jesús pejwujajan. Samata, chiekal xamal naewujajna. ¹⁴ Nejxasinkax tajjiw judíos nusasiowlalijwa xamal, judíos-emilpimliajwa. Ja-aech wut, judíosbej naexasisaxael Jesús pejwujajan, japibej Dios bu'welijwas. ¹⁵ Xabich judíos naexasis-el Jesús pejwujajan. Judíos-elpilax naexasit Jesús pejwujajan. Samata, japi amwutjel xabich pachaem Diosliajwa. Asamatkoi, judíosbej naexasit wut Jesús pejwujajan, ja-aech wut, japox chiekal pachaemaxael. Amwutjel judíos, me-ama patupa wut, ja-aechi Diosliajwa. Asamatkoi, judíos Jesús pejwujajan naexasit wut, japi judíos Diosliajwa, me-ama Dios mat-iaspi wut pejme duilaliajwa, jachiyaxaeli. ¹⁶ Pawis pan is wut, matxoelapan chaxdut wutow Diosliajwa, ja-aech wut, puexa asew panbej, me-ama Dios pejew wut, ja-aech. Kaen aton Dios chaxdut wutbej naetathinan, puexa japanaedalan, japanaebaechbej, puexa, me-ama Dios pejew wut, ja-aech. Abraham chajiakolaxtat Dios makafich wut pej-atonliajwa, judíos pejwujajnapijinjiajwabej, ja-aech wut, Abraham pamojiwbej, me-ama puexa Dios pejjiw wut, ja-aechi Diosliajwa.

¹⁷ Judíos, me-ama olivonaedalt. Xamal, judíos-emilpimbej, me-ama ul pej-olivonaedalt wut, ja-am xamal Diosliajwa. Olivonaepijin daltasiapcha. Daltasiapchaxot japaboktuchadik no'kon ul pej-olivonaedalt, isliajwapon injerto. Ja-aech wut, naetuminan leful japa-olivonaedalt poxase chiekal ti'sfulaliajwa japanaedalt. Dios jasox is xamal, judíos-emilpimliajwa. Judíos, Dios makanoch japon pejjiwaliajwa. Pe nakiowa, japi judíos naexasis-el Jesús pejwujajan. Samata, Dios koft japi. Xalixasbejpi. Amwutjel xamal, judíos-emilpim, Jesús pejwujajan chiekal naexasitam xot, Dios pejjiwam.

¹⁸ ¡Xamal nabej nejchaxoele': “Xatis Dios nakmakanot japon pejjiwaliajwas, judíos-esalpis. Samata, kaes pejme pachaems. Me-ama judíos, jachi-esal” —nabej aeche', nejchaxoelam wut! Xamal chiekal matabijam. Naetuminan fulae-eldik tathinan poxadik ti'sfulaliajwa tathinan. Pelax naetuminan fulaloecha padalan poxase chiekal pachaemaliajwa japadalan. Ja-amlap-is xamal, judíos-emilpim. Judíos pachaema-el Diosliajwa xamal nijaxtat. Xamallax judíos pijaxtat pachaemam Diosliajwa. Samata, nejchaxoelam wut, ¡nabej nejchaxoele': “Xatis kaes pejme pachaems” —nabej aeche'!

¹⁹ Nakaewa xamal bej najum-ambej: “Olivonaepijin daltasiapcha. Daltasiapchaxot

no'kon boktuchadik ul pej-olivonaedalt, japadalt jaxot ti'sfulaliajwa. Dios jasox is, koft wuton judíos. Jawux xatis, judíos-esalpis, nakmakanot japon pejiwaliajwas” — bej ambej xamal nakaewa, judíos-emilpim. ²⁰ Olivonaepijin daltasiapcha, pachaemaeldalt. Do jaxot no'kon ul pej-olivonaedalt. Xamal, judíos-emilpim, me-ama ul pej-olivonaedalt no'kasdalt olivonaedalt daltasiapchasxot, ja-am xamal. Naexasitam xot Jesús pejwujajan, Dios xamal makanot japon pejiwaliajwam. Samata, nejchaxoelam wut, jnabej nejchaxoele': “Xan kaes pejme pachaeman. Me-ama judíos, jachi-enil” —nabej aeche', nejchaxoelam wut! jXamallax najut chiekal natataeflaxaelam kofasamatam Dios naexasitampox! ²¹ Dios koft judíos, naexasis-el xoti Jesús pejwujajan. Dios jachiyaxaelbej, xamal naexasisfula-emil wut Jesús pejwujajan. ²² Samata, nejchaxoelam wut, jchiekal nejchaxoelafulde! Dios xabich pachaem. Pachaem xoton, kastika jiw, babijaxan is wut. Kastikabejpon judíos, naexasis-el wuti Jesús pejwujajan. Dios xamal beltaen xot, tapaei naexasisfulaliajwam Jesús pejwujajan. Xamal naexasisfula-emil wut, Dios kastikaxaelbej xamal. ²³ Judíos naexasit wut Jesús pejwujajan, ja-aech wut, japi pejme Dios pejiwaxael. Dios mamnik xot, tampoela-el japonliajwa pejme makanosliajwapon judíos japon pejiwaliajwa. ²⁴ Olivonaepijin daltasiapcha wut, japon xajap pejme asadalt nosliajwadik, no'kasdalt ti'sfulaliajwa jaxot. Dios, me-ama japox is, xamal makanot wuton, judíos-emilpim, japon pejiwaliajwam. Samata, pachaem pejme Dios makanosliajwa judíos japon pejiwaliajwa, judíos pejwujajnapijiw majt pejiw xoton.

Asamatkoi Dios bu'weyaxaelpox judíos

²⁵ Takoew, xamal ampox jumchiyaxaelen, majt jiw matabija-elpox, xamal nejchaxoelasamatam judíosliajwa: “Xatis kaes pejme matabijas” —chisamatam, nejchaxoelam wut. Asew judíosxot xabich naexasis-el Jesús pejwujajan. Pe asamatkoi judíos naexasisaxael Jesús pejwujajan, xabich judíos-elpi naexasit wut Jesús pejwujajan. ²⁶ Ja-aech wut, xabich judíos naexasisaxael Jesús pejwujajan Dios bu'welijaes. Dios pejjamechan, chajia lelspx, jum-aech wut, Dios jum-aech Jesúsliajwa:

“Xabich jiw bu'weyaxaelpon, pasaxael Jerusalén paklowaxxot. Japon pijaxtat judíos kofaxael babijaxan ispxan.

²⁷ Ja-aech wut, xan isaxaelen chajia jumduxpox japi pejwujajnapijiwliajwa, beltaeyaxaelen wut judíos babijaxan ispxanliajwa” —aech Dios.

²⁸ Asew judíos naexasis-el wut Jesús pejwujajan, japi judíos Dios padaelmajiwxael. Samata, judíos-emilpim, Dios tapaei naexasisliajwam Jesús pejwujajan. Ja-aech wut, Dios nakiowa nejxasink judíos, makanot xoton pejwujajnapijiw pejiwaliajwa. ²⁹ Dios nejchaxoel wut, kaeyax chiekal nejchaxoelon. Kaes asax nejchaxoela-elon nejchaxoelpoxliajwa. Kofsaxilon judíos pejiwpx. Dios nakiowa kajachawaesaxael japi judíos. ³⁰ Xamal, judíos-emilpim, majt naexasis-emil Dios. Pe amwutjel, judíos naexasis-el xot Jesús pejwujajan, Dios xamal beltaen. ³¹ Asamatkoi judíosbej jachiyaxaes. Amwutjel japi judíos naexasis-el Jesús pejwujajan. Pe nakiowa, asamatkoi, Dios beltaeyaxaes. Me-ama amwutjel xamal, judíos-emilpim, Dios beltaen babijaxan isampoxanliajwa, jachiyaxaesbej asamatkoi judíosliajwa. ³² Dios puexa jiw to'a chiekal duilaliajwa. Pe jiw, Dios naexasis-elpi, amwutjel japi Dios tapaeis jasoxtat duilaliajwa. Pe asamatkoi, Dios puexa jiw beltaeyaxael babijaxan ispxanliajwa.

³³ Aton puexa matabijsaxil, ma-aech Dios xabich pachaempox, Dios matabijtpoxanbej, Dios pejnechaxoelaxanbej. Kaen aton chanaekabuanaxilbej Dios nejchaxoelpoxan isaxaelpoxanliajwabej. Kaen aton matabijsaxilbej, ma-aech xot Dios japoxan is, isasia wut.

³⁴ Dios pejjamechan, chajia lelspx, jum-aech wut, jum-aechox: “Xatis matabijaxisal Dios pejnechaxoelaxan. Xatisbej naewujajnalisal Dios. ³⁵ Dios chinax kaen aton dewasel. Samata, aton jumchiyaxil: ‘Dios xan nadewat, asax chaxdutexot’ —chiyaxilon” —aechox Dios pejjamechan, chajia lelspx. ³⁶ Puexa ampathatapi, japoxan Dios ispxan. Samata, puexa japoxan Dios pejew. Tataefulbejpon puexa. Samata, pomatkoicha xatis jumchiyaxaes Diosliajwa: “jXam xabich pachaemam!” —chiyaxaes. jJasox nej ja-aech!

12

Jesús pejwɔajan naexasiti, japi duil Dios tanbichliajwa

¹ Takoew, xamal chiekal matabijam, Dios nakbeltaen, xatis majt babijaxan isas wɔt. Samata, xamal to'ax. Me-ama kaenanɔla ofrenda chaxduwam wɔt, jja-amde xamal Diosliajwa! jXamal najut nawoeyam Diosxot isliajwam Dios nejxasinkpoxan! jIsfulde Dios pejbichax Dios nejchachaemlaliajwa xamalliajwa! jJapoxan isfulde, Dios xabich sitaenam xot! ² jNabey is babijaxan! Me-ama Dios naexasis-elpi is babijaxan, jxamal nabey ja-aechel! jTapaem Dios kajachawaesliajwa, xamal nejchaxoelampoxan babijaxan kofaliajwam! Nejchaxoelam wɔt, jnejchaxoelde Dios pijaxan! Ja-am wɔt, xamal chiekal duilaxaelam. Matabijaxaelambej Dios nejxasinkpoxan isliajwam. Japoxan pachaem. Pachaempoxan isam wɔt, ja-am wɔt, Dios nejchachaemlaxael xamalliajwa.

³ Dios nabeltaen xot, japon xan nato'a pejbichax nabichliajwan. Samata, puexa xamal jɔm-an ampox. Nabichfulam wɔt Diosliajwa, nejchaxoelam wɔtbej, jnabey nejchaxoele': "Xan asabichax nabichasian, Dios pejbichax, kaes pejme pachaempox, jiw kaes chiekal nasitaeliajwa" —nabey aechel, nejchaxoelam wɔt! Jasox nejchaxoelasamatam, jmajt chiekal nejchaxoelde chiekal matabijaliajwam, ma-am xamal Dios pejbichaxanliajwa, Dios xamal chaxduwbichaxan! ⁴ Kaenanɔla wajbu'antat maenk pathi, pawibej, kaes asaxanbej, japoxan kaenanɔla isfulaliajwa isaxaelpoxan. ⁵ Xatisbej xabich pin-iatas. Pe nakiowa, kaebu'tas, Cristo suapich. Xatis kaenanɔla nabistas asabichaxan Diosliajwa. Jatis wɔt, jnakaewa nakajachawaesaxaes!

⁶ Dios nakchaxduw kaenanɔla pejbichaxan, me-ama japon nejchaxoel japabichaxan nakchaxduiliajwa japon tanbichliajwas. Samata, xatis xabich pachaems wɔt asew jiw naewɔajnalialjwas Dios pejjamechan, jatis wɔt, jDios xanaboejaxaes naewɔajnalialjwas asew jiw! ⁷ Xatisbej xabich pachaems wɔt kajachawaesliajwas asew jiw, naexasiti Jesús pejwɔajan, japi jiw kajachawaesaxaes! Atonbej xabich pachaem wɔt chiekal chanaekabuanelialjwa Jesús pejwɔajan naexasiti, japon aton nej chanaekabuane asew jiw! ⁸ Asanbej xabich pachaem wɔt chiekal naewɔajnalialjwa asew jiw japi kaes Dios chiekal xanaboejalialjwa, japon aton chiekal nej naewɔajne' japi jiw nejchachaemlaliajwa! Asanbej xabich pachaem wɔt kajachawaesliajwa pejewtat jiw kijilpi, japon aton nej kajachawaesfulde japi jiw! Asanbej xabich pachaem wɔt jiw chiekal tato'laliajwa, japon aton chiekal jiw nej tato'le' japi jiw! Asanbej xabich pachaem wɔt asew jiw kajachawaesfulaliajwa, xabich wewe'paspi, japon aton xabich nej kajachawaesfulde nejchachaemlaxtat!

Machiyaxaelpox Jesús pejwɔajan duil wɔt

⁹ jNakaewa chiekal nanejxasinkafulde! jXamal nabey nejxasinke'bej pachaemelpoxan! jIsfulde pachaempoxan! ¹⁰ Nejxasinkam wɔt asew jiw, Jesús pejwɔajan naexasiti, japi nejxasinkafulde! Me-ama nakoewkola nejxasinkam wɔt, jja-amsfulde asew jiwliajwabej! Japi jiwliajwa nejchaxoelam wɔt, jnejchaxoelde: "Japi jiw kaes pejme pachaem. Me-ama xan, jachi-elpi" —amde, nejchaxoelam wɔt! jNakaewa nasitaembej!

¹¹ jNabichliajwam nabey kiwesle'! Nabistam wɔt Dios pejbichax, jnabichfulde puexa nejpamamaxtat!

¹² Asamatkoi duilaxaelam pomatkoicha Diosxotse. Samata, jnejchachaemlafulde! Nabijatam wɔt asew jiw pijaxtat, naexasitam xot Jesús pejwɔajan, jboejtaliasfulde! Ja-am wɔt, jpomatkoicha Dios kawɔajnaaxaelam! jNabey buxkofe' Dios kawɔajnafulampox!

¹³ jDios naexasiti kajachawaesfulde wewe'paspoxanliajwa! Japi, naexasiti Jesús pejwɔajan, pat wɔti nejbachanxot, jchiekal bu'kulim!

¹⁴ Nabijatam wɔt, jiw babejchow babijax is xot xamalliajwa, naewɔajnam xot Jesús pejwɔajan, Dios kawɔajnam wɔt, jɔm-amde: "Dios, jxam japi jiw kajachawae'e

tapasasamatas babijaxan” —amde! Dios kawuajnam wut japi jiwliajwa, nabej nejchaxoele’: “Japi nej tapasas babijaxan xam kastikaliajwam japi jiw!” —nabej aeche’, Dios kawuajnam wut!

¹⁵ Asew jiw nejchachaemil wut, xamalbej nejchachaemilde, japi suapich! Asew jiw now wut asaxliajwa, xamalbej noem, japi jiw suapich!

¹⁶ Kaenejchaxoelaxde, asew jiw suapich, chiekal duilaliajwam! Xamal nejchaxoelam wut, nejchaxoelde: “Xan kaes pachaeman. Me-ama asew jiw kijila, xan jachi-enil” —amde! Nabej nejchaxoele’bej: “Xan kaes pejme matabijtax. Me-ama asew jiw, xan jachi-enil” —nabej aeche’, nejchaxoelam wut!

¹⁷ Asew jiw babijaxan is wut xamalliajwa, xamallax nabej is babijax japi jiwliajwa wetawiasliajwam japox babijax! Isfulde pachaempoxan puexa jiwliajwa! ¹⁸ Ma ixajupamdo’, do japoxtat xamal isfulde chiekal duilaliajwam, asew jiw suapich! ¹⁹ Takoew, xamal nejxasinkaxpim, asew jiw babijax is wut xamalliajwa, xamal nabej is babijaxan japijajwa! Japoxliajwa nejchaxoelam wut, nejchaxoelde: “Asamatkoi japi Dios kastikaxaes, babijax is xoti xanliajwa” —amde, nejchaxoelam wut! Japox Dios pejjamechan, chajia lelpox, jum-aech wut, Dios jum-aech: “Jiw babijaxan ispi asew jiwliajwa, japi jiw xan tajut kastikaxaelen” —aech Dios, jum-aech wut. ²⁰ Dios pejjamechan, chajia lelpox, jum-aech wutbej, Dios jum-aech: “Nadaelman litaxaela wut, chaxdu’e naxaeyax! O, minsila wutbejpon, chaxdu’e mint! Japoxan isam wut, nadaelman pajut xabich padalaxael, majt babijax is xoton xamalliajwa” —aech Dios, jum-aech wut. ²¹ Asew jiw babijaxan is wut xamalliajwa, boejtalia’e! Kamta nalalaximilbej babijax isasamatam japi jiwliajwa! Isfulde pachaempoxan japi jiw babijaxan ispiliajwa xamalliajwa! Ja-am wut, pachaempoxan isaxtat malechaxaelam babijax.

13

¹ Puexa jiw chiekal naexasisaxael jiw tato’la. Japi jiw tato’al, Dios tapaeis xot. Dios tapaeis xotbej, japi xajup puexa jiw tato’laliajwa. ² Samata, jiw naexasis-el wut jiw tato’la, japibej sitae-el Dios tato’alpox. Naexasis-el wuti, asamatkoi Dios kastikaxaes japi jiw. ³ Jiw, ispi pachaempoxan, japi pejlwla-el jiw tato’alpiliajwa. Pe babijaxan ispi, japi jiwlix pejlwla jiw tato’alpiliajwa. Xamal nejlewlasamata jiw tato’alpiliajwa, isfulde pachaempoxan! Ja-am wut, jiw tato’alpi nejchachaemlaxael xamalliajwa. ⁴ Japi tato’al jiw, Dios tapaeis xot puexa xamalxot chiekal pachaemaliajwa. Babijaxan isam wut, xamal nejlewlixael jiw tato’alpiliajwa. Jiw tato’alpi, japi Dios tapaeis jiw kastikaliajwa, babijaxan ispi. ⁵ Samata, chiekal naexasisfulde jiw tato’alpi! Xamal japi chiekal naexasitam wut, nejchaxoelam wut, nabej nejchaxoele’: “Jiw tato’alpi xan naexasitx nakastikasamata” —nabej aeche’, nejchaxoelam wut! Nejjchaxoelafuldax: “Jiw tato’alpi naexasisaxaelen, pachaem xot naexasisliajwan” —amsfulde, nejchaxoelam wut! ⁶ Samata, xamal impuesto motam jiw tato’alpi chiekal xanbichfulaliajwa japaplata, me-ama Dios tato’las japi.

⁷ Samata, jiw tato’alpi kaenanula dewatam wut, mo’e! Nabistpi jiw tato’alpiliajwa, japibej xamal mat-omwuljow wut, impuesto dewatampoxan, mo’e japox impuesto! Asew jiw, sitaenspi, japibej xamal sitaem!

⁸ Xamal asew jiw nabej dewas! Xamallax asew jiw nejxasinkafulde! Xatis asew jiw nejxasinkas wut, jatis wut, kaewutje naexasich puexa Moisés chajia lelpox. ⁹ Moisés chajia lelpox jum-aech: “Xam nijowponam, asew watho’ nabej bu’moejs! Nabej be’bej asew jiw! Nabej natkowe’bej asew jiw pejew! Nabej nejxasinke’bej asew pejew nejewliajwa!” —aech asafutat Moisés chajia lelpox. Moisés lelbej asawuajan. Puexa japawuajanxot jum-aechpoxan, jumchiliajwa ampox: “Asew jiw nejxasinkde! Me-ama xamal najut nanejxasinkam wut, ja-amsfulde asew jiwliajwa!” —chiliajwa japox. ¹⁰ Jiw nejxasink wut asew jiw, japi jiw is-el babijaxan asew jiwliajwa. Samata, japi jiw ja-aech wut, kaewutje naexasiti Moisés chajia lelpox jum-aechpoxbej.

¹¹ Xatis asew jiw nejxasinkaxaes, mox pawuajna xot Jesucristo pejme pasliajwa ampathatasik. Samata, xamal nabej buxkofe' jiw naewuajnalijwam wajpaklon Jesucristo pejuwajan! Akasestat naexasich wut Jesús pejuwajan, nejchaxoels: “Jesucristo makach bej pasaxilbej” —tis, nejchaxoels wut. Amwutjel mox pawuajna Jesucristo pejme pasliajwa ampathatasik, xatis nakbuflaeliajwa Dios poxase. ¹² Mox pawuajna matkoijan toepaliajwa, xatis ampathatat laelpaspisliajwa. Moxsfulbej matkoi xatis duilaliajwaspox Diosxotse. Samata, kofaxaes babijaxan isaspoxan. Amwutlax isfulaxaes Dios nejxasinkpoxan. ¹³ Babijaxan isaxisal chiekal duilaliajwas. Samata, feyaxisal saxa naksaxsliajwa. Najjainaxisalbej fiestanxot. Bu'moejsaxisalbej asew watho'. Nabu'moejsaxisalbej nakaepoejwa. Kaes asaxan babijaxan isaxisalbej. Nabeyaxisalbej. Nusasiowlaxisalbej asew jiwliajwa. ¹⁴ Xatislax wajpaklon Jesucristo pejiws xot, chiekal duilaxaes, japon nakkajachawaesaxael xot. Isaxisal babijaxan, wajut isasiaspoxan.

14

Nakaewa najumchiyaxilpox babejamechan Jesús pejuwajan naexasiti

¹ Asew jiw, naexasiti Jesús pejuwajan, japi jiw chiekal Dios xanaboeja-elpifuk. jJapi jiw xamal chiekal bu'kulim, pat wuti xamal natamejlamxot! jJapi suapich, nabej nabunlos Jesús pejuwajan naexasitampoxliajwa, japi kaenejchaxoelaxa-el wut japawuajanliajwa! ² Asew, naexasiti Jesús pejuwajan, chiekal matabija puexa naxaeyaxan pachaempox xaeliajwa. Asew jiw japixotlax chiekal matabija-elfuk xatis naewuajnaspoxan. Samata, japi jumch nejchaxoel: “Xan nejmachpawi xaelx wut, Diosliajwa pachaemaxinil” —aechi, nejchaxoel wut. Ja-aech wut, japi jiw nejmachpawi xae-el. ³ Nejmachnaxaeyaxan xaelpon, nej nejchaxoela-ele': “Xan kaes pachaeman. Me-ama nejmachnaxaeyaxan xae-elpon, xan jachi-enil” —nej chi-ele'pon, nejchaxoel wut nejmachnaxaeyaxan xae-elponliajwa. Nejmachnaxaeyaxan xae-elponbej nej nejchaxoela-ele': “Xan kaes pachaeman. Me-ama nejmachnaxaeyaxan xaelpon, jachi-enil” —nej chi-ele'pon, nejmachnaxaeyaxan xaelponliajwa, japon Dios makafich xot Dios pej-atonliajwa. ⁴ jAchanamkat xam babejamechan jumchiliajwam nabistpon asanliajwa? Pejpaklon japon jumchiyaxaes, chiekal nabist wut, o, chiekal nabich-el wuton. Dios xajup kajachawaesliajwa nabistpon Diosliajwa.

⁵ Asew jiw, naexasiti Jesús pejuwajan, japi jum-aech: “Ampamatkoi kaes pejme sitaeyaxaes, me-ama asamatkoijan, jachi-el xot” —aechpi. Pe asew jiw jum-aechpi: “Puexa matkoijan chiekal najupasaeyaxaes” —aechpi. Kaematkoi kaes pejme sitaenpi, japi kaenanula chiekal matabijaxael, ma-aech xot kaes pejme sitaenpi japamatkoi. Asew jiw jum-aechpibej: “Puexa matkoijan chiekal najup” —aechpi, japi jiwbej chiekal matabijaxael, ma-aech xot najupasaenpi japamatkoijan. ⁶ Napatamatkoi wut, aton nabich-el Dios sitaeliajwa. Nejmachnaxaeyaxan xaelpon, japoxan japon xael wut, gracias-aechpon Diosliajwa. Asan, nejmachnaxaeyaxan xae-elponbej, japoxan xae-elpon Diosliajwa. Japonbej asanaxaeyax xael wut, gracias-aechon Diosliajwa.

⁷ Laelpas wut, wajut isasiaspoxan isaxisal. Xatis tups wutbej, tupaxisal, wajut nejxasinkas xot tupaliajwas. ⁸ Laelpas wutlax, isfulaxaes Dios nejxasinkpoxan. Tups wutbej, tupaxaes Diosliajwa. Laelpas wut, nabichaxaes Diosliajwa. Baxael, tups wutbej, nakiowa Dios pejiwsfulaxaes. ⁹ Cristo tup wut cruztat, moton puexa jiw babijaxan ispoxanliajwa. Do jawux, mat-echbejpon pejme dukaliajwa. Ja-aech Cristo puexa jiwpaklonaliajwa, jiw tupiliajwa, laelpiliajwabej.

¹⁰ Samata, babejamechan jumchiyaximil asew jiwliajwa, naexasiti Jesús pejuwajan. Nejchaxoelaximilbej japiliajwa: “Ampi jiw pachaema-el Diosliajwa” —chiyaximil, nejchaxoelam wut. Asamatkoi puexa xatis nuilaxaes Dios pejuwajnalel. Jawut xatis kaenanula Dios nakjumchiyaxael: “Xam nabistampoxan xanliajwa xabich pachaem” —chiyaxaelon kaenanula xatisliajwa. O, Dios jumchiyaxael xatisliajwa: “Xam nabistampoxan xanliajwa, japoxan pachaema-el” —chiyaxaelon xatisliajwa. ¹¹ Dios pejjamechan, chajia lelspos, jum-aech Dios jum-aechpox:

“Xan pomatkoichaxaelen. J̄um-an diachw̄ajnakolaxpox. Asamatkoi puexa jiw brixtat nuilaxael xan tajw̄ajnalel nasitaeliajwa. Jawut puexa jiw j̄umchiyaxael xanliajwa: ‘Diachw̄ajnakolax xam Dios xabich mamnikam’ —chiyaxael puexa jiw xanliajwa” —aech Dios j̄um-aechpox.

¹² Diachw̄ajnakolax japox jachiyaxael asamatkoi. Kaenanula xatis Dios pejw̄ajnalel wajut j̄umchiyaxaes puexa isaspoxanliajwa.

Babijax isaxilpox Jesús pejw̄ajnan naexasiti, asew jiw, Jesús pejw̄ajnan naexasiti, isasamatabej, japox babijax

¹³ Asamatkoi, xatis Dios w̄ajnalels wut, kaenanula wajut j̄umchiyaxaes puexa isaspoxanliajwa ampathatat. Samata, xatis j̄umchiyaxisal asew jiwliajwa, japi naexasiti Jesús pejw̄ajnan: “Japi jiw duil wut, chiekal duila-el. Babijaxan ispi” —chiyaxisal. Xatislax kaenanula wajutliajwa chiekal nejchaxoelaxaes: “Xan babijax isaxinil asew jiwbej, Jesús pejw̄ajnan naexasiti, isasamata babijax, kofasamatabejpi Jesús pejw̄ajnan naexasitpox” —chiyaxaes, nejchaxoels wut. ¹⁴ Xan Jesús pejw̄ajnan naexasitx xot, matabijtax, Dios natapaei nejmachnaxaeyaxan xaeliajwan. Pelax asan nejchaxoel wut naxaeyaxanliajwa: “Asew jiw nakaechafiatpoxan, japoxanbej Dios xan nakaechtapa-el. Pe nakiowa, japoxan xaelx wut, diachw̄ajnakolax xan chawulatajbu'w̄ajnaxaelen Diosliajwa” —aech wuton, j̄japon aton japanaxaeyaxan nej xae-ele', kaechafiach xoton! ¹⁵ Xamal nejxasinkam wut asew, Jesús pejw̄ajnan naexasiti, japi s̄apich, xaelam wut, j̄nabej itfuxabijs japi j̄um-aechpoxliajwa: “Japox xaeliajwa pachaema-el” —aechpoxliajwa! Pe nakiowa, japox itfuxabijtam wut, ja-aech wut, japi jiw xaeyaxaelbej japanaxaeyax. Do jawut, xaeyax kaechatoel wut, nejchaxoelaxaeli: “Xan tajbu'w̄ajnan Diosliajwa. Samata, nafa'axaelen Diosliajwa” —chiyaxaeli, nejchaxoel wut. Cristo t̄up japiliajwa. Samata, j̄japox nabej xae'! ¹⁶ Xamal matabijam, isaxaelampox pachaem wut, pe asew jiw j̄um-aech wut japoxliajwa: “Japox pachaema-el isliajwas” —aech wut, ja-aech wut, j̄japox xamal nabej is! Xamal japox nakiowa isam wut, japi jiw j̄umchiyaxael babejjamechan xamalliajwa. ¹⁷ Xatis naexasich xot Jesús pejw̄ajnan, naexasich Dios naktato'alpox. Xatisbej xabich nejchaxoelaxisal xaeyaxaespoxliajwa, feyaxaespoxliajwabej. Pelax xatis nejchaxoelaxaes isliajwas pachaempoxan Esp̄iritu Santo pijaxtat pachaemaliajwas Diosliajwa, nejchachaemlialiajwasbej. ¹⁸ Xatis isas wut pachaempoxan, diachw̄ajnakolax nabistas Cristoliajwa. Samata, Dios nejchachaemlaxael xatisliajwa. Asew jiw naksitaeyaxaelbej.

¹⁹ Samata, kaenejchaxoelaxaes chiekal duilaliajwas, asew jiw s̄apich. Nakaewa nakajachawaesfulaxaesbej kaes mamnikaliajwa wajxanaboejaxan Diosliajwa. ²⁰ j̄Asew jiw, nabej tabejs Jesús pejw̄ajnan naexasiti naxaeyax xaelampoxtat! Diachw̄ajnakolax puexa naxaeyaxan pachaem xatis xaeliajwas. Pe asew nejchaxoel wut: “Ampoxan xaes wut, xatis wajbu'w̄ajnaxaes Diosliajwa” —aech wuti, j̄nawoesa nabej xaetis! Japi jiw itfuxabijtas wut, ja-aech wut, japi jiw bej xaeyaxaelbej japox naxaeyax. ²¹ Samata, asew jiw, Jesús pejw̄ajnan naexasiti, japox xae-el wuti, o, kilewla wutbejpi jachaliajwa, kaes nawoesa pachaem japox naxaeyax xae-elaliajwam, fe-elaliajwambej. Pe nakiowa, itfuxabijtam wut, ja-am wut, japi jiw xaeyaxael japox naxaeyax. O, feyaxaelbejpi vinomin. Ja-aech wut, japoxliajwa nejchaxoelaxaeli: “Xan babijax isx Diosliajwa” —chiyaxaeli, nejchaxoel wut. ²² Xamal nejchaxoelam wut: “Nejmachnaxaeyaxan pachaem xaeliajwas” —am wut, asew jiw, nejmachnaxaeyax xae-elpiliajwa, japox naxaeyax xaelam wut, j̄xam najut nabej kaechjalpae'! Dios matabijt puexa nejchaxoelampoxan. Jesús pejw̄ajnan naexasiti, japi nejchaxoel wut: “Xan babijax is-enil Diosliajwa” —aech wuti, nejchaxoel wut, japi jiw xabich nejchachaemil Diosliajwa. ²³ Jesús pejw̄ajnan naexasitpon nejchaxoel wut: “Diachw̄ajnakolax, xan pawit xaelx wut, tajbu'w̄ajnaxaelen Diosliajwa. Samata, kaes pachaemaxael xae-elaliajwan” —aech wut japon aton, pe nakiowa, xael wut, diachw̄ajnakolax japon aton pejbu'w̄ajnaxael Diosliajwa. Ja-aech wut, japon isaxil pachaempox Diosliajwa. Japon aton nejchaxoel wutbej asaxliajwa:

“Japox isx wut, xan tajbu'wujnaxael Diosliajwa” —aech wuton, pe nakiowa, is wut, diachwujnakolax japon aton pejbu'wujjan Diosliajwa.

15

Jesús pejwujjan naexasiti isaxaelpox pachaempoxan asew jiwliajwa

¹ Xatis, Dios chiekal xanaboejaspis, kajachawaesaxaes asew jiw, japi chiekal xanaboeja-elpi Dios. Isaxisalbej wajut nejxasinkaspoxan. ² Xatislax isaxaes pachaempoxan asew jiwliajwa, japi naexasiti Jesús pejwujjan. Japoxan isaxaes japi jiw kaes pejme Dios xanaboejalijwa. ³ Cristobej ampathatat wut, is-el pajut nejxasinkpoxan. Pelax japon is Dios nejxasinkpoxan. Dios pejjamechan, chajia lelspx, jum-aech Cristo jumchiyaxaelpox Diosliajwa: “Jiw jum-aech wut babejjamechan xanliajwa, japi japoxan jum-aech wut, jum-aechbejpi xamliajwa” —aechox. ⁴ Dios pejjamechan, chajia lelspx, jum-aech xatis chiekal matabijalijwas. Samata, xatis Dios pejjamechan naexasich xot, nabijatas wut, nakiowa Dios chiekal xanaboejaxaes. Nejchaxoelaxaesbej: “Dios diachwujnakolax isaxael jumdutox nakbu'weliawja” —chiyaxaes, wajut nejchaxoels wut. ⁵ Asew jiw xatis naktaliat wut, ja-aech wut, Dios nakkajachawaet wajxanaboejaxan kaes mamnikalijwa japonliajwa. Samata, Dios kawujnax xamal kajachawaesliajwa chiekal duilalijwam. Me-ama Jesucristo ampathatat chiekal duk, xamalbej jachilijwam. ⁶ Samata, xamal kaenejchaxoelaxaelam jumchilijwam Diosliajwa, wajpaklon Jesucristo pax: “Xam xabich pachaemam” —chilijwam Diosliajwa.

Chimiawujjan, Jesús pejwujjan, jumtaenpox judíos-elpi

⁷ ¡Nakaewa chiekal nabu'kulim! Me-ama Jesucristo xamal chiekal bu'kula, jja-amde! Xamal ja-am wut, asew jiw sitaeyaxael Dios. ⁸ Xan xamal jum-an. Jesucristo fuloek ampathatlelsik kajachawaesliajwa judíos. Samata, japox patliso, Dios chajia jumdutpox judíos pejwujjanpijwliajwa. Ja-aech wut, puexa jiw chiekal matabija, Dios nejkiowa-el chajia jumdutpox. ⁹ Jesucristo fuloekbej bu'weliawja judíos-elpi, japi jumchilijwa Diosliajwa: “Xam xabich pachaemam” —chilijwa, Dios beltaens xoti babijaxan ispoxanliajwa. Japoxliajwa Dios pejjamechan, chajia lelspx, jum-aech Jesucristo jumchiyaxaelpox pax Dios jumtaelilijwa:

“Potujnuchanpijwliajwa, judíos-elpililijwa, jumchiyaxaelen: ‘Dios xabich pachaem’ —chiyaxaelen xamliajwa. Jajuyaxaelenbej japi matabijalijwa, xam xabich pachaemamponam” —aech Dios pejjamechan, chajia lelspx, Jesucristo jumchiyaxaelpox pax Diosliajwa.

¹⁰ Dios pejjamechan, chajia lelspx, asafutxot jum-aechbej:

“Xamal asatujnuchanpijwam, judíos-emilpim, nejchachaemilde, judíos suapich, japi Dios pejjiwpi!” —aechox Dios pejjamechan, chajia lelspx.

¹¹ Dios pejjamechan, chajia lelspx, jum-aech wut, jum-aechbejpx:

“¡Puexa xamal, asatujnuchanpijwam, judíos-emilpim, Diosliajwa jum-amde: ‘Dios, xam xabich pachaemam’ —amde!” —aech Dios pejjamechan, chajia lelspx.

¹² Profeta Isaías chajia lel wut, lelbejpon Jesús nalaelsaxaelpox ampathatat:

“Japon nalaelt wut, Isaí pamonaxael. Japon pati'in wut, potujnucha jiw tato'laxael. Jiw jumchiyaxael japonliajwa: ‘Kaenanula xatis nakbu'weyaxaelon’ —chiyaxael jiw japonliajwa” —aech profeta Isaías chajia lelpox Jesúsliajwa.

¹³ Xatis matabijas Dios nakbu'weyaxaelpox Jesucristo pijaxtat. Samata, Dios kawujnax xamal kajachawaesliajwa nejchachaemlilijwam Espíritu Santo pijaxtat, xamal wujnawesfulam wut Dios isliajwa pachaempoxan xamallijwa. Xan Dios kawujnaxbej xamal chiekal duilalijwam, asew jiw suapich, Dios chiekal xanaboejam xot.

¹⁴ Takoew, xan matabijtax, xamal asew jiw xabich kajachawaetam. Matabijtaxbej, xamal xabich matabijam Dios. Xamalbej matabijam nakaewa chiekal nanaewujnali-ajwam. ¹⁵ Ampacartaxot lelx asawujjan, xamal nejkiowasamatam majt chajia matabi-jamwujjan. Ja-an, Dios nato'a xot isliajwan japox. ¹⁶ Dios nato'a Jesucristo pejwujjan

naewuajnalijwan judíos-elpi. Samata, naewuajna xapawuajan, chimiawuajan, japibej Dios bu'welijwas. Amwutjel judíos-elpi kajachawaech xot Espíritu Santo, japi Jesús pejiwlisi. Samata, Dios nejchachaemil japi jiwlijwa.

¹⁷ Xan nabistax wut Jesucristolijwa, japon chiekal nakajachawaesful. Samata, nejchaxoelx: “Xan isxroxan Dioslijwa, xabich pachaem” —an, nejchaxoelx wut. ¹⁸ Wajpaklon Jesucristo chiekal nakajachawaesful naewuajnalijwan judíos-elpi, japibej naexasislijwa Dios. Xan jum-anroxan japi najumtaen wut, taen wutbejpi isxroxan, japibej naexasit Jesús tuxpox japilijwa. Samata, xan japoxanlijwa chiekal chapaex asew jiwlijwa. ¹⁹ Espíritu Santo pijaxtat xan koechaxan isxbej. Amwutjel toetx potuajnucha naewuajna xapawuajan, Jesucristo pejwuajan, japon nakbu'wipon. Xan majt tudutx naewuajna Jerusalén paklowaxot. Do jawux, naewuajna xapawuajan asa tuajnuchanlebej. Iliria tuajnu poxdaxbej naewuajnalijwan. ²⁰ Jesús pejwuajan jumtae-elpi, japapaklowaxanpijiw poxdaxbej, japi naewuajnalijwan Jesús pejwuajan, Dios bu'welijwasbejpi. Asew jiw wuajna chajia naewuajanxot, japapaklowaxanxot xan nejxasinka-enil naewuajnalijwan Jesús pejwuajan. ²¹ Xan naewuajna wut Jesús pejwuajan, patliso, me-ama Dios pejjamechan, chajia lelspx, jum-aech wut, jum-aechox:

“Jiw jumtae-elpi Dios to'axoekspon pejwuajan, japi jiw jumtaeyaxael japon pejwuajan. Jiw naewuajna-esalpi japawuajan, japi jiw naewuajna xapawuajan japon pejwuajan” — aech chajia lelspx.

Pablo nejchaxoelxpx taelijwapon Roma paklowaxpijiw

²²⁻²³ Pin-iaveces xamal xabich taesian. Pe xabich potuajnucha naewuajna xot Jesús pejwuajan, xamal taeyaxinilfuk. Mawutkal tajbichax chiekal toetx. Samata, xamal taeyaxaelen. ²⁴ España tuajnu poxaxaechan wut, majt xamal taeflaxaelen. Do jawut, xabich nejchachaemlaxaech, xamal taeflax wut. Jawux nakajachawaesaxaelam, España tuajnu poxalijwan wut. ²⁵ Pe amwut, xan majt xalaeyaxaelen ofrenda Jerusalén paklowaxpijiw poxade, japi naexasiti Jesús pejwuajan. ²⁶ Asew, naexasiti Jesús pejwuajan, Macedonia tuajnupijiw, Acaya tuajnupijiwbej, plata owa ofrenda xato'aliajwa Jerusalén paklowaxpijiw poxade kijilalijwa, japi naexasiti Jesús pejwuajan. ²⁷ Macedonia tuajnupijiw, Acaya tuajnupijiwbej, japi judíos-el. Pe nakiowa, japi nakaewa najum-aech: “Ofrenda xato'axaech judíoslijwa, japi naexasiti Jesús pejwuajan, japi Jerusalén paklowaxpijiw, kajachawaeslijwas. Japi matxoela matabija Jesucristo pejwuajan Dios bu'welijwas. Amwutjel xatisbej japi pijaxtat matabijas Jesús pejwuajan. Samata, judíos kajachawaesaxaech wewe'pasoxanlijwa” —aechi nakaewalijwa. Samata, ofrenda owapi. ²⁸ Samata, xan majt xalaeyaxaechan ofrenda Jerusalén paklowax poxade. Do jawux, España tuajnu poxdax wut, majt pasaxaelen xamalxot. Do jawux, España poxaxaelen. ²⁹ Xan patx wut xamalxot, chapaeyaxaelen wut Cristo puexa nakajachawaetpoxanlijwa, xabich nejchachaemlaxaelam.

³⁰ Takoew, xamal naexasitam wajpaklon Jesucristo pejwuajan. Xatis nakaewa nanejxasinkas Espíritu Santo pijaxtat. Samata, xan jum-an xamal Dios kawuajnalijwam Dios nakajachawaeslijwa. ³¹ ¡Dios kawuajande xan japon nakajachawaeslijwa asew judíos, Jesús pejwuajan naexasis-eli, babijax isasamata xanlijwa, Judea tuajnu xotx wut! ¡Dios kawuajandebej Jerusalén paklowaxpijiw xanejchachaemlialijwa ofrenda, xalaeyaxaelenpi japi jiwlijwa! ³² ¡Dios kawuajandebej xanlijwa xabich nejchachaemlialijwan, chiekal damlathulalijwanbej, xamalxot patx wut! ³³ Xan Dios kawuajna puexa xamal Dios kajachawaeslijwa chiekal duilalijwam, asew jiw suapich. ¡Jasox nej ja-aech!

16

Pablo saludos xato'apox Roma paklowaxpijiwlijwa, Jesús pejwuajan naexasitilijwa

¹ Wajkoewow Febe pa'a wut xamalxot, ¡chiekal bu'kulimpow! Japow kajachawaet Cencrea paklowaxpijiw, Jesús pejwuajan naexasiti. ² Xamalxot pa'a wutow, ¡chiekal

bu'kulimpow, Jesús pejwajaan naexasit xotow! Me-ama xatis chiekal nabu'kulas wut, jja-amdepow, majt japow kajachawaet xotow naexasiti Jesús pejwajaan! Xanbej japow nakajachawaet. Samata, jja-pow kajachawae'e wewe'paspoxanliajwa!

³ ¡Nawesaludam Aquila! ¡Nawesaludambej japon pijow, japow pawul Prisca! Japi nabist Jesucristo pejbichax, xan suapich. ⁴ Asew jiw xan naboesia wut, japon Aquila, pijow Prisca suapich, nakajachawaet. Japi nakajachawaet wut, japiliajwabej xabich chachoel, xan nakajachawaet xoti weliajwan. Samata, xan gracias-an japiliajwa. Xan kaenan japox jumchi-enil. Puexa naexasiti Jesús pejwajaan, judíos-elpi, japibej gracias-aech Aquilaliajwa, Priscaliajwabej. ⁵ Asew, naexasiti Jesús pejwajaan, Aquila pejbaxot culto is wut natamejapi, japi jiwbej nawesaludam! ¡Nawesaludambej tajnachalan Epeneto! Japon matxoela naexasit Jesús pejwajaan, puexa Asia tuajnupejiw naexasis-el wutfuk Jesús pejwajaan. ⁶ ¡Nawesaludambej wajkoewow María! Japow xabich nabist Dios pejbichax xamalxot. ⁷ ¡Nawesaludambej Andrónico, Junias suapich! Japi judíos. Me-ama xan, ja-aechi. Asew jiw xan najia wut jiw jebatat, jawut japibej jias. Japi chiekal matabijas apóstoles. Japi kolenje naexasit Jesús pejwajaan, xan naexasis-enil wutfuk Jesús pejwajaan. ⁸ ¡Nawesaludambej tajnachalan Ampliato! Japonbej naexasit Jesús pejwajaan. ⁹ ¡Nawesaludambej Urbano! Japonbej nabist Jesucristo pijax bichax. ¡Nawesaludambej tajnachalan Estaquis! ¹⁰ ¡Nawesaludambej Apeles! Japon xabich nabijat, naexasit xot Jesús pejwajaan. Pe kofs-elpon naexasitpox Jesús pejwajaan. ¡Nawesaludambej Aristóbulo pejiw! ¹¹ ¡Nawesaludambej Herodión! Japonbej judío-aton. ¡Nawesaludambej Narciso pejiw, japi naexasiti Jesús pejwajaan. ¹² ¡Nawesaludambej wajkoew Trifena, Trifosabej! Japi watho' nabist Dios pijax bichax! ¡Nawesaludambej wajkoewow Pérsida! Japow xabich nabist Dios pijax bichax. ¹³ ¡Nawesaludambej Rufo! Japon xabich matabijtas naexasiti Jesús pejwajaan, chiekal naexasit xoton Jesús pejwajaan. ¡Nawesaludambej japon pen! Japow, me-ama taj-en wut, ja-aechow xanliajwa. ¹⁴ ¡Nawesaludambej Asíncrito, Flegontebej, Hermesbej, Patrobasbej, Hermasbej! ¡Nawesaludambej asew japixoti, japi naexasiti Jesús pejwajaan! ¹⁵ ¡Nawesaludambej Filólogo, wajkoewow Juliabej! ¡Nawesaludambej Nereo, japon pakoewow Olimpassej! ¡Nawesaludambej asew japixoti, japi naexasiti Jesús pejwajaan!

¹⁶ Xamal, naexasitampim Jesús pejwajaan, nakaewa nasaludam wut, jnakijacham! Puexa naexasiti Jesús pejwajaan xato'a saludos xamalliajwa.

¹⁷ Takoew, xan jum-an xamal najut chiekal natataeflialiajwam asew jiw naekichachajbasamata xamal. Japi naewajaanpox najupa-el xamal naexasitamwajaan. Japi jiw naewajaan wut, jiw kaenejchaxoelaxa-el nakaewaliajwa japi jiw pejnaewajaanxat. Samata, japi naewajaan wut, jnabej naewes! ¡Japixot xamal nadijajim! ¹⁸ Japi nabich-el wajpaklon Jesucristoliajwa. Japilax pajut isasiapoxan is. Japi naewajaanpox, me-ama diachwajaankolax wut, ja-aechox. Pe diachwajaankolaxa-el japi naewajaanpox. Japi jiw naekichachajbamaenkbej. ¹⁹ Puexa jiw chiekal matabija xamal naexasitampox Jesús pejwajaan. Samata, xan nejchachaemlax. Nejasinkax xamal matabijaliajwam isliajwam pachaempoxan. ¡Nabej tapae' asew jiw xamal naekichachajbaliajwa isliajwambej babijaxan! ²⁰ Dios nakkajachawaet kaenejchaxoelaxliajwas chiekal duilaliajwas. Dios kajachawaesaxaelbej xamal kamta malechaliajwam Satanás. Xan wajpaklon Jesucristo kawajaan japon xamal kajachawaesliajwa.

²¹ Timoteo saludos xato'a xamalliajwa. Japon, xan suapich, nabist Diosliajwa. Lucio, Jasónbej, Sosípaterbej, japibej saludos xato'a xamalliajwa. Japibej judíos, me-ama xan.

²² Xan, Tercio, lelx ampox carta, Pablo jum-aechfulpoxan. Xanbej saludos xato'ax xamalliajwa, puexa xatis wajpaklon Jesús pejiw xot.

²³ Gayobej saludos xato'a xamalliajwa. Xan amwutjel dukx japon pejbaxot. Japon, Gayo, tapaei puexa jiw, naexasiti Jesús pejwajaan, japi natamejalialiajwa japon pejbatat.

Erastobej saludos xato'a xamalliajwa. Japon tesorero, plata tataeflan, Corinto pak-lowaxliajwapi. Wajkoewan Cuartobej saludos xato'a xamalliajwa. ²⁴ Xan wajpaklon Jesucristo kawuajna xapon xamal kajachawaesliajwa. ¡Jasox nej ja-aече'!

Pablo jum-aechpoxan, ampox carta toesliajwa wut

²⁵ Puxa xatis jumchiyaxaes Diosliajwa: “¡Xam xabich pachaemam!” —chiyaxaes. Dios xajup nakkajachawaesliajwa kaes chiekal xanaboejalijwas Dios. Japox chiekal matabijas, jum-aech xot Jesús pejwujajan, chimiawujajan, jiw bu'weyaxaespoxlajwa. Xan japawujajan naewujajna. Japawujajan majt maliach pejwujajan. Majt Dios chapae-el japawujajan kaen aton matabijsliajwa. ²⁶ Chajiakolaxtat profetas chiekal matabija Jesús pasliajwapox, Dios chajia chapaeis xoti. Samata, profetas japoxliajwa lel, Dios kito'as xot. Japon Dios, pomatkoichapon, amwutjel japon naktapaei chiekal matabijaliajwas Jesucristo pejwujajan. Dios buxto'abej pejjiwpi, japi naewujajnalijwa japawujajan potuajna jiw naexasisliajwa.

²⁷ ¡Kaen Dios matabijsan! Samata, Jesucristo tup xot xatisliajwa, ¡pomatkoicha jumchiyaxaes: “Dios, xam xabich pachaemam!” —chiyaxaes! ¡Jasox nej ja-aече'!

Matxoelacarta, Pablo lelpox, Corinto paklowaxpijiwliajwa

Pablo lelpox carta Corinto paklowaxpijiwliajwa

¹⁻² Xan, Pablo, Dios namakafit Jesucristo pej-apóstolliajwan. Samata, Dios nato'a jiw naewuajnalialjwan Jesús pejuwajan potuajnucha. Ampox carta lelx, wajkoewan Sóstenes suapich, xamal Dios pejiwam, Corinto paklowaxpijwamliajwa. Xamal japon pejiwam, Jesucristo tɔp xot xamalliajwa. Dios xamal tadɔt, asew jiw suapich, japon pejiwaliajwam chiekal duilaliajwam japonliawakal. Asewbej, tadɔchpi japon pejiwaliajwa, japi potuajnucha duilpi, kawuajan wajpaklon Jesucristo. Jesucristo paklon puexa xatisliajwa, japi jiwliajwabej. ³ Waj-ax Dios, wajpaklon Jesucristobej, kawuajna xamal kajachawaesliajwa, chiekal duilaliajwambej, asew jiw suapich.

Dios kajachawaechpox Corinto paklowaxpijiw, japi Cristo pejiw xot

⁴ Xan Dios kawuajna x wɔt, gracias-an Diosliajwa, japon xamal pomatkoicha kajachawaesful xot, Jesucristo pejiwam xot. ⁵ Xamal Jesucristo pejiwam xot, Dios xamal chiekal kajachawaet. Samata, xamal xajɔpam tanbichliajwam Diosliajwa. Chiekal matabijambej Dios pejjamechan jiw chiekal naewuajnalialjwam. ⁶ Ja-am wɔt, xamal chiekal naexasitam Jesús pejuwajan. ⁷ Samata, ampamatkoiyan xamal wuajnowetam wajpaklon Jesucristo pejme pasliajwasik. Xamal Dios kajachawaesaxael chiekal nabichliajwam Diosliajwa. ⁸ Dios xamal kajachawaesaxael chiekal naexasisfulaliajwam, kaen aton xamal tasalamata, wajpaklon Jesucristo pejme pask wɔt. ⁹ Xanal chiekal matabijax Dios xamal kajachawaetpox, is xoton jumdupox. Dios xamal tadɔt japon pejiwaliajwam duilaliajwam pomatkoicha japonxotse, Dios paxɔlan suapich, wajpaklon Jesucristo.

Nasalpox Jesús pejuwajan naexasiti, kaenejchaxoelaxa-el xoti

¹⁰ Takoew, wajpaklon Jesucristo xan nabuxto'a xot, xamal jum-an kaenejchaxoelaxliajwam, duilam wɔt. ¡Asalel nabej nasale! ¹¹ Cloé, japow pejiw, xan nachapaei. Samata, wɔltaenx xamal kaenejchaxoelaxa-emilpox. Samata, ampox carta lelx xamal naewuajnalialjwan. ¹² Asew jiw xamalxot jum-aech: “Xanal kaes nejxasinkax Pablo naewuajanpox. Samata, xanal Pablo pejiwan” —aech japi jiw. Asew jiw xamalxot jum-aechbej: “Xanal kaes nejxasinkax Apolos naewuajanpox. Samata, xanal Apolos pejiwan” —aechi. Asew jiw xamalxot jum-aechbej: “Xanal kaes nejxasinkax Pedro naewuajanpox. Samata, xanal Pedro pejiwan” —aech asew jiw. Asew jiw xamalxot jum-aechbej: “Xanal kaes nejxasinkax Cristo naewuajanpox. Samata, xanal Cristo pejiwan” —aechi. ¹³ Cristo kaekolan. Japon, me-ama xabich wɔt, jachi-elon. Samata, xatis Cristo pejiw xot, nasalaxisal, kaemɔch xotlis. Xan, Pablo, cruztat nakimatamatla-el. Xamalxot asew jiw bautisa-esalbej tajjiw nadofaliajwa. Samata, xamal jumchiyaximil xanliajwa: “Xanal Pablo pejiwan” —chiyaximil. ¹⁴⁻¹⁵ Xamalxot jiw xabich bautisa-enil. Asbuɔn jumch bautisax kolenje. Bautisax Crispo, Gayobej. Samata, xamalxot asew jiw jumchiyaxil xanliajwa: “Pablo xan nabautisa japon pej-aton nadofaliajwan” —chiyaxil japi jiw xanliajwa. Samata, xan nejchachaemlax, jiw japox jumchiyaxil xot. ¹⁶ Amwɔtjel xan nejchafaetx asew kaes bautisaxpi. Bautisaxbej Estéfanax, pejiw suapich. Jalape. Kaes asew bautisax wɔt, xan nejkiowxlis. ¹⁷ Cristo nato'a-el jiw bautisaliajwan. Japon xan nato'a pejuwajan jiw naewuajnalialjwan, japi Dios bu'welialjwas. Naewuajna x wɔt Cristo pejuwajan, me-ama aton, xabich matabijsan wɔt, xan jachi-enil. Pe jachiyaxaelen wɔt, jiw asbuɔn jumch jumchiyaxael xanliajwa: “Pablo xabich matabijt” —chiyaxaeli. Jachiyaxael wɔt, naexasisaxili Cristo tɔppox cruztat japiliajwa.

Amxot jum-aechpox Dios pejpamamaxliajwa, matabijsaxliajwabej

¹⁸ Asew jiw pejbɔ'wuajan wɔtɔk, japi tɔp wɔt, infierno poxaxaek, naexasis-el xoti Cristo tɔppox cruztat japiliajwa. Cristo pejpatɔpax japiliajwa, me-ama nejliaklax

wut, wejatisipox. Pelax xatis Dios nakbu'weyaxaelpis, chiekal matabijas, Dios nakka-jachawaesfulaxaelpox. ¹⁹Dios pejjamechan, chajia lelspxox, jum-aech wut, jum-aech Dios jum-aechpox:

“Jiw xabich matabijapi, japi matabijapoxan xan toesaxaelen. Asamatkoi xan taxtat japi jiw chiekal matabijaxael japi matabijapoxan pachaema-elpox, diachwujnakolaxa-el xot” —aechox.

²⁰ Asew jiw ampathatpijiw pajutliajwa jum-aech: “Xanal xabich matabijax” —aechi asew jiw jumtaeliajwas. Asew jiwbej pajutliajwa jum-aech: “Xanal xabich matabijax jiw chanaekabuaneliajwan” —aechi asew jiw jumtaeliajwas. Asew jiwbej pajutliajwa jum-aech: “Xanal chiekal matabijax puexa ampathatpijixanliajwa” —aechi asew jiw jumtaeliajwas. Pe Dios jum-aech puexa japi jiwliajwa: “Japi pejmatabijsaxan, nejliaklaxan, pajut nejchaxoelpoxankal xot” —aech Dios japi jiwliajwa. ²¹ Dios xabich pejmatabijsax. Me-ama ampathatpijiw pejmatabijsax, jachi-el Dios pejmatabijsax. Dios tapae-el japi jiw matabijaliajwa Dios pejmatabijsax. Dios jiw bu'weyaxael, naexasit xoti chimiawuajan, Cristo tuppox cruztat japiliajwa. Pe nakiowa, asew jiwliajwa Jesús pejwuajan, me-ama nejliaklaxwuajan wut, wejatisipox.

²² Xan naewuajntax wut judíos, japi xabich taesia koechaxan naexasisliajwa xan naewuajntaxpoxan. Judíos-elpi xabich nejxasink matabijaliajwa ampathatpijixan. Japi jiw xan naewuajntax wut, najum-aechi xanliajwa: “Xam naewuajntaxpoxan najur wut tajwuajnapijiw naewuajntaxpoxan, ja-aech wut, xanal naexasisaxaelen xam naewuajntaxpoxan” —aech judíos-elpi xanliajwa. ²³ Pe xanal nakiowa japi naewuajntax Cristo tuppox cruztat japiliajwabej. Judíos japawuajan jumtaen wut, nejxasinka-elpi japawuajan. Judíos-elpi, jumtaen wut japawuajan, me-ama nejliaklax wut, wejatisipox. ²⁴ Xanal naewuajntax Cristo tuppox cruztat xatisliajwa. Dios makanot judíos japon pejjiwaliajwa. Makanotbejpon judíos-elpi japon pejjiwaliajwa. Puexa japi jumtaen wut Cristo tuppox cruztat, japi chiekal matabija Dios pejpamamax, Dios pejmatabijsaxbej, Dios chajia nejchaxoel xot, Cristo tup wut puexa japi bu'weliajwapon. ²⁵ Jiw jumtaen wut Cristo tuppox cruztat jiw bu'weliajwa, japox, me-ama nejliaklax wut, wejatisipox. Pe amwutjel, japox kaes pejme matabijsax. Me-ama ampathatpijiw pejmatabijsax, jachi-el japox. Dios tapaei wut Cristo tupaliajwa cruztat, japon tup wut, me-ama Dios mamnika-el wut, ja-aechon. Dios mat-et wut Cristo pejme dukaliajwa, jawut jiw matabija Dios pejpamamax, Dios kaes pejme mamnikpox. Me-ama jiw pejpamamax, jachi-el Dios pejpamamax. ²⁶ Takoew, xamal najut chiekal nejchaxoelde ma amwut xan jumchiyaxaelenpox! Dios xamal makanot wut japon pejjiwaliajwam, xamalxot xabichael matabijapi ampathatpijixan. Xabicha-elbej paklochow paxi. ²⁷ Dios makanochpi, japi Dios pejjiwaliajwa, japi jiw, me-ama matabijsla wut, ja-aechi asew jiwliajwa. Pe japi Dios kajachawaech xot, kaes pejme matabijs wut, ja-aechi. Me-ama ampathatpijiw matabijtpi, jachi-el japi jiw. Ja-aech wut, ampathatpijiw, xabich matabijtpi, xabich padalaxaeli. Dios makanot jiw japon pejjiwaliajwa, japi jiw, me-ama mamnika-el wut, ja-aechi asew jiwliajwa. Pe japi jiw Dios kajachawaech xot, kaes pejme xabich mamnik Diosliajwa. Me-ama ampathatpijiw mamnik wut, jachiyaxil japi jiw. Ja-aech wut, ampathatpijiw, xabich mamnikpi, japox taen wut, xabich padalaxaeli. ²⁸ Dios makanot jiw japon pejjiwaliajwa mastaenspi asew jiw. Japi jiw, me-ama pachaema-el wut, ja-aechpi paklochowliajwa. Ja-aech Dios, makanot wut jiw japon pejjiwaliajwa, asamatkoi paklochow xabich padalaliajwa. ²⁹ Samata, aton nejchaxoelaxil: “Xan kaes pejme pachaeman. Me-ama asew jiw, jachi-enil xot, Dios namakafit japon pej-atonanliajwa” —chiyaxilon, nejchaxoel wut. ³⁰ Dios pajut puexa nakmakanot Jesucristo pejjiwaliajwas. Dios naktapaeibej chiekal matabijaliajwas japon pejjamechan, Cristo tup xot cruztat. Samata, xatis babijaxan isaspoxan ajil Diosliajwa. Isfulasbej Dios nejxasinkpoxan. Dios nakkajachawaetbej xatis babijax isasamatas. ³¹ Samata, xatis jiw jumchiyaxaes Dios nakkajachawaetpoxliajwa. Dios pejjamechan, chajia lelspxox, jum-aech wut, jum-aechox: “¡Aton pajut ispoxan, japon chapaeyaxil asew jiw asbuan jumch japon aton

sitaeliajwas! Japon atonlax chapaesia wut ispoxanliajwa, j Japon nej chapae' asew jiw Dios kajachawaepoxan, asew jiw japox jumtaen wut japi Dios sitaeliajwa!" —aech Dios pejjamechan, chajia lelspx.

2

Jesucristo kimatamatlaspx cruztat

¹ Takoew, xamalxot majt patx wut, xan chimiawuajan naewuajna, maliach matabijtaxpoxan Diosxot. Japawuajan majt asew jiw matabija-el. Xamal japawuajan naewuajna wut, chiekal naewuajna chiekal jummatabiliajwam. Naewuajna wut japawuajan, me-ama xabich matabijtax wut, jachi-enil. ² Xan xamalxotx wut, kaes asaxan nejchaxoela-enil matabijsliajwan. Xanlax nejchaxoelafulax naewuajnafulaliajwan Jesucristo pejuwan, cruztat kimatamatlaspx. ³ Xamal nejwuajnalel naewuajna wut, tajlewt tathulax. Chiekal mamnika-enil wut, ja-an xan. ⁴ Naewuajna wut chimiawuajan xamal naexaxisliajwam, me-ama xabich matabijsnan wut, jachi-enil. Espiritu Santo xan nakajachawaet xamal naexaxisliajwam naewuajna xpojan. ⁵ Dios nakajachawaet xotbej, xamal naexasitam xan naewuajna xpojan. Japoxan naexaxis-emil, xamal matabijam xot ampathatpijiw matabijapoxan.

Espiritu Santo nakkajachawaetpx xatis matabijaliajwas Dios matabijtpoxan

⁶ Cristo chiekal xanaboejapixot, jaxot xan Dios pejjamechan naewuajna, japi jiw kaes chiekal matabijaliajwapi Dios. Xan naewuajna xpojan najupa-el ampathatpijiw naewuajna xpojan. Najupa-elbej paklochow naewuajna xpojan. Asamatkoi puexa japi jiw chiekal toepaxael. ⁷ Xan jiw naewuajna wut, naewuajna Cristo tuppox cruztat japi bu'weliajwas Dios. Japoxliajwa Dios chajiakolaxtat, that is-el wutfuk, tamach nejchaxoelon: "Japox jachiyaxaelen jiw bu'weliajwan" —aech Dios, tamach nejchaxoel wut. Ampamatkoiyan xanal japawuajan jiw naewuajna, majt jiw matabija-elwuajan. ⁸ Cristo ampathatat wut, paklochow, ampathatpijiw tato'alpi, matabija-eli japawuajan. Japi japawuajan chiekal matabijaxael wut, kimatamatlaxili Cristo tupaliajwa cruztat. Japonlap, kaen, tato'laxael puexa ampathatpijiw, Diosxotsepibej. ⁹ Paklochow japi matabija-el Jesús, japon Cristopon. Me-ama Dios chajia jum-aech Cristo tupaliajwa, ja-aechlisi japox. Dios pejjamechan, chajia lelspx, jum-aech wut, jum-aechox: "Jiw, nejxasinkpi Dios, japi jiwliajwa Dios chaemt pachaempoxan, majt chinax kaen aton tae-elpoxan, jumtae-elpoxanbej, nejchaxoela-elpoxanbej" —aech Dios pejjamechan, chajia lelspx.

¹⁰ Dios naktapaei matabijaliajwas Cristo tuppox xatisliajwa, Espiritu Santo nakkajachawaet xot. Espiritu Santo puexa chiekal matabijt. Chiekal matabijtbejpon puexa Dios nejchaxoelpoxan.

¹¹ Xatis chiekal matabijaxisal asew jiw nejchaxoelpoxan. Pelax jiw pajut chiekal matabija nejchaxoelpoxan. Ja-aechbej Espiritu Santo. Japon chiekal matabijt Dios nejchaxoelpoxan, japon pajut Dios xot. ¹² Dios nejchaxoelpoxan xatis matabijaxisal wajut wajnejchaxoelaxantat. Espiritu Santo, fuloekpon athuxotsik, japon nakkajachawaet xatis matabijaliajwas Dios ispx xatisliajwa. ¹³ Xanal xamal naewuajna wut, naewuajna-enil tajut matabijaxpoxan. Xamal naewuajna Espiritu Santoxot matabijtaxpoxan. Xanal jiw naewuajna Dios pejjamechan, japi jiwlis pejmatpuatanxot Espiritu Santopi.

¹⁴ Jiw, naexaxis-eli Jesús pejuwan, japi pejmatpuatanxot jil Espiritu Santo. Samata, nejxasinka-eli xanal naewuajna xpojan, xanal matabijaxpoxanbej Espiritu Santoxot. Japoxanliajwa, japi jiw asbuan jumch nejchaxoel: "Japoxan nejliaklaxan" —aechi, nejchaxoel wut. Japi xanal naewet wut, najummatabija-el, Espiritu Santo kajachawaes-esal xot. Samata, japi jiw chiekal jummatabiliaj-el Dios pejjamechan. ¹⁵ Pelax jiw, pejmatpuatanxoti Espiritu Santo, japi jiw chiekal nejchaxoel Dios pijaxan matabijaliajwa. Japiliajwa asew jiw jumchiyaxisal: "Xamal jum-ampoxan diachwuajnakolax. O, japoxan diachwuajnakolaxa-el" —chiyaxisal. ¹⁶ Japoxliajwa Dios pejjamechan, chajia lelspx,

jum-aech wut, jum-aechox: “Jiw pajut chiekal matabijaxil wajpaklon Dios nejchaxoelpoxan. Jiw naewuajnaexilbej Dios” —aech Dios pejjamechan. Xatis wajmatpuatanxot Espiritu Santo. Samata, xatis matabijas Cristo nejchaxoelpoxan. Jatis wut, nejchaxoels, me-ama Cristo nejchaxoel.

3

Chiekal nabichaxaelpox Diosliajwa Jesús pejwuajan naexasiti

¹ Takoew, xamalxot majt naewuajnaex wut, puexa Dios pejjamechan chiekal naewuajna-enil. Ja-an xan, xamal naewuajnaex wut, xamal chiekal naexasis-emil xotfuk Espiritu Santo tato'alpox, xamal jelnaexasitam xotbefuk Cristo pejwuajan. Samata, xamal, me-ama yamxi wut, ja-am Cristo pejwuajan naexasitampoxliajwa. ² Xamal majt matxoela naewuajnaex tampapoxan Cristoliajwa, chiekal matabijaliajwam. Me-ama yamxuch pen mit miach, naxaeyaxan xaeyaxil xot, ja-an xan, xamal naewuajnaex wut tampapoxan Cristoliajwa. Pe amwutjel, nakiowa xamal ja-amfuk. Nejnejchaxoelaxan kaes chiekal ti's-el, matabija-emil xot Cristoliajwa. Samata, xamal chiekal matabijaximil kaes xabich tampoelpoxan Cristoliajwa. ³ Xamal, me-ama asew jiw, Dios naexasis-elpi, ja-amfuk. Xamalbej nusasiowlam asew jiwliajwa. Nalotambej. Jasoxan isam xot, diachwuajnakolax xamal, me-ama asew jiw, ja-am. ⁴ Me-ama asew jiw, Dios naexasis-eli, duil wut kaenejchaxoelaxa-el, ja-ambej xamal. Xamalxot asew jiw jum-aech: “Xanal Pablo pejjiwan” —aechi. Asew jiw xamalxotbej jum-aech: “Xanallax Apolos pejpijwan” —aechi. Japoxan xamal amwutjel nakiowa jum-amfuk. Samata, duilam wut, kaenejchaxoelaxa-emil.

⁵ Xan, Pablo, kaes pejme pachaema-enil. Apolosbej kaes pejme pachaema-el. Xan, Apolos suapich, nabistax Diosliajwa. Samata, xanal naewuajnaex wut, xamal chiekal naexasitam Jesucristo pejwuajan. Kaenanula xanal chiekal nabistax, me-ama Dios nato'a. ⁶ Xan matxoela naewuajnaex Dios pejjamechan, xamalxotx wut. Do jawux, Apolos xamal naewuajan. Japon xamal kaes naewuajan, me-ama Dios nejxasink xamal duilaliajwam. Xan majt xamalxot naewuajnaex wut Dios pejjamechan, me-ama muthax wut, ja-an nejmatpuatanxot. Do jawux, xan muthaxpi, Apolos, me-ama min matfalan, ja-aechon xamalliajwa. Dios chiekal is xotbej pejbichax nejmatpuatanxot, xamal, me-ama xan muthaxpi wut, chiekal ti'tpi, ja-am xamal. ⁷ Muthapon kaes pejme pachaema-el. Min matfalanbej kaes pejme pachaema-el. Dioslax kaes pejme pachaem. Dios kajachawaet xot, puexa muthaspi chiekal ti'sful. ⁸ Muthapi, min matfalpibej, kolemutje. Pe japi jiw puexa chiekal najup Diosliajwa. Dios mosaxaespi Diosxotse kaenanula nabisti ampathatat. ⁹ Xan, Apolos suapich, kaebichax nabistax Diosliajwa. Xamal, me-ama Dios pejlulan wut, ja-am xanal nabichliajwan. Xamal Dios pejjiwam xotbej, me-ama Dios isfulba wut, ja-ampox. ¹⁰ Xan matxoela naewuajnaex xamal Cristo pejwuajan. Samata, xan, me-ama Dios pejba tuadutxponan wut, ja-an Diosliajwa. Amwutjel Apolos xamal kaes naewuajnaful Cristo pejwuajan. Samata, japonbej, Dios pejba isan wut, ja-aechon. Xanwux, Apolosbej, japon, Dios pejba nabichan wut, ja-aechon. Kaenanula Diosliajwa nabisti chiekal nabichaxael Dios pejba chiekal pachaemaliajwa. ¹¹ Xamal naewuajnaex Jesús pejwuajan, xamalbej tuadusliajwam Dios xanaboexampox. Xan Jesús pejwuajan xamal matxoela naewuajnaex wut xamalxot, japanaewuajnaex, me-ama bases, bapijax, ja-aechox, Dios pejba isliajwa. Japabases matxoela isas satat japaba chiekal mamnikaliajwa. Jesucristo, japon pajut, me-ama bases Dios pejbaliajwa. ¹² Aton ba isliajwa wut, bases isax toet wut, japabasesmatwuajtat asan japaba isaxael, toepaxilba. Ja-aech wut, isaxaelon orotat. Ja-el wut, ba isaxaelon platatat. Ja-el wut, ba isaxaelon ia'antat, xabich ommaenkpotantat. Ja-el wut, asan aton isaxael toepaxaelba. Ja-aech wut, esaxaelon tawloba. Ja-el wut, ba esaxaelon baba-uafba. Ja-el wut, esaxaelon maklejbuth-uafba. ¹³ Cristo pejme fuloek wut, jitat xapaejaxaelon bichaxan, kaenanula pejjiw nabistpoxanliajwa. Do jawut, Cristo pejjiw, japi kaenanula matabijaxael, chiekal nabist wut, o, chiekal nabich-el wut. ¹⁴ Cristo xapaejaxael wut japi pejbichaxan,

japabichaxan pachaem wut, japi, nabistpi Cristoliajwa, chiekal mosaxaesi Diosxotse. ¹⁵ Japi nabistpoxan, pachaema-el wut, mosaxisali Cristo. Japi ispoxan wetoejwaxaes jitat. Pe nakiowa, napelsaxili Diosliajwa. Samata, japi jiw, me-ama wiapi jit pejba wematwuajtamdaduch wut, ja-aechiyaxael japi jiw.

¹⁶ ¿Xamalkat matabija-emil, Dios pejtemploba wut, ja-ampox, Espiritu Santo ne-jmatpuatanxot duk xot? ¹⁷ Aton Dios pejtemploba tabejt wut, japon atonbej Dios boesaxaeson. Japaba Dios pajutliajwa. Xamal, Dios pejtemploba wut, ja-am, japon pejjiwam xot.

¹⁸ ¡Najut nabej naekichachajbe! Xamalxot kaen aton nejchaxoel wut ampox: “Xan kaes pejme matabijtax. Me-ama asew jiw, ampathatpijiw, matabijs, xan jachi-enil” — aech wuton, japon kofsaxael japanejchaxoelax. Japon nejchaxoelaxael: “Xan matabijs-enil. Me-ama asew, ampathatpijiw, matabijs, xan jachi-enil” — chiyaxaelon, nejchaxoel wut. Japon aton diachwuaajnokolax asamatkoi matabijsanaxael. ¹⁹ Ampathatpijiw pejmatabijsaxan, japoxan Diosliajwa nejliaklaxan. Japoxanliajwa Dios pejjamechan, chajia lelspx, jum-aech wut, jum-aechox: “Dios kajachawaet ampathatpijiw pejmatabijsaxtat, pajut chiekal matabijaliajwa japi pejmatabijsaxan nejliaklaxanpox” — aech Dios pejjamechan. ²⁰ Dios pejjamechan, chajia lelspx, jum-aech wut, jum-aechbejpx: “Jiw pejmatabijsaxan, Diosliajwa, japox nejliaklaxan” — aech Dios pejjamechan, jum-aech wut japoxanliajwa. ²¹ Samata, xamal kaes pejme nejxasinkam wut asan naewuajanpox Jesús pejwuajan, xamal nejchaxoelaximil: “Xatis kaes pejme pachaems. Me-ama asew, Jesús pejwuajan naexasiti, jachi-esal” — chiyaximil, nejchaxoelam wut. Puexa xanal Jesús pejwuajan naewuajnaex, Dios nato'a xot. Dios puexa ampathatat ispi, japoxan, puexa xamalliajwa. ²² Xan Pablo, Apolosbej, Pedrobej, xanal Dios panto'apin, xamal naewuajnalialjan. Dios ampathat is amwutjel xamal duilialjan, asamatkoiyanliajwabej. Dios tapaeibej xamal asamatkoi tupaliajwam. Dios puexa japoxan tapaei ampathatat xamalliajwa. ²³ Xamal, Cristo pejjiwam, isfulaxaelam Cristo nejxasinkpoxan. Cristo, Dios paxulan, japonbej isful pax Dios nejxasinkpoxan.

4

Nabistpoxan apóstoles

¹ Xamal nejchaxoelam wut, ¡nejchaxoelde xanalliajwa: “Pablo, asew jiwbej, paklochowa-el. Japi jiw, me-ama xatis, ja-aechi. Japi nabist Cristoliajwa. Japi naknaewuajan majt jiw matabija-elpoxan, Dios to'as xoti” — amde, nejchaxoelam wut xanalliajwa! ² Xamal chiekal matabijam. Aton nabist wut pejpaklonliajwa, japon chiekal isaxael puexa tato'laspoxan. ³ Xanbej isfulax, tajpaklon natato'alpoxan. Samata, xamal, asew jiw swapich, jumchiyaxaelam wut xanliajwa: “Pablo chiekal naewuajnafula-el jiw. Ispoxan chiekal isfula-elbejpon” — chiyaxaelam wut xanliajwa, xan japoxliajwa nejchaxoelaxinil. Isfulaxpoxanliajwa nejchaxoela-enilbej: “¿Xankat chiekal isfulax Dios natato'alpoxan? O, ¿xankat chiekal isfula-enil Dios natato'alpoxan?” — chi-enil, xan tajut nejchaxoelx wut. ⁴ Xan tajut matabijs-enil, babijax isx wut Diosliajwa, nabistax wut japonliajwa. Xanfuk tajut chiekal matabijs-enil, Dios chiekal naexasitx wut, o, chiekal naexasis-enil wutbej. Asamatkoi Dios pajut chiekal xan najumchiyaxael japoxanliajwa. ⁵ Samata, ¡xamal nabej nejchaxoele' asew jiwliajwa, nabisti Diosliajwa: “Japi chiekal nabich-el Dios to'aspox” — nabej aeche', nejchaxoelam wut! ¡Asbuan jumch wajpaklon Jesús wuajnawesaxaelam pejme pasliajwasik! Jesús pask wut, japon pajut puexa jiw chiekal itpaeyaxael japi kaenanula ispoxanliajwa. Maliach ispoxanbej tulaela itpaeyaxaelon. Japon itpaeyaxaelbej, ma-aech xot jiw kaenanula japoxan is. Do jawux, Dios jumchiyaxael kaenanula jiwliajwa nabisti japonliajwa: “Xam diachwuaajnokolax chiekal nabistam xanliajwa. Samata, xan xabich nejchachaemlax xamliajwa” — chiyaxael Dios kaenanula japi jiwliajwa.

⁶ Takoew, ¡xan chiekal nanaewe'e tajutliajwa jumchiyaxaelenpox, Apolosliajwabej! Chiekal nanaewetam wut, ¡xamal chiekal naexasi'e Dios pejjamechan, chajia lelspx!

Dios pejjamechan, chajia lelspx, jum-aech wut, jum-aechox ampox, fiat wut: “Jum-am wut, nabej jum-aechel: ‘Ampon kaes pejme xabich pachaem. Me-ama asan aton, jachi-elon’ —nabey aeche!” —aech Dios pejjamechan. Samata, nejchaxoelam wut, nabey nejchaxoele: “Ampon aton, Dios pejjamechan naewuajanpon, kaes pejme pachaem. Me-ama asan aton, Dios pejjamechan naewuajanpon, jachi-el japon aton” —nabey aeche, nejchaxoelam wut! ⁷ ¿Achankat xamal jum-aech: “Xamal kaes pachaemampim. Me-ama asew jiw, jachi-emilpim” —aechkat xamalliajwa? Xamal amwutjel nejewpoxan, japoxan, Dios xamal chaxduw. Dios xamal chaxduw wut, zma-aech xotkat japoxanliajwa jum-am, me-ama xamal najut chiekal faekam wut, ja-amkat?

⁸ Xamal asbuan jumch nejchaxoelam: “Xatis xabich matabijas Dios pejjamechan, asew jiw naknaewuajan xot. Samata, nakwewe'pa-el japi kaes naknaewuajnalijwa” —am xamal, nejchaxoelam wut. Xamal japox nejchaxoelam wut, diachwuajnakolaxael. Chiekal matabijam wut Dios pejjamechan, xamal, me-ama tajpaklochowam wut, jachiyaxaelam. Diachwuajnakolax Dios pejjamechan naexasiti pejpaklochowam wut, ja-am wut, xanal nejchachaemlaxaelen xamalliajwa. ⁹ Xan tajut nejchaxoelx: “Dios natapai puexa xanal apóstolespin ampathatpijiw xanal nanejweslaliajwa. Japi jiw jum-aechbej: ‘Xatis apóstoles beyaxaes’ —aechi. Samata, puexa ampathatpijiw, Dios pej-ángelbej, chiekal xanal natachaemapi taeliajwa jachiyaxaelpox xanalliajwa” —an xan, nejchaxoelx wut. ¹⁰ Asew jiw nejchaxoel xanalliajwa: “Japi Cristo pejjiw xot, nejliakla” —aechi xanalliajwa, nejchaxoel wut. Pe xamallax najutliajwa asbuan jumch nejchaxoelam wut, jum-am: “Xatis Cristo pejjiws xot, xabich matabijas” —am, nejchaxoelam wut. Nakaewa najum-ambej xanalliajwa: “Japi mamnika-el” —am xamal xanalliajwa. Xamallax najut nejchaxoelam wut, jum-am: “Xatis kaes pejme mamnikas” —am xamal. Asew jiw xanal nasitae-el. Pelaxi xamal japi jiw sitaen. ¹¹ Xanal jiw naewuajna x wut asapaklowaxanxot, nabijatax. Amwutjelbej nakiowa nabijatax. Xanal asamatkoi litaxaelax. Minsilabej. Nawejilbej chamoeyaxan chiekal naxoelajwanlejen. Jiw babijaxan isfulbej xanalliajwa. Tajbachan nawejilbej, xabich nanuamtax xot asatuajnuchanlel. ¹² Asamatkoi xanal xabich damlax, xabich nabistax wut tejew wuajsliajwan. Asew jiw jum-aech babejjamechan xanalliajwa. Ja-aech wut, xanallax Dios kawuajna x japi jiw Dios kajachawaesliajwas. Asew jiw babijaxan isful wut xanalliajwa, xanal talala-el japi jiwliajwa. ¹³ Asew jiw babejjamechan jum-aech wut xanalliajwa, xanallax jum-an chimiajamechan japi jiwliajwa. Asew jiwliajwa, xanal, me-ama xabich pachaema-elpoxan wut, ja-an japiliajwa. Pomatkoicha, hasta amwutjel, jasoxtat xanal duilafulax.

¹⁴ Xan ampox lelx wut, lela-enil xamal nadalaliajwa. Xanlax lelx ampox xamal naewuajnalijwan. Xamal naewuajna x wut, me-ama taxikola naewuajna x wut, ja-an xamalliajwa, xamal nejxasinkax xot. ¹⁵ Xamal naewuajna x wut Jesús pejuwajan, naexasitam japawuajan Dios xamal bu'welija x babijaxan isampoxanliajwa. Samata, xan, me-ama nej-axnan wut, ja-an xamalliajwa, Jesús pejuwajan naewuajna x wut, naexasitam xot. Do jawux, Jesús pejuwajan naexasitam wut, xabich asew jiw kaes xamal chanaekabuana chiekal matabijaliajwam. ¹⁶ Amwutjel xamal jum-an chiekal duilaliajwam. Me-ama xan xamalxot chiekal dukx wut, xamalbej ja-amde, duilam wut!

¹⁷ Samata, Timoteo to'ax xamal poxade, japon xamal naewuajnalijwa, chiekal duilaliajwam, me-ama xan chiekal dukx, jachiliajwam. Xan Timoteo xabich nejxasinkax, chiekal naexasit xoton Jesús pejuwajan. Samata, Timoteo, me-ama taxulan, jabuanan. Timoteo xamal chapaeyaxael nejchaxoelaliajwam, ma-an xan, majt dukx wut xamalxot, Jesús pejuwajan naexasitx xot. Me-ama xan potuajnucha naewuajna x, jachiyaxael Timoteo, xamalxot wut. ¹⁸ Asew jiw xamalxot pajut nejchaxoel: “Xatis kaes pejme pachaems, xabich matabijas xot. Samata, Pablo xatis bej naktaeyaxilbej kaes naknaewuajnalijwa” —aech japi jiw, pajut nejchaxoel wut xanliajwa. ¹⁹ Pe nakiowa, Dios natapai wut, kaematkoian suapich wut, xamal taeyaxaelen. Xan japi jiw tajut chiekal taeyaxaelen, matabijsliajwan, diachwuajnakolax japi jiw mamnik wut Espiritu

Santo pijaxtat. Jachi-el wut, xan tajut chiekal matabijsaxaelen, japi jiw asbuan jumch pajut jum-aechpoxankal. ²⁰ Dios pejjiw matabijaxaes, isful wut pachaempoxan, Dios kajachawaech xoti. Japi jiw asbuan jumch pajut jumdui-el isliajwa pachaempoxan. ²¹ Xamalxot patx wut, ¿xamalkat nejxasinkam xan kastikaliajwan, xamal babijaxan isam xot? O, ¿xamalkat nejxasinkam xan chiekal naewuajnalijwan, xamal nejxasinkax xot?

5

Corinto paklowaxpijw, Jesús pejwuajan naexasitixot, dukpox xabich babijax ispon

¹ Kaen aton xabich babijax is xamalxot, fit xoton pax pijow. Jiw, naexasis-eli Jesús pejwuajan, jasox is-el, me-ama japox. ² Pe xamal japon aton fias-emil. Asbuan jumch xamal najutliajwa nejchaxoelam: “Xatis kaes pejme pachaems. Me-ama asew jiw, jachi-esal” —am xamal, nejchaxoelam wut. ¡Jasox xamal nabej nejchaxoele! ¡Xamal xabich nadalaxaelam japon atonliajwa! ¡Xamal to'im japon aton chijiyaliajwa xamalxot, pejme kaxa-elaliajwapon! ³ Diachwuajnakolax amwutjel xan tajut xamalxota-enil. Pe nakiowa, nejchaxoelx wut, xan tajut, me-ama xamalxotx wut, ja-an. Matabijtax japon aton babijax ispox. Samata, xanliajwa japon aton wewe'pas kastikax. Xamal japon aton kastikaxaelam, xan jaxota-enil wut. ⁴ Xamal natamejlam wut jumchiliajwam japon aton babijax ispoxliajwa, jawut xan nejchaxoelaxaelen xamalliajwa. Jawutbej wajpaklon Jesús xamal kajachawaesaxael chiekal matabijaliajwam, machiyaxaelam japon atonliajwa. ⁵ Japon, xabich babijax ispon, ¡xamal to'impon chijiyaliajwa xamalxot, Satanás tato'laspi poxaliajwapon! Jaxotde xabich nabijat wut, pajut chiekal nejchaxoelaxaelon. Ja-aech wut, japon pejme chiekal naexasisaxaelbej Jesús pejwuajan. Ja-aech wut, japon bu'weyaxaes asamatkoi, Jesús pejme pask wut.

⁶ ¡Xamal najut nabej nejchaxoele!: “Xatis kaes pejme pachaems. Me-ama asew jiw, jachi-esal” —nabej aeche', nejchaxoelam wut, japon, xabich babijax ispon, xamalxot duk xoton! Xamal chiekal matabijam. Aton babijax isful wut xamalxot, japon aton tabesaxael puexa Jesús pejwuajan naexasiti. ⁷ Samata, japon aton, babijax isax nejxasinkpon, ¡xamal chijiyax to'im tabesasamatapon asew jiw xamalxot! Japon aton, me-ama padujpansap, levadura kitanialessap, ja-aech japon aton, babijax isax nejxasink xot. Pe xamal pajelnejchaxoelaxan, Jesús kajachawaet xot babijax isasamatam. Jam wut, Diosliajwa, me-ama pajelsap, levadura kitaniale-esal sap pan isliajwa, ja-am xamal. Cristo tup xot cruztat nakbu'welialjwa babijaxan isaspoxanliajwa, Diosliajwa japon, me-ama wajan Cordero, Pascuafiesta wut boesaspon, jakitison. ⁸ Samata, xatis nejchachaemlas. Me-ama judíos nejchachaemil Pascuafiesta wut, jatisbej xatis. Judíos pelt padujpansapan, japasapan ajilaliajwa japixot. Jachiyaxaesbej xatis. Samata, majt babijaxan isaspoxan kofaxaes kaes is-elaliajwas babijaxan.

⁹ Majt asacarta xamalliajwa lelx wut, jaxot chiekal chanaekabuanax nachalasangamatam jiw, babijaxan isaxan nejxasinkpi suapich, asew watho' bu'moejsax nejxasinkpi suapichbej. ¹⁰ Naexasis-elpixot Jesús pejwuajan, asew watho' bu'moejt. Asew japixotbej, pejew wut, xabich nejpas-esal pejew. Xabich jumch kaesasiapi. Asew nejxasink natkowax. Asew nejxasinkbej ídolos kawuajna. Japacarta xato'ax wut, xato'a-enil xamal nadijaliajwam japi jiwxot. Jiw babijaxan ispi, japi pothata xajup. Samata, nakolaximil japi jiwxot. Japixot xamal nakolasiam wut, nakolaxaelam ampathatat. ¹¹ Xan chajia asacarta lelx wut, naewuajnasian ampox. Aton jum-aech wut: “Xan naexasitx Jesús pejwuajan” —aech wuton, pe japon aton nakiowa asew watho' bu'moejt wut, ¡jasi jiw suapich, xamal nabej nanuams! Xamalxot asan aton pejew wut, japon aton nejpas-esal wutbej, xamalxot asan aton ídolo kawuajan wutbej, ¡jasi jiw suapich, xamal nabej nanuams! Xamalxot asan aton jum-aechful wut babejjamechan asew jiwliajwa, xamalxot asan aton saxa feyax nejxasink wutbej, xamalxot asan aton nejxasink wutbej natkowax, ¡jasi jiw suapich, xamal nabej nanuams! Jiw ja-aechpi, xamal tadut wut xaeliajwa, ¡japi jiw suapichbej,

nabey naxae!¹²⁻¹³ Dios xan natapae-el jümchiliajwan naexasis-elpiliajwa Jesús pejwüajan: “Ampi jiw, babijaxan is. Samata, japi xabich kastikaxaes” —chiliajwan. Dios pajut japox jümchiyaxael japiliajwa. Xabich kastikaxaesbejpi. Xamalxotlax naexasiti Jesús pejwüajan babijax is wüt, Dios tapaei xamal najut jümchiliajwam, chaemsliajwambej: “Ampi babijaxan is. Samata, xatis wajut japi kastikaxaes” —chiliajwam. Samata, jto'im japon aton xamalxot chijiyaliajwa, xabich babijax is xoton!

6

Wüajan chaemsaxaelpox, Jesús pejwüajan naexasiti wüajan wüt nakaewaliajwa

¹ Xamalxot asan babijax is wüt xamalliajwa, j japon aton nabey büflae' juez poxade japox wüajan juez xamal wechaemsliajwa! Xamallax tadusaxaelam asew jiw, Jesús pejwüajan naexasiti, japi kajachawaesliajwa japox wüajan chaemsliajwam. ² Xamal chiekal matabijam. Cristo asamatkoi fuloek wüt, jawüt naexasichpis Jesús pejwüajan Dios naktapaeyaxael jümchiliajwas kaenanula naexasis-eli Jesús pejwüajan: “Xam babijaxan isam. Samata, Dios xam kastikaxael” —chiliajwas. Samata, xamal amwütjel chiekal matabijam wüajan chaemsliajwam, asew jiw xamalxot pejbü'wüajan wüt. Puexa japox chiekal tampa xamalliajwa. ³ Xamal chiekal matabijambej. Asamatkoi xatis jümchiyaxaesbej kaenanula asew ángeles, babijaxan ispiliajwa: “Xam nejbü'wüajan Diosliajwa, babijaxan isam xot. Samata, Dios xam kastikaxael” —chiyaxaes. Samata, xatis amwütjel matabijas wajut chaemsliajwas, wüajan wüt xatisxot. ⁴ Samata, xamalxot wüajan wüt, ¿ma-aech xotkat aton bü'folam juez poxade japon juez wüajan wechaemsliajwa? Japi juez, Jesús pejwüajan naexasis-el. Xamal fulaeyaximil juez poxade japox wüajan juez wechaemsliajwa. ⁵ Xamal japox jüm-an nadalaliajwa. Xamalxot wüajan wüt, ¿xamalxotkat kaen aton ajil, chiekal matabijtpon wüajan chaemsliajwa? ⁶ Xamal Jesús pejwüajan naexasitam xot, kaen xamalxot babijax is wüt, j nabey büflae' juez poxade japon aton tasalaliajwam jaxotde!

⁷ Japon aton bü'folam wüt jueces poxade, japi jueces, Jesús pejwüajan naexasis-eli, japi wültaen wüt japox, pachaemaxil xamalliajwa. Naexasis-elpi Jesús pejwüajan matabijaxael xamal chiekal duila-emilpox. Samata, j babijaxan ispon nabey büflae' juez poxade! Jelnaexasiti Jesús pejwüajan, babijaxan is wüt xamalliajwa, kaes pachaem tapaeliajwam japi japoxan isliajwa. Japi nejew natkowa wüt, tapaejaxaelam natkowaliajwa. ⁸ j Pelax xamal babijaxan isfulam nakaewaliajwa! j Wenatkowambej asew jiw, naexasiti Jesús pejwüajan!

⁹⁻¹⁰ j Xamal najut nabey naekichachajbe'! Xamal chiekal matabijam, babijaxan ispi, japi duilaxil Diosxotse. Samata, j nabey is pachaema-elpoxan, najut isasiampoxan! Poejiw, asew watho' bü'moejtpi, japibej duilaxil Diosxotse. Jiw ídolos kawüajanpi, japibej duilaxil Diosxotse. Pejwatho'pi, asew watho' naebü'moejtpi, japibej duilaxil Diosxotse. Nakaepoejwa nabü'moejtpi, japibej duilaxil Diosxotse. Jiw kithakabej, duilaxil jaxotse. Jiw pejew wüt, jümch xabich kaesasiapi, japibej duilaxil jaxotse. Saxa femaenkpi, japibej duilaxil Diosxotse. Jiw, büxwüajanmaenkpi, japibej duilaxil Diosxotse. Asew jiw, naekichachajbapi wenosliajwa asew jiw pejew, japibej duilaxil Diosxotse. ¹¹ Asew jiw xamalxot majt babijaxan isful. Pe amwütjel, japi is-el babijaxan, Dios webeltaens xot babijaxan ispoxanliajwa, Jesucristo tüp xot cruztat japiliajwa. Diosliajwa japi jiw pachaemlisi. Samata, japi Dios pejiw. Espiritu Santobej kajachawaech naexasisliajwapi Dios.

Isaxilpox babijax Jesús pejwüajan naexasiti

¹² Asew jiw jüm-aech: “Amwütjel xan na-it-ele-el majt nafiatpox. Samata, isasianpoxan isaxaelen” —aechi. Pe xatis puexa isasiaspoxan isas wüt, chiekal duilaxisli Diosliajwa. Diachwüajnakolax xan na-it-ele-el puexa isasianpoxan isliajwan. Pe xan tajut

natapaeyaxinil tajnejchaxoelax natato'lalijawa babijaxan isliajwan, japox babijax, me-ama tajpaklon wut, jachiliajwan. ¹³ Asew jiw jum-aech wutbej: "Naxaeyaxan tajwoejtli-ajwa. Tajwoejtbej naxaeyaxanliajwa" —aech wuti, japi jum-aechpox, diachwujnakolax. Pe Dios asamatkoi toesaxael naxaeyaxan, wajwoejanbej. Dios nak-is-el asew watho' bu'moejsliajwas. Dios nak-is japon tanbichliajwas. Dios nakkajachawaetbej xatis chiekal mamnikaliajwas. ¹⁴ Wajpaklon Jesús tuj wut cruztat, Dios mat-echpon pejme dukaliajwa. Asamatkoi xatisbej Dios nakmat-eyaxael pejme duilaliajwas.

¹⁵ ¡Xamal matabijaxaelam, xatis kaenanula Cristo pejiws xot, me-ama Cristo pejbu't wut, jatis! Samata, asew watho' bu'moejsaxisal, plata kanapi poejiw bu'moejsaxtat. ¹⁶ ¡Xamalbej matabijaxaelam, kaen aton japow bu'moejt wut, japi, me-ama kaen wut, ja-aechlisi! Dios pejjamechan, chajia lelsbox, jum-aech wut, jum-aechox japoxliajwa: "Japi kolenje, me-ama kaen wut, ja-aechlisi" —aechox. ¹⁷ Naexasitpon Cristo pejwujajan, japon, Cristo suapich. Japi, me-ama kaen wut, ja-aechi Diosliajwa.

¹⁸ Samata, ¡nabej bu'moejs asew watho'! Nejmachbabijaxan jiw is wut, pejbu'an tabejesal. Pe nakiowa, aton asew watho' bu'moejt wut, japon aton pajut natabejt Diosliajwa. ¹⁹ ¡Xamalbej matabijaxaelam! ¡Xamal Diosliajwa, me-ama Espiritu Santo pejtemploba wut, ja-am, Espiritu Santo duk xot nejmatpuatanxot! Pe Dios to'a Espiritu Santo dukaliajwa xamal nejmatpuatanxot. Nejbu'anbej xamal najutliajwa-el isliajwam babijaxan. ²⁰ Xamal Dios wujajt. Cristo tuj wut cruztat, japon mot xamal babijaxan isampoxanliajwa. Samata, ¡kaes babijaxan nabej is! Babijaxan is-emil wut, jiw sitaeyaxael Dios.

7

Pablo naew uajanpox Jesús pejwujajan naexasiti nakjiyaxliajwa

¹ Majt xamal carta xato'am wut xanliajwa, japacartaxot nawujnachaemtam nakjiyaxliajwa. Amwut nawujnachaemtampoxliajwa amxot lelaxaelen xamal chiekal chanaekabuanaliajwan nakjiyax. Kaes pejme pachaem, aton tamach laejaliajwa, pawis fis-elaliajwa. ² Pe poejiw xabich asew watho' bu'moejt xot, jasox isasamata, kaes pejme pachaem kaenanula poejiw nakjiyaliajwa, kaenanula watho'bej nakjiyaliajwa, asbuan jumch asew poejiw bu'moejsasamata watho'. ³ Kaenanula poejiw chiekal laelpaxael pijowxot. Jachiyaxaelbej kaenanula watho'. Chiekal laelpaxaeli pamalxot. ⁴ Kaenanula watho' pamalpi, japi watho' pajutliajwa-el pejbu'an. Japi pejbu'an pamalliajwa. Jachiyaxaelbej poejiw pejwatho'pi. Japi poejiw pejbu'an pajutliajwa-el. Japi pejbu'an pijowliajwa. ⁵ Samata, xamal, watho'am, ¡nabej nejwesle' kaeyaxtat moejsliajwam, nejmol suapich! Xamal poejwam, ja-amdebej! Pelax xamal, nijow suapich, kaenejchaxoelaxam wut Dios piach kawujnaliajwam, jawut kaeyaxtat nabej moejs, nijow suapich! Jachiyaxaelam asax nejchaxoelasamatam, piach Dios kawujnaliajwam wut. Dios kawujnax buxtoetam wut, nijow suapich, pejme kaeyaxataxaelam. Jasox isaxaelam xamal babijaxan isasamatam, Satanás naekichachajbasamata xamal.

⁶ Xan ampox lelax wut, to'a-enil puexa xamal nakjiyaliajwam. Pe ampox xan lelax xamal chiekal matabijaliajwam. Nakjiyiasiam wut, ¡nakjiyim! ⁷ Nejxasinkax xamalbej tamach laelpaliajwam, me-ama xan pawis fis-enil, jachiliajwam. Dios kaenanula jiw kajachawaet duilaliajwa, me-ama Dios nejxasink. Samata, asew jiw nakjiyaxael. Asew nakjiyaxil.

⁸ Xamal poejwam tamach laelpampim, xamal watho'am tamach laelpampimbej, xamal watho'am nejmol naetupimbej, puexa xamalliajwa jum-an ampox. Pachaem nakjiyaelaliajwam, me-ama xan, jachiliajwam. ⁹ Pe xamal boejtaliasaximil wut, ¡nakjiyim, kaes nejchaxoelasamatam asaxan isaxan, japow suapich!

¹⁰ Xamal, nakjiyampim, jumchiyaxaelen. Japox tajnejchaxoelaxa-el. Pe japox, Dios nejchaxoelpox, jumchiyaxaelen. Xamal watho'am, ¡nabej pels nejmol! ¹¹ Pawis pamal fo'apow, japow asan aton fisaxil. O, japow nospaeyaxael, pamal suapich, pejme nawoeyaliajwa, chiekal pachaemaliajwapi. Poejiwbej pelsaxil pejwatho'jiw.

¹² Asew jiw, xamalxotpijiw, xan japi jumchiyaxaelen tajut nejchaxoelxpoX nakjiyaxli-ajwa. Japox wajpaklon Jesús nabuxto'a-el. Jesús pejwajaan naexasitpon, japon pijow, Jesús pejwajaan naexasis-elpow wut, pe pijow nejxasink wut laejaliajwa pamalxot, ja-aech wut, japon aton fo'axil pijow. ¹³ Jesús pejwajaan naexasitpow, japow pamal, naexasis-elpon wut Jesús pejwajaan, pe japon nejxasink wut laejaliajwa pijowxot, ja-aech wut, japow fo'axil pamal. ¹⁴ Naexasis-elpon Jesús pejwajaan, japon aton Dios kajachawaesaxaes pijow pijaxtat. Pawisbej, naexasis-elpow wut Jesús pejwajaan, japow Dios kajachawaesaxaes pamal pijaxtat. Do ja-aech wut, japi paxibej Dios kajachawaesaxaes. Dios kajachawaes-el wut, japi paxi, me-ama asew, Jesús pejwajaan naexasis-eli paxi wut, jachiyaxael japi paxi. ¹⁵ Pawis, Jesús pejwajaan naexasitpow, japow pamal, naexasis-elpon wut Jesús pejwajaan, japon aton pijow fo'asia wut, ¡nej fo'epon pijow, japow tamach laejaliajwa! Atonbej, Jesús pejwajaan naexasitpon, japon pijow, Jesús pejwajaan naexasis-elpow wut, japow fo'asia wut pamal, ¡nej fo'epow pamal, japon aton tamach laejaliajwa! Dios jasox nejxasink xamal chiekal duilaliajwam wajaanjilaxtat. ¹⁶ Xamal watho'am, kaenanula nejmol, naexasis-elpon wut Jesús pejwajaan, xamal chiekal laelpam wut, nejmol suapich, ja-am wut, nejmol bej naexasisaxaelbej Jesús pejwajaan. Xamal poejwambej, kaenanula nijow, naexasis-elpow wut Jesús pejwajaan, xamal chiekal laelpam wut, nijow suapich, ja-aech wut, nijow bej naexasisaxaelbej Jesús pejwajaan.

¹⁷ Ma akasestat xamal iduilamdo' naexasis-emil wutfuk Jesús pejwajaan, ¡do jaxot xamal nakiowa duilafulde! Ma akasestat xamal inabistamdo' naexasis-emil wutfuk Jesús pejwajaan, ¡do japabichaxan nabichfulde! Japox xan potuajnuXa naewuajnaX naexasiti Jesús pejwajaan. ¹⁸ Jesús pejwajaan naexasitpon, circuncidas wut Dios pejmarkaxliajwa, japon nejxaejwaxisal circuncidaspoXliajwa. Asan Jesús pejwajaan naexasit wut, japon circuncida-esal wut, ¡japon kito'axil circuncidaliajwas! ¹⁹ Circuncidax, o, circuncida-elxotbej, japoxan koloeyaxanxot, Diosliajwa kaes asax pejme pachaema-el. Japoxan koloeyax chiekal najur. Kaes pejme pachaempox naexasisliajwas Dios tato'alpox. ²⁰ Jesús pejwajaan naexasiti kaenanula ma iduילו', do jaxot duilafulaxaeli. Ma japi inabistdo' akasestat naexasis-el wutfuk Jesús pejwajaan, do japoxan japi nabichfulaxael. ²¹ Asew jiw xamalxot esclavospi. Naexasit wuti Jesús pejwajaan, ¡japi nej nejchaxoelaele' malech nabistpoXliajwa paklochowliajwa! ¡Nejmach chiekal nej nabichpi nabistxot! Japi pejmatkoi wepach wut nakolaliajwa, ¡nej nakole paklochowxot! ²² Kaen esclavo naexasit wut wajpaklon Jesús pejwajaan, japon Jesús pamakan. Pe japon, esclavo-el wut, ja-aechbejpon. Japon nabist wut paklonliajwa, jawutbej, me-ama nabiston Jesúsliajwa. Aton, esclavo-elpon, naexasit wut Jesús pejwajaan, japon aton Cristo pej-esclavo wut, ja-aechon. ²³ Dios xamal wuajt wut, moton xabich ommaeyaxtat. Samata, asew jiw tato'al wut babijaxan isliajwam, ¡xamal nabej is japoxan! ²⁴ Samata, Jesús pejwajaan naexasitampim, kaenanula duilamxot, ¡do jaxot xamal duilafulde! Nabistampox, ¡japoxbej nabichfulde! Xamal kaenanula ja-am wut, Dios kajachawaesaxael.

²⁵ Xamal nakjiya-emilpim, naewuajnaXaelen nakjiyaxliajwa, majt nawuajnaXaemtampon. Wajpaklon Jesús nabuxto'a-el japox xamal naewuajnalialjwan. Pe xan tajut nejchaxoelxpoX xamal jumchiyaxaelen. Dios nabeltaen xot, natapaei japon pejjamechan jiw naewuajnalialjwan. Samata, xamal naewuajnaXaelen. ²⁶ Xatis amwutjel duilafulas pachaema-elmatkoiyantat. Samata, xan nejchaxoelx: “Kaes pejme pachaem, nakjiya-esal wut tamach laelpaliajwas” —an, nejchaxoelx wut. ²⁷ Samata, xamal poejwam kaenanula nijow wut, ¡nabej fo'e! ¡Chiekal kaelel bu'laelpde nejwatho'! Xamal poejwam, nakjiya-emil wutfuk, ¡nabej wulweke' watho' nakjiyaliajwam! ²⁸ Fitam wut nijow, japox chaemila-el. Pansiawbej fit wut pamal, japoxbej chaemila-el. Pe nakjiyapi, japi jiwliajwa asamatkoi xabich tampoelaxael wewe'paspoxanliajwa. Samata, xan nejxasinkax jumchiliajwan, xamal poejwam kaenanula watho' notam wut bunbijasasamatam.

²⁹ Takoew, xan nejxasinkax xamal jumchiliajwan ampox. Matkoiyan xabich xatis nakwewe'pa-el laelpaliajwas. Samata, pejwatho'pi, japibej wajpaklon Diosliajwa xabich

nabichaxael. Me-ama tamach laelpi xabich nabist Diosliajwa, jachiyaxaelbej pe-jwatho'pi. ³⁰ Puexa jiw nejchaxoelaxael nabichliajwa Dios pijax bichax. Jiw wetups wut pejjiw, xabich nejxaejwas wutbej, xabich nabichaxaelpi Dios pijax bichax. Nejxaejwaxkal japi boejxatataeyaxil. Jiw nejchachaemilpi, japibej xabich nabichaxael Dios pijax bichax, me-ama nejchachaemla-el wut, jachiliajwapi. Jiw pejew wut, japibej pasiowlaxil pejew. Japibej xabich nabichaxael Diosliajwa. ³¹ Pejew xabich mowapi, pejew mowa wut, japi jiw nejchaxoelaxil pajutliajwakal. Japibej Diosliajwa xabich nabichaxael, asamatkoi puexa ampathat chiekal toepaxael xot. Samata, puexa jiw pejewkalliajwa xabich nejchaxoelaxil.

³² Xan nejxasinkax xamal nejchaxoela-elaliajwam ampathatpijaxan. Pawis fis-elpon, japon nejchaxoelaful nabichliajwa wajpaklon Dios pejbichax, Dios nejchachaemlaliajwa japon atonliajwa. ³³ Pijowponlax nejchaxoel ampathatpijaxan. Nejchaxoelbejpon puexa isliajwa pijow chiekal nejchachaemlaliajwa japonliajwa. ³⁴ Pawis, pamal fis-elpow, japow nejchaxoel wajpaklon pijax bichax. Japow nejchaxoel Dios tanbichliajwa. Pawis, pamalpowlax, japow nejchaxoel ampathatpijaxan. Nejchaxoelbejpow puexa isliajwa pamal chiekal nejchachaemlaliajwa japowliajwa.

³⁵ Japox jum-an wut, xamal fias-enil nakjiasamatam. Pe japox jum-an xamal naewuajnalijwan chiekal nejchaxoelaliajwam. Nejxasinkax xamal chiekal duilaliajwam. Nejxasinkaxbej puexa xamal chiekal tanbichliajwam wajpaklon Dios.

³⁶ Aton chajia jumdut wut pawis fisliajwa, japow chiekal ti't wut, japon aton nejchaxoel: “Xan japow fitx wut, japox pachaemaxael xanliajwa” —aechon, nejchaxoel wut. Ja-aech wut, japon aton japow pawis fisaxael. Japox chaemila-el. ³⁷ Asan aton jum-aech wut: “Xan pawis fisaxinil” —aech wuton, nejchaxoel wut, japox pachaem japonliajwa. ³⁸ Samata, aton fit wut jumdutpow, japox chiekal pachaem japon atonliajwa. Asanlax, pawis fis-el wut, japon atonliajwa japox kaes pejme pachaem.

³⁹ Pamal laeja wut, japow pamalxotaxael. Fisaxilow asan. Jasox jum-aech Dios pejjamechan, chajia lelspx. Pelax pamal tup wut, ja-aech wut, pachaem japow asan fisliajwa. Japow fisaxael Jesús pejwuajan naexasitpon. ⁴⁰ Xan nejchaxoelx: “Pamal naetupspow, asan fis-el wut, ja-aech wut, kaes pejme nejchachaemlaxael japow” —an, xan nejchaxoelx wut. Xan jasox nejchaxoelx, Espíritu Santo nakajachawaet xot.

8

Choef xua atpox ídolos-ofrendaliajwa, japawi nama wut, asew jiw xael

¹ Majt xamal carta xato'am wut xanliajwa, nawuajnachaemtam: “¿Choef xua'taspi ídolos-ofrendaliajwa, japawi naman wut, pachaemkat xaeliajwas?” —na-am xamal, nawuajnachaemtam wut. Asew, naexasiti Jesús pejwuajan, japawi xaeliajwa nejxasinkael. Puexa xatis chiekal matabijas japawi pachaempox xaeliajwas. Pe nejchaxoels wut: “Xatis kaes pejme chiekal matabijas. Me-ama asew, Jesús pejwuajan naexasiti, xael-elpi japawi, xatis jachi-esal” —tis wut, nejchaxoels wut, japanejchaxoelax pachaemaxil. Samata, nejchaxoelaxisal japox. Kaes pachaem, nejchaxoelaliajwas: “Xatis nejxasinkas japi jiw, xae-elpi japawi. Samata, xatis xaeyaxisal japawi japi jiw nakkaechataesamata” —chiyaxaes, nejchaxoels wut. Jatis wut, xatis japi jiw kajachawaesaxaes chiekal naexaxisliajwapi Dios. ² Aton pajut nejchaxoelpon: “Xan japoxanliajwa puexa chiekal matabijtax” —aech wuton, japon aton pajut nanaekichachajba. Japon wewe'pas puexa kaes chiekal matabijsliajwa. ³ Dios nejxasinkpon, japon aton Dios matabijtas.

⁴ Xatis chiekal matabijas. Ídolos chinax pachaema-el, asbuan jumch japoxan ídolos xot. Puexa ídolos, japoxan Dios-el. Kaen Dios athuxotse duk. Jiw choef xua'at wut ídolos-ofrendaliajwa, japox ofrenda asaxliajwa chinax pachaema-elbej. ⁵ Jiw chiekal matabijael. Samata, asbuan jumch jum-aechi: “Ampathatat xabich maenk dioses, athuxotsebej” —aechi. ⁶ Pelax xatis chiekal matabijas. Kaen waj-ax Dios. Do japon chiekal kaekolan. Do kaes asan Dios ajil, me-ama Dios, jason. Dios puexa is xatis duilaliajwas, japon

nejxasinkpoxan isliajwas. Chiekal matabijasbej. Kaen, wajpaklon Jesucristo. Japon Dios to'as puexa isliajwa. Japon nakkajachawaet xot, laelpas ampathatat.

⁷ Puexa naexasiti Jesús pejwujajan, japi chiekal matabija-el ídolos chinax pachaema-elpox asaxliajwa. Asew jiw japixot majt ídolos kawujajan. Amwutjel japi jiw chiekal Dios xanaboeja-elfuki. Samata, japi jiw xael wut namanwi, ídolos-ofrendaliajwawi, japi jiw nejchaxoel: “Xatis japawi xaes xot, isas pachaema-elpox” —aechi, nejchaxoel wut. ⁸ Xatis chiekal matabijas. Jiw choef xua'at wut ídolos-ofrendaliajwa, japawi xaes wut, o, xae-esal wutbej, Diosliajwa japoxan koloyaxan chiekal pachaem. ⁹ Pachaem xatis japawi xaeliajwas. ¡Pe chiekal taeyaxaes! Asew, naexasiti Jesús pejwujajan, jum-aech wut: “Dios nejxasinka-el japawi xaeliajwas” —aech wuti, ja-aech wut, ¡nabej xae' japawi! Xamal kaechataen wuti, ja-aech wut, japibej xaeyaxaelbej japawi. Xael wuti, kaenanula nejchaxoelaxaeli: “Xan babijax isx Diosliajwa” —chiyaxaeli, nejchaxoel wut. Jasox japi nejchaxoelaxael, chiekal xanaboeja-el xotfuki Dios. ¹⁰ ¡Xamal nabej xae' japawi, ídolos pejtemplobaxoti! Xamal chiekal matabijam. Xaelam wut japawi, japox chaemilael. Pe nakiowa, xaelam wut, asan Jesús pejwujajan naexasitpon, japon chiekal Dios xanaboejs-el wutfuk, xamal kaechataen wuton, ja-aech wut, japon aton bej xaeyaxaelbej japawi. Ja-aech wut, japon aton japawi xael wut, nejchaxoelaxaelon: “Xan babijax isx Diosliajwa, xaelx xot japawi” —chiyaxaelon, nejchaxoel wut. ¹¹⁻¹² Xamal chiekal matabijam, japawi pachaem jiw xaeliajwa. Japawi xaelam wut, ja-am wut, asew jiw, chiekal xanaboeja-elpifuk Dios, japibej xaeyaxael japawi. Samata, kaes pejme pachaem xamal xae-elaliajwam japawi, japi jiwbej xaesamata japawi. Xamalkalliajwa Cristo tupa-el. Japiliajwabej Cristo tupa. Xamal xaeyaxaelam wut japawi, japibej xaeyaxael wut, ja-aech wut, japi nejchaxoelaxael: “Xan isx babijax Diosliajwa” —chiyaxaeli, nejchaxoel wut. Ja-aech wut, xamal isaxaelam babijax Cristoliajwa. ¹³ Samata, xan nejchaxoelx: “Xan xaelx wut japawi, asew jiw, naexasiti Jesús pejwujajan, xaeyaxaelbej japawi. Do jawux, japi nejchaxoelaxael: ‘Xan Diosliajwa babijax isx, xaelx xot japawi’ —chiyaxaeli, nejchaxoel wut” —an xan, nejchaxoelx wut. Samata, kaes pejme pachaem xan japawi xae-elaliajwan, asew naexasiti Jesús pejwujajan xaesamatabej japawi.

9

Dios tapaeipox apóstoles wujjoeliajwa Jesús pejwujajan naexasiti, japi wewe'paspoxanliajwa

¹ Cristo xan namakafit apóstolliajwan. Japonbej xan nato'a jiw naewujajnalijwan, me-ama asew apóstoles, jachiliajwan. Xanbej tajut chiekal taenx wajpaklon Jesús. Xamal naewujajnox japon pejwujajan. Samata, xamal chiekal naexasitam japon pejwujajan. ² Asew jiw nakaewa najum-aech xanliajwa: “Pablo Jesucristo pej-apóstola-el” —na-aechi. Xamallax matabijam diachwujajnakolax xan Jesucristo pej-apóstolan. Naewujajnox wut Jesús pejwujajan, xamalbej naexasitam. Samata, xamal najut chiekal matabijam diachwujajnakolax xan Jesucristo pej-apóstolan.

³ Xan ampox lelaxaelen, asew jiw jum-aech xot asaxan xanliajwa. ⁴ Xanal apóstoles, Jesús pejiwan, Dios tanbistax xot, japon xanal natapaei xamal nachaxduiliajwam naxaeyaxan. ⁵ Xan tajow fitx wut, Jesús pejwujajan naexasitpow, xanbej tajow buflaeyaxaelen, jiw naewujajnox wut Jesús pejwujajan. Me-ama asew apóstoles, Pedrobej, wajpaklon Jesús pakoewbej, japi bu'nanuamt pejwatho', jiw naewujajan wuti Jesús pejwujajan, xanbej jachiyaxaelen, tajow fitx wut. ⁶ Asew, naexasiti Jesús pejwujajan, xamal naewujajan wuti Cristo pejwujajan, japi naxaeyaxan wewe'pas wut, xamal kajachawaetam. Xanlax, Bernabé suapich, tajut nabistax. Xanal koewan ja-anlapax, xamal nakajachawaesasamatam. ⁷ Xamal chiekal matabijam. Aton nabist wut, japon moch pajut naxaeyaxan wujajsliajwa. Soldaw-atonbej pejpaklon chaxduws naxaeyaxan japon xaeliajwa. Nabistponbej uvalul pejpaklonliajwa, japon aton kaechatapaeis kaesuapich uva xaeliajwa. Asanbej, oveja tataefulpon, japonbej pejpaklon kaechafias-esal, leche sae'a wut matuffeliajwa. ⁸⁻⁹ Nejchaxoelam wut, ¡nabej nejchaxoele!: “Pablo pajut pejnechaxoelaxtat

japox faen jumchiliajwa” —nabey aeche', nejchaxoelam wut! Moisés chajia lelpox jum-aech: “Woei xanbistam wut trigo matbokanaliajwa, jwoei bozal nabey kaechxoele' trigo xaeliajwa!” —aechox. Moisés chajia lelpox woelija wakal japox lela-elon. ¹⁰ Moisés chajia lelpox nakjum-aech xatis chiekal matabijaliajwas, naktanbistpi chiekal mosliajwas. Sat xawawakanpon paklonliajwa trigo pelaliajwa, nabist wut, nejchaxoelon: “Asamatkoi trigo foel wut, tajpaklon kaesupich trigo nachaxdusaxael namosliajwa tanbistaxpox” —aechon, nejchaxoel wut. Trigo matbokanpi nejchaxoelbej: “Trigo matboknax kitoetx wut, tajpaklon kaesupich trigo nachaxdusaxael” —aechi, nejchaxoel wut. Do jawux, kaenanula chaxduwspi, trigo matboknax toet wut. ¹¹ Xamal naewuajna x wut Jesús pejwuajan, ja-an wut, japawuajan, me-ama muthax nejmatruatanxot. Samata, pachaem xamal xanal nakajachawaesliajwam, nawewe'p wut. ¹² Xamal kajachawaetam asew, japi xamal naewuajan wut Jesús pejwuajan. Kaes pejme pachaemaxael xanal matxoela nachaxduiliajwam, japi chaxdui-emil wutfuk japoxan.

Dios natapaei xanal japoxan xamal nachaxduiliajwam, Jesús pejwuajan naewuajna x wut. Pe nakiowa, xamal wuljoe-enil nachaxduiliajwam. Xanallax tajut nabistax natataeflaliajwan. Xanal wuljowx wut, xamal nejchaxoelam wut, asax nejchaxoelaxaelam xanalliajwa. Ja-an wut, xamal naexaxisaximil naewuajna x wut Jesús pejwuajan. ¹³ Xamal chiekal matabijam. Dios pejtemplobatat nabistpi, japi xaeyaxael naxaeyaxan, Dios pej-ofrendapi. Altarxot nabistpi, japi choef xua'at wut Dios pej-ofrendaliajwa, japibej xaeyaxael japawi, wediajkaswi japiajwa. ¹⁴ Ja-aechbej, asew Jesucristo pejwuajan naewuajan wut. Wajpaklon Jesucristo japi tapaeis chaxduiliajwas, naxaeyaxan wewe'pas wuti. ¹⁵ Xanbej wajpaklon Jesucristo natapaei xamal nakajachawaesliajwam, naxaeyaxan nawewe'p wut. Pe nakiowa, xamal wuljoe-enil nakajachawaesliajwam. Ampacarta lela-enilbej xamal wuljoeliajwan kajachawaesax. Xan nejxasinka-enil xamal wuljoeliajwan naxaeyaxan xan xaeliajwan. Xanliajwa, kaes pejme pachaem tajlit tupaliajwan.

¹⁶ Xan asew Jesús pejwuajan naewuajna x wut Dios bu'weliajwas, nejchaxoelx wut, nejchaxoela-enil: “Xan kaes pejme pachaeman. Me-ama asew jiw, jachi-enil” —chi-enil, nejchaxoelx wut. Wajpaklon Jesucristo nato'a jiw naewuajnalialjan japon pejwuajan. Japawuajan jiw naewuajna x wut, asamatkoi Dios wuajnalelan wut, japox xabich pachaemaxil xanliajwa. ¹⁷ Xan tajut tajaxtat naewuajna x wut, ja-an wut, wuajnawesaxaelen jiw xan namosliajwa. Pe xan tajut tajaxtat naewuajna-enil japawuajan. Xan jiw naewuajnafulax japawuajan, wajpaklon Dios nato'a xot. ¹⁸ Dios natapaei xan jiw namosliajwa, naewuajna x wut. Pe nakiowa, xan jiw naewuajna x wut Jesús pejwuajan japi Dios bu'weliajwas, xan mat-omwuljoe-enil. Nejchachaemlax wut, japox nejchachaemlax, me-ama xan jiw namot wut, ja-an.

¹⁹ Xan esclavo-enil. Malech nabistpona-enil puexa jiwliajwa. Pe nakiowa, me-ama esclavo wut, ja-an. Puexa jiw malech naewuajna x wut Cristo pejwuajan japi jiw naexaxisliajwa. ²⁰ Diachwuajnakolax xan nawewe'pa-el naexaxisliajwan Moisés chajia lelpox, naexasitx xot Jesucristo pejwuajan. Pe xan judiosxotx wut, me-ama Moisés chajia lelpox naexasitx wut, ja-an, japi judiosbej naexaxisliajwa Cristo pejwuajan. ²¹ Judios-elpi Moisés chajia lelpox naexaxis-el. Samata, xan japixotx wutbej, Moisés chajia lelpox naexaxis-enil wut, ja-an judios-elpi bej naexaxisliajwa Cristo pejwuajan. Ja-an wut, xan kofs-enil Dios pejjamechan naexasitx wut. Naexaxisfulax, me-ama wajpaklon Jesucristo nato'a. ²² Jiw, jelnaexasiti Jesús pejwuajan, japi chiekal xanaboeja-elfuk Dios. Samata, xan japixotx wut, me-ama japi, ja-an, japibej chiekal naexaxisliajwa Cristo pejwuajan. Xan puexa jiw naewuajna x wut, isfulax, me-ama japi, japibej chiekal naexaxisliajwa Jesús pejwuajan Dios bu'weliajwasbejpi. ²³ Xan ja-an japixotx wut, puexa jiw chiekal naexaxisliajwa Cristo pejwuajan Dios bu'weliajwas. Samata, Dios xan nakajachawaesaxael wut, kajachawaesaxaelbejpon japi jiw, me-ama Dios chajia jum-aech kajachawaesliajwa.

²⁴ Xamal chiekal matabijam, puexa jiw xabich dukp kanaliajwa premio. Pe japixot kaen, matxoelapatpon, japon premio kana. Xamalbej ja-am, Diosliajwa xabich nabistam wut. ²⁵ Dukpaxaelpi premio kanaliajwa, kaenanula chiekal nejchaxoel xabich najaesliajwa, me-ama asew, jachi-elaliajwa. Samata, dukpaxaelpi pajut chiekal natataeful kanaliajwa premio, nuaf-uafcorona. Japox corona piachliajwa-el, selnaxaes xotox. Xatis Diosliajwa xabich nabistas kanaliajwas Dios pijax premio. Japox premiolax pomatkoichaliajwa. ²⁶ Me-ama aton matnoch xabich najaet markasxot pasliajwa, xan jachiyaxaelen. Puexa tajpamamaxtat isaxaelen. Me-ama wajpaklon Dios nato'a, jachiyaxaelen. Ja-an wut, japonliajwa tanbistapoxan, kaeyax, nawenafo'axil. ²⁷ Samata, tajut chiekal natataeflux babijax isasamatan. Jasox isx tajpaklon, Jesús, nejchachaemlaliajwa, xan jiw naewuajntax wut japon pejwuajan. Asew naewuajntax wut Jesús pejwuajan, japamatkoijan xan chiekal duka-enil wut, Dios pajut xan nato'axael kofsliawjan japon pijax bichax.

10

Pablo fiatpox Corinto paklowaxpijiw ídolos kawuajnasamata

¹ Takoew, xan naewuajntax xamal nejkiowasamatam. Wajwuajnapijiw nakola wuti Egipto tuajntaxot, japi fulafol Moisés. Jawut itloejen athu dukaful japi pejwuajnalel. Samata, japi japox, itloejen, fulafol. Do jawut, Dios japi kajachawaech likaliajwapi Mar Rojo. ² Jiw bautisas wut, bautisas mintat. Ja-aech wut, japi Dios pejiw. Jatislap-is wajwuajnapijiw, fulafol wuti itloejen, Moisés suapich. Fulaechbejpi Mar Rojo poxade, min najupanadijan poxade, likaliajwa we-enlelde. Ja-aech wut, puexa israelitas Diosliajwa, me-ama bautisas wut, ja-aechi. Ja-aech wut, japi jiw Dios pejiwlisi. ³ Japibej kaeyax naxaeyax xael pomatkoicha, Moisés suapich. Pejnaxaeyax fulaloeka athulelsik. ⁴ Puexa japibej kaemin afpi, Dios chaxduchmin, nakolamin ia'botxot. Samata, japa-ia'bot, Cristo wut, ja-aech, israelitas wia xot, tupasia wuti minsit. ⁵ Pe nakiowa, xabich jiw japixot is Dios nejxasinka-elpoxan. Samata, japi xabich tup, pajilaxtat wuti.

⁶ Puexa israelitas japox wejatis, xatisbej isasamatas babijaxan. ⁷ Samata, xamal nabej kawuajne' ídolos! Me-ama asew tajwuajnapijiw, xnabej ja-aech' xamal! Dios pejjamechan, chajia lelspx, jum-aech wut, jum-aechox japiliajwa: “Jiw is wut fiesta ídolosliajwa, chalak xaeliajwa, feliajwabej. Do jawux, kaechatoel wut, nanapi nababoelaliajwa” —aechox. ⁸ ¡Xatis nabej bu'moejstis asew watho'! Me-ama asew tajwuajnapijiw, xnabej jachitis! Tajwuajnapijiw japox is wut, kaematkoi tup veintitrés mil jiw, Dios kastikas xoti. ⁹ Me-ama asew tajwuajnapijiw, japi is babijaxan Dios palalaliajwa, xatislax japox jachiyaxisal. Tajwuajnapijiw asbuan jumch babijax is wut, japixot xabich jom liklas. Do jawut, chatupbejpi jom liklaspxan. ¹⁰ Asew tajwuajnapijiw jum-aech babejjamechan Diosliajwa. Ja-aech wut, Dios to'a ángel japi beliajwas. Samata, xamalbej nabej jum-aech' babejjamechan Diosliajwa!

¹¹ Tajwuajnapijiw japoxan wejatis, xatis wachakalpijwasbej nejchaxoelasamatas babijaxan isliajwas. Japoxanliajwa Dios pejjamechan, chajia lelspx, jum-aech wut, jum-aechox xatis chiekal matabijaliajwas isasamatas babijaxan. ¹² Jesús pejwuajan naexasitpon, nejchaxoel wut: “Xan chiekal naexasitx Jesús pejwuajan. Diachwuajnakolax babijax isaxinil” —aech wuton, nejchaxoel wut, japon pajut chiekal natataefluxael, asamatkoi babijax isasamata. ¹³ Xamal matabijaxaelam. Satanás xamal xapaeja wut babijaxan isliajwam, xamal koewam japon xapaejaxil. Asew, Jesús pejwuajan naexasitibej, xapaejaxaes. Satanás xatis naxapaeja wut, Dios nakiowa nakkajachawaesaxael babijaxan isasamatas. Me-ama Dios chajia jumdut nakkajachawaesliajwa, jachiyaxael Dios xatisliajwa. Samata, Satanás xamal xapaeja wut, Dios kajachawaesaxael kaes mamnkaliajwam Dios xanaboexampoxliajwa. Ja-am wut, babijax isaximil.

¹⁴ Samata, xamal takoew, nejxasinkaxpim, xnabej kawuajne' ídolos! ¹⁵ Xamal chiekal matabijam. Chiekal nejchaxoelambej. Samata, nejchaxoelam wut, xchiekal nejchaxoelde chiekal matabijaliajwam xan jum-anpoxan, japoxan diach chiekal wuajnakolax wut, o,

japoxan diachwujnakolaxa-el wut! ¹⁶ Xatis Santa Cena xaes wut, japox nejchaxoelaliajwas, wajpaklon Jesucristo suapichaspox. Jawut, vino afs wutbej, nejchaxoelaliajwas Cristo tuppox cruztat xatisliajwa. Panbej jalkas wut xaeliajwas, japox nejchaxoelaliajwas, Cristo boesaspo xatis nakbu'weliajwa. ¹⁷ Xatis, Jesús pejwujajan naexasichpis, xabich pin-iach. Pe nakiowa, kaeyax panax xaes. Samata, xatis, Cristo suapich, kaebu'tas.

¹⁸ ¡Chiekal nejchaxoelde judíoslíajwa! Japi choef xua'at wut ofrenda isliajwa Diosliajwa, japi japawi xael wut, chiekal kaenejchaxoelax Diosliajwa. ¹⁹ Xan lelx wut, jumchenil: “Ídoloslap Dios” —chi-enil. Xan jumchenilbej: “Pawi ídolosliajwapi, kaes pejme pachaem, asawi ídolosliajwa-elwi, jachi-el” —chi-enil. ²⁰ Jiw, naexasis-elpi Dios pejjamechan, choef xua'at wut ofrenda isliajwa ídolosliajwa, japi jiw nejchaxoel: “Ampawi chaxdutex ofrenda ídolosliajwa” —aechi, nejchaxoel wut. Diachwujnakolax ídolosliajwa-el. Japi choef xua'at deplíajwa. Japawibej Diosliajwa-el. Samata, xan nejxasinka-enil xamal isliajwam japox ofrenda, japi jiw suapich. ²¹ Xamal Santa Cena xaelam wut, vino afambej nejchaxoelaliajwam Jesucristo tuppox. Asew jiw, Dios pejjamechan naexasis-elpi, fiesta is wut ídolosliajwa, japafiesta deplíajwa. Samata, xamal japi jiw suapich, nabej xae'! ¡Nabej fe'bej, japi jiw suapich!

²² Xatis nejxasinka-esal babijax isliajwas wajpaklon Jesús palalasangata, japon kaes pejme mamnik xot. Me-ama xatis, jachi-elon.

Chiekal duilaxaelpox Jesús pejwujajan naexasiti

²³ Asew jiw jum-aech: “Majt nafiapoxan, amwutjel japoxan chiekal toep. Samata, xan na-it-ele-el. Isasianpoxan isaxaelen” —aech asew jiw asbuan jumch. Japi jum-aechpox diachwujnakolax. Pe puexa japi isasiapoxan, is wuti, japoxan pachaemaxil kaes xanaboejalíajwapi Dios. ²⁴ Nejchaxoelam wut, nabej nejchaxoele' pachaempoxan isliajwam najutliajwakal! Pelax nejchaxoelde isliajwam pachaempoxan asew jiwliajwa.

²⁵ Pawi mowaxot wujtam wut, japawi nejmach xaeyaxaelam. Japawi xaelam wut, pachaem Diosliajwa. Samata, pawi mowaxot wujtam wut, nabej wujnachaems: “¿Ampawikat ofrenda ídolosliajwawi?” —nabej aeche'. Pawi mowapi xamal wujnachaemtam wut, jumnosaxaeli: “Diachdo', ampawi, ofrenda ídolosliajwawi” —chiyaxaeli xamallíajwa. Japox jumtaenam wut, nejchaxoelaxaelam: “Japawi xaelx wut, Diosliajwa japox pachaemaxil” —chiyaxaelam, nejchaxoelam wut. Samata, pawi wujtam wut, nabej wujnachaems! ²⁶ Ampathat, puexa ampathatpibej, japoxan wajpaklon Dios pejew. Samata, pachaem xatis xaeliajwas japawi.

²⁷ Jesús pejwujajan naexasis-elpon, xamal tadut wut xaeliajwam, nejmach xaem! Xaeliajwam wut, nabej wujnachaems: “¿Ampawikat, ofrenda ídolosliajwawi?” —nabej aeche'! ²⁸ Pe jawut, asan, Jesús pejwujajan naexasitpon, jum-aech wut: “Ampawi xaes wut, Diosliajwa pachaemaxil” —aech wuton, xamal nabej xae' japawi! Pe nakiowa, xamal japawi xaelam wut, diachwujnakolax japon aton tabejsaxaelam. ²⁹ Xamal chiekal matabijam, puexa pawi pachaem xaeliajwas. Pe nakiowa, asew jiw jum-aech wut japawilíajwa: “Pachaema-el ampawi xaeliajwas” —aech wuti, xamalbej nabej xae' japawi!

Asan, Jesús pejwujajan naexasitpon, xan jum-anpox jumtaen wut, japon asbuan jumch jumchiyaxilbej: “Dios natapaei xaeliajwan ofrenda ídolosliajwawi. Samata, xan nejmach chiekal xaelx. ¿Ma-aech xotkat majt xaelxpoxan wulkaechakoftax?” —chiyaxil japon aton. ³⁰ Xan xaeliajwan wut, gracias-an Diosliajwa. ¿Ma-aech xotkat asan aton asbuan jumch jumchiyaxael xanliajwa: “Japon pejbu'wujajan Diosliajwa, xael xoton japawi, ofrenda ídolosliajwawi” —nachiyaxaelkat? ³¹ Puexa isaxaelampoxan, xaeyaxaelampoxanbej, feyaxaelampoxanbej, puexa japoxan isam wut, ¡chiekal isde, puexa jiw Dios sitaeliajwa! ³² Samata, xamal nabej is babijaxan nakxataesamata, tabejsasamatambej, judíos, judíos-elpibej, asew, Dios naexasitibej! ³³ Puexa xan isxpoxan, isx puexa asew jiw

nejchachaemlaliajwa. Isx wut pachaempoxan, nejchaxoela-enil: “Ampoxan xan tajutli-ajwa” —chi-enil, nejchaxoelx wut. Japoxan xan isx puexa asew jiw wepachaemaliajwas. Japox nejchaxoelx, nejxasinkax xot japi jiwbej Dios bu'welijaŵas.

11

¹ Xan isfulax Cristo isfulpoxan. ¡Xamalbej japoxan isfulde!

Machiyaxaelpox watho', cultoxot wut

² Takoew, xamal nejchaxoelam xanliajwa. Xan jum-anpoxanbej xamal naexasisfulam. Samata, xan xabich nejchachaemlax xamalliajwa. ³ Xan jum-an xamal chiekal matabi-jaliajwam ampox. Dios paklon Cristoliajwa. Cristobej paklon kaenanula poejiwliajwa, japi naexasiti japon pejwujajan. Kaenanula poejiwbej paklochow pejwatho'liajwa. ⁴ Samata, aton matlua't wut panuelbu', Dios kawujajnalijaŵa wut, o, Dios buxto'aspox jiw naewujajnalijaŵa wutbej, ja-aech wut, wajpaklon Jesucristo padalaxael japon atonliajwa. ⁵ Kaeow pawis Dios kawujajnalijaŵa wut, o, Dios buxto'aspox jiw naewujajnalijaŵa wutbej, matlua's-el wut panuelbu', ja-aech wut, pamal padalaxael pijowliajwa, japow, me-ama ta'laxaxoch wut, jachiyaxael xotow pamalliajwa. ⁶ Pawis nejxasinka-el wut panuelbu' matlua'sliajwa, ja-aech wut, pajut nata'laxaxosaxaelpow. Pe nejxasinka-el wut pajut namatfunaliajwa, o, pajut nata'laxaxosliajwa ta'dalasangata, ja-aech wut, ¡nej matlua's panuelbu'! ⁷ Dios is wut aton, me-ama Dios pajut wut, ja-aech japon aton. Samata, poejiw matlua'axil panuelbu'. Japi chiekal pachaem wut, puexa jiw nejchaxoelaxael Diosliajwa: “Dios xabich pachaem” —chiyaxael jiw, nejchaxoel wut. Atow chiekal pachaem wutbej, puexa asew jiw nejchaxoelaxael japow pamalliajwa: “Ampow pamal xabich pachaem” —chiyaxael asew jiw, nejchaxoel wut japowliajwa. ⁸ Dios aton is wut, kus-elon pawis pejchena. Dioslax kut aton pejchena isliajwapon pawis. ⁹ Dios aton is wut, is-elon japon aton kajachawaesliajwa pawis. ¡El! Dios is pawis, japow kajachawaesliajwa japon aton. ¹⁰ Samata, atow matlua'saxael panuelbu', naexasiti Jesús pejwujajan natamejabatat wut. Do ja-aech wut, Dios pej-ángeles nejchaxoelaxael japowliajwa: “Diachwujajnakolax ampow pawis pamal chiekal sitaen” —chiyaxael Dios pej-ángeles japowliajwa. ¹¹ Xatis, naexasichpis Jesús pejwujajan, chiekal matabijas. Watho' chiekal jil wut, xatis poejiwax, machiyaxisal. Watho'bej machiyaxil, poejiw chiekal jil wut. ¹² Dios is wut atow, aton chenakuton atow isliajwapon. Do jawux, poejiw nalaela watho'xot. Dios pijaxtat japox ja-aech.

¹³ Xamal najut nejchaxoelam wut, ¡chiekal nejchaxoelde ampoxliajwa! Jesús pejwujajan naexasitampim natamejam wut natamejabatat, ¿pachaemkat pawis matlua's-elaxtat Dios kawujajnalijaŵa? ¡El! Japox chiekal pachaema-el. ¹⁴ Wajut chiekal matabijas. Poejiw matlapaei wut kasnikaliajwa, japox xabich padalapox. ¹⁵ Watho'lax matlakasnik wut, japox pachaem japi watho'liajwa. Pe Dios jasox chajia tapaei watho' matlakasnikaliajwa, japow pejmatlatat, me-ama matnaematakach wut, jachiliajwaspow. ¹⁶ Kaen aton naexasis-el wut xan jum-anpox, japon matabijsaxael xanal kaenejchaxoelaxanpox, asew jiw suapich, naexasiti Jesús pejwujajan, matlakasnikpoxliajwa.

Santa Cena xael wut, asew jiw xabich xaelpox

¹⁷ Xan lelx wut, lela-enil xamal jumchiliajwan ampox: “Santa Cena xaelam wut, chiekal isam” —chiliajwan. ¡El! Xamal natamejlam wut Santa Cena xaeliajwam, chiekal is-emil. ¹⁸ Xamal natamejlam wut Santa Cena xaeliajwam, chiekal kaenejchaxoelaxa-emil. Asbuan jumch xamal nasalam, Santa Cena xaeliajwam wut. Japoxliajwa asew jiw xan nachapaei xamal ja-ampoxan. Jawut xan nejchaxoelx: “Japox diachwujajnakolax bej ja-aechbej” —an xan, tajut nejchaxoelx wut. ¹⁹ Xamalxot asew nakaewa najum-aech: “Xatis kaes pejme naexasich Jesús pejwujajan. Me-ama asew xatisxot, jachiesal. Samata, wajlel chalakaxaes” —aechi nakaewaliajwa. ²⁰ Samata, natamejlam wut nejchaxoelaliajwam wajpaklon Jesucristoliajwa, japox Santa Cena Jesucristoliajwa-el. ²¹ Santa Cena xaelam wut, xamal najut matxoela xaelam xapatampoxam, naxaeyaxan.

Xamal a sew jiw xasala-emil. A sew jiw xamalxot xabich af wut, saxtas. A sew jiw lax, kijilpi, nejmutpijwa-elpi, japi kaechkow. Litaxaelapi. ²² ¡Xamal jasox nabej ja-aechel! Asamatkoi, Santa Cena xaeliajwam wut, fulaelajwam wut, xamal xabich litaxaelam wutbej, ¡nejbachantat majt cha-aex xaem! ¡Fembej! ¿Ma-aech xotkat sitae-emil a sew jiw, naexasiti Jesús pejwajan, pat wut Santa Cena xaeliajwa? A sew xamalxot, kijilpi, japi xamal xabich datam. Xamal japoxan isam wut, pachaema-el japiliajwa. Samata, xan nejchachaemla-enil xamalliajwa, japox wultaenx wut.

Jiw Santa Cena xael nejchaxoelaliajwa Jesús tæppox

(Mt 26.26-29; Mr 14.22-25; Lc 22.14-20)

²³ Xamal chajia chiekal chanaekabuanax Santo Cenaliajwa, xan matabijtaxpoxan Cristoxot. Wajpaklon Jesús, pejnachala suapich, madoi xael wut Santa Cena, jawut panax fiton. Japamadoi, kaen pejnachalan wiasaxaeson padaelmajiwxot. ²⁴ Do jawut, Jesús panax fit wut, pax Dios kawajan wut, gracias-aechon. Jawut panax jalkafulon. Jawut jum-aechon pejnachalaliajwa: “Ampox panax, tajwit wut, ja-aech. Asamatkoi, xamal xaelam wut Santa Cena, kaenanula nejchaxoelaliajwam xan isxoxliajwa” — aech Jesús pejnachalaliajwa, bu'xael wut Santa Cena. ²⁵ Do jawux, xaeyax kaechatoel wut, Jesús vinomint chafit wut, jum-aechon: “Ampot vinomint, me-ama tajjal wut, ja-aech. Diachwajnakolax Dios chajia jumdut bu'welialjwa tajjal pijaxtat makanotxpi. Samata, Santa Cena xaelam wut, xamal nejchaxoelaxaelam xan tæpxpox xamalliajwa” — aech Jesús pejnachalaliajwa. ²⁶ Samata, xamal Santa Cena xaelam wut, jawut a sew jiw japox taen wut, nejchaxoelaxael wajpaklon tæppox. Xamal japox isfulaxaelam, hasta wajpaklon Jesús pejme pask wut.

Jiw chiekal nejchaxoelaxaelpox Santa Cena xael wut, chiekal nejchaxoelaliajwa wajpaklon tæppoxliajwa

²⁷ Jiw natamejal wut Santa Cena xaeliajwa, jawut chiekal nejchaxoelaxaelpi wajpaklon tæppoxliajwa. Japox chiekal nejchaxoela-el wuti, babijax isaxael, sitae-el xoti wajpaklon tæppox japiliajwa. ²⁸ Samata, pan xaeliajwa wut, vino felialjwa wutbej, jawut kaenanula jiw chiekal nejchaxoelaxael. Jawutbej, jiw pejbu'wajan wut Diosliajwa, japoxliajwa Dios kawajna xaeli Dios beltaelias. Do ja-aech wut, pachaem japi xaeliajwa pan, felialjwabejpi vino. ²⁹ Pe masoxtat asbuan jumch jiw pan xael wut, af wutbejpi vino, majt chiekal nejchaxoela-el wut wajpaklon tæppoxliajwa cruztat jiwliajwa, japi jiw pejbu'wajna xael Diosliajwa. Kastikaxaesbejpi Dios. ³⁰ Samata, jasoxtat xamalxot xabich jiw bu'xaenk. A sew chiekal mamnika-elbej. A sew tæpbej, sitae-el xoti Santa Cena. ³¹ Xatis kaenanula wajut chiekal nejchaxoelaxaes wut babijax isaspoxanliajwa, japoxan kofas wutbej, jatis wut, wajpaklon nakkastikaxil. ³² Xatis babijaxan isaspoxan kofa-esal wut, jatis wut, wajpaklon nakkastikaxael xatis babijaxan kofaliajwas. Jasoxtat Dios nakbu'weyaxael nakpelsasamatas, Jesús pejwajan naexasis-eli suapich.

³³ Takoew, xamal natamejlam wut Santa Cena xaeliajwam, a sew jiw pas-el wutfuk, ¡wajnaewe'e! Puexa jiw pat wut, do ja-aech wut, ¡naxaem kaeyaxtat! ³⁴ Natamejlam wajan, a sew xamalxot xabich litaxaela wut, japi pejbachantat majt naxaeyaxael. Japi jachiyaxael, a sew jiw kaechkawasamata natamejlamxot, Dios kastikasamatas japi jiw. Xamal kaes asaxanliajwa majt nawajna chaemtam. Jelow japox tajut chiekal chanaekabuanalax, paslax wut xamalxot.

12

Espíritu Santo kajachawaesfulaspox Jesús pejwajan naexasiti Dios tato'alpox isfulaliajwa

¹ Takoew, lelaxaelen xamal chiekal matabijaliajwam. Kaenanula naexasiti Jesús pejwajan, japi jiw Espíritu Santo kajachawaesfulas Dios tato'alpoxan isfulaliajwa.

² Xamal chiekal matabijam. Majt naexasis-emil wutfuk Jesús pejwajan, Satanás xamal naekichachabaful. Samata, ídolos, naksiya-elpoxan, xamal kawajnam. ³ Samata,

xan nejxasinkax xamal chiekal matabijaliajwam. Aton jum-aech wut babejjamechan Jesúsliajwa, japon pejmatpuatxot jil Espíritu Santo. Asan aton jum-aech wutlax: “Jesús tajpaklon” —aech wut, japon pejmatpuatxot Espíritu Santo duk.

⁴ Jesús pejwujajan naexasiti kaenanula nabist asabichaxan, Dios pejbichaxan. Espíritu Santobej kajachawaesfulas japi jiw Dios tato'alpoxan isfulaliajwa. ⁵ Japi jiwbej kaenanula chiekal nabist Diosliajwa. Japi pejbichaxan kaenanula najupa-el. Pe japi jiw nabist kaen wajpaklon Diosliajwa. ⁶ Japi jiw kaenanula asabichaxan nabist, Dios pejbichaxan. Samata, Dios puexa japi jiw kaenanula kajachawaesful chiekal isfulaliajwa japon pejbichaxan. ⁷ Jesús pejwujajan naexasiti, japi jiw kajachawaesfulas Espíritu Santo chiekal isfulaliajwa Dios pejbichaxan, puexa asew, naexasiti Jesús pejwujajan, wepachaemaliajwas japoxan. ⁸ Asew Jesús pejwujajan naexasitixot kajachawaesfulas Espíritu Santo. Samata, japi naewujajan wut, asew jiw chiekal naewechpi. Do ja-aech wut, japi jiwbej chiekal duilaful. Asew jiw, naexasitpixot Jesús pejwujajan, Espíritu Santo kajachawaesfulas xot, japi jiw xajup chiekal chanaekabuanaliajwa asew jiw chiekal matabijaliajwa japajamechan. ⁹ Asew Jesús pejwujajan naexasitixot, Espíritu Santo kajachawaesfulas xot, japi jiw chiekal xanaboejapi Dios. Asew naexasitpixot Jesús pejwujajan, Espíritu Santo kajachawaesfulas xot, japi jiw xajup, jiw bu'xaenk wut boejthusliajwa. ¹⁰ Asew naexasitpixot Jesús pejwujajan, Espíritu Santo kajachawaesfulas xot, japi jiw xajup koechaxan isliajwa. Asew naexasitpixot Jesús pejwujajan, Espíritu Santo kajachawaesfulas xot, japi jiw xajup jiw naewujajnalijwa Dios buxto'aspoxan. Asew naexasitpixot Jesús pejwujajan, Espíritu Santo kajachawaesfulas xot, japi jiw xajupaxael matabijaliajwa, asew jiw jum-aech wut Espíritu Santo buxto'aspoxan, o, dep buxto'aspoxanbej. Asew naexasitixot Jesús pejwujajan, japi jiw Espíritu Santo kajachawaesfulas xot, xajupaxael naksiyalijwa asajame, japi majt matabija-eljame naksiyalijwa. Asew naexasitixot Jesús pejwujajan, japi jiw Espíritu Santo kajachawaesfulas xot, xajupaxael jumtatabijaliajwa, asew jiw naksiya wut asajame. Do jawux, japi jiw xajupaxaelbej asew jiw chiekal chanaekabuanaliajwa japajame jum-aechpoxan. ¹¹ Puexa japi jiw, Jesús pejwujajan naexasitixot, japoxan ja-aech, Espíritu Santo japi kajachawaesfulas xot. Espíritu Santo kaenanula jiw kajachawaet, me-ama japon nejxasink jiw kajachawaesliajwa.

Kaebu'tpox Cristo suapich naexasiti Jesús pejwujajan

¹² Aton pejbu'txot xabich pathi, pawibej. Kaes asewbej. Pe nakiowa, kaebu't. Jatisbej xatis, Jesús pejiws. Xabichas. Pe nakiowa, kaebu'tas, Cristo suapich. ¹³ Puexa xatis nakbautisa kaemutaliajwas. Dios to'a kaen Espíritu Santo wajmatpuatanxotaliajwa. Xanal judíospin, xamal judíos-emilpimbej, xanal esclavos-enilpin, xamal esclavospimbej, puexa xatis wajmatpuatanxot kaen Espíritu Santo.

¹⁴ Kaenanula wajbu'antat, xabich pathi, pawibej. ¹⁵ Aton pejtuak naksiyaxael wut, jumchiyaxilpox: “Xan ke-e-enil. Samata, xan ampabu'tpijaxa-enil” —chiyaxil tuakliajwa. Tuak japox jumchiyaxael wut, japox pachaemaxil, japabu'tpijax xot. ¹⁶ Aton pejnaecho'tbej naksiyaxael wut, jumchiyaxilbejpox: “Xan itfuta-enil. Samata, xan ampabu'tpijaxa-enil” —chiyaxilbej naecho't. Naecho't japox jumchiyaxael wut, japox pachaemaxil, japabu'tpijax xot. ¹⁷ Japon pejbu't puexa itfukal wut, jumtaeyaxilon. Puexa pejbu'txot naecho'ankal wutbej, japon aton jaenxataeyaxil. ¹⁸ Samata, Dios aton is wut, nejmach puexa ispon, pathiliajwa, pawiliajwabej, kaes asaxanliajwabej pachaemaliajwa. ¹⁹ Aton pobu'ta itfukal chanlaelt wut, o, naecho'ankal chanlaelt wutbejpon, ja-aech wut, japon aton pejbu't ajilaxael. ²⁰ Diachwujajnakolax aton pejbu'tat xabich pathi, pawibej, kaes asaxanbej. Pe nakiowa, japon aton kaebu't.

²¹ Aton pej-itfut naksiyaxael wut, jumchiyaxil ke-elijwa: “Ke-e, xam nawewe'pa-el” —chiyaxil itfut ke-elijwa. Aton pejmatnaetbej naksiyaxael wut, jumchiyaxil tuakliajwa: “Tuak, xam nawewe'pa-el” —chiyaxil matnaet tuakliajwa. ²² Puexa xatis wajbu'antatpi xabich pachaem. Nejchaxoels wut wajbu'antatpiliajwa, me-ama nakwewe'pa-el wut, jatis japoxanliajwa. Pe japoxan diachwujajnakolax ajil wut wajbu'anxot, xabich

nakwewe'paxael japoxan. ²³ Xatis chiekal naxoeis wajdalapoxanxot, nejchaxoels xot: “Pachaema-el, asew jiw nabu'taeliajwa” —tis xot, nejchaxoels wut. ²⁴ Pe wajmuax, wajthitbej, wajmatnaetbej, pachaem asew jiw nakwetaeliajwa. Samata, jaxot naxoe-esal. Dios is wut wajbu'an, wajbu'anxot asaxan, me-ama xatis nakwewe'pa-el wut, ja-aech japoxan. Jaxot chiekal naxoeis wut, jatis wut, japoxan, me-ama xatisxot nakwewe'p wut, jachiyaxael. ²⁵ Wajthit, wajwibej, kaes asaxanbej, wajbu'antat nasalaxil. Japoxan kaenanula wajbu'antat chiekal nakaewa natataeflaful. ²⁶ Nakwexaenk wut wajbu'anxot, pobu'ta chiekal pachaema-esal. Do jawux, xaenkpox boejkijil wut, ja-aech wut, chiekal pejme nejchachaemlas.

²⁷ Kaenanula xamal, puexa Cristo pejbu'tam wut, ja-am. ²⁸ Samata, xamal kaenanula Dios chaxduw asabichaxan. Dios matxoela makanot asew jiw, japi Jesús pejapóstolesliajwa. Do jawux, makanoton asew jiw profetasliajwa, japi asew jiw naewuaj-naliajwa, me-ama Dios buxto'as. Makanotbejpon asew jiw chanaekabuana-piliajwa japon pejjamechan. To'abejpon asew jiw koechaxan isliajwa. To'abejpon asew jiw, bu'xaenkpi boejthusliajwa. To'abejpon asew jiw, japi kajachawaesliajwa asew jiw. To'abejpon asew jiw, japi paklochowliajwa Jesús pejwuajan naexasitiliajwa. To'abejpon asew jiw chalechkal asajamechan naksiyaliajwa, japi majt naksiya-eljamechan. ²⁹ Puexa jiw apóstoles-el. Puexa jiw profetas-elbej. Puexa jiw chanaekabuana-piya-elbej. Puexa jiw koechaxan ispiya-elbej. ³⁰ Puexa jiw boejthutpiya-elbej bu'xaenkpi. Puexa jiw chalechkal asajame naksiya-elpibej, majt naksiya-eljame. Puexa jiw jumatabija-elbej, asew jiw asajamechan naksiya wut chiekal chanaekabuana-liajwa asew jiw. ³¹ Pachaem, xamal nejchaxoelam wut: “Xan nejxasinkax Dios nachaxdusliajwa pijax bichax, kaes chiekal pachaempox” —am wut.

Nejxasinkaxaes-pox asew jiw

Amwut xamal naewuaj-naxaelen kaes chiekal pachaempox. Japox nakaewa nanejxasinkaspox.

13

¹ Xan naksiyaxaelen wut asajametat, ángeles pejjametatbej, pe asew jiw, xan nanaeweti, nejxasinka-enil wut, asajametat naksiyaxaelenpox pachaemaxil xanliajwa. Me-ama platillo, o, campana nejmetpox, jiw daka wut, jachiyaxael xan naksiyaxpox japi jiwliajwa. ² Asew jiw nejxasinka-enil wut, xan Dios nabuxto'apox jiw naewuaj-naxaelen wut, japox pachaemaxil xanliajwa. Matabijsaxaelen wutbej maliach Dios matabijtpoxan, japoxbej pachaemaxil xanliajwa, nejxasinka-enil wut asew jiw. Xabich nejmach matabijsaxaelen wutbej, japox pachaemaxil xanliajwa, nejxasinka-enil wut asew jiw. Xan xabich Dios xanaboejsaxaelen wutbej, Dios kawuaj-naxaelen wut pinamuax nawexalixsliajwa asalel, japamuax nawexalixt wut, japoxbej pachaemaxil xanliajwa, nejxasinka-enil wut asew jiw. ³ Xan puexa tejew chaxduiyaxaelen wutbej kijila, xan tajut natapaeyaxaelen wutbej asew jiw naboesaliajwa, japoxanbej pachaemaxil xanliajwa, asew jiw nejxasinka-enil wut.

⁴ Aton, nejxasinkpon asew jiw, japon aton matabijt palala-elaliajwa, asew jiw babijaxan isful wut japonliajwa. Japonbej matabijt kajachawaesliajwa asew jiw. Japonbej nusasiowla-el, taen wuton asew jiw pejew. Japon aton pajutliajwa nejchaxoel wutbej, nejchaxoela-elon: “Xan kaes pejme xabich pachaeman. Me-ama asew jiw, jachi-enil” —chi-elon, nejchaxoel wut pajutliajwa. ⁵ Aton, nejxasinkpon asew jiw, japon aton chiekal pachaembej asew jiwliajwa. Japon nejchaxoel wutbej, nejchaxoela-el faekaliajwa wepachaempoxan japon pajutliajwakal. Japon aton kamta palala-elbej. Beltaenbejpon asew jiw, japi babijaxan is wut japonliajwa. ⁶ Aton, nejxasinkpon asew jiw, japon aton nejchachaemla-el, asew jiw babijaxan is wut. Asew jiw is wutlax pachaempoxan, ja-aech wut, japon aton xabich nejchachaemil japoxanliajwa. ⁷ Aton, nejxasinkpon asew jiw, japon aton nabijat wut, japi jiw babijaxan is wut japonliajwa, japon aton nakiowa nejxasinkaful japi jiw. Palala-elbejpon, japi jiwliajwa babijaxan isful wut japonliajwa.

Japon nejchaxoelbej japi jiwliajwa: “Japi jiw asamatkoi bej pachaemaxaelbejpi” — aechon, nejchaxoel wut japi jiwliajwa.

⁸ Nejjasiyax asew jiwliajwa, japox asamatkoi toepaxil. Asamatkoi profetas baxkofaxael jiw naewuajanpoxan, Dios baxto'aspojan. Asew jiw chalechkal asajame naksiya wut, matabija-eljame naksiyalijwa, japibej japox baxkofaxael. Jawutbej jiw pejmatabijsaxan toepaxaelbej. ⁹ Wajmatabijsaxan xabicha-el. Chiekal puexa matabija-esal. Profetasbej Dios baxto'aspojan jiw naewuajnalijwa, japoxbej xabicha-el. ¹⁰ Majt puexa chiekal matabija-esalpojan, puexa xatis Diosxotas wut, jawut japoxan chiekal matabijaxaes.

¹¹ Xan yamxuchan wut, naksiyax, me-ama yamxi naksiya. Nejchaxoelx wutbej, nejchaxoelx, me-ama yamxi nejchaxoel. Matabijtax wutbej, matabijtax, me-ama yamxi matabija. Pelis xan pati'nan wut, nejchaxoela-enil, me-ama yamxi nejchaxoel. ¹² Xatis matabijaspojan Dioslijwa xabicha-el. Me-ama chapot, itnasuxanpot, chiekal itathu'la-el taelijwas, ja-aechbej xatis matabijaspojan Dioslijwa. Pe asamatkoi, puexa chiekal matabijaxaes Dios. Me-ama Dios xatis chiekal nakmatabijt, jachiyaxaes, xatis chiekal matabijas wut Dios.

¹³ Dios xanaboejaspojan toepaxil. Dios nakjumdutpox wuajnewesfulaspojanbej, japox toepaxil. Nakaewa nejxasinkaspojanbej toepaxil. Japoxan tresxot, kaes pejme pachaempox, japox nakaewa nanejxasinkaspojan.

14

Espíritu Santo kajachawaetpox jiw naksiyalijwa majt matabija-eljame

¹ ¡Xamal kaenejchaxoelde nejxasinkalijwam asew jiw! Asew jiw nejxasinkam wut, ¡Dios kawuajande Espiritu Santo xamal kajachawaeslijwa Dios pejbichaxan islijwam! ¡Kaes Dios kawuajandebej Espiritu Santo xamal kajachawaeslijwa, me-ama Dios baxto'a xamal jiw naewuajnalijwam! ² Asew jiw Espiritu Santo kajachawaech chalechkal naksiyalijwa, majt matabija-eljame. Japi naksiya japajame Dioskal jumtaelijwas. Naksiya-eli jiw jumtaelijwas. Kaen aton jummatabijs-el, japi naksiya wut. ³ Asew Espiritu Santo kajachawaech wut, matabijapi jiw chiekal naewuajnalijwa Dios baxto'aspojan. Ja-aech wut, naexasiti Jesús pejuwan kaes Dios xanaboejaxaeli. Samata, japi jiw xabich nejchachaemlaxael. ⁴ Asewbej Espiritu Santo kajachawaech wut, chalechkal naksiyapi majt matabija-eljame, japi kaes Dios xanaboejaxael. Asew Espiritu Santo kajachawaech xot, japi jiw naewuajan Dios baxto'aspojan Jesús pejuwan naexasiti, japi jiw kaes xanaboejalijwa Dios.

⁵ Xan nejxasinkax puexa xamal chalechkal naksiyalijwam majt matabija-emiljame. Pe xan kaes nejxasinkax xamal Espiritu Santo kajachawaeslijwa, asew jiw naewuajnalijwam xamal Dios baxto'apoxan. Japoxan kaes pejme pachaem. Me-ama chalechkal majt matabija-emiljamechan naksiyampoxan, jachi-el japoxan. Pachaem chalechkal xamal naksiyalijwam majt matabija-emiljamechan. Pe japajamechan naksiyam wut, jawut asan aton chanaekabuanaxael xamal jumampoxan, naexasiti Jesús pejuwan chiekal jummatabijalijwa. Ja-aech wut, japi kaes Dios xanaboejaxael. ⁶ Takoew, xamalxot patx wut, chalechkal naksiyaxaelen wut majt matabijs-eniljame, diachwuajnakolax xamal jummatabijaximil japajame. Ja-aech wut, japox pachaemaxil xamallijwa. Pelax xamalxot naewuajnax wut wajjametat Dios nachanaekabuanapoxan, ja-an wut, xamal chiekal najumtabijaxaelam. Ja-aech wutbej, xamal kaes chiekal Dios xanaboejaxaelam.

⁷ Asew jiw Espiritu Santo kajachawaech xot, chalechkal naksiya majt matabija-eljamechan. Ja-aech wut, kaen japixot jummatabijsaxil japajamechan jum-aechpoxan. Jachiyaxaelbej, kaen aton arpa chiekal daka-el wut. Jiw thiamatabijaxil jajuilijwa japajajuit. Jachiyaxaelbej, kaen aton toela chiekal nababe-el wut. Jiw thiamatabijaxil jajuilijwa. ⁸ Jachiyaxaelbej, kaen soldawan chiekal nababe-el wut trompeta natamejlalijwa soldaw, japon pejmupijiw nabelijwa, padaelmajiw suapich. Soldaw thiamatabijaxil. Ja-aech wut, thiatadukpaxili natamejlalijwa nabelijwa, padaelmajiw suapich.

⁹ Xamal jachiyaxaelam, Espíritu Santo kajachawaet wut chalechkal naksiyalijwam majt matabija-emiljamechan. Xamal naeweti jummatajibaxil, xamal naksiyam wut japajamechan. Asbuan jumch japox nafo'axael. ¹⁰ Xabich asajamechan maenk ampathatat. Pe nakiowa, kaejame naksiyapi nospaei wut, chiekal najummatajibaliajwa. ¹¹ Asew jiw asajametat naksiya wut, xan jummatabijisaxiniljame, ja-aech wut, xan nejchaxoelaxaelen japi jiwliajwa: “Ampi jiw bej asatujnupijiwbej” —chiyaxaelen, nejchaxoelx wut japiliajwa. Xanbej naksiyax wut asajametat, japibej xan najummatajibaxil. Asbuan jumch nejchaxoelaxaeli xanliajwa: “Pablo, asatujnupijinbej” —chiyaxaeli, nejchaxoel wut. ¹² Xamal nejxasinkam Espíritu Santo kajachawaetpox kajachawaesliajwam asew, naexasiti Jesús pejwajan. Samata, japi naewujande chiekal jummatajibaliajwa, japi kaes chiekal Dios xanaboejalijwa!

¹³ Kaen aton chalechkal matabijs-eljame naksiya wut, Espíritu Santo kajachawaech xot, japon aton Dios nej kawujne' kajachawaesliajwas naksiyapox pajut chiekal jummatabijisliajwa japajamechan jum-aechpoxan! Do jawut, japon aton chiekal chanaekabuanaxael asew jiw japajamechan jum-aechpoxan. ¹⁴ Xan Dios kawujnax wut matabijs-eniljemetat, xan japajame naksiyax wut, naksiyax Espíritu Santo nakajachawaesaxtat. Pe xan jummatabijs-eniljemetat Dios kawujnax wut, xan tajut jummatabijisaxinilbej. ¹⁵ Ja-an wut, ¿machiyaxaelenkat xan? Xan tamachan wut, matabijs-eniljemetat Dios kawujnaxaelen Espíritu Santo pijaxtat. Pe xan asew jiwxotx wut, Dios kawujnaxaelen tajjemetat puexa jiw chiekal jummatajibaliajwa. Jachiyaxaelenbej, xan jajuiyaxaelen wut. Tamachan wut, jajui jajuiyaxaelen matabijs-eniljemetat. Pelax asew jiwxotx wut, jajuiyaxaelen tajjemetat puexa jiw chiekal najummatajibaliajwa. ¹⁶ Xamal Espíritu Santo kajachawaet wut, matabija-emiljemetat Dios gracias-am wut, ja-am wut, asan aton, jelnaexasitpon Jesús pejwajan, japon xamal jumtaen wut, jummatabijisaxilon japox. Samata, japon kaenejchaxoelaxil, xamal suapich, Dios kawujnam wut. ¹⁷ Xamal matabija-emiljemetat Dios kawujnam wut, gracias-am wut, japox chiekal pachaem Diosliajwa. Pe asew jiw japajame jummatabija-el wut, ja-aech wut, japi jiw kaes chiekal Dios xanaboejaxili, jummatabija-el xoti, Dios kawujnam wut. ¹⁸ Xan gracias-an Diosliajwa, kaes xabich naksiyax xot matabijs-eniljamechan. Me-ama puexa xamal, xan jachi-enil. ¹⁹ Pe naexasiti Jesús pejwajan Dios pejjamechan jumtaeliajwa natameja wut, kaes pejme pachaemaxael naewujnaliajwan kaesuapich tajjemetat, naeweti chiekal xan najummatajibaliajwa. Pelax pachaemaxil jiwliajwa, piach naewujnaxaelen wut jummatabija-eljemetat.

²⁰ Takoew, xamal nabey nejchaxoele', me-ama yamxi nejchaxoel! ¡Pelax xamal babijaxanliajwa, me-ama yamxim wut, ja-amde! Xamal pakdiachwam xot, ¡chiekal nejchaxoelde! ²¹ Dios pejjamechan, chajia lelsbox, jum-aech Dios jum-aechpox: “Xan asamatkoi to'axaelen asajame naksiyapi, asatujnuchanpijiw, japi jiw xamal naewujnaliajwa. Pe xamal naexaxisaximil tajjamechan, japi jiw xamal naewujan wut” —aechox. ²² Aton chalechkal naksiya wut asajame, matabijs-eljame naksiyalijwa, Jesús pejwajan naexaxis-eli japox taen wut, pajut matabijaliajwapi Dios xajupox japibej kajachawaesliajwas. Samata, japi jiw bej naexaxisaxaelbejpi Jesús pejwajan. Pelax kajachawaechpi Espíritu Santo, japi jiw naksiyalijwa Dios buxto'aspoxan jiw naewujnaliajwapi, japox Jesús pejwajan naexasitikal jumtaeliajwa. ²³ Xamal natamejlamxot kaewutje puexa xamal chalechkal naksiyam wut asajamechan, matabija-emiljamechan, jawut, asan aton pat wut, Jesús pejwajan naexaxis-elpon, japon aton nejchaxoelaxael xamalliajwa: “Ampi jiw na-acha” —chiyaxaelon, nejchaxoel wut xamalliajwa. ²⁴ Xamal natamejlamxot Espíritu Santo kajachawaet wut jumchiliajwam Dios buxto'apoxan jiw naewujnaliajwam, jawut, asan aton xamalxot pat wut naexaxis-elpon Jesús pejwajan, xamal jumtaen wut, japon aton pajut matabijsaxael pejub'wujjanpox Diosliajwa, babijaxan is xoton. Xabich nejchaxoelaxaelbejpon babijaxan ispoxanliajwa. ²⁵ Nejchaxoelaxaelbejpon: “Xan puexa nejchaxoelxboxan Dios matabijt” —chiyaxaelon, nejchaxoel wut. Do jawut, Dios kawujan wut, brixtat nukaxaelon Dios sitaeliajwa.

Jawut japon aton jumchiyaxael xamalliajwa: “Diachwujnakolax Dios xamalxot” — chiyaxaelon.

Culto chiekal isaxaelpox Jesús pejwujajan naexasiti

²⁶ Takoew, natamejlam wut Dios pejjamechan naewesliajwam, asew jiw xamalxot jajuiyaxael Diosliajwa. Asew naewujnaxael jiw. Asew jumchiyaxael Dios buxto'aspoxan jiw naewujnaliajwa, Espiritu Santo kajachawaech wut. Asew chalechkal naksiyaxael matabija-eljamechan, Espiritu Santo kajachawaech wut. Japi jum-aechpoxan, asew jiw chiekal chanaekabuanaxael jiw chiekal jummatajibijaliajwa japox, Espiritu Santo kajachawaech wuti. Jasox jachiyaxaelam puexa Jesús pejwujajan naexasiti kaes pejme chiekal xanaboejaliajwapi Dios. ²⁷ Asew jiw xamalxot chalechkal naksiya wut matabija-eljamechan, Espiritu Santo kajachawaech wut, ja-aech wut, Dios tapaeis japi kolenje, o, tres atonbej, naksiyaliajwa japi matabija-eljamechan. Japi naksiya wut, kaenanula naksiyaxael. Japi jiw Dios tapae-esal kaewutje kamta naksiyaliajwa. Japi kaenanula naksiyapoxan buxtoet wut, do jawut, asan xamalxot chanaekabuanaxael puexa jaxot naeweti japajamechan chiekal jummatajibijaliajwa. ²⁸ Asew jiw xamalxot naksiyasia wut matabijs-eljame, jaxot aton ajil wut japon chiekal chanaekabuanaliajwa puexa jiw jummatajibijaliajwa, ja-aech wut, kaes pachaem, japi jiw naksiya-elaliajwa matabijs-eljame. Ja-aech wut, japi kaenanula boejlach Dios kawujnaxael. ²⁹ Asew jiw xamalxot jum-aech wut Dios buxto'aspoxan, japoxan japi jiw naewujnaliajwa, Dios tapaeis japi kolenje, o, tres aton wut, jumchiliajwa. Japi kaenanula jum-aech wut, asew chiekal naewesaxaespi japi naksiyapoxan jummatajibijaliajwa, diachwujnakolax Dios buxto'aspox jum-aech wuti. Ja-el wut, japi pajut asbuan jumch jum-aechlappoxkal. ³⁰ Jaxot kaen aton ek wut, jawut chalechkal japon Dios buxto'as wut jumchiliajwa, ja-aech wut, matxoelanaksiyapon, boejlach nukaxaelfuk asan aton Dios buxto'aspox jumchiliajwa. ³¹ Ja-am wut, xamal kaenanula jiw naewujande Dios buxto'apoxan, puexa jiw chiekal jummatajibijaliajwa! Ja-am wut, puexa naexasiti Jesús pejwujajan, japi nejchachaemlaxaelbej, jummatajibija wuti japoxan. ³² Xamalxot kaen aton jumchisia wut Dios buxto'aspox, japon jumchiyaxilfuk japox. Asew jiw naksiyax buxtoet wut, do jawut, japon jumchiyaxael Dios buxto'aspox. ³³ Dios nejxasinka-el kamta kaewutje puexa jiw jumchiliajwa, natameja wut.

Samata, xamalbej natamejlam wut, me-ama asew jiw, naexasiti Jesús pejwujajan, kaewutje jumchi-el naksiyaxaelpox, xamalbej ja-amde! ³⁴ Xamal natamejlam wut culto isliajwam, watho' boejlach chalaxael naewesliajwa naewujjanpoxan. Tapae-esal watho' naksiyaliajwa. Watho' kaenanula chiekal naexasisaxael pamal, Dios japox to'a xot. ³⁵ Watho' kaes matabijasia wut cultotat naewetpoxanliajwa, jawut kamta watho' wujnachaemsaxilfuki pamal matabijasiapox. Pejbachanxot pat wut, japi watho' wujnachaemsaxael pamal. Puexa watho' jachiyaxael jumxan-elasamata cultotat.

³⁶ Xamal matxoela tuadui-emil Dios pejjamechan asew jiw naewujnaliajwa. Xamalbej Dios pejjamechan naexasitam wut, xamal koewam Dios pejjamechan naexasitampiya-emil. Samata, xamal najutliajwa nejchaxoelde isaxaelampoxan Diosliajwa! ³⁷ Asan aton xamalxot jum-aech wut: “Xanlap Dios pejprofetan, Dios nabuxto'aponan jiw naewujnaliajwan” — aech wuton, japon aton pajut chiekal matabijsaxael, xan lelxpox Dios nakito'a lelaliajwan japox. Asan atonbej jum-aech wut: “Espiritu Santo nakajachawaet asew jiw kajachawaesliajwan” — aech wuton, japonbej pajut chiekal matabijsaxael, xan lelxpox Dios nakito'a lelaliajwan. ³⁸ Japon aton nejxasinka-el wut naexasisliajwa xan lelxpox, Dios nakito'apox, xamal japon aton nabej naexasis, japon aton naewujjan wut!

³⁹ Takoew, nejxasinkde asew jiw naewujnafulaliajwam xamal Dios buxto'apoxan! jNabej buxfiasbej, asew jiw Espiritu Santo kajachawaech wut, chalechkal matabijs-eljame naksiya wut! ⁴⁰ Natamejlam wut culto isliajwam, chiekal culto isde!

15

Jesucristo t̄up w̄ut, tres matkoi w̄ut, Dios mat-echpox pejme dukaliajwa

¹ Takoew, xan majt xamal naew̄ajna x Jesús pejuw̄ajan Dios bu'weliaw̄a xamal. Samata, xamal japaw̄ajan naexasitam xot, chiekal duilam. Xan nejxasinkax japox nejchaxoelaliajwam. ² Japaw̄ajan chiekal naexasisfulaxaelam w̄ut, Dios xamal bu'weyaxael babijaxan isampoxanliajwa. Naexasis-emil w̄ut, Dios xamal bu'weyaxil.

³ Xamal naew̄ajna x, majt xan nanaew̄ajanw̄ajan, Jesús pejuw̄ajan. Japaw̄ajan kaes pejme pachaem. Me-ama asaw̄ajan, jachi-el. Cristo t̄up cruztat babijaxan isaspo xan nakwemosliajwapon, me-ama Dios pejjamechan, chajia lelspx, jum-aech japox jachiliajwa. ⁴ Cristo t̄up w̄ut, jaw̄ux m̄axw̄ajtat ochpon. Do jaw̄ux, tres matkoi w̄ut, Cristo mat-ech pejme dukaliajwa. Me-ama Dios pejjamechan chajia jum-aech, ja-aechlisox. ⁵ Do jaw̄ux, Cristo natulaelt Pedroxot. Jaw̄ux pejme natulaelton doce apóstolesxot. ⁶ Do jaw̄ux, kaes quinientos wajkoew natamejaxot natulaelton. Asew japixot t̄up, padiachow xotlisi. Xabich asew japixot laelpfuk. ⁷ Do jaw̄ux, pejme Cristo natulaelt Santiagoxot. Jaw̄ux puexa apóstolesxotbej pejme natulaelton.

⁸ Do baxael, taxdukaxtat xanxot natulaelton. Asew jiw matxoela taen japon. Do jaw̄ux, xabich pin-iamatkoian w̄ut, xanbej taenx japon. Samata, xan, me-ama kaes pachaema-enil w̄ut, ja-an, taxdukaxtat taenx xot Cristo. ⁹ Xan majt chakifolx jaelaliajwan naexasiti Jesús pejuw̄ajan jeliajwan jiw jebatat. Samata, amw̄utjel xan nejchaxoelx: “Puexa apóstolesxot xan kaes pejme pachaema-enil. Me-ama puexa asew apóstoles pachaem Jesúsliaw̄a, xan jachi-enil” —an, nejchaxoelx w̄ut. Samata, xan kaes pachaema-el apóstolliajwan. ¹⁰ Pe nakiowa, Dios nabeltaen xot, namakafit amw̄utjel xan apóstolliajwan. Xan xabich kaes nabistax Diosliaw̄a. Me-ama puexa asew apóstoles nabist w̄ut Diosliaw̄a, xan jachi-enil. Samata, Dios nafa'a-el xanxot. Xan tajut tajaxtat is-enil Dios pijax bichax. Dios nabeltaen xot, nakajachawaet japabichax isfulaliajwan. ¹¹ Xan naew̄ajna xamal Jesús pejuw̄ajan. Asew apóstolesbej xamal naew̄ajan japaw̄ajan. Kaes pejme pachaempox xanliajwa, xamal naexasisliajwam Jesús pejuw̄ajan, naew̄ajna xpx.

Asamatkoi Dios mat-eyaxaelpox t̄upi, pejme duilaliajwa naexasiti Jesús pejuw̄ajan

¹² Xamal naew̄ajna x w̄ut, jum-an: “Cristo t̄up w̄ut, tres matkoi w̄ut, Dios mat-echpon pejme dukaliajwa” —an xanal. ¿Ma-aech xotkat asew jiw xamalxot jum-aech: “Dios mat-eyaxil jiw t̄upi pejme duilaliajwa” —aechkati xamalliajwa? Jasox japi jiw jumchiyaxil. ¹³ Diachw̄ajna xolax Dios mat-eyaxil w̄ut t̄upi pejme duilaliajwa, Cristobej mat-esaxisal pejme dukaliajwa, t̄up w̄uton. ¹⁴ Cristo mat-es-esal w̄ut pejme dukaliajwa, xanal naew̄ajna xpx, japox pachaemaxil jiwliaw̄a. Ja-aech w̄utbej, xamal Dios xanaboejampox bu'weliaw̄a pachaemaxil xamalliajwa. ¹⁵ Cristo mat-es-esal w̄ut pejme dukaliajwa, xanal jum-anpox Dios ispo xliajwa, japox diachw̄ajna xolaxil. Dios mat-eyaxil w̄ut t̄upi pejme duilaliajwa, Cristo t̄up w̄utbej, japon chiekal kaelel t̄upaxael. Mat-esaxisalbejpon pejme dukaliajwa. ¹⁶ Dios mat-eyaxil w̄ut t̄upi pejme duilaliajwa, ja-aech w̄ut, Cristobej mat-esaxisal pejme dukaliajwa. ¹⁷ Ja-aech w̄ut, xamal Dios xanaboejampox bu'weliaw̄a, japoxbej pachaemaxil xamalliajwa. Ja-aech w̄ut, Dios xamal kastikaxael, babijaxan isfulam xot. ¹⁸ Ja-aech w̄utbej, chajia t̄upi, Cristo pejuw̄ajan naexasiti, japibej napelsaxael Diosliaw̄a. ¹⁹ Xatis ampathatat laelpas w̄ut, w̄ajna w̄esfulas Cristo nakchaxdusaxaelpox. Dios nakmat-eyaxil w̄ut pejme duilaliajwas, ja-aech w̄ut, puexa jiw xatisliaw̄a nakw̄uljumchiyaxael: “Ampi jiw xabich nabijaslap, w̄ajna w̄eslap xoti jilpox” —chiyaxael jiw xatisliaw̄a. Samata, kaes pejme xatis nabijasaxaes. Me-ama puexa asew jiw nabijat w̄ut, jachiyaxisal xatis.

²⁰ Pe diachw̄ajna xolax Cristo matxoela mat-ech pejme dukaliajwa. ²¹ Pat̄upax t̄uadut, kaen Adán, matxoelapijin, babijax is w̄ut puexa jiw t̄upaliajwa. Kaen Cristo t̄up w̄ut cruztat, Dios mat-ech pejme dukaliajwa. Samatabej, asamatkoi jiw, t̄upi, japi jiw Dios mat-eyaxaes pejme duilaliajwa. ²² Adán, wajw̄ajna pijin, t̄up xot, xatisbej, w̄uchakalpijwas,

tupaxaes. Xatis, Jesús pejuwajan naexasichpis, Cristo pejiws xot, Dios nakmat-eyaxael pejme duilaliajwas. Me-ama Cristo mat-echpon pejme dukaliajwa, jachiyaxaelbej Dios xatisliajwa, asamatkoi nakmat-eyaxael wut pejme duilaliajwas. ²³ Dios markpox, matkoi, pat wut, jawut jiw tupi, japi naexasiti Jesús pejuwajan, kaenanula mat-eyaxaes. Dios matxoela mat-et Cristo pejme dukaliajwa. Pejme japon pask wut ampathatasik, japamatkoi puexa jiw, naexasiti Jesús pejuwajan, mat-eyaxaesbej pejme duilaliajwa. ²⁴⁻²⁵ Do jawut, Cristo chiekal toesaxael padaelmajiw. Kaen namanaxil, japi asew jiw tato'alpi. Do jawutbej, Cristo naliaxsaxael potuajnaucha jiw tato'laliajwa. Do jawux, Cristo wiasaxael pax Diosxot jiw tato'alpox. ²⁶ Jawux japon toesaxael patupax. Ja-aech wut, jiw kaes tupaxil. ²⁷ Dios pejjamechan, chajia lelspxox, jum-aech wut, jum-aechox: “Cristo asamatkoi tapaeయాes puexa jiw tato'laliajwa” —aechox. Pe nakiowa, Dios pejjamechan, chajia lelspxox, jumchi-el: “Cristo puexa jiw tato'al wut, Diosbej tato'laxaelon” —chi-elox. ²⁸ Cristo puexa tato'al wut, japamatkoi japon pajut natapaeyaxael pax Dios tato'laliajwas. Samata, Dios puexa tato'laxael.

²⁹ Xan ampox lelaxaelen chiekal matabijaliajwam. Asew jiw xamalxot pejiw wetups wut, bautisa-esalpi, japi, laelpi, kawuajan bautisaliajwas pejiw, tupiliajwa: “¡Xan nabautisam! Xan nabautisam wut, ¡bautisa-esalpon, tupon, japon Diosxotsepon, me-ama bautisas wut, jachiliajwapon jaxotse!” —aech pejiw tupiliajwa. Jiw tup wut, asamatkoi mat-eyaxisal wut pejme duilaliajwa, ¿ma-aech xotkat japi kawuajan bautisaliajwas pejiwliajwa, japi tupiliajwa? ³⁰ Ajil wut mat-eyax jiw pejme duilaliajwa, ¿ma-aech xotbejkat pomatkoicha xabich chachoel wut xanalliajwa, xanal nakiowa naewuajna Jesús pejuwajan? Ja-aech wut, japox xanalliajwa pachaemaxil, Dios xanal namat-eyaxil wut pejme duilaliajwan. ³¹ Takoew, diachwuajnakolax pomatkoicha xanliajwa chachoel, asew jiw naboestasia xot. Xan nejchachaemlax, xamal naexasitam xot wajpaklon Jesucristo pejuwajan. ³² Xan xabich nabijatax Éfeso paklowaxxot. Japapaklowaxpijwxot, asew jiw xan nanejwesla. Japi jiw xabich chachoel xanliajwa. Pejmachoeff wut, ja-aechi xanliajwa. Xatis asamatkoi puexa chiekal tupaxaes. Mat-eyax ajil wut jiw pejme duilaliajwa, ja-aech wut, ¿achaxkat xatis kanaxaes Diosliajwa isaspxoxan? Mat-eyax ajilaxael wut jiw pejme duilaliajwa, ja-aech wut, kaes pachamaxael isliajwas asew jiw jum-aechpoxan. Japi asbuan jumch jum-aech: “¡Xabich xaeyaxaes! ¡Xabich feyaxaesbej naksaxsliajwa! Jasox isfulas wut, ¡nejchachaemlaxaes, mox pawuajna xot tupaliajwas!” —aech asew jiw.

³³ ¡Japi jiw, japox jum-aechpi, xamal nabej tapae' naekichachajbaliajwa! Xamal pachaemam wut, pe nejnachala, babejchow wut, ja-aech wut, xamalbej babejchowaxaelam. ³⁴ ¡Xamalbej nabej nejliakle! ¡Kaes babijaxan nabej isbej! Asew jiw xamalxot, japi jiw matabija-el Dios. Xan japon jum-an xamal nadalaliajwa.

Machiyaxaespxox tupi, asamatkoi mat-eyaxaes wut pejme duilaliajwa

³⁵ Kaen aton xamalxot wuajnauchaemsaxael wut, bej jumchiyaxaelbejpon: “¿Machiyaxaelkat jiw, tupi, mat-eyaxaes wut pejme duilaliajwa? Tupi mat-ias wut pejme duilaliajwa, ¿japi pejbuan makabuanchiyaxaelkat?” —bej chiyaxaelbej, japon aton wuajnauchaemt wut. ³⁶ Japon japox wuajnauchaemsaxael wut, japon wuajnauchaemtpxox, nejliaklax wulxael. Jesfut muthtas wut, naboelt. Jesfubokt xoep satat. ³⁷ Jesfut, o, asafutbej, muthtas wut, muthtas pafut. Naboeltpxox muths-esal. ³⁸ Muthtasfut, japox naboelt wut, me-ama pafut, kabuanchi-el. Boelnakola, me-ama Dios nejxasink japafut naboelaliajwa. Nejmach-asafu boelnakola wut, me-ama majt pafut wut, jakabuanchi-el. ³⁹ Ja-aechlap-is jiw pejbuan. Najupa-elbej, choef suapich, mia suapichbej, baxi suapichbej. ⁴⁰ Xatis taenspoxan thatbaxotat, ampathatat taenspoxanbej, japoxan kaenanula chiekal najupa-el. Thatbaxotat pachampoxan najupa-el, ampathatat xabich pachampoxan suapich. ⁴¹ Ja-aechbej juimt matkoipijin, madoipijin suapich. Kaenanula chiekal najupa-itliaka-el. Puexa ithaejbej kaenanula chiekal najupa-itliaka-el.

⁴² Ja-aechbej jiw t̄upi, Dios mat-ias w̄ut, japi pejme duilaliajwa. Jiw t̄up w̄ut, m̄uthas. Do japoxan jaxot kaweta xoepdik. Japi jiw Dios mat-ias w̄uti, pajelb̄u'anaxaelpi pejme duilaliajwa. Pajelb̄u'an w̄ut, japi jiw kaes t̄upaxil. Kaes japi pejb̄u'an wexoepaxisalbejpi. ⁴³ Pat̄upan m̄uthas w̄ut, m̄uthaspox pachaema-el. Mammnika-elbejpo. Samata, chinax kaen aton japox nejxasinka-el. Pelax Dios mat-esaxaelpox pejme dukaliajwa xabich pachaemaxael. Mammnikaxaelbejpo. ⁴⁴ M̄uthaspox satat naman. Jaxot xoepbejpo. Pelax Dios mat-esaxaelpox pejme dukaliajwa, japox ath̄upijax w̄ulxael. Xatis ampathatat laelpas w̄ut, wajb̄u'an chab̄u'alaelpas. Pe asamatkoi duilaxaes kaenan̄ula pajelb̄u'antat Diosxotse.

⁴⁵ Dios pejjamechan, chajia lelsपो, j̄um-aech w̄ut, j̄um-aechox: “Adán matxoela isas. Do jaw̄ut, dukaf̄ulon, Dios kajachawaech xot” —aechox. Do jaw̄ux, Adán t̄up w̄ut, baxael, Cristo nalaelt, me-ama Adán, ja-aechon. Pe Cristo kaes pejme pachaem. Me-ama Adán, jachi-elon. Cristo t̄up xot xatisliajwa, Dios naktapaeyaxael duilaliajwas pomatkoicha Diosxotse. ⁴⁶ Wajb̄u'an, me-ama ampathatpijw pejb̄u'an w̄ut, ja-aech. Pe asamatkoi, Dios nakmat-eyaxael w̄ut pejme duilaliajwas, me-ama Diosxotse duilpi pejb̄u'an w̄ut, jachiyaxael kaenan̄ula wajb̄u'an. ⁴⁷ Adán Dios matxoela isas asthumbatat ampathatpijinliajwa. Baxael, Jesús, wachakalpijin, japon f̄uloek ath̄uxotsik. ⁴⁸ Puexa xatis wajb̄u'an, me-ama Adán pejb̄u't w̄ut, ja-aech, isaspox asthumbatat. Pe asamatkoi, Cristo pejuw̄ajan naexasichpis, wajb̄u'an, me-ama Cristo pejb̄u't w̄ut, jachiyaxael.

⁴⁹ Amw̄utjel wajb̄u'an, me-ama Adán pejb̄u't w̄ut, ja-aech. Asamatkoi wajb̄u'an, me-ama Cristo pejb̄u't w̄ut, jachiyaxael.

⁵⁰ Takoew, ampo. x lelaxaelen xamal chiekal matabijaliajwam. Jiw pejb̄u'an w̄utf̄uk ampathatat, japi jiw, japab̄u'an s̄uapich, f̄ulaeyaxilse Dios poxase duilaliajwa jaxotse. Ampathatat jiw pejb̄u'an pomatkoichaliajwa-el. ⁵¹ Xan nejxasinkax xamal matabijaliajwam asew jiw matabija-elpox. Cristo pejme pasliajwa w̄ut, puexa xatis t̄upaxisal. Cristo pask w̄ut, puexa xatis, t̄upa-esalpisf̄uk, t̄upi s̄uapichbej, jaw̄ut Dios puexa wajb̄u'an nakwexaliaxaxael. ⁵² Taxdukatrompeta jiw thiataen w̄ut, jaw̄utbej t̄upilis Dios mat-eyaxaes pejme duilaliajwa. Xatisbej, laelpaspisf̄uk, Dios nakwexaliaxaxael wajb̄u'an pajelb̄u'antat pomatkoicha duilaliajwas. ⁵³ Xatis ampathatat t̄ups w̄ut, wajb̄u'an xoepaxael. Japoxan asthumba nadofaxael. Samata, Dios nakb̄u'xaliaxaxael kaes pejme pachaemaxaelb̄u'an, xoepaxilb̄u'an. ⁵⁴ Dios nakwexaliaxa w̄ut wajb̄u'an, ja-aech w̄ut, pejme t̄upaxisal, me-ama Dios pejjamechan, chajia lelsपो, j̄um-aech w̄ut, j̄um-aechox: “Dios malechaxael pat̄upax. Samata, Dios japi jiw mat-ia w̄ut pejme duilaliajwa, japi jiw pejme t̄upaxil. ⁵⁵ Pat̄upax kaes malechaxil jiwliajwa. Pat̄upax kaes mammnikaxilbej jiwliajwa” —aech Dios pejjamechan. ⁵⁶ Jiw pejl̄ewla t̄upaliajwa, Dios kastikaxaes xoti babijaxan ispoxanliajwa. Dios japi jiw kastikaxael, naexasis-el xot Moisés chajia lelpox. ⁵⁷ Xatis t̄ups w̄ut, napelsaxisal Diosliajwa. Wajpaklon Jesucristo t̄up cruztat Dios nakb̄u'welija. Samata, xatis graciastis Diosliajwa.

⁵⁸ Takoew, xamal nejxasinkaxpim, Diosliajwa nabistampoxan, japoxan napelsaxil xamalliajwa. Samata, j̄nabej kofe' Dios naexasitampox! j̄Dios chiekal xanaboejim xamal kajachawaesfulaliajwa! j̄Kaes pejme xabich nabisde japonliajwa!

16

Pablo kito'apox Corinto paklowaxpijw ofrenda owaliajwa

¹ Ma amw̄utjel lelx xamal to'aliajwan plata owaliajwam, xato'aliajwam Jerusalén paklowaxpijwliajwa, japi naexasiti Jesús pejuw̄ajan. Me-ama xan kito'ax Galacia t̄uaj̄n̄upijw ofrenda owaliajwa Jerusalén paklowaxpijwliajwa, j̄xamalbej ja-amde! ² Xamal kaedominkof̄ul w̄ut, kanampi, kaes̄uapich diajnaxaelam plata owaliajwam Jerusalén paklowaxpijwliajwa. Asew jiw xamalxot, kaes kanapi, kaes plata owaxael ofrendaliajwa. Jachiyaxaelam ofrenda owax kitoesliajwam, xan pas-enil w̄utf̄uk xamalxot. Xamal kitoetam w̄ut ofrenda owax, xamal kaes kito'axinil ofrenda owaliajwam Jerusalén paklowaxpijwliajwa, xan patx w̄ut. ³ Xamalxot pa'ax w̄ut, poejw, najut makanotampi,

to'axaelen Jerusalén paklowax poxade japi plata xalaeliajwa. Xan carta lelaxaelen japi nawexalaeliajwa Jerusalén paklowaxpijiw poxade. Japi jaxot xapa'a wut, japaplata chaxdut wuti, japox cartabej chaxdusaxaelpi. ⁴ Pachaem wut, xan tajut japi buflaeyaxaelen Jerusalén paklowax poxade.

Pablo nejchaxoelpox pejme taeliajwa Corinto paklowaxpijiw

⁵ Xan amxot chijian wut, majt Macedonia tuajnu poxaxaelen. Do jawux, xamal Corinto paklowaxpijwam taeyaxaelen. ⁶ Xamalxotx wut, piach bej nakdukaxaelenbej xamalxot. Ja-an wut, iama chatopaxaelenbej xamalxot. Do jawux, xamal nakajachawaesaxaelam, xan fulaeliajwan wut. ⁷ Patx wut xamalxot, xan nejxasinka-enil kamta chijiyaliajwan xamalxot. Dios natapaei wut, piach dukaxaelen xamalxot. ⁸ Amwutfuk namanaxaelen Éfeso paklowaxxot. Pentecostésfiesta toep wut, do jawux, fulaeyaxaelen Macedonia tuajnu poxade. ⁹ Amwutfuk amxot, Éfeso paklowaxxot, pachaem xan jiw naewuajnalialjwan Jesús pejuwajan. Samata, namanxfuk amxot. Jiw xabich nejxasink naewesliajwa Jesús pejuwajan. Pe nakiowa, a sew jiw japixot xabich nejxasinka-el xan naewuajna xapox.

¹⁰ Timoteo pa'a wut xamalxotde, ¡chiekal bu'kulim japon nejchachaemlialjwa! Timoteo chiekal nabist wajpaklon Jesúsliajwa. Me-ama xan chiekal nabistax wut, ja-aech Timoteo. ¹¹ Samata, Timoteo xamalxot wut, chiekal sitaeyaxaelam. Japon kajachawaesaxaelam, fulaen wut xan nataeliajwa. Xan Timoteo wuajnowetx, a sew, naexasiti Jesús pejuwajan suapich.

¹² Xamal nawuajna chaemtam Apolosliajwa. Xan xabich to'ax Apolos, a sew suapich, japi naexasiti Jesús pejuwajan, nakfulaeliajwapon xamal taeliajwa. Pe Apolos owchi-el. Asamatkoi fulaeyaxaelpon xamal taeliajwa.

Pablo xabich saludos xato'apox, carta lelax kitoesliajwa wut

¹³ ¡Chiekal taem Satanás xamal naekichachajbasamata! ¡Dios chiekal xanaboelijmbej! ¡Xamal chinax asaxliajwa nabej nejlewl'bej! ¹⁴ Isam wut pachaempoxan a sew jiwliajwa, ¡puexa japoxan isfulde, japi nejxasinkam xot!

¹⁵ Takoew, xamal matabijam Estéfnas, japon pejiw suapich, matxoela naexasiti Jesús pejuwajan Acaya tuajnu xot. Japibej xabich kajachawaet a sew jiw, naexasiti Jesús pejuwajan. ¹⁶ Xan nejxasinkax xamal chiekal naexasisliajwam, me-ama japi, ja-aechpi, xamal to'a wut. A sew jiwbej, japi suapich nabistpi, chiekal naexasisaxaelambej.

¹⁷ Xan nejchachaemlax, a sew xamalxotpijiw pa'an wut. Japi pa'anpi, Estéfnas, Fortunato, Acaicobej. Xan japiliajwa nejchaxoelx: “Ampi jiw xan nakajachawaet xot, me-ama Corinto paklowaxpijiw nakajachawaet wut, ja-aechi xanliajwa” —an xamal Corinto paklowaxpijwamliajwa, nejchaxoelx wut. ¹⁸ Samata, japi jiw pat wut, xan xabich nejchachaemlax. Kaes pejme chiekal Dios xanaboeltaxbej. Japi xamal kajachawaet wut, kaes Dios chiekal xanaboejam. Xan ja-anbej. Samata, ¡jasi jiw xamal chiekal sitaem!

¹⁹ Asia tuajnu piw, naexasiti Jesús pejuwajan, saludos xato'a xamalliajwa. Aquila, pijow suapich, japow pawul Prisca, a sew jiwbej, Aquila pejbaxot natamejapi, xabich saludos xato'a xamalliajwa. Jasoxtat puexa japi jiw saludos xato'a xamalliajwa, kaen, wajpaklon Jesucristo, pejiws xot. ²⁰ Puexa naexasiti Jesús pejuwajan, amxotpijiw, saludos xato'abej xamalliajwa. Me-ama a sew jiw, Jesucristo pejuwajan naexasiti, nakaewa nasaluda wut, ¡ja-amdebej xamal!

²¹ Xan Pablo, amxot tajut lelax xamal saludaliajwan.

²² Jiw, nejweslapi wajpaklon Jesucristo, japi jiw Dios kastikaxaes. ¡Nej xabuata wajpaklon Jesús!

²³ Xan wajpaklon Jesucristo kawuajna xamal chiekal kajachawaesliajwa. ²⁴ Puexa xamal saludax, nejxasinkax xot xamal, xatis wajpaklon Jesucristo pejiws xot.

Wachakalcarta, Pablo lelpox, Corinto paklowaxpijiwliajwa

Pablo lelpox carta Corinto paklowaxpijiwliajwa

¹ Xan Pablo, Dios namakafit Jesucristo pej-apóstolliajwan, Dios nanejxasink xot. Xan ampox carta lelx, Timoteo suapich, xamal Jesús pejwuaajan naexasitampimliajwa, Corinto paklowaxpijwam. Lelxbej ampox carta puexa Acaya tuajnupejiwliajwa, Jesús pejwuaajan naexasitiliajwa. ² Waj-ax Dios, wajpaklon Jesucristobej, japi kawuajna xamal kajachawaesliajwa, chiekal duilaliajwam, a sew jiw suapich.

Pablo lelpox xabich nabijatpoxanliajwa

³ Xatis wajpaklon, Jesucristo pax Diosliajwa, graciastis. Waj-ax Dios nakbeltaen. Pomatkoicha nakkajachawaetbejpon, nabijatas wut nejchachaemlaliajwas. ⁴ Xanal nabijatax wut asaxanliajwa, Dios nakajachawaet nejchachaemlaliajwan. Samata, xanal xajux, naewuajna x wut kajachawaesliajwan, a sew jiw nabijat wut, japibej nejchachaemlaliajwa. Me-ama xanal Dios nakajachawaet, xanalbej naewuajna xaelen a sew jiw kajachawaesliajwan. ⁵ Xanal Jesucristo pejiwan xot, nabijatax wut, Dios nakiowa nakajachawaet nejchachaemlaliajwan. ⁶ Samata, xanal nabijatax wut, xajux xamal naewuajnalialjan xamalbej nejchachaemlaliajwam, asamatkoi nabijatam wut. Xajuxaelenbej xamal naewuajnalialjan Dios kaes xanaboejalialjwam xamal bu'welialjwapon. Samata, nabijatam wut, me-ama xanal majt nabijatax, ja-am wut, jnabej boexataae' nabijatampoxkal! ⁷ Xanal matabijax. Xamal nabijatam wut, Dios kajachawaesaxael. Me-ama xanal nakajachawaet wut, jachiyaxaelbejpon xamallialjwa. Samata, xamal nabijatam wut, Dios kajachawaesaxael nejchachaemlaliajwam. Me-ama xanal majt nabijatax wut, Dios nakajachawaet nejchachaemlaliajwan, jachiyaxaelbejpon xamallialjwa.

⁸ Takoew, xanal nejxasinkax xamal nejchaxoelaliajwam xabich nabijatax pox, Asia tuajnu xotan wut. Xanal jaxot nabijatax wut, nejchaxoelx: “Xabich nabijatas. Samata, kaes bej machiyaxisalbej nabijatas poxanliajwa. Xatis nakbeyaxaelbejpi” —an xanal, nejchaxoelx wut. ⁹ Xanal xabich nejchaxoelx bej: “Diachwujnakolax Dios naktapaeibej tupaliajwas” —an xanal, nejchaxoelx wut. Japox ja-aech xanal Dios xabich xanaboejalialjan. Japon xajux tupibej mat-elialjwa pejme duilaliajwa. Samata, xanal amwutjel chiekal matabijax. Xatis wajut wajaxtat xanaboejaxisal, xajuxaxisal xot welialjwas. ¹⁰⁻¹¹ A sew jiw xabich chachoel wut xanallialjwa, Dios nakiowa nabu'wia. Amwutjelbej Dios nakiowa nabu'wia, chachoel wut xanallialjwa. Xamal Dios kawuajnafulam wut xanallialjwa, Dios nakajachawaesfulaxael xanal welialjwan. Ja-aech wut, xabich a sew jiw taen wut Dios nakajachawaetpox, graciaschiyaxaelpi Diosliajwa.

Ma-aech xot Pablo fulae-el Corinto paklowax poxade

¹² Xanal potuajnu cha jiw naewuajna x wut, xamalxotan wutbej, chiekal duilx, me-ama Dios nejxasink. Samata, xanal nejchachaemlax. Xanal chiekal duilx, Dios nakajachawaet xot. Tajut tajaxtat, matabijaxpoxantat, xanal chiekal duila-enil. ¹³ Xanal cartan lelx wut, jaxot kaes asaxan lela-enil. Samata, japacartan xaljowam wut, chiekal matabijaxaelam. Xan nejxasinkax, cartan xaljowam wut chiekal matabijaliajwam xanal lelxpoxan. ¹⁴ A sew jiw, xamalxotpijiw, chiekal matabija xanal isxpoxan. Jesucristo pejme pask wut ampahatasik, nejxasinkax japamatkoi xamal xabich nejchachaemlaliajwam xanal isxpoxanliajwabej. Xanalbej xabich nejchachaemlaxaelen xamal isampoxanliajwa.

¹⁵ Samata, nejchaxoelx xamal taelialjan kolevecas. ¹⁶ Xan nejchaxoelx ampox: “Macedonia tuajnu poxadax wut, matxoela taeyaxaelen Corinto paklowaxpijiw. Do jawux, baxael, Macedonia tuajnu xot nawia'nax wut, pejme taeyaxaelen Corinto paklowaxpijiw. Do jawut, japixotx wut, japi nakajachawaesaxael Judea tuajnu pasliajwan” —an, nejchaxoelx wut. ¹⁷ Pe fulae-enil xamal taelialjan. Xan japox nejchaxoelx wut, diachwujnakolax fulaesian xamal taelialjan. Me-ama xabich a sew jiw nejchaxoel

asax isliajwa, do jawux, is-elipox, xan jachi-enil. ¹⁸ Dios chiekal matabijt xanal naekichachajba-enilpox. Xanal isaxinil wut asax, “Japox diachwujnakolax isaxaelen” —chi-enil. ¹⁹ Xan Pablo, Silvano suapich, Timoteobej, xamalxot naewujnax Jesucristo pejwujajan. Jesucristo, Dios paxulan, is-elasia wut, jumchi-elon: “Xan japox isaxaelen” —chi-elon. ²⁰ Puexa Dios chajia jumdutpoxan, japoxan Jesucristo is xatisliajwa. Samata, xatis Dios jumtis: “¡Xam xabich pachaemam!” —tis. ²¹ Dios xatis nakkajachawaet kofasamatas Jesús pejwujajan naexasichpox. Dios nakmakanotbej japon pejiwaliajwas. ²² Dios to'ak Espíritu Santo wajmatpreatanxotaliajwa nakkajachawaesliajwa. Ja-aech wut, xatis matabijas japon pejiwspox. Samata, xatis chiekal matabijas, Dios chajia jum-aechpox diachwujnakolax japon isaxael japox xatisliajwa.

²³ Xan majt nejchaxoelx xamal taeliajwan. Pe fulae-enilfuk, xan nejxasinka-enil xot xamal losliajwan, is-emil xot xan to'axpox. Dios chiekal matabijt xan jum-anpox diachwujnakolax. ²⁴ Xanal matabijax, xamal chiekal naexasitam Jesús pejwujajan. Samata, xanal to'a-enil xamal naexasisliajwam japawujajan. Xanallax nejxasinkax xamal kajachawaesliajwan chiekal nejchachaemlaliajwambej.

2

¹ Samata, nejchaxoelx wut, jum-an xamalliajwa: “Kaes pachaem, tae-elaliajwan Corinto paklowaxpijiw. Xan japi taenx wut, losaxaelenbej. Lotx wut, japi nejxaejwaxaes” —an, nejchaxoelx wut xamalliajwa. ² Xamal nejchachaemlam wut, xanbej nejchachaemlax. Xamal losaxaelen wut, xamal nejxaejwaxael. Jachiyaxaelam wut, xanbej nanejxaejwaxael, xamal losaxaelen wut. ³ Samata, xan tajut xamal tae-enilfuk. Cartakal asbuan jumch xato'ax xamalliajwa nejxaejwasamata, xamal lotx wut. Nejchachaemlaxinil, xamalxot pa'ax wut, losaxaelen xot. Xan fulaechx wut xamal poxade, xamalbej nejchachaemlaximil. ⁴ Xan japox carta lel x wut, xabich nejchaxoelx xamalliajwa. Nowxbej. Lela-enil carta xamal nejxaejwaliajwa. Xan lelxlax xamal najut chiekal nejchaxoelaliajwam xamal xabich nejxasinkaxpox.

Pablo Corinto paklowaxpijiw to'apox beltaeliajwapi aton, majt xabich babijax ispon

⁵ Xan tamach nanejxaejwa-el japon atonliajwa, xamalxot xabich babijax is wut. Puexa xamalbej nejxaejow. Xan nejxasinka-enil japon aton tasalaliajwan. ⁶ Puexa xamal japon aton fiatam, babijax is wut. Fiatambejpon culto is-elaliajwa, xamal suapich. Samata, japon koft babijax ispon. Amwutjel japon aton tapaeyaxaelam pejme culto isliajwa, xamal suapich. ⁷ ¡Amwutjel xamal japon beltaem! ¡Naewujandebejpon kofsliajwa nejxaejwaspox! Ja-aech wut, japon kofsaxil naexasitpox Jesús pejwujajan. ⁸ Samata, xamal jum-an japon aton pejme chiekal bu'kulaliajwam, japon pajut chiekal matabijsliajwa xamal nejxasinkampox japonliajwa. ⁹ Majt xan lel x wut carta xato'aliajwan xamal poxade, japacarta xato'ax chiekal matabijsliajwan, xamal naexasisaxaelam wut xan xato'axpox japon atonliajwa. ¹⁰ Xamal beltaenam wut japon aton, ja-am wut, xanbej japon aton beltaeyaxaelen. Xan japox ja-an wut, Cristo taeyaxael beltaenxpox japon atonliajwa. Xan jachiyaxaelen xamal chiekal matabijaliajwam, xamalbej jachiliajwam. ¹¹ Xatis jachiyaxaes Satanás naknaekichachajbasamata. Xatis chiekal matabijas, ma-aech Satanás, jiw naekichachajbasia wut.

Pablo xabich nejchaxoelpox Titoliajwa, Troas paklowaxxot wuton

¹² Pa'ax wut Troas paklowaxxot jiw naewujnaliajwan Jesús pejwujajan, Dios naka-jachawaet xot, xabich pachaemlach naewujnaliajwan japawujajan. ¹³ Wajkoewan Tito faena-enil xot Troas paklowaxxot, xan xabich nejchaxoelx Titoliajwa. Samata, Troas paklowaxpijiw kijachax, xan fulaeliajwan wut Macedonia tujnux poxade, jaxotde Tito faenaliajwan.

Dios kajachawaech xot, apóstoles xajupox jiw naewujnaliajwa Jesús pejwujajan

¹⁴ Xanal gracias-an Diosliajwa, japon nakajachawaet xot, Jesús pejiwan xot. Xanal potuajnucha naewuajna x wut Jesús pejuwajan, Dios nakajachawaet. Xanal Jesús pejuwajan potuajnucha jiw naewuajna x atuaj. Me-ama incienso bowas wut, xabich atuaj xabej-ok, ja-aech Jesús pejuwajan naewuajna xpo x. Samata, naexasiti Jesús pejuwajan jum-aechi Jesús pejuwajanliajwa: “Ampawuajan xabich pachaem” —aechi. ¹⁵ Dios nejchachaemil, xan jiw naewuajna x wut Jesucristo pejuwajan. Incienso bowas wut, puexa jiw xabejtaena. Ja-aechbej, Jesús pejuwajan xanal naewuajna x wut. Puexa jiw jumtaen japawuajan. Asew jiw naexasit Dios bu'welija xwas. Asew jiw lax naexasis-el japawuajan. ¹⁶ Jiw naexasis-el pi napelsaxael Diosliajwa. Asew jiw lax bu'weyaxaes. Xanal Jesús pejuwajan naexasit x, Dios nakajachawaet xot. Samata, xanal xajux jiw naewuajnalija xwan Jesús pejuwajan, japi Dios bu'welija xwas. ¹⁷ Asew jiw naewuajan Jesús pejuwajan asbu an jumch moslija xwas. Xanallax jachi-enil. Jiw naewuajna x wut japawuajan, chiekal naewuajna x. Kichachajba-enil, Dios nato'a xot, Cristo pejiwan xotbej.

3

Pajelwuajantat Dios jumdutpox jiw bu'welija xwa

¹ Xamal naewuajna x wut Jesús pejuwajan, xanal tajutliajwa jumchi-enil: “Xanal kaes pejme pachaeman. Me-ama asew jiw, jachi-enil” —chi-enil tajutliajwa. Asew jiw pat wut xamalxot Jesús pejuwajan naewuajnalija xwa, japi carta xapat, asew jiw welelspox japiliajwa. Japox, carta lelspox, jum-aech: “Ampi jiw, Jesús pejuwajan naewuajan pi” —aecho x. Samata, xamal chiekal bu'kulam japi jiw, pat wuti xamalxot. Xanallax xamalxot pat x wut, carta xapas-enil xamal itpaeliajwan chiekal namatabijaliajwam, chiekal nabu'kulaliajwambej. Xanal nawewe'pa-elbej xamal lelaliajwam carta xanal xalaeliajwan asew jiw po xade chiekal japi namatabijaliajwa, chiekal nabu'kulaliajwabej pi. ²⁻³ Xamal naewuajna x Cristo pejuwajan. Samata, amwutjel chiekal duilam. Chiekal duilampox Cristo nejxasink jiw matabijaliajwa. Cristo lela-el cartan jiwliajwa. Lela-elbejpon ia'fachantat. Me-ama chajia Moisés lel, jachi-el Cristo. Pelax Cristo Espíritu Santo to'a lelaliajwa pejjamechan nejmatpuatantat, xamal pajelnejchaxoelaxanliajwa. Samata, amwutjel xamal chiekal duilam xot, asew jiw chiekal matabija xamal Jesucristo kajachawaesfulpox.

⁴ Xanal matabija x, Dios nato'a xamal naewuajnalija xwan Jesús pejuwajan. Dios nakajachawaetbej japoxan islija xwan, Jesucristo pejiwan xot. ⁵ Xanal tajut isaxinil Dios pejbichax. Pe nakiowa, Dios nakajachawaet xot, japox bichax nabistax. ⁶ Dios xanal nakajachawaet jiw naewuajnalija xwan pajelwuajan. Japawuajan jiw to'a-esal Moisés chajia lelpox naexasislija xwapi. Japawuajanbej najupa-el, Moisés chajia lelpox suapich. Espíritu Santo nakajachawaet xot, xanal jiw chiekal naewuajna x, japi jiw chiekal duilaliajwa, me-ama Dios nejxasink. Moisés chajia lelpox xatis wajut puexa chiekal naexasis-esal. Samata, chiekal napelsaxaes Diosliajwa. Naexasich wut lax pajelwuajan, Espíritu Santo nakkajachawaesfulaxael chiekal duilaliajwas pomatkoicha Diosxotse.

⁷ Dios majt lel tato'laliajwapoxan ia'fachantat. Do jawut, japa-ia'fachan chaxduton Moisés. Jiw japox chiekal puexa naexasis-el. Ja-aech wut, japi pejbu'wuajan Diosliajwa. Napeltbejpi Diosliajwa. Dios chaxdut wut Moisés japa-ia'fachan, Moisés pejxu xabich itliak. Samata, israelitas taeyaxili Moisés pejxu. Moisés xu-itliakpox bijiat toepafal. ⁸ Kaes pejme pachaem pajelwuajan. Ampamatkoijan japawuajan naexasich Dios nakbu'welija xwa, Espíritu Santo duk xot wajmatpuatanxot. ⁹ Dios tato'alpoxan pachaem. Jiw pajut matabija kastikaxaespo x, xabich babijaxan is xoti. Pe kaes pejme pachaem pajelwuajan Dios nakbu'welija xwa babijaxan isaspoxanliajwa. Xatis naexasich xot pajelwuajan, babijaxan isaspoxan Diosliajwa chiekal ajil. ¹⁰ Pachaem Dios tato'alpoxan, Moisésstat waelt po x. Pe baxael, Dios wachakalwaelt po x, pajelwuajan, japawuajan kaes pejme chiekal pachaem. Samata, amwutjel majt Dios waelt po x Moisésstat, japox chiekal pachaema-ellejen. ¹¹ Dios tato'alpoxan, waelt po x Moisésstat, japox wuajan pachaem.

Pe baxael, wachakalwuaajan pat wut, kaes pejme pachaem japawuaajan. Japawuaajanlax namanaxael pomatkoichaliajwa.

¹² Xanal matabijax, japawuaajan namanaxael pomatkoichaliajwa. Samata, xanal tajlewla-el jiw naewuajnalajwan japawuaajan. ¹³ Jiw naewuajnax wut, chiekal chanaek-abuanax japawuaajan. Chajiakolaxtat Dios tato'alpoxan, waelt Moiséstat. Japawuaajan Moisés chiekal chanaekabuanax wut israelitas, japi chiekal jummatabija-el. Japamatkoiyan, Moisés xu-itliak wut, panuelbu' xumatakaton israelitas taesamata, Moisés pejxu itliakpox toepafulpox. ¹⁴ Moisés naewuajan wut israelitas, japi chiekal jummatabija-el chanaekabuanaspoxan, japi pejnechaxoelaxan, me-ama matakas wut, ja-aech xoti. Amwutjelbej israelitas pamojiw, japi pejnechaxoelaxan, me-ama matakas wut, ja-aech. Israelitas naewuaj nabaxot chanaexaljows wut Moisés chajia lelpox, japox chiekal jummatabija-eli. Pelax israelitas pamojiw naexaxisaxael wut Jesús tuppox japilijwa, ja-aech wut, japi chiekal matabijaxael Moisés chajia lelpox. ¹⁵ Amwutjelbej israelitas pamojiw chiekal jummatabija-el, xaljow wut Moisés chajia lelpox. Japi pejnechaxoelaxan, me-ama matakas wut, ja-aech xoti jummatabija-el. ¹⁶ Pe nakiowa, a sew israelitas naexasit wajpaklon Jesucristo pejuwajan. Samata, japi chiekal matabija, xaljow wut Moisés chajia lelpox. ¹⁷ Wajpaklon Jesucristo kaenejchaxoelax, Espíritu Santo suapich. Espíritu Santo duk wajmatpuatanxot. Samata, Espíritu Santo nakkachawaesful isasamatas babijaxan. Ja-aech wut, nakwewe'pa-el Moisés chajia lelpox naexaxisfulalijwas. ¹⁸ Samata, xatis babijax isaxisal. Jatis wut, a sew jiw matabijaxael, diachwujnakolax Dios chiekal pachaempon. Espíritu Santo nakkajachawaet xot, xatis chimianejchaxoelaxan. Jatis wut, wajnechaxoelaxan, me-ama Jesucristo nejchaxoel wut, jachiyaxael.

4

¹ Dios xanal nabeltaen xot, nato'a nabichlijwan japon pejbichax. Samata, xanal nejchaxoela-enil kofalijwan. ² Xanal is-enil padalapoxan. Asaxbej is-enil jiw naekichachajbalijwan. Dios pejjamechan naewuajnax wut, kaes asaxan jiw naewuajna-enil. Dios chiekal matabijt xanal jum-anpoxan, puexa japoxan diach chiekal wujnakolax, puexa jiw pajut chiekal matabijalijwa. Xanal naewuajnapoxan xabich pachaem. ³ Naewuajnax wut, chiekal naewuajnax puexa jiw chiekal matabijalijwa Dios bu'welijwas. Pe japi naexaxis-el wut xanal naewuajnapox, ja-aech wut, japi jiw pomatkoicha pajut napelsaxael Dioslijwa. ⁴ Japi naexaxis-el wut japawuaajan, pejnechaxoelaxan, me-ama itkua'nik. Pelax naexasiti Jesús pejuwajan, japi pejnechaxoelaxan, me-ama itliak. Samata, Satanás, paklonpon ampathatpijwlijwa, japon nejxasinka-el jiw naexaxislijwa Jesús pejuwajan. Cristo, pax Dios suapich, kaenejchaxoelax. ⁵ Xanal naewuajnax wut, naewuajna-enil nasitaelijwam, naxanaboejalijwambej. Pelax xanal naewuajnax xamal sitaelijwam wajpaklon Jesucristo. Xanal nabistaxpin xamallijwa, Jesucristo nejxasinkax xot. ⁶ Dios akaseskolaxtat ampathat is wut, puexa chiekal itkua'nik wut, jawut Dios to'a itliakalijwa. Jatisbej xatis, Jesús pejuwajan naexasichpis. Amwutjel wajmatpuatantat, me-ama itliak wut, ja-aech, Dios pejiw xot. Xatis Jesús pejuwajan chiekal matabijas xot, matabijas, Dios xabich pachaempon.

Dios kajachawaetpox pejiw, xanaboejapi japon

⁷ Xanal tajut tajaxtat mamnika-enil. Me-ama kurnat piachlijwa pachaemaxil, janbej xanal. Dios nakajachawaet xot, xanal mamnikax. Ja-an wut, jiw nejchaxoel xanallijwa: “Japi japox is wut, pajut pijaxtat is-el. Japox ispi, Dios kajachawaet xot” —aech jiw xanallijwa, nejchaxoel wut. ⁸ Xanal nabijatax wut, nejchaemila-enil. Asbuan jumch nejchachaemlax. Xanal asaxanlijwa xabich nejchaxoelx wut, nakiowa Dios xanaboejax nakajachawaeslijwa. ⁹ A sew jiw babijaxan is xanal nabijaslijwan, Dios pejiwan xot. Pe nakiowa, Dios nakajachawaet. Tamach xanal nawaela-elon. A sew jiwbej nabesia wut, japi xajupa-el, Dios nakajachawaet xot. ¹⁰ Xanal fulaech poxade, jaxotde chachoel. A sew jiw nejchaxoel nabelijwa. Me-ama Jesús boesas, jachisiabejpi

xanalliajwa. Samata, puexa jiw pajut matabija, xanal chiekal duilx, Jesús nakajachawaet xot. ¹¹ Pomatkoicha chachoel xanalliajwa, a sew jiw nabesia xot, Jesús pejiwan xot. Ja-aech wut, puexa jiw pajut matabija, xanal chiekal duilx, Jesús nakajachawaesful xot. ¹² A sew jiw xanal nabesia wut, nakiowa xamal naewuajna x Jesús pejuwajan. Samata, xamal japawuajan naexasitam xot, pomatkoicha duilaxaelam Diosxotse.

¹³ Dios pejjamechan, chajia lelspx, jum-aech wut, jum-aechox: “Xan xanaboejtax Dios chajia jum-aechpoxan nakajachawaesliajwa. Samata, japox jum-an a sew jiwliajwa” —aech Dios pejjamechan, chajia lelspx. Samata, xanalbej nejchaxoelx: “Dios xatis nakkajachawaesaxael” —an xanal, nejchaxoelx wut. Samata, a sew jiw naewuajna x Dios pejjamechan. ¹⁴ Wajpaklon Jesucristo tup wut, Dios mat-echpon pejme dukaliajwa. Samata, xatis chiekal matabijas. Diachwuajnakolax asamatkoi xatis tups wut, baxael, Dios nakmat-eyaxaelbej xatis pejme duilaliajwas. Dios nakmat-ia wut pejme duilaliajwas, japon nakbuflaeyaxael japonxotaliajwas. ¹⁵ Chajia xan nabijatax wut, a sew jiw babijaxan is wut xanalliajwa, xanal nakiowa naewuajna xamal Jesús pejuwajan. Ja-an wut, xabich xamal naexasitam naewuajna xpo xan. Dios xabich xamal kajachawaesful. Samata, xamal chiekal naewuajna wut a sew jiw Jesús pejuwajan, Dios kajachawaesful japi jiw naexasisliajwa japawuajan. Samata, Diosliajwa gracias-aechi. Japibej chiekal matabija Dios, xabich pachaempon.

¹⁶ Samata, xanal nejchaxoela-enil buxkofaliajwan naewuajna xpo xan. Kaematkoisful, xanal kaes pakdiachwan wut, ja-an wut, nakiowa kaes chiekal Dios xanaboejafulax. ¹⁷ Xanal nabijatax wut ampathatat, nakiowa nabistax Jesucristoliajwa. Nabijataxpo xpiachaxil. Asamatkoi japox chiekal toepaxael. Ja-aech wut, Dios xanal nachaxdusaxael pachaempon. Japox toepaxil. ¹⁸ Xanal nejchaxoela-enil ampathatpijxan, taenxpo xan. Xanallax nejchaxoelx Diosxotsepoxan, taeyaxisalpo xan. Ampathatpijxan, taenxpo xan, japoxan toepaxael. Diosxotsepoxan, japoxanlax, toepaxil. Japoxan pomatkoichaliajwa.

5

¹ Thaejtxot bua-at, kaspox, piachliajwa-el. Ja-aechlap-is wajbu'an. Wajbu'an pomatkoichaliajwa-el ampathatat. Xatis chiekal matabijas. Diosxotse toepaxilba, japaba Dios chiekal chaemt asamatkoi xatis duilaliajwas, tups wut. ² Xatis laelpas wutfuk, xabich nejxasinkas wajbu'an nakwexalialiajwa pajelbu'analiajwas, duilaliajwas pomatkoicha Diosxotse. ³ Jachiyaxaes puexa xatis, asamatkoi, nakbu'xalialiajwa wut. Samata, kaenanula xatis asabu'anaxaes. ⁴ Xatis laelpas wutfuk, xabich nejxasinkas nakbu'xalialiajwa wajbu'an. Japox jum-an wut, jumchi-enil: “Xan tajbu'txot nakol-sasian” —chi-enil. Pe xatis kaenanula pajelbu'analias. Pe asamatkoi, tups wut, duilaxaes toepaxilbu'antat Diosxotse. Wajbu'an, ampathatpijxan, amxot kaweta toepaxael. ⁵ Diosxotse Dios nakwechaemt pajelbu'an xatisliajwa. Samata, Dios to'ak Espiritu Santo xatis wajmatpuatanxotaliajwa. Samata, chiekal matabijas. Diachwuajnakolax Dios jumdut xatis wajbu'an, pajelbu'analiajwas.

⁶ Samata, xanal nejchaxoela-enil kofaliajwan jiw naewuajna xpo xan. Xanal chiekal matabijax. Ampathatat xanal laelpax wut, me-ama atuajan wut tajpaklon Jesucristoxot, ja-an. ⁷ Amwutjel xanal Jesucristo tae-enil. Pe nakiowa, Jesucristo chiekal xanaboejax nakajachawaesliajwa. Chiekal xanaboejaxbej asamatkoi duilaliajwan Jesucristoxotse. ⁸ Samata, xanalliajwa kaes pejme pachaem tupaliajwan, duilaliajwan tajpaklon Jesucristoxotse. ⁹ Samata, laelpax wut, o, tups wutbej, nejxasinkax xanal isliajwan Dios nejxasinkpox. ¹⁰ Asamatkoi xanal kaenanula nuilaxaelen Jesucristo pejuwajnael. Japamatkoi japon xanal kaenanula nachaxduiyaxael. Xanal chiekal tanbistax wut, nachaxduiyaxael xabich pachaempon. Pe chiekal nabich-enil wut japonliajwa, xanal nachaxduiyaxilon. Ja-aech wut, xanal masox namaeyaxaelen.

Amwutjel xatis pachaemspox Diosliajwa, Jesucristo tup xot

¹¹ Xanal chiekal matabijax Jesucristo chiekal sitaeyaxaelenpox, asamatkoi nuilaxaelen xot japon pejuwajnael. Samata, xanal jiw xabich naewuajna x japibej naexasisliajwa

Jesucristo pejuwajan. Dios chiekal matabijt xanal isfulaxpoxan. Xanal nejxasinkax xamalbej chiekal matabijaliajwam xanal isfulaxpoxan. ¹² Xamal chapaeix wut tajut isxpoxan, xanal jumchi-enil: “Xanal kaes pachaeman. Me-ama asew jiw, jachi-enil” —chi-enil tajutliajwa. Xanal japox chapaeix xamal chiekal namatabijaliajwam, nejchachaemlaliajwam xanalliajwa, nakajachawaesliajwam, asew jiw natasala wut. Xanal natasalapi, japi jiw jum-aech asew jiw chiekal sitaeliajwas. Japi, pachaem wut, kabuan-aechi. Pe japi pejnechaxoelaxan chaemil. ¹³ Potuajnucha xanal naewuajnx wut Jesús pejuwajan, asew jiw nakaewa najum-aech xanalliajwa: “Japi jiw na-acha” —na-aechi xanalliajwa asbuan jumch. Diachwuajnakolax xanal, na-achax wut, ja-an, nabistax xot Diosliajwa. Diachwuajnakolax xanal na-acha-enil. Potuajnucha xanal naewuajnx xot Jesús pejuwajan, japox pachaem xamalliajwa. ¹⁴ Cristo nanejxasink xanal. Samata, pomatkoicha nabistax japonliajwa. Nejchaxoelxbej: “Cristo tup wut cruztat, tup puexa xatisliajwa. Samata, Diosliajwa, Cristo suapich, cruztat tups wut, jatis. Samata, Cristo mot babijaxan isaspoxanliajwa” —an xanal, nejchaxoelx wut Cristo tupoxliajwa. ¹⁵ Cristo tup puexa jiw bu'welija, japi kaes isasamata pajut isasiapoxan. Japilax isfulaxael Cristo nejxasinkpoxan. Japon tup wut, mat-echbejpon pejme dukaliajwa japi jiwliajwa. ¹⁶ Samata, xanal amwutjel nejchaxoela-enil babijax isliajwan. Me-ama asew jiw, naexasis-eli Jesús pejuwajan, nejchaxoel babijaxan isliajwa, xanal jachi-enil amwutjel. Majt xanal isx babijaxan Jesucristoliajwa. Pe amwutjel, jasox chiekal nejchaxoela-enil. ¹⁷ Jesús pejuwajan naexasitpon, japon aton pajelnejchaxoelax, padujnejchaxoelaxan koft xoton. Ja-aech wut, nejchaxoelon pachaempoxankal.

¹⁸ Dios nakajachawaet xot, xanal pajelnejchaxoelaxan. Samata, amwutjel xanal pachaeman Diosliajwa, Cristo tup xot xatisliajwa. Dios nabuxto'a xanal jiw naewuajnalijwan japi naexasisliajwa Jesús pejuwajan, pachaemaliajwapi Diosliajwa. ¹⁹ Jesucristo tup cruztat puexa jiwliajwa, japi pachaemaliajwa Diosliajwa, naexasit wuti Jesús tupox. Ja-aech wut, Dios beltaeyaxael japi jiw babijaxan ispoxanliajwa. Japawuajan xanal Dios nabuxto'a jiw naewuajnalijwan. ²⁰ Xanal Jesucristo pejiwan xot, naewuajnx japon pejuwajan. Xamal naewuajnx wut, me-ama Dios pajut naewuajan wut, ja-an xanal. Samata, xanal jum-an Jesucristo pijaxtat xamal chiekal pachaemaliajwam Diosliajwa. ²¹ Jesucristo babijax is-el. Pe xatis babijaxan isaspoxantat, Jesucristo, me-ama babijaxan is wut, ja-aechon Diosliajwa. Samata, Jesucristo kimatamatlas cruztat. Samata, amwutjel xatis bu'wuajanjisal Diosliajwa, naexasich xot Jesucristo tupox xatisliajwa.

6

¹ Xanal nabistax xot Diosliajwa, xamal jum-an mastaesamatam Dios beltaenpox babijaxan isampoxanliajwa. ² Dios pejjamechan, chajia lelspx, jum-aech wut, jum-aechox Dios jumchiyaxaelpox, asamatkoi Dios jiw beltaeyaxaelpoxliajwa:

“Xan xamal kajachawaesaxaelen, pat wut tajmatkoi xamal bu'welija” —aech Dios.
¡Naewe'e! ¡Ma amwut, ampamatkoi, xamal Dios bu'weyaxael!

³ Xanal nejxasinkax chiekal nabichliajwan Diosliajwa. Ja-an xanal, asew jiw japox taen wut, japibej chiekal naexasisliajwa Dios pejjamechan. Ja-aech wut, japi jiw jumchiyaxil: “Dios pejjamechan pachaema-el” —chiyaxili. ⁴ Xanal chiekal isx Dios pejbichax, jiw japoxan taen wut pajut chiekal matabijaliajwa xanal Dios pejiwanpox. Samata, xabich nabijatax wut, asaxan nawewe'p wutbej, puexa pachaema-el wutbej xanal isliajwan, xanal nakiowa boejtaliasfulax. ⁵ Naeyatat namatwuajsel wutbej, jiw jebatat najia wutbej, xabich asew jiw palala wut, naboesia wutbejpi, puexa japoxanliajwa xanal xabich boejtaliasfulax. Xabich nabistax wutbej tajut natataeflialijwan, asamadoi chiekal moejs-enil wutbej, Dios pejjamechan jiw naewuajnx xot, asamatkoiyan xabich litaxaelax wutbej, puexa japoxanliajwa xanal xabich boejtaliasfulax. Puexa japoxan natapat wut, nakiowa jiw naewuajnafulax Dios pejjamechan. Ja-an wut, jiw pajut chiekal matabija xanal Dios pejiwanpox. ⁶ Jiw pajut chiekal matabijaliajwa xanal Dios pejiwanpox, asax babijax is-enil. Chiekal matabijaxbej chimiawuajan, Jesús pejuwajan,

jiw naewuajnalijwan. Xabich piach boejtaliasfulaxbej, aseb jiw babijaxan is wut xanallijwa. Aseb jiwlijwa xanal isxbej pachaempoxan. Jiw chiekal naewuajnajxbej, Espíritu Santo nakajachawaet xot. Chiekal nejxasinkaxbej aseb jiw. ⁷ Naewuajnajxbej diachwuajnakolaxpoxkal Jesús pejwuajanlijwa, Dios nakajachawaesful xot. Isxbej pachaempoxan aseb jiwlijwa, xanal babijaxan namalechasamata. Japoxan babijaxan potuajnucha xajup. ⁸ Asamatkoi jiw nasitaen. Asamatkoi jiw nasitae-el. Asamatkoi aseb jiw chimiajamechan jum-aech xanallijwa. Aseb jiwlix jum-aech babejjamechan xanallijwa. Jum-an wut diachwuajnakolaxpoxan, aseb jiw japoxan jumtaen wut, xanallijwa jum-aechi: “Japi kichachajbapijiw” —aechi asbuan jumch xanallijwa. ⁹ Jiw, chiekal xanal namatabijapi, japi xanal nataen wut, me-ama namatabija-el wut, ja-aechi xanallijwa. Asamatkoi xabich chachaelbej xanallijwa, aseb jiw nabesia xot. Pe xanal nakiowa duilafulax. Asamatkoiyan aseb jiw xabich nakastikabej. Pe nakiowa, tupa-enil. ¹⁰ Asamatkoiyan, aseb jiw babijaxan is wut xanallijwa, xanal nanejxaejow. Pe nakiowa, nejchachaemlax tajnejchaxoelaxantat. Xanal kijinil. Pe nakiowa, xanal naewuajnajxpi, japi jiw, me-ama kimaenk wut, ja-aechi Dioslijwa, japi naexasit xot xanal naewuajnajxpoxan. Ampathatat xanal kijinil wut, ja-an. Pe Dios nakajachawaet xot, xanal xabich tejew, toepaxilpoxan.

¹¹ Takoew, xamal Corinto paklowaxpijwam, xanal puexa jum-anpoxan, japoxan diach chiekal wuajnakolax. Samata, tulaela chiekal jum-an japoxan xamal chiekal matabijalijwam. Xanal xabich nejxasinkax xamal. ¹² Xanal kofa-enil xamal nejxasinkaxpox. Amwutjel xamallax xanal chiekal nanejxasinka-emil. Me-ama majt nanejxasinkam wut, jachi-emil. ¹³ Xamal naewuajnajx wut, me-ama kaen aton paxi naewuajan wut, ja-an xanal xamallijwa. ¡Xanal nanejxasinkde! Me-ama xanal xamal nejxasinkax wut, ¡jam-sfuldebej xanallijwa!

Xatis, me-ama Dios pejtemploba wut, jatispox

¹⁴ ¡Xamal, Jesús pejwuajan naexasitampim, Jesús pejwuajan naexasis-eli suapich, nabej nakjiye! ¡Japi suapich, piach nabej nabichbej, kaenejchaxoela-emil xot! Xamal isam pachaempoxan. Pelax japi jiw is pachaema-elpoxan. Japoxan najupa-el. Itliakax, itkatax suapich, najupa-el. Ja-amlap-is xamal. Babijaxan ispi suapich, xamal, japi suapich, najupa-emil. ¹⁵ Cristo kaenejchaxoelaxa-el, Satanás suapich. Ja-aechbej Jesús pejwuajan naexasiti. Xamal kaenejchaxoelaxa-emil, aseb jiw, Jesús pejwuajan naexasis-eli suapich. ¹⁶ Ja-aech Dios pejtemplobalijwa, ídolo pejtemplobalijwabej. Japakolebachanxot ajil kaenejchaxoelaxpox. Xatis, me-ama Dios pejtemploba wut, jatis. Dios pajut chajia jum-aech japoxlijwa:

“Xan tajjiwxot dukaxaelen. Japi suapich, nanuamsaxaelenbej. Xan japi pejDios wulxaelen. Japibej tajjiw wulxael” —aech Dios.

¹⁷ Samata, Dios pejme jum-aech:

“Jiw babijaxan is xamal duilamxot. Samata, ¡jaxot nakolim asalel duilalijwam! ¡Xamal nabej is babijaxan, japi jiw ispoxan! Ja-am wut, xamal tajjiwaxaelam.

¹⁸ Xan nej-axnaxaelen xamallijwa. Xamalbej taxi wut, jachiyaxaelam” —aech Dios, xabich mamnikpon.

7

¹ Takoew, japox Dios chajia nakjumdut xatis chiekal matabijalijwas. Samata, ¡chiekal duilaxaes babijaxan isasamatas Dioslijwa! Babijaxan majt isas, japoxan chajia nejchaxoels xot islijwas, ¡puexa japoxan chiekal kofaxaes, duilalijwas, me-ama Dios nejxasink!

Pablo nejchachaemilpox Corinto paklowaxpijwlijwa

² ¡Xamal nabej kofe! xanal nanejxasinkampox! Xamalxotan wut, chinax babijax-enil kaen atonlijwa. Tabejs-enilbej asan aton pejnechaxoelax japon babijax islijwa. Chinax kaen aton naekichachajba-enilbej. ³ Xanal japox jumchi-enil xamal loslijwan. Chajia jum-an xamal pomatkoicha nejxasinkalijwan, hasta xan tux wut ampathatat.

⁴ Xan matabijtax, xamal naexaxisaxaelam cartaxot lelxpox. Xan jiw chapaeix xamal isampoxan. Japoxan chapaeix wut, xabich nejchachaemlax xamalliajwa. Xan nabijatax wut, nakiowa xabich nejchachaemlax, xamal nejchaxoelx xot.

⁵ Macedonia tuajnu xot xanal pa'ax wut, chiekal damlathula-enil, naewuajnafulax xot. Amwutjelbej nakiowa chiekal damlathula-enilfuk. Potuajnu xot jiw naewuajna xot wut Jesús pejuwan, puexa chiekal pachaema-el xanalliajwa. Potuajnu xot chiekal pachaema-el xanalliajwa. Xabich asew jiw nabu'alot Jesús pejuwan, naewuajna xot wut. Samata, nejchaxoelx: "Japi nawetabejsaxael naewuajna xot" —an, nejchaxoelx wut. ⁶ Dios kajachawaet jiw nejxaejwaspi, japi jiw nejchachaemlaliajwa. Japon xanalbej nakajachawaet nejchachaemlaliajwan, Tito pa'an xot. ⁷ Tito pa'an wut, xanal nejchachaemlax. Titobej xabich nejchachaemil xamalliajwa. Samata, xanalbej nejchachaemlax. Japon xanal nachapaei xamal xabich nataesiampox. Nachapaeibejpon xamal xabich nejxaejowpox xanalliajwa, majt ja-aechpoxanliajwa. Nachapaeibejpon xamal nakajachawaesasiampox, asew jiw nabu'alot wut naewuajna xot liajwa. Puexa japoxan jumtaenx wut, xan xabich nejchachaemlax xamalliajwa.

⁸ Carta, matxoelalelxpox, xato'ax wut xamal poxade, japox carta xaljowam wut, xamal nejxaejow. Xan japox carta lelx wutfuk, nejchaxoelx: "Xan nejchachaemla-enil ampox carta lelaliajwan, Corinto paklowaxpijiw xaljow wut, nejxaejwaxaes xoti" —an, nejchaxoelx wut. Do jawux, xamal japox carta xaljowam wut, diachwajnakolax xamal nejxaejow. Pe nejxaejowpox piacha-el. Samata, xan nanejxaejwa-el, japox carta lelx wut. ⁹ Xan nejchachaemla-enil xamal nejxaejowpox, japox carta xaljowam wut. Xanlax nejchachaemlax, xamal nejxaejow wut, kofam babejnechaxoelaxan. Pe amwutjel, isfulam Dios nejxasinkpoxan. Samata, Dios xabich nejchachaemil xamalliajwa. Carta xato'ax wut xamalliajwa, nejnechaxoelaxan tabejs-enil. ¹⁰ Kaen aton nejxaejwas wut babijaxan ispoxanliajwa, Dios xajup japon aton beltaeliajwas. Ja-aech wut, japon aton nejxaejwaspox wetoepaxaes. Asan atonlax, babijaxan ispon, kofs-el wut babijax, ja-aech wut, japon aton Dios beltaeyaxisal. ¹¹ Xamal xabich nejxaejow, xaljowam wut carta japon aton xamalxot xabich babijax isponliajwa. Do jawux, xamal isam Dios nejxasinkpox japon atonliajwa. Samata, Dios xabich nejchachaemil xamalliajwa. Xamal chiekal matabijam, ma-am majt xamal. Japon aton fias-emil, xabich babijax is wut. Jawutbej xamal nalala japon atonliajwa, nejlewla xot Dios kastikaxael xot xamal. Samata, japon aton fiatam xot, asew jiw matabija xamal kaenechaxoelaxa-emilpox, japon aton ispoxliajwa. Amwutjel xamal xabich nataesiam. ¹² Japox carta lelx wut, xan lela-enil asbuan jumch xamal to'aliajwan japon aton kastikaliajwam. Lela-enilbej japox carta japon aton, pax suapich, chaemsliajwa babijax. Dios matabijt, ma-aech xot lelx japox carta. Xan lelx xamal chiekal najut matabijaliajwam, diachwajnakolax xanal nanejxasinkampox. ¹³ Samata, xanal nejchachaemlax, majt nanejxaejow xamalliajwa.

Xanal kaes pejme xabich nejchachaemlax, taenx wut Tito xabich nejchachaemilpox, xamal chiekal bu'kulam xoton. ¹⁴ Tito fulaeliajwa wut xamal poxade, xan japon jum-an xamalliajwa: "Corinto paklowaxpijiw chiekal naexaxisaxael ampox carta, xato'axpox" —an Titoliajwa. Diachwajnakolax xamal japox carta xaljowam wut, xan lelxpox chiekal naexasitam. Samata, xanal, Tito suapich, nejchachaemlax xamalliajwa. Me-ama xan chajia jum-an Titoliajwa, diachwajnakolax japox ja-aech. ¹⁵ Japon Tito nejchaxoel wut xamalliajwa, nejchaxoelon, ma-am xamal, japon naexasitam wut, xamal tato'al wuton. Nejchaxoelbejpon, ma-am xamal, chiekal bu'kulam wut, sitaenam xoton. Samata, amwutjel xamal kaes pejme xabich nejxasinkon. ¹⁶ Xan matabijtax, xamal isampoxan puexa chiekal pachaem. Samata, xabich nejchachaemlax.

8

Jesús pejuwan naexasiti ofrenda owapox kajachawaesliajwa kijila, Judea tuajnu pijiw

¹ Takoew, xamal chapaejaxaelen chiekal matabijaliajwam, ma-aech Dios, kajachawaet wut Macedonia tuajnu pijiw, japi naexasiti Jesús pejuwan. ² Japi jiw nabijat, asew

jiw babijaxan isas wut japiliajwa, Jesús pejwuaajan naexasit xoti. Pe nakiowa, japi jiw nejchachaemil. Japi jiw, xabich kimaenka-el. Pe nakiowa, japi jiw ofrenda owa kajachawaesliajwa asew jiw. Japixot asew xabich owa. Me-ama kimaenk wut, ja-aechi. ³ Xan tajut chiekal taenx, japi owa wut. Jawut nejchaxoelx: “Japi kaes xabich owa, owa wuti ofrendaliajwa” —an, nejchaxoelx wut. Japi japox to'a-esal. Japi japox pajut is, isasia xot. ⁴ Xanalliajwa japi jiw xabich najum-aech: “Xanalbej natapaem ofrenda owaliajwan kajachawaesliajwan naexasiti Jesús pejwuaajan, Jerusalén paklowaxpijiw” —aech japi jiw xanalliajwa. ⁵ Xanal nejchaxoelx wut, jum-an: “Japi jiw kijil xot, xabich bej owaxaelbejpi kaeyaxach” —an, nejchaxoelx wut. Pe nakiowa, japi xabich owa. Japilap matxoela nawoeya Diosxot isfulaliajwa Dios tato'alpoxan. Do japoxwux, xanal najum-aechi: “Xamal nejxasinkam wut xanal natato'laliajwam, jxanal natato'alde! Xanal japoxan isfulaxaelen, me-ama Dios nejxasink” —aechi xanalliajwa. ⁶ Xanal taenx wut Macedonia tuajnupijiw kaenanula ofrenda owaliajwa, jawut xanal Tito to'ax xamal poxade. Tito jum-an: “Xam majt kajachawaetam Corinto paklowaxpijiw, tudut wuti ofrenda owax kajachawaesliajwapi Jerusalén paklowaxpijiw. jXam amwut pejme fulaem japi ofrenda owax kito'aliajwam, kitoesliajwabejpi!” —an xan Titoliajwa, xamal poxaliajwa wuton. ⁷ Xamal kaes chiekal pachaemam, duilam wut Diosliajwa. Chiekal xanaboejambej Dios. Chiekal matabijambej Dios pejjamechan. Samata, chiekal xajupam asew jiw naewuajnalialjwam Dios pejjamechan. Nejxasinkambej chiekal isliajwam Dios pejbichaxan. Xanal xabich nanejxasinkambej. Xamal ja-am xot, jkaes pejme owim ofrenda kajachawaesliajwam Jerusalén paklowaxpijiw!

⁸ Xamal jum-an wut: “Macedonia tuajnupijiw xabich plata owa ofrendaliajwa Jerusalén paklowaxpijiwliajwa” —an wut, japox jumchi-enil xamal to'aliajwan, me-ama japi, jachiliajwam. Japox jum-an xamal chiekal matabijaliajwam. Xamal owam wut ofrenda, me-ama Macedonia tuajnupijiw, ja-am wut, asew jiw taeyaxael xamal diachwujnakolax Dios nejxasinkampim. ⁹ Xamal matabijam, wajpaklon Jesucristo nakka-jachawaet, xatis naknejxasink xot. Wajpaklon Jesucristo pas-el wutfuk ampathatasik, xabich kimaenkon. Puexa tato'albejpon. Jawux ampathatat xabich nabijat Jesucristo. Me-ama kijilan xabich nabijat wut, ja-aech Jesucristo xamal kajachawaesliajwa. Ja-aech xoton, xamalliajwa asamatkoi pachaemaxael Diosxotse.

¹⁰ Chajia, asawaech wut, xamal tuduwam plata owax ofrendaliajwa kajachawaesliajwam Jerusalén paklowaxpijiw. Xamal ja-am, xabich nejxasinkam xot japox isliajwam. Ampamatkoiyan pachaem xamal plata owax kitoesliajwam. Japox jum-an, xan tajut nejchaxoelxpo. ¹¹ Majt xamal xabich kajachawaesiasiam Jerusalén paklowaxpijiw. jAmwutjel xamal kajachawae'e! jOwim ofrenda xajupampoxtat! ¹² Xamal owam wut puexa xajupampoxtat, ja-am wut, Dios nejchachaemlaxael xamalliajwa. Nejew kaesupich owam wut asew jiw kajachawaesliajwam, ja-am wut, Dios nejchachaemlaxael xamal asew jiw kajachawaetampoxliajwa. Dios to'a-el, xamal xabich ajil wut nejew owaliajwam asew jiw kajachawaesliajwam.

¹³ Xamal to'a-enil puexa nejew owaliajwam ofrendaxot, kajachawaetam wut kijila. Puexa nejew owam wut, ja-am wut, xamal najutliajwa namaeyaxil. ¹⁴ Xan nejxasinkax xatis nakaewa nakajachawaesliajwas, asew jiwliajwabej, japi wewe'pas wut. Amwutjel xamal xajupam kajachawaesliajwam kijila, Jerusalén paklowaxpijiw. Asamatkoi, xamalliajwa ajil wut, japibej xamal kajachawaesaxael. Ja-aech wut, kaen xamalxot wewe'paxisal wewe'paspoxan. ¹⁵ Japoxliajwa Dios pejjamechan, chajia lelsपो, jum-aech wut, jum-aechox: “Aton xabich naxaeyaxan notpon pajutliajwakal, japon aton wenamana-esal. Asan, aton, naxaeyaxan kaesupich notpon, japon aton wewe'pa-esal” —aech Dios pejjamechan.

Tito fulaechpox Corinto paklowax poxade, kolenje pejnachalan supich

¹⁶ Xan nejxasinkax xamal kajachawaesliajwan ofrenda owampox kitoesliajwam. Tito-bej Dios pijaxtat japox nejchaxoel. Samata, gracias-an Diosliajwa. ¹⁷ Samata, Tito to'ax

xamal taeliajwa, kajachawaesliajwabejpon ofrenda owampox kitoesliajwam. Japon ow-aech. Japon pajut pijaxtat xamal xabich taesiabejpon.

¹⁸ Tito, pejnachalan suapich, to'ax. Tito pejnachalan matabijas puexa Jesús pejwujajan naexasiti, Macedonia tuajnupijiw. Sitaensbejpon puexa japi jiw, japon chiekal jiw naewuajan xot Jesús pejwujajan. ¹⁹ Tito pejnachalan, to'as puexa Jesús pejwujajan naexasiti, Macedonia tuajnupijiw, japon, xan suapich, fulaeliajwa Jerusalén paklowax poxade. Ofrenda xalaeliajwan wut Jerusalén paklowaxpijiwliajwa, japon nachalaxael, kaes chiekal japi nejchachaemlaliajwapi Diosliajwa. Japi pajut chiekal matabijaxaelbej xatis kajachawaesiasipox, nakaejiws xot. ²⁰ Xanal ofrendaplata pin-iat xafolx wut Jerusalén paklowaxpijiwliajwa, japon buflaeyaxaelen, a sew jiw xan najumchisamata: “Pablo kaesuapich dijanbej ofrendaplata pajutliajwa” —nachisamata a sew jiw xanliajwa. ²¹ Dios matabijt xanal puexa ofrenda chaxdusaxaelenpox. Pe nakiowa, nejxasinkax puexa jiw chiekal pajut matabijaliajwa xanal puexa ofrenda chaxduiyaxaelenpox japi jiw.

²² Tito, pejnachalan suapich, kaes asanbej to'axaelen, Jesús pejwujajan naexasitpon. Japon xabich nakajachawaet. Amwutjel japon xamal xabich kajachawaesasia, wultaen wuton Jerusalén paklowaxpijiw kajachawaesasiampox. ²³ Xamalexot a sew jiw wuj-nachaemt wut Titoliajwa, xamal jumchiyaxaelam: “Japon Tito, Pablo pejnachalan. Japon xanal nakajachawaet” —chiyaxaelam. Kolenje, Tito nakfulaeyaxaespi, xamalexot a sew jiw wujnachaemt wut japi kolenjeliajwa, xamal jumchiyaxaelam: “Ampi kolenje to'as naexasiti Jesús pejwujajan, Macedonia tuajnupijiw. Ampi kolenje chiekal pachaem. Samata, a sew jiw chiekal sitaen Cristo” —chiyaxaelam japi kolenjeliajwa. ²⁴ Japi, tres poejiw, xamalexot pa'a wut, chiekal bu'kulaxaelam japi pajut chiekal matabijaliajwa xamal nejxasinkampox. Ja-am wut, puexa jiw, naexasiti Jesús pejwujajan, chiekal matabijaxael xamal diachwujnakolax nejxasinkam naexasiti Jesús pejwujajan. Japox wultaen wuti, chiekal matabijaxael xan majt jum-anpoxan xamalliajwa, japox diachwujnakolax, xamal puexa jiw nejxasinkampox.

9

A sew jiw owapox ofrenda Jesús pejwujajan naexasitiliajwa

¹ Diachwujnakolax we'pa-el, xan lelx wut xamal pejme kito'aliajwan ofrenda owaliajwampox naexasitpiliajwa Jesús pejwujajan, Jerusalén paklowaxpijiwliajwa. ² Xan chiekal matabijt xamal xabich japi kajachawaesasiampox. Samata, xabich nejchachaemlax xamalliajwa. Chajia Macedonia tuajnupijiw jum-an xamal Corinto paklowaxpijwamliajwa: “Acaya tuajnupijiw, Corinto paklowaxxot duilpi, chajia, asawaestat, owapi ofrenda kajachawaesliajwa Jerusalén paklowaxpijiw. Amwutjelbej nakiowa owafuki ofrenda” —an xamalliajwa. Dolis jawut, Macedonia tuajnupijiw wultaen xamal kajachawaesasiampox Jerusalén paklowaxpijiw. Do jawut, Macedonia tuajnupijiwbej ofrenda owa kajachawaesliajwapi Jerusalén paklowaxpijiwliajwa. ³ Samata, amwutjel Tito to'ax xamal poxade, pejnachala suapich, xamal kajachawaesliajwa, ofrenda owampox kitoesliajwam Jerusalén paklowaxpijiwliajwa. Xan tajpasax wujajna, xamal ofrenda owax kitoes-emil wut, ja-am wut, japox pachaemaxil xanliajwa, xamalliajwa chajia jum-an xot Macedonia tuajnupijiwliajwa. ⁴ Xamal poxaxaechan wut, Macedonia tuajnupijiw xan nakfulaen wut, xamal toes-emil wutfuk ofrenda owampox, ja-am wut, japox pachaemaxil xanliajwa. Japox jachiyaxael, xamalliajwa chajia jum-an xot: “Japi xabich kajachawaesasia Jerusalén paklowaxpijiw” —an xot. Japox pachaemaxilbej xamalliajwa, ofrenda owampox kitoes-emil wutfuk. ⁵ Samata, nejchaxoelx Tito wujajna to'aliajwan, Tito pejnachalabej. Japi xamal kajachawaesaxael kamta kitoesliajwam ofrenda owampox. Xan pasax wujajna, puexa xamal chiekal kitoesaxaelam ofrenda owax nejmach chalakaliajwa. Jasox najut isaxaelam, nejxasinkam xot. Japox isam wut, jnabej is, xamal kito'ax xot!

⁶ Xamal nejchaxoelam wut, jnejchaxoelde ampox! Cha-aellulx muthapon, wenakolas wut, kaeyaxach wenakolas. Pelax pinjiyax lul muthapon, xabich pin-iat wenakolas. Jachiyaxaelbej ofrenda owam wut a sew jiwliajwa. Pin-iat owam wut kajachawaesliajwam

asew jiw, ja-aech wut, asamatkoi asew jiw xamal pin-iat chaxduiyaxaelbej. ⁷ Samata, xamal kaenanula owasiam wut, jowim! Owam wut, jawut, nejchaxoelam wut, jnabej nejchaxoele': "Xan diachwujnakolax nejxasinka-enil japi jiw kajachawaesliajwan. Pe nakiowa, nakito'a xot, kajachawaetxlejen" —nabej aeche', nejchaxoelam wut! Dios nejxasink, aton chaxduw wut nejchachaemlaxtat asew jiw. ⁸ Dios xajup chaxduiliajwa puexa xamal wewe'ppoxan. Samata, xamalliajwa puexa wewe'paxil. Japoxan wenamaeflaxaelbej kajachawaesliajwam jiw kijila. ⁹ Dios pejjamechan, chajia lelspx, jum-aech wut, jum-aechox:

"Aton pejew chaxduw wut kijila, Dios nejkiowaxil. Japon aton mosaxaes pachaempoxan.

Japoxan pomatkoichaliajwa. Japoxbej toepaxil" —aechox.

¹⁰ Dios is naebaechpa-uthanpi jiw muthaliajwa. Isbejpon pafupi jiw pelaliajwa. Dios kajachawaet wut, muthasi chiekal ti'sfulbej. Do jawux, ti't wut, pachaembej xaeliajwa. Jachiyaxaelbej, Dios xamal chaxduw wut puexa wewe'ppoxan. Samata, xajupaxaelambej kajachawaesliajwam asew jiw. ¹¹ Ja-aech wut, Dios xamal xabich chaxduiyaxael.

Samata, xamal xajupaxaelam asew jiw xabich chaxduiliajwam, japi wewe'pas wut. Xamal ofrenda owaxaelam xanal xalaeliajwan Jesús pejwujajan naexasitiliajwa, Jerusalén paklowaxpijiwliajwa. Japa-ofrenda japi chaxdutex wut, graciaschiyaxaelpi Diosliajwa.

¹² Asew, Jesús pejwujajan naexasiti, xamal kajachawaetam wut, kajachawaesaximil wewe'paspxankalliajwa. Kajachawaesaxaelambej japi jiw xabich graciaschiliajwapi Diosliajwa. ¹³ Jasoxtat ofrenda owam wut kajachawaesliajwam Jerusalén paklowaxpijiw, japi chiekal matabijaxael, diachwujnakolax xamal chiekal naexasitam Jesús pejwujajan. Japi jumchiyaxaelbej Diosliajwa: "Xam xabich pachaemam" —chiyaxaelpi, xamal ofrenda pin-iat owam xot japiliajwa, puexa asew, Jesús pejwujajan naexasitiliajwabej.

¹⁴ Samata, japi jiw Dios kawujanaxael xamalliajwa, xabich nejxasink xoti xamal. Ja-aech wut, japi pajut matabijaxael Dios xabich xamal kajachawaetpx. ¹⁵ Dios paxulan to'a ampathatasik tupaliajwa xatisliajwa. Japox xabich pachaem! Samata, xatis puexa graciastis Diosliajwa. Xatis japox chiekal chanaekabuanaliajwas tampoel.

10

Pablo xajuppxox tato'laliajwa Jesús pejwujajan naexasiti, japon apóstol xot

¹ Xan, Pablo, chiekal xamal jumchisian asaxan. Me-ama Jesús ampathatat chiekal jum-aech, xanbej jachisian xamalliajwa. Xamalxota-enil wut, asew jiw nabu'wujajanpaei wut, jum-aechi: "Pablo amxot duk wut, naknaewujajan wutbej, pejlewla wut, ja-aechon. Pelax atuj wuton, carta lel wut xatis naknaewujajnalialjwa, pejlewla-el wut, ja-aechon" —aech asew jiw, xanliajwa nabu'wujajanpaei wut. ² Xamal jum-an amwutjel kofaliajwam babijaxan isampoxan. Japoxan kofam wut, asamatkoi xamalxot patx wut, losaxinil. Xamalxot asew jiw jum-aech xanliajwa: "Pablo duka-el, me-ama naexasiti Jesús pejwujajan duil wut, jachi-elon. Japon duk, me-ama Jesús pejwujajan naexasis-eli duil wut, ja-aechon" —aech asew jiw xanliajwa. Jiw jum-aechpi japox xanliajwa, xan pa'ax wut, japi jiw losaxaelen. ³ Diachwujnakolax xanal chiekal jiwankal. Me-ama asew jiw, xanalbej, ja-an. Jesús pejwujajan naewujajna wut, me-ama, Satanás suapich, nabax. Pe nabe-enil kirixtat. Me-ama ampathatpijiw kirixtat naba, xanal jachi-enil. ⁴ Xanal, me-ama ampathatpijiw, naba wut espatadat, jachi-enilbej. Xanallax Dios nakajachawaet xot, xajupx Satanás malechaliajwan. Dios nakajachawaesful xotbej, toesaxaelen jiw natasalapoxan. ⁵ Dios nakajachawaesful xotbej, buxmalechaxaelen asew jiw pajutliajwa najum-aechpi: "Xanal kaes pejme pachaeman. Me-ama asew jiw, jachi-enil" —aechpi pajutliajwa. Japi jiw asax jum-aech, xan jiw naewujajna wut asew jiw matabijasamatapi Dios. Xan japi jiw buxmalechax wut, ja-an wut, asew jiw chiekal naexasisaxael Jesús pejwujajan. ⁶ Xamal chiekal naexasitam wut xanal to'axpox, ja-am wut, puexa, asew jiw, xanal naexasis-elpi, japi kastikaxaelen.

⁷ Xamal chiekal taenam jiw kabuan-aechpoxan. Pe diachwujnakolax xamal matabija-emil japi nejchaxoelpoxan, pejmatpumatantat ma-aechbejpi. Asew jiw xanal

nabü'wüajanpaei. Japi pajut jum-aech asew jiwliajwa: “Xanal nabistax Cristoliajwa” —aechi pajutliajwa. Japi jiwbej pajut matabijaxael, xanalbej nabistax Cristoliajwa. ⁸ Xamal nejchaxoelambej xanliajwa: “Pablo pomatkoicha nakchapaei Dios makafichpox apóstolliajwa” —ambej, xamal nejchaxoelam wüt xanliajwa. Diachwüajnakolax Cristo nato'a xamal naewüajnalijwan japon kaes chiekal xanaboejalijwam. Cristo nato'a-el tabejsliajwan xanaboejampox japonliajwa. Samata, xan tadala-el jiw jumchiliajwan: “Dios namakafitpox apóstolliajwan” —chiliajwan. ⁹ Xan nejxasinka-enil xamal nejchaxoelaliajwam xanliajwa: “Pablo xatis nakbeljasasia cartaxot lelpoxtat” —chiliajwam. Xan carta lela-enil asbuan jumch xamal japox nejchaxoelaliajwam beljasax. ¹⁰ Asew jiw xanliajwa nakaewa najum-aech asbuan jumch: “Pablo carta xato'a wüt xatisliajwa, xabich mamnik wüt, ja-aechon. Japacarta xabich tampoelbej xatis chiekal jummatajibaliajwas. Pelax Pablo xatisxot naknaewüajan wüt, mamnika-el wüt, ja-aechon. Chiekal naewüajna-elbejpon” —aech asew jiw nakaewa xanliajwa. ¹¹ Japi jiw, japox jum-aechpi xanliajwa, chiekal matabijaxael xan isaxaelenpox japiliajwa, xamalxot pa'ax wüt. Me-ama cartaxot lelxpox jum-aech, japoxlap pejme xan jachiyaxaelen japi jiwliajwa.

¹² Japilax nejchaxoel pajutliajwa: “Xatis kaes pejme pachaems. Me-ama asew jiw, jachi-esal” —aechi, nejchaxoel wüt. Japi pajut asew jiw chapaeibej, is wüt pachaempoxan, asew jiw sitaeliajwas. Japoxan chapaei wüt, japi, me-ama nejliakla wüt, ja-aechi. Samata, chapaeipoxan pachaema-el. Xanal nejxasinka-enil japox nejchaxoelaliajwan. ¹³ Dios xanal nato'a isliajwan japon pejbichax. Samata, Dios nato'alel xan jiw naewüajnax Jesús pejwüajan. Dios nato'abej xamal, Corinto paklowaxpijwam, naewüajnalijwan. Xamal chapaeix wüt xanal isxpoxan, kaes pejme asaxan chapae-enil xamal kaes nasitaeliajwam. Dios nato'apoxankal isliajwan, japoxankal xamal chapaeix. ¹⁴ Samata, xanal Dios nato'a xot, xamalxot patx wüt, naewüajnax chimiawüajan, Jesucristo pejwüajan. Xanallap matxoela naewüajnax japawüajan xamalxot, asew jiw naewüajna-el wütfuk. ¹⁵ Asew naexasit Jesús pejwüajan, asew jiw naewüajnas xot. Samata, japiliajwa xanal jumchi-enil: “Japi naexasit Jesús pejwüajan, xanal naewüajnax xot” —chi-enil. Xanal kaes naewüajnasian, xamal kaes Jesucristo xanaboejalijwam. Dios nato'apoxkal, japoxkal xanal nabichaxaelen. ¹⁶ Naewüajnax büxtoetx wüt xamalxotde, jawux, fulaeyaxaelen asapaklowaxan poxade, kaes pejme atüaj poxade. Jaxotan wüt, xanal naewüajnaxaelen Jesús pejwüajan. Xanal nejxasinka-enil naewüajnalijwan asew jiw wüajna chajia naewüajanxot.

¹⁷ Jiw chapaei wüt pajut ispoxanliajwa asew jiwliajwa, ja-aech wüt, chapaeiyaxaelbejpi Dios kajachawaechpox japoxan isliajwa. Ja-aech wüt, asew jiw jumtaens wüt, japi jiw sitaeyaxael Dios. Japi chapaeiyaxil pajut ispoxanliajwa asbuan jumch asew jiw sitaeliajwas. ¹⁸ Chinax kaen aton pajutliajwa jumchiyaxil: “Xan isxpoxan xabich pachaem” —chiyaxil pajutliajwa. Dios jum-aech wütlix japon atonliajwa: “Xam isampoxan xabich pachaem” —aech wüt, japox xabich pachaemaxael.

11

Pablo tasalapox apóstoles-elpi, patpi Corinto paklowaxxot

¹ Asew jiw pajut ispoxan chapaei, asbuan jumch asew jiw sitaeliajwas. Xanbej tajut isxpoxan xamal chapaeix wüt, jchiekal naewe'e! ² Jaso xamal jum-an, xamal xabich nejxasinkax xot. Me-ama xamal nejxasinkam Dios, xanbej ja-an, xamalliajwa. Nejxasinkax xamal nejxasinkaliajwam Cristo. Me-ama pawis nejxasink pamalkal, jxamalbej ja-amde, nejxasinkam wüt Cristo! ³ Chajiakolaxtat Eva naekichachajbas Satanás. Samata, xan xamalliajwa nejchaxoelx: “Satanás bej naekichachajbaxaesbejpi. Japi naekichachajbas wüt, kofaxaeli Cristo nejxasinkpox” —an, nejchaxoelx wüt xamalliajwa. ⁴ Asew jiw, xamalxot patpi, japi jiw pat naewüajnalijwa asawüajan, Satanás to'aspox. Japawüajan najüpa-el, Jesús pejwüajan süapich, xanal naewüajnaxpox. Japi xamal naewüajan wüt, chiekal naewetam. Xanal naewüajnaxpox Espíritu Santo nejmatpuatanxotaliajwa, japawüajanliajwa japi jiw naewüajan asawüajantat. Xanal naewüajnaxpoxbej,

chimiawuajan, Dios xamal bu'welijwa, japi japoxlijwa naewuajan wut, naewuajanbej asawuajantat. ⁵ Japi pat wut xamalxot, nejchaxoelam japi jiwlijwa: “Diachwuajnakolax ampi jiw kaes pejme pachaem, apóstoles xot” —am, nejchaxoelam wut. Japi pajutlijwa nejchaxoelbej: “Xatis kaes pejme pachaems. Me-ama asew jiw jachi-esal” —aechi, nejchaxoel wut pajutlijwa. Xanlax japox nejchaxoela-enil: “Japi kaes pejme pachaem. Me-ama xan, jachi-el” —chi-enil, nejchaxoelx wut japi jiwlijwa. ⁶ Xan tajut chiekal matabijtax. Jiw pejuwajnalel naksiyax wut, chiekal naewuajna-enil. Me-ama aton xabich matabijtpon naewuajan wut, xan jachi-enil. Pe nakiowa, xan tajut matabijtax, xamal chiekal chanaekabuanax. Samata, xamal chiekal matabijam naewuajnaproxan, chiekal naewuajna xot Jesús pejuwajan.

⁷ Xamal naewuajna xot wut Dios bu'welijwa xamal, mat-omwuljoe-enil. Ja-an wut, ¿xamallijwakat isx babijax? ¡El! Xan japox isx wut, is-enil babijax. Xan na-it-ele-el wut, nabistax tajut wuajsliajwan tejew. ⁸ Xamal naewuajna xot wut Jesús pejuwajan, asatuajnuchanpijw, Jesús pejuwajan naexasiti, japi plata naxto'a wuti xanlijwa, xan kifitx japaplata tejew wuajsliajwan. Ja-an wut, xan kaes xajux xamal naewuajnalijwan. ⁹ Xamalxotx wut, asax nawewe'p wut, xamal wuljoe-enil nachaxduiliajwam. Jesús pejuwajan naexasiti, Macedonia tuajnupijw, nachaxduw xan nawewe'ppoxanlijwa. Ja-an, xan dukx wut xamalxot taliasasamatan. Jachiyaxaelenbej, pejme xamalxotx wut. ¹⁰ Xan naexasitx diachwuajnakolax, Cristo pejuwajan. Samata, xan jum-anpox, diachwuajnakolax. Xan jum-an wut: “Acaya tuajnupijw mat-omwuljoe-enil, naewuajna xot wut Jesús pejuwajan” —an wut, kaen aton nabuxfiasaxil, japox jum-an wut. ¹¹ Asew jiw jum-aech xamal chiekal jumtaeliajwam xanlijwa: “Pablo xamal nejxasinka-el. Samata, nejew plata kifis-elon” —aechi. Japox diachwuajnakolaxa-el. Dios chiekal matabijtax xamal nejxasinkaprox.

¹² Pejme xan patx wut xamalxot naewuajnalijwan, xamal mat-omwuljoeyaxinil. Me-ama majt, jachiyaxaelen. Asew, xamalxot patpi, japi xamal mat-omwuljow, naewuajan wuti Jesús pejuwajan. Samata, japi jiw jumchiyaxil: “Xanal isx puexa, me-ama Pablo is” —chiyaxil japi jiw xanlijwa. ¹³ Japi diachwuajnakolax apóstoles-el. Xamal jum-aech wuti: “Xanal apóstoles” —aech wut, japi japox jum-aech xamal naekichachajbaliajwa. Japi xamalxot naewuajan wut, me-ama xanal, Cristo pejiwan wut, apóstoles, ja-aech japi jiw xamal naekichachajbaliajwa. Pe xanal tajjiwa-el japi jiw. ¹⁴ ¡Xamal nabej nejchaxoelanuile', apóstoles-elpi is wut, me-ama xanal apóstol, ja-an wut! Satanásbej xajux itliakaliajwa, me-ama Dios pej-ángeles, jachiliajwa jiw naekichachajbaliajwa. ¹⁵ Samata, Satanás pejiwbej xajux, me-ama jiw pachaempi wut, kakuanchiliajwa. Japi ja-aech xot, asamatkoi Dios xabich kastikaxaesi, babijaxan is xot.

Pablo xabich nabijatpox, apóstol xot

¹⁶ Xan pejme jum-an. ¡Xamal nabej nejchaxoele' xanlijwa: “¡Pablo na-acha, pajut ispoxan chapaei xoton!” —nabej aeche', nejchaxoelam wut! Xamal nakiowa xanlijwa jasox nejchaxoelam wut, natapaeyaxaelam xan jumchiliajwan tajut ispoxanlijwa, me-ama na-achax wut, jachiliajwan, japoxan jum-an wut. Asew, me-ama apóstoles, ja-aechi, pajut ispoxan chapaeipi xamal naekichachajbaliajwa, japi sitaeliajwam. Samata, xanbej tajut ispoxan chapaeiyaxaelen xamal nasitaeliajwam. ¹⁷ Tajpaklon nato'a-el xan tajut ispoxan xamal chapaeliajwan. Pe nakiowa, xan me-ama na-achanan, jasonan, tajut ispoxanlijwa xamal chapaeiyaxaelen xan nasitaeliajwam. ¹⁸ Xamalxot patpi pajut ispoxankal xamal chapaeipi. Japi buxdala-el chapaeliajwa japoxan xamalxot, japi chiekal xamal sitaeliajwam. Samata, xanbej tajut ispoxan chapaeiyaxaelen xamal chiekal xan nasitaeliajwam. ¹⁹ Xamal najut nejchaxoelam: “Xatis kaes pejme chiekal matabijas” —am, nejchaxoelam wut. Pe diachwuajnakolax xamal chiekal matabija-emil. Xamal nalala-el japiliajwa, japoxan chapaei wuti. Xamal chiekal naewetam na-acha, japi pat wut xamalxot naekichachajbaliajwa. ²⁰ Xamalxot patpi, japi jiw xamal tato'al. Samata, xamal, japi pamakam wut, ja-am. Japi jiw xamal naekichachajba nejew wenosliajwa.

Xamal naekichachajba wut, xamal nalala-el. Japi xamal mastaen wut, asaxan is wutbejpi, xamal nalala-el japiliajwa. ²¹ Xanallax jasox is-enil, xamalxotan wut.

Xamalxot patpi, pajut ispoxan chapaeipi xamal japi chiekal sitaeliajwam. Xanbej tajut isxpoxan chapaeyaxaelen xamal chiekal nasitaeliajwam, me-ama na-achan, jachiliajwan. ²² Japi pajut jum-aech xamal sitaeliajwam: “Xanal judfosan” —aechi. Xanbej, judfos-atonan. Japi pajut jum-aechbej: “Xanal israelitan, Dios pejjiwan” —aechi. Xanbej israelita-atonan, Dios pej-atonan. Japi pajut jum-aechbej: “Xanal Abraham pamojiwan” —aechbejpi. Xanbej Abraham pamonan. ²³ Japi pajut jum-aechbej: “Xanal Cristo pamakjiwan” —aechi. Xan kaes pejme Cristo pamaknan. Me-ama japi, jachi-enil. Japox tajutliajwa jum-an wut, me-ama na-achan, ja-an xamalliajwa. Xan xabich kaes pejme nabistax Cristoliajwa. Me-ama japi, jachi-enil. Ja-an wut, pin-iaveces asew jiw namatwuajselt. Me-ama japi jiw, xan jachi-enil. Jiw jebachantat asew jiw xan najia pin-iaveces. Me-ama japi jiw, xanbej jachi-enil. Pin-iaveces asew jiw mox pejnaboebesabej. ²⁴ Cinco veces judfos najaelt wut, nakastika. Do jawutbej, namatwuajselt treinta y nueve veces jiw xaselsmuatat. ²⁵ Pejme tres veces najaelt wut, naeyatat namatwua-jbe'bala. Kaeveces jiw ia'tat nadadap namatkaejabaliajwa. Tres veces barkamtat chafolx wut, chabu'lax. Kaeveces chabu'lax wut, kaematkoi chatuilx mintat. Kaemadoi mintat chanlianxbej. ²⁶ Xan xabich nanuamtax jiw naewuajnalijwan Jesus pejwuajan. Asamatkoi, chafolx wut minlel, xabich chachoel xanliajwa. Asamatkoi, putlel nanuamtax wut, xabich chachoelbej xanliajwa nawenatkowasamata nuamfatat. Asamatkoi xabich chachoelbej xanliajwa jiw tajtuajnuapijw babijax nawe-isasamata. Asamatkoi chachoelbej xanliajwa asatuajnuachanpijw babijax nawe-isasamata. Asamatkoiyan chachoelbej xanliajwa paklowaxanxotx wut, pajilaxxotx wutbej, marxotx wutbej. Asamatkoiyan xanliajwa chachoelbej, jiw naexasis-elpixotx wut Jesus pejwuajan. ²⁷ Asamatkoiyan xabich damlax, xabich nabistax xot. Asamatkoiyan moejs-enil madoi. Asamatkoiyan xan xabich litaxaelax. Xabich minsilabej. Asamatkoiyan piach naxae-enil. Asamatkoiyan xabich nabijatax, xabich thunk wut, nawewe'p xot naxoe.

²⁸ Xamal chapae-enil pejme kaes asaxan nabijataxpoxan. Amwutjelbej nabijatax, nejchaxoelx wut Jesus pejwuajan naexasitiliajwa, kaenanula paklowaxanxot duilpiliajwa. ²⁹ Jesus pejwuajan naexasiti mamnika-el wut Dios chiekal xanaboejapoxan, ja-aech wut, japi nejxaejwas wut, xanbej nanejxaejow japi jiwliajwa. Aton, Jesus pejwuajan naexasitpon, asew jiw naekichachajbas wut, japon babijax is wut, xanbej xabich nanejxaejow japon atonliajwa. Xabich talalabej japi jiwliajwa, naekichachajba xoti japon aton. ³⁰ Asan nabuxto'a wut asew jiw tajut jumchiliajwanpox, ja-aech wut, chapaeyaxaelen japi jiw pajut chiekal matabijaliajwa xan chiekal mamnika-enilpox. ³¹ Xatis Diosliajwa, Jesucristo pax, jumtis: “Dios, xam xabich pachaemam” —tis pomatkoicha. Japon chiekal matabijt xan jum-anpox diachwuajnakolax. ³² Damasco paklowax ia' chaxjajialspx, xabich pinjiyax. Xabich athubejpx. Japox xajajialspx pejfafachan jiw leliajwa japapaklowaxxot. Damasco paklowaxpijin, gobernador, japon makafich rey Aretas gobernadorliajwapon japapaklowaxxot. Xan pa'ax wut Damasco paklowaxxot, japon gobernador kito'a pejsoldaw xan najaelsliajwa. Jawut jum-aechon: “¡Paklowaxfafachan wesfulde, Pablo nakolt wut jaelsliajwam!” —aech gobernador pejsoldawliajwa. ³³ Ja-aech wut, naexasiti Jesus pejwuajan, pinjiyax canastotat nachakakofan ventana tathoetleldik, ia' xajajialsleldik. Ja-aech wut, xan wiax Damasco paklowaxxot.

12

Pablo chapaeipox masoxtat taenpoxliajwa wajpaklon Jesus

¹ Wajut isaspoxan asew jiw chapaeis wut japi jiw naksitaeliajwa, japox pachaemael wajutliajwa. Pe nakiowa, xamal chapaeyaxaelen xan masoxtat tajut taenpxox, xamal chiekal jumtaeliajwam wajpaklon Jesus natulaeltpox xanxot. Japon natulaelt xanxot chiekal tajut taeliajwan, xan isfulaliajwan japon nejxasinkpoxan. ²⁻³ Catorce waechanliso Dios nabu'folpox athu poxase, japon duk poxase. Xan naxtae-enil, nabu'fol

wut Dios. Jalape. Matabijs-enil, tathualnan nabu'fol wut, o, taj-aelkal bu'fol wut. Kaen Dios japox chiekal matabijt. ⁴ Xan chiekal matabijtax Dios nabu'folpox, japon duk poxase. Jaxochax wut, jumtaenx asew jiw majt jumtae-eljamechan. Dios natapae-el japox asew jiw chapaelialjwan. ⁵ Xan tajut chapaesian wut, japox chapaeyaxaelen asew jiw nasitaelialjwa, athu poxase nabu'folpox. Pe japox xan jiw chapaeyaxinil. Xanlax chapaeyaxaelen chiekal mamnika-enilpoxan. ⁶ Xan xabich chapaeyaxaelen wut Diosxotse taenxpoxan, me-ama na-acha-enil wut, jachiyaxaelen, diachwujnakolax xot japoxan. Pe japoxan chapaeyaxinil jiw nasitaesamata. Xan nejxasinkax jiw nasitaelialjwa Diosliajwa isxpox-anliajwa, asew jiw naewujnaxpoxanliajwabej. ⁷ Dios natapaei pomatkoicha tajbu't nawexaenkaliajwa, japoxtat nabijasliajwanbej. Ja-an wut, Satanás, me-ama pokcho-etat, na-e'atat, naxua'at wut, ja-aech tajbu't nawexaenkaliajwa. Jasox ja-aech, Dios natapaei xot xan nejchaxoelasamatan: “Dios na-itpaei pachaempoxan xan taeliajwan japonxotse. Samata, xan kaes pejme pachaeman. Me-ama asew jiw, jachi-enil” —chisamatan, tajut nejchaxoelx wut. ⁸ Xan tres veces wajpaklon Jesucristo kawujnax naboejthusliajwa japox waxae. ⁹ Pe naboejthus-elon. Jawut Jesucristo najum-aech: “Xam wewe'p tajnejxasiyaxkal. Xam boejthusaxinil puexa jiw matabijaliajwa xam chiekal mamnika-emilpox” —aech wajpaklon. Samata, xan chiekal nejchachaemlax, jiw pajut matabijaxael xot. Xan puexa chiekal isx, Cristo nakajachawaesful xot. ¹⁰ Chiekal mamnika-enil wut, nakiowa nejchachaemlax. Asew jiw jum-aech wutbej babejjamechan xanliajwa, Jesús pejuwajan naexasitx xot, xan nakiowa nejchachaemlax. Asaxan nawewe'p wutbej, xan nejchachaemlax. Asew jiw babijaxan is wutbej xanliajwa, naexasitx xot Jesús pejuwajan, xan nakiowa nejchachaemlax. Pachaema-el wutbej nabichliajwan Cristoliajwa, xan nakiowa nejchachaemlax. Jiw pajut taen wut xan mamnika-enilpox, ja-aech wut, japi pajut chiekal matabija, puexa xan japoxan isx Cristo pejkajachawaesaxtat.

Pablo xabich nejchaxoelpox Corinto paklowaxpijiwliajwa

¹¹ Xan chapaeix tajut isxpoxan. Me-ama na-achan pajut ispoxan chapaei wut, xan ja-an. Jasox chapaeix, xamal asew jiw chiekal chapae-emil xot xan isxpoxan. Xanlax pachaema-enil. Pe xan kaes pachaeman. Diachwujnakolax apóstoles-elpi, xamal naewetampi, xan jachi-enil. ¹² Xamalxot dukx wut, naewujnax pin-iamatkoian, Dios nato'a xot. Isxbej koechaxan. Samata, xamal najut chiekal matabijam, diachwujnakolax xan Cristo pej-apóstolan. ¹³ Xan dukx wut xamalxot, puexa chiekal isfulax xamalliajwa, me-ama asapaklowaxanpijiw, Jesús pejuwajan naexasitiliajwa, puexa chiekal isx. Ja-an wut, xan asax is-enil xamal taliasliajwan. Xamal wuljoe-enilbej nakajachawaesliajwam nawewe'ppoxanliajwa. Jasox ja-an wut, xamalliajwa chiekal pachaema-el wut, xan nabeltaem!

¹⁴ Xan thiltax xamal pejme taeliajwan. Amwut xamal taeyaxaelen wut, japoxtat tres vecesaxael taenxpox xamal. Pejme xamalxot pa'ax wut, xamal wuljoeyaxinil plata nakajachawaesliajwam. Me-ama majt wuljoe-enil plata, pejme xan jachiyaxaelen. Xan nejxasinka-enil nejew plata. Nejxasinkaxlax xamal chiekal naexasisliajwam Dios. Paxjiw chaxduw plata paxiliajwa. Paxi plata chaxdui-el paxjiw. Xamal, taxi wut, jam xanliajwa. Samata, plata xamal wuljoe-enil nachaxduiliajwam. ¹⁵ Xan nejchaxoelx xamalliajwa: “Corinto paklowaxpijiw wewe'pas wut kajachawaesax, puexa xan tejew toesaxaelen japi kajachawaesliajwan. Xan xajux wut, puexa isaxaelenbej japi kajachawaesliajwan” —an, nejchaxoelx wut xamalliajwa. Xamal kaes nejxasinkax wut, xamallax xan nanejxasinkampox toepaful.

¹⁶ Xamalxotx wut, xan asaxan nawewe'p wut, xamal wuljoe-enil. Pe nakiowa, asew jiw nakaewa najum-aech xanliajwa: “Pablo xatis naknaekichachajba plata nakwenosliajwa” —na-aechi nakaewa xanliajwa. ¹⁷ ¿Xamalkat nejchaxoelam xanliajwa: “Pablo to'api xatisleldin, kaen japixot plata not Pabloliajwapi” —amkat xamal xanliajwa, nejchaxoelam wut? Japox nejchaxoelam wut, diachwujnakolaxa-el. ¹⁸ Tito to'ax wut xamal taeliajwa, jawut asan, Jesús pejuwajan naexasitpon, to'axbej fulaeliajwa, Tito suapich.

Japamatkoi, ¿Titokat xamal naekichachajba? ¡Japon naekichachajba-el! Xan, Tito suapich, chiekal kaenejchaxoelaxan. Samata, Titobej xamal wuljoeyaxil plata.

¹⁹ Xamal xanliajwa nejchaxoelambej: “Pablo puexa japoxan pajut pijaxtat nakjum-aechbej xatis tasala-elaliajwas” —ambej, nejchaxoelam wut xanliajwa. ¡El! Japoxliajwa xan jumchi-enil. Xan puexa jum-an, Cristo nejxasinkpoxan, Dios nejchachaemlaliajwa. Xamal nejxasinkax. Samata, puexa japoxan jum-an xamal kajachawaesliajwan, kaes Dios chiekal xanaboejalijwam. ²⁰ Xan xabich nejchaxoelx xamalliajwa, ma-am xamal amwutjel, duilam wut. Chiekal bej duila-emilbej, me-ama xan nejxasinkax xamal duilaliajwam. Xamal nakaewa bej nalotambej. Bej nusasiowlambej. Nalala wut, xabich piach bej nalalabej. Kaenanula xabich bej nejchaxoelambej nejewkalliajwa. Puexa xamal bej jum-ambej babejjamechan asew jiwliajwa. Xamal asew jiw maliach bej bu'wujajanpaeyambej. Bej nejchaxoelambej: “Xatis kaes pejme pachaems. Me-ama asew jiw, jachi-esal” —bej ambej, nejchaxoelam wut. Xamal duilam wut, chiekal bej duila-emilbej. Samata, xamal bej nasaladuilambej. Ja-amsfulam wut, xamalxot patx wut, xan xabich talalaxael japoxanliajwa. Samata, xamal xabich losaxaelen. ²¹ Samata, xan tadalaxael Diosliajwa, xamal amwutjel babijaxan isam xot. Samata, amwutjel xabich nejchaxoelx xamalliajwa. Asew jiw xamalxot chajiakolaxtat babijaxan is. Amwutjelbej asew xamalxot nakiowa japoxan babijaxan isfulfuk. Asew watho' bu'moejtbejpi. Kaes asaxan babijaxan isfulbejpi, japi jiw padaeyax wejisal xot. Xamalxot patx wut, japi jiw isful wut babijaxan, xan noeyaxaelen japoxanliajwa, xabich nanejxaejwaxael xot.

13

Pablo kitoesaxaelpox carta lelax Corinto paklowaxpijiwliajwa

¹ Amwut, xamal taeyaxaelen wut, ampoxtat tres veces wulxael. Dios pejjamechan, chajia lelspox, jum-aech wut, jum-aechox babijaxan ispiliajwa: “Kaen aton babijax is wut asew jiwliajwa, japi jiw tasala wuti japon aton kastikaliajwas, japi jiw buflaeyaxael kolenje, o, tres aton, chiekal taenpikal, japon aton babijax is wut” —aechox. ² Majt asaviaje wut, xamalxot pa'ax wut, asew jiw fiatx babijaxan ispoxan kofaliajwa, japi bu'wujajanjilaliajwa Diosliajwa. Xamalxot asew jiw naewuajnaxbej babijaxan isasamata. Amwutjel, atuajan wut, xamal pejme fiatx babijaxan isasamatam. Pejme xamal taenx wut, nakiowa babijaxan isfulam wut, ja-amsfulam wut, xamal beltaeyaxinil. ³ Jasoxtat xamal kastikaxaelen chiekal matabijaliajwam xan diachwujanakolax Cristo nabuxto'aponan. Cristo mamnika-ele-el. Pe xamal kajachawaet wuton, ja-aech wut, xamal chiekal matabijam japon pejpamamax. ⁴ ¡Diach japox ja-aechdo"! Cristo, me-ama mamnika-el wut, ja-aechon, cruztat kimatamatlas wut, tup wutbejpon. Pe Dios mat-echpon pejme dukaliajwa. Me-ama Cristo mamnika-el wut, ja-anbej xanal apóstoles. Xanal tajut mamnika-enil. Xanal, Cristo suapich, kaemutan. Samata, chiekal duilafulax xamal kajachawaesliajwan, Dios nakajachawaesful xot.

⁵ ¡Xamal najut chiekal nejchaxoelde, diachwujanakolax xamal chiekal naexasitam wut Cristo pejuwajan, o, chiekal naexasis-emil wutfuk! Ja-am wut, diachwujanakolax najut chiekal matabijaxaelam, ma-am xamal, Cristo pejuwajan naexasitam wut. ⁶ Xan nejchaxoelx xamalliajwa: “Corinto paklowaxpijiw chiekal nejchaxoel wut, ja-aech wut, japi pajut chiekal matabijaxael diachwujanakolax apóstolanponanpox” —an, nejchaxoelx wut xamalliajwa. ⁷ Xanal Dios kawujajnax xamal babijaxan isasamatam. Nejchaxoela-enil xamalliajwa: “Corinto paklowaxpijiw chiekal duil wut, diachwujanakolax puexa jiw chiekal nakmatabijaxael xatis Cristo pejiwspis” —chi-enil, nejchaxoelx wut. Jasox nejchaxoela-enil. Xanal nejxasinkax xamal isliajwam pachaempoxankal. Jiw xanliajwa jumchiyaxael wut: “Pablo pachaema-el apóstolliajwa” —chiyaxael wuti, xan nejchaxoelaxinil japoxliajwa. ⁸ Pe xan asbuan jumch xamal chanaekabuanaxaelen Jesús pejuwajan, diachwujanakolaxpox, jiw naexasisliajwa. Xan asax jumchiyaxinil jiw itsalsasamatan japi naexasisliajwa japawujajan. ⁹ Samata, xanal nejchachaemlax, asew jiw najum-aech wut xanalliajwa: “Japi, Jesús pejuwajan chanaekabuanapi, mamnika-el wut, ja-aechi”

—aech wut asew jiw xanalliajwa. Xanallax nejxasinkax Dios xanaboejampox chiekal mamnikaliajwa. Xanal Dios kawuajnafulax xamal kaes chiekal Dios xanaboejaliajwam.

¹⁰ Xan ampox carta lelx xamal poxade xato'aliajwan kofaliajwam babijaxan isampoxan tajpasax wuajna. Ja-am wut, xamal losaxinil. Dios nato'a xamal tataeflaliajwan. Samata, xamalxot pa'ax wut, xan nejchachaemlaxinil xamal losliajwan. Xanlax nejxasinkax xamal kajachawaesliajwan, kaes chiekal Dios xanaboejaliajwam.

¹¹ Takoew, ampox carta kitoesliajwan wut, lelaxaelen ampoxan. Xan nejxasinkax xamal nejchachaemlaliajwam. Nejxasinkaxbej nejchaxoelaliajwam isliajwam pachaempoxan. Nejxasinkaxbej naewesliajwam naewuajna xapox, xamal chiekal nejchachaemlaliajwam. Nejxasinkaxbej kaenejchaxoelaxliajwam chiekal duilaliajwam. Ja-am wut, Dios naknejxasinkpon, nakkajachawaetponbej chiekal duilaliajwas, asew jiw suapich, japon xamalxotaxael. ¹² Xamal, Jesús pejwuajan naexasitampim, natamejlam wut, ;chiekal nakaewa nasaludam! ¹³ Puexa jiw, naexasiti Jesús pejwuajan, saludos xato'a xamalliajwa.

¹⁴ Xan Dios kawuajnax wajpaklon Jesucristo xamal kajachawaesliajwa. Dios kawuajnaxbej xamal asew jiw nejxasinkaliajwam, me-ama Dios xamal nejxasink, jachiliajwambej xamal. Dios kawuajnaxbej Espiritu Santo pomatkoicha puexa xamalxotaliajwapon.

Pablo lelpox carta Galacia tɯajnpɯijwliajwa

Pablo lelpox carta Galacia tɯajnpɯijwliajwa, Jesús pejwɯajan naexasitiliajwa

¹ Xan, Pablo, Jesucristo namakafit apóstolliajwan potɯajnpɯa jiw naewɯajnalialiajwan japon pejwɯajan. Jesús tɯp wɯt, pax Dios mat-echpon pejme dukaliajwa. Do jawɯt, Dios xan namakafitbej apóstolliajwan. Jiw nato'a-el. Japi jiw xan namakafisel naewɯajnalialiajwan Jesús pejwɯajan. ² Lelx ampox carta xamal, Jesús pejwɯajan naexasitampimliajwa, Galacia tɯajnpɯijwamliajwa. Puexa xanxotpi, naexasiti Jesús pejwɯajan, japi, xan sɯapich, saludos xato'a xamalliajwa. ³ Xan kawɯajnax waj-ax Dios, wajpaklon Jesucristobej, xamal kajachawaesliajwapi, chiekal duilialiajwam, asew jiw sɯapich. ⁴ Waj-ax Dios, japon to'a Jesucristo pajut natapaeliajwa asajiw boesaliajwas, nakwemosliajwa xatis babijaxan isaspoxanliajwa. Samata, Dios nakkajachawaesaxael Jesús pijaxtat babijaxan isasamatas, me-ama asew jiw babijaxan isful ampamatkoiyantat, jachisamatas xatis. ⁵ Samata, xatis pomatkoicha jumchiyaxaes Diosliajwa: “¡Xam xabich pachaemam!” —chiyaxaes. ¡Jasox nej ja-aech' Diosliajwa!

Kaes asawɯajan ajilpox, me-ama Jesús pejwɯajan Dios jiw bu'weliajwa

⁶ Dios xamal nejxasink xot, tadut bu'weliajwa. Samata, xamal naexasitam Jesús pejwɯajan. Do jawɯx, piacha-el wɯt, wɯltaenx xamal kofasiampox naexasitampox Jesús pejwɯajan. Samata, amwɯtjel xan xabich nejchaxoelx xamalliajwa, asawɯajan asbɯan jumch naexasisasiam xot. ⁷ Diachwɯajnakolax xan jum-an. Jiw chiekal naexasit wɯt Jesús pejwɯajan, ja-aech wɯt, Dios bu'weyaxaesi. Kaes asawɯajan ajil, me-ama japawɯajan Dios bu'weliajwa jiw. Asew jiw pat xamalxot naewɯajnalialiajwa asawɯajan, xamal naexasisfula-elaliajwam majt xan naewɯajnaxpox, kaonejchaxoelaxa-elaliajwam, xanal sɯapich. Japi jiw asaxantat xaliaxasiapi chimiawɯajan, Jesús pejwɯajan, Jesús ispoxanliajwa. ⁸ Xanal naewɯajnax chimiawɯajan, Jesús pejwɯajan. Japawɯajan naexasitam wɯt, Dios xamal bu'weyaxael. Xanal xaliaxaxinil Jesús pejwɯajan. Kaen ángel pask wɯt, japonbej xaliaxaxil japawɯajan. Asew jiwbej japawɯajan xaliaxaxil. Asan aton asawɯajan naewɯajan wɯt, Jesús pejwɯajana-elpox, japon aton Dios xabich kastikaxaes pomatkoicha infiernoxotdik. ⁹ Majt jum-anpox pejme xamal jumchiyaxaelen. Xamalxot asan aton naewɯajan wɯt asawɯajan, Cristo pejwɯajna-el wɯt, xamal majt naexasitamwɯajna-el wɯt, ¡Dios xabich kastikaxaes japon aton pomatkoicha infiernoxotdik!

¹⁰ Jiw naewɯajnax wɯt Jesús pejwɯajan, naewɯajna-enil jiw asbɯan jumch nejchachaemlialiajwa xanliajwa. Xan naewɯajnax japawɯajan Dios nejchachaemlialiajwa xanliajwa. Naewɯajnaxaelen wɯt asawɯajan, Cristo pejwɯajna-elpox jiwkal nejchachaemlialiajwa xanliajwa, jachiyaxaelen wɯt, kaes Cristo pamaknaxinil.

Pablo Dios makafichpox apóstolliajwa

¹¹ Takoew, xan nejxasinkax xamal chiekal matabijaliajwam, Dios bu'weyaxaelpox Jesús pejwɯajan naexasiti. Xan jiw naewɯajnaxpox, Jesús pejwɯajan, japawɯajan jiw pajut faena-el. ¹² Jesucristo pejwɯajan majt chinax kaen aton nachapae-el xan matabijsliajwan. Jesucristo xan natapaei matabijsliajwan japon pejwɯajan.

¹³ Xamal nawɯltaenam, ma-an xan majt naexasitx wɯt Moisés chajia lelpox. Me-ama asew judíos, xanbej ja-an. Xamal nawɯltaenam, ma-an xan, chakinanɯamtax wɯt Jesús pejwɯajan naexasiti, jaelaliajwan wɯt. Japi jiw chinax beltae-enil. Ja-an xan japi jiw chiekal toesliajwanlach. ¹⁴ Moisés chajia lelpox naexasitx wɯt, xan xabich kaes pejme xentax japoxliajwa. Me-ama asew judíos, kaewɯtje najɯpati'taxpi, xan jachi-enil. Xan, me-ama tajwɯajnapijiw, ja-an japoxliajwa. ¹⁵ Xan nalaels-enil wɯtɯuk, Dios nabeltaen xot, namakafit japon pijax bichax nabichliajwan. ¹⁶ Samata, baxael, Dios pijaxtat chiekal matabijtax Jesús, Dios paxɯlanpon, xan naewɯajnalialiajwan japon pejwɯajan judíos-elpi,

japibej Dios bu'welíajwas. Jesús pejuwajan matabijtax wut, xan fulae-enilde chinax kaen aton poxade wuajnaemslíajwan. Jumchi-enil: “¿Machiyaxaelenkat xan?” —chi-enil. ¹⁷ Fulae-enilbej Jerusalén paklowax poxade taelíajwan apóstoles wuajnaemslíajwan. Japi matxoela-apóstolespi, xan apóstola-enil wutfuk. Xanlax fulaechx Arabia tuajnu poxade. Do jawux, Arabia tuajnu xotx wut, baxael, Damasco paklowaxxot nawia'nax.

¹⁸ Nawia'nax wut, xan dukx tres waechan Damasco paklowaxxot. Do jawux, xan fulaechx Jerusalén paklowax poxade Pedro taelíajwan, japon apóstolpon, xan matabi-jslíajwan. Japonxotx kolesemana. ¹⁹ Jerusalén paklowaxxot kaes asew apóstoles taenil. Kaen Santiago taenx, japon wajpaklon Jesús pakoewan. ²⁰ Xan lelxpox Dios chiekal matabij, diachwuajnakolaxpox.

²¹ Do baxael, Jerusalén paklowaxxot chijian wut, fulaechx Siria tuajnu poxade, Cilicia tuajnu poxadebej. ²² Japamatkoitat Judea tuajnu pijiw, Jesús pejuwajan naexasiti, japi xan chiekal namatabija-elfuki. ²³ Judea tuajnu pijiw jumtaen asew jiw jum-aechpox xanlíajwa: “Pablo, japon majt nakchakinanumt xabich naktoeslíajwa, Jesús pejuwajan naexasich xot, amwutjel japonbej Jesús pejuwajan naexasit. Japon asew jiw naewuajnafulbej Jesús pejuwajan japi jiw naexasislíajwa japawuajan” —aech japi jiw xanlíajwa. ²⁴ Samata, Judea tuajnu pijiw, naexasiti Jesús pejuwajan, japi Dios kawuajan wut xanlíajwa, jum-aechi: “Dios, ¡xam xabich mamnikam! ¡Xam nijaxtat Pablo naexasit naxulan Jesús pejuwajan!” —aechi, Dios kawuajan wut xanlíajwa.

2

Asew, apóstoles, chiekal bu'kulapox Pablo

¹ Catorce waechanwux, xan pejme kaxa fulaechx Jerusalén paklowax poxade. Jawut xan fulaechx, Bernabé suapich. Bu'folxbej Tito. ² Xan fulaechx Jerusalén paklowax poxade, Dios nato'a xot. Jerusalén paklowax patx wut, natameja Jesús pejuwajan naexasiti, japi paklochow. Do jawut, paklochow chiekal chanaekabuanax judíos-elpi naewuajna xpox. Xan ja-an paklochow jumchisamata xanlíajwa: “Pablo naewuajanpox, chimiawuajan, Jesús pejuwajan, judíos-elpi naexasislíajwa, japox chiekal pachaema-el” —chisamata paklochow xanlíajwa. ³ Paklochow jumtaen wut judíos-elpi naewuajna xpox, japi paklochow xabich nejchachaemil. Tito, tajnachalanpon, japon judíos-atona-el. Pe paklochow jumchi-esal japonlíajwa: “¡Titobej nej circuncidas Dios pejmarkaxlíajwa, chiekal naexasislíajwa Moisés chajia lelpox!” —chi-esal Titolíajwa. ⁴ Asew judíosxot, me-ama Jesús pejuwajan naexasit wut, ja-aechi. Japi xanalxot pat asbuan jumch naeweslíajwa, natasalalíajwabejpi, chiekal naexasis-enil xot puexa Moisés chajia lelpox, xanal amwutjel chiekal naexasitx xot Jesús pejuwajan. Japi jiw xanal nato'a pejme naexasislíajwan puexa Moisés chajia lelpox. ⁵ Japi xanal nato'apox naexasis-enil. Samata, xanal to'a-enil xamal naexasislíajwam Moisés chajia lelpox. Xamallis chimiawuajan, Jesús pejuwajan, naexasitam pejme pachaemalíajwam Dioslíajwa. Japawuajan diach chiekal wuajnakolax. Samata, xanal nejxasinka-enil japawuajan xaliaxalíajwan.

⁶ Jesús pejuwajan naexasiti, paklochow, chapaeix wut xan naewuajna xpoxan judíos-elpilíajwa, japi paklochow xan najumchi-el: “Japi jiw naewuajnam wut Jesús pejuwajan, xam wewe'pfuk kaes asax japi chiekal naewuajnalíajwam” —nachi-el paklochow. Xan nejchaxoela-enil paklochow nejchaxoelpoxanlíajwa, puexa xatis chiekal najups xot Dioslíajwa. ⁷ Japi paklochow nakaewa najum-aech xanlíajwa: “Diachwuajnakolax Pablo Dios to'as naewuajnalíajwa judíos-elpi, Dios bu'welíajwasbej japi jiw. Me-ama Pedro Dios to'as naewuajnalíajwapon judíos, jatisbej Pablo” —aech paklochow nakaewa xanlíajwa. ⁸ Pedro Dios makafich apóstollíajwa, japon naewuajnalíajwa judíos. Xanbej Dios namakafit apóstollíajwan naewuajnalíajwan judíos-elpi.

⁹ Samata, Santiago, Pedro suapich, Juanbej, japi paklochow Jerusalén paklowaxxot naexasitpíajwa Jesús pejuwajan, japi pajut chiekal matabija Dios xan namakafitpox naewuajnalíajwan judíos-elpi. Samata, japi xanal chiekal nakijacha, kaenejchaxoelax xoti, xan, Bernabé suapich, naewuajnalíajwan judíos-elpi Jesús pejuwajan. Santiago,

Pedro sʉapich, Juanbej, japilax naewʉajnaexael judíoskal Jesús pejwʉajan. ¹⁰ Japi paklochow asbʉan jʉmch nato'a xanal nejkiowasamatan kijila kajachawaesfulaxpox. Pelis xanal kajachawaesfulax kijila.

Pablo lotpox Pedro Antioquía paklowaxxot

¹¹ Pedro Antioquía paklowaxxot wʉt, xan jiw pejwʉajnalel japon chiekal jʉm-an, is xoton isaxilpox. ¹² Pedro majt naxael, judíos-elpi sʉapich, koft xoton wajwʉajnapijiw fiatpox. Samata, Pedro nejmach jixaelpon, judíos-elpi sʉapich, japi naexasiti Jesús pejwʉajan. Pe Santiago pejiw pasax taen wʉton Antioquía paklowaxxot, Pedro japi wʉajna nakolt judíos-elpixot. Nakoftbejpon, japi sʉapich, naxaelpox. Ja-aech Pedro, pejlewla xot Santiago pejiwliajwa. Santiago pejiw jʉm-aech: “¡Judíos-elpi, naexasiti Jesús pejwʉajan, japi nej circuncidas, me-ama xatis judíos, jachiliajwa!” —aech Santiago pejiw. ¹³ Asew judíos, naexasiti Jesús pejwʉajan, Pedro nakolsax taen wʉt, japibej nakola judíos-elpi pejbaxot. Bernabébej nakolt jaxot. ¹⁴ Xan japi taenx wʉt naexasis-elpox Jesús pejwʉajan to'apox, jawʉt xan puexa jiw pejwʉajnalel, jʉm-an chiekal Pedroliajwa: “Xam Pedro, diachwʉajnakolax chiekal judíos-atonam. Pe xam, judíos-atona-emil wʉt, ja-am. Ja-am wʉt, ¿ma-aech xotkat to'asiam judíos-elpi duilaliajwa, me-ama xatis judíos?” —an Pedroliajwa.

Judíos, judíos-elpibej, naexasit wʉt Jesús pejwʉajan, japi Dios bu'weyaxaesopx

¹⁵ Xanal diachwʉajnakolax judíosjiwan, taj-axjiw judíosjiw xot. Samata, xanal chiekal matabijax Moisés chajia lelpox. Me-ama judíos-elpi, matabija-el Moisés chajia lelpox, xanal judíosnanpin jachi-enil japoxliajwa. ¹⁶ Xanal chiekal matabijax, Moisés chajia lelpox chiekal naexasisaxinil chiekal pachaemaliajwan Diosliajwa. Pelax Jesucristo pejwʉajan naexasitx wʉt, ja-an wʉt, chiekal bu'wʉajanjilaxaelen Diosliajwa. Samata, xanal naexasitx Jesucristo pejwʉajan Dios nabu'weliajwa. Samata, xanal bu'wʉajanjinil Diosliajwa. Bu'wʉajanjila-enil Diosliajwa, naexasitx xot Moisés chajia lelpox. Chinax kaen aton puexa chiekal naexasisaxil Moisés chajia lelpox bu'wʉajanjilaliajwa Diosliajwa.

¹⁷ Amwʉtjel xanal Jesucristo pejwʉajan naexasitx Dios nabu'weliajwa. Ja-an wʉt, asew judíos najʉmchiyaxael xanalliajwa: “Xamal babijaxan isam, kaes naexasis-emil xot Moisés chajia lelpox” —chiyaxaeli xanalliajwa. Xanal Jesús pejwʉajan naexasitx wʉt, ¿xanalkat isx babijax, kaes naexasis-enil wʉt Moisés chajia lelpox? ¡Diachwʉajnakolax xanal is-enil babijax! ¹⁸ Xan jiw jʉm-an wʉt: “Moisés chajia lelpox nakwewe'pa-el naexasisliajwas” —an wʉt, do jawʉx, pejme jiw to'ax wʉt naexasisliajwapi Moisés chajia lelpox, xan ja-an wʉt, tajbu'wʉajnaexaelen Diosliajwa. ¹⁹ Xan chiekal matabijtax wʉt Moisés chajia lelpox, jawʉt tajut matabijtaxbej chiekal naexasisaxinilpox japoxan. Samata, xan koftax naexasitx pox Moisés chajia lelpox Diosliajwa chiekal pachaemaliajwan. Amwʉtjel naexasitx Jesús pejwʉajan. Samata, chiekal pachaemx Diosliajwa. Cristo tʉp wʉt cruztat, jawʉtbej, xan, me-ama tʉpx cruztat, Cristo sʉapich, ja-an Diosliajwa. ²⁰ Amwʉtjel, xan dukx wʉt, nejchaxoela-enil tajut isasianpoxan isfulaliajwan. Amwʉtjel, dukx wʉt, Dios paxʉlan chiekal xanaboejsfulax japon nakajachawaesfulaliajwa. Japon nanejxasink xot, pajut natapaei asajiw boesaliajwas, tʉpaliajwapon xanliajwa. ²¹ Xan nejwesla-el Dios nanejxasinkpox. Jiw chiekal naexasisaxael wʉt Moisés chajia lelpox japi jiw chiekal pachaemaliajwa Diosliajwa, ja-aech wʉt, Cristo tʉppox masox chiekal namanaxael.

3

Amxot jʉm-aechpox Moisés chajia lelpoxliajwa, Abraham chiekal Dios xanaboejtpoxliajwabej

¹ Xamal, Galacia tʉajnapijwam, ¡nejliaklawam! ¿Ma-aech xotkat tapaeiam asew jiw xamal naekichachajbaliajwa kofaliajwam naexasitampox, diachwʉajnakolaxpox? Chajia xamalxotx wʉt, chiekal naewʉajnaexael Jesús cruztat kimatamatlaspox. ¿Xamalkatlis

japox chiekal nejkiowam? ² ¿Xamal ampox, wuajnaemsaaxaelenpox, chiekal najumno'e! ¿Xamalkat nejmatpuatantat Espíritu Santo, naexasitam wut Moisés chajia lelpox? ¿El! Espíritu Santo nejmatpuatantat, xamal naexasitam xot Jesús pejwuajan. ³ Diachwuajnakolax xamal nejnejchaxoelaxan pawe-ajil. Tuaduwwam wut naexasitampox Jesús pejwuajan, Espíritu Santo xamal kajachawaet. Amwutjel xamal nejchaxoelam najut nijaxtat duilaliajwam Cristoliajwa, hasta tupam wut. ⁴ Xamal majt nabijatam, asex jiw babijaxan is wut xamalliajwa, Jesús pejwuajan naexasitam xot. Ma amwut, kofam wut Jesús pejwuajan naexasitampox, ja-am wut, majt chajia nabijatampox, naexasitam wut Jesús pejwuajan, japox omjilaxael xamalliajwa. ⁵ Dios to'ak Espíritu Santo xamal nejmatpuatanxotaliajwa. Dios isbej koechaxan xamalxot. ¿Ma-aech xotkat Dios japoxan is xamalliajwa? Dios is japoxan, xamal Jesús pejwuajan chiekal naexasitam xot. Japoxan is-elpon, xamal naexasitam xot Moisés chajia lelpox.

⁶ Abraham chiekal naexasit Dios jumtisipox japonliajwa. Samata, Abraham chiekal pachaempon Diosliajwa. ⁷ Samata, ¿xamal chiekal matabijam! Abraham pamojiwkola, japilap chiekal Dios xanaboejapi. ⁸ Dios pejjamechan, chajia lelpox, jum-aech wut, jum-aechox judíos-elpiliajwa. Japibej chiekal Dios xanaboeja wut, babijaxan ispoxan wejilaxaespi. Japox chimiawuajanliajwa Dios jum-aech Abrahamliajwa: “Potuajnuhanpijiw xan kajachawaesaxaelen xam nijaxtat” —aech Dios Abrahamliajwa. ⁹ Samata, Dios kajachawaesaxael puexa jiw, japi chiekal Dios xanaboejapi, me-ama chajiakolaxtat Dios kajachawaet Abraham, japon xanaboejt wut Dios.

¹⁰ Aton pajut nejchaxoel wut, jum-aech wuton: “Diachwuajnakolax xan Dios nabu'weyaxael, Moisés chajia lelpox naexasitx xot” —aech wuton, japon aton Dios kastikaxaes, chiekal puexa naexasis-el xoton Moisés chajia lelpox. Japon aton japox wejachiyaxaes, Dios pejjamechan, chajia lelpox, jum-aech wut, jum-aech xot: “Aton chiekal naexasis-el wut puexa Moisés chajia lelpox, japon aton Dios kastikaxaes” —aech xot Dios pejjamechan. ¹¹ Samata, xatis chiekal matabijas. Diachwuajnakolax aton mason namanaxil bu'wuajanxilaxtat Diosliajwa, puexa chiekal naexasis-el wuton Moisés chajia lelpox. Dios pejjamechan, chajia lelpox, jum-aech wut, jum-aechox: “Jiw chiekal xanaboeja wut Dios, ja-aech wut, japi jiw bu'wuajanxilaxael Diosliajwa. Samata, japi jiw pomatkoicha duilaxael Diosxotse” —aech Dios pejjamechan, chajia lelpox. ¹² Jiw nejchaxoeli naexasisliajwa Moisés chajia lelpox, japi jiw xanaboeja-el Dios bu'welijaes. Dios pejjamechan, chajia lelpox, jum-aech wut, jum-aechox: “Jiw chiekal pachaemasiapi Diosliajwa, naexasit xoti Moisés chajia lelpox, japi jiw chiekal naexasisaxael puexa Moisés chajia lelpox” —aech Dios pejjamechan, chajia lelpox.

¹³ Moisés chajia lelpox puexa xatis chiekal naexasis-esal xot, Dios puexa xatis nakkastikaxael. Pe ja-aech wut, Cristo cruztat tup xatisliajwa. Jawut nakwemoton xatis babijaxan isaspoxanliajwa Dios nakkastikasamata. Dios pejjamechan, chajia lelpox, jum-aech wut, jum-aechox: “Aton naetat duch tupaliajwa, Dios kastikas xot” —aechox. ¹⁴ Cristo tup xatis nakbu'welijaes. Samata, Dios kajachawaesaxael judíos-elpibej, me-ama Dios jum-aech Abrahamliajwa. Dios jum-aech xatis Jesús pejwuajan naexasichpisliajwa, Espíritu Santo nakchalaliajwa, nakkajachawaesliajwabej.

Amxot jum-aechpox Moisés chajia lelpoxliajwa, Dios chajia jumdutpoxbej Abrahamliajwa

¹⁵ Takoew, xamal ampox jumchiyaxaelen. Kaen aton jumdut wut nabichliajwa contrato asan atonliajwa, jaxot lelon isliajwapoxan contratofutat. Do jawut, contratofutat pejwul lelon. Pejwul lel wut, kaes asax pejme isliajwa lelaxilon. Japon aton chiekal toesaxael japox bichax, me-ama contratofutat jum-aech. ¹⁶ Dios jumdutpox Abrahamliajwa, kaen Abraham pamonliajwabej. Dios jumdutpox, japox, me-ama contrato wut, ja-aechox Diosliajwa. Dios japox jumdut wut, jumdut-elon puexa Abraham pamojiwliajwa. Dios japox jumdut kaen Abraham pamonliajwa, japon Cristoliajwa. ¹⁷ Xan jum-anpox xamal chiekal chanaekabuanaaxaelen. Chajiakolaxtat Dios jum-aech Abrahamliajwa

asamatkoi jachiyaxaelpoxliajwa. Dios japox jum-aech wut, do jawux, cuatrocientos treinta waechan toep wut, japamatkoiyan Dios kito'a Moisés lelaliajwa Dios jum-aechpoxan Abraham pamojiwliajwa, japi israelitasliajwa, japox naexasisfulaliajwapi. Ja-aech wut, Dios jumdutpox Abrahamliajwa amwutjel nakiowa ja-aechfukox. Japox toepa-elfuk. Asamatkoi, Dios jum-aechpox diachwujnakolax chiekal jachiyaxael. ¹⁸ Dios jumdutpox Abrahamliajwa, japox malech Dios kajachawaesliajwa Abrahamliajwa. Japox diachwujnakolax jachiyaxael asamatkoi, Dios malech nakkajachawaesaxael wut xatis. Pelax Moisés chajia lelpox naexasisaxaes wut, Dios jumtusaxil malech nakkajachawaesaxaelpoxliajwa.

¹⁹ ¿Ma-aech xotkat pachaem Moisés chajia lelpox? Dios chaxdut pejtato'laxan puexa jiw pajut chiekal matabijaliajwa, is wut babijaxan. Moisés chajia lelpox fiat jiw babijaxan isasamata. Moisés lelpox, jiw chiekal naexasisfulaliajwa, hasta Abraham pamon pask wut. Pasaxaelpon, japon Cristo, Dios to'aspon. Dios pajut kito'a-el Moisés japox lelaliajwa. Dios to'alax pej-ángeles japi jumchiliajwa Moisés. Do jawux, Moisés jum-aech israelitasliajwa ángeles jum-aechpox japonliajwa. Lelbejpon japox. ²⁰ Dios jumdut wut isaxaelpox Abrahamliajwa, Dios pajut chiekal jum-aech Abrahamliajwa. Jawut Dios asan buxto'a-el, Abraham jumchiliajwa wut.

Ma-aech xot pachaempox Moisés chajia lelpox

²¹ Moisés chajia lelpoxxot jumchi-el: “Pachaema-el Dios jumdutpoxan” —chi-elpox. Kaes pejme asax ajil, Dios tato'alpox, jiw chiekal naexasisliajwa pomatkoicha jiw duilaliajwa Diosxotse. ²² Dios pejjamechan, chajia lelpox, jum-aech wut, jum-aechox: “Puexa ampathatpijiw babijaxan isla-ele-el” —aechox. Samata, wajut chiekal matabijas. Jesucristo pejuwajan naexasiti, japi Dios chaxduiyaxaes jumduchpox.

²³ Jesús pasax wujna, japamatkoiyan, xanal judíos naexasisfulax xot Moisés chajia lelpox, me-ama esclavos wut, ja-an japawujanjliajwa. Pe xanal chiekal naexasis-enil Moisés chajia lelpox. Ja-an wut, Jesucristo xanaboeja-enilfuk Dios nabu'weliajwa. ²⁴ Me-ama yamxi tataeflan, naewujjan yamxi babijaxan isasamata, ja-aech Moisés chajia lelpox. Moisés chajia lelpox xanal nanaewujjan babijaxan isasamatan. Samata, Cristo nalaelt wut, baxael, tupon puexa xatisliajwa. Xatis naexasich wut Cristo pejuwajan, jatis wut, xatis babijaxan isaspoxan Diosliajwa chiekal nakwe-ajil. ²⁵ Amwutjel xatis chiekal xanaboejas Dios nakbu'weyaxaelpox, Cristo tup xot xatisliajwa. Samata, kaes nakwewe'pa-el naexasisliajwas Moisés chajia lelpox. ²⁶ Xamal Jesucristo pejuwajan naexasitam xot, Dios xamal beltaen babijaxan isampoxanliajwa. Samata, amwutjel xamal puexa Dios paxim. ²⁷ Xamal bautisa wuti, asew jiw matabija xamalbej Cristo pejiwampox. Ja-am wut, xamal nejchaxoelam: “Xan chiekal dukasian, me-ama Cristo, jachisian” —am, nejchaxoelam wut. ²⁸ Xatisxot asew judíos, asew judíos-elpibej. Asew esclavos, asew esclavos-elpibej. Asew poejiw, asew watho'bej. Puexa xatis Jesucristo pejuwajan naexasich. Samata, xatis, me-ama kaemuch wut, jatis Diosliajwa. ²⁹ Xatis Cristo pejiwiw wut, jatis wut, Abraham pamojiwsbej. Samata, Dios nakchaxduiyaxael Abraham chajia jumduchpoxan.

4

¹ Xan kaes amwut jumchiyaxaelen Moisés chajia lelpoxliajwa, Dios jumdutpoxan Abrahamliajwabej. Kaen kimaeyan puexa pejew naetup wut, paxulan jam wutfuk, japon kamta pax pejew chaxduiyaxisalfuk. Baxael, japon chiekal ti't wut, pax pejew chaxduiyaxaeson pejewliajwa. Japon jam wutfuk, me-ama esclavo wut, ja-aechon, naexasisful xot tataeflaspi. ² Japon ti's-el wutfuk, asew tataeflas. Wetataeflasbejpon pejuwaxaelpi. Asamatkoi, japon ti't wut, pax jum-aechmatkoi pat wut, japamatkoi pax pejew puexa chaxduiyaxaeson. ³ Jatisbej majt xatis. Me-ama yamxuchas wut, jatis, chiekal matabija-esal xot Jesucristo pejuwajan. Xatis majt, me-ama esclavos wut, jatis. Xatisbej isas babijaxan, ampathatpijiw ispoxan. ⁴ Pat wut Dios markpox, matkoi, Dios to'ak paxulan nalaelsliajwapon kaew judíos-atowtat. Nalaelt wut, baxael, chiekal

ti'sful wutbejpon, japon naexasisful Moisés chajia lelpox. ⁵ Xatis xajupa-esal chiekal naexasisliajwas Moisés chajia lelpox. Samata, Dios paxulan fuloek nakwemosliajwa xatis babijaxan isaspoxanliajwa, xatis pejme chiekal pachaemaliajwas Diosliajwa. Samata, amwutjel xatis Dios paxis. ⁶ Dios to'ak Espíritu Santo wajmatpreatanxotaliajwa wajut chiekal matabijaliajwas Dios paxispox. Samata, xatis jumtis Espíritu Santo pijaxtat Dios nakjuntaeliajwa: “Taj-ax Dios” —tis. ⁷ Amwutjel xamal Dios paxim xot, esclavos-emil, isfula-emil xotlis ampathatpijiw isfulpoxan. Samata, asamatkoi Dios xamal chaxduiyaxael xabich pachaempoxan.

Pablo xabich nejchaxoelpox Galacia tujnupijiw, Jesús pejwujajan naexasitiliajwa

⁸ Xamal majt Dios matabija-emil wut, brixtat nuilam ídolos kawujajnalijwam. Xamal chiekal matabija-emil xot, nejchaxoelam: “Japi ídolos nakajachawaesaxael” —am, nejchaxoelam wut. Pe ídolos Dios-el. ⁹ Amwutjel xamal chiekal Dios matabijam. Pe Dios kaes pejme xamal chiekal matabijton. ¿Ma-aech xotkat kofasiam Dios naexasitampox? ¿Ma-aech xotbejkat pejme naexasisasiam Moisés chajia lelpox, Dios xamal bu'weliajwa? ¹⁰ Xamalbej napatam, judíos pejmatkoi pat wut, napatamatkoi. Judíos fiestan is wut, xamalbej fulaemch japafiestan taeliajwam. Xamal ja-amsfulam, fiestamatkoi wut, fiestajuimt wutbej, fiestawaechan wutbej. Japafiestan xamalbej naktaenam wut, nejchaxoelam: “Dios nejchachaemlaxael xatisliajwa, ampafiestan naktaens xot” —am xamal, nejchaxoelam wut. ¹¹ Samata, xan nejchaxoelx xamalliajwa: “Xabich naewujajnapox japixot, bej nawenafo'abej” —an, nejchaxoelx wut xamalliajwa.

¹² Takoew, xamal jum-an ampox. Xamalbej, me-ama xan, ja-amde! Xan judíosnan, xamal judíos-emilpimxot xan dukx wut, me-ama xamal, judíos-emilpim wut, xan jan. Xamal babijax nawe-is-emil. ¡Amwutjelbej ja-amde! ¹³ Xamal chiekal matabijam. Xan bu'xaenkax wut, majt xamalxot patx. Jawut nakiowa, xamal naewujajnap Jesús pejwujajan Dios xamal bu'weliajwa. ¹⁴ Jawut, waxae nawaet wut, xan xabich kabuanchaemilan waxaetat. Pe nakiowa, xamal xan nanejxasinkam. Nato'a-emilbej asatujajnulel. Najut xamal chiekal xan nabu'kulam. Me-ama Dios pej-ángel, Jesucristo-bej, chiekal bu'kulaxaelam wut, xamal ja-am xanliajwa. ¹⁵ ¿Ma-aech xotkat amwutjel nejchachaemla-emil xanliajwa? Xan naewujajnap wut Jesús pejwujajan, xamal majt chiekal xan nanaewetam. Jawutbej xabich nejchachaemlam. Japamatkoi xamal wuljowx wut, nejmach bej nachaxdusaxaelambej wuljowxpo, xabich nasiowlapox. ¹⁶ ¿Pe xankat amwutjel xamalliajwa, me-ama nadaelmanan wut, jakabuan-ankat xamalliajwa, naewujajnap xot diachwujajnakolaxwujajan?

¹⁷ Asew jiw xamalxot, japi xamal naewujajnasia circuncidaliajwam. Japi, me-ama xamal kajachawaesasia wut, ja-aechi. Pe japi kajachawaesaxaelpox pachaemaxil xamalliajwa. Japi nejxasink xanalxot xamal nadijaliajwam, xamal japi pejjiwaliajwam. ¹⁸ Pachaemaxael, japi is wut pachaempoxan, kajachawaet wutbejpi xamal. Pomatkoicha xamal kajachawaesasia wut, japox pachaemaxaelbej. Pe japi xamal asbuan jumch kajachawaesasia, xan xamalxotx wut. ¹⁹ Xamal, me-ama taxi wut, ja-am xanliajwa. Atow naxuwllaliajwa wut, xabich, nejchaxoelaful. Xanbej xabich nejchaxoelx xamalliajwa. Janansfulax, hasta xamal chiekal duilaliajwam Cristoliajwa. ²⁰ Amwutjel xan nejxasinkax xamalxotaliajwan tajut chiekal jumchiliajwan. Jalape. Xan matabijs-enil, achax nejchaxoelaxaelen xamalliajwa.

Amxot jum-aechpox Hagarliajwa, Saraliajwabej

²¹ Xamal jum-am: “Moisés chajia lelpox naexasisaxaes Dios nakbu'weliajwa” —am xamal. ¡Amwut chiekal xan nanaewe'e chiekal matabijaliajwam Moisés chajia lelpox! ²² Moisés chajia lelpox jum-aech Abraham kolenjepox paxulan. Matxoelapijin nalaelton Agartat. Japow esclava-atow. Asan paxulan nalaelton Abraham pijowkolowtat. Japow pawul Sara. Japow Sara esclava-atowa-el. ²³ Agar nafoena-el. Samata, piacha-el japow moejwaliajwa, naxuwllaliajwabej. Naxuwal wut, faenow paxuch, poich. Saralax nafoena. Pe Dios jumdut japow naxuwllaliajwa, paxuch faenaliajwapow, poich. Asamatkoi, Dios

jumdutmatkoi pat wut, Sara naxuwal. Faenow paxuch, poich. ²⁴⁻²⁵ Agar pejwujajan, me-ama Moisés chajia lelpox, ja-aech. Moisés chajia lelpox naexasiti, japi, me-ama esclavos wut, ja-aechi, naexasiful xot japawujajan. Me-ama Agar, esclava, ja-aech japi jiw. Arabia tuajnu xot xabich pinjiyax muax, Sinaímuax. Japamuaxmatwujat Dios jum-aech Moisésliajwa. Do jawux, baxael, Moisés kito'as japox lelaliajwa. Sara pejwujajanlax, me-ama Dios jumdutpox Abrahamliajwa. Ja-aech japawujajan, Sara esclava-el xot. ²⁶ Xatis Jesucristo pejwujajan naexasich xot, me-ama Sara paxis wut, jatis, esclavos-esal xot. Samata, asamatkoi duilaxaes pomatkoicha Diosxotse, Dios pejpaklowaxxotse, pajelpaklowax, Jerusalén paklowaxxotse. ²⁷ Dios pejjamechan, chajia lelpox, jum-aech wut, jum-aechox Saraliajwa:

“Xam nafenam xot, xijimil. Pe nakiowa, nejchachaemilde xam boejtae-emilpowam yamxuchxaenkpox, nalaelsliajwa wut! Asamatkoi xabich chanoeyaxaelam, yamxuch boejpun wut nalaelsliajwa. Do baxael, asamatkoi, xabichaxael namojiw. Xam, me-ama namakow, jachiyaximil” —aechox Saraliajwa.

²⁸ Takoew, xamal, me-ama Abraham paxulan, Isaac wut, ja-am. Japon nalaeltpon Saraxot, Dios chajia jumduchpon Abrahamliajwa. Samata, xamalbej amwutjel Dios paxi wut, ja-am, Dios jumdut xot Abrahamliajwa. ²⁹ Abraham paxulan, nalaeltpon Agarxot, japon taliat pakoewan pajaman, nalaeltpon Saraxot, Espíritu Santo jumduxat. Amwutjelbej, Moisés chajia lelpox naexasiti, xatis naktaliat, Jesús pejwujajan naexasichpis. ³⁰ ¿Achaxkat jum-aech Dios pejjamechan, chajia lelpox, Dios jum-aech wut Abrahamliajwa? Jum-aechon: “Naxulan, namakowxot nalaeltpon, xam tupam wut nejew waelaximil japonxot. Puexa nejew waelaxaelam nijowkolowxot nalaeltponxot. Samata, jto'im namakow chijiyaliajwa xamxot, paxulan suapich!” —aech Dios Abrahamliajwa. ³¹ Takoew, xatis Diosliajwa, Abraham pamakow paxi wut, jachi-esal. Xatislax, Abraham pijowkolow paxi wut, jatis.

5

Jesús pejwujajan naexasiti wewe'pa-esalpox naexasisliajwa Moisés chajia lelpox

¹ Jesucristo tup nakwemosliajwa babijaxan isaspoxan Dios nakbu'weliawja. Samata, Moisés chajia lelpox kaes nakwewe'pa-el naexasisliawjas Dios nakbu'weliawja. Xatis, me-ama judíos, jachiyaxisal. Samata, wajut chiekal nejchaxoelaxaes: “Dios nakbu'weyaxael, Cristo tup xot. Samata, peme kaxadik nejchaxoelaxisal naexasisliawjas Moisés chajia lelpox” —chiyaxaes, wajut nejchaxoels wut.

² ¿Xamal chiekal naewe'e xan lelpox! Nejchaxoelam wut, nabey nejchaxoele': “Xan kitapaeyaxaelen nacircuncidaliajwa. Ja-an wut, Dios xan nabu'weyaxael” —nabey aeche', nejchaxoelam wut! Japox nejchaxoelam wut, diachwujajnakolaxael. Japox nejchaxoelam wut, pachaemaxil Cristo tuppox cruztat xamal bu'weliawja.

³ Pejme lelaxaelen circuncidaxliawja. Jiw pajut kitapaei wut circuncidaliajwas, japi jiw chiekal naexasisaxaelbej puexa Moisés chajia lelpox, japi babijaxan ispoxanliawja Dios bu'weliawjas. ⁴ Xamal nejchaxoelam: “Moisés chajia lelpox xatis naexasisaxaes Dios nakbu'weliawja” —am xamal, nejchaxoelam wut. Ja-am wut, kofaxaelam naexasitampox Cristo pejwujajan Dios xamal bu'weliawja. Ja-am wut, xamal nejxasinkaximil Dios kajachawaesaxaelpox. ⁵ Xatis naexasich Jesucristo tuppox cruztat nakbu'weliawja. Xatis chiekal matabijasbej Dios nakbu'weyaxaelpox. Samata, Espíritu Santo nakkajachawaesaxael piach wujajnewesliawjas that toepaxmatkoi. Japamatkoi pat wut, Dios kaenanula nakjumchiyaxael: “Xam babijaxan isampoxan ajil xanliawja” —chiyaxael Dios kaenanula xatisliawja. ⁶ Xatis, Jesucristo pejiws, nacircuncida wut, o, nacircuncida-el wutbej, japox, koloeyax, Diosliawja chiekal najup. Kaes pejme pachaempox Diosliawja, Jesucristo chiekal xanaboejasxot. Jesucristo chiekal xanaboejas xot, nejxasinkas asew jiw. Samata, isasbej pachaempoxan japiliajwa.

⁷ Xamal majt chiekal naexasitam Jesús pejwujajan. ¿Achankat xamal to'a kofaliajwam naexasitampox Jesús pejwujajan, diachwujajnakolaxpox? ⁸ Dios xamal to'a-el kofaliajwam

naexasitampox Jesús pejwúajan. Dios xamal tadút naexasisliajwam japawúajan. ⁹ Jiw jum-aech: “Pan isliajwas wút, cha-aelaxach levadura tanialtas puexa pansap puthlali-ajwa” —aechi. Ja-aechlap-is jiw babejchow. Kaesupich wút, japi xajup puexa jiw tabesliajwa, naexasiti Jesús pejwúajan. ¹⁰ Xan Dios chiekal xanaboejtax xamal asax nejchaxoelasamatam, xatis chiekal kaenejchaxoelaxliajwas. Xamalxot kaen aton itsalt wút Cristo xanaboejampoxliajwa, japon aton Dios kastikaxaes. Japon aton, paklon wút, o, paklona-el wútbej, nakiowa, japon aton Dios kastikaxaes.

¹¹ Takoew, xamal judíos-emilpim, to'axaelen wút circuncidaliawam, ja-an wút, judíos xan nanejweslaxil. Ja-an wútbej, xan judíos pijaxtat nabijasaxinil. Judíos xan nanejwesla, jiw naewúajnax xot Cristo tuppox cruztat xatis babijaxan isaspoxanliajwa.

¹² Xan nejxasinkax xamalxot itsaltpi kamta nakolaliaw, kaes xamal itsalsasamatapi.

¹³ Takoew, Dios xamal tadút Jesucristo pejwúajan naexasisliawam Dios xamal bú'weliaw babijaxan isampoxanliaw. Jesucristo pejwúajan naexasitam wút, nejchaxoelam wút, jnabej nejchaxoele': “Amwútjel asax na-it-ele-el. Samata, babijaxan isasianpox isaxaelen” —nabej aeche', nejchaxoelam wút! ¡Asbuan jumch nakaewa chiekal naka-jachawaesfulde, xabich nanejxasinkam xot! ¹⁴ Dios pejjamechan, chajia lespox, jum-aech wút, jum-aechox: “¡Xamal nejxasinkde asew jiw! Me-ama najut nanejxasinkam wút, ja-amde asew jiwliaw!” —aechox. Ja-am wút, kaewútje kamta naexasisaxaelam puexa Moisés chajia lelpoxbej. ¹⁵ ¡Najut chiekal taem nakaewa natoesasamatam! Xamal nakaewa nanejwesla wút, nakaewa najum-am wútbej babejjamechan, ja-am wút, asbuan jumch nakaewa natoesaxaelam Jesús pejjiwampim.

Espíritu Santo kajachawaechpox Jesús pejwúajan naexasiti chiekal duilaliaw

¹⁶⁻¹⁷ Xatis babijaxan, wajut isasiaspoxan, japoxan Espíritu Santo nejxasinka-el. Espíritu Santo naktato'alpoxan pachaem xatis isliajwas. Pe xatis japoxan nejxasinkaesal isfulaliaw. Espíritu Santo naktato'alpoxan xatis wajut xajupaxisal japoxan isliajwas. Samata, jpomatkoicha japoxan isfulde Dios pejkajachawaesaxtat, xamal najut isasiampoxan, babijaxan, isasamatam! ¹⁸ Isfulam wút Espíritu Santo tato'alpoxan, xamal kaes pejme nejchaxoelaximil: “Xan naexasisaxaelen Moisés chajia lelpox pejme chiekal pachaemaliaw Diosliaw” —chiyaximil, nejchaxoelam wút.

¹⁹ Tampa xatis wajut chiekal matabijaliaw, jiw babijaxan is wút. Poejiw asew watho' bú'moejt wút, pejwatho'a-elpi, japox pachaema-el Diosliaw. ²⁰ Ídolos kawúajnaxan, japoxanbej pachaema-el Diosliaw. Pinjoe'iw pinjoe'axtat ispoxan, japoxanbej pachaema-el Diosliaw. Jiw nejwesla wút asew, japoxbej pachaema-el Diosliaw. Jiw kaenejchaxoelaxa-el wút, jum-aech wútbejpi palaeyajamechan, japoxbej pachaema-el Diosliaw. Jiw xabich uwmaenk wút, japoxbej pachaema-el Diosliaw. Jiw xabich kamta palala wút, japoxbej pachaema-el Diosliaw. Asew jiw kaesasia wúti, pejew wút, me-ama asew jiw, jachi-elasia wúti, japoxbej pachaema-el Diosliaw. Jiw chanaekabuanapoxtat asew jiw asbuan jumch nadija wút, japoxbej pachaema-el Diosliaw. Jiw nadija wút kolemutjeliaw, do jawux, jumchiyaxael wút babejjamechan nakaewa asamutpijiwliaw, japoxbej pachaema-el Diosliaw. ²¹ Jiw kinusasiowal wút asew jiw, japoxbej pachaema-el Diosliaw. Jiw saxa af wút saxsliaw, japoxbej pachaema-el Diosliaw. Jiw xabich xael wút, babijaxan is wútbej, japoxanbej pachaema-el Diosliaw. Jiw is wútbej kaes asaxan babijaxan, japoxanbej pachaema-el Diosliaw. Puexa japababijaxan ispi, japi jiw duilaxil Diosxotse. Majt xamal naewúajnaxpox, japox pejme xamal naewúajnax.

²² Jesús pejwúajan naexasiti, japi jiw kajachawaesfulas Espíritu Santo. Samata, japi nejxasink asew jiw. Japibej xabich nejchachaemil. Japibej asew jiw supich, chiekal duilaful. Japibej piach boejtaliasful palala-elaliaw, asew jiw babijaxan is wút japiliaw. Japibej asew jiw kajachawaet. Japibej jumduw wút asew jiwliaw, japoxan chiekal

isbejpi. ²³ Japibej nejchaxoela-el: “Xan kaes pejme pachaeman. Me-ama asew jiw jachi-enil” —chi-eli, nejchaxoel wut. Japibej pajut chiekal natataeful babijaxan isasiapoxan is-elaliajwa. Japilax isful pachaempoxan. Japoxan japi is, Espiritu Santo kajachawaesfulas xot. Samata, japi fias-esal is-elaliajwa pachaempoxan. ²⁴ Jesucristo pejuwajan naexasiti nejchaxoel: “Jesús cruztat kimatamatlas wut, jawutbej tajax padujnejchaxoelax, cruztat matamatlas” —aechi, nejchaxoel wut. Samata, amwutjel padujnejchaxoelax japixot ajil, majt tato'laspoxan babijaxan isliajwa. ²⁵ Amwutjel xatis Espiritu Santo nakkajachawaet xot, tapaeyaxaes japon naktato'laliajwa isliajwasbej japon nejxasinkpoxan.

²⁶ ¡Nabeb nejchaxoelatis: “Xatis kaes pachaems. Me-ama asew jiw, jachi-esal” —nabeb chitis, nejchaxoels wut! ¡Nakaewa nabeb nataliastisbej na-uldüksliajwas! ¡Xatis nakaewa nabeb nanusasiowlatisbej!

6

Jesús pejuwajan naexasiti nakaewa nakajachawaesaxaelpox

¹ Takoew, xamalxot Jesús pejuwajan naexasitpon, babijax is wut, ¡japon fia'e kofsliajwa japox babijax! ¡Japon naewuajande pejme isliajwa Dios nejxasinkpoxan! Naewuajnam wut, ¡chiekal naewuajande! ¡Ja-amde, kaes xamal naexasitam xot Espiritu Santo tato'alpox! ¡Xamalbej najut chiekal natataefulde babijax isasamatam! ² Xamalxot Jesús pejuwajan naexasitpon xabich nabijat wut, ¡japon xamal kajachawae'e! Ja-amsfulam wut, naexaxisaxaelam Cristo tato'alpox.

³ Aton, chiekal pachaema-elpon, pajutliajwa jum-aech wut: “Xan kaes pachaeman. Me-ama asew jiw, jachi-enil” —aech wuton, japon pajut naekichachajba, diachwujnakolaxa-el xot. ⁴ Kaenanula jiw pajut chiekal nejchaxoelaxael: “Xan dukx wut, ¿bej ma-anbejkat Diosliajwa?” —chiyaxaeli, pajut nejchaxoel wut. Japi ispoxan pachaem wut, xabich nejchachaemlaxaeli. Ja-aech wut, pajutliajwa japi jiw jumchiyaxil: “Xan kaes pejme pachaeman. Me-ama asew jiw jachi-enil” —chiyaxili. ⁵ Samata, xamal kaenanula chiekal isfulaxaelam Dios tato'alpoxan.

⁶ Aton xamal naewuajan wut Dios pejjamechan, japon aton xamal kajachawaesaxaelam nejewtat.

⁷ ¡Xamal najut naekichachajbaximil! Chinax kaen aton xajupaxil naekichachajbaliaw Dios. Jiw pejlulantat pelapi pachaem wut, asamatkoi jolaxaeli pachaempi. Pelax pachaema-el wut pelasi, ja-aech wut, asamatkoi jolaxisal, pelasi pachaema-el xot. ⁸ Jachiyaxaelbej jiw ispoxan. Jiw babijaxan is wut, pajut isasiapoxan, asamatkoi, japi jiw tux wut, pomatkoicha Dios kastikaxaespi. Aton isful wutlax Espiritu Santo tato'laspoxan, japon aton asamatkoi tux wut, pomatkoicha dukaxael Diosxotse. ⁹ Samata, xatis kofaxisal isfulaliajwas pachaempoxan. Damlaxisalbej isfulaliajwas Espiritu Santo naktato'alpoxan. Japoxan isfulas wut, Dios asamatkoi nakchaxduiyaxael pachaempoxan. ¹⁰ Samata, xatis xajups wut, puexa asew jiw kajachawaesaxaes. Pe kaes chiekal kajachawaesaxaes naexasiti Jesús pejuwajan.

Pablo lelpox taxdukanaewuajnaex Gálatas paklowaxpijwliajwa

¹¹ Xan, Pablo, amxot tajut lelx. Samata, xamal taeyaxaelam pinaletan. ¹² Judíos to'a wut xamal circuncidaliajwam, japi japox to'a, nakaejudíos swapich, chiekal pachaemaliajwa, pejlwla xoti asew judíosliajwa. Japi judíos nejwesla nabijasliajwa, me-ama nabijatpi, japi jum-aechpi: “Dios nakbeltaen babijaxan isaspoxanliajwa, Cristo tux xot cruztat” —aechpi. ¹³ Xamal to'api circuncidaliajwam, japi pajut chiekal naexasis-el Moisés chajia lelpox. Asbuan jumch japi to'a xamal circuncidaliajwam. Ja-aech wut, japi jumchisia asew judíos jumtaeliajwas: “Xanal kito'ax xot, xabich Galacia tuajnujpijw, japi judíos-elpi, circuncidaslisi. Samata, xanal kaes pejme xabich pachaeman” —chisiapi asbuan jumch, asew judíos sitaeliajwas. ¹⁴ Xan tajut jumchiyaxinil asew jiwliajwa: “Xan isxopoxan asew jiwliajwa xabich pachaem” —chiyaxinil. ¡El! Xanlax nejxasinkax asew jiw naewuajnalijwan wajpaklon Jesucristo cruztat tuxpoxkal. Xanliajwa Cristo cruztat tux

xot, amwútjel nejxasinka-enil babijaxan isliajwan, me-ama ampathatpijiw is babijaxan. Samata, xan ampathatpijiwliajwa, xan, me-ama tux wut, Jesucristo suapich, ja-an.

¹⁵ Poejiw circuncidaspi, o, poejiw circuncida-esalpibej, japoxan koloeyaxan, Diosliajwa chiekal najur. Kaes pejme pachaem, xatis pajelnejchaxoelaxan wuch, Jesús pejuwajan naexasich wut. Jatis wut, me-ama jelnalaelaspis wut, jatis Diosliajwa.

¹⁶ Puexa xamal, chiekal duilampim, me-ama ampacartatat lel x wut, to'ax chiekal duilaliajwam, xan Dios kawwajanax. Dios kawwajanaxbej xamal beltaeliajwapon. Dios kawwajanaxbej puexa asew jiwliajwa, japi diachwajnakolax Dios pejiwpi.

¹⁷ Xan naewwajanax xot Jesús pejuwajan, asew jiw pin-iaveces xabich naselt wut, namatwajxakolbala. Japawajelan jiw taen wut, pajut chiekal matabija xan Jesúsliajwa nabistaxponan. Samata, xan kaes nejxasinka-enil asew jiw najumchiliajwa: “Pablo Jesúsliajwa nabistpona-el” —nachiliajwa.

¹⁸ Takoew, wajpaklon Jesucristo kawwajanax puexa xamal kajachawaesliajwa. ¡Jasox nej ja-aeche' xamalliajwa!

Pablo lelpox carta Éfeso paklowaxpijiwliajwa

Pablo lelpox carta Éfeso paklowaxpijiwliajwa

¹ Xan Pablo, Dios namakafit Jesucristo pej-apóstol nadofaliajwan. Lelx ampox carta xamal Éfeso paklowaxpijwamliajwa, Jesucristo pejuwajan naexasitampimliajwa. ² Xan waj-ax Dios kawajjnx, wajpaklon Jesucristobej, xamal kajachawaesliajwa chiekal duilaliajwam, asew jiw swapich.

Dios kajachawaetpox naexasiti Jesucristo pejuwajan

³ Xatis jumchiyaxaes Dios, japon wajpaklon Jesucristo pax: “Xam xabich pachaemam” —chiyaxaes! Dios nakkajachawaesful puexa nejmach xatisliajwa chiekal pachaemaliajwa japonxotse, naexasisfulas xot Jesucristo pejuwajan. ⁴ Chajiakolaxtat, Dios ampathat is-el wutfuk, xatis nakmakanoton Jesucristo pejiwaliajwas, Dios pejuwajnale bu'wajanjilaliajwas. ⁵ Dios naknejxasink xot, japon chajia nejchaxoel xatis japon paxiliajwas, asamatkoi Jesucristo tupaxael xot xatis babijaxan isaspoxanliajwa. Samata, Dios japox nejxasink xot, Jesucristo tup xatis babijaxan isaspoxanliajwa. ⁶ Samata, amwutjel xatis pomatkoicha jumtis Diosliajwa: “Xam xabich pachaemam, nabeltaenam xot” —tis xatis japonliajwa. Jasoxtat Dios xatis nakbeltaen paxulan Jesucristo, xabich nejxasinkpon, pijaxtat. ⁷ Dios xabich naknejxasink xot, paxulan to'a tupaliajwa cruztat. Samata, xatis babijaxan isaspoxan ajil Diosliajwa. ⁸ Ja-aech wut, chiekal matabijas Dios xabich naknejxasinkpox. Ja-aech wutbej, Dios naktapaei pejjamechan chiekal matabijaliajwas. ⁹ Dios chajia nejchaxoel asamatkoi to'aliajwapon Cristo, japon tato'laliajwa puexa ampathatpijiw. Japox majt chinax kaen aton matabijs-elfuk. Dios xatis naktapaei japox chiekal matabijaliajwas. ¹⁰ Japoxlap asamatkoi jachiyaxael. Japamatkoi wut, Dios tapayaxael Jesucristo puexa tato'laliajwa ampathatpijiw, Diosxotsepibej.

¹¹ Xatis nalaela-esal wutfuk, Dios chajia nakmakanot Jesucristo pejiwaliajwas. Samata, Dios naktapayaxael pomatkoicha duilaliajwas japonxotse, Cristo swapich. Japoxlap chajiakolaxtat Dios nejchaxoel. ¹² Xanal, judíos, matxoela naexasitx Jesucristo pejuwajan. Samata, xanal jum-an Diosliajwa: “Xam xabich pachaemam” —an, japon xajur xot puexa isliajwa. ¹³ Xamalbej, judíos-emilpim, jumtaenam wut chimawajan, Cristo pejuwajan, diachwajnakolaxpox, naexasitam japawajan Dios xamal bu'weliajwa. Japawajan naexasitam wut, Dios to'ak Espíritu Santo xamalxotaliajwa kajachawaesliajwabej, chiekal matabijaliajwam xamal japon pejiwampox. Ja-aech, Espíritu Santo xamalxot pask wut, Dios jumdutpox pat xotliso xamalxot. ¹⁴ Espíritu Santo wajmatpuatanxot. Samata, chiekal matabijas diachwajnakolax pomatkoicha duilaxaes Diosxotse. Dios nakchaxduiyaxaelbej puexa xatisliajwa owapipon, wejewliajwa. Samata, xatis jumtis Diosliajwa: “Xam xabich pachaemam” —tis, japon xajur xot puexa isliajwa. Asew jiw, we'ppifuk naexasisliajwa Jesús pejuwajan, japi puexa naexasit wut Jesús pejuwajan, Dios japoxan nakchaxduiyaxael, owapipon wejewliajwa.

Pablo kawajanpox Dios, Jesús pejuwajan naexasiti chiekal matabijaliajwa

¹⁵ Xan xamal wultaenx chiekal naexasitampox wajpaklon Jesús pejuwajan. Wultaenxbej nejxasinkampox puexa Dios pejiw. ¹⁶ Samata, xan pomatkoicha Dios kawajjnx xamalliajwa. Kawajjnx wut, jum-an Diosliajwa: “Gracias-an, Éfeso paklowaxpijwabej naexasit xot Jesucristo pejuwajan” —an Diosliajwa. ¹⁷ Dios, athuxotsepon, japon wajpaklon Jesucristo pax, xabich pachaem. Dios kawajjnx wut xamalliajwa, Dios jum-an Espíritu Santo xamal kajachawaesliajwa Dios chiekal matabijaliajwam. ¹⁸ Dios kawajjnxbej xamal chiekal matabijaliajwam Dios chaxduiyaxaelpox. Xabich pachaem japox, xamal Dios pejiwam wajjnwetampox. ¹⁹⁻²⁰ Dios kawajjnxbej xamal chiekal matabijaliajwam, japon xabich mamnik. Samata, Dios xajur nakkajachawaesliajwa,

Jesucristo pejuwajan naexasichpis. Cristo tɔp wɔt, Dios mat-echpon pejme dukaliajwa. Ja-aech wɔt, Dios itpaei pejpamamax. Do jawɔx, paxɔlan bɔ'folon athɔ poxase ekaliajwa japon pejpoklalel, tato'laliajwabejpon, japon sɔapich. ²¹ Samata, amwɔtjel Jesú s kaes paklon. Me-ama puexa tato'alpi, athɔxotsepi, ampathatpijiwbej, jachi-el Jesú s. Po-matkoicha tato'laxaelon. ²² Dios tapaei Cristo puexa tato'laliajwa. Samata, Cristo puexa jiw tato'lafɔl. Cristo tato'lafɔlbej puexa japon pejuwajan naexasitpi. ²³ Cristo pejuwajan naexasiti, puexa japi jiw Cristo pejbɔ't wɔt, ja-aechi. Samata, Cristo japixot. Japon xajɔp puexa isliajwa athɔxot, ampathatxotbej.

2

*Dios bɔ'w*iapox jiw, xabich nejxasink xoton

¹ Xamal majt babijaxan isfulam wɔt, me-ama patɔpa, ja-am Diosliajwa. ² Ja-am wɔt, xamal duilam, me-ama ampathatpijiw, isfulam xot Satanás tato'alpoxan. Satanás puexa dep tato'al. Japi, dep, pothata xajɔp. Nanɔamtbej athɔ. Satanás tato'albej jiw, naexasielpi Dios, babijaxan isliajwa. ³ Xatis majt, me-ama asew jiw, japi Dios matabija-elpi wɔt, jatis. Jatis wɔt, isfulas babijaxan, wajut isasiaspoxan. Me-ama asew jiw, Dios xabich kastikaxaespi, Dios nakjachisiabej xatisliajwa, nakkastikasia wɔt. ⁴ Jatis wɔt, Dios nakiowa nakbeltaefɔl, xabich naknejxasink xoton. ⁵ Xatis majt xabich babijaxan isfulas xot, me-ama patɔpawas wɔt, jatis Diosliajwa. Amwɔtjel xatis Jesú s pejiws. Samata, xatis, Jesú s sɔapich, me-ama Dios nakmat-ia wɔt, jatis pejme duilaliajwas. Dios nakbeltaen xot, nakbɔ'wia. ⁶ Asamatkoi Dios xatisbej nakmat-eyaxael pejme duilaliajwas. Me-ama Jesú s mat-ech pejme dukaliajwa, jachiyaxaelbej Dios xatisliajwa, Jesú s sɔapich, chalakaliajwas Diosxotse naktato'laliajwas. ⁷ Jasox Dios jachiyaxael xatisliajwa, puexa jiw pajut chiekal matabijaliajwa, diachwuajnakolax Dios xabich naknejxasink. Nakbeltaenbejpon, Jesucristo tɔp xot xatisliajwa. ⁸ Dios nakbeltaen xot, nakbɔ'wia, naexasich xot Jesú s pejuwajan. Samata, xatis kaenanɔla jumchiyaxisal: “Dios nakbɔ'wia, isas xot pachaempoxankal” —chiyaxisal, Dios nakbɔ'wia xot malech. ⁹ Dios nakbɔ'wel, isas xot pachaempoxan. Samata, jkaenanɔla nabej jumchitis: “Dios nabɔ'wia, pachaempoxankal tajut tajaxtat isx xot” —nabej chitis! ¹⁰ Dios nakbɔ'wia Jesucristo pejiwaliajwas, xatisbej isliajwas pachaempoxankal. Dios japox chajia nejchaxoel xatisliajwa, xatis nalaela-esal wɔtɔk.

Chiekal duilpox Jesú s pejuwajan naexasiti, asew jiw sɔapich, kajachawaech xoti Jesú s

¹¹ Xamal, judíos-emilpim, nejchaxoelam wɔt, jnejchaxoelde ampox! Judíos, japi circuncidaspi Dios pejmarkaxliajwa, japi xamal majt nejwesla, xamal circuncida-emil xot. ¹² Jawɔt xamal matabija-emilɔk Jesucristo pejuwajan naexasisliajwam. Majt xamal Dios pejiwa-emil. Me-ama judíos, jachi-emil. Matabija-emilbej Dios jumdutpox xamalbej bɔ'welija. ¹³ Xamal majt Dios matabija-emil. Pe amwɔtjel, Cristo tɔp xot xamalliajwa, japon pejiwam. Chiekal matabijambej Dios. ¹⁴ Xanal judíos, xamal judíos-emilpimbej, amwɔtjel Jesucristo nakkajachawaet xot, me-ama koews wɔt, jatis. Samata, amwɔtjel kaemɔch. Xanal judíos, xamal judíos-emilpimbej, majt xatis nakaewa nanejweslas. Pe amwɔtjel, japox chiekal toep, Cristo tɔp xot cruztat xatis babijaxan isaspoxanliajwa. ¹⁵ Cristo tɔp xot xatis babijaxan isaspoxanliajwa, Moisés chajia lelpox tato'alpox, japox toep. Samata, xanal judíos, xamal judíos-emilpim sɔapich, xatis Cristo pejiws, naexasich xot japon pejuwajan. Jatis wɔt, kaenanɔla xatis chiekal pachaems Diosliajwa, Cristo tɔp xot xatisliajwa. ¹⁶ Cristo tɔp wɔt cruztat, xanal judíos, xamal judíos-emilpimbej, kofas nakaewa xatis nanejweslaspo x kaemɔtaliajwas. Jawɔtbej xatis chiekal pachaems Diosliajwa, naexasich xot Jesucristo pejuwajan.

¹⁷ Cristo pat wɔt ampathatat, xapaton chimiawuajan xatis kaenejchaxoelaxliajwas, chiekal duilaliajwas, asew jiw sɔapich. Japon naewuajan japawuajan judíos-elpi. Japi jiw majt Dios matabija-el. Naewuajanbejpon judíos. Judíos chajia chiekal matabija Dios pejjamechan. ¹⁸ Xamal judíos-emilpim, xanal judíos-pinbej, Jesucristo tɔp xot puexa

xatisliajwa, Dios pajut naktapaei japon Dios kawuajnalijwas. Jatis wut, Espiritu Santo nakkajachawaesful Dios kawuajnalijwas. ¹⁹ Samata, xamal judíos-emilpim, amwutjel, me-ama asajiwa-emil wut, jachi-emil Diosliajwa. Amwutjel Dios pejiwam. Me-ama xanal judíos, ja-ambej xamal amwutjel, judíos-emilpim. Samata, Diosliajwa, xatis chiekal koews, Dios pejiws xot. ²⁰ Xamal, me-ama Dios pejba wut, ja-am Diosliajwa. Jesucristobej, me-ama ia't, matxoelapijt batuakso'tpijtalijwa, kaes pejme pachaempot, ja-aech Jesús. Apóstoles, profetasbej, xamal matxoela naewuajan xot Dios pejjamechan, japi, me-ama asew ia' wut, matxoela-owaspi satat ba chiekal mamnikaliajwa, ja-aech japi jiw. ²¹ Xatis Cristo pejwuajan naexasich xot, chiekal kaemuch. Samata, xatis, me-ama Dios pejtemploba wut, jatis Diosliajwa. ²² Xamalbej, asew jiw suapich, Cristo pejiwam xot, me-ama Dios pejtemploba wut, ja-am, Espiritu Santo duk xot nejmatpuatantat.

3

Pablo to'aspox naewuajnalijwa judíos-elpi chimiawuajan, Jesús pejwuajan

¹ Xan Pablo, jiw jebatat najia, xamal, judíos-emilpim, naewuajnax xot chimiawuajan, Jesús pejwuajan. ² Xamal chiekal matabijam. Dios nato'a xamal naewuajnalijwan japawuajan, xabich pachaem xoton xanliajwa. ³ Dios nejchaxoel xamalbej beltaelija. Japoxliajwa Dios xan natapaei chiekal matabijsliajwan, majt jiw matabija-elpoxfuk. Japoxliajwa amwutjel ampacartaxot kaejamechan lel. ⁴ Xamal ampox carta xaljowam wut, najut chiekal matabijaxaelam Cristo pejwuajan xan matabijtaxpox. Japawuajan xamallijwabej. ⁵ Majt Dios tapae-el japawuajan asew jiw matabijaliajwa. Amwutjel Dios tapaei apóstoles, profetasbej, japi matabijaliajwa japawuajan, Espiritu Santo kajachawaech xoti. ⁶ Majt japawuajan chiekal maliach. Chajia jiw matabija-el. Japawuajan amwut lelaxaelen. Judíos bu'weyaxaes Dios. Jachiyaxaesbej judíos-elpi, naexasit wuti Jesús pejwuajan. Amwutjel judíos-elpi, judíosbej, japi Cristo pejwuajan naexasiti, puexa japi, Cristo pejbu't wut, ja-aechi. Samata, Dios chaxduiyaxaes chajia jumdutpox judíos pejwuajnapijiwliajwa.

⁷ Dios nato'a chimiawuajan, Jesús pejwuajan, jiw naewuajnafulaliajwan, xan nabeltaen xoton. Dios nakajachawaesfulbej pejbichax isliajwan. ⁸ Xan kaes pachaema-enil. Me-ama puexa asew, Dios pejiw, jachi-enil. Pe nakiowa, Dios natapaei naewuajnalijwan judíos-elpi chimiawuajan, Jesús pejwuajan. Xatis chiekal matabijaxisal Jesúsliajwa, japon xabich pachaempon. ⁹ Dios, puexa ampathatat ispon, japon xan nato'a naewuajnalijwan puexa jiw jummatbijaliajwa Dios bu'weyaxaespox, judíos-elpi. Dios majt tapae-el puexa jiw matabijaliajwa japawuajan. ¹⁰ Samata, amwutjel Jesús pejwuajan naexasiti, japi naewuajnaful wut japawuajan, ja-aech wut, ángeles, tato'alpi Diosxotse, pajut chiekal matabijaxael Dios puexa matabijtpox. ¹¹ Dios chajia nejchaxoel to'aliajwapon Jesucristo ampathat poxasik tupaliajwapon puexa jiwliajwa. Do japox diachwuajnakolax ja-aechlisox. ¹² Amwutjel xatis Jesús pejwuajan naexasich xot, Dios nejchachaemil. Samata, wajdala-el Dios kawuajnalijwas. ¹³ Samata, xamal jum-an nejchaemilasamatam, jiw jebatat najia xoti nabijasliajwan, xamal, judíos-emilpim, naewuajnax xot. Xan amxotx pachaemaliajwa xamallijwa. Samata, xamal nejchachaemilde!

Cristo xabich naknejxasinkpox

¹⁴ Xan nejchaxoelx wut Dios bu'weyaxaelpoxliajwa xamal judíos-emilpim, xan brixtat nukx waj-ax Dios kawuajnalijwan xamallijwa. ¹⁵ Japon kaen, waj-ax Dios. Puexa athuxotsepi, puexa jiw ampathatpijiwbej, waj-ax Dios isas xot, duilaful. ¹⁶ Dios xabich mamnik. Xan Dios kawuajnax Espiritu Santo xamal kajachawaesfulaliajwa, kaes Dios chiekal xanaboejalijwam. ¹⁷ Dios kawuajnaxbej xamal chiekal Cristo xanaboejalijwam pomatkoicha, nejxasinkaliajwambej asew, naexasiti Jesús pejwuajan. ¹⁸⁻¹⁹ Dios kawuajnaxbej xamal, puexa asew, Jesús pejwuajan naexasiti suapich, chiekal matabijaliajwam Jesús xabich xatis naknejxasinkpox. Xatis chiekal matabijaxisal Jesús naknejxasinkpox.

Xamal japox chiekal matabijaxaelam wut, me-ama Dios nejchaxoel pachaempoxan, xamalbej jachiyaxaelam.

²⁰ Xatis jumtis Diosliajwa: “Xam xabich pachaemam” —tis. Dios xabich kaes xajup nakkajachawaesliajwa. Samata, wuljows wut nakkajachawaesliajwa, nakkajachawaes-elon wuljowspxotat. Dios kaes pejme nakkajachawaet wuljowspxoliajwa. Japonbej ma inechaxoelsdo', japoxtat nakkajachawaes-elon. Kaes pejme nakkajachawaeton. Dios nakkajachawaesful amwutjel xatis chiekal duilaliajwas, me-ama japon nejxasink. ²¹ Pomatkoicha xatis jumtis Diosliajwa: “Xam xabich pachaemam” —tis, Dios pejjiiws xot. Japon jumtis, Dios nakbu'wia xot, Jesucristo tup wut xatisliajwa.

4

Chiekal kaenejchaxoelaxpox Jesús pejwujajan naexasiti, Espíritu Santo kajachawaech xot

¹ Xan jiw najia jiw jebatat, a sew jiw naewujajnax xot Jesucristo pejwujajan. Xamal jum-an chiekal duilaliajwam, me-ama Dios xamal tato'al, japon xamal makanot xot pejjiwaliajwam. ² Kaenanula xamal najutliajwa nejchaxoelam wut, jchiekal nejchaxoelde ampx: “Xan kaes pejme pachaema-enil. Me-ama a sew jiw, jachi-enil” —amde, najut nejchaxoelam wut! jPachaemdebej a sew jiwliajwa! jXamal kamta nabej nalale', a sew jiw babijaxan is wut xamalliajwa! jXamal nakaewa naboejtalia'e, nakaewa chiekal nanejxasinkam xot! ³ Espíritu Santo xamal kajachawaet xot, kaemutam. Samata, jkaenejchaxoelaxde chiekal duilaliajwam bu'wujajanjilaliajwam! ⁴ Xamal Cristo pejjiwam xot, japon suapich, kaebu'tam wut, ja-am. Kaen Espíritu Santo xamal nejmatpreatanxotbej. Xamal wujajnawetam Dios chajia jumdutpox, xamal chaxduiyaxaelpox. ⁵ Xamalbej, kaen nejpaklon. Japon xamal chiekal xanaboejam bu'welija. Xamal bautisam, kaen Cristo pejjiwam xot. ⁶ Xamalbej kaen nejDios. Japonbej nej-ax. Puexa xamal tato'alpon. Japonbej xamal chalaful. Xamal kajachawaesfulbejpon.

⁷ Cristo nakxadiajk kaenanula bichaxan xatis nabichliajwas, japon pejbichax. Japon nakkajachawaetbej xajupaliajwas, nabistas wut japon pejbichax. ⁸ Samata, Dios pejjamechan, chajia lelspx, jum-aech wut, jum-aechox Cristoliajwa: “Cristo athu poxase wut, japon matxoola malecha padaelmajiw. Pejjiw, waelapipon ampathatat, japi kajachawaesfulaxaelon japi xajupaliajwa, nabist wut Diosliajwa” —aechox Cristoliajwa.

⁹ Dios pejjamechan, chajia lelspx, jum-aech wut, jum-aechox Cristoliajwa: “Kaxa nawiasaxoeyon athu poxase” —aechox, majt fuloek xoton ampathat poxasik. ¹⁰ Samata, chiekal matabijas athuxotsik fuloekpon, japon pajut pejme kaxa nawiasa tato'laliajwa Diosxotsepi, ampathatpijiwbej. ¹¹ Jesús makanot pejjiwxot a sew apóstolesliajwa, a sew profetasliajwabej. Makanotbejpon a sew japon pejwujajan naewujajnalialjwa potuajnuchanpijiw. Makanotbejpon a sew pastoresliajwa. Makanotbejpon a sew japi chanaekabuanaliajwa a sew jiw japon pejwujajan. ¹² Jesús jasoxtat pejjiw makanot a sew naewujajnalialjwa japon pejwujajan. Do jawux, japibej a sew jiw naewujajnaxael japon pejwujajan. Ja-aech wut, a sew, Jesús pejwujajan naexasiti, kaes chiekal xanaboejaxaeli Jesús. ¹³ Do ja-aech wut, puexa xatis kaenejchaxoelaxaes Cristo xanaboejaspxoliajwa. Jawutbej, chiekal matabijaxaes Dios paxulan, japon Cristo. Jatis wutbej, chiekal duilaxaes. Kaes pejme chiekal Dios xanaboejaxaesbej. Me-ama Cristo chiekal Dios xanaboejt, jachiyaxaesbej xatis. ¹⁴ Xatis chiekal xanaboejas xot Cristo, tampoela-el xatis naknaekichachajbalialjwa, me-ama yamxi. A sew jiw chiekal matabija chanaekabuanaxtat naekichachajabaliajwa a sew jiw. Japi jiw chanaekabuanana wut pajelnaewujajnax, me-ama Dios pejjamechan wut, ja-aechipox. Japi jiw nejxasink xatis naexasisliajwas japi naewujajnaxot naknaekichachajbaxtat. ¹⁵ Xatis jiw nejxasinkas xot, naewujajnaxaes diachwujajnakolaxtat Diosliajwa. Jatis wut, chiekal pachaemaxes. Me-ama Jesús wajpaklon, jachiyaxaes pachaemspox. ¹⁶ Puexa xatis, Jesús pejwujajan naexasichpis, Cristo pejjiiws. Samata, xatis, japon suapich, kaebu'tas wut, jatis. Wajbu'anxot xabich maenk pawiwulan, pathiwulanbej. Pe puexa chiekal najupa-el. Japoxanxot, kaenanula wajbu'anxot, xabich

pachaem asaxanliajwa. Jatisbej xatis. Kaenanula isas Cristo naktato'alpoxan. Xatis nakaewa nakajachawaesaxaes bichaxan isaspoxanliajwa. Nakaewa nanejxasinkaxaesbej kaes pachaemaliajwas, me-ama wajpaklon Jesús, jachiliajwas xatis.

Jesús pejwuajan naexasiti nejchaxoelpox, pajelnejchaxoelaxan, chiekal duilaliajwa

¹⁷ Xan lelx ampox xamalliajwa, wajpaklon Jesucristo nato'a xot. ¡Nabej is babijaxan! Me-ama asew jiw, Dios matabija-elpi, xabich babijaxan is, ¡xamal nabej ja-aeche'! Babijaxan ispi xabich asaxan nejchaxoel, pachaema-elpoxan Diosliajwa. ¹⁸ Japi nejxasinkael matabijaliajwa Dios pejjamechan. Nejxasinka-elbejpi matabijaliajwa pajelnejchaxoelaxan chiekal duilaliajwa. Japi pejnechaxoelaxan itkua'nikxot, nejxasinka-elbejpi matabijaliajwa Dios. ¹⁹ Babijaxan is wutbejpi, chinax padala-el. Samata, puexa xabich pachaema-elpoxan isful. Kofa-eli japoxan. ²⁰ Xamal Cristo pejwuajan chiekal matabijam xot, ¡nabej is babijaxan! Me-ama japi jiw, ¡nabej ja-aeche'! ²¹ Diachwuajnakolax xamal jumtaenam, asew naewuajan wut Jesucristo pejwuajan. Chiekal matabijambej japawuajan, diachwuajnakolaxpox. ²² Samata, majt babijaxan isampoxan, ¡ma amwut kofim! Xamal japoxanliajwa nejchaxoelam wut, japoxan xamal naekichachajbaxael isliajwam babijaxan. ²³ Samata, ¡nejchaxoelde pachaempoxan isliajwam! Me-ama asew jiw, naexasiti Jesús pejwuajan, nejchaxoel pajelnejchaxoelaxan, ¡xamalbej ja-amde, nejchaxoelam wut! ²⁴ ¡Nejchaxoelde pajelnejchaxoelaxan! Me-ama Dios xabich pachaem, ¡xamalbej ja-amde! ¡Isfulde puexa pachaempoxan, me-ama Dios tato'al!

²⁵ Samata, ¡kaes asew jiw nabej kichachajbe'! ¡Amwutjel diachwuajnakolaxpoxkal nakaewaliajwa najum-amsfulde, xatis chiekal kaemuch xot!

²⁶ Xamal nalala wut, ¡babijaxan nabej is! Juimt tuila wut, ¡kaes nabej nalale'! ²⁷ Xamal nalala wut, ¡nabej tapae' Satanás naekichachajbaliajwa, babijax isasamatam!

²⁸ Xamal natkowapijwam wut, ¡ma amwut kofim natkowampoxan! ¡Najut chiekal nabisde! Dios nejxasink xamal najut nabichliajwam bichaxan, pachaempoxan. Ja-am wut, xajupaxaelam kajachawaesliajwam jiw kijila.

²⁹ ¡Nabej jum-aeche'bej babejjamechan! ¡jum-amdelax chimiajamechan! Ja-am wut, asew jiw kajachawaesaxaelam japi jiw kaes Dios xanaboejalaiajwa. ³⁰ ¡Nabej is babijaxan Espíritu Santo nejxaejwasamatas xamalliajwa! ¡Nabej jum-aeche'bej babejjamechan! Dios to'a Espíritu Santo xamal nejmatpúatanxotaliajwa, kajachawaesliajwabej chiekal matabijaliajwam japon pejjiwampox. Samata, asamatkoi, wajpaklon Jesucristo pejme pask wut, xatis nakbuflaeyaxaelon athu poxase.

³¹ ¡Xamal kofim piach nejchaxoelampox asew babijaxan ispiliajwa xamalliajwa! ¡Xabich piach nabej ulatae'bej asew jiw! ¡Nabej losbej asew jiw! ¡Nabej bu'wuajanpa'e'bej asew jiw! ¡Kofimbej nejmachbabijaxan! ³² ¡Isfulade pachaempoxan nakaewaliajwa! Pe kaen aton babijax is wut, ¡beltaem japoxliajwa! Dios xamal beltaen babijaxan isampoxanliajwa, Jesucristo tuxot. Samata, ¡xamalbej beltaem, asew jiw babijaxan is wut xamalliajwa!

5

Jesús pejwuajan naexasiti machiyaxaelpox Dios nejchachaemlaliajwa japiliajwa

¹ Dios xamal xabich nejxasink, japon paxim xot. Samata, xamal isfulaxaelam pachaempoxan. Me-ama Dios isful pachaempoxan, ¡xamalbej ja-amsfulde! ² ¡Nejxasinkafulde asew jiw! Me-ama Jesucristo naknejxasink, ¡ja-amsfuldebej xamal asew jiwliajwa! Japon xatis naknejxasink xot, pajut natapaeipon asajiw boesaliajwas nakwemosliajwa xatis babijaxan isaspoxanliajwa, Dios nakbeltaeliajwa. Samata, Dios nejchachaemil, Jesús tuxot wut xatisliajwa.

³ Xamal Dios pejjiwam xot, ¡nabej is puexa pachaema-elpoxan, asew jiw xamal bu'wuajanpaesamata! Samata, nejchaxoelam wut, ¡nabej nejchaxoele' asew watho' bu'moejsaxan, nijwa-elpow! Nejchaxoelam wut, ¡nabej nejchaxoele'bej asew jiw pejew

kinosliajwam! ⁴ ¡Nabej jum-aeche'bej babejjamechan, wajdalaxaelpoxan! ¡Nabej jum-aeche'bej nejliaklaxan! Japoxan jum-am wut, japoxan pachaemaxil. ¡Jum-amdelax Diosliajwa: “Dios, xam xabich pachaemam, nakajachawaetam xot” —amde Diosliajwa! ⁵ Xamal chiekal matabijam. Asew poejiw pijowpi, asew watho' naebu'moejt wuti, japi poejiw pasaxil Jesucristoxotse, pax suapich, tato'alxotse. Asaxan pachaema-elpoxan ispibej, japibej pasaxil jaxotse. Asew pejew kinosasiapi, japibej pasaxil Diosxotse, kaes nejxasink xoti pejewkal. Pe japi nejxasinka-el Dios. ⁶ ¡Nabej tapae'bej asew jiw xamal naekichachajbaliaw isliajwam Dios fiatpoxan! Jiw, ispi japoxan, Dios kastikaxaesi. ⁷ ¡Japi ispoxan xamal nabej is!

⁸ Xamal majt babijaxan isfulam, chiekal naexasis-emil wutfuk Dios. Samata, majt nejnejchaxoelaxan, me-ama itkua'nik wut, ja-aech. Amwutjel chiekal duilam, Dios pejjiwam xot. Samata, amwutjel nejnejchaxoelaxan, me-ama itliak, naexasitam xot Jesús pejwujajan. ⁹ Xatis laelpas wut, chiekal laelpaxaes, me-ama Dios nejxasink. Isfulaxaesbej pachaempoxan. Nakaewa najumchiyaxaesbej diachwujnakolaxpoxan. ¹⁰ Nejchaxoelam wut, ¡nejchaxoelde isliajwam Dios nejxasinkpoxan! ¹¹ Naexasis-elpi Jesús pejwujajan, japi babijaxan isful wut, ¡xamal japi nabej nakxatae' japoxan isasamatam! ¡Xamallax japi jiw naewujande kofaliajwa babijaxan ispoxan! ¹² Japi jiw maliach ispoxan, kaen aton jumchiyaxael wut asew jiwliajwa, japon aton xabich padalaxael japoxanliajwa. ¹³ Xamal naewujanam wut japi jiw Jesús pejwujajan, ja-am wut, japi pajut matabijaxael babijaxan ispoxan. ¹⁴ Samata, ja-aech wut, japilax isaxael pachaempoxan. Chajia lelspx jum-aech wut, jum-aechox:

“Xamal babijaxan isfulam wut, napelsaxaelam Diosliajwa. Samata, ¡kofim babijaxan isampoxan! Dios xamal bu'welija, Cristo tuxp” —aechox.

¹⁵ Samata, duilam wut, ¡chiekal taem babijaxan isasamatam! ¡Nabej duile', me-ama Jesús pejwujajan naexasis-eli! ¡Chiekal duilafulde! Me-ama chiekal matabijapi Jesús pejwujajan, ¡ja-amde, xamal duilafulam wut! ¹⁶ Ja-am wut, xajupaxaelam isliajwam pachaempoxan. ¡Japoxan isfulde, xabich asew jiw babijaxan isful xot! ¹⁷ Xamal, me-ama nejliaklawam wut, ¡nabej ja-aeche'! ¡Majt chiekal nejchaxoelde isaxaelampoxan, isliajwam Dios nejxasinkpoxan! ¹⁸ ¡Xamal saxa nabej fe' babijaxan isasamatam! ¡Xamallax naexasisfulde Espíritu Santo tato'alpoxan, chiekal duilaliajwam, me-ama Dios nejxasink! ¹⁹ Asew jiw suapich, natamejlam wut, ¡jajuim Diosliajwa Dios pejjajui, xabich nejchachaemlam xot Diosliajwa! ²⁰ Waj-ax Dios naktaen, kawujnas wut, naexasich xot Jesús pejwujajan. Samata, pomatkoicha Dios graciaschiyaxaes puexa japon ispoxanliajwa xatisliajwa.

Machiyaxaelpox Jesús pejwujajan naexasiti chiekal duilaliajwa, pejbapijw suapich

²¹ Nakaewa natato'lam wut, ¡chiekal na-ow-amde xamalxot wujajan ajilaliajwa! ¡Ja-amde, xamal xabich sitaenam xot Cristo!

²² Xamal watho'am, nejmol tato'al wut, ¡ow-amde! ¡Naexasisfulde, nejmol tato'al wut! Me-ama wajpaklon Jesucristo tato'alpox chiekal naexasisfulam wut, ¡ja-amfulde xamal watho'am nejmolliajwa! ²³ Dios tapaei Cristo tato'laliajwa jiw naexasiti japon pejwujajan. Dios tapaeibej kaenanula poejiw tato'laliajwa pejwatho'. Jesucristo tuxp xot, nakwemot xatis babijaxan isaspoxanliajwa Dios nakbu'welija. Samata, puexa xatis Cristo pejjiws, naexasich xot Cristo pejwujajan. ²⁴ Xatis, naexasichpis Jesús pejwujajan, naexasisaxaes Jesucristo tato'alpox. Watho'bej kaenanula naexasisaxael pamal tato'laspx.

²⁵ Xamal poejwam, ¡nejxasinkde nejwatho'! Me-ama Jesucristo xatis kaenanula naknejxasink, naexasichpis japon pejwujajan, ¡ja-amfulde xamal poejwam, nejxasinkam wut nejwatho'! Japon pajut natapaei asajiw boesaliajwas. Tuxp wut, nakwemoton xatis babijaxan isaspoxanliajwa. ²⁶ Jesucristo jasoxtat nakwemot xatis babijaxan isaspoxanliajwa, naexasichpis japon pejwujajan matabijaliajwas, pachaemaliajwas Diosliajwa. Xatis nakbautisa wut, japox jiw chiekal matabijaliajwa puexa xatis babijaxan isaspoxan nakweajilpox Diosliajwa. ²⁷ Jesucristo pejme athulelsik pask wut, japon taesia puexa xatis

chiekal naexasichpox japon pejwɔajan. ²⁸ Samata, xamal poejwam, me-ama najut nanejxasinkam wɔt, ɟja-amsfuldebej kaenanɔla nejwatho'liajwa! Pijow nejxasinkpon, japon atonbej pajutliajwa chiekal nanejxasink. ²⁹ Kaen aton pajutliajwa nanejwesla-el. Japon aton pajutliajwa chiekal natataeful. Japon chiekal xaelbej naxaeyaxan mamnikaliajwa. Jatisbej xatis, Cristo pejwɔajan naexasichpis. Cristo chiekal naktataeflaful. ³⁰ Puexa xatis, Cristo pejbɔ't wɔt, jatis. Samata, japon naktataeflaful. ³¹ Dios pejjamechan, chajia lelspx, ɟɔm-aech wɔt, ɟɔm-aechox: “Aton pawis fit wɔt, pax, penxot dukaxil. Japon pejlel dukaxael, pijow sɔapich, japi pajut natataeflaliajwa. Majt japi kolenje. Japi nanot wɔt, me-ama kaen wɔt, ja-aechlisi” —aech Dios pejjamechan. ³² Dios pejjamechan, chajia lelspx, japox ɟɔm-aech wɔt, xabich pachaem xatis matabijaliajwas. Majt matabija-esal japox. Japox ɟɔm-aechbej xatis amwɔtjel matabijaliajwas Cristo pejjiwspox. Samata, xatis Jesús pejwɔajan naexasichpis, Diosliajwa, Cristo sɔapich, kaebɔ'tas wɔt, jatis. ³³ Samata, xamal poejwam, ɟchiekal nejxasinkafulde nejwatho'! Me-ama xamal najut nanejxasinkam wɔt, ɟja-amsfulde! ɟWatho'bej, nej sitae' pamaljiw!

6

¹ Xamal yamxim, ɟkaenanɔla nej-ax, nej-enbej, chiekal naexasisfulde! ɟJa-amsfulde, xamal naexasitam xot Jesús pejwɔajan! Japox Dios pejjamechan ɟɔm-aech xamal yamxim chiekal naexasisliajwam nej-ax, nej-enbej. ²⁻³ Dios pejjamechan, chajia lelspx, ɟɔm-aech wɔt, ɟɔm-aechox: “ɟSitaem nej-axjiw, nej-enjiwbej! Ja-amsfulam wɔt, puexa pachaemaxael xamalliajwa. Pin-iawaechan laelpaxaelambej ampathatat” —aech Dios pejjamechan. Dios to'a wɔt japox tato'lax, ɟɔmdutbejpon kajachawaesliajwa naexasitpi japox tato'lax.

⁴ Xamal paxjiwam, naxi to'am wɔt, ɟnabej tato'le' palaeyaxtat, naxibej palalagamata xamalliajwa! ɟChiekal tato'alde naxi xamal chiekal naexasisliajwa, Dios nejchachaemlaliajwa xamalliajwa!

⁵ Xamal esclavos, ɟchiekal naexasisfulde, nejpaklochow tato'al wɔt! Japi owam wɔt, ɟisde chiekal! ɟPomatkoicha chiekal nabichfuldebej nejpaklochowliajwa! Me-ama Cristoliajwa nabistam wɔt, ɟja-amsfulde, nejpaklochow tanbistam wɔt! ⁶ Asew jiw chiekal nabist, nejpaklochow tataeflas wɔt, nejpaklochow chiekal nejchachaemlaliajwa japiliajwa. Pe paklochow tataefla-esal wɔt, japi chiekal nabich-el. ɟXamal jasox nabej ja-aече'! ɟXamal chiekal nabisde! Me-ama Jesucristo pejjiw chiekal nabist, ɟxamal ja-amde puexa nejpamamaxtat, nabistam wɔt nejpaklochowliajwa! Japoxlap Dios nejxasink xamal isliajwam. ⁷ Xamal asew jiwliajwa nabistam wɔt, ɟchiekal nabisde! Jawɔt, nejchaxoelam wɔt, ɟnejchaxoelde ampx: “Nabistax wɔt, nabichaxaelen, me-ama Cristoliajwa nabistax wɔt, jachiyaxaelen” —amde, nejchaxoelam wɔt! Me-ama majt xamal asbɔan ɟɔmch asew jiwliajwa chiekal nabich-emil, ɟjasox nabej ja-aече', amwɔtjel nabistam wɔt! ⁸ Xamal esclavos, esclavos-emilpimbej, chiekal matabijam Dios pajut xamal chaxduiyaxael, kaenanɔla chiekal nabistam wɔt Jesúsliajwa.

⁹ Xamal paklochwam, ɟpachaemde namakjiwliajwa! ɟNabej bɔ'athiye', namak tato'lam wɔt! Xamal paklochwam, nejchaxoelam wɔt, ɟnejchaxoelde ampx! Xamalbej nejpaklon. Japon Dios, athɔxotsepon. Diosbej paklon namakliajwa. Dios puexa xatis chiekal naktaen. Samata, xatis kaenanɔla Dios nakkastikaxael, isas wɔt babijaxan. Samata, xamal namak tato'lam wɔt, ɟchiekal tato'alde!

Pajut chiekal natataeflaxaelpox Jesús pejwɔajan naexasiti, Satanás naekichachajbasamatas

¹⁰ Takoew, Dios pejjiwam xot, ɟxamal kaes mamnikde Dios pijaxtat japon xanaboexampoxliajwa! ¹¹ Soldaw nabeliajwa wɔt, patiya naxoei, padaelmajiw xɔa'balas wɔt xakolasamatas. Xamalbej jachiyaxaelam. ɟDios chaxduwpoxan naxoem mamnikaliajwam! Japoxan naxoeyam wɔt, Satanás xajɔpaxil xamal malechaliajwa, xapaeja wɔton xamal babijax isliajwam. ¹² Xatis nabaes wɔt, nabe-esal, jiw sɔapich. Xatislax nabaes,

taeyaxisalpi sʉapich. Japi, Satanás pejjiwpi, “dep” —tispi. Japon jiw tato'al, babijaxan ispi ampathatat. Tato'albejpon puexa dep, nanuamti pothata. ¹³ Samata, xamal nabeyax wuajna, ¡chiekal thilsfulde! ¡Dios chiekal xanaboejimbej! Ja-am wut, Satanás pijaxtat babijax pat wut, xamal xajupaxaelam chiekal mamnikaliajwam.

¹⁴ Soldaw patiya naxoei, padaelmajiw xua'balas wut xakolasamatas. Do jawux, padaelmajiw sʉapich, naba wuti, japi soldaw dukpaxil. Kaekawutat nuilpi nabeliajwa. Xamalbej, ¡ja-amde! Samata, ¡Dios chiekal xanaboejim, Satanás xapaeja wut malechasamata, chiekal xamal matabijam xot Dios pejjamechan, diachwuajnakolaxpox! ¡Isfuldebej puexa pachaempoxan! ¹⁵ ¡Xamal chiekal thilsfulde naewuajnalijwam chimiawuajan, Jesús pejwuajan, jiw chiekal pachaemaliajwa Diosliajwa! ¹⁶ Soldaw xafol patiyaxan, pawulpox escudo, xat-elbalaliajwa, itkua'balaliajwabej japoxantat, padaelmajiw buyan tamduwpi, xapajaldan wut japilel. Xamal, me-ama soldaw, ¡ja-amfulde! Dios chiekal xanaboejampox, me-ama escudos, jachiyaxael. Samata, ¡Dios chiekal xanaboejim xamal kajachawaesliajwa, Satanás xapaeja wut, xamal babijaxan is-elaliajwam! ¹⁷ Soldaw matlua'abej patiyaxan, pawulpox casco, padaelmajiw matnaebijlas wut buyatat xakolasamatas. Xamal naexasitampim Jesús pejwuajan Dios bu'weyaxael. Japox xamalliajwa, me-ama casco, ja-aech. Soldaw xafol espada padaelmajiw beliajwa. Xamalbej, me-ama japi, ¡ja-amde! Dios pejjamechan, me-ama espada, ja-aech, Espíritu Santo chaxdutupowa, xamal Satanás malechaliajwam, xamal naekichachajbasia wuton. ¹⁸ ¡Xamal Dios kawuajande pomatkoicha! Me-ama Espíritu Santo xamal tato'al kawuajnalijwam, ¡ja-amfulde! ¡Dios kawuajandebej puexa asew jiwliajwa, Dios pejjiwpliajwa! ¹⁹ ¡Dios kawuajandebej xanliajwabej nakajachawaesliajwa, naewuajnax wut judíos-elpi! ¡Dios kawuajandebej, xan tajlewla-elaliajwa japi naewuajnax wut chiekal jummatajibaliajwa chimiawuajan, majt matabija-elpox Dios bu'weliajwas! ²⁰ Dios nato'a jiw naewuajnalijwan jarawuajan, wuajan xananuamsan wut, jachiliajwan. Samata, xan amwutjel jiw jebatatax. ¡Xanliajwa Dios nawekawuajande tajlewlasamata, asew jiw naewuajnax wut Diosliajwa!

Pablo saludos xato'apox, carta lelax kitoesliajwa wut

²¹ Wajkoewan Tíquico, puexa xatis nejxasinkaspon, japon xamalxot pa'a wut, puexa tajwuajan chapaeyaxaelon. Tíquico chiekal nakajachawaet, Dios pijax bichax isfulax wut. ²² Samata, xan to'ax Tíquico xamal poxade. Ja-aech wut, kofaxaelam xabich nejchaxoelampox xanliajwa.

²³ Waj-ax Dios, wajpaklon Jesucristobej, kawuajnax xamal kajachawaesliajwa chiekal duilaliajwam, asew jiw sʉapich. Kawuajnaxbej nakaewa nanejxasinkaliajwam, Dios xanaboejam xot. ²⁴ Xan Dios kawuajnaxbej japon kajachawaesliajwa puexa naexasiti Jesús pejwuajan, japi jiw, xabich nejxasinkpi wajpaklon Jesucristo.

Pablo lelpox carta Filipos paklowaxpijiwliajwa

Pablo lelpox carta Filipos paklowaxpijiwliajwa

¹ Xan Pablo, Timoteo suapich, nabistax Jesucristoliajwa. Lelx ampox carta xamal Filipos paklowaxpijwamliajwa. Dios pejiwam, naexasitam xot Jesús pejwñajan. Ampox cartabej ancianosliajwa, diáconosliajwabej, japi xamalxotpi. ² Xan kawñajñax waj-ax Dios, wajpaklon Jesucristobej, japi xamal kajachawaesliajwa, chiekal duilaliajwambej, asew jiw suapich.

Pablo Dios kawñajanpox Jesús pejwñajan naexasitiliajwa

³⁻⁵ Nejchaxoelx wut xamalliajwa, Diosliajwa gracias-an, japon xamal kajachawaet xot. Xamalxotx wut, jelnaxasitam wut Jesús pejwñajan, xamal xan nakajachawaetam, asew jiw naewñajñaliajwan chimiawñajan, Jesús pejwñajan. Amwutjelbej nakiowa nakajachawaesfulam. Samata, xan nejchachaemlax xamalliajwa, Dios kawñajñax wut. ⁶ Xan chiekal matabijtax, Dios xamalxot tuadut kajachawaesliajwa nejnejchaxoelaxan pachaemaliajwa, isfulaliajwam pachaempoxan. Dios japox isfulaxael, hasta Jesucristo pejme fuloek wut. ⁷ Puexa xan nejchaxoelxproxa xamalliajwa, xabich pachaem, xamal xabich nejxasinkax xot. Xan jiw jebatatax wut, jiw tato'alpi wñajñalelan wutbej, jawut xan jum-an japi paklochow chiekal najumtaeliajwa: “Chimiawñajan, Jesús pejwñajan, diachwñajñakolax jiw bu'weliajwas” —an, naewñajñax wut. Xamal plata naxto'am xanliajwa nakajachawaesliajwam, jiw naewñajñax wut Jesús pejwñajan. Dios nabeltaen xot, nato'a Jesús pejwñajan jiw naewñajñaliajwan. ⁸ Dios matabijt, xamal xabich taesianpox, xabich nejxasinkax xot. Me-ama Jesús xamal xabich nejxasink, xanbej, ja-an, xamal nejxasinkax wut. ⁹ Xan Dios kawñajñax xamal nakaewa kaes chiekal nanejxasinkaliajwam. Dios kawñajñaxbej xamal japon kaes chiekal matabijaliajwam. ¹⁰ Xamal ja-am wut, matabijaxaelam isliajwam kaes pachaempoxan. Ja-am wut, chiekal duilaxaelam. Samata, asamatkoi Cristo pejme pask wut, xamal chiekal bu'wñajñajilaxaelam. ¹¹ Kaen Cristo xajup xamal kajachawaesliajwa isliajwam pachaempoxan. Ja-am wut, xamal chiekal duilaxaelam. Samata, asew jiw Dios sitaeyaxael.

Pablo chiekal dukpox, Cristo pejwñajan naexasit xot

¹² Takoew, xan nejxasinkax xamal chiekal matabijaliajwam jumchiyaxaelenpox. Jiw jebatat xan najia, potñajñucha kaes asew jiw naewñajñasamatan chimiawñajan, Jesús pejwñajan. Pe nakiowa, xabich jiw kaes naexasisful Jesús pejwñajan, xan jiw jebatatax wut. ¹³ Puexa gobernador pejbapijiw, asew jiwbej, matabija jiw jebatat asew jiw xan najiapox, naewñajñafulax xot Cristo pejwñajan asew jiwliajwa. ¹⁴ Jesús pejwñajan naexasiti nawultaen wut asew jiw xan najiapox jiw jebatat, japi kaes Dios xanaboeja kajachawaesliajwas. Samata, pejlewla-eli naewñajñafulaliajwa Jesús pejwñajan asew jiwliajwa.

¹⁵ Diachwñajñakolax asew jiw naewñajan Jesús pejwñajan, xan nanusasiowal xoti. Japi xabich kaes jiw naewñajan, nejxasink xoti jiw kaes sitaeliajwas. Me-ama xan jiw nasitaen wut, jachi-elasiapi. Japi jiw xabich kaes nejxasink jiw sitaeliajwas. Asew jiwlix naewñajan Jesús pejwñajan, japi nejxasink xot asew jiwbej Jesús pejwñajan chiekal naexasisliajwa. ¹⁶ Japilax naewñajan asew jiw Jesús pejwñajan, xan nanejxasink xot. Japi pajut chiekal matabija, Dios natapaei jiw jebatat jiw najeliajwa, jaxotx wut paklochow jumchiliajwan: “Chimiawñajan, Jesús pejwñajan, diachwñajñakolax jiw bu'weliajwas” —chiliajwan paklochow. ¹⁷ Jiw, xan nanusasiowalpi Jesús pejwñajan naewñajñaxpox, japi xabich kaes naewñajan jiw, xabich kaes sitaeliajwas. Samata, nakaewa najum-aechi: “Amwutjel Pablo jiw jebatat nakwultaen wut xabich xatis jiw naewñajñaspox Jesús pejwñajan, kaes xabich nejxaejwaxaeson” —na-aechi nakaewa. ¹⁸ Xan japoxliajwa

nanejxaejwaxil, japi jiw xamal chiekal naewuajan wut Jesús pejwuajan. Puexa japi jiw naewuajanpoxliajwa, xan nejchachaemlax japoxliajwa.

Xan kaes nejchachaemlaxaelenbej. ¹⁹ Xamal pomatkoicha Dios kawuajnam xanliajwa. Espíritu Santo, Jesucristo to'aspon, xan nakajachawaet. Samata, matabijtax asamatkoi nakolsaxaelenpox amxot, jiw jebatat. ²⁰ Xan tajlewt naewuajna-enil wut Jesús pejwuajan, ja-aech wut xan tadalaxael. Pe amwutjel, amxot, jiw jebatat wut, nakiowa naewuajnafulax Jesús pejwuajan, Dios xanaboejsfulax xot. Asamatkoi, paklochow wuajnalelan wut, jumchiyaxaelen naewuajnafulaxpox. Jawut, naboesa wut, o, naboesa-el wutbej, japoxan koloeyaxan xanliajwa chiekal pachaemaxael. Xan nejxasinkax jiw sitaeliajwa Cristo. ²¹ Japox koloeyaxliajwa nejchaxoelxbej: “Laejax wutfuk, isfulaxaelen Cristo nejxasinkpoxan. Pe tux wutbej, Cristoxotaxoeyan. Tux wut, japox xanliajwa kaes pejme pachaem” —an, nejchaxoelx wut. ²² Laejax wutfuk, nabichaxaelen Jesucristoliajwa. Samata, chiekal matabijs-enil, achax kaes pejme pachaem xanliajwa, ampathatat laejax, o, tupaliajwanpox. ²³ Japoxan, koloeyaxot, tampoel chiekal matabijsliajwan, masox koloeyaxot kaes pejme pachaem xanliajwa. Pachaem Cristoxotaliajwan, tux wut. Japox xanliajwa xabich kaes pejme pachaem. ²⁴ Xan laejax wutfuk ampathatat, kaes pejme pachaem xamal kajachawaesliajwan. ²⁵ Xan chiekal matabijtax. Laejax wutfuk, xamal chiekal kajachawaesfulax kaes Dios chiekal xanaboejalijwam, kaes chiekal nejchachaemlaliajwambej, Jesús pejwuajan naexasisfulam xot. ²⁶ Asamatkoi, pejme xamalxotaxaelen wut, xamal jumchiyaxaelam Jesucristo jumtaeliajwa: “Gracias, Pablo pejme pat xot xanalxot” —chiyaxaelam xanliajwa.

²⁷ ¡Xamal isfulde Jesucristo pejwuajanxot jum-aechpox! ¡Jasox ja-amsfulde, xan xamalxotx wut, o, xamalxota-enil wutbej! Xan jumtaesianbej xamal chiekal duilampox kaenejchaxoelaxtat, Jesús pejwuajan naexasitam xot. Jumtaesianbej, xamal asew jiw naewuajnampox Jesús pejwuajan, japi jiwbej naexasisliajwa japawuajan Dios bu'welijwasbejpi. ²⁸ Jesús pejwuajan naexasis-eli, is wut babijaxan xamalliajwa, ¡nabej nejlewe'! Ja-am wut, japi jiw pajut matabijaxael asamatkoi japi Dios kastikaxaespox. Jawutbej pajut chiekal matabijaxaeli xamallax Dios bu'weyaxaelpox. Puexa japoxan jachiyaxael. ²⁹ Dios tapaei xamal naexasisliajwam Jesús pejwuajan. Dios tapaeibej nabiasliajwam, naexasitam xot Jesús pejwuajan. ³⁰ Xan nabijatax, asew jiw babijaxan is wut xanliajwa, naexasitx xot Jesús pejwuajan. Xamalbej nabijatam japi jiw pijaxtat. Xamal nataenam, majt nabijatax wut. Amwutjel nakiowa nawultaenam nabijataxpoxfuk.

2

Puexa jiw chimiajamechan jumchiyaxaelpox Cristoliajwa

¹ Jesús pejwuajan naexasitam xot, Dios xanaboejam. Xamal najut matabijambej Cristo xamal nejxasinkpox. Samata, xamal nejchaxoela-emil asaxan. Espíritu Santo xamal nejmatpuatanxotpon. Samata, chiekal pachaemam nakaewaliajwa. Nabeltaenambej nakaewa. ² Samata, ¡xamal isfulde xan to'axpox, xan nejchachaemlaliajwan xamalliajwa! ¡Xamal nakaewa nanejxasinkde! ¡Xamal isaxaelampox isfulde kaenejchaxoelaxantat! ³ Xamal nejchaxoelam wut, ¡nabej nejchaxoele' ampox: “Xan isxpoxan, japoxan xan tajutliajwa” —nabej aeche'! ¡Nabej nejchaxoele'bej: “Ampoxan isx jiw xabich nasitaeliajwa” —nabej aeche', nejchaxoelam wut! Xamal najutliajwa nejchaxoelam wut, ¡nejchaxoelde ampox: “Xan kaes pachaema-enil. Me-ama asew jiw, xabich pachaempi, xan jachi-enil” —amde, nejchaxoelam wut! ⁴ Xamal nejchaxoelam wut, ¡nabej nejchaxoele'bej isliajwam pachaempoxan xamal najutliajwakal! ¡Nejchaxoelde isliajwam pachaempoxan asew jiwliajwabej!

⁵ Me-ama Jesucristo nejchaxoel, ¡jasox xamalbej nejchaxoelde!

⁶ Jesucristo chiekal najur, pax Dios suapich. Pe japon jumbisnika-el, me-ama pax Dios wut, jachiliajwa.

- ⁷ Samata, kofton tato'alpox Diosxotse fūlaelajwa ampathatasik. Ja-aech wūt, nalaelton ampathatat. Japon chiekal ti't wūt, me-ama nejmach-aton wūt, ja-aechon.
- ⁸ Ampathatat wūton, pajut nejxasinkpoxan is-el. Japonlax isful Dios nejxasinkpoxan. Samata, pajut natapaeipon asajiw boesaliajwas, Dios to'as xoton japox jachiliajwas. Jatis wūt, japon tɔp cruztat. Me-ama xabich babijaxan ispon wūt, jakitison, kimatamatlas wūt cruztat.
- ⁹ Jatis wūton, japon Dios mat-ech pejme dukaliajwa. Bɛ'fosbejpon athɛ poxase, kaes paklon nadofaliajwa, puexa tato'laliajwabejpon. Kaes asan ajil, me-ama japon, jason.
- ¹⁰ Dios jasox to'a Jesús, puexa jiw brixtat nuilaliajwa Jesús pejwɔajnalel, puexa athɛxotsepi, ampathatpijiwbej, infiernoxotpipej.
- ¹¹ Puexa jiw jumchiyaxael Jesúsliajwa: “Japon paklon puexa jiwliajwa” —chiyaxaespon. Ja-aech wūt, puexa jiw pajut matabijaxael Dios diachwɔajnakolax xabich pachaem.

Jesús pejwɔajan naexasiti ampathatat, me-ama itliak wūt, ja-aechi

¹² Takoew, xamal nejxasinkaxpim, majt xamalxotx wūt, xamal xan nanaexasitam. Amwɔtjel, atɔajan wūt, ¡kaes pejme nanaexaxisfulde! Kaenanɔla xamal chiekal duilam, Dios xabich sitaenam xot, naexasitam xotbej Jesús pejwɔajan. ¹³ Dios xamal kajachawaesful xot, nejxasinkam isliajwam Dios nejxasinkpoxan. Dios nejxasinkpoxan isaxaelam wūt, japon kajachawaesfulaxaelbej xamal japoxan isliajwam.

¹⁴ Kiwesla wūt asax isliajwam, ¡nakiowa isde! ¡Nabej jum-aech'e' babejjamechan japoxliajwa! ¡Nakaewa nabej nalosbej! ¹⁵ Ja-am wūt, asew jiw babejjamechan jumchiyaxil xamalliajwa. Dios paxim xot, ¡chiekal duilafulde jiw babejchowxot! Ja-am wūt, xamal, me-ama ithaej, madoi itliak wūt, jachiyaxaelam japi jiwliajwa. ¹⁶ ¡Jiw babejchowxot naewɔajande Jesús pejwɔajan japi jiw chiekal matabijaliajwa, chiekal duilaliajwabejpi pajelnejchaxoelaxantat! Ja-amsfulam wūt, Cristo fūloek wūt, xan nejchachaemlaxaelen xamalliajwa. Matabijtax xan nawenafo'axilpox, xamal naewɔajnaxpox. ¹⁷ Dios nejchachaemil, xamal naexasitam xot Cristo pejwɔajan. Xan matabijtax wūt Dios nejchachaemilpox xamalliajwa, xanbej nejchachaemlax. Xan bej nabɛ'aboesaxaelbej asew jiw, xamal naewɔajnax xot Jesucristo pejwɔajan. Japi nabɛ'aboesa wūt, xan nejchachaemlaxaelen Diosxotse. ¹⁸ ¡Xamalbej xanliajwa nabej nejxaejwe'! ¡Asbɔan jumch nejchachaemilde!

Pablo nejchaxoelpox to'aliajwa Timoteo, Epafrodito sɔapich, Filipos paklowax poxade

¹⁹ Wajpaklon Jesús nejxasink wūt, kamtalejen xan to'axaelen Timoteo xamal poxade. Timoteo xamalxot nawia'an wūt, wɔltaeyaxaelen, ma-am xamal, duilam wūt. Wɔltaenx wūt chiekal duilampox, xan xabich nejchachaemlaxaelen. ²⁰ Kaen Timoteo kaenejchaxoelax, xan sɔapich. Xanxot kaes asan aton ajil, xamalliajwa xabich nejchaxoelpon, me-ama xan, ja-aechpon. ²¹ Puexa amxotpijiw nejchaxoel pajut isasiapoxan. Samata, nejchaxoela-eli isliajwa Jesucristo pejbichax. ²² Xamal chiekal matabijam, Timoteo chiekal nabist Jesúsliajwa. Japon asew jiw naewɔajan Jesús pejwɔajan, xan sɔapich. Samata, Timoteo xanliajwa, me-ama taxɔlan wūt, jabɔan-anpon, nakajachawaesful xot naewɔajnaxpoxan. ²³ Xan tajut chiekal matabijtax wūt jachiyaxaelpox xanliajwa amxot jiw jebatat, jawɔt to'axaelen Timoteo xamal poxade. ²⁴ Dios nejxasink wūt, xanbej tajut fūlaeyaxaelen xamal taeliajwan.

²⁵ Timoteo fūlaeyaxil wɔtfuk, xan nejchaxoelx matxoela to'aliajwan wajkoewan Epafrodito xamal poxade. Epafrodito nakajachawaet xan jiw naewɔajnax wūt Jesús pejwɔajan. Xamal japon to'am wūt, japon fūlaen xanlel nakajachawaesliajwa nawewe'ppoxan. ²⁶ Epafrodito majt xabich bɛ'xaenk, xanxot wūt. Amwɔtjel chiekal nejchaemlison. Samata, japon xamal xabich taesia. Xabich nejchaxoelon xamalliajwa, xamal xabich nejchaxoelam xot japonliajwa, wɔltaenam wūt japon majt xabich bɛ'xaenkpox. ²⁷ Epafrodito bɛ'xaenk wūt, diachwɔajnakolax mox pejtɔrapon. Dios

beltaens xot, kajachawechpon boejthulaliajwas japawaxae. Pe japonkal Dios beltae-esal. Xanbej Dios nabeltaen, Epafrodito tɔp wɔt xabich kaes nanejxaejwasamata. ²⁸ Samata, Epafrodito to'axaelen xamal poxade. Pejme xamal japon taeyaxaelam wɔt, xabich nejchachaemlaxaelam japonliajwa. Xanbej nejchachaemlaxaelen, xamal pejme japon taeyaxaelam wɔt, chiekal nejchaem xotlison. ²⁹ Epafrodito xamalxot pat wɔt, ꞑxamal chiekal bɯ'kɯlim, nejchachaemlaxtat, japonbej naexasit xot Jesús pejwɯajan! ꞑChiekal sitaembejpon! ꞑAsew jiw, Jesús pejwɯajan naexasiti, japibej sitaem! Me-ama Epafrodito sitaenam wɔt, ꞑja-amdebej japi jiwliajwa! ³⁰ Epafrodito xan nakajachawaet wɔt Cristo pejbichax, japon waxae waech wɔt, mox pejtɔpepon. Xamal japon to'am xan nakajachawaesliajwa, xamal najut nakajachawaesaximil xot.

3

Kaes pejme pachaempox, japox wajpaklon Jesucristo matabijaspox

¹ Takoew, ꞑamwɔtjel xamal nejchachaemilde, naexasitam xot Jesús pejwɯajan! Chaemila-el xan pejme lelaliajwan chajia lelxpox xamalliajwa. Ampox, lelxpox, xabich pachaem xamal najut chiekal natataeflaliajwam, asew jiw xamal naekichachajbasamata. ² ꞑChiekal taem jiw babejchowliajwa! Japi naewɯajan wɔt, ꞑɯm-aechi: “Judíos-elpi, naexasiti Jesús pejwɯajan, japi circuncidaxaes Dios pejmarkaxliajwa Dios bɯ'welijaes” —aechi, jiw naewɯajan wɔt. ³ Diachwɯajnakolax xatis Dios pejjiws. Espíritu Santo nakkajachawaet xot, xatis ꞑɯntis Diosliajwa: “Xam xabich pachaemam” —tis. Xatis chiekal nejchachaemlas, Jesucristo pejjiws xot. Matabijas Dios nakbɯ'weyaxilpox wajut isaspoxantat. Dios nakbɯ'weyaxael, Jesucristo nakwemot xot babijaxan isaspoxanliajwa. ⁴ Kaen judíosxot pajut pijaxtat weyaxael wɔt babijaxan ispoxanliajwa, xanlap japonaxaelen. ⁵ Xan nalaeltaxpox ocho matkoiyan wɔt, nacircuncida. Xan israelita-atonan. Benjamín pamonanbej. Tajjame hebreojame. Xan fariseo-atonan. Samata, me-ama fariseos chiekal naexasit Moisés chajia lelpox, xanbej ja-an, chiekal naexasitx wɔt Moisés chajia lelpox. ⁶ Xan majt xabich kaes naexasitx Moisés chajia lelpox. Samata, chakifolx naexasiti Jesús pejwɯajan jaelaliajwan, japi jiw jeliajwan jiw jebatat. Samata, kaen najɯmchiyaxil xanliajwa natasalaliajwa: “Pablo chiekal naexasis-el Moisés chajia lelpox” —nachiyaxil. ⁷ Chiekal majt matabijs-enil wɔt, xan nejchaxoelx: “Diosliajwa isxpoxan xabich pachaem” —an, majt nejchaxoelx wɔt. Pe amwɔtjel, Jesús pejwɯajan naexasitx xot, chiekal matabijtax, majt isxpoxan Diosliajwa japoxan pachaema-el. ⁸ Amwɔtjel chiekal matabijtax. Kaes pejme pachaem tajpaklon Jesucristo matabijtaxpox. Samata, majt puexa isxpoxan, puexa japoxan chiekal koftax kaes matabijsliajwan Jesucristo. ⁹ Xan amwɔtjel naexasitx Cristo pejwɯajan Dios nabɯ'welijaes. Samata, kaes nejchaxoela-enil: “Moisés chajia lelpox xan naexasisaxaelen Dios nabɯ'welijaes” —chi-enil, nejchaxoelx wɔt. Cristo tɔppox cruztat xanliajwa, japox naexasitx xot, Diosliajwa bɯ'wɯajanjinil. ¹⁰ Xan kaes chiekal matabijsasian Jesucristo. Japon tɔp wɔt, Dios mat-echpon pejme dukaliajwa. Xanbej chiekal dukasian Dios pejkajachawaesaxtat. Me-ama Jesucristo nabijat xanliajwa, xanbej jachisian. Aton tɔp wɔt, kaes babijaxan is-el. Xanbej japoxasian. Laejax wɔt, chiekal laejasian babijaxan is-elaxtat. ¹¹ Xan nejxasinkax xanbej Dios namat-esliajwa pejme dukaliajwan, asamatkoi Dios tɔpi mat-eyaxael wɔt pejme duilaliajwa.

Chiekal laelpaxaespox xatis kanaliajwas premio

¹² Xan tajut ꞑɯmchi-enil asew jiwliajwa: “Xan chiekal isx puexa Dios nejxasinkpoxan” —chi-enil asew jiwliajwa. Nawewe'p chiekal nejchaxoelaliajwan, me-ama Dios nejxasink. Dios nakajachawaet wɔt, isaxaelen Dios nejxasinkpoxan. Me-ama Cristo nejchaxoel, xanbej jachiyaxaelen, namakafit xot Cristo pamaknanliajwa. ¹³ Takoew, xan matabijtax puexa chiekal is-enilpox Cristo nejxasinkpoxan. Pe nakiowa, majt isxpoxan, amwɔtjel kaes japoxan is-enil. Amwɔtjellax isfulaxaelen Cristo nejxasinkpoxan. ¹⁴ Aton xabich

najaet pasliajwa markasxot premio kanaliajwa. Xanbej chiekal dukasian, Dios namakafit xot chiekal dukaliajwan, xan naexasitx xot Jesús pejwɔajan.

¹⁵ Jasox puexa xatis chiekal nejchaxoelaxaes, Dios piach naexasich xot. Xamal japox nejchaxoela-emil wɔt, Dios kajachawaesaxael chiekal nejchaxoelaliajwam. ¹⁶ Xatis matabijas isliajwas Dios nejxasinkpoxan. Samata, japoxan isfulaxaes.

¹⁷ Takoew, ɔxamal chiekal duilde! Me-ama xan chiekal dukx wɔt, ɔja-amde! Jiw chiekal duilpi, me-ama xanal, ja-aechpi, ɔjapi jiw xamal chiekal taem! ɔJa-amde xamal chiekal duilaliajwam, me-ama japi jiw! ¹⁸ Pin-iaveces xamal ɔɔm-an. Amwɔtjel, pejme ɔɔm-an wɔt, ɔɔm-an itminxpoxtat, xabich jiw naexasis-el xot Jesucristo tɔppox cruztat. Japi jiw nejxasinka-el Jesús pejwɔajan. ¹⁹ Ampathat toep wɔt, japi jiw Dios toesaxaes, babijaxan pajut isasiapoxan is xoti. Japi jiw bɔɔdala-el chapaeliajwapi asew jiw babijaxan ispoxxanliajwa. Japi nejchaxoel wɔt, nejchaxoel ampathatpijaxankal. ²⁰ Xatislax duilaxaes Diosxotse. Samata, wɔajnwesfulas wajpaklon Jesucristo pasliajwasik nakbɔ'welija. ²¹ Wajpaklon Jesucristo pask wɔt, wajbɔ'an, ampathatpijax, nakwexaliaxaxaelon, chiekal pachaema-el xotox. Do jawɔt, wajbɔ'an asabɔ'anaxael. Pajelbɔ'anaxaes. Jawɔt xatis wajbɔ'an, me-ama wajpaklon Jesucristo pejbɔ't wɔt, jachiyaxael. Do ja-aech wɔt, japon puexa tato'laxael.

4

Pomatkoicha nejchachaemlaxaelpox naexasiti Jesús pejwɔajan

¹ Takoew, xamal nejxasinkaxpim, xabich taesian xamal. Xabich nejchachaemlaxbej xamalliajwa, chiekal naexasitam xot Jesús pejwɔajan. Samata, asew jiw japox chapaeix xamal chiekal naexasitampox Jesús pejwɔajan. ɔChiekal xanaboejim wajpaklon Jesucristo!

² Xan ampox ɔɔm-an japow Evodialiajwa, asaow Síntiqueliajwabej, japi watho' chiekal kaenejchaxoelaxliajwa, nakaewaliajwa, naexasit xoti wajpaklon Jesucristo pejwɔajan.

³ Xam, tajnachalnam, kaeyax nabistas xot Diosliajwa. Xan ɔɔm-an xam kajachawaesliajwam, japi watho' pejme chiekal kaenejchaxoelaxliajwa. Japi watho' xabich xan nakajachawaet, xamalxot naewɔajna x wɔt Jesús pejwɔajan. Jawɔt japon Clementebej, kaes asew jiw sɔapich, xabich nakajachawaet, xamalxot naewɔajna x wɔt. Japi jiw wɔllels Dios pejfatat, pomatkoicha duilaliajwapi Diosxotse.

⁴ ɔPomatkoicha xamal nejchachaemilde, wajpaklon pejjiwam xot! Pejme ɔɔm-an xamal nejchachaemlaliajwam. ⁵ ɔChiekal duilde asew jiw pajut matabijaliajwa, xamal pachaemampim! ɔNabej nejkiowe'bej wajpaklon Jesucristo mox pawɔajnapox pasliajwa ampathatasik!

⁶ ɔXamal xabich nabej nejchaxoele' asaxliajwa! Asax pachaema-elpox wɔt xamalliajwa, ɔDios kawɔajande japox chiekal pachaemaliajwa! Dios kawɔajnam wɔt, ɔnabej nejkiowe'bej Dios graciaschiliajwam puexa xamal kajachawaetpoxliajwa! ⁷ Jam wɔt, Dios xamal kajachawaesaxael xabich nejchaxoelasamatam nejchaxoelampox. Nejchachaemlaxaelambej. Japox nejchachaemlax, Dios pijax. Samata, asew jiw matabijaxil japonejchachaemlax. Xamal nejchachaemlam wɔt, nejlewlaxil. Nejchaxoelam wɔt, chiekal nejchaxoelaxaelambej, xamal Jesucristo pejjiwam xot.

Pablo to'apox Filipos paklowaxpijiw nejchaxoelaliajwa puexa pachaempoxan

⁸ Takoew, xamal ɔɔmchiyaxaelen matdukanaewɔajna x. Nejchaxoelam wɔt, ɔnejchaxoelde puexa diachwɔajnakolaxpoxan, puexa jiw sitaenpoxanbej! ɔNejchaxoeldebej puexa pachaempoxan, Dios nejxasinkpoxan! ɔNejchaxoeldebej isliajwam jiw ɔɔm-aechpoxan: “Ampoxan xabich pachaem xatis isliajwas” —aechpoxan!

⁹ ɔXamal chajia naewɔajna x pox, chanaekabɔanaxpoxbej, naexasisfulde! Japoxan naexasitam wɔt, Dios kajachawaesaxael xamal chiekal duilaliajwam, asew jiw sɔapich.

Filipos paklowaxpijiw ofrenda xato'apox Pabloliajwa

¹⁰ Xan nejchachaemlax xamal pejme xan nanejchaxoelam xot, ofrenda naxto'am xotbej xanliajwa. Samata, gracias-an Diosliajwa. Xan tajut chiekal matabijtax, xamal xan nejkiowa-emil. Majt xamal ofrenda naxto'a-emil xanliajwa, ajil xot aton nawexalaeliajwa ofrenda xanliajwa. ¹¹ Xan ampox jumchi-enil xamal kaes ofrenda naxto'aliajwam. Xan tejew kaeyaxach wut, nakiowa xanejchachaemlax. ¹² Xan kijinil wutbej, xan nakiowa nejchachaemlax. Xabich wutbej tejew, xan nejchachaemlax. Litaxaelax wut, nuafniax wutbej, xan nakiowa nejchachaemlax. ¹³ Puexa asaxan, pachaema-elpoxan, nawepat wut xanliajwa, xan tajlewla-el japoxanliajwa, Cristo nakajachawaet xot. ¹⁴ Xamal isam pachaempox xanliajwa, nakajachawaetam xot nawewe'ppoxanliajwa.

¹⁵ Macedonia tuajnuxot chijian wut tuadusliajwan naewuajnalajwan Jesús pejwua-jan Dios asew jiw bu'welialjwa, naexasiti Jesús pejwua-jan, xan nakajachawaes-el nawewe'ppoxanliajwa. Jawut xamalkal, Filipos paklowaxpijwam, nakajachawaetam. ¹⁶ Majt Tesalónica paklowaxxotx wut, xamal nakajachawaetam pin-iaveces, ofrenda naxto'am wut xan tejew wuasliajwan, nawewe'ppoxan. ¹⁷ Xan ampox lelx wut, lela-enil xamal pejme naxto'aliajwam ofrenda xanliajwa. Xan nejxasinkax Dios nejchachaem-laliajwa xamalliajwa, nakajachawaetam xot. ¹⁸ Epafrodito puexa chiekal nachaxdut, xamal naxto'ampi xanliajwa. Samata, amwutjel xan xabich tejew. Nawewe'pa-el. Xamal xanliajwa naxto'ampi, ofrenda, japox Diosliajwa, me-ama incienso bowas wut xabeynikaliajwa, ja-aechox. Samata, Dios xabich nejchachaemil, xamal ofrenda naxto'am wut xanliajwa. ¹⁹ Samata, Diosbej xamal kajachawaesaxael puexa xamal wewe'ppoxanliajwa. Jesucristo pejiwam xot, Dios kajachawaesaxael japoxanliajwa, xajup xoton japox isliajwa. ²⁰ Puexa xatis pomatkoicha jumchiyaxaes: “Waj-ax Dios xabich pachaem” —chiyaxaes. ¡Jasox nej ja-aече' Diosliajwa!

Pablo saludos xato'apox, asew suapich, Filipos paklowaxpijiwliajwa

²¹ Xan saludos xato'ax asew, xamalxotpiliajwa. Japi Dios pejiwpi, naexasit xoti Jesús pejwua-jan. Asew, naexasiti Jesús pejwua-jan, xanxotpi, japibej saludos xato'a xamalliajwa. ²² Puexa asewbej, Dios pejjamechan naexasitpi, Roma paklowaxpijiw, japibej saludos xato'a xamalliajwa. Roma tuajnupijiw tato'lan, japon pejbaxot nabisti, asew japixot, naexasiti Jesús pejwua-jan. Japibej xabich kaes pejme saludos xato'a puexa xamalliajwa.

²³ Xan wajpaklon Jesucristo kawuajnax puexa xamal xabich kajachawaesliajwa.

Pablo lelpox carta Colosas paklowaxpijwliajwa

Pablo lelpox carta Colosas paklowaxpijwliajwa

¹ Xan Pablo, Jesucristo pej-apóstol nadofax, Dios namakafit xot. Wajkoewan Timoteo nakajachawaet ampox carta lelaliajwan. ² Lelx ampox carta xamal Colosas paklowaxpijwamliajwa, Jesucristo pejuwajan naexasitampim. Xan waj-ax Dios kawuajna xamal kajachawaesliajwa puexa chiekal isliajwam. Japon kawuajna xbej xamal kajachawaesliajwa chiekal duilaliajwam, a sew jiw suapich.

Pablo kawuajanpox Dios, Colosas paklowaxpijwliajwa, Jesús pejuwajan naexasitiliajwa

³ Xanal xamalliajwa Dios kawuajna x, japon wajpaklon Jesucristo pax. Kawuajna x wut, xanal gracias-an Diosliajwa, xamal chiekal kajachawaet xoton. ⁴ Jasoxtat xanal Dios kawuajna x, wultaen xot xamal chiekal naexasitampox Jesucristo pejuwajan. Wultaen xbej puexa jiw nejxasinkampox, Dios pejiwpi. ⁵ Xamal naexasitam wut chimiawuajan, Jesús pejuwajan, Dios xamal bu'welialjwa, jawut chiekal matabijam Dios athuxotse xawuajna wet xabich pachaempox xamalliajwa. Samata, xamal Jesús xanaboejam. Nejxasinkambej Dios pejiw. ⁶ Jesús pejuwajan xamal naewuajan wuti, jumtaenam. Amwutjel, japawuajan potuajna cha jiw jumtaena wuti, japibej naexasit japawuajan. Samata, japi kofa majt babijaxan isfulpoxan. Amwutjel ispi pachaempoxan. Me-ama xamal, ja-aechbej japi jiw. Jumtaenam wut Jesús pejuwajan, xamal najut chiekal matabijam, diachwuajnakolax Dios xamal nejxasinkpox. ⁷ Epafras, xatis nejxasinkaspon, japon xamal matxoela naewuajan Jesús pejuwajan. Japonbej, xanal suapich, nabist Cristoliajwa. Japonbej xamal naewuajan, xanal tajut fulaeyaxinil xot xamal poxade. ⁸ Pa'an wuton xanalxot, xapa'non nejwuajan. Jawut xanal nachapaeipon nejxasinkampox a sew jiw, naexasiti Jesús pejuwajan, Espíritu Santo xamal kajachawaet xot.

⁹ Xanal japox wultaen x wut, buxkofa-enil Dios kawuajna xpo xamalliajwa. Dios kawuajna x chiekal matabijaliajwam isliajwambej Dios nejxasinkpoxan. Dios kawuajna xbej chiekal matabijaliajwam Dios pejmatabijsaxan Espíritu Santo pijaxtat. ¹⁰ Japox chiekal matabijam wut, chiekal duilaxaelam. Me-ama japon pejuwajan naexasiti chiekal duil, xamal jachiyaxaelam. Samata, Dios nejchachaemlaxael xamalliajwa. Xamal isaxaelam puexa pachaempoxan. Isam wut japoxan, xamal kaes chiekal matabijaxaelam Dios. ¹¹ Xanal Dios kawuajna x xamal kajachawaesliajwapon, kaes chiekal xanaboejaliajwam Dios. Ja-am wut, xabich boejtaliasaxaelam, a sew jiw pijaxtat nabijatam wut. ¹² Dios xamal beltaen. Samata, Diosliajwa, xamal babijaxan isampoxan ajil. Ja-aech wut, xamal Dios tapaeyaxael pomatkoicha athuxotaliajwam, Dios pej-itliakaxxotse. Samata, xanal nejxasinkax xamal waj-ax Dios graciaschiliajwam, Dios kawuajna wut. ¹³ Xatis majt matabija-esal chimiawuajan, Jesús pejuwajan. Samata, me-ama itkuataxxot duils wut, jatisfulas, naexasisfulas xot Satanás. Amwutjel naexasisfulas Dios paxulan pejuwajan, Dios nejxasinkaspon. ¹⁴ Dios paxulan tux wut, japon nakwemot xatis babijaxan isapoxanliajwa. Samata, Dios nakbeltaen.

Pachaempox Diosliajwa Jesús pejuwajan naexasiti, Cristo tux xot japiliajwa

¹⁵ Xatis wajut Dios taeyaxisal. Pe nakiowa, Cristo pijaxtat chiekal matabijas, ma-aech Dios. Cristo kaes pejme pachaem. Me-ama puexa Dios ispi, jachi-elon. ¹⁶ Cristo puexa is Dios pijaxtat, athuxotse, ampathatbej. Xabich japoxan xatis taens. Pe asaxan wajut taeyaxisal, tampoel xoti xatis taeliajwas. Cristo puexa is wut, isbejpon ángeles. Japi mamnik xot, xajux tato'laliajwa. Puexa japoxan Cristo is pajutliajwa. ¹⁷ Chajiakolaxtat, puexa is-esal wutfuk, Cristo jawut duk. Amwutjel puexa ispoxan nakiowa ja-aechfuluk japon pijaxtat. ¹⁸ Cristobej puexa jiw tato'al, naexasiti japon pejuwajan. Japon tux xot jiwliajwa, Dios beltaen japi jiw babijaxan ispoxanliajwa,

japon pejiwaliajwabejpon. Cristo matxoela mat-ech pejme dukaliajwa, tɔp wɔton. Samata, Jesucristo pejwɔajan naexasitibej asamatkoi mat-eyaxaes pejme duilaliajwa. Cristo puexa japiliajwa paklon. ¹⁹ Dios nejchachaemil Cristoliajwa, me-ama Dios, ja-aech xoton. ²⁰ Chajiakolaxtat, Dios chajia nejchaxoel Cristo tɔpaliajwa cruztat puexa jiwliajwa, xabich jiw bɔ'wɔajanjilaliajwa Dios pejwɔajnalel. Samata, Cristo tɔp wɔt, puexa naexasiti japon pejwɔajan, ampthatpjiw, athɔpijiwbej, amwɔtjel puexa chiekal pachaemlisi Diosliajwa.

²¹ Xamal majt naexasis-emil wɔtɔk Cristo pejwɔajan, pachaema-emil Diosliajwa. Dios padaelmajiwanbej, isam xot babijaxan. ²² Cristo xabich nabijat, xamal babijaxan isampoxanliajwa tɔp wɔton cruztat. Samata, xamal pachaemam Diosliajwa. Amwɔtjel isɔlam japon nejxasinkpoxan, bɔ'wɔajanjimil xot. ²³ ¡Xamal chiekal naexasisɔlde Jesucristo pejwɔajan! Japon pejwɔajan xabich asew jiwbej naewɔajnaɔal potɔajɔucha. Xan, Pablo, naewɔajnaɔalaxbej japawɔajan.

Pablo Dios to'aspoɔ, japon naewɔajnalialjwa Jesús pejwɔajan naexasiti

²⁴ Xan amwɔtjel jiw jebatat nabijataɔ, majt xamal, juɔɔos-emilpim, naewɔajnaɔ xot Jesús pejwɔajan. Me-ama majt Cristo nabijat cruztat jiw bɔ'welialjwa, xanbej amwɔtjel nabijataɔ, jiw jebatat najia xoti. Samata, nejchachaemlax. Nawewe'pɔk xabich kaes nabijasliajwan, naewɔajnaɔ wɔt Jesucristo pejwɔajan naexasiti. Japi, Cristo pejbɔ't wɔt, ja-aech. ²⁵ Dios nato'a xamal kajachawaesliajwan, asew jiwbej, naexasiti Jesús pejwɔajan. Samata, xamal, asew jiwbej, jɔmchiyaxaelen puexa Dios pejjamechan jɔm-aechpoxan Cristoliajwa. ²⁶ Japawɔajan majt chinax kaen aton matabijs-elfɔk. Japawɔajanliajwa Dios tulaela jɔmchi-el. Amwɔtjel tapaeipon puexa pejiw chiekal matabijaliajwa japawɔajan. ²⁷ Japawɔajan xabich pachaem puexa jiwliajwa. Jesús, xamalxot dukpon, japon pejwɔajan majt maliach. Pe amwɔtjel, puexa xamal chiekal matabijam. Samata, asamatkoi duilaxaelam Diosxotse.

²⁸ Samata, xanal naewɔajnaɔ Cristo pejwɔajan puexa jiw chiekal jɔmmatabijaliajwa. Ja-an xanal, japibej chiekal pachaemaliajwa, Dios nejchachaemlaliajwa japiliajwa. ²⁹ Samata, ampabichax chiekal nabistax wɔt, Cristo nakajachawaet xot, mamnikax naewɔajnalialjwan japon pejwɔajan.

2

¹ Xan nejxasinkax xamal matabijaliajwam Dios xabich kawɔajnaɔpox xamallialjwa. Dios kawɔajnaɔbej Laodicea paklowaxpijwliajwa, asew jiwliajwabej, japi jiw xan namatabija-elɔpɔk. ² Dios xabich kawɔajnaɔ xamal nejlewlasamata, jiw naewɔajnaɔ wɔt japi chiekal xanaboejaliajwa Dios. Xan xabich Dios kawɔajnaɔbej xamal kaenejchaxoelaxliajwam chiekal duilaliajwam, nakaewa nanejxasinkam xot. Dios xabich kawɔajnaɔbej xamal chiekal jɔmmatabijaliajwam Cristoliajwa, majt puexa jiw chiekal matabija-elɔpɔk. Samata, amwɔt chiekal matabijaxaelam Cristoliajwa. Dios majt tapae-el ampthatpjiw matabijaliajwa Cristoliajwa. ³ Xamal naexasitam wɔt Jesucristo pejwɔajan, ja-am wɔt, chiekal matabijaxaelam Dios pejmatabijsax, xabich pachaem-pox. ⁴ Japox jɔm-an asew jiw xamal naekichachajbasamata. Japi jiw jɔm-aech chimiajamechan xamal naekichachajbalialjwa. ⁵ Diachwɔajnakolax amwɔtjel xan tajut xamalxota-enil. Pe nejchaxoelx wɔt, me-ama tajut xamalxotx wɔt, ja-an. Samata, wɔltaenx wɔt xamal kaenejchaxoelaxtat duilampox, Cristo chiekal xanaboejampoxbej, xan xabich nejchachaemlax.

Jesús pejwɔajan naexasiti, japi pajelnejchaxoelaxan

⁶ Xamal jelnaexasitam wɔt Jesús pejwɔajan, “Jesús tajpaklon” —am xamal. Samata, jampwɔtjel diachwɔajnakolax chiekal duilafɔlde! Me-ama jiw, naexasiti Jesús pejwɔajan, duil wɔt, ja-amsɔlde xamal! ⁷ Xamal nejpaklon Jesucristo. Samata, jisɔlde puexa japon tato'alpoxan! ¡Asew jiw xamal majt naewɔajnaɔpox Cristoliajwa, japox chiekal

naexasisfulde! Ja-am wut, kaes xanaboejaxaelam Cristo. Pomatkoicha Dios kawuajnam wut, graciaschiyaxaelam Diosliajwa.

⁸ ¡Chiekal taem! ¡Xamal nabej tapae' asew jiw xamal naekichachajbaliajwa, pajut pejnejchaxoelaxan naewuajanpi! ¡Xamal japi jiw nabej naexasis, asawuajan naewuajan wuti, Cristo naewuajna-elpox wut! Japi jiw asew jiw chanaekabuana pamjiw chanaek-abuanaspoxan. Chapaefulbejpi jiw nejchaxoelpoxan, ampathatpijaxanliajwa.

⁹ Cristo ampathatat wut, me-ama pax Dios, ja-aechon. Samata, ¡nabej tapae' asew jiw xamal naekichachajbaliajwa, asawuajan naewuajan wuti! ¹⁰ Xamal Cristo pejjiwam xot, wewe'pa-el asax. Cristo paklon puexaliajwa. Japon puexa, nejmachpaklochow, tato'al. ¹¹ Xamal Jesús pejuwajan naexasitam xot, me-ama judíos circuncidaspi, ja-am Diosliajwa. Samata, kaes nejchaxoela-emil isliajwam pachaema-elpoxan, Jesús xamal kajachawaet xot. ¹² Xamal jiw bautisa wut, jawut, xamal, Jesús suapich, muthtaspi wut, ja-am. Jesús tɔp wut, Dios mat-echpon pejme dukaliajwa. Samata, xamal bautisa wuti, jawutbej, xamal, Jesús suapich, Dios mat-echpi wut, ja-am pejme chiekal duilaliajwam, Dios chiekal xanaboejam xot. ¹³ Xamal, judíos-emilpim, majt tɔpawam wut, ja-am Diosliajwa, xabich babijaxan isfulam xot. Amwutjel, jachi-emil. Xamal amwutjel pajelnejchaxoelaxan, Dios beltaen xot babijaxan isampoxanliajwa, naexasitam xot Jesús pejuwajan. ¹⁴ Majt xatis naexasis-esal xot Dios tato'alpoxan, xatis wajbu'wuajan Diosliajwa. Pe Dios nakbeltaen xatis babijaxan isaspoxanliajwa. Cristo tɔp wut cruztat, nakwemot xatis babijaxan isaspoxanliajwa. Ja-aech wut, Dios tato'alpoxan, me-ama toep wut, ja-aechox, japon nakkastikaxaelpox xatis babijaxan isaspoxanliajwa. ¹⁵ Cristo tɔp wut cruztat, Dios malecha Satanás, Satanás pejjiwbej, japi deppaklochowpi. Dios japox is wut, puexa jiw matabija Satanás malechaspox, japon pejjiwbej.

Jesús pejuwajan naexasiti chiekal nejchaxoelaxaelpox isliajwa Dios nejxasinkpoxan

¹⁶ Xamal amwutjel Cristo pejjiwam xot, ¡asew judíos nabej tapae' kaechafiasliajwa xamal xaelampoxan, feyaxaelampoxanbej! Japi judíos naexasit Moisés chajia lelpox. Samata, japi kaewaechful wut, fiesta is. Isbejpi fiesta, kaejuimsful wut. Fiesta isbejpi, napatamatkoisful wut. Japi judíos xamal to'a wut fulaeliajwam japafiestan poxade, ¡xamal nabej fulae! ¹⁷ Majt jiw xabich fulalaecha fiestan poxade, Moisés chajia lelpox naexasit xoti. Japafiestan ispi jiw nejchaxoelaliajwa asamatkoi Cristo isaxaelpoxliajwa. Pelis Cristo pat. Japon pejuwajan xamal naexasitam xot, ¡amwutjel xamal wewe'pa-el japafiestan poxade fulaeliajwam! ¹⁸ Asew jiw xamal jum-aech wut: “Xanal ángeles kawuajna. Xamal kawuajna-emil wut ángeles, babijax isam” —aech wuti, ¡japi jiw xamal nabej naexasis! Jum-aech wutbejpi: “Xanal matabijax, masoxtat taenx xot asew jiw tae-elpoxan” —aech wuti, ¡xamal japi jiwbej nabej naexasis! Japi japoxan jum-aech wut, pejnejchaxoelaxan pachaema-el, pajut nejchaxoelpoxan jum-aech xoti. ¹⁹ Japi kofa naexasitpox Jesús pejuwajan. Puexa xatis Jesús pejuwajan naexasichpis, Cristo naktato'al. Xatis, me-ama Cristo pejub't wut, jatis, kaenejchaxoelax xotch, Cristo suapich. Samata, Cristo nakkajachawaet chiekal duilaliajwas, me-ama Dios nejxasink.

²⁰ Xamal, me-ama, Cristo suapich, cruztat tɔpam wut, ja-am. Samata, ¡nabej naexasis ampathatpijiw jum-aechpoxan! Xamal ja-am wut, ¿ma-aech xotkat xamal nakiowa naexasisasiam Jesús pejuwajan naexasis-eli jum-aechpoxan? ²¹ Japi jum-aech, xamal fiat wuti: “¡Ampox nabej jache! ¡Ampoxbej nabej xae! ¡Ampoxbej nabej fis!” —aechi, xamal fiat wut. ²² Japi jum-aechpoxan xamal fiat wut, japoxan asamatkoi chiekal toepaxael, pajut nejchaxoelpoxankal xot. ²³ Japi xabich asew jiw tato'al kawuajnalialjwa ángeles. Japibej tato'al jiw pajut nejchaxoelaliajwa: “Xan kaes pejme pachaema-enil. Me-ama asew jiw, jachi-enil” —chiliajwa, jiw nejchaxoel wut. Japi jiw naewuajanbej jiw babijaxan isasamata. Japi jiw jasox naewuajan wut, me-ama xabich matabija wut, ja-aechi. Pe japi naewuajanpoxan pachaema-el, asew jiw kajachawaes-esal xot kofaliajwa babijaxan nejchaxoelpoxan is-elaliajwa.

3

¹ Cristo t̄up w̄ut cruztat, mat-ech w̄uton pejme dukaliajwa, jaw̄utbej, xamal, me-ama Dios mat-ia w̄ut, ja-am pejme duilaliajwam, Cristo s̄wapich. Samata, xamal nejchaxoelam w̄ut, ̄nejchaxoelde pomatkoicha duilaxaelampox Cristo ekxotse, Dios pejpoklale!
² ̄Xamal nejchaxoeldebej isliajwam Dios nejxasinkpoxan! ̄Nabej nejchaxoele' babijaxan isliajwam, me-ama ampathatpijiw isful!
³ Ampathatat laelpam w̄ut, ̄chiekal duilafulde! Me-ama Cristo Diosliajwa chiekal duk w̄ut, ̄ja-amsfuldebej xamal! Samata, xamal, me-ama majt duilam w̄ut, ̄nabej ja-aече'! Cristo chiekal duk pax Diosxotse. Amw̄utjel xamal tataefulpon.
⁴ Chiekal duilaxaelam tanbichliajwam Cristo. Asamatkoi Cristo pejme f̄uloek w̄ut, puexa jiw taeyaxaeson, japon xabich mamnikpox. Xatisbej asew jiw naktaeyaxael, Cristoxotas w̄ut.

Colosas paklowaxpijiw ma-aechpox, majt duil w̄uti Jesús pejw̄uajan naexasis-elaxtat

⁵ ̄Kofim babijaxan isfulampoxan! Aton t̄up w̄ut, kaes babijaxan is-elon, t̄up xotlison. ̄Xamalbej ja-amsfulde! ̄Nejwatho' nabej naebu'moejs asew watho'! ̄Nabej isbej asaxan, pachaema-elpoxan! ̄Nabej nejxasinke'bej babijaxan isaxan! ̄Nabej nejxasinke'bej nejew xabichaliajwa! Xabich w̄ut nejew, ja-am w̄ut, Dios nejxasinkaximil, japoxan kaes xabich nejxasinkaxaelam xot.
⁶ ̄Xamal jasox nabej ja-aече', Dios xabich kastikaxael xot jasi jiw!
⁷ Xamal majt japoxan babijaxan isfulam, naexasis-emil w̄utf̄uk Dios.
⁸ Pe amw̄utjel, ̄xamal kofim xabich nalalapoxan asew jiwliajwa, babijaxan isampoxanbej asew jiwliajwa! ̄B̄uxkofimbej babejjamechan j̄um-ampoxan asew jiwliajwa! ̄Nabej j̄um-aече'bej jiwutut pachaema-elpoxan!
⁹ ̄Kofimbej nakaewa naekichachajbampoxan, kofam xot padujnejchaxoelaxan, majt isampoxanbej!
¹⁰ Amw̄utjel kofam padujnejchaxoelaxan, naexasitam xot Dios. Samata, ̄duilafulde, me-ama Dios nejxasink! Ja-am w̄ut, chiekal xamal matabijaxaelam Dios.
¹¹ Jesús pejw̄uajan naexasiti pajelnejchaxoelaxan. Samata, Dios puexa japi taen w̄ut, japi jiw puexa chiekal naj̄upanejxasinkpon. Judíos, judíos-elpibej, atuaj f̄ulaenpi, asat̄uaj̄nuchanpijiwbej, jiw estudia-elpibej, esclavos, esclavos-elpibej, japi puexa naexasiti Jesús pejw̄uajan, Dios chiekal naj̄upanejxasink puexa japi jiw.

¹² Dios xamal nejxasink. Makanotbejpon xamal japon pejjiwaliajwam. Samata, ̄asew jiw beltaem! ̄Kajachawae'ebej! Nejchaxoelam w̄ut, ̄nejchaxoelde: "Xan kaes pejme pachaema-enil. Me-ama asew jiw, jachi-enil" —amde, nejchaxoelam w̄ut! Asew jiw tato'lam w̄ut, ̄nabej tato'le' palaeyaxtat! Asew jiw is w̄ut pachaema-elpoxan xamalliajwa, ̄xamal boejtaliasfulde japoxanliajwa!
¹³ Asew jiw xamalxot nakaewaliajwa is w̄ut pachaema-elpoxan, ̄xamal nabej nalale'! ̄Boejtaliasfulde! ̄Nakaewa nabeltaembej! Me-ama Dios xamal beltaen babijaxan isam w̄ut, ̄xamalbej ja-amsfulde nakaewaliajwa!
¹⁴ J̄umchiyaxaelen kaes pejme pachaempox. Japox nakaewa nanejxasinkampox. Ja-am w̄ut, chiekal duilaxaelam kaenejchaxoelaxtat.
¹⁵ Cristo xamal kajachawaet xot, ̄xamal chiekal kaenejchaxoelaxde! Dios xamal tadut kaem̄utliajwam, Cristo s̄wapich. Samata, Dios kaw̄uajnam w̄ut, ̄gracias-amde!

¹⁶ Xan Dios kaw̄uaj̄nax xamal kajachawaesliajwa pomatkoicha nejchaxoelaliajwam Jesús pejw̄uajan. ̄Dios pejjamechan xamal nakaewa nanaew̄uajande kaes pejme chiekal Dios xanaboejalajwam! Jajuwam w̄ut salmos, himnosbej, ̄xabich gracias-amde Diosliajwa!
¹⁷ ̄Puexa isaxaelampoxan isde, wajpaklon Jesús pijaxtat! ̄Puexa j̄umchiyaxaelampoxanbej j̄um-amde, wajpaklon Jesús pijaxtat! Ja-am w̄ut, ̄gracias-amde waj-ax Dios Jesús pijaxtat!

Jesús pejw̄uajan naexasiti machiyaxaelpox pejbapijiwliajwa

¹⁸ Xamal watho'am, ̄nejmol chiekal naexasisfulde, to'a w̄ut! ̄Ja-amsfulde, xamal Jesús pejw̄uajan naexasitam xot!
¹⁹ Xamal poejwam, ̄kaenan̄ula nejwatho' chiekal nejxasinkafulde! Nijow to'am w̄ut, ̄to'im chamoeyaxtat! Me-ama esclavas w̄ut, ̄nabej ja-aече' nejwatho'liajwa!

²⁰ Xamal yamxim, ¡pomatkoicha chiekal naexasisfulde nej-axjiw, nej-enjiwbej, xamal to'a wut! Ja-am wut, Dios nejchachaemlaxael xamal yamximliajwa. ²¹ Xamal paxjiwam, ¡naxi chamoeyaxtat tato'alde naxi palalasangata, nejchaemilasamatabejpi!

²² Xamal esclavos, ¡isfulde nejpaklochow puexa tato'alpoxan! ¡Chiekal nabichfulde japiliajwa! Asew jiw pejpaklochow chiekal tataefla-esal wut, chiekal nabicheli. Pelax pejpaklochow tataefulas wut, ja-aech wut, japi jiw, me-ama chiekal nabist wut, ja-aechi pejpaklochow nejchachaemlaliajwa japiliajwa. ¡Xamal jasox nabej ja-aechel! Pomatkoicha chiekal nabichaxaelam nejpaklochowliajwa, xamal sitaenam xot wajpaklon Jesús. ²³ Xamal nabistam wut nejpaklochowliajwa, puexa chiekal isaxaelam nejchachaemlampoxtat. Me-ama wajpaklon Jesúsliajwa nabistam wut, jachiyaxaelam, nejpaklochowliajwa nabistam wut. ²⁴ Chiekal nabichaxaelam wajpaklon Jesúsliajwa, japon chiekal xamal mosaxael xot. Jesús xamal chaxduiyaxael Dios chajia jum-aechpox. Cristo diachwujnakolax nejpaklon, nabistam xot japonliajwa. ²⁵ Pe asew jiw, babijaxan ispi, japi jiw Dios kastikaxaes. Samata, puexa jiw babijaxan is wut, japi puexa diachwujnakolax Dios kastikaxaesi.

4

¹ Xamal paklochwam, ¡xamal chiekal pachaemde nej-esclavosliajwa! Me-ama Dios nejxasink, ¡ja-amsfulde japiliajwa! ¡Xabich nabej tato'le' nej-esclavos xabich nabichliajwa bichaxan! ¡Chiekal nejchaxoelde! Xamalbej nejpaklon athuxotse.

Pablo to'apox Colosas paklowaxpijiw, japi Dios kawuajnalialjwa japonliajwa

² ¡Xamal Dios kawuajnafulde! ¡Gracias-amsfuldebej Diosliajwa, kawuajnam wut! ³ ¡Xanalliajwabej Dios kawuajande japon xanal natapaelialjwa pejme jiw naewuajnalialjwan Jesús pejwuajan, majt jiw matabija-elwuajan! Japawuajan naewuajnaj xot, amwutjel jiw jebatat asew jiw xan najia. ⁴ ¡Dios kawuajande, xan jiw naewuajnaj wut chiekal naewuajnalialjwan, japibej chiekal matabijaliajwa Jesús pejwuajan!

⁵ Xamal Jesús pejwuajan naexasis-elixotam wut, ¡chiekal duilafulde! Japixot pachaem wut naewuajnalialjwam Jesús pejwuajan, ¡naewuajande! ⁶ Xamal nospaeyam wut, jiw suapich, ¡nospaem pachaempoxan jiw chiekal nejchachaemlaliajwa! ¡Matabijimbej chiekal jumnosliajwam kaenanula japi jiw!

Pablo saludos xato'apox asew jiwliajwa

⁷ Wajkoewan Tíquico, xatis nejxasinkaspon, chiekal nabist wajpaklonliajwa, xan suapich. Tajwuajan japon xalaeyaxael xamal chapaelialjwa, pa'a wuton xamalxot. ⁸ Samata, japon to'axaelen amwut xamal poxade jumchiliajwapon, ma-an xanal, amxotan wut. Ja-aech wut, xamal xabich nejchachaemlaxaelam xanalliajwa. ⁹ Tíquico fulaeyaxael wut xamal poxade, wajkoewan Onésimo, xatis xabich nejxasinkaspon, japonbej fulaeyaxael xamal poxade. Onésimo majt xamalxoton. Japon chiekal nabistbej wajpaklonliajwa. Kofs-elpon. Japi xamalxot pa'a wut, xamal chapaeyaxaelon xanliajwa amxot ja-aechpoxan.

¹⁰ Aristarco, japon tajnachalan jiw jebatat, saludos xato'a xamalliajwa. Marcos, Bernabé pakoewan, japonbej saludos xato'a xamalliajwa. Xamal chajia to'ax, Marcos pat wut xamalxot chiekal bu'kulaliajwam. ¹¹ Asan pawul Jesús. Japonbej saludos xato'a xamalliajwa. Japon asawul Justo. Japi tres poejiw, judíos, naexasiti Jesús pejwuajan. Puexa judíoxot, japi koew, xan suapich, nabist Diosliajwa, asew jiw Dios naexasisliajwa. Samata, xan xabich nejchachaemlax, japi nakajachawaet xot. ¹² Epafras majt xamalxoton, japon nabist Jesucristoliajwa. Japonbej saludos xato'a xamalliajwa. Japon xabich Dios kawuajan nejxanaboejaxan kaes mamnikaliajwa Diosliajwa. Xabich Dios kawuajanbejpon xamal kajachawaesliajwa isliajwam puexa Dios nejxasinkpoxan. ¹³ Xan taenx, Epafras xabich nejchaxoel wut xamalliajwa, Laodicea paklowaxpijiwliajwabej, Hierápolis paklowaxpijiwliajwabej. ¹⁴ Lucas, japon médico, xatis nejxasinkaspon,

japonbej saludos xato'a xamalliajwa. Asan, pawɫpon Demas, japonbej saludos xato'a xamalliajwa.

¹⁵ Xan saludos xato'ax naexasiti Jesús pejwɛajan, Laodicea paklowaxpijwliajwa. Saludos xato'axbej japon Ninfaliajwa. Saludos xato'axbej, japi natamejapi Ninfa pejbaxot, naexasiti Jesús pejwɛajan. ¹⁶ Xamal ampox carta xaljoeyax toetam wɛt, ɤxato'im Laodicea paklowaxpijiw poxade, japi naexasiti Jesús pejwɛajan, japibej xaljoeliajwa ampox carta! Asacarta chajia xato'ax Laodicea paklowaxpijwliajwa. Japox carta japi xato'axaen xamal poxadin. Carta xamal chaxdut wɛti, ɤxamalbej xaljoem japox carta! ¹⁷ ɤArquipo ɤm-amde chiekal toesiajwa Jesucristo to'aspox japon isliajwa!

¹⁸ Xan Pablo, tajut lelɤ xamal saludaliajwan. Xamal Dios kawɛajnam wɛt, ɤnabej nejkiowe' xanliajwabej Dios nawekawɛajnalijwam, xan jiw jebatataxpoxliajwa! Xanbej Dios kawɛajnax xamalliajwa japon xabich kajachawaesiajwa xamal.

Matxoelacarta, Pablo lelpox, Tesalónica paklowaxpijiwliajwa

Pablo lelpox carta, Silvano sʉapich, Timoteo sʉapichbej, Tesalónica paklowaxpijiwliajwa

¹ Xan Pablo, Silvano sʉapich, Timoteo sʉapichbej, lelx ampox carta xamal, naexasitam pimliajwa Jesús pejwʉajan, Tesalónica paklowaxpijwamliajwa. Waj-ax Dios, wajpaklon Jesucristobej, xamal japi pejiwam. Xanal Dios kawʉajnax xamal kajachawaesliajwa, chiekal duilaliajwambej, asew jiw sʉapich.

Tesalónica paklowaxpijiw chiekal xanaboejapox Dios

² Xanal Dios kawʉajnax wʉt, xamalliajwabej Dios kawʉajnax. Ja-an wʉt, jʉm-anbej Diosliajwa: “Gracias-an, xam kajachawaetam xot naexasiti Jesús pejwʉajan, Tesalónica paklowaxpijiw” —an Diosliajwa. ³ Xanal waj-ax Dios kawʉajnax wʉt, nejchaxoelx xabich Dios tanbistampoxliajwa, Jesucristo pejwʉajan naexasitam xot. Xamal kajachawaetambej asew jiw, japi jiw nejxasinkam xot. Xamal xabich nabijatam wʉt, xabich nejxaejwa-el. Ja-am xamal, wʉajnawesfulam xot wajpaklon Jesucristo pejme pasliajwa ampathatasik.

⁴ Takoew, Dios nejxasink xamal. Xanal chiekal matabijax, Dios xamal makanot japon pejiwaliajwam. ⁵ Xanal majt Jesús pejwʉajan, chimiawʉajan, xamal naewʉajnax wʉt, naewʉajnaxpoxankala-el. Jawʉtbej koechaxan isaxbej Dios pijaxtat, Espiritu Santo nakajachawaet xot. Samata, xamal chiekal najut matabijam xanal naewʉajnaxpoxan, diach chiekal wʉajnakolax. Xamalbej chiekal matabijam, ma-an xanal, xamalxot duil wʉt. Ja-an xanal jasoxtat xamal kajachawaesliajwan.

⁶ Xanal ja-an wʉt, xamalbej chiekal duilam. Me-ama wajpaklon Jesucristo ampathatat chiekal duk wʉt, xamalbej ja-am. Naewʉajnax wʉt Jesucristo pejwʉajan, xamal chiekal naexasitam. Naexasitam wʉt Jesús pejwʉajan, asew jiw palala xamalliajwa. Samata, japi jiw xabich babijaxan is wʉt xamalliajwa, xabich nabijatam. Pe nakiowa, nejchachaemlam, Espiritu Santo xamal kajachawaesful xot. ⁷ Puexa naexasiti Jesús pejwʉajan, Macedonia tʉajnprijiw, Acaya tʉajnprijiwbej, japi wʉltaen xamal chiekal duilampox. Samata, japi chiekal duil. Me-ama xamal, ja-aechi. ⁸ Xamal xabich jiw naewʉajnam Jesús pejwʉajan. Samata, amwʉtjel Macedonia tʉajnprijiw, Acaya tʉajnprijiwbej, japi matabija japawʉajan. Potʉajnprijiwbej matabija japawʉajan. Japibej matabija xamal Dios xanaboejampon. Samata, xanal kaes jʉmchixaxinil xamal, Tesalónica paklowaxpijwamliajwa, japi jʉmtaeliajwa xamal Dios xanaboejamponliajwa.

⁹ Puexa asew jiw, potʉajnprijiw, nakaewa najʉm-aech xamalliajwa: “Tesalónica paklowaxpijiw chiekal bu'kulapi Pablo, asewbej, japon sʉapich, pat wʉti japixot. Japibej kofa ídolos kawʉajanpoxan. Amwʉtjel chiekal naexasitlisi Dioskal, pomatkoicha dukpon.

¹⁰ Tesalónica paklowaxpijiw wʉajnawesful Jesús, Dios paxulan. Japonlap Dios mat-ech pejme dukaliajwa. Japonbej pejme fuloeyaxoek. Jesús nakbu'weyaxael, kastikamatkoi pat wʉt. Japamatkoi asew jiw xabich kastikaxaes, xabich babijaxan isful xot” —aech japi jiw xamalliajwa, nakaewa najʉm-aech wʉti.

2

Pablo nabistpox Dios pijax, bichax, Tesalónica paklowaxpijiwxot

¹ Takoew, xamal najut chiekal matabijam, xamal poxandax wʉt taeliajwan, chiekal naexasitam naewʉajnaxpox. Samata, xanal naewʉajnaxpox nafa'a-el. ² Xamal matabijambej ampox. Patx wʉt Filipos paklowaxxot, japapaklowaxpijiw babejjamechan jʉm-aech xanalliajwa. Japi jiw is pachaema-elpoxan xanal nabijasliajwan. Do jawʉx, xanal patx wʉt nejtuajnu, Tesalónica paklowaxxot, asew jiw, nejtuajnprijiw, palalapi xanalliajwa. Japi jiw nejchachaemla-el xamal naewʉajnalialjwan Dios pejjamechan.

Pe nakiowa, naewuajna. Naewuajna wut, Dios nakajachawaet tajlewla-elaliajwan, xamalbej Dios bu'weliajwa. ³ Xanal Dios pejjamechan naewuajna wut, chiekal naewuajna xamal. Kaes asawuajan naewuajna-enil xamal naekichachajbaliajwan. ⁴ Xanal Dios namakanot jiw naewuajnalialjwan japi jiw bu'weliajwasbej. Xanal ja-an, jiw naewuajna wut Dios chiekal nejchachaemlialjwa xanallialjwa. Naewuajna-enil jiw asbuan jumch nejchachaemlialjwa xanallialjwa. Dios chiekal matabijt xanal nejchaxoelxproxa. ⁵ Xamal chiekal matabijam. Xan jum-an wut chimiajamechan xamallialjwa, japox jumchi-enil asbuan jumch xamal nejchachaemlialjwam xanallialjwa. Naewuajna wutbej, nejchaxoela-enil nejew kinosliajwan. Dios japox chiekal matabijt. ⁶ Dios pejjamechan naewuajna wut xamallialjwa, a sew jiwliajwabej, xan nejchaxoela-enil: “Xan Dios pejjamechan naewuajna jiw chiekal nasitaeliajwa” —chi-enil, nejchaxoelx wut. ⁷ Xamalxotx wut, xabich tato'la-enil isliajwam tato'laxpoxan. Xanal Jesucristo pej-apostolan xot, xajux xamal xabich tato'laliajwan. Pe nakiowa, jasoxtat tato'la-enil. Me-ama kaew pawis chimiajamechan chiekal jum-aech, paxi fiat wut, xanalbej ja-an, xamal naewuajna wut. ⁸ Xabich nejxasinkax xamal. Samata, xamalxotan wut, Dios pejjamechan chiekal naewuajna. Ja-an wut, xanal nejchaxoelx xamallialjwa: “A sew jiw nabesia wut xanal naewuajna-elaliajwan Tesalónica paklowaxpijw, japox ja-aech wut, nakiowa xanal buxkofaxinil naewuajna xproxa” —an, nejchaxoelx wut. ⁹ Takoew, xamal nejchaxoelam wut, chiekal nejchaxoelde, ma-an xanal, xamalxotan wut! Naewuajna wut Dios pejjamechan, xanal tajut nabistaxbej tejew wuajslialjwan. Naewuajna-enil wut, japamatkoi nabistax. Madoibej nabistax. Ja-an xanal, xamal nawemosasamatam xanal nawewe'ppoxan.

¹⁰ Xamalxotan wut, chiekal duilx. Asax pachaema-elx is-enil xamallialjwa, xamal naexasitampimliajwa Jesús pejwajan. Xamal japox chiekal matabijam. Diosbej japox chiekal matabijt. ¹¹ Xamal chiekal matabijambej, kaenanula xamal naewuajna kaes chiekal Dios xanaboejalialjwam. Me-ama paxijw paxi chiekal naewuajan, xanalbej ja-an, xamal chiekal naewuajna wut. ¹² To'ax xamal chiekal duilialjwam, me-ama Dios nejxasink duilialjwam. Dios xamal makanotbej japon pejjiwaliajwam, chiekal matabijaliajwambej, Dios kaes pejme xabich pachaem.

¹³ Naewuajna wut Dios pejjamechan, xamal nejchaxoelam: “Dios pejjamechan, japi naknaewuajanpox, diachwajnakolax. Samata, Dios pejjamechan naexasisaxaes” —am, nejchaxoelam wut. Jawut japoxliajwa nejchaxoela-emil: “Japajamechan jiw pajut faekpoxan” —chi-emil, nejchaxoelam wut. Xanal naewuajna diachwajnakolax Dios pejjamechan. Samata, xamal Dios naexasitam xot, chiekal duilafulam. Samatabej, xanal Dios kawajna wut, gracias-an xamallialjwa. ¹⁴ Jesús pejwajan naexasiti, Judea tuajnapijw, nabijat nakaetujnapijw, judíos pijaxtat, naexasit xoti Jesús pejwajan. Xamalbej nabijatam nejtuajnapijw pijaxtat, Jesús pejwajan naexasitam xot. ¹⁵ Judíos pejwajnapijw bapi profetas. Baxael, japi pamojiwbej boesapi wajpaklon Jesús. Amwutjelbej japi judíos pijaxtat, xanalbej nabijatax. Japi judíos nejwesla puexa a sew jiw. Samata, Dios nejchachaemla-el japiliajwa. ¹⁶ Xanal Dios pejjamechan naewuajna wut a sew jiw, judíos-elpi, japibej Dios bu'weliajwas, judíos asbuan jumch nabuxfiat. Ja-aech wut, japi judíos xabich pejbuwajan Diosliajwa. Samata, Dios xabich kastikaxaespi.

Pablo nejchaxoelpox pejme taeliajwa Tesalónica paklowaxpijw

¹⁷ Takoew, xamalxot majt nakolax wut, xabich piach xamal tae-enil. Pe nakiowa, xamal nejkiowa-enil. Nejchaxoelx pejme xamal taeliajwan. ¹⁸ Xan, Pablo, pin-iaveces xamal taesian. Pe Satanás pachaema-elx is xot xanliajwa, xamal taeyaxinil. ¹⁹ Wajpaklon Jesucristo pejme pask wut, xanal xabich nejchachaemlaxaelen. Japon jumtaeliajwa xan jumchiyaxaelen xamal chiekal naexasitampoxliajwa, naewuajna wut chimiawajan, japon pejwajan. ²⁰ Samata, xabich nejchachaemlax xamallialjwa.

3

¹ Xan kaes boejtaliasaxinil matabijsliajwan, ma-am xamal, amwutjel duilam wut. Samata, xan, Silas suapich, Atenas paklowaxxot kaweta namax. ² Xanal ja-an wut, wajkoewan Timoteo to'ax xamal taeliajwapon. Japon nabist Diosliajwa. Xan, japon suapich, jiw naewuajnxax chimiawuajan, Jesucristo pejwuajan. Timoteo to'axbej xamal naewuajnalajwa kaes Dios xanaboejalajwam, chiekal nejchachaemlialajwambej. ³ Samata, Timoteo to'ax xamal kajachawaesliajwa, xamalxot kaen nejxaejwas wut, a sew jiw pijaxtat nabijat wuton. Xamal najut matabijam, Dios naktapaei nabijasliajwas. ⁴ Xamalxotx wut, chajia jum-an: "Asamatkoi xatis nabijasaxaes a sew jiw pijaxtat, Jesus pejwuajan naexasich xot" —an xamalliajwa. Amwutjel xamal chiekal matabijam, ja-aech xotlisox xatisliajwa. ⁵ Kaes boejtaliasaxinil, chiekal matabijsasian xot, ma-am xamal, duilam wut. Samata, Timoteo to'ax xamal taeliajwapon, ma-am xamal, Dios xanaboejam wut. Xanlach nejchaxoelx ampo xamalliajwa: "Satanás bej xapaejasbej Tesalónica paklowaxpijiw. Samata, bej kofabejpi naexasitpox Jesús pejwuajan. Samata, wajbichax japixot nakwenaf'a" —anlach, nejchaxoelx wut xamalliajwa.

⁶ Pe Timoteo nawia'an wut xamalxotdin, chimiawuajan xapaton. Xamalpil nakiowa chiekal naexasisfulam Jesús pejwuajan. Nakaewa chiekal nanejxasinkambej. Xamal nejkiowa-emilbej nejchaxoelalajwam xanalliajwa, nanejxasinkam xot. Xamalpil xabich xanal nataesiam. Me-ama xanal xabich xamal taesian, xamalpil-is ja-ambej xanalliajwa. ⁷ Takoew, a sew jiw pijaxtat xanal nabijatax wut, wultaenx xamal chiekal Jesús pejwuajan naexasisfulampox. Samata, xabich nejchachaemlax xamalliajwa. ⁸ Wultaenx wut Jesús pejwuajan chiekal naexasisfulampox, xanal kaes Dios xanaboejax. ⁹ Samata, xanal Dios kawuajnxax wut, gracias-an xamalliajwa. Nejchachaemlaxbej xamalliajwa, Dios chiekal xanaboejam xot. ¹⁰ Xanal xabich Dios kawuajnxax natapaeliajwapon xamal pejme tajut chiekal taeliajwan. Xamal pejme naewuajnasian kaes pejme matabijalajwam, kaes pejme chiekal Dios xanaboejalajwam.

¹¹ Xanal kawuajnxax waj-ax Dios, wajpaklon Jesucristobej, nakajachawaesliajwa xamal taeliajwan. ¹² Dios kawuajnxaxbej xamal kajachawaesliajwa nakaewa nanejxasinkalajwam, puexa a sew jiwbej, me-ama xamal nejxasinkax, xamalbej jachiliajwam, a sew jiwliajwa. ¹³ Dios kawuajnxaxbej xamal kaes Dios xanaboejalajwam, babijax isasamatambej, duilam wut. Ja-am wut, bu'wuajanjilaxaelam, asamatkoi, waj-ax Dios pejwuajnalel nuilam wut, wajpaklon Jesús kaxasik wut, puexa pejjiw suapich.

4

Machiyaxaelpox Jesús pejwuajan naexasiti chiekal duilalajwa, Dios nejchachaemlialajwa japilajwa

¹ Takoew, xanal chajia xamalxotan wut, naewuajnxax machiyaxaelampox, duilam wut Dios nejchachaemlialajwa xamalliajwa. Amwutjel chiekal duilam. Pe nakiowa, wajpaklon Jesús nato'a xot, kaes naewuajnxaxaelen xamal kaes chiekal duilalajwam.

² Xamal matabijam, chajia xanal naewuajnxax wut wajpaklon Jesús pijaxtat, machiyaxaelampox, duilafulam wut. ³ Xamal duilafulde, me-ama Dios nejxasink duilalajwam! Dios nejwesla xamal poejwam bu'moejsliajwam a sew watho'. Dios nejweslabej watho' bu'moejsliajwa a sew poejwi. ⁴ Dios nejxasink kaenanula xamal poejwam matabijalajwam ampo x. Pawis fitam wut nijowliajwa, jnijowxot chiekal laelpde, me-ama Dios nejxasink! ⁵ Pawis fitam wut nijowliajwa, jnabej fis asbu'an jumch japow pijaxkal nejxasinkalajwam! Me-ama a sew jiw, naexasis-elpi Dios, jnabej ja-aech' xamal! ⁶ Dios nejwesla aton bu'moejsliajwa asan pijow. Japox is wut, japon aton Dios xabich kastikaxaeson. Japoxliajwa chajia xamal naewuajnxax, xamalxotan wutfuk. ⁷ Dios nakmakanot wut, nakmakanos-el isliajwas babijaxan. Dioslax nakmakanot chiekal duilalajwas japonliajwa. ⁸ A sew jiw naexasis-el xanal naewuajnxaxpoxan. Japi japoxan naexasis-el xot, naexasis-elbejpi Dios, japon to'apon Espíritu Santo xatis nakkajachawaesliajwa.

⁹ Xamal nakaewa nanejxasinkam, Dios pajut xamal kajachawaet xot. Samata, lelaxinil xamal to'aliajwan nakaewa nanejxasinkampoxliajwa. ¹⁰ Xamal nejxasinkam puexa wajkoew, Jesús pejwujajan naexasiti, potujajnuchapijiw, Macedonia tuajnupijiw. Amwutjel xamal jum-an kaes nejxasinkaliajwam japi jiw. ¹¹ ¡Chiekal duilafulde! Chajia jum-an xamal chiekal nabichliajwam. Samata, ¡najut nejbichaxan nabichfulde! ¡Nabej xandadus, a sew jiw pijaxan! ¹² Xamal japoxan isfulam wut, kaeyax wewe'paxil. Ja-am wut, a sew jiw, Jesús pejwujajan naexasis-eli, xamal chiekal sitaeyaxael.

Wajpaklon Jesús asamatkoi pejme pasaxoekpox ampathat

¹³ Takoew, xanal nejxasinkax xamal chiekal matabijaliajwam, machiyaxael jiw tupiliajwa. Kaen nejjiwxot, tup wut, xamal xabich nejxaejwaxillejen. Me-ama a sew jiw, naexasis-eli Jesús pejwujajan, pejiw tup wut, xabich nejxaejwas, ¡xamal nabej ja-aече', najut chiekal matabijam xot! ¹⁴ Xatis naexasich Jesús tuppox cruztat. Naexasichbej Jesús Dios mat-echpox pejme dukaliajwapon. Samata, chiekal matabijas, xatis naexasichpis Jesús pejwujajan asamatkoi tups wut, diachwujnakolax Dios nakmat-eyaxael pejme duilaliajwas.

¹⁵ Samata, xanal lelx Jesús chajia jum-aechpox. Asamatkoi japox diach chiekal jachiyaxael. Xatis ampathatat laelpaspisfuk Jesús pask wut, xatis matxoela fulaeyaxisal Dios poxase. Matxoelatupi, japilax, matxoela fulaeyaxael Dios poxase. ¹⁶ Japamatkoi, Jesús fuloeyaxoek wut, Dios pej-ángelospaklon pinjametat nejlakchaxael. Do jawut, Dios pejtrompeta nejmesaxael. Jawut wajpaklon Jesús fuloeyaxoek. Jiw tupi, naexasiti Jesús pejwujajan, matxoela mat-eyaxaes pejme duilaliajwa. ¹⁷ Do jawut, xatis, Jesús pejwujajan naexasichpis, ampathatat laelpas wutfuk, wajpaklon Jesús nakbulaeyaxoi Dios poxase, mat-iaspi suapich, jaxotse pomatkoicha duilaliajwas. ¹⁸ ¡Puexa xamal nejchachaemilde, nakaewa nanaewujnam wut ampawujajan!

5

¹ Takoew, xanal ampox lelx wut, lela-enil jumchiliajwan: “Japamatkoitat Jesús pasaxoek” —chiliajwan. Japon asamatkoi pajut chiekal pasaxoek. ² Xamal chiekal matabijam wajpaklon Jesús asamatkoi pejme pasaxoekpox. Chalechkal pasaxoekon, jiw japox nejchaxoela-el wut. Me-ama kithakan madoi chalechkal pat wut, jachiyaxael, wajpaklon Jesús chalechkal pasaxoek wut. ³ Jiw jum-aech wut: “Potujajnucha chiekal wujajan ajil. Puexa jiw nejmach chiekal duil” —aech wuti, jawut chalechkal Jesús pejwujajan naexasis-eli Dios kastikaxaes. Me-ama pawis xabich wexaenks naxuwllaliajwa wut, jachiyaxaelbej jiw, naexasis-eli Jesús pejwujajan, xabich kastikaxaes wut. Japi jiw xabich nabijasaxael. ⁴ Takoew, xamal, me-ama a sew jiw, naexasis-eli Jesús pejwujajan, ¡nabej ja-aече'! Japi pejnechaxoelaxan, me-ama itkua'nik, babijaxan is xot. Xamal wujajnowetam wajpaklon Jesús pasaxoekpox athulelsik. Japamatkoitat fuloek wuton, ¡xamal nabej belwe'! Me-ama kithakan chalechkal pat wut, jiw beljow, ¡xamal nabej ja-aече', Jesús chalechkal pasaxoek wut! ⁵ Puexa xamal Jesús pejiwam xot, itliakaxpijwam. Itkuataxpijwa-emil. ⁶ Samata, Jesús pejiws xot, chiekal nejchaxoelaxaes babijax isasamatas. Me-ama a sew babijaxan is, xatislax jachiyaxisal. ⁷ Madoi jiw moejt. Jiw saxtaspi, japi madoi saxtas. ⁸ Xatis itliakaxpijwas xot, wajut chiekal natataeflaxaes babijaxan isasamatas. Kaes naexasisaxaesbej Dios pejjamechan, Satanás nakmalechasamata. Nakaewa nanejxasinkaxaesbej. Dios xanaboejaxaesbej nakbu'welija. ⁹ Dios xatis nakmakanot wut, nakmakanos-el nakkastikaliajwa. Nakmakanotlax nakbu'welija wajpaklon Jesucristo pijaxtat. ¹⁰ Jesucristo tup xatis nakbu'welija. Samata, Jesús pejme fuloek wut, xatis ampathatat laelpaspisfuk, o, tups wutbej, jawut Jesús puexa xatis nakbulaeyaxael duilaliajwas japonxotse. ¹¹ Xamal nakaewa nanaewujnampoxlis nejchachaemlaliajwam, kaes Dios xanaboejalijwambej, ¡japoxlap xamal nakaewa nanaewujnafulde!

Pablo pejme naewujjanpox naexasiti Jesús pejwujajan

¹² Takoew, xamal jum-an sitaeliajwam nabisti Diosliajwa xamalxot. Japi Dios makanoch xamal tataeflaliajwa, naewuajnalijawabejpi Dios pejjamechan. ¹³ Japi jiw chiekal sitaem! JNejxasinkdebej, nabist xoti Diosliajwa! Duilam wut, jchiekal duilafalde, a sew jiw suapich!

¹⁴ Takoew, xamal to'ax jiw kiwecha nabichax to'aliajwam. Jesús pejwuajan naexasiti, nejchaemil wut, j japi jiw naewuajande nejchachaemlaliajwa! Jkajachawae'ebej jiw Dios xanaboejapox chiekal mamnika-elpi, kaes chiekal Dios xanaboejalijwa! A sew jiw xamal taliat wut, jkamta nabej nalale'!

¹⁵ A sew jiw babijaxan is wut xamalliajwa, jxamal chiekal taem babijaxan isasamatam japi jiwliajwa! JXamallax isfalde pachaempoxan nakaewaliajwa, puexa a sew jiwliajwabej!

¹⁶ J Pomatkoicha nejchachaemildebej! ¹⁷ J Dios kawuajandebej pomatkoicha! ¹⁸ J Diosliajwa gracias-amdebej puexa Dios ispoxanliajwa xamalliajwa! Japoxlap Dios xabich nejxasink xamal jumchiliajwam, naexasitam xot Jesucristo pejwuajan.

¹⁹ Espiritu Santo xamal to'a wut isaxaelampox, j japoxliajwa nabej nejchaxoele': "Xan japox isaxinil" —nabej aeche', nejchaxoelam wut! ²⁰ Profetas jum-aech wutbej asamatkoi jachiyaxaelpoxliajwa, jxamal nejchaxoelam wut, nabej nejchaxoele': "Japox asamatkoi diachwuajnakolax jachiyaxil" —nabej aeche', nejchaxoelam wut! J Profetas naewuajanpoxanliajwabej nabej jum-aechel': "Japi naewuajanpoxan, Dios buxto'aspoxanael" —nabej aeche'! ²¹ J Profetas jum-aechpoxan xamal majt chiekal xapaejam Dios pejjamechantat! Do ja-am wut, xamal chiekal matabijaxaelam. Do jawutbej, jum-amde: "Diachwuajnakolax japi Dios buxto'as naewuajnalijwa japajamechan" —amde, nejchaxoelam wut! Do jawut, j japi chiekal naexasi'e! ²² J Puexa pachaema-elpoxan nabej is! J Puexa babijaxan ispixot xamal atuajimbej!

²³ Dios, xabich pachaempon, j japon pajut nej kajachawaes xamal chiekal duilaliajwam, is-elaliajwambej babijaxan! Dios xamal kajachawaet wut, xamal xabich pachaemaxaelam, wajpaklon Jesucristo pasliajwa wut. ²⁴ Jasoxtat Dios kajachawaesaxael, xamal makanot xoton japon pejjiwaliajwam. Isaxaelbejpon puexa chajia jumdutpoxan.

Pablo to'apox naexasiti Jesús pejwuajan nakaewa nasaludaliajwa, Tesalónica paklowax-pijiw

²⁵ Takoew, jxamal Dios kawuajande xanalliajwa!

²⁶ J Jesús pejwuajan naexasitampim, nakaewa chiekal nasaludam!

²⁷ Dios pijaxtat xamal to'ax ampox carta chanaexaljoeliajwam puexa wajkoew, Jesús pejwuajan naexasitiliajwa.

²⁸ Xan wajpaklon Jesucristo kawuajna xamal xabich kajachawaesliajwapon.

Wachakalcarta, Pablo lelpox, Tesalónica paklowaxpijiwliajwa

Pablo lelpox carta, Silvano swapich, Timoteo swapichbej, Tesalónica paklowaxpijiwliajwa

¹ Xan Pablo, Silvano swapich, Timoteo swapichbej, lelx ampox carta, xamal Jesús pejwñajan naexasitampimliajwa, Tesalónica paklowaxpijwamliajwa. Waj-ax Dios, wajpaklon Jesucristobej, xamal japi pejjiwam. ² Xanal Dios kawñajnax, Jesucristobej, japi xamal xabich kajachawaesliajwa, chiekal duilaliajwambej, asew jiw swapich.

Dios kastikaxaelpox jiw, babijaxan ispi, Cristo pejme pask wut

³ Takoew, xamal Dios xanaboejampox kaesful. Asew jiw nejxasinkampox kaesfulbej. Samata, xanal Dios kawñajnax wut, jum-an: “Gracias-an, xam jasoxtat kajachawaesfulam xot Tesalónica paklowaxpijiw” —an Diosliajwa xamalliajwa. ⁴ Xamal xabich nabijatam wut asew jiw pijaxtat, kofa-emil Dios xanaboejampox. Samata, xanal xabich nejchachaemlax xamalliajwa. Samatabej, asapaklowaxanpijiw, naexasiti Jesús pejwñajan, chapaeix japoxliajwa. ⁵ Xamal Dios chiekal xanaboejam xot, puexa jiw pajut chiekal matabija, Dios puexa ispoxan xabich chiekal pachaem. Samata, xamal pasaxoemch Dios tato'alxotse, ampathatat xabich nabijasfulam xot.

⁶ Japi jiw xabich babijaxan is xot xamalliajwa, Dios kastikaxaespi. ⁷ Amwutjel xamal nabijatampim, me-ama xanal, ja-ampim. Nabijataspoxan toep wut, kaes nabijasaxisal, wajpaklon Jesús fuloek wut athulelsik, ángeles swapich, xabich mamnikpi. Japi fuloek wut, fulaeyaxoeki tamdadusaxtat. ⁸ Wajpaklon Jesús fuloek wut, kastikaxaelon jiw, naexasis-elpi Dios. Kastikaxaelbejpon naexasis-elpi chimiawñajan, wajpaklon Jesucristo pejwñajan. ⁹ Japi pomatkoicha kastikaxaes. Atuaj pelsaxesbejpi Dios pejwñajnalel. Japon Dios, xabich mamnikpon, tapaeyaxilbejpon japi japonxotse pasliajwa. ¹⁰ Wajpaklon fuloek wut, japamatkoi, puexa naexasiti Jesús pejwñajan jumchiyaxael japonliajwa: “Xam xabich pachaemam” —chiyaxaeli. Japi xabich sitaeyaxaelbej Jesús. Xanal naewñajnax wut Jesús pejwñajan, xamalbej chiekal naexasitam. Samata, xamalbej asamatkoi Jesúsxotaxaelam.

¹¹ Samata, xanal Dios kawñajnax xamal pachaemaliajwam, me-ama Dios nejxasink. Dios kawñajnaxbej xamal japon kajachawaesliajwa, puexa pachaempoxan isasiam wut isliajwam, naexasitam xot Jesús pejwñajan. ¹² Japoxan isam wut, puexa jiw jumchiyaxael chimiamechan wajpaklon Jesúsliajwa. Ja-am wut, asew jiw xamal sitaeyaxael, Dios, wajpaklon Jesucristobej, xamal kajachawaet xot.

2

Babekolan matxoela pasaxaelpox, Jesucristo pejme pasliajwa wut

¹ Takoew, wajpaklon Jesús pejme pask wut, xatis naktamejaxaelon. Xanal lelx ampox xamal matabijaliajwam. Jesucristo pasliajwa wut, majt asaxan jachiyaxael. ² Aton jum-aech wut: “Xan matabijtax Espíritu Santo pijaxtat. ¡Jesús pasklison!” —aech wuton, japon aton nabej naexasis! Asan aton jum-aech wutbej: “Xan tajut taenx Jesús. ¡Japon pasklison!” —aech wuton, japon atonbej nabej naexasis! Asan aton jum-aech wutbej: “Pablo carta naxto'a xanliajwa. ¡Jesúspilis pask!” —aech wuton, japon atonbej xamal nabej naexasis! ³ Japoxan jiw jum-aech wut, xamal chiekal taem Jesús pasaxaelpoxliajwa xamal naekichachajbasamatapi! Mox pawñajna wut Jesús pasliajwa, xabich jiw kofaxael naexasitpox Dios pejjamechan. Japi jiw Dios padaelmajiw nadofaxael. Japamatkoi kaen, babekolan, pasaxael. Japon babekolan asamatkoi Dios xabich kastikaxaeson. ⁴ Dios padaelmanaxaelon. Nejweslaxaelbejpon Dios. Japonbej nejweslaxael asaxan, jiw kawñajanpoxan. Japon leyaxael Dios pejtemploba. Jaxot nosaxaelon pejtña-ekax

jiw tato'laliajwa, Dios pejtemplobatat. Do ja-aech wut, pajut najumchiyaxaelon: “Xan Diosnan” —nachiyaxaelon xabich jiw naekichachajbaliajwa.

⁵ Xamalxotx wut, chajia jum-an japon babejkolan pasaxaelpoxliajwa. ¿Xamalkat nejkioam, jum-an wut japoxliajwa? ⁶ Xamal chiekal matabijam, Dios tapae-el babejkolan pasasamatafuk. Dios markpox, matkoi, pat wut, jawut japon babejkolan pasaxael. ⁷ Ampamatkoiyan jiw xabich kaes babijaxan is. Pefuk babejkolan pasaxilfuk. Dios tapaeis wut, jawut babejkolan pasaxael babijaxan isliajwa. ⁸ Babejkolan tapaeis wut pasliajwa, japon pasaxael. Do jawux, wajpaklon Jesús pask wut, jiw taeyaxael Jesús pijax pamamax. Do jawut, Jesús kaefulaxtat matkaelaxaelon babejkolan. ⁹ Japon babejkolan ampathatat wutfuk, xabich kajachawaesaxaeson Satanás puexa jiw taeliajwa babejkolan pejpamamax. Samata, babejkolan nejmachkoechaxan isaxael xabich jiw naekichachajbaliajwa. ¹⁰ Isaxaelbejpon xabich babijaxan jiw naekichachajbaliajwa. Japon pijaxtat xabich jiw napelsaxael Diosliajwa, naexasis-el xoti Jesús pejwujajan, diachwujajnakolaxpox, Dios bu'welijaawas. ¹¹ Samata, Dios tapaeiyaxael babejkolan jiw naekichachajbaliajwa. Jiw naexasisaxael naekichachajbaspoxan. ¹² Samata, puexa japi jiw Dios kastikaxaes, naexasis-el xoti diachwujajnakolaxpox. Japi jiw asbuan jumch nejchachaemil, isful wut babijaxan.

Dios makanotpox Tesalónica paklowaxpijw, japi bu'welijaawapon

¹³ Takoew, Dios that is-el wutfuk, Dios chajia nejchaxoel xamal makanosliajwa japon pejiwaliajwam, bu'welijaawabejpon xamal. Naexasitam xot Dios pejjamechan, diachwujajnakolax Dios pejiwam Espiritu Santo pijaxtat. Samata, xanal Dios kawujajnaax wut, Dios gracias-an xamalliajwa. ¹⁴ Dios xamal makanot japon pejiwaliajwam. Samata, Dios xanal nato'a xamal naewujajnalijwan chimiawujajan, Jesús pejwujajan, Dios xamal bu'welijaawa. Ja-an wut, xamal naexasitam japawujajan. Samata, duilaxaelam, Jesucristo suapich, Diosxotse.

¹⁵ Samata, takoew, ¿Dios chiekal naexasisfulde! ¿Nabej nejkioe' naewujajnaaxpox, Jesús pejwujajan! ¿Nabej nejkioe'bej xanal tajut naewujajnaaxpoxan, naewujajnaaxpoxanbej cartanxot! ¹⁶ Wajpaklon Jesucristo, waj-ax Diosbej, japi naknejxasink. Nakbeltaenbejpi. Nakkajachawaetbejpi xatis wajlewlasamatas. Nakkajachawaetbejpi xatis wujajnaewesliajwas wajpaklon Jesucristo pasliajwa athulelsik. ¹⁷ Xanal Dios kawujajnaax xamal kaes Dios xanaboejalijwam. Dios kawujajnaaxbej puexa xamal jum-ampoxan pachaemaliajwa, isfulampoxanbej.

3

Pablo to'apox Tesalónica paklowaxpijw Dios kawujajnalijwa japonlijawa

¹ Takoew, kaes lelaxaelen ampox xamalliajwa. ¿Dios kawujajande xanalliajwa, jiw naewujajnaax wut chiekal naewujajnalijwan! ¿Dios kawujajandebej, xanal jiw potujajnaucha naewujajnaax wut kamtalejen jiw chiekal naexasisliajwa Jesús pejwujajan, me-ama xamal kamta naexasitam, jachiliajwabej japi jiw! ² ¿Dios kawujajande japon xanal natataeflialiajwa, jiw babejchow babijaxan isasamata xanalliajwa, puexa jiw naexasis-el xot Jesús pejwujajan! ³ Pe nakiowa, Dios nakkajachawaesaxael. Dios kajachawaesaxael xamal kaes xanaboejalijwam japon. Dios tataeflaxaelbej xamal malechasamata, Satanás xapaeja wut xamal. ⁴ Xanal nejchaxoelx xamalliajwa: “Tesalónica paklowaxpijw Dios kajachawaesaxaes. Samata, japi puexa isaxael xatis tato'laspoxan” —an xanal, nejchaxoelx wut xamalliajwa. ⁵ Xanal Dios kawujajnaax xamal kajachawaesliajwapon asew jiw nejxasinkalijwam, me-ama Dios nejxasink xamal, jachiliajwam xamal asew jiwliajwa. Dios kawujajnaaxbej, xamal nabijatam wut japon kajachawaesliajwa. Me-ama Cristo nakiowa Dios naexasisful, nabijat wut, ¿xamalbej ja-amsfulde!

Jesús pejwujajan naexasiti nabichaxaelpox pajut natataeflialiajwa

⁶ Takoew, xanal lelx wut, jum-an wajpaklon Jesucristo pijaxtat. Aton, naexasitpon Jesús pejwujajan, kiwechan wut nabichliajwa, jupon atonxot xamal nadijim, naexasis-el xoton xanal naewujajnapox! ⁷ Xamal chiekal matabijam, ma-an xanal, xamalxot duilx wut. Ja-an xanal, xamalbej matabijaliajwan chiekal duilaliajwam. Xamalxotan wut, tajut nabistax wujajsliajwan nawewe'ppoxan. ⁸ Xamalxotan wut, malech naxaeyaxan wuljoe-enil. Wuljowx wut, xatamotx. Naewujajna-enil wut, tajut nabistax matkoi, madoi wutbej, plata kanaliajwan, kaen xamalxot xanal nawewe'ppoxan nawemosasamata. ⁹ Wajpaklon Jesús xanal natapaei xamal wuljoeliajwan nawewe'ppoxan, xamal naewujajnapox wut jupon pejwujajan. Pe nakiowa, wuljoe-enil xamal. Xanallax tajut nabistax, xamalxotan wut, xamalbej najut nabichliajwam wujajsliajwam xamal wewe'ppoxan. ¹⁰ Xamalxotan wut, jum-an: “Aton kiwesla wut nabichliajwa, jupon nej xae-ele!” —an xan. ¹¹ Xanal wultaenx xamalxot asew nabich-elpox. Pomatkoicha japi jiw asbuan jumch mathun. Nabichaxaelpi itsalti asbuan jumch. ¹² Jasi jiwliajwa wajpaklon Jesucristo xan nato'a jumchiliajwan: “Japi jiw pajut nej nabich wujajsliajwa wewe'paspoxan!” —chiliajwan.

¹³ Takoew, nabej kofe' isliajwam pachaempoxan asew jiwliajwa! ¹⁴ Jiw naexasis-el wut xan lelxpox carta, japi suapich, nabej nanuams! Ja-am wut, japi jiw pajut padalaxael. ¹⁵ Pe xamal nabej nejchaxoele' japi jiwliajwa: “Japi jiw tadaelmajiw” —nabej aeche', nejchaxoelam wut! Asbuan jumch chiekal naewujajande, japi naexasit xot Jesús pejwujajan!

Pablo amxot kitoesaxaelpox lelpox

¹⁶ Wajpaklon Jesucristo nakkajachawaet chiekal duilaliajwas. Dios kawujajnapox xamal pomatkoicha chaliajwapon, kajachawaesliajwabej xamal chiekal duilaliajwam nej-machtujajnapoxanxot.

¹⁷ Xan Pablo, ampox tajut lelx xamal saludaliajwan. Ja-an, xan kaenanula cartan lelxxot. Tajwulbej jaxot lelx xamal puexa chiekal matabijaliajwam xan xato'axpox.

¹⁸ Xan wajpaklon Jesucristo kawujajnapox puexa xamal kajachawaesliajwa.

Matxoelacarta, Pablo lelpox, Timoteoliajwa

Pablo lelpox carta Timoteoliajwa

¹ Xan Pablo, Jesucristo pej-apóstolan, japon pejuwajan jiw naewuajnalijwan. Dios, jiw bu'weyaxaelpon, japon xan namakafit Jesucristo pej-apóstolliajwan. Wajpaklon Jesucristo, xatis wuajnowechpon pasliajwasik, japonbej namakafit pej-apóstolliajwan.

² Timoteo, ampox carta lelx xamliajwa. Xam, me-ama taxelnam, naknaexasitam xot Jesús pejuwajan, naewuajnax wut. Samata, xan waj-ax Dios kawuajnax, wajpaklon Jesucristobej, xam kajachawaesliajwapi, xam beltaeliajwabejpi. Dios kawuajnaxbej xam chiekal dukaliajwam Diosliajwa, Jesúsliawabej, jiwliawabej.

Pablo to'apox Timoteo, japon buxfiasliajwa asawuajan naewuajanpi

³ Macedonia tuajnu poxadax wut, xam to'ax namanaliajwam Éfeso paklowaxxot japi jiw chiekal naewuajnalijwam. Xan nejxasinkax xam jaxot namanaliajwam asew jiw buxfiasliajwam, japi naewuajanpi asawuajan Jesús pejuwajanliajwa. ⁴ Japi jiw naewuajanbej asawuajan, pajut faekwuajan. Chapaeibejpi puexa pejuwajnapijiw ispoxan. Japawuajan pachaema-el japiliajwa. Japawuajanliajwa jiw nakaewa najum-aech wut, asbuun jumch nakaewa nabunloti. Samata, jiw kaes Dios xanaboeja-el naexasisliajwapi Jesús pejuwajan.

⁵ Samata, xam to'ax japi jiw buxfiasliajwam. Dios nejxasink xatis naewuajnalijwas, nakaewa nanejxasinkaliajwasbej. Samata, nakaewa nanejxasinkas wut, isaxaes pachaempoxan nakaewaliajwa. Dios chiekal xanaboejaxaesbej. Nejchaxoelaxisal isliawwas pachaema-elpoxan. ⁶ Asew japixot nakaewa nanejxasinkpox nakofapi. Amwutjel japi jiw asbuun jumch nakaewa najum-aechful pachaema-elpoxan. ⁷ Japi naewuajan wut Moisés chajia lelpox, nejxasink asew jiw jumchiliajwas japiliajwa: “Ampi jiw chiekal naewuajan Moisés chajia lelpox” —chiliajwas. Japi, me-ama chiekal matabija wut, ja-aechi. Pe japi jiw pajut chiekal matabija-el Moisés chajia lelpox.

⁸ Xatis matabijas, Moisés chajia lelpox pachaem japox jiw naewuajnalijwas. Pe jiw chiekal pajut matabijaxael, ma-aech xot Moisés japox lel. ⁹ Xatis wajut matabijaxaes ampox. Paklochow lel wut tato'alpox, japi japox lela-el fiasliajwa jiw, ispi pachaempoxan. Japilax japox lel jiw fiasliajwa, babijaxan is wut, kastikaliajwabejpi. Japox lelbejpi kastikaliajwa jiw, sitae-elpi Dios, naexasis-elpibej Dios. Japox lelbejpi kastikaliajwa paxjiw bapi, penjiwbej, asew jiwbej. ¹⁰ Japox lelbejpi fiasliajwa poejiw bu'moejsasamata asew watho', watho'bej asew poejiw bu'moejsasamata. Japox lelbejpi fiasliajwa nakaepoejwa nabu'moejsasamata, watho'bej nakaewatho'a nabu'moejsasamata. Japox lelbejpi fiasliajwa asew jiw mowasamata asatwajnuchannel, japi jiw esclavos nadofaliajwa. Japox lelbejpi fiasliajwa jiw kichachajbasamata. Japox lelbejpi fiasliajwa, jiw jumduw wut japox is-elasamata. Japox lelbejpi fiasliajwa naexasislasamata diachwuajnakolaxwuajan.

¹¹ Jesús pejuwajan, chimiawuajanxot, jum-aech japox diachwuajnakolaxwuajan, Dios nabuxto'apox naewuajnalijwan. Dios, japon xabich pachaem.

Pablo gracias-aechpox Jesucristoliajwa, Jesucristo kawuajan wuton

¹² Wajpaklon Jesucristo chiekal matabijt, japon nato'apox isaxaelenpox. Samata, japon pajut nakajachawaesful, asew jiw naewuajnax wut japon pejuwajan. Samata, gracias-an Jesucristoliajwa, Jesucristo kawuajnax wut. ¹³ Majt naexasis-enil wutfuk Jesús pejuwajan, xan jum-ansfulax babejjamechan Jesúsliawaja. Chakifolxbej naexasiti Jesús pejuwajan. Japox isx wut, Dios nakiowa nabeltaen. Japox isfulax wut, xan tajut chiekal matabijs-enil, babijax isfulax wut, naexasis-enil wutfuk Jesús. ¹⁴ Wajpaklon Jesucristo xan xabich nakajachawaet. Samata, japon naexasitx kaes xanaboejsliajwan. Do jawut, japon nakajachawaetbej asew jiw nejxasinkaliajwan.

¹⁵ Ampox diachwujnakolax. Samata, puexa jiw chiekal naexasisaxael. Jesucristo fuloek ampathatasik jiw, babijaxan ispi, bu'weliawja. Xan kaes babijaxan isx. Me-ama puexa asew jiw, xan jachi-enil. ¹⁶ Xan japoxan isx wut, Dios nakiowa nabeltaen. Ja-aech wut, puexa jiw chiekal matabija Jesucristo xabich piach palala-elpox xanliawja. Japon kamta xan nakastika-el, naexasisfula-enil wut. Samata, jiw pajut chiekal matabijaxael, xabich wuti babijaxan ispoxan, Dios nakiowa beltaeyaxaesi, me-ama xan Dios nabeltaen. Japi jiw Dios beltaens wut, duilaxael pomatkoicha Diosxotse. ¹⁷ Samata, pomatkoicha jumchiyaxaes Diosliawja: “Xam xabich pachaemam” —chiyaxaes. Dios, kaen paklon puexa jiwliawja, pomatkoichaliajwabej. Pomatkoicha dukpon. Chinax kaen aton taeyaxil Dios. Japon Dios chiekal kaekolan. Japon jachiyaxael pomatkoicha.

¹⁸ Xam Timoteo, taxulan wut, ja-am. Samata, jisde xan to'axpox asew jiw naewuajnalijawm Dios pejjamechan! Japoxliawja asew jiw, naexasiti Jesús pejwuajan, majt jum-aechi xam naewuajnaelampoxliawja. Asew jiw naewuajnam wut Dios pejjamechan, tampoelaxael. Ja-aech wut, xam nakiowa naewuajande! Me-ama soldawan nakiowa naba, chachael wut japonliawja, xamlap-is ja-amde, Dios pejjamechan jiw naewuajnam wut! ¹⁹ Japox isam wut, ¡Dios xanaboejsfulde! ¡Isfuldebej pachaempoxan, me-ama xam matabijtam isfulalijawm! Asew jiw matabija wut pachaempoxan isliawja, japoxan iseli. Samata, japi jiw kofa Dios xanaboejapoxan. ²⁰ Japox ja-aech Himeneo, Alejandro suapich. Samata, jum-aechi babejjamechan Diosliawja. Japoxan japi buxkofaliajwa, xan japi jiw woeyax Satanásxot, wuxataeliajwapi jaxot wut.

2

Jesús pejwuajan naexasiti Dios kawuajnaelapox puexa asew jiwliawja

¹ Timoteo, xan xabich nejxasinkax naexasiti Jesús pejwuajan Dios kawuajnalijaw puexa asew jiwliawja. Japi jiw Dios kawuajan wut, graciaschiyaxaelbejpi Diosliawja, Dios puexa jiw kajachawaetpoxliawja. ² Japi, naexasiti Jesús pejwuajan, Dios kawuajnaelbejpi Dios chiekal kajachawaesliawjas jiw tato'alpi, nabistibej japiawja. Ja-aech wut, ajilaxael nabeyax. Samata, xatis chiekal duilaxaes. Ja-aech wut, xatisliawja chiekal pachaemaxael Dios naexasisfulalijawas, me-ama japon nejxasink. ³ Pachaem, xatis Dios kawuajnas wut asew jiwliawja. Dios, nakbu'wiapon, nejchachaemilbej, japon kawuajnas wut asew jiwliawja. ⁴ Dios bu'wesia puexa jiw. Nejxasinkbejpon puexa jiw matabijaliajwa Jesús pejwuajan, diachwujnakolaxpox. ⁵ Dios kaen. Do kaes asan Dios ajil, me-ama Dios, jason. Jesucristobej kaen. Japonlap asamatkoi jiw buflaeyaxael Dios poxase. ⁶ Cristo pajut natapaei asajiw kimatamatlialijawas puexa jiw babijaxan ispoxan wemosliawjapon, Dios puexa jiw bu'weliawja. Japawuajan Dios naktapaei matabijaliajwas, naewuajnalijawasbej asew jiw ampamatkoiyan. ⁷ Samata, Dios xan namakafit apóstolliajwan, potuajnucha judíos-elpi naewuajnalijawan chimiawuajan, Jesús pejwuajan. Xan jum-anpox, diach chiekal wujnakolax. Kichachajba-enil.

⁸ Xan nejxasinkax poejiw potuajnucha Dios kawuajnalijawja. Japi muaxxachoejaxael, Dios kawuajan wut. Japi poejiw, chiekal pachaempi, me-ama Dios nejxasink. Palala-elpibej, asew jiw suapich. Majt nalot wut, asew jiw suapich, chiekal chaemtpibejlis. ⁹ Xan nejxasinkaxbej watho' naxoeliajwa, mado' ipachaem. Do japoxantat watho' naxoeyaxael. Watho' nachaemt wut, chiekal mathiyaxael. Xabich duiyaxil oro, perlasbej. Watho' naxoeyaxilbej yiafan, xabich ommaenkpi. ¹⁰ Jachiyaxil watho', naexasiti Jesús pejwuajan. Japi watho'lax isaxael pachaempoxan asew jiw kajachawaesliawja. Ja-aech wut, asew jiw sitaeyaxaesi. Japi watho'liawja jumchiyaxaesbej: “Japi watho' xabich pachaem” —chiyaxaesi. ¹¹ Poejiw Dios pejjamechan naewuajan wut, watho' boejlach chalakaxael chiekal naewesliawja. Ja-aech wut, asew jiw nejchaxoelaxael japi watho'liawja: “Japi watho' diachwujnakolax chiekal sitaen, asew jiw naewuajan wut Dios pejjamechan” —chiyaxael jiw, nejchaxoels wut japi watho'liawja. ¹² Xan tapae-enil watho' naewuajnalijawja Dios pejjamechan, jiw natameja wut. Watho'lax chiekal boejlach chalakaxael naewesliawja Dios pejjamechan. Watho' tato'laxil poejiw. ¹³ Dios

matxoela is Adán. Do jawux, Adán pijow ispon. Samata, watho' tato'laxil poejiw.
¹⁴ Adán naekichachajba-esal Satanás. Eva naekichachajbas Satanás. Samata, japow naexaxis-el Dios. ¹⁵ Watho', paxipi, chiekal isful wut puexa Dios tato'laspoxan paxi chiekal ti'sliajwa, ja-aech wut, Dios bu'weyaxaes japi watho'. Japi watho'bej chiekal naexaxisaxael Jesús pejwujajan. Asew jiw nejxasinkaxaelbejpi. Chiekal duilaxaelbejpi, me-ama Dios nejxasink.

3

Masi poejiw makanosaxaespon ancianosliajwa, japi chiekal tato'laliajwa Jesús pejwujajan naexasiti

¹ Ampox diach chiekal wujnakolax. Kaen ancianosa wut naexasiti Jesús pejwujajan tato'laliajwa, japox bichax xabich pachaem. ² Makafisaxaespon ancianoliajwa, japon aton chiekal pachaempon asew jiwliajwa, japonaxaellape. Japonbej puexa jiw jumtispon: “Ampon aton babijax is-el” —tispon. Japonbej kaeow pijow. Japonbej chiekal natataeful pajutliajwa isasamata pachaema-elpoxan asew jiwliajwa. Japonbej asew jiw sitaenspon. Japonbej chiekal asew jiw bu'kula, pejbatat jiw pat wut. Japonbej chiekal xajup asew jiw naewujnalialajwa. ³ Japonbej saxa fe-el saxsliajwas. Japonbej nabeyax nejxasinkael. Japonbej nejxasinka-el nalosax, asew jiw suapich. Japonbej nejxasinka-el xabich plata kanaliajwa. ⁴ Japonbej chiekal tato'alpon pejbapijiw. Japonbej paxi to'a wut, chiekal owtis. Japonbej chiekal sitaens paxi. ⁵ Kaen aton chiekal tato'la-el wut pejbapijiw, ja-aech wut, japon chiekal tato'laxilbej naexasiti Jesús pejwujajan. ⁶ Jesús pejwujajan jelnaexasitpon, japon aton chiekal pachaema-elfuk ancianoliajwa. Japon aton makafich wut ancianoliajwa, nejchaxoelaxaelon: “Xan kaes pejme pachaeman. Me-ama asew jiw, jachi-enil” —chiyaxaelon, nejchaxoel wut. Japox nejchaxoel wut, japon aton Dios kastikaxaes. Me-ama Dios kastika wut Satanás, jachixaesbej japon aton. ⁷ Makafisaxaespon ancianoliajwa, japon chiekal sitaeyaxaes asew jiw, naexaxis-eli Jesús pejwujajan. Ja-aech wut, asew jiw japon aton wuljumchiyaxisal. Satanásbej xajupaxil japon anciano naewujajanpox wetoeshajwaspon.

Masi poejiw makanosaxaespon diáconosliajwa, japi kajachawaesliajwa ancianos

⁸ Makanosaxaespi diáconosliajwa, japibej puexa jiw chiekal sitaenspilis. Japibej kichachajba-el. Japibej saxa fe-el saxsliajwas. Japibej nejchaxoela-el isliajwa babijaxan xabich plata kanaliajwa. ⁹ Japibej babijax is-el, chiekal naexasit xoti diachwujnakolaxpox, Cristo pejwujajan. Japi nejchaxoel wut Jesús pejwujajanliajwa, nejchaxoela-el: “Ampawujajan diachwujnakolaxa-el” —chi-eli, nejchaxoel wut. ¹⁰ Makanosaxaespi diáconosliajwa, japi matxoela xapaejaxaes naexasiti Jesús pejwujajan, matabijaliajwa japi pachaem wut. Japi pachaem wut, makanosaxaes diáconosliajwa. ¹¹ Makanosaxaespi diáconosliajwa, japi pejwatho' chiekal sitaeyaxaespi asew jiw. Japi watho'bej buxwujjanmaenkaxilpi asew jiwliajwa. Japi watho'bej pajut chiekal natataefulpi, asax isasamata, pachaema-elpox. ¹² Poejiw makanosaxaespi diáconosliajwa, japi kaenanula pijowaxaelpi. Japibej chiekal matabijapi paxi tato'laliajwa, pejbachanpijiwbej. ¹³ Japi diáconosbichax chiekal isful wut, puexa jiw chiekal sitaeyaxaes. Ja-aech wut, diáconos buxdalaxil pajut chapaelialjwapi puexa jiw naexasitpox Jesucristo pejwujajan.

Pablo lelpox naewujnalialjwapon Timoteo diachwujnakolaxpox Jesucristoliajwa

¹⁴ Timoteo, xan ampox carta lelx wut, nejchaxoelx: “Asamatkoi chalechkal pasaxaechan Éfeso paklowaxxot Timoteo taeliajwan” —an, nejchaxoelax wut. ¹⁵ Pe nakiowa, xan piach kijlax wut pasliajwan xamxot, ampox carta xaljowam wut, xam matabijsaxaelam, naexasiti Jesús pejwujajan machiyaxael, duil wut. Japi jiw, Dios pomatkoichapon pejjiwpi. Samata, japi jiw naewujnaxael asew jiw Jesús pejwujajan. Japibej buxfiasaxael, asew jiw naewujajan wut asawujajan, Jesús pejwujajana-el wut. ¹⁶ Jesús pejwujajan diach chiekal wujnakolax xabich pachaem, xatis naexasichpox. Dios nakkajachawaet japawujajan jumatabijaliajwas. Jiw himnotat jajuw wut, jum-aechi:

“Cristo nalaelt ampathatat. Do jawux, Cristo tup wut cruztat, tres matkoi wut, Dios mat-ech wutbejpon, pejme dukon, jiw pajut matabijaliajwa Cristo Dios paxulanpon. Jawux japon bu'fos Dios athuse, Dios poxase. Jawut ángeles taenpi Cristo. Do jawux, Cristo pejnachala naewuajan xabich asew jiw, asatujajnuhanpijiw, Cristo pejwuajan. Samata, japi xanaboeja Cristo” —aech jiw, jajuw wut himno.

4

Asew jiw kofaxaelpox Jesús pejwuajan naexasitpoxliajwa

¹ Espiritu Santo nakjum-aech xatis chiekal matabijaliajwas ampox. That toepax mox pawujana wut, naexasitpixot Jesús pejwuajan, asew jiw kofaxael, japi jiw naekichachajbaxaes xot. Japi asew jiw naewuajnaspox naexasisaxaeli. Japanaewuajna, Satanás pejnaewuajna. ² Japi naexasisaxael naekichachajbapijiw naewuajanpoxan. Japawuajan, me-ama diachwuajnakolax wut, wejachiyaxaesipox. Naekichachajbapijiw asew jiw naewuajan wut, padalaxili. Samata, chiekal nejmach naewuajnaaxaeli. ³⁻⁴ Japi naekichachajbapijiw naewuajan wut, japi asbuan jumch jiw fiasaxael nakjijasamata. Kaechafiasaxaelbejpi asanaxaeyaxan, nejmachnaxaeyaxan jiw xaesamata. Pe xatis, Jesús pejwuajan naexasichpis, chiekal matabijas. Xatis Diosliajwa graciastis wut, puexa Dios ispoxan pachaem xaeliajwas. Kaen aton jumchiyaxil: “Ampox xaelx wut, pachaemaxil Diosliajwa” —chiyaxilon. Dios ispoxan xaes wut, graciaschiyaxaes Diosliajwa. ⁵ Dios pejjamechan, chajia lelsopox, jum-aech wut, jum-aechox: “Puexa nejmachnaxaeyaxan pachaem xatis xaeliajwas” —aechox. Samata, Diosliajwa graciastis wut, japoxan pachaem xatis xaeliajwas.

Pablo naewuajanpox Timoteo

⁶ Xam chiekal naewuajnam wut naexasiti Jesús pejwuajan xan jum-anpoxan, ja-am wut, xam pachaemaxaelam Jesucristo tanbichliajwam. Xam kaes Dios xanaboejsliajwam, chiekal naexasisaxaelam chajia xan jum-anpoxan, xam naewuajna wut.

⁷ ¡Nabej naexasis jiw pajut faekwuajan, japi naewuajan wut japox! Japawuajan pachaema-el, Dios pejjamechana-el xot. ¡Xam chiekal matabijtam naexasisliajwam Dios jum-aechpoxan! ⁸ Najaesax pachaem wajbu'anliajwa. Pe kaes pejme pachaem xatisliajwa Dios xanaboejaspox. Samata, xatis laelpas wut, Dios nakkajachawaesaxael. Baxael, tups wutbej, Dios nakkajachawaesaxael duilaliajwas japonxotse. ⁹ Ampoxlap diachwuajnakolax. Samata, xatis puexa chiekal naexasisaxaes. ¹⁰ Samatabej, xatis xabich nabistas Dios pijax bichax. Jatis Dios, pomatkoicha dukpon, xanaboejas xot. Dios puexa jiw bu'weyaxael, naexasiti Jesús pejwuajan.

¹¹ ¡Xan lelxpoxan xam jiw naewuajande! ¡Jiw tato'aldebej ampoxan chiekal naexasisliajwapi! ¹² Diachwuajnakolax xam chiekal pati'na-emil. Pe nakiowa, xam naewuajnam wut, ¡nabej tapae' jiw naewuajnampoxan naexasislasamata, chiekal pati'na-emil xot! Jesús pejwuajan naexasitixotam wut, ¡chiekal dukde xam japi jiw nakxataeliajwa! ¡Jiw naewuajnam wutbej, chiekal chamoeyaxtat naewuajande! ¡Nejxasinkdebej asew jiw! ¡Dios chiekal xanaboejsfuldebej xam kajachawaesliajwapon! ¡Nabej isbej babijaxan! ¹³ Xan pas-enil wutfuk xamxot, naexasiti Jesús pejwuajan suapich, natamejlam wut, ¡Dios pejjamechan, chajia lelsopox, chanaexaljoem! Do jawut, ¡chiekal chanaekabuanimbej japoxanliajwa jiw nejchachaemlaliajwa, Dios kaes xanaboejaliajwabejpi! ¹⁴ ¡Isfulde Dios xam tato'alpoxan! Ja-am wut, Dios kajachawaesfulaxael. Nejchaxoelam wutbej, ¡nejchaxoelde ancianos majt ki-owapoxliajwa nejta'tat, Dios kawuajan wuti xamliajwa! Jawut ancianos Dios to'as japi xam jumchiliajwa: “Dios xam makafit japon tanbichliajwam” —chiliajwapi.

¹⁵ ¡Puexa xan tato'laxpoxan chiekal isfulde! Ja-am wut, puexa jiw xam taeyaxael chiekal dukampox. ¹⁶ ¡Najut chiekal natataeflafulde babijax isasamatam! Jiw naewuajnam wutbej Dios pejjamechan, ¡naewuajande, me-ama Dios nejxasink! ¡Nabej

kofs Dios naexasitampox! Ja-am wut, Dios xam bu'weyaxael. Xam naewetibej, Dios bu'weyaxaesbej japi jiw.

5

Machiyaxaelpox Timoteo, duk wuton Jesús pejwuajan naexasitixot

¹ Aton, pati'in, is wut pachaema-elpox, japon fiatam wut, ¡nabej los! Naewuajnam wut ispoxliajwa, ¡chiekal naewuajandel! Me-ama nej-ax jum-am wut, ¡ja-amde japon atonliajwa! Watho', pansiachow, naewuajnam wutbej, me-ama nakoew naewuajnam wut, ¡ja-amde! ² ¡Watho', pakdiachow, sitaem! Me-ama nej-en wut, ¡ja-amde! ¡Watho', pansiachow, sitaembej! Me-ama nakoewkola wut, ¡ja-amde! ¡Nabej bu'nejchaxoele' asax isax, japi watho' suapich!

Amxot jum-aechpox, watho', pamaljiw naetupsi, japi naexasiti Jesús pejwuajan

³ ¡Naewuajande naexasiti Jesús pejwuajan, japi kajachawaesliajwa asew watho', pamaljiw naetupsi, japi watho' pejjiw chiekal kijilpi kajachawaesliajwas! ⁴ Watho', pamaljiw naetupsi, paxi, pamojiwbej, pakdiachow wut, ja-aech wut, nej kajachawaesas japi watho'. Amwutjel, japi pakdiachow xot, ¡nej tataefle' penjiw, pae'jiwbej! Ja-aech wut, Dios nejchachaemlaxael japi jiwliajwa. ⁵ Watho', pamaljiw naetupsi, diachwuaj-nakolax pejjiw chiekal kijilpi, japi watho' Dios xanaboeja kajachawaesfulaliaw. Japi watho' buxkofa-elbej Dios kawuajnaxpoxan matkoi, madoibej, Dios kajachawaesfulaliaw. ⁶ Asew watho', pamaljiw naetupsi, pajut isasiapoxan, pachaema-elpoxan, isful wut, ja-aech wut, japi watho', me-ama patupa, jachiyaxaeli Diosliajwa. ⁷ ¡Jesús pejwuajan naexasiti to'im kajachawaesliawapi watho', pamaljiw naetupsi! Jesús pejwuajan naexasiti chiekal kajachawaet wut japi watho', chinax kaen aton, Jesús pejwuajan naexasis-elpon, wuljumchiyaxil babejjamechan Jesús pejwuajan naexasitiliaw. ⁸ Aton, Jesús pejwuajan naexasitpon, japon kajachawaes-el wut pejjiw, pejjiwkolabej, ja-aech wut, asew jiw matabijaxaeson, japon aton koft Jesús pejwuajan naexasitpox. Me-ama naexasis-eli Jesús pejwuajan, jachiyaxil japon. Kaes pejme chaemilaxaelon. Naexasis-elpi Jesús pejwuajan, japi chiekal tataeful pejjiw.

⁹ Watho', pamaljiw naetupsi, japi kaes sesenta waechanpi wut, japi pejwulan lelaxaes pelfutat, kajachawaesliaw naexasiti Jesús pejwuajan. Japi watho' pamaljiw naetupsi wut, pejme poejiw nos-eli. ¹⁰ Japi watho' chiekal matabijas asew jiw, majt is xoti pachaempoxan asew jiwliajwa, pamaljiw naetupa-esal wuti. Japi watho'bej majt paxi wut, chiekal tataeful. Japi watho'bej chiekal bu'kula, asew jiw pat wut japi pejbatat. Japi watho'bej majt tuakkiatpi, naexasiti Jesús pejwuajan pat wut japi pejbatat chiekal bu'kulaliaw. Japi watho'bej majt kajachawaetbej asew jiw, nabijat wut. Isbejpi puexa pachaempoxan asew jiwliajwa. Me-ama japi watho', jasi watho'lap, kajachawaesaxaes naexasiti Jesús pejwuajan.

¹¹ ¡Watho', pamaljiw naetupsi, sesenta waechana-elpifuk, japi pejwulan nabej lele' pelfutat, naexasiti Jesús pejwuajan kajachawaesliaw! Japi watho' pejme nosaxael wut poejiw, ja-aech wut, bej kofaxaelbejpi Jesús pejbichax nabistpox. ¹² Ja-aech wut, japi watho' pejbu'wuajnaxael Diosliajwa, chiekal is-el xoti jumduwpox, Dios tanbichaxaelpox. ¹³ Ja-aech wut, japi watho' asbuan jumch nanuamsaxael asabachan mathunaliaw. Ja-aech wutbej, japi watho' kiwecha nadofaxael. Buxwuajanmaenkaxaelbejpi. Buxxandadusaxaelbejpi. Japi watho'bej jumchiyaxael asew jiwliajwa pachaema-elpoxan jumchiliaw asew jiw. ¹⁴ Samata, watho', pamaljiw naetupsi, japi chiekal pakdiachowael wutfuk, xan jum-an japi watho' pejme nakjiyalijwa. Ja-aech wut, paxi wulxaeli. Chiekal tataeflaxaelbejpi jiw pejbachanpijwi. Ja-aech wut, wajdaelmajiwi babejjamechan jumchiyaxisal japi watho'liaw. ¹⁵ Xan japox jum-an, asew watho', pamaljiw naetupsi, kofa xoti Jesús pejwuajan naexasitpox. Do jawux, asbuan jumch islisi Satanás tato'alpoxan.

¹⁶ ¡Watho', naexasiti Jesús pejwúajan, japi watho' kaenanúla nej kajachawaes pejjiw, watho', pamaljiw naetúpspi! Japi japox isful wut, ja-aech wut, asew, naexasiti Jesús pejwúajan, xajúpaxael kajachawaesliajwa asew watho', pejjiw chiekal kijilpi.

Jesús pejwúajan naexasiti, japi sitaeyaxaelpox ancianos

¹⁷ Ancianos chiekal tataeful wut naexasiti Jesús pejwúajan, ja-aech wut, ¡chiekal nej sitaes! ¡Ancianosbej chiekal nej mosas, pomatkoicha naewúajan wuti, chiekal chanaekabuana wutbejpi jiw Dios pejjamechan! ¹⁸ Dios pejjamechan, chajia lespox, jum-aech wut, jum-aechox: “Woei xanbistam wut trigo matbokkiyanaliajwa, ¡woei nabej kaechjoele' bozal trigo xaesamata!” —aechox. Jum-aechbejpox: “Kaen aton nabist wut asanliajwa, ¡japon nej mosas!” —aechox. Samata, ¡ancianos chiekal nej mosas, pomatkoicha chiekal naewúajan wuti, chanaekabuana wutbejpi asew, Jesús pejwúajan naexasiti!

¹⁹ Asan aton xam jum-aech wut: “Xan taenx, anciano babijax is wut” —aech wuton, ¡japox kamta nabej naexasisfuk! Pe kolenje, o, tres aton, japox kaeyax chiekal jum-aech wut, ja-aech wut, ¡japi chiekal naexasi'el!

Pablo kaes lelpox, naewúajntaxan Timoteoliajwa

²⁰ Diachwúajnakolax ancianos babijaxan isful wut, ¡fia'e puexa Jesús pejwúajan naexasiti pejwúajnalel! ¡Japoxlap xamal ja-amde puexa Jesús pejwúajan naexasiti pejlewllaliajwa, japibej babijaxan isasamata!

²¹ Paklon babijax is wut, o, paklona-elpon wutbej, ¡japi fia'e! Xam japox to'ax isliajwam. Dios chiekal matabijt, Jesucristo suapich, ángelesbej, xam to'axpox isliajwam.

²² Xam Timoteo, ki-osasiam wut aton pejta'tat japon aton makafisliawam ancianoliajwa, japon tato'laliajwa naexasiti Jesús pejwúajan, ¡xam majt chiekal nejchaxoelde japon atonliajwa! Chiekal matabijs-emilpon makafitam wut ancianoliajwa, asamatkoi japon aton babijax is wut, ja-aech wut, japi jiw xam wuljumchiyaxael: “Timoteo kaenejchaxoelax, japon aton suapich, japox babijaxliajwa” —chiyaxael japi jiw xamliawja. Dukam wut, ¡chiekal najut tataefulde pomatkoicha babijax isasamatam!

²³ Asamatkoi xam nejpoklawoejt chalechkal xabich jiwexaenk. Ja-aech wut, ¡nabej fe' minkal! ¡Cha-aeldoex tanielde vinomint!

²⁴ Asew jiw babijaxan is wut, puexa jiw japoxan chiekal matabija. Samata, japi tasalas. Pelax asew jiw maliach babijaxan is wut, matabija-esal. Pe baxael, japi tasalas wut, jawut puexa jiw matabija japi babijaxan ispoxan. ²⁵ Jiw tulaela is wutbej pachaempoxan, puexa jiw chiekal taen. Asew jiw, tulaela is-el pachaempoxan. Pe japoxan asamatkoi puexa jiw chiekal matabijaxael.

6

¹ Jesús pejwúajan naexasiti, esclavos wut, japi chiekal sitaeyaxael pejpaklochow. Ja-aech wut, asew jiw wuljumchiyaxisal esclavosliajwa: “Japi esclavos naexasitwúajan, chiekal pachaema-el” —chiyaxil asew jiw. Japi jiwbej jumchiyaxil babejjamechan Diosliajwa. ² Japi esclavos nejchaxoelaxilbej: “Tajpaklon Jesús pejwúajan naexasit xot, chiekal sitaeyaxinil” —chiyaxil esclavos, nejchaxoel wut pejpaklochowliajwa. ¡Japi kaes chiekal nej nabich pejpaklochowliajwa!

Jesús pejwúajan naexasiti, japi xanejchachaemlaxaelpox pejew

³ Asew jiw naewúajan, asawúajan, wajpaklon Jesucristo pejwúajna-elpox. Japi naewúajna-el diachwúajnakolaxwúajan. Japi jiw naewúajna-elbej asew jiw chiekal duilaliajwa, me-ama Dios nejxasink. ⁴ Japi jiw, asawúajan naewúajanpi, nejchaxoeli: “Xatis puexa matabijas. Me-ama asew jiw, jachi-esal” —aechi, nejchaxoel wut. Pe japi pajut chiekal matabija-el asew jiw naewúajnaspo. Japi nejxasink wúajan

nabunlosliajwa, pachaema-elpox. Nakaewa nusasiowlamaenkbejpi. Nakaewa najum-aechmaenkbejpi babejjamechan. Chiekal nakaewa naxanaboeja-elbejpi. ⁵ Nabuxkofa-elbejpi nabunlosax, pejnejchaxoelaxan chaemil xot. Matabija-elbejpi diachwujnakolaxpox. Kaenanula asbuan jumch nejchaxoel: “Xan naewujnax wut Dios pejjamechan, xabich plata kanaxaelen” —aechi asbuan jumch, nejchaxoel wut. ⁶ Xatis, Jesús pejuwajan naexasichpis, Diosliajwa, me-ama kimaenkas wut, jatis, xanejchachaemlas wut Dios nakchaxduwpoxan. ⁷ Ampathatat nalaelas wut, chiekal masox nalaelas. Asamatkoi tup wutbej, kaeyax xalaeyaxisal, ampathatpijx. ⁸ Samata, ampathatat xatis naxaeyaxan wut xaeliajwas, naxoe wutbej naxoeliajwas, japoxanliajwa xanejchachaemlaxaes. ⁹ Pelax kimaenkasiapi, japiliajwa tampoela-el naekichachajbaliajwas japi babijaxan isliajwa. Samata, japi babijaxan is kimaenkaliajwa. Ja-aech wut, kofaxili babijaxan isfulpoxan. Samata, baxael, xabich babijaxan is xot, nabijasaxaeli. Napelsaxaelbejpi Diosliajwa. Me-ama choef muthadik natacholika, jachiyaxael japi kimaenkasiapi. Japamuthxotdik japi weyaxil. Tup wut, chiekal toepaxaeli. ¹⁰ Jiw xabich kimaenkasia wut, babijaxan is plata kanaliajwa. Ja-aech wut, kofapi Dios naexasitpox. Samata, amwutjel japi jiw pajut ispoxantat xabich nabijat.

Pablo Timoteo naewujnaxpox Dios kaes xanaboejsliajwapon

¹¹ Timoteo, xam nabistamponam Diosliajwa, nejchaxoelam wut, inabej nejchaxoele' kimaenkaliajwam! Me-ama asew jiw nejchaxoel kimaenkaliajwa, ixam nabej ja-aechel! Isfulde pachaempoxan! Dukam wut, ichiekal dukde, me-ama Dios nejxasink! iDios xanaboejde xam kajachawaesliajwa! iNejxasinkdebej asew jiw, naexasiti Jesús pejuwajan! Nabijatam wutbej, inabej kofs Dios naexasitampox! Nejchaxoelam wut, inabej nejchaxoele': “Xan kaes pejme pachaeman. Me-ama asew jiw, jachi-enil” —nabej aechel, nejchaxoelam wut! ¹² iXam chiekal naexasisfulde Dios! Me-ama kaen aton xabich najaet puexa pejpamamaxtat premio kanaliajwa, ixambej ja-amde, dukam wut! iChiekal dukde, me-ama Dios nejxasink! Ja-am wut, asamatkoi, dukaxaelam pomatkoicha Diosxotse. Japoxliajwa Dios xam chajia makafit. Asew jiw xam bautisa wut, jawut xabich jiw pejuwajnael xam jum-am: “Xan pomatkoicha chiekal naexasisfulaxaelen Jesús pejuwajan” —am xam jiw pejuwajnael. ¹³ Amwutjel lelx xam to'aliajwan isaxaelampox. Japox lelx wut, Dios matabijt. Japon pijaxtat puexa xatis chiekal duilafulas. Jesucristobej matabijt xan lelxpox xamliajwa. Jesús nuk wut Poncio Pilato pejuwajnael, jawut jum-aechon diachwujnakolaxpox pajutliajwa. ¹⁴ Xan jum-an xam puexa chiekal naexasisliajwam xan lelxpoxan. iChiekal naexasisfulde puexa xan jum-angepoxan, asew jiw xam wuljumchisamata: “Ampon aton chiekal naexasis-el Dios” —chisamata asew jiw xamliajwa! iXan jum-angepoxan naexasisfulde, hasta wajpaklon Jesucristo pejme fuloek wut! ¹⁵ Pat wut Dios markpox, matkoi, Jesucristo pejme pasaxoek. Dios, kaen, japon paklokolan puexa jiw tato'laliajwa. Japonbej xabich pachaem. Ampathatpijiwtato'alpi, puexa japibej Dios tato'laxaesi. ¹⁶ Dios, kaen, japon tuxaxil. Dios dukxotse xabich itliak. Chinax kaen aton jaxotse pasaxil, tupa-el wutfuk ampathatat. Chinax kaen aton taeyaxilbej Dios. Pomatkoicha puexa jiw jumchiyaxael: “Dios, xam xabich pachaemam” —chiyaxael jiw pomatkoicha. iDiachwujnakolax japox jachiyaxael!

¹⁷ iNaewujjande kimaenkpi, japi nejchaxoelasamata: “Xan xabich tejew. Samata, kaes pejme xan pachaeman. Me-ama asew jiw, jachi-enil” —chisamatapi, nejchaxoel wut! Kimaeyax chalechkal toepaxael. Samata, ixam naewujjande kimaenkpi japi pejew xanaboejasamata! iJapi naewujjande Dios xanaboejalijwapi, japon tataeflaliajwas! Dios puexa xatis nakwewe'ppoxan nakchaxduw chiekal duilaliajwas. ¹⁸ iKimaenkpi to'im, japi jiw kajachawaesliajwa! ¹⁹ Ja-aech wut, kimaenkpi Dios chaxduiyaxaes kaes pejme ommaenkpoxan japonxotse. Japoxan pomatkoichaliajwa. Ja-aech wut, japi kimaenkpi pomatkoicha duilaxael Diosxotse.

Pablo lelpox ampacarta taxdukanaewujnax Timoteoliajwa

²⁰ Timoteo, ¡chiekal jiw naewwajande Dios pejjamechan, me-ama Dios xam to'a! ¡Nabej naewes asew jiw pajut faekwajjan! Japawwajan Diosliajwa pachaema-el. Japi pajutliajwa najum-aech asew jiw jumtaeliajwas: “Xan kaes pejme matabijtax. Me-ama asew jiw, jachi-enil” —na-aechi pajutliajwa. Jasi jiw naewwajan wut, ¡nabej naewes, japox wajan diachwajnakolaxa-el xot! ²¹ Asew jiw lax japox wajan naexasit, naewwajnas wut. Samata, amwutjel kofalisi Jesús pejwajan naexasitpox.

Xan Dios kawajjajax xam kajachawaesfalaliajwapon, asew naexasitpiliajwabej Jesús pejwajan, Éfeso paklowaxpijw.

Wachakalcarta, Pablo lelpox, Timoteoliajwa

Pablo lelpox carta Timoteoliajwa

¹ Xan, Pablo, Dios namakafit Jesucristo pej-apóstolliajwan, jiw naewuajnalajwan Jesús pejuwajan. Dios nejxasink xan jiw naewuajnalajwan Dios jum-aechpox, naexasiti Jesús pejuwajan duilaliajwa japonxotse. ² Timoteo, ampox carta lelx xamliajwa. Xam taxulnam wut, ja-am xanliajwa, xambej naexasitam xot Jesús pejuwajan. Samata, xam nejxasinkax. Xan waj-ax Dios, wajpaklon Jesucristobej, kawuajnax xam kajachawaesliajwapi. Japi kawuajnaxbej xam chiekal beltaeliajwa. Japi kawuajnaxbej xabich xam kajachawaesliajwa chiekal dukaliajwam, a sew jiw suapich.

Pablo Timoteo naewuajanpox, japon kofs-elaliajwa Dios pijax bichax

³ Me-ama tajwuajnapijiw nabist Diosliajwa, xanbej ja-an amwutjel. Ja-an wut, xan babijax is-enil a sew jiwliajwa. Matkoi, madoibej, Dios kawuajnax wut, xam nejchaxoelx. Samata, jawut Dios gracias-an xamliajwa. ⁴ Xan nejchafaetx xam nowampox, xan chijyaliajwan wut asalel. Samata, pejme xam taesian nejchachaemlaliajwan. ⁵ Xan nejkiowa-enil xam Jesucristo pejuwajan chiekal naexasitampox. Nej-ae' Loida matxoela naexasit Jesús pejuwajan, nej-en Eunice suapichbej. Xan matabijtax, xambej diachwuajnakolax naexasitam Jesús pejuwajan.

⁶ Samata, xam nejchaxoelde Dios pijax bichax isfulaliajwam! Xan nejta'tat ki-otx wut Dios kawuajnalajwan, jawut Espíritu Santo tuadut xam kajachawaesfulaliajwa Dios pijax bichax isliajwam. ⁷ Dios to'ak Espíritu Santo xatis wajmatpuatanxotaliajwa. Samata, wajlewaxil a sew jiwliajwa. Espíritu Santo nakkajachawaet isliajwas Dios nejxasinkpoxan. Nakkajachawaetbejpon a sew jiw nejxasinkaliajwas. Nakkajachawaetbejpon babijaxan isasamatas. ⁸ Xam nabej nadale' a sew jiw naewuajnalajwam wajpaklon Jesús pejuwajan! Xam nabej nadale'bej xan jiw jebatat najiapoxliajwa, jiw naewuajnax xot Jesús pejuwajan! Nabijatam wut, a sew jiw is wut babijaxan, Jesús pejuwajan naewuajnam wut, ja-am wut, xam nakiowa naewuajnafulde! Ja-am wut, Dios kajachawaesfulaxael xam mamnikaliajwam, me-ama xan Dios nakajachawaesful. ⁹ Dios nakbu'wia xatis. Nakmakanotbejpon japon pejiwaliajwas tanbichliajwas. Dios nakmakanos-el, pachaempoxan isas xot. Pe japon nakmakanot, pajut nejchaxoel xot, xatis naknejxasink xoton. Chajiakolaxtat Dios is-el wutfuk ampathat, Dios nejchaxoel to'aliajwa Jesucristo ampathatpijiw bu'weliajwa. ¹⁰ Wajpaklon Jesucristo ampathatat nalaelt. Do baxael, japon boesas tupaliajwa xatisliajwa. Japon tup wut, Dios mat-echpon pejme dukaliajwa. Ja-aech wut, Jesucristo malecha patupax. Jesucristo tup wut xatisliajwa, matabijas Dios xabich naknejxasinkpox. Jiw matabija wut chimiawuajan, Jesús pejuwajan, japi matabijaxael pomatkoicha duilaxaelpox Diosxotse.

¹¹ Dios nato'a xan jiw naewuajnalajwan Jesús pejuwajan. Dios namakafitbej Jesús pej-apóstolliajwan, jiw naewuajnax wut chiekal chanaekabuajnalajwanbej japon pejuwajan. ¹² Samata, a sew jiw pijaxtat amwutjel xan nabijatax jiw jebatat. Pe nakiowa, tadala-el, matabijtax xot Jesucristo, xabich xanaboetaxpon. Matabijtaxbej japon pomatkoicha xan natataeflaxaelpox, jiw naewuajnalajwan japon pejuwajan.

¹³ Samata, xam chimiawuajan, Jesús pejuwajan, chiekal naewuajande, majt xam naewuajnapox! Me-ama xam naewuajnax wut, xam amdebej, a sew jiw naewuajnam wut! Xam pomatkoicha Jesús pejuwajan chiekal naexasisfulde! Xatis Jesús pejiwax xot, xam nakaewa chiekal nanejxasinkaxaesebej! ¹⁴ Dios to'a xam jiw naewuajnafulaliajwam chimiawuajan, Jesús pejuwajan. Xam japawuajan nabej xaliaxe' asawuajantat! Espíritu Santo, xatis wajmatpuatanxotpon, japon xam kajachawaesfulaxael japawuajan xaliaxsasamatam.

¹⁵ Xam chiekal matabijtam ampox. Xan jiw jebatat wut, puexa Asia tuajnapijiw, naexasiti Jesús pejuwajan, japi chajia nakofaliajwa. Kaes nawultatae-ellisi. Xanxot

chajiapixot ampilape. Kaen pawul Figelo. Asan pawul Hermógenes. ¹⁶ Xan Dios kawuajnx Onesíforoliajwa, japon pejjwliajwabej, Dios kajachawaesliajwas. Xan jiw jebatatax wut, japon kaen xabich nataent. Japon padala-elbej xan nataentaliajwa. Japon nataent wut, xan xabich nejchachaemlax. ¹⁷ Japon Roma paklowaxxot pat wut, damlathula-elon. Kamta nawulwekaxenton nafaenaliajwa. Do baxael, nafaenpon. ¹⁸ Xam matabijtam, japon xabich nakajachawaet, xan Éfeso paklowaxxotx wut. Samata, Dios kawuajnx japon xabich kajachawaesliajwas, asamatkoi Cristo pejme pask wut.

2

*Machiyaxaelpox Jesús pejw*uajan naexasiti, nabist wuti Jesúsliajwa

¹ Wua, Timoteo, Jesucristo xam kajachawaet xot, imannikde Dios pijax, bichax, chiekal nabichliajwam! ² Xam chiekal jumtaenam xabich jiw pejwajnalel xan naewuajnx wut. ¡Japanaewuajnxlap xam asew jiw naewuajande, japi jiw, matabijtampi, chiekal xajuppi naewuajnalialjwa asew jiw japanaewuajnx!

³ Xam nabijasaxaelam asew jiw pijaxtat, nabistam xot Jesucristoliajwa. Soldawan nabijat wut, nakiowa nabeful. Boejtaliatbejpon. ¡Xamlap-is ja-amde, nabijatam wut Jesucristoliajwa! ⁴ Soldawan wuajnowet isliajwa pejpaklon to'aspoxxal. Pajut isasiapoxan isaxilon. ⁵ Najaesaxaelpon kanaliajwa premio, jachiyaxaelbej. Japon aton chiekal naexaxisaxaelbej to'aspoxx najaesliajwa. Najaesaxaelpon chiekal naexaxis-el wut, ja-aech wut, japon aton premio kanaxil. ⁶ Nabistpon pejlul, jachiyaxaelbej. Xabich nabistpon. Pe baxael, chiekal weti'tas wut, wepachaems wutbej, jolaxaelon pajutliajwa, pejbichax chiekal is xoton. ⁷ Samata, xam nejchaxoelam wut, ¡chiekal nejchaxoelde japoxanliajwa! Ja-am wut, Dios kajachawaesaxael puexa chiekal matabijsliajwam.

⁸ Xam jiw naewuajnam wut, ¡nejchaxoelde Jesucristo, Dios mat-echpon pejme dukaliajwa, japon rey David pamon! Xan jiw naewuajnx japon pejwujajan. Japi naexasit wut japawuajan, Dios bu'weyaxaespi. ⁹ Xan nabijatax, asew jiw najia xot jiw jebatat, Jesús pejwujajan jiw naewuajnx xot. Cadenamuatat namuaxwasixawaet. Me-ama babejnan wut, naki-aechpi. Pe Jesús pejwujajan chinax kaen aton xawaesaxil cadenamuatat. Samata, Jesús pejwujajan xabich potuajnucha xajup. ¹⁰ Xan japox matabijtax xot, boejtaliatx, nabijatax wut, Dios makanochpi, japibej naexaxisliajwa Jesús pejwujajan. Samata, japi jiwbej bu'weyaxaes, Jesucristo pejwujajan naexasit wut pomatkoicha duilaliajwapi Diosxotse.

¹¹ Diachwuajnakolax himnotat jum-aech wut, jum-aechox:

“Xatis, Cristo suapich, tups wut, xatisbej duilaxaes Diosxotse, Cristo suapich.

¹² Asew jiw pijaxtat nabijatas wut, boejtaliasaxaes. Jatis wut, xatis, Cristo suapich, Diosxotse tato'laxaes. Xatis jumtis wut asew jiwliajwa: ‘Xanal Cristo pejjwiwa-enil’ —tis wut, Cristobej asamatkoi xatisliajwa jumchiyaxael: ‘Ampi, jiw, tajjiwa-el’ —chiyaxaelbejpon.

¹³ Xatis wajut jumduwspox is-esal wut, Cristolax isaxael nakjumdutpox xatisliajwa. Cristo asanejchaxoelaxa-el, jum-aech wut” —aech himnotat.

Ma-aechpox aton, japon chiekal nabist wut Diosliajwa

¹⁴ Xan ampoxx jum-an wut, Dios chiekal matabijt. ¡Xam jiw chiekal naewuajnafulde japi nejchafaekaliajwa, kaes nakaewa nabunlos-elaliajwa asaxan, pachaema-elpoxan! Japi nakaewa asaxanliajwa nabunlot wut, japox chinax pachaemaxil. Asew jiw japox jumtaen wut, naexaxisaxili Jesucristo pejwujajan. ¹⁵ ¡Jiw naewuajande diachwuajnakolaxwuajjan, me-ama Dios xam to'a! Ja-am wut, asamatkoi xam nadalaxil, Dios pejwujnalel nukam wut. Ja-am wutbej, Dios nejchachaemlaxael xamliajwa. ¹⁶ Jiw naewuajnxamil Dios pejjamechana-el wut, japanaewuajnx pachaema-el xot. Asew jiw japox naewuajjan wut, japi jiw xabich tabejt asew jiw, Dios xanaboejapi. ¹⁷ Japi naewuajjanpox, me-ama bu'xaxaeflawaxae wut, ja-aechox, xabich asew jiw tabejt xot. Himeneo, Fileto suapich, japibej tabejt asew jiw, naewuajjan wuti Dios pejjamechana-elpox. ¹⁸ Japi kolenje

kofa Dios pejjamechan, diachwujnakolaxwujajan. Asbuan jumch jum-aechi, asew jiw naewujajan wut: “Xatis, Jesús pejwujajan naexasichpis, Dios nakmat-eyaxaelpox pejme duilaliajwas, japox toeplixox. Samata, Dios kaes xatis nakmat-eyaxil pejme duilaliajwas” —aech japi jiw, asew jiw naewujajan wut. Samata, jiw, japi majt naexasiti Jesús pejwujajan, amwutjel chiekal matabija-el achawujajan kaes pachaem naexasisliajwapi. ¹⁹ Diachwujnakolax Dios pejjamechan xaliaxaxil. Japon pejjamechan, chajia lelspxox, jum-aech wut, jum-aechox: “Wajpaklon matabijt pejjiw” —aechox. Jum-aechbejpox: “Puexa jiw jum-aechpi: ‘Xanal Cristo pejjiwan’ —aechpi, japi jiw kofaxael babijaxan ispxoxan” —aechbej Dios pejjamechan, chajia lelspxox.

²⁰ Pinjiyax batutat chalak oroplatfanchan. Chalakbej plataplatfanchan, fiestamatkoi wut, japaplatfanchantat jiw xaxaeliajwa. Japabatutat chalakbej platfanchan isaspi naechantat, bux-astatbej, nejmachmatkoi wut japaplatfanchantat jiw xaxaeliajwa. ²¹ Jachiyaxaelbej jiw, naexasitpixot Jesús pejwujajan. Asew jiw chiekal kaelel kofa babijaxan ispxoxan. Ja-aech wut, chiekal isful Dios pejbichaxan. Samata, xajup isliajwa nejmachpachaempoxan.

²² Timoteo, xam pomatkoicha chiekal taem babijax isasamatam, me-ama asew, pansiachow, isful babijaxan, jachisamatam! ¡Xamlax isfulde pachaempoxan! ¡Chiekal xanaboejsfuldebej Cristo! ¡Chiekal nejxasinkdebej asew jiw, naexasiti Jesús pejwujajan! Dukam wut, ¡chiekal dukdebej! ¡Ja-amde asew jiw, naexasiti Jesús pejwujajan suapich, japi jiwbej chiekal pachaemaliajwa Diosliajwa! ²³ Xam matabijtam. Jiw nalot wut, japi nakaewa nanejwesla. Samata, xam, asew jiw suapich, jnabej nabunlos wujajan, pachaema-elwujajan! ²⁴ Xatis nabistaspis Jesúsliajwa, nalosaxisal, asew jiw suapich. Asbuan jumch chiekal pachaemaxaes asew jiwliajwa. Chiekal matabijaxaesbej Dios pejjamechan jiw chanaekabuanaliajwas. Piach wajlaxilbej, asew jiw babejjamechan jum-aechful wut xatisliajwa. ²⁵ Chiekal naewujajnaxaes asew jiw, Dios naexasis-elpifuk. Wujajnawesaxaes asamatkoi japibej Dios kajachawaesliajwas naexasisliajwapi Dios. Naexasit wuti Dios, jawut chiekal pajut matabijaxaeli Jesús pejwujajan, diachwujnakolaxpox. ²⁶ Ja-aech wutbej, japi pajut matabijaxael chiekal nejchaxoela-elpox Dios pejjamechanliajwa. Japi naexasit wuti Dios, ja-aech wut, nadijaxaeli Satanás tato'alxot. Ja-aech wutbej, pajut chiekal matabijaxaelbejpi majt Satanás naekichachajbaspxox, japi isful wut Satanás nejxasinkpoxan.

3

Machiyaxaelpox jiw, mox pawujajna wut ampathat toepaliajwa

¹ Timoteo, xam chiekal matabijsaxaelam ampox. Mox pawujajna wut ampathat toepaliajwa, puexa jiwliajwa xabich chachoelaxael. Matkoiyan xabich chaemilaxaelbej japi jiwliajwa. ² Japamatkoiyantat jiw nejchaxoelaxael isliajwa pachaempoxan pajutliajwakal. Japi jiw xabich nejchaxoelaxaelbejpi kimaeyax. Nejchaxoel wut, jumchiyaxaelbejpi: “Xatis kaes pejme pachaems. Me-ama asew jiw, jachi-esal” —chiyaxaeli, nejchaxoel wut. Jumchiyaxaelbejpi babejjamechan Diosliajwa. Naexasisaxilbejpi paxjiw, penjiwbej, tato'laspxoxan. Asew jiw kajachawaech wut, graciaschiyaxilbejpi. Sitaeyaxilbejpi Dios. ³ Nejxasinkaxilbejpi asew jiw. Beltaeyaxilbejpi asew jiw. Buxwujajanmaenkaxaelbejpi. Kofaxilbejpi babijaxan ispxoxan. Japi asew jiw ba wut, beltaeyax chiekal wejisal. Nejweslaxaelbejpi jiw, pachaempoxan ispi. ⁴ Japibej woeyaxael pejnachala padaelmajiwxot. Isaxaelbejpi babijaxan pajut isasiapoxan. Japibej naewesaxil, asew jiw naewujajnas wut, pajutliajwa nejchaxoel xot: “Xatis kaes pejme matabijas. Me-ama asew jiw, jachi-esal xatis” —chiyaxael xoti, nejchaxoel wut. Nejchaxoelaxaelbejpi pajut nejxasinkpoxan isliajwa. Ja-aech wut, nejchaxoelaxili isliajwa Dios nejxasinkpoxan. ⁵ Japi jiw pajutliajwa najumchiyaxaelbej asew jiwliajwa: “Xanalbej chiekal naexasitx Dios” —chiyaxaeli. Pe japi isaxael babijaxan. Ja-aech wut, puexa jiw matabijaxaes japi Dios naexasis-elpi.

Jiw ja-aechpi, xam nabej nachale', japi suapich! ⁶ Japi jiw asabachan low. Naewujajan wut japabachanpijw, watho', naekichachajbapi. Japi watho', nejxaejwaspi, xabich

babijaxan is xot. Ja-aech wut, nakiowa kaes pejme asaxan babijaxan isasia. Samata, tampoela-el naekichachajbaliajwas japi watho'. ⁷ Japi watho' matabijasia pajelnaewuaj-nax. Pe matabijaxili diachwujnakolaxpox, japox xabich tampoel xot japiliajwa. ⁸ Japi poejiw nejxasinka-el naewuajnalialjwa diachwujnakolaxpox. Nejchaxoelpi babijaxan. Naexasis-eli Jesús pejuwajan. Samata, japi poejiw, me-ama chajiakolaxtat Janes, Jambresbej, ja-aechi. Chajiakolaxtat Moisés naewuajan wut faraón, japi kolenje asbuan jumch bxtasalti Moisés, faraón naexasis-elialjwa Moisés jum-aechpox, diachwujnakolaxpox. ⁹ Japi poejiw, lowpi watho' pejbachantat, japi piach jiw naekichachajbaxil. Asamatkoi puexa jiw pajut chiekal matabijaxael, japi nejliaklapi. Me-ama chajiakolaxtat jiw matabija, Janes, Jambresbej, japi nejliaklapi, jachiyaxaeslap-is japi poejiw.

Pablo to'apox Timoteo, japon kaes jiw naewuajnalialjwa

¹⁰ Timoteo, xam chiekal matabijtam, ma-an xan, jiw naewuajnaj wut Jesús pejuwajan. Xam matabijtambej, ma-an xan, nabistax wut Diosliajwa, Dios chiekal nejchachaem-lialjwa xanliajwa. Xambej chiekal matabijtam, ma-an xan, Dios chiekal naexasitax wut. Xambej chiekal matabijtam, a sew jiw babijaxan is wut xanliajwa, xan talala-el japoxanliajwa. Xambej chiekal matabijtam, ma-an xan, puexa jiw nejxasinkax wut. Xambej najut chiekal matabijtam xabich boejtaliasfulaxpox. ¹¹ Xambej najut matabijtam, ma-an xan, nabijatax wut, naewuajnaj xot Jesús pejuwajan. Xambej puexa chiekal matabijtam xanliajwa ja-aechpoxan, Antioquía paklowaxxotx wut, Iconio paklowaxxotx wutbej, Listra paklowaxxotx wutbej. Japapaklowaxanxotx wut, japapaklowaxanpijiw pijaxtat xan xabich nabijatax, Jesús pejuwajan naewuajnaj wut. Pe nakiowa, wajpaklon Jesucristo nakajachawaet weliajwan japapaklowaxanpijiwxot. ¹² Puexa jiw, duilasiapi, me-ama Jesucristo nejxasink japi duilalialjwa, japi nabijasaxael a sew jiw pijaxtat. ¹³ Jiw babejchowlex kaes babijaxan isaxael. Jiw naekichachajbapibej, a sew jiw kaes naekichachajbaxael. Japibej a sew jiw naekichachajbaxaes.

¹⁴ Timoteo, xam nabej tapae' japi jiw xambej naekichachajbaliajwa! ;Chiekal naexasisfulde matabijtam poxan! Xam chiekal matabijtam jiw xam naewuajanpi diachwujnakolaxpox. ¹⁵ Xam yamxulnam wut, matabijtam wut Dios pejjamechan, chajia lelspx, ja-am wut, matabijtam Dios xam bu'weyaxaelpox, Jesús pejuwajan naexasitam xot. ¹⁶ Chajiakolaxtat Dios pejiw, profetas, a sew jiwbej, Dios kito'as lelialjwa Dios pejjamechan. Jawut, japi kaenanula lel wut, Espíritu Santo pijaxtat chiekal matabija lelialjwa. Samata, Dios pejjamechan xabich pachaem, chiekal naknaewuajnalialjwa xatis chiekal matabijalialjwas diachwujnakolaxpox naexasisliajwas. Dios pejjamechanbej pachaem xatis chiekal matabijalialjwas, masox naexasisaxisal. Dios pejjamechan xabich pachaembej kofaliajwas, babijaxan isas wut. Dios pejjamechan xabich pachaembej naknaewuajnalialjwa isliajwas pachaempoxan. Dios pejjamechan xabich pachaembej naknaewuajnalialjwa chiekal duilalialjwas. ¹⁷ Samata, Dios naexasiti chiekal matabija wut Dios pejjamechan, japi jiw matabijaxael isliajwa puexa pachaempoxan.

4

¹ Xam to'ax jiw naewuajnalialjwam Dios pejjamechan japon pijaxtat, Jesucristo pijaxtatbej. Jesucristo pejme pask wut, japon kaenanula ampathatpijiw tato'laxael. Jumchiyaxaelbejpon kaenanula jiw chajia tupiliajwabej: “Xam Dios kastikaxael, nejbu'wujajan xot” —chiyaxaelon tupiliajwa. O, jumchiyaxaelbejpon: “Xam Dios kastikaxil, nejbu'wujajan ajil xot” —chiyaxael Jesucristo. ² Samata, jasew jiw naewuajande Jesús pejuwajan! Jiw naewet wut, japi jiw naewuajande! Nejxasinka-el wutbejpi xam naewuajnam pox, jnakiowa naewuajande! ;Naewuajande japi jiw kaenanula pajut chiekal nejchaxoelalialjwa: “Ampawuajan diachwujnakolax. Samata, xambej naexasisaxaelen” —chiliajwapi, pajut nejchaxoel wut! Japi babijaxan is wut, ;fia'e! ;To'im naexasisliajwapi Dios pejjamechan! Naewuajnam wut, jnabej buxkofe'! ;Nakiowa naewuajnafulde! ³ Asamatkoi jiw nejweslaxael naewesliajwa diachwujnakolaxwujajan. Japi wulwekaxael a sew jiw naewuajnalialjwas asawuajan, naewesasiawuajan. ⁴ Nejweslaxaeli naewesliajwa

diachwujnakolaxpox. Japi naewesaxael puexa nejmachwujajan, asew naewujapanpoxan, jiw pajut faekwujajan. ⁵ ¡Xamlax nabej tapae' japi jiw naekichachajbaliawja! ¡Naexasifulde diachwujnakolaxpox! ¡Japawujajan asew jiwbej naewujanafulde! Cristoliajwa nabijatam wut, ¡boejtaliasfulde! ¡Jiw naewujanafulde chimiawujajan, Jesús pejwujajan, japi Dios bu'welijwas! ¡Chiekal puexa isde Dios xam tato'alpoxan!

⁶ Tajmatkoi moxlisox asew jiw xan naboesaliajwa, naewujanafulax xot wajpaklon Jesús pejwujajan. ⁷ Me-ama aton xabich najaet puexa pejpamamaxtat premio kanaliajwa, xanbej ja-an. Dios tanbistax wut, puexa tajpamamaxtat chiekal nabistax. Bichax toetx, isxpxox, Dios nato'apox. Xan jiw naewujajnax diachwujnakolaxpox, me-ama Dios nato'a. ⁸ Amwutjel Dios naxawujajnawet corona xan nachaxdusliajwa. Wajpaklon Jesucristo, japon juez, xabich pachaempon. Japon asamatkoi xan najumchiyaxael: “Xam chiekal nabistam xanliajwa” —chiyaxaelon. Do jawut, nachaxdusaxaelon corona. Jawut xan kaenan japon nachaxdusaxil corona. Puexa asew jiwbej kaenanula chaxduiyaxaes corona. Japi jiw, nejxasinkpi Cristo, wujajnawetibej japon pejme pasliajwapox.

Pablo wullalapox Timoteo

⁹ Timoteo, xam kamta fulaesiam wut, ¡xabua'tlejno xan nataeliajwam! ¹⁰ Japon Demas, xanxot chijia wut, fulaechon Tesalónica paklowax poxade, kaes nejxasink xoton ampathatpijxan. Crescente to'ax japon naewujajnalijwa Jesús pejwujajan Galacia tuajnujpijiw. Tito to'axbej japon Jesús pejwujajan naewujajnalijwa Dalmacia tuajnujpijiw. ¹¹ Lucas, japon kaen, naman xanxot. Samata, ¡wulwekde Marcos! Faenam wut, ¡japon buflaeman xanle! Japon xan nakajachawaesaxael Dios pijax bichax. ¹² Tíquico to'ax Éfeso paklowax poxade. ¹³ Xam fulaeman wut, ¡nawexalaemno tajax, thuch naxoelxpxox! Japox Troas paklowaxxot waeltax, Carpo pejbaxot. ¡Nawexalaemanbej tejew libros, asa-uafej, xakoeyasi! Japapel-uafe xabich xan nawewe'p.

¹⁴ Alejandro, anaeltat nejmach-isan, japon babijaxan is xanliajwa. Samata, japon asamatkoi Dios kastikaxaes, japoxan is xoton xanliajwa. ¹⁵ ¡Xam chiekal taem Alejandro! Japon xabich nejwesla xatis naewujajnaspxox.

¹⁶ Roma paklowaxxotx wut, tadaelmajiw natasala wut paklochow pejwujajnalel, xan jumnotx wut, tajut chiekal jum-an: “Diachwujnakolaxa-el japi xan natasalapox” —an xan japi paklochowliajwa. Jawut asan aton chinax asalel jumchi-el xan nakajachawaesliajwa. Puexa tajnachala asbuan jumch tamach nawaelti. Xan japiliajwa Dios kawujajnax Dios kastikasamatas. ¹⁷ Tajnachala tamach nawaelt wut, Dios nakajachawaet tadaelmajiw naboesa-elaliajwa. Dios nakajachawaetbej mamnikaliajwan naewujajnalijwan chimiawujajan, Jesús pejwujajan, puexa jaxotpijiw, judíos-elpi. ¹⁸ Dios nakajachawaesaxael, asew babijaxan is wut xanliajwa. Dios nabuflaeyaxaelbej japon tato'alxotse. Samata, xatis Diosliajwa pomatkoicha jumchiyaxaes: “¡Xam xabich pachaemam!” —chiyaxaes. ¡Jasox nej ja-aече' Diosliajwa!

Pablo saludos xato'apox asew jiwliajwa

¹⁹ ¡Nawesaludam Aquila, japon pijowbej, Prisca! ¡Nawesaludambej Onesíforo pejjiw! ²⁰ Erasto kaweta naman Corinto paklowaxxot. Trófimo bu'xaenk xot, namanax to'ax Mileto paklowaxxot. ²¹ ¡Kamtalejen fulaemno pasliajwam iama wujajna! Saludos xato'api xamliajwa ampilape, Eubulo, Pudente, Lino, Claudiabej, puexa asew jiw, Jesús pejwujajan naexasitibej.

²² Xan Dios kawujajnax Jesucristo xam chalaliajwa. Xan Dios kawujajnaxbej puexa xamal kajachawaesliajwapon.

Pablo lelpox carta Titoliajwa

Pablo lelpox carta Titoliajwa

¹ Xan Pablo nabistax Diosliajwa. Xanbej Jesucristo pej-apóstolan. Dios nato'a kajachawaesliajwan Dios makanochpi, japi naexasisliajwa Jesús pejwüajan. Ja-an wüt, japi matabija xatis Jesús pejwüajan naexasichpox, diachwüajnakolaxpox. ² Samata, japi jiw naexasisaxael Jesús pejwüajan pomatkoicha duilaliajwapi Diosxotse. Chajiakolaxtat Dios ampathat is-el wütfuk, jumduton jiw pomatkoicha duilaxaelpox japonxotse. Dios kichachajba-el. ³ Dios chajia markpox, matkoi, amwütjel patlisox xatis matabijaliajwas Jesús pejwüajan. Dios, nakbu'weyaxaelpon xatis, japon xan nato'a jiw naewüajnalijwan chimiawüajan, Jesucristo pejwüajan. ⁴ Tito, xam taxünam wüt, ja-am xanliajwa, Jesús pejwüajan naexasitam xot. Samata, lelx ampxox carta xamliajwa. Waj-ax Dios, Jesucristobej, kawüajna xam beltaeliajwapi, kajachawaesliajwabej, chiekal dukaliajwam, asew jiw süapich.

Pablo to'apox Tito namanaliajwa Creta tanaetxot, isliajwapon Dios pejbichax

⁵ Tito, xam chajia to'ax namanaliajwam Creta tanaetpijixot we'poxfuk chiekal toesliajwam. To'axbej kaenanüla paklowaxanxot makanosliajwam ancianos, japi tato'laliajwa Jesús pejwüajan naexasiti japapaklowaxanxot. Chajia xam jum-an, masi poejiw xam makanosaxaelam ancianosliajwa. ⁶ Xam makanosaxaelampi jiw ancianosliajwa, japi jiw chiekal pachaempi asew jiwliajwa. Japi tasala-esalpibej, babijaxan is-el xot. Kaenanüla japibej pijowpi. Japi paxibej, chiekal naexasiti Jesús pejwüajan. Japi paxibej bu'wüajanjilpi. Japi paxibej chiekal naexasichpi, naewüajnas wüt. ⁷ Xam makanosaxaelampi ancianosliajwa, japi tato'laliajwa Jesús pejwüajan naexasiti, japi jiw chiekal nabichaxael Diosliajwa. Samata, xam makanosaximil jiw, babijaxan ispi. Makanosaximilbej nejchaxoelpi: “Xan kaes pejme pachaeman. Me-ama asew jiw, jachi-enil” — aechpi, nejchaxoel wüt. Xam makanosaximilbej kamta palalapi. Makanosaximilbej saxa afpi. Makanosaximilbej nabeyax wülwekpi. Makanosaximilbej xabich plata kanaxkal nejchaxoelpi. ⁸ Xam makanosaxaelampi ancianosliajwa, japi jiw chiekal bu'kulapi, asew jiw pat wüt japi pejbachanxot. Japi nejxasinkpibej isliajwa pachaempoxan. Japibej majt chiekal nejchaxoelpi isaxaelpoxanliajwa. Japibej chajia xapaejas babijaxan isliajwa. Pe nakiowa, japi is-eli babijaxan. ⁹ Xam makanosaxaelampi ancianosliajwa, japi jiw Jesús pejwüajan chiekal naexasitpiyaxael, me-ama xatis majt naewüajnas, jachiliajwa japi jiw. Japawüajan kichachajba-el. Japi ancianos japawüajan naewüajan wüti, asew jiw, Jesús pejwüajan naexasiti, kaes xanaboejaxaeli Jesús. Asew jiwbej, majt nejweslapi naexasisliajwa Jesús pejwüajan, japibej naexasisaxael Jesús pejwüajan.

¹⁰⁻¹¹ ¡Jasi poejiw xam makanosaxaelam ancianosliajwa! Creta tanaetpijiw xabich chiekal naexasis-elfuk xatis naewüajnaspox, Jesús pejwüajan. Japixot xabich judíos, jum-aech: “Judíos-elpi, naexasiti Jesús pejwüajan, japibej wewe'pas circuncidaliajwas Dios pejmarkaxliajwapi” — aechi asbuan jumch. Judíos japox kito'a wüt, jumchiel diachwüajnakolaxpox. Japi japox kito'a asbuan jumch jiw naekichachajbالياjwa, japoxantat plata kanaliajwa. Samata, judíos japoxan jum-aech xot, xabich jiw, judíos-elpi, kofa naexasitpox Jesús pejwüajan. Samata, xam buxfiasaxaelam japi judíos.

¹² Kaen Creta tanaetpijin, xabich matabijisan, japon chajia jum-aech nakaetanaetpijiwliajwa: “Creta tanaetpijiw kichachajbamaenk. Xabich chachoelbejpi. Me-ama nuth chachoel wüt, ja-aechi. Japi jiw xaemaenkbejpi. Kiwechabej” — aech chajia Creta tanaetpijin nakaetanaetpijiwliajwa. ¹³⁻¹⁴ Creta tanaetpijin jum-aechpox pejjiwliajwa, japox diachwüajnakolax. Samata, xam Tito, ¡buxfia'e japi judíos naekichachajbasamatapi Creta tanaetpijiw, Creta tanaetpijiw chiekal naexasisliajwa Jesús pejwüajan! ¡Japi judíos fia'ebej naexasisfula-elaliajwa judíos pajut faekwüajan! ¡Japi judíos fia'ebej

naexasislaliajwa, to'as wut Jesús pejwujajan naexasis-eli! ¹⁵ Jesús pejwujajan naexasiti chiekal nejchaxoel taenpoxanliajwa, japoxantat pejnechaxoelaxan tabejsasamatas. Pe Jesús pejwujajan naexasis-eli, taen wuti babijaxan, japi nejchaxoel isliajwa japababijaxan. Ja-aech wut, pejnechaxoelaxan tabejtas. Japi matabija-elbej pachaempox. ¹⁶ Japi jum-aechbej: “Xan Dios matabijtax” —aechi asbuan jumch. Babijaxan is wut, puexa asew jiw matabija, japi Dios matabija-elpi. Japi jiw nejwesla naexasisliajwa Dios. Japi jiw xajura-elbej isliajwa pachaempoxan.

2

Pablo to'apox Tito naewujajnalijwa asew jiw, Pablo majt naewujajanpoxan Titoliajwa

¹ Tito, xam naewujajnam wut Jesús pejwujajan naexasiti, xam naewujajnamwujajan, japawujajan nej kaenejchaxoelax, chimiawujajan, Jesús pejwujajan suapich! ² Xam naewujajnaelam poejiw, pakdiachowpi, chiekal pajut natataeflaliajwa isasamata pachaema-elpoxan asew jiwliajwa, asew jiw japi sitaeliajwasbej. Japi pakdiachowpi naewujajandebej majt chiekal nejchaxoelaliajwa isaxaelpoxan, isasamata babijaxan! Japi pakdiachow naewujajandebej chiekal naexasisliajwa xan naewujajnapox, diachwujajnakolaxpox! Japi pakdiachow naewujajandebej asew jiw nejxasinkaliajwapi! Japi pakdiachow naewujajandebej, nabijat wut kofasamatapi Dios naexasitpox! ³ Naewujajandebej watho', pakdiachowpi, chiekal duilaliajwa asew jiw japi watho' sitaeliajwas! Japi watho' naewujajandebej buxwujajanmaenkasamata! Jaxa feyaxan nejxasinkaxilpibej! Japi watho' chiekal nej duile', asew watho'bej nakxataeliajwas! ⁴ Samata, japi watho', pakdiachow, nej naewujajne' asew watho', kaes pansiachowpi, japi watho' nejxasinkaliajwa pamaljiw, paxibej! ⁵ Japi watho' nej naewujajne' asew watho', kaes pansiachowpi, chiekal nejchaxoelaliajwa isaxaelpoxanliajwa, asax isasamata, pachaema-elpox! Nej naewujajne'bejpi chiekal tataeflaliajwa pejbachanpijiw! Nej naewujajne'bejpi watho' pansiachow naexasisliajwa pamaljiw, asew jiw jumchisamata babejjamechan Diosliajwa!

⁶ Tito, xam naewujajande poejiw, pansiachow, chiekal nejchaxoelaliajwa isaxaelpoxan, japi isasamata babijaxan! ⁷ Xambej chiekal dukde puexa pansiachow xam nakxataeliajwa! Naewujajnam wut, chiekal naewujajande diachwujajnakolaxtat! ⁸ Naewujajnam wut, naewujajande chimiajamechan, asew jiw xam wuljumchisamata! Xam asax is-emil wut, nadaelmajiw padalaxael nakjumchiliajwa babejjamechan, xatis naexasichpis Jesús pejwujajan.

⁹ Naewujajandebej esclavos, japi naexasiti Jesús pejwujajan, chiekal naexasisliajwa puexa pejpaklochow tato'laspoxan, buxfafonasamatabejpi! ¹⁰ Naewujajandebej esclavos, japi natkawasamata paklochow pejew! Ja-aech wut, esclavos bu'wujajanjilaxael pejpaklochowliajwa. Ja-aech wut, puexa jiw matabijaxael Dios nakbu'weyaxaelpox, diachwujajnakolax.

¹¹ Xatis chiekal matabijas. Dios nakbeltaen xot, paxulan to'ak ampathatasik puexa jiw bu'welijawapon, japi naexasit wut Jesús pejwujajan. ¹² Dios nakbeltaen xot, kofas babijaxan isaspoxan, wajut isasiaspoxan. Me-ama ampathatpijiw isful babijaxan, jnabej jachitis! Amwutjel, chiekal nejchaxoelaxaes isaxaesopoxanliajwa, babijaxan isasamatas! Isfulaxaeslax Dios nakto'apoxan! Sitaeaxaesbej Dios, laelpas wut ampathatat! ¹³ Jachiyaxaes, wujajnewesfulas wut Jesús pasliajwa, me-ama Jesús nakjum-aech! Japon pask wut, xabich nejchachaemlaxaes. Jesucristolap Dios. Jawut japon itpaeyaxael pamax, xatis nakbu'wia wut. ¹⁴ Jesús pajut natapaei asajiw jaelsliajwas, boesaliajwasbejpon, xatis nakbu'welija. Jatis wuton, xatis babijaxan isaspoxan nakwejl xatisxot, japon pejjiwaliajwas xatis isfulaliajwas pachaempoxan.

¹⁵ Japoxanlap xam naewujajande Jesús pejwujajan naexasiti! Japi nejxaejwas wut, xam naewujajande nejchachaemlaliajwa! Japi is wutbej isaxilpoxan, babijaxan, xam japi fia'e,

me-ama Dios pejjamechan jum-aech! Japoxanlap Dios xabich nejxasink xam isliajwam. jNabej tapae' asew jiw xam mastaeliajwa!

3

Machiyaxaelpox, duil wut Jesús pejwajaan naexasiti

¹ Xam Tito, jnaewwajande naexasiti Jesús pejwajaan, japi naexasisliajwa gobierno lelpoxan, gobiernopaklochow tato'alpoxanbej! Naexasiti Jesús pejwajaan chiekal nejchaxoelaxael isliajwa pachaempoxan. ² jNaewwajandebej naexasiti Jesús pejwajaan jumchisamata babejjamechan asew jiwliajwa! jJapi naewwajandebej nalosamata, asew jiw suapich! jNaewwajandebej japi pachaemaliajwa, asew jiw suapich! jNaewwajandebej japi nejchaxoelaliajwa: "Xan kaes pejme pachaema-enil. Me-ama asew jiw, jachi-enil" —chiliajwapi, nejchaxoel wut!

³ Xatisbej majt matabija-esal Dios. Naexasis-esalbejpon. Samata, ampathatat laelpas wut, chiekal napeltas Diosliajwa. Laelpas wut, nejmachbabijaxan isasias. Xatis majt nusasiowlamaenkabej asew jiw pejew, taens wut. Majt asew jiw naknejweslabej. Xatisbej asew jiw nejweslas. ⁴ Majt xatis jatis wut, Dios naktapaei matabijaliajwas nakbeltaenpox, puexa xatis naknejxasinkpoxbej. ⁵ Dios nakbeltaen xot, nakbu'wia. Dios nakbu'we-el, isas xot pachaempoxan. Espíritu Santo nakkajachawaet xot, xatis pajelnejchaxoelaxan. ⁶ Jesucristo, nakbu'weyaxaelpon, to'ak Espíritu Santo xatis wajmatpumatxotaliajwa. ⁷ Dios nakbeltaen xot, xatis bu'wajaanjisal babijaxan isaspoxanliajwa japonliajwa. Samata, pomatkoicha duilaxaes Diosxotse. Japoxlap xatis amwutjel wuajnawesfulas.

⁸ Japox diach chiekal wuajnakolax. Samata, jchiekal naewwajande puexa naexasiti Jesús pejwajaan isfulaliajwa pachaempoxan! Japoxan xabich pachaem puexa jiwliajwa. ⁹ Tito, jxam nabej buxxandadus, jiw nabunlot wut wuajan pachaema-elpoxliajwa! jNabej buxxandadusbej, judíos nabunlot wut pejwujnapijiw pejwulanliajwa! jNabej buxxandadusbej, jiw nabunlot wut Moisés chajia lelpoxliajwa! Puexa japoxan nabunlot wut, pachaemaxil.

¹⁰ Aton naewwajan wut asawwajan jiw kofaliajwa diachwuajnakolaxwuajan, j Japon aton xam buxfia'e! Buxkofs-el wut, jpejme buxfia'e buxkofsliajwapon japox! Pe Japon buxkofs-el wut naewwajanpox, j Japon aton nabej tapae' kaes naewwajaliajwa naexasiti Jesús pejwajaan! ¹¹ Japon aton asawwajan naewwajan wut, xam matabijsaxaelam Japon chiekal naewwajna-el Jesús pejwajaan. Ja-aech wut, Japon aton pajut tasalaxaes babijax ispoxanliajwa.

Pablo to'apox Tito isliajwa we'ppoxanfuk

¹² Xan to'axaelen Artemas xam poxade. Ja-el wut, to'axaelen Tíquico. Japon pa'a wut xamxot, jxabua'de Nicópolis paklowax poxade, jaxot xatis nafaekaliajwas! Japapaklowaxxot xan iama chatoepaxaelen. ¹³ Abogado, pawulpon Zenas, Apolos suapich, japi thilt wut fulaeliajwa kaes atuaj poxade, jxam kajachawae'e japi wewe'paspojanliajwa! ¹⁴ Puexa naexasiti Jesús pejwajaan matabijaxael kajachawaesliajwa asew naexasiti Jesús pejwajaan, xabich wewe'pas wut. Kaen kajachawaes-el wut asew jiw, Japon aton chiekal pachaema-el Diosliajwa.

Pablo saludos xato'apox asew Jesús pejwajaan naexasitiliajwa

¹⁵ Puexa xanxotpi saludos xato'a xamliajwa. jNawesaludam jaxotpijw, naexasiti Jesús pejwajaan! Xan puexa xamalliajwa Dios kawuajnax kajachawaesliajwapon.

Pablo carta lelpox Filemónliajwa

Pablo carta lelpox Filemónliajwa

¹ Xan Pablo, jiw jebatat jiw nabu'ajia chimiawuajan, Jesucristo pejuwajan, naewuajna xot. Filemón, xan, wajkoewan Timoteo suapich, ampox carta lelx xamliajwa, xanal xam nejxasinkax xot. Xambej nabistam Jesucristo pejbichax, me-ama xanal. ² Xanal lelxbej ampacarta wajkoewow Apialiajwa, Arquipoliajwabej. Arquipobej naknaewuajan Jesucristo pejuwajan, xam Filemón suapich. Lelxbej asewliajwa, japi naexasiti Jesucristo pejuwajan, natamejapi nejbatat. ³ Xan waj-ax Dios kawuajna xot, wajpaklon Jesucristobej, xamal xabich kajachawaesliajwapi, chiekal duilaliajwambej, asew jiw suapich.

Pablo Dios kawuajanpox Filemónliajwa

⁴ Xan xabich Dios kawuajna xot xam Filemónliajwa, gracias-an Diosliajwa. ⁵ Wu'taenx xam chiekal naexasisfulampox wajpaklon Jesucristo. Wu'taenxbej asew jiw nejxasinkampox, japi naexasiti Jesús pejuwajan. Japoxan wu'taenx wut, xan Dios kawuajna xamliajwa. ⁶ Xan Dios kawuajna xam naewuajnalijwam Jesucristo xanaboejaspoxliajwa. Xam chiekal naewuajnam Jesús pejuwajan naexasitampoxliajwa. Ja-am wut, xam chiekal matabijsaxaelam puexa pachaempoxan xatisliajwa Jesucristo pijaxtat. ⁷ Takoewan, xam xabich nejxasinkam asew jiw, japi naexasiti Jesús pejuwajan. Samata, xabich japi jiw nejchachaemil xamliajwa. Samata, xambej xabich nejchachaemil xamliajwa. Xabich nejchaxoelx xamliajwa, amwutjel nejchaxoela-enillejen.

Pablo to'apox Filemón pejme bu'kulsliajwapon Onésimo

⁸ Xan apóstolan, Dios nato'a xot. Samata, xajux xam tato'laliajwan. Pe nakiowa, xam to'axinil isaxaelampoxliajwa. ⁹ Xanlax ampox to'ax xam nawe-isliajwam, nanejxasinkam xot. Xan Pablo, pati'nan, nabistax Jesucristoliajwa. Samata, jiw jebaxot jiw nabu'ajia, naewuajnafulax xot Jesucristo pejuwajan asew jiwliajwa. ¹⁰ Samata, xam to'ax chamoeyax isliajwam Onésimoliajwa. Onésimo, me-ama taxulan, xan naewuajna xot jiw jebaxot, japon naexasit xot Jesús pejuwajan.

¹¹ Onésimo nej-esclavo wut, japon najaet xamxot. Ja-aech wut, diachwuajnakolax japon chaemil xamliajwa. Pe amwutjel, japon chiekal pachaemlison xamliajwa, xanliajwabej. ¹² Xan japon to'ax xam poxade nawiasliajwa. ¡Chiekal bu'kuldepon! Me-ama xan chiekal nabu'kultam wut, ¡ja-amde Onésimoliajwa! ¹³ Xan nejchaxoelx: “Pachaem Onésimo xanxot namanaliajwa, Filemón pijaxtat Onésimo nakajachawaesfulaliajwa, xan jiw jebaxot xot wut, chimiawuajan, Jesucristo pejuwajan, naewuajnafulax xot jiw” — an, nejchaxoelx wut japonliajwa. ¹⁴ Pe xanliajwa chiekal nawepachaema-el Onésimo namanaliajwa xanxot, xam najut tapae-emil wut. Xambej nejxasinka-enil xam wuljoelija jwan japon to'aliajwam nakajachawaesliajwa. Xam najut to'asiam wut Onésimo, pachaem to'aliajwam xan nakajachawaesfulaliajwapon. ¹⁵ Dios bej tapaeisbej Onésimo najaesliajwa xamxot japox kaematkoianliajwa asbuan jumch. Amwut nawiasaxaelon xam poxade pomatkoicha jaxot namanaliajwa. ¹⁶ Japon nawiat wut pejme xamxot, malech nabichaxaelon. Pe japon amwutjel esclavokala-el. Amwutjel japon kaes pejme pachaem. Japon wajkoewanbej, naexasit xoton Jesús pejuwajan, me-ama xam, ja-aech xoton. Xan japon nejxasinkax. Xambej japon nejxasinkaxaelam.

¹⁷ Xam nejchaxoelam wut xanliajwa: “Pablo, me-ama takoewan, japon Jesús pejuwajan naexasit xot” — am wut, ja-aech wut, Onésimo xamxot pat wut, chiekal bu'kulsaxaelampon. Me-ama xan chiekal nabu'kulsaxaelam wut, jachiyaxaelam Onésimoliajwa. ¹⁸ Onésimo xam chajia dewat wut, is wutbejpon babijax xamliajwa, ¡xan namat-omwuljoem! Xan mosaxaelon japon dewatpoxan. ¹⁹ Xan, Pablo, tajut ampox lelx. Xan tajut xam mosaxaelon Onésimo dewatpoxanliajwa. ¡Xambej chiekal nejchaxoelam xan xabich nadewatampox! Xam kajachawaetx xot naexasisliajwam Jesús

pejwujajan, pomatkoicha dukaxaelam Diosxotse. ²⁰ Takoewan, ampox jum-an xam nawe-isliajwam pachaempox Onésimoliajwa, xambej naexasitam xot Jesucristo pejwujajan. ¡Isde pachaempox Onésimoliajwa xan nejchachaemlaliajwan, xatis Jesucristo pejijs xot!

²¹ Xan chiekal matabijtax xam na-owchiyaxaelampox. Matabijtaxbej xan jum-anpox, xam kaes pejme isaxaelam. Samata, ampox carta lel xamliajwa. ²² Kaes asax jumchiyaxaelen. ¡Tajpasax wujna batu chiekal nawechaemde xanliajwa! Xamal piach Dios kawujnam soldaw nakolsax natapaeliajwa xan dukxbatat, xamalxot pasliajwan. Samata, xan nejchaxoelx wut, jum-an: “Japi pejkawujnaxantat xan ampabatat nakol-saxaelen” —an, nejchaxoelx wut.

Pablo, asew jiw swapich, saludos xato'apox

²³ Epafras, japon tajnachalan, amwutjel japon jiw jebatat jiasbej, Jesucristo pejwujajan asew jiw naewujnaful xoton. Japonbej saludos xato'a xamalliajwa. ²⁴ Marcosbej saludos xato'a. Aristarco, Demasbej, Lucas swapichbej, japibej saludos xato'a. Japi xan nakajachawaesful, Dios pejbichax isfulax wut.

²⁵ Xan wajpaklon Jesucristo kawujnax xamal kajachawaesfulaliajwapon.

Ampox carta xato'as judíosliajwa, Jesús pejw_{uajan} naexasitiliajwa

Dios to'apox paxulan, japon naewuajnalijwa jiw

¹ Chajiakolaxtat Dios pin-iaveces xabich buxto'a pejprofetas, japi profetas jumchil-
iajwapi wajwuajnapijiw Dios buxto'aspoxan. Do jawux, profetas naewuajan wajwuaj-
napijiw Dios buxto'aspoxan. ² Do baxael, Dios to'a paxulan xatis naknaewuajnalijwa
Dios matabijalijwas. Chajiakolaxtat Dios to'a paxulan isliajwa ampathat, puexa that-
baxotatpibej. Do jawux, Dios paxulan to'a japon puexa japoxan tataeflaliajwa. ³ Dios
paxulan xabich pachaempon. Me-ama pax Dios xabich pachaem, ja-aechbej paxulan.
Dios paxulan xajup puexa isliajwa jum-aechpoxtat, mamnik xoton. Puexa japon ispoxan
ampathatat, athuxotsebej, nakiowa amwutjel pachaemsful japon pijaxtat. Dios paxulan
tup cruztat xatis babijaxan isaspoxan ajilalijwa Diosliajwa. Jawux chijialison athu
poxase ekalijwa pax poklalel, japon suapich, puexa tato'lalijwa.

Dios paxulan kaes pejme pachaempox, me-ama ángeles, jachi-elon

⁴ Dios paxulan kaes pejme pachaem. Me-ama ángeles, jachi-elon. Dios tapaei paxulan
puexa tato'lalijwa, japon suapich. Dios tapaeibej ángeles kaesuapich tato'lalijwa.

⁵ Dios jum-aech paxulanliajwa:

“Xam taxulnam. Amwutjel puexa jiw matabijaxael xam diachwuajnakolax taxulnam” —
aech Dios. Dios jum-aechbej asew jiw chiekal matabijalijwa japon paxulanliajwa:
“Xanlap japon paxnan. Japon xan taxulan” —aech Dios. Dios japox jumchi-el
kaen ángelliajwa. Dios japox jum-aech paxulankalliajwa. Samata, matabijas Dios
paxulan kaes pejme pachaempon. Me-ama ángeles, jachi-elox.

⁶ Dios paxulan to'alijwa wut ampathatlelsik, jum-aechon ángelesliajwa:

“Xamal puexa brixtat nuilaxaelam taxulan pejwuajnalel, sitaeyaxaelam xot” —aech Dios
ángelesliajwa.

⁷ Dios jum-aechbej:

“Taj-ángeles tajjamechan xananuamspijwaxael asew jiwliajwa. Ángeles pabisla. Me-ama
joewa wut, ja-aech. Japibej, me-ama jitkaech-ia'an wut, ja-aech jiw toejafaliajwa,
pejbu'wuajanpi xanliajwa” —aech Dios.

⁸ Dios jum-aech paxulan jumtaeliajwa:

“Xam Diosnam. Tato'laxaelam pomatkoicha. Xam puexa tato'lam wut, chiekal
tato'laxaelam.

⁹ Xam nejxasinkam isliajwam pachaempoxan. Xambej nejwesla isliajwam pachaema-
elpoxan. Samata, xam makafitx tajaxtat kaes nejchachaemlaliajwam. Me-ama
nejnachala nejchachaemil wut, xam jachiyaximil” —aech Dios paxulanliajwa.

¹⁰ Dios pejme jum-aech paxulanliajwa:

“Xam paklonam. Isam ampathat, puexa ajil wut. Isambej thatbaxo.

¹¹ Puexa xam isampoxan, baxael, paduj nadofaxael. Me-ama padujnaxoe, jachiyaxael
japoxan, asamatkoi, puexa toep wut. Pelax xam toepaximil, pomatkoicha
dukaxaelam xot.

¹² Me-ama jiw truka padujnaxoe, xambej asamatkoi jakichiyaxaelam thatbaxoliajwa,
ampathatliajwabej. Do jawux, pajelthatbaxo, pajelthatbej, xam isaxaelam. Pelax
xam, me-ama amwutjel, jachisfulaxaelam pomatkoicha, xam toepaximil xot” —
aech Dios paxulanliajwa.

¹³ Dios jumchi-el kaen ángelliajwa:

“¡Ekde tajpoklalel puexa jiw tato'lalijwam! Nadaelmajiw malechaxaelen japi xam
naexasisliajwa to'axaelampox” —chi-el Dios pej-ángelesliajwa. Pelax Dios japox
jum-aech paxulankalliajwa.

¹⁴ Puexa ángeles, japi espíritus. Samata, japi taeyaxisal. Japi duil isfulaliajwa Dios tato'alpoxan. Japi to'as potuajnucha kajachawaesliajwa jiw. Japi jiw Dios bu'weyaxaes.

2

Xatis naekuanjiamsaxisalpox Jesús pejwuanliajwa

¹ Xatis chiekal matabijas Dios paxulan kaes pejme pachaem. Me-ama ángeles, jachi-el Dios paxulan. Samata, xatis naekuanjiamsaxisal, naknaewuajan wut chimiawuajan, japon pejwuan. Kaes chiekal naexaxisaxaes kofasamatas japawuajan. ² Chajiakolaxtat Dios pajut buxto'a ángeles, japi chapaeliajwa Moisés Dios pejtato'laxan, japoxan jiw naewuajnalijwas. Do jawux, Moisés japatato'laxan lel. Jiw naexaxis-elpi japatato'laxan, japi Dios kastikas. ³ Samata, xatis naekuanjiamsaxisal chimiawuajan, Dios paxulan pejwuanliajwa, xatis Dios nakbu'welija. Wajpaklon Jesucristo jum-aech jiw bu'weyaxaelpox. Japi jiw pajut matabija wut japawuajan diachwuajnakolaxpox, ja-aech wut, xatisbej japox chiekal naknaewuajanpi. ⁴ Japi jiw, xatis naknaewuajan wut, isbejpi koechaxan Dios pijaxtat. Espiritu Santobej kajachawaech japi kaenanula isliajwa Dios nejxasinkpoxan. Samata, xatisbej matabijas naknaewuajanpoxan, diachwuajnakolaxpoxan.

Jesucristo nalaelt wut, me-ama yamxi nalaela wut, ja-aechpox

⁵ Asamatkoi, ampathat pajelthat wut, jawut Dios tapaeyaxil ángeles tato'laliajwa japathatat. ⁶ Dios pejjamechan, chajia lelspx, jum-aech wut, jum-aechox jiw kaes pejme pachaemaxaelpoxliajwa. Me-ama Dios pej-ángeles, jachiyaxil jiw. Japoxbej Dios pejjamechan, chajia lelspx, jum-aech wut, jum-aechox:

“Dios, xam kaes xabich pachaemam. Me-ama jiw, jachi-emil. Ja-am wut, ¿ma-aech xotkat xam nakiowa nejchaxoelam jiwliajwa?

⁷ Xam jiw isam wut, japi jiw puexa chiekal pachaema-ellejen. Me-ama ángeles xabich pachaem, jachi-el japi jiw. Pe nakiowa, asamatkoi, japi jiw xam chiekal naexasit wut, japi kaes pejme pachaemaxael xamliajwa. Me-ama ángeles, jachiyaxilpi pachaempox. Ja-aech wut, puexa kaes pejme sitaeyaxaesi.

⁸ Samata, asamatkoi xam tapaeyaxaelam japi jiw tato'laliajwa puexa isampoxan” —aech Dios pejjamechan, chajia lelspx, japi jiwliajwa.

Dios tapaei wut jiw tato'laliajwa puexa Dios ispoxan, japi tato'laxael puexa. Tataeflaxaelbejpi. Pe xatis amwutjel tae-esal jiw puexa tato'alpox, tuadus-el xotfuk. ⁹ Jesús ampathatat nalaelt wut, kaes xabich pachaempon. Me-ama ángeles, xabich pachaem wut, jachi-el Jesús. Dios naknejxasink xot, paxulan to'a nalaelsliajwa ampathatat, xabich nabijasliajwa. Do baxael, Cristo tup xatis babijaxan isaspoxanliajwa. Samata, Dios tapaei japon ekaliajwase Dios poklalel, puexa jiw tato'laliajwa.

¹⁰ Dios puexa is wut, japoxan japon pajutliajwa. Dios xabich nejxasink japi jiw chiekal naexaxisliajwapi japon pejjamechan. Nejxasinkbejpon japi jiw japon pejjiwaliajwa. Nejxasinkbejpon japi jiw chiekal pachaemaliajwa, me-ama Dios pachaem, jachiliajwa japi jiw. Samata, Jesucristo tapaeis xabich nabijasliajwa, tup wuton cruztat jiw babijaxan ispoxanliajwa. ¹¹ Amwutjel xatis babijaxan isaspoxan ajil xatisliajwa, Jesús tup xot cruztat xatisliajwa. Japon pax, xatisbej japon waj-ax. Samata, Jesús buxdala-el jumchiliajwa: “Ampi jiw takoew” —chiliajwapon xatisliajwa. ¹² Dios pejjamechan, chajia lelspx, jum-aech wut, jum-aechox Jesús jumchiyaxaelpox pax Dios jumtaeliajwa:

“Asamatkoi jumchiyaxaelen, puexa takoew suapich, xamliajwa. Puexa takoew suapich, natamejlax wut, xanal xabich himno jajuiyaxaelen xam nejchachaemlialijwam” —aech Jesús jum-aechpox pax Diosliajwa.

¹³ Dios pejjamechan, chajia lelspx, jum-aech wut, jum-aechox Jesús jumchiyaxaelpox pejnachalaliajwa:

“Xan taj-ax, Dios, xanaboejsaxaelen nakajachawaesliajwa” —aechox. Japafutxot jum-aechbej Jesús jumchiyaxaelpox pejnachalaliajwa:

“Xan amxotx, japi suapich, Dios nachaxdutpi suapich” —chiyaxaelpox.

¹⁴ Jesús ampathatat nalaelt wut, me-ama yamxi nalaela wut, ja-aechon. Samata, Jesús xajup tupaliajwa, xatis babijaxan isaspoxanliajwa. Samata, Jesús tup wut, malechapon Satanás. Jiw tup Satanás pijaxtat. ¹⁵ Jesús tup wut, chiekal toep pomatkoicha wajlewlapox tupaliajwas. ¹⁶ Diachwujnakolax Jesús fulae-elsik ampathatasik japon kajachawaesliajwa ángeles. Pelax japon fuloek kajachawaesliajwa Abraham pamojiw, japi naexasitpi Dios, me-ama Abraham, ja-aechpi. ¹⁷ Samata, Jesús nalaelt ampathatat Dios kawujnaliajwa xatisliajwa. Nakbeltaenbejpon. Ispox Dios to'aspo. Samata, pajut natapaeipon padaelmajiw kimatamatlialiajwas cruztat. Japon tup wut, Dios nakbeltaen toepaliajwa wajbu'wujajapox. ¹⁸ Jesús nabijat, Satanás xapaejtas wut babijax isliajwa. Pe Jesús is-el babijax. Samata, Jesús xajup pejiw kajachawaesliajwa, japibej xapaejas wut Satanás.

3

Amxotpox jum-aechpox Jesús kaes pejme pachaempon, me-ama Moisés pachaem wut, jachi-elpon

¹ Takoew, xamal Dios pejiwam, makanot xoton japon pejiwaliajwam. Nejchaxoelam wut, ¡chiekal nejchaxoelde Jesucristoliajwa, japon Dios to'akas ampathatasik xatis naknaewujnaliajwa Dios pejjamechan! Jesús diachwujnakolax sacerdotekolan, japon Dios nakwekawujnaliajwa Dios nakkajachawaesliajwa xatis. ² Chajiakolaxtat Moisés chiekal tataeful puexa Dios pejiw, Dios japox to'as xoton japi israelitas tataeflialiajwapon. Jesúsbej chiekal is Dios pijax bichax ampathatat. ³ Jesús kaes pejme pachaem. Me-ama Moisés pachaempon, jachi-el Jesús. Jesús kaes pejme xabich sitaens, jiw bu'weyaxael xoton, naexasiti japon pejwujaj. Bachan isanbej sitaens. Me-ama japon ba ispo sitaens wut, jachi-esal. ⁴ Xatis bachan taens, jiw isbachan. Pe Dios ampathatat puexa nejmach is. ⁵ Chajiakolaxtat Dios pajut to'a Moisés chiekal tataeflialiajwa puexa Dios pejiw. Samata, Moisés chiekal naexasit, Dios to'as wut. Moisés jum-aechbej asamatkoi Dios jumchiyaxaelpoxan jiwliajwa. ⁶ Cristo, Dios paxulan, chiekal naktataeflaful, Dios pejiw xot. Chiekal naexasich wut Cristo pejwujaj, nejchachaemlas wutbej Dios nakbu'weyaxaelpoxliajwa, jatis wut, pomatkoicha Dios pejiwaxaes.

Dios tapayaxaelpox pejiw leliajwa japonxotse

⁷⁻⁸ Kaes pejme pachaem Jesucristo. Me-ama Moisés, ángelesbej, jachi-el Jesucristo. Samata, ¡Jesús chiekal naexasisfulde! Dios pejjamechan chajia lelsxot jum-aech, Espíritu Santo jum-aechpox:

“Amwutjel, xamal jumtaenam wut Dios jum-aechpox, ¡nabey naexasisle' Dios naexasisliajwam! Me-ama asew nejwujnapijiw xot, naexasis-eli Dios, ¡xamal nabey ja-aече! Chajiakolaxtat pajilaxtat japi duilaful wut, japi nejwesla isfulaliajwa Dios tato'laspoxan. Japi naexasisfula-el Dios. Pe nakiowa, japi toes-esal Dios.

⁹ Nejwujnapijiw naexasis-el, Dios pajilaxtat wuti. Naexasis-elbejpi, Dios to'as wut. Cuarenta waechan Dios is koechaxan nejwujnapijiwliajwa. Japoxan taen wut, nakiowa naexasisfula-eli, Dios tato'las wut.

¹⁰ Samata, Dios palala nejwujnapijiwliajwa. Dios jum-aech: ‘Japi naexasisfula-el, xan tato'lax wut. Nejwesla isliajwa xan tato'laxpoxan’ —aech Dios nejwujnapijiwliajwa.

¹¹ Samata, Dios palala wut, jum-aechon: ‘Japi pasaxil xan chaemtaxxotse damlathulaliajwa’ —aech Dios nejwujnapijiwliajwa” —aech japox Espíritu Santo.

¹² Takoew, ¡najut chiekal natataefulde! Nejchaxoelam wut Diosliajwa, ¡nabey nejchaxoele': “Xan kofsaxaelen Dios naexasitxot, Dios chiekal ajil xot” —nabey aeche', nejchaxoelam wut! Diachwujnakolax Diosjila-el. Japon duk. ¹³ Xamal ampathatat laelpam wutfuk, ¡pomatkoicha nakaewa nanaewujajande Dios pejjamechan Dios kaes xanaboejaliam! ¡Ja-amde, kaen xamalxot Satanás naekichachajbasamatas babijax

isasamatapon! ꞑJa-amde kaen xamalxot naexasislasamata Dios, asew jiw xamal naewuajan wut! ¹⁴ Xatis chiekal naexasisaxaes Jesús pejuwajan. Me-ama akasestat chiekal naexasisfulas wut, jachisfulaxaes. Laelpas wut ampathatat, kofaxisal naexasichpox Jesús pejuwajan. Jatis wut, xatis duilaxaes Cristo tato'alxotse.

¹⁵ Dios pejjamechan, chajia lelspx, jum-aech wut, jum-aechox xamal naexasislasamatam:

“Amwutjel, xamal naewetam wut Dios jum-aechpox, ꞑnabej naexasisle' chiekal naexasisliawam! Me-ama nejuwajnapijiw pajilaxtat naexasis-el, ꞑxamallax nabej ja-aech!” —aech Dios pejjamechan, chajia lelspx.

¹⁶ Xamal chiekal matabijam, Moisés bu'fol wut, israelitas nakola wut Egipto tuajnuotdin. Japibej Dios naexasis-el, jumtaen wuti, Dios pajut chiekal jum-aech wut. ¹⁷ Xamal chiekal matabijambej, israelitas babijaxan is wut Diosliawam, cuarenta waechan pajilaxtat wuti, Dios palala. Samata, japi tup pajilaxtat. ¹⁸ Japi naexasis-el wut Dios jumtispx, japi leyaxil Dios chaemttxotse jiw damlathulaliajwa. ¹⁹ Xatis matabijas, wajwajnapijiw le-el damlathulaxxotse, naexasis-el xoti Dios jum-aechpox.

4

¹ Xatis Dios nakwajnewesful damlathulaxxotse, me-ama Dios nakjumdut. Samata, chiekal naexasisfulaxaes Jesús pejuwajan. Nakaewa nakajachawaesfulaxaes chiekal naexasisfulaliajwas Jesús pejuwajan, asamatkoi kaeyaxtat damlathulaliajwas damlathulaxxotse. ² Xatisbej jumtaens chimiawuajan damlathulaliajwas, me-ama wajwajnapijiw majt jumtaen. Wajwajnapijiwliawam japawuajan chiekal wepachaemasal, naexasis-el xoti. ³ Pe naexasichpis Jesús pejuwajan, damlathulaxaes Dios nakjumdutxotse. Jesús pejuwajan naexasis-eli jaxotse damlathulaxil. Dios japox jum-aech, palala wut:

“Japi leyaxil xan chaemttxotse damlathulaliajwa” —aech Dios.

Dios toet wut that isax, thatbaxobej, jawut toetbejpon isax wajwajnapijiw damlathulaxaelxotse. ⁴ Dios pejjamechan, chajia lelspx, jum-aech wut, jum-aechbejpx Dios ispx, séptimomatkoj wut:

“Séptimomatkoj wut, kaes Dios is-el. Jawut damlathulon” —aechox.

⁵ Dios pejjamechan, chajia lelspx, jum-aech wut, jum-aechbejpx Dios jum-aechpox asew jiw naexasisaxilpx Jesús pejuwajan:

“Japi jiw leyaxil damlathulaliajwa xan chaemttxotse” —aech Dios jum-aechpox.

⁶ Matxoelajumtaenpi chimiawuajan naexasis-el xoti, japi leyaxil damlathulaxxotse. Samata, xabich jiw we'pfuk leliawam jaxotse. ⁷ Asew jiw naexasis-el xot chimiawuajan, Dios jumdut asamatkoi asew jiw leyaxaelpx damlathulaxxotse. Chajia Dios to'a rey David jumchiliajwa ampamatkoijan asew jiw leyaxaelpx damlathulaxxotse. Rey David jum-aech japoxliawam:

“Xamal jumtaenam wut Dios jum-aechpox, ꞑnabej naexasisle' Dios naexasisliawam!” —aech rey David.

⁸ Josué bu'pat wut israelitas Canaán tuajnuot, japatnu Dios xapae-el pomatkoicha israelitas damlathulaliajwa. Japatnu Dios xapaei wut pomatkoicha israelitas damlathulaliajwa, ja-aech wut, Dios jumduxaxil asamatkoi pejiw israelitas damlathulaxxotse leliawam. ⁹ Samata, matabijas, asamatkoi Dios tapaeyaxael pejiw leliawam damlathulaxxotse. Jatis wuti, Dios pejiw damlathulaxael jaxotse. Me-ama Dios damlathul séptimomatkoj wut, jachiyaxaelbej Dios pejiwpi. ¹⁰ Japi leyaxael damlathulaxxotse damlathulaliajwa. Me-ama Dios damlathul, isax toet wut, jachiyaxaelbej japi jiw. ¹¹ ꞑMa xamal ixajupamdo' puexa isliawam, do japoxtat isde lelaliawam damlathulaxxotse! Chajiakolaxtat wajwajnapijiw Dios naexasis-el japi leliawam damlathulaxxotse. Samata, puexa xatis, me-ama japi, jachiyaxisal.

¹² Dios pejjamechan xabich mamnik. Me-ama espada, nataelapabua'powa, xua'la wut xabich funiachde, ja-aechbej Dios pejjamechan. Dios pejjamechan xajup leliawam

xabich funiach jiw pejmatpuatan poxade, japi pajut chiekal matabijaliajwa, ma-aech pejnechaxoelaxan, pachaem wut, o, chaemil wut. ¹³ Puexa Dios ispoxan, japoxan namoechaxil Dios pejwujnalel, Dios puexa chiekal taen xot japoxan. Asamatkoi xatis kaenanula Dios chapaeyaxaes, ma-aech xot isas kaenanula isaspoxan.

Amxot jum-aechpox Jesús sacerdotekolanpon, Dios kawujnaliajwapon puexa jiwliajwa

¹⁴ Jesús, Dios paxulan, athu poxasepon wajsacerdotekolnaliajwa. Japon Dios kawujnaful xatisliajwa, Dios xatis nakkajachawaesliajwa. Samata, ¡Dios chiekal naexaxisaxaes! ¹⁵ Jesús ampathatat wut, Satanás xapaejaspon babijax isliajwa. Pe nakiowa, Jesús is-el babijax. Samata, Jesús chiekal matabijt, ma-aech Satanás nakxapaeja wut babijax isliajwas. ¹⁶ Samata, Satanás nakxapaeja wut, xatis kamta Dios kawujnaxaes nakkajachawaesliajwa. Jatis wut, Dios nakkajachawaesaxael, nakbeltaen xoton, naknejxasink xotbejpon.

5

¹ Puexa sacerdotexot, kaen sacerdote makafich Dios, japon puexa sacerdotespaklokolnaliajwa. Do jawux, japon puexa sacerdotespaklokolnaxael, Dios kawujnafulalialijwa puexa jiwliajwa. Choef xua'atbejpon Dios beltaelajwa puexa jiw babijaxan ispoxanliajwa. ² Ampathatat tampoela-el sacerdotexot isliajwa babijaxan, Satanás xapaejas wut, asbuan jumch jiwkal xoti. Samata, puexa sacerdotespaklokolan xajup jiw beltaelajwa, jiw is wut babijaxan matabijs-elaxtat. ³ Puexa sacerdotespaklokolan, choef xua'asliajwa wut, kaen choefan matxoela xua'lapon, pajut babijaxan ispoxanliajwa Dios beltaelajwas. Japox kitoet wut, sacerdotespaklokolan pejme asew choef xua'aton asew jiw babijaxan ispoxanliajwa japibej Dios beltaelajwas. ⁴ Sacerdotexot pajut namakafisaxil puexa sacerdotespaklokolnaliajwa. Sacerdote Dios makafich wut, ja-aech wutlax, japon puexa sacerdotespaklokolnaxael. Me-ama chajiakolaxtat wajwujnapijin Aarón Dios makafich sacerdotespaklokolnaliajwa, jachiyaxael japon sacerdote. ⁵ Cristoliajwa japox ja-aechbej. Japon pajut namakafis-el sacerdotekolnaliajwa. Dios makafichpon. Dios jantisejpon:

“Xam taxulnam. ¡Puexa jiw nej matabijs diachwujnakolax xam taxulnamponam!” — tison Dios.

⁶ Dios pejjamechan, chajia lelspxox, jum-aech wut, jum-aechbejpxox Dios jum-aechpox Cristoliajwa:

“Xam pomatkoicha sacerdotnaxaelam. Me-ama Melquisedec pomatkoicha sacerdote, xamlap-is jachiyaxaelam” — aech Dios jum-aechpox Cristoliajwa.

⁷ Jesucristo ampathatat wut, pin-iaveces pinjametat Dios kawujjanpon. Dios kawujjan wut, xabich nejxaejwas wut, itminpon. Jasoxtat Jesucristo Dios kawujjan Dios bu'welajwas, matabijt wut padaelmajiw boesaxaespxox. Pe jawut, Jesucristo nakiowa nejchaxoel: “Xan isaxaelen taj-ax Dios nejxasinkpox” — aechon, nejchaxoel wut. Samata, Dios kajachawaechpon isliajwa Dios nejxasinkpox. ⁸ Jesucristo, Dios paxulan, xabich pachaempon. Japon nejchaxoel: “Xan nabijasaxaelen. Pe nakiowa, Dios chiekal naexaxisaxaelen” — aechon, nejchaxoel wut. Samata, naexasitpon pax Dios. ⁹ Cristo chiekal naexasit xot pax Dios, japon tup puexa jiw bu'wujjanjilialijwa Diosliajwa. Samata, puexa jiw, naexasiti Jesús pejwujjan, japon bu'weyaxael japi jiw pomatkoicha duilialijwapi Diosxotse. ¹⁰ Samata, Dios makafit Jesús sacerdotekolnaliajwa, me-ama Melquisedec pomatkoicha sacerdote, jachiliajwa Jesús.

Jesús pejwujjan naexasiti naewujnaspxox kofasamata naexasitpxoliajwa

¹¹ Xan xabich lelialijwan Jesucristoliajwa, sacerdotekolanpxoliajwa. Pe pachaemael puexa chiekal chanaekabuanelialijwan, xamal makach matabija-emil xot. ¹² Xamal piach Jesús pejwujjan naexasitam. Pelis, ama xamal jiw chanaekabuaniwaxaelam. Pe nakiowa, xamal xabich we'pamfuk asew jiw chiekal chanaekabuanelialijwan Dios jum-aechpoxan, matabija-emil xot kaes tampoelpoxan chiekal jum-matabijaliajwan. Samata,

xamal, me-ama yamxi naxaeyaxan xaeyaxilpi, ja-am xamal. Me-ama yamxi mitan afpi, ja-ambej xamal. ¹³ Jiw wewe'paspi naewuajnalijwas tampapoxan, Dios pejjamechan, japi pejnechaxoelaxan, me-ama yamxi, mitan afpi, ja-aechi. Japi matabija-el isliajwa Dios nejxasinkpoxan. ¹⁴ Jiw chiekal matabijapi Dios pejjamechan, japi matabija isliajwa pachaempoxan. Matabijabejpi is-elaliajwa pachaema-elpoxan. Samata, japi jiw Diosliajwa, me-ama pakdiachow xaeyaxaelpi naxaeyaxan, ja-aech japi jiw.

6

¹ Samata, Dios pejjamechan kaes matabijaxaes chiekal naexasisliajwas Dios. Jatis wut, diachwujnakolax Diosliajwa, xatis, me-ama pakdiachwas wut, jachiyaxaes. Jatis wutbej, asew jiw nakwewe'paxil kaeyax naknaewuajnalijwa majt naknaewuajanpoxan, akases-tat tuaduws wut naexasisliajwas Jesús pejwujjan. Jatis wut, japoxanliajwa pomatkoicha naknaewuajnxil. Asaxan nakwewe'paxil kaes naknaewuajnalijwa, chiekal matabijas xotlis japoxan. Samata, nakwewe'paxilbej nakfiasliajwa babijaxan is-elaliajwas Dios nakkastika-elaliajwa. Nakwewe'paxilbej naktato'laliajwa Dios chiekal naexasisliajwas. ² Nakwewe'paxilbej kaes naknaewuajnalijwa bautisapoxliajwa. Nakwewe'paxilbej kaes naknaewuajnalijwa ancianos ki-owapoxliajwa naexasiti Jesús pejwujjan, japi pejta'antat, Dios kawuajnalijwa wut. Nakwewe'paxilbej kaes naknaewuajnalijwa tupi mat-eyaxaespoxliajwa pejme duilaliajwa. Nakwewe'paxilbej kaes naknaewuajnalijwa pejbu'wujjanpi pomatkoicha kastikaxaespoxliajwa. ³ Dios naktapaei wut, ¡kaes chiekal naexasisaxaes Jesús pejwujjan!

⁴ Asew jiw matabija diachwujnakolaxpox. Samata, naexasiti Jesús pejwujjan Dios bu'welijwas. Japi jiw pejmatpuatanxotbej Espíritu Santo. ⁵ Japi matabijabej Dios pejjamechan xabich pachaempox. Matabijabejpi Jesús asamatkoi ampathatat tato'laxaelpox. ⁶ Pe kofa wuti naexasitpox Jesús pejwujjan, diachwujnakolax japi jiw chiekal napelsaxael Diosliajwa. Ja-aech wut, japi jiw pijaxtat puexa asew jiw bu'wujjanpaeyaxaeli Jesúsliajwa. Kofapi Jesús pejwujjan naexasitpox, japi jiwlap, me-ama cruztat pejme kimatamatali Jesús, jachiyaxaeli. ⁷ Dios pijaxtat iam thilan ampathatat. Samata, muthaspi chiekal nakweti't. ⁸ Iam thilan wut, toeixkal naboela wut, pachaema-el. Toeixkal wut, asamatkoi toejafaxaes. Jachiyaxaes jiw, Jesús pejwujjan naexasitpox kofapi. Asamatkoi Dios kastikaxaes infiernoxotdik.

Xatis chiekal naexasisaxaespox Jesús pejwujjan, Dios nakkajachawaet xot

⁹ Takoew, xamal nejxasinkaxpim, xan chiekal matabijtax, asew jiw kofa naexasitpox Jesús pejwujjan. Xamal kofa-emil. Xan matabijtaxbej chiekal duilampox. Chiekal naexasitam xot Jesús pejwujjan, Dios xamal bu'wia. ¹⁰ Dios is pachaempoxan. Japon nejkiowaxil xamal isampoxan japonliajwa. Nejkiowaxilbejpon asew jiw, naexasiti Jesús pejwujjan, kajachawaetampox, japi jiw xamal nejxasinkam xot. ¡Xamal amwutjelbej japi jiw nakiowa kajachawaesfulde! ¹¹ Xan nejxasinkax xamal kaenanula nakaewa nakajachawaesliajwam pomatkoicha. Ja-am wut, Dios xamal kaenanula chaxduiyaxael pachaempox. Diachwujnakolax xamal chaxduiyaxaelon wujjanawetampox. ¹² ¡Xamal nabej nejwesle' naexasisliajwam Dios! ¡Pomatkoicha naexasisfulde Dios! Me-ama asew jiw pomatkoicha chiekal naexasisfuli Dios, ¡xamalbej ja-amsfulde! Japi jiw kofa-el naexasitpox Dios. ¡Japoxlap xamal jachisfulaxaelambej! Dios chajia jum-aechpox xabich pachaem. Japi jiw chaxduiyaxaes pachaempox, Dios chajia jum-aechpox chaxduilijwa.

¹³ Chajiakolaxtat Dios jum-aech Abrahamliajwa chiekal naexasisliajwa: “Xan Diosnan xot, tajut jum-anpox xamliajwa, diachwujnakolax” —aech Dios Abrahamliajwa, japon chiekal matabijsliajwa. Dios japox jum-aech, kaes pachaempon ajil xot, me-ama Dios. ¹⁴ Dios chajia jum-aech wut, jum-aechon Abrahamliajwa: “Diachwujnakolax xam kajachawaesaxaelen. Samata, namojiw xabichaxael” —aech Dios Abrahamliajwa. ¹⁵ Do jawux, Abraham wujjanawesful piach Dios jumduchpox. Baxael, japox ja-aechlisox Abrahamliajwa. ¹⁶ Jiw jumduw wut asew jiwliajwa, jum-aechi ampox: “Xamal jumduwxpox, Dios chiekal japox najumtaen” —aechi asew jiwliajwa, chiekal

naexaxisliajwas jumduwpox. Kaes pejme asax jumchiyaxili asew jiw chiekal naexaxisliajwas. ¹⁷ Dios jumdut wut jiwliajwa, nejxasinkon jiw chiekal naexaxisliajwas japon jum-aechpox. Samata, jumdut wut, jum-aechbejpon: “Xan Diosnan xot, jumdutxpo diachwujnakolax japox xamalliajwa” —aech Dios, jiw chiekal pajut matabijaliajwa japon jum-aechpox diachwujnakolax. ¹⁸ Dios kichachajba-el. Samata, puexa japon jum-aechpox diachwujnakolax. Dios nakjum-aech nakbu'weyaxaelpox. Samata, xatis nejchaxoels wut, nejchaxoelaxisal: “Xatis Dios nakbu'weyaxil” —chiyaxisal, nejchaxoels wut. Diachwujnakolax Dios nakbu'weyaxael. ¹⁹⁻²⁰ Jesús tup wut, jawut Dios poxasepon. Jaxotse Jesús Dios kawujnaful puexa xatisliajwa. Jesús sacerdotekolan. Me-ama Melquisedec pomatkoicha sacerdote, ja-aechbej amwutjel Jesús Diosxotse. Samata, xatis chiekal Jesús xanaboejas. Asamatkoi japon xatis nakbu'flaeyaxael duilaliajwas Diosxotse.

7

Amxot jum-aechpox Jesús sacerdotekolanpox, me-ama Melquisedec, ja-aechpon

¹ Melquisedec chajiakolaxtat duk wut Salem paklowaxxot, japon rey japapaklowax-pijiwliajwa. Pe japonbej sacerdote, Dios, athuxotsepon, pejsacerdote. Japamatkoiyan Abraham, pamak suapich, malechapi asapaklowaxanpijiw, reyes. Puexa chiekal bapon. Jawut Abraham, pamak suapich, noti padaelmajiw pejew. Abraham, pamak suapich, nawen wut, Melquisedec xabu'kult nuamfatat. Do jawut, Melquisedec Dios kawujajan Abraham kajachawaesfulaliajwas Dios. ² Do jawut, Abraham tameja kaeyaxtat padaelmajiw pejew. Jawutbej Abraham diajk diezmuxat, najupamuxatje. Jawut kaemuxat malech chaxduton Melquisedec. Abraham chaxdutupox Melquisedec, japox pawul diezmo. Diajkpoxan wenamanson, nuevemuxat, Abraham pamakliajwa. “Melquisedec” —aech wut hebreojametat, japox jumchiliajwa: “Rey, xabich pachaempon” —chiliajwa Melquisedec pejwul. Japawulbej jumchiliajwa: “Rey, wujajan chaemsan jiw chiekal duilaliajwa” —chiliajwa Melquisedec pejwul. Japonbej rey Salem paklowaxpijiwliajwa. ³ Dios pejjamechan, chajia lelpox, jumchi-el Melquisedec paxliajwa, japon penliajwabej, pejwujnapijiwliajwabej. Dios pejjamechan jumchi-elbej Melquisedec nalaeltpoxliajwa, tuproxliajwabej. Samata, Melquisedec, pomatkoicha sacerdotepon. Me-ama Dios paxulan pomatkoicha sacerdote, ja-aechbej Melquisedec.

⁴ ¡Nejchaxoelde chiekal! Melquisedec kaes pejme pachaem. Japon pachaempox, me-ama Abraham, jachi-el. Samata, Abraham chaxdut diezmo Melquisedec itpaeliajwa sitaeyax. ⁵ Moisés chajia lelpox to'a sacerdotes, japi Leví pamojiwpi, mat-omwuljoeliajwa nakae-israelitas. Samata, israelitas chaxduiful kaesupich kanapi, muthapibej. Japox pawul diezmo. Jasox to'as sacerdotes mat-omwuljoeliajwapi nakae-israelitas, Abraham pamojiw. ⁶ Melquisedec Leví pamona-el. Kaes pejme xabich pachaempon. Japon, me-ama Abraham, jachi-elbejpon. Samata, Abraham diezmo chaxdut Melquisedec itpaeliajwa sitaeyax. Do jawut, Melquisedec Dios kawujajan Abrahamliajwa Abraham Dios kajachawaesfulaliajwas. ⁷ Xatis chiekal matabijas, Dios kawujajanpon asew jiwliajwa japi Dios kajachawaesliajwas, japon kaes pachaem. Me-ama Dios kajachawaesaxaespi, jachi-elon. ⁸ Sacerdotes kinot, jiw chaxduws wut diezmo. Japi sacerdotes tupaful, jiwkal xot. Pe Dios pejjamechan jum-aech wut Melquisedeccliajwa, ja-aech wut, me-ama Melquisedec nakiowa laeja wut, ja-aechon. ⁹⁻¹⁰ Chajiakolaxtat, Abraham malech chaxdut wut diezmo Melquisedec, japamatkoi Leví chiekal jilfuk, nalaels-el xoton. Abraham xijilfuk-is. Pamojiwbej jil. Pe baxael, Leví pamojiw, japilap amwutjel sacerdotes nadofaful. Dolis Abraham chaxdut wut diezmo Melquisedec, jawutbej puexa Leví pamojiw, me-ama chaxduti japadiezmo Melquisedec.

¹¹ Ampamatkoiyantat Leví pamojiw, sacerdotes. Japi naewujnaful judíos naexaxisliajwa Moisés chajia lelpox. Me-ama chajiakolaxtat sacerdote Aarón naewujajan, ja-aechbej japi jiw amwutjel. Pe judíos chiekal naexaxis-el Moisés chajia lelpox, japi bu'wujajanjilaliajwa Diosliajwa. Samata, japi wewe'pas asan sacerdote, me-ama Aarón, jasona-el. Japi wewe'pas asan sacerdote, japon pomatkoichaxaelpon, me-ama

Melquisedec, jason. ¹² Samata, Jesús makafich wut sacerdotekolnaliajwa, jawut judíos kaes wewe'pa-esal Leví pamojiw, japi sacerdotnaliajwa. ¹³ Dios pejjamechan chajia lelsxot jum-aech wajpaklon Jesúsliajwa. Jesús Leví pamona-el. Japon asamutpijin. Majt chiekal ajil sacerdote japamutpijiwxot. ¹⁴ Puexa jiw chiekal matabija, wajpaklon nalaelt wut ampahatata, japon nalaelt Judá pamowtat. Moisés chajia lelpox jumchi-el Judá pamojiwxot sacerdotnaliajwa.

¹⁵ Samata, xatis chiekal matabijas, wajpaklon nalaelt sacerdotnaliajwa. Japon, me-ama asew sacerdotes wut, jachi-elon. Japonlap pomatkoicha sacerdotnaxael. Me-ama Melquisedec pomatkoicha sacerdote, japonbej jachiyaxael. ¹⁶ Leví pamojiw sacerdotes nadofa, to'as xoti Moisés chajia lelpox. Baxael, wajpaklon Jesús sacerdote wut, japon to'a-esal Moisés chajia lelpox sacerdote nadofaliajwa. Japonlax pomatkoicha dukaxael. Samata, japon sacerdotekolan nadofa. ¹⁷ Dios jum-aech Jesús jumtaeliajwa:

“Xam pomatkoicha sacerdotnaxaelam. Me-ama majt chajiakolaxtat Melquisedec pomatkoicha sacerdote, xamlap, jachiyaxaelam” —aech Dios Jesúsliajwa.

¹⁸⁻¹⁹ Judíos chiekal naexasis-el Moisés chajia lelpox, bu'wujanjilaliajwapi Dios pejwujanjnalel. Samata, Moisés chajia lelpox, amwutjel japox jiw wewe'pa-esal naexasisliajwa. Amwutjel asawujanj xatis naexasisliajwas. Japawujanj kaes pejme pachaem. Jesucristo tux xatis bu'wujanjilaliajwas Diosliajwa. Samata, japon pijaxtat, Diosliajwa xatis bu'wujanjisal. Xatis Jesucristo xanaboexaxaebes Diosxotaliajwas.

²⁰ Dios pajut jumdut Jesucristo pomatkoicha sacerdotnaxaelpox. Dios majt japox jumtus-el asew sacerdotesliajwa. ²¹ Japox Dios pejjamechan, chajia lelsxox, jum-aech wut, jum-aexox Dios jum-aexpox Jesúsliajwa:

“Xan Diosnan xot, diachwujanjakolax chiekal jum-an. Asax nejchaxoelaxinil. Xam sacerdotnaxaelam pomatkoichaliajwa” —aech Dios, jumdut wut Jesúsliajwa.

²² Dios jasox jum-aech xot Jesúsliajwa, chiekal matabijas, Jesús ispox xatisliajwa kaes xabich pachaem. Samata, me-ama Moisés chajia lelpox, jachi-el Jesús ispox xatisliajwa.

²³ Chajiakolaxtat sacerdote tux wut, asan makafich japon sacerdotnaliajwa. Japox ja-aechful judíosxot. Samata, xabich sacerdotes. ²⁴ Pelax Jesús tuxaxil. Samata, japon pomatkoicha sacerdotekolnaxael. Jesús sacerdote wut, asan naliaxsaxil japon aton sacerdotekolnaliajwa. ²⁵ Samata, Jesús xajux pomatkoicha jiw bu'welialjwa, pasliajwapi Diosxotse. Jesús duk Diosxotse. Japon pomatkoicha Dios kawujanj japon pejwujanj naexasitiliajwa.

²⁶ Jesús, sacerdotekolan, kaes pejme pachaempon. Japonlap majt xatis nakwewe'p. Japon pomatkoicha is pachaempoxan. Babijax is-elon. Dios bufloisbejpon athu poxase.

²⁷ Jesús, me-ama puexa sacerdotespaklokolan, jachi-el. Japi choef xua'at ofrenda isliajwa Diosliajwa. Japox isliajwa wut, majt kaen choefan xua'la pajut pejbu'wujanjpoxliajwa. Do jawux, asew choef xua'at asew jiw pejbu'wujanjpoxanliajwa. Jesús jasox is-el. Japon pajut natapaei asajiw kimatamatlaliajwas cruztat. Jasoxtat japon boesas wut, japon pajut, me-ama ofrenda Diosliajwa. Jesús boesas wut asajiw, kamta moton puexa jiw babijaxan ispoxanliajwa. Japox pomatkoichaliajwa. ²⁸ Moisés chajia lelpox jum-aech kaen makafisliajwa puexa sacerdotespaklokolnaliajwa. Pe nakiowa, japon xajupa-el isliajwa puexa Dios nejxasinkpoxan. Do baxael, pejme Dios jumdut paxulan sacerdotekolnaliajwa. Japon xabich pachaem pomatkoichaliajwa. Japonlax xajux puexa isliajwa, Dios nejxasinkpoxan.

8

Amxot jum-aexpox Jesucristo, wajsacerdotekolanpon, japon pomatkoicha Dios kawujanj xatisliajwa

¹ Jesús, wajsacerdotekolan, japon Dios kawujanj xatisliajwa. Amwutjel japon ek Dios poklalel. Japox kaes pejme pachaem xamal chiekal matabijaliajwam. ² Jesús nabist Diosxotse tabernáculobatata sacerdotebichax. Dios pajut japaba is. Japaba jiw is-el.

³ Puexa sacerdotespaklokolan makafich choef xua'asliajwa, ofrenda isliajwa Diosliajwa. Jesucristo wajsacerdotekolnaliajwa wut, pajut natapaeipon asajiw boesaliajwas. Ja-aech wut, Jesucristo pajut, me-ama ofrenda wut, ja-aechon Diosliajwa. ⁴ Sacerdotes ampathatat choef xua't ofrenda isliajwa Diosliajwa, me-ama Moisés chajia lelpox jum-aech. Jesús amwutjel ampathatata-elon. Amwutjel Jesús Diosxotse. Jesús ampamatkoitat ampathatataxael wut, ja-aech wut, choef xua'asaxilon. Me-ama asew sacerdotes choef xua't wut, jachiyaxilon. ⁵ Sacerdotes nabistpox ampathatat, japox, me-ama Jesucristo nabistpox Diosxotse, ja-aechox. Moisés Dios pejtabernáculoba isliajwa wut, Dios jum-aech: “¡Nabey nejkiowe' puexa itpaeixpoxan pinamuxxot! Tajtabernáculoba isam wut, jisde, me-ama xan chajia chiekal xam chanaekabuanax!” —aech Dios Moisésliajwa. ⁶ Pe Jesucristo, wajsacerdotekolanpon, japon nabist Dios to'aspox Diosxotse xatisliajwa. Japox kaes pejme pachaem. Me-ama sacerdotes ispox ampathatat jiwliajwa, jachi-el japon nabistpox. Jesucristo pomatkoicha Dios kawuajan xatisliajwa. Japon tur wut, xatis babijaxan isaspoxan chiekal nakwetoep Diosliajwa. Nakkajachawaetbejpon Dios nakchaxduiliajwa chajia nakjumdutpox duilaliajwas pomatkoicha Diosxotse. Japoxanlap xatisliajwa xabich kaes pejme pachaem. Me-ama Moisés chajia lelpox, jachi-el.

⁷ Moisés chajia lelpox chiekal pachaemaxael wut, japox jiw chiekal naexasit wutbej pachaemaliajwapi Diosliajwa, ja-aech wut, jiw wewe'paxisal asawuajan naexasisliajwa chiekal pachaemaliajwapi Diosliajwa. ⁸ Pe nakiowa, jiw chiekal naexasis-el puexa Moisés chajia lelpox. Samata, Dios jum-aech:

“Asamatkoi xan to'axaelen pajelwuajan naexasisliajwa Israel tuajnujijiw, Judá tuajnujijiwbej, pomatkoicha duilaliajwapi xanxotse.

⁹ Pajelwuajan najupaxil majt jum-anpox pejwuajnapijiwliajwa. Japi Egipto tuajnuxot wut, xan japi jukx. Japibej xan nanaexasis-el, chajia jum-an wut. Samata, japi jiw koftax” —aech Dios.

¹⁰ Dios kaes jum-aech: “Xan jum-an ampox Israel tuajnujijiwliajwa pajelwuajanliajwa. Asamatkoi tajjamechan kaenanula jiw matabijaxael. Samata, nejxasinkaxael naexasisliajwa tajjamechan. Xan japi pejDiosnaxaelen. Japibej tajjiwaxael.

¹¹ Japamatkoiyan puexa paklochow, paklochowa-elpibej, xan chiekal namatabijaxael. Samata, chinax kaen aton jumchiyaxil xanliajwa asew jiwxot.

¹² Xan japi jiw beltaeyaxaelen. Kaes nejchaxoelaxinil japi majt babijaxan ispoxan. Nejkiowaxaelen japoxan” —aech Dios.

¹³ Dios jum-aech pajelwuajanliajwa, matxoelapejwuajan chiekal pachaema-el xot. Matxoelapejwuajan kaematkoiyan suapich we'p toepaliajwa.

9

Amxot jum-aechpox Dios pejtabernáculobaliajwa, asatabernáculobaliajwabej, Diosxotsepox

¹ Moisés chajia lelpox tato'las israelitas isaxaelpoxan, tabernáculobatata Dios kawuajan wuti. ² Dios pejtabernáculoba, ampathatpijax, japox kolepiezax. Matxoelapiezax pawul Lugar Santo. Jaxot chanuk candelabro itliakaliajwa japapiezaxxot. Jaxotbej kaemesa nuk. Japamesamatwuajtat pomatkoicha sacerdotes pan owa Diosliajwa. ³ Jaxot asapiezaxliajwa duch pinabu'. Japapiezax pawul Lugar Santísimo. ⁴ Japapiezaxtat altar nuk, oro matxafafaspox, japa-altarmatwuajtat bowaliajwa xabejasapan, pawulpi incienso. Jaxotbej baúl ek, oro matxafafaspox patulel, fuletletlanbej. Japabaúltutat ek baext, orotat isaspot. Japabaextutat cha-ek maná. Aarón pejkilachalanaeyabey japabaúltutat ok. Japox kilachalanaeya chajia uafnakola. Japabaúltutat oelbej kole-ia't, papa'a. Japa-ia' lels diez tato'laxan, Dios tato'alpoxan jiw naexasisliajwa. ⁵ Japabaúlfafamatwuajtat kolenje, ángeles-ael isaspi, nows. Ba'dolanuili. Japa-ángeles-aelanliajwa israelitas wultaen wut, japi pajut chiekal matabijaliajwa Dios japatabernáculobatatapox. Pe amwutjel, kaes laxinil japoxan chanaekabuanaliajwan.

⁶ Ja-aech majt Dios pejtabernáculoba. Sacerdotes pomatkoicha low matxoelapieza-xxot isliajwa pejbichaxan. ⁷ Pe asapiezaxxot, Lugar Santísimoxot, tapaeis puexa sacerdotespaklokolan tamach leliajwa. Japon low japapiezaxxot, kaewaechful wut. Low wut, chaxlowpon choefjal matsasalsliajwa baúlmatwúaj. Jasox ispon Dios beltaeliajwas pajut babijaxan ispoxanliajwa. Jawux pejme jasox ispon puexa asew jiw babijaxan ispoxanliajwa, japi pajut chiekal matabija-el xot, is wut babijaxan. ⁸ Israelitas chiekal matabija kaen, puexa sacerdotespaklokolan, leyaxaelpox Lugar Santísimoxot. Samata, Espíritu Santo nakkajachawaet matabijaliajwas xatis jaxot wajut leyaxisalpox Dios kawúajniajwas, xatis babijaxan isaspoxan nakbeltaeliajwapon. Puexa sacerdotespaklokolan, japon kaen, Dios kawúajnaexael xatisliajwa. ⁹ Puexa sacerdotis ispoxan, japoxan ampamatkoian xatisbej chiekal matabijaliajwas. Sacerdotes choef xúat wut ofrenda isliajwa Diosliajwa, puexa jiw babijaxan ispoxanliajwa Dios beltaeliajwas, japoxan is wuti, nakiowa kajachawaes-esal kaes chiekal pachaemaliajwapi Diosliajwa. ¹⁰ Moisés chajia lelpox israelitas naexasit wut, pe japi nakiowa, chiekal pachaemael Diosliajwa. Japawúajantat japi tato'las pajut chiekal natataeflaliajwa, naxaeyaxan xaeliajwa wut, feliajwa wutbej. Japibej naexasit wut japox, pin-iaveces kikakiati chiekal pachaemaliajwa Diosliajwa. Jasox majt chajia israelitas isful, Jesucristo pas-el wutfuk ampathatat. Jesucristo pat wut, Moisés chajia lelpox toep, pajelwúajan túadut wut.

¹¹ Cristo pask wut ampathat, japon wajsacerdotekolan nadofa. Samata, puexa chiekal pachaem xatisliajwa japon pijaxtat. Pe pejme kaxasepon pax Dios poxase. Cristo nabist Dios pejtabernáculobaxotse. Jaxotse kaes pejme pachaem. Me-ama ampathatat jiw isba, Dios pejtabernáculoba, jachi-el japaba. ¹² Cristo low wut Dios pejtabernáculobaxotse, Lugar Santísimoxot, chaxle-el chivojal, pakjalbej, mosliajwa xatis babijaxan isaspoxanliajwa. Pelax japon túp wut, me-ama pejjal xalow wut, ja-aechon. Túp wut, moton xatis babijaxan isaspoxanliajwa nakbu'welialjwa pomatkoichaliajwa. ¹³ Israelitas babijaxan is wut, tapae-esal Dios pejtabernáculoba leliajwa. Ja-aech wut, israelitas majt matsasaltas torjal, o, chivojal. Pakxulan, altarmatwúajtat bochpon, japathumba min tanialtas, jalmint suapich. Do jawut, israelitas matsasaltas japajalmint. Ja-aech wut, pachaem israelitas pejme leliajwa Dios pejtabernáculoba. ¹⁴ Cristo pejjal xabich kaes pejme ommaenk Diosliajwa. Me-ama choefjal, jachi-el. Cristo kajachawaech Espíritu Santo, japon pomatkoichapon. Samata, Cristo pajut natapaei asajiw boesaliajwas xatis babijaxan isaspoxan nakwemosliajwa. Me-ama choefan xúat'las wut ofrenda isliajwa Diosliajwa, jakitis Cristo. Samata, Cristo túp xot cruztat, Dios nakbeltaen xatis babijaxan isaspoxanliajwa. Babijaxan isas xot, xatis wajut chiekal napeltaslach Diosliajwa. Pe Cristo, babijax is-elpon, nakwemot xot, xatis xajúps Dios tanbichliajwas, japon Diosxotse dukpon.

¹⁵ Samata, Jesucristo túp xot cruztat, Dios nakkajachawaet. Puexa xatis Dios nakmakanot pomatkoicha duilaliajwas Diosxotse, me-ama Dios chajia jumdut. Cristo túp xatis babijaxan isaspoxanliajwa bu'wúajanjilialiajwas Diosliajwa. Samata, Dios nakbeltaen. ¹⁶⁻¹⁷ Aton laeja wutfuk, lelon pelfut puexa pejewliajwa. Japapelfutat pawulan lelon nosaxaelpi japon pejew japon pejwulela. Baxael, japon túp wut, puexa japon pejjiwpi kaenanula chiekal matabijaxael, nosaxaelpi naetupon pejew. Japon laeja wutfuk, pelfut, pajut lelpox, pa-oma-elfuk. Pe japon aton túp wut, japox pelfut pa-omlinox. Samata, japon pejjiw chiekal diajkaxael, me-ama pelfut lelpox jum-aech, japi jiw kaenanula nosliajwa pejewaxaelpi. ¹⁸ Ja-aechlap-is Moisés chajia lelpox israelitas naexasisliajwa. Choef xúat'las wuti ofrenda isliajwa Diosliajwa, Moisés lelpox pa-om. ¹⁹ Moisés pajut chiekal chanaekabuana puexa israelitas naexasisliajwa Dios tato'alpoxan. Do jawut, fiton cha-aelnaedalach. Japox pawul hisopo. Jawux pasoeimuat, lanamuat, nae-oefxakoeyapon. Japox xatho'bala jalmint poxadik. Japajalmint tani alas, torjal, chivojal, min suapichbej. Moisés japajalmint pajut lelpox matsasaltan. Do jawut, puexa israelitas matsasaltbejpon. ²⁰ Jawut jum-aechon puexa israelitasliajwa: "Xamal matsasaltax choefjalmint. Samata, naexasisaxaelam xan lelpox. Ja-am

wut, Dios isaxael jumdutpox xamalliajwa” —aech Moisés israelitasliajwa. ²¹ Jawutbej Moisés japajalmint matwujasalt Dios pejtabernáculoba. Matsasaltbejpon sacerdotes xanbistpoxan japabaxot. ²² Moisés chajia lelpox to'a puexa xanbistpoxan matsasalsliajwa choefjalmin, japoxan puexa chiekal pachaemliajwa Diosliajwa. Jatislap-is puexa israelitasliajwa. Choef xua'la-el wuti ofrenda isliajwa Diosliajwa, ja-aech wut, ajil Dios jiw beltaeliajwa babijaxan ispoxanliajwa.

Dios nakbeltaenpox xatis babijaxan isaspoxanliajwa, Jesús tux xot cruztat

²³ Moisés chajia choefjalmin matwujasalt Dios pejtabernáculoba ampathatat. Matsasaltbejpon puexa sacerdotes xanbistpoxan japabat. Japox ispi puexa jiw matabijaliajwa asamatkoi Cristo tuxaelpox ampathatpijiw bu'wujanjilaliajwa Diosliajwa. Cristo choefjaltat Diosxotse matwujasals-el Dios pejtabernáculoba. Cristolax pajut natapaei asajiw boesaliajwas. Samata, Cristo tux wut cruztat, Dios beltaen ampathatpijiw babijaxan ispoxanliajwa. ²⁴ Cristo tux wut, mat-echpon pejme dukaliajwa. Do jawut, athu poxasepon nabichliajwa Dios pejtabernáculobaxotse. Jaxotse pax Dios pejwujajnael kawujnaful xatisliajwa. Dios pejtabernáculoba ampathatpijax, japox, me-ama Dios pejtabernáculoba Diosxotsepox, jakabu-an-aechox chiekal. ²⁵ Puexa sacerdotespaklokolan, kaewaechful wut, choefjal chaxlowpon tabernáculobat, Lugar Santísimoxot, ofrenda isliajwa Diosliajwa. Pe Cristo kaewaechful tuxafulaxil. Kaetuxat jiw bu'wiapon. Samata, Cristo pejme tuxaxil jiw bu'wujanjilaliajwa Diosliajwa. ²⁶ Cristo tux kaeveces. Jachi-el wut, kaewaechful wut, Dios to'axael Cristo tuxafulaliajwa jiw bu'wujanjilaliajwa Diosliajwa. Ampamatkoiyan, Cristo kaeveces ampathatat nalaelt boesaliajwas puexa jiw babijaxan ispoxanliajwa. Cristo boesaspox pomatkoichaliajwa. ²⁷ Puexa jiw, ampathatpijiw, pejmatkoi wepach wut, tuxael kaeveces. Do jawux, Dios jumchiyaxaesi kaenanula babijaxan ispoxanliajwa kastikaliajwas. ²⁸ Jasoxtatbej Cristo tux cruztat kaevecesliajwa. Pajut natapaeipon asajiw boesaliajwas, xabich jiw babijaxan ispoxanliajwa. Jawux pax Dios poxasepon. Asamatkoi pejme pasaxoekon. Pask wut, pejme jiw boesaxisalpon tuxaliajwa jiw babijaxan ispoxan ajilaliajwa. Japon pasaxoek jiw bu'welialjwa, japi jiw wujawetpi japon pejpasax.

10

¹ Moisés chajia lelpox pachaem israelitas naexasisliajwa. Japox amwutjel xatis matabijas. Pe kaes pejme pachaem Cristo ispox xatis naexasisliajwas. Xabich chajia wujajna, Jesús pas-el wutfuk, Moisés chajia lel wut, to'a sacerdotes isaxaelpoxan isliajwa. Samata, sacerdotes kaewaechful wut, choef xua'at ofrenda isliajwa Diosliajwa, Dios beltaeliajwa jiw babijaxan ispoxanliajwa. Pe jiw nakiowa babijaxan isful Diosliajwa. ² Sacerdotes choef xua'at ofrenda isliajwa Diosliajwa. Japox is wuti, jiw babijaxan ispoxan kaelel wejila-esal. Jiw babijaxan ispoxan kaelel wejilaxaes wut, japi jiw kaenanula chiekal nejchaxoelaxael: “Xan babijaxan ispoxan nawe-ajil Diosliajwa” —chiyaxaeli, nejchaxoel wut. Ja-aech wut, kaes choef xalalaeyaxili sacerdoteslel, japi sacerdotes choef xua'asliajwa ofrenda isliajwa Diosliajwa. ³ Kaewaechful wut, sacerdotes choef xua'at ofrenda isliajwa Diosliajwa jiw nejchaxoelaliajwa majt babijaxan ispoxanliajwa. ⁴ Sacerdotes xua'at wut toros, chivosbej, japajal pijaxtat jiw babijaxan ispoxan kaelel wejila-esal Diosliajwa.

⁵ Samata, Cristo pasliajwa wut ampathatasik, jum-aechon pax Diosliajwa:

“Ax, xam chiekal nejchachaemla-emil, sacerdotes choef xua'at wut, xamliajwa ofrenda is wuti jiw babijaxan ispoxan beltaeliajwam. Samata, xan nato'axaelam nalaelsliajwan thatxotdik, me-ama yamxi nalaela wut, jachiliajwan. Do baxael, nato'axaelambej tuxaliajwan puexa jiw babijaxan ispoxanliajwa, japi jiw bu'wujanjilaliajwa.

⁶ Sacerdotes choef xua'at bowaliajwa altarmatwujat ofrenda isliajwa xamliajwa, xam beltaeliajwam jiw babijaxan ispoxanliajwa. Pe xam chiekal nejchachaemla-emil japoxanliajwa.

⁷ Samata, xan amxotx isliajwan xam nejxasinkampox, me-ama nejjamechan, chajia lelpox, jum-aech wut, jum-aechox xanliajwa” —aech Cristo Diosxotse pax Diosliajwa.

⁸ Cristo japox jum-aech xot, matabijas Dios chiekal nejchachaemla-el, sacerdotes choef xua'at wut ofrenda isliajwa japonliajwa. Jasox jum-aech Moisés chajia lelpox sacerdotes isliajwa japox. Pe nakiowa, Dios chiekal nejchachaemla-el japoxliajwa. ⁹ Cristo pejme jum-aech pax Diosliajwa: “Xan amxotx isliajwan xam nejxasinkampox” —aechon. Samata, Cristo tup ampathatat puexa jiw bu'wujanjilaliajwa Diosliajwa, Dios to'as xoton. Samata, jawut toep sacerdotes choef xua'atpox ofrenda isliajwa Diosliajwa. ¹⁰ Cristo is Dios nejxasinkpox. Samata, Cristo pajut natapaei asajiw boesaliajwas puexa jiw bu'wujanjilaliajwa Diosliajwa. Cristo tup wut, japox patupax kaevecesliajwa, pomatkoichaliajwabej.

¹¹ Sacerdotes pomatkoicha choef xua'at ofrenda isliajwa Diosliajwa. Sacerdotes japox is wut, Dios kaelel wepels-el jiw babijaxan ispoxan japi bu'wujanjilaliajwa. ¹² Me-ama sacerdotes ispox, jasox is-el Jesucristo. Japon pajut natapaei asajiw boesaliajwas puexa jiw babijaxan ispoxanliajwa. Japon kaetupaxtat jiw bu'wiapon. Do jawux, Jesucristo Dios poxase. Jaxotse ek pax Dios poklalel. ¹³ Jesucristo jaxotse wujawnawet pax Dios malechaliajwa japon padaelmajiw, japi naexasisliajwa japon tato'alpoxan. ¹⁴ Cristo tup wut japox kaevecesliajwa, jawut Dios naexasiti bu'wujanjillisi pomatkoichaliajwa Diosliajwa, babijaxan ispoxanliajwa. ¹⁵ Espiritu Santo nakkajachawaet xot, matabijas, diachwujanakolax Cristo tup xatisliajwa. Dios jum-aech:

¹⁶ “Asamatkoi tajjiw kajachawaesaxaelen chiekal matabijaliajwa tajjamechan. Samata, tajjamechan naexasisaxaeli.

¹⁷ Xan kaes nejchafaesaxinil japi babijaxan ispoxanliajwa” —aech Dios.

¹⁸ Samata, Dios beltaen wut jiw babijaxan ispoxanliajwa, ja-aech wut, kaes choef xua'asaxili ofrenda isliajwa Diosliajwa.

Wajnejchaxoelaxantat moxaxaespx Diosxot

¹⁹ Takoew, Cristo tup xot, xatis bu'wujanjisal Diosliajwa. Samata, amwutjel Dios naktapaei wajnejchaxoelaxantat nejmach chiekal moxaliajwas Diosxotse, Dios pejtubernaculobaxot, Lugar Santisimoxot. ²⁰ Cristo tup xatis bu'wujanjilaliajwas Diosliajwa. Samata, japon, me-ama pajelt nuamt wut, ja-aechon xatis pasliajwas Diosxotse. Samata, Dios naktapaeyaxael pomatkoicha duilaliajwas jaxotse. ²¹ Jesús wajsacerdotekolan tataeful Dios pejtubernaculoba Diosxotse. ²² Samata, puexa wajnejchaxoelaxantat moxaxaes Diosxotse, chiekal matabijas xot, Dios diachwujanakolax nakbu'weyaxael. Xatisbej matabijas, Dios nakbeltaen xatis babijaxan isaspoxanliajwa. Samata, me-ama nawaenspi wut, jatis. Samatabej, me-ama bu'asjisal wut, jatis Diosliajwa. ²³ Nejchaxoels wut Dios nakbu'weyaxaelpoxliajwa, nejchaxoelaxisal: “Dios bej nakbu'weyaxilbej” —chiyaxisal, nejchaxoels wut. Dios isaxael nakjumdutpox xatisliajwa. ²⁴ Nejchaxoelaxaes nakaewa nakajachawaesliajwas. Jatis wut, kaes pejme pachaemaxaes. Isaxaesbej pachaempoxan nakaewaliajwa. ²⁵ Asew jiw xatisxot kofa culto ispoxan. Xatislax kofaxisal. Nakaewa naewujnaxaes kaes Dios xanaboejaliajwas. Jasox isaxaes, matabijas xot matkoiyan moxsfulpox wajpaklon Jesucristo pejme pasliajwasik.

²⁶ Xatis chiekal matabijas, Cristo tup cruztat nakwemosliajwa xatis babijaxan isaspoxanliajwa. Pe jawut, xatis babijaxan isfulas wut, jatis wut, Dios beltaeyaxil babijaxan isaspoxanliajwa, kaes asan ajil xot pejme tupaliajwa, xatis bu'wujanjilaliajwa. ²⁷ Babijaxan kaes isfulas wut, kaeyax nakwewe'paxael. Japox kastikax, xabich chaemilpox. Jawut jit itkuawa-elpoxtat Dios nakkastikaxael chiekal naktoejafaliajwa japajitat, puexa Dios padaelmajiw suapich. ²⁸ Chajiakolaxtat aton naexasis-el wut Moisés chajia lelpox, kolenje, o, tres aton, taens wut japon ispox, ja-aech wut, tasalas. Do ja-aech wutbej, japi jiw beltae-esal. To'as beliajwas. ²⁹ Dios xabich kaes kastikaxael kofapi Jesucristo pejuwan naexasitpox. Japi nejchaxoel wut, jum-aechi: “Jesucristo tup wut, japox

ma-aech asbuan jumch xatis babijaxan isaspoxan nakwemosliajwa” —aechi. Japi jum-aechbej babejjamechan Espiritu Santoliajwa, xatis naknejxasinkpon. Dios paxulan diachwujnakolax tup japi jiw babijaxan ispoxanliajwa, bu'wujanjilaliajwa. ³⁰ Xatis matabijas Dios jum-aechpox: “Asew jiw babijaxan is wut asew jiwliajwa, japi xan kastikaxaelen” —aechox. Dios jum-aechbej: “Jiw babijaxan ispi xan kastikaxaelen. Asew jiwlix, babijax is-elpi, japi jiw kastikaxinil” —aech Dios. ³¹ Dios tupaxilpon. Japoxon pejkastikax xabich chaemil!

³² Xamal nejchaxoelam wut, nejchaxoelde, akasestat Jesus pejwujajan naexasitam wut! Japamatkoijan xamal xabich nabijatam, asew jiw babijaxan is wut xamalliajwa, naexasitam xot Jesus pejwujajan. Ja-am wut, xamal kofa-emil. Nakiowa Jesus pejwujajan naexasisfulam, Dios xamal kajachawaesful xot. ³³ Asew xamalxot jumtis babejjamechan asew jiw pejwujajnael, Jesus pejwujajan naexasit xoti. Japi jiw nabijat asew jiw pijaxtat. Ja-aech wut, xamalxotpijw, asew jiw pejlewla-el itpaeliajwa japibej naexasitpox Jesus pejwujajan. ³⁴ Asew jiw, naexasiti Jesus pejwujajan, jiw jebatat jias wut, xamal japi jiw kajachawaetam wewe'paspoxanliajwa. Asew jiw xamal wenot wut nejew, xamal Jesus pejwujajan naexasitam xot, nalala-el. Nakiowa nejchachaemlam nejmatpuatantat Diosliajwa. Ja-am xamal, wujajnewetam xot kaes pejme pachaempox Diosxotse, pomatkoichaliajwapox. ³⁵ Samata, xamal nabej kofe' Dios xanaboejampox! Ja-am wut, Dios xamal chaxduiyaxael xabich pachaempoxan japonxotse. ³⁶ Xamal nabijatam wut, jnakiowa isfulde, me-ama Dios nejxasink! Ja-amsfulam wut, Dios xamal chaxduiyaxael jumdutpox. ³⁷ Dios pejjamechan, chajia lelspx, jum-aech wut, jum-aechox Dios jum-aechpox Cristo pejme pasaxoekpoxliajwa: “Kamtalejen pasaxoekon. Piach kijlaxilon pasliajwa.

³⁸ Tajjiw isful wut xan nejxasinkaxpoxan, xan naxanaboeja wuti, japi duilaxael pomatkoicha xanxotse. Pe asew jiw kofa wut naxanaboejapoxan, ja-aech wut, xan nejchachaemlaxinil japi jiwliajwa” —aech Dios jum-aechpox.

³⁹ Xatislax kofa-esal Dios xanaboejaspx napelsasamatas Diosliajwa. Xatis chiekal Dios naexasisfulas wut, jatisfulas wut, japon xatis nakbu'weyaxael.

11

Jiw xanaboejapox Dios

¹ Xatis chiekal Dios xanaboejas wut, jatis wut, kaenanula chiekal nejchaxoelaxaes ampox: “Dios jum-aechpox diachwujnakolax jachiyaxael. Xan tae-enil wut japox, nakiowa matabijtax jachiyaxaelpox. Japox Dios isaxael” —chiyaxaes kaenanula, nejchaxoels wut. ² Wajwujajnapijw chiekal naexasisful Dios jumtispx. Japi kaenanula chiekal nejchaxoel: “Diachwujnakolaxdo', Dios najum-aechpox xanliajwa” —aechi, nejchaxoel wut. Samata, Dios nejchachaemil wajwujajnapijwliajwa.

³ Xatis chiekal Dios xanaboejas xot, matabijas, Dios is ampathat, thatbaxobej, jum-aech wuton. Puexa amwutjel taenspoxan, japoxan puexa taens, Dios is xot. Amwutjel taenspoxan, majt japoxan chiekal ajil.

⁴ Chajiakolaxtat Abel chiekal xanaboejt Dios. Samata, Abel naexasit Dios tato'alpox. Samata, Abel ofrenda is wut Diosliajwa, japox xabich pachaem. Me-ama Cain pijax ofrenda, jachi-el Abel pijax ofrenda. Samata, Abel babijaxan ispoxanliajwa bu'wujanjilon Diosliajwa. Japon Abel chajiakolaxtat boesas wut, tupon. Pe nakiowa, ampamatkoijan Abel Dios xanaboejtpox nakiowa wultaeflas. Samata, xatisbej Dios chiekal xanaboejaxaes.

⁵ Chajiakolaxtat Enochej chiekal Dios xanaboejt. Samata, Dios bu'foson tathualin athu poxase. Kaes pejme faena-esal, Dios bu'fos xoton. Dios pejjamechan, chajia lelspx, jum-aech wut, jum-aechox: “Enoc Dios bufloe-esal wutfuk, Dios nejchachaemil japonliajwa” —aechox. ⁶ Dios nejchachaemla-el, jiw xanaboeja-el wuti japon. Jiw xanaboejalijwa wut Dios, japi jiw matxoela chiekal nejchaxoelaxael ampox: “Diachwujnakolax Dios

duk athuxotse. Samata, Dios nabu'weyaxael, wulwekx xot Dios tajnejchaxoelaxtat” — chiyaxaeli, nejchaxoel wut.

⁷ Chajiakolaxtat Noé chiekal Dios xanaboejt. Dios jumtis wut matabijsliajwa puexa ampathat bu'laxaelpox, Noé chiekal naexasit. Samata, Dios kito'aspon pinjiyax barkam isliajwa bu'weliawapon pejjiw. Noé, pejjiw suapich, Dios naexasit xoti, japi babijaxan ispoxanliajwa bu'wujanjil Diosliajwa. Japamatkoiyan puexa jiw, potuajnuhanpijiw, chiekal bu'al, Dios naexasis-el xoti.

⁸ Chajiakolaxtat Abrahambej chiekal Dios xanaboejt. Dios to'as wut nakolsliajwa pejtujnuxot, naexasiton. Samata, Abraham fulaech Dios chaxdusaxaestuajnu poxade. Jawut Abraham chiekal matabijs-elon, fulaeyaxaech poxade. ⁹ Abraham pat wut Dios jumduchtujnuxot, japatujnuxot asajiw wujna duil. Abraham naexasit jumduchpox. Samata, japatujnuxot dukjepon. Abraham chimiaba is-el japatujnuxot. Dukjepon carpabatat. Baxael, asamatkoiyan, Abraham paxulan Isaac, Abraham pamon Jacobbej, japi carpabachantat duilalap japatujnutat. Japibej Dios jumtis asamatkoi chaxdusliajwas japatujnu. ¹⁰ Abraham laeja wut, wujnawesfulon asamatkoi Dios buflaeliajwas athu poxase, pomatkoicha dukaliajwa Dios pajut ispaklowaxxotse. Samata, Abraham dukje carpabatat asbuan jumch.

¹¹ Chajiakolaxtat Abraham pijow, Sarabej, chiekal Dios xanaboejt. Samata, japow xabich pati'ow wut, naxawal, Dios jumduch xotow. ¹² Abraham pijow naxawal wut, Abraham xabich pati'in. Pe nakiowa, Abraham paxulan nalaelt. Do baxael, Abraham pejwulela, xabich kaesful pamojiw. Me-ama ithaej, thaejbelinbej, xabich pin-iakola, ja-aechful Abraham pamojiw. Samata, xajupaxil xajuiliajwas japi jiw.

¹³ Chajiakolaxtat puexa, japi chiekal Dios xanaboeja hasta pejpatupaxtat. Dios jumduchpoxan chaxduiliajwas, japi japoxan naetupaful chaxdui-esalpoxtat. Pe nakiowa, japi chiekal matabija pejwulela Dios jumdupoxan asamatkoi chaxduiyaxaespox japi pamojiw. Samata, japi xabich nejchachaemil. Japi pajut chiekal matabija xot, jum-aechi: “Xatis ampatujnuxot asbuan jumch nanuamspijwas. Wajtuajnukolax ajil pomatkoicha xatis duilaliajwaspox” —aechi. ¹⁴ Japox jum-aech wuti, xatis matabijas japi wujnawesfulpox, asamatkoi Dios buflaeyaxaespox athu poxase, Diosxotse, pomatkoicha duilaliajwapi. ¹⁵ Japi nejchaxoel wut, nejchaxoela-el kaxa naweliajwa Abraham nakoltujnuxot. Naweyax nejchaxoelaxael wut, japi naweyaxael japatujnu poxade. ¹⁶ Pe japi kaes nejxasink Dios poxaliajwase, jaxotse kaes pejme pachaem xot. Me-ama ampathatat, jachi-el jaxotse. Samata, Dios nejchachaemil japiliajwa jumchiliajwapon: “Ampi tajjiw” —chiliajwapon japiliajwa. Dios chaemt paklowax, pejjiw pat wut japapaklowaxxot duilaliajwase.

¹⁷⁻¹⁹ Dios chajia jum-aech Abrahamliajwa: “Naxulan Isaac asamatkoi xabichaxael pamojiw” —aech Dios. Do asamatkoi, Abraham Dios xapaejtas wut, kito'as paxulan Isaac xua'laliajwapon ofrenda isliajwa Diosliajwa. Jawut Abraham ow-aech. Samata, Abraham xua'laliajwa wuton paxulan Isaac, nejchaxoelon: “Dios xajup tupi mat-eliajwa pejme duilaliajwa” —aech Abraham, nejchaxoel wut. Samata, Abraham xua'laliajwa wuton paxulan, jawut Dios kifiachpon. Do jawut, Abraham paxulan xua'la-el wut, ja-aech wut, Abrahamliajwa Isaac, me-ama Dios mat-ech wut, ja-aechon pejme dukaliajwa.

²⁰ Abraham xabich Dios xanaboejsful. Abraham paxulan, Isaac, japonbej Dios chiekal xanaboejsful. Samata, Isaac xabich pati'in wut, jum-aechon paxulan Jacobliajwa, Esaúliajwabej. Kaenanula japiliajwa jum-aechon: “Dios xam kajachawaesfulaxael” —aech Isaac.

²¹ Isaac paxulan, Jacobbej, chiekal Dios xanaboejsful. Samata, baxael, asamatkoi, Jacob mox pawujna wut tupaliajwa, japon kaenanula José paxiliajwa Dios kawujan asamatkoi japi Dios kajachawaesfulaliajwas. Jacob jum-aech kaenanula japiliajwa: “Dios xam kajachawaesfulaxael” —aech Jacob. Do jawut, Jacob Dios kawujan wut, jum-aechon Diosliajwa: “Xam xabich pachaemam” —aech Jacob, kilamamsnik wut pejkilachalanaeya.

²² Chajiakolaxtat Jacob paxulan, José, japonbej chiekal Dios xanaboejsful. Samata, José mox pawuajna wut tupaliajwa, jum-aechon israelitas asamatkoi nakolaxaelpox Egipto tujnuxot. Do jawut, José to'anadoft, asamatkoi israelitas Egipto tujnuxot kael el nakola wut, japi chaxlaelajwa José pejbu't.

²³ Chajiakolaxtat Moisés pax, japon penbej, japi chiekal Dios xanaboejafulbej. Faraón, puexa Egipto tujnupijiw tato'lan, japon israelitas kito'a, paxi poejiw nalaela wut israelitas kamta beliajwapi paxikola. Moisés nalaelt wut, pax, japon penbej, japi pejlewla-el owchilaliajwa rey Egipto tujnupijiw tato'lan kito'aspoxliajwa. Moisés xabich chamian xot, pax, pen suapich, moesti tres juimtje. Do baxael, faraón paxulow fitow chaxti'aliajwas Moisés.

²⁴ Moisésbej chiekal Dios xanaboejsful. Chiekal ti't wut, Moisés nejchaxoel: "Xan nejwesla jiw kaes najumchiliajwa: 'Moisés, faraón paxulow paxulan' —nachiliajwa" — aech Moisés, nejchaxoel wut. ²⁵ Do jawut, Moisés nejchaxoelbej: "Tajjiw israelitas, Dios pejjiwpi. Samata, tajjiw xan kajachawaesaxaelen. Tajjiw nabijat, Egipto tujnupijiw xabich nabichax to'as xoti. Xanbej naknabijasaxaelen, japi suapich" —aech Moisés, nejchaxoel wut. Moisés nejwesla dukaliajwa Egipto tujnupijiw xot, Egipto tujnupijiw babijaxan ispoxan nak-isasamatapon. ²⁶ Moisés Dios xanaboejt bu'weyaxaespo x Egipto tujnuxot puexa japon pejjiw, israelitas suapich. Samata, Moisés matabijt xot, nejchaxoelon: "Asamatkoi Mesías, Dios makafisaxaespon, japon xabich nabijasaxael. Samata, xanbej amwut nabijasaxaelen Egipto tujnupijiw pijaxtat. Ja-an wut, xan isaxaelen Dios nejxasinkpox. Dios nachaxdusaxaelpox Diosxotse, kaes pejme xabich pachaemaxael. Me-ama Egipto tujnupijiw pejew, pachaempoxan, jachi-el Dios nachaxdusaxaelpox" — aech Moisés, nejchaxoel wut.

²⁷ Moisés xanaboejt Dios kajachawaesaxaespo x. Samata, Egipto tujnuxot Moisés chijiapon. Faraón palala wut japonliajwa, pejlewla-elon faraónliajwa. Dios, taeyaxisalpon, Moisés is japon to'aspoxan. Pe Moisés, me-ama pajut chiekal Dios taen wut, ja-aechon. Samata, japon Dios xanaboejsful. ²⁸ Moisés chiekal Dios xanaboejt xot, kito'apon israelitas xua'asliajwa ovejas, Pascuafiesta isliajwa wut. Moisés kito'abej kaenanula israelitas, paxipi, bafafachanlelan joelaliajwa ovejajal. Japox is israelitas japi paxi, matxoelanalaelapi, poejiw, Dios pej-ángel wematkaesasamatas.

²⁹ Chajiakolaxtat israelitasbej chiekal Dios xanaboejaful. Samata, israelitas Mar Rojo likaliajwa wut, min najupanadijan Dios pijaxtat. Japox put, me-ama mintata-el wut, ja-aech. Chiekal mamu'al. Israelitas japoxade fulaech likaliajwa. Do jawut, Egipto tujnupijiw, soldaw, japoxadin fulaen wuchakal. Jawut, min namatawaekcha wut, puexa Egipto tujnupijiw, soldaw, chiekal bu'al.

³⁰ Israelitasbej chiekal Dios xanaboejaful xot, siete matkoiyan masajajianpi Jericó paklowax tathoetlel, ia' xajajialspox. Japox xabich pinjiyax, athubejpo x. Jawut japox tatukpaxtat puexa natacholan Dios pijaxtat. ³¹ Jericó paklowaxpijw xot pawis duk. Pe asamatkoi, Dios xanaboejtow. Japow pawul Rahab. Japow pejbichax, poejiw bu'moesax, plata kanaliajwa. Kolenje israelitas pat wut chawuajnataenpi japapaklowax, japow chiekal bu'kult, japi israelitas pat wut japow pejbaxot. Do jawutbej, kajachawaetow japi weliajwa. Samata, asamatkoi, israelitas naba wut, Dios naexasis-elpi suapich, Jericó paklowaxpijw suapich, japow boesa-esal, Dios xanaboejt xotow.

³² Amwutjel tiempo nawewe'p xot, kaes lelaxinil asew jiwliajwa, Dios xanaboejapiliajwa. Samata, lelaxinil Gedeón pejwuajan, Barac pejwuajanbej, Sansón pejwuajan, Jefe pejwuajanbej, David pejwuajan, Samuel pejwuajanbej, kaes asew jiw, profetas pejwuajanbej. ³³ Puexa japi jiw chiekal Dios xanaboeja, laelp wuti. Samata, israelitas, asatujnupijiw suapich, naba wut, padaelmajiw xabich malechapi, Dios kajachawaech xoti. Asew japixot makanoch paklochowliajwa. Japi paklochow wut, chiekal jiw tato'al, Dios kajachawaesfulas xot, me-ama Dios chajia jumdut japiliajwa. Asew japixot peltas xabich leónxot xaeliajwas. Jatis wuti, Dios kajachawaech japi xae-elaliajwas leónes.

³⁴ Asew japixot peldas jit tamdadut poxade. Jatis wut, Dios kajachawaech xot, japi toejwaesal. Asew japixot espadatat beliajwas wut, Dios kajachawaech japi weliajwa. Asew japixot majt chiekal matabija-el nabeliajwa, asatuajnuchanpijiw suapich. Baxael, japi chiekal matabija nabeliajwa, Dios kajachawaech xoti. Samata, japi malecha padaelmajiw.

³⁵ Asew watho', chiekal Dios xanaboejapi, pejjiw tɔp wut, Dios wemat-echpi, japi jiw pejme duilaliajwa.

Asew jiw Dios chiekal xanaboeja. Japi xabich nabijatbej asew jiw pijaxtat kofaliajwapi Dios naexasitpox. Pe ja-aech wut, japi kofa-el Dios naexasitpox, japi kaenanula nejchaxoel xot: “Kaes pejme pachaem dukaliajwan Diosxotse. Me-ama ampathatat, jachi-el” —aechi, nejchaxoel wut. Ja-aech wut, japi jiw baes. ³⁶ Asew, Dios xanaboejapi, xabich itxaelaxafafolspi. Xabich seltasbejpi. Asew mɔaxwasixawaeks cadenamuatat. Jiasbejpi jiw jebachantat. ³⁷ Asew, Dios xanaboejapi, ia'tat matkaejabas, dadaps wut. Asew fatarariowlas. Asew baes espadatat. Asew naxoei ovejabu'an, o, chivobu'an, xabich kijil xoti. Xabich nabijat japi jiw. Japi jiw taduktas atuaj. ³⁸ Japi jiwlap, majt nabijatpi, japi jiw xabich pachaem, Dios xanaboeja xoti. Me-ama asew jiw ampathatpijiw, jachiel japi jiw. Pe nakiowa, nabijati. Nanuamti pajilaxanxot, mɔaxanxotbej. Duilpi pinamɔaxanwɔajantat. Japixot asew duilbej pinamɔthanxotdik.

³⁹ Puexa, japi jiwlap, majt nabijatpi, japi chiekal Dios xanaboeja. Pe nakiowa, kaen japixot Dios chaxdus-esalfuk jumtisipox. ⁴⁰ Dios chajia jum-aech japi wɔaj nawesfulaliajwafuk japox. Dios xatis matxoela naktapaeyaxael wut Diosxotse duilaliajwas, ja-aech wut, majt nabijatpibej tapaeyaxaes pomatkoicha duilaliajwa Diosxotse.

12

Wajpaklon Jesucristo xanaboejaxaesipox

¹ Xatis chiekal matabijas, wajwɔajnapijiw xabich nabijat wut asew jiw pijaxtat, japi kamta palala-el, Dios chiekal xanaboeja xoti. Xatisbej jachiyaxaes, nabijatas wut. Isfulaxaes puexa wajpamamaxtat Dios nejxasinkpoxankal. Samata, kofaxaes asaxan it-elbalapoxan isaxaelpoxan is-elaliajwas. Kofaxaesbej babijaxan isfulasipoxan, naktabejsfulpoxan wajnejchaxoelaxan Dios xanaboejasipoxanliajwa. ² Wajpaklon Jesucristo chiekal naexasisfulaxaes. Japon pijaxtat xatis Dios naexasich. Japon pijaxtatbej Dios chiekal naexasisfulaxaes pomatkoicha. Cruztat tɔpax japox xabich padaeyaxkolax. Pe Cristo padala-el cruztat tɔpaliajwa xatisliajwa, japon chiekal matabijt xot, pejnabijasaxwɔx cruztat, xabich nejchachaemlaxaelpox. Amwɔtjel Cristo ek pax Dios poklalel puexa jiw tato'laliajwa, pax Dios suapich.

³ Xamal nejchaxoelam wut, jnejchaxoelde Jesús xabich nabijatpox, jiw babejchow babijaxan is wut Jesúsliajwa! Samata, xatisbej kofaxisal Dios xanaboejasipox, asew jiw babijaxan is wut xatisliajwa. ⁴ Xamal nabijatam wut, nabijas-emil, me-ama Cristo. Samata, jboejtaliasfulde babijax isasamatam! ⁵ Xatis Dios paxis. Samata, nejkiowaxisal Dios naknaewɔajanpoxan. Dios pejjamechan, chajia lelsipox, jum-aech wut, jum-aechox: “Wɔa, jnabej naexasisle! Dios fiatpox! jNabej kofe'bej Dios xanaboejampox!

⁶ Aton, Dios nejxasinkaspon, japon Dios fiach babijax is-elaliajwa. Dios kastikaxaesbejpon, babijaxan is wut, japon aton, me-ama Dios paxulan wut, ja-aech xoton” —aech Dios pejjamechan, chajia lelsipox.

⁷ Dios xamal kastika wut, jboejtaliasfulde! Jasoxtat Dios xamal kastika, japon paxim xot. Jiwbej paxi kastika, babijaxan is wut. ⁸ Babijaxan isam wut, Dios xamal fias-el wut, kastika-el wutbejpon, diachwɔajnakolax xamal Dios paxikola-emil. Dios paxikolam wut, babijaxan isam wut, Dios xamal kastikaxael. ⁹ Xatis jams wut, babijaxan isas. Jatis wut, kaenanula waj-axjiw nakfiat. Nakkastikabej. Samata, ampathatat waj-ax sitaens. Samatabej, jamwɔtjel kaes pejme naexasisaxaes waj-ax Dios, japon athuxotsepon, jaxot duilaliajwas pomatkoicha! ¹⁰ Xatis jams wut, waj-ax nakfiat. Nakkastikabejpi, babijaxan isas wut. Ja-aech, waj-ax nakkastika wut, me-ama japi nejchaxoel. Dios, xabich

kaes pejme matabijt. Samata, xatis babijaxan isas wut, nakfiaton. Nakkastikabejpon kofaliajwas babijaxan isaspoxan, xatis chiekal pachaemaliajwas, me-ama Dios pachaem, jachiliajwas xatis. ¹¹ Babijaxan isas wut, Dios nakkastika wut, jawut nejchachaemla-esal. Jawutbej, naliast xaeyaxkal. Kofas wut babijaxan isaspoxan isliajwas pachaempoxan, jatis wut, chiekal duilaxaes Diosliajwa.

Chachoelepox, naexasis-esal wut Dios

¹² Dios xamal fiat wut, kastika wutbejpon babijaxan isam xot, xamal nejchachaemlafulde, jasoxtat Dios kajachawaesfulaxael xot! ¹³ Xamal nejchaxoelam wut, jnejchaxoelde pachaempoxan! jJapoxan chiekal isde! Xamal ja-am wut, asew jiw chiekal duila-elpi, pajut matabijaxael. Ja-aech wut, japi xamal nakxataeyaxael isliajwapi pachaempoxan.

¹⁴ jChiekal pachaemde asew jiwliajwa, duilam wut! jXamal duilafuldebej, me-ama Dios nejxasink! Jiw, babijaxan ispi, pasaxil Diosxotse. ¹⁵ Dios xabich pachaem xatisliajwa. Samata, jnabej kofe' Dios naexasitampox! jChiekal taem babijax isasamatam! Isam wut babijax, asew jiw, Dios xanaboejapi, japox taen wut, japibej isaxael japox babijax. ¹⁶ jXamal asew watho' nabej bu'moejs! Nejchaxoelam wut, jnabej nejchaxoele': "Xan nawewe'pa-el Dios pejkajachawaesax" —chiyaximil, nejchaxoelam wut! Chajiakolaxtat Esaú matxoelapijin xot, xabich kaes pax pejew nosaxaelon, pax naetup wut. Pe asamatkoi, Esaú xabich litaxaela wut, asbuan jumch pakoewanxot kaenaxaeyaxtat xanafonpon pax pejew, japon nosaxaelpi, pax asamatkoi naetup wut. ¹⁷ Xamal chiekal matabijam, baxael, Esaú jum-aech paxliajwa: "Ax, jxam Dios kawuajande xanliajwa, pomatkoicha Dios nakajachawaesliajwa!" —aechon paxliajwa. Pe pax owchi-esalpon. Samata, jawut Esaú xabich wunow, japox kaes ajil xot japonliajwa.

¹⁸ Xamal, Jesús pejwuajan naexasitampim, amwutjel tae-emil majt wajwuajnapijiw taenpoxan. Chajiakolaxtat wajwuajnapijiw, israelitas, pat pinjiyax muaxxot. Jaxot itkua'nik wut, japi taen pinjiyax jit, japamuaxmatwuajtat xabich itliak wut. Do jawut, xabich pinajoewa. Xabich pina-iambej. ¹⁹ Jawutbej wajwuajnapijiw thiataenpi trompeta nababapox. Jumtaenbejpi, Dios naksiyas wut japiliajwa. Jawut xabich pejlewla xot, jum-aechi Dios kaes naksiya-elaliajwas japiliajwa. ²⁰ To'as wut, Dios jumtispi: "Nejmach-aton ampamuaxxot julan wut, japon aton ia'tat dadaepaxaelam matkaejabaliajwampon. O, lanzatat chaxpiyaxaelampon. Jachiyaxaelambej, choefan wut" —tispi Dios wajwuajnapijiw. ²¹ Wajwuajnapijiw japox jumtaen wut, xabich pejlewlap. Moisésbej jum-aech: "Xan tajlewt tathulax" —aech Moisés.

²² Xatis Jesús pejwuajan naexasich xot, wajnejchaxoelaxtat moxslis pinamuax, pawulpox Sión, Dios dukxot, Jerusalén paklowaxxotse. Japapaklowaxxot natameja ángeles xabich pin-iakola. Japi jum-aech Diosliajwa: "Xam xabich pachaemam" —aech ángeles Diosliajwa. ²³ Dioslap juez puexa jiwliajwa. Xatis mox soepas, Diosxotse, asew jiw suapich, japi naexasiti Jesús pejwuajan. Japi pejwulan wecha-oels Diosxotse. Jiw chajia wuajna tupi, japi jaxotse taeyaxaesbej. Dios beltaen japi babijaxan ispoxanliajwa. ²⁴ Xatis naexasich Jesús tappox xatisliajwa. Jesús boesas wut, nakwemot babijaxan isaspoxanliajwa, Dios nakkastikasamata. Samata, amwutjel Diosliajwa babijaxan isaspoxan bu'wuajanjisa. Chajiakolaxtat Abel boesapon, japon aton masox namana-el. Japon Dios kastikas. Pe Dios beltaen jiw, Jesús boesapi.

²⁵ Samata, jchiekal naexasisfulde Dios jum-aechpox xamalliajwa! Wajwuajnapijiw chajiakolaxtat naexasis-el wut Moisés chajia lelpox, japi we-eli kastikaxxot. jXamal naexasisfulde japon jum-aechpoxan! Xatisbej naexasis-esal wut japon jum-aechpoxan, xabich nakkastikaxaelon. ²⁶ Dios naksiya wut pinamuaxmatwuajtat, japon pejjametat sat xabich najuiya. Amwutjelbej Dios jum-aech: "Asamatkoi kaes pejme that, thatbaxobej, xan tajaxtat xabich najuiyaxael" —aech Dios. ²⁷ Dios japox jum-aech xot, asamatkoi ampahat, thatbaxobej, xabich najuiya wut, puexa Dios ispoxan ampahatat, japoxan chiekal toepaxael. Pe namaeyaxael juiyaxisalpoxankal Diosxotse. ²⁸ Dios tato'alxotse

juiyaxisal. Jaxotse pomatkoicha xatis, Dios suapich, duilaxaes. Samata, ampamatkoiyan Dios kawuajna wut, graciaschiyaxaes Diosliajwa. Me-ama Dios nejxasink xatis jumchilijawas, jumchiyaxaesbej: “Xam xabich pachaemam” —chiyaxaes, Dios xabich sitaens xot. ²⁹ Me-ama jit toejow toeix, majowpi, jachiyaxael, wajDios jiw babejchow kastika wut.

13

Machiyaxaes *pox*, *laelpas* wut ampathatat Dios nejchachaemlialijwa xatisliajwa

¹ Xamal, Jesús pejwuajan naexasitampim, jnakaewa nanejxasinkampox nabej nakofe!

² Matabija-emilpi pat wuti nejbaxot, jnabej mastae' japi jiw chiekal bu'kulalialijwam! Chajiakolaxtat asew jiw matabija-elpi bu'kula wut, ja-aech wut, japi jiw bu'kula Dios pej-angeles.

³ Jiw jebachantat jiaspialijwa, xamal nejchaxoelafulde! Japilialijwa nejchaxoelam wut, jum-amde: “Xanbej, me-ama najia jiw jebatat, jiaspi suapich” —amde, nejchaxoelam wut japilialijwa! jNejchaxoeldebej nabijatpialijwa asew jiw pijaxtat! Japilialijwa nejchaxoelam wut, jum-amde: “Xanbej, me-ama nabijatax, japi jiw suapich” —amde, nejchaxoelam wut!

⁴ Puexa jiw chiekal sitaeyaxael nakjiyax. Samata, poejiw pijowpi wulwekaxil asew watho'. Watho' pamalpibej wulwekaxil asew poejiw. Poejiw pijowpi, japi asew watho' wulwek wut, japi poejiw Dios kastikaxaes. Watho' pamalpi wulwek wuti asew poejiw, ja-aech wut, japi watho'bej Dios kastikaxaes.

⁵ jXabich plata nabej nejxasinke! Ma nejew wut, jdo japoxankal xanejchachaemilde! jJa-amde, Dios chajia jum-aech xot: “Xamal kofsaxinil tajjiwampox. Xamal tamach waelaxinilbej” —aech xot Dios! ⁶ Samata, Dios xanaboejas xot, nakaewa najumchiyaxaes: “Dios xatis nakkajachawaet. Samata, wajlewlaxil, jiw asax isasia wut xatisliajwa” —nachiyaxaes nakaewalialijwa.

⁷ jXamal chiekal nejchaxoelde majt xamal tato'alpialijwa! jAsewbej, xamal naewuajanpi Dios pejjamechan, japilialijwa chiekal nejchaxoeldebej! jChiekal nejchaxoeldebej japi jiwliajwa, ma-aech japi jiw, laelp wut ampathatat, is wutbejpi pachaempoxan! jXamallap-is, me-ama japi, ja-amsfulde! jChiekal Dios xanaboejimbej!

⁸ Jesucristo pomatkoicha xabich pachaempon. Asax nejchaxoela-elon. ⁹ jXamal nabej naexasis, asew jiw xamal naewuajan wut asawuajan, Jesús pejwuajana-el wut! Kaes pejme pachaem Dios naexasisliajwam, japon xamal kajachawaesaxael xot, xamal nejxasink xoton. Asew jiw xae-el nejmachnaxaeyaxan, kaechafiach xoti. Ja-aech wut, japi pejxanaboejxan nakiowa kaes chiekal mamnika-el Diosliajwa.

¹⁰ Moisés chajia lelpox naexasiti, japi jiw nejchaxoel: “Xatis naexasisaxaes Moisés chajia lelpox. Samata, choef xua'asaxaes templobaxot ofrenda isliajwas Diosliajwa” —aechi, nejchaxoel wut. Pe nakiowa, japi jiw Dios beltaeyaxisal. Pe naexasich wutlax Jesús tuppox xatisliajwa, jatis wut, Dios nakbu'weyaxael. ¹¹ Puexa sacerdotepaklokolan Lugar Santísimo poxade chaxlech choefjal ofrenda isliajwa Diosliajwa, jiw babijaxan ispoxanliajwa japi bu'wuajanjilialijwa. Pe choef, xua'ataspi, xafolipi bowalialijwa tathoetlel jiw duilxot. ¹² Jatisbej Jesucristo. Paklowax tathoetlel kimatamatlas cruztat. Japon tup wut cruztat moton puexa jiw babijaxan ispoxanliajwa, japi jiw bu'wuajanjilialijwa Diosliajwa.

¹³ Jesús kimatamatlas wut tupalialijwa paklowax tathoetlel, japox xabich padalapox. Asew jiw xatis nakjum-aech wut Jesús pejwuajan naexasichpoxliajwa: “Japawuajan naexasisliajwa xabich padalapox” —nak-aech wuti, nakiowa xatis naexasisfulaxaes Jesús pejwuajan. ¹⁴ Ampathatat ajil wajpaklowax pomatkoicha duilalialijwas. Samata, xatis wuajnawesfulaxaes asamatkoi Dios pejpaklowaxxotse pomatkoicha duilalialijwas. ¹⁵ Jesucristo tup wut xatisliajwa, Dios naktapaei kawuajnalialijwas Dios. Samata, xatis pomatkoicha Dios jumchiyaxaes: “Xam xabich pachaemam” —chiyaxaes. Japox jumtis wut Diosliajwa, me-ama ofrenda chaxduws wut, ja-aechox. Samata, japox pomatkoicha Dios jumchiyaxaes. ¹⁶ jNabej nejkiowe' isliajwam pachaempoxan! jKajachawae'ebej

kijila! Japoxan isam wut, Diosliajwa, me-ama ofrenda chaxduwam wut, jachiyaxaelpox. Samata, Dios nejchachaemlaxael japoxanliajwa.

¹⁷ ¡Xamal chiekal naexasisfulde, paklochow tato'al wut! Japi paklochow kofa-el xamal tataeflafulpox. Japi chiekal matabija. Chiekal xamal tataeflafula-el wut, ja-aech wut, japi jiw pejbu'wujnaxael Diosliajwa. Samata, ¡chiekal duilaxaelam japi nejchachaemlaliajwa xamalliajwa! ¡Babijaxan nabej is paklochow nejxaejwasamatas xamalliajwa! Babijaxan isam wut, xamalliajwa pachaemaxil.

¹⁸ ¡Xamal Dios kawuajanafulde xanalliajwa! Xanal nejchaxoelx: “Xan babijax is-enil Diosliajwa, a sew jiwliajwabej” —an, nejchaxoelx wut. Samata, ¡xamal Dios kawuajande xanalliajwa pomatkoicha chiekal duilaliajwan! ¹⁹ ¡Dios kawuajandebej xan Dios nata-paeliajwa xamal poxaliajwan! Xan nejxasinkax xamal kamtalejen pejme taeliajwan.

Ampox carta lelpon saludos xato'apox

²⁰ Dios nakkajachawaet chiekal duilaliajwas, a sew jiw suapich. Dios mat-et wajpaklon Jesucristo pejme dukaliajwa, tup wuton cruztat. Jawut tuadut pajelwuajan, xatis Jesús pejuwan naexasich wut nakbu'welija babijaxan isaspoxanliajwa. ¡Japox pomatkoicha chiekal naexasisfulde! Samata, Jesús chiekal naktataeful. Me-ama oveja tataeflan chiekal pejew oveja tataeful, ja-aech Jesús, xatis naktataeful wut amwut-jel, pomatkoichaliajwabej. ²¹ Samata, Dios kawuajnax chaxduiliajwa puexa xamal wewe'ppoxan, isliajwam Dios nejxasinkpoxan. Dios kawuajnaxbej nakkajachawaesliajwa Jesucristo pijaxtat pachaemaliajwas wajmatpuatanxot, me-ama Dios nejxasink, jachiliajwas. Pomatkoicha jumchiyaxaes Jesucristoliajwa: “¡Xam xabich pachaemam!” — chiyaxaes japonliajwa.

²² Takoew, xan lelpxox xabicha-ellejen xamal naewuajnaliajwan. Samata, ¡nabej naewes naewesliajwam ampajamechan! ²³ Xan xato'ax ampawuajan xamal chiekal matabijaliajwam. Timoteo tapaeis nakolsliajwa jiw jebaxot. Japon piach kijla-el wut, xanxot pa'an wut, buflaeyaxaelen xamal poxade xamal taeliajwam japon.

²⁴ ¡Nawesaludam xamal tato'alpi! ¡Nawesaludambej puexa a sew jiw, japi Dios pejiwpi, naexasiti Jesús pejuwan! Italia tuajnupijiw xamalliajwa saludos xato'a.

²⁵ Xan pomatkoicha Dios kawuajnax puexa xamal kajachawaesliajwapon.

Santiago lelpox carta Jesús pejuwajan naexasitiliajwa

Santiago saludos xato'apox

¹ Xan, Santiago, nabistax Diosliajwa, wajpaklon Jesucristoliajwabej. Saludos xato'ax xamal Jesucristo pejuwajan naexasitampimliajwa. Xamal Israel pamojiwam, docemuntanpijwam, potuajnucha nasaladuilampim.

Jesucristo pejuwajan naexasiti wewe'pas wut matabijsax, japi kawuajnaaxaelpox Dios

² Takoew, puexa pachaema-elpoxan xamalliajwa pasfulaxael xapaejaliajwa. Ja-aech wut, xamal nejchachaemilde! ³ Xamal matabijam. Nabijatam wut, kaes naexasisaxaelam Jesús pejuwajan. Ja-am wut, diachwujnakolax xajupaxaelam boejtaliasliajwam, nabijatam wut. ⁴ Xamalliajwa pat wut pachaema-elpox, jnakiowa kaes naexasi'e Jesús pejuwajan! Ja-am wut, pachaemaxaelam, me-ama Dios nejxasink xamalliajwa. Ja-am wutbej, wewe'paxil Jesús pejuwajan kaes chiekal naexasisliajwam.

⁵ Kaen aton xamalxot wewe'pas wut matabijsax isaxaelpoxliajwa, japon aton matxoela kawuajnaaxael Dios chiekal matabijsliajwa. Do ja-aech wut, japon aton Dios kajachawaesaxaes chiekal matabijsliajwa. Dios kajachawaet puexa jiw japi chiekal matabijaliajwa. Dios bu'alos-el, jiw xabich wuljow wut matabijsax. ⁶ Xamal Dios kawuajnam wut, jmajt chiekal nejchaxoelde wuljoeyaxaelampox! Do jawut, jchiekal nejchaxoelde: "Diachwujnakolax Dios nakajachawaesaxael matabijsliajwan isaxaelenpox" —amde, nejchaxoelam wut! jNabej nejchaxoele': "Dios bej nakajachawaesaxilbej matabijsliajwan isaxaelenpox" —nabej aeche', nejchaxoelam wut! Asan aton nejchaxoel wut: "Dios bej nakajachawaesaxilbej matabijsliajwan. O, bej nakajachawaesaxaelbejpon" —aech wuton, japon aton kaeyax chiekal nejchaxoela-el Dios kajachawaesaxaelpoxliajwa. ⁷ Japon aton kolonejchaxoelax xot, Dios kawuajan wut, Dios kajachawaesaxisal chiekal matabijsliajwa isaxaelpoxliajwa. ⁸ Japon aton kaenejchaxoelaxa-el wut isaxaelpoxliajwa, asan aton xanaboejsaxisal japon aton.

⁹ Aton, Jesús pejuwajan naexasitpon, japon kijilan wut, asew jiw taens wuton, japon, me-ama pachaema-el wut, ja-aechon japi jiwliajwa. Pe ja-aech wut, japon aton nakiowa nejchachaemlaxael, japon xabich pachaem xot Diosliajwa. ¹⁰ Kimaeyan, Jesús pejuwajan naexasitpon wut, chiekal pajut matabijt wuton pejew omjilpox Diosliajwa, japon nejchachaemlaxael. Kimaeyan piachaliajwa-el. Me-ama naetalt kamta toep, jachiyaxaelbej kimaeyan. ¹¹ Juimt masxaenk wut, xabich tuajnik wut, naexi selil. Do talselil wut, nachola satadik. Ja-aech wut, talchaempox chiekal toep. Jachiyaxaelbej kimaeyan. Japon pejew mowa wut, wuajsful wutbejpon, chalechkal naetupaxaelon japon pejew.

Dios xapaejs-elpox jiw babijaxan isliajwa

¹² Aton xapaejtas wut babijax isliajwa, xabich boejtaliat wuton, japon xabich nejchachaemlaxael. Ja-aech wut, Dios chaxdusaxaeson premio, pomatkoicha dukaliajwa Diosxotse. Japoxliajwa Dios jum-aech jiw, Dios nejxasinkpiliajwa. ¹³ Aton xapaejtas wut babijax isliajwa, nejchaxoelaxil: "Dios naxapaejt xan babijax isliajwan" —chiyaxilon, nejchaxoel wut. Dios chinax kaen aton xapaejs-el babijax isliajwa. Diosbej pajut nejchaxoela-el babijax isliajwa. ¹⁴ Pe aton pajut nejchaxoel babijaxan isliajwa, isasiapoxan. Do jawux, japoxan ispon. ¹⁵ Is wuton japoxan, babijaxan, japon aton kaelel chiekal nafo'a Diosliajwa.

¹⁶ Takoew, xamal nejxasinkaxpim, jnajat nabej naekichachajbe'! Samata, nejchaxoelam wut, jnabej nejchaxoele': "Dios xan naxapaejt babijax isliajwan" —nabej aeche', nejchaxoelam wut! ¹⁷ Dios puexa nakchaxduwpoxan xabich pachaem. Japon isbej juimt matkoipijin, madoipijinbej, ithaejbej, athuxotsik itliakaliajwa. Asamatkoi japoxan chiekal itliakaxil. Pelax Dios pomatkoicha pachaem. Nejchaxoel wut, kaeyax chiekal

nejchaxoelon nejchaxoelpoxliajwa. Jachiyaxaelbej, Dios nejchaxoel wut xatisliajwa. ¹⁸ Xatis naexasich xot Jesús ispox xatisliajwa, Dios nakchaxduw pajelnejchaxoelaxan japon pejjiwaliajwas. Dios nakmakanot jiwxot xatis matxoela Jesús pejjiwaliajwas. Jesús pejwujajan diachwujnakolax. Samata, xatis, Jesús pejjiws, xabich pin-iataxaes.

Machiyaxaelpox duil wut Jesús pejwujajan naexasiti

¹⁹ Takoew, xamal nejxasinkaxpim, jampox lelaxaelenpox xamal chiekal nejchaxoelde! Jiw jum-aech wut xamal jumtaeliajwam, jxamal chiekal naewe'e! Jumchisiam wut, jmajt chiekal nejchaxoelde jumchiyaxaelampox, pachaem wut! Pachaem wut, do ja-aech wut, jum-amde! Xamal nalalasangata, jmajt chiekal nejchaxoeldebej jumchiyaxaelampox! ²⁰ Aton palala wut, isaxil Dios nejxasinkpox. ²¹ Samata, jpuexa pachaema-elpoxan kaelel kofim! jKaes japoxan nabej is! jDios naexasisfulde isliajwam pachaempoxan! jChiekal naewesfulde, a sew jiw xamal naewujajan wut Dios pejjamechan! Ja-am wut, Dios xamal bu'weyaxael.

²² jNabej naewes asbuan jumch Dios pejjamechan! Ja-am wut, xamal najut nanae-kichachajbaxaelam. jChiekallax xamal naexasisfulde Dios pejjamechan! ²³ Aton asbuan jumch naewet wut Dios pejjamechan, pe naexasis-el wuton Dios tato'alpoxan, ja-aech wut, japon aton kajachawaesaxisal Dios pejjamechan naewetpoxliajwa. Ja-aech wut, japon aton, me-ama chapot xu-aeltaen wut, jachiyaxaelon. ²⁴ Xu-aeltaeyax toet wut, kamta itfunekiowapon pejxu tala-aechpox. ²⁵ Aton nejkiowa-elpon jumtaenpoxan, Dios tato'alpoxan, japon aton Dios kajachawaesaxaes puexa ispoxanliajwa. Dios tato'alpoxan xabich pachaem. Jiw naexasit wut japox tato'laxan, japi jiw xabich nejchachaemlafulaxael.

²⁶ Aton jum-aech wut: "Xan isx Dios nejxasinkpox" —aech wut, pe japon aton nejmach paeje wut pachaema-elpoxan, ja-aech wut, japon aton pajut naekichachajba. Samata, japon Jesús pejwujajan naexasitpox, Diosliajwa chiekal pachaema-el. ²⁷ Japon aton diachwujnakolax chiekal naexasit wut Jesús pejwujajan, is-elon babijaxan, a sew jiw ispoxan. Ampathatat laeja wutfukon, kajachawaet yamxi, pasoelkola. Kajachawaetbejpon watho', pamaljiw naetupspi, japi watho' kijil xot. Japon aton japoxan is Diosliajwa.

2

Jesús pejwujajan naexasiti, japi puexa jiw chiekal sitaeyaxaelpox

¹ Takoew, xamal xanaboejam wajpaklon Jesucristo, xabich pachaempon. Samata, jxamal puexa jiw sitaem! jNabej mastaele' a sew jiw! ² Xamal culto isam wut, jaxot kimaeyan pasaxael. Japon xabich oro-anillos kothiyaxajoeyaxael. Japon xabich naxoelaxael chamoeyax. Do jawut, kijilan jaxot pasaxael. Japon naxoelaxael pachaema-elpox. jXamal machiyaxaelamkat, japi kolenje bu'kulam wut? ³ Jawut chiekal bu'kulaxaelam kimaeyan. Japon to'axaelam ekaliajwa tua-ekax, kaes chamoeyaxtat. Kijilanlax nukax to'axaelam. Ja-el wut, to'axaelampon satat ekax. Xamal ja-am wut, isaximil pachaempox Diosliajwa. ⁴ Japi kolenjelijaw kaeyax nejchaxoelaximil. Xamal sitaeyaxaelam xabich naxoelpon chamoeyax. Asan sitaeyaximil. Japox ja-am wut, jado' japox pachaemaxil.

⁵ Takoew, xamal nejxasinkaxpim, jxan lelpxox xamal chiekal naexasisfulde! Dios makanot jiw kijila japon naexasisliajwapi. Ja-aech wut, japi jiw Diosliajwa kimaenk wut, ja-aechi. Japi tapaeyaxaes pomatkoicha duilialijwa japonxotse, me-ama Dios jumdut jiwliajwa, Dios nejxasinkpiliajwa. ⁶ Xamal chiekal bu'kula-emil wut kijila, ja-am wut, diachwujnakolax xamal sitae-emil kijila. jXamal najut nejchaxoelde kimaeya pijaxtat xamal nabijatampoxan, buflaech wuti jueces poxade, jaxotde xamal tasalaliajwapi! ⁷ Japi jiw jum-aechbej babejjamechan Jesúsliajwa, japon xabich pachaempon. Xatis japon pejjiws.

⁸ Dios pejjamechan, chajia lelpox, jum-aech wut, jum-aechox: "jNejxasinkde a sew jiw! Me-ama xam najut nanejxasinkam wut, ja-amde a sew jiwliajwa!" —aechox. Xamal diachwujnakolax jasox ja-am wut, kaes pejme pachaempox isaxaelam. ⁹ A sew jiw

chiekal sitaenam. Pe asew jiw chiekal sitae-emil wut, ja-am wut, xamal is-emil Dios nejxasinkpox. Isaxaelam babijax. Ja-am wut, nejbu'wujnaxaelam Diosliajwa, puexa jiw chiekal sitae-emil xot, Dios japox to'a wut. ¹⁰ Aton naexasisful wut Moisés chajia lelpox, pe japon aton kaeyax wewe'pas wut naexasisliajwa, japox wewe'pas xot naexasisliajwa, japon aton pejbu'wujnaxael Diosliajwa. Ja-aech wut, japon aton, me-ama puexa chiekal naexasis-elon Moisés chajia lelpox, jachiyaxaelon. ¹¹ Dios pajut chajia jum-aech: “¡Nijow nabej naebu'moejs asew watho'!” —aech Dios. Dios jum-aechbej watho'liajwa: “¡Nabej naebu'moejs nejmol asew poejiw!” —aech Dios. Dios jum-aechbej: “¡Nabej be' asew jiw!” —aech Dios. Aton pijowpon, japon asew watho' naebu'moejs-el wuton pijow, pe japon aton, asan aton boesa wut, ja-aech wut, japon aton nakiowa pejbu'wujnaxael Diosliajwa. Ja-aech wut, japon aton Diosliajwa, me-ama puexa Moisés chajia lelpox chiekal naexasis-el wut, ja-aechon. ¹² Xamal chiekal isam wut Dios to'apox, ja-am wut, xamal bu'wujnaxaelam Diosliajwa. Chiekal naexasis-emil wut Dios to'apox, ja-am wut, Dios xamal kastikaxael. Xamal jum-am wut, jum-amde pachaempoxan! ¡Isdebej pachaempoxan asewliajwa, Dios japox to'a xot! ¹³ Jiw beltae-el wut asew jiw, Diosbej japi jiw beltaeyaxil, asamatkoi, Dios jiw babejchow kastika wut. Jiw beltaenpi asew jiw, japi jiw Dios kastikaxil, pat wut kastikamatkoi.

Jesús pejwujnaxael naexasiti isaxaelpox pachaempoxan

¹⁴ Takoew, asew jiw asbuan jumch jum-aech wuti: “Xan Jesús pejwujnaxael naexasitx” —aech wuti, pe is-el wut pachaempoxan asew jiwliajwa, japi jiw jum-aechpox pachaema-el Diosliajwa. Japox jum-aech wut, Dios bu'weyaxisal japi jiw. ¹⁵⁻¹⁶ Xamal, Jesús pejwujnaxael naexasitampimxot, asew jiw wewe'paxaes wut naxoeliasw, xaeliaswabej, pe xamal asbuan jumch jumchiyaxaelam wut japijiasw: “¡Chijiamde! ¡Dios xamal nej kajachawaes naxoeliasw! ¡Dios nej chaxdui naxaeyaxan xamal xaeliasw!” —chiyaxaelam wut, xamal jum-ampox pachaemaxil japi jiwliajwa. ¹⁷ Asew jiw jumchiyaxael wutbej asew jiwliajwa: “Xanal chiekal naexasitx Jesús pejwujnaxael” —chiyaxael wuti, pe japi jiw isaxil wutbej pachaempoxan asew jiwliajwa, ja-aech wut, japi jiw jum-aechpox Diosliajwa pachaemaxil, isaxil xoti Dios jum-aechpox.

¹⁸ Kaen aton jumchiyaxael ampox: “Jesús pejwujnaxael naexasitixot asew is-el pachaempoxan asew jiwliajwa. Asew, Jesús pejwujnaxael naexasitilax, is pachaempoxan asew jiwliajwa” —chiyaxaelpon. Japon aton japox jum-aech wut, xan jumchiyaxaelen japon atonliajwa: “Xatis chiekal matabijaxisal, asew jiw diachwujnaxael naexasit wut Jesús pejwujnaxael, is-el wuti pachaempoxan asew jiwliajwa. Xanlax isfulax pachaempoxan asew jiwliajwa, me-ama Dios nato'a japoxan isliajwan. Ja-ansfulax wut, jiw matabijaxael diachwujnaxael xan chiekal naexasitx Jesús pejwujnaxael” —chiyaxaelen japon atonliajwa. ¹⁹ Xan pejme japon aton jumchiyaxaelenbej: “Xam nejchaxoelam wut, jum-am: ‘Dios kaen. Kaes asan Dios ajil, me-ama Dios, jason’ —am wut, japox diachwujnaxael. Japox nejchaxoelam wut, diachwujnaxael. Depbej matabija, Dios kaenpon. Japi dep pejlwla xot, tathulalbejpi Diosliajwa. Pe nakiowa, dep kofa-el babijaxan ispoxan asew jiwliajwa. Samata, xan matabijsaxinil, diachwujnaxael xam chiekal naexasitam wut Jesús pejwujnaxael. Pe is-emil wut pachaempoxan asew jiwliajwa, ja-am wut, diachwujnaxael xam naexasis-emil Jesús pejwujnaxael. ²⁰ ¡Xam nabej nejliakle! Xatis jumchiyaxaes wut: ‘Xan naexasitx Jesús pejwujnaxael’ —chiyaxaes wut, pe is-esal wutbej pachaempoxan asew jiwliajwa, jatis wut, xatis jumchiyaxaesw, Diosliajwa japox pachaemaxil. ²¹ Wajwujnaxael Abraham is Dios kito'aspox. Samata, paxulan xua'laxael wuton ofrenda isliajwa Diosliajwa, ja-aech wut, Abraham Diosliajwa bu'wujnaxael. ²² Abraham naexasit Dios jumtisw. Samata, Abraham paxulan xua'laxael wut, ja-aech wut, puexa jiw chiekal matabija Abraham diachwujnaxael chiekal xanaboejtpox Dios. ²³ Samata, Abraham is, me-ama Dios pejjamechan, chajia lelpox, jum-aech wut, jum-aechox japonliajwa: ‘Abraham naexasit Dios jumtisw. Samata, Abraham Diosliajwa

bü'wüajanjilon' —aechox. Asew jiw chajiakolaxtat Abrahamliajwa jum-aech: 'Abraham, Dios pejnachalan' —aechi" —chiyaxaelen japon atonliajwa, xan jumnosaxaelen wüt.

²⁴ Samata, puexa xatis matabijas, aton xanaboejt wüt Dios, japon aton bü'wüajanjil Diosliajwa, chiekal is xot Dios tato'alpoxan. ²⁵ Rahab pejbichax, poejiw bü'moejsax plata kanaliajwa. Japow asamatkoi is pachaempox, chiekal bü'kult wütow kolenje, israelitas, pat wüt Jericó paklowaxxot. Japi chawüajnataen asamatkoi nabeliajwa, japapaklowax-pijiw süapich. Rahab kajachawaet japi weliajwa padaelmajiwxot. Asanüamtade to'ach besamatas padaelmajiw. Japox is xot, Rahabbej bü'wüajanjil Diosliajwa. ²⁶ Jiw fakjola-el wüt, tüpaxael. Ja-aech wüt, kaes asaxan isaxilbejpi. Xatisbej jatis, puexa naexasichpis Jesús pejwüajan. Nejchaxoels wüt: "Xatis Jesús pejwüajan naexasich" —chiyaxaes wüt, pe is-esal wüt Dios nakto'apoxan, jatis wüt, japox pachaemaxil Jesús pejwüajan naexasichpoxliajwa. Jachiyaxaes wüt, Diosliajwa xatis, me-ama patüpa wüt, jachiyaxaes.

3

Jesús pejwüajan naexasiti büxfiachpox babejjamechan jumchisamata asew jiwliajwa

¹ Takoew, xamal chiekal matabijam, xanal, Jesús pejwüajan naewüajnaxpin, babijaxan isaxaelen wüt, Dios xabich kaes xanal nakastikaxael. Samata, xamalxot nej xabicha-ela' jiw, naewüajanpi Jesús pejwüajan! ² Puexa xatis isas pachaema-elpoxan asew jiwliajwa, majt chiekal nejchaxoela-esal wüt isliajwaspoxan. Kaen aton jumchi-el wüt kaejame, pachaema-eljame, asew jiwliajwa, japon atonlap Diosliajwa chiekal pachaemaxael. Japon aton pajut chiekal natataeflaxaelbej isasamata babijax. ³ Xatis kawaei kaechaxajoels freno. Jatis wüt, pachaem kawaei xajiasliajwas, chaflaesias poxade chaflaeliajwas. ⁴ Ja-aechbej pinjiyax barkamliajwa. Timón cha-aelaxachpoxtat aton xajüp xajiasliajwa barkam, xabich pinajoewa wüt, chaflaesia poxade chaflaeliajwa. ⁵ Ja-aechbej jit. Cha-aeljit wüt, xajüp pinjiyax lul toejwaliajwa. Ja-aechbej wajkaech-ia'an. Xajüp nejmach jumchiliajwas: "Xan xajüpx isliajwan pinjiyaxan" —chiliajwas asbuan jumch wajkaech-ia'antat. ⁶ Wajkaech-ia'anbej, me-ama jit, tabejsaxaes xot asew jiw. Wajkaech-ia'antat xabich jumtis babijaxan asew jiwliajwa. Japox tüaduws, jams wüt. Amwütjelbej nakiowa jatisfulas. Jachiyaxaes pomatkoicha ampathatat, Satanás nakbüxto'apoxan naksiyas xot.

⁷ Jiw matabija nejmachchoef, tathoetpijiw, itfelaliajwa. Samata, tato'al wüti, tathoet-pijiw, mia, jom, minpijiwbej, japi choef jumtaenspi. Naexasichbejpi. ⁸ Pe aton fiasaxil pejkaech-ia't naksiya-elaliajwa pachaema-elpoxan. Büxkofaxil babijaxan jumtisepoxan. Japoxan asew jiwliajwa, me-ama jombua'nael wüt, ja-aechox. Samata, asew jiw xabich tabejtas. ⁹ Xatis jumtis wajkaech-ia'antat waj-ax Diosliajwa: "Xam xabich pachaemam" —tis. Do jawüx, jumtisbej wajkaech-ia'antat babejjamechan asew jiwliajwa, japi jiw isaspi Dios, me-ama Dios wüt, ja-aechpi. ¹⁰ Wajkaech-ia'antat jumtis chimiajamechan Diosliajwa. Do jawütbej, jumtisbej babejjamechan asew jiwliajwa. Takoew, xatis japoxan jumchiyaxisal asew jiwliajwa. ¹¹⁻¹² Satlel min nakakolsanxot, jaxot chimiamin nakakolsan. Jaxot nakola-el xasaxamin. Ja-aechbej müthasi. Higonae naboet wüt, japanaexot naboes-el asabaech. Uvanaechanxotbej naboes-el asabaech. Me-ama japox ja-aechbejlap-is wajkaech-ia'an. Chimiajamechan jumtis wüt, kamta kaewütje, jumchiyaxisal babejjamechan.

Dios pijax, matabijsax, kaes pejme pachaempox xatis matabijaliajwas

¹³ Xamalxot kaen aton xabich matabijsan wüt, japon nej is pachaempoxan! ;Japon nej nejchaxoelebej: "Xan kaes pachaema-enil. Me-ama asew jiw, jachi-enil" —nej aechepon, nejchaxoel wüt! ¹⁴ Xamal asew jiw nusasiowlam wüt, kaes paklonasiam wütbej, ja-am wüt, asew jiw matabijaxael diachwüajnakolax xamal matabija-emilpim. ¹⁵ Xamal asew jiw xabich nusasiowlam wüt, kaes paklonasiam wütbej, japoxan Dios to'a-el. Ja-am wüt, nejchaxoelaxaelam ampathatpijiw nejchaxoelpox. Ja-amwütbej, nejchaxoelaxaelam, me-ama Satanás to'a xamal nejchaxoelaliajwam. ¹⁶ Xamal asew jiw nusasiowlam wüt, kaes paklonasiam wütbej, jachiyaxaelam wüt, xamal kaenejchaxoelaximil. Isaxaelambej

puexa nejmach, chaemilpoxan. ¹⁷ Jiw matabijapi Dios pijax matabijsax, japi jiw chiekal duil, me-ama Dios nejxasink japi duilaliajwa. Duil wut, nabe-eli, asew jiw suapich. Japibej talias-el asew jiw. Nejchaxoelbejpi naexasisliajwa asew jiw tato'alpoxan. Japibej beltaen, asew jiw nabijat wut. Jiw kajachawaet wutbejpi, puexa jiw chiekal kajachawaeti. Naekichachajba-elbejpi asew jiw. Isbejpi pachaempoxan asew jiwliajwa. ¹⁸ Aton chiekal duk wut, asew jiw suapich, japon naewuajan wutbej asew jiw chiekal duilaliajwa, ja-aech wut, japi jiw chiekal duilaxael.

4

Jesús pejuajan naexasiti chiekal naexasisfulaxaelpox Dios

¹ ¿Ma-aech xotkat xamal nakaewa nalotam? ¿Ma-aech xotbejkat xamal nakaewa nabam? Xamal japoxan isfulam, chajia nejchaxoelam xot japox isliajwam. ² Xamal xabich nejxasinkam wut asan pijax, japon aton bu'aboeram wefisliajwam japox. Xamal nusasiowlambej, taenam wut asew jiw pejew. Xamal xajupa-emil wut wuasliajwam taenampon, bu'alotam japi jiw. Ja-am wut, bu'abambej. Xamal nejxasinkampon faeka-emil, majt Dios chiekal kawuajna-emil xot japoxanliajwa. ³ Xamal japoxanliajwa Dios kawuajnam wut, japoxan Dios chaxdui-el, najut isasiampoxan babijaxan, isaxaelam xot japoxantat. ⁴ ¿Ma-aech xotbejkat xamal kofasiam Dios xanaboerampox? Xamal kofasiam Dios xanaboerampox, xabich nejxasinkam xot ampathatpijapan. Xamal babijaxan isam wut, me-ama asew jiw ampathatpijiw, ja-am wut, xamalbej Dios padaelmaji nadofaxaelam. ⁵ Dios pejjamechan, chajia lelspon, jum-aech wut, jum-aechox: “Dios to'ak Espíritu Santo wajmatpuatanxotaliajwa. Espíritu Santo nejxasink xatis kaes pejme Dios nejxasinkaliajwas” —aechox. ⁶ Dios nakkajachawaet, naknejxasink xot. Dios pejjamechan, chajia lelspon, jum-aech wut, jum-aechox: “Dios jiw kajachawaet, japi nejchaxoel wut ampon: ‘Xan kaes pachaema-enil. Me-ama asew jiw, jachi-enil’ —aech wuti. Pe jiw nejchaxoel: ‘Xan kaes pachaeman. Me-ama asew jiw, jachi-enil’ —aech wuti, Dios kajachawaes-el japi jiw” —aech Dios pejjamechan, chajia lelspon. ⁷ Samata, jxatis naexasisfulaxaes Dios tato'alpox! Ja-am wut, Satanás xamal xapaeja wut isliajwam Satanás nejxasinkpon, isaximil babijax. Ja-am wut, Satanás atuaj najaesaxael xamalxot. ⁸ ¿Xamal Dios kaes chiekal xanaboerim! Ja-am wut, Dios kaes xamalxotchfulaxael. ¿Babijaxan isampoxan kofim! Xamal, Dios nejxasinkasiampim, jkamta kofim ampathatpijiw nejxasinkpon! ¿Dioskal nejxasinkde! ⁹ ¿Kofim xanejchachaemlampoxan, ampathatpijapan! Xamal babijaxan isam wut, nadalaxael. Samata, japoxanliajwa noeyaxaelambej. ¹⁰ Xamal Dios kawuajnam wut, jum-amde: “Xan babijaxan isx. Samata, pachaema-enil xan nanejxasinkaliajwam” —amde, Dios kawuajnam wut! Ja-am wut, Dios xamal kajachawaesaxael chiekal pachaemaliajwam.

Jesús pejuajan naexasiti nakaewa najumchiyaxil: “Ampi babejchow”

¹¹ Takoew, jxamal nabej jum-aech' babejjamechan asewliajwa, japi, naexasiti Jesús pejuajan! Kaen aton xamalxot jum-aech wut babejjamechan asan atonliajwa, japon aton, me-ama juez wut, ja-aechon. Japon diachwujnakolax naexasis-el Dios tato'alpox. Kaen Dios, japon juez. Samata, asamatkoi Dios jumchiyaxael kaenanula Jesús pejuajan naexasitiliajwa: “Japon aton chiekal pachaem” —chiyaxaelon, o, jumchiyaxaelon: “Japon aton chiekal pachaema-el” —chiyaxael Dios kaenanula jiwliajwa, Jesús pejuajan naexasitiliajwa. ¹² Kaen Dios waelt pejjamechan xatis japox naexasisliajwas. Japonbej juez. Samata, japon Dios, kaen, xajup jiw bu'welija, pomatkoicha duilaliajwapi Diosxotse. Xajupbejpon babejchow to'aliajwa japi kastikaliajwas pomatkoicha. Samata, Dios tapae-el xamal jumchiliajwam asew Jesús pejuajan naexasitiliajwa: “Japi jiw chiekal pachaema-el xot, Dios kastikaxaespi” —chiliajwam.

Xatis matabija-esalpon asamatkoi jachiyaxael xatisliajwa

¹³ ¿Chiekal naewe'e ampon! Xamalxot asew jiw jum-aech: “Amwutjel, o, kandiawa, fulaeyaxaes asapaklowax poxade. Jaxotde kaewaech chatoepaxaes. Jaxotde xabich

mowaxaes wejew. Xabich plata kanaxaes” —aech a sew jiw xamalxot. ¹⁴ ¡Xamal jasox nabej jum-aeché, chiekal matabija-emil xot kandiawa jachiyaxaelpox xamalliajwa! Matabija-emilbej, achamatkoi tɔpaxaelam. Kandiawasap itnoj nakola. Pe kamta toep. Me-ama itnoj kamta toep, xamalbej jachiyaxaelam, asamatkoi tɔpaxaelam wɔt. ¹⁵ Asamatkoi, xamal nejchaxoelam wɔt isaxaelampoxliajwa, jum-amde: “Dios naktapaei wɔt, laelpaxaes. Nabichaxaesbej. Ja-el wɔt, isaxaes asax pachaempox” —amde! ¹⁶ Pe nakiowa, xamal najut nejchaxoelam: “Xan matabijtax isaxaelenpox. Me-ama a sew jiw, jachi-enil” —am, nejchaxoelam wɔt. Japox nejchaxoelax pachaema-el, nejchaxoela-emil xot Dios nejxasinkpox. ¹⁷ Aton matabijt wɔt pachaempox isliajwa, pe is-el wɔton, ja-aech wɔt, japon aton pejbɔ'wɔajna xael Diosliajwa.

5

Santiago lelpox ampawɔajan naewɔajnalijwa kimaeya

¹ Xamal kimaenkampim, ¡chiekal naewe'e ampanaewɔajnaxan! ¡Amwɔtjel noem! ¡Noem, asamatkoi xabich nabijasaxaelam xot! ² Nejew tamejami toepaxael. Nejew ponan xabich itxaeyaxaesbej. ³ Nejew oro, platabej, asnadut wɔt, japoxan jiw taen wɔt, japi matabijaxael xamal nejew xanbich-emilpox kajachawaesliajwam jiw kijila. Samata, Dios xamal xabich kastikaxael, nejew xabich asbɔan jumch tamejam xot najutliajwa. ⁴ Jiw nabistpi nejew lulanxot, xamal japi mos-emil. Japi chapaei a sew jiw xot xamal naekichachajbampox japi jiw. Samata, wajpaklon Dios, xajɔpon puexa isliajwa, japon jumtaen nabistpi xamalliajwa jum-aechpoxan. ⁵ Xamal laelpam wɔt, najut isasiampoxan isfulam. Samata, xamal, me-ama pak, xabich dalpi wɔt pachaem xɔa'asliajwas, ja-am xamal, mox pawɔajna xot Dios xamal kastikaliajwa. ⁶ Xamal jiw tasalam, bɔ'wɔajanjilpi. Japi jiw xamal jumnos-el wɔt, xamal pabam wɔt, chiekal kijtam japi jiw.

Jesucristo pejme pasaxoekpox ampathat poxasik

⁷ Takoew, ¡xamal piach wɔajnaewesfulde wajpaklon pasaxoekpox! Jiw, pejlulanpi, wɔajnaewesful, matxoelapej-iam thilan wɔt pelaliajwa pejlulantat. Do jawɔx, pelapi wɔajnaewesful asamatkoi jolaliajwa. ⁸ Xamalbej kofaximil naexasitampox Jesús pejwɔajan. ¡Piach wɔajnaewesfulde chalechkal Jesús pejme pasaxoekpox!

⁹ Takoew, ¡nabej jum-aeché' babejjamechan nakaewaliajwa, a sew xamalxotpiliajwa, xamal bɔ'wɔajanjilialiajwam Diosxot! ¡Jasoxan nabej jum-aeché! Mox pawɔajna Dios jumchiliajwa kaenanɔla jiw babijaxan ispiliajwa. ¹⁰ Takoew, ¡nejchaxoelde profetasliajwa, chajia laelpiliajwa! Japi chiekal Dios xanaboeja, nabijasful wɔt, a sew jiw babijaxan is wɔt japiliajwa, japi naewɔajan wɔt Dios bɔxto'aspoxan. Japi nabijatpox malechaesal. Samata, japi boejtaliat, piach nabijat wɔt. ¡Xamalbej jachiyaxaelam! ¹¹ Jiw nabijasful wɔt a sew jiw pijaxtat, nakiowa Dios xanaboejaful wɔt, japi jiw nejchachaemil. Xamal wɔltaenambej Job xabich chajia nabijatpox. Ja-aech wɔt, japon nakiowa Dios xanaboejsful. Matabijambej, Job nabijasful wɔt, Dios xabich kajachawaesfulas, xabich beltaens xoton.

¹² Takoew, xan lelaxaelenpox kaes pejme pachaem xamal chiekal naexasisliajwam. A sew jiwliajwa jum-am wɔt, jum-amde diachwɔajnakolaxpoxkal! Samata, jumduwam wɔt isaxaelampoxan, jum-amde jumduwampoxkal! ¡Kaes pejme asaxan xamal nabej jum-aeché, a sew jiw xamal naexasisliajwa jumduwampoxan! Samata, ¡nabej jum-aeché'bej: “Xan diachwɔajnakolax isaxaelen jumdutxpo, Dios najumtaen xot” —nabej aeché! Japox isaxaelam wɔt, ¡kamta chiekal jum-amde: “¡Xan diachwɔajnakolax japox isaxaelen!” —amde! Japox jum-am wɔt, ¡japox chiekal isde! Japox is-elasiam wɔt, ¡kamta chiekal jum-amde: “¡Xan japox isaxinil!” —amde! Ja-am wɔt, Dios xamal kastikaxil, jumduwampoxanliajwa.

¹³ Kaen xamalxot nabijat wɔt, ¡japon pajut Dios nej kawɔajne! Kaen xamalxot nejchachaemlaful wɔtbej, japon jajuw wɔt, jumchiyaxael: “Dios, xam xabich pachaemam” —chiyaxaelon. ¹⁴ Kaen aton xamalxot bɔ'xaenk wɔt, ¡japon aton asan nej bɔxto'a

wallalaeliajwapon ancianos, japi naexasiti Jesús pejwujajan tataefulpi! Ancianos pat wut, japi ancianos Dios kawujanaxael bu'xaejan boejthulaliajwas. Ancianos olivosimint bu'joelaxaelpibej bu'xaejan, Dios kawujajan wuti. ¹⁵ Japi ancianos Dios kawujajan wut, nejchaxoelaxaeli: “Ampon, bu'xaejan, diachwujajakolax Dios boejthulsaxaeson” — aech wuti, nejchaxoel wut, diachwujajakolax bu'xaejan boejthulaxaes. Dios beltaeyaxaesbejpon majt babijaxan ispoxanliajwa. ¹⁶ Samata, japon bu'xaejan babijaxan majt is wut, chapaeyaxael ancianos jumtaeliajwa japi Dios kawujanjaliajwa. Ja-aech wut, bu'xaejan boejthulaxaes bu'xaenkpox. Aton, pachaempon Diosliajwa, japon xabich Dios kawujajan wut, Dios kajachawaesaxaeson. ¹⁷ Profeta Elías, me-ama xatis wut, ja-aechon. Chajiakolaxtat, japon Dios kawujajan wut, xabich kawujajan iam thilnasamata. Do jawux, tres waechan y medio iam thilna-el. ¹⁸ Do jawux, Elías pejme Dios kawujajan iam thilnaliajwa. Do ja-aech wut, iam thilan. Samata, muthapi chiekal naboela.

¹⁹ Takoew, xamalxot kaen aton Jesús pejwujajan naexasitpox koft wut, jasan xamalxot nej naewujajason, japon aton pejme naexasisliajwa Jesús pejwujajan! ²⁰ Jesús pejwujajan naexasitpon naewujajan wuton asan aton, japon kofslija babijaxan ispoxan, ja-aech wut, japon aton, Jesús pejwujajan naexasitpon, kajachawaet asan aton nafo'asamata Diosliajwa, pomatkoicha japon aton dukaliajwa Diosxotse. Ja-aech wut, naewujajason Dios beltaeyaxaeson xabich babijaxan ispoxanliajwa.

Matxoelacarta, Pedro lelpox, Jesús pejwɥajan naexasitiliajwa

Pedro lelpox carta Jesús pejwɥajan naexasitiliajwa

¹ Xan Pedro, Jesucristo pej-apóstolan, lelx ampacarta xamal Dios pejjiwampimliajwa. Xamal nejpaklowaxanxot amwɥtjel atɥaj nasaladuilampim. Asewam duilam Ponto tɥajɥxot. Asewam duilam Galacia tɥajɥxot. Asewam duilam Capadocia tɥajɥxot. Asewam duilam Asia tɥajɥxot. Asewam duilam Bitinia tɥajɥxot. ² Xamal nalaela-emil wɥt, waj-ax Dios chajia nejchaxoel, xamal makanosliajwa japon pejjiwaliajwam. Matabijtbejpon xamal isaxaelampox, pachaempoxan japonliajwa. Amwɥtjel xamal Espíritu Santo makanot naexasisliajwam Jesús pejwɥajan. Samata, amwɥtjel Dios xamal beltaen babijaxan isampoxanliajwa, Jesucristo tɥp xot. Xan Dios kawɥajnax xamal xabich kajachawaesliajwa chiekal duilaliajwam, asew jiw sɥapich.

Dios tapaejaxaelpox duilaliajwa Diosxotse naexasiti Jesús pejwɥajan

³ Xatis jɥmchiyaxaes Diosliajwa, japon wajpaklon Jesucristo paxliajwa: “Xam xabich pachaemam” —chiyaxaes. Jesucristo mat-ech xot pejme dukaliajwa, Dios xabich nakbeltaen xatis babijaxan isaspoxanliajwa. Samata, Diosliajwa, pajelnejchaxoelaxan xotch, me-ama jelnaelax wɥt, jatis amwɥtjel. Samata, wɥajnawesfulaxaes pomatkoicha duilaliajwas Diosxotse. ⁴ Jaxotse Dios nakchaxduiyaxael xabich pachaempox. Japox toepaxil. Ommaenkaxaelbejpon. ⁵ Japox Dios nakchaxdusaxael jaxotse, xanaboejas wɥt Cristo. Xatis ampathatat laelpas wɥt, Dios naktataeful. Asamatkoi, ampathatat matdukamatkoi wɥt, xatis matabijaxaes Dios nakchaxdusaxaelpox.

⁶ Samata, xabich nejchachaemlaxaelam, laelpam wɥt. Xamal nabijatam wɥt nejmachxapaejapoxantat, nakiowa xamal nejchachaemlaxaelam. ⁷ Dios tapaei wɥt xamal nabijasliajwam, jasoxtat Dios xamal xapaeja matabijsliajwapon, diachwɥajnakolax xamal chiekal naexasitam wɥt Jesucristo pejwɥajan. Jiw xapaeja oro jitat matabijaliajwa, diachwɥajnakolax orokola wɥt. Diosbej jachiyaxael xamalliajwa, xamal xapaeja wɥton Jesucristo pejwɥajan naexasitampoxliajwa. Japox kaes pejme ommaenk Diosliajwa. Me-ama oro, jachi-el. Japoxbej toepaxil. Xamal nabijatam wɥt, jnakiowa Dios xanaboejim! Ja-am wɥt, asamatkoi wajpaklon Jesucristo pask wɥt athɥeelsik, nejchachaemlaxaelon xamalliajwa.

⁸ Xamal najut tae-emil Jesucristo. Pe nakiowa, japon nejxasinkam. Naexasitambej japon pejwɥajan. Samata, nejchachaemlam japonliajwa. Japanejchachaemlax xabich pachaem xamalliajwa. Pe xajɥpa-emil asew jiw chiekal chanaekabuɥanaliajwam xamal nejchachaemlampoxliajwa, japibej matabijaliajwa, ma-aech nejchachaemlampox. ⁹ Dios xamal bu'weyaxael, naexasitam xot Jesucristo pejwɥajan.

¹⁰ Chajiakolaxtat profetas xabich estudia Dios pejjamechan. Wɥajnachaemtbejpi chiekal matabijaliajwa, machiyaxael Dios jiw bu'welija wɥt. Profetas matabija wɥt, japi naewɥajan jiw Dios beltaeyaxaesjapi babijaxan ispoxanliajwa. ¹¹ Profetas matabija Espíritu Santo pijaxtat Cristo nabijasaxaelpox puexa jiw babijaxan ispoxanliajwa. Matabijabejpi Cristo tɥpaxaelpox. Do jawɥt, pejme kaxaxoeipon pax Dios poxase ekaliajwa poklalel tato'laliajwapon, pax sɥapich. Samata, profetas nakaewa nawɥajnaemta wɥt, najɥm-aechi: “¿Achatkoiatkat, Cristo pasaxoek ampathatasik? Japon pask wɥt, ¿machiyaxaeskat xatis matabijaliajwas japon?” —na-aechi nakaewa.

¹² Profetas laelp wɥt, matabija asamatkoi japi pejwɥelela jachiyaxaelpox. Japox matabijapi, Dios kajachawaech xot. Samata, xatis amwɥtjel laelpaspis profetas pejwɥelela, matabijas japi profetas jɥm-aechpox Cristoliajwa, japox xatisliajwa. Amwɥtjel asew jiw japawɥajan naewɥajan asew jiwliajwa, japibej bu'welija wɥt. Japi naewɥajan wɥt asew jiwliajwa, Espíritu Santo kajachawaechpi. Japon Dios to'akaspon. Ángelesbej japoxan chiekal kaes matabijasia.

Dios nakmakanotpox xatis, Jesús pejuwajan naexasichpis, isasamatas babijaxan

¹³ Xamal Dios pejiwam xot, majt chiekal nejchaxoelde isaxaelampox! ¡Xamal najut chiekal natataefüldebej babijax isasamatam! ¡Wuajnewesfuldebej Jesús pasaxoekpox! Jesús pejme fuloek wut, Dios puexa xamal bu'weyaxael, me-ama Dios chajia jumdut xamal bu'welijawa babijaxan isampoxanliajwa. ¹⁴ ¡Isfulde waj-ax Dios tato'alpox! Nejchaxoelam wut, nabey nejchaxoele' babijaxan isliajwam, majt isampoxan, Dios naexasis-emil wutfuk! ¹⁵ ¡Duilafülde, me-ama Dios nejxasink! Japon xamal makanot japon pejiwaliajwam. Japon pajut pachaem. Babijax is-elon. ¹⁶ Dios pejjamechan, chajia lelspx, jum-aech wut, jum-aechox Dios jum-aechpox: “¡Nabey is babijax, xan xabich pachaeman xot!” —aechox.

¹⁷ Xamal Dios kawuajnam wut, jum-am: “Taj-ax Dios” —am. Dios puexa pejiw taen wut, paklochow, paklochowa-elibej, puexa chiekal taenpon. Samata, Dios jum-chiyaxael kaenanula jiw, babijaxan is wut, o, babijaxan is-el wut. Samata, ampathatat laelpam wut, pomatkoicha chiekal duilaxaelam Diosliajwa! ¹⁸ Xamal majt napeltam Diosliajwa, duilam xot, me-ama nejwuajnapijiw. Pe japox pachaema-el Diosliajwa. Xamal chiekal matabijam. Cristo tux mosliajwa xamal babijaxan isampoxanliajwa xamal bu'welijawapon. Cristo pejmosax toepaxil. Me-ama oro, platabej, jachiyaxil japox. ¹⁹ Cristo tuxpox xabich ommaenk, japon Dios paxulan xot. Samata, Cristo tux wut cruztat, moton jiw babijaxan ispoxanliajwa. Cristo boesas xatis babijaxan isaspoxanliajwa. Me-ama cordero chimian xua'las ofrenda isliajwa Diosliajwa, jatisbej Cristoliaw. ²⁰ Chajiakolaxtat, Dios is-el wutfuk ampathat, Dios nejchaxoel Cristo tuxpalijwa xatisliajwa. Baxael, Cristo nalaelt ampathatat dukaliajwa, tuxpalijwabej mosliawapon xatis babijaxan isaspoxanliajwa. ²¹ Xamal matabijam Cristo pejuwajan. Samata, chiekal Dios xanaboejam. Cristo tux wut cruztat, Dios mat-echpon pejme dukaliajwa. Jawux bufloespon athu poxase ekaliajwa pax Dios poklalel, puexa jiw tato'lalijwa. Samata, xamalbej Jesucristo pejuwajan naexasitam xot, Dios xanaboejam pomatkoicha duilalijwam japonxotse.

²² Amwutjel xamal kofam babijaxan isampoxan, naexasitam xot diachwuajnakolaxpox, Jesús pejuwajan. Samata, xamal chiekal nejxasinkam asew jiw, naexasiti Jesús pejuwajan. ¡Nakaewa chiekal nanejxasinkafülde! ²³ Jesús pejuwajan pomatkoichalijwa. Japox toepaxil. Naexasitam xot Jesús pejuwajan, xamal amwutjel, me-ama jelnalaelam wut, ja-am Diosliajwa, duilalijwam pomatkoicha Diosxotse. Xamal pejme nalaela-emil nej-ax pijaxtat. Me-ama majt nalaelam nej-enxot, jachi-emil. Samata, xamal nejnejchaxoelaxan, pajelnejchaxoelaxan, me-ama nej-axjiw nejnejchaxoelaxan, jachiel. ²⁴ Dios pejjamechan, chajia lelspx, pajut jum-aech toepaxilpoxliajwa:

“Puexa jiw, ampathatpijw, piach laelpalijwa-el. Me-ama naetalan piachliajwa-el. Selil wut, nachola satadik. Ja-aechlap-is jiw. Ja-aechbej jiw pejew, xabich pachaempoxan. Japoxanbej pomatkoichalijwa-el.

²⁵ Pe Dios pejjamechan toepaxil” —aechox.

Asew jiw japajamechan naewuajan Dios xamal bu'welijawa.

2

¹ Samata, jkofim puexa nejmachbabijaxan, majt isampoxan! ¡Kaes nabey naekichachajbe'bej! Babejchowam wut, me-ama pachaemam wut, nabey kabuan-aechbe'bej! ¡Nabey nusasiowle'bej asew jiw! ¡Nabey buxwuajanmaenke'bej asew jiwliajwa! ² Yamxi, jelnalaelapi, mitan af mamnikaliajwa. ¡Xamalbej Dios pejjamechan xabich nejxasinkde nejnejchaxoelaxan kaes mamnikaliajwa Diosliajwa! Dios pejjamechan, me-ama naxaeyaxan wut, ja-aech xamallijwa. Chiekal matabijam wut Dios pejjamechan, Dios kaes xanaboejaxaelam xamal bu'welijawa. ³ ¡Jachiyaxaelam xamal, chiekal matabijam xot Dios xabich pachaempon!

Amxot jum-aechpox Diosliajwa Jesucristo, me-ama matxoelapijt, ia't

⁴ ¡Xamal nejxasinkde kaes chiekal matabijaliajwam wajpaklon Jesucristo pejuwajan! Dios to'a japon tupaliajwa puexa jiwliajwa. Samata, Jesucristo, me-ama ia't, matxoela-echpot, xabich ommaenkpot, isliajwa Dios pejba, ja-aechon. Japon, me-ama ia't, mas-taenspot, ja-aechbejpon asew jiwliajwa. ⁵ Jesús pejuwajan naexasitam xot, Diosliajwa, xamalbej, me-ama ia' wut, ja-am Dios pejba isliajwa. Xamalbej, sacerdotes, najut Dios kawajnafulam xot, isfulam xotbej Dios pijax bichaxan. Xamal ja-amsfulam wut, Jesús pejiwam xot, Dios nejchachaemlaful xamalliajwa. ⁶ Dios pejjamechan, chajia lelspx, jum-aech wut, jum-aechox Dios jum-aechpox Jesucristoliajwa:

“Xan makafitxpon dukaxael Jerusalén paklowaxxot. Japon xabich kaes pachaem xot, me-ama ia't, kaes pejme pachaempot itfech-ia'xot, ja-aechon. Samata, jiw, naexasiti japon pejuwajan, asamatkoi japi jumchiyaxil: ‘¡Japon xanaboejas xot, napeltas Diosliajwa!’ —chiyaxil jiw” —aech Dios jum-aechpox Jesucristoliajwa.

⁷ Xamal nejchaxoelam wut Jesúsliajwa, jum-am: “Jesús, me-ama ia't, xabich kaes ommaenkpot, ja-aechon” —am, nejchaxoelam wut. Asewlax, Jesús pejuwajan naexasis-eli nejchaxoel: “Jesús, me-ama ia't, pachaema-elpot, ja-aechon” —aechpi, nejchaxoel wut. Jasox japi nejchaxoel Jesúsliajwa, pat xot Dios jumdutpox. Dios pejjamechan, chajia lelspx, jum-aech wut, jum-aechbejpx Jesúsliajwa:

“¡a'bachan ispi nejchaxoel: ‘Ampot, ia't, pachaema-el’ —aechi, nejchaxoel wut. Pe asew nejchaxoel wut japotliajwa, jumchiyaxael: ‘Ampot, ia't, kaes pejme pachaem’ —chiyaxaeli” —aechox Dios pejjamechan Jesúsliajwa.

⁸ Dios pejjamechan, chajia lelspx, jum-aech wut, jum-aechbejpx Jesúsliajwa:

“Japon, me-ama ia't, jiw tuakbebalaliajwa fiapaliajwa” —aechox Dios pejjamechan, chajia lelspx.

Jasox jum-aech Dios pejjamechan, asew jiw naexasisaxil xot Jesús pejuwajan.

⁹ Dios xamal makanot sacerdotesliajwam, japon tanbichliajwambej. Xamal amwutjel kofam babijaxan isfulampoxan, Dios pejiwam xot. Samata, jiw naewajnam puexa Dios ispxanliajwa, xabich pachaempoxan. Majt xamal matabija-emil wutfuk Jesús pejuwajan, nejnejchaxoelaxan, me-ama itkua'nik, babijaxan isfulam xot. Ja-am wut, Dios xamal tadut naexasisliajwam Jesús pejuwajan. Amwutjellax chiekal duilafulam. Samata, nejnejchaxoelaxan pachaem xot, me-ama itliak wut, ja-aech, naexasisfulam xot Jesús pejuwajan. ¹⁰ Xamal majt Dios pejiwa-emil. Amwutjellax Dios pejiwam. Dios majt xamal beltae-el. Amwutjel Dios xamal chiekal beltaen.

Jesús pejuwajan naexasiti, japi jiw duil Dios tanbichliajwa

¹¹ Takoew, xamal jum-an kaenanula chiekal nejchaxoelaliajwam: “Xan ampathatat lajaxaelen kaematkoianliajwa. Pelax xan asamatkoi dukaxaelen pomatkoicha Diosxotse” —chiliajwam, xamal nejchaxoelam wut. Samata, ¡nabej is babijaxan, xamal najut nejchaxoelampoxan! ¡Nejchaxoelde isliajwam pachaempoxan! ¹² Xamal duilam wut Dios naexasis-elpixot, nanuamtam wutbej, japi suapich, ¡chiekal duilde! Japi jum-aech wut xamalliajwa: “Japi jiw, babejchow” —aech wuti xamalliajwa, asamatkoi japi jiw pajut chiekal matabijaxael, xamal isampoxan xabich pachaem. Samata, jawut japi jiw jumchiyaxael Diosliajwa: “Dios, ¡xam xabich pachaemam!” —chiyaxaeli, Dios kastika wut jiw, babijaxan ispi.

¹³ Xamal Dios pejiwam xot, ¡puexa paklochow, ampathatpijiw tato'alpi, naexasisfulde! ¡Naexasisfuldebej rey, puexa jiw tato'alpon, japon kaes pejme paklon xot!

¹⁴ ¡Naexasisfuldebej gobernadores! Japi to'as kastikaliajwa jiw, babijaxan ispi. To'asbejpi jumchiliajwa jiw, ispi pachaempoxan: “Xamal isampoxan xabich pachaem” —chiliajwapi jiwliajwa. ¹⁵ Dios nejxasink xamal isliajwam pachaempoxan. Ja-am wut, jiw nejliakla wejilaxaes xamal tasalaliajwa.

¹⁶ Amwutjel xatis nakwewe'pa-el naexasisliajwas Moisés chajia lelpox. Pe nejchaxoelaxisal isliajwas babijaxan. Samata, ¡chiekal duilafulde! Me-ama asew jiw, Dios pejiwpi, chiekal duilaful, ¡xamalbej ja-amsfulde! ¹⁷ ¡Puexa jiw chiekal sitaembej! ¡Nejxasinkdebej

asew jiw, naexasiti Jesús pejwɔajan! ¡Chiekal sitaembej Dios! ¡Sitaembej rey, japon puexa jiw tato'al!

Machiyaxaelpox, Jesús pejwɔajan naexasiti, nabijat wut

¹⁸ Xamal esclavos, ¡chiekal sitaem naexasisliajwam nejpaklochow! ¡Nejpaklochow tato'alpoxan puexa isde chiekal! ¡Ja-amsfulde pomatkoicha, nejpaklochow pachaempi wut, o, pachaema-elpi wutbej! ¹⁹ Xamal is-emil wut babijax, pe nakiowa, nejpaklochow xamal kastika wut, ¡boejtaliasfulde! Japox asamatkoi pachaemaxael xamalliajwa, Dios wɔajnalelam wut. ²⁰ Pelax xamal babijaxan isam wut, nejpaklochow kastika wut, xamal boejtaliatampox, japox Diosliajwa pachaemaxil. Pelax xamal isfulam wut pachaempoxan, pe nabijatam wut boejtaliatampox, asamatkoi xamalliajwa xabich pachaemaxael, Dios wɔajnalelam wut. ²¹ Dios xamal makanot nabijasliajwam, Cristo majt nabijat xot xamalliajwa. Cristo, babijax is-elon, nabijat. Samata, xamalbej nabijasaxaelam. ²² Cristo babijax is-el. Chinax kaen aton naekichachajba-elbejpon. ²³ Asew jiw babejjamechan jumtis wut, Cristo jumnos-el babejjametat. Nabijat wutbejpon, japi jiw babijaxan is wut japonliajwa, thiya-elon. Cristolax tapaei japi Dios kastikaliajwas. Dios kastika wut jiw, babijaxan ispi, xabich babijaxan is-elpi, bijiat kastikaxaelon. Pelax jiw, xabich babijaxan ispi, japi xabich kastikaxaelon. ²⁴ Cristo cruztat tɔp xatis kofaliajwas babijaxan isaspoxan, me-ama Dios nejxasink. Tɔpon xatis nakbɔ'welija, pachaemaliajwas Diosliajwa. ²⁵ Majt xamal napeltam Diosliajwa. Me-ama oveja napeltpi, ja-am xamal. Amwɔtjel xamal Cristo pijaxtat Dios pejjiwam. Me-ama oveja tataefulpon chiekal tataeflaful pejew oveja, ja-aech Cristo, amwɔtjel xamal tataeflaful wuton.

3

Machiyaxaelpox nakjiyapi chiekal duilaliajwa

¹⁻² Xamal watho'am, nejmolpim, naewɔajnax chiekal naexasisliajwam nejmol. Nejmol, Jesús pejwɔajan naexasis-elpon wut, pe xam laejasiam wut, ¡chiekal kaelel laejim japonxot, me-ama Jesús xamal tato'al! ¡Sitaembej Dios! Xamal, watho'am, ja-am wut, nejmoljiwbej pajut naexasisaxael Jesús pejwɔajan, xamal naewɔajna-emil wut. ³ Xamal watho'am, nejmolpim, nejchaxoelam wut, ¡nabej nejchaxoele': "Xan kaes chamiowaliajwan chiekal matlapapu'waxaelen. Tajyiaftatbej duiyaxaelen xabich oro. Jachi-enil wut, xan naxoeyaxaelen yiafan, xabich ommaenkpi" —nabej aeche' xamal watho'am, nejchaxoelam wut! ⁴ Xamal watho'am, xabich chamiachwasiam wut, ¡nejchaxoelde pachaempoxan! ¡Naksiyambej chimiajamechan asew jiwliajwa! Ja-am wut, diachwɔajnakolax xabich chamiachwaxaelam nejnejchaxoelaxantat. Pe japox jiw taeyaxil. Japoxbej toepaxil. Japoxlap kaes Dios nejxasink xamal watho'amliajwa. ⁵ Chajiakolaxtat asew watho', Dios sitaenpi, pejnechaxoelaxantat xabich chamiachowpi. Japi watho' isful Dios nejxasinkpoxan. Dios xanaboefajfulbejpi. Chiekal naexasitbejpi, pamal to'as wut. ⁶ Ja-aechbej Sara, naexasisful wutow Abraham. Pamalliajwa jum-aech wut, jum-aechow: "Tajpaklon" —aechow. Samata, xamal watho'am, me-ama Sara paxi wut, jachiyaxaelam, isfulam wut pachaempoxan, nejlewlaxil wutbej nejmachliajwa.

⁷ Xamal poejwam, nejwatho'pim, kaenanɔla xamal naewɔajnax. ¡Nijow chiekal bɔ'laejim! ¡Nijow chiekal sitaembej, Dios japox to'a xot! Watho' pejpamamax najɔpael, poejwam pejpamamax sɔapich. Watho'bej pomatkoicha duilaxael Diosxotse. Samata, ¡xamal kaenanɔla poejwam chiekal sitaem nejwatho'! ¡Ja-amsfulde, xamal Dios kawɔajnam wut Dios chiekal jumtaeliajwa!

Jesús pejwɔajan naexasiti nabijasaxaelpox, asew jiw babijaxan is wut japijiajwa

⁸ Xamal naexasitam Jesús pejwɔajan. Samata, ¡xamal kaenechaxoelaxde! Asew jiw xamalxot nejchaemil wut, ¡kajachawae'e japi nejchachaemlaliajwa! Asew jiw xamalxot nejchachaemil wutbej, ja-aech wut, ¡xamalbej nejchachaemilde, japi jiw sɔapich! ¡Nejxasinkdebej asew jiw! Me-ama nakoewkola nejxasinkam wut, ¡ja-amde

asew jiwliajwa! ¡Nakaewa nabeltaembej! Nejchaxoelam wut, ¡nabej nejchaxoele': "Xan kaes pachaeman. Me-ama asew jiw, jachi-enil" —nabej aeche', nejchaxoelam wut asew jiwliajwa! ⁹ Asew babijaxan is wut xamalliajwa, ¡xamallax nabej is babijaxan japi jiwliajwa! Asew jiw babejjamechan jum-aech wutbej xamalliajwa, ¡xamallax nabej jum-aeche' babejjamechan japi jiwliajwa! ¡Asbuan jumch Dios chiekal kawuajande japi jiw Dios kajachawaesliajwas! Jasox Dios to'a xamal isliajwam, Dios kajachawaesliajwabej xamal. ¹⁰ Japoxliajwa Dios pejjamechan, chajia lelspx, jum-aech wut, jum-aechox:

"Xamal chiekal duilasiam wut, ¡nabej jum-aeche' babejjamechan asew jiwliajwa! ¡Nabej kichachajbe'bej!

¹¹ ¡Kofimbej babijaxan isampoxan! ¡Isfuldelax pachaempoxan! Nejchaxoelam wut, ¡nejchaxoelde chiekal, machiyaxaelam xamal pachaemaliajwam, asew jiw swapich!

¹² ¡Ja-amsfulde, japi Dios tataefulas xot, isfulpi pachaempoxan! Japi Dios kawuajan wut, Dios chiekal naewech. Pelax Dios kastikaxael jiw, babijaxan ispi" —aech Dios pejjamechan, chajia lelspx.

¹³ Isfulam wut pachaempoxan, ja-am wut, asew jiw isaxil babijaxan xamalliajwa.

¹⁴ Pe nakiowa, xamal nabijatam wut, asew jiw is xot babijax xamalliajwa, ¡chiekal nejchachaemilde! ¡Xamal nabej nejlewe'bej japi jiwliajwa! ¹⁵ ¡Pelax Cristo sitaem, wajpaklon xot! Nejchaxoelam wut, ¡majt chiekal nejchaxoelde jumnosliajwam, asew jiw xamal wuajnachaemt wut Dios xanaboejampoxanliajwa! ¹⁶ Asew jiw xamal wuajnachaemt wut, ¡chiekal jumno'e! ¡Japi jiw sitaembej! ¡Chiekal duilafuldebej, Cristo pejwuajan naexasitam xot! Samata, ¡najut chiekal matabijaxaelam xamal bu'wuajanjimilpox Diosliajwa! Ja-am wut, babejjamechan jum-aechpi xamalliajwa pajut nadasaxaeli, jum-aech xoti japoxan.

¹⁷ Dios nejxasink wut xamal nabijasliajwam, nawoesa kaes pejme pachaem xamal nabijasliajwam, isam wut pachaempoxan. Pe nabijatampox pachaemaxil, babijaxan isam wut. ¹⁸ Cristo nabijat, Dios nejxasink xot japon nabijasliajwa. Turbejpon xatisliajwa. Japon tur wut, japox kaevecesliajwa, pomatkoichaliajwabejpx. Samata, pejme turaxilon. Japon kaen xabich pachaem. Pe nakiowa, nabijat xatis babijaxan isaspoxanliajwa Dios nakbu'weliajwa. Japon diachwuajnakolax chiekal tur. Pe japon pej-espíritu turapel. ¹⁹ Jesús pej-espíritu fulaek jiw turi pej-aelan jias poxadik, naewuajnalajwapon japi pej-aelan. ²⁰ Japi jiw, turi, chajia duil ampathatat, Noé laeje wut. Japi jiw naexasis-el, Noé naewuajan wut Dios pejjamechan. Noé barkam isful wut, Dios piach wuajnowet japi jiw naexasisliajwa Noé naewuajanpox. Pothata bu'al wut, jawut ocho jiw asbuan jumch wia barkamtat. ²¹ Jatisbej, xatis kaenanula nakbautisa wut mintat. Xatis mintat juls wut, jiw japox taen wut, matabija Dios nakbu'wiapox, Cristo tur xot cruztat xatisliajwa. Nakbautisa-el asbuan jumch asjilaliajwas. Nakbautisalax puexa asew jiw matabijaliajwa, xatis Dios kawuajnaspi nakbeltaeliajwa babijaxan isaspoxanliajwa. Samata, wajpaklon Jesucristo tur wut, mat-echpon pejme dukaliajwa. Samata, xatis Dios nakbu'wia. ²² Jesucristo mat-ech wut, pejme duk wuton, fuloeipon athu poxase ekaliajwa pax Dios poklalel, Dios swapich, puexa jiw tato'laliajwa. Amwutjel, japon tato'al Dios pej-ángeles. Tato'albejpon puexa paklochow, Diosxotsepi.

4

Jesús pejwuajan naexasiti chiekal duilaxaelpox

¹ Cristo ampathatat wut, asew jiw babijaxan is wut japonliajwa, xabich nabijaton. Xamalbej nejchaxoelam wut, ¡nejchaxoelde nabijasaxaelampox! Nabijatam wut, ¡nabej nejchaxoele' babijaxan isliajwam! ² Ampathatat laelpam wut, ¡nabej is babijaxan nejchaxoelampoxan isliajwam! ¡Isfulde pachaempoxan Dios nejchachaemlaliajwa! ³ Majt Jesús pejwuajan naexasis-emil wutfuk, babijaxan isfulam, asew swapich. Me-ama Jesús pejwuajan naexasis-eli babijaxan is, ja-ambej xamal. Majt xabich nejchaxoelam asew watho' bu'moejsaxan. Fiestamatkoi wut, xamal saxtbej. Nejbachantat saxa afam wut,

pasaxt. Ídolos kawuajnambej. Pe amwütjel, japoxan kofam. ⁴ Majt nejnachalapi, japi amwütjel matabija-el, ma-aech xot xamal kofam isampoxan, japi suapich. Samata, japi babejjamechan jum-aechful xamalliajwa. ⁵ Asamatkoi, Dios pejuwajnalel wüt, kaenanula japi pajut jumchiyaxael, ma-aech xot babejjamechan jum-aechi xamalliajwa. Japamatkoi wüt, Dios kastikaxael jiw laelpifuk, jiw tãpibej. ⁶ Samata, Jesucristo pajut naewuajan pejuwajan, chimiawuajan, tãpi pej-aelan pejtãajnuotdik, japi napelsasamata Diosliajwa. Japatãajnupijiw chajia tãpi, me-ama Dios waelt patupax jiw tãpalaliajwa.

⁷ Mox pawuajnalis ampathat toepaliajwa. Samata, ðchiekal duilafulde babijax isasamatam! Dios kawuajnam wüt, ðchiekal kawuajande! ⁸ Kaes pejme pachaempox, nakaewa nanejxasinkampox. Nakaewa nanejxasinkam wüt, ja-am wüt, xamalxot jiw babijaxan is wüt xamalliajwa, japi beltaem! ⁹ ðXamal nakaewa chiekal nabu'kulim nejbachantat! ¹⁰ Xamal kaenanula Dios kajachawaet isliajwam asabichaxan, asew naexasiti Jesús pejuwajan kajachawaesliajwam. Samata, ðxamal kaenanula kajachawaesfulde asew jiw, Jesús pejuwajan naexasiti! ¹¹ Dios naexasitpon, jãpon nej naewuajne' asew jiw, me-ama Dios buxto'aspon jiw naewuajnalialjwa! Asanbej kajachawaet wüt asew jiw, jãpon nej kajachawaes, Dios kajachawaech xoton! Xamal Cristo pejiwam xot, jpuexa chiekal isde asew jiw sitaeliajwa Dios! Dios, puexa jiw tato'al. Japon xabich mamnik pomatkoichaliajwa. jãsox nej ja-aech' Diosliajwa!

Jesús pejuwajan naexasiti nejchachaemlaxaelpox, nabijat wüt

¹² Takoew, jnabej belwe', nabijatam wüt, asew jiw babijaxan is wüt xamalliajwa! Majt xamal nabijasaxaelam Dios matabijsliajwa, diachwuajnakolax xamal japon chiekal xanaboejam wüt. ¹³ Xamal nabijatam wüt, me-ama Cristo nabijat, ja-am wüt, ðxamal nejchachaemilde! Asamatkoi, Cristo fuloek wüt puexa jiw tato'laliajwa, japox xamal taenam wüt, ðxabich nejchachaemilde! ¹⁴ Asew jiw babejjamechan jum-aech wüt xamalliajwa, Jesús pejuwajan naexasitam xot, jawüt Dios pej-Espíritu Santo, xabich pachaempon, xamal chalaxael. Samata, jnejchachaemilde! ¹⁵ Asew jiw nabijat, ba xoti asew jiw, natkowa xotbejpi asew jiw pejew, matxandadut xotbejpi asew jiw pijaxan. ðXamal jãsox nabej is, jãsoxtat nabijasasamatam! ¹⁶ Xamal nabijatam wüt, naexasitam xot Jesús pejuwajan, ðxamal nabej nadale! Ja-am wüt, jgracias-amde Diosliajwa, xamal makanot xoton naexasisliajwam Jesús pejuwajan!

¹⁷ Mox pawuajnalis Dios jumchiliajwa jiw kaenanula ispoxanliajwa. Xatis, Dios pejiw, matxoela nakjumchiyaxaelon kaenanula isaspoxanliajwa. Do jawux, jiw naexasis-elpi Dios pejjamechan, japi jiw kaenanula jumchiyaxaes ispoxanliajwa. Do jawüt, kastikaxaesbejpi. ¹⁸ Jiw pachaempi Dios bu'welialjwas tampoel wüt, ðmachiyaxaelkatlax babejchow bu'welialjwas, japi naexasis-elpi Dios? Diachwuajnakolax japi jiwlap napelsaxael Diosliajwa. ¹⁹ Dios nejxasink wüt, xamal nabijasaxaelam. Ja-am wüt, jide pachaempoxan! ðDios xanaboejimbej xamal kajachawaesliajwa! Dios xamal is duilaliajwam ampathatat. Japon jumdut wüt, diach ji-isbejpon.

5

Naewuajntaxan paklochowliajwa, Jesús pejuwajan naexasiti

¹ Ma amwüt naewuajntaxaelen nejpaklochow, japi nej-ancianos. Japi ancianos tataefliful kaenanula xamal, Jesús pejuwajan naexasitampim. Xanbej ancianowan. Me-ama japi, ja-anbej xan. Xan taenx, Cristo nabijat wüt, tãp wuton cruztat. Asamatkoi, Cristo pejme pask wüt tato'laliajwa, jawüt xanbej naktato'laxaelen, ancianos suapich. ² Xamal ancianos, ðchiekal tataefulde naexasiti Jesús pejuwajan! Japi jiw, me-ama oveja, ja-aech. Dios xamal to'a japi jiw chiekal tataeflialiajwam. Samata, ðchiekal tataefulde! Me-ama Dios nejxasink tataeflialiajwam, jã-amsfulde! Nejchaxoelam wüt, jnabej nejchaxoele': "Xan nejwesla japi jiw tataeflialiajwan. Pe nakiowa, tataeflax, Dios nato'a xot" —nabej aech', nejchaxoelam wüt! jNabej nejchaxoele'bej: "Namot wüt, chiekal tataeflaxaelen" —nabej aech', nejchaxoelam wüt! ³ Xamal Dios to'a japi jiw chiekal tataeflialiajwam.

Tato'lam wut, ¡chiekal tato'alde! Me-ama asew paklochow, jiw tato'al wut, tato'ali, me-ama pej-esclavos wut, ja-aechi pejiwliajwa. ¡Xamallax nabej ja-aeché' jasox! ¡Jesús pejuajan naexasiti, japi jiw chiekal tato'alde, japi jiw xamal nakxataeliajwa! ⁴ Cristo wajpaklokolan, japon naktato'al puexa japon pejuajan naexasichpis. Samata, pask wuton, japon xamal kaenanula chaxduiyaxael corona, xabich pachaempox. Japox pomatkoichaliajwa. Toepaxilpox.

⁵ Ma amwut naewuajnaaxaelenbej, xamal pansiachwam. Ancianos xamal tato'al wut, ¡chiekal naexasi'e! Kaenanula nakaewa nakajachawaetam wut, nejchaxoelam wutbej, ¡nejchaxoelde: “Xan kaes pejme pachaema-enil. Me-ama asew jiw, pachaempi, xan jachi-enil” —amde, nejchaxoelam wut! Dios pejjamechan, chajia lelspx, jum-aech:

“Dios nejwesla jiw jum-aechpi: ‘Xan kaes pejme pachaeman. Me-ama asew jiw, pachaema-elpi, jachi-enil’ —aechpi. Pelax Dios kajachawaet jiw jum-aechpi: ‘Xan kaes pejme pachaema-enil. Me-ama asew jiw, pachaempi, xan jachi-enil’ —aechpi” —aechox Dios pejjamechan, chajia lelspx.

⁶ Samata, xamal, Dios mamnikpon matabijam xot, nejchaxoelam wut, ¡nejchaxoelde: “Xan kaes pejme pachaema-enil. Me-ama asew jiw, pachaempi, jachi-enil” —amde, nejchaxoelam wut! Asamatkoi, japon xamal kajachawaet wut, jiw xamal sitaeyaxael.

⁷ ¡Dios kawuajande xamal wewe'ppoxan kajachawaesliajwa, Dios xamal tataeflaful xot! Samata, xabich nejchaxoelam wut, ¡nejchaxoelde japoxanliajwa!

⁸ Xamal, naexasitampim Jesús pejuajan, ¡chiekal taem! Nuth chachoel, jumbe'a wut. Nuth choefan jalwek xaeliajwa. Nadaelman Satanás, ja-aechbej, nanamt wut tabesliajwapon xamal, Dios xanaboejampim. ⁹ Satanás xamal naekichachajbasia wut, xamal naekichachajbasamata, ¡Dios chiekal xanaboejim! Xamal matabijam, potuajnucha wajkoew, naexasiti Jesús pejuajan, xabich nabijat. Me-ama xamal nabijatam wut, ja-aech japi. ¹⁰ Xamal kaematkoijan nabijatam wut, Dios kajachawaesaxael chiekal pachaemaliajwam, Dios kaes xanaboejalijwambej. Dios nejxasink xot, nakmakanot pomatkoicha duilaliajwas Diosxotse, xatis Jesucristo pejiws xot. ¹¹ Dios puexa jiw tato'laxael pomatkoicha. ¡Jasox nej ja-aeché' Diosliajwa!

Pedro toesliajwa wut ampacarta, saludo xato'apox Jesús pejuajan naexasitiliajwa

¹² Silvano, me-ama takoewan, japon naexasit xot Jesús pejuajan. Silvano naka-jachawaet ampox carta, cha-aelaxach, lelaliajwan, xamal poxade xato'aliajwan. Ampox xamal chiekal naewuajnaax Jesús pejuajan chiekal naexasisliajwam. Dios xatis chiekal nakkajachawaesful xot, matabijas, diachwuajnakolax Dios naknejxasink. Samata, ¡nabej kofe' Dios xanaboejampox!

¹³ Jesús pejuajan naexasiti, Babilonia paklowaxpijw, xato'a saludos xamalliajwa. Japi Dios makanoch pejiwaliajwa, me-ama xamal, jachiliajwa. Marcosbej, xato'a saludos xamalliajwa. Japon Marcos, me-ama taxulan wut, ja-aechon. ¹⁴ ¡Xamal nakaewa chiekal nasaludam, nakaewa chiekal nanejxasinkam xot, Jesús pejuajan naexasitam xot!

Puexa xamal nejxasinkax chiekal duilaliajwam, asew jiw suapich.

Wachakalcarta, Pedro lelpox, Jesús pejwɔajan naexasitiliajwa

Pedro lelpox carta Jesús pejwɔajan naexasitiliajwa

¹ Xan Simón Pedro, Jesucristo pej-apóstolan, lelx ampox carta. Xan nabistax Jesucristoliajwa, nato'a xot xamal naewɔajnalijwan japon pejwɔajan. Lelx ampox carta xato'aliajwan xamal poxade, xamalbej naexasitam xot Jesús pejwɔajan, me-ama xan. Jesús tɔp xatis nakbu'welijwa. Samata, Jesús pejpatɔpax xabich pa-om Diosliajwa, xatisliajwabej. Jesucristo xatis nakbu'wia. Japon pajut Dioslape. Xabich pachaembejpon. ² Dios kawɔajnax xamal xabich kajachawaesliajwapon. Kawɔajnaxbej kaes Dios xanaboelijawam. Xamal jachiyaxaelam, Dios chiekal matabijam wɔt, wajpaklon Jesucristobej.

Machiyaxaelpox Jesús pejwɔajan naexasiti

³ Dios puexa nakchaxduw nakwewe'ppoxan xatis Jesucristo pejwɔajan chiekal naexasitiliajwas, chiekal duilaliajwasbej, me-ama Dios nejxasink. Jasoxtat Dios puexa nakchaxduw, Cristo chiekal matabijas xot. Dios nakmakanot, me-ama japon xabich pachaem, jachiliajwas, xatis nakkajachawaesaxtat. ⁴ Samata, xatis Jesucristo pejwɔajan naexasichpis, Dios chiekal nakkajachawaet, me-ama jumdut, isasamatas pachaema-elpoxan, me-ama asew jiw, ampathatpijiw, isful pachaema-elpoxan, jachisamatas xatis. Samata, xatisbej isfulaxaes pachaempoxan, me-ama Dios isful. ⁵ Samata, Jesucristo pejwɔajan naexasitam xot, xamal puexa nej pamamaxtat isfulde pachaempoxan! Ja-am wɔt, kaes chiekal matabijaxaelam Dios nejxasinkpox isfulaliajwam. ⁶ Ja-am wɔt, kaes chiekal matabijaxaelam boejtaliasliajwam babijaxan isasamatam. Satanás piach xamal xapaaja wɔt, matabijaxaelam kaes chiekal xanaboelijawam Dios. Ja-am wɔt, matabijaxaelam chiekal duilaliajwam, me-ama Dios nejxasink. ⁷ Ja-am wɔt, xamal kaes chiekal matabijaxaelam kajachawaesliajwam asew jiw, naexasiti Jesús pejwɔajan. Ja-am wɔt, kaes chiekal matabijaxaelam nakaewa nanejxasinkaliajwam, me-ama nakoew nejxasinkam wɔt, jachiliajwam. Ja-am wɔtbej, kaes chiekal matabijaxaelam nejxasinkaliajwam asew jiwbej, me-ama Dios xamal nejxasink.

⁸ Puexa japoxan matabijam wɔt, kaes pejme pachaemaxael. Kaes matabijaxaelambej wajpaklon Jesucristo. Samata, chiekal nabichaxaelambej Jesucristoliajwa. ⁹ Japoxan chiekal matabija-emil wɔt, matabijaximil chiekal duilaliajwam, me-ama Dios nejxasink. Ja-am wɔt, xamal, me-ama itliakla, o, atɔaj taeyaxilpi fulaeliajwa, jachiyaxaelam xamal Diosliajwa. Jachiyaxaelam, xamal nejkio waxaelam xot Dios, japon beltaenpon babijaxan isampoxanliajwa. ¹⁰ Samata, takoew, xchiekal duilafulde asew jiw taeliajwa xamal Dios pejjiwampim! Ja-am wɔt, xnabej kofe' Dios naexasitampox! ¹¹ Ja-am wɔt, wajpaklon Jesucristo, xatis nakbu'wiapon, japon pijaxtat Dios tapaeyaxael pasliajwam Diosxotse, pomatkoicha wajpaklon Jesucristo tato'axotse.

¹² Xamal japoxan chiekal matabijam. Pe kaes xamal naewɔajnaxaelen chiekal nejchaxoelaliajwam. Chiekal naexasitam Jesús pejwɔajan, asew jiw chajia xamal naewɔajanpox. ¹³ Xan ampathatat laejax wɔtɔuk, xamal naewɔajnafulaxaelen chiekal nejchaxoelaliajwam japawɔajan. ¹⁴ Wajpaklon Jesucristo pijaxtat xan matabijtax xan nawemoxpox tɔpaliajwan. ¹⁵ Pe ampamatkoijan chiekal naewɔajnafulaxaelen Jesús pejwɔajan, asamatkoi, xan tajwɔlela, xamal nejchaxoelaliajwam xan naewɔajnaxpoxan.

Apóstoles taenpox Jesucristo pejpamamax

¹⁶ Majt xamal Jesús pejwɔajan naewɔajnax wɔt, xanal jum-an: “Wajpaklon Jesucristo xajɔp puexa isliajwa. Japon pejme pasaxoek athɔlelsik” —an xanal. Japawɔajan asew jiw pajut faeka-el. Xanal tajut chiekal taenx wajpaklon Jesucristo pejpamamax. Samata, xanal chiekal matabijax, diachwɔajnakolax japon pejme kaxaxoek. ¹⁷ Xanal wajpaklon Jesucristo taenx wɔt mɔaxmatwɔajtat, jawɔt pax Dios xanal najum-aech

Jesucristo diachwujnakolax xabich pachaempon. Jawut athulelsik Dios, xabich mamnikpon, jum-aechon paxulanliajwa: “Ampon taxulan, xabich nejxasinkaxpon. Xabich nejchachaemlax japonliajwa” —aech Dios xanalliajwa. ¹⁸ Xanal, Jesús suapichan wut, muaxmatwujtatan wut, tajut japox chiekal jumtaenx, Dios athulelsik jum-aechsik wut.

¹⁹ Samata, xanal Jesucristo taenx wut japamuaxmatwujtat, kaes chiekal naexasitx profetas chajia jum-aechpoxan, japoxan chiekal ja-aech xotlisox. Samata, jchiekal naexasisfulde profetas jum-aechpoxan babijaxan isasamatam! Profetas chajia jum-aechpoxan diachwujnakolax. Xamal matabijam wut profetas jum-aechpoxan, matabijaxaelambej isliajwam Dios nejxasinkpoxan, babijaxan isasamatam. Samata, profetas jum-aechpoxan, me-ama lámpara wut, ja-aechox. Me-ama aton wewe'pas lámpara itkua'nik wut, matabijsliajwa fulaeyaxael poxade, ja-aech profetas naewujjanpoxan. Asamatkoi Cristo pejme pask wut, japon pajut chiekal xamal kajachawaesaxael puexa chiekal matabijaliajwam. ²⁰ Xamal chiekal matabijam, profetas chajia lel wut Dios pejjamechan, kaen japixot lela-el pajut pejnechaxoelaxtat. Japoxan pajut faekaelbejpi. ²¹ Profetas jum-aech wut asamatkoi jachiyaxaelpoxanliajwa, jumchi-el pajut nejchaxoelpoxan. Japilax jum-aech Dios pijaxtat, me-ama Espiritu Santo buxto'as.

2

Asamatkoi asew naewujnaxaelpox naekichachajbaliajwas Jesús pejuwajan naexasiti

¹ Chajiakolaxtat nakaiejudios naekichachajba. Japi profetakola-elpi. Asamatkoi japox jachiyaxaelbej xamalxot. Asew jiw pasaxael xamalxot. Japi xamal naewujnaxael asawujjan naekichachajbaliajwa. Pe japawujjan diachwujnakolaxil. Japi pajut kofaxael Jesús pejuwajan naexasitpox, japon motpon japi jiw babijaxan ispoxanliajwa. Xabich isaxaelbejpi babijaxan. Samata, Dios kamta toesaxaesi, japi jiw kastikas wut. ² Xamalxot pasaxaelpi asawujjan naewujnaliajwa, japi jiw naewujnaxael japawujjan. Naewujjan wut, xabich jiw xamalxot isaxael babijaxan. Samata, Jesús pejuwajan naexasis-eli babejjamechan jumchiyaxael xatis Jesús pejuwajan naexasichpoxliajwa. ³ Japi jiw, asawujjan naewujnaxaelpi xamalxot, naewujnaxael xamal naekichachajbaliajwa, plata japi mosliajwam. Dios nejchaxoel japi jiw kastikaliajwa. Samata, diachwujnakolax asamatkoi japi jiw Dios kastikaxaes.

⁴ Chajiakolaxtat Dios beltæ-el asew ángeles, babijaxan is wut. Japi peldikon infierno poxadik. Japi ángeles muaxwasixawaeks cadenamwatan. Jaxotdik itkua'nik. Asamatkoi, kastikamatkoi pat wut, Dios kastikaxael japi ángeles. ⁵ Chajiakolaxtat Noé xabich jiw fiat japi jiw babijaxan is-elaliajwa, chiekal duilaliajwapi. Dios beltæ-el, japi jiw kastika wuton. Samata, Dios xabich pina-iam to'a thilnaliajwa, that bu'laliajwa, jiwbej. Jawut Dios bu'wia kaen Noé, japon pijowbej, japon paxibej, japi pejwatho'bej. ⁶ Chajiakolaxtat Dios toejaf jitat Sodoma paklowaxpijiw, Gomorra paklowaxpijiwbej. Do jawut, thumbakal chiekal nama. Jasoxtat Dios jiw toejaf jitat, asew wachakalpijiwbej matabijaliajwa babijaxan isasamata, japibej kastikasamatas. ⁷ Dios toejaf wut japakolepaklowax, jawut kaen Lot bu'wias, duk xoton, me-ama Dios nejxasink. Dios toejafa-el wutfuk, japi jiw xabich babijaxan isful wut, Lot xabich nejxaejwas japakolepaklowaxpijiwliajwa. ⁸ Lot duk wut Sodoma paklowaxxot, japon is pachaempoxan. Pomatkoicha xabich nejxaejwas, taen wuton, wultaen wutbejpon, asew jiw babijaxan ispoxan.

⁹ Samata, matabijas, Dios xajup kajachawaesliajwa jiw, japi Dios xanaboejapi, bu'welialjwas, xapaejas wuti. Kastikamatkoi pat wut, Dios kastikaxael jiw, babijaxan ispi. ¹⁰ Poejiw, asew watho' bu'moejtpi, japi poejiw kaes pejme kastikaxaes Dios. Jiw, nejweslapi wajpaklon tato'laspoxan, japibej Dios kastikaxaes. Xamalxot pasaxaelpi, japi jiw xamal naekichachajbaxael. Japi jiw chinax kaen aton sitaeyaxil. Nejchaxoelaxaeli: “Xatis kaes pejme matabijas. Me-ama asew jiw, jachi-esal” —chiyaxaeli, nejchaxoel wut. Buxlewaxilbejpi babejjamechan jumchiliajwa ángelesliajwa. ¹¹ Ángeles kaes mamnik. Kaes xajupbejpi tato'laliajwa. Me-ama xamalxot pasaxaelpi, jachi-el ángeles.

Pe nakiowa, ángeles tasalaxil wajpaklon pejuwajnalel xamalxot pasaxaelpi asawwajan xamal naewwajnalialjwa.

¹² Xamalxot pasaxaelpi, japi jiw, me-ama pejmachoeff. Samata, nejchaxoel wut, nejchaxoelaxili pachaempoxan. Isasiapoxan isaxaeli. Me-ama pejmachoeff beliajwas wut, jachiyaxaesbejpi, asamatkoi, Dios chalechkal toesliajwas wut. ¹³ Asew jiw xabich nabijasaxael xamalxot pasaxaelpi pijaxtat. Samata, xamalxot pasaxaelpi, asamatkoi japi xabich nabijasaxael. Japi jiw babijaxan is wut, asbuan jumch nejchachaemili. Xamal suapich, japi jiw kaenejchaxoelaxil. Pe nakiowa, japi naknatamejlaxael, xamal suapich. Fiesta isam wut, japijibej nakxaeyaxael. Fiesta wut, xabich babijaxan isaxaeli. Japi jasox is wut, jumchiyaxaeli xamal naekichachajbalialjwa: “Xanal ampox isx wut, Diosliajwa chiekal pachaem” —chiyaxaeli. Japi babijaxan is wut, xamal xabich nadalaxael japi jiwliajwa.

¹⁴ Japi poejiw, asew watho' taen wut, nejchaxoel bu'moejsaxan. Japi jiw babijaxan isful wut, damla-el. Naekichachajbabejpi asew jiw babijaxan isliajwa, japi jiw pejx-anaboejaxan chiekal mamnika-elpi Diosliajwa. Puexa taen wut, xabich nejxasinkbejpi pajutliajwakal. Samata, asamatkoi japi Dios kastikaxaes. ¹⁵ Japi jiw duil wut, chiekal napelt Diosliajwa, diachwajnakolax Dios naexasis-el xoti. Me-ama chajiakolaxtat profeta Balaam, Beor paxulan, nejchaxoel babijax isliajwa xabich plata kanaliajwa, ja-aechbej japi jiw. ¹⁶ Balaam fulaech wut babijax isliajwa, chalechkal nuamtat pijan bur naksiyaspon Dios pijaxtat. Me-ama aton chapaeis wut, jajumtispon pijan bur, Balaam fulae-elaliajwa. Samata, Balaam, is-el isasiapox, nejliaklax.

¹⁷ Xamalxot pasaxaelpi naewwajnalialjwa, japi naewwajanpox diachwajnakolaxil. Japi naewwajanpoxbej asaxliajwa pachaemaxil. Satlel min nakakolsanxot minjil wut, chaemil. Pachaema-elbej asaxliajwa. Itlojen iampibej, thilna-el wut, joewa xafos wutbej, japi itlojen pachaema-elbej asaxliajwa. Jachiyaxaelbej japi jiw naewwajnaelapoxan xamallialjwa. Chinax asaxliajwa pachaemaxil. Samata, japi jiw asamatkoi Dios xabich kastikaxaes. Pomatkoicha duilaxaeli itkuataxxot. ¹⁸ Pasaxaelpi xamalxot, japi nakaewa najum-aech: “Xatis kaes pachaems. Me-ama asew jiw, jachi-esal” —na-aechi nakaewaliajwa. Jum-aechbejpi nejliaklaxan asew jiw naekichachajbalialjwa babijaxan isliajwa, japi suapich. Samata, japi jiw jum-aech, babijaxan is wut: “Ampox, xatis isasiapox, pachaem isliajwas” —aechi. Jasox jum-aechi jelnaexasitpiliajwa Dios, ma amwutjel kofapi babijaxan ispoxan. ¹⁹ Jum-aechbejpi: “Xamal it-ele-el Dios fiatpoxan. Samata, jisasiampoxan isde!” —aechi asew jiwliajwa. Pe japi jiw is-el Dios nejxasinkpoxan. Kofa-elbejpi babijaxan ispoxan. Samata, japi jiw, me-ama babijaxan tato'lafulas wut, jatisipox. ²⁰ Jiw matabijapi wajpaklon Jesús, japon nakbu'wiapon, japi jiw kofa wut babijaxan ispoxan, ampathatpijiw ispoxan, japi jiw pejme is wut babijaxan, pajut nejxasinkpoxan, ja-aech wut, japi jiw kaes xabich pejbu'wujajan Diosliajwa. Me-ama majt pejbu'wujajan wut, jachi-eli. ²¹ Japi jiw kofa wut Jesús pejuwajan naexasitpox, diachwajnakolax japi jiw Diosliajwa xabich pejbu'wujajan. Kaes pachaemaxael, japi matabijaxil wut Jesús pejuwajan. Pelisi japi matabija xot Jesús pejuwajan, pachaemael japi jiw kofaliajwa Jesús pejuwajan naexasitpox. ²² Jiw kofa wut Jesús pejuwajan naexasitpox babijaxan pejme isfulaliajwa, japi jiw, me-ama asew jiw jumtispi: “Wur pajut chakapox pejme xael” —tispi. Japijibej diachwajnakolax, me-ama asew jiw jumtispi: “Maran, jematwaenson, pejme sap naju'a” —tispi.

3

Jesucristo pejme pasaxaelpox ampathatasik

¹ Takoew, xamal xabich nejxasinkaxpim, chajia asacarta xato'ax xamallialjwa. Samata, amwutjel wachakalpijx carta lelx xamal naewwajnalialjwan, nejchaxoelaliajwam pachaempoxan. ² ¡Chiekal nejchaxoelde chajiakolaxtat Dios pejprofetas jum-aechpoxan! ¡Nejchaxoeldebej wajpaklon Jesucristo tato'alpox, japon nakbu'wiapon! Japuwajan apóstoles xamal naewwajan.

³ ¡Chiekal nejchaxoeldebej xan lelaxaelenpox kaes pejme matabijaliajwam! Mox pawuajna wut ampathat toepaliajwa, japamatkoijan asew jiw pasaxael xamalxot. Japi pajut isasiapoxan, babijaxan, xabich isaxael. Japi jiw xamal xafafolaxaelbej, bu'wuajanpaei wut Jesús xanaboiejampoxliajwa. ⁴ Xamal jumchiyaxaeli: “Cristo chajia pajut jumdut pejme pasliajwapox. ¿Ma-aech xotkat Cristo pejme pas-elfuk? Wajwuajnapijiw xabich piach wuajnewesful Cristo pasaxaelpox. Pe japi asbuan jumch tupaful tae-elaxtat. Me-ama Dios ampathat is wut, ja-aechlisox puexa. Samata, Cristo pejme pasaxil” —chiyaxael japi jiw xamalliajwa. ⁵ Pasaxaelpi xamalxot, japi nejwesla pajut matabijaliajwa, chajiakolaxtat Dios is that, thatbaxobej. Japi nejweslabej pajut matabijaliajwa, sat nakolsanpox minxotsin Dios pejjamet. ⁶ Chajiakolaxtat Dios tapaei that bu'laliajwa. Jawut jiw bu'al pothata, pejew suapich. ⁷ Thatbaxotat, ampathatatbej, amwutjel taenspoxan, japoxan pachaemsful Dios pijaxtat. Asamatkoi, Dios pajut japoxan toejafaxael jitat, kastikamatkoi pat wut. Puexa jiwbej, japi Dios naexasis-elpi, toejafaxaes.

⁸ Takoew, xamal xabich nejxasinkaxpim, wajpaklon Cristoliajwa mil waechan wut, me-ama kaematkoi wut, ja-aech japonliajwa. Japonliajwabej, kaematkoi, me-ama mil waechan wut, ja-aech. Samata, japox nabej nejkiowe'!

⁹ Asew jiw nejchaxoel: “Cristo makach pasaxil, me-ama chajia jumdut pasliajwa” — aechi asbuan jumch, nejchaxoel wut. Wajpaklon nejthisla-ele-el pasliajwa. Japon piniamatkoijan wuajnewesful. Nejthis-elon. Pasaxilfukon, asew jiw naexasis-el xotfuk japon pejuajan. Nejweslapon kaen aton nafa'aliajwa Diosliajwa. Nejxasinkon puexa jiw kofaliajwa babijaxan ispoxan, japi jiw isliajwa pachaempoxan.

¹⁰ Asamatkoi wajpaklon chalechkal pejme pasaxael. Me-ama kithakan chalechkal pat wut, jachiyaxael, wajpaklon pejme pask wut. Jawut, xabich thiachoenk wut, toepaxael thatbaxo. Puexa athupijiwbej toejwaxaes. Puexa ampathatat taenspibej, japoxan chiekal toejwaxaes.

¹¹ Jasoxtat puexa chiekal toepaxael. Samata, ¡chiekal duilafulde, me-ama Dios nejxasink xamal duilafulaliajwam! ¹² ¡Dios markpox, matkoi, wuajnewesfulde Jesús pejme pasliajwasik! ¡Isfulde Dios pejbichax japamatkoi kamtalejen pasliajwa! Japamatkoi pat wut, thatbaxo toejwaxaes. Ju'waxaesbej ampathat. ¹³ Do jawux, Dios isaxael pajelthatbaxo, pajelthatbej, me-ama chajia jumduton. Samata, xatis wuajnewesfulaxaes japoxan taeliajwas. Pajelthat wut, puexa jiw isfulaxael pachaempoxankal.

¹⁴ Samata, xamal takoew, nejxasinkaxpim, ¡wuajnewesfulde pajelthatbaxo, pajelthatbej! ¡Pachaempoxankal isfuldebej! Ja-amsfulam wut, wajpaklon pask wut, xabich nejchachaemlaxaelon xamalliajwa.

¹⁵ ¡Chiekal nejchaxoelde, ma-aech xot wajpaklon Jesús pas-elfuk! Japon pasaxilfuk, asew jiw naexasis-el xotfuk japon pejuajan bu'welijaes japi jiw. Japoxliajwa wajkowan Pablobej, xatis nejxasinkaspon, cartaxot chajia lelpon xamalliajwa. Japox carta lel wut, Dios kajachawaechpon. ¹⁶ Wajkoewan Pablo lel wut cartan, kaenanula cartaxot lelon Jesucristo pejme pasaxoekpoxliajwa. Pablo cartan lelpoxan, asacartanxot, xabich tampoel xatis chiekal jumatabijaliajwas, japon lelpoxan. Asew jiw majt pajut chiekal jumatabija-el wutfuk, japoxan nakiowa japi naewuajan asew jiw Pablo lelpoxanliajwa. Jesús pejuajan jelnaexasiti, japi chiekal Jesús pejuajan naexasis-el wutfuk, japi jiwbej naewuajan asew jiw Pablo lelpoxanliajwa. Jelnaexasiti Jesús pejuajan, asew jiw suapich, jiw naewuajan wut, japi kaes asaxan naewuajanbej Pablo lelpoxanliajwa. Kastikamatkoi pat wut, japi jiw Dios xabich kastikaxaes.

¹⁷ Takoew, xamal xabich nejxasinkaxpim, matabijam xan lelpxoxan. Samata, ¡najut chiekal natataefulde xamalxot pasaxaelpi xamal naekichachajbasamata, naewuajan wuti! Japi xamal naewuajnael kofaliajwam Dios xanaboiejampox. ¹⁸ ¡Kaes matabijim wajpaklon Jesucristo, nakbu'weyaxaelpon! Xan Dios kawuajnaes xamal kajachawaesliajwa Jesucristo. Dios kawuajnaesbej puexa jiw amwutjel Jesucristo sitaeliajwa, pomatkoichaliajwabej. ¡Jasox nej ja-aech' Jesucristoliajwa!

Matxoelapijax carta, Juan lelpox

Jesucristo majt waj-ax Diosxotsepox

¹ Xanal ampox lelx xamal matabijaliajwam akaseskolaxtat wuajna chajia dukponliajwa. Japonlap Jesucristo. Akaseskolaxtat japon duk, ampathat is-esal wutfuk. Hasta amwutjelbej japon dukaful. Japon kaen xajup jiw bu'welialjwa, jiw pomatkoicha duilialijwa Diosxotse. Tajut chiekal jumtaenx, japon naksiya wut. Tajut chiekal taenxbej. Natachaemax japon is wut pachaempoxan. Tajut chiekal jachaxbej. Samata, jiw naewuajna Jesucristo pejuwajan. ² Japon ampathatat wut, xanalxot dukpon. Xanal japon taenx. Samata, naewuajna nejthua'axtat taenxproxa, jumtaenxproxa. Jesucristo majt waj-ax Diosxotse. Do jawux, to'ason ampathatasik, dukaliajwapon, xanal suapich. ³ Xanal taenxproxa, jumtaenxproxa, japoxan xamal naewuajna naexasisfulaliajwam, kaenejchaxoelaxliajwambej, xanal suapich. Xanal kaenejchaxoelax, waj-ax Dios suapich, Dios paxulan, pawulpon Jesucristo, suapichbej.

⁴ Samata, lelx ampox carta xamalliajwa, xamalbej chiekal nejchachaemlaliajwam, xanal suapich.

Dios itliakaxpox

⁵ Jesús jum-aech, jiw naewuajan wut: “Dios babijax is-el. Samata, japon, me-ama itliakax wut, ja-aechon. Itkuatax, jachi-elon” —aech Jesús, jiw naewuajan wut. Xanal tajut jumtaenx, japon naewuajan wut jiw. Samata, xamal japawuajan naewuajnafulax. ⁶ Xatis jumtis wut: “Xanal Dios naexasitx” —tis wut, pe nakiowa, isas wutfuk babijaxan, jatis wut, nakiowa kichachajbapijwaxaes. Jatis wut, duila-xisal diachwuajnakolaxtat. ⁷ Pelax xatis isfulas wut pachaempoxankal, me-ama Dios isful pachaempoxankal, jatis wut, xatis, me-ama chiekal nakaewakolwas wut, jachiyaxaes. Jatis wut, Jesús, Dios paxulan, kaelel nakwepelsaxael babijaxan isaspoxan japon pejjal pijaxtat, tup xoton cruztat xatisliajwa.

⁸ Xatis jumtis wut: “Xatis babijaxan is-esal” —tis wut, diachwuajnakolax xatis wajut naekichachajbas. Japox jumtis wut, jumchi-esal diachwuajnakolaxpox. Ajilbej diachwuajnakolaxpox xatisxot. ⁹ Pe xatis babijaxan isaspoxan chapaeis wut Diosxot, Dios nakbeltaeyaxael babijaxan isaspoxanliajwa. Jasoxtat Dios nakbeltaeyaxael, japon pachaem xot xatisliajwa, me-ama japon jumdut. Puexa wajbabijaxan isaspoxan kaelel nakwepelsaxaelon. ¹⁰ Dios chajia jum-aech: “Puexa ampathatpijiw babijax isla-ele-el. Puexa jiw babijaxan ispikal” —aech Dios. Pelax jumtis wut: “Xatis is-esal babijaxan” —tis wut, diachwuajnakolax xatis naexasis-esal Dios jum-aechpox. Jatis wut, me-ama jumtis: “Dios kichachajbapijin” —tis asbuan jumch.

2

Jesucristo naksiyaxaelpox Diosxotse xatisliajwa

¹⁻² Xamal, Jesús pejuwajan naexasisfulam xot, me-ama taxikola wut, ja-am. Xan lelx ampox carta babijaxan isasamatam. Asan aton nakiowa xamalxot babijax is wut, ja-aech wut, Jesucristo naksiyaxael Diosxotse, waj-ax Dios beltaeliajwa japon aton babijax ispoxliajwa. Jesucristo babijax is-el. Pe pajut natapaeipon asajiw kimatamatlaliajwas cruztat. Jasox ja-aechon babijaxan ispi Dios beltaeliajwas. Samata, Dios nakbeltaen, babijaxan isas wut. Jesucristo tup wut, tupa-el xatiskalliajwa. Japon tupbej puexa ampathatpijiwliajwa.

³ Isfulas wut Dios tato'alpox, xatis matabijaxaes, diachwuajnakolax xatis matabijas Dios. ⁴ Aton jum-aech wut: “Xan Dios matabijtax” —aech wuton, pe naexasis-el wuton Dios tato'alpox, japon aton kichachajbapijin. Japon is-el Dios nejxasinkpoxan. Ja-aech wut, japon aton duka-el diachwuajnakolaxtat. ⁵ Nejmach-aton chiekal naexasit wut Dios

tato'alpox, japon xabich Dios nejxasink. Ja-aech wut, xatis matabijas, Dios swapich, kaeyax nejchaxoelspox. ⁶ Aton jum-aech wut jiwliajwa: “Xan Dios naexasitx” —aech wuton, japon chiekal dukaxael Diosliajwa. Me-ama Jesús chiekal duk pax Diosliajwa, jachiyaxaelbej japon aton, duk wut.

Pajeltato'laxpox

⁷ Takoew, xabich nejxasinkaxpim, lelx Dios tato'alpox xamalliajwa, xamal nakaewa nanejxasinkaliajwam. Ampox pajeltato'laxa-el. Chajiakolaxtat xamal jumtaenam wut, naexasitam Jesucristo pejwujajan. Japatato'lax chajia xamal jumtaenambej. ⁸ Pe nakiowa, lelx pajeltato'lax wut, ja-an xamalliajwa. Diachwujnakolax Jesucristo naewujajan xamal nakaewa nanejxasinkaliajwam. Xamalbej naksiyam diachwujnakolaxpox. Samata, matabijam diachwujnakolaxpox. Me-ama itliakax xenaful itkuataxxot, xamalbej ja-am.

⁹ Nejmach-aton jum-aech wut: “Xan dukx Dios pej-itliakaxtat” —aech wut, japon aton nejwesla wut asew jiw, Jesús pejwujajan naexasiti, japon aton, me-ama itkuataxpijin wut, ja-aechon. ¹⁰ Aton nejxasinkpon Jesús pejwujajan naexasiti, japon aton dukaful itliakaxtat. Japon pajut natataeful babijax isasamata. ¹¹ Pe nejweslapon asew, Jesús pejwujajan naexasiti, japon aton, me-ama nanuamt itkuataxxot. Matabijs-elon fulaeyaxael poxade. Itkuatax itliaklan, kiladofas xoton.

¹² Xan ampox lelx xamal, Jesús pejwujajan naexasitampimliajwa. Dios beltaen xamal babijaxan isampoxanliajwa, Jesús tup xot nejbabijaxantat. ¹³ Xan lelx xamal pakdiachwamliajwa, matabijam xot Jesucristo. Japon wujajna duk, ampathat ajil wutfuk. Lelxbej xamal pansiachwamliajwa, malecham xot dep pejpaklon Jesús pijaxtat.

¹⁴ Lelxbej xamal Jesús pejwujajan naexasitampimliajwa, matabijam xot waj-ax Dios. Lelxbej xamal pakdiachwamliajwa, matabijam xot Jesucristo. Japon duk akaseskolaxtat, ampathat ajil wutfuk. Lelxbej xamal pansiachwamliajwa, chiekal Dios xanaboejam xot, naexasisfulam xotbej Dios pejjamechan, malecham xot dep pejpaklon Jesús pijaxtat.

¹⁵ ¡Nabej nejxasinke' ampathatpijaxan! Ampathatpijaxan nejxasinkpi, japi nejxasinka-el waj-ax Dios. ¹⁶ Jiw is wut pajut isasiapoxan, babijaxan, japoxan chaemil. Jiw xabich nejxasink wut asew jiw pejew, japoxanbej chaemil. Jiw pajutliajwa xabich naksiya wut, pejewliajwa, ispoxanbej, japoxanbej chaemil. Puexa ampathatat chaemilpoxan, japoxan Dios pijaxana-el. Japoxan ampathatpijaxankal. ¹⁷ Ampathat bijiat matatoepaful, babijaxan swapich, jiw nejxasinkpoxan isfulaliajwa. Pe jiw isful wut Dios nejxasinkpoxan, ja-aech wut, duilaxaeli pomatkoicha Diosxotse.

Diachwujnakolaxxot, jaxot ajil kichachajbapox

¹⁸ Xamal, Jesús pejwujajan naexasitampim, matabijam mox pawujajnapox that toepaliajwa. Xamal chajia jumtaenam Jesucristo padaelman pasaxaelpox. Ampamatkoijan xabich nalaelaful Cristo padaelmajiw. Samata, xatis matabijas diachwujnakolax mox pawujajnapox that toepaliajwa. ¹⁹ Japi jiw nakola xatisxot. Samata, xatis matabijas japi jiw naexasis-eli Jesús pejwujajan. Japi naexasit wut Jesús pejwujajan, japi xatisxotaxael. Pe japi jiw chajia wut xatisxot, diachwujnakolax japi jiw wajjiwa-el.

²⁰ Puexa xamal chiekal matabijam, Cristo to'a Espíritu Santo xamal nejmaturatanxotaliajwa. Japon xamal amwutjel kajachawaesful chiekal matabijaliajwam diachwujnakolaxpox, diachwujnakolaxa-elpoxbej. ²¹ Xan lelx ampacarta xamal matabijam xot diachwujnakolaxpoxan. Lela-enil, xamal matabija-emil xot diachwujnakolaxpoxan. Xamal chiekal matabijam masox diachwujnakolaxan. Matabijambej masox diachwujnakolaxana-el. Japi jum-aech wut diachwujnakolaxpox, jaxot ajil kichachajbax. ²² ¿Achankat kichachajbapijin? Kichachajbapijin, japon jum-aechpon: “Jesús Dios paxulan-el. Jesús Mesías-elbej” —aechpon. Japonbej Jesucristo padaelman. Japon naexasis-el Dios, Dios paxulanbej. ²³ Nejmach-aton naexasis-el wut Jesús, japon Dios paxulanpon, japon atonbej naexasis-el Dios. Pelax nejmach-aton jum-aech wut: “Jesús Dios paxulan” —aech wut, japon atonlax Dios naexasit.

²⁴ Samata, ¡chiekal naexasisfulde chajia akaseskolaxtat jumtaenampoxan! Jamsofulam wut, kaes chiekal xanaboejaxaelam Jesús, japon paxbej. ²⁵ Jesucristo chajia jumdut pomatkoicha duilaxaespoj japonxotse.

²⁶ Xan ampox lel xamal chiekal matabijaliajwam, masi jiw xamal naekichachajbasia. ²⁷ Pelis xamal nejmatpuatanxot Espiritu Santo, Jesucristo to'akpon. Samata, xamal wewe'pa-el asew jiw xamal chanaekabuanaliajwa, Espiritu Santo pajut chiekal chanaekabuanaful xot, puexa isaxaelampoxanliajwa, xamal matabijaxaelampoxanliajwabej. Espiritu Santo pejnaewuajnajx diachwujnakolax. Japanaewuajnajx kichachajbael. Samata, ¡xanaboejim Jesucristo! ¡Nabej kofe! ¡Isfulde Espiritu Santo naewuajnapoxan!

²⁸ Xamal, Jesús pejuwujajan naexasitampim, ¡chiekal xanaboejim Jesucristo! Jamsofulam wut, duilafulaxaelam nejlewla-elaxtat, hasta Jesús pejme pask wut. Japamatkoitat xamal nadalaxil Jesús pejuwujajnalel. ²⁹ Xamal chiekal matabijam Jesús xabich pachaempon. Japonbej is pachaempoxan. Samata, matabijaxaes, jiw is wut pachaempoxan, japi diachwujnakolax Dios paxi.

3

Jesús pejuwujajan naexasiti, japi Dios paxipox

¹ Waj-ax Dios xabich naknejasink. Samata, Dios nakwulduw Dios paxis. Diachwujnakolax xatis Dios paxis. Ampathatpijiw matabija-el Dios. Samata, japi jiw xatisbej nakmatabija-el. ² Takoew, xabich nejxasinkaxpim, amwutjel diachwujnakolax Dios paxis. Pe wajut chiekal matabija-esalfuk wajbu'an asamatkoi nakwemachiyaxaelpox, tups wut. Xatis japox matabija-esal, Dios nak-itpae-elxotfuk. Pe nakiowa, matabijas, Jesucristo pejme pasaxoek wut, xatis japon taeyaxaes. Japamatkoitat wajbu'an, me-ama Jesucristo pejbu't wut, jachiyaxael kaenanula wajbu't. ³ Jesucristo pomatkoicha pachaempon. Is-elon babijax. Samata, kaenanula Jesucristo pejuwujajan naexasichpis, chiekal duilafulaxaes. Me-ama japon, is-el babijax, jachiyaxaesbej xatis.

⁴ Puexa jiw babijaxan ispi, japi jiw is babijaxan Diosliajwa, Dios nejxasinka-elpoxan. ⁵ Xamal matabijam. Jesucristo pask ampathatasik babijaxan isaspoxan nakwepelsliajwa kaelel. Pe japon pajut babijax is-el Diosliajwa. ⁶ Samata, xanaboejapi Jesús, japi is-el babijaxan. Pelax jiw babijaxan isfulpi, japi jiw matabija-el Jesucristo. ⁷ Xamal Jesús pejuwujajan naexasisfulam xot, me-ama taxikola wut, ja-am. ¡Nabej tapae' asew jiw xamal naekichachajbaliajwa! Jesucristo pomatkoicha pachaempon. Japon is-el babijax. Samata, xamalxot isfulpi pachaempoxan, japi, me-ama Cristo wut, ja-aechi. ⁸ Satanás, dep pejpaklon, chajiakolaxtat babijax isful. Kofs-elon babijaxan ispoxan. Amwutjel nakiowa isfulbejpon babijaxan. Jiw, babijaxan ispi, japi Satanás pejiw. Samata, Jesucristo, Dios paxulan, pask ampathatasik toesliajwapon Satanás ispoxan.

⁹ Dios pejjamechan naexasiti isfula-el babijaxan, japi Dios paxi xot. Diachwujnakolax japi Dios paxi. Samata, isfulaxili babijaxan. ¹⁰ Xatis chiekal matabijas, jiw isful wut pachaempoxan ampathatat, japilap Dios paxi. Xatis chiekal matabijasbej, jiw isfula-elpi pachaempoxan, nejxasinka-elpibej asew jiw, japilap Dios paxi-el. Japilap Satanás paxi.

Dios paxipi nakaewa nanejasinkpox

¹¹ Ampanaewuajnajx xamal chajia jumtaenam. Nakaewa nanejasinkas wut, me-ama wajkoewkola nejxasinkas wut, ¡jachiyaxaes asew jiwliajwa! ¹² Xatis, me-ama wajwujnapijin, Caín, jachiyaxisal. Wajwujnapijin, Caín, babejenpon Satanás pijaxtat. Samata, boesapon pakoewan, Abel. ¿Ma-aech xotkaton pakoewan boesa? Abel ispoxan pachaem xot Diosliajwa, japoxliajwa Caín pakoewan boesa. Caín japoxan taen wut, xabich nusasiawalpon pakoewan Abelliajwa. Caín nejwesla pakoewan. Samata, boesapon pakoewan.

¹³ Takoew, ampathatpijiw jasoxtat xamal nejwesla wut, ¡nabej nejchaxoelanuile' japoxliajwa! ¹⁴ Xatis matabijas. Majt xatis Diosliajwa, me-ama tups pis wut, jatis, isfulas

xot babijaxan. Pe Jesús pejuwajan naexasich wut, kofasbej babijaxan isaspoxan. Samata, duilaxaes pomatkoicha Diosxotse. Xatis chiekal matabijas japox diachwujnakolaxpox, nejxasinkas xot wajkoew, japi naexasiti Jesús pejuwajan. Asew xamalxot nejwesla wut asew jiw, Jesús pejuwajan naexasiti, japi jiwfuk, me-ama patupa wut, ja-aechi Diosliajwa. ¹⁵ Jiw, nejwesla wut asew jiw, japi, me-ama jiw beow. Xamal chiekal matabijam, jiw bapi asew jiw, japi duilaxil Diosxotse. ¹⁶ Jesucristo tup xot cruztat xatisliajwa, xatis chiekal matabijas, machiyaxaes, nejxasinkas wut asew, Jesús pejuwajan naexasiti. Xatisbej jachiyaxaes. Naknejsest wut tupaliawas, itupaxaes kajachawaesliawas wajkoew! Japi xabich xatis nejxasinkas xot, jachiyaxaes japox. ¹⁷ Jesús pejuwajan naexasitpon, kimaeyan wut, pe japon kajachawaes-el wut asew, Jesús pejuwajan naexasiti, japi xabich wewe'pas wut kajachawaesax, kajachawaes-el wuton, japon itpaei nejxasinka-elpox japi jiw. Me-ama Dios nejxasink asew jiw, jachi-el japon kimaeyan. ¹⁸ Takoew, xamal jum-an ampox. Wajnejxasiyax asew jiwliajwa, jumchiyaxisal chimiajamechankal. Kajachawaech wut asew jiw, Jesús pejuwajan naexasiti, jatis wut, itpaeis diachwujnakolax xatis nejxasinkaspox japi jiw.

Dios paxi, padala-elpox Diosliajwa, japi pachaem xot

¹⁹⁻²⁰ Asew jiw nejxasinkas wut, Jesús pejuwajan naexasiti, jatis wut, xatis matabijas, xatis isas Dios nejxasinkpox.

Pe babijax isaspoxliajwa xabich nejchaxoelafulas wut, nejchaemilas wutbej, ja-aech wut, nakiowa pachaemsfuk Diosliajwa. Dios kaes pejme pachaem. Me-ama xatis, jachiel Dios. Puexa pajut matabijton xatis isaspoxanliajwa. ²¹ Takoew, xatis chiekal matabijas wajbu'wujajan jisalpox Diosliajwa. Jatis wut, chiekal matabijas chiekal pachaempox Diosliajwa. ²² Dios nakchaxduiyaxael puexa wuljowspoxan, naexasisfulas xot japon tato'alpoxan, isas xotbej japon nejxasinkpoxan. ²³ Dios nakto'a xatis naexasisfulaliawas Dios paxulan Jesucristo pejuwajan. Dios nakto'abej nakaewa nanejxasinkafulaliawas. ²⁴ Dios tato'alpox naexasisfulpi, japi jiw chiekal xanaboejaful Dios. Diosbej chalafulas japi jiw. Dios to'ak Espiritu Santo wajmatpuatanxotaliawas. Samata, chiekal matabijas Dios nakchalafulpox.

4

Amxot jum-aechpox, ma-aech jiw duil wut pejmatpuatanxot Espiritu Santopi

¹ Takoew, xamal xabich nejxasinkaxpim, ichiekal xan nanaewe'e! Xabich profetakolaeli, japi ampathatpijiw naekichachajbaful. Samata, najut natataeflam wut, ichiekal natataeflafulde! Asew jiw pajutliajwa najum-aech wut: "Espiritu Santo jum-aech xanalliajwa. Samata, xanal japoxan jum-an xamalliajwa" —aech wuti, ixamal kamta nabey naexasis japox! ¡Majt chiekal taem, diachwujnakolax japi jiw naewuajan wut Diosliajwa! ² Ja-am wut, xamal chiekal matabijaxaelam, japi diachwujnakolax jum-aech Espiritu Santo pijaxtat. Jum-aech wuti: "Diachwujnakolax Jesucristo pat wut ampathatat, nalaelton kaeow atowtat. Me-ama yamxi ampathatat nalaela wut, ja-aech, Jesucristo nalaelt wut ampathatat" —aech wuti, japi jiw diachwujnakolax jum-aech Espiritu Santo pijaxtat. ³ Asewjax jum-aech wut: "Jesús Dios paxulna-el" —aech wuti, japi jiw Espiritu Santo chala-esal. Dios pejiwa-elbejpi. Japilax dep pijaxtat naksiya. Samata, japi Cristo padaelmajiw. Xamal chajia jumtaenam Jesucristo padaelman pasaxoekpox. Pelis Jesucristo padaelman ampathatatlison.

⁴ Xamal naexasitampim Jesús pejuwajan, Dios pejiwampim. Espiritu Santo xamalxotpon, japon kaes pejme mamnik. Me-ama Cristo padaelman ampathatat, jachi-el Espiritu Santo. Samata, xamal malecham naekichachajbapijiw, naexasis-emil xot japi naewuajanpoxan. ⁵ Japi ampathatpijiwkal. Samata, naksiyaful ampathatpijaxankalliajwa. Japi jiw naewuajan wut, ampathatpijiwkalpi chiekal naewech japi naewuajanpoxan. ⁶ Pe xatislax Dios pejiwis. Samata, Dios pejjamechan naexasiti naewuajnas wut, chiekal naknaewet wut, naexasitbejpi. Asewjax, Dios pejiwa-elpi, naknaewes-el, naewuajnas

wut Dios pejjamechan. Naexasis-elbejpi. Ja-aech wut, matabijas, masi jiw, pejmatpuatanxot Espíritu Santo. Ja-aech wut, matabijasbej, masi jiw naekichachajbapijiw.

Jiw nakaewa nanejxasinkaxaelpox, Dios xabich nejxasink xot pejjiw

⁷ Takoew, xamal nejxasinkaxpim, Dios pajut xatis nakkajachawaet asew jiw nejxasinkaliajwas. Samata, nakaewa nanejxasinkafulaxaes. Nejmachjiw nejxasinkpon, japon Dios paxulan. Japon aton chiekal matabijtbej Dios. ⁸ Dios puexa jiw nejxasink. Nejxasinka-elpon asew jiw, japon aton Dios matabijs-el. ⁹ Dios to'ak wut kaekolan paxulan ampathatasik, japox is wut, Dios nak-itpaei pejnejxasiyax xatisliajwa. Samata, naexasich wut Jesús pejwujajan, xatis pomatkoicha duilaxaes Diosxotse. ¹⁰ Dios jasox is wut, nak-itpaeipon nejxasiyax diachwujajnakolaxpox. Dios to'ak kaekolan paxulan, japon tupaliajwa cruztat nakwemosliajwapon babijaxan isaspoxanliajwa. Xatis nejxasinkaspox Diosliajwa xabicha-el. Me-ama Dios naknejxasinkpox, jachi-el wajnejxasiyax Diosliajwa.

¹¹ Takoew, xamal nejxasinkaxpim, jasoxtat xatis Dios naknejxasink xot, jnakaewa chiekal nanejxasinkde kaenanula! ¹² Xatis wajut tae-esal Dios. Pe nakiowa, xatis nakaewa nanejxasinkas wut, jatis wut, jiw chiekal matabija Dios nakchalafulpox xatis. Jatis wut, jiw chiekal matabijabej Dios pejnejxasiyax kaesfulpox xatisxot. ¹³ Dios to'ak Espíritu Santo wajmatpuatanxotaliajwasik xatis wajut chiekal matabijaliajwas Dios pajut nakchalafulpox. ¹⁴ Xanal tajut taenx Dios paxulan. Japoxlap asew jiw chapaeixbej, wajax Dios paxulan to'akpox ampathatasik japon bu'welijaewa ampathatpijiw. ¹⁵ Aton, jum-aechpon: “Jesúslap, Dios paxulan” —aechpon, japon diachwujajnakolax Dios xanaboejsful. Japon aton Dios chalafulas ampathatat.

¹⁶ Do ja-aech wut, xatis chiekal matabijas Dios naknejxasinkpox. Jawutbej, chiekal xanaboejas Dios pejnejxasiyax. Jiw, nejxasinkpi Dios, japi jiw diachwujajnakolax Dios chiekal xanaboejaful. Japi Dios chalafulasbej. ¹⁷ Jasoxtat Dios pejnejxasiyax xatisxot kaesful. Samata, wajlewlaxil, Dios kastika wut jiw babejchow. Xatis wajlewlaxilbej, chiekal matabijas xot, xatis nakaewa nanejxasinkas, me-ama Jesús naknejxasink. ¹⁸ Jiw nakaewa nanejxasink wut, jaxot ajil pejlewax. Poklanejxasiyaxxot, jaxot atuaj pejlewax. Jiw pejlewla wut, japi pejlewla, chiekal matabija xoti kastikaxaesopox. Samata, nejmachaton pejlewla wut, japonfuk chiekal nejxasink-el asew jiw.

¹⁹ Dios matxoela naknejxasink xatis. Samata, amwutjel xatisbej japon nejxasinkas. ²⁰ Aton jum-aech wut: “Xan Dios nejxasinkax” —aech wuton, pe japon asew jiw nejxasinka-el wut, japon kichachajbapijin. Japon aton nejxasinka-el wut asew jiw, taenpi, japon nejxasinka-elbej Dios, taeyaxisalpon. ²¹ Ampoxlap Jesucristo xatis nakjum-aech: “¡Dios nejxasinkpi, japi jiw nejxasinkbej asew jiw!” —aech Jesús xatisliajwa.

5

Jesús pejwujajan naexasiti isaxilpox babijaxan, ampathatpijiw isfulpoxan

¹ Puexa jiw nejchaxoel wut, jum-aech wuti Jesúsliajwa: “Japon Mesías, Dios to'ason” —aech wuti, japi jiw Dios paxi nadofa. Aton nejxasink wut asan aton, japon nejxasinkbej japon paxi. ² Samata, xatis waj-ax Dios nejxasinkas wut, isas wutbej Dios nak-tato'alpoxan, jatis wut, chiekal matabijas, xatis nejxasinkaxaes Dios paxipi. ³ Xatis Dios nejxasinkas wut, naexasisaxaesbej japon tato'alpoxan. Japoxan xabich tampoela-el xatis naexasisliajwas. ⁴ Puexa Dios paxipi, japi jiw duilafulaxael Dios pejkajachawaesaxtat babijax isasamata ampathatat, japi chiekal Dios xanaboejaful xot. ⁵ Naexasisfulpi Jesús, Dios paxulanpon, japi jiw isaxil ampathatpijiw isfulpoxan, babijaxan.

Jesucristo Dios paxulanpox

⁶ Jesucristo nalaelt ampathatat. Do baxael, jiw chiekal matabijaspon, japon Dios paxulanpon, bautisas wuton mintat, tup wutbejpon cruztat. Jaxot japon pejjal nakola. Samata, bautisaxkala-el. Boesasbejpon. Espíritu Santo pajut jum-aechbej, achan japon. Espíritu Santo jum-aech diachwujajnakolaxpoxkal. ⁷⁻⁸ Jiw chiekal matabija

Jesucristo diachwujnakolax Dios paxulanpon, japonliajwa Espiritu Santo japox jum-aech xot, bautisas xotbej mintat, tuj xotbejpon cruztat. Japanejchaxoelaxan, tres nejchaxoelaxanliajwa, jiw chiekal matabija diachwujnakolax Jesucristo Dios paxulan. ⁹ Jiw jum-aechpox, diachwujnakolax wut, xatis japox naexasich. Pe kaes pejme naexasich Dios jum-aechpox, pachaem xot naexasisliajwas. Samata, naexasisfulas Dios nakjum-aechpox paxulanliajwa. ¹⁰ Jiw naexasiti Dios paxulan pejuwajan, diachwujnakolax japi jiw naexasit Dios jum-aechpox. Pelax jiw naexasis-eli Jesús pejuwajan, japon Dios paxulanpon, japi jiw nejchaxoel Diosliajwa: “Dios naekichachajbapijin” — aechi, nejchaxoel wut, naexasis-el xoti Dios jum-aechpox paxulanliajwa. ¹¹ Dios jum-aech ampox: “Xan jiw kajachawaetx taxulan pijaxtat pomatkoicha duilaliaw xanxot. ¹² Taxulan pejuwajan naexasiti, japi pomatkoicha duilaxael xanxot. Pelax asew jiw, taxulan pejuwajan naexasis-elpi, japi duilaxil xanxot” — aech Dios.

*Taxdukanaew*ujnaxan ampacartatat

¹³ Xan ampawajan lelx xamal naexasitampimliajwa Dios paxulan, chiekal matabijaliawam pomatkoicha duilaxaelampox Diosxotse.

¹⁴ Xatis chiekal Dios xanaboejas, matabijas xot, Dios naknaewet, xatis kawujnas wut, me-ama Dios nejxasink. ¹⁵ Xatis chiekal matabijas, Dios nakjumtaen, kawujnas wut. Samata, Dios kawujnas wut, chiekal matabijasbej Dios nakchaxduiyaxaelpox, wujjows wut kawujnaxtat.

¹⁶ Taenam wut, Jesús pejuwajan naexasiti babijaxan is wuti, jupiliaw Dios kawujjande! Dios kawujnam wut, japi Dios kajachawaesaxaes kofaliaw babijaxan ispoxan. Ja-aech wut, pomatkoicha duilaxaeli Diosxotse. Pe asax babijax xabich kaes chaemil. Japox jiw is wut, diachwujnakolax napelsaxaeli Diosliaw pomatkoicha. Xamal taenam wut, asew, Jesús pejuwajan naexasiti, japox babijax is wuti, xabich chaemilpox, xan jumchi-enil: “¡Dios kawujjande jupiliaw!” — chi-enil. ¹⁷ Puexa babijaxan jiw is wut, japoxan chaemil Diosliaw. Puexa japoxan Dios nejwesla. Pe puexa japababijaxan is wuti, japi jiw napelsaxil.

¹⁸ Chiekal matabijas ampox. Waj-ax Dios paxipi isfulaxil babijaxan, Dios paxulan, Jesucristo, tataeflas xot japi jiw. Samata, Satanás, dep pejpaklon, machiyaxil japi jiw tabejsliawapon. ¹⁹ Xatis chiekal matabijas, Dios paxispis. Chiekal matabijasbej Satanás tato'alpox ampathatpijw. ²⁰ Xatis chiekal matabijasbej, Dios paxulan pask wut, japon nakkajachawaetbej xatis chiekal matabijaliaw Dioskolan. Samata, xatis kaeyax nejchaxoels, Jesucristo suapich. Japon diachwujnakolax, Dios paxulankolan. Nakkajachawaetbejpon xatis pomatkoicha duilaliaw, japon pajut duk xot pomatkoicha. ²¹ Xamal naexasitpim Jesús pejuwajan, ¡chiekal najut nataefulde ídolos kawujnasamatam! ¡Kawujnafulde kaen Dioskal!

Wachakalpijax carta, Juan lelpox

Amxot jum-aechpox diachwujnakolaxpox, nejxasiyaxbej

¹ Xan, anciano, lelx ampacarta xamal Dios naexasitampimliajwa, xamal Dios makanot-pimliajwa. Diachwujnakolax xamal xabich nejxasinkax. Xan kaenan xamal nejxasinka-enil. Puexa a sew jiw chiekal matabijapi diachwujnakolaxpox, japi jiwbej xamal nejxasink.

² Xamal nejxasinkax, xatis puexa naexasich xot diachwujnakolaxpox Diosliajwa. Amwutjel japox naexasisfulas. Japox naexasisfulaxaes pomatkoicha. ³ Xan kawujnax waj-ax Dios, paxulan Jesucristobej, japi xamal xabich kajachawaesliajwa, beltaelija-wabejpi, chiekal duilaliajwambej, a sew jiw swapich. Xan waj-ax Dios kawujnax, Jesucristobej, diachwujnakolax xamal nejxasinkam xot Dios.

⁴ Xan xabich nejchachaemlax, taenx wut a sew jiw xamalxot kofa-elpox naexasisfulpox Jesús pejwujajan. Japi jiw chiekal duilaful, me-ama waj-ax Dios naktato'al duilafulaliajwas, a sew jiw naekichachajba-elaxtat. ⁵ Takoew, xamal nejxasinkaxpim, to'ax nakaewa nanejxasinkaliajwas. Japatato'lax jela-el. Japatato'lax chajiakolaxtat xatis jumtaens wut, naexasisfulas. ⁶ Dios tato'alpox naexasisfulas wut, a sew jiw chiekal nakmatabija xatis Dios nejxasinkaspox. Dios tato'alpox nakjum-aech: "¡Xatis nakaewa nanejxasinkaxaespox kaematkoisful!" —nak-aechox, tato'al wut. Japox xatis chajia chiekal matabijas, akaseskolaxtat naexasisfulas wut Jesucristo pejwujajan.

Ampathatat xabich maenkpox naekichachajbapijiw

⁷ Ampathatat xabich maenk naekichachajbapijiw. Japi a sew jiw naewujajan. Japi naexasis-el Jesucristo, Dios paxulan paskpon atontat ampathatat. Jasox nejchaxoelpi, japilap jiw naekichachajbapijiw. Japibej Jesús padaelmajiw.

⁸ ¡Xamal kaenanula najut chiekal natataeflafulde napelsasamata nabistampoxanliajwa, Dios chaxdusaxaelpox chiekal puexa kifisliajwam!

⁹ Xamal naexasisfulam wut Jesucristo naewujajanpox, ja-am wut, waj-ax Dios, japon paxulan Jesucristobej, xamal kajachawaesfulaxael. Pe asax naexasisfulam wutlax, ja-am wut, Dios xamal kajachawaesfulaxil. ¹⁰ Nejmachjiw pat wut xamalxot naewujajnalijwa asawujajan, japi jiw naexasis-el wut Jesús naewujajanpox, ¡japi to'im asale! ¡Nabej tapae' nejba leliajwa asawujajan xamal naewujajnalijwapi! ¡Moi! —¡nabej aeche'bej japi jiw!
¹¹ Japi jiw bu'kulaxaelam wut, tapaejaxaelam wutbej nejba leliajwa, ja-am wut, japi pejnaewujajna, babijaxpox, xamal, me-ama kajachawaesaxaelam.

Amxot Juan kitoesaxaelpox lelpox

¹² Xan xabich wujajan xamal naewujajnalijwan. Pe xanliajwa chiekal nawepachaemael japoxan lelaliajwan cartatat. Xanlax tajut chiekal nospaesian, xamal swapich. Samata, asamatkoi xamalxot patx wut, nospaeyaxaes kaeyaxtat, chiekal nejchachaemlaliajwas. ¹³ Amxot duili, naexasiti Jesús pejwujajan, Dios makanochpi, japibej saludos xato'a xamalliajwa.

Trespjajax carta, Juan lelpox

Juan lelpox chamoeyaxan Gayoliajwa

¹ Gayo, xan, anciano, lelx ampox carta xamliajwa. Xam tajnachalnam, xabich pachaemamponam xanliajwa. Diachwujnakolax xam nejxasinkax.

² Takoewan nejxasinkaxponam, me-ama xam pachaemam Diosliajwa, xan Dios kawuaj-nax puexa pachaemaliajwa xamxot, bu'xaenkasamatambej. ³ Xan xabich nejchachaem-lax, wajkoew pa'an wut, japi xan nachapaei wut xam chiekal naexasisfulampox Dios.

⁴ Jiw, naexasiti Jesús pejwujajan, xan naewujaj-nax wut, japi jiw, me-ama taxikola wut, ja-aechi xanliajwa. Samata, xan xabich nejchachaemlax, wultaenx wut japi chiekal duilafulpox diachwujnakolaxtat.

⁵ Takoewan, xam nejxasinkaxponam, pomatkoicha isam pachaempoxan asew jiwliaj-wa, japi naexasiti Jesús pejwujajan. Japi, me-ama wajkoew. Asew jiw, asatujaj-nuchan-pijiw, nejbaxot pat wut, nakiowa xam japi chiekal bu'kulam. Kajachawaetambej.

⁶ Xamxot nawenpi natamejlaxtat xanal nachapaeipi xam xabich nejxasinkampox japi. Japi, wajkoew, pejme xamxot pat wut, jnawekajachawae'e Dios nejxasinkpoxtat, japi fulaeliajwa wut asatujaj-nuchanlel! ⁷ Japi nanuamt Jesús pijaxtat isliajwa Jesús pijax, bichax. Kajachawaesax kinos-eli naexasis-eli Dios. Japi kinotlax kajachawaesax Jesús pejwujajan naexasitpikal. ⁸ Samata, xatis japi kajachawaesaxaes, japi jiw naewujajan wut Dios pejjamechan. Japox isas wut, xatis kajachawaech naewujajnafulaliajwapi diachwujnakolaxpox.

Diótrefes ispox babijaxan

⁹ Xan chajia lelx asacarta japi Jesús pejwujajan naexasitiliajwa xamxot. Pe Diótrefes nejchaxoela-el naexasisliajwa, xanal cartaxot lelx wut jum-anpox, japon pajut jiw tato'lasia xot. ¹⁰ Asamatkoi xamalxot patx wut, chapaejaxaelen xamal nejwujajnael japon ispoxanliajwa xanalliajwa. Japon jum-aech kichachajbapoxan xanalliajwa. Kaes chaemilpoxan isfulbejpon. Kajachawaes-elon wajkoew, japi nabistpi Jesúsliajwa, pat wuti japonxot. Tapae-elbejpon asew wajkoew, japi kajachawaesasia wut japi patpi. Japi kajachawaet wut wajkoew, iglesiaxot nakolax to'apon. ¹¹ Takoewan Gayo, nejxas-inkaxponam, jnabej is babijaxan, me-ama asew jiw isful! jXamlax isde pachaempoxan! Pachaempoxan ispi, japi Dios pejjiw. Asew jiw-lax, ispi babijaxan, japi jiw chiekal matabija-el Dios.

¹² Amwut jumchiyaxaelen Demetrioliajwa. Puexa jiw chiekal naksiya japonliajwa. Chiekal naexasisfulon Dios pejjamechan, diachwujnakolaxpox. Xanalbej naksiyax pachaempoxan japonliajwa. Xam matabijtam xanal jum-anpoxan diachwujnakolax.

Amxot Juan lelpox kitoesaxael

¹³ Xan xabich wujajan xam jumchiliajwan. Pe nejxasinka-enil lelaliajwan japoxan ampacartatat. ¹⁴ Xanlax tajut chiekal nospaesian, xam suapich, nejchaxoelx xot xamal taeyax. Jawut chiekal nospaeyaxaes. ¹⁵ jPuexa jiw xamxot chiekal nej duile' wujajan-jilaxtat! Nejnachala, amxoti, japi xato'a saludos xamliajwa. jKaenanula nawesaludam wajnachala!

Judas lelpox carta Jesús pejwɔajan naexasitiliajwa

Judas lelpox carta Jesús pejwɔajan naexasitiliajwa

¹ Xan Judas, Santiago pakoewnan, nabistax Jesucristoliajwa. Xan lelx amprox carta xamal waj-ax Dios nejxasinkpimliajwa. Dios xamal makanot japon pejjiwaliajwam. Jesucristobej pomatkoicha xamal tataeflaful. ² Xan Dios kawɔajnax xamal beltaeliajwa, kajachawaesliajwabejpon chiekal duilaliajwam, asey jiw sɔapich. Dios kawɔajnaxbej xamal nakaewa nanejxasinkaliajwam.

Judas naewɔajanpox naexasiti Jesús pejwɔajan asey jiw naekichachajbasamatas

³ Takoew, xamal xabich nejxasinkaxpim, xan kaes lelasian chiekal matabijaliajwam wajpaklon nakbɔ'weyaxaelpox. Pe japox lelxinil ampapelfutat. Xan wɔltaenx asey jiw xamalxot patpox. Japi pat xamal naewɔajnalijwa, naekichachajbalijwabej. Samata, lelaxaelen xamal naexasisasamatam japi jiw naewɔajanpoxan. Pe japi naewɔajanpoxan chiekal najɔpa-el, Dios pejwɔajan sɔapich, xatis naexasisliajwaspox. Japawɔajan pomatkoichaliajwa. Samata, japi jiw bɔxfia'e bɔxkofaliajwa naewɔajanpoxan! ⁴ Asey jiw xamalxot pat. Japi pat xamal naekichachajbalijwa. Japi, me-ama Jesús pejwɔajan naexasit wɔt, jakabuan-aechi. Pe japi jɔmchi-el diachwɔajnakolaxpox. Asbuan jɔmch jɔm-aechi: “Dios nakbeltaen xatis babijaxan isaspoxanliajwa. Samata, kaes babijaxan isfulas wɔt, Dios nakkastikaxil” —aechi asbuan jɔmch. Naexasis-eli Jesucristo, japon kaenpon wajpaklon, japi isfulaliajwabej Jesucristo nejxasinkpoxan. Samata, asamatkoi Dios kastikaxaesi. Me-ama Dios chajia jɔm-aech japi jiwliajwa, jasox jachiyaxaes japi jiwliajwa.

⁵ Diachwɔajnakolax xamal matabijamlis lelaxaelenpox. Pe nakiowa, lelaxaelen kaes chiekal nejchaxoelaliajwam amprox. Chajiakolaxtat wajpaklon Dios bɔ'wia wɔt pejjiw, israelitas, Egipto tɔajnxot ampatɔajnuɔeldin, do jawɔx, japixot asey toech, naexasis-el wɔti Dios tato'laspoxan. ⁶ ¡Nejchaxoeldebej Dios kastikapox asamɔtpijiw, ángeles! Japi ángeles nejwesla isliajwa Dios tato'alpoxan. Samata, japi ángeles kofa Dios pijax bichax. Ja-aech wɔt, japi ángeles itkɔataxxotdik jias. Japi jaxot machiyaxil nakolaliajwa. Japi ángeles wɔajnewet Dios kastikaliajwas. Asamatkoi, kastikamatkoi pat wɔt, jiw babijaxan ispi pomatkoicha kastikaxaes. Jawɔt japi ángelesbej kastikaxaes. ⁷ Nejchaxoelam wɔt, ¡nejchaxoeldebej Sodoma paklowaxpijwliajwa, Gomorra paklowaxpijwliajwabej, asey jiw, mox duilpiliajwabej japapaklowaxanxot! Japapaklowaxanpijw nakaepoejwa nabɔ'moejt. Watho'bej nakaewatho'a nabɔ'moejt. Samata, Dios to'a jit, pinjiyax, natacholnaliajwa japapaklowaxan poxasik. Jasoxtat japapaklowaxanpijw toejafas. Samata, amwɔtjel puexa jiw, babijaxan ispi, pajut chiekal matabija Dios asamatkoi jitat kastikaxaes pox pomatkoichaliajwa. Japajit toepaxil.

⁸ Poejiw, xamalxot patpi, japi pat xamal naekichachajbalijwa. Japi babejchowbej. Me-ama pejwɔajnapijiw, ja-aech japi poejiw. Japi poejiw babijaxan is, masoxtat taenpoxan, asey jiw tae-elpoxan. Nejweslabejpi Dios tato'alpoxan isliajwa. Japi jɔm-aechbej babejjamechan Dios pej-áγγελsliajwa. ⁹ Dios pej-áγγελ, japon pawɔlpon Miguel, puexa Dios pej-áγγελ tato'lan, jɔmchi-elon kaejame, babejjame, Satanásliajwa. Me-ama poejiw, xamalxot patpi, jɔm-aech babejjamechan Dios pej-áγγελsliajwa, jachi-el Miguel. Chajiakolaxtat Moisés tɔp wɔt, Satanás fisasia Moisés pejbɔ't. Pe jawɔt, Miguel kitapae-el Satanás fisliajwa Moisés pejbɔ't. Jawɔtbej Miguel jɔmchi-el babejjamechan Satanásliajwa. Asbuan jɔmch jɔm-aechon Satanásliajwa: “¡Dios xam nej kastike!” —aechon. ¹⁰ Pelax poejiw, xamalxot patpi, babejjamechan jɔm-aech pajut jɔmmatabija-elpoxanliajwa. Me-ama choef matabija-el isliajwa, ja-aech japi jiw. Samata, Dios kastikas wɔt, toesaxaesi.

¹¹ Diachwujnakolax japi jiw Dios xabich kastikaxaes, babijaxan is xot, me-ama Caín babijax is chajiakolaxtat, ja-aech xoti. Xabich platakak kanasiapi. Me-ama profeta Balaam isasia, chajia laeja wut, ja-aechlap-is japi jiw. Samata, japi jiw Dios pejjamechan naewuajan wut, chiekal naewuajna-el. Japibej pajut naexasis-el Dios tato'alpoxan. Chajiakolaxtat Coré naexasis-el wut Moisés tato'alpox, japon tuj, Dios kastikas wut. Xamalxot patpi, jachiyaxaeschlap-is. Dios kastikas wuti, japibej tuxaxael. ¹² Xamal natamejlam wut xaeliajwam kaeyaxtat, jawut japibej xamalxot pat xaeliajwa, xamal suapich. Xamal nadala japiliajwa. Pelax japi padaeyax chiekal wejisal, xamal suapich, xaeliajwa, feliajwabej. Xabich xael wuti, japi xanejchadus-el a sew jiw, puexa jiw kaechxajupaliajwa. Me-ama oveja tataeflan, nejchaxoel pejew oveja chiekal tataeflaliajwa, jachi-el japi jiw. Nejchaxoel asbuan jumch pajut natataeflaliajwa. Nejchaxoela-eli xamal tataeflaliajwa. Japi ispoxan xabich pachaema-el. Me-ama itloejen, iampi, joewa xafos, ja-aech japi jiw, pachaema-el xot a sew jiwliajwa. Me-ama naebaechnae baechjil wut, kaelel tuj, ja-aechlap-is japi jiw, pachaema-el xoti a sew jiwliajwa. Japibej, me-ama nae, potathina chakuchnae, kaelel fo'aliajwas, ja-aech japi jiw. ¹³ Japibej, me-ama pintruxan pijabaspo x pamaklelde putase oelaliajwa, ja-aech japi jiw, isful xot babijaxan, padalapoxan. Japibej, me-ama ithaej fol wut, matxalpi, ja-aech japi jiw. Pomatkoicha japi jiw Dios kastikaxaes. Samata, duilaxaeli itkuataxot.

¹⁴ Enoc chajiakolaxtat duk. Japon Adán pamon. Enoc Dios kajachawaech xot, jum-aechon ampo x: “Wajpaklon Dios asamatkoi xabich pin-iakola pej-ángeles bu'pasaxael. ¹⁵ Dios tasalaxael puexa jiw, pejbu'wujajanpi, japi jiw is-el xot japon tato'alpoxan. Kastikaxaelbejpon puexa jiw, jum-aechpi babejjamechan Diosliajwa” —aech Enoc. Enoc chajia jum-aech japoxliajwa, matabijt xot asamatkoi xamalxot pasaxaelpiliajwa. ¹⁶ Japi jiw, xamalxot patpi, jum-aechi babejjamechan puexa jiwliajwa. Puexa pachaem wutbej japi jiwliajwa, nakiowa jum-aechful babejjamechan japoxanliajwa. Babijaxan isbejpi, pajut isasiapoxan. Do jawux, japi ispoxan a sew jiw chapaeipi sitaeliajwas. Jum-aechbejpi a sew jiwliajwa: “Xam chiekal pachaemam” —aechbejpi chaxduiliajwas wewe'paspo xan.

Judas naewuajanpox Jesús pejwujajan naexasiti naekichachajbasamatas

¹⁷ Takoew, xamal xabich nejxasinkaxpim, nejchaxoelam wut, nejchaxoelde Jesucristo pejjiw, apóstoles, chajia jum-aechpox! ¹⁸ Japi apóstoles chajia jum-aech: “Matkoiyan toepax wujajna, jiw jumchiyaxael babejjamechan Dios pejjamechanliajwa. Bu'wujajanpaeyaxaelbejpi Dios pejjiw. Xabich babijaxan isaxaelbejpi, pajut isasiapoxan” —aech apóstoles. ¹⁹ Japi jiw xamalxot naewuajan wut, jiw kaenejchaxoelaxil. Samata, xabich jiw nasalaxael. Japi, xamalxot patpi, isful babijaxan, pajut isasiapoxan. Japi jiw pejmatruatanxot jil Espíritu Santo.

²⁰ Takoew, xamal nejxasinkaxpim, jchiekal naexasisfulde Jesús pejwujajan, Dios kaes chiekal xanaboelaliajwam! jDios kawujajandebej, me-ama Espíritu Santo xamal tato'al kawujajnalijwam Dios! ²¹ Dios xamal xabich nejxasink. Samata, Dios to'a xot, jxamal chiekal duilde! jWujajnawesfulde wajpaklon Jesucristo fuloeyaxoekpox, xamal pomatkoicha duilaliajwam Diosxotse, xamal beltaen xoton babijaxan isampoxanliajwa!

²² A sew jiw chiekal naexasis-elfuk Jesús pejwujajan. Samata, naewuajnam wut, japi jiw chiekal naewuajande, japibej chiekal naexasisliajwa Jesús pejwujajan! ²³ Jiw, naexasis-eli Jesús pejwujajan, japi jiwliajwa chachoel, infierno poxaxaek xoti. Samata, jxamal kamta naewuajande japi jiw chiekal jummatajibaliajwa, Dios bu'welija xwas infierno pox-asamatapi! A sew jiwliajwa tampuel Jesús pejwujajan, japi jiw chiekal jummatajibaliajwa. Samata, japi jiw chiekal naewuajande naexasisliajwapi Jesús pejwujajan! Japi babijaxan is wut, jxamal japoxan nabej nejxasinke"! jChiekal taem xamalbej isasamatam babijax, japi jiw babijaxan is wut!

Puexa Jesús pejwujajan naexasiti, japi chimiajamechan jumchiyaxaelpox Diosliajwa

²⁴⁻²⁵ Kaen Dios, japon xatis nakbu'weyaxael babijaxan isaspoxanliajwa. Japon naktataeflaxael isasamatas babijaxan. Asamatkoi, nuilaxaes wut Dios pejwujajnalel,

wajpaklon Jesucristo tɔp xot babijaxan isaspoxanliajwa, bu'wɔɔajanjilaxaes Diosliajwa. Jaxotaxaes wɔt, Dios pej-itliakax taens wɔt, xabich nejchachaemlaxaes. Samata, jɔmchiyaxaes Diosliajwa: “ǀXam xabich pachaemam!” —chiyaxaes, xabich mamnik xoton. Puexa jiw matabijaxael Dios. Japon xajɔp puexa jiw tato'laliajwa. Jasoxtat Dios chajiakolaxtat majt puexa jiw tato'al. Amwɔtjel nakiowa, ja-aechfɔk japox. Dios puexa jiw tato'laxaelpox, japox pomatkoichaliajwa.

That toepax pat wut, machiyaxael ampathat

Jesucristo itpaepox pejiw, japi matabijaliajwa asamatkoi that puexa jachiyaxaelpoxan

¹ Dios puexa itpaepi Jesucristo matabijliajwa asamatkoi puexa that jachiyaxaelpoxan, Jesucristobej japoxan itpaeliajwa pejiw, naexasiti japon pejwujajan. Samata, Jesús to'ak pej-ángel xanlelsik na-itpaeliajwa japoxan. Xan Juan, Jesucristo pejnachalnan, lelaxaelen ampapelfutat japoxanliajwa. ² Samata, puexa taenxpoxan, jumtaenxpoxanbej, lelaxaelen ampapelfutat. Japoxan Jesucristo na-itpaepi. Nachapaeibejpon Dios pejjamechan.

³ Aton chanaexaljow wut ampapelfut asew jiw jumtaeliajwa, japon aton nejchachaemlaxael. Nejchachaemlaxaelbej naeweti ampawujajan, Dios to'apox. Japi matabija wut, naexasit wutbej, Dios chajia jum-aechpox, puexa japi jiw chiekal nejchachaemlaxael. Puexa japi jiw nejchachaemlaxael, mox pawujajna xot pasliajwa puexa ampapelfutat lelaxaelenpoxan.

Juan lelpo ampawujajan siete iglesiaspijiw poxade xato'aliajwa

⁴ Xan, Juan, ampawujajan lelx xamal, Asia tuajnapijwamliajwa, siete iglesiaspijwamliajwa. Dios jila-el. Amwutjelbej dukon. That is-el wutfuk, jawutbej japon duk. Dukaxaelbejpon pomatkoichaliajwa. Xan Dios kawujajnax xamal kajachawaesliajwa, chiekal duilaliajwambej. Espiritu Santo xabich pachaem. Japon nuk Dios pejwujajnalel. Japonbej xamal kajachawaesaxael. ⁵ Jesucristobej kawujajnax xamal kajachawaesliajwa. Japonbej jiw naewujajan Dios pejjamechan. Japon tup wut, matxoela mat-ech pejme dukaliajwa. Japon kaes pejme paklon. Me-ama asew jiw, ampathatpijiw tato'alpi, jachi-elon. Jesús xabich xatis naknejxasink xot, tupon xatiliajwa. Jakitison xatis Dios nakbu'welija. ⁶ Jesús xatis nakmakanot japon pejiwaliajwas. Asamatkoi, xatis puexa jiw tato'laxaes, japon suapich. Jesús pijaxtatbej sacerdotsxaes, waj-ax Dios kawujajnalija asew jiwliajwa. Samata, pomatkoicha Dios jumchiyaxaes: “¡Xam xabich pachaemam!” —chiyaxaes. Jesús pomatkoicha puexa jiw tato'laxael. Japox toepaxil.

⁷ ¡Cristo fuloeyaxoek itloejentat! Jawut puexa jiw taeyaxaeson. Jiw kimatamatalpibej Cristo cruztat, japi jiwbej taeyaxaeson. Puexa ampathatpijiw, naexasis-elpibej Dios, Cristo taen wuti, xabich pejlwt noeyaxaeli. Jachiyaxaeli asamatkoi.

⁸ Wajpaklon Dios xajup puexa isliajwa. Pajut jum-aechon: “Xan akaseskolaxtat, puexa isx wut, kaes pejme wujajna xan dukx. Amwutjelbej nakiowa dukx. Asamatkoi, puexa isxpoxan toetx wutbej, xan pomatkoichaxaelen” —aech Dios pajutliajwa.

Jesús natulaelt wut, itliakpox

⁹ Puexa xatis nakaewas, Jesús pejiws xot. Samata, xatis nabijatas, asew jiw babijaxan is xot xatiliajwa. Pe nakiowa, Jesús nakkajachawaet boejtaliasliajwas, nabijatas wut. Samata, xatis, Jesús suapich, naktato'laxaes, asamatkoi, japon puexa ampathatpijiw tato'al wut. Jiw naewujajnax xot Dios pejjamechan, Jesús pejwujajanbej, asew jiw najaelt nabuflaeliajwa Patmos tanaetxot nakastikaliajwa. ¹⁰ Patmos tanaetxotx wut, dominkomatkoiki wut, Espiritu Santo pijaxtat masoxtat chalechkal taenx asamatkoi ampathat jachiyaxaelpox. Jawut tajwuchakallel pinjame jumtaenx. Japajame, me-ama trompeta nababaes wut, jathia-aechox. ¹¹ Japajame najum-aech: “¡Lelde taenampoxan, taeyaxaelampoxanbej! Lelax toetam wut, japox xato'im Jesús pejwujajan naexasiti poxade, siete iglesiaspijiw poxade! Japi Éfeso paklowaxpijiw, Esmirna paklowaxpijiw, Pérgamo paklowaxpijiw, Tiatira paklowaxpijiw, Sardis paklowaxpijiw, Filadelfia paklowaxpijiw, Laodicea paklowaxpijiwbej. Puexa japi siete paklowaxanpijiw, Asia tuajnapijiw” —nae aech japajame. ¹² Japajame jumtaenx wut, xan wultataenx taeliajwan najum-aechpon. Pe jawut, taenx siete candelabros. Japoxan, orocandelabros. ¹³ Siete candelabrosxot, jaxot xan Jesús taenx. Naxoelon pakchowax. Pejtuaktajmexot wewe'pas pejnaxoelax.

Matiafkakü'apon orocinturónmuat. ¹⁴ Pejmatla papoei. Pej-itfu, me-ama jitkaech-ia'an wüt, ja-itfu-aechon. ¹⁵ Pejtuak xabich nakliafan. Bronze jojaspox wüt, jatuak-aechon. Jesús pejjame, me-ama xabich minaposnik wüt, jajum-aech Jesús pejjame. ¹⁶ Jesús pejpoklake-elel siete ithaej ki-oelson. Japon kaechmatalusponbej espada. Japowa xabich nataelapabua'. Puexa pejxu xabich itliak. Me-ama juimt itliak wüt, jaxu-aechon.

¹⁷ Xan Jesús taenx wüt, okjabax japon pejwüajnalel. Me-ama tux wüt, ja-an. Do jawüt, najachapon pejpoklake-elel. Jawütbej najum-aechon: “¡Xam nabej nejlewlé! Xan chajiakolaxtat puexa tuadutx. Asamatkoi puexa toesaxaelenbej japoxan. ¹⁸ Xan majt jiw naboesa. Pe taj-ax Dios xan namat-et pejme dukaliajwan. Taj-ax natapaei tajjiw bü'welajwan, japi jiw tux wüt infierno poxasamatapi. ¹⁹ ¡Lelde taenamoxan! ¡Leldebej asamatkoi jachiyaxaelpoxan! ²⁰ Siete ithaejt, taenampi tajpoklake-elel, japoxan jiw taen wüt chiekal nejchaxoelaliajwa siete poejiwliajwa. Japi, siete poejiw, kaenanula tataeful kaepaklowaxpijiw, tajwüajan naexasiti. Siete orocandelabros, jiw japoxan taen wüt, japi nejchaxoelaliajwa siete paklowaxanpijiw, japi tajjiw, tajwüajan naexasitiliajwa” —na-aech Jesús.

2

Jesús kito'apox Juan lelaliajwa carta Éfeso paklowaxpijiwliajwa

¹ Jesús, pejpoklake-elel siete ithaej ki-oelson, siete candelabros chanuilxot, japon nakito'a wüt lelaliajwan carta Éfeso paklowaxpijiwliajwa, japi pejtataeflanliajwabej, japon jum-aech ampox japiliajwa: ² “Xan chiekal matabijtax xam puexa isampoxan, nejjiw suapich. Xamal xabich nabistam Diosliajwa. Samata, nabijatam, asew jiw babijaxan is wüt xamalliajwa. Nabijatam wüt, nakiowa nabistam Diosliajwa. Matabijtaxbej, xamal nejwesla jiw babejchow. Xan matabijtaxbej, asew jiw pajutliajwa najum-aech wüt xamalxot: ‘Xanal apóstoles’ —na-aech wüti, xamal japi jiw majt xapaejam. Do jawüt, chiekal matabijam japi diachwüajnakolax apóstoles-elpi. Japi asbuan jumch naekichachajbapijiw. ³ Xamal nabijatam, tajjiwam xot. Ja-am wüt, nakiowa xan naxanaboejafulam. ⁴ Pe kaeyax jumchiyaxaelen xan nejweslapox xamalliajwa. Xamal chiekal xan nanejxasinka-emil. Me-ama majt xan nanejxasinkam wüt, jachi-emil xanliajwa. ⁵ Samata, nejchaxoelam wüt, ¡chiekal nejchaxoelde, majt xamal xabich nanejxasinkam! ¡Xan pejme chiekal nanejxasinkde! Me-ama majt xan nanejxasinkam wüt, ¡ja-amsfulde! Jachi-emil wüt, xamal tajjiwaximil. ⁶ Pe xan kaeyaxliajwa nejchachaemlax xamalliajwa. Me-ama xan nejwesla nicolaítas ispoxan, xamalbej ja-am, nejwesla wüt nicolaítas ispoxanliajwa. ⁷ Xamal matabijasiam wüt, ¡chiekal jumtaem Espiritu Santo jum-aechpox xamalliajwa! Espiritu Santo jum-aech: ‘Jesús pejwüajan naexasiti nakiowa naexasisful wüti, hasta japi tux wüt, japi pomatkoicha duilaxael Diosxotse’ —aech Espiritu Santo” —aech Jesús Éfeso paklowaxpijiwliajwa.

Jesús kito'apox Juan lelaliajwa carta Esmirna paklowaxpijiwliajwa

⁸ Jesús chajiakolaxtat puexa ispon, japonbej pajut asamatkoi puexa japoxan toesaxael. Japon majt tux cruztat. Do jawux, Dios mat-echpon pejme dukaliajwa pomatkoicha. Japon pejme nakito'a wüt lelaliajwan Esmirna paklowaxpijiwliajwa, japi pejtataeflanliajwabej, japon najum-aech ampox japiliajwa: ⁹ “Xan chiekal matabijtax nabijatampoxan, asew jiw babijaxan is wüt xamalliajwa. Taenxbej, xamal kijimil wüt. Pe diachwüajnakolax xamal kimaenkam Diosliajwa. Matabijtaxbej, judíos, tajjiwaelpi, jum-aech wüt babejjamechan xamalliajwa. Japi judíos, Satanás pejjiw. ¹⁰ Xamal nabijatam wüt, ¡nabej nejlewlé! Xamalxot asew jeyaxaes jiw jebatat Satanás pijaxtat. Japoxan jachiyaxael, puexa xamal xapaeja wüt. Japox ja-aech wüt, asbuan jumch nabijasaxaelam diez matkoiyan. Pe nakiowa, xamal xan naxanaboejam wüt, hasta xamal tuxam wüt, pomatkoicha duilaxaelam Diosxotse. ¹¹ Chiekal matabijasiam wüt Espiritu Santo jum-aechpox xamal tajjiwampim, ¡chiekal xan nanaewe'e! Espiritu Santo ampox jum-aech: ‘Jesús pejwüajan naexasiti chiekal naexasisful wüti, hasta japi tux wüt, japi

kastikaxisal, Dios asew jiw kastika wut' —aech Espíritu Santo” —aech Jesús Esmirna paklowaxpijiwliajwa.

Jesús kito'apox Juan lelaliajwa carta Pérgamo paklowaxpijiwliajwa

¹² Jesús, kaechmataluspon espada, nataelapabua'powa, japon pejme nakito'a wut lelaliajwan carta Pérgamo paklowaxpijiwliajwa, japi pejtataeflanliajwabej, japon jum-aech ampox japiliajwa: ¹³ “Xan matabijtax xamal puexa isampoxan. Matabijtaxbej, xamal duilamxot Satanás pejjijw jaxot tato'al. Jaxotam wut, nakiowa xan tajwuaajan naexasisfulam. Pawulpon Antipas, japon chajia naewuaajan tajwuaajan. Baxael, Satanás pejjijw japon boesas wut, xamal taenam. Japox ja-aech wut, xamal nakiowa kofa-emil xan tajwuaajan naexasisfulampox. Samata, xan xabich nejchachaemlax xamalliajwa. ¹⁴ Pe jumchiyaxaelen xan nejweslapoxan xamalliajwa. Xamalxot asew jiw naewuaajan asawuaajan jiw babijaxan isliajwa, me-ama chajia profetakolna-elpon. Japon pawul Balaam. Japon xabich jiw naekichachajba. Balaam naewuaajan xot, Balac fiesta is judíos tadusliajwa. Samata, japafiestatat judíos xabich babijaxan is, xael xoti pawí, ídolosliajwawí. Japafiestatatbej judíos asew watho', asajiwpi, bu'moejtbejpi. ¹⁵ Asew xamalxot, xan tajjiwpi, naexasitbej nicolaítas naewuaajanpox. Samata, japi nejwesla kofaliajwa japi naewuaajanpox, xabich sichaems xotipox. ¹⁶ Samata, jkofim babijaxan isampoxan, Dios pejme chiekal naexasisliajwam! Xamal jachi-emil wut, ja-am wut, xan tajut pasaxaelen xamalxot nabeliajwan, babejchow suapich, espadatat, tajkaechatat matalupowatat. ¹⁷ Xamal matabijasiam wut, jchiekal naewe'e Espíritu Santo jum-aechpox naexasisliajwam! Espíritu Santo jum-aech: ‘Jesús pejwuaajan naexasiti nakiowa naexasisful wut, hasta japi tuj wut, chaxduiyaxaelen xaeliajwa maná, moechasi. Kaenanula chaxduiyaxaelenbej papoei-ia't. Japa-ia'tmatwuaajtat laxaelen pajelwul. Japawul asew jiw matabijaxil. Kaemutpijiw, ia' nosaxaelpi, japikal matabijaxael japawul' —aech Espíritu Santo” —aech Jesús Pérgamo paklowaxpijiwliajwa.

Jesús kito'apox Juan lelaliajwa carta Tiatira paklowaxpijiwliajwa

¹⁸ Jesús, Dios paxulan, me-ama jitkaech-ia'an wut, itfu-aechpon. Xabich tuaknakli-afanbejpon. Me-ama bronce jojaspox, jatuk-aechon. Japon pejme nakito'a wut lelaliajwan carta Tiatira paklowaxpijiwliajwa, japi pejtataeflanliajwabej, japon jum-aech ampox japiliajwa: ¹⁹ “Xamal isampoxan, xan chiekal matabijtax. Asew jiw nejxasinkam. Xan chiekal nanaexasitambej. Xamal chiekal nabistambej Diosliajwa. Asew jiw pijaxtat nabijatam wut, xan nakiowa nanaexasitambej. Amwutjel kaes pejme xanliajwa nabistambej. Samata, xan nejchachaemlax xamalliajwa. ²⁰ Pe xan kaeyax jumchiyaxaelen, nejweslapox xamalliajwa. Xamal fias-emil Jezabel, babijaxan is wut. Japow pajut najum-aech asew jiwliajwa: ‘Xan profeta-atowan, Dios nabuxto'apowan’ —aechow asbuan jumch. Japox jum-aech wut, japow asew jiw naekichachajba, xamalxot japi tajjiwpi. Japow naewuaajan poejiw, japi poejiw asew watho' bu'moejsliajwa, pejwatho'a-elpi. Japow japi jiw naewuaajanbej xaeliajwapi pawí, ofrenda, ídolosliajwawí. ²¹ Xan piach wuaajnewetx japow kofsliajwa babijaxan isfulpoxan, Dios naexasisliajwapow. Pe japow kofs-el babijaxan isfulpoxan. Japow asew poejiw xabich bu'moejt. ²²⁻²³ Samata, japow waxae chato'axaelen kamaxtat cha-okaliajwa. Japow paxibej tujaxael xan ki-anpoxtat. Asew jiw babijaxan is wut, japow ispoxan, japi kofa-el wutbej, japi jiwbej japawaxaetat nabijasaxael. Ja-aech wut, puexa jiw, tajwuaajan naexasiti, chiekal pajut matabijaxael, xan chiekal matabijtax puexa jiw nejchaxoelpoxan. Xamal kaenanula xanliajwa chiekal nabistam wut, japabichaxanliajwa xamal kaenanula chaxduiyaxaelen. Chiekal nabistpi xanliajwa, japi xabich chaxduiyaxaelen. Chiekal nabich-elpi xanliajwa, japi chaxduiyaxinillejen. ²⁴ Xamal, Tiatira paklowaxpijwam, naexasis-emil Jezabel naewuaajanpoxan. Samata, xan ampox jum-an xamalliajwa. Japow naewuaajan Satanás pijaxan. Samata, asew jiw babijaxan is japow pijaxtat. Kaes matabijasiapi Satanás pijaxan. Pe xamal jachi-emil. Samata, xan xabich nejchachaemlax xamalliajwa. Xamal

to'axinil naexasisliajwam asanaewuajnxan, tampoelpoxan. ²⁵ ¡Xamal xan naxanaboejim! ¡Pomatkoicha ja-amde, hasta xan paskax wut! ²⁶ Tajwujajan naexasiti is wut xan nejxasinkapoxan, hasta japi tɔp wut, asamatkoi japi xan to'axaelen tato'laliajwa puexa ampathatpijiw. ²⁷⁻²⁸ Taj-ax nato'a ampathatpijiw tato'laliajwan. Pamamaxtat tato'laxaelen xan nanaexasisliajwapi. Xan xabich kastikaxaelen jiw nanaexasis-elpi. Me-ama xan taj-ax nato'a wut, jachiyaxaelen xamalliajwabej. Samata, ¡xamalbej nejjiw chiekal tato'alde! Ja-am wut, ithaejt, nalianapijin, xamal chaxdusaxaelen. ²⁹ Xamal matabijasiam wut, ¡chiekal naewe'e Espiritu Santo jum-aechpox tajwujajan naexasiti jumtaeliajwa!” —aech Jesús Tiatira paklowaxpijiwliajwa.

3

Jesús kito'apox Juan lelaliajwa carta Sardis paklowaxpijiwliajwa

¹ Jesús, ki-oespon siete ithaejt poklalel, japon to'a Espiritu Santo siete iglesiapijiwliajwa. Japon pejme nakito'a wut lelaliajwan Sardis paklowaxpijiwliajwa, japi pejtataeflanliajwabej, japon jum-aech ampox japiliajwa: “Xan matabijtax xamal isampoxan. Jiw chimiajamechan jum-aech xamalliajwa. Japi jiw jum-aech: ‘Sardis paklowaxpijiw chiekal naexasit Jesús pejwujajan’ —aech japi jiw xamalliajwa. Pe xamal diachwujanakolax chiekal pachaema-emil. Xan chiekal matabijtax. Majt chiekal Dios naexasis-emil xot, xamal, me-ama tɔpam wut, ja-am Diosliajwa. ² Samata, xamal, me-ama jelnathikampim wut, ¡ja-amde chiekal nejchaxoelaliajwam Dios nejxasinkapoxan! ¡Dios kawujajande xamal kajachawaesfulaliajwa pomatkoicha kaes chiekal Dios xanaboejalijwam! Xan matabijtax. Xamal asbuan jumch, me-ama damlam Diosliajwa. Japoxlap Dios nejwesla. ³ ¡Chiekal nejchaxoelde, asew jiw naewujajan wut xanliajwa! Japox nejchaxoelam wut, ¡xan nanaexasi'e! Ja-am wut, ¡kofim babijaxan isampoxan! Pe kofa-emil wut, nawujanawesfula-emil wutbej tajpasax, xan chalechkal pasaxaelen xamalxot. Me-ama kithakan chalechkal pat natkowaliajwa, xanbej jachiyaxaelen, chalechkal pasaxaelen wut. ⁴ Xamal Sardis paklowaxpijwamxot, kaesupich jiw babijaxan is-el. Samata, japi jiw, chapona-asda'nika-el wut, ja-aechi Diosliajwa, chiekal duil xoti. Samata, japi jiw asamatkoi xanxot duilaxael. Naxoeyaxaelbejpi papoei, xabich chamoeyaxan, xan tajjiw xoti. ⁵ Tajwujajan naexasiti nakiowa naexasisful wut, hasta japi tɔp wut, japi naxoeyaxael papoei. Xan japi pejwulan joeyaxinil, pelfutat wullelpilis. Samata, pomatkoicha japi duilaxael Diosxotse. Xan jumchiyaxaelen japi jiwliajwa: ‘Ampi xan tajjiw’ —chiyaxaelen taj-ax Dios pejwujajnael, japon pej-ángeles pejwujajnaelbej. ⁶ Xamal matabijasiam wut, ¡chiekal naewe'e naexasisliajwam Espiritu Santo jum-aechpox tajwujajan naexasitiliajwa!” —aech Jesús Sardis paklowaxpijiwliajwa.

Jesús kito'apox Juan lelaliajwa carta Filadelfia paklowaxpijiwliajwa

⁷ Jesús, xabich pachaempon. Japon puexa jiw tato'laxael. Chapaeibejpon diachwujanakolaxpox. Me-ama chajiakolaxtat majt rey David puexa israelitas tato'al, jachiyaxaelbej Jesús. Japon tapaeyaxael asew jiw pasliajwa Diosxotse. Jumchiyaxaelbejpon asew jiwliajwa: “Ampi jiw pasaxael Diosxotse” —chiyaxael Jesús. Jumchiyaxaelbejpon asew jiwliajwa: “Ampi jiw pasaxil Diosxotse” —chiyaxaelbejpon. Japon pejme nakito'a wut lelaliajwan Filadelfia paklowaxpijiwliajwa, japi pejtataeflanliajwabej, japon jum-aech ampox japiliajwa: ⁸ “Xan chiekal matabijtax xamal isampoxan. Matabijtaxbej nejxanaboejaxan chiekala-elpox xanliajwa. Pe nakiowa, xamal tajwujajan naexasitam. Xanali-emil tajjiwampox asew jiwliajwa. Samata, to'axaelen xamal asew jiw naewujajnalijwam tajwujajan. Asew jiw xamal buxfiasasia wut, xan tapaeyaxinil japi jiw xamal buxfiasliajwa. Samata, asew jiw naewujajnaelam tajwujajan. ⁹ Asew judíos naexasis-el tajwujajan, chajia naewujajnas wuti. Samata, japi, me-ama judíos-el wut, ja-aechi. Japi judíos, Satanás pejiw. Asamatkoi japi to'axaelen brixtat nuilaliajwa xamal nejwujajnael. Ja-aech wut, japi judíos pajut chiekal matabijaxael xamal nejxasinkaxpim. ¹⁰ Xamal to'aliajwan wut, majt jum-an: ‘Asew jiw babijaxan is wut

xamalliajwa, ꞑnakiowa xan tajwꞑajan naexasisfulde! —an xan chajia xamalliajwa. Do jawꞑx, japox ja-aech xamalliajwa. Samata, asamatkoi xabich chachoeł wꞑt, xamal kajachawaesaxaelen. Japamatkoi puexa jiw xapaejaxaes, ampathatpijiw. ¹¹ Asamatkoi xan kamtalejen pasaxoekan xamalxotsik. Samata, ꞑDios chiekal naexasisfulde, kaenanꞑla xamal Dios chaxduiyaxaelpox asew jiw xamal kinosasamata! ¹² Tajwꞑajan naexasiti nakiowa naexasisful wꞑt, hasta japi tꞑp wꞑt, japi duilaxael pomatkoicha Diosxotse. Jaxotse kaes nakolaxillisi. Jawꞑt xan japi pejbꞑ'antat lelaxaelen Dios pejwꞑł. Dios pijax pajelpaklowax, Jerusalén paklowax, pasaxaekpox athꞑelsik. Japapaklowaxwꞑłbej lelaxaelen japi jiw pejbꞑ'antat. Lelaxaelenbej tajwꞑł, pajelwꞑł, japi pejbꞑ'antat. ¹³ Xamal kaes chiekal matabijasiam wꞑt, ꞑchiekal naewe'e naexasisliajwam Espiritu Santo jꞑm-aechpox tajwꞑajan naexasitiliajwa!” —aech Jesús Filadelfia paklowaxpijiwliajwa.

Jesús kito'apox Juan lelaliajwa carta Laodicea paklowaxpijiwliajwa

¹⁴ Jesús, diachwꞑajnakolaxpox chapaeipon. Japon chiekal chapaeibej Dios pej-jamechan jiwliajwa. Japon puexa isbej Dios ispoxan ampathatat. Japon pejme nakito'a wꞑt lelaliajwan Laodicea paklowaxpijiwliajwa, japi pejtataeflanliajwabej, japon jꞑm-aech ampox japiajwa: ¹⁵ “Xan matabijtax puexa isampoxan. Matabijtaxbej xamal chiekal xan nanejxasinka-emilpox. Xabichbej nanejwesla-emil. Xan nanejxasinkasiam wꞑt, ꞑchiekal nanejxasinkde! O, jachi-elasiame wꞑt, ꞑkaelel diachwꞑajnakolax xan nanejweslade! ¹⁶ Xamal chiekal nanaexasisfula-emil tajwꞑajan. Samata, xamal pelsaxaelen. ¹⁷ Xamal nejchaxoelam wꞑt, jꞑm-am: ‘Xan kimaenkax. Puexa chiekal nawepachaem isxpoxan. Samata, xan chinax kaeyax nawewe'pa-el’ —am xamal, nejchaxoelam wꞑt. ꞑPe ma-aech xotbejkat xamal najut chiekal matabija-emil xabich nabijatampox Diosliajwa? ꞑPe ma-aech xotbejkat xamal najut chiekal matabija-emil Diosliajwa xabich kijimilpox, itliaklawampoxbej, chiekal bꞑ'jꞑmchalaelpampoxbej? ¹⁸ Samata, xamal naewꞑajnx kaes chiekal matabijaliajwam Dios. Ja-am wꞑt, xabich kimaenkaxaelam Diosliajwa, Dios chiekal xanaboejam wꞑt. Xamal naewꞑajnxbej chiekal naexasisfulaliajwam xan cruztat tꞑpxpox xamalliajwa. Ja-am wꞑt, Dios xamal beltaeyaxael babijaxan isampoxanliajwa. Ja-am wꞑtbej, naxoeyaxaelam papoei Diosliajwa. Xamalbej naewꞑajnx Espiritu Santo kajachawaesliajwa chiekal tataeflaliajwam Dios pijaxan. Ja-am wꞑt, Espiritu Santo pijaxtat kaes chiekal taeyaxaelam Dios pijaxan. Me-ama waxaewꞑamintat najut naitfuwꞑam wꞑt, jachiyaxaelam chiekal taeliajwam. ¹⁹ Xan puexa jiw, nejxasinkaxpi, japi is wꞑt pachaema-elpoxan, xan japi jiw fiatx. Japi babijaxan is wꞑtbej, xan japi jiw kastikax. Samata, ꞑkamta kaelel chiekal kofim padujnejchaxoelaxan! ꞑDios pejme chiekal naexasisfulde! ²⁰ ꞑXan najꞑmtaem chiekal! Aton nejbaxot pat wꞑt, japon lapox jꞑmtaenam wꞑt, xamal ba fafasaxaelam japon aton leliajwa. Xanbej lesian nejmatꞑuatanxot. Xan leyax natapaeyam wꞑt, pomatkoicha xamal chalaxaelen. ²¹ Xan taj-ax Dios naexasisfulax. Samata, xan ekx taj-ax Dios pejpoklalel athꞑxotse tꞑa-ekaxtat, taj-ax sꞑapich, puexa tato'laliajwan. Tajwꞑajan naexasiti, japibej nakiowa naexasisful wꞑti, hasta japi tꞑp wꞑt, japi duilaxael pomatkoicha Diosxotse. Japi jiw xan tapaeyaxaelen, xan sꞑapich, jiw tato'laliajwapi. ²² Xamal matabijasiam wꞑt, ꞑchiekal naewe'e naexasisliajwam Espiritu Santo jꞑm-aechpox tajwꞑajan naexasitiliajwa!” —aech Jesús Laodicea paklowaxpijiwliajwa.

4

Juan taenpox Diosxotsepi, japi jꞑm-aech wꞑt chimiajamechan Diosliajwa

¹ Baxael, xan pejme taenx Diosxotse fafachpox. Me-ama xamoejtax wꞑt, ja-an, japox taenx wꞑt. Pejme jꞑmtaenx Jesús, majt xanliajwa jꞑm-aechpon. Japon naksiya wꞑt, pejjame, me-ama trompeta, jathia-aechox. Do jawꞑt, najꞑm-aechon: “ꞑJulaman xanlelsan! Xam itpaeyaxaelen, asamatkoi machiyaxael japathatxotdik” —aech Jesús xanliajwa.

² Jawut tajut chiekal matabijtax Espiritu Santo nachalapox. Xan taenx, Dios ek wut athuxotse pejtua-ekaxtat. ³ Dios xabich itliak japatua-ekaxtat. Me-ama ia', ommaenkpi, pawuli jaspe, cornalina pawulibej, ja-itdel-aech japa-itliakax. Xan jaxot taenx japon pejtua-ekaxtabijlasik alwaera. Japa-alwaera xabich nakliafanpox. Me-ama esmeralda wut, ja-itdel-aechpox japa-alwaera. ⁴ Japatua-ekaxxot asatua-ekaxan masajiasnuil, veinticuatro tua-ekaxan. Japatua-ekaxantat chalak veinticuatro ancianos. Papoei naxoeipi. Kaenanula matlua'api orocorona. ⁵ Dios ekxot xabich nakliafbala chamx. Dios naksiya wut, me-ama chamx jumtia wut, jajum-aechon. Dios pejwujnalel siete baenthnaeyan kabuan-aechpi, tamdadusnuil. Japabaenthnaeyan, jiw taen wut, nejchaxoelaliajwa Espiritu Santo pejpamamax. ⁶ Dios ekxot, me-ama puka pinjiyax, kabuan-aech. Japox xabich thujal. Tinkbejpox.

Dios pejtua-ekaxxot masajiasnuil cuatro choef kabuan-aechpi. Japi choef xabich pona itfu. ⁷ Cuatro choef kabuan-aechpixot, kaen japixot, nuth pasoeyan kabuan-aech. Asan japixot, tor kabuan-aech. Asan, trespijin, atonxu wut, jaxu-aechon. Asan, taxdukapijin, me-ama kakoef papun wut, ja-aechon. ⁸ Cuatro choef kabuan-aechpi, kaenanula seis ba'an. Pejba'anmatwujtat, patulelbej, xabich itfu. Japi matkoi, madoibej, buxkofa-el, jum-aech wuti Diosliajwa:

“Xabich pachaempon wajpaklon Dios. Xabich mamnikbejpon. Xajap puexa isliajwa. Amwutjel dukon. That is-el wut, jawutbej japon duk. Pomatkoichaliajwabej dukaxaelon” —aech japi Diosliajwa, cuatro choef kabuan-aechpi.

⁹ Cuatro choef kabuan-aechpi jum-aech Diosliajwa: “¡Xam kaenam jiw tato'lam! ¡Xam puexa jiw sitaenponambej! ¡Isampoxan xabich pachaem xanalliajwa!” —aech choef kabuan-aechpi Diosliajwa. ¹⁰ Do jawux, veinticuatro ancianos brixtat nuil Dios pejwujnalel, pomatkoicha dukpon pejwujnalel, itpaeliajwapi sitaeyax. Jawut jaxot kaenanula veinticuatro ancianos pejcorona jolpi owaliajwa Dios pejwujnalel. Japibej jum-aech Diosliajwa:

¹¹ “Tajpaklon Dios, xam ampathatat puexa isam. Amwutjelbej puexa japoxan ja-aechful. Japoxan isam, isasiam xot. Samata, xam kaenam puexa jiw chiekal tato'lamponam. Samata, puexa jiw xam sitaen. Xam xabich mamnikambej” —aech ancianos Diosliajwa.

5

Dios xa-ekpox pelfut athuxotse

¹ Xan taenx Dios athuxotse, pejtua-ekaxtat ek wut. Pejpoklake-elel xa-ekon chaxkoeyasfut. Japafut pakchowax. Lels matwujlel, patulelbej. Kaenanula wujajan toepxot, xape'tas kaeyax sello taesamatade asawujajan. Ja-aech kaenanula xape'aspoxan siete wujajan chaxkoeyasfutxot. ² Jawut taenx angel, xabich mamnikpon. Japon wujajnachaemt wut, pinjametat jum-aechon: “¡Achankat pachaem xape'taspoxan thialnaliajwa siete wujajan xaljoeliajwa?” —aechon. ³ Aton, xabich pachaempon, ajil ampathatat xape'taspoxan thialnaliajwa japawujajan xaljoeliajwa. Thatbaxotatbej ajil. Tupi pej-aelan, japi pejtujajnuixotdikbej ajil. ⁴ Samata, xan xabich nowx, ampathatat aton ajil xot xabich pachaempon japapelfut xaljoeliajwa. ⁵ Jawut kaen anciano ancianospixot najum-aech: “¡Kaes nabej noe! Kaen Judá pamon, japon xabich pachaem japapelfut xaljoeliajwa. Japon, rey David pamon. Japonbej malecha Satanás. Samata, pachaempon siete xape'taspoxan thialnaliajwa” —aech anciano xanliajwa.

⁶ Jawut xan taenx Cordero, oveja pajelxulan, nuk wut Dios ekxot wujajnalel. Japon nukxot, cuatro choef kabuan-aechpi masajiachpon. Choef kabuan-aechpi nuilxotbej, masajiach veinticuatro ancianos. Cordero xua'laspox bu'wajelnukon. Japon siete matetje. Siete itfutjebejpon. Japi itfu, Dios pej-Espiritu Santo. Japon Espiritu Santo, Dios to'akaspon potujajnuichaliajwa. ⁷ Japon Cordero kaes mox soepan Diosxot kifisliajwa chaxkoeyasfut. Jawut japon kifit japapelfut, Dios pejpoklake-elel xa-ekfut. ⁸ Cordero kifit wut japapelfut, jawut cuatro choef kabuan-aechpi, veinticuatro ancianos suapich,

brixtat nuil cordero pejuwajnalel. Japi ancianos kaenanula xanuilpi arpa dakaliajwa. Kaenanula xanuilbejpi orocopa. Japacopan wulus pawulpi incienso. “Incienso” —aech wut, jumchiliajwapox: “Jiw kawuajanpoxan Dios, japi jiw Dios naexasiti” —chiliajwapox.

⁹ Japi pajeljajuit jajuw Corderoliajwa. Japajajuitat jajuw wut, jum-aechfuli:

“Xam pachaemam xot, Dios tapaei chaxkoeyasfut kifisliajwam, xape'taspoxan thilnali-ajwambej. Xam japox isliajwam pachaemam, asajiw xam boesa xot. Do jawut, tupam wut cruztat, motam puexa jiw bu'welijaewam, japi jiw Dios pejjiwaliajwa. Japi jiw duil potuajnuhan. Kaenanula kaemutanpijiw naksiya pejjamekolaxan.

¹⁰ Xam to'am japi jiw sacerdotesiajwa, wajDios tanbichliajwapi. Xam to'ambej japi jiw tato'laliajwa puexa ampathatpijiw” —aechful ancianos jajuitat, jajuw wut Corderoliajwa.

¹¹ Dios pejtua-ekaxxot cuatro choef kabuan-aechpi masajiat. Ancianosbej masajiat cuatro choef kabuan-aechpixot. Dios pej-angeles masajiat ancianosxot. Dios pej-angeles xabich pin-iakola. Japi millones. ¹² Xan jumtaenx angeles, pinjametat jum-aech wut Corderoliajwa. Jum-aechi:

“Ampon Cordero, xabich pachaempon, boesas. Samata, Dios tapaeispon japon Cordero puexa ampathatpijiw tato'laliajwa. Tapaeisbejpon kimaenkaliajwa, puexa matabijsliajwabejpon. Tapaeisbejpon xabich pejpamamaxliajwa. Japon Cordero tapaeisbej jiw pomatkoicha jumchiliajwas: ‘Xam xabich pachaemam, nakajachawaetam xot’ —chiliajwas” —aech angeles Corderoliajwa.

¹³ Jumtaenxbej puexa Dios ispi, athuxotpi, thatxotpi, tupi pej-aelan, japi pejtuanuxotbej, marxotbej. Puexa japi jum-aech:

“Dios, ekpon pejtua-ekaxtat, Corderobej, japi kolenjelijaewam jumchiyaxaes: ‘Ampi kolenje xabich pachaem. Xatis sitaeyaxaesbejpi. Xabich itliaki. Xabich pejpamamaxbejpi. Jachiyaxaelbejpi pomatkoichaliajwa’ —chiyaxaes japiliajwa” —aech puexa Dios ispi.

¹⁴ Do jawut, cuatro choef kabuan-aechpi jum-aech: “Jasox nej ja-aech'e Diosliajwa, Corderoliajwabej!” —aechi. Jawut veinticuatro ancianos brixtat nuil Dios pejuwajnalel. Jum-aechbejpi Diosliajwa, Corderoliajwabej: “Diachwujnakolax xamal xabich pachaemam” —aech puexa japi.

6

*Chaxkoeyasfut*at xape'taspox siete sellos

¹ Xan taenx, Cordero thialan wut pelfut xape'taspox, matxoelasello. Do jawutlejen, jumtaenx kaen, choefan kabuan-aechpon, naksiya wut. Japon pejjame, me-ama chamx jumsia wut, jajum-aechon, jum-aech wuton kawaeipijinliajwa: “jXabua't!” —aech wuton choefan kabuan-aechponliajwa. ² Jawut taenx kawaei papoeyan. Kawaei tua-ekpon, japon xafol fadoet. Chaxduchpon corona matlua'sliajwa. Jawut chijiapon nabeliajwa, padaelmajiw suapich. Naba wut, padaelmajiw xabich malech toeton.

³ Do pejme Cordero wachakalpijax xape'sax thialan. Jawut jumtaenx wachakalpijin, choefan kabuan-aechpon, jum-aechpox. Japon, choefan kabuan-aechpon, jum-aech: “jXabua't!” —aechon asan kawaeipijinliajwa. ⁴ Jawut xan taenx, asan chapa'an wut kawaei pasoeyantat. Dios pijaxtat japon kawaeipijin ampathatpijiw to'apon nakaewa nabeliajwa. Jawut Dios chaxdutbej espada kawaeitat chapatponliajwa.

⁵ Do jawut, Cordero pejme asaxape'sax thialan. Jawut jumtaenx trespijin, choefan kabuan-aechon, jum-aech wut: “jXabua't!” —aech wuton asan kawaeipijinliajwa. Jawut xan taenx, asan chapa'an wut. Tua-ekon kawaei, pafoejan. Japon xa-ek balanza xajajuiliajwa. ⁶ Pejme jumtaenx, cuatro choefan kabuan-aechpixot kaen jum-aech wut. Jum-aechon: “Kaematkoi bichaxliajwa pa-ompox amwutjel asbuan jumch xajup wuajsliawam kaekilo trigo. Xamal wuajs-elasiawam wut trigo, xajupaxael wuajsliawam tres kilos cebadafu. Pe xajupa-el chawuajsliawam pasimint, vinominbej. Japox koloeyax chawuajsliawam, kaes xabich ommaenkaxael” —aechon.

⁷ Do jawut, Cordero cuartopijax, xape'sax, thialan. Thialan wut, jawut jumtaenxbej, cuatropijin, choefan kabuan-aechpon, jum-aech wut: “¡Xabua't!” —aech wuton asan kawaeipijinliajwa. ⁸ Jawut xan taenx, asan chapa'an wut. Japon tua-ek kawaei pawaerlan. Japon pawul Patupax. Asan wuchakal fulaen. Japon pawul Turituaajn. Cordero pijaxtat japi kolenje xabich jiw beyaxaelpi, una cuarta parte ampathatpijiw. Samata, japi pijaxtat xabich jiw tupaxael, baes wuti. Xabich jiw tupaxaelbej pejlit, waxaetatbej. Xabich jiw kixsaxaesbej pejmachoeff.

⁹ Do jawut, Cordero quintopijax, xape'sax, thialan. Thialan wut, xan taenx jiw baespi, oel wuti altarbuxfaltat. Japi jiw baes, naewuajan xoti Dios pejjamechan asew jiwliajwa. ¹⁰ Jiw baespi pinjametat jum-aech Diosliajwa: “Xam xabich pachaemam. Chajia najum-ampoxan xam isam. ¿Masmatkoiyan suapichkat we'p xam jiw babejchow kastikaliajwam, ampathatpijiw? ¿Maswutbejkat xanal nachamamosaxaelam xanal nabapi, japi jiw xam beliajwam, kastikaliajwam?” —aechi Diosliajwa. ¹¹ Do jawut, japi jiw chaxduws naxoeliajwa papoei. Jawut Dios jum-aech japiliajwa: “¡Xamal damlathulde! ¡Wuaj nawesfuldebej! Asew tajjiwpiwej we'pfuk beliajwas, japi nabistpi Jesucristoliajwa” —aech Dios japi jiwliajwa.

¹² Do jawut, Cordero sextopijax, xape'sax, thialan. Thialan wut, that xabich najaet. Juimt matkoiijin xabich pafoeayan. Me-ama yiafbu', pafoeayax, ja-aech juimt. Juimt madoipijin xabich pasoeyan. Me-ama jal, ja-aech, juimt madoipijin itliak wut. ¹³ Ithaej xabich natacholan that poxadik. Me-ama palolbaech pi'ba wut joewa, ja-aech ithaej, natacholan wut that poxadik. ¹⁴ Thatbaxo kijchas. Me-ama pelfut xakoeyas wut, ajisnat wut, ja-aech thatbaxo. Puexa pinamuxan, tanaetanbej, asalel xaliabas. ¹⁵ Puexa reyes, ampathatpijiw, namoecha pinamuxanwuajanxot, ia'botanbuxfalantatbej. Reyes namoechaxot, jaxotbej namoecha puexa paklochow, puexa soldawpaklochowbej, jiw kimaenkpiwej, asew jiw xabich sitaenspibej. Puexa esclavos, esclavos-elpiwej, namoecha jaxot. ¹⁶ Jiw namoechapi jum-aech pinamuxanliajwa, ia'botanliajwabej, jumtaeliajwas: “¡Xanal tajmatwuajasic natacholnamik namoechaliajwam, Dios, ekpon pejtua-ekaxtat, nataesamata, Cordero nakastikasamatabej, xabich palala xoti! ¹⁷ Matkoi pat, Dios xabich jiw kastikaxaelmatkoi. Samata, kaen xanalxot weyaxil, xanal nakastika wut” —aech namoechapi.

7

Israelitas makmarkaspox Dios pejsellotat

¹⁻² Baxael, taenx cuatro ángeles. Japi tapaeis that tabejsliajwa, marbej. Japi kaenanula xabich atuj nuil. Kaen nuk be'klel. Asan nuk bi'alel. Asan nuk beselel. Asan nuk bi'alel. Japi it-el joewa wikasamata puexa ampathatpijiwxot, puexa naechan uafwilbasamatasbej. It-elbejpi joewa wikasamata marxot. Do jawut, taenx asan ángel, fulaen wut juimt julanlelsan. Japon ángel xalaen Dios pejsello, pomatkoicha dukpon pejsello. Ángel taen wut cuatro ángeles, pinjametat jum-aechon japiliajwa: ³ “Xatisfuk kitoes-esal Dios pejjiw makmarkaspox. Samata, xamal nabej tabejsfuk that, mar, naechanbej!” —aech ángel, Dios pejsello xalaenpon.

⁴ Do jawux, ángeles kitoet wut jiw makmarkax, xan jumtaenx jassuapich jiw makmarkaspox Dios pejsellotat. Makmarkas ciento cuarenta y cuatro mil israelitas. ⁵ Israelitas makmarkaspixot, makmarkas doce mil Judá pamojiw. Doce mil Rubén pamojiwbej makmarkas. Doce mil Gad pamojiwbej makmarkas. ⁶ Makmarkasbej doce mil Aser pamojiw. Makmarkasbej doce mil Neftalí pamojiw. Makmarkasbej doce mil Manasés pamojiw. ⁷ Makmarkasbej doce mil Simeón pamojiw. Makmarkasbej doce mil Leví pamojiw. Makmarkasbej doce mil Isacar pamojiw. ⁸ Makmarkasbej doce mil Zabulón pamojiw. Makmarkasbej doce mil José pamojiw. Makmarkasbej doce mil Benjamín pamojiw.

Xabich jiw, pin-iakola, papoeipox naxoew

⁹ Do jawux, xan xabich jiw taenx, makmarkaspi Dios pejsellotat, potuajnuhanpijiw. Kaenanula japatuajnuhanpijiw xabich pinamutan. Japi nuil Dios pejtua-ekax wuajnalel, Cordero wuajnalelbej. Puexa japi papoeikal naxoei. Japi xabich pin-iakola xot, kaen xajupaxil japi jiw xajuiliajwa. ¹⁰ Puexa japi pinjametat jum-aech:

“WajDios, ekpon pejtua-ekaxtat, Corderobej, japi nakbu'weyaxael” —aechi.

¹¹ Dios ekxot masajiasnuil cuatro choef kabuan-aechpi. Japi choef kabuan-aechpixot ancianos masajiasnuil. Japi ancianosxot masajiach angeles. Puexa japi brixtat nuil wut, sat makxabijnik. ¹² Sitaen xot, jum-aechi Diosliajwa:

“Dios, xam diachwuajnakolax xanal nabu'weyaxaelam. Samata, pomatkoicha xamliajwa gracias-an. Xam pachaemam. Xabich puexa matabijtambej. Samata, xanal xam xabich sitaenx. Xam puexa jiw tato'lambej. Pomatkoicha xabich mamnikambej. ¡Japox nej ja-aeché' xamliajwa!” —aechi Diosliajwa.

¹³ Do jawut, kaen anciano nawuajnachaeamt wut, jum-aechon: “¿Masikat ampi jiw, papoei naxoew? ¿Amxotkat ampi jiw fulaen?” —na-aechon. ¹⁴ Xan jumnotx wut, jum-an: “Xam chiekal matabijtam” —an xan. Samata, japon anciano najum-aech: “Japilap xabich nabijat, that toep wut. Japi jiw naexasitpi Cordero tuppox japi bu'welijaes. Samata, japi naxoei papoei, bu'wuajanjil xotlisi Diosliajwa.

¹⁵ “Samatabej, japi jiw nuil Dios pejtua-ekaxtat ekxot wuajnalel. Nabichfuli Dios pejtemplobatat matkoi, madoibej. Japi jiw Dios tataeflaxaes pachaemalpojan tapasasamatas.

¹⁶⁻¹⁷ Japi tataeflaxaes xoti Cordero, japon nukpon Dios pejtua-ekaxtat ekxot wuajnalel, kaes liboejtaeyaxilpi. Kaes minsilaxilbejpi. Masxaeyax kaes bu'foenaxisalbejpi. Cordero japi buflaeyaxael satlel minan nakakolsan poxade. Samata, jaxot japi jiw xabich nejchachaemlaxael. Majt nowpi, japi kaes noeyaxil” —aech anciano xanliajwa.

8

Séptimopijax, xape'sax, xakoeyasfutat

¹ Anciano suapich, nospaeixpox buxtoetx wut, jawut xan taenx Cordero, thialan wut taxdukaxape'sax xakoeyasfutat. Do jawut, Diosxotse xabich buansisjisnat. Japox ja-aech media hora. ² Do jawut, xan taenx siete angeles, Dios pejwuajnalel nuil wuti. Japi kaenanula chaxduws trompeta. ³⁻⁴ Baxael, asan angel fulaen. Japon angel xalaen, me-ama orobaext, japatutat bowaliajwa incienso. Nukon altar wuajnalel. Xabich chaxduwson incienso bowaliajwa altarmatwuajtat. Japox altar isas orotat. Japox nuk Dios pejwuajnalel. Angel incienso bot wut, japa-itnumtat matajul, Dios pejjiw kawuajan wut jum-aechpoxan. ⁵ Do jawut, angel wulut baext altarjtdelan. Japajitdelan angel thokcha that poxadik. Jawut xabich chamx nakliafbala. Jumse'balabej. Satbej najaet.

Seis angeles kaenanula nababapox trompeta

⁶ Siete angeles kaenanula thilt nababeliajwa trompeta.

⁷ Kaen angel matxoela nababa trompeta. Jawut xabich granizo thokchikas that poxadik. Japagranizo, jit suapich, matnatacholan, jal suapichbej. Japagranizo natacholan wut, me-ama iam thilan wut, ja-aech. Japagranizo jajaera. Xabich thunkbejpi. Jawut that, la tercera parte, toejwas, naechanbej. Toejwasbej pola, majwa-elpi.

⁸ Do jawux, asan angel nababa trompeta. Do jawutbej, taenx mux pinjiyax, tamdadut wut jakabuan-aechox. Japamux fo'akas mar poxadik. Jawut la tercera parte, mar, itjal.

⁹ Samata, la tercera parte marxoti, baxibej, xabich tup. Ja-aechbej, la tercera parte toejwas wut barkammochan marxot.

¹⁰ Baxael, asan angel, trespijin, nababa trompeta. Jawutlejen ithaejt toejwas, jopaful wut. Jopdik thatlel. Jopxot, la tercera parte, toejwas nawelan, satlel minan nakakolsanxotbej. ¹¹ Japa-ithaejt pawul Xasaxa-ithaejt. Puexa nawelanxot, satlel minan

nakakolsanxotbej, japa-ithaejt jopxot, min xabich xasaxnik. Japamin jiw af wut, xabich chawulatap.

¹² Asan ángel, cuatropijin, nababa trompeta. Jawut juimt matkoipijin, madoipijinbej, kaetafa itkua'nik. Ja-aech wut, chiekal itliaka-el. Ithaejbej kaetafael itliaka-el. Cuatro horas juimt matkoipijin, juimt madoipijinbej, itliaka-el.

¹³ Do jawux, taenx kakoef, athukal fulaen wut. Pinjametat jum-aechon: “Ampathat-pijiw xabich nabijasaxael, a sew, tres ángeles, kaenanula nababa wuti trompeta” —aech kakoef.

9

¹ Baxael, asan ángel, cincopijin, nababa trompeta. Jawut xan taenx, asan ángel fulaek wut that poxadik. Me-ama ithaejt jopaful wut, ja-aechon. Japon ángel chaxduch llave, pinamuthfafapijax. Japox mutht chinax matduka-el. ² Japallavetat fafaton pinamuth. Do jawut, japamuthxotsin xabich itnum nakolin. Me-ama lul pinjiyax lautas wut, xabich itnum wut, ja-aechox. Japox itnum it-el thatbaxo juimt matkoipijin itkua'nikaliajwa. ³ Japa-itnumxot xabich pin-iakola sui' nakola. Potuajnucha japi sui' xajup. Japi sui' tua-epi. Samata, xajupi jiw pajlaliajwa. Me-ama afu, kabuan-aech japi sui'. ⁴ Japi sui' jumtis: “¡Nabej tabejs pola, naexbej, naechanbej! ¡Dios pejsellotat jiw makmarka-esalpi, japikal tabejde!” —tis, japi sui' to'as wut. ⁵ Japi sui' tapae-esal, jiw pajal wut jiw chatupaliajwa. Pe japi sui' tapaeis, jiw pajal wut cinco juimtje xabich xaenkaliajwa. Me-ama afu piafda wut, jaxae-aech japi sui'.

⁶ Jiw, pajlasi, nejchaxoelaxael: “¡Xan xabich nawexaenk. Samata, tupasian kaes pejme paxaechax boejtaeflasamatan!” —chiyaxaeli, nejchaxoel wut. Pe Dios tapae yaxil japi jiw chatupaliajwa.

⁷ Japi sui' kawaei kabuan-aech. Patiyaxan xafafaspi. Me-ama nabeyax poxade fulaeliajwa wut, ja-aech japi sui'. Sui' pejmatnaetanxot, me-ama orocorona matlua'a wut, jamatnae-aechi. Sui' pejxubej, me-ama jiwxu wut, jaxu-aechi. ⁸ Japi sui' lakasnikbej. Me-ama watho' lakasnikpi, jala-aech japi sui'. Sui' pejbua'anbej, me-ama nuthbua'an wut, jabua'-aechi. ⁹ Japi sui' chanlaelabej pabok, xua'las wut xakolasamatas. Pejba'anbej xabich thixan-el. Me-ama kawaei zorra xadaduk wut, nabeliajwa fol wut, jaba'thia-aech japi sui'. ¹⁰ Tua-ebejpi. Me-ama afu, jatua-e-aechi. Japi sui' pejtua-etat pajal wut, jiw wexaenkaxaes cinco juimtje. ¹¹ Ángel, pinamuth tataeflan, chinax matduka-elmuth, japon japi sui' tato'al. Hebreojametat japon ángel pawul Abadón. Griegojametat pawulon Apolión.

¹² Matxoelapijax babijax toep. Pefuk we'p koleyax babijax pasliajwa ampathatat.

¹³ Pejme asan ángel, seispijin, nababa trompeta. Do jawut, jumtaenxbej jamekal, jum-aech wut altaxotdin. Japox altar isas orotat. Nukox Dios pejuajnalel. Japa-altarmatwuajtat, kaenanula esquinaxot nuil, me-ama pakmat-e, jasi. Japacuatro mat-exot japajame jum-aech wut, jumtaenx. ¹⁴ Japajame jum-aech seispijinliajwa: “¡Cuatro ángeles, kuspi pinjiyax nawelbabu'xot, japi jolde! Japox nawel pawul Éufrates” —aechox altaxot. ¹⁵ Do jawut, japi ángeles jols, pejmatkoi wepach xot japi ángeles beliajwa xabich jiw, la tercera parte ampathatpijiw. Japi ángeles xabich piach wuaj nawet japox isliajwa. ¹⁶ Samata, jawut japi ángeles kito'api soldaw potuajnuchanpijiw jiw beliajwa. Jumtaenx doscientos millones soldaw kito'aspox. Chijia wuti, kawaeitat chafolpi.

¹⁷⁻¹⁸ Ja-aech japox, masoxtat taenx wut, soldaw chaflaech wut kawaeitat. Japi matiafxafafas patiyaxan, padaelmajiw xua'balas wut xakolasamatas. Japi kaenanula matiafxafafas pasoeyax, pathoeyaxbej, pawaerlax suapichbej. Kaenanula japi pejkawaei, pejmatnaetan, me-ama nuthmatnaetan wut, jamatnae-aech japi sui'. Kawaeikaechanxot kaeknakakolas jit, itnuman, azufre-itnumanbej. Japoxantat japi xabich jiw, potuajnuchanpijiw, matkaejwas. ¹⁹ Japi kawaei pejto'thimatduilxot, me-ama jommatnaet wut, jatothi-oef-aech jiw liklaliajwas. Samata, jiw liklas wut, xabich jiw tup. Jasoxtat japi kawaei xabich jiw tabejt pejkaechantat, pejto'thitantatbej.

²⁰ Asew jiw, tupa-elpi japoxtat, japi kofa-el babijaxan ispoxan. Kofa-elbejpi dep kawuajanpoxan, ídolos kawuajanpoxanbej. Japoxan ídolos isas orotat, platatat, bron-cetat, ia'antat, naechantatbej. Ídolos asbuan jumch ídolos. Samata, japoxan taeyaxil. Jumtaeyaxilbejpox. Laejaxilbejpox. ²¹ Jiw, namapi ampathatat, kofa-elbejpi asew jiw bapoxan, pinjoe'axanbej, asew watho' bu'moejtpoxanbej. Kofa-elbejpi natkowaliajwa.

10

Ángel xafolpox xakoeyasfüt, cha-aelfüt, lelspx

¹ Do jawüt, xan taenx asan ángel, pamaman, fuloek wüt athulelsik itloejentat. Pejmatnaetabijlasik alwaera duk. Pejbe, me-ama jit tamdadut wüt, jabe-aechon. Xunakthianbejpon. Me-ama juimt nakthian wüt, jaxu-aechon. ² Xanukon pelfüt, cha-aelfüt, lelspx. Japafüt ba'tas. Majt japafüt xakoeyas. Poklatuaklel tuaknoton marminmatwujtat. Soenatuaklel tuaknoton satat. ³ Japon ángel xabich nejlat. Nejlat wüt, me-ama nuth jumbu't wüt, jajum-aechon. Japox jumtaenx wüt, chamx siete veces xabich jumse'bala. ⁴ Do jawüt, xan lelasian chamx jum-aechpox. Pe jawüt, asajame jumtaenx athulelsik najum-aechsik wüt. Japajame najum-aech ampox: “¡Asew jiw nabej chapae' jumtaenampoxan, chamx siete veces jumse'balapoxan! ¡Japoxanliajwa nabej lelabej, jumtaenampoxan!” —aech japajame xanliajwa.

⁵⁻⁶ Japon ángel poklalel muaxxachose wüt, jum-aechon: “Dios, pomatkoicha dukpon, japon thatbaxo is, puexa nejmach-athuxotpipej. Isbejpon that, puexa nejmach thatxotpipej. Isbejpon mar, puexa nejmach marxotpipej. Ampox jumchiyaxaelen, diachwuanjakolax, xan jum-an xot Dios pijaxtat. Dios chajia jum-aechpox moxlisox pasliajwa. ⁷ Pejme asan ángel, sietepijin, trompeta nababeyax tuadut wüt, jawüt Dios tuadusaxael isliajwa puexa chajiakolaxtat nejchaxoelpoxan. Jawütbej, tuadusaxael puexa profetas jum-aechpoxan jiwliajwa” —aech ángel, poklalel muaxxachosnik wüt.

⁸ Majt jumtaenxjame pejme athulelsik najum-aech: “¡Ángel, martat tuaknotpon, satatbej, japon mox soepande kifisliajwam japacha-aelpelfüt, ba'tasfüt!” —aechox, athulelsik najum-aech wüt xanliajwa. ⁹ Do jawüt, xan mox soepandax japon ángel. Xan wuljowx japapelfüt nachaxdusliajwapon. Wuljowx wüt, xan najum-aechon: “¡Maj! ¡Xaembej! Xaelam wüt, kaechxathu'axaelam. Me-ama miel wüt, kaechxachiyaxaelam. Do jawux, xaelam wüt, nejwoejtat xasaxnikaxael. Samata, chawulawoejxaenkaxaelam” —aech ángel xanliajwa.

¹⁰ Do jawüt, xan ángel kifix japapelfüt. Xaelx wüt, chiekal kaechxathu'an. Me-ama miel wüt, jakaechxa-an. Biajlax wüt, xasaxnik tajwoejtat. ¹¹ Jawüt ángel pejme najum-aech: “¡Puexa jiw xam chapaem Dios jum-aechpoxan! Japoxan asamatkoi jachiyaxael xabich asatujnuchanpijiwliajwa, asajamechan naksiyapiliajwabej, reyesliajwabej” —na-aech ángel, jum-aech wüt japoxan xanliajwa.

11

Asamatkoi kolenje aton jiw naewuajnaxaelpox Dios pejjamechan

¹ Do jawüt, japon ángel nachaxdut naeya xajuiliajwan. Do jawüt, najum-aechon: “¡Nande xajuiliajwam Dios pejtemploba, altarbej! ¡Jiw xajuimbej Dios pejtemplobaxoti, japi jiw Dios kawuajanpi! ² Dios tapaei judíos-elpi japatemplobafulmaktxot pasliajwa. Samata, ¡nabej xajajui' templobafulmakt! Asatujnuchanpijiw, judíos-elpi, pasaxael Jerusalén paklowaxxot. Japi jiw duilaxael cuarenta y dos juimtje japapaklowaxxot. ³ Asamatkoi to'axaelen japapaklowax poxade kolenje aton. Japi kolenje naxoeyaxael papopa. Japi naewuajnaxael jiw Dios pejjamechan mil doscientos sesenta matkoiyan” —na-aech ángel.

⁴ Dios pejwujnalel kole-olivonae nuk. Jaxot koloeyax candelabrobej. Japoxan, kolecandelabro, kole-olivonaebej, jiw taen wüt, nejchaxoelaliajwa japi kolenje, Dios

to'axaespi, japi jiw naewuajnalijwa Dios pejjamechan. ⁵Japi, kolenje, padaelmajiw besias wut, pejkaechaxot jit kaechnakakolsaxaespi padaelmajiw matkaejwaliajwas. Japoxtat xabich nejmachjiw tuxaxael, besias wuti japi kolenje. ⁶Japi kolenje naewuajan wut Dios pejjamechan, xajuxaxael Dios pijaxtat piach iam thilna-elaliajwa. Xajuxaxaelbejpi min jal itxaliaxaliajwa. Japi kolenje nejxasink wut asew jiw chapasliajwas pachaemaelpoxan, japi jiw chalechkal chapasaxaes japoxan.

⁷Do jawux, japi kolenje Dios pejjamechan naewuajnaex buxtoet wut, pejmachoeфан, babejkolan, nakolsaxoen pinamuthxotsin, chinax matduka-elmuthxot. Jawut pejmachoeфан nabeyaxael, japi kolenje suapich. Pejmachoeфан malechaxael japi kolenje, naba wuton, japi suapich. Samata, japi kolenje tuxaxael, baes wuti. ⁸Japi kolenje tux wut, oelaxael pinjiyax, Jerusalén paklowaxthialaxxot. Japapaklowaxxot majt wajpaklon kimatamatlas cruztat. Asew jiw jum-aech Jerusalén paklowaxliajwa: “Sodoma paklowax” —aech jiw. O, jum-aechbejpi: “Egipto tuajnu” —aechbej jiw Jerusalén paklowaxliajwa, Jerusalén paklowaxpijiw, xabich babijaxan is xot. ⁹Japi kolenje tres matkoi y medio oelaxael paklowaxthialaxxot. Potuajnuchanpijiw taeyaxaespi, oel wut. Jiw tapaeyaxil japi muthaliajwas. ¹⁰Japi kolenje be-esal wutfuk, japi naewuajan wut jiw Dios pejjamechan, japi, me-ama jiw xabich taliat wut, jachiyaxaeli. Samata, xabich jiw nejchachaemlaxael, taens wuti baespox. Do jawut, japi kolenje tux wut, padaelmajiw, jiw babejchow, fiesta isaxael. Jawutbej nakaewa malech nachaxduiyaxaeli.

¹¹Jawux, tres matkoi y medio wut, japi kolenje Dios mat-eyaxaes pejme duilaliajwa. Japi nana wut, jiw belwanaxael, japox taen wut. ¹²Do jawux, japi kolenje jumtaeyaxael, pinjame athulelsik jumtiskas wuti: “Julaman xanlelsan!” —tiskas wuti. Jawut japi kolenje julaxoei itloejentat. Padaelmajiw fultaeyaxaespi, julach wut. ¹³Japi kolenje athu poxase julach wut, jawut sat xabich najaesaxael. Samata, jawut Jerusalén paklowaxxot bachan xabich tatukpaxael. Jawut sat xabich naejaesaxtat tuxaxael siete mil jiw. Jiw namapi ampathatat xabich belwaxael. Samata, Dios kawuajnaexael wut, jumchiyaxaelpi: “Dios, xam xabich mamnikam!” —chiyaxaeli Dios, athupijinliajwa.

¹⁴Japox jachiyaxael, wachakalpijax babijax. Pefuk we'p asababijax. Japoxdo' asamatkoi pasaxael.

Ángel, sietepijin, nababapox trompeta

¹⁵Ángel, sietepijin, nababa wut trompeta, jawut xan jumtaenx Diosxotse pinjametat najum-aechsikpox:

“Wajpaklon Dios, Cristo suapich, japi tato'laxael potuajnuchanpijiw. Jachiyaxaes pomatkoicha jiwliajwa” —aechi.

¹⁶Veinticuatro ancianos, chalakpi tua-ekaxantat Dios pejwuajnalel, japi brixtat nuil. Makxabijniki sat. Jawut chimiajamechan jum-aechi Diosliajwa itpaeliajwa sitaeyax.

¹⁷Jum-aechi ampox Diosliajwa:

“Tajpaklon Dios, xanal gracias-an xamliajwa, tuadutam xot puexa ampathatpijiw tato'laliajwam. Xabich xajupam puexa isliajwam. Xam chajia wuajna dukam. Amwutjelbej nakiowa dukam.

¹⁸Puexa ampathatpijiw, nejjamechan naexaxis-eli, japi jiw xabich palala xamliajwa. Xam markampox, matkoi, pat japi jiw kastikaliajwam, xabich nalala xot. Jiw, matxoelatupi, kastikaxaelam. Profetas, xamliajwa nabisti, chaxduiyaxaelam pachaempoxan. Chiekal nabist wuti xamliajwa, ja-aech wut, chiekal chaxduiyaxaelam. Chiekal nabich-el wut, xam chiekal chaxduiyaxamil. Asew jiwbej, xam sitaenpi, paklochow, pamakbej, xam japi chaxduiyaxaelam pachaempoxan. Xamlax jiw toesaxaelam, asew jiw bapi” —aech ancianos Diosliajwa.

¹⁹Diosxotse Dios pejtemplobafafa pajut nafafat. Templobatutat xan taenx Dios pejbaul. Japabaültutat cha-ek Dios tato'alpoxan, matxoelalelspox. Japatato'laxanxot Dios jum-aech asamatkoi pejjiw bu'welijwapox. Jawutbej taenx chamx nakliafbalapox,

jumse'balapoxbej. Jawutbej sat xabich najaetbej. Taenxbej granizo, xabich natacholan wut. Me-ama iam thilan wut, ja-aech granizo, xabich natacholan wut.

12

Juan taenpox pawis, Satanásbej

¹ Thatbaxotat kaeow atow natulaelt. Japox xan taenx matabijsliajwan asamatkoi jachiyaxaelpoxliajwa. Japow puexa chapona-itliak. Me-ama juimt matkoipijin, chapona-aechow. Japow nuk juimt madoipijinmatwujat. Japow corona matlua't, doce ithaejpjax. ² Japow moejow. Xabich chanowpow, boejpuns xot naxuwllaliajwa. ³ Do jawut, jaxot pinjikolan dragón natulaelt. Japon maklej kabuan-aech. Japon pasoeyan, siete matnaetjapon, diez mat-etjebjapon. Kaenanula pejmatnaetanxot matlua'a corona. ⁴ Pejto'thit xawilcha wut, xabich pi'chapon ithaej. Jawut una tercera parte ithaej natacholan that poxadik. Jawut dragón nukjaba japow pejuwajnalel, yamxuch nalaelt wut kamta xaeliajwapon yamxuch. ⁵ Naxuwal wutow, faenow poich. Japoch yamxuch asamatkoi tato'laxael pothatapijiw. Jiw tato'al wut, chiekal tato'laxaelon. Yamxuch nalaelt wut, kamta bu'fos Dios poxade, Dios suapich chalakaliajwa. ⁶ Jawut najaetow pajilaxelde, Dios chaemt poxade. Jaxotde pomatkoicha japow naxaeyaxan chaxduiflas mil doscientos sesenta matkoianliajwa japow xaeliajwa.

⁷ Baxael, athuxotse Miguel, Dios pej-ángelespaklon, Dios pej-ángelesbej, naba, dragón suapich, dragón pej-ángeles suapichbej. ⁸ Miguel, pej-ángeles suapich, malechapi. Samata, dragón, pej-ángeles suapich, kaes athuxotaxili. ⁹ Jaxotat pinjin dragón fo'akas that poxadik, pej-ángeles suapich. Dragón asawul Satanás. Japon puexa dep pejpaklon. Chajiakolaxtat natulaelton jomtat. Japonlap xabich jiw pothata naekichachajba.

¹⁰ Do jawux, jumtaenx athuxotse pinjametat jum-aechpox:

“Satanás pomatkoicha, pomadoichabej, Dios pejuwajnalel xabich tasalaful jiw, Dios naexasiti. Japonlap fo'akas that poxadik. Samata, matkoi pat Dios xatis nakbu'welija babijaxan isapoxanliajwa. Dios nak-itpaeyaxaelbej pejpamamax. Matkoi patbej Dios pajut jiw chaliajwa, tato'laliajwabejpon. Cristobej jiw tato'laxael.

¹¹ Wajkoew, naexasitpi Cristo tuppox japi babijaxan isapoxanliajwa, japi chapaeibej asew jiw Cristo pejuwajan naexasitpox. Ja-aech wut, pejlwla-eli tupaliajwa. Samata, malechapi Satanás.

¹² Xamal athuxot duilampim, nejchachaemilde, Satanás fo'akas xot that poxadik! Xamallax, japathaxot duilampim, marxotbej, xabich nabijasaxaelam. Jachiyaxaelam Satanás pijaxtat. Japon pajut chiekal matabijt, kaematkoian suapich, wewe'paspo Dios kastikaliajwas” —aech athuxotse pinjametat jumtaenxpo.

¹³ Dragón that poxadik fo'akas wut, wulchakal najaeton pawis jaelsliajwa, naxuwalpow. ¹⁴ Jawut japow ba'duchas, kakoefba'. Samata, japow punjala pajilax poxade, dukaxael poxade. Jawut dragón xabich atuj waeltas. Japow pajilaxxot tres waechan y medio naxaeyaxan pomatkoicha chaxduiyaxaes japow xaeliajwa. ¹⁵ Do jawut, dragón min pinjiyax xul wut, japox nawel nadofa japow bu'laliajwa jaxotat. ¹⁶ Pe jawut, Dios pijaxtat sat tawakfula. Jawut japamin natoek, sat tawakfula poxadik. ¹⁷ Samata, dragón xabich palala, japow wia xot. Jawut dragón fulaech nabeliajwa, japow pamojiw suapich, japi naexasiti Dios tato'alpoxan, Jesús pejuwajan naexasitibej. ¹⁸ Do jawux, dragón nuk marbabu'tat wullalasiajwapon asan marpijin, japon kajachawaesliajwas.

13

Kolenje pejmachofan, babijaxan ispipox

¹ Xan taenx marxot pinjikolan pejmachofan, xabich babijaxan ispon, matlusan wut, julan wutbejpon. Japon nuk marbabu'tat. Japon siete matnaetan, diez mat-etjebjapon. Kaenanula pejmat-etxot matlua'as corona. Pejmachofan pejmatnaetantat lels pawulan. Japawulan jum-aech babejjamechan Diosliajwa. ² Pejmachofan, taenxpon, marxot

julan wut, japon, me-ama nuth nacheklan, jakabuan-aechon. Pejtuakbej, oso pejtuaak wut, jatuaak-aechon. Pejkaechabej, nuth pejkaecha wut, jakaecha-aechon. Dragón chaxdut pejtua-ekax, malis pamamaxbej, pejmachoeffanliajwa. Dragón tapaeibej japon pejmachoeffan xabich jiw tato'laliajwa. ³ Japon pejmachoeffan kaematnaetxot xabich pinmatnae-itfapon. Puexa jiw japox taen wut, nejchaxoeli: “Ampon bej tapaxaelbej amwut” —aechi, nejchaxoel wut. Do jawut, japa-itfa kamta chiekal koel. Pothatapijiw japox taen wut, nejchaxoelanuili. Samata, xabich japi jiw japon pejjiw nadofapi. ⁴ Japi jiw nuil brixtat dragón pejwujnalel itpaeliajwa sitaeyax. Jasox ja-aech, japi jiw pajut chiekal matabija xot dragón chaxdutupox pamamax pejmachoeffanliajwa. Nuilbejpi brixtat pejmachoeffan pejwujnalel. Nakaewa najum-aechi: “Pejmachoeffan xabich mamnik. Kaen malechaxisal, naba wut, japon suapich” —na-aechi nakaewa.

⁵ Dios tapaei pejmachoeffan jumchiliajwa babejjamechan Diosliajwa. Dios tapaeibej pejmachoeffan jiw tato'laliajwa tres waechan y medio. ⁶ Samata, pejmachoeffan jum-aechful babejjamechan Diosliajwa, Dios pejtemplobaliajwabej, Diosxotsepijiwliajwabej. ⁷ Tapaeisbejpon nabeliajwa, Dios pejjiwpi suapich, malechaliajwabejpon japi jiw. Tapaeisbejpon xabich jiw tato'laliajwa. ⁸ Xabich ampathatpijiw nuilaxael brixtat pejmachoeffan pejwujnalel itpaeliajwa sitaeyax. Japi jiw pejwulan lela-esal Cordero pejpelfutat, kimatamatlaspon cruztat. Japapelfutat wullelspikal duilaxael Diosxotse pomatkoicha. Japawulan chajia lels, Dios ampathat is-el wutfuk.

⁹ Xamal chiekal matabijasiam wut ampox, chiekal naewesaxaelam xan jumchiyaxaelenpox:

¹⁰ “Jiw jiapi jiw jebatat, japi bej asamatkoi jeyaxaes jiw jebatat. Jiw asew bapi espadatat, japi bej asamatkoi beyaxaes espadatat.”

Samata, Dios pejjiw nabijat wut asew jiw pijaxtat, japi jiw boejtaliasfulaxael. Japi xanaboejafulaxaelbej Dios chajia jum-aechpox japiliajwa jachiyaxaelenpox.

¹¹ Do jawux, xan taenx asan pejmachoeffan, babejkolan, satlel nakolsan wut. Japon kolemat-etje. Me-ama cordero wut, jamat-e-aechon. Naksiya wut, naksiyapon, me-ama dragón. ¹² Pejmachoeffan, marxot matxoelanakolsanpon, japon pijaxtat satlel nakolsanpon puexa jiw tato'al. Jawut satlel nakolsanpon puexa jiw to'a japi jiw jumchiliajwa marxot nakolsanponliajwa: “Xam xabich pachaemam” —chiliajwa japi jiw. Japon majt pinmatnae-itfa. Asew jiw japox taen wut, nejchaxoeli japonliajwa: “Amwut bej tapaxaelbejpon” —aechi, nejchaxoel wut. Pe jawut, japox itfa kamta chiekal koel. ¹³ Satlel nakolsanpon is koechaxan jiw taeliajwa. To'abejpon jit natacholnaliajwa athulelsik. ¹⁴ Japoxan japon is, marxot nakolsanpon suapich, xabich jiw, ampathatpijiw, naekichachajbaliajwa. Satlel nakolsanpon, japon jiw kito'a marxot nakolsanpon, me-ama japon pej-ael isliajwapi, japi jiw japox kawujnalialiajwa. ¹⁵ Jiw kitoet wut japox isax, satlel nakolsanpon pijaxtat japox, ídolo, pajut laeje. Do jawut, japox ídolo jiw to'a nuilaliajwa brixtat kawujnalialiajwapi japox. Kito'abejpon beliajwa jiw nuila-eli brixtat japox wujnalel jumchiliajwa: “Xam xabich pachaemam” —chiliajwa. ¹⁶ Satlel nakolsanpon kito'a puexa jiw kimarkaliajwas poklalel. Ja-el wut, makmarkaliajwas. Jakitis, puexa jiw markas wut, paklochowpi, paklochowa-elpibej, kimaeyow, kijilabej, esclavospi, esclavos-elpibej. ¹⁷ Jiw marka-esalpi, japi kitapae-esal pejew mowaliajwa, wujsliajwabej. Pejmachoeffan pejwultat markaspi, japikallax tapaeis pejew mowaliajwa, wujsliajwabej. Pejmachoeffan pejwula-el wut, japon pejnúmero markaspi, japilax tapaeis pejew mowaliajwa, wujsliajwabej.

¹⁸ Jiw nej nejchaxoele chiekal matabijaliajwa! Ja-aech wut, matabijaxaeli marxot nakolsanpon pejnúmero. Japon pejnúmero, seiscientos sesenta y seis. Japanúmero jiw matabijaliajwa japon pejwul.

¹ Xan taenx Cordero, nuk wut m̄axmatw̄ajtat. Japam̄ax pawul Sión. Japam̄axmatw̄ajtat Cordero bu'nuk pejiw, ciento cuarenta y cuatro mil jiw. Japi pejmaktat lels Cordero pejwul, Cordero pax pejwulbej. ² Jawux thiataenx, thia-okafulik wut. Xabich minafurt wut, jathia-aechox. Najubala wut, jathia-aechbejpox. Xan thiataenxpo, xabich jiw arpa daka wut, jathia-aechox. ³ Cordero pejiw pajeljajuit jajuw Dios pejw̄ajnalel, cuatro choef kabuan-aechpi w̄ajnalelbej, ancianos w̄ajnalelbej. Asew jiw, asam̄t̄pijiw, matabija-el jajuiliajwa japajajuit. Ciento cuarenta y cuatro mil jiw, bu'wiaspi ampathatat, japikal matabija japot jajuit jajuiliajwa. ⁴ Japi poejiw chinax watho' nos-el. Chinax asew watho' bu'moejs-elbejpi. Cordero fulaeyaxael poxade, japi jiw fulfulaeyaxael japoxade. Cordero t̄p wut cruztat, japon mot japi jiw babijaxan ispoanliajwa. Japi jiwlis Dios bu'wias. Japi matxoela bu'wias Dios pejiwaliajwa, Cordero pejiwaliajwabej. ⁵ Japi chinax kichachajba-el. Samata, chiekal bu'w̄ajanjillisi Diosliajwa.

Tres ángeles j̄m-aechpox asamatkoi jachiyaxaelpoxan ampathatat

⁶ Do jawut, asan ángel xan taenx, ath̄ fulaen wut. Chimiaw̄ajan japon xalaen cha-paeliajwa puexa ampathatpijiw. Japaw̄ajan pomatkoichaliajwa ampathatpijiwliajwa. ⁷ Japon ángel pinjametat j̄m-aech jiwliajwa: “¡Xamal sitaem Dios! ¡j̄mchisfulde: ‘Xam xabich pachaemam’ —amsfulde Diosliajwa! Patlisox Dios kastikaxaelpox jiw, babijaxan isfulpi. Dios is thatbaxo. That, marbej, ispon. Isbejpon satlel minan nakakolsanpoxan. Samata, j̄nuilde brixtat Dios kaw̄ajnalijwam!” —aech ángel jiwliajwa.

⁸ Do jawux, asan ángel taenx, ath̄ wachakal fulaen wut. Japon pinjametat j̄m-aech: “Babilonia paklowaxpijiw chiekal toejwas, pomatkoicha ídolos kaw̄ajan xoti. Samata, xabich asew jiwbej, pot̄aj̄n̄chanpijiw, nakxataeful ídolos kaw̄ajnanaxan. Japi jiw, Dioskal kaw̄ajna-el. Samata, japi, me-ama pawis pamalkal bu'moejs-el, ja-aech japi jiw” —aech japon ángel. ⁹⁻¹¹ Do jawux, asan ángel taenx. Japon trespijin. Japon ángel ath̄ fulaen wut, pinjametat j̄m-aechfuldinpon: “Jiw sitaen wut, nuil wutbejpi brixtat marxot nakolsanpon pejw̄ajnalel, japon pej-ael isaspox, ídolo, w̄ajnalelbej, ja-aech wut, Dios xabich palalaxael japi jiwliajwa. Kitapaei wutbejpi makmarkaliajwas, o, kimarkaliajwasbej, ja-aech wut, Dios xabich kaes pejme palalaxael japi jiwliajwa. Japi jiw xabich Dios kastikaxaes. Kakamwaxaesi jit, azufre suapich, tamdadutpox. Japoxantat japi jiw xabich nabijasaxael Dios pej-ángelos pejw̄ajnalel, Cordero w̄ajnalelbej. Japajit pomatkoicha ath̄ itnum julaxael. Pomatkoicha japi jiw nabijasaxael, matkoi, madoibej. Japox nabijasax toepaxil. Jachiyaxaes, japi jiw Dios kastikas wut” —aech ángel, trespijin, ath̄ fulaen wut.

¹² Samata, Dios pejiw boejtaliasfulaxael, nabijat wut. Japi chiekal naexasisfulaxaelbej Dios. Japi kofaxilbej Jesús pejw̄ajan naexasitpox.

¹³ Pejme j̄m̄taenx, ath̄ulelsik kaejame j̄m-aech wut xanliajwa: “¡Lelde Cristo pejw̄ajan naexasitiliajwa! Jiw Cristo pejw̄ajan naexasit wut, hasta japi t̄p wut, japi jiw xabich nejchachaemlaxael” —aech ath̄ulelsik xanliajwa naj̄m-aechsikpox.

Esp̄iritu Santobej naj̄m-aech: “Diachw̄ajnakolax japi jiw nejchachaemlaxael. Cristo pejw̄ajan naexasiti damlath̄ulaxael nabistpoxanliajwa Diosliajwa. Japi is pachaem-poxan asew jiwliajwa ampathatat. Samata, Dios chaxduiyaxaes malechpoxan Diosxotse” —aech Esp̄iritu Santo.

Dios kastikaxaelpox babijaxan ispi

¹⁴ Pejme taenx itloejen, xabich papoeyax. Japa-itloejenmatw̄ajtat aton ek. Matlua'ton orocorona. Xa-ekon pawulox hoz. Japox xabich pabua'. ¹⁵ Do jawut, asan ángel nakolt Dios pejtemplobaxot. Japon j̄m-aech pinjametat itloejenmatw̄ajtat ekon j̄m̄taeliajwa: “Patlisox matkoi xam chatsiapsliawam that poxadik. ¡Nejhoztat chatsiapde foelpi, pachaem xotlisi chatsiapsliawam!” —aech ángel, Dios pejtemplobaxot nakoldinpon. ¹⁶ Itloejenmatw̄ajtat ekpon chatsiapsdiklison foelpi. Jawut chanotlison japi.

¹⁷ Do jawut, asan ángel nakolt athuxot Dios pejtemplobaxot. Japonbej xafol hoz, xabich pabua'pox. ¹⁸ Jawut asan ángel fulaen altarxot. Japonlap altarjit tataeflan. Jawut pinjametat lapon asan ángel, Dios pejtemplobaxot nakoltponliajwa. La wut, jum-aechon: “¡Xabua'dik that poxadik uvadunan xabich tasiapaliajwam hoztat, xabich foei xotlisi!” —aechon. ¹⁹⁻²⁰ Japon ángel fulaeklison that poxadik uvadunan tasiapaliajwa. Tasiapa wut, japa-uvadunan chanoton. Kaeyaxtat thondik xabich pinjikolat poxadik uva-ufan jukaliajwa. Japot ek paklowax tathoetlel. Jaxot uva-ufan jukon. Xabich uva-ufan nakola wut, atuuaj uffol. Japa-uva-ufan, trescientos kilómetros pakchowax uffolpox. So'nik kaemetro y medio.

15

Siete ángeles kaenanula orocopantat chaxfolpox babijaxan, tabejsliajwapi that

¹ Athuxot taenx asamatkoi jachiyaxaelpox ampathat. Japox taenx wut, xan xabich beljwax. Siete ángeles kaenanula orocopantat chaxfol babijaxan, tabejsliajwapi ampathat. Japoxan ja-aech wut, Dios kaes palalaxil jiw babijaxan ispiliajwa.

² Do jawut, pejme taenx mar kabuan-aechpox. Japox vídrío kabuan-aech. Pe xabich tinkpox. Xabich thujalbejpox. Patuleldik jit kabuan-aechox. Taenxbej, jiw nuil wut marbabu'xot. Japi jiw kaenanula arpa xanuil, Dios chaxduwspoxan. Japi jiw malecha pejmachofan. Malechabejpi ídolo, pemachofan-aeltat isaspox. Kitapae-elpi markaliajwas pejmachofan pejnúmero, japon pejwulbej. ³ Japi jiw jajuw Moisés pejjajuit, Cordero pejjajuitbej. Japon Moisés, nabistpon Diosliajwa. Japi jajuw wut, jum-aechi Diosliajwa:

“Dios, xam xabich mamnikam. Puexa jiw tato'lamponambej ampathatat. Puexa isampoxan xabich pachaem. Xam jiw naekichachajba-emil.

⁴ Xam puexa jiw sitaeyaxael. Japi jiw jumchiyaxaelbej: ‘Xam xabich pachaemam’ — chiyaxaeli. Xam kaenam chinax babijax is-emil. Potuajnuchanpijiw xamxot pasaxael. Jiw nuilaxael brixtat xam nejuwajnalel kawuajnalijwa. Japox japi jiw isaxael xamlijwa, pajut taen xot xam isampoxan, xabich pachaempoxan” — aechi, jajuw wut jajuitat.

⁵ Do jawux, taenx athuxot Dios pejtemploba, pajut nafafasful wut. Samata, templo-batutat taenx kaepiezax. Japox pawal Lugar Santísimo. ⁶ Templobaxot siete ángeles nakola. Japi ángeles kaenanula xafol babijaxan that tabejsliajwa. Japi pejnaxoe xabich chimia, xabich papoeikolaxanbej. Xabich nakliafanbej japi pejnaxoe. Kaenanula pejmatiafanxot duw orocinturónmñatan. ⁷⁻⁸ Do jawux, cuatro choef kabuan-aechpi, kaen japixot chaxduw orocopan kaenanula siete ángelesliajwa. Japacopan kaenanula wulus. Japoxan jiw taen wut matabijaliajwa, Dios jiw babejchow xabich kastikaxaelpox. Jawut, Dios pejtemploba xabich itnumsfül wut, itnum wulukafül japatemplobatat. Japox jiw taen wut matabijaliajwa, japon xabich mamnikpon, xabich pachaemponbej. Samata, chinax kaen aton leyaxil Dios pejtemploba. Chiekal toet wut siete babijaxan ampathatat, ja-aech wut, Dios pejme tapaeyaxael jiw lelijwa japon pejtemploba.

16

Dios kastikaxaelpox babijaxan ispi

¹ Do jawux, jumtaenx pinjametat jum-aechpox Dios templobaxotdin siete ángeles jumtaeliajwa: “¡Xalaemk siete copan that poxadik! ¡Japacopan kaenanula chafa'balam thatxotdik!” —aech japajame Dios pejtemplobaxotdin.

² Do jawut, kaen ángel pejcopa chafakcha thatadik. Ángel japox is wut, ampathatpijiw, pejmachofan markaspi, japi jiw pobu'ta wenaduws bu'xaxaeflawaxae. Xabich pinaboejsbejpi. Jatisbej kawuajanpi ídolo, pemachofan-aeltat isaspox.

³ Do jawux, asan ángel, wachakalpijin, chafakcha pejcopa mar poxadik. Jawut mar jal nadofa. Me-ama aton, xua'laspon, pejjal wut, ja-aech mar. Samata, puexa choef, baxibej, tur, marpijiw.

⁴ Do jawux, asan ángel, trespijin, pejcopa chafakcha nawelanxotdik, pinalajanxotdik-bej, satlel minan nakakolsanxotdikbej. Puexa japaminan jal nadofa. ⁵ Do jawux, pejme jumtaenx asan ángel, japon puexa minan tataefulpon, jum-aech wut Diosliajwa:

“Dios, xam babijax is-emil. Xam amwutjel dukam. Xamlap majt dukambej, is-emil wutfuk that. Xabich jiw kastikam, japi jiw babijaxan is wut. Xabich babijaxan is-el wut, bijiat kastikam japi jiw. Samata, xam xabich pachaemam.

⁶ Amwutjel xam jiw kastikam, japi jiw chajiakolaxtat nejjiw xabich ba xoti. Japibej ba nejprofetas. Samata, amwutjel xam min itxaliaxam jal nadofaliajwa, japi jiw feliajwa japajal. Jasoxtat japi jiw xam kastikam” —aechon Diosliajwa, japon ángel, puexa minan tataefulpon.

⁷ Pejme jumtaenx asan ángel, altarxotdin jum-aech wut Diosliajwa: “Xam xabich mamnikam. Jiw xabich kastikam, xabich babijaxan is wut. Babijax is-el wut, japi jiw kastika-emil” —aech ángel Diosliajwa.

⁸ Do jawux, asan ángel, cuatropijin, pejcopa chafakcha juimt matkoipijin poxadik. Jawut xabich kaes pejme tujnik jiw kakamwaliajwas. ⁹ Samata, puexa jiw xabich bu'forwas masxaeyax. Japi jiw nakiowa Dios naexasis-el. Diosliajwa jumchi-elbejpi: “Xam xabich mamnikam” —chi-eli. Japi jiw lax asbuan jumch babejjamechan jum-aech Diosliajwa, japon xajupon xabich jiw kastikaliajwa, babijaxan ispi.

¹⁰ Do jawux, asan ángel, cincopijin, chafakcha pejcopa pejmachoeфан pejtua-ekax poxadik. Jawut xabich itkua'nik pejmachoeфан tato'altujnuxot. Japatujnupijiw xabich boejtaliat paxaechax. ¹¹ Jasoxtat japi jiw xabich nabijat wut, nakiowa asbuan jumch babijaxan isful. Japi jiw xabich nabijat paxaechaxtat. Waeisbejpi bu'xaxaeflawaxae. Samata, japi jiw babejjamechan jum-aechful Diosliajwa, athuxotse dukponliajwa.

¹² Do jawux, asan ángel, seispijin, pejcopa chafakcha nawel poxadik. Japox nawel pawl Eufrates. Jawut nawel kamta siow likaliajwa reyes, xabich pejsoldaw suapich. Japi fulaen juimt julanlelsan.

¹³ Jawux taenx tres dep. Japi kaboethyl kabuan-aech. Kaen kaboethyl nakolt dragón pejkaechatat. Asan kaboethyl nakolt pejmachoeфан, babejkolan, pejkaechatat. Asan kaboethyl nakolt profeta-elpon pejkaechatat. ¹⁴ Japi kaboethyl isful koechaxan. Jawut kaboethyl fulaech puexa reyes tamejaliajwa, nabeliajwabejpi, Dios suapich. Pe Dios kaes pejme xabich mamnik. Me-ama puexa ampathatpijiw, reyes, jachi-el Dios. Diachwujnakolax pat Dios markpox, matkoi, nabeliajwapon dragón, pejjiw suapich.

¹⁵ Jawut jumtaenx, Jesús jum-aech wut asamatkoi jachiyaxaelpoxliajwa: “¡Chiekal naewe'e! Pejme fuloekx wut, asamatkoi chalechkal pasaxoekan. Me-ama kithakan chalechkal pat, xan jachiyaxaelen, chalechkal pasaxoekan wut. Aton pajut chiekal natataeflaful wut, is-el wutbejpon asaxan babijaxan, asamatkoi xan paskax wut, japon aton xabich nejchachaemlaxael. Japon padalaxil xanliajwa, babijax is-el xoton” —aech Jesús, jum-aech wut asamatkoi jachiyaxaelpoxliajwa.

¹⁶ Do jawux, japi dep tameja puexa reyes. Reyes tamejas, pejsoldaw suapich. Natamejaxot pawl hebreojametat Armagedón.

¹⁷ Do jawux, asan ángel, sietepijin, chafakcha pejcopa joewa poxadik. Jawut, Dios pejtemplobatat Dios pejtua-ekaxtat ek wut, pinjаметat jum-aechon: “Puexa tuadutlisox, xan jum-anpoxan” —aechon. ¹⁸ Do jawut, xabich chamx nakliafbala. Jumse'balabej. Sat xabich kaes najaetbej. Ampathatxot majt jasox jachi-el, sat najaet wut. ¹⁹ Jawut pinjiyax, Babilonia paklowax, tawakfula wut, trestafaje nadijan. Asapaklowaxanxotbej bachan xabich jawal. Jawut Dios tuadut Babilonia paklowaxpijiw kastikaliajwa. Dios xabich palala japapaklowaxpijiwliajwa, xabich babijaxan is xoti. ²⁰ Sat xabich najaet wut, puexa tanaetan, pinamuxanbej, kijchas. ²¹ Jawut xabich granizo natacholanbej. Xabich pinjitan. Japi granizo jajaera. Xabich thunkbejpi. Japotan kaenanula downik, me-ama kaes cuarenta kilos. Samata, japatujnupijiw jum-aech babejjamechan Diosliajwa, xabich kastikas xoti Dios.

17

Dios kastikaxaelpox ídolos kawuajanpi

¹ Siete ángelesxot, kaen japixot xan napa'an. Japon, ángel, najum-aech: “¡Xabua't! Xam itpaeyaxaelen Dios kastikaxaelpox pinjiyax, Babilonia paklowaxpijiw. Japapaklowax isas nawelanbabu'antat. Japapaklowaxpijiw, me-ama pawis, poejiw bu'moejtpow plata kanaliajwa, ja-aech japapaklowaxanpijiw, kawuajnaful xoti ídolos. ² Puexa ampathatpijiw, reyes, japi majt Dioskal kawuajan. Japi reyes Babilonia paklowaxxot papat wut, japibej ídolos kawuajnaful. Kaen Dioskal kawuajnafula-ellisi” —na-aech ángel xanliajwa.

³ Do jawux, xan Espíritu Santo pijaxtat masoxtat taenx, ángel nabu'fol wut pajilax poxade. Jaxotde taenx kaeow pawis, tua-ek wut pejmachofan, pasoeyan. Pejmachofan siete matnaetje, diez mat-etjebejpon. Pobu'ta xabich pawulan lels. Japawulan jum-aech babejjamechan Diosliajwa. ⁴ Japow pejyiaf xabich pasoeyax. Xatafals, asacolor suapich. Japacolor pawul púrpura. Pejyiaf xabich duws oro chapachaemaliajwa, ia' ommaenkpibej, asewbej, pawuli perlas. Japow chaxfol orocopa. Xan japacopa taenx wut, chiekal matabijtax japow xabich babijaxan ispoxan, ídolos kawuajanpoxanbej. ⁵ Japow pejmaktat kaewul lels. Japawul jum-aechpox puexa jiw matabija-el. Pe japawul ampox jumchiliajwa: “Pinjiyax, Babilonia paklowax, japapaklowaxpijiw kofa Dios kawuajanpoxan. Amwutjel japi jiw kawuajnaful ídolos. Isfulbejpi kaes asaxan, babijaxan. Ja-aech wut, puexa asapaklowaxanpijiw nakxataeful japoxan isaxan” —chiliajwa japawul, japow pejmaktat lels. ⁶ Do jawut, xan tajut chiekal matabijtax, japow saxtas Dios pejjiw pejjal, japi baespi, Jesús pejwuajan naewuajan wut.

Japox taenx wut, xan xabich nejchaxoelx. ⁷ Do jawut, ángel najum-aech: “¿Ma-aech xotkat xam xabich nejchaxoelam? Xam amwut chiekal chanaekabuanaxaelen asew jiw matabija-elpoxfuk ampow pawisliajwa, pejmachofanliajwabej, japon siete matnaetje, diez mat-etjebejpon. ⁸ Pejmachofan, xam taenampon, majt japon duk. Pe amwutjel, japon amxota-el. Japon asamatkoi nakolsaxoen muthxot. Japox muth xabich funiachdik. Jiw matdukax tae-esal. Jiw, wullela-esalpi Cordero pejfutat, kimatamatlaspon cruztat, japi jiw pejme taen wuti pejmachofan, xabich nejchaxoelaxaeli. Pe nakiowa, pejmachofan asamatkoi, Dios pejkastikamatkoi pat wut, japon pejmachofan kastikaxaesbej” —na-aech ángel.

⁹ Ángel pejme najum-aech: “Jiw matabijapi, japi jiw matabijaxael xan jumchiyaxaelenpox. Pejmachofan, siete matnaetjepon, japon pejmatnae japi jiw taen wut nejchaxoelaliajwa siete muxanmatwuajantat isaspox Babilonia paklowax. Japon pejmachofan pejmatnae, siete matnaetjepox, japi jiw taen wut nejchaxoelaliajwa siete reyes tato'alpox japapaklowaxpijiw. ¹⁰ Cinco reyes, Babilonia paklowaxpijiw tato'alpi, japilis kaenanula nakolaful. Amwutjel asan reywich tato'al japapaklowaxpijiw. Japontat seis reyes. Tato'la-elfuk sietepijin. Asamatkoi, japon sietepijin rey wut, xabich piach tato'laxilon. ¹¹ Pejmachofan, majt tato'alpon, japonliajwa amwutjel chiekal matabija-esal, chiekal ajil wut, o, nakiowa wuton. Japonlap asamatkoi ochopijnaxael, rey wuton. Siete reyesxot, japon kaen majt rey nadofa. Japon pejme rey wut, japonlap Dios chiekal toesaxaeson” —na-aech ángel xanliajwa.

¹² Do jawut, pejme ángel najum-aech: “Diez mat-etje taenampon, jiw japox taen wut, nejchaxoelaliajwa diez reyes tato'laxaelpoxliajwa. Japi reyes tuadui-elfuk jiw tato'lax. Asamatkoi japi reyes kamta kaewutje jiw tato'al wut, asbuan jumch tapaeyaxaes kaehora jiw tato'laliajwa. Japi reyes tato'al wut, tato'laxaeli, pejmachofan suapich. ¹³ Diez reyes asamatkoi tato'al wut, japi kaenejchaxoelaxael. Japi kaenanula tapaeyaxael pejmachofan tato'laliajwa pejjiw. ¹⁴ Japi reyes nabeyaxael, Cordero suapich. Pe Cordero malechaxael, puexa jiw tato'lan xot, japon puexa reyes tato'lan xotbej. Puexa jiw, Dios makanochpi japon pejiwaliajwa, japi jiw, Cordero suapich, malechaxaeli pejmachofan, japon pejiwbej” —na-aech ángel.

¹⁵ Ángel pejme najum-aech: “Nawelan mox xam taenampi Babilonia paklowaxxot, japi nawelan, jumchiliajwa ampox: ‘Ampathatpijiw’ —chiliajwapox. ¹⁶ Japi, diez reyes, pejmachoe fan suapich, japi xabich nejweslaxael Babilonia paklowaxpijiw. Samata, japi Babilonia paklowaxpijiw ba wuti, japapaklowaxpijiw pejew xabich nosaxaeli. Do jawux, japapaklowax lausaxaelbejpi. ¹⁷ Diez reyes asamatkoi kaenejchaxoelaxael tapaeliajwapi japon pejmachoe fan tato'laliajwa puexa ampahatpijiw. Japox jachiyaxael, me-ama Dios chajiakolaxtat jum-aech japoxliajwa. ¹⁸ Xam taenampow, pawis, tua-ekpow pejmachoe fan, pasoe yan, japow taenam wut, nejchaxoelaliajwam: ‘Ampow, me-ama Babilonia paklowaxpijiw, ja-aechow’ —chiliajwam, nejchaxoelam wut. Babilonia paklowaxpijiw tato'al puexa ampahatpijiw, reyes” —na-aech ángel xanliajwa.

18

Babilonia paklowaxpijiw toejafaspox

¹ Do jawux, taenx, asan ángel fuloek wut athulelsik. Japon ángel xabich asew ángeles tato'al. Japonbej chapona-itliak. Japox itliakax itliak thatat. ² Japon ángel pinjametat jum-aech:

“¡Pinjiyax, Babilonia paklowax, toejafas! Amwutjel japapaklowax dep pejpaklowax nadofa. Japapaklowaxxot xabich thutha, kakan, pejmachoe f. Japikal amwutjel naliaxa, Babilonia paklowax toejafas wut.

³ Babilonia paklowaxpijiw, japi jiw kawuajan ídolos. Reyesbej ja-aech, pejjiw suapich. Babilonia paklowaxpijiw ídolos kawuajan wut, kaes asaxan babijaxan isbejpi. Samata, Babilonia paklowaxpijiw asapaklowaxanpijiw xabich tabejt. Babilonia paklowaxpijiw xabich kimaenk. Japi xabich kimaenk wut, asapaklowaxanpijiw nejmachpejew xapapat mowaliajwa. Samata, japi mowa wut pejew, japibej kimaeya nadofa. Babilonia paklowaxpijiw Diosliajwa babijaxan is xot, toejafas” —aech ángel.

⁴ Do jawux, pejme jumtaenx athulelsik, asan ángel jum-aech wut: “Tajjiwampim, ¡nakolim Babilonia paklowaxxot nak-isasamatam babijaxan, japi jiw ispoxan! ¡Ja-amde xamal, Dios kastika wut japi jiw, xamalbej matkastikasamata, japi jiw suapich!

⁵ Babilonia paklowaxpijiw xabich babijaxan is. Samata, japi ispoxan babijaxan kaeyaxtat thuch tamejafulas wut, japoxan babijaxan pasaxael thatbaxo. Dios nejkiowa-el Babilonia paklowaxpijiw babijaxan ispoxanliajwa.

⁶ Babilonia paklowaxpijiw japoxan is xot, asew jiw nabijat japoxantat. Samata, asamatkoi Babilonia paklowaxpijiw Dios kastikas wut, xabich kaes pejme nabijasaxael.

⁷⁻⁸ Babilonia paklowaxpijiw nejchaxoel: ‘Xatis kaes pejme pachaems. Me-ama asew jiw, jachi-esal’ —aechi, nejchaxoel wut. Japi xabich babijaxan isfulpoxantat xabich plata kanapi. Samata, japi xabich ommaeyaxan wuajti. Nejchaxoelbejpi: ‘Xatis, me-ama reyes wut, jatis, xabich xot wejew. Chinax kaeyax xatis nakwewe'pael. Kaematkoi nejchaemilaxisalbej’ —aechi, nejchaxoel wut Babilonia paklowaxpijiw. Japi asbuan jumch japox nejchaxoel xot, Dios xabich kastikaxaesi. Samata, asamatkoi chalechkal wepasaxaes babijaxan. Pejjiw wetups wut, xabich wunoeyaxaeli. Xabich litaxaelaxaelbejpi. Chalausaxaesbejpi toejafaliajwas. Jasoxtat japi jiw kastikaxaes wajpaklon Dios, xabich mamnikpon” —aech ángel athuxotsik.

⁹ Babilonia paklowaxpijiw pijaxtat, puexa ampahatpijiw, reyes, kawuajanbejpi ídolos. Samata, Babilonia paklowax lautax wut, itnum taen wuti, japi reyes xabich wunoeyaxael.

¹⁰ Japi reyes atuaj natachaemanuilaxael, pejlwla xoti, Babilonia paklowaxpijiw kastikas wut. Japi reyes jumchiyaxael:

“¡Xabich jiw nabijat, pinjiyax Babilonia paklowaxpijiw, japi majt puexa jiw xabich sitaenspi! Japi jiw kastikas wut Dios, kaehoratat puexa japi jiw chiekal toejafas” —chiyaxael reyes Babilonia paklowaxpijiwliajwa.

¹¹ Asatuajnuchanpijiw xalalaelnapi pejew mowaliajwa, japi jiwbej wunoeyaxael japapaklowaxpijiwliajwa. Jasoxtat wunoeyaxaeli, ajilaxael xot wuajsiw. ¹² Japi jiw majt xalalaena pejew, oro, platabej, mowaliajwa. Xalalaenabejpi chimia-ia', ommaenkpi, perlasbej. Xalalaenabejpi chimiabu'an, asabu'anbej, pabujabu'an. Japabu'an pasoeibu'an. Asacolorpi, púrpurabu'anbej. Xalalaenabejpi nejmachtablafachan, xabich xabejniki. Xalalaenabejpi isaspi marfiltat, isaspibej chimianaechantat. Xalalaenabejpi isaspi broncetat, anaeltatbej, mármoltatbej. ¹³ Xalalaenabejpi canela, asaxanbej, naxaeyaxan chaxsipi. Xalalaenabejpi xabejniki, incienso, mirra, perjumaminanbej. Xalalaenabejpi vinominan, olivosiminan, harinabulan, trigobulanbej. Buflaenbejpi pak, ovejas, kawaei. Xalalaenabejpi carrozas jiw chananuasmliajwa. Buflaenbejpi jiw mowaliajwa, japi jiw esclavosliajwa, nabichliajwapi japatuajnutat. ¹⁴ Asatuajnuchanpijiw, xalalaenapi pejew mowaliajwa, japi nakaewa najumchiyaxael Babilonia paklowaxpijiwliajwa:

“Babilonia paklowaxpijiw laelp wut, ¡puexa naebaech kaechnejxasink xaeliajwa! Amwutjel japi tup xot, ¡kaes xaeyaxillisi kaechnejxasinkbaech xaeliajwa! ¡Japi pejew plata, ponan, xabich chimiapibej, puexa japoxan chiekal nafa'al!” — nachiyaxael japi jiw nakaewa Babilonia paklowaxpijiwliajwa.

¹⁵ Pejew xabich mowaxpoxantat Babilonia paklowaxxot, japi kimaeya nadofalisi, japi taen wut Babilonia paklowaxpijiw kastikaspo, japilap pejlewt atua natachaemanuilaxael. Japibej wunoeyaxael japapaklowaxpijiwliajwa. ¹⁶ Jumchiyaxaeli:

“¡Babilonia paklowaxpijiw xabich nabijat! Majt japi jiw, me-ama kaeow pawis, xabich chamoeyax naxoelpow. Japow pejyiaf, me-ama pasoeyax, xatafasox color púrpura. Japow pejyiafxot, me-ama duws oro japow chimiowliajwa. Japow pejyiafxotbej, me-ama duws ia' ommaenkpi, perlasbej.

¹⁷ ¡Babilonia paklowaxpijiw chalechkal wetoeps kimaeyax!” —chiyaxael japi jiw, pejew majt mowapi Babilonia paklowaxxot.

Puexa paklochow, japi barkammochanpijiw, marinerosbej, nakxananuampibej pejew mowaliajwa, puexa japi atua chaduilaxael natachaemaliajwa, Babilonia paklowax lautas wut. ¹⁸ Puexa japi barkamtat nanuamtpi, Babilonia paklowax-itnum taen wuti, jumchiyaxaeli: “¡Ampox, kaeyax paklowax, pinjiyax! ¡Do kaes asapaklowax, pinjiyaxpox ajil, me-ama ampapaklowax, jasox!” —chiyaxael japi jiw japapaklowaxliajwa. ¹⁹ Japi puexa Babilonia paklowax-itnum taen wut, thumba pajut namatnaetholaxaeli, asew jiw japox taen wut matabijaliajwas japi xabich nejxaejwaspox. Wunoeyaxaelbejpi Babilonia paklowaxpijiw. Barkammochanpijiw pinjametat jumchiyaxael:

“¡Xabich nabijat Babilonia paklowaxpijiw! Barkamtat nanuamti Babilonia paklowaxxot pejew mowaliajwa, japi xabich kimaeya nadofa. Chalechkal Babilonia paklowaxpijiw Dios kastikas wut, ¡puexa japi chiekal toejafas!” —chiyaxael barkammochanpijiw.

²⁰ Jasoxtat Babilonia paklowaxpijiw Dios kastikaxaes, japi pijaxtat Dios pejjiw nabijat xot. Ja-aech wut, puexa jiw, Diosxotsepi, xabich nejchachaemlaxael. Xabich nejchachaemlaxaelbej puexa Dios pejjiw, ampathatpijiw. Nejchachaemlaxaelbej apóstoles, profetasbej.

²¹ Do jawux, ángel, xabich mamnikpon, ia't pinjit xachot, me-ama trigofu xatkianapot, jasot. Japot ia't fo'ak wuton mar poxadik, japot ia't kaes tae-esal. Jawut ángel jum-aech: “Me-ama japot ia't jiw kaes pejme taeyaxil, jachiyaxaesbej Babilonia paklowax.

²² Babilonia paklowaxxot jiw chiekal toejafaxaes wut, thiakijlanikaxael arpa dakapoxan. Thiajilaxaelbej flauta nababapoxan, trompeta nababapoxanbej. Jaxot chiekal ajilaxaelbej nabistpi. Samata, thiajilaxaelbej trigo xatkianapoxan ia'tat.

²³ Babilonia paklowaxxot lámpara itliakax itdeljilaxaelbej. Japapaklowaxxot jiw chiekal ajilaxael xot, ajilaxaelbej nakjiyaxan. Samata, atua jum-okpoxan fiesta is wut, japoxbej chiekal jumjisnikaxael. Asatuajnuchanpijiw, pejew mowapi potua-jnucha, japibej ajilaxael. Pinjoe'iwbej, jiw naekichachajbapi, japi ajilaxael” — aech ángel, jum-aech wut asamatkoi jachiyaxaelpox Babilonia paklowaxliajwa.

²⁴ Dios matabijt, Babilonia paklowaxpijiw ba wuti profetas, asew jiwbej, Dios pejiwpi. Japapaklowaxpijiw pijaxtatbej Dios pejiwpi baes potuajnucha. Samata, Dios xabich kastikaxael Babilonia paklowaxpijiw.

19

¹ Do jawux, jumtaenx Diosxotse, xabich Dios pejiw jum-aech wut. Jum-aechi ampox: “Xatis Dios jumchiyaxaes: ‘Xam xabich pachaemam’ —chiyaxaes. Dios nakbu'wiapon, japon kaen paklon, puexa jiw tato'lan. Japon xabich mamnik. Samata, xajup puexa isliajwa.

² Dios matabijt puexa pachaempoxan isliajwa. Jiw xabich babijaxan is wut, Dios xabich kastika. Samata, Dios xabich kastika Babilonia paklowaxpijiw, japi pijaxtat pothatapijiw is xot babijaxan. Japi pijaxtatbej Dios pejiwpi baes” —aech Dios pejiw Diosxotse.

³ Do japi Diosxotse pejme jum-aech: “Xatis Dios jumchiyaxaes: ‘Xam xabich pachaemam’ —chiyaxaes. Babilonia paklowax toejwas wut, makach itnum toepaxil. Potmatkoicha itnumaxael” —aech Dios pejiw Diosxotse.

⁴ Veinticuatro ancianos, cuatro choef kabuan-aechpibej, Dios ekxot wuajnalel nukapaoeli itpaeliajwa sitaeyax Diosliajwa. Jum-aechi Diosliajwa: “¡Pachaem xam isampox Babilonia paklowaxpijiwliajwa! ¡Xam xabich pachaemambej!” —aechi Diosliajwa. ⁵ Do jawut, Dios ekxot kaejame jumtaenx, jum-aech wut japajame:

“Puexa xamal Dios sitaenampim, paklochwam, paklochwam-emilpimbej, jum-amde Diosliajwa: ‘¡Xam xabich pachaemam!’ —amde!” —aech wut japajame.

Diosxotse fiesta ispox Corderoliajwa

⁶ Do jawut, xan pejme jumtaenxbej, me-ama jiw xabich jumxan-el wut, jajum-aechpox. Japox, minaposnik wut, jathia-aech. Japoxbej, xabich chamx jumse'bala wut, jathia-aechbej. Jawut japi jum-aech:

“WajDios, japon xabich mamnik. Japon xajup puexa isliajwa. Japon pajut tuadutbej pothatapijiw tato'laliajwa. Samata, xatis japon jumchiyaxaes: ‘¡Xam xabich pachaemam!’ —chiyaxaeson.

⁷ Nejchachaemlaxaes. Asew jiwliajwa jumchiyaxaesbej: ‘Kaen Dios xabich mamnik’ —chiyaxaes. Japox jumchiyaxaes, pat xot Cordero pejnakiyamatkoi. Japon pijwaxaelpow, thiltlisow.

⁸ Japow naxoelox xabich chamoeyax, xabich papoeikolax, nakliafanbej. Yiaf, xabich papoeikolax, japox jiw taen wut nejchaxoelaliajwa: ‘Japi Dios pejiw laelp wut, isfula-eli babijaxan’ —chiliajwapi, nejchaxoel wut” —aechox, me-ama jiw xabich jumxan-el wut, jajum-aechpox.

⁹ Do jawux, japon angel xan najum-aech: “Lelde xan jumchiyaxaelenpoxan: ‘Taduchpi naktaeliajwa Cordero pejnakiyafiesta, japi jiw nejchachaemlaxael’ ” —na-aech angel xanliajwa.

Do jawut, japon angel jum-aech xanliajwa: “Japajamechan diach chiekal wuajnakolax, Dios pejjamechan xot” —aech japon angel xanliajwa.

¹⁰ Do jawut, japon angel pejuajnalel xan brixtat nukx, sitaenx xot. Jawut najum-aechon: “¡Xam nabej nuke' brixtat xan tajwuajnalel! Xanbej nabistax Diosliajwa. Me-ama xam, asew jiwbej nabisti Diosliajwa, xanbej, ja-an. Kaen Dios sitaeyaxaelam” —aech angel xanliajwa.

Nejmachjiw naewuajan wut Jesús pejuajan asew jiwliajwa, japi Dios.

Jesús tua-ekpox kawaei, papoeyan

¹¹ Do jawut, taenx, thatbaxo pajut nafafat wut. Jawut natulaelt kawaei papoeyan. Kawaei papoeyan tua-ekpon, japon jiw tato'lan. Japon kichachajba-el, jiw tato'al wut. Naba wutbejpon, japon naba babejchow toesliajwa. Samata, japon pawal, Fiel y Verdadero. ¹² Japon pej-itfu, me-ama jitkaech-ia'an, ja-itfu-aechon. Xabich corona,

pin-iat, matlua'apon. Pejmakat kaewul maklelson. Japawul asew jiw matabija-el. Japon kaen pajut chiekal matabijt. ¹³ Japon naxoelpox, jal xathochpox wut, ja-aechox. Japon pawul, Dios Pejjame. ¹⁴ Japon xabich ángeles fulalaelpas. Japi ángeles naxoei papoei, pabujab'an. Japi ángeles chalaelp kawaei papoeitat. ¹⁵ Matxoelachafolpon kawaeitat, kaechmataluspon espada, xabich pabua'powa. Japowa espadatat nabeyaxaelon, ampathatpijiw suapich, chiekal naexaxisliajwas. Japon chiekal tato'laxaelbej potuajnuchanpijiw. Me-ama aton uva sae'en, uva-ufan nakolaliajwa, jachiyaxael Dios, jiw babejchow kastika wut. Jawut xabichaxael jal. Dios, xabich mamnikpon, jasox jachiyaxael, xabich palala xot jiw babejchowliajwa. ¹⁶ Matxoelachafolpon kawaeitat thuch naxoelaxxot, jaxot japon pejwul lels. Japon pejbetat pejwul lels. Japawul lelspon jum-aech: "Ampon puexa jiw tato'lan. Puexa reyes tato'lanbej" —aech japawul.

¹⁷ Do jawux, asan ángel taenx, nuk wuton juimt matkoipijinmatwujat. Japon pinjametat jum-aech puexa thuthaliajwa, kakanliajwabej, kaboerliajwabej, jiwchoelliajwabej: "¡Xabua't natamejalijwam, Dios pinjiyax fiesta is xot! ¹⁸ ¡Xabua't jiw patupa xaeliajwam! Xaeyaxaelam reyes. Xaeyaxaelambej soldawpaklochow. Xaeyaxaelambej pejiw, pejlewla-elpi nabeyaxanliajwa. Xaeyaxaelambej soldaw, japi pejkawaeibej. Xaeyaxaelambej puexa esclavos, esclavos-elpibej, paklochow, paklochowa-elpibej" —aech ángel puexa japiliajwa.

¹⁹ Do jawut, xan taenx pejmachofan, babejkolan. Jawut taenxbej, puexa reyes natameja wut, pejsoldaw suapich, nabeliajwa kawaei papoeyan chafolpon suapich, japon pejjiw suapichbej. ²⁰ Kawaei papoeyan chafolpon jaelt pinjin pejmachofan, marxot nakolsanpon. Jaeltbejpon profetakolna-elpon, japon xabich jiw naekichachajbapon. Do jawut, japi peldikon jitpuka poxadik, jit xabich tamdadutxot, azufre suapich. Japon profetakolna-elpon, majt koechaxan is pejmachofan pejwujnalel. Koechaxan is xot, jiw xabich naekichachajbapon. Samata, jiw kitapaei makmarkaliajwas pejmachofan pejmarkaxtat. Nuilbejpi brixtat kawujnalijwa pejmachofan pej-ael, japox ídolo isaspox. ²¹ Jawut kawaei papoeyantat chafolpon espada kaechmataluspon. Japowatat xabich bapon pejmachofan pejjiw. Do jawux, puexa, japi jiw, xabich xaeslisi thutha, kakan, kaboer, jiwchoelbej. Jawut japi jiw, patupa, xabich winafniaspi.

20

Mil waechan Cristo tato'laxaelpox ampathatpijiw

¹ Xan pejme taenx ángel, fuloek wut athulelsik. Japon xaloek llave, pinamuthfapijax. Japox muth chinax matduka-el. Xaloekbejpon pinamuat, cadenamuat. ² Japon ángel jaelt dragón. Xawaeton dragón cadenamuatat mil waechanliajwa. Dragón, japon Satanás. Chajiakolaxtat jomtat natulaeltpon. ³ Do jawut, japon ángel fo'akpon Satanás xabich pinjiyax, muth, poxadik. Chafaxawaechbejpon. Chafaxape'tason sello. Samata, Satanás mil waechan jiw naekichachajbaxil. Mil waechan xent wut, jolsaxaeson kaematkoianliajwa pejme jiw naekichachajbaliajwa.

⁴ Do jawux, xan pejme taenx, asew jiw chalak wut paklochow chalakpoxantat. Japi jiw Dios to'as kastikaliajwapi jiw babejchow. Taenxbej asew jiw pej-aelan, chajiakolaxtat taxtasiapbalaspi. Japi jiw laelp wutfuk, asew jiw naewujnalap Jesús pejwujajan, Dios pejjamechanbej. Japi kawujjna-elbej pejmachofan. Kawujjna-elbejpi japox ídolo. Kitapae-elbejpi makmarkaliajwas pejmachofan pejmarkaxtat. Kitapae-elbejpi pejkechan wemarkaliajwas. Samata, taxtasiapbalas japi jiw. Taenxbej japi jiw, Cristo suapich, asew jiw tato'al wut mil waechanliajwa. ⁵ Pe asew jiw, tupi, mat-e-esalfuk pejme duilaliajwa, mil waechan toepa-el xotfuk. Pe mil waechan toep wut, jawut japi jiw mat-eyaxaes pejme duilaliajwa. Japox jachiyaxael, tupi matxoela mat-eyaxaes wut pejme duilaliajwa. ⁶ Japi jiw matxoela mat-eyaxaes wut pejme duilaliajwa, japi xabich nejchachaemlaxael, Dios pejjiw xoti. Asamatkoi, Dios jiw kastika wut, babejchow, Dios pejjiw kastikaxisal xabich jit tamdadutxot. Japi jiwlap Dios pejsacerdotsaxael

kawuajnafulaliajwapi Dios, Cristobej. Japi swapich, Cristo asamatkoi jiw tato'laxael mil waechan ampathatat.

Satanás fo'axaeks pomatkoicha jaxotdik kastikalijwaspon Dios

⁷⁻⁸ Mil waechan toep wut, Satanás tapaeyaxaes nakolsliajwa muth, pinjiyax, chinax matduka-elxotsin. Japon nakolsaxael pejme naekichachajbaliajwa potuajnuchanpijiw, Dios naexasis-eli. Puexa japi jiw pawul Gog, Magogbej. Do jawut, Satanás xabich japi jiw tamejaxael nabeliajwa, Dios pejiw swapich. Me-ama thaejfu marxot xabich pin-iakola, jachiyaxael japi jiw, naexasis-elpi Dios.

⁹ Japi jiw chakipasaxael Jerusalén paklowaxpijiw. Japi chamasajoeyaxael Dios pejiw beliajwapi, japi jiw nejxasinkpi Dios. Jawut chalechkal jit, pinjiyax, jopaxoek masajoeyapi pejmatwuajajak puexa japi toejwaliajwas. ¹⁰ Do jawut, Satanás, jiw naekichachajbapijin, fo'axaes jitpuka poxadik, xabich jit tamdadut poxadik, azufrebej. Pe japajitpuka poxadik matxoela fo'axaeks pejmachoeffan, profetakolna-elponbej. Jaxotdik Dios japi pomatkoicha kastikaxaes. Samata, japi xabich nabijasaxael pomatkoicha.

Asamatkoi jiw, babijaxan ispi, nuilaxael pax Dios pejwuajnalel

¹¹ Taenx pinjiyax tua-ekax, papoeikolax Diosxotse. Taenxbej Dios, ek wut japatua-ekaxtat. Do jawut, japon pijaxtat that chiekal ajisnat, thatbaxobej. Japoxan pejme taenil asalel. ¹² Taenxbej jiw, naexasiti Jesús pejwuajan, ampathatat tupi, paklochow, paklochowa-elibej, nuil wut Dios pejwuajnalel. Taenxbej pel-uafan, fafalspoxan, oel wut. Japapel-uafantat lels puexa pachaempoxan, japi jiw ispoxan asew jiwliajwa, laelp wuti ampathatat. Taenxbej asafut. Japapelfutbej fach. Japafutat pejwulan lels, duilaxaelpi Diosxotse pomatkoicha. ¹³⁻¹⁴ Xabich jiw, tupi marxot, japibej Dios pejwuajnalel nuil. Puexa asew jiw, ampathatxot chajia tupi, jaxotse nuilbej. Puexa japi kastikas, babijaxan is xot. Babijaxan kaes ispi, japi kaes xabich kastikas. Japi jiw pomatkoicha jitpukaxot kastikas. Japoxlap wachakalpijax, patupax wulxael. ¹⁵ Japafutat jiw wullela-esalpi, japikal peltas jitpuka poxadik.

21

Dios isaxael pax pajelthat, pajelthatbaxobej

¹ Baxael, pejme taenx pajelthat, pajelthatbaxobej. Dios matxoela-ispoxan, that, thatbaxobej, marbej, puexa japoxan chiekal ajil. ² Jawutbej, xan taenx Dios pejpaklowax, Jerusalén paklowax, pajelax, fulaeflik wut Diosxotsik. Dios xabich chaemt japapaklowax pachaemaliajwa, puexa pejiw duilaliajwa japapaklowaxxot. Me-ama pawis chiekal nachaemt wut chamiowaliajwa pejbabijnaw wuljaesax wuajna, ja-aech amwutjel Dios pejpaklowax. ³ Do jawux, jumtaenx, pinjemetat jum-aech wut athulelsik Dios pejtua-ekaxtat. Jum-aechox: “Dios pajut amwutjel dukaxael pejiwtat. Japon Dios pomatkoicha japi jiw pejDiosnaxaelon. Japi jiwbej Dios pejiwaxael. ⁴ Ajilaxael noeyax. Ajilaxaelbej patupax. Ajilaxaelbej wunoeyax. Ajilaxaelbej bu'xaeyax. Puexa japoxan chiekal ajilaxael” —aech athulelsik.

⁵ Dios ek wut pejtua-ekaxtat, jum-aechon: “Puexa nejmach matxoela-isxopoxan, japoxan chiekal toetx. Do jawux, puexa pejme pajel isx” —aech Dios. Jum-aechbejpon: “¡Lelde amprawajan puexa jiw naexasisliajwa, diachwuajnakolax xot!” —aech Dios.

⁶ Do jawut, Dios pejme jum-aech xanliajwa: “Puexa xan chajia jum-anpoxan, japoxan ja-aechlisox. Xan akasestat puexa isx. Xan tajut pejme japoxan puexa toesaxaelenbej. Jiw, minsilapi, japi jiw xan malech chaxduiyaxaelen min, satlel nakakolsanmin. Japamin japi jiw af wut, duilaxael pomatkoicha. ⁷ Xan nanaexasiti, is-el wut babijaxan, Satanás tato'laspoxan, ja-aech wut, xan japi pejDiosnaxaelen, me-ama chajia jum-an. Japi jiwbej tajjiwaxael. ⁸ Asew jiw xan to'axaelen jitpuka poxadik, xabich jit tamdadutxot, azufre swapich. Jaxot jiw kastikax wut, japoxlap wachakalpijax, patupax. Jaxot pomatkoicha jiw babejchow kastikaxaelen. Jaxotaxaelbej jiw xan nanaexasis-elpi, japi pejlewlap

nabijasliajwa asew jiw pijaxtat. Jaxotaxaelbej jiw kofapi, majt xan nanaexasitpi. Jaxotaxaelbej xabich babijaxan ispi xanliajwa. Jaxotaxaelbej asew jiw bapi. Jaxotaxaelbej poejiw, asew watho' bu'moejtpi. Jaxotaxaelbej pinjoe'iw. Jaxotaxaelbej jiw ídolos kawñajanpi. Jaxotaxaelbej jiw kichachajbapijw” —aech Dios japox xanliajwa.

Pajelpaklowax, Jerusalén paklowax

⁹ Siete ángelesxot, kaen japixot xan napa'an. Japi kaenanula copa. Japacopa wulus siete matdukababijaxan toesliajwapi ampathat. Japon ángel xanxot pat wut, najum-aechon: “¡Xabua't! Xam itpaeyaxaelen Cordero pijwaxaelpow” —na-aech ángel. ¹⁰ Jawut Espiritu Santo pijaxtat masoxtat taenx, ángel nabu'fol wut xabich pinamuxax poxase. Japamuxaxmatwujatse ángel na-itpaei pajelpaklowax, Jerusalén paklowax, Dios pejpaklowax, fulaeflikpaklowax Diosxotsik. ¹¹ Japapaklowax itliak Dios pej-itliakaxtat. Japa-itliakax, me-ama ia't, ommaenkpot, pawulpot jaspe, ja-itdel-aech, itliak wut japapaklowax. Japox paklowax xabich thujajal, me-ama vídrio, jakabuan-aechbejpo. ¹²⁻¹³ Japapaklowax tathoetlel ia'kal chaxxajajials. Japox xabich da'nik. Xabich athubejpo. Puexa doce fafajebejpo. Be'klel tres fafaje. Bi'alel tres fafajebej. Beselel tres fafajebej. Asalel, bi'alel, tres fafajebejpo. Kaenanula fafachanxot kaen ángel nuk wesliajwa. Japafafachanxot Israel paxi, docepijw, wullelspi. ¹⁴ Japapaklowax chaxxajajials wut, ia' matxoela owas, pinanul, doce ia'. Japa-ia' fuletlelan lels doce apóstoles pejwulan. Japi Cordero pejiwpi.

¹⁵ Japon ángel, xan najum-aechpon, japon xafol oronaeya japapaklowax xajajuiliajwa, doce fafachanbej, paklowax chaxxajajialsxoxbej. ¹⁶ Do jawut, japon ángel naeyatat xajajupon japapaklowax. Kaelel paklowax xajajupon dos mil doscientos kilómetros. Japapaklowax puexa fuletlelan chiekal najur. Najurbej athulel. ¹⁷ Do jawux, xajajulison paklowax chaxxajajialsxox. Japox xajajupon sesenta y cinco metros athulel. Me-ama xatis xajajus wut métrotat, ja-aechbej japon ángel, xajajus wut.

¹⁸ Japox paklowax chaxxajajials ia', pawulpitat jaspe. Japapaklowax isasbej chiekal orokolatat. Japa-oro, me-ama vídrio bujaspi wut, jakabuan-aechi. ¹⁹ Doce ia', pinanul, nasala-owas chaxxajajialaliajwas Jerusalén paklowax. Japa-ia'lelanxot, xape'as asat ia't, ommaenkpot, pachaemaliajwa. Matxoelapijt ia't, xape'tas ia't, pawulpot jaspe. Wuchakalpijt ia't, xape'tas ia't, pawulpot zafiro. Trespijt ia't, xape'tas ia't, pawulpot ágata. Cuatropijt ia't, xape'tas ia't, pawulpot esmeralda. ²⁰ Cincopijt ia't, xape'tas ia't, pawulpot ónice. Seispijt ia't, xape'tas ia't, pawulpot cornalina. Sietepijt ia't, xape'tas ia't, pawulpot crisólito. Ochopijt ia't, xape'tas ia't, pawulpot berilo. Nuevepijt ia't, xape'tas ia't, pawulpot topacio. Diezpijt ia't, xape'tas ia't, pawulpot crisoprasa. Oncepijt ia't, xape'tas ia't, pawulpot jacinto. Docepijt ia't, xape'tas ia't, pawulpot amatista. ²¹ Puexa kaenanula doce fafachan isas kaeperlatat. Japapaklowax xabich pathialaxan maenk. Kaethiala pinathiala. Asathialaxan wut, jachi-el. Japapaklowaxthialaxan, chiekal orothialaxankal. Xabich thujajal. Me-ama vídrio wut, kabuan-aech japapaklowaxthialaxan.

²² Dios, xabich mamnikpon, jaxot duk, Cordero suapich, japapaklowaxxot taenil temploba, puexa japapaklowax, me-ama Dios pejtemploba wut, jakabuan-aech xot. ²³ Dios pej-itliakaxtat, Cordero pej-itliakaxtatbej, japapaklowax xabich itliak. Samata, japapaklowaxpijw wewe'pa-esal juimt matkoipijin, madoipijinbej, itliakaliajwa. ²⁴⁻²⁶ Potujajñuchanpijw, Dios bu'weyaxaesi, japi duilaxael japapaklowax-itliakaxtat. Puexa reyes xalaeyaxael pejew, xabich ommaenkpi, malech chaxduiliajwapi Dios. Japapaklowax pejfafachan pomatkoicha fafa jumch nuilaxael. Jaxot ajilaxael madoi, pomatkoicha itliakaxael Dios pej-itliakaxtat. ²⁷ Pe jiw, babijaxan ispi, leyaxil japapaklowax. Asew jiw, ídolos kawñajanpi, naekichachajbapibej asew jiw, japi leyaxil japapaklowax. Cordero pejfutat wullelspikal, japikal japapaklowax leyaxael, pomatkoicha duilaliajwa Diosxotse.

22

¹ Do jawut, ángel, Jerusalén paklowax xajajupon naeyatat, japon na-itpaeipon nawel xabich itatü'alpox. Jiw, japamin afpi, laelpaxael pomatkoichaliajwa. Japamin nakolan Dios ekxot, Cordero s̄apich. ² Japanawel fulaek pinathialatuchadik. Japanawel nataelachanuifful naebaechnaechan. Japabaech jiw xael wut, pomatkoicha laelpaxaeli. Kaejuimsful wut, japanaebaechnaechan naboesful. Japanae-uafbej pachaem potua-jnuchanpijiw nawoelija. ³ Japapaklowaxxot ajilaxael jiw babejchow kastikaliajwas. Dios, Cordero s̄apich, japi pejtua-ekax jaxotaxael. Dios pejjiwpi, puexa japi jiw nuilaxael brixtat Dios pejwujnalel, Cordero wujnalelbej, kawujnalija. ⁴ Dios pejjiw, maklelspi japon pejwul, japi jiw pajut chiekal taeyaxaeli Dios. ⁵ Japapaklowaxxot ajilaxael madoi, Dios itliakaful xot. Samata, japapaklowaxxot duilpi wewe'paxisal lámparas. Juimt wewe'paxisalbejpi. Jaxot duilpi pomatkoicha nakaewa natato'laxael.

Jesucristo pejfulaeyax mox pawujnapox

⁶ Do jawux, ángel pejme najum-aech xanliajwa: “Xan jumchiyaxaelenpox diachwujnakolax. Samata, pachaem xam chiekal naexasisliajwam. Chajiakolaxtat Dios kajachawaet profetas jumchiliajwa asamatkoi jachiyaxaelpoxan. Amwutjel Dios to'a pej-ángel jumchiliajwa Dios pejjiw matabijaliajwa mox pawujnapox jachiyaxaelpoxan ampathatat” —na-aech japon ángel.

⁷ Do jawut, ángel pejme najum-aech xanliajwa Jesús jum-aechpox: “Xan piach kijlax-inil. Kamtalejen pasaxoekan pejme. Tajwujjan chiekal naexasitpi, japi jiw asamatkoi nejchachaemlaxael, nejchaxoel wuti ampapelfutat lespoxanliajwa: ‘Diachwujnakolax asamatkoi japoxan jachiyaxael’ —aech wuti japoxanliajwa” —aech ángel xanliajwa Jesús jum-aechpox.

⁸ Xan Juan, taenxpoxan, jumtaenxpoxanbej, lelx ampapelfutat. Japoxan ángel na-itpaei wut, xan brixtat nukx japon pejwujnalel jumchiliajwan: “Xam xabich pachaemam” —chiliajwan. ⁹ Pe jawut, ángel najum-aech: “¡Tajwujnalel brixtat xam nabej nuke! Xanbej nabichnan Diosliajwa. Me-ama xam, asew profetasbej, ja-an xan Diosliajwa. Asew jiwbej, japi naexaxisaxaeli xam lelampoxan ampapelfutat, nabichaxaelpi Diosliajwa, ja-anlap-is xan Diosliajwa. Kaen Dios pejwujnalel brixtat nukaxaelam jumchiliajwam: ‘Xam xabich pachaemam’ —chiliajwam” —aech ángel xanliajwa.

¹⁰ Do jawut, ángel pejme najum-aech xanliajwa: “Diachwujnakolax asamatkoi japoxan jachiyaxael, xam ampapelfutat lelampoxan. Japawujjanliajwa xanaliyaximil, mox pawujna xot japoxan jachiliajwa. ¹¹ Samata, ampathatat laejam wut, jiw babejchow is wut babijaxan, j̄japoxan japi jiw nej isfulé! Asew jiw, nejchaxoelpi pachaemelpoxan, j̄japibej japoxan nej nejchaxoelafule! Jiwlax, isfulpi pachaempoxan, Dios nejxasinkpoxan, j̄japi jiw nej isfulé japoxan! Asew jiwbej chiekal naexasisasiapi Dios, j̄japi chiekal nej naexasisfulé Dios!” —na-aech ángel.

¹² Do jawut, ángel pejme najum-aech xanliajwa Jesús jum-aechpox: “Xan piach kijlax-inil. Kamta pejme pasaxoekanlejen. Xapasaxoekan kaenanula malech chaxduiliajwan. Xabich kaes nabisti xanliajwa, japi jiw kaes chaxduiyaxaelen. Chiekal nabich-elpi xanliajwa, xabich chaxduiyaxinillejen. ¹³ Diachwujnakolax xan jum-an: ‘Matxoela-isxpoxan, puexa toesaxaelen ajilaliajwa’ —aech Jesús” —na-aech ángel.

¹⁴ Jiw nejchachaemil, naexasit xoti Cordero t̄upox bu'welija. Japi babijaxan ispoxanliajwa. Jiw, papoei naxoeipi, japi Dios bu'wiaspi. Japi tapaeyaxaes pasliajwa Dios pejpaklowaxxotse. Kaectapaeyaxaesbejpi naebaech xaeliajwa, duilaliajwa pomatkoicha Diosxotse. ¹⁵ Asew jiw, Jesús pejwujjan naexasis-eli, leyaxil japapaklowaxxotse. Namaeyaxaeli tathoetat. Jiw leyaxil japapaklowax, xabich babijaxan ispi, pinjoe'iwbej. Leyaxilbej poejiw, asew watho' bu'moejtpi. Leyaxilbej watho', asew poejiw bu'moejtpi. Leyaxilbej asew jiw bapi. Leyaxilbej jiw, ídolos kawujjanpi, asew jiw naekichachajbapibej.

¹⁶ Do jawux, Jesús pajut chiekal xan najum-aechon: “Xan to'ax taj-ángel, japon xam kito'aliajwa lelaliajwampoxan tajwujajan naexaxisaxaelpiliajwa. Xan, rey David pamonan, me-ama ithaejt, nalianapijin, xabich itliak wut, ja-an xan” —na-aech Jesús.

¹⁷ Espíritu Santo jum-aech, Jesús pejwujajan naexasiti suapich, Jesúsliajwa: “¡Xam nabey kijle' piach ampathatxot pejme pasliajwam!” —aechi Jesúsliajwa. Asew jiw, jumtaenpibej japajame, japi jiwbej nej jum-aeché Jesúsliajwa: “¡Xam xabua'chmik!” —nej aechepi. Jiw wesia wut, japi jiw nej xabuata Dioslel malech bu'welijwas babijaxan ispoxanliajwa, duilialijwapi pomatkoicha Diosxotse!

¹⁸ Puexa jiw jumtaenpi xan lelpxoxan ampapelfutat, japi jiw chiekal naewe'e ampox! Asan aton kaes lel wut asaxan xan lelwxujajanxot, japon aton Dios xabich kastikaxaes. Me-ama Dios chajia jum-aech ampapelfutat babejchow kastikaliajwas, japon atonbej jasoxtat kastikaxaes. ¹⁹ Asan aton kaejame joei wutbej xan lelpxox ampapelfutat, japon atonbej Dios xabich kastikaxaes. Tapaeyaxisalbejpon leliajwa Dios pejpaklowaxxotse pomatkoicha dukaliajwa.

²⁰ Jesús pejme xan najum-aech: “Diachwujajnakolax xan xabich piach kijlaxinil. Kamtalejen pasaxoekan” —aech Jesús xanliajwa.

¡Japox nej ja-aeché! ¡Xabua't paklon Jesús!

²¹ Xan wajpaklon Jesús kawujajmax puexa xamal kajachawaesliajwa.